





A

V

7.



**CONTROVERSIÆ
THEOLOGICÆ
INTER S. THOMAM,
ET SCOTVM;**

*Super Quatuor Sententiarum Libros;
in quibus discordantes opiniones referuntur,
potiores difficultates elucidantur, &
responsiones ad argumenta
Scoti reijciuntur.*

PRIMA PARS.

*Auctore Reuerendiss. Patre
F. IOANNE DE RADA ARAGONIO,
Episcopo Paclensi, ex Ordine Minorum
Observ. assumpto, olim in Salmant.
Acad. Sacre Theol. Prelectore.*

*Opus non modo veriusque Scholæ professoribus,
verum etiam praeclaris ingenij's apprimè
utile, & necessarium.*

*Cum duplici Indice, quo Controversiarum, altero
rerum memoria, & notatu dignarum.*

Superiorum permissu, & Trinitatis.



VENETIIS, Apud Ioannem Guerilium, MDCXVIII.



1. The first part of the paper is devoted to a general discussion of the problem of the existence of a solution of the system of equations (1) for arbitrary values of the parameters α and β . It is shown that the system of equations (1) has a solution for arbitrary values of the parameters α and β if and only if the condition $\alpha + \beta = 1$ is satisfied. In this case the solution is unique and is given by the formula

$$x = \frac{1}{\alpha + \beta} \left(\alpha x_1 + \beta x_2 \right) \quad (2)$$

where x_1 and x_2 are the solutions of the system of equations (1) for $\alpha = 1$ and $\beta = 0$ and $\alpha = 0$ and $\beta = 1$ respectively. The second part of the paper is devoted to a study of the properties of the solution (2) for arbitrary values of the parameters α and β . It is shown that the solution (2) is a linear function of the parameters α and β and that it is a convex function of the parameters α and β if the condition $\alpha + \beta = 1$ is satisfied.

A V T H O R

Pio doctoq; Lectori .



Pythagoræorum superstitionem inter Christiānos Theologos (candide lector) locum habere, & miror, & doleo, apud quos tanti erat præceptoris sui autoritas, vt si hoc, vel illud Pythagoram dixisse audirent, id sibi statim verum esse persuaderent, immemores illius celeberrimæ Socratis in Carmide sententiæ: Considerandum semper esse verè ne dictum sit, non quis dixerit. Ita nonnullos nostris hisce temporibus doctrinæ, quam a suis præceptoribus tanquam certam, & indubitatam acceperunt, tanta cum pertinacia adhærere video, vt ab ea, vel latum vnguem discedere nefas esse putent, & Scoti opiniones veluti sophismata quædam irrideant, & malle se cum cæteris quandoq; errare, quam rectè cum Scoto sentire ineptissimè dictitent. Doctè quidem scripserint alij, fateor, addât etiam, si placet, doctissimè. Sed num ideo Scotus indoctè quia est illis aduersatus in multis? Doctissimus Plato, eius tamen doctrinam acerrimè impugnauit Aristot. totius philosophiæ parens, ac omniū philosophorum facile princeps. Doctissimus Zeno, ab eo tamen sapientissimus dissensit Carneades. Quid de Labeone dicam iurisperito nobili, & Proculianorum principe quam multa in iure a Capitone dissentiens ingenij fiducia innouauit? Vsitatum hoc est in omni scientia, vt præclara quæq; ingenia, aut honesto quodam æmulationis impetu, aut indagandæ veritatis ardore excitata, cum res in opinione versatur, aliquid semper noui afferant, & illud cæteris tanquam probabilius persuadere contendunt. Qui quidem, si quid melius afferant audiendi sunt: sin minus laudanda saltem industria. Quocirca. Arist. 1. Meta. & ijs, qui opiniones falsas veritatis cupidi induxerunt, & ijs qui eâ adepti sunt, immortales gratias agendas esse censet. His quidē, quia veritatem è latebris in lucē ediderunt: illis vero quia inueniendæ veritatis exiterunt causa. Si igitur Arist. contra Platonem: Carneadi contra Zenonem: Labeoni contra Capitonē: Scoto



contra D. Bonauent. & Alexandrum Alenf: eximie eruditio-
nis, & eiusdem instituti viros scripta relinquere licuit, & nul-
lus est, qui hoc vitio vertat: cur & eidem Scoto ingeniorum a-
cumini, & meritisimo æstimatori contra D. Tho. in his, quæ ra-
tionis, & ingenij humani captui subsunt, sua placita scitu, &
omni gloria dignissima, sanctisq; patribus, præsertim D. Aug.
maxime cõsona absq; culpa proferre minime licebit? Licebit
sanè, in his. n. quæ præcisè rationi innituntur humane, nõ quis
ea dixerit iuxta Socratis citatam sententiã, sed verane sint,
considerare oportet: amicus namq; Plato, sed magis amica ve-
ritas. Manebit certe (quidquid aduersarij senserint) sua Scoto
gloria, quia eius acutissimæ sententiæ propriarum rationum
acumine munitæ, argumentorumq; vi, & subtilitate suffultæ
veritate, aut probabilitate nequaquã ab oppositis vinci, & su-
perari possunt: vt vtriusq; sententiæ rationes, & fundamenta
diligenter contemplati haud dubie parere poterit. Quas in his
controuersijs grauissimorum Doctõrũ authoritatibus, & ratio-
nibus validissimis absq; verborum phaleris, dictionumq; le-
nocinijs D. Tho. prius explicata sententia suisque rationibus
& fundamentis munita confirmauimus: ornari quippe res ipsa
negat, contenta doceri. Doctorem angelicũ ob eius eximiam
vitæ sanctitatem, singularemq; ac omni laude dignam erudi-
tionem toto terrarũ orbe merito celebrandum, & Doctorem
subtilẽ supra omnem ingenij aleam omnium consensu merito af-
sumptum quasi duo Theologiæ scholasticæ præclara lumina
veneror, & amplector: eisq; veluti meis in Theologia progeni-
toribus immortales gratias ago. Nã Doctoris angelici doctri-
na in insigni admodum Salinanticensi Academia sub grauif-
simorum magistrorũ ferula nutritus sum: deinceps vero cogni-
to felicissimo Doctoris subtilis ingenio, animus quiescere non
potuit, quousq; eius singularem, acutissimamq; disciplinam
summis laboribus indefessisq; vigilijs adeptus sum. Cum. n.
adipiscendæ Theologiæ ardenti flagraret animus desiderio
sui voti cõpotem haudquaquã fore posse existimaui, nisi vtrius-
que Doctoris doctrinam, secumq; pugnantes sententias fun-
ditus perciperem. Quibus perceptis, scrupulis, ac difficultatib.
quæ studioso lectori, ne læto animo hilariq; vultu per viã Sco-
ticæ disciplinæ incederet, impedimento esse poterant, succisis,
& am-

& amputatis: vt crebris, & antiquis meorum discipulorū hor-
tatibus satisfacere, ac communi vtilitati, & necessitati sub-
feruirem, nec non & vt maiorum meorum obedientiæ obtem-
perarem, ad ipsas tuendas in posterumq; conseruandas, imò
ex angustijs in gratam spatiosamque siluam educendas, ac po-
steritati mandandas nulli vnquam parcens labori totum me
conuerti, ac consecraui. Quas tam D. Thomæ quam Scoti asse-
clis maximo adiuuamento futuras esse nullus ambigere potest:
nam cum hi Doctores sibi inuicem sint contrarij, mutuo se se
ad propriam adiuuant intelligentiam. Quis enim D. Thomæ
sententiā ad amissim percipiet, si oppositam Scoti sententiā,
eiusq; rationes, & argumenta, quæ sententiā D. Thomæ la-
befactare videntur, ignorauerit, aut è cōuerso? nullus sanè. Ad
publicas vero, & priuatas disputationes scito maxime profu-
turas.

Circā methodum vero, quam in his controuersijs obserua-
ui, prudens lector aduerte, me operam dedisse, vt vtriusq; Do-
ctoris sententiā radicitus explicarem. Primo autem D. Tho.
sententiā cum suis fundamentis, omnique sua vi, & robore
constitui: quam secundum communem discipulorum eius mē-
tem exposui: ne mihi ipsi, me nec D. Thomæ sententiā de-
clarasse, nec impugnasse obijcerent. Deinde vero Doctoris sub-
tilis opinionem exposui solutis argumentis eam impugnantibus,
nec non & responsionibus, quæ rationibus Scoti consti-
tui solent, explosis atque reiectis. Omnia, quæ in his contro-
uersijs dixi non solum sacrosanctæ Romanæ Ecclesiæ, quæ co-
lumna est veritatis, sed & Doctorum Theologorum cætui cor-
rigenda libenti animo subijcio. Accipe ergo benigne Lector
has controuersias, quibus si arriseris, citò diuino afflante spi-
ritu alias accipies. Vale.

CENSURA ET APPROBATIO
insignis incliti claustrī Vniuersitatis
Salmanticensis.



*Idimus, ac perlegimus Theologicas controuer-
sias inter Sancti Thomam, & Scotum quas
perquam colendus pater, ac doctissimus Theo-
logia professor instituti Minorum frater Iohan-
nes de Rada in commune bonum conscripsit:
quasque regius Senatus ad hanc inclitam Salmanticensem
Academiam misit: & illius fidei excutiendas expendendas-
que concedidit. In quo Opere omnia, quae continentur, ita sunt
secura, ut neque latum unguem a fidei regula, rectoque Ec-
clesiae tramite deuiare videantur. Quin praeter quod authoris
Sanctimoniam, ingenij acumen, ac singularem eruditionem,
demonstrabunt, ad intelligentiam doctrinae Sancti Thomae,
& subtilitatis Scoti, eiusque nexus resoluendos ad publicam
denique utilitatem omnium summopere proficient, & deser-
uiunt. Quare sic has lucubrationes uti valde eruditas, fru-
giferas, atque utilissimas approbauimus: ut merito euulgan-
das typisque excudendas esse censeamus. In cuius rei testimo-
nium, & fidem, examinationis, approbationisque manus pro-
priae subscriptionem adiunximus.*

Firmaron los Doctissimos Señores Maestros, y Cathedrati-
cos de propiedad, Diego Rodriguez Lencina Decano de
la facultad de Theologia, Fray Bartolome Sanchez, Fray
Pedro de Aragon.

C E N S U R A A D M O D V M

Reuerendi, ac doctissimi Patris Fratris

Gasparis ab Vzeda.

Theologicas controuersias inter D. Thomam, & Scotum per doctissimum patrem Fratrem Ioā. nem Radam apud Salmānticense Minorum Coenobium Sacrae, ac diuinæ scientiæ prælectorem admodum nuper, & apprimè discussas, qua potui diligentia a capite ad finem vsque (iussu per quam colendi patris nostri Prouincialis Ministri) euoluens: eas procul dubio & eruditione, & doctrina redundare, Scotica necnon subtilitate passim scaturire: earumque authorem ingenij acumine cæteros omnes Scoti interpretes facile superare, penitus intellexi. Pristinās profecto inter Thomistas, & Scotistas lites (quas nullus hactenus dirimerè ausus est) luculèter satis & ingeniosè valde author noster discernit. Quapropter audiendi nullatenus sunt, qui has Theologicas contentiones è medio omnino explodendas arbitrantur. Non enim maleuolentia, aut liuore aliquo, siue ambitione aduersarios superandi certat. Præliatur namq; prælia Domini. Sed cò Theologicæ quæstiones (christiana pietate) ab authore disputantur, quòd Doctorem probabiles sententiæ elucere aliter nequeant: quin prius ex vtrique parte fuerit causarum argumentorumque acerrima facta contentio. Iam verò benigne lector vniuersum hoc opus catholicam veritatem, ac Franciscanum candorem redolere facile prospicies: si pie & candide (prout virum probum decet) perlegeris. Nihil non scitu dignum harum controuersiarum codex tibi pollicetur: tantum abest, vt ab orthodoxæ fidei veritate alienum quid præferat.

*F. Gaspar de
Vzeda.*

A P P R O B A T I O

ADM. R. P. F. FRANCISCI ALDRETE
Ministri Prouincialis.



Rater Franciscus Aldrete Minister Prouinciae D. Iacobi Ordinis Minorum per quam Reuerendo Patri Fratri Ioanni de Rada eiusdem instituti atque Canobij Salmanticensis praetori felicitatem in Christo deprecatur. Quod
Scoticas peculiare sententias aduersariorum iniuria iam iam pene extinctas, & ab scholis omnino explosas; tuo labore, & ingenio luce meridiana clarius probabiles ostenderis, atq; eiusdem Doctores propugnatorem te constitueris, summa laude dignum existimo: teque de vniuersis Sacram Theologiam profitentibus, non possum non iure optimo bene meritum predicare. Nihil enim ad doctrinae veritatem inuestigandam magis necessarium doctissimi viri semper fuisse arbitrati, quam utrinque quaestiones subtiliter disputare, atque discernere intor ea quae opinionis ac fidei sunt: pleriq; enim Theologorum adeo usq; in magistrorum verba iurasse videntur, ut contrariam sententiam non iam opinionem, sed prorsus errorem, aut saltē temerariam iudicent. Tandem indixisti (his tuis controuersis) bellum omnibus aduersarijs: & inter alia multa obtinuisti etiam ut nullus iam deinceps (quemadmodum hactenus) recedere a D. Thomae sententia falsum ac periculosum (imo vero probabilissimum) existimare possit. Maestē igitur, felicissimis studijs esto: & ut ceteri tuo fruantur ingenio placuit facultatem libentissime praestare, ut haec scripta obtenta prius senatus regij licentia prelo mandari possint.

Fr. Franciscus Aldrete
Minister Prouincialis.

INDEX

INDEX CONTROVERSIARVM.

Quæ in hac Prima Parte discutiuntur.

CONTROVERSIA PRIMA.

An Deus clarè visus sit finis naturalis hominis. **1.** Et tribus absoluitur articulis.

Articulus **I.** an potentia susceptiua actus supernaturalis sit naturalis in ordine ad huiusmodi actum. **2**

Articulus **II.** an Deus clare visus sit finis naturalis hominis. **12**

Articulus **III.** an ratiōe naturali probari possit, Dei claram visionem, & fruitionem esse finem vltimum hominis. **19**

CONTROVERSIA II.

An Theolog. nostra sit proprie sciētia. **24.** Et cōtinetur trib. art.

Art. **I.** an nostra Theologia sit euidens. **24**

Articulus **II.** an nostra Theologia sit proprie scientia. **27**

Art. **3.** an Theolog. nostra subalternet sciētīę Dei, & beator. **35**

CONTROVERSIA III.

Vtrum Theologia sit practica. **44.** Et quatuor art. cōprehēditur.

Articulus **I.** Quid sit praxis, & quæ actiones, & operationes sub praxi comprehendantur. **44**

Articulus **II.** Quid sit notitia practica, quæ ad praxim extenditur, ipsam dirigendo. **51**

Articulus **III.** a quo notitia primo, & per se dicatur practica. **52**

Articulus **IV.** an Theologia sit scientia practica. **59**

CONTROVERSIA IV.

Vtrum diuina attributa inter se, & ab essentia, & similiter relationes ab essentia Dei ex natura rei formaliter distinguantur.

72. Et absoluitur duabus opinionibus, & duab. dubitationib.

Prima opinio est D. Tho. **74.** Secunda opinio est Scoti. **76**

Prima dubitatio. Quō saluari possit simplicitas diuina, si diuina essētia ponitur vt fundamentū & radix attributorū. **102**

Secunda dubit. an essētia diuina & relatio possint cōcurrere ad cōstitutionē psonę diuinę quin alterū sit actus alterius. **103**

CONTROVERSIA V.

Vtrum in diuinis sit ordo natura. **110.** Et duab. opinionib. cōtinetur.

Prima opinio, est D. Th. **110.** Secunda opinio est Scoti. **111**

a CON-

CONTROVERSIA VI.

Vtrum beatus possit videre diuinam essentiam non videndo personas, & frui essentia non fruendo personis. 121. Et duabus opinionibus continetur.

Primo opinio est D. Thomæ cum suis fundamentis. 122

Secundo opinio est Scoti, vbi simul opinio D. Thomæ impugnatur. 124

CONTROVERSIA VII.

Vtrum verbum intellectus creati sit actualis intellectio, an aliquid ab ea distinctum. 143. Et absoluitur duabus opinionibus & uno dubio.

Primo, opinio est, D. Thomæ. 144

Secundo opinio Scoti, quæ iuxta Augustini mentem acutissimè exponitur. 145

Dubitatio scitu digna. 157

CONTROVERSIA VIII.

Vtrum verbum diuinum producat per actum intelligendi, an per actum dicendi. 164. Et habet duas opiniones.

Prima opinio est D. Thomæ. 165

Secunda opinio est Scoti, quæ maximè fulcitur. 166

CONTROVERSIA IX.

Vtrum in diuinis possint esse plures productiones eiusdem rationis vt plures generationes. 179. Et in duos articulos diuiditur.

Articulus I. an verbum diuinum ex foecunditate naturæ producatnr. 179

Articulus II. Vtrum diuinis possint esse plures productiones eiusdem rationis, & plures quæstiones: vbi plura scitu digna tanguntur. 187

CON.

CON T R O V E R S I A X.

An per actum intelligendi rem præſentem, ſeu per notitiã intuitiũ producatur verbum. 196. Et diuiditur in tres articulos.

Articulus I. an diuinæ eſſentiæ dari poſſit ſpecies aliqua intelligibilis. 196

Articulus II. an angelividentes diuinã eſſentiã verbum producant. 207

Arti. III. an per notitiã intuitiũ producatur verbum. 210

CON T R O V E R S I A XI.

An verbum Dei producatur de omnibus, quæ ſunt in ſcientia patris, vel ſaltem eorum cognitio ad eius gignitionem præſupponatur. 212. Et habet tres articulos.

Articulus I. an verbum producatur de cognitione eſſentiæ diuinæ. 212

Articulus II. an cognitio eſſentiæ & creaturãrum productioni verbi præſupponatur. 215

Articulus III. an in proprietate conſtitutiua verbi includatur reſpectus ad creaturam. 229

CON T R O V E R S I A XII.

Vtrum pater genuerit filium voluntate 236. Et quatuor continet articulos.

Articulus I. an detur indiuiduum deitatis, & quæ actiones ei conuenire poſſunt. 236

Articulus II. an eſſentialia ſint immediatiora eſſentiæ ipſis notionalibus, ſive an eſſentialia ſint priora notionalibus. 247

Artiç. III. an in Patre intelligere præcedat ipſum dicere. 255

Articulus IV. an pater genuerit filium voluntate, vt principio, vel ſaltem ipſum genuerit volens. 258

C O N T R O V E R S I A XIII.

An Spiritus ſanctus procedat libere. 267. Et abſoluitur duabus opinionibus.

Prima opinio eſt D. Thomæ.

267

Secunda opinio eſt Scoti.

268

C O N T R O V E R S I A XIV.

Vtrum productio Spiritus ſancti ſit generatio vel ab ea diſtinguatur. 284. Et continet tres articulos.

Artic. I. an Spiritus ſancti productio ſit generatio. 285

Articulus II. an generatio & ſpiratio diſtinguantur ſe ipſis, vel alio quouis modo. 294

Articulus III. Vtrum emanationes diuinæ differant ſolo numero, an etiam ſpecie. 300

C O N T R O V E R S I A XV.

Vtrum ſi Spiritus ſanctus non procederet a filio, diſtingueretur re ipſa ab eo. 310. Et habet duos articulos.

Articulus I. an Spiritus ſanctus procedat a Filio; vbi ratio cōmunis ad id probandum exploditur. 311

Articulus II. Vtrum ſi Spiritus ſanctus non procederet a filio, diſtingueretur re ipſa ab eo. 315

C O N T R O V E R S I A XVI.

Vtrum Pater & Filius ſpirent Spiritum ſanctum in quantum omnino vnum. 340. Et in tres diuiditur articulos.

Articulus I. an Pater & Filius ſpirent Spiritum ſanctum in quantum omnino vnum. 340

Articulus II. Vtrum Pater & Filius poſſint dici duo ſpiratores, vel debeant dici tantum vnus ſpirator. 352

Articulus III. Vtrum Pater & Filius omnino vniformiter ſpirent Spiritum ſanctum. 355

CON-

Index Controuerſ. & Articulorum.

CONTROVERſIA XVII.

Vtrum Pater & Filius diligant ſe Spiritu ſanto. 360. *Et habetur in duabus opinionibus.*

Prima opinio eſt D. Thomæ quæ ſimul impugnatur. 361

Secunda opinio eſt Scoti, in cuius explicatione plura digna ſcitu notantur. 366

CONTROVERſIA XVIII.

Vtrum charitas augeatur per additionem gradus ad gradum.

379. *Et tribus abſoluitur articulis.*

Articulus I. an charitas augeatur. 374

Articulus II. an in augmento charitas, & cuiuſlibet alterius qualitatis intenſibilis, gradus formæ præexiſtens corrumpatur nouo gradu eiufdem formæ adueniente. 382

Articulus III. an charitas augeatur per additionem gradus ad gradum. 386

CONTROVERſIA XIX.

Vtrum charitas poſſit augeri in infinitum. 397. *Et comprehendit tres articulos.*

Articulus I. an charitas in ſtatu viæ habeat terminum ſui augmenti. 398

Artic. II. an ſit dabilis tantâ gratiâ in gradu finito, qua maior dari nequeat. 400

Artic. III. an charitas viæ poſſit peruenire ad quântitatem charitatis patriæ: 411

CONTROVERſIA XX.

An vna perſona diuina inexiſtat in alia. 414. *Et habet duos art.*

Artic. I. Quis ſit modus inexiſtendi vnâ perſonâ in alia, & quæ ſit ratio huius inexiſtentix. 415

Artic. II. an modus, quo vna perſona diuina inexiſtit in alia, reducat ad aliquẽ ex his, qui in creaturis reperiuntur. 422

CON-

CON T R O V E R S I A XXI.

Vtrum ens sit vniuocum Deo & creaturis substantiæ & accidenti. 424. Et complectitur duos articulos.

Articulus I. Vtrum ens sit vniuocum Deo, & creaturis, substantiæ, & accidenti. 425

Articulus II. Vtrum ens vniuocè; & quidditatiuè prædicetur de omnibus entibus. 435

CON T R O V E R S I A XXII.

Vtrum nomen persona, significet relationem. 444. Et diuiditur in tres articulos.

Articulus I. De definitione personæ. 444

Articulus II. an persona primam, vel secundam intentionem importet. 446

Articulus III. an persona primò significet relationem vel entitatem absolutam. 451

CON T R O V E R S I A XXIII.

An personæ diuinæ constituentur per relationes in esse personali. 460. & in tres articulos dirimitur:

Articulus I. an personæ diuinæ se ipsis distinguantur. 461

Articulus II. an personæ diuinæ constituuntur per absoluta. 464

Articulus III. an personæ diuinæ cōstituuntur per relationes, & sub qua ratione huiusmodi relationes constituentur. 469

CON T R O V E R S I A XXIV.

Vtrum persona prout subsistens constituatur per relationem prout relatio ratione distinguitur ab essentia, an vero prout identificatur cum ipsa essentia. 493. Et habet varias opiniones.

Prima opinio est Capreoli. 493

Secunda opinio est Caietani. ibidem.

Tertia opinio est Scoti, vbi simul moderni reprehēdūtur. 494

CON-

C O N T R O V E R S I A XXV.

An in diuinis sint tantum quinque notiones, ſcilicet, innafcibilitas, paternitas, filiatio, cōmunis ſpiratio, & proceſſio. 506
Et continetur quatuor articulis.

Articulus I. an ingentum fit propria notio patris, & quid nomine ingenti importetur. 506

Artic. II. an negatio, q̄ primo importat hæc vox, ingentum, fundetur in paternitate, ſub propria paternitatis rōne. 516

Artic. III. an inſpirabilitas debeat conſtitui ſexta notio. 524

C O N T R O V E R S I A XXVI.

Vtrum identitas, ſimilitudo, & æqualitas ſint relationes reales in diuinis. 529. Et complectitur tres articulos.

Articulus I. Quod fit fundamentum æqualitatis, ſimilitudinis, & identitatis in comuni. 530

Articulus II. Quid poſſit assignari fundamentum æqualitatis in diuinis, & ſi ſint plura fundamēta, quæ, & quot ſint. 531

Articulus III. Vtrum identitas, ſimilitudo, & æqualitas ſint relationes reales in diuinis. 536

C O N T R O V E R S I A XXVII.

An relationes diuinae ſint formaliter infinite. 551. Et habet explicationem tituli, duas opiniones, & duas dubitationes.

Explicatio tituli quæſtiones, in cuius explicatione plura dicuntur. 552

Prima opinio eſt D. Thomæ. 553

Secunda opinio eſt Scoti. 554

Dubitatio I. Quare negatur aliqua prædicatio abſtracti de abſtracto, vt hæc, paternitas, & ſpiratio. 568

Dubitatio 2. an ſubſtantia incommunicabilis dicat perfectionem, in qua plura ſcitu digniſſima tanguntur. 569

Index Controuers. & Articulorum.

CONTROVERSIA XXVIII.

Utrum Deus sit in omnibus rebus. 573. *Et duob. absoluitur arti.*

Articulus I. an Deus sit in omnibus rebus per essentiam, præsentiam, & potentiam. 573

Artic. II. an bene inferatur præsentia Dei secundum essentiam, in omnibus rebus, ex operatione eius circa omnes res. 577

CONTROVERSIA XXIX.

Utrum Deus intelligat distinscte omnia alia a se. 589. *Et dirimitur in quinque articulos.*

Articulus I. an Deus propria & distincta cognitione cognoscat alia a se in sua essentia, vel in se ipsis. 589

Artic. II. an creatura prius sit repræsentata, vel expressa per essentiam, quam actu cognita. 599

Artic. 3. an creatura ab æterno habuerit aliquod esse reale distinctum ab esse diuino. 601

Artic. 4. an ad hoc, ut Deus perfecte intelligat alia se, necessario præexigatur in eo distincti respectus ad ipsa objecta. 614

Artic. 5. an creatura in esse cognito sit idea. 620

CONTROVERSIA XXX.

An Deus cognoscat futura contingentia. 634. *Et continet sex articulos.*

Artic. 1. Deus cognoscat futura contingentia. 634

Artic. 2. an futura contingentia secundum suam realem existentiam sint Deo præsentia. 635

Artic. 3. an Deus habeat determinatam, certam, & infallibilem notitiam omnium quo ad omnes conditiones existentiarum eorum. 641

Artic. 4. an Deus habeat immutabilem omnium cognitionem. 657

Artic. 5. an Deus necessario sciat omnem conditionem existentiarum. 663

Artic. 6. an cum certitudine diuinæ scientiæ possit stare rerum contingentia. 670

Finis Index Controuersiarum.

INDEX RERVM ET SENTENTIARVM NOTABILIVM,

quæ in hoc opere continentur .

P. paginam. A. primam columnam. B. vero secundam indicat.

A



BLATIO spirationis actiua est ablatio alicuius distinctionis realis eius a Spiritu sancto. pag. 323. a

Aboluta sunt in duplici differentia. 459. a

Aboluta significatiua quidditatis non multiplicantur in diuinis. 458. b

Accidens bifariam accipitur. 390. b

Accidentale, & accidens bifariam dicitur. 83. b

Actio immanens quomodo possit habere effectum, sed non terminari. 165. a

Actiōis diuisio duplex: & qualis sit. pag. 162. a

tria conueniunt Actiōi de genere actionis. 162. a

Actio transiens quomodo ab immanenti distinguitur. ibid.

per Actiōem immanētem nihil producit. p. 228. b. & p. 165. a

Actiōes esse suppositorum quomodo sit accipiendum. 244. a

Actiōes in duplici consistunt differentia. 365. b

qua Actio supponat suppositum. 476. a

Actiōem esse suppositi bifariam intelligi potest. ibid.

Actus intellectiōem precedentes, non sunt praxis. 47. a

Actus potētia sensitina quomodo sint praxis. ibid. b

Actus duplex, elicited, & imperatus, & quid uterque. 48. a

Actus imperatus non est primo praxis. 50. a

Actus intelligendi ex natura sua est operatiuus, sicut actus dicendi productiuius. 174. a

Actus essentialis voluntatis diuine presupponitur dictiōi, & verbo. pag. 178. a. & p. 168. b

Actus notionales non sunt obiecta omnipotentia. 195. a

Actus essentialis quot modis possit alicui persona conuenire. 378. a

Actus spirandi tribus modis consideratur. 355. b

Actus intelligendi, etiam in patre, est prior actu dicendi. 256. a. & b

Adæquatio representantis ad representatum triplex. 201. a

Adæquatio q. deitatis est hic Deo. 240. a

Adæquatio duplex. 567. a

Agere per modum natura & voluntatis quomodo differant. 272. a

Agere quale esse supponat. 476. a

posse Agere non supponitur in diuinis ipsi agere. 476. b

Agēcia naturalia in duplici dīa. 579. a

Agens aliqua actione, agit in distans qua non in propinquum. ibi.

Agens immediatum duplex. 580. a

Agenti creato unde proueniat non posse agere in distans, quin prius agat in propinquum. 582. b

b

Non

Index Rerum Memorabilium.

non est de ratione Agentis sicutualiter
agere prius in propinquum, quam
in remotum. 583

Amore duplici possunt creatura dili-
gi a Deo. 220.a

Amare, & spirare subordinantur in
voluntate diuina. 229.a

Amor mucus Patris, & filij non est
principium Spiritus sancti. 416.b

Amor essentia diuina sine mutuitate
est perfectissimus. 347.b

Amor duplicem dicitur habitudinem.
pag. 369.b

Angelus habet potentiam neutram,
ut sit in loco. 5.4

Angelus cognoscendo se format ver-
bum. 211.a

Analogata sunt duplicia. 425.b

Anima separata non est persona. pag.
445.b

Anima quomodo idearum visione
fiat beata. 630.b

Appetitus naturalis voluntatis est in-
clinatio eius in suam perfectionem.
pag. 13.a

Appetitus *naturalis* voluntatis non
est aliquid super additum volunta-
ti, nec est actus elicitus. 13.b

Appetitus voluntatis liber est actus e-
licitus sequens apprehensionem in-
tellectus. 14.a

Appetitus liber voluntatis quare vo-
cetur naturalis. ibid.

Appetibile duplex. 568.a

Ars appropriatur verbo. 633.a

Attributi descriptio. 79.a

Attributa diuina sunt formaliter in
Deo. ibid.b

Attributa diuina sunt summa identi-
te reali idem essentia. ibid.

Attributa inter se sunt non idem for-
maliter ex natura rei. 88.b

Attributa ex natura rei formalis di-
stinguntur ab essentia, et e conuerso. 92.b

inter Attributa non est distinctio ex
natura rei, quae sit relatio *realis*: est
tamen inter ea negatio identitatis
formalis. 98.a

Attributa aliter adunantur in Deo q̃
siccitas, & caliditas in sole. 98.b

Attributa non efferrantur de se inui-
ce formaliter in abstracto. 103.a

Attributa non faciunt compositionem
cum essentia. 108.b

Augustini dictum, eodē Deus quo sa-
piēs, &c. subtiliter exponit. 101.a

Axioma quod in diuinis omnia sunt
unum, &c. exponitur. p. 98. a. &
336.a.

B

Beatissimus est, qui te, & illa nouit: sed
non beator propter illa, quomodo
intelligatur. 630.b

Beati videntes diuinam essentia qua-
re non formant verbum. 210.a

Beatus potest habere noticiam iudica-
tiam de essentia, quin eam habeat
de personis. 136.a

Beatitudinis obiectum non est essen-
tia ut i tribus. 124.a. & deinceps.
in *Beatis* & eorum actibus ratio pra-
xis inueniri nequit. 47.a

C

Capacitas creaturae ad gratia non
augetur per aduentum gratiae.
pag. 411.a. & b

Charitas augetur per additionē gra-
dus ad gradum. 395.a

Charitas non potest incendi in infini-
tum. 408.a

Charitas via potest aequari charitati
patrie. 411.a. & b

quilibet in via potest in Charitate
proficere. 399.a

Christus quomodo dicatur primogeni-
tus in multis fratribus. 284.a

Causarum multiplex differentia. 54.a

Causa vniuoca duplex acceptio. ibi.
a causis

Index Rerum Memorabilium .

- a* Causis distinctis specie quomodo idē,
vel diuersus possit efficiens produ-
ci. *ibid.*
- Causa precisa propria passionis est dif-
ferentia specifica. *63. a. & b*
- Causa non distinguitur formaliter
ab effectu, dum est precise in virtu-
te eius. *78. b*
- Causa, in quantum causat, est prior
natura effectu *p. 112. a. & p. 658. b*
- Causatum a causis intrinsecis necessa-
rio est causatum a causis extrinse-
cis. *514 b*
- quomodo Cognitio essentia dicatur
comprehensiva, cognitione creatu-
rarum precisa. *221. a. & 232. b.*
- Causa dicitur uniuersalis dupliciter.
pag. 596. a
- Causa uniuersalis in causando est du-
plex. *ibid.*
- Causa precisa, & adaequata inexisten-
tia unius persona in alia est diui-
na essentia cum relatione, sed preci-
sa est sola essentia. *419. a*
- Causa potest dici contingens duplici-
ter. *646. a*
- Circumfessio quid sit. *418. a*
- ad Circumfessionem qua requiran-
tur. *ibid.*
- Cognitio practica est regula praxis.
pag. 47. b
- Cognitio non potest esse simul formali-
ter practica, & speculatiua. *63. b*
- Cognitio essentia, sine personis potest
esse distincta. *140. a*
- Cognitio duplex. *213. a*
- Cognitio essentia precisus creaturis est
perfectissima. *221. a. & deinceps.*
- Cognitio creaturarum non presuppo-
nitur verbi productioni. *224. a*
- in Cognitione duo considerantur *595. a*
- Cognosci immediate, & mediate quid
pag. *591. b*
- in Cognitione diuina nulla varietas,
nec mutatio esse potest. *593. a*
- Cognitio diuina secundum Scotum
non perficitur ex cognitione creatu-
rarum in se ipsis. *611. a*
- ad Cognitionē tria requiruntur. *655. a*
- Cognitio diuina supponit obiectū pri-
marium, sed non secundariū. *633. b*
- ad Cognitionem copulationū consen-
gētium non mouet diuina essentia
nisi post actum voluntatis. *647. b*
- Certitudo diuina cognitionis non su-
mitur ex presentiarerum. *648. b*
- Certitudo diuina cognitionis circa
futuram non habetur p̄ ideas. *651. b*
- Communicabile duplex. *p. 240. a. &
pag. 445. a*
- Compositio distinctionem infert ne-
cessario, nō tamen distinctio compo-
sitionem. *87. a*
- in Cōpositione altera pars est in poten-
tia ad aliā, & amba esse eorū. *99. b*
- Comparatio rei ad aliud rei essentiam
supponit. *492. a. & 496. a*
- Conceptus est duplex. *427. a*
- Conceptus uniuocus, aequiuocus, &
analogus quid. *427. b*
- Conceptus dicitur uniuocus tribus
modis. *ibid.*
- Conceptus duplex, Alter determinās,
Alter determinabilis. *436. b*
- Concilia aliqua q̄ contra sn̄am Scoti
adduci solēt, exponuntur. *234. a. & b*
- Cōditio per se requisita ad p̄ducendū
per memoriā faciendam nō est pater-
nitas sub rōne paternitatis. *522. b*
- Coniunctio Deicum rebus bifariam
accipitur. *597. b*
- Copulatio contingens non est nata co-
gnosci ex terminis. *651. b*
- Consequentia duplex. *316. b*
- Constitutio, & distinctio in diuinis
tribuitur relationi. *318. b*
- Contactus Dei an supponat res, quas
tangit. *598. a*

- Contrahibile** quando sit in potentia Deus quo modo possit dici obiectum ad suum contrahens. 437.a operabile. 65.a
- Contingentia** a Deo scita sunt infallibilia, licet non sint necessaria. 30.b in Deo est summa unitas formalis obiectiva. 100.b
- Contingens** bifariam potest considerari. 642.b Deus est obiectum voluntarium respectu intellectus creati. 203.a
- Contingens** ut futurum non habet esse nisi in suis causis. 643.a hoc nomen Deus quid primo importet. pag. 240.a
- Contingens** potest ad suas causas dupliciter comparari. ibid. Deus est de se singularis. ibid.
- Contingentia** in entibus an sit primitio, vel defectus entitatis. 644.b huic Deo conveniunt actiones toti Trinitati communes. 243.b
- Contradictio** fundata in entibus rationis, vel rei quomodo distinctionem concludat. 23.a non tamen actiones vel passiones naturales. ibi.
- Creatura** non habet rationem obiecti mori in divina cognitione. 591.a Deitas est de se una numero & singularis. 244.a
- Creatura** non est obiectum primarium divina cognitionis. 594.b Deus genuit alium Deum, est propositio falsa, & similiter hoc, Deus genuit se Deum. ibid.
- Creatura** non habet in divina essentia esse representatum ante actum intelligendi. 600.b Deus verissime est essentia. 247.a & pag. 166.a
- Creatura** nullum esse reale essentia, aut existentia habuit ab aeterno. 602.b Deus necessario simpliciter diligit suam essentiam. 273.b
- Creatio** quid sit. 603.b Deus est purus actus, & quidquid in eo est, est in ultima actualitate 48.s. hic Deus per se existens non est persona. 445.b
- Creatura** ante actum divina cognitionis nullum proprium, & formale esse habuit. 607.a Deus ut sic non subsistit immediate substantia personali. 498.a
- D**
- Declarare** contingit dupliciter. pag. 366.b & 369.b Deus non potest concipi ut communis pluribus diis. 522.a
- Declarare** omne declarabile an sit proprium verbi. 368.b Deus est pater secundum memoriam. pag. 550.b
- Dependentia** ad prius est essentialior, quam ad posterius. 391.b Deus & creatura non sunt quid perfectius, quam solus Deus. 761.b 592.a
- Dependentia** descriptio. 113.b Deus est in omnibus rebus per suam essentiam, & praesentiam, & potentiam. 576.a
- Determinatio** duplex. 206.b & 514. Deus si alicubi non esset, posset ibi operari. 581.a
- Determinatio** potentia ad unam partem, & effectum quando dicat imperfectionem. 656.b Deus et si sit in rebus, non tamen ab ipsis continetur. 588.a
- Determinatio** divina non tollit rerum contingentiam. 672.a Deus, & creatura dicunt maiorem entitatem extensivam quam solus Deus, sed non intensivam. 592.a
- Deus** clare vsus quomodo sit finis nobis naturalis. 19.b

Index Rerum Memorabilium.

Deus non eget creaturis ad earum cognitionem. 593. a
Deus cognoscit omnia perfectissime. pag. 564. a
Deus non cognoscit alia a se per eorū representationem. pag. ibid.
Deus cognoscit creaturas in sua essentia. 597. a
Quomodo dicatur Deus cognoscere creaturas in se ipsis. 598
ut Deus alia a se intelligat, non eget respectibus rationis. 616. b
Deus per solam suā essentia sapienciā esset infinite sapiens intensius: sed non omnimodo sapiens. 630. a
cum dicitur, Deus intelligit per ideas ly p multipliciter accipi pōt. 631. a
Deus Pater novit omnia in filio, quomodo intelligatur. 631. b
Deus cognoscit futura contingentia. pag. 634. a
Deus quomodo possit dici causa continens. 646. b
Deus non cognoscit certō futura, quia sūt sibi in aeternitate p̄sentia. 648. b
Deus non novit aliter facta, quā siō da. 649. a
Quō Deus certo cognoscit futura, & unde talis certitudo pueniat. 655. a
Deus non eget rerum p̄sentia, ut certō eas cognoscat. ibid.
Deus quō cognoscat peccata. ibid. b
Dicere in nobis precedit ipsum intelligere: & non se habent sicut duo effectus subordinati, sed sicut actō, & terminus. 166. a
Dicere subsequitur intellectiōem in diuinis. ibid. & p. 223. a
Dicere in diuinis precedit notitiam genitam. ibid. b
Dicere est actus intellectus, sed non est actus intelligendi. 174. a
Dicere quare p̄supponatur ad sp̄rare. 313. b

Dicere tribus modis accipitur. 367. a
Dicere transiōem significat in res dictas. 375. a
et similiter diligere in res dilectas. ibid.
Differentia vltima se ipsis distinguuntur. 299. b
Differentia vltima duplex. 441. a
Diligere sumitur principiativē, & formaliter. ibid. b
Diligere sumitur trib. modis. 369. b
Discrimen inter Theologiā nostrā, & donum sapientiā. 26. a & b
Discrimen inter formas naturales, & animales. 411. b
Distinctiō, dimisso, & non identitas quomodo se habeant. 77. a
Distinctiō non reperitur inter ens, & nō ens: bene tamē non idéitas. ibid.
Distinctiō rationis, & ex natura rei eiusque dimisso. ibid. b
Distinctiō formalis: & inter qua reperitur. 78. b
Distinctiō formalis duo requirit. ibi.
Distinctiō formalis duplex mutua, & non mutua. ibid.
Distinctiō formalis stat cum summa simplicitate. 87. a. & 99. b
Distinctiō obiectivā est prior distinctiōe actiū: sicut cā effectus. 90. b
Distinctiō multipliciter cōsiderat. 97. a
Distinctiō, qua sit relatiō realis, pōt esse eiusdem ad se ipsum. 98. b
Distinctiō maior est illa, qua aliam inferre. ibid.
Distinguitur aliquid per aliud bifariam. 295. b
Distinctiō emanationum diuinarum late ostenditur. p. 295. & deinceps.
aliqua dicuntur Distingui se cōtis b̄ faria. 300. a
aliqua dicuntur magis Distingui dupliciter. 302. a
constituentia magis possunt Distingui, quā constituta. 302. b

Index rerum Memorabilium.

- Distinctio realis absolute supponit relationem.* 484.b
minima Distinctio est relativa. ibi. b
Distinctio formalis summe simplicisati non repugnat. 504.a
E
*Effectus quomodo ex distincti-
 one causarum distinguantur.* 54.a
*Effectus ab aliqua forma provenien-
 tes sunt in duplici differentiâ.* 141.b
*Effectus, ut sic, non denominat for-
 maliter causam.* 364.a
Effectuum suorum tria genera. pag. 644.b
*Effectus dici potest contingens ex or-
 dine ad primam causam. ibidem.*
*Electio recta necessario presupponit
 rationem rectam.* 50. a. & 51. b
Ens est univocum Deo & creaturis.
 pag. 430. a
aequivoca non habet passiones. 435. b
*Ens in quo univocationis gradu sit v-
 ninocum. ibid. & deinceps.*
*Ens est in minimo univocationis gra-
 du pag.* 435. b
*Ens contrahitur per finitum & infini-
 tum, tanquam per modos.* 436. b
*Ens predicatur in quid de Deo, &
 alijs multis.* 437. a
*Ens non includitur quidditative in
 vltimis differentijs. ibid.*
*Ens non dicitur quidditative de suis
 proprijs passionibus.* 438. b
Ens non est genus. 439. a & b
Enti competit compositio permissivè.
 pag. 440. b
Entis infiniti proprietates. 552. a. & b
Ens quantum duplex. 555. a
*Ens prius dividitur per quantum, &
 non quantum: quam per finitum, &
 infinitum.* 555. a
*Ens non magis convenit homini in
 esse cognito, quam chimara. pag.*
 608. b. & deinceps.
*Ens, aliud necessarium, aliud contin-
 gens.* 644. b
aequalitatis fundamenta: quot. pag.
 531. b
*aequalitas requirit extrema realiter
 distincta.* 540. a
*aequalitas praexigit extremorum di-
 stinctionem.* 540. b
*aequalitas divina non includit in suo
 conceptu essentiam.* 541. b
*aequalitas est alterius rationis a rela-
 tionibus originis.* 542. a
*aequalitas est in divinis relatio real-
 lis. pag.* 543. b
*aequalitas in patre realiter distin-
 guitur ab aequalitate i filio.* 547. a
*Essentia divina non est de conceptu
 formali aequalitatis.* 82. a
Essentiale dupliciter accipitur. 83. b
*Essentia divina est infinitum essendi
 pelagus, & radix omnium perfectio-
 num.* 94. a
*Essentia divina secundum se, nec sa-
 piens, nec insipiens, nec non sapiens
 dici potest.* 96. a
*Esse id quo aliquid habeat esse, non
 dicitur imperfectiorem.* 103. a. & b
*Essentia & relatio in divinis non effi-
 ciunt unum secundum compositionem.* 108. a
*Essentia divina movet necessario divi-
 num intellectum: sed non creatum,*
 p. 131. a. & quomodo terminet visio-
 nem. ibid.
Esse creatura est triplex. 218. a
*Esse obiectivum creatura si est idem
 cum Deo?* 226. b
*Essentia non ut amara, sed ut amabilis
 ad Spiritus sancti productionem
 concurrens.* 229. a
*Essentialia in duplici sunt differen-
 tia* 234. b
*Essentiale aliter a philosophis, & ali-
 ter a Theologis accipitur.* 248. a
 Essen-

Index Rerum Memorabilium.

- Essentiale in diuinis quid sit. *ibidem*.
 Essentiale distinguitur contra notio-
 nale. *248.b*
 Essentiale in diuinis est duplex. *251.a*
 Essentiale includens respectum ad
 creaturas est posterius quolibet no-
 tionale. *253.a*
 Essentia, ut sola ratione differat a rela-
 tione non constituit personam. *449.a*
 Essentia diuina non includit in suo
 conceptu relationes, nec attributa.
 pag. *505.a, & 92.b*
 Essentia diuina qua primitate respi-
 ciat tres personas, vel unam. *513.a*
 Essentia diuina est *qua* pater est, &
 filius est. *571.a*
 Essentia diuina communicatur perso-
 nis, ut forma supposito. *571.b*
 Essentia diuina quomodo dicatur re-
 lationis fundamentum. *572.a*
 Esse in rebus per essentiam, presentiam, &
 potentiam quid sit. *576.a. et 585.b*
 Essentia diuina est primo cognita ad
 unum intellectum. *591.b*
 Essentia diuina est ratio cognoscendi omnia
 inueniendi. *596.a 615.a. & 651.a*
 Essentia diuina, ut prior cognitione,
 non est actuale, & formale exem-
 plar creaturarum. *600.a*
 Essentia diuina ante cognitionem non
 continet res actus, sed quasi virema-
 liter. *600.b*
 Esse possibile creatura fundatur in ef-
 fectus cognito. *607.b*
 Esse cognitum creatura in Deo, nec
 est ens reale, nec medium inter ens
 reale, & rationis. *ibid. & p. 610.a*
 Esse cognitum creatura in Deo necessa-
 rio debet concedi. *609.a*
 Esse cognitum creatura, nec est ens
 reale essentia, nec existentia. *609.b*
 Esse cognitum creatura est ens ratio-
 nis. *610.a*
 Essentia diuina sine omni determinan-
 te est ratio cognoscendi omnia. pag.
617. & deinceps.
 ad Esse alterius bifariam aliquid re-
 quiritur. *612.b*
 aeternitas quid. *pa. 534* et ibi multa.
 aeternum dicitur aliquid bifariam.
 pag. *613.a*
 aeternitas non coexistit actu tempo-
 ri, nisi existenti. *638.b*
 aeternitas non coexistit, nisi rebus
 actu existentibus. *ibid.*
 Evidentia, & inuidentia respectu eius-
 dem veritatis *simul* haberi nequit
 pag. *41.a*
 Existencia rei non mensuratur instan-
 tibus natura. *119.b*
 Existentiaate specifica terminorum non
 licet inferre identitatem specificam
 productionum, vel motuum. *307.a*
 F
 Finis naturalis duplex. *14.a*
 Finis accipitur dupliciter. *20.a*
 Finis Theologia nostra est operari
 pag. *69.a*
 Filius Dei producit per intellectum,
 & est proprie verbum. *181.a. & b*
 Filius Dei generatur de substantia Pa-
 tris. *183.b*
 Filius non generatur de substantia Pa-
 tris, tanquam de materia. *184.a*
 Filius Dei est alius deitate a patre, est
 propositio falsa: & hoc est alius in
 deitate a patre. *243.b*
 Filius re ipsa distinguitur a Spiritu
 sancto ex duplici capite. *315.b*
 Filius includit omnem rationem ge-
 niti in diuinis. *527.b*
 Filius Dei quomodo dicatur ars Pa-
 tris. *631.a*
 Forma multipliciter dicitur. *76.b*
 Forma in creaturis duo includitque
 imperfectionem dicunt. *102.b*
 Formam non posse multiplicari unde
 promeriat. *188.b*
 b 4 Sensus

Index Rerum Memorabilium .

sensus huius propositionis Filius est de substantia patris. 186.a

Fecunditassem intellectus exhauriri bisariam potest intelligi : 191.a

Forma habens gradus bisariam consideratur. 389.a

Formam informantem precedit causa efficiens. 515.a

Fundamentum relationis duplex. pag. 530.a

Fundamentum relationis realis actualis est quid reale actuale. 639.a

Futura contingentia non coexistunt actu aternitati. 638.b

Futura contingentia sunt ad alteram partem determinata. 647.b

Futura contingentia sunt vera ex determinatione voluntatis divina. pag. 662.b

Futura contingentia, et: a ut subsunt divina essentia, non sunt absolute necessaria. 667.a

Futura contingentia causa extrinseca determinantur. 671.a

Futura contingentia sunt determinata determinatione Dei in esse. ibid.

G

Generatio in creaturis duo dicitur. pag. 184.a

Generationis univoca gradus. 291.a

Generatio, & paternitas quare non sunt duae notiones. 528.b

Genitum accipitur tribus modis. 507.a

Genus non predicatur in quid de suis differentiis. 442.a

Genus, & differentia quare compositionem efficiant. 100.a

Gradus forma duplex. 388.b

Gradus individualis quid. 388.b

Gradus individualis quam unitatem efficiant. 389.b

Gradualis intensio non est in esse quid ditatio. 396.a

Gratia bisariam accipitur. 401.a

H

Habens naturam in divinis, & in humanis quomodo se habeat. pag. 77.a

Habitus quomodo distinguatur per obiecta. 53.b

Habitus non dicitur practicus a fine. pag. 55.b

Habitus diviso in practicum, & speculativum non est generis in differentias essentielles. 63.a

Habitus fidei eiusq. actus, similiter & visio praxis ratione habet. 70.b

Habitus, & privatio non distinguuntur sed sunt non idem. 79.a

I

Idea significatio tripliciter potest imaginari. 622.a

Idea quid ex mente B. Tho. 621.b

Idearum multitudo in Deo. ibid. & pag. 630.a

Idea quid ex mente Scoti. 626.b

Idearum multa attributa. ibidem.

Idea plures descriptiones. ibid. 627.a

Idea in mente divina sunt collocanda. 627.b

Idea non est divina essentia nuda considerata. 628.a

Idea non includit in suavatione respectum rationis. 628.b

Idea est creatura cognita. 629.a

Idea in Deo non est ratio cognoscendi, sed cognita. 629.b

Idea secundum Caiet. potest dici perfecta bisariam. 653.a

Idea mere naturaliter representat ab idea non representat copulationem contingentem. 654.a

Idem bis produci non potest. 331.b

De Identitate bisariam loqui possumus. 530.a

Identitas bisariam dicitur. 537.b

Idem dicitur sibi ipse idem sed non simile. 538.a

Idem.

Index rerum Memorabilium.

- Identitatis formalis descriptio.* 77.b
Illud est idem alicui formaliter quod est de eius ratione formali. 78.a
Identitas perfectissima excludit compositionem. 108.b
Immediatus bisariam dicitur. 251.b
Immutabilitas non coexistit nisi loco actus existendi. 638.b
Ignis immediate per suam substantiam producit ignem. 579.b
Inclinatio naturae ad suam perfectionem non est aliquid supernadditum ipsi. 13.b
tot modis dicitur Impossibilitas, & potentia, & particula privativa, in. 507.a
Incommunicabile duplex. 445.a
Inductio dupliciter accipitur. 43.a
Individuum multis modis accipitur. 451.a
Indeterminatio dupl. 514.a, & 615.b
Indeterminatio actiua ad plura quomodo se habeat ad perfectionem. 616.a
Indeterminatio alia de inesse, alia de possibili. 670.a
Ingenitum quomodo sit in diuinis. 509.
Ingenitum dicitur negationem. 516.b
Ingenitum non inest Patri, nisi per aliquam entitatem positivam. 517.b
negatio, Ingenitum, licet praexigat entitatem positivam, illam tamen non significat. ibidem.
Ingenitum non fundatur in paternitate sub ratione paternitatis. 522.a
Inferior nobilitas est attingere suum superius. 71.a
Inferius non est ibidem formaliter suo superiori, sed e converso. 78.b
Inferius quomodo accidere dicatur superiori. 83.b
Infinitas non variat rationem formaliter reicui additur. 88.b
Infinis duplex acceptio. ibidem.
Infinium dupliciter dicitur, scilicet, radicaliter, & formaliter. 94.a
Inferiora bisariam in superioribus possunt uniri. 98.b
Infinium bisariam dicitur. 400.a
Infinium est quoddam totum. 552.a
Infinium est quid perfectum, ibid.
Infinis a nullo debet excedi. ibidem.
Infinium in entitate aliter debet esse perfectum, quam infinitum in quantitate. 552.b
Infinium in entitate debet in se continere omnem entitatem formaliter, vel eminere ibid.
Infinitas est conditio obiecti beatifici pag. 534.b
Infinis descriptio. 552.
Infinitas non est passio infinitis. ibid.
Infinium identiscat sibi omne sibi compossibile. 557.a
Inquisitio Metaphysica quomodo procedat. 431.b
Innascibilitas habet rationem notionis propter tria. 526.b
In uno instanti temporis possunt esse plura instantia naturae, & in una natura, plura originis. 113.a
ex unitate actus intelligendi in diuinis non in fertur bene unitas actus dicendi. 189.b
unicuique Individuo assignatur unica differentia individualis. 328.b
Intellectus naturaliter inelinetur ad quamcunque intellectiorem, licet non determinat. 9.a
Intellectum extensione fieri practicum ex Aug. colligitur. 45.a
Intellectus non dicitur practicus ex eo, quod ab appetitu finis mouetur ad considerandum de medijs. 54.b
Intellectus speculativus quomodo fiat, & dicatur practicus. 68.a
Intellectus inuinitivus non facit distinctionem in obiecto. 61.b
Intellectus inuinitivus non causat entia rationis in rebus. 91.a

Index Rerum Memorabilem.

Intellectio sine inimica sine abstra-
ctiva ad quid terminetur. 152. a
Intellectio est formalis, & actualis o-
bjecti similitudo. 152. b
Intellectio est entis absoluta. 159. a
Intellectio non est de genere actionis.
pag. 159. b
Intellectio est qualitas. 160. a
Intellectus intelligere dicitur; non
quia producit, sed quia recipit in
se intellectum. 162. & 163. a
Intellectio, qua Deus se intelligit, est
improducta. 166. b
Intellectio Dei non est principium quo
verbi divini. 167. a
In intellectu divino duo actus consti-
tuntur. 262. a
Intellectus, ut actu intelligens, non est
verbi principium. 345. a
Intellectus Dei ex duplici capite est
infinitus. 567. b
Intellectio creata mensuratur per suum
primarium obiectum. 616. b
Intellectio creata refertur ad suum
obiectum, sicut mensurabile ad
mensuram. ibid.
Intellectio divina respectu creaturae
non habet rationem mensurabilis,
sed mensura. ibid.
Intellectio divina prius terminatur
ad res quam ad eas relatione dicat. 619. a
Imisabilis bisariam accipitur. 622. a
Intelligentia quid sit. 631. b
Intelligentia secundum memoriam, & secun-
dum intelligentiam quid sit. 631. b
Intellectus divinus in nullo instanti
in natura est nesciens futura. 660. a
Intellectum creatum videre posse essen-
tiam sine personis non implicat. 132. a

L

Lapis in Deo habet verius esse sim-
 pliciter, quam in se. 611. b
 Lapis quomodo verius esse lapidis
 habet in se, quam in Deo. 624. b

Latitudo formae quid sit. 388. b
Libertas est multiplex. 269. a
Libertas divina voluntatis ostendi-
tur in hoc, quod non potest non di-
ligere Deum. 270. a. & b
Libertas voluntatis ad oppositos a-
ctus imperfectionem dicitur. 645. b
Libertas quid respiciat. 654. a
Libertas nostra voluntatis ostenditur.
658. b
Libertatem nostra voluntatis duplex
potencia concomitatur, ibidem.

M

Magis & minus, maius, & mi-
 nus quomodo conveniant, &
 differant. 380. a
Magis, & minus in subiecto supponit
maius, & minus informis. 380. b
Magnitudo divina similiter & superi-
oria dupliciter conveniunt. 101. a
Magnitudo quantitatem virtutis po-
tius quam molis significat. 531. b
Magnitudo perfectionis in divinis
est ex naturae. 533. b
Materia prima ad quamcumque for-
mam naturaliter inclinatur. p. 9. b.
licet non determinate. 10. a
ex Materia, & forma resultat unum
perfecte, non vero ex subiecto & acci-
denti. 105. b
in divinis non est Materia nec quasi
materia. ibid.
Materia etiam in composito est prior
forma. 257. a
Media proportionantur fini. 22. a
Medicina male dividitur in practicam
& speculativam. 58. a
Medium in cognoscendo dupliciter
dicitur, & utriusque discrimine. 199. a
Memoria facunda quid sit, similiter quid
sit intelligentia. 146. a. 260. a. & 631. b
Memoria facunda est principium
quo verbi divini. 180. b
Memoria facunda patris ex se est
deter-

Index Rerum Memorabiliũ.

determinata ad unicam produ-
ctionem. 194.a
Mensura est prior mensurato. 619.a
Mensura omnino prima necessario est
una. 385.a
Motio prima in entibus est naturalis.
215.b
primum Motuum diuini intellectus
est diuina essentia. 216.a
Modi operandi sunt quatuor, agere
naturaliter, & libere, necessario, &
contingenter. 268.b
Motuum differentia in specie sunt ter-
mini differentes specie, quomodo
sic verum explicatur. 307.b
Modus rei quomodo a differentia di-
stinguatur.
Motuum diuini intellectus non po-
test esse rationis. 617.a
Mutatio est formaliter actus subie-
cti mutabilis. 184.a
Mutatio ex ratione sua imperfectio-
nem dicit. 184.b
ut aliquid Mutetur qua requirantur.
662.a

N

Natura ad unum determinari,
quid sit. 185.b
Natura creata specifica ad naturam per
singularitatem, & supposita ita-
tem. 494.b
Natura diuina per personalitatem non
efficitur propria alicuius persone.
495.a
Necessarium bifariam dicitur. 613.b
Necessitas obiecti, scientia est ineren-
teca, & necessaria. 30.b
Necessitas est multiplex. 271.b
Necessitas immutabilitatis quod ibid.
Necessitas simpliciter quid, ibid.b. &
pag. 466.a
Negatio potest esse communis his,
quibus nihil reale est eode. 448.b
Negatio speciem sumit ab affirma-

tione, quam negat. 448.b
Negatio ordinis ad prius competit pa-
tri per ordinem ad filium. 480.a
Negatio est duplex, in genere & exera
genus. 507.b
Negatio, & primatio notificatur per
positum. 526.b
Negatio potest tribus modis alicui
in esse. 606.a
Negatio qualibet negat totam affir-
mationem. 607.a
Necessarium bifariam dicitur. 613.b
Notitia quam habet Deus de contin-
gentibus est perfectior quam scien-
tia, qua requirit necessitatem obie-
cti. 32.a
Notitia ut alicui sit scientia, necessum
est, ut in illo causetur ex princi-
pijs per senos. 38.a
Notitiam practicam esse conformati-
nam praxis quid sit. 57.a
Notitia practica duplex, formalis, &
virtualis. 62.b
Notitia practica formalis subdiuisio.
63.a

Notitia genita in diuinis non est a-
ctus diuini intellectus. 177.a
Notitia a Deo immediate in intell.
ctu creato producta non est ver-
bata. 163.b
Notitia personarum intuitiua non pra-
supponitur verbi productioni. 227.a
Notitia infinita essentia pra-supponi-
tur verbi productioni. 227.b
Notionale quid sit. 249.a
Memoria facunda est immediatio-
res scientia uero notionali. 253 & 254.a
Notitia rei amate ad quid pra-suppo-
natur amori. 312.b
Notio quas habet conditiones. 524.b

O

Obiectum voluntatis quo ad a-
ctum elicivum est bonum ap-
prehensum. 19.a

Magis

Index rerum Memorabilium.

magis est de ratione Obiecti terminare, quam monere. 615.a
 Obiectum duplex, operabile, et non operabile. 54.b
 Obiectum scientia practica quomodo sit res operabilis. 64.b
 Obiectum primum Theologia solummodo includit cognitionem conformem volitioni recta. 69.b
 Obiectum cognitionis divina est duplex, primarium & secundarium. 130.b
 & differentia unius ab alio, ibid. & 590. & 633.b
 actus recordandi duplex Obiectum. pag. 224.a
 Obiectum primum divini intellectus est essentia divina. 566. & 595.a
 Obiectum habet rationem motui, & termini. 591.a
 Obiectum potest bifariam actui terminare, ibid.
 Obiectum secundarium divini intellectus non monet ipsum. 633.b
 Omnipotentia bifariam accipi potest. pag. 124.b
 Operationes, quae imperio voluntatis subesse nequeunt, sua praxis nomine non comprehenduntur. 47.b
 Operatio virtutis bifariam accipitur. pag. 161.a
 Operatio immanēs ex natura sua est ultimus actus: et finis potest. 173.b
 Oppositio affirmationis & negationis est in divinis inter personas. pag. 338.a
 Oppositio relationis duplex. 336.a
 quod Operatio sit praesens effectui bifariam intelligitur. 586.a
 Ordo natura duplex. 111.b
 Ordo in se & essentialiter includit prioritatem, & posterioritatem. 112.a
 Ordines temporis, natura, & originis quomodo se habeant. 112.b

Ordo originis proprie est in divinis inter relatiua. 118.b
 Ordo, quo divina essentia ad rerum cognitionem monet. 216. & deinceps.
 triplex Ordo potest inter aliqua considerari. 173
 Ordo inter essentialia, & notionalia non est realis sed formalis, vel rationis. 254.b
 Ordo in Patrem & filium dum spirant. 355.a, & b
 nullus est Ordo a parte rei inter formam hypostaticam prima persona paternitatem, & generationem. pag. 472.b
 Ordo perfectionis, & generationis sunt contrarij. 170.b
 Ordo generationis, et perfectionis simul, & uniformiter currunt in Deo. 571.a
 Ordo in cognitione divina. 620.a
 Origo in divinis est vera habitudo. pag. 475.a

P

Participatio divini est duplex. pag. 409.a
 Partes componentes aliquid, nunquam sunt perfecte idem realiter inter se. 106.a
 Pater prius origine est perfecte beatus, quam generet, quomodo intelligatur. 124.b
 Pater nullam perfectionem recipit a filio, estque prius origine persona, quam filius sit productus. 124.b
 & 129.b
 Pater & filius sunt unus spirator, et non duo. 352.b
 Pater et filius sunt duo spirantes. 354.a
 Pater est prius origine Deus quam filius. 356.a
 Pater declarat omnia verbo principium, verbum vero formalis. 367.a

Pater

Index Rerum Memorabilium.

- Pater** dicitur verbum ut expressum sui, ut habitualiter intelligitur. **177.b**
- Pater** dicit se, & omnia verbo. **368.a**
- Pater** est in deitate, sicut suppositum in natura. **497.b**
- Pater**, & filius diligunt se Spiritu sancto, & alia similes propositiones, quomodo intelligantur. **376.b**
- Pater** est sapiens sapientia genita, est falsa propositio. **378.a**
- Pater** aternus non indiget filio, ut se & alia intelligat. **631.b**
- Pater** primus origine habet omnem perfectionem, quam filius. **632.a**
- Pater** non intelligit alia a se, nisi producto filio. **632.b**
- Pater** cur dicitur agere per verbum, & non sapere per verbum. **633.b**
- Paternitas** non est de conceptu formali Dei. **81. & 82.a**
- cur negatur hac, Paternitas est spiratio. **569.a**
- Paternitas** divina est ipsa met generatio. **473.**
- Paternitas** constituit primam personam actualissimam. **477.a**
- Paternitas** si constituat, ut proprietas. pag. **477.b**
- Paternitas** se ipsa formaliter est incommunicabilis, etiam a radice vero a divina essentia. **486.a**
- Paternitas**, & filiationis sunt primo diversa quoad rem, sed non quoad intellectum. **486.b**
- Perfectum** dicitur aliquid bifarium. **568.b**
- Perfectiones** in duplici differetia. **73.b**
- Perfectionem** in aliquo esse dupliciter contingit. **74.a**
- Perfectiones** propria creaturarum non sunt attributa Dei. **79.a & b**
- omnis **Perfectio** simpliciter est perfectissimo modo in primo ente. **80.a**
- Perfectiones** simpliciter sunt inter se composibiles. **555.**
- Perfectio** simpliciter quid, & ibi plura. **555.b**
- Perfectio** eadem numero esse nequit in Deos creatura. **591.b**
- Persona** divina ita simplex est sicut essentia. **108.b**
- una **Persona** adorari non potest actu quin simul habitualiter alia adorantur. **139.a.b**
- Pater** primus origine est persona, quam filius sit productus. **124.b**
- Personae** divinae sunt in se invicem. pag. **419.a**
- Persona** definitio. **445.a**
- hoc nomen **Personae** non significat secundam intentionem. **446.b**
- nulla ex **Personis** divinis potest videre essentiam quin videat personas. pag. **131.b**
- Persona** est communis communitate unionationis. **452.b**
- Persona** non significat de formali relationem. **453.a**
- Persona** significat subsistens indifferens, ad absolutum, & relativum. **455.a**
- Persona** divina primo significat subsistens in natura intellectuali indifferens ad absolutum & relativum. **455.a**
- Personae** non se ipsis distinguuntur. pag. **461.b**
- Persona** divina, etiam prout a parte rei existunt, non se ipsis constituuntur, & distinguuntur. **463.a**
- Persona** est ita simplex sicut essentia. pag. **464.a**
- Prima persona** si conceptum integro concipiat, concipitur relativum. **483.a**
- de ratione **Personae** aeternitatis non est aeternum naturam. **494.b**
- Personalitas** verbi est ultimus terminus naturae assumptae. ibidem.
- Persona** divina potest bifariam considerari. **508.b**
- qualibet **Persona** intelligit intelligentiam,

Index Rerum Memorabilium.

- ria, ut est ipsa, & nō ut alia. 126.b
Positiones sunt in duplici differentia.
pag. 316.b
Posterius essentialiter nō continet vir-
tualiter suum prius. 433.a
Possibile bifariam accipitur. 644.b.
Potentia naturalis bifariam accipitur,
subiective scilicet & formaliter. 2.b.
Potentia receptiva comparata ad for-
mam triplex. 2.b
eandem Potentia receptiva in ordine ad
diuersa potest esse naturalis violen-
ta & supernaturalis. 3.a
Potentia obedientialis reducitur ad
naturalem, vel supernaturalem. 5.a
Potentia receptiva respiciens com-
mune naturaliter respicit conten-
ta sub eo. 8.a
vnius Potentia unicus est actus, quo
modo intelligatur. 174.b
Potentia receptiva actuum supernatu-
ralium est naturalis. 8.b
Potentia naturalis duplex. 23.a
Potentia activa bifariam accipitur: 94.a
differentia inter Potentiam causati-
uam & productiuā. 194 & 195.a
Potentia demonstrata quid. 403.a
Potentia creaturae ad gratiam finita.
pag. 403.b
Potentia quando quietatur. 533.b
Potentia obiectiva, & actus sunt dif-
ferentia entis. 613.a
Potentia potest excedere suum obie-
ctum motuum, sed non termina-
rium. 633.b
Potentia ad opposita sine actuum suc-
cessionem reperitur in Deo. 658.b
simul potest aliquid habere Poten-
tiam ad opposita sed non ad opposi-
ta simul, ibid.
Praxis triplex acceptio. 44.b
Praxis descriptio, & quot sunt eius
conditiones. 46.b
Practicum & speculatiuum sunt quasi
propria passiones habens, vel noti-
cia. 63.a, & b
Pradicata duplicia. 255.b
Pradicata quem ordinem in re, in qua
sunt, seruent. 256.a
Pradicatum quandoq. conuenit toti,
& nulli ex partibus. 420.a, & b
in presentia Dei per operationem non
includitur presentia per essentiam.
pag. 550.a
Pradicatio duplex: 308.a
Pradicatio affirmatiua ratione cuius
sit vera. 557.a
Pradicatio formalis dimiditur, ibi. b
in prädicationib. per se est status. 440.b.
Prädicationes abstracti de abstracto
& concreti de concreto quando sine
vra in diuinis. 557.b
quid sit Pradicatum conuenire primo
subiecto quidq. per partem. 420.b
in presentia per operationem in com-
muni non includitur presentia per
essentiam. 550.b
presentia Dei in omnibus secundum
essentiam non inferitur ex operatio-
ne eius in omnia. 584.b
Presentia Dei ad creaturam supponit
creaturam. 585.b
Presentia Dei secundum essentiam in
omnibus recte inferitur ex immen-
sitate suae essentiae. 586.b
Primogenitus bifariam dicitur. 285.b
Primo diuersa sunt in duplici diffe-
rentia. 487.b
Primum quod Deitatis nō est supposi-
tum sed hic Deus. 238.b, & 494.b
Primum primitate adaequationis, &
immediationis quid sit. 512.a
Principium actiuius naturale bifa-
riam dicitur. 2.b
Principium potest esse practicum du-
pliciter. 58.b
Prima principia Theologiae creatae
sunt practica. 68.b

Print.

Index rerum Memorabilium.

Principium multiplex, ex D.T. bon.
pag. 110.b
Principium est duplex quo, & quod.
pag. 180.b
Principio quo non tribuitur actio tan-
quam agenti, sed tanquam rationi
agendi. ibid.
Principia productiva sunt tantum
duo. 187.a
Principium spirandi in solo patre est
imperfectum sicut in patre & filio.
pag. 333.a
in Principio quo Spiritus sanctus nulla
pluralitas requiritur. 346.a
Principia sempiterna sunt verissima.
pag. 362.a
qua sunt Principia essendi sunt princi-
pia distinguendi. 323.a
Prioritas multiplex. 111.a
Prioritas temporis seu durationis tan-
tummodo ratione prioritatis sim-
pliciter obtinet. 112.b
Prioritas perfectionis procul est a di-
vinis. 113.b
Prioritas natura triplex. 111.b, &
quid sit, prius & posterius origine.
pag. 116.a, & b
Prioritas natura non exponitur per in-
quo cum verbo est. 119.b
Processus in natura duplex, scilicet
ad formam, & ad materiā. 401.b
in processu ad formā est status. ibid.
Productionis ratio a mutatione se-
parari potest. 184.b
in divinis sunt tantum dua Produ-
ctiones alterius rationis. 187.b
in divinis non possunt esse plures produ-
ctiones eiusdem rationis. 188.a
Produci per modum natura & natu-
raliter non sunt idem. 272.b
Propositio cōtingens immediata quo-
modo cognoscatur. 39.b
Propositiones notanda. 109.a
Plurificabile in plura eiusdem ratio-

nis non determinatur ex se ad cer-
tam pluralitatem. 188.a
in proprietate verbi nullus respectus
ad creaturā p se includitur. 229.a
Proprietas in divinis nō dicitur necessa-
rio relationem positivae. 316.a
Propositiones necessariae sunt verae an-
te actum divinae voluntatis. 649.b
Propositiones in duplici dīa. 651.b
Propositio de praeterito non est absolu-
te necessaria. 667.b

Qualitas remissa praëxistens nō
 corrumpitur in intensione. 383.b
 in qualibet qualitate dua magnitudi-
 nes considerantur. 388.a
 nulla Qualitas potest secundum essen-
 tiam augeri. 390.b
 Qualitas potest esse sine quantitate, si-
 cut sine substantia. 391.a
 in qualitate maiori & magis intensa
 est maior realitas. 392.a
 duplex qualitatis productio. 394.a
 Qualitates sunt ī duplici dīa. 405.b
 Quantitas duplex; motus & perfectio-
 nis. 380.a, et 354.b
 Quantitas, qualitas, & substantia in
 omni genere sunt. 530.b
 Quantitatis divisio. 532.a
 Quanti infiniti proprietates. 552.a
 Quantitas virtutis duplex. 554.b
 Quid bifariam dicitur. 554.b
 in quidditate creata tria consideran-
 tur. 104.a
 Quidditas creata ad sui existentiam
 causā efficientē praequirir. 515.a
 Quidditas divina ex se, & primo absq.
 actione est alicuius suppositi. ibid.
 Quidquid est quādo est necesse est esse
 quomodo intelligatur. 663.a

Ratio intelligendi dupliciter di-
 citur. 615.a

Ratio illimitata potest esse ratio co-
 gno-

Index Rerum Memorabilium.

- gnoscenti plura distincte. 597.a
 Regulare mota operandi vere dicitur
 practica. 66.b
 Relatio non cognoscitur ignorato ter-
 mino. 21.a
 Relatiuū dē aliquid dupliciter. 78.a
 Relatio non est attributum essentia di-
 uine. 79.a & b
 Relationes diuinae paternitas &c. di-
 stinguuntur ab essentia ex natura
 rei formaliter. 80.b
 Relatio diuina nec actus nec modifi-
 cat, nec determinat effectū. 104.b
 Relatio cum essentia in diuinis nulla-
 tenus compositionem, vel quasi cō-
 positionem efficit. 108.a
 Relatio non est forma actiua. 153.b
 omnis Respectus Dei ad creaturam est
 communis tribus. 230.b
 Relationi conuenit aliquid bifariam.
 pag. 318.b
 Relatio constituit in ordine ad aliud.
 ibidem.
 Relatio distinguit a solo correlative.
 ex B. Th. 319.a
 aliqua Relationes ex proprijs rationi-
 bus sunt in eodem impossibiles.
 pag. 320.a
 Relatio non solum distinguit a corre-
 latiuo. 320.b
 quid sit Relationem constituere rem
 in ordine ad alterum. 321.a
 Relatio ad quodcumque comparatur
 est relatio. 321.b
 in diuinis omnia sunt unum, &c. ex-
 ponitur subtiliter. 336.a
 Relatio non distinguit precisē per ad.
 pag. 472.a
 Relatio ut relatio constituit. 476.b
 Relatio originis prima persona est uni-
 ca in re. 473.b
 Relatio originis prima persona potest
 diuersis rationibus considerari.
 pag. 481.b
 Relatio prima persona potest concipi
 duplici conceptu. 482.a
 paternitas & generatio si conceptu in-
 tegro concipiantur, nullum habent
 ordinem. ibidem.
 Relatio non semper supponit extrema
 distincta. ibid.
 unum Relatiuum potest esse prius ori-
 gine alio. 488.a
 Relatio est essentialiter habitudo inter
 duo extrema. 490.b
 de essentia Relationis est ipsum ad, ad
 terminum. 491.b
 Relatio si existit ordo ad oppositam re-
 lationē, potest eamē ad quodcumque
 aliud comparari. 496.
 Relatio nec prout identificata essentia
 nec prout sola ratione differt ab ea
 constituit personam, ut subsisten-
 tiam. 500.b
 Relatio secundum propriā entitatē for-
 malem constituit personā, ut subsi-
 stentem personaliter. 503.a
 Relatio fundatur immediate in sub-
 stantia. 531.b
 ad Relationē realē tria sufficiunt. 540
 Relatio est ratio formalis referendi, &
 non fundamentum. 545.b
 non Referuntur fundamenta. ibidem.
 ad Relationem realem non requiritur
 fundamenti plurificatio. ibidem.
 Relationes cōes nō distinguuntur rea-
 liter a relationib. originis. 547.a
 Relatio diuina non est formaliter in-
 finita. 558.b
 Relatio non habet rationem mensurae.
 ibidem.
 Relatio diuina non est perfectio simpli-
 citer. 559.b
 Relatio non dicit perfectionem. 561.b
 Relatio diuina quomodo dicatur in-
 comprehensibilis. 566.b
 Relationes diuinae obiecta secun-
 daria dicantur. 591.a

Index Rerum Memorabilium.

Res omnes continentur in Deo, sicut in sua causa. 591.b
in Relationibus tertij modij non est mutuitas. 592.b
Relatio terminatur ad absolutum ut sic. 616.b
Res non est in potentia ad suum modum. 437.a
Res producuntur in esse cognito a diuino intellectu. 607.a
Res cognita in Deo quomodo sit vita creatrix. 611.b, & 624.a
Res cognita dicitur habere idem esse quod ipsa cognitio. 627.a
Res esse presentes eternitati bifariam intelligitur. 636.b
Res aliqua bifariam potest esse presens potentia cognitrice. 637.b
Resolutio siue in re siue in conceptu stat ultimo ad simpliciter simplicia. 438.b

S

S*apientia diuina, vel quodlibet attributum abstrahendo ab essentia, nec est Deus formaliter nec creatura.* 101.a
Sapientia & charitas habent duo significata. 182.a
Sapere & intelligere sunt mere essentialia. 378.a
Sapientia se ipsa est formaliter infinita, a diuina vero essentia tanquam a radice. 486.a
Sapiens nemo esse potest sine ideis, quomodo intelligatur. 630.a
Sapientia potest dici alicuius bifariam. 633.a
Sapere et esse idem sunt in Deo. 171.a
Scientia multiplex acceptio. 29.b
ad Scientiam stricte sumptam quatuor conditiones requiruntur. 30.a
Scientia definitio. 30.a
Scientia duplex finis. 56.b
Scientia illa dicitur practica, circacuius obiectum praxis vera elici potest. 70.b

Scientiam ordinari ad actum nobilioris potetia quam sit ea, in qua subijcitur, perfectio est. ibid.
Scientia practica respectu ultimi finis nobilior est omni speculativa. ibidem.
Scientia quae est gratia sui nobilior est ea quae est gratia actus inferioris se. 71.a
Scientia futuri contingentis in Deo an sit perfectio simpliciter. 669.b
Scientia diuina infallibilitas non tollit rerum contingentiam. 672.a
Syllogismus seruans modum & figuram tenet in omni materia. 82.b
Sentire est habere sensationem sicut esse album habere albedinem. 99.a
Similitudo alicuius rei triplex ex B. Tho. 197.b
Simplicitas summa omnem compositionem excludit. 99.b
Similitudo duplex, alia impressa alia expressa. 201.a
Similitudo duplex, alia in essendo, alia in representando. 202.a
idem. Similitudo duplex. 207.a
Simplicitas duplex. 395.b
res potest dici Similis secundum aliquid bifariam. 537.b
Similitudo esse potest sine aequalitate. pag. 538.a
Synonymitas principaliter attenditur penes res, & non penes conceptus. 90.a
Species est spiritalior obiecto, vel non minus spiritalis.
Species finita potest infinitum representare. 206.b
perfectio Speciei intelligibilis duplex. pag. 199.b
Spiritus sanctus non produciatur per actum amandi sed spirandi. 228.b
 Spi-

Index Rerum Memorabilium.

- gnoscenti plura distincte. 597.a
 Regulare mora operandi vere dicitur
 practica. 66.b
 Relatio non cognoscitur ignorato ter-
 mino. 21.a
 Relatiuū dicitur aliquid dupliciter. 78.a
 Relatio non est attributum essentia di-
 uina. 79.a & b
 Relationes diuina paternitas &c. di-
 stinguntur ab essentia ex natura
 rei formaliter. 80.b
 Relatio diuina nec actuat, nec modifi-
 cat, nec determinat essentia. 104.b
 Relatio cum essentia in diuinis nulla-
 tenus compositionem, vel quasi co-
 positionem efficit. 108.a
 Relatio non est forma actiua. 153.b
 omnis Respe. Tus Dei ad creaturam est
 communis tribus. 230.b
 Relationi conuenit aliquid bifariam.
 pag. 318.b
 Relatio constituit in ordine ad aliud.
 ibidem.
 Relatio distinguit a solo correlatiuo,
 ex B. Tho. 319.a
 aliquae Relationes ex proprijs rationi-
 bus sunt in eodem impossibiles.
 pag. 320.a
 Relatio non solum distinguit a corre-
 latiuo. 320.b
 quid sit Relationem constituere rem
 in ordine ad alterum. 321.a
 Relatio ad quodcumque comparatur
 est relatio. 321.b
 in diuinis omnia sunt unum, &c. ex-
 ponitur subtiliter. 336.a
 Relatio non distinguit precise per ad.
 pag. 472.a
 Relatio ut relatio constituit. 476.b
 Relatio originis prima persona est uni-
 ca in re. 473.b
 Relatio originis prima persona potest
 diuersis rationibus considerari.
 pag. 481.b
 Relatio prima persona potest concipi
 duplici conceptu. 482.a
 paternitas & generatio si conceptu in-
 tegro concipiuntur, nullum habent
 ordinem. ibidem.
 Relatio non semper supponit extrema
 distincta. ibid.
 unum Relatiuum potest esse prius ori-
 gine alio. 488.a
 Relatio est essentialiter habendo inter
 duo extrema. 490.b
 de essentia Relationis est ipsum ad, ad
 terminum. 491.b
 Relatio si est ordo ad oppositam re-
 lationē, potest tamē ad quodcumque
 aliud comparari. 496.
 Relatio nec prout identificata essentia
 nec prout sola ratione differt ab ea
 constituente personam, ut subsisten-
 tem. 500.b
 Relatio secundum propria entitatem for-
 malem constituit personā, ut subsi-
 stentem personaliter. 503.a
 Relatio fundatur immediate in sub-
 stantia. 531.b
 ad Relationē realē tria sufficiunt. 540
 Relatio est ratio formalis referendi, &
 non fundamentum. 545.b
 non Referuntur fundamenta. ibidem.
 ad Relationem realem non requiritur
 fundamenti plurificatio. ibidem.
 Relationes cōes nō distinguuntur rea-
 liter a relationib. originis. 547.a
 Relatio diuina non est formaliter in-
 finita. 558.b
 Relatio non habet rationem mensurae.
 ibidem.
 Relatio diuina non est perfectio simpli-
 citer. 559.b
 Relatio non dicit perfectionem. 561.b
 Relatio diuina quomodo dicatur in-
 comprehensibilis. 566.b
 Relationes diuinae obiecta secundum
 datia dicantur. 591.a

Index Rerum Memorabilium .

Res omnes continentur in Deo, sicut
in sua causa. 591.b
in Relationibus tertij modij non est
mutuitas. 592.b
Relatio terminatur ad absolutum ut
sic. 616.b
Res non est in potentia ad suum mo-
dum. 437.a
Res producuntur in esse cognito a di-
vino intellectu. 607.a
Res cognita in Deo quomodo sit vita
creatrix. 611.b, & 624.a
Res cognita dicitur habere idem esse
quod ipsa cognitio. 627.a
Res esse presentes eternitati bifariam
intelligitur. 636.b
Res aliqua bifariam potest esse præsens
potentia cognitrici. 637.b
Resolutio siue in re siue in conceptu
stat ultimo ad simpliciter simpli-
cia. 438.b

S

Sapientia diuina, vel quodlibet
attributum abstrahendo ab essen-
tia, nec est Deus formaliter nec
creatura. 101.a
Sapientia & charitas habent duo si-
gnificata. 182.a
Sapere & intelligere sunt mere ef-
fentialia. 378.a
Sapientia se ipsa est formaliter infini-
ta, a diuina vero essentia tanquam
aradice. 486.a
Sapiens nemo esse potest sine ideis, quo-
modo intelligatur. 630.a
Sapientia potest dici alicuius bifar-
iam. 633.a
Sapere et esse idem sunt in Deo. 171.a
Scientia multiplex acceptio. 29.b
ad Scientiam stricte sumptā quatuor
condiciones requiruntur. 30.a
Scientia definitio. 30.a
Scientia duplex finis. 56.b
Scientia illa dicitur practica, circa cu-

ius obiectum praxis vera elici po-
test. 70.b
Scientiam ordinari ad actum nobilio-
ris potētia quam sit ea, in qua subij-
ciatur, perfectio est. ibid.
Scientia practica respectu ultimi fi-
nis nobilior est omni speculativa.
ibidem.
Scientia quæ est gratia sui nobilior est
ea quæ est gratia actus inferioris
se. 71.a
Scientia futuri contingentis in Deo an
sit perfectio simpliciter. 669.b
Scientia diuina infallibilitas non tol-
lit rerum contingentiam. 672.a
Syllogismus seruans modum & figu-
ram tenet in omni materia. 82.b
Sentire est habere sensationem sicut
esse album habere albedinem. 99.a
Similitudo alicuius rei triplex ex B.
Tho. 197.b
Simplicitas summa omnem composi-
tionem excludit. 99.b
Similitudo duplex, alia impressa alia
expressa. 201.a
Similitudo duplex, alia in esēdo, alia
in representando. 202.a
item, Similitudo duplex. 207.a
Simplicitas duplex. 395.b
res potest dici Similis secundum ali-
quid bifariam. 537.b
Similitudo esse potest sine aequalitate.
pag. 538.a
Synonymitas principaliter attendi-
tur penes res, & non penes conce-
ptus. 90.a
Species est spiritalior obiecto, vel
non minus spiritalis.
Species finita potest infinitum repræ-
sentare. 206.b
perfectio Speciei intelligibilis duplex.
pag. 199.b
Spiritus sanctus non produciatur per
actum amandi, sed spirandi. 228.b
Spi-

Index Rerum Memorabilium.

Spiritus sanctus non procedit libere li-
bertate contradictionis, nec contri-
rietatis. 276.b

Spiritus sanctus secundum D. Th. proce-
dit per modum libertatis. 280.a

Spiritus sanctus est a patre, & filio.
pag. 312.a & 313.b

Spiritus sanctus & filius quare non
sint fratres. 315.a

non est de ratione Spiritus sancti quod
sit a verbo. 350.a

Spirator principium agendi significat
pag. 352.b

Spiratio actualis non est prius origine
in patre, quam in filio. 356.a

de ratione Spiritus sancti non est quod
sit nexus. 358.b

Spiritus sanctus est amor trium per-
sonarum, & non creatura. 377.b

Spiritus sanctus quomodo spiratur
dilectione mutua. 347.a

Subalternus artifex non erit verè sciens
nisi habeat scientiam subalternan-
tem. 37.b 40. & 42.b

quomodo sit Substantia quidquid in
Deo reperitur. 83.a

Subsistere bifariam accipitur. 567.a
tres Subsistentie relatiue, etiam in
abstracto sunt in diuinis. 497.a

Subsistentia communis non potest
per adiunctam sibi relationem in
communicabilem reddi. ibidem.

Subsistentia cōis nullo modo actua-
tur per relationes. 497.a

Subsistentia essentialis non includit for-
maliter subsistentias relatiuas. 570.

qua in diuinis dicuntur secundum
Substantiam sunt duplicia. 459.b

Summum bifariam dicitur. 400.b

Suppositum nullam addit perfectio-
nem principio quo. 344.a

Suppositorum pluralitas ad produ-
ctionem Spiritus sancti non est cō-
ditio necessaria. 349.b, & 350.b

Suppositum non est entitas primo in-
communicabilis. 475.a

T

T*Erminus dictionis diuina non est*
notitia essentialis sed generis.

pag. 178.a

de ratione Termini visionis non est in
communicabilis Subsistentia, sed
existentia actualis. 140.b

Termini motus duplices. 382.b

Tps et eternitas quō differant 636.b
pro Terminis diuinis doctrina singu-
laris. 83.a

Theologia bifariam accipitur, secun-
dum se, & prout in nobis. 2.a

Theologia nostra nec est euident, nec
manet in patria. 25.a. nec est pro-

prie scientia. 33.a

ad Theologiam vel fidem aliqua duplici
ter pertinent. 26.b

Theologia claritas in cognoscendis
suis conclusionibus non excedit lu-
men fidei. 27.a

Theologia secundum se est proprie
scientia. 31.a

proprius tamē dicitur sapientia. 33.a

Theologia Dei respectu necessariorum
est proprie scientia. ibid.

Theologia beatorum est scientia scdm
omnes conditiones scientie: ibid.

Theologus viator non est verè & pro-
prie sciens, nec eius Theologia ve-
rè & proprie est scientia. 33.b. Re-

ducitur tamen ad scientiam. 33.b

Theologia nostra licet sit virtus intelle-
ctus, non tamen virtus intellectus. 34.b

Theologia nostra non subalternatur
scientia Dei, nec beatorum. 38.b

Theologia nostra non adequatur suo
obiecto, quod est Deus. 67.b

Theologia nostra & beatorum est pro-
prie & striete practica. 68.a

Totum esse paternitatis est ad filium.
pag. 490.b

Transi.

Index Rerum Memorabilium.

*Transitus a contradictorio in contradic-
torium quomodo mutationem
inducit.* 662.a

*Trinitas personarum ratione forma-
lem essentia non ingreditur.* 85.a

*Trinitas non est de ratione formali
obiecti benefici.* 124.a

V

Verbi definitio ex Augustini do-
ctrina. 146. & 147.a

*Verbum est noticia genita a memoria,
& non est absque actuali intelle-
ctione.* 147.b

Verbum hēt esse reale in mente. 148.b

*Verbum mentis non est terminus per
intellectionem productus.* 149.a

*Verbum mentis est ipsa actualis intel-
lectio.* 152.a

*non omnis noticia declarativa obiecti
est Verbum.* 154.a b

*qualibet actualis intellectio non est
Verbum.* 155.a

*omnis noticia genita a memoria etiā
confusa est Verbum.* ibid.

*Verbum perfectum in nobis conomi-
tatur duplex actus voluntatis.* pag.
156.a

*non producimus Verbum quia intelli-
gimus, sed ut intelligamus.* 167.a

*Verbum nō gignitur ab intelligentia, sed
memoria ut principio quo.* 167.b

*Verbum divinum immediate declarat es-
sentiam.* 168.a

*Verbum divinum producit per
actum dicendi, qui non includit
actum intelligendi.* 170.a

*Verbum divinum nullo modo est pa-
tri ratio intelligendi.* 171.b. 632.a

*Verbum divinum non producit, ut
per illud pater intelligat.* 177.b

*Verbum & dictio habent se ut actio
& terminus.* 178.b

*Verbum divinum non est de nihilo,
sed vere de aliquo.* 185.a b

*Verbum divinum producit ab in-
tellectu & divina essentia in ratio-
ne obiecti, non intellectu, sed intelli-
gibilis.* 214.a

*Verbum divinum non producit de
cognitione essentia divina.* 215.a

*Verbum non nascitur de creatura scā
quam de obiectis.* 224.b

*Verbum divinum quid primo quidq.
concomitanter importet.* 231.b

*Verbum divinum quomodo represen-
et creaturas.* 232.a

*per noticiam intuitivam producit
verbum.* 211.a

*Verbum ad suum producens dupli-
cem dicit habitudinem.* 366.a

*Verbum est proprium nomen secunda
persona.* 370.b

*Verbum quō dicatur appropriate ver-
bum omnis intelligibilis, ibid.*

*Verba activa sunt in duplici differen-
tia satis notanda.* 375.a

Verbum amore concipitur. 259.b

*Verbum cum mente de qua gignitur,
medius amor coniungit.* 260.a

*Verbum est simillimum rei nota, de
qua gignitur & imago eius quan-
do de visione scientia visio cogita-
tionis exoritur.* 173.b

*Verbum creatum representat ver-
bum increatum.* 147.a

Verbum est effectus memoria. 148.b

*de ratione Verbi non est gigni per in-
quisitionem.* 154.b

*ad rationem Verbi sufficit, quod sit
proles genita a memoria.* 155.a

*Verbum temperantia est eius definitio
nā cognitio.* 166.a

*Verbum vocale se ipsum, & id de quo
loquitur declarat.* 154.b

*Verbum est cognitio perveniens ad
id, quod scimus, & inde formata,
pag.* 153.a

Via tor potest frui essentia non fruendo

Index Rerum Memorabilium.

<i>do personis.</i>	138.b	<i>rationem.</i>	276.a
<i>Viator potest frui actu una persona,</i> <i>quin actu alijs fruatur.</i>	139.a	<i>Voluntas accipitur tripliciter secun-</i> <i>dum aliquos.</i>	277.b
<i>Violentum, & naturale unde dicantur.</i>	3.b	<i>Voluntas concors necessario distinetionem involuit.</i>	343.b
<i>Violenti descriptio.</i>	4.a	<i>in Voluntate diuina est actus amandi & spirandi. ibid.</i>	
<i>Videre Deum appetit naturaliter homo. 14 a & sequet. quod in eius clara visione naturalis potest inclinatur qualibet intellectus creatura</i>		<i>Voluntas secunda est principium Spiritus sancti. ibidem.</i>	
<i>Virtus solis nec est formaliter siccitas nec caliditas.</i>	142.b	<i>Voluntas ut actus volens non est principium Spiritus sancti.</i>	345.a
<i>Virtus agentis non egreditur ab eo in effectum sed in eo manet.</i>	186.a	<i>Vniuocationis gradus sunt quatuor. pag.</i>	428.a
<i>Visione beatifica videri potest essentia non visis personis</i>	134.b	<i>inter Vniuocum, & equiuocum non datur medium.</i>	429.a
<i>Visio beata in intellectu creato non est verbum, & si sit essentia diuina similitudo.</i>	210.a & b	<i>Vnitas attributionis non tollit vniuocationem.</i>	429.b
<i>Visio est actus ultimus visus.</i>	174.b	<i>Vniuocum predicari & equiuocum predicatum quid.</i>	428.a
<i>Vita intellectualis ratione formalem diuina essentia ingreditur.</i>	92.b	<i>Voluntas sequitur intellectum in essendo, & in operando.</i>	48.a
<i>Vniuersale non scitur per inductionem a singularibus.</i>	43.a	<i>Voluntatis duplex appetitus, naturalis, scilicet, & liber.</i>	13.a
<i>Vnitas summa excludit omnem pluralitatem.</i>	99.b	<i>Voluntas non est proximum spirandi principium nisi in duobus.</i>	346.b
<i>Vnitas compositi siue per se, siue per accidens necessario est ex actu & potentia.</i>	105.b	<i>Voluntas diuina est prima consingentia radix.</i>	645.b
<i>Vnicuique quo correspondet summi quid. pag.</i>	238.b	<i>Voluntas diuina non est libera ad oppositos actus.</i>	645.b
<i>Vnus continet aliud tripliciter.</i>	433.a	<i>Voluntas diuina est libera ad opposita obiecta. ibid.</i>	
<i>Vnum multipliciter accipitur. 107.a</i>		<i>Voluntas nostra non potest unico actum tendere in opposita obiecta: sed id potest diuina. ibid.</i>	
<i>condiciones Vnius per accidens. ibid.</i>		<i>Voluntas diuina necessario respicit pro obiecto diuinam essentiam.</i>	647.a
<i>Voluntas nullo modo est principium quo verbi.</i>	259.b	<i>Voluntas creata Dei potentia potest frui essentia equiuocum fruatur personis. ibid.</i>	
<i>Voluntas multipliciter dicitur.</i>	263.a	<i>Voluntas, quomodo sit Spiritus sancti principium.</i>	346.a
<i>Voluntas diuina non potest non esse recta.</i>	271.b	<i>Voluntas quando intelligitur ut proximum spirandi principium.</i>	346.a
<i>Voluntas diuina necessario diligit essentiam Dei sed non creaturas.</i>	271.a	<i>quomodo Voluntate concordat spiraretur Spiritus sanctus.</i>	347.b
<i>Voluntas si potest ut natura considerari.</i>	274.a		
<i>Voluntas ut natura nulla habet operationem.</i>			

CONTROVERSIARVM THEOLOGICARVM INTER S. THOMAM ET SCOTVM

Super Primum Sententiarum Librum.

PRIMA PARS.



CONTROVERSIA PRIMA.

An Deus clarè visus sit finis naturalis hominis?

1. Arg.



ARS negatiua probatur. Primò. Finis, & medià debent esse eiusdem propositionis, & ordinis: sed medià necessaria ad vi-

dendum Deum sunt omnia supernaturalia, vt fides, spes, charitas, & lumen gloriæ: ergo visio Dei, vel Deus clarè visus non est noster naturalis finis: nam si naturalis esset, nostræque naturæ consonus, medià etiam ad ipsum consequendum naturalia essent.

2. Arg.

Secundò. Nō ex lege naturali, nec ex principijs naturæ, sed ex supernaturali ordine sumus prædestinati ad Dei visionē, & fruitionē: ergo non ordinamur ad illā naturaliter. Patet consequentia: quia prædestinatio gratia quædam est: antecedēs verò est apud omnes Theologos manifestum.

Tertiò. In homine non est naturalis inclinatio ad gratiam, vt de se patet: ergo nec ad gloriam. Patet consequentia: quia si non est in aliquo naturalis inclinatio ad vltimam dispositionem ad formam, minus erit in eo inclinatio ad talem formam.

Quarto. Eodem appetitu fertur voluntas in finem, & in medià necessaria ad illum finem: ergo si homo naturaliter desiderat videre Deum, eodem appetitu desiderat medià ad istū finē vt gratiam, & lumen gloriæ: sed hoc videtur a vera fide alienum: ergo, &c.

Quintò. Desiderium vltimi finis debet esse efficax, quia ratione vltimi finis omnia appetuntur: sed desiderium naturale videndi Deum non est efficax: ergo Deus visus non est finis noster naturalis. Probo minorem, quia respectu impossibilium non potest esse efficax desiderium: sed videre Deum est homini per vires natu-

3. Arg.

4. Arg.

5. Arg.

ra profus impossibile: ergo respectu visionis Dei non potest homini inesse naturale, & efficax desiderium.

6. ARGUM.

Sexto. Cuiusque potentie passiva naturali correspondet sua actiua naturalis: sed potentia naturali passiuæ ad videndū Deū non correspondet in natura potentia actiua naturalis, per quā ad actū reduci possit: ergo nō datur talis potentia passiuæ naturalis: Cōsequentia est optima: probatur maior. Primo, quia aliās esset frustra. Secundo, quia ex Arist. 2. celi & Mūn. Si natura dedisset calo vim progressiuam, ei prastitisset pedes ad ambulandum: ergo similiter in proposito, si aliqui natura tribuit potentiam passiuā naturālē, dat ei potentiam actiuā naturālē, per quā ad actū reduci possit.

7 ARGUM.

Septimō. Si in anima nostra esset naturalis potētia, & inclinatio ad videndū Deum, sequeretur, q̄ angelus, qui exācte cognoscit animam nostrā, cognosceret ex facultate naturali sui intellectus, quod anima propensionem habeat ad Dei visionē: sicut qui perfectē cognoscit lapidem, cognoscit eius inclinationem ad suum locū: ex quo inferretur angelū vinbus sui intellectus posse habere euidentiā quod visio diuinæ essentię & eius fructio sit homini possibilis: cognoscit enim desiderium naturale non esse ad impossibile: sed cōsequens est falsum, ergo & illud, ex quo sequitur.

IN HAC controuersia hunc ordinem seruabo. Primō inquiram, An potentia susceptiua actus supernaturalis sit naturalis iuxta ordinē ad huiusmodia actum. Secundō, de quæsito. Tertiō, An ratione naturali probari possit, Dei clarā visionem, & fruitionem esse finem vltimum hominis. Vltimō, Ad rationes.

ARTICVLVS PRIMVS.

An potentia susceptiua actus supernaturalis sit naturalis in ordine ad huiusmodi actum?



Ira hunc primum articulum est opinio Caietani, opusculo de potentia, afferentis partē negatiuā quaestionis, quam omnes Thomistæ sequuntur. Opposita sententia est Doctoris subtilis 1. quæst. prol.

Pro intelligentia tituli huius dubitationis obserua, q̄ aliqua potētia potest dici naturalis bifariam. Primō subiectiue, quia, scilicet, est potentia naturalis: in qua significatione quæcūq; potētia in rebus naturalibus existens dicitur naturalis. Secundō dicitur aliqua potentia naturalis formaliter, & est illa, quæ naturaliter est propensa, & inclinata ad suum actum. Sensus ergo dubitationis est. Vtrum potentia in rebus naturalibus inuentæ, in quibus actus supernaturales recipiuntur, naturaliter inclinentur ad illos: sicut lapis ex sua natura est propensus & inclinatus ad locū suum. Caiet. vt diximus, tener partem negatiuam: non ster vero Scot. partem affirmatiuam.

Pro huius quaestionis decisione obseruandum est ex Doctore subtili, vbi supra, & in 4. d. 43. q. 4. & 9. Met. q. 4. quod potentia receptiua, seu passiuæ potest ad duo comparari. Primō ad actum, & formam, quam recipit. Secundo ad agens, à quo formam recipit. Exempli gratia, potentia passiuæ aquæ ad calorem potest comparari, vel ad ipsum calorem, quem recipit, vel ad ignem, à quo illum recipit. Si potentia passiuæ compararetur ad formam,

nam,

nam, quam accipit, vel est naturalis vel violenta, vel neutra. Naturalis quidem, si ex sua natura sit inclinata, & propensa in ipsam formam: sicut aqua ad frigiditatem, & ignis ad calorem. Violenta verò, si huiusmodi formam contra eius naturalem inclinationem, ac propensionem recipit: quia ad oppositam inclinatur naturaliter. Sic potentia aquæ ad calorem est violenta, quia ad oppositum caloris naturaliter est aqua propensa. Neutra potentia est illa, quæ nullam resistentiam, nec naturalem propensionem habet ad hanc formam, nec ad oppositam, licet utriusque sit capax: cuiusmodi est potentia superficiæ ad albedinem, & nigredinem: quia superficies nec est propensa naturaliter in albedinem, nec in nigredinem. Si igitur consideretur habitudo potentia passivæ ad formam, necessariò erit talis potentia, vel naturalis, vel violenta, aut neutra. Si verò comparatur potentia receptiva non ad formam, quæ recipit, sed ad agens, a quo recipit, erit vel naturalis, vel supernaturalis. Naturalis quidem, si comparatur ad agens, quod est naturaliter impressivum huiusmodi formæ. Supernaturalis verò, si comparatur ad agens supernaturaliter imprimens formam. Exemplum primi, quando aqua comparatur ad ignem producentem calorem. Exemplum secundum, si eadem aqua comparatur ad Deum immediate in ipsa producentem calorem. Ex his infertur, quod eadem potentia receptiva in ordine ad diversa potest esse violenta, naturalis, & supernaturalis. Nam potentia aquæ ad calorem in ordine ad calorem est violenta, a quocunque cum recipiat in ordine vero ad ignem agentem, est naturalis: si

verò huiusmodi calorem a Deo recipiat immediate, huiusmodi potentia in ordine ad Deum erit supernaturalis. Ex his duo colliguntur in via Doctoris subtilis. Primum quod violentum, & naturale ei oppositum præcisè sumuntur ex habitudine potentia passivæ ad formam, & non in ordine ad agens. Secundum, quod supernaturalitas potentia passivæ, & naturalitas ei opposita sumuntur etià præcisè in ordine ad agens. Primum conspectum sic ostenditur: quia illud est præcisè causa alterius, quo posito, circumscripto, vel variato quocunque alio sequitur effectus: sed posita habitudine passivi ad formam, secluso omni respectu ad agens, vel ad quodcumque aliud, manet ratio violenti & naturalis ei oppositi: ergo ex sola habitudine passivi ad formam desumitur ratio violenti, & naturalis ei oppositi. Consequentia est nota cum maiorem minor probatur: quia passivum & forma manentibus in sua ratione, videlicet, quia forma sit receptibilis, tamè contra inclinationem passivi: quocunque modo varietur agens, passivum violentè recipit: si verò forma sit receptibilis secundum naturalem inclinationem passivi, alijs quocunque modo variatis, est ibi ratio naturalitatis: ergo ratio violenti & naturalis ei oppositi præcisè desumuntur ex habitudine passivi ad formam. Et confirmatur: quia non tantum induci, sed etiam in permanere dicitur, quia aliqua forma violentè permanet, ali qua verò naturaliter: ita quod circum scribendo agens, quod post inductionem formæ non habet actionem, est ibi naturalitas, vel violentia præcisè per habitudinem, & comparisonem passivi ad formam: ergo ex sola habitudine ad formam depromitur violentia, & naturalitas.

Duo colliguntur ex dictis

Exemplum de vires agente.

*Violenti
descriptio*

Sed contra Violentum ex Arist. 3. Ethic. cap. 3. dicitur illud, cuius principium est extra non conferente vim passio: ergo ratio violenti non solum desumitur essentialiter, & per se ex comparatione passio ad formam, sed etiam ex comparatione ad agens. Patet consequentia: quia in definitione violenti ponitur agens.

Respondetur negando consequentiam. Et ad probationem dico, quod in descriptione violenti ponitur agēs tanquam extrinsecum, & non tanquam per se complēs, nec tanquam per se constituens rationem violenti: sed tantum completur & constituitur ratio violenti per illam particulam, passio non conferente vim, id est, inclinationem. Secundum consuetudinem probatur: quia aliis circumscriptis, manente sola habitudine ad agens, consideratur ibi supernaturalitas. Quod patet: nam si potentia passio sua reciperet formam naturaliter sui perfectiorem a supernaturali agente, adhuc reciperet eam supernaturaliter: non quidem propter habitudinem ad formam, quia sic naturaliter recipit, sed propter habitudinem ad agens, a quo recipit eam. Exempli gratia. Si aqua reciperet frigiditatem immediate a Deo, reciperet eam supernaturaliter, non ex habitudine ad formam, sed per comparationem ad agēs, a quo recipit eam.

*Agēs naturale
duplicitur accipitur
sup.*

Secundo obserua, quod naturale, prout dicitur de principio actiuo, bifariam accipitur. Primo, ut opponitur libero: & naturale hoc modo dicitur de re agente necessitate naturali. Vnde agens naturale, seu naturaliter, est illud, quod ex propria forma determinatum ad vnum, necessitate naturali operatur. Agens vero libe-

rum, quod seipsum determinat ad agendum.

Secundo accipitur naturale prout opponitur supernaturali. Et in hac significatione agens naturale dicitur, quod habet naturalem ordinem actiuum ad passium: sic quod naturales limites transgredi non potest. Et huiusmodi agens dicitur necessario relationem realem ad passum, & effectum: quia dicit naturalem ordinem ad ea. Hoc modo omne agens creatum dicitur naturale. Agens vero supernaturalis est illud, quod omnem naturalem ordinem excedit: cuiusmodi est solum agens increatum, ut puta Deus, qui legibus prescriptis ipsis creaturis non adstringitur, ac proinde naturalem ordinem ad effectum non dicit: propter quod potest dici agens supernaturalis distinctum contra agens naturale primo modo sumptum, quod, scilicet, naturalem ordinem ad passum dicit.

*Agēs supernaturalis
quid.*

Prima conclusio. Diuisio potentie passioe in ordine ad formam, per potentiam naturalem violentam, & neutram, est optima ac sufficiens. Probatur: quia membra diuidentia totam diuisionem latitudinem exhaustiunt; nulla enim est potentia passioe, quae sub aliquo membro illorum trium non contineatur. Præterea. Diuisum intelligitur in membris diuidentibus: & insuper membra diuidentia non se inuicem includunt, sed opponuntur: ergo est bona ac sufficiens prædicta diuisio: quia nihil aliud ad exactam diuisionem præter ea, quæ commemorauimus, desiderari videtur.

Concl.

Sed obijcies. Potentia obedientialis est in rebus: & tamen sub nullarum trium continetur: ergo diuisio est insufficientis, ac diminuta.

Obijctio.

Respondetur.

Respondeo secundum Doctorem subtilem: 9. Met. q. 1. 2. quod potentia obedientialis proprie sumitur, non in ordine ad formam, sed ad agens. Obedientia enim proprie significat subiectionem respectu agentis, potentis de obediēte facere quod vult: ac proinde proprie sub nulla illarum trium continetur: quia illa sumuntur per comparationem ad formam: reductur tamen ad supernaturalem potentiam, vel naturalem ex habitudine ad agens desumptam.

2. Concl.
Potentia
neutra dicitur
duo.

Secunda conclusio. Potentia neutra est in rebus naturalibus. Sed aduerte, quod potentia neutra in ordine ad formam duo dicitur: vt puta, capacitate subiecti in ordine ad formam, & negationem violentie seu resistentie, ac naturalis inclinationis subiecti ad eandem formam. Hoc posito probatur conclusio. Primò. In angelo est potentia passiva ad essendum in loco: & illa non est naturalis, nec violenta: ergo neutra. Consequentia teneri a sufficiente partium enumeratione: maior vero patet, quia angelus potest esse in loco: ergo habet potentiam passivam ad essendum in loco. Sed hoc latius a nobis explicabitur in controuersijs de natura angelica: Probo minorem. In primis non est violenta, vt de se patet. Quod vero non sit naturalis sic ostendo: quia si potentia angeli ad esse in loco esset naturalis, cum sit limitata, naturaliter esset in determinato loco, ac per consequens in loco opposito esset violenta: sicut in ceteris entibus naturalibus accidit. Præterea. Quia si angelus esset naturaliter in loco, aliquod corpus haberet naturalem aptitudinem ad ipsum conseruandum, quia naturalis inclinatio ad locum non est nisi,

vt res melius sub eo conseruetur: ergo si angelus habet naturalem inclinationem ad locum, necessarium est, quod in loco continetur, qui est in corpore, sit aptitudo ad ipsum conseruandum, quod est omnino falsum. Argumentum est optimum: nisi dixeris angelum, naturaliter quidem inclinari ad locum, sed indeterminate: & ideo naturaliter est sub quocunque loco: sicut materia prima naturaliter quiescit sub quacunque forma, quia indeterminate tendit in quamcunque. Hæc responsio nulla est. Sed pro eius confutatione obserua, quod locatum naturale habet determinatam naturam suis proprietatibus, & qualitatibus ornatum, cui debetur locus sibi proportionatus, similibus, scilicet, qualitatibus præditus, vt locatum conseruare possit: locus enim naturaliter est locati conseruatiuus. Ex hoc infero, quod quodlibet locatum, vel locabile naturale habet determinatum locum, ad quem sit propensum. Et ratio est nota: quia in loco naturali requiruntur consimiles qualitates illis, quæ sunt in locato: non autem in omni loco sunt consimiles qualitates ijs, quæ in locato particulari reperiuntur. Hoc supposito dico, quod responsio assignata non est admitterenda: quia cum omne locatum naturale requirat determinatam dispositionem in suo loco naturali, vt sub eo conseruetur, non potest ad quemcunque locum naturaliter inclinari, sed determinate ad vnum sibi proportionatum, & sibi conseruatiuum. Nec exemplum de materia aliquid valet ad propositum: quia materia prima ex sua natura nullam qualitatem sibi determinat, sed omnibus, quas forme secum adducunt, gaudet, & latatur.

Secundo. In cœlo est potentia neutra ad motum: ergo in entibus datur potentia neutra. Consequentia est nota, antecedens probatur. Potentia cœli ad motum non est violenta, ut patet, nec naturalis secundum Auerroem 9. Metaph. capit. 2. ubi ait, quod motus cœli non est naturalis, quia tunc terminaretur ad quietem naturalem, & motus ab illa quiete esset violentus: igitur est potentia neutra a sufficiente partium enumeratione. Tandem potentia superficie ad albedinem, vel nigredinem est neutra, quia nullam inclinationem naturalem, nec resistantiam habet ad aliquam illarum; ergo in entibus naturalibus datur potentia neutra.

Set. arg.
contradictio
cluf.

Sed contra hanc conclusionem multipliciter infurgit Soto. 2. Physic. q. 1. Primo sic. Non datur potentia actiua neutra: ergo nec passiua. Patet consequentia ex proportionem potentia actiue ad passiuam.

Secundo. Aut nomine potentia neutrius intelligit Scotus potentiam determinatam ex se ad genus, sed indifferens, (cuiusmodi est superficies, quæ de se determinatur ad colorem in mixtis naturalibus, est tamen indifferens ad species coloris, ut ad albedinem vel nigredinem) aut intelligit meram negationem potentia, aut aliquod positium: sed nullum istorum est potentia neutra: ergo non datur talis potentia. Probo minorem. Non primum: nam si potentia neutra est illa, quæ ex se est determinata ad genus, & indifferens ad species, euidenter sequitur, quod potentia materie primæ ad formam sit neutra, quia ex se est determinata ad formam, in communi, indifferens vero ad quamcumque, siue in specie, siue

in singulari: sed asserere potentiam materie ad formam esse neutram, est omnino absurdum, ergo, &c. Nec potentia neutra potest esse mera negatio, quia hæc nullo modo dicitur potentia, sed nullitas potentia. Si vero nomine potentia neutrius intelligatur aliquid positium, videtur profecto repugnātia dicere, quod sit potentia, & sit neutra, nam potentia 9. metaph. text. 13. definitur illud, ad quod est inclinatio: ergo si est potentia, est saltem inclinatio, aut resistentia respectu actus; si autem est neutra, nulla est inclinatio, nec resistentia: ac proinde dicere, quod est potentia & quod est neutra, videtur inuoluerē contradictionem. His argumentis Magister Soto omnino conuincitur ad asserendum nostram conclusionem & esse falsam, & contradictionem inuoluerē. Sed miror profecto huiusmodi rationes adeo debiles virum alias doctissimum in huiusmodi sententiam induxisse, alibi & cetera.

Ad primam ergo rationem respondendo, negando consequentiā. Ad probationem dico, quod proportio potentia actiue ad passiuam solum consistit in hoc, quod sicut actiua potest agere, ita passiuam pati: ac proinde ex negatione potentia actiue in specie non licet inferre negationem potentia passiuæ, etiā in specie; quia potentia passiuæ alterius rationis possunt a potentia actiua eiusdem rationis pati: nā aqua potest pati a producente frigiditate & a producente calore. Hæc autem producentia in ratione specifica potentia actiue conueniunt: habent enim potentiam actiuam naturalem, eandem secundum speciem; potentia vero aquæ ad calorem est alterius rationis a potentia eiusdem aquæ ad frigiditatem: quia illa est violenta, hæc

Ad rationes
Magistri
Sotæ
Ad primam.

vero

vero naturalis. Præterea, quia ratio specifica potestatis passivæ neutrius, desumenda est per ordinem ad formam, sicut & ratio potentie naturalis passivæ & violentæ, & non per ordinem ad agens: ergo ex negatione potentie activæ neutrius, non recte infertur negatio potestatis passivæ neutrius, quia negata potentia activæ neutra, & omnino sublata, remanet ordo ad formam, ratione cuius potest dici potentia passiva neutra: Remota ergo potentia activæ neutra, quæ nullo modo dari potest, & quæ de per accidens se habet ad rationem potentie passivæ neutrius, non aufertur nec auferri debet in medio potentia passiva neutra.

Ad secundam. Ad secundam rationem dico, quod per potentiam neutram intelligit Scotus aliquid positivum, quod est alicuius forme capax, ad quam nullum ordinem & inclinationem naturalem, aut renitentiam dicit. Vnde potentia neutra, ut diximus, capacitatem subiecti cum negatione inclinationis naturalis, & violentie ad formam importat. Et cum arguit Magister Soto, Potentia definitur per illud, ad quod est in potentia, ergo si est potentia, est saltem inclinatio, aut resistentia respectu actus: concesso antecedente nego consequentiam: datur enim medium, ut puta nec inclinatio, nec resistentia. Possibile namque est, quod aliqua potentia nec naturaliter, nec violenter ad formam aliquam inclinaretur, ut ex dictis patet. Nec esse potentiam passivam, & nullam inclinationem naturalem, aut resistentiam respectu forme importare, contradictionem inuoluit, ut male Soto ubi supra suspicatur, quod ex dictis satis constet.

Obiectio. Sed rogabis forsitan, an concedi

possit, quod potentia neutra sit illa, quæ de se est determinata ad formam in communi, indifferens vero ad hanc & illam?

Respondeo nequaquam hanc esse potentie neutrius definitionem: quia, ut bene concludit primum argumentum Magistri Soto supra adductum, tunc materia prima esset in potentia neutra ad hanc, & illam formam: quia ex natura sua determinatur ad formam in communi, & ad nullam in particulari. Potentia ergo neutra solum negat inclinationem, & violentiam seu resistentiam in ordine ad formam. Sed nunquid superficies est in potentia neutra ad albedinem, & nigredinem? Respondeo affirmative: quia nullam inclinationem naturalem habet ad albedinem, nec ad nigredinem, nec repugnantiam, seu renitentiam.

Sed contra arguit Caietanus, ubi supra: Quia omnis potentia receptiva alicuius actus aut respicit illud per se primo, aut per se secundo, aut contrarium his: sed tam actum per se primo respectum, quam per se secundo, respicit naturaliter, & contrarium eis respicit violenter: ergo omnis potentia receptiva alicuius actus est naturalis, vel violenta: ergo potentia superficie ad albedinem, & nigredinem non est neutra, sed naturalis, vel violenta: non violenta: ergo naturalis.

Respondeo, concedendo maiorem, & negando minorem. Contingere enim potest, quod potentia dicat ordinem per se primo ad aliquem actum, & quod talis ordo non sit naturalis inclinatio: nam potentia passiva angeli ad essendum in loco primo respicit locum, non tamen naturaliter, ut supra

Solutio.

Arg. Caietanus.

docuimus. Dico ergo, quod potentia superficiei, etiam ut colorabilis ad ipsum colorem, non est naturalis, nec violenta, sed neutra: nisi per potentiam colorabilem intelligas superficiem cum naturalibus dispositionibus immediatis ad colorem: nam tunc naturalis dici potest, & in ordine ad colorem in communi, & in particulari. Si enim aliquod receptium naturaliter respicit aliquod commune, similiter & omne contentum sub eo. Vnde Scotus. 1. q. Prologi ex eo, quod concedit naturalem inclinationem intellectus ad ens in communi concludit, ipsum naturaliter inclinari ad cognitionem claram Dei Trini. Et quia materia prima naturaliter respicit formam in communi, concluditur quod naturaliter tendat in quamcunque in particulari, licet indeterminata, ut docet Scotus in primo. d. 1. q. 1. in solutione ad ultimum. Ex his concluditur non bene solui argumentum Caietani ab ijs, qui concedentes inclinationem naturalem superficiei ad colorem in communi, negant naturaliter inclinari ad albedinem, & nigredinem: quia nigredinem, & albedo addunt aliquid supra rationem coloris. Concedunt ergo isti Doctores superficiem per se inclinari naturaliter ad albedinem, & nigredinem sub ratione communi coloris, sed non sub ratione albedinis & nigredinis. Sed reuera isti toto aberrant calo. Nam in omnibus potentijs respicientibus naturaliter aliquod commune communitate predicationis, prospicimus quod etiam naturaliter respiciat omnia sub eo contenta: visus enim, qui primo, et naturaliter respicit colorem pro obiecto, naturaliter respicit etiam albedinem, & nigredinem. Cuius

rei signum est, quia perfectius quietatur visus in albedine sub ratione albedinis, quam in hoc colore sub ratione coloris: quia ratio coloris perfectius in albedine, quam in alio colore reperitur. Idem dicendum est de auditu respectu soni. Nam sicut auditus naturaliter tendit in sonum: ita & in omnes species sonorum, & precipue in illum sonum, ubi ratio soni perfectissime inuenitur. Et profectum specificum differentie non minuant rationem sui generis, sed ipsam augeant, ac perficiant, absurdum videtur omnino asserere, potentiam aliquam naturaliter esse propensam in aliquod obiectum commune genericum, & non in species eiusdem communis generici. Vnde Doctor subtilis in primo, dist. 1. lit. B. probat intellectum nostrum non quietari perfecte, nisi in ente primo: quia perfectissima ratio entis, quod est obiectum commune nostri intellectus, in solo primo ente reperitur. Potentia ergo tendens naturaliter in aliquod commune, tendit etiam naturaliter in illud particulare, ubi ratio illius communis reperitur; alioquin in illo particulari non quietaretur naturaliter. Verum est tamen, quod illud commune respicit per se primo, species vero illius communis per se, non primo, sed secundo.

Tertia conclusio. Potentia receptiua actuum supernaturalium est naturalis in ordine ad eosdem actus, non solum naturalis subiectiue, sed etiam formaliter, quia naturaliter est propensa & inclinata in eos. Conclusio est D. Tho. 1. 2. q. 1. 3. art. 10. Vbi sic ait. Secundo in quibusdam miraculosis operibus inuenitur, quod forma inducta est supra naturalem po-

3. Concl.

Sensitua
D. Tho.
cuius
est
Scotus.Refellitur
aliquorum
opinio.

ten-

rentiam talis materie: sicut in iustificatione mortui vita est supra naturalem potentiam talis corporis. Et quantum ad hoc iustificatio impij non est miraculosa: quia naturaliter anima est gratiæ capax. Eo enim ipso, quod facta est ad imaginem Dei, capax est Dei per gratiam. Hæc D. Thom. Vbi aperte hanc nostram tenet conclusionem, quidquid eius discipuli in contrarium fateantur. Est etiam hæc conclusio Doctoris subtilis, vbi supra, 1. q. prol. lit. M. Vbi sic ait. Ad propositum dico, quod comparando intellectum possibilem ad notitiam actualem in se nulla est sibi cognitio supernaturalis: quia intellectus possibilis quacunque cognitione naturaliter perficitur, & ad quamcunque naturaliter inclinatur. Et idem iudicium est secundum mentem Doctoris subtilis, de voluntate in ordine ad gratiam, & charitatem.

Sed nonnulli Scotistæ arbitrantur Doctorem subtilem in prædictis verbis accipere ly, naturaliter, non vt opponitur violento, sed vt opponitur libero: ac si diceret, intellectum recipere omnem intellectionem naturaliter, id est, non liberè. Sed meo iudicio inanis, & stulta est hæc expositio. Primò, quia secundum Scotum, in 4. vbi supra, naturale, vt opponitur libero, solum dicitur de principio actiuo: hic vero loquitur subtilis Doctor de principio passiuo. Præterea: quia Scotus in prædictis verbis expresse loquitur de naturali, vt opponitur, violento, si quidem ait intellectum naturaliter inclinari ad quamcunque notitiam actualem, & sub quacunque naturaliter quiescere. Tandem, quia cum triplicem potetiam distinxisset Scotus in ordine ad formam, vt pu-

ta, naturalem, violentam, & neutram statim applicando ad propositum dixit, intellectum naturaliter inclinari ad quamcunque intellectionem: ergo loquitur de naturali, vt opponitur violento, de quo supra fuerat loquutus, aut frustra illam distinctionem potentiarum adiecit.

Sed obijciunt hi Scotistæ in hunc modum. Si naturaliter, vt opponitur violento, quiescit intellectus sub vna intellectione, ergo violentè quiescit sub alia: sicuti, quia lapis naturaliter quiescit in loco infimo, violentè quiescit extra illum. Sed tamen isti incidunt in prunas cupientes vitare patellam. Concedunt enim hoc argumento victi materiam primam non inclinari naturaliter in omnes formas, sed neutraliter se habere ad illas: quod absque dubio maius inconueniens, quam primum censendum est: siquidem nature materie primæ omnino contrariatur: quæ vt ait Arist. 1. Phys. cap. 8. ita appetit formam, sicut femina masculum. Et quis obsecro poterit sibi persuadere propositum, siquidem forma substantialis est naturalis perfectio materie? Et si in fundamento nature, quod est materia, non est inclinatio naturalis ad suam perfectionem, in quibus rebus inuenitur? Nec argumentum, quod isti conuincuntur, vim aliquam & efficaciam habet, sed puerile est. Si legissent Doctorem subtilem, in 1. dist. 1. q. 1. facile se ab eius difficultate expedissent. Prius ergo, quam argumentum soluzm, oportet ostendere secundum Scoti sententiam, materiam primam naturaliter inclinari ad quamcunque formam sub quibuscunque dispositionibus existentem. Non Metaphysicorū loco citato in solu-

tionem ad quaestionem sic ait. In materia est triplex respectus: scilicet, ad materiatur, ad formam, & ad agens in quantum actuatur ipsam. Tam prima quam secunda, vel absolute consideratur, vel comparando materiam in quantum existens sub vna forma, transmutabilis est immediate ad aliam. Primo modo considerando utramque; potentiam dico, quod nulla est in materia prima, nisi naturalis, quia naturalem inclinationem habet ex se, ut sit cuiuscunque compositi pars, & quacunque forma perficiatur, cuius potest esse pars, ex qua potest perfici: nec potest contra nec supra suam inclinationem in aliquo composito esse, vel sub aliqua forma, quae eius est quomodocunque perfectiva. Hae Scotus. Et in 1. dist. 1. quaest. in solu. ad ult. dicit. Cum probatur, quia qualibet forma quietat materiam suam, quia aliter sub quacunque quiesceret violenter, dico, quod quies violenta numquam est, nisi quiescens determinate inclinatur ad oppositum, sicut exemplificatur de graui respectu deorsum, vel descensus, & quiete eius super terram. Materia autem prima ad nullam formam determinate inclinatur: & ideo sub quacunque quiescit, non violenter, sed naturaliter quiescit propter indeterminatam inclinationem ad quaecumque.

Ex his facile soluitur argumentum. Concesso enim antecedente negotio consequentiam: quia numquam est quies violenta, nisi quando quiescens determinate inclinatur ad oppositum. Sicut graue quiescit violenter in loco superiori, quia determinate inclinatur ad locum inferiorem: intellectus vero ad nullam notitiam inclinatur determinate, sed indeterminate ad

quaecumque, propter quod sub quacunque naturaliter quiescit, & ad quaecumque naturaliter inclinatur, sicut ad suam perfectionem. Potentia ergo intellectus ad quaecumque intellectionem, & materiae ad quaecumque formam indeterminata est, non neutra.

Sed iam nostra tertia conclusio probatur. Primo, quia omnis potentia cognitiua naturaliter tendit in suum primum & adequatum obiectum, ut patet de auditu respectu soni & cuiuslibet soni, & in visu respectu coloris, & cuiuslibet coloris: sed ens in tota sua latitudine est obiectum nostri intellectus, licet non sit naturaliter motuum eius: ergo naturaliter est propensus in ens, & in quodlibet sub eo contentum: ergo naturaliter inclinatur in cognitionem cuiuslibet entis: ergo potentia receptiua intellectus respectu cuiuscunque cognitionis, etiam obiecti supernaturalis, est naturalis.

Secundo. Omnis potentia receptiua in ordine ad formam, vel est naturalis, vel violenta, vel neutra: sed potentia intellectiua est receptiua cognitionis supernaturalis: ergo vel est naturalis, vel violenta, vel neutra: sed non est violenta, quia tunc beati violenter essent sub beatitudine: non est neutra, siquidem cognitio rei supernaturalis est in maxima perfectione intellectus, praefertim visio beatifica, quia est vltima perfectio intellectus: ergo est potentia naturalis.

Tertio. Si intellectus naturaliter tendit in cognitionem obiecti naturalis causa est, quia est eius perfectio: sed cognitio supernaturalis, praefertim beatifica, est maxima, & suprema perfectio intellectus, & eius est capax:

Respon-
detur ar-
gumento
Scotista-
rum.

Exem-
pli opt.

Proba-
tur conclu-
sio multi-
pliciter
primo.

2. prob.

3. prob.

capax : ergo multo magis naturaliter inclinatur in visionem beatificam , quam in cognitionem cuiuscumque alterius obiecti naturalis.

4. prob.] Quarto. Vnumquodque appetit naturaliter suam perfectionem: ergo maximam perfectionem maximè naturaliter appetit iuxta sententiam Aristot. 1. met. ca. 1. sed visio clara Dei , & actus supernaturalis est maxima hominis perfectio: ergo maximè naturaliter appetitur ab homine: ergo sumus in naturali potentia ad supernaturales perfectiones.

Responso Caietani] Hic argumento respondet Caietanus in opusculo de rerum naturalium potentia, quæ suo prima, in hunc modum. Cum inquis, Potentia perficitur per actum suum, & naturaliter appetit actum ac perfectionem suam, aut ly, suam, significat suam per informationem actu vel potètia, aut suam per naturalem proportionem, seu inclinationem: Si primo modo (inquit Caietanus) falsa est maior: nam graue existens sursum non naturaliter, sed violenter perficitur per esse sursum, & tamen esse sursum est actus & perfectio eius per informationem: & similiter calor in aqua est actus aquæ per informationem, & tamen aqua non appetit calorem naturaliter, sed oppositum, puta, frigiditatem.

Responso Caietani] Si verò secundo modo, est petitio principij in illa minori, scilicet, visio Dei est maxima hominis perfectio: hoc enim est probandum, quod talis visio sit hominis perfectio per naturalem inclinationem ad ipsam.

Sed hanc Caietani solutionem non satisfacere argumento sic ostendo: & dico, quòd ly, suam, neutro modo accipitur in argumento. Non primo mo-

do, quia, vt ostendit bene Caietanus, forma violentans subiectum est actus eius. Nec secundo modo, quia committeretur in argumento vitium petitionis principij. Sensus ergo propositionis est, quòd vnumquodque appetit naturaliter id, quod ipsum perficere potest, sicut materia formam, lapis locum inferiorem. Et distinctio Caietana non est ad propositum. Nam in primis licet esse sursum, vel calor in aqua sint actus lapidis & aquæ, tamen nec esse sursum, est perfectio lapidis, nec calor aquæ, immo ista destruunt perfectionem eorum, in quibus sunt: siquidem contra eorum inclinationem insunt. Nec in dicta ratione committitur petitio principij: siquidem non subsumitur id, quod erat probandum, sed subsumitur minus commune sub magis communi, vt intuitu patere potest. Vera ergo est illa propositio. Vnumquodque naturaliter appetit suam perfectionem, id est, id, per quod perficitur ac condecoratur: ergo cum visio clara Dei maxime hominem perficiat, illustret, atque ornet; eam maxime naturaliter concupiscit.

Sed contra hanc conclusionem arguit Caietanus, vbi supra, in hunc modum. Et supponit actum supernaturalem esse duplicem, alterum secundum se, qualis est gratia, alterum vero quoad modum fiendi, vt visus ceco restructus, visus enim secundum se est naturalis actus hominis: sed qd cæco in instanti detur, supernaturale est. Tunc sic arguit Caietanus. Ad actum supernaturalem rationem modi nulla est naturalis potentia: ergo multo minus erit potentia naturalis ad actus supernaturales secundum se. Consequentia patet: quia si id magis

Redarguit Caietani conclusionem.

magis videtur in esse, non inesse, ergo quod minus videtur inesse non inest. Antecedens probatur ex frequentivisu, quo naturalem potentiam ad miracula negamus.

*Relucitur
Caietani
dist. 8.
responsio*

Hoc argumento præcipue conuincitur Caietanus ad oppositum nostræ conclusionis defendendum. Sed ego vehementer miror Caietanum non prospexitse defectum syllogismi adeo manifestum. Procedit enim a negatione potentie actiue in ordine ad miracula ad negationem potentie passiuæ naturalis ad actus supernaturales. Concedo ergo quod in natura non est potentia actiua ad actus supernaturales ratione modi: sed nego inde sequi non esse potentiam naturalem passiuam ad actus supernaturales secundum se. Nam ad reuiniendam animam ad corpus non est potentia actiua naturalis in natura, cum tamen sit in anima naturalis potentia, & inclinatio ad illam reuinionem: & in cæco est naturalis inclinatio ac potentia passiuæ naturalis in ordine ad visum, licet non sit in tota natura potentia actiua ad restituendum visum. Ita in proposito licet in natura non sit potentia actiua reducens hominem ad actum beatitudinis, est tamen in eo potentia passiuæ naturalis ad beatitudinem.

*In homi-
ne est po-
tentia pas-
siua natu-
ralis ad beati-
tudinem*

Ratio Caietani valeret equidem, si a negatione potentie passiuæ naturalis in ordine ad actus supernaturales ratione modi, procederet ad negationem potentie naturalis passiuæ ad actus supernaturales secundum se. In hunc modum: In natura non est potentia passiuæ naturalis ad actus supernaturales ratione modi: ergo nec ad actus supernaturales secundum se. Sed sic antecedens est falsum.

ARTICVLVS II.

An Deus clarè visus sit finis naturalis hominis.

Circa secundum articulum, in quo de principali questione agitur, sunt diuersæ opiniones seu dicendi modi. Et cum non satis constet quid senserit de hac re D. Thomas, eius discipuli in varias secantur opiniones. Prima opinio affirmat, quod appetitus & desiderio naturali voluntatis naturaliter cupimus videre Deum: nam visis effectibus cognoscimus Deum esse, ex quo accendimur desiderio videndi causam primam, & Deum omnium rerum authorem. Hæc opinio placuit Ferrariensi 3. cont. gen. c. 5. 1. Et videtur esse valde consona dictis B. Thomæ. Nam, 1. par. q. 12. art. 1. & in prol. sentent. ait, hominem posse videre Deum: & rationem assignans dicit, quia naturaliter cupit videre Deum: visis enim effectibus necessario causam intueri desideramus. Et 3. cont. gen. cap. 50. probat naturale desiderium angelorum non quiescere, donec Deum videant.

Secunda opinio est Caietani 1. p. 2. opinio. q. 12. art. 1. quæ duplici conclusione constat. Prima est. Si in homine sola & nuda naturalia hominis considerentur, non inest ei naturale desiderium videndi Deum. Secunda conclusio. Si consideretur homo lumine fidei illustratus, vel habes aliquam notitiam de Dei clara visione, habet naturale desiderium elicitum, seu actum elicitum voluntatis videndi Deum. Exemplo declarantur istæ duæ conclusiones. Si aqua consideretur secundum sua naturalia, non habet inclinationem ad calefaciendum, imo oppositam:

*Prim.
opin.*

*Ex plos
declaran-
tur due
concl.
Caieta-
ni.*

positam: si vero ut valida concipiatur, illam habet.

3. opinio.

Tertia opinio asserit claram Dei visionem; & eius fruitionem nulla ratione esse finem hominis naturalem, sed esse gratuitum donum, quod in hunc finem sumus propensi. Secundum hanc opinionem Deus clare visus est finis noster supernaturalis, non solum quoad assequutionem, ut veritas catholica docet, sed etiam quoad inclinationem: ita quod nulla est in homine inclinatio naturalis, nec pondus in Deum clare visum. Hanc sententiam tuentur interpretes Divi Thomæ, qui hac nostra tempestate super primam secundam, & primam partem Divi Thomæ commentaria ediderunt.

4. opinio.

Quarta opinio est Doctoris subtilis, q. 1. prol. lit. E. & in 4. d. 49. q. 10 asserentis Deum clare visum esse finem nostrum naturalem, quo ad inclinationem, & propensionem nostræ naturæ, quæ naturaliter est propensa in visionem Dei: supernaturalem verò quoad assequutionem. Concedit ergo Scotus pondus, & inclinationem naturalem in homine ad Deum clare visum tanquam ad finem, etsi illum adipisci non possit viribus naturæ. Scotum sequitur Sotus egregius Thomista, lib. 1. de natura, & gratia, c. 4. & in 4. in di. 49. q. 2. art. 2.

Idem sententia.

In hac quaestione, si mea non me fallit opinio, Sanctus Thomas, & Doctor subtilis idem omnino sentiunt. Unde pro utriusque sententiæ intelligentia observandum ex Doctore subtili, in 4. loco nunciatum, quod appetitus voluntatis est duplex, alter naturalis, alter verò liber. Appetitus naturalis voluntatis est inclinatio, & propositio eius in suam perfectionem,

seu ipsa potentia voluntatis propensa, & inclinata nullo sibi superaddito. Sicut enim qualibet natura habet inclinationem naturalem ad suam perfectionem: sic etiam natura intellectualis, scilicet, voluntas habet naturalem inclinationem ad suam perfectionem. Et sicut inclinatio lapidis ad locum inferiorem non est aliquid superadditum lapidi, sed ipse lapis inclinatus: ita inclinatio, & appetitus naturalis voluntatis non est aliquid superadditum ipsi voluntati, sed est ipsa voluntas inclinata, & propensa. Hic appetitus voluntatis non est actus elicited voluntatis, sed præcedit quemcumque actum elicited voluntatis. Quod sic ostendo. Quia sicut se habet appetitus naturalis intellectus ad actum suum, sic etiam appetitus voluntatis ad suum actum: sed appetitus naturalis intellectus non est actus ab eo elicited: ergo nec appetitus voluntatis erit actus ab ea elicited. Consequenter tenet eum maiori. Minorè probò: quia appetitus naturalis intellectus est ad omnem actum cognoscendi verum: ergo præcedit quemcumque actum cognoscendi. Præterea: quia si esset actus elicited, duo actus elicited possent esse simul in eodem, quia potest quis appetitu naturali refugere mortem. Nam secundum Apostolum 2. ad Corinth. 5. Nolumus expoliari, sed supervestiri, & simul eligere mortem actum liberè elicited, ut patet in martyribus: sed consequens est falsum: ergo & illud, ex quo sequitur. Ex his inferitur, quod iste appetitus voluntatis non sequitur cognitionem, sed antecedit omnem actum intellectus, sicut & natura voluntatis, quæ est idem re ipsa cum ea, omnem etiam actum intellectus præcedit.

Tantum doctoris sententia optime aperitur.

Alius

Alius est appetitus voluntatis liber, qui est velle liberum, & hic est actus elicitus a voluntate sequens apprehensionem intellectus, quia voluntas actu elicto non fertur in incognitum. Et hunc appetitum aliqui vocant naturalem, vel quia inclinationi naturali consonus est, vel quia ex solis viribus naturalibus quandoque elicitur, vel tandem quia hoc appetitu voluntas quasi impetu suæ naturæ fertur in finem suum sibi ostensum. Sed subtilis Doctor nullum actum a voluntate elicitum in ordine ad quodcunque obiectum appellat naturalem, saltem prout naturale opponitur libero, quia liberum & naturale secundum Scotum ita opponuntur, ut nulli eadem potentia inesse possint, ut in controversia tridecima diffuse satis demonstrabimus.

2 Not.

Secundo observa ex eodem Scoto, q. 1. prol. litera, E, quod Deum clarè visum esse finem nostrum naturalem, bifariam intelligi potest. Primò, quòd sit naturalis finis, quoad inclinationem quia, scilicet, naturaliter inclinatum sumus propensi & inclinati. Secundò, quoad assequutionem, sic, quod viribus nostræ naturæ possimus illum adipisci. His ita constitutis veritas huius questionis in lucem proferenda est.

Prima
concl.

Prima conclusio. Homo illustratus lumine fidei, vel habens quomodocunque cognitionem certam, quòd visio beatifica est sibi possibilis, appetit naturaliter videre Deum, non quidem appetitu, & desiderio efficacis sed inefficaci. Conclusio intelligitur de appetitu elicto: quæ quidem communis est, omnesque opiniones supra positæ illam fatentur, atq. am-

plectuntur. Et probatur. Si visio effectibus gignitur in nobis appetitus videndi causam, ergo & videndi primam causam. Secundo. Si Philosophus conciperet visionem Deitamquam sibi possibilem, statim desiderio videndi Deum accenderetur: ergo homo lumine fidei illustratus, vel habens certam cognitionem de visione beatifica, ut sibi possibili, naturaliter eam appetit. Conclusio etiam probari potest argumento primo, & tertio positis ad tertiam conclusionem articuli præcedentis. Quod verò non possit eam efficaciter desiderare ex viribus naturæ, sic ostendo. Quia si posset efficaciter vel videre Deum, posset etiam ex suis viribus habere actum spei supernaturalis, sperare enim nihil aliud videtur esse quam efficaciter vel le, vel desiderare beatitudinem, sed consequens est falsum: ergo, &c.

2 Concl.

Secunda conclusio. Loquendo de naturali appetitu, qui est pondus & inclinatio naturæ in suum finem, homo, & quælibet creatura intellectualis naturaliter appetit claram Dei visionem. Conclusio est Scoti, locis citatis, quam multoties affirmat in 4. dist. 49. q. 10. Eandem tenet Magister Soto locis supracitatis. Et Durandus in 4. dist. 49. q. 8. quæ illis verbis Apostoli. 1. ad Corinth. 2. Oculus non vidit, neque auris audiuit, &c. (ut male quidam Thomista sibi persuadet) minime aduersatur. Sensus namq; illorum verborum est, ut vult ibi Nicolaus de Lira, & pariter Glossa interlinearis, quod nec cognitione sensitiva, quæ potissime habetur per visum, & auditum, nec etiam cognitione intellectuali naturali cognitum fuit, nec cognosci potuit incarnationis mysterium, nec ea, quæ in futura vita
ijs, qui

ijs, qui diligunt illum, Deus præparat, sed solum per revelationē. Quod cum nostra sententia optimè consistit, quia per hoc, quod inclinationem naturalem in homine ad beatitudinem concedimus, non admittimus, illam supernam beatitudinem nos viribus naturæ cognoscere posse: imò illud articulo ultimo huius controversiæ negamus. Et certè hæc nostra sententia est etiam B. Thom. nisi ego fallor. Nam 1. p. q. 1. artic. 1. sic ait. Si igitur intellectus rationalis creaturæ pertinere non posset ad primam causam rerum, remanebit inane desiderium naturæ. Ex desiderio igitur, & appetitu naturæ rationalis ad videndum Deum colligit D. Thom. intellectum nostrum posse videre Deū, quia alioquin frustra esset tale desiderium.

*Quidam expi-
ficor
aliter in
terpreta-
tur D. Th.*

At, quidam novus expositor 1. partis D. Thom. eodem articulo citato dicit B. Thomam non loqui de appetitu, ac desiderio, prout est pondus, & inclinatio naturæ, sed prout est actus elicited. Quod confirmat, quia dicit in articulo idem B. Thom. Naturale desiderium inest homini viso effectu videre causam. Quorsum, inquit, hæc verba proferret si de illo pondere loqueretur? Nam hoc pondus non viso effectu inest homini. Sed ego contra objicio, si de illo desiderio pro actu elicited loquitur, quorsum desiderium naturæ illud appellat? Item, si non loqueretur de appetitu pro inclinatione non bene concluderet, nos posse videre Deum ex hoc, quia tunc desiderium naturæ esset frustra. Nam quid quæso inconuenit desiderium hominis consequens actum elicited esse frustra? Tandē cū fateamur appetitum naturæ non esse frustra, cōter loquimur de inclinatione naturali ip-

sius naturæ, ergo si probatio B. Th. aliquid valet, fatendum est, ipsum loqui de desiderio sumpto pro inclinatione.

Ad illud autē, quod ille novus expositor objicit, respondeo, illa verba adiecta esse a D. Thoma, ut inde ostenderetur naturale desiderium, ac pondus, siue inclinatio naturæ in visione Dei nam si huiusmodi inclinatio non inest a natura, viso effectu non cuperemus naturaliter videre causam. Tandem admissio, quod loquatur de desiderio pro actu elicited, dico tibi necessario subintelligi naturalem inclinationem ad videndam causam; nam ille actus elicited, quo cupimus videre causam, nō dicitur naturalis a D. Thoma, nisi quia consonus, & conformis est inclinationi naturæ.

Præterea idem B. Thomas 3. cōtra gentes, c. 50. expressè probat naturale desiderium angelorū non quiescere in cognitione, quam naturaliter habent de Deo, nisi ipsum videant. Et, ut prospicias illum loqui de desiderio naturali pro inclinatione, adducam verba eius in quinto argumento, quæ huiusmodi sunt. Sicut naturale desiderium inest omnibus intellectualibus naturis ad sciendum, ita inest naturale desiderium ignorantiam, seu nescientiam pellendi, sed substantiæ separate prædicto cognitionis modo cognoscunt substantiam Dei esse supra se, & supra omne id, quod ab ipsis intelligitur, & per consequens cognoscunt diuinam substantiam sibi ignotam, igitur naturale desiderium eorum tēdit ad intelligendam diuinam substantiam. Ex his sic argumentor. Sic accipitur a D. Thoma naturale desiderium in conclusione, sicut in maiore propositione (alias acquisitionis in eius ratione contingeret)

sed

*Exponi-
tur D.
Th. con-
tra mul-
torum opi-
nionem.*

Confirmatur sententia D. Thomae Arist.

sed in maiori per naturale desiderium intelligit propensionem, & inclinationem naturae, quia naturale desiderium ad scientiam in natura intellectuali est inclinatio naturalis, de qua loquitur Aristoteles, primo Metaph. cap. 1. cum ait, Omnis homo naturaliter scire desiderat: ergo in conclusione per naturale desiderium cognoscendi diuinam substantiam intelligit propensionem naturalem: ergo homini à natura inest propensio ad videndum Deum. Et eodem capite argumento 2. sic ait. Ex cognitione effectuum excitatur desiderium ad cognoscendum causam: non quiescit igitur sciendi desiderium naturaliter omnibus substantijs intellectualibus inditum, nisi cognitis substantijs effectuum, etiam si substantiam causae cognoscant. Per hoc igitur, quod substantiae separatim cognoscunt omnium rerum, quarum substantias vident, Deum esse causam, non quiescit naturale desiderium in ipsis, nisi etiam ipsius Dei substantiam videant. Haec D. Thomas. Ex quibus sic argumentor. In antecedente huius argumenti per naturale desiderium aperte intelligit naturalem inclinationem, & propensionem, quia dicit illud desiderium omnibus naturis intellectualibus fuisse naturaliter inditum, quod de actu elicto dici non potest: ergo in consequenti per naturale desiderium intelligit eandem propensionem naturalem: ergo secundum B. Thomam, in angelis est naturalis propensio, & inclinatio ad visionem Dei. Profecto satis aperte constat mens B. Thomae: sed eius discipuli ne videantur cum Scoto sentire, D. Thomam in aliam adducunt sententiam. Vnde aiunt, in prima ratione loqui D. Tho-

mam de desiderio naturali videndi Deum, ut naturae finem; & auctorem, sed non ut auctorem gratiae. Sed contra D. Thomas, in praefata ratione ait, quod angeli videntes Dei substantiam esse supra se, & supra omne id, quod ab ipsis intelligitur, naturaliter cupiunt pellere nescientiam, quam de Deo habent: sed de Deo, ut auctore naturae nullam habent nescientiam: quia ut sic eum perfecta cognoscunt, habent tamen nescientiam Dei, ut auctoris supernaturalis: ergo hanc nescientiam cupiunt naturaliter à se pellere: ergo naturaliter desiderant videre, & cognoscere Deum, ut auctorem gratiae. Et confirmatur. Deus ut auctor naturae non est supra omne id, quod angeli intelligunt (contineatur namque intra obiectum eorum naturale) sed ut auctor est gratiae: ergo ut auctorem gratiae cupiunt eum cognoscere, siquidem eius nescientiam expellere naturaliter optant. Praeterea: Angeli naturalem propensionem habent, per vos, ad visionem Dei, ut finis naturae: sed visio Dei in se, etiam vel finis naturae est supernaturalis: ergo ad aliquid supernaturale est in angelis naturalis propensio: ergo, & ad quodcunque aliud esse potest.

Sed iam nostra probatur conclusio. Primo sic. Omne imperfectum in aliqua specie naturaliter desiderat consequi perfectionem illius speciei: sed nos habemus imperfectam cognitionem de Deo, & similiter naturae intellectuales ex suis proprijs viribus: ergo naturaliter optamus cognitionem Dei perfectam, qualis est eius clara visio. Argumentum est B. Thom. vbi supra, ad hoc idem probandum.

Secundo. Nihil finitum potest quiescere

Thomista male interpretatur D. Thom.

tare

2. prob.

tare desiderium intellectus creati, quia quolibet finito dato aliquid ultra intellectus molitur apprehendere: ergo in nulla substantia finita apprehensa quiescit intellectus, sed adhuc naturali desiderio tendit ad intelligendam substantiam finitā, quæ est Deus. Hæc ratio etiam est B. Thomæ, loco nunc citato, quæ certè concludit nostrum propositum. Nec dici potest, quod loquatur de desiderio naturali, quid est actus elicited, quia hoc iā falsum esse supra ostendimus.

3. ratio
probat
conclus.

Tertiò. Voluntas necessariò necessitate naturali fertur in Deum clarè visum, & sibi ostensum secūdum Thomistas: ergo vel illa necessitas provenit ei ab intrinseco, vel ab extrinseco. Si ab extrinseco, ipsa voluntate nullā vim naturālē prabente: ergo violentè fertur: quia violentum est, cuius principium est extrā, passio non conferēte vim: ergo vi trahitur in ipsum, sicut trahitur ferrū a magnete. Si verò huiusmodi necessitas provenit ab intrinseco: ergo naturalis inest ei, p- pensio, & inclinatio, secūdum quā naturaliter tendit in Deum clarè visum, sicut lapis in centrum: quia intelligi nequit ex qua alia causa illa necessitas tendendi in obiectum provenire possit ab intrinseco. Dices forsitan illam necessitatem in actu tendendi in Deum clarè visum oriri ex obiecto, & charitate, non verò ex natura voluntatis. Sed hæc responsio ex dictis manet confutata, quia tunc violētè, & non naturaliter ferretur, vel saltē quātum est ex se, non ferretur necessariò, quod in doctrina D. Th. est omnino negandum. Etsi naturaliter fertur volūtas secūdum Thomistas in Deum clarè visum, quo modo naturalē inclinationem, & propensionem

eius in clarā Dei visionē negare possunt? Nisi forte dixerint illā sibi superaddi in instanti beatitudinis, quod voluntarium esse, nemo est qui ambigat. Quid enim est naturaliter necessario ferri potētiā in suum obiectū, nisi in ipsum secundum eius inclinationem naturaliter tendere?

Quartò. Voluntas naturaliter fertur in beatitudinem: ergo naturaliter fertur in clarā Dei visionem, in qua sola consistit beatitudo, saltem secūdum S. Thomam. Probo antecedēs: quia secundum Philosophum. 1. Ethic. bonum est, quod omnia naturaliter appetunt: ergo magis bonum magis appetunt: sed beatitudo est maximum bonum hominis: ergo maximè naturaliter appetitur ab homine.

4. probatur
cōcl.

Sed dicunt aliqui, quod licet volūtas hominis naturaliter appetat beatitudinem, non tamen beatitudinem in particulari, sed in communi, nō determinando in quo consistat.

Contra, quia appetitus voluntatis ad beatitudinem est ad perfectionē intrinsecā realem, quia voluntas perficitur: sed perfectio realis voluntatis non est aliquid vniuersale, sed particulare: ergo, &c. Præterea. Appetitus voluntatis ad beatitudinem non est actus sequens cognitionem, quia tunc esset liber: vniuersale autem nō est, nisi obiectum intellectus, vel consequens actum intellectus: ergo ille appetitus volūtatis ad beatitudinem non erit, nisi beatitudinis in particulari: siquidem præcedit omnē actum intellectus. Non enim dicendum est naturam rebus tribuisse inclinationē naturalem ad aliquid vniuersale, sed ad particulare, per cuius consequentiam perficiantur.

Quintò. Potentia receptiva actuum

B

super-

5. probatur
cōcl.

supernaturalium in homine est naturalis formaliter, id est, naturaliter propensa in eos; ergo inest homini a natura inclinatio in claram Dei visionem, quæ est omnium actuum supernaturalium supremus actus.

*c. proba-
tur cõl.*

Sexto. D. Augustinus, quinto confessionum, sic ait. Fecisti nos Domine ad te, & inquietum est cor nostrum donec perueniamus ad te: ergo conditi sumus in natura, secundum quam ad Deum per claram visionem attingendum sumus inclinati, & ordinati, quia ex D. Augustino facti sumus ad Deum. Quod manifeste indicat id, quod subdit idem Augustinus. Et inquietum est cor nostrum, donec perueniamus ad te. Nec dici potest, quod D. Augustinus loquatur de actu elicitio: quia loquitur vniuersaliter de omnibus hominibus: contingit autem aliquos esse vel fuisse, qui tamen nunquam actum elicitum desiderij circa visionem Dei habuerunt.

*Redar-
guitur
ista cõ-
clusio ab
aliqui-
bus Tho-
mistis.*

Primo.

Sed quidā nouus expositor primæ secundæ Sancti Thomæ q. 3. art. 8. asserit, hanc nostram conclusionem esse falsam, & omnino improbabilem, quod his rationibus sibi persuadet. Primò: quia desiderium naturale vltimi finis competit homini, quatenus homo est: ergo quatenus rationalis est: ergo sequitur cognitionem. Pondus enim naturæ sine cognitione est commune belluis, & hominibus. Secundò. Tale desiderium est voluntatis: obiectum autem voluntatis est bonum propositum per intellectum: ergo sequitur cognitionem. Et confirmatur, inquit: nā voluntas licet consideretur, vt natura, semper habet pro obiecto bonum apprehensum: ergo eius desiderium sequitur cognitionem. Sed in chercule hæc argumenta

*Cõfirmatur.
Obiectum
voluntatis
natura
quid.*

inania sunt, & viro Philosopho indigna. Vnde ad primum concedo antecedens, & primam consequentiam, sed nego secundam. Nam multa prædicata insunt homini per rationalitatem tanquam per causam præcisam, & adæquatam, vt sunt omnes propriæ passionēs, quæ tamen nō sequuntur cognitionem. Numquid risibilitas non conuenit homini, quia rationalis est? Ita sane: sed tamen non sequitur cognitionem; alioquin homo non esset risibilis, nisi dum actu cognosceret: quod absurdissimum esse nullus ambigit.

Sed cum dicit pondus naturæ, & inclinationem illam esse communē belluis, & hominibus, turpissime philosophatur, & omnino errat: quia secundum sanam, & bonam philosophiam nō omnes naturæ habent eundem finem proximum, sed diuersis naturis diuersi fines correspondent, & assignantur. Numquid idem finis proximus præstituitur api, & araneæ, equo, & hominibus Absit. Præterea. Inclinatio lapidis ad locum inferiorem, & inclinatio ignis ad locum superiorem sunt ne eiusdem rationis; Conueniunt quidem in ratione inclinationis communi: sed secundum proprias rationes sunt quidem alterius rationis, & speciei. Nego igitur inclinationem naturalem hominis, quæ hominem consequitur, quatenus intellectualis est, esse communem brutis, quia cum conueniat homini per id, quo a brutis distinguitur, nūquam illi, & brutis communis esse potest. Iste quidē expositor hallucinatus est, existimans hanc inclinationem, & pondus homini conuenire per id, in quo cum belluis conuenit. Sed nisi hominem solā belluam faciat, ei pe-
culia-

*Ad pri-
mum*

culiarem inclinationem in ad suum proprium finem assignare debet.

Ad secundum.

Ad secundum dico, quod obiectum voluntatis, quoad actum eius eliciti, est bonum apprehensum per intellectum, & ipsi voluntati praesentatum: ceterum inclinatio voluntatis, cum non sit actus elicitus (ut supra diximus) non indiget bono ostenso ab intellectu: sed illa, nulla praeuia cognitione, tendit in id, ad quod inclinatur, sicut lapis in centrum.

Ad confirmationem.

Ad confirmationem dico, quod (ut controuersia 10. dicemus, & ut docet Sc. in 3. d. 33. sub lit. N.) voluntas, ut natura nullum actum elicit, sed omnis actus eius elicitus est ab ea, ut libera, & ut voluntas est. Secundò dico, quòd cum voluntas sua inclinatione, & pondere feratur in suum finem, non indiget cognitione aliqua, per quam sibi finis ostendatur: hæc enim ostensio requiritur, ut voluntas actu elicitò in suum feratur obiectum: sicut enim lapis sua natura intrinseca in centrum est propensus: ita voluntas se ipsa est propensa in suum finem nullo actu intellectus præcedente.

4. concl.

Quarta conclusio. Clara Dei visio est finis hominis supernaturalis omnino quoad assequutionem. Conclusio est de fide tenenda: quia (ut omnes sacrae literæ & omnia Concilia uno ore proclamant) gratia Dei omnino indigemus, ut ad talem finem nobis pateat aditus.

5. concl.

Quinta conclusio. Clara Dei visio seu Deus clarè visus est finis noster naturalis quoad inclinationem. Probatur: quia (ut ex supradictis patet) naturaliter sumus in hunc finem propensi; ergo est finis noster naturalis quoad inclinationem.

6. concl.

Sexta conclusio. Visio clara Dei seu

Deus clarè visus, bene dici potest finis naturalis hominis. Probatur: quia ad hoc sufficit inclinatio, & propensio naturæ in huiusmodi finem. Ceterum enim rerum finis naturalis dicitur: quia res ipsæ in eos sunt propenses, scilicet etiam mediis naturalibus eos consequantur: sed secunda ratione exclusa propter solam primam naturales dicerentur; ergo, &c.

ARTICVLVS III.

An ratione naturali probari possit Dei claram visionem esse ultimum finem hominis.

Circa tertium articulum videtur, quod naturaliter possimus cognoscere Deum, clarè visum, esse finem hominis. Primò: quia omnis natura caulata dependet essentialiter a qualibet causa sua per se: ergo propter talem dependentiam, cognita tali natura, cognoscitur quælibet causa per se eius: ergo cum natura humana sit causata, ipsa cognita cognoscetur eius finis, qui est eius per se causa: sed homo ex suis viribus cognoscit perfectè naturam humanam: ergo cognoscit eius finem: sed talis finis est Deus clarè visus ex supradictis: ergo, &c.

Secundò. Homo naturaliter inclinatur in Deum clarè visum, sicut in suum vltimum finem: ergo huiusmodi inclinatione cognita cognoscetur finis hominis: sed illa inclinatio est naturaliter cognoscibilis sicut & ipsa natura: igitur, &c.

Tertiò. Homo naturaliter attingit ens esse obiectum adequatum nostri intellectus: ergo naturaliter potest cognoscere, quòd in Deo perfe-

At cognito consistit eius finis: sed perfecta Dei cognitio est clara eius visio: igitur, &c. Antecedens probatur: quia Auicenna naturali rationi innixus asserit lib. 1. suæ Metæ. ens esse obiectum nostri intellectus. Consequentia probatur: quia naturalis ratio ostendit finem cuiuscunque potentia esse illud, in quo perfectissime ratio sui primi obiecti reperitur; sed ex lumine naturali constat in Deo reperiri perfectissimè entis rationem: ergo naturaliter cognoscitur, quòd Deus sit finis nostri intellectus.

Finis dupliciter accipitur Pro intelligentia huius difficultatis nota, quòd finis bifariam accipitur. Primo, pro causa finali rei ex cuius amore agens operatur. Secundo pro fine, qui per operationem attingitur a potentia: sicut finis potentia visus est pulcherrimū visibile prout terminat eius operationem.

Primæ conclus. Hoc posito sit prima conclusio. Quod Deus sit causa finalis hominis, naturaliter cognoscipōt: ratio namque naturalis ostendit deueniendum esse in causis finalibus ad ultimam, quæ nec in virtute alterius finiat, nec ulterius ordinetur ad aliud: & hæc est Deus, sicut in causis efficientibus deuenitur necessario ad primum, & ultimum efficiens. Non enim est possibilis processus in infinitum in causis, siue efficientibus, siue finalibus, ut docet Scotus, libro de primo principio cap. 3. conclus. 8. & in 1. d. 2. quæst. 2.

2. Conclus. Secunda conclusio. Quod Deus sit finis noster attingibilis a nobis per claram eius visionem, non potest ratione naturali probari. Conclusio est Scoti, quæstione prima prologi: & est communis sententia omnium Theologorum. Quæ sic

probatur, Philosophi sequentes rationem naturalem non agnouerunt claram visionem Dei esse hominis finem: ergo ratione naturali id assequi non possumus. Antecedens probatur: quia Aristoteles ponit hominis felicitatem in cognitione abstractiua substantiarum separatarum, ut ex eo colligi potest, in primo, & decimo Ethicorum. Si autem cognouisset visionem claram Dei esse homini possibilem, atque eius finem, absque dubio in clara Dei visione, vel fruitione, hominis felicitatem constituisset: Consequentia probatur: quia concedendum videtur Philosophos ad id, quod ratio humana potest attingere, peruenisse. Philosophus ergo ratione naturali innixus non ostendit claram Dei visionem esse hominis finem: sed vel errabit assignando finem hominis, vel saltem dubius, & anceps permanebit.

Secundo. Nullius substantia finis proprius, ac peculiaris cognoscitur a nobis, nisi vel cognita natura exactè, & perfectè, vel ex actibus in se nobis manifestis, ex quibus ostenditur, quod talis finis sit tali naturæ conueniens: sed pro isto statu non cognoscimus naturam nostram perfectè, ac distinctè, nec aliquem actum experimur in nobis, ex quo cognoscamus, visionem substantia Dei esse nobis conuenientem: ergo non possumus cognoscere lumine naturali Dei claram visionem esse nostrum finem. Et confirmatur. Nam licet distinctè, & quidditatiuè cognosceremus nostram naturam, non tamen per hoc in cognitionem nostri finis ultimi deuenire possemus: quia non esset nobis nota sub

ea peculiari ratione, sub qua ad claram Dei visionem inclinatur, ut in solutione argumentorum statim docebimus. Tandem confirmatur ex illo Pauli 1. ad Corinth. 2. Nec oculus vidit, nec in cor hominis ascēderunt; quæ præparavit Deus diligentibus se. Conclusio hæc est certissima, & apud omnes manifesta.

A D A R G V M E N T A in principio articuli posita.

Ad primum.

Ad primum respondeo, quod probat primam conclusionem; unde concedimus, quod naturaliter possumus cognoscere Deum esse causam finalem nostræ naturæ, non tamen quod sit finis noster attingibilis per claram visionem.

Secundo respondeo, quod argumentum supponit vnum falsum, ut puta, hominem ex viribus suæ naturæ posse cognoscere naturam sub illa ratione peculiari, & propria, sub qua ad talem finem, scilicet, claram Dei visionem ordinatur: quia anima non cognoscitur a nobis pro isto statu, nisi sub ratione aliqua generali abstrahibili a sensibus, ut sub ratione entis, substantiæ, &c.

Obiectio

Sed obijcies. Omne ens finitum est obiectum naturale intellectus creati: ergo intellectus creatus poterit ex suis viribus cognoscere finem hominis esse Deum clarè visum. Respondetur secundum Doctorem subtilem, quod l. 1. q. 4. lit. qq. quod ens finitum, & absolutum est naturale obiectum intellectus creati: sed entitas in se limitata, quæ essentialiter est relativa, & ad alterum illimitatum, non est naturaliter intelligibilis ab intellectu creato, sicut nec terminus eius, sine

Solutio.

quo ipsa intelligi non potest: quia ad cognitionem relationis necessaria est cognitio termini, a quo essentialiter dependet. Cum ergo inclinatio naturæ hominis ad Deum clarè visum terminetur ad terminum infinitum, sub peculiari etiam ratione, non poterit cognosci naturaliter ab intellectu creato: sicut nec terminus eius sub illa peculiari ratione, qua terminatur, ab eo cognosci potest.

Sed, an homo seclusa imperfectio-
ne huius status possit cognoscere ratione naturali visionē Dei esse suum ultimum finem, disputabitur in controuersijs libri quarti: quia illud disputat Scotus in 4. d. 49. q. 4.

Ad secundum patet ex nūc dictis.

Ad tertium bifariam respondeo.

Ad 2.

Ad 3.

Primo, quod naturali ratione, saltem pro hoc statu, non possumus cognoscere ens in tota sua latitudine esse obiectum nostri intellectus. Et ad Auicennam respondeo, quod multa suæ sectæ nequissimæ miscuit Philosophiæ, ut ait Scotus in prologo. q. 1. respondēdo ad hoc argumentum: & sic quædam dixit ut philosophica, & ratione probata, alia vero ut consona suæ sectæ: Unde, nono suæ Metaphysicæ, expressè ponit animam se paratam cognoscere substantiam immaterialem in se, ac proinde sub obiecto primo intellectus substantiam immaterialem contineri affirmat. Non sic Aristoteles: sed secundum ipsum videtur esse primum obiectum intellectus nostri quidditas rei sensibilis in se, vel in suo inferiori abstrahibilis a sensibilibus.

Secundo dico, quod clara Dei visio, licet sub obiecto adequato nostri intellectus contineatur: ceterum cum noster intellectus pro isto statu non

B 3 mo.



moueatur niſi a phantaſmatibus, non poterit illam claram Dei viſionem, vt homini poſſibilem apprehendere, quia nulla phantaſmata ad eius cognitionem mouere poſſunt, cum ſit ſupernaturale obiectum.

A D A R G V M E N T A
in principio controuerſiæ
poſita.

Ad primum

AD primum dico, quod media ordinantur ad finis cōſequutio nem: & ideo ſi finis quoad aſſequutionem eſt naturalis, ſimiliter & media: at vero ſi finis eſt ſupernaturalis quoad adeptionem media debent eſſe etiā ſupernaturalia in eodē ſenſu: ſicut accidit in propoſito: quia enim cōſequutio Dei clarē viſi eſt ſupernaturalis, media ad ipſam cōſequēdā ſunt etiam ordinis ſupernaturalis, licet ad ea ſit potentia receptiua naturalis. Cæterum ſi finis eſt naturalis ſolum, quia natura ad ipſum naturaliter inclinatur, nō oportet media eſſe naturalia in hoc ſenſu, quod viribus naturæ habeantur, vel ex natura rei ſint ad talem finē deſtinata, quia media reſpiciunt finis aſſequutionem, & non naturæ inclinationem ad ipſum.

Ad ſecundum

Ad ſecundum reſpondeo, concedo antecedente, negando conſequentiam, ſi præordinatio dicat naturalem inclinationem, & propenſionem: ſi vero dicat ordinem & diſpoſitionem diuinæ voluntatis, qua nos ad gloriā efficaciter obtinendā præordinat, concedo conſequentiam: hæc enim ordinatio eſt à gratia Dei, & non à principijs naturæ, eſtque prædeſtinatio, quæ eſt gratuitum Dei beneficium.

Ad tertium

Ad tertium duobus modis reſponderi poteſt. Primò negando antece-

dens: quia (vt ſupra diximus) in anima noſtra eſt naturalis inclinatio ad omnem formam perficiētem ipſam. Secundò dico, quod tranſeat antecedens, & nego conſequentiam: aliqua enim res poteſt inclinari naturaliter ad finem, & nō ad media, ſicut cæcus naturaliter inclinatur ad viſum, ſed non ad miraculū, quo habetur viſus.

Ad quartum

Ad quartum concedo, quod ſicut naturaliter eſt propenſa voluntas in finem hominis vltimum, ita & in media, neq; hoc eſt a fide alienum: quia ſicut eſt probabiliffima illa ſententia, quæ aſſerit nos naturaliter eſſe propenſos in Deum clarē viſum, ita eſt valde probabilis illa, quæ aſſerit in nobis eſſe potentiam receptiuam naturalem reſpectu actuum ſupernaturalium.

Ad quintum

Ad quintum dico, non eſſe neceſſarium, quod deſideriū naturale vltimi finis ſit efficax quoad aſſequutionem finis deſiderati, ſed ſufficit, q̃ natura quantum eſt ex parte eius inclinet quantum poteſt: potentia enim viſiua cæca, naturaliter eſt propenſa ad viſum, eius tamen deſiderium nō eſt efficax quo ad finis cōſequutionem. Præterea, ſi de deſiderio, quod eſt actus elicitus voluntatis, loquamur, non oportet etiam quod ſit efficax, quia apprehenſa beatitudine, vt poſſibili, poteſt voluntas volitione quadam inefficaci ſine auxillio Dei ipſam velle, & deſiderare: ergo non eſt neceſſarium, quod deſiderium naturale conſequens cognitionem ſit efficax: erit autem efficax, ſi voluntas gratia Dei adiuta in actum deſiderij circa finem prorumpat.

Ad ſextum

Ad ſextum diſtinguo minorem, potentia enim paſſiua poteſt dici naturalis biſariam. Primò, ex comparatione

Poten-
tia pas-
siva di-
citur
natura-
lis visa-
riam.

tionem ad potentiam actiuam. Secundo, ex comparatione ad actum, & formam receptam. Primo modo maior argumenti est vera, & sic intelligitur illa maxima. Cuicumque potentiae passivae naturali correspondet actiua naturalis. Secundo vero modo est falsa: aliqua enim natura potest inclinari ad aliquem actum ex sui nobilitate, qui causalitati agentis naturalis non subdit. Et patet aperte, quia anima separata naturaliter inclinatur ad corpus, & tamen non potest reduci ad actum per naturalem aliquam potentiam. Similiter potentia visiva caeca est naturaliter receptiva visus, & tamen nulla est potentia naturalis, per quam ad actum videndi reduci possit: ita in proposito anima nostra naturalem potentiam passivam habet, respectu visionis beatificae, tamen

non potest ad actum videndi Deum per potentiam aliquam naturalem reduci: nec inde sequitur huiusmodi potentiam esse frustra: quia licet non possit ad actum reduci (ut diximus) per potentiam naturalem, reducitur tamen ad actum per aliam potentiam, quod sufficit ad hoc, ne dicatur esse frustra: nam solum dicitur illud esse frustra, quod suum finem non consequitur.

Ad septimum concedit Scotus se-
quelam, scilicet, quod angelus vi-
bus naturae relictus potest cognosce-
re animam rationalem visionis Dei ef-
fecapacem. Ita tenet in 4. d. 49. q. 8.
Vbi etiam fatetur, quod anima nostra
huius status imperfectione seclusa po-
test id ipsum ratione naturali innixa
cognoscere. De cuius veritate ibi erit
sermo.

Ad se-
primū.

CONTROVERSIA SECUNDA.

An Theologia nostra sit propriè scientia.

1. Arg.



PARS affirmatiua his argumētis verissimis apparet. Primo. Si ob aliquam causā nostra Theologia nō esset propriè sciētia, maximè quia nō habet principia sibi nota ex euidētia rei: sed hoc non obstat, ergo est propriè scientia. Cōsequētia nota est cū maiori, minor verò sic ostenditur. primò. Sciētia subalternata sub ea ratione, qua subalternata est, est propriè, & verè scientia: & tamen non habet principia sibi nota ex euidētia rei, quia ea supponit probata in superiori sciētia, a qua sua etiā principia accipit: ergo stare potest vera ratio sciētiæ sine euidētia principiorum in ipsa. Secundò. Perspectiua sub sua propria ratione formali est vere scientia: ergo perspectiuus, in quantū talis, est verè, & propriè sciens a scientia perspectiua: sed potest esse aliquis perspectiuus circumscripta Geometria (ex quo enim sunt habitus distincti, non sunt necessariò connexi in eodem) ergo aliquis potest habere scientiam perspectiuam non habendo Geometriam: & tamen principia perspectiuæ non sunt nota in ipsa propter quid ex euidētia rei, sed in Geometria, a qua accipit sua principia: ex quibus suppositis, & creditis deducit suas conclusiones.

2. Arg.

Secundò. Cōmētator 1. Poster. text. cō. 6. videtur asserere ad habendā sciē-

tiā sufficere inductionē, quæ a singularibus ad vniuersale procedit, quia ad sciētiā sufficit principia esse aliquāliter nota: ergo cum principia nostræ Theologiæ aliquāliter nota sint, & certiora, quam id, ex quo res per inductionem cognoscitur, erit vere sciētia.

3. Arg.

Tertiò. Si Aristoteles exquirat ad rationē sciētiæ euidētiā, causa est ob certitudinē assensus: sed assensus Theologiæ est certior, q̃ euidētia rei: ergo, &c. In hac Controuersia sic procedam. Primo inquiram, an nostra Theologia sit euidens. Secundo inquiram de qua sit. tertio, An subalternetur scientiæ Dei, & beatorum. Quarto, ad rationes principales.

ARTICVLVS PRIMVS.

An nostra Theologia sit euidens?



Ite a primum articulum videtur, quod nostra Theologia sit euidens, quia Theologia, quam hic acquirimus, manet in patria, iuxta illud Hieronymi, in Epistola ad Paulinum. Discamus in terris, quorum scientia perseueret nobiscum in cælis: igitur est euidens. Probo consequentiā, quia obscuritas, & ineuidētia de rebus diuinis repugnant claræ visioni Dei.

1. Arg.

Secundò. Theologia in multis est euidens, vt cum tractat de his, quæ

2. Arg.

Deo

Deo conueniunt non concernendo diuinas personas, vt de sapientia Dei, immutabilitate, &c. Rursus cum tractat de angelis, de homine, de ceteris creaturis: & cum ostendit mysteria nostræ religionis esse credibilia, euidenter illud demonstrat, vt D. Thomas docet 2.2.q.ar. 4. ad 2. & 3. ergo ex omni parte est euidentis: nisi velis dicere, quod Theologia est composita ex vno habitu euidenti, & ex alio non euidenti.

Tertiò: Lumē Theologicū est mediū inter lumen gloriæ, q. nullas tenebras admittit, & inter lumē fidei caliginosum: mediū autē sapit naturā ex tremorū: ergo licet lumē Theologicū habeat caliginem fidei admixtam, habebit etiam nonnullam euidentiam. In contrarium est experientia, nullus enim Theologus, etsi eruditissimus, habet in hac vita euidentiam de mysterijs nostræ religionis: imò fuit error Manichæorum asserentium se habere lumen clarum, & euidentis ad mysteria nostræ fidei cognoscenda, vt patet in D. Aug. lib. de vtilitate credendi in principio. Quem errorem sequuti sunt in Hispania quidam hæretici, qui gloriabantur, se habere euidentiam de mysterijs fidei. Henricus quol. 1.2.q.2. tribuit Theologiæ non nullam euidentiam: & Deza Archiepiscopus Hispalensis q. 1. prol. artic. 3. not. 3. & 4. tenet, quod Theologia nostra est euidentis. Pro declaratione huius dubitationis sint sequentes conclusiones.

Primæ conclus.

Primæ conclusio. Theologia nostra non est euidentis. Probatur. Principia conclusionum nostræ Theologiæ non sunt nobis euidentia, sed credita: ergo conclusiones eius non sunt euidentis, ac per consequens nec Theo-

logia. Patet consequentia: quia conclusionum euidentia præcisè ex principijs dimanat: ergo vbi principia sunt ineuidentia, conclusiones euidentes esse nequeunt: quia perfectio, quæ non reperitur in causa, non potest esse in effectu. Et confirmatur: quia si conclusiones euidentes ex principijs ineuidentibus deduci possent, tunc effectus excederet in perfectione suam causam, quod implicat. Nec valet dicere, quod sunt euidentia beatis: quia hoc impertinens est ad euidentiam conclusionum nostræ Theologiæ, vt in nobis: per hoc enim q. geometra habeat euidentiam huius conclusionis, Triangulus habet tres angulos, &c. non sequitur q. ego nesciens principium, per quod probatur, sed tantum credens dicenti, habeam de ea euidentiam: igitur, &c. Item. Si conclusiones nostræ Theologiæ essent euidentes, possemus conuincere infideles, vt fidem nostram susciperet, quia euidentia conuincit intellectum. Hæc omnia confirmantur per illud Apostoli 2. ad Corinth. 5. Quamdiu sumus in hoc corpore, peregrinamur a Domino: per fidem enim ambulamus, & non per speciem. In quo significat D. Paulus, quod in hac vita nunquam ambulamus per euidentem cognitionem.

2. Concl.

Secunda conclusio: Nostra Theologia non manet in patria. Probatur ex illo 1. Corinth. 13. Cum venerit quod perfectum est, euacuabitur quod ex parte est: & ibidem dicitur, quod scientia destruetur. Quem locum exponens Caietanus tenet, q. Theologia nostra non manet in patria. Idem asserit Theophylactus eodem loco. Quod confirmatur. Primo: quia rō formalis nostræ Theologiæ est

est diuina fidei reuelatio: sed hæc ratio formalis nō manet in patria, quia beati non assentiuntur conclusionibus Theologicis propter reuelationē diuinam, sed quia eas intuentur in suis principiis: ergo, &c.

Secundō. Euidentiā, et ineuidentiā non sunt impossibiles circa eandem conclusionem in eodem intellectu: sed cognitio nostræ Theologiæ est ineuidens ex dictis in priori cōclusionē: ergo non est possibilis cum clara visione earundem in patria: præsertim cum lumen gloriæ omnem abiciat obscuritatem, & caliginem.

Fides euacuatur in patria. Tertiō. Fides secundum communem Theologorum sententiam, ob eius obscuritatem, & ineuidentiā euacuatur in patria: ergo, & nostrā Theologia, siquidem est ex præcedēti cōclusionē ineuidens, & obscura. Ita tenet Capreolus primā quæstione prologi, & alij multi: estque probabilior hæc sententia, quam opposita.

Obiect. 1. Sed obijcies. Donū sapientiæ, quod in hac vita est ineuidens, manet in patria euidens, vt docet D. Thom. 1. 2. q. 68. artic. 6. ergo habitus Theologiæ ineuidens potest fieri euidens in vita beata.

2. Obiect. Secundō. In vita beata manent eadem principia, & eadem demonstrationes: ergo manet eadem scientia. Probat̃r antedicens: quia hæc demonstratio manet in patria. Omnis homo habet animā rationalem: Christus est homo: ergo habet animā rationalem.

3. Obiect. Tertiō. Si quis addiscat Geometriā ex principiis creditis, habebit habitū obscurū elicientem actum ineuidentem, quod si postmodum addiscat scientiā Geometriæ, ille habitus ineuidens sit euidens: ergo idem

habitus Theologiæ ineuidens potest transire ab obscuritate in claritatem.

Respondetur ad primum horum, non esse eadem rationem: nam donum sapientiæ est quædam prudentia particularis, quæ iudicat de agentibus: huic autem iudicio impertinens est, & accidentarium, quod fiat per lumen clarum vel obscurum: ceterum de ratione Theologiæ nostræ est quod procedat ex creditis, & obscuris.

Ad secundum dico, quod licet manent eadem principia, non tamen eadem ratio formalis scientiæ: quare, &c.

Ad tertium respondetur, quod adueniente scientia geometriæ generatur nouus habitus, ad cuius productionem, ille prior, veluti dispositio se habet.

AD ARGUMENTA in principio articuli posita.

Ad primum dico, quod ibi loquitur Diuus Hieronymus, non de scientia, sed de rebus scitis. Vel dicatur, quod scientia rerum diuinarum, quas hic cognoscimus, manet in patria non eadem numero, sed multo melior, & sublimior, auferens omnem obscuritatem. Ad confirmationem dico, quod non erit in vita beata bonarum disciplinarum obliuio: nostræ enim Theologiæ, ac scientiæ succedet notitia clarissima.

Ad secundum dico, Primo, quod veritates in argumento commemoratæ possunt bifariam considerari. Primō, vt inferuntur ex principiis rei demonstratiuis, & hoc modo pertinent ad Theologiam naturalem, scilicet, Metaphysicam, quæ in hoc uoluntate

Respondetur ad primum obiect.

Ad secundum.

Ad tertium.

Ad primum.

Ad secundum.

Aræ Theologiæ ancillatur ac deseruit. Secundo possunt cōsiderari, quatenus ex diuinis reuelationibus colliguntur, & cum diuinæ reuelationes sint obscuræ, conclusiones inde collectæ obscuritatem habent, & hoc pacto pertinet ad nostrā Theologiam. Insuper dicendum est, aliqua pertinere ad fidem, vel ad Theologiam dupliciter, per se, scilicet, & per accidens. In primo genere continentur ea, quæ sola fide tenentur, & de his Theologia semper est ineuidens. In secundo genere continentur ea, quæ per rationem naturalem inuestigari possunt, & sunt etiam diuinitus reuelata: & de his conclusiones Theologia possunt esse euidentes: nam ea, quæ sunt per accidēs, non variant rei substantiam.

Ad tertium.

Ad tertium dico, quod licet Theologi clarius cognoscant conclusiones ex principiis Theologicis deductas, quam non Theologi, cæterum illa claritas in cognitione non excedit lumen fidei, quia illa cognitio adhuc est obscura, & ineuidens, cum conclusio principiis ineuidentibus innitatur. Vnde ad argumentum in forma dico, quod lumen Theologicum, & lumen fidei in viatore Theologo non sunt distincta lumina. Et patet, quia lumen fidei cum lumine naturali sufficit ad conclusiones Theologicas: ergo superfluit illud medium lumen. Præterea dico, quod etsi illud medium lumen daretur, nō esset sufficiens ad causandam euidētiā conclusionum: quia licet clarius, quam fides ostenderet veritates Theologicas, non tamen earum euidētiā faceret.

ARTICVLVS II.

An nostra Theologia, sit propriæ scientiæ.

CIRCA secundum articulum est duplex opposita sententia. Prima est Beati Thomæ prima parte, quaestione prima, articulo secundo, vbi expressè fatetur nostram Theologiam esse propriè scientiam: sicut scientiam subalternatam in naturalibus, quæ propriè, & simpliciter est scientia, licet supponat sua principia probata a superiori scientia. Opposita opinio est Doctoris subtilis, q. 4. s. 6. lat. post. quem sequuntur Durandus, quaest. 1. prologi, Marsilius, quaest. 2. Gabriel. quaest. 7. O cham, & alij quam plures.

EXPOSITIO OPINIONIS D. Thom.

PRO intelligentia opinionis B. Th. obserua duplex esse scientiarum genus. Nam quædam sunt, quæ procedūt ex principiis notis lumine naturali intellectus, sicut Arithmetica, Geometria, & alix. Quædam verò sunt, quæ procedunt ex principiis notis lumine superioris scientie: sicut perpectiua procedit ex principiis notificatis per Geometriā, & Musica ex principiis per Arithmeticam notis.

Secundo obserua, quod Aristot. 1. 2. Post. cap. 2. scientiam definiuit summo rigore, ita, vt vix ad illius exemplaris formam possit aliqua demonstratio in mediū proferri, nisi in mathematicis: sicut & Cicero Oratorem summum descripsit, qualē nunquam inuenies: ille tamen erit, bonus ora-

tor,

tor, qui magna ex parte ad prototypum accesserit. Vnde Aristot. libr. 1. Ethic. capit. 3. docuit, Stultum esse in omni scientia, & materia demonstrationes æquales certitudine, & claritate exposcere, quia hoc ingenij est indisciplinati, sed necessarium est in vnaquaque scientia secundum subiectam materiam demonstrationes magis, minusve exactas querere. Maior enim est certitudo, & claritas in mathematicis, quàm in physicis, & in physicis quàm in moralibus, & hoc non obstante huiusmodi disciplinæ sunt propriæ, & simpliciter scientiæ.

1. *Concl.* Hæc posita est prima conclusio pro opinione Beati Thomæ. Si Theologia secundum se consideretur, id est si secundum propriam speciem, ac obiectum, propriè, & exactissimè est scientia. Probatur: quia sic sumpta procedit ex principijs supernaturalibus lumine supernaturali per se notis ex terminis; ergo est propriè, & exactè scientia.

2. *Concl.* Secunda conclusio. Nostra Theologia non est scientia, sicut scientia subalternans, sed sicut subalternata: quia procedit ex principijs notis lumine superioris scientiæ, quæ est scientia beatorum.

3. *Concl.* Tertia conclusio. Nostra Theologia, secundum quod est in nobis (qui principia non euidenter cognoscimus, sed nihilominus certissimè eis lumine fidei immediatè assentimus) est verè, & propriè scientia. Quod hæc conclusio sit Beati Thomæ probatur: quia ipse asserit in secunda conclusione, nostram Theologiam esse ita propriè, & simpliciter scientiam, sicut, subalternatam: sed scientia subalternata, vt musica, est propriè, & verè scientia secundum omnes Philo-

sophos: ergo & nostra Theologia secundum Sanctum Thomam. Hæc conclusio probatur rationibus in principio huius controuersie adductis. Et insuper sic ostenditur à quodam nouissimo interprete. 1. partis eiusdè B. Thom. Habitus nostræ Theologiæ est virtus intellectualis, quia semper inclinatur ad verum. sed ista virtus non est habitus primorum principiorum, cum versetur circa conclusiones: nec est prudentia, quia non versatur circa singularia agibilia hic, & nunc: neque est ars, quia non versatur circa factibilia, ergo est sapientia, vel scientia. Patet consequentia, quia secundum Aristotelem, virtutes intellectuales intra illum numerum continentur.

Secundò sic. Cum Aristoteles docuit scientiam procedere ex euidentijs, vel intellexit ex euidentijs quoad nos, vel secundum se. Si primum, ergo Metaphysica nõ erit propriè scientia, quia sæpe procedit ex euidentijs secundum se tantum, & non quo ad nos. Vt, exempli causa, cum demonstrat substantias separatas a materia esse incorruptibiles, & quod Deus est æternus, quia est immutabilis, & quod omnia mouet, quia est primum ens, quæ principia non sunt per se nota nobis, licet sint nota secundum se. Si verò intelligat Aristoteles de principijs euidentijs secundum se, sequitur, quod nostra Theologia est verè scientia, quia eius principia sunt certissima, & euidentiissima secundum se, vt quod pater generet filium, & quod Deus sit trinus, &c.

Sed dicet aliquis, principia aliarum scientiarum esse nobis euidètia a posteriori, licet non a priori, quod principijs Theologicis non cõtingit, quia illorum

illorū assensus semper manet in nobis obscurus. Hoc ille nouus interpres libenter concedit. Ex quo, ut sibi videtur, ad probandam hanc conclusionem hoc sumit argumentum. Si euidētia (inquit) conclusionum, quæ ex talibus principijs deducuntur, non oportet, quod efficiatur in nobis ex euidētia principiorum secundum se: ergo non est per se necessarium, quod assensus sciētificus conclusionis accipiat euidētiā ex principijs, siquidem conceditur, quod principia, ut principia sunt, non habent euidētiā quo ad nos, sed solum habent euidētiā ab extrinseco, & ab effectu.

Tertiō. Quando Aristoteles dixit, quod aliquis, nisi præmissarum habuerit scientiā, aut aliquid maius scientiā, non potest esse verē sciens, non excludit a ratione veræ scientiæ nostram Theologiam, quia Theologi habent præmissarum, vel sciētiam, vel aliquid maius scientiā, scilicet, fidem diuinā, quæ omnem scientiā humanā, imō & ipsum naturale lumen vincit, atque exuperat: ergo nostra Theologia vere est scientia etiam secundum Aristotelicā sententiā.

6. *Concl.*

Quarta conclusio, quæ ex modis Thomistis desumit, Nostra Theologia, licet sit propriè scientia, est tamen imperfecta. Sed aduertāt, quod, nostram Theologiam esse imperfectā sciētiam, potest bifariam intelligi. Primò cōparatione ad alias scientias, & hoc modo non est dicenda imperfecta, sed potius omnibus sciētijs humanis adinuēntis simpliciter perfectior, licet secundum quid propter ineuidētiā sit ipsis imperfectior. Secundò potest intelligi imper-

fecta per comparationē ad perfectiōnem, quam intra propriā speciē habere potest: sicut infans dicitur imperfectus homo, quia actiones propriæ speciē exercere nō potest, & hoc patet nostra Theologia imperfecta est: quia pro isto statu non habet euidētiā, quam intra propriā speciē habebit, quando venerit quod perfectū est. Hæc de opinione B. Thomæ.

EXPOSITIO DOCTORIS subtilis opinionis.

AD intelligentiā opinionis Doctoris subtilis obseruandū est. *Theologia duplex, altera consideratur Nos. 1.*
Primò, Theologiā duobus modis accipit: altero scđ in se, & propriā suā naturā; altero verò prout est in nobis.

Scđō obserua, quod cū Theologia se extendat ad necessaria, ut ad ea, quæ intrinsecē, & essentialiter Deo conueniunt, ut esse trinū, esse patrē, & similia, & ad contingētia, quæ Deo ex tpe insunt, ut esse hominē, esse mortuū, dubitari potest, Vtrum Theologia sit scientia, tam prout respicit contingētiā, quā prout respicit necessaria. *Nos. 2.*

Tertiō obserua, ex Doctore subtili, in 3. dist. 24. q. vnica, litera, D, quod scientia multipliciter accipitur. *Nos. 3. Multiplex acceptio scientiæ.*
Primò pro notitia, cū firma adhesionē: sic v. sus est nomine scientiæ D. Aug. 15. de Trinitate ca. 12. cum ait. Absit, quod nos scire negemus, quæ testimonio didicimus aliorum: alioquin nescimus esse Oceanum, esse terras, atque vrbes, quas celeberrima fama cōmēdat. Secundò sumitur scientia pro habitu, quo quis determinatē dicit verū: de qua loquitur Aristot. 6. Ethico. c. 4. cum ait, quod habitibus intellectibus dicit aliquis determinatē verū, & assētit vni parti sicut aliquis assēti-

ret

Theologia esse scientia imperfectam stat dupliciter.

Conditio-
nes qua-
rum re-
quisita
ad ſcien-
tiam.

ret conſuſioni demonſtrate. Tercio accipitur ſcientia proprie, & ſtrictè, vt accipitur ab Ariſtot. 1. Poſt cap. 2. ad quam quatuor requiruntur conditiones, vt docet Scotus, loco nunc citato, & in prologo vbi ſupra. Prima, quòd ſit cognitio certa, id eſt, ſine deceptione, & dubitatione, per quod diſtinguitur a ſuſpicionem, opinione, & errore. Secunda, quòd ſit de obiecto neceſſario, quod non contingit aliter ſe habere, per quod etiam ab opinione ſecernitur. Tertia debet eſſe cauſa a cauſa euidenti intellectui, id eſt, a principijs euidenter notis intellectui, per quod ſcientia diſtinguitur a fide, quæ eſt cognitio obſcura, ænigmatica, & in euidentem, licet ſit certa. Quarta, quod huiusmodi principia ſeu cauſa ex terminis euidentem intellectui debet applicari per diſcurſum ſyllogiſticum bonum, & legitimum ad inferendam conſuſionem. Hæ quatuor conditiones apertè ſatis deduci poſſunt ex definitione ipſius ſcire, & demonſtrationis, quam Ariſtoteles loco ſtatim citato tradidit: ac proinde quomodo ex ipſa deducantur ſuperuacaneum eſſet oſtendere. Sed non te prætereant, illam quartam ſcientiæ conditionem, videlicet, quòd per diſcurſum cauſetur, imperfectionem tum ex parte ſcientiæ, tum ex parte ſcientis inuoluere. Ex parte quidem ſcientiæ, quòd ſit effectus æquiuocus ſua cauſa imperfectior: ex parte verò ſcientis, quod intellectus ipſius ſit in potentia ad eam recipiendam.

Scientia
definitio.

Ex his inferitur ſcientiæ definitio proprie dictæ, videlicet, Notitia intellectualis certa, & euidentem alicuius veri, neceſſarij, euidenter deducti ex principijs neceſſarijs prius euidenter notis.

Quarto obſerua, quòd illa tertia conditio ſcientiæ, videlicet, quod ſit de obiecto neceſſario ſecundum ſe. eſt ſcientiæ intrinſeca, & eſſentialis. Et ratio eſt, quia ſcientia ex ratione ſua intrinſeca eſt neceſſario vera: non quidem, quod corrumpi aut deleri non poſſit a ſubiecto, vel per obliuionem, vel alio quouis modo: ſed, quia eadem manens non poteſt eſſe quandoque vera, quandoque falſa, ſicut nec quandoque ſcientia, quandoque non ſcientia, teſte Philoſopho 7. Metaphy. text. côm. 53. ergo neceſſario eſt obiecti neceſſarij: ita quòd neceſſitas non tantum eſt conditio obiecti, ſed ipſi habitui ſcientiæ intrinſeca. Patet conſequentiā, quia aliter non eſſet neceſſario vera. Cognitio enim contingentis non eſt neceſſario vera neceſſitate intrinſeca, quia obiectum eius aliter ex natura ſua poteſt ſe habere.

Quintò obſerua, quòd contingentia a Deo ſcita licet ſint inſallibilia, & certa, prout ſcientiæ diuinæ ſubſunt, ac euidenter nota, non tamen ſunt ſecundum ſe neceſſaria, & ex natura rei: quia tunc non eſſent contingentia: & ſic contingens non eſſet contingens, quod manifeſte implicat. Et licet ſubſint diuinæ ſcientiæ, & vt ſic aliter ſe habere non poſſint, tamen ſecundum ſe cōſiderata aliter ſe habere poſſunt. Nec in hoc aliqua eſt contraditio, ni ſi ex ſuppoſitione.

Hæ ita conſtitutis ſit prima conſuſio. Theologia ſecundum ſe eſt verè, & proprie ſcientia, licet vltima conditio ſcientiæ ſupra poſita ei deſit: quia huiusmodi conditio non eſt de intrinſeca ſcientiæ ratione, ſed ei conuenit ratione intellectus, qui non eſt idem cum ſuo actu, cuiusmodi eſt intellectus creatus. Probatur primo. Theologia

Not. 5.

1. Conclu.

logia secundum se, nata est oriri a causa necessaria, & euidenti intellectui: ergo Theologia secundum se, & suā propriam naturam est cognitio intellectus, certa, & euidens alicuius veri necessarij, euidenter deducti ex principijs necessarijs, & euidēter notati: ergo est verē, & propriē scientia. Hæc vltima consequentia patet a definitione ad definitū: prima vero est manifesta. Sed probō antecedēs: quia obiectum Theologicum, quod est Deus, est ens simpliciter necessarium: natum efficere euidētiā sui, & suarum proprietatum, vel quasi proprietatum in omni intellectu ipsum distinctē apprehendente: ergo Theologia secundum suam naturam nata est oriri a causa necessaria euidēti intellectu.

Secundō. Theologiæ secundum se conueniunt illæ tres conditiones scientiæ supra assignatæ: ergo est propriē scientia. Patet consequentia, quia illæ tres conditiones solum sunt requisitæ ad rationem veræ scientiæ: nam quarta non est absolutē necessaria, sed solum in ordine ad nostrum intellectum. Alias enim nec Theologia Dei, nec Theologia secundum se esset propriē scientia, quod manifeste omnium sensui contradicit. Antecedens vero probatur, quia Theologia secundum se est cognitio certa, sine errore, & dubitatione, & de obiecto necessario, & tandem a causa euidenti intellectui proueniens: ergo, &c.

Concl. Secunda conclusio. Theologia Dei respectu eorum, quæ sunt necessaria secundum se, est verē, & propriē scientia. Probatur: quia est cognitio certa, & euidens a causa, seu obiecto euidenter noto intellectui diuino, nec

non & de obiecto necessario, ergo est propriē scientia. Patet consequentia, quia hæc ad rationem propriæ scientiæ sufficiunt.

Tertia conclusio. Theologia in beatīs est propriē, & verē scientia ^{3. Concl.} quo ad omnes quatuor conditiones scientiæ, quas supra adnotauimus. Quo ad tres priores patet de se, quo ad vltimā verō sic ostendo. Cognitio, verbi gratia, lineæ causata in via in nostro intellectu est verē scientia per discursum causata: ergo similiter, vt causata ab eadem lineā, quatenus visa in diuina essentia. Antecedens est notum, consequentia probatur, quia lineā, vt visa in diuina essentia, facit notas in intellectu creato veritates in se ipsa inclusas, eo modo, quo visa in lumine naturali, ergo cognoscuntur huiusmodi veritates in diuina essentia per lineam, tanquam per prius naturaliter notum, ergo per discursum. Antecedēs probō, quia per hoc, quod in alio, & alio lumine videatur lineā, non continet aliter suas veritates, ergo quantum est ex parte sui non facit suas veritates aliter notas in lumine diuino, quam in lumine naturali, & per consequens eodem modo eas notas facit. Prima consequentia est nota. Secunda probatur, quia omnis cognitio causata in nobis per aliquid prius naturaliter notum, est per discursum, quia discurrere, nihil aliud videtur esse, quā ex cognitione vnius in alterius cognitionem deuenire. Conclusio hæc tertia est manifesta de cognitione hominum beatorum, sed dubia de scientia angelorum. Verū tenendo, quod etiam angeli discurrant, quod nos in controuersijs de angelis ostendemus, etiam conclusio nostra verificatur de angelorum scientia.

Quarta

4. *Concl.*

Quarta conclusio. Cognitio Dei respectu contingentium non est proprie scientia, quæ a nobis supra est depicta. Conclusio est Scoti in prologo. q. 4. lit. h. Et probatur, quia ex notabili 4. de ratione intrinseca, & essentiali scientiæ est, quod sit de obiecto necessario secundum suam naturam: contingentiæ verò etiā prout diuinæ scientiæ subsunt, non sunt ita necessaria: ergo cognitio eorum non est scientia.

Secundò. Contingentia, quæ à Deo cognoscuntur, vel sciuntur ab eo, vt contingentia, vel vt necessaria. Si primum, ergo cognitio eorum non est scientia: quia de contingenti, vt contingens est, nō est, nec potest esse scientia. Si secundum, ergo non cognoscit contingentia: quia cognoscere contingens, vt necessarium, non est cognoscere contingens.

5. *Concl.*

Quinta conclusio. Notitia, quam habet Deus de contingentibus, est in se formaliter perfectior, quàm scientia, quæ requirit necessitate obiecti. Conclusio est Scoti, vbi supra. Probatur: quia cognitio certa, & euidens, & quantum est de se perpetua, licet sit de obiecto contingenti, est perfectior, quàm cognitio certa, & euidens non tamen perpetua in se, etsi de obiecto necessario sit; sed cognitio contingentium, prout ad Theologiam secundū se pertinet, est cognitio certa, & euidens, & quantum est de se perpetua: ergo illa est perfectior formaliter cognitione certa, & euidenti, non tamen perpetua, licet sit de obiecto necessario, cuiusmodi est scientia acquisita. Consequentia tenet: probò maiorem: quia licet cognitio de obiecto necessario excedat illam, quæ est de obiecto contingenti ex parte obiecti, hæc tamen,

quæ est de obiecto contingenti, excedit illam, quæ est de obiecto necessario in perpetuitate: quia de se est perpetua, illa verò per obliuionem, vel alio modo deleri potest. Hic autem excessus est maior illo, præsertim si illa cognitionis euidencia lumine diuino habeatur; sicut accidit in proposito. Iam probò minorem: quia omnia contingentia Theologica sunt nata videri in primo obiecto Theologico, vt puta, Deo: & in eodem nata est videri coniunctio istarum veritatum contingentium: visio autem extremorum veritatis contingentis, & vnionis eorum, necessario causat euidenciam certitudinem de tali veritate euidenti: & similiter ex parte obiecti Theologici ostendens huiusmodi vera contingentia nata sunt videri in tali obiecto perpetuo, quantum ex se est: ergo cognitio contingentium ad Theologiam spectantium est certa, & euidens, & ex parte sui perpetua.

6. *Concl.*

Sexta conclusio. Cognitio contingentium, quæ ad Theologiam spectant, prout est in Deo, magis assimilatur intellectui principiorum, quàm scientiæ conclusionū. Ratio est, quia Deus non habet euidenciam eorum mendicantem ab alijs prioribus prius notis: sed habet euidenciam de ipsis in obiecto Theologico, vt in se visis. Id est, cognitio, quàm habet Deus de contingentibus in seipso per suam essentiam mouentem suum intellectum ad eorum cognitionem, est quasi cognitio eorum in se ipsis, quæ ex visione vnionis extremorum inter se nascitur, & non ex alijs principijs: sicut cognitio principiorum, quæ ex proprijs terminis habetur, & non ex alia causa.

Septima conclusio. Theologia secundum

7. *Concl.*

cundum se, prout respicit necessaria, licet, vt diximus, sit propriè scientia, magis tamen propriè dicitur sapientia: quia respectu eorum habet euidentiā, & necessitatem, & certitudinem, & obiectum altissimum, & perfectissimum.

1. Concl. Octaua cōclusio. Theologia, prout est in nobis viatoribus, nō est propriè, & strictè scientia. Hæc cōclusio est Doctōris subtilis, & eorum, quorum supra meminimus. Probatur: quia de ratione scientiæ propriè dictæ est, quòd sit cognitio euidens, vt supra diximus, sed Theologia, prout est in nobis, est ineuidens, quia principia nostræ Theologiæ sunt tantum credita: igitur. Huic Argumento respondent Thomistæ negando minorem. Et ad probationem dicūt, quòd sufficit principia eius esse per se nota in superiori scientia. Vnde aiunt, ad rationem veræ scientiæ sufficere, ipsam procedere ex per se notis in superiori scientia. Hoc D. Thom. vbi supra.

Secundò respondetur, quòd quāuis Aristoteles euidentiā in sciētijs expostulat, loquitur in sciētijs subalternantibus, non tamen in subalternatis. Hoc docet D. Thom. de veritate quæst. 1. 4. artic. 9. ad 3. & super Boetium de Trinitate, quæst. 2. art. 2. ad 4. & 5. Et quod hæc doctrina sit Aristoteli consentanea, probatur: quia Aristot. primo Topicorum, cap. primo. ait, quòd demonstratio debet procedere ex primis, & immediatis, vel ex his, quæ per prima fidem acceperunt. In quo distinguere videtur duplex genus scientiarum. Quædam sunt, quæ procedunt ex primis, & immediatis: & istæ sunt subalternantes. Aliæ sunt, quæ procedunt ex

his, quæ per prima fidem acceperūt, id est, ex creditis, notificatis tamen in superiori scientia, & istæ sunt scientiæ subalternatæ. Hæ solutiones sunt a doctrina Aristotelis alienæ: ideo contra eas sic arguo. In primis, solutio prima est nulla. Tum, quia supponit falsum, scilicet, nostrā Theologiam scientiæ Dei subalternari: quod quidē a veritate alienū esse statim probabimus. Tum etiam, quia nullo modo nostra Theologia procedit ex per se notis. Probatur: nam conclusiones eius, vt eius sunt, nullatenus possunt per principia per se nota probari: ergo non procedit ex per se notis aliquo modo. Consequentia tenet, antecedens probatur: quia cōclusiones nostræ Theologiæ, vt sic, implicat esse se nobis per se notas ac probatas: quia tunc simul essent creditæ, & non creditæ. Creditæ quidem, quia sunt conclusiones Theologiæ viatoris, nō creditæ verò, quia euidenter probatæ.

Item, & redit in idem. Mihi Theologo viatori non possunt conclusiones meæ Theologiæ euidenter probari, neque possunt mihi assignari principia euidenter mihi nota ad eas probandas: ergo mea Theologia nullo pacto est scientia in me, neque ex per se notis procedens. Nec secunda solutio valet aliquid: quia Philosophus vult ibi, quòd syllogismus faciens scire debet procedere ex per se notis, vel ex his, quæ ex per se notis probari possunt, vel probata sunt: nunc autem principia nostræ Theologiæ, vt nostræ, non possunt per euidentiā principia probari.

Secundò probatur cōclusio. Theologus non est verè sciens, ergo Theologia non est verè & propriè scientia. Consequentia tenet a coniugatis. an-

*Argumentum
contra il-
las solutio-
nes.*

tecedens probatur: quia Aristoteles 2. de demonstratione c. vlt. hæc profert verba. Quod igitur non contingat scire per demonstrationem non cognoscentem principia immediata, dictum est prius. Ex quo sic arguuntor. Theologus non est verè demonstrator: ergo nec verè sciens. Consequentia tenet, antecedens probatur: quia nō cognoscit principia immediata euidentèr, imò, vt viator non potest illa cognoscere, quia cognitio eius, quatenus viator est, necessariò est ineuidens. Item. Scientia subalterna non esset verè scientia, si non haberet conclusiones resolutibiles in prima principia per se nota: ergo artifex subalternus non erit verè sciens, nisi sciat suas conclusiones ex principijs per se notis deducere: sed hoc nō potest Theologus: ergo non est verè sciens: ac per consequens Theologia non est verè scientia, si quidē eius conclusiones, vt eius, nō possunt resolui in principia prima. Sicut igitur perspectiua non esset verè scientia, si nō possent conclusiones eius in prima principia resolui: ita non erit huic perspectiuo scientia, nisi ipse sciat eius cōclusiones in prima principia reducere: ergo a simili, in proposito. Theologus viator non erit verè sciens per Theologiam, nisi ipse sciat suas conclusiones in prima principia resolui: at hoc non potest vt purus viator: ergo, &c. Et profecto asserere, nostram Theologiam esse propriè scientiam, & euidentem, quia eius principia sunt nota beatis ex terminis, idem est, ac si dicas me habere euidentem cognitionem conclusionū perspectiuarū, quia principia earū sūt tibi euidentèr nota.

Tandem. Principia opinata non possunt facere, nisi opinionem: ergo

nec credita, nisi fidem, sed principia Theologiæ sunt credita, quia sunt articuli fidei: ergo non possunt causare nisi fidem, vel cognitionē obscuram.

Hæc septima cōclusio manifestissima, & verissima est, quæ sanctis patribus antiq̃s, aut sacris literis Theologicam nostrā scientiam appellātibz minime contradicit. Nam sancti patres, & sacra litera nomine scientiæ non eo rigore, quo & nos, vsi sunt.

Ad argumenta illius noui expositoris, quibz tertiam conclusionem Beati Thomæ positam nititur probare, & hanc nostram labefactare, respondere oportet.

Ad primum dico, ad maiore, quòd nostra Theologia, licet sit virtus intellectualis, non tamen est virtus intellectualis: quia nō attingit verum euidenter, quod ad rationem virtutis intellectualis necessarium esse videtur. Secundò dico, quòd nostra Theologia est scientia secundo modo ex his, quos tertio notabili pro opinione Doct̃oris subtilis attulimus, quia est habitus, quo dicimus determinatè verū. Tertio dico, quòd nostra Theologia non est scientia, ceterum ad scientiam reduciue pertinet.

Ad secundum, cui maximè innititur ille nouus expositor, dico, quòd cum Aristot. dicat scientiā procedere ex euidentibus, intelligendus est de euidentibus secūdm se, quia loquitur de scientia secundum suam propriam speciem, & naturam. Vnde de ratione scientiæ propter quid, quæ est exactissima, est quod pcedat ex principijs secundum se, & per se notis ex terminis, vel saltem, quòd eius principia sint reducibilia in principia per se, & secundum se nota. Ceterum, vt aliqua notitia sit mihi scientia, neces-

Theologia nostra non est scientia proprie sed reduciue.

sum est, quod in me causetur ex principijs per se, & secundum se notis, & quod mihi sint nota ex terminis. Nā sicut illa cognitio, quæ non potest reduci in prima principia secundum se nota ex proprijs terminis, non est scientia secundum se, ita nec mihi erit scientia, nisi ego sciam illam reducere in prima principia mihi euidenter nota. Vnde licet principia nostræ Theologiæ essent secundum se nota ex terminis, tamen nostra Theologia non est scientia: quia non causetur in nobis ex principijs nobis euidenter notis, nec potest sic causari, quia principia eius non possunt esse nobis, vt viatoribus euidenter nota.

Ad scientiam verò, quia & a posteriori, requiritur necessariò euidentia effectus, & ordo necessarius eiusdem effectus ad suam causam. Quocirca Theologia nostra non est scientia etiam a posteriori: quoniam nullus effectus est notus nobis naturaliter, & euidenter, ex quo necessariò aliquam veritatem purè Theologicam concludamus.

Ad tertium nego antecedens, quia Aristoteles per aliquid maius scientia intellexit habitum principiorum, quia contingit præmissas demonstrationis esse propositiones mediatas, quarum verè sciens habet scientiam, & quandoque sunt immediatæ, ac proinde dixit scientem per demonstrationem debere habere vel scientiam præmissarum, vel aliquid maius, videlicet habitum principiorum. Cæterum de præmissis Theologicis nos nec scientiam, nec habitum principiorum habemus, sed solam fidem, ac proinde nullatenus de aliqua cōclusionē Theologica veram scientiam possidemus.

Nona conclusio. Licet Theologia non sit propriè sciētia, non tamen est fides, sed valde distat a fide. Probatur primò. Nam Theologia est facultas, quæ ex articulis fidei, vt ex principijs docet colligere conclusiones. Secundò, quia Theologia, & fides habent se sicut habitus primorum principiorum, & scientia conclusionum, Nam sicut intellectus lumine naturali sine aliqua argumentatione elicit assensum principiorum, inde verò scientia elicit conclusiones, sicut lumen fidei nullo argumento adhibito persuadet res supernaturales sola autoritate diuina: Theologia vero inde colligit conclusiones argumentando, definiendo, &c.

ARTICVLVS III.

An Theologia nostra subalternetur scientia Dei, & Beatorum.

CIRCA tertium articulum est duplex opposita opinio. Altera ^{Opin. D. Th.} Dni Thomæ, i. p. art. 2. tuentis partem quæstionis affirmatiuam, quem sequuntur Caietanus, & moderni qui dam ibidem.

Altera vero opposita sententia est Scoti, q. 5. prol. lit. h. vbi expresse tenet nullatenus Theologiam nostram sciētiæ Dei, aut Beatorum subalternari.

Caietanus, vt suam sententiā defendat, prænotat, quod de ratione sciētiæ absolutè, vt distinguitur contra alios habitus, seu virtutes intellectuales, est habere cōclusiones visibiles in alio, id est, in principijs. Hoc est dicere, quod conclusiones scientiæ non sunt notæ in se ipsis ex terminis. Non enim ex se ipsis habent euidentiam, sed ex principijs, quæ in se ipsis, & ex se sunt

*Sensetia
Caietani
proponi-
tur
quod
aliqua
impugn-
tur.*

per se nota: & hoc conuenit tā scientiæ subalternanti, quā subalternatæ. Differunt tamen scientia subalternās, & subalternata, quod illa habet cōclusiones deductas immediatē ex principijs per se notis: hæc autē mediate, s. mediante habitu sciētifico subalternante. Nam conclusiones subalternantis scientiæ sunt principia subalternatæ. Et hæc (inquit Caietanus) est essentialis differentia inter subalternātem scientiam, & subalternatā: subalternantur .n. quoad principia. Ex his deducit Caietanus multa.

Primò, q̄ omnis sciētia est scientia ex continuatione sua ad habitū superiorem, scilicet, ad habitum principiorum: quia ex illis habet euidētiā.

Secundò, quod scientia subalternata est sciētia, ex continuatione sui ad scientiam superiorem, quia eius conclusiones habent euidētiā ex principijs scientiæ superioris.

Tertiò, quod habitus principiorū proximorū sciæ subalternatæ est habitus sciētificus subalternans, seu ipsa sciētia subalternans præter principia.

Quartò, sequitur, inquit Caietanus, quod sciētia subalternans, & subalternata non opponuntur ex parte subiecti, quia sunt compossibiles in eodem subiecto, sed ex parte medij: quia, scilicet, conclusiones vnius immediatē iunguntur principijs: conclusiones verò alterius mediatē, scilicet, mediātē habitu sciētifico conclusionum subalternantis scientiæ.

Ex his infert quintò Caietanus, q̄ principia proxima scientiæ subalternatæ possunt duplici habitu cognosci, scilicet, per habitum principiorū scientiæ superioris, et per fidem eā credendo. Per primum cognoscūtur per se. Per secundum verò, scilicet, per fi-

dem, per accidens, ratione, scilicet, subiecti, in quo est videlicet perspectiui, non Geometræ.

Secundò nota ex eodem Caietano, *Nota. 1.*

quod in prima, & essentiali conditione sciētia subalternata, qua habet cōclusiones deductas mediatē ex primis principijs, duo cōcurrunt. Primum est, quod conclusiones eius non sunt euidētes in se, sed in principijs superioris scientiæ. Alterum est mediatio principiorum proximorum inter cōclusiones eius, & prima principia. Primum (inquit Caiet.) est formale, & intrinsecum scientiæ subalternatæ: secundū verò materiale: quod si secludi posset nihilominus esset subalternata. Sed in hoc decipitur Caietanus: quia de intrinseca ratione scientiæ subalternatæ est talis mediatio principiorum proximorum, illa enim seclusa nulla erit subalternatio quoad principia, sed erit eadem omnino scientia, & de eisdem veritatibus æquē primò. Itē, quia artifex subalternatus sibi incipit, vbi desinit subalternans: ergo conclusiones scientiæ subalternantis sunt necessariò principia scientiæ subalternatæ. Item, quia (vt ait Caietanus) ex prima, & essentiali differentia scientiæ subalternatæ a subalternante infertur, quod habitus principiorum proximorum scientiæ subalternatæ est habitus sciētificus subalternans, quod esse non potest, nisi principia scientiæ subalternatæ mediant inter eius conclusiones & prima principia. Ergo vel decipitur Caietanus, vel est sibi inconstans. Ex his infertur falli quidem Caietanū, cū arbitrabatur ex subalternatione inter scientiam Dei, & nostram nō debere inferri, quod principia Theologiæ nostræ sunt conclusiones sciētia Dei: imò in

vera

vera subalternatione hoc necessario inuenitur. Aut ergo Caietanus in summa quod Theologia Dei, & nostra subalternantur tantum quoad principia, & hoc ratione euidentiæ, quia scilicet, principia nostræ Theologiæ, que in ea sunt ineuidentia, sunt euidentia in scientia Dei.

His positis sententia Beati Thomæ in hac conclusione consistit. Theologia nostra subalternatur scientiæ Dei, & beatorum. Probatur: quia de ratione essentiali scientiæ subalternatæ solum est, quod principia eius sint in ipsa ineuidentia, & in subalternante euidentia, sed sic se habent principia nostræ Theologiæ, quia in nostra Theologia sunt ineuidentia, euidentia verò in scientia Dei, & beatorum: ergo hac nostra subalternatur illi.

EXPLANATIO OPINIONIS DOCTORIS SUBTILIS.

PRO intelligentia opinionis Doctoris subtilis obserua, quod vnā scientiam alteri subalternari, est sub alia collocari ratione subiecti. Tria autem requiruntur necessario ab subalternationem. Primum, quod subiectū vnus sub subiecto alterius cōtineatur. Secundum quod subiectum scientiæ subalternatæ addat differentiam accidentalem supra subiectum scientiæ subalternantis. (Sed hoc negat Caietanus, quamuis malè, quia omnibus Philosophis contradicit, ac proinde non oportet eum confutare, voluntarie enim loquitur, & sine ratione.) Quod patet in Arithmetica, & Musica: illius enim subiectum est numerus, istius verò numerus sonorus, qui differentiam accidentalem supra numerum addit. Tertium, quid principia

scientiæ subalternatæ sint cōclusiones scientiæ subalternantis. Sunt autē scientiarum subalternanti nonnullæ proprietates. Prima, quid subalternans dicat propter quod principiorum subalternatæ, subalternata verò, quia. Quæ proprietas tangitur in tertia conditione ad scientiam subalternatam requisita, quam paulò ante posuimus. Secunda proprietas, quid scientia subalternans procedat ex principijs per se notis in se ipsa, subalterna verò ex principijs per se notis in subalternante. Tertia proprietas est, quod si aliquis vellet gradū facere ab vna in alterā in subalternis, vbi definit vnus, incipit alius: nā vbi definit physicus, ibi incipit medicus. Vltima proprietas est, quod subalternans, & subalternata possint esse simul in eodem subiecto, seu intellecto: quoniam vna dicit quia, altera vero, propter quid. Istę proprietates licet omnibus scientijs subalternis insint, non tamen ipsis solis conueniunt, vt intuenti satis patebit. Illa tamen vltima adeo scientiæ subalternatæ competit, vt nullatenus scientia esse possit, nisi in eodem subiecto scientiæ subalternanti continuetur. Ratio est, quia sicut ipsa non esset scientia, nisi haberet cōclusiones in prima principia resoluibiles, ita non erit in hoc intellecta scientia, nisi ipsa fuerit in eo ex primis principijs causata, sed ab ipsis causari nequit, nisi scientiæ subalternanti in eodem coniungatur & continuetur, vt constat: ergo, &c.

Nota etiam q̃ Theologia pōt bifariam considerari: primò secūdū se: scilicet prout est in nobis. H. s. ita cōstitutis per conclusiones est sententia Scoti definienda. Prima conclusio. Theologia secundum se nulli scientiæ subalternatur. Quia si alicui maximè Meta-

Proprietate scientiæ subalternantis, & subalternatæ.

Cōsidero nes ad subalternationē scientiæ.

1. Concl.

physicæ: sed huic non, quia licet subiectum eius sub subiecto metaphysicæ contineatur, nulla tamen principia accipit ab ea, quia nulla passio Theologica est demonstrabilis in ea per principia entis, vel per rationem sumptâ ex ratione entis: aliter enim mysteria fidei essent per rationem naturalem cognoscibilia: ergo, &c.

Concl. 2. Secunda conclusio. Theologia secundum se nullam scientiam humanitus adinuentam sibi subalternat. Probatur: quia nulla alia scientia accipit ab ea principia: nam qualibet alia in genere cognitionis naturalis habet resolutionem suam vltimo ad aliqua principia immediata naturaliter nota a principijs Theologiæ distincta: ergo Theologia nullam sibi subalternat, patet consequentia, quia principia scientiæ subalternatæ non possunt resolui nisi in principia subalternantis: principia autem aliarum scientiarum non resoluitur in principia Theologiæ.

Sed contra arguit Scotus. Resolutio nō stat in cognoscibilibus, nisi ad perfectissimum cognoscibile, nec de eodem, nisi ad seipsum, vt perfectissimè cognitū, sed linea perfectius cognoscitur in Verbo diuino, quam per motionem sui ipsius: ergo resolutio conclusionum de linea, non stat ad quidditatem lineæ, vel ad eius principia seu eorum cognitionem, nisi vt videntur in Verbo: illa autē cognitio habetur per Verbum visum; ergo resolutio quarumcunq; conclusionum vltima stat ad visionem Verbi: igitur visio diuini Verbi subalternat sibi omnes alias notitias, quia eis dat euidenciam. Respondet Scotus negādo maiorem: bene enim potest cōclusio aliqua de aliquo sciri per principia

immediata, & euidencia scienti, quæ talis cognitio non sit ita perfecta, sicut alia, quæ de eadem re haberi potest. Quod patet: nā eadem propositio potest esse per se nota terminis cōfusa, & distinctè cōceptis, vna tñ per aliam probari non potest. Exempli causa, metaphysicus cognoscit totū, & lineam distinctè, & ad quod prædicamentum pertineant, non tamen geometra, sed confusa: quia licet euidenter cognoscat lineam esse longitudinem sine latitudine, non tamen cognoscit ad quod genus pertineat, & quæ sint eius prædicata quidditativa: & tamen ista, quam cognoscit Geometra, non probatur per illā Metaphysico cognitam. Pariter, licet cognitio lineæ in verbo sit perfectior, quàm cognitio eiusdē per propriam quidditatem mouētem intellectum ad sui cognitionem, non tamen ista per illam probatur. Et ita non stat resolutio conclusionum de rebus scitis ad cognitionem earum in verbo.

Tertia cōclusio. Theologia nostra *3. Concl.* non subalternatur scientiæ Dei, nec beatorum. Conclusio est Doctoris subtilis, in prologo vbi supra, & in 3. d. 3. q. vnica, litera, A. Et probatur Primò Scientiæ subalternatæ dependet a subalternante tanquam a causa per se sui, sed nostra Theologia nullo modo, vt a causa per se dependet a sciētia Dei, vel beatorum: ergo nullo modo ei subalternatur. Cōsequētia tenet: probō maiorem, quia cōclusiones scientiæ subalternantis sunt principia subalternatæ scientiæ, & tā conclusiones huius, scilicet, subalternatæ, quā illius, vt putā, subalternātis probantur per principia scientiæ subalternantis, quæ sunt causa per se scientiæ subalternantis, & per cōsequens, scien-

1. Ratio.

scientiæ subalternatæ: quia quod est causa causa est causa causati: ergo scientia subalternata dependet sicut a causa per se sui a subalternante. Minorem sic ostendo: quia scientia sicut a causa per se non dependet nisi ab obiecto, vel potetia, sed nostra Theologia non dependet a visione beata, nec sicut ab obiecto, nec sicut a potentia (vt de se patet, quia obiectum nostræ Theologiæ est Deus, potentia verò noster intellectus: nec sicut a lumine, quia conclusiones nostræ Theologiæ, sicut a lumine solum dependent a lumine fidei, ergo. Et confirmatur, quia seclusa à medio visione beata ab omnibus creaturis, maneret nostra Theologia in sua ratione formali intrinseca, vt de se patet: ergo saltem nullo modo per se dependet a visione beatifica creatæ: ergo ei saltem non subalternatur. Præterea. Conclusiones nostræ Theologiæ nullo modo, vt nostræ sunt, sciuntur per visionem beatam, quia iam non sciuntur per principia inevidentia: ergo nullo modo ei subalternatur. Ex his collige Caietanum omnino decipi vbi supra, quando asserit nostram Theologiam, sicut a lumine depēdere a scientia beatorum.

2 Ratio.

Secundo. Scientia subalternans, & subalternata non sunt, nec possunt esse primo de eisdem veritatibus, vel prædicatis scitis, quæ per demonstrationem probatur inesse subiecto, sed nostra Theologia potest esse de eisdem veritatibus, de quibus est scientia beatorum: ergo nullatenus ei subalternatur. Consequentia tenet, maiorem probo. Primo, quia vbi subalternata incipit, ibi subalternans desinit. Secundo, & redit in idem. Principia scientiæ subalternatæ sunt conclusiones scientiæ subalternantis: ergo non sunt pri-

mo de eisdem veritatibus scitis. Antecedens est notissimum: consequentia verò inde patet, quia res scitæ in superiori scientia sunt principia inferioris, quæ in ipsa inferiori non sciuntur, sed ex ipsis res scitæ deducuntur. Minor huius secundæ rationis statim patebit.

Huic argumento respondet Caietanus negando minorem, quia Theologia beatorum (inquit) est de veritatibus articulorum nostræ fidei, quia illas probat a priori: nostra verò Theologia est de conclusionibus ex articulis elicitis.

Hæc Caietani solutio non satisfacit argumentonam de articulis fidei (qui sunt de rebus contingentibus, quæ ad mysteria gratiæ creatæ spectant, cuiusmodi sunt incarnatio, passio, resurrectio, &c.) est omnino falsa, quia de huiusmodi veritatibus non potest habere beatus scientiam, probando eas per priora principia, quia sunt propositiones contingentes immediatæ, quarum cognitio evidens solum ex visione vnionis extremorum oritur, & dimanat. Et ratio est, quia extrema inter se nullam necessariam connexionem habent, sed eorum vnio est contingens, ac proinde quatumvis perfectè extrema secundum proprias naturas cognoscantur, nunquam propositio contingens euidenter cognoscetur, nisi extremorum vnio videatur. Exempli causa, hæc propositio, Petrus est albus, est contingens immediata, & quamvis perfectè prædicata seorsum concipiantur, non cognoscetur euidenter eius veritas, nisi vnio albedinis cū Petro videatur. In necessariis autem aliter se res habet, propter necessariam extremorum connexionem. Ex quo sic colligo argumentum contra

*Impugnatur
Caietani
responsio*

Caietanum: Hæc propoſitio. Verbum divinum ſubſiſtit in natura humana, ſicut ſuppoſitum in natura, eſt omnino immediata: ergo illam non ſcit beatus per demonſtrationem: quia propoſitio, quæ per demonſtrationem concluditur, eſt neceſſario mediata: ergo de illa non habet beatus ſcientiam: ſed in ordine ad ipſum eſt veluti principium, ſicut in ordine ad Theologum viatorem. Idem eſt iudicium de his, Chriſtus reſurrexit, Chriſtus aſcendit in cælum, &c. Sicut enim ſunt veluti principia in noſtra Theologia ad alias concluſiones ex ipſis deducendas: ita & in Theologia beatorum; ergo articuli noſtræ fidei huiusmodi propoſitiones continentes non ſunt concluſiones ſcientiæ beatorum. Decipitur ergo Caietanus ſentiendo oppoſitum: ac per conſequens quo ad hoc eius ſolutio ad Scoticum argumentum proſuſ eſt nulla. Præterea, quia noſtra Theologia licet nō ſit de eiſdem veritatibus ſcitis, de quibus ſcientia beatorum, (de quo nihil modo diſſinio) tamen eſſe poſteſt, quia Deus poſteſt nobis revelare principia ſcientiæ illorum: ergo ſaltem noſtra Theologia, & ſcientia beatorum poſſunt eſſe primo de eiſdem veritatibus: ergo vna alteri non ſubalternatur. Patet conſequentia, quia impoſſibile eſt ſcientiam ſubalternantem, & ſubalternatam eſſe primò de eiſdem veritatibus: nam ubi illa deſinit, hæc incipit: concluſiones enim ſcientiæ ſubalternantis ſunt principia ſubalternatæ.

3. Ratio.

Tertiò: Scientia ſubalternata neceſſario continuatur ſcientiæ ſubalternanti in eodem ſubiecto (aliter enim non poſteſt eſſe ſcientia, ex præcedenti articulo, & patebit clariùs ex

ſolutione ad argumenta principalia) ſed noſtra Theologia non poſteſt, vt in nobis, quatenus puri viatores ſumus, continuari ſcientiæ beatæ, quia iam eſſemus comprehenſores: ergo non ſubalternatur ei.

4. Ratio.

Quartò: Habēs ſcientiam ſubalternatam poſteſt habere ſcientiam ſubalternantem, & è conuerſo: ſed hoc in propoſito eſt impoſſibile: ergo nullo modo Theologia noſtra ſubalternatur ſcientiæ beatorum. Probo maiorē. Et primo quod habens ſcientiam ſubalternatam poſſit habere ſcientiam ſubalternantem ſic oſtendo. Quia ſubalternus artifex habebit ſciām ſubalternantem, ſi præmiſſas ſuarum demonſtrationum in prima principia reſolvat: nam tūc ſciām habebit huius præmiſſarum, quæ nō eſt alia, niſi ſubalternans: hoc autē poſſibile eſt, quia niſi hoc poſſit efficere, non erit verē ſciēs. Sicut. n. ſcientia ſubalternata nō eſſet ſcientia, niſi cōcluſiones eius eſſent in prima principia reſolubiles: ſic hic nō erit ſciēs per ſcientiam ſubalternatam, niſi poſſit reducere ſuas cōcluſiones in prima principia: ergo hñs ſcientiam ſubalternatam pōt habere ſcientiam ſubalternantem: imò eam de ſe habet, & prius, alias non erit verē ſciēs, quia neſcit ſuas concluſiones vſq. ad prima principia reſolvere. Tunc enim, iuxta Ariſtotelicam ſententiam, vnamquam rem nos ſcire arbitramur, cum cauſas primas, primæq. principia, & vſq. ad elementa cognoviſimus. Et confirmatur: quia principia ſcientiæ ſubalternantis ſunt vniuerſalia, & ſic ordine cognitionis intellectualis prius nota: ergo qui habet ſcientiam ſubalternatam, prius habet ſcientiam ſubalternantem: ſiquidem eius principia ſūt naturaliter prius

prius nota, quam principia sciētiæ subalternata; nec principia huius sunt euidenter nota nisi p̄ principia illius.

Quod verò habēs scientiam subalternatam possit habere scientiā subalternatā: sic probor: quia habens principia de aliqua conclusione potest scire conclusionem: ergo cum subalternans artifex habeat principia conclusionum scientiæ subalternatæ, eas scire poterit. Sed iam probor minorem quoad vtrumq. membrum: scilicet, quod nec viator, vt sic, potest habere scientiam beatorum, nec beatus scientiam viatorum: quia sicut viator, vt sic, nō potest clarē videre suas conclusiones, & principia, ita nec beatus potest habere ineuidentem cognitionem conclusionū nostræ Theologiæ, quia eas euidenter scit in diuina essentia. Implicat autem eundē intellectum, euidentiam, & ineuidentiam actualem de eadem conclusione habere: quia euidentia, & ineuidentia in eodem respectu eiusdē omnino repugnant. Proinde enim concedunt omnes Theologi in 3. dist. 30. fidem secundū suum actū euacuari in patria, quia actus fidei, & actus visionis sunt ibi oīno impossibiles.

5. Ratio.

Quinto. Si nostræ Theologiæ subalternaretur sciētiæ Dei et beatorum, sequeretur, quod geometria credita, si quæ esset, propter incapacitatem diſcentis, subalternaretur geometriæ viſamino perſpectiua credita subalternaretur perſpectiua viſa, conſequēs eſt falſum: ergo, &c. Sequela a paritate rationis ſatis patet: falſitas vero conſequens eſt de ſe clariffima.

6. Ratio.

Sexto. Scientiæ subalternatæ ſubiectum addit differentiam realem. ſi ſit ſcientia realis ſupra ſubiectum ſcientiæ ſubalternantis: quia per illā diffe-

rentiā diſtinguitur ſpecie obiectum ſciētiæ ſubalternatæ, ab obiecto ſcientiæ ſubalternantis, ac per conſequens vna ſciētiā ab alia: ſed Theologia noſtra non ſic ſe habet reſpectu ſciētiæ beatorum: ergo non ſubalternatur ei. Probo minorem: quia in vtraque ſcientia Deus eſt ſubiectum.

Reſpōdet Caietanus negando minorem: quia Deus (inquit) vt clarē viſus eſt ſubiectum Theologiæ beatorum, Deus vero reuelatus eſt ſubiectum Theologiæ noſtræ: reuelatio autem differentiam, accidentalem addit ſupra deitatem.

Sed cōtra. Et primò oſtendo, quod Deus ſub ratione clarē viſi non ſit ſubiectum ſcientiæ beatorum: quia ſcientiæ realis, & præſertim omnium perfectiſſimæ non potest aliquid eſſe ſubiectum ſub ratione entis rationis: at Deus, vt clarē viſus, ſolum addit, vt rationem formalem obiecti, relationem rationis, ſcilicet, eſſe viſum: igitur vt ſic non eſt ſubiectum ſcientiæ beatorū. Secūdo, quia obiectum ſub ea ratione, qua eſt obiectum, præcedit ſcientiam, ſicut cauſa ſuum effectum: ſed Deus, vt clarē viſus, nō præcedit ſcientiam beatam, quæ eſt viſio, ſed potius ſequitur, quia a viſione dicitur viſus: ergo, &c. Quod vero non addat differentiam accidentalem probor: quia ſecundum S. Th. 1. part. q. 1. artic. 7. Deus ſub ratione deitatis eſt noſtræ Theologiæ ſubiectum: ergo non addit ſupra ſubiectum ſcientiæ beatorum aliquid accidentale ſecundum ſanctum Thomam: ergo ſaltem in opinione B. Thomæ hoc argumentum concludit noſtram Theologiam non eſſe ſcientiæ Dei, & beatorū ſubalternatam. Prætereā Deus, vt reuelatus, paſſiuè loquendo, ſolum addit re-

*Impugnatur Cuius
lanus.*

latio.

lationem rationis supra deitatem, scilicet, reuelatum esse, sicut esse visum supra colorem: ergo sub illa ratione nō potest esse nostræ Theologiæ subiectum: Tandem: Et si ratio reuelati adderet differentiam accidentalem supra Deum, non tamen illam addit supra Deum vt res est, sed vt obiectū est: Ad subalternationem vero requiritur, q̄ huiusmodi differentia accidentalis addatur subiecto scientiæ superioris, vt res est, sicut sonorum in musica additur numero, qui est arithmetici subiectum.

A D A R G V M E N T A in principio controuersię posita.

AD primum concedo maiorem, & nego minorem. Ad probationem concedo maiorem, loquendo de scientia subalterna secundum suam propriam speciem, & naturā, sed nego minorem: scientia enim subalterna habet sua principia nota sibi ex superiori scientia, quia eius principia sunt resolubilia in principia superioris scientiæ. Et hoc sufficit ad hoc, quod sit scientia. Nam, sicut scientia subalterna: principia essent in se principia, si possent reduci ad principia simpliciter prima, & nota ex terminorum euidencia: ita sunt modo principia secundum se, siue reducuntur ab aliquo, siue non. Sed sicut subalternata non esset scientia nisi eius principia possint reduci in principia prima nota ex euidencia terminorū: sic non est huius scientia, nisi ipse possit eius principia reducere in principia prima, ex quibus demonstratur: quod nunquam efficere potest, nisi habeat scientiam subalternantem. Et sicut non essent principia scientiæ

subalternata, nisi essent conclusiones demonstratæ in scientia subalternante nec essent isti principia, nisi essent sibi demonstrata in scientia subalternante. Itaque aliquem scire perspectiuam, nisi sciat geometriam, est manifesta repugnantia. In summa dico, quod vt subalternata scientia sit secundum se proprie scientia, sufficit quod eius conclusiones sint resolubiles in principia nota ex terminis. Caterum, vt mihi sit scientia, nō sufficit quod eius conclusiones sint modo prædicto resolubiles, sed oportet quod ego ipse possim, & sciam illas in prima soluere principia. Cum autem nos Theologi viatores non possumus nostras conclusiones, & principia, in principia immediata nota ex terminis reducere, nullatenus de rebus Theologicis scientiam propriè dictam habere possumus. Et sanè, si ad hoc, vt notitia aluius conclusionis sit scientia subalternata, sufficit, quod sit per scientiam superiorem demonstrabilis, sequitur, quod conclusio per syllogismum probabilem, & topicum in me causata est verè scita, & eius notitia scientia: quia per demonstrationem potest ab alio vel a me ipso, si medium demonstratum didicerim, demonstrari, quod tamen falsum esse nemo ambigit: ergo, &c.

Ad secundam probationem concedo antecedens, & primam consequentiam. Sed cum dicis quod aliquis potest esse perspectiuus, circūscripta geometria, nego illud: quia nunquam est perspectiuus, nisi sit geometra. Et cum dicis, quod sunt distincti habitus, fateor. Sed sicut nō potest esse habitus perspectiue scientiæ, nisi causetur ex principijs geometriæ:

metrix non immediate, sed median-
tibus conclusionibus ibi demonstra-
tis ex principijs euidentibus: ita non
potest esse huic habitus sciētificus, ni-
si causetur in ipso ex principijs eisdē
sibi euidenter notis. Sicut igitur scien-
tia subalterna, vt perspectiua, non est
ex se scientia, nisi causetur à princi-
pijs superioris scientiæ, mediate tamē:
ita nec ista est scientia, nisi cau-
setur in ipso ex principijs superioris
scientiæ.

*Ad secū-
dam.*

Ad secundam respondeo, quòd
inductio potest accipi bifariam. Pri-
mò, prout est species argumentationis.
Secundò, prout inductio dicitur
omnis cognitio, quæ ex sensu oritur:
sicut principia cognoscimus, quia
terminos per sensum apprehendimus:
cognitio enim per sensum sup-
ponitur cognitioni intellectuæ. Nūc
dico, quòd si Cōmentator sumit in-
ductionem primo modo, haud qua-
quam sufficit inductio ad scientiam:
quia inductio a singularibus ad vni-
uersale procedit: non autē scitur vni-
uersale, quia ex particularibus dedu-
citur, sed magis ē conuersio. Exem-
pli causa, magis scientifice sequitur,
omne totum est maius sua parte, igitur
hoc totum, quàm ē conuersio, Hoc

totum est maius sua parte, & illud: er-
go omne. Scientia enim ex primis,
& immediatis principijs oritur, &
dimanat, quæ ex euidentia terminorum
sunt nota. Vnde euidentia prin-
cipiorum in scientia non dependet
ex singularibus: sed si nullum singu-
lare esset, cūm scientia sit necessarium:
adhuc staret vera scientia, quia
principia ex terminis essent nota.

Si verò Commētor sumat indu-
ctionem secundo modo, verum est
quòd notitia principiorum depen-
det ex sensu, quia omnis nostra co-
gnitio a sensu ortum habet. Sed non
sufficit quæcunq; terminorum noti-
tia ad hoc, quòd cognoscantur esse
prima seu talia, ex quibus possit con-
clusio necessaria concludi, quæ est ge-
neratiua scientiæ. requiritur ergo no-
titia terminorum sub proprijs ratio-
nibus ex eorum euidentia. Ex his col-
ligitur, quòd inductio quomodocun-
que sumatur, nō sufficit ad generan-
dam scientiam.

Ad tertiam dico, quòd Aristoteles *Ad ter-
tiam.* exposcit euidentiam in scientia, quia
est de ratione eius intrinseca, & essen-
tiali: & requirit certitudinem non
quamcunq; sed eam, quæ ex eu-
identia rei nascitur, & dimanat.



CONTROVERSIA TERTIA.

Verum Theologia sit practica.

1. argū.



ARS negatiua probatur: quia Ioan. 20. dicitur. Hac autem scripta sunt, vt credatis: sed credere est speculatiuum, quia

ei succedit visio in patria: ergo Theologia nostra, quæ circa ea, quæ scripta sunt, versatur, est scientia speculatiua.

2. argū.

Secundò. Scientia practica tractat de rebus operabilibus modo operabilis: sed nostra Theologia, & Theologia beatorum potissimè disputant de Deo, & de his, quæ intrinsecè & formaliter sunt in Deo, quæ omnia sunt infaçtabilia, & inoperabilia: ergo non sunt scientiæ practicæ, sed speculatiuæ.

3. argū.

Tertiò. Omnis scientia practica aliqua speculatiua est nobilior: sed nulla scientia est nobilior Theologia: ergo non est practica. Consequentia tenet, & minor est nota: maior verò probatur. Tum, quia speculatiua est gratia sui, practica verò gratia v. s. Tum, quia speculatiua est certior: quorum utrūque docet Aristoteles, 1. Metaph. in proœmio.

4. argū.

Quartò. Theologia omnibus necessarijs ad vitam existentibus inuēta est propter fugam ignorantie: ergo est speculatiua. Consequentia probatur: quia sic demonstrat Arist. in proœ. suæ Meta. Metaphysicæ esse speculatiuam. Antecedens probatur: quia sollicitudo circa necessaria impedit ab acquisitione huius doctrinæ.

IN HAC difficili controuersia hunc ordinē seruabimus. Primò, quid sit praxis, & quæ actiones, & operationes sub praxi comprehendantur, varijs ommissis opinionibus, explicabimus. Secundò, quid sit cognitio practica, quæ ad praxim extenditur, ipsam dirigendo docebimus. Tertiò, a quo habeat cognitio, quod sit practica, inquiremus. Quartò, de qua sit principalis, cuius intelligentia maximè ex practictorum cognitione dependet, disputabimus. Vltimò, rationibus in principio positis satisfacimus.

ARTICVLVS PRIMVS.

Quid sit praxis, & quæ actiones, & operationes sub praxi comprehendantur.



Ira primum articulum ob-
seruandum, quòd praxis est
nomen Græcum, & idè est,
quod operatio Latine. Potest autem
praxis prout ad præsens attinet, tri-
bus modis accipi. Primò pro omni
operè cuiuscunque potentie, siue il-
la sit libera siue naturalis, intellectu-
ua, siue sensitiua. Sed sic accipitur la-
tissimè, & valde improprie. Secundò,
strictius, & magis proprie accipitur
pro omni opere, quod est in potestate
voluntatis, & liberi arbitrij. Ter-
tiò, accipitur proprie, & in rigore
pro operatione, ad quam intellectus

per

1. Not.
Praxis
accepta

per cognitionem verè practicam extenditur, qua operatione homo laudem, vel vituperium meretur: ac per consequens praxis necessariò est operatio libera: quia per operationes, quæ in nostra non sunt positæ voluntate, nullatenus vituperium, aut laudem promereri possumus.

2. Not. Secundo obserua, communiter recipi intellectum extensione fieri practicum, quod Scotus & alij grauissimi Doctores colligunt ex Aristotele, & Commentatore. 3. de anima. text. comment. 49. Vbi Aristoteles sic ait. Intellectus operatiuus, & est cogitans in re, differt ab speculatiuo perfectione (id est, sine secundum alium textum) omne enim desiderium est desiderium ad aliquod: desiderium enim non est principium intellectus speculatiui, sed ille alius est principium intellectus. Et ideo necessariò apparet, quod hæc duo sunt mouentia, scilicet, desiderium, & cogitatio apud actionem: desiderium enim mouet, & cogitatio mouet, quia est desideratiua. Hæc Aristot. Commentator vero super hæc verba sic scribit. Intellectus operatiuus differt ab speculatiuo perfectione, & fine: finis. n. speculatiui est scire tantum, operatiui autem, operari. Et quia omne desiderium est ad aliquid, ideo desiderium non est principium mouens intellectum operatiui, sed illud desideratum mouet intellectum, & tunc desiderabit intellectus, & cum desiderauerit, tunc mouebitur homo, scilicet, a virtute desideratiua, quæ est intellectus, aut imaginatio. Hactenus Commentator. Ex his verbis præfati authores meritò colligunt intellectum extensione fieri practicum, per hoc scilicet, quod ad opus, & praxim

extenditur: quia secundum Aristotelem, & Commentatorem in præfatis verbis, intellectus speculatiuus differt a practico fine: quia ille est propter ipsum scire, quod est ipsiusmet intellectus operatio: hic vero, scilicet practicus, est propter operationem, ac praxim, quam dirigit, quæ secundum omnium Philosophorum sententiam, sæpe sæpius est actus alterius potentia, quam intellectus: vt patet in actibus virtutum moralium, qui, & verè sunt praxis, & actus alterius potentia quam intellectus. Et profectò si naturam, et rationem formalem intellectus practici attente inspiciamus, inueniemus sanè operationem, quam dirigit, actum esse alterius potentia a se. Quia notitia practica, a qua intellectus dicitur practicus, ex natura sua est directiua potentia in suam operationem, ac per consequens propriè est in ordine ad operationem illius potentia, quæ in sua actione deficere potest, estque cæca, ac nata dirigi: cuiusmodi est voluntas, & alia potentia ab intellectu, quæ voluntatis imperio subiiciuntur, & gubernantur. Nam licet intellectus in multis obtemperet voluntati, tamen quia non est potentia cæca, sed videns nata se ipsam dirigere, non indiget directiuo: ac proinde non ponitur in eo notitia propriè practica, quæ ipsum dirigit in actibus suis, sed per notitiam practicam alias dirigit potètiās. Cum ergo intellectus practici finis (secundum mentem Aristotelis loco supracitato) sit operatio alterius potètiæ ab intellectu, quam ipsa mēs dirigit, meritò Scotus, & alij ex hoc deduxerunt intellectum extensione fieri practicum, quia scilicet extendit se ad actus, & operationes aliarum potentiarum, quas

Aristot.
& Com.
ment.

Intellectum extensione fieri practicum colligi-

quas dirigit. Vnde immeritò sanè Soto, loco infra citando reprehendit Scotum, eo quod præfatum textum in suæ sententiæ cōfirmationem adduxerit, siquidem (vt vidimus) non incongruè illa vulgaris, et cōmunis sentētia, Intellectus extensione fit practicus, ex præfato textu deducitur. Concedimus ergo Soto, et alijs, præfata sētiā apud Aristotelem expresse non haberi, ne gamus tñ illam in verbis Aristotelicis virtute non contineri. Et quamuis præfata communis sententia in verbis, & doctrina Aristotelis fundamentum haud quaquam haberet, cum ipsi minime contrarietur, & communiter ab omnibus approbetur, tamquam vera accipienda est.

3 Not.
Quid sit
intellectum
extensione
fieri practicum.

Tertio, Nota quod intellectum extensione fieri practicum, non est ipsum secundum suam propriam entitatem, & naturam extendi: quia cū sit incorporeus, & spiritalis, extendi non pōt: sed est ipsum in actū, & operationem alterius potentie tendere eam dirigendo, ne in suis deficiat operationibus: & quia in actum alterius potentie tendit, dī extendi, id est, extra se tendere: quia tendit in actus, & operationes, quæ non sunt sibi propriæ, nec in ipso, sed extra ipsum. Ex quo infertur quod quando intellectus stat præcisè in actibus suis siue syllogizando, siue diuidendo, aut componendo non est practicus: quia non tendit extra se, sed in seipso manet. Et ratio in prōprie est: nam vt præcisè stat intellectus in actibus suis, qui nullo modo sunt directiui alterius potentie in suam operationem, est merè speculatiuus: ergo præcisè est practicus, cum habet notitiā directiuā alterius potentie in suam operationem. Consequētia tenet, ante-

cedens probatur: quia per hōi actus non dicitur extendi, id est, extra se tēdere, sed potius per eos intra seipsum manet. Vnde infertur quod quamuis intellectus per vnū actum intelligendi dicatur extēdi ad aliū, (vt puta per notitiā præmissarum ad notitiā cōclusionis) non dicitur, nec est practicus: quoniam præcisè stat in seipso, & nō tendit extra se. Et confirmatur, quia aliter logica esset scientia practica: nam dirigit in actibus discurrendi, & per vnum tendit in aliū, ipsum dirigendo: quod tamen communiter negatur, quamuis Aureolus, & alij oppositum arbitrentur. De quo videndus est Antonius Andreas 1. Meta. q. 11. Ex his manifestè confutatur opinio Ioannis Anglici in Prologo q. 4. dicentis, extensionem intellectus, secundum quam dicitur practicus, attendendam esse per ordinem ad obiectum, sic, quod extensio intellectus ad obiectum sufficiat ad hoc, vt verè practicus dicatur: tunc enim quæcunque intellectio esset practica: quia necessario tendit in obiectum: & similiter intellectus semper esset practicus, quia necessario ad hoc q̄ intelligat, tendit in obiectum. Nō igitur sufficit extensio intellectus ad obiectum ad hoc, vt practicus dicatur. His ita constitutis, in medium proferenda est praxis descriptio, quam nobis tradidit subtilis Doctor. q. 4. Prologi, super sentētiās: & est huiusmodi,

Praxis est actus alterius potentie, quam intellectus, naturaliter posterior intellectione, natus elici conformiter rationi rectæ, vt sit actus rectus. In hac descriptione tres notat Scotus conditiones ad verā praxim requisitas. Prima est, q̄ sit actus alterius potentie, quā intellectus. Per quam omnes intel-

Logica
non est
scientia
practica

Praxis
descri-
ptio
quorū sūt
eius con-
ditiones.

Prima
praxis est
descriptio.

intellectus operationes a ratione praxis penitus excludit. Vnde hæc propositio, Nulla operatio intellectus est praxis, absque exceptione vlla vera est. Huius conditionis fundamentalis ratio est illa vulgaris sententia. Intellectus extensione sit practicus. Ex qua sic conficitur argumentum. Stando præcise in actibus intellectus nulla est praxis: ergo praxis necessaria est actus alterius potetiae ab intellectu. Consequentia est euidens: antecedens vero ex supradictis patet, & nunc etiam probatur, quia ibi nulla est extensio intellectus: non enim tendit extra se nisi ut actus eius respicit actum alterius potetiae: ergo ibi nulla est praxis, quia praxis est, ad quam intellectus extenditur extra se.

*Secunda
praxis
conditio.*

Secunda conditio praxis est, quod sit actus naturaliter posterior intellectione, ita quod secundum suam naturam sit natus esse intellectione posterior. Hæc conditionem confirmat Scotus in hunc modum. Actus nullo ordini habentes ad intellectum (cuiusmodi sunt actus vegetatiui, aut actus naturaliter præcedentes intellectiōem, ut actus sensitiui) non sunt proprie praxis, ut apud omnes est manifestum: ergo signum est praxim debere esse actum naturaliter posteriorem intellectiōe.

Præterea actus appetitus sensitiuæ potetiae, ut præcedunt rationem, non sunt praxis: quia sic, sunt communes nobis, & brutis, in quorum actionibus ratio praxis inueniri non potest: ergo signum est, praxim esse naturaliter posteriorem intellectiōe. Tandem. Praxis est operatio, quæ bene, vel malè fieri potest: ergo indiget cognitione directiua, ut bene fiat: sed directiuum est naturaliter prius

directo: ergo cognitio directiua in praxim est naturaliter prior praxi: ac per consequens praxis est naturaliter posterior intellectiōe saltem directiua. Et confirmatur, quia cognitio practica est regula ipsius praxis: ergo est naturaliter prior praxi: quia regula est naturaliter prior regulato, ac per consequens praxis est naturaliter posterior intellectiōe. Ex quo inferitur oēs illos actus, & operationes (quæ naturaliter sunt priores cognitione directiua, siue quæ nullo modo ex natura sua possunt dirigi, cum nec benè, nec malè fieri possint) nullatenus sub praxis nomine comprehendendi: cuiusmodi sunt omnes operationes, quæ imperio voluntatis subesse nequeunt: quales sunt actus virtutis vegetatiuæ, & nutritiuæ.

*Regula
præcedit
regula-
tum.*

Sed contra primam probationem huius secundæ conditionis obijcio. Nā multi actus sensitiui sunt praxis, ut patet de actibus gustandi, olfaciendi, & tangendi: quia possunt bene, & male fieri: ergo immerito ibi a ratione praxis eos exclusimus.

Respondeo, multos actus esse potentia sensitiuæ, qui, quantum est ex parte ipsorum, sunt naturaliter priores intellectiōe (cum oīs cognitio intellectiua pro statu isto cognitionē sensitiuam necessariò præsupponat) ut sunt actus potetiae visuæ, tactuæ, & audituæ: Caterum, quia multi eorū possunt benè, vel malè moraliter fieri (possunt enim imperio voluntatis subesse) verè rationem praxis habere possunt. Vnde huiusmodi actus, prout eliciuntur a potentia sensitiua ex imperio voluntatis conformiter se habētis cognitioni practicæ non absque ratione praxis rectè dici possunt: ut verò sunt priores cognitione practica,

*Quomo-
do citus
potentia
sensitiue
sit præ-
cis.*

*Praxis &
est potestas
cognoscens.*

Secundo probatur eadem secunda conditio: quia actus, qui est praxis, est in potestate cognoscens: ergo nullus actus est praxis, nisi sit actus voluntatis elicitus, vel imperatus.

Consequentia est nota: quia nulla operatio, quæ imperio cognoscens subicit, potest reperiri, quæ sub actu elicitu, vel imperato voluntatis non contineatur. Probo antecedens ex Aristot. 6. Ethic. cap. 5. ubi ait, quod artifex indiget virtute, id est, arte ad recte agendum: sed non indiget arte respectu eius, quod non est in sua potestate: ergo in sua potestate habet actionem, respectu cuius indiget arte: ergo à simili, & multo magis prudens habet in sua potestate actionem, & praxim moralem, qua est formaliter studiosus, & virtute præditus: quia nullus est bonus & studiosus moraliter, nisi per operationes, quæ suæ voluntatis imperio subsunt. Et ratio est: quia solum per has meretur laudem, si bonæ sunt, & vituperium, si malæ, & prauæ, vt eleganter docet Scot. in quolib. q. 18. art. 2. Et confirmatur: quia in his, quæ à natura insunt, nec laudamur, nec vituperamur.

Obiectio.

Sed contra dicta sic insurgo. Praxis est actus voluntatis elicitus, vel imperatus, ex dictis: ergo aliqua intellectio est praxis: quod est contra ea, quæ supradiximus. Patet consequentia: quia aliqua intellectio potest esse actus voluntatis imperatus. Nam sicut voluntas alijs potentijs inferioribus imperat, vt in suas exeant operationes: ita & intellectui imperare potest. Et confirmatur argumentum: quia praxis est operatio, quæ potest esse recta, & non recta: sed aliqua intellectio imperata à voluntate potest esse recta, & non recta, sicut fornicationis cogitatio, quæ

si fiat ad fornicationem detestanda, est bona, si vero ad eam amplectendam, est mala: ergo, &c.

Respondeo ad argumentum negando consequentiam. Arguitur enim à positione consequentis ad positionem antecedentis, quæ argumentatio mala est: quia arguitur à positione superioris ad positionem inferioris: sicut in hac. Est animal: ergo est homo. Licet ergo omnis praxis sit actus elicitus, vel imperatus voluntatis, non tamen è conuerso: sicut licet omnis homo sit animal, non tamen omne animal est homo: ita non omnis actus elicitus, vel imperatus est praxis.

Secundo respondeo, quod licet speculatio large loquendo possit dici praxis, vt ex prima, & secunda significatione praxis in principio huius articuli posita deduci potest, non tamen est praxis, prout praxis in præsentiarum dicitur illa & sola operatio, ad quam intellectus per cognitionem propriè practicam extendi dicitur: quia (vt ex supradictis patet) intellectus solum dicitur extendi respectu operationis alterius potentie à se, quam dirigit, ne erret in operando. Et ita praxis, ad quam intellectus extenditur, non est nisi operatio alterius potentie ab intellectu.

Ad confirmationem dico, quod etsi multe intellectiones imperatæ à voluntate sint moraliter bonæ, vel malæ, non tamen sunt praxis proprie, & in rigore: quia respectu illarum intellectus nullatenus extendi, id est, extra se tendere, dicitur, sed in se & intra se ipsum manet. Secundo dico, quod cum huiusmodi cognitiones imperatæ, & moraliter bonæ, vel malæ necessario sint de fine, vel de his, quæ sunt ad finem, ac per consequens, verè dicitur

etiam in praxim bonam, vel malam (quæ est actus alterius potentia, quæ intellectus) potius dicuntur practicae cognitiones quam praxis.

*Tertia praxis cō-
ditio.* Tertia praxis conditio est, q̄ sit actus natus elici conformiter rationi rectæ, vt sit actus rectus. Quæ sic ostenditur: quia ex Philosopho.6. Eth. cap. 3. Electio recta necessariò præsupponit rationem rectam. Sumit autem Aristoteles electionem ibi non strictè prout respicit media ad finem, sed communiter prout respicit tam finem, quam media: ac si dicat, Omnis volitio recta necessariò exposcit rationem rectam, cui conformiter eliciatur: ergo cum omnis praxis sit vel volitio recta, vel sequens volitionem, ad hoc vt sit recta debet nata esse elici conformiter rationi rectæ. Præterea. Actus voluntatis elicitus, vel imperatus non est rectus, nisi quia est conformis rationi rectæ: ergo cum praxis sit actus voluntatis elicitus, vel imperatus, necessariò, vt sit recta, debet esse nata elici conformiter rationi rectæ.

*Actus imperatus
nō est primò
praxis* Ex his duabus vltimis conditionibus inferitur, quòd actus imperatus non est primò praxis, sed secundariò, & per aliud. Ratio est, quia nō est primò posterior intellectione, nec primò natus elici conformiter rationi rectæ. Nam ista duæ conditiones primò, & immediatè conueniunt actui elicitò voluntatis, & deinde ratione eius actui imperato, vt inuenti satis patere poterit. Ex quo sequitur, q̄ aliquis alius actus ab imperato, scilicet, actus elicitus est primò praxis: quia omnes conditiones praxis, etiam si ei non cōtingatur actus imperatus, sibi conueniunt: est enim actus alterius potentia, quàm intellectus (quia

est actus voluntatis) naturaliter posterior intellectione, vt supra diximus, natus elici conformiter rationi rectæ. Et confirmatur: quia actui imperato prædictæ praxis conditiones conueniunt ratione actus elicitì, & non è conuerso: ergo actus elicitus sine actu imperato poterit esse praxis, licet non è conuerso.

Obiectio Sed contra. Omnis praxis sequitur electionem: ergo potius est actus imperatus, q̄ elicitus. Consequentia tenet, quia actus sequens electionem videtur esse actus alterius potentia à voluntate: antecedens verò probatur ex Philosopho.6. Ethic. cap. 3. vbi sic ait. Actus principium est electio, non cuius gratia, sed vnde motus, id est, non finale, sed effectiuum. Principium autem effectiuum naturaliter præcedit effectum: ergo electio non est praxis, sed praxis principium. Et confirmatur: quia Commentator.1. Ethic. in principio ait, quòd praxis est operatio secundum electionem: ergo praxis sequitur electionem.

Responsio. Respondeo ad argumentum negando antecedens. Ad probationem verò ex Aristotele dico, quòd Aristoteles in prædicto loco vult electionem esse principium actus moralis imperati: inde tamen non sequitur, q̄ solus actus ab ipsa imperatus sit praxis: imò ipsa electio est per se primò praxis, vt paulo ante ostendimus.

Ad confirmationem dico, quòd ly, secundum, in verbis Commentatoris non debet esse nota causæ efficientis præcisè (alias enim descriptio praxis non conuerteretur cum praxi, quia ex dictis non solum actus, cuius principium efficiens est electio, est praxis, verum etiam ipsa met electio) sed est nota causæ efficientis, vel formalis:

malis: ut sit sensus, praxis, vel est electio, vel operatio ab electione causata.

Obiectio. Sed contra praxis definitionem in surgit Soto, ubi supra, eamque reprehendens ait, illam esse mancā, & insufficientem, quia non conuertitur cum suo definito, cum praxis mala vere sit praxis: cui tamen definitio praxis assignata haudquaquam conuenit, cum non sit nata elici conformiter rationi rectae.

Solutio. Huic obiectioni respondeo, Scot. in praefata praxis definitione solum definisse praxim rectam & bonam. Ratio est: quia solum voluit definire praxim, ad quam vera cognitio practica, & necessarii recta se extendit, quae solum est praxis recta: haec enim sola est conformis vere cognitioni practicae. Et cum rectum sit iudex sui, & obliqui: ex definitione praxis rectae facile quisque definitionem praxis malae, & obliquae elicere poterit, nec non & praxis in communi descriptionem: haec de primo articulo.

ARTICVLVS II.

Quid sit notitia practica, quae ad praxim extenditur, ipsam dirigendo.

Circa secundum articulum, in quo quaeritur, Quid sit notitia practica, breuiter dico, quod notitia practica est cognitio recta, cui praxis nata est esse conformis & prior naturaliter ipsa praxi. Et hac descriptione duae conditiones ad notitiam practicam requisitae colliguntur. Prima est, quod sit naturaliter prior ipsa praxi: haec conditio illi conuenit ex eo, quod est regula, & metrum ipsius praxis: regula enim est naturaliter prior re-

gulato. Eadem conditio colligitur ex Arist. 6. Ethic. cap. 3. ubi ait, quod electio recta necessario praesupponit rationem rectam. Ergo praxis recta, quae est vel electio recta, vel sequens electionem rectam, necessario praesupponit rationem rectam, quae est cognitio practica directiua in praxim. Secunda conditio est, quod sit directiua, & conformatiua praxis, id est, cui praxis est conformanda. Unde cognitionem practicam esse conformem praxi, non est, debere esse conformatam praxi, quasi priori, sed potius notitiam practicam esse id, cui quasi priori naturaliter, & quasi iuxta regulam praxis est conformanda: notitia namque practica regula est ipsius praxis.

Sed obijcies ex Aristotele. 6. & 3. Ethicorum dicente, quod veritas considerationis practicae est, confesse se habere appetitui recto: ergo potius notitia practica debet esse conformis praxi, quam e conuerso. Respondeo quod confesse se habere appetitui recto, debet intelligi actiue, ut puta quod notitia practica regulet, & dirigat voluntatem in actibus suis. Quapropter notitiam practicam esse conformatiua praxis nihil aliud est, quam quod ipsa sit nata conformare sibi ipsi praxim, cuius est regula.

Sed dubium est, An ad rationem notitiae practicae requiratur, quod actualiter praecedat, & actualiter regulet praxim? Cui dubitationi respondendum est negatiue, quia si id esset necessarium, sequeretur cognitionem practicam quandoque esse practicam, quandoque non esse practicam. Practica quidem non esse, quando actu praecederet praxim positam in re, ipsamque dirigeret, non practica verò, si ipsa

Definitio cognitionis practicae.

Ad cognitionem practicam duae conditiones requiruntur. Prima.

posita nulla praxis in re sequeretur. Sed hoc nullatenus est dicendum: quia notitiæ practicæ competit esse practicæ necessario, & intrinsecè, ac per consequens non potest esse quādoq. practica, quādoq. non practica. Præterea.

*Ex dñi
optimū.*

Domifactor, vel medicus, quorum alter artem adificandi, alter verò sanādi habet, si eiset mancus, vel sine potētis exterioribus ad operandum requisitis, nihil minus haberet notitiā practicā: ergo de ratione notitæ practicæ non est, quod actu præcedat, & actu regulet praxim. Et confirmatur ex vi vocabulorum: quia notitia practica est illa, quæ est directiua praxis, & regulatiua praxis. Huiusmodi autem vocabula non dicunt actum sed aptitudinem. Sufficit ergo, & requiritur ad notitiā practicā, quod sit apta nata esse prior naturaliter praxi, & regulatiua, et conformatiua praxis libi ipsitanquam regulæ. Ex his sequitur, quod extensio notitiæ practicæ ad praxim, & opus, a qua dicitur practica, cōsistit in duplici relatione aptitudinali ad praxim, scilicet prioritatis naturalis: et conformitatis ad praxim: nec prima sufficit sine secunda.

*Notitia
practica
est regu-
la praxis*

Vnde quādoq. intellectio, vt prior praxi, nō habet determinatam rectitudinem praxis, cui praxis, vt recta sit, debeat esse conformis, huiusmodi intellectio non est practica, licet sit prior praxi. Ratio est, quia nihil determinatè ostendit de rectitudine praxis: & propterea nulla praxis necessariò debet ei conformari, vt sit recta: Per oppositum autem omnis notitia prior naturaliter praxi (quæ habet determinatam rectitudinem respectu praxis eliciendæ, cui necessariò debet praxis conformari: vt sit recta) est vere, & propriè practica.

ARTICVLVS III.

A quo notitia primò, & per se dicatur practica.

Circa tertium articulum, in quo quaritur, a quo notitia primò, & per se dicatur practica, est maxima controuersia inter Doctores. Quod autem a fine dicatur practica sic ostendit. Primò, quia vel dicitur practica ab obiecto, vel a fine: sed non ab obiecto. ergo a fine. Probo minorem: quia si ab obiecto diceretur practica, tunc cognitio practica, & speculatiua possent esse de eodem obiecto, ac per consequens essent eiusdem speciei, quod est omnino falsum. Probo sequelam: quia medicina diuiditur in practicā & speculatiuā: ipsa tamen est de eodē subiecto, vt de sanitate, vel de corpore sanabili.

*1. Arg. p
a fine.*

Secundò. Actus dicitur practicus, quia bonus, vel malus moraliter: sed bonitas, & malitia moralis competunt actui ex circumstantiis, inter quas prima, & præcipua est circumstantia finis: ergo actus dicitur practicus ex ordine ad finem, qui est ipsa praxis in quam tendit, & ordinatur.

2. argum

Tertiò. Probatur idem autoritate: quia ex Arist. intellectus practicus differt ab speculatiuo, siue: ergo differentia vnius ab alio ex fine desumitur secundum Aristotelem, ac per consequens ratio notitiæ practicæ, ratione cuius intellectus dicitur practicus, a fine depromenda videtur.

3. argum

Quartò. Praxis est per se finis notitiæ practicæ: ex Arist. 1. Met. in procemio, dicente scientiam practicā esse minus nobilem quam speculatiuā, quia est gratia vsus, & praxis. Et 1. Meta. tex. commem. 3. Finis, inquit,

4. argum

spe-

speculatiuæ est veritas: practica vero vsus. Hoc autem non esse verum, nisi praxis esset per se finis scientiæ practica: ergo ratio practici in scientia ex praxi tanquam ex fine videtur de sumenda, siquidem desumi oportet ex causis per se eius.

1. op. Gor
fr.

In hac quaestione est triplex opinio. Prima est Gothfredi, quol. 10. q. 11. asserentis, intellectum ab alio dici practicum, ab alio vero habitum vel actum. Nam intellectus dicitur practicus ex appetitu finis, habitus vero vel actus dicitur practicus ex obiecto.

Hæc sententia sic explicatur. Intellectus primo, simplici intelligentia apprehendit finem. Secundo, appetitus seu voluntas complacet sibi in fine apprehenso. Tertiò, ipsum appetit & vult efficaciter. Quartò, ex volitione finis efficaci mouetur intellectus ad considerandum de his, quæ sunt ad finem, & tunc primò incipit esse practicus: nam ante hoc non erat practicus. Intellectus vero considerans quæcunque rem, non motus ex finis desiderio est speculatiuus. Habitus autem & similiter actus secundum istam scientiam dicitur practicus ab obiecto. Nam si obiectum est operabile, aut practicabile, erit habitus a deo causatus practicus: si vero obiectum non est operabile, habitus, qui circa ipsum versatur, erit omnino speculatiuus.

Op. Hær.

Secunda opinio est Henrici, quol. 8. q. 1. asserentis, habitum, & actum esse practicos a fine, ad quem extenditur, qui est ipsa praxis. Vnde secundum hanc sententiam, habitus, & actus dicuntur practici ex ordine ad praxim tanquam ad finem. Hæc opinio innuitur argumentis in principio huius articuli adductis.

Tertia opinio est Doctoris subtilis *Op. Scoti* in 4. q. 1. rologi asserentis habitum & actum dici practicos ex obiecto, intellectum vero ab habitu, & actu practicis.

Pro intellectu tituli quaestionis *Aperi-
tur tit.
quaest.* obserua, quod non quaerimus, a quo formaliter, & intrinsecè sit notitia practica: constat enim formaliter, & intrinsecè dici practicam per suam differentiam essentialem, quam consequitur duplex illa relatio aptitudinalis, prioritatis, scilicet, naturalis, & conformitatis ad praxim. Sed quaerimus a quo tanquam a causa per se extrinseca habeatur rationem practicae, an a praxi, vel a fine praxis, an ab obiecto?

Ad quaestionis sic intellectæ *Not. 1.* decisionem obseruare oportet, quod ab obiecto, & potentia paritur notitia: causæ enim eius efficiētes nullæ aliæ præter has reperiri possunt. Hæc doctrina cōmuniter recipitur a Philosophis.

Secundò obserua, quod ex distinctione *Nota. 2.* formali, & specifica obiectorum optimè colligitur distinctio specifica actuum: & ex distinctione specifica actuum colligitur distinctio specifica habituum: licet obiectum respectu actus habeat rationem causæ efficiētis, & similiter actus respectu habitus. Inde enim ortum habuit, quod habitus distinguuntur per actus, & actus per obiecta. Ceterum hæc distinctio actuum per obiecta non est per alia qua sibi intrinseca: quia obiecta non sunt intrinseca actibus, nec actus ipsis habitibus: sed per extrinseca notitia distinctio eorum intrinsecam. Habitus ergo distinguuntur per aliquid intrinsecū, vt per causam formalem, per obiecta vero, vt per causam extrinsecam, & efficientem.

Obiectio

Sed obijcies. Causæ efficientes nō variant speciem: ergo cum obiecta sit eamdem efficientes ipsorum actū, & actus hab. tuum nullatenus poterunt eius specie distinguere. Consequentia tenet, antecedens probatur: quia a causis diuersis specie potest esse idem effectus. Nam calidum idem specie generatur ab igne vniuoce, & a sole a quiuoce: quæ sunt causæ specie distinctæ: & similiter sol & homo generant hominem.

*Consequenter
sunt in
multiplici
ci differe-
rentia.*

Respondeo, quod causæ sunt in multiplici differentia. Aliæ sunt essentialiter subordinatæ in agendo, vt sol, & homo: aliæ non subordinatæ sed disparatæ, & alterius rationis in causando, cuiusmodi sunt intellectus, & obiectum. Præterea. Aliæ sunt causæ proximæ, & immediatæ, vt homo in generatione hominis: aliæ remotæ, vt sol in productione equi ab equo: sed causæ proximæ, aliæ sunt vniuocæ, vt homo respectu hominis, aliæ a quiuocæ, vt sol respectu ranæ.

*Duplex
vniuoca-
tio causæ*

Vniuocæ vero adhuc sunt duplices. Aliæ sunt vniuocæ vniuocatione completa, aliæ vniuocatione incompleta. Ad causam vniuocam vniuocatione completa duæ conditiones requiruntur. Prima est, quod inter causam & effectum sit similitudo in forma. Secunda, quod sit etiam similitudo in modo essendi formæ sicut inter hominem generantem, & genitum est similitudo in forma specifica, & pariter in modo essendi formæ: quia quem modum essendi habet forma in generante, eundem habet forma genitum in genito. Ad vniuocationem vero causæ incompletam solum requiritur similitudo in forma inter causam, & effectum, sed non similitudo in modo essendi formæ. Sic se

habent domus ad extra, & domus in mente: est enim inter eas similitudo in forma: sed nō in modo essendi formæ: quia domus in mente hēt in modū spiritualem essendi, domus vero ad extra in re habet modum essendi materiale.

*Solutio
obijctio-
nis.*

His positis, quæ ad multa prode-
runt, respōdeo argumēto, quod a cau-
sis subordinatis, etiā specie distinctis
bene pōt esse idem specie effectus, vt
in exemplis positis satis patet, sed nō
a causis diuersis secundum speciē pro-
ximis, & vniuocis, siue vniuocatione
perfecta, siue perfecta. Vnde ho-
mo, & ignis necessario produciunt ef-
fectus specie distinctos: & similiter ro-
sa, & equus in mente necessario pro-
ducunt notitias specie distinctas, quia
sunt causæ vniuocæ alterius rationis.
Igitur vniuersaliter verum est, quod
qñ causæ proximæ, et vniuocæ, siue vni-
uocatione perfecta siue imperfecta
sunt alterius rationis, & speciei, ne-
cessario pariunt effectus specie distin-
ctos. Ac proinde obiecta specie di-
stincta, & vt distincta causantia, ne-
cessario causant actus alterius ratio-
nis, & speciei. Ex his colligitur, qd ef-
fectus requirentes ad sui productionē
causas efficientes, proximæ & vniuo-
cæ specie distinctas, necessario sunt
alterius rationis, & speciei.

*Exemplū
optimū.*

Tertiō observa, obiectum esse du-
plex: alterum operabile, circa quod
praxis verè, ac propriè versari potest:
alterum verò non operabile.

Nota. 3.

Prima conclusio. Causa præcisa, &
adequata, ob quā intellectus dicitur
præciscus, non est, quia ex efficaci ap-
petitu finis mouetur ad consideran-
dum de medijs ad finem. Probatur
primò. Ante huiusmodi motionem
ad considerandum de medijs ad finē

*Prima cō-
clusio. Pro-
bat-
ur du-
pliciter
i. prob.*

est

est intellectus verè practicus: ergo illa non est causa practica, ob quam dicitur practicus. Consequentia est nota, antecedens probò: quia intellectus potest habere notitiã de fine, & medijs ad finem requisitis, antequam voluntas illum finem efficaciter appetat, imò quin illum appetat: sed huiusmodi cognitio est practica secundum omnes: ergo ab illa denominabitur practicus. Patet consequentia: quia implicat, formam aliquam inesse alicui subiecto, & quod ipsum non denominet tale. Et confirmatur: quia subiectum magis est natum denominari à conditione per se, & essentiali sui accidentis, quàm à conditione eiusdem accidentali. Ergo si intellectus potest dici practicus secundum oppositam opinionem ex conditione accidentali sui habitus (scilicet ex ordine voluntatis ordinantis actum ipsius habitus ad aliud) multo magis potest dici practicus ex ordine essentiali actus, qui etiam secundum oppositam sententiam sumitur ex ordine ad obiectum. Ergo actu practico existẽte in intellectu, etiam si ex appetitu finis non moueatur ad illum habendum, necessario denominabitur practicus.

2. prob. Secundo, quia si nõ est intellectus practicus, nisi quia motus ex appetitu efficaci finis considerat media ad finem, sequitur, quòd si aliquis non motus ex desiderio finis consideret de obiecto operabili, habebit considerationem practicam, & intellectu speculatiuum: ita q̃ manente intellectu speculatiuo erit in eo habitus, & actus practicus. Et similiter sequitur, quòd si quis consideret de obiecto non operabili in se, motus tamen ex desiderio finis, habebit consideratio-

nem speculatiuam, & intellectu practicum. Et rursus sequitur, q̃ habitus, & actus practicus possunt esse in intellectu speculatiuo, & similiter habitus, & actus speculatiuus possunt esse in intellectu practico. Quæ omnia sunt absurda. Et per hoc manet probata prima conclusio.

Secunda conclusio. Non dicitur habitus, vel actus practicus ex extensione ad praxim tanquam ad finem. Probatur: quia si propter extensionem ad praxim tanquam ad finem diceretur practicus, vel igitur propter extensionem actualem, vel aptitudinalem. Non propter actualem: quia tunc artifex non actu operans non haberet cognitionem practica: ergo propter extensionem aptitudinalem. Tunc sic. Aptitudo non conuenit alicui naturæ, & repugnat alteri, nisi propter aliquod intrinsecum in tali natura: quia enim hæc natura est talis, ideo sibi competit talis aptitudo: igitur extensio aptitudinalis notitiæ practica (quæ consistit in hoc, quod ipsa nata est esse regula operationis alterius potentia, quam intellectus) non conuenit habitui practico, & repugnat speculatiuo, nisi per aliquid intrinsecum ipsi habitui practico, quod est essentialiter practicus. Nunc sic.

Hoc intrinsecum secundum se consideratum est ab aliqua causa priori ipsa praxi: sed causa priores non sunt nisi intellectus, & obiectum: cum ergo illud ab intellectu non habeat (quia tunc ois cognitio esset practica) necessario sibi inerit ab obiecto.

Sed dices, quòd etiam finis est causa prior, in o prima inter oes, secundum Auic. 6. Meta. c. ult. ac proinde a fine poterit conuenire notitiæ practica: illud intrinsecum, ratione cuius sibi

Con-
cluf.

Aptitudo conuenit alicui per aliquid intrinsecum illi naturæ.

ineft extēfio aptitudinalis ad praxim

Contra. Finis non est caufa, nisi in quantum desideratus, & amatus: sed extēfio aptitudinalis: ad praxim cōuenit habitui practico, siue finis sit desideratus, & amatus, siue non: multi enim habent notitiā practica harum propositionum, Viuendum est rectē. Proximus est diligendus: qui tñ nec volunt rectē vivere, nec diligere proximū. Præterea. Potest quis discere architecturam, & ipsam habere, quin velit operari, quod est finis architecturæ: ergo nō habet a fine notitiā practica illud, ratione cuius sibi conuenit prædicta aptitudo.

*Habitus
non dicitur
practicus a
fine.*

Secundō. Si a fine dicitur habitus practicus, vel igitur a fine, vt habito in re, vel vt amato, vel vt cognito. Nō a fine primo modo sumpto: quia finis in re est vltimū in operatione, & posterior habitu practico: ergo a fine in re non habet habitus, quod sit practicus: quia prius non habet esse a posteriore. Nec dicitur practicus a fine secundo modo, vt iam argumēto præcedēti manet probatum. Si verō dī practicus a fine, vt cognito: ergo ab obiecto est practicus: quia finis, vt cognitus, habet rationem obiecti.

Tertiō. Si habitus diceretur practicus ex fine, sequeretur quod Philosophia moralis nō esset practica: sed consequens est cōtra Philosophū, & oēs, ergo antecedens est falsum. Probo sequelā: quia finis moralis Philosophiæ non est praxis, sed īspeculatio substantiarū separatarū. Rñdent aliqui huic argumento dicentes, quod moralis Philosophiæ est duplex finis: quidā propinquus, & talis est dirigere operatē in finē remotum eiusdē Philosophiæ, qui est ipsa felicitas.

Contra: quia si Philosophia est

practica, eō q̄ dirigit operantem in actum virtutis, hoc nō est, quia actus dirigit ex dictis, nisi quia est directiua: ergo est practica, quia directiua: sed esse directiuam, & esse practica idem sunt ex supradictis: ergo ex responsione sequitur, quod sciētia moralis est practica, quia est practica: quæ responsio nulla est.

Tertia conclusio. Habitus non dī practicus ab actu proprio tanquā a causa prima. Probat: quia homo actus est practicus nō a se, sed ab alio, scilicet, ab obiecto: ergo non potest esse prima causa, a qua dicatur habitus practicus. Præterea, & redit in idem. Quod non est de se practiū, non pōt esse alteri ratio essendi practiū: sed actus ille non est de se practicus, sed ex obiecto (vt statim dicemus) ergo nō potest esse suo habitui rō, quod sit practicus, saltem primo.

3. Concl.

Quarta conclusio. Notitia practica, siue habitualis, siue actualis qñq; habet conformitatem ad praxim, & per consequens est practica a fine ipsius praxis, at nō in quantū est finis, sed quatenus est primum obiectū.

4. Concl.

Pro intelligentia huius conclusionis obserua duplicem esse finem aliquius sciētiae: alterum qui simul est finis, & obiectū sciē, vt Deus ī Theologia: alterum verō, qui verē est finis sciētiae, sed nō obiectū, sicut patet in Philosophia, cuius finis est cognitio sola entis mobilis. Quādo obiectū est finis sciētiae, si illa est practica, est et idem obiectum finis praxis. Sicut in Theologia Deus est obiectum, & finis eius, & est etiā finis praxis Theologiæ circa Deum, scilicet, dilectio. His positis probatur prima conclusionis pars. A quocunq; sumuntur prima principia practica habitus pra-

*Duplex
finis sciē
tiæ.*

ctici,

& ici, ab illo eodem accipit habitus conformitatem ad praxim, & per cō sequens quod fit practicus: sed principia prima practica habitus practici quandoq. sumuntur a fine ipsius praxis: ergo habitus practicus quandoq. rationem practici accipit a fine praxis. Consequentia est nota cum maiori: probō minorē: quia in Theologia ex Deo, qui est finis eius, sumuntur principia practica, ex quibus conclusiones practicae colliguntur in hūc modum. Omne summū bonum est diligendum super omnia: sed Deus est summē bonus, vel summum bonum: ergo Deus est super omnia diligendus.

Secunda pars eiusdem conclusionis sic ostenditur. Veritas principij practici non dependet a voluntate, vel ab actu voluntatis: ergo nō habet rationem practici a fine, vt fine, & p consequens nec habitus practicus, quia vtrunque dicitur ab eodem primō practicum. Antecedens patet, quia veritas principij practici est necessaria, sicut & veritas principij speculatiui: ergo sicut veritas principij speculatiui non dependet a voluntate ob eius necessitatem, ita nec veritas principij practici, & sic patet antecedens. Consequentia verō probatur, quia si a fine vt fine principium esset practicum, eius veritas ab actu voluntatis dependeret: quia finis, vt finis non habet causalitatem, nisi vt amatus, & volitus, & ita principia practica non essent vera, nisi per voluntatem: sunt autem vera ante omnem actum cuiuscunque voluntatis, sicut & principia speculatiua. Si ergo a fine praxis desumuntur principia practica, ex quibus conclusiones practicae deducuntur, hoc non est a

fine, prout finis est, sed prout obiectū: quia, vt sic virtualiter continet prima principia practica, ac per consequens conclusiones practicas.

Præterea, Finis a quo sumuntur principia practica, priusquam ametur, includit principia practica necessaria, & conclusiones ex ipsis deducibiles: ergo non dat principijs, & conclusionibus, quod sint practicae, quatenus finis est, sed vt est obiectum. Consequentia est nota, quia finis, vt finis nihil causat, nisi vt amatus. Antecedens verō patet: quia Deus antequam, vt finis ametur, continet virtualiter notitiā practicam huius conclusionis practicae: Deus est diligendus, ac per consequens, principiorum, ex quibus deducitur.

Quinta cōclusio. Habitus, & actus dicuntur practici ab obiecto. Hæc conclusio patet ex dicit in confirmatione præcedentis conclusionis, & a sufficiēti partium enumeratione: quia notitia vel dicitur practica a praxi, quam dirigit, vel a fine praxis, vt finis est, vel ab obiecto: sed non dicitur practica a praxi, quia est prior praxi, nec a fine, ex nunc dictis: ergo dicitur practica ab obiecto. Præterea, Habitus, & actus practici, & habitus, & actus speculatiui distinguuntur penes obiecta: ergo ratio practici, et ratio speculatiui ab obiecto desumitur.

Sexta conclusio. Intellectus dicitur practicus denominatiue ab habitu, & actu practiciis. Probatur: quia non est aliquid aliud in intellectu, a quo possit denominari practicus. Et confirmatur, quia sicut intellectus dicitur speculatiuus ab habitu, vel actu speculatiuo, ita & practicus dici debet ab habitu, vel actu practico in ipso existente.

A D A R G V M E N T A
in principio articuli posita.

Ad primum.

AD primum, nego minorem: ad probationem, nego sequelam. Cum autem probat sequelam, quia medicina diuiditur in practicam, & speculatiuam, nego huiusmodi diuisionem esse bonam: quia medicina siue vniuersalis, quæ est de medendis humani corporis affectibus in vniuersali, siue particularis, quæ immediate dicitur de exhibitione remedij in particulari, quia dicitur de hora, tempore, & medicina, necessariò est practica. Vnde falsum est asserere, medicinam vniuersalem esse speculatiuam, medicinam verò particularem esse practicam. Quod sic ostendo. Conclusiones medicinæ particularis, si quæ sunt, deducuntur ex principijs medicinæ vniuersalis: ergo principia medicinæ vniuersalis sunt practica: ergo & medicina est practica. Antecedens est notum: prior consequentia probatur: quia conclusiones practicæ non possunt deduci, nisi ex principijs practicis, sicut nec conclusiones speculatiuæ, nisi ex principijs speculatiuis. Secunda consequentia probatur: quia principia practica non possunt parere, nisi scientiam practicam. Vnde manifestè decipiuntur diuidentes medicinam in practicam, & speculatiuam: idem enim est, ac si dixerint, scientiam practicam esse duplicem: aliam practicam, aliam verò speculatiuam.

Decipiuntur diuidentes medicinam in practicam, & speculatiuam.

Sed contra solutionem sic obijcio. Ex hac propositione practica, Summum bonum est diligendum, & ex hac speculatiua, Deus est summum bonum, sequitur hæc conclusio practica, Deus est diligendus, ergo ex

principio speculatiuo deducitur conclusio practica.

Respondeo, quòd aliquod principium esse practicum, potest intelligi dupliciter. Primò formaliter, & est cum dicitur formaliter de praxi, vt Reubarbarum est dandum febricitanti, vel, virtus est amplectenda. Secundò, potest dici principium practicum virtualiter, & est quando in tali principio ponitur subiectum continens virtualiter veritates practicas, vt in hac propositione. Deus est summum bonum, Deus, vt subiectum, continet virtualiter veritates practicas. Nunc dico ad argumentum, quòd omnis conclusio practica deducitur ex principijs practicis, vel formaliter, vel virtualiter: illud autem principium, Deus est summum bonum, est practicum virtualiter.

Principiū dicitur practicum dupliciter, formaliter, & virtualiter.

Sed si solutio assignata ad illud argumentum de medicina, est bona, quid dicendum erit ad vulgatissimam omnium sententiam diuidentiū medicinam, & alias artes in theoreticam, ac practicam?

Respondeo cum Scoto, in prol. q. 4. & in quol. q. 8. suppositis aliquot propositionibus. Prima est. Quando sunt duo extrema opposita, quanto magis aliquid recedit ab vno extremo, tantò magis accedit ad aliud. Patet de albo & nigro, quæ sunt duo opposita extrema, & quātò aliquid magis recedit ab albo, tantò magis accedit ad nigrum, supposito quòd intra genus colorati contineatur. Secunda propositio. Quātò aliquid magis recedit ab vno extremo, & accedit ad aliud, tantò magis potest denominari ab illo, quàm ab eo, a quo magis recedit. Quātò enim aliquid magis recedit a nigro, & accedit ad album,

Quatuor propositiones notanda. Prima.

2. Propositio.

tantò

3. *Propos* tantò magis potest denominari ab al
bo, quam a nigro. Tertio propositio.
Illa notitia habet actualissimam ra-
tionem practici, quæ nata est imme-
diatè esse conformis formaliter pra-
xi eliciendæ, seu quæ immediatè est
4. *Propos* directiua praxis. Quarta propositio.
Actualissimum practicum, & specu-
latiuum sunt duo extrema: ac proin-
de quanto aliqua scientia magis reced-
dit a practico actualissimo, tantò ma-
gis accedit ad speculatiuum: ac per
consequens propter huiusmodi accessum
ad speculatiuum, & recessum a
practico poterit denominari specu-
latiua. Cum igitur habitus vniuersa-
lis practicus non sit immediatè natus
esse conformis praxi, vel directius
praxis eliciendæ, poterit dici specu-
latiuus. Ita ars potest dici speculatiua
respectu habitus experti, quia ars
tandem vniuersalior habitus non
est ita immediatè directiua praxis.
Vnde Aristot. 1. Metaph. Artifex, in-
quit, frequenter errabit, expertus au-
tem non ita. Medicina potest ob hanc
rationem distingui in speculatiuam,
quæ est de medendis in vniuersum
humanis affectibus (quæ cognitio
est remotior a praxi elicienda) & in
practicam, quæ est de præceptis par-
ticularibus, & propinquioribus pra-
xi. Ceterum secundum veritatem il-
la vniuersalior (quæ in comparatio-
ne ad particularem dicitur specula-
tiua) est simpliciter practica: quia vir-
tualiter includit illam medicinam par-
ticularem immediatè, & formaliter
conformem praxi. Patet ergo medi-
cinam vniuersalè propter recessum
a practico actualissimo, & accessum
ad speculatiuum posse dici specula-
tiuum comparatione ad habitum me-
dicinæ habentem actualissimam pra-

*Quomo-
do medi-
cina pos-
sit dici
speculati-
ua.*

Alci rationem.

Ad secundum concessa maiori, & *Ad secū-
dum.*
minori, nego consequentiam. Et ra-
tio est. quia licet circumstantiæ mo-
rales, & præcipue circumstantia finis
circumstet praxim, vt sit bona, non ta-
men formaliter circumstet intellectu
nem practicum, vt sit recta: quia ab
obiecto habet, quòd sit recta omni fi-
nis circumstantia sublata.

ARTICVLVS IIII.

An Theologia sit scientia practica.

CIRCA quartum articulum,
in quo de quæsito principali du-
bitatur, multiplex est opinio, vt re-
fert Scotus, q. 4. prol. Quibus omis-
sissimis *Otinio-
nes famo-
siores D.
Tho. &
Scoti.*
solum opiniones D. Thom. & Scoti
in medium proferendæ sunt, sicut cõ-
muniores ac magis in scholis contro-
uersæ. S. Thom. 1. par. q. 1. art. 4. duas
ponit conclusiones, quibus huic du-
bitationi satisfacit. Prima est. Theolo-
gia comprehendit sub se practicum,
& speculatiuum, quæ in alijs scientijs
ob peculiare rationes maximè sunt
distincta. Secunda conclusio. Theo-
logia magis est speculatiua, quam pra-
ctica. In prima conclusione videtur
velle S. Thomas, quòd Theologia sit
eminentè practica, & speculatiua,
vel quod sit vtrumque formaliter.
Thomistæ variè intelligentes has D. *Thomi-
sta nō cõ-
sentunt
inter se,
circa has
concl. D.
Thom.
Opin. Ca-
preoli.*
Thom. conclusiones in plures sectas
diuiduntur. Nam Capreolus, q. 2. prol.
cõclusionem. 6. tenet Theologian esse
simpliciter speculatiuam, practicam
verò secundum quid, idque confir-
mat autoritate D. Thomæ in primo
Sententiarum q. 1. prol. art. 3. Vbi sic
ait. Ita scientia, quamuis sit imperfe-
cta, est tamen sufficiens ad omnem
humana;

1. *Concl.
ad mētē
D. Tho.*

2. *Concl.*

humanam perfectionem propter efficaciam diuini luminis. Vnde perficit hominem in operatione recta, & quantum ad contemplationem veritatis. Nam quantum ad aliquid est practica, & quantum ad aliquid est speculatiua. Sed quia omnis scientia principaliter pensanda est ex fine, vltimus autem finis huius doctrinæ est contemplatio primæ veritatis in patria, ideo est principaliter speculatiua. Hæc D. Thomas. In quibus verbis expressè videtur fauere opinioni Capreoli, quietiam in suam sententiam adducit eundem Sanctum Thomam. 1. p. loco supracitato. Ait ergo Capreolus Theologiam formaliter, & simpliciter esse speculatiuam: practicam vero, secundum quid. Magister Cano. 12. de locis Theologicis, cap. 2. inquit, Theologiam formaliter solum esse speculatiuam: practicam vero eminenter. Alij autem Thomistæ affirmant, illam esse eminenter vtrumque, & neutrum formaliter. Alij asserunt esse formaliter vtrumque, scilicet, practicam, & speculatiuam. Denique quidam modernus Thomista nostræ tempestatis, vt sententiam B. Thomæ, quam se defendere arbitratur, nobis explicet, multa prænotat, & inde multis conclusionibus adhibitis mentem D. Thomæ suo iudicio aperit, & manifestat. Ex quibus ea, quæ magis ad defensionem sententiæ B. Thomæ facere videntur, statim adducemus.

Opinio Doctoris subtilis satis aperte constat. Nam in prol. q. 4. manifestissime asserit, Theologiam esse per se, & formaliter practicam: idemque tenent omnes eius veri discipuli, nec apud ipsos est de mente Scoti in hac parte aliqua controuersia.

EXPLANATIO OPINIONIS BEATI THOMÆ.

AD explicationem opinionis B. Thomæ modernus ille Thomista, doctissimus tamen, plura animaduertit. Primum est distinctio practici, & speculatiui. Quæ essentialiter consistit, vt ipse ait. 1. par. q. 1. art. 4. in hoc, quod sciëntia practica est proxima, & immediata regula operationis & praxis, & nullo modo dingit ad speculationem, & contemplationem, qualis est ars pictoria. Scientia verò speculatiua est proxima speculationis regula, non autem operationis, & praxis. Sicut scientia de rosa dingit intellectum ad scientificam rosæ cognitionem, & nullo modo est regula faciendi rosam.

Secundo prænotat, practicum, & speculatiuum bifariam accipi posse. primò quatenus sunt differentię oppositæ diuidentes cognitionem finitam, & inferioris ordinis, cuiusmodi est cognitio per lumen naturale acquisita. Secundo accipi possunt, non prout sunt differentię oppositæ practicæ, sed imperfectionibus ablatis, quibus inter se opponuntur. Vnde speculatiuum dicit ex vna parte perfectionem, ex alia verò imperfectionem. Perfectionem quidem, quatenus ad contemplationem ordinatur: imperfectionem vero, quia nullo modo est operandi regula. Similiter practicum partim importat perfectionem, partim verò imperfectionem. Perfectionem quidem in hoc, quod est regula operandi: imperfectionem verò in hoc, quod ad contemplationem non ordinatur. Istæ imperfectiones insunt practico, & speculatiuo ex eo, quod sūt differentię habitus

Opin. à liorum.

Opin. recentioris Thomistæ.

Opin. Scoti. d. Theologiam per se & formaliter practica esse.

Recentior Thomista pro opinione D. Th. 1. Not.

2. Nota.

habitus finiti, & inferioris ordinis.

Ex his inferitur, quod speculatiuum & practicum si sumantur semotis imperfectionibus, sunt in eadem scientia compossibilia, & cum, vt sic, perfectionem simpliciter importent, necessario scientiæ Dei vnica & simplicissima insunt. Insuper addit hic modernus author: quod si practicum & speculatiuum accipiantur hoc modo, semotis, inquam, imperfectionibus, omnis habitus, qui perfecte disponit ad opus, siue sit proxima, siue remota regula operis, est formaliter practicus, siue compatiatur secum rationem speculatiui, siue illam excludat: & idem iudicium est de habitu speculatiuo. Si verò accipiantur primo modo, rationes eorum sunt, quas primo notabili as signauimus, quæ necessario se inuicē excludunt.

3. Not.

Tertio prænotat, quod Theologia nostra cum sit participatio quædam diuinæ scientiæ, est scientia superioris ordinis, quam scientiæ naturales. Istæ enim sunt scientiæ naturalis ordinis, illa verò ordinis diuini & supernaturalis: ac proinde eminenter absque ulla imperfectione, & diuisione continet ea, quæ in omnibus scientiis inferioribus reperiuntur. Nam, vt ait D. Tho. 1. p. q. 1. art. 3. sicut se habet sensus communis ad alios sensus, sic Theologia nostra ad alias scientias. Ac proinde, sicut sensus communis non diuersificatur ex differentiâ obiectorum aliorum sensuum, sed sine diuisione perfecte continet omnia, quæ alij sensus continent, quia est altioris ordinis: ita Theologia nostra, vna cum sit, alias rû scientiarum perfectiones continet, & in se imbibitas habet. Vltimo prænotat, quod continere aliquid eminenter est esse formam alterius ordinis, quæ

maxima cum perfectione, & vnitatem effectus aliarum formarum efficit: sicut anima rationalis eminenter continet formam corporeitatis, & animam vegetatiuam, quia vna cū sit, vtriusque effectus efficit. His ita constitutis nonnullis conclusionibus satisfacit quæstioni.

Prima conclusio. Practicum, & speculatiuum, si primo modo sumantur, vt pura prout sunt differentiæ diuidentes habitum inferioris ordinis, Theologia nostra est eminenter practica, & speculatiua simul: nec inconuenit, quod differentiæ oppositæ eminenter eidem insint. Probat hanc conclusionem: quia obiectum Theologiæ, quod est Deus, continet eminenter speculatiuum, & practicum, cum sit summum speculabile. & vltimus finis dirigens in operationem: ergo Theologia erit eminenter practica & speculatiua: ergo similiter & nostra Theologia, quia est eiusdem ordinis supernaturalis. Idem probat ex fide, quæ eminenter est practica, & speculatiua.

1. Conclus.

Secunda conclusio. Si loquamur de practico, & speculatiuo secundo modo, sublatis, scilicet, imperfectionibus, nostra Theologia est formaliter practica, & speculatiua. Quod sit speculatiua facile (inquit) ab omnibus Theologis conceditur: quod verò sit formaliter practica, probatur eisdem rationibus, quibus præcedens conclusio. Et insuper in hunc modum. Intellectus humanus in ordine ad diuersa est formaliter practicus, & speculatiuus: ergo etiam Theologia nostra potest hoc ipsum multo melius habere. Tandem. Scientia Dei est formaliter practica, & speculatiua, loquendo de practico, & speculatiuo in

2. Conclus.

se.

Poste-
rius notā
dum.

secunda acceptione: ergo similiter nostra Theologia. Patet consequentia, quia eadem veriusque est ratio, cum hæc nostra sit quædam illius participatio.

3. *Concl.* Tertia conclusio. Theologia primo, & per se est formaliter speculatiua, secundario per se est practica. Probatur, quia principaliter agit de diuinis, quam de humanis actibus: quia de actibus humanis agit, quatenus per eos ordinatur homo ad perfectam Deicognitionem, quæ est æterna beatitudo. Secundo. Deus potest considerari bifariam. Primo, vt est verum diuinum secundum se. Secundo prout est hominis finis, in quem ipse homo dirigitur. Prima ratio in Deo est prior & potior, quam secunda: sed Theologia, quatenus speculatiua, respicit Deum sub priori ratione: quatenus verò practica sub posteriori: ergo primo, & per se est speculatiua, secundario autem practica.

4. *Concl.* Quarta conclusio. Si practicum, & speculatiuum sumantur primo modo, prout sunt differentiæ habitus inferioris ordinis, probabile est, quod nostra Theologia nec sit formaliter practica, nec formaliter speculatiua.

5. *Concl.* Quinta conclusio. Si speculatiuum sumatur, vt est differentia scientiæ finitæ, & ordinis inferioris, probabile est, quod Theologia sit formaliter speculatiua, non tamen formaliter practica, sed eminenter. Prima pars huius conclusionis probatur. Theologia est proxima regula dirigens ad speculationem diuinæ veritatis: ergo est formaliter speculatiua primo modo: patet consequentia ex definitione speculatiui primo modo posita notabiliter. Si obijcias, Theologia dirigit in operationem, ergo non est formaliter

speculatiua primo modo, Respondeo ex doctrina eiusdem iunioris, quod speculatiuum primo modo non excludit regulam operandi quamcunque, sed proximam, & immediatam, cuiusmodi non est Theologia formaliter, sed est regula remota.

Secunda pars eiusdem conclusionis ostenditur: quia Theologia verè dirigit ad praxim, licet non immediate: quia cum eius obiectum sit finis vltimus rationalis creatura, ab eo desumitur tota ratio operandi bene moriter. Hæc Thomistæ de opinione Beati Thomæ.

Sicam autem exquiris sententiam circa opinionem B. Thomæ, quid, scilicet, senserit in hac questione, Respondeo, ipsum (quantum ego capere possum, & ex eius littera deducere) 1. par. loco citato, tenuisse nostram Theologiam esse vnum habitum formaliter practicum, & speculatiuum. Et quidem Scotus in hoc sensu Diuum Thomam ad litem, & contentionem vocauit quæst. 4. prol. Hæc de opinione B. Thomæ.

EXPLANATIO OPINIONIS DOCTORIS SUBTILIS.

Ad intelligentiam opinionis Doctoris subtilis, quam etiam tenet B. Bonauentura, quæst. 3. prol. vbi Theologiam nostram vocat effectiuam, id est, practicam, primo obseruare oportet, quod notitia practica est duplex: alia virtualis, alia verò formalis. Notitia practica virtualis est notitia apta nata causare notitiam omnium veritatum habitus practici, cuiusmodi est notitia quidditatis obiecti operabilis: quia continet virtualiter omnes veritates de illo obiecto demon-

Opin.
Sco. B.
D. Bon.
Nota. 1.
Sed et
Sed et

demonstrabiles. Sicut notitia subiecti quidditatiua in scientia virtualiter continet notitiam cōclusionum eiusdem scientiæ. Notitia verò practica formalis est duplex. Alia est actualissima, qualis est cognitio cōclusionis practiciæ. Vt quod Deus est diligendus, hic perturbator Reipublicæ est exterminandus. Et dicitur practica cognitio actualissima, quia continet vltimum iudicium intellectus practici dirigentis immediatè in operatione. Alia est notitia practica formalis non actualissima, qualis est notitia principij practici vniuersalis, vt quod perturbantes Rempublicam sunt exterminandi.

NOTA.

Secundò obserua, quòd diuisio habitus in practicum, & speculatiuum non est diuisio generis in differentias essentielles. Ratio est, quia practicum dicit duplicem relationem aptitudinalem ad praxim, vt ad terminum, ex dictis supra, speculatiuum verò, priuationem vtriusq; relationis: modo autè neque respectus, neq; priuatio potest esse de essentia rei absolute, qualis est cognitio. Est tamen diuisio generis, quasi per proprias passionēs specierum: quia differentię diuidentes sunt nobis ignotæ, sicut si diuideretur numerus per par, & impar, vel linea, per rectum, & curuum. Aliqui tamen notitiæ (inquit Scotus) cōpetit practicum per se secundo modo ex causa intrinseca predicati: alicui vero speculatiuum. Vult dicere, qd sicut risibilitas competit homini per se secundo modo ex causa intrinseca ipsi homini, s. à rationalitate, ita esse practicum competit notitiæ practiciæ, vt medicinæ, per aliquid sibi intrinsicum: ita quòd ad naturam medicinæ cōsequitur necessatio ratio pra-

ctici. Ex quò infero, quòd duæ propriæ passionēs distinctarum specierū nullo modo possunt inesse eidem speciei: sicut nec duæ differentię essentielles, quæ sunt immediatæ causæ passionum. Et ratio est; quia cum practica, & adæquata causa propriæ passionis sit ipsa differentia specifica, nulli potest inesse ipsa propria passio, nisi ei insit ipsa differentia specifica: ergo cum duæ differentię specificæ non possint inesse eidem speciei, ita nec duæ propriæ passionēs. Hoc tenet Scotus, q. 4. prol. lit. D.

Obiectio.

Sed obijcies mihi eundem Scotum eadem quæ sit sub litera Ec. vocantem practicum, & speculatiuum essentielles notitiæ differentias. Respondeo Scotum practicum, & speculatiuum differentias notitiæ essentielles a ppe. lasse: non quia ita esse existimauerit: sed, vel quia eis loco differentiarum vitur: vel, quia sunt propriæ passionēs differentias essentielles cōsequentes: vel tertio, quia comparatiuè loquitur. Nam si practicum & speculatiuum ad intellectum & notitiā cōparentur, notitiæ intrinsecè, & per se secundo modo insunt, intellectui verò de per accidens: propter quod comparatione facta ad intellectum essentielles notitię differentię dici possunt.

Solutio.

Ex his sequitur, quòd practicum, & speculatiuum, quia sunt propriæ passionēs cognitionis practiciæ, & speculatiuæ, non possunt inesse eidem cognitioni. Quòd sint propriæ passionēs, patet, quia esse practicum ex natura rei necessariò cōsequitur essentiam cognitionis, quæ practica dicitur: similiter speculatiuum notitiæ speculatiuæ. Vnde eadem cognitio nullatenus potest esse formaliter

Solutio aliquorū sed improbat. liter practica, & speculatiua. Dicunt aliqui quod, etsi practicum, & speculatiuum sint propriæ passionis speciei cognitionis, possunt tamen eisdem inesse respectu diuersorum. Sed hæc solutio nulla est: quia duæ propriæ passionis distinctarum specierum nec respectu eiusdem, nec diuersorum possunt inesse eidem, sicut nec duæ differentie specificæ vltimæ, quia propria passio, cum sit proprius, & adequatus differentie specificæ effectus, non potest alicui inesse, nisi eidem in sit sua causa præcisa, quæ est ipsa differentia specificæ: sed duæ specificæ differentie eidem inesse nequeunt: ergo, &c.

Nota. 3. Tertiò obserua, q. vt aliqua perfectio dicatur formaliter esse in aliquo habitu, vel forma, necessum est, q. ibi contineatur per propriam formalitatem, & terminum, & non per formalitatem, & terminum superiorem. Exempli causa: anima rationalis, absolute loquendo, non est formaliter corporea, quia licet in ea contineatur ratio corporeitatis, quoniam dat esse corporeum (saltem in opinione B. Thomæ negantis formam corporeitatis) non tamen continetur ibi per propriam rationem, & terminum corporeitatis, sed continetur sub ratione, & termino superiori rationalitatis: & idcirco dicitur corporea emmenter, non tamen formaliter.

Nota. 4. Quartò obserua, conclusiones verè, & propriè practicas, & necessarias necessariò reduci ad principia prima propriè practica: sicut conclusiones speculatiuæ necessariò debent reduci, & resolui in principia verè speculatiua, quia nec principia speculatiua possunt parere notitiam practica, nec principia practica cognitionem

speculatiuam: nullum enim agens potest extra propriam speciem agere, vt equus non producit hominem, nec homo equum: non enim colligunt de spinis vvas, nec de tribulis ficus. Ex his inferitur, quod notitia primorum principiorum, & conclusionum vniuersalium, quæ ex ipsis colliguntur, necessariò est practica, etsi non sit immediata regula operis, & praxis, sed remota. Quod etià confirmat illud vulgare medicorū axiomma, Omnis propositio, quæ mediata, vel immediate nõ dirigit ad opus, extra aream medicinæ est. Per quod patet falsitas primi fundamenti illius moderni interpretis D. Thomæ, qd supra posuimus in explicatione opinionis eiusdem D. Thom. Et profecto si de ratione notitiæ practicæ est, quod sit immediata regula dirigens in operationem, architectonicæ artes, & similiter medicina, quæ de medendi methodo in vniuersali tractat, non erunt practicæ: quia non dirigunt immediate ad opus, sed valde remote. Fundamentum ergo illud est omnino falsum, etiam loquendo de practico, prout est differentia habitus inferioris ordinis: quia in hac significatione concessit Aristoteles scientias practicas vniuersales, ac principia practica vniuersalia verè, & propriè rationem practici possidere: vt ipse etiam iunior interpres loco supra citato affirmat.

Quintò obserua, obiectum scientiæ practicæ esse rem operabilem, non quidem ita, quod nostris actionibus fieri possit, atque produci, (vt nonnulli satis infici sibi persuadent) nam hoc ad subiectum mechanicæ artis spectat: sed sic operabile, quod circa ipsam contingat elicere praxim,

Falsum secundum modernum Thomam.

Nota. 5.

sim, quæ (vt supradiximus) est, vel actus elicitus, vel imperatus.

Et patet hoc, quia subiectum artis medicæ est corpus humanum, quod tamen a medio nullatenus fieri potest. Ex hoc colligitur, quod entia necessaria, & spiritualia possunt dici res operabiles ad sciētiam practicam pertinentes, quia circa ea possumus elicere veram praxim, scilicet, amorem, & dilectionem: sic Deus dici potest obiectum operabile, quia circa ipsum veram praxim, puta amorem, elicimus.

1. Concl.
Theologia beatorum
est formaliter
simul practica,
& spec.

His ita cōstitutis fit prima conclusio. Nec Theologia nostra, nec beatorum est formaliter practica, & speculatiua simul. Quod probatur: quia quodcumque aliquod commune diuiditur primo per differentias oppositas, vel per proprias passionēs loco differentiarum ipsas differentias consequentes, impossibile est vtramque differentiam, vel propriam passionem inueniri in aliquo vno contento sub illo communi: sed scientia in communi diuiditur primo in practica, & speculatiua tāquam per proprias differentias, vel saltem proprias passionēs loco differentiarum: ergo impossibile est practicum, & speculatiuum eidem cognitioni inesse, & per consequens Theologiam esse simul practica, & speculatiua formaliter. Maior est manifesta, quia si differentiaē condiuidentes aliquod commune, vel propriaē passionēs specierum ipsas differentias necessariō consequentes possent se compati in aliquo contento sub communi, tunc idem corpus posset esse corporeum, & incorporeum: & idem animal sensibile, & insensibile: idem homo rationalis, & irrationalis: quæ sunt ab-

surdæ. Minor verò patet per Auicennam, 1. Metaphysic. in principio, & per Commentatorem, 1. Ethicor. comm. 1.

Huic argumento respondet ille neotericus Thomista per distinctionem practici, & speculatiui: quam in expositione sententiæ B. Thom. proposuimus. Ait igitur, quod si practicum, & speculatiuum sumantur in prima acceptione, prout, scilicet, sunt differentiaē diuidentes habitum practicum ordinis inferioris, concludit sanè argumentum, quod Theologia non potest esse formaliter practica, & speculatiua simul: sed non concludit illud accipiendū practicum, & speculatiuum in secunda acceptione: quia, vt sic non sunt differentiaē oppositaē, sed se compatiuntur in eodem habitu.

Sed contra. Et primo ostendo, quod huius Thomistæ opinio supraposita manifestam inuoluat contradictionem, quia ipse concedit Theologiam esse formaliter practica, & speculatiua, sumendo practicum, & speculatiuum in secunda acceptione: & simul docet, quod Theologia non est proxima, & immediata regula operandi. Docet etiam, quod practicum, & speculatiuum in secunda acceptione continent quiddam perfectionis reperitur in practico, & speculatiuo in prima acceptione. Sed, esse proximam, & immediatam regulam operandi, quod conuenit practico in prima acceptione, est perfectio maxima secundum se nullam importans imperfectionem, quia dicit rationem causæ: ergo si Theologia est practica formaliter in secunda acceptione practici erit proxima operan-

Resp. re-
centioris
Thomi-
stæ.

Cōtradi-
ctio cuius-
dam mo-
derati.

di regula: ergo ex tua sententia, o Thoma, manifeste sequitur hæc contradictio, quod Theologia est proxima regula operandi, & non est proxima regula operandi. Præterea, De ratione intrinseca practici in prima acceptione non est esse proxima regula operandi: ergo falso illud asseris. Consequentia optima est, antecedens verò patet. Tunc enim notitia principiorum communium, (vt, Bonum est amplectendum, Malum est vitandum, Perturbantes Reipublicæ pacem sunt exterminandi) non esset practica, sumendo practicum in prima acceptione: consequens est contra veritatem: ergo & illud ex quo sequitur. Probo maioris sequelam, quia hæc notitia non dirigit immediatè in operationem. Minor patet ex notabili 4. Item, quia per te practicum, & speculativum in prima acceptione sunt diuina cognitionis naturalis, & inferioris ordinis: ergo conueniunt cognitioni naturali: ergo cognitio principiorum naturalium practicum, & conclusio- num vniuersalium, quæ ex ipsis deducuntur, verè est practica, vel speculatiua. At non est speculatiua, ex 4. notabili: ergo practica, quæ tamen non dirigit proximè, & immediatè in operationem: ergo de ratione notitiæ practice etiam inferioris ordinis non est esse immediatam regulam operandi.

*Impu-
gnatur
quidam
Thomi-
sta.*

Sed iam ostendo solutionem assignatam argumento nullam esse. Primum, quia notitia practica quatenus practica necessariò, & intrinsecè est regulatiua praxis: determinatà enim rectitudinem respectu eius necessariò importat: idèò enim dicitur practica: & hoc siue illa rectitudo proximè, siue remotè dirigat in opus: ergo cognitio speculatiua illa erit, quæ ta-

lem naturam habet, vt nullà determinatam rectitudinem dicat in ordine ad opus. Antecedens satis patet ex dictis supra. Probo consequentià: quia non est imaginabile, quò aliter speculativum differat à practico, nisi per aliquid, ratione cuius sibi necessariò conueniat negatio rectitudinis in ordine ad praxim: ergo implicat eandem cognitionem, præsertim finitam etsi ordinis supernaturalis simul esse formaliter speculatiuam, & practicam: quia simul erit directiua in operationem, & non directiua, quæ contradicunt. Certè non capio quo nam pacto speculativum possit distingui à practico, nisi per aliquid ratione, cuius sibi conueniat negatio rectitudinis, & conformitatis ad praxim. Et quidem à Philosophis sic distinguitur speculativum à practico. Dicere autem Philosophos loquutos esse de practico, & speculatiuo, prout sunt differentie tantum habitus ordinis inferioris videtur potius argumenti fuga, quàm solutio: sic enim haud difficile erit soluere omnia argumenta ex Philosophia aduersus res supernaturales desumpta, nec ex rebus naturalibus ad supernaturales quispiam philosophari poterit. Facile namque respondebit aduersarius huiusmodi argumenta, & rationes in solis rebus naturalibus, non autem in his, quæ altioris ordinis sunt habere locum, atque procedere.

Præterea. Esse remotà regulam operandi non aufert rationem practici, vt est differentia cognitionis naturalis: ergo etsi Theologia nostra, & beatorum sit remotà operandi regula, non proinde ratio practici, vt à Philosophis adinuenta, ab eis auferenda est, sicut hic neoterus auferendam esse censet. Consequentia patet: antecedens

pro-

probatum manet supra: quia principijs vniuersalibus practicis, & conclusionibus ab eis deductis verè, & propriè rō practici, put est dīa cognitionis a Philosophis inuenta conuenit; cū tamen sint remota operādi regula

Arg. 1. p. Thomista.

2. Arg.

3. Arg.

Sed contra conclusionē argumentor ex sententia huius expositoris. Theologia Dei est formaliter practica, & speculatiua: ergo similiter nostra, quia est illius quēdam impressio. Secundo. Visio beatifica est formaliter practica, & speculatiua: ergo & nostra Theologia: quia est eiuldē ordinis supernaturalis cum visione beatifica.

Tertiō. Deus est obiectum formaliter speculabile & practicum: ergo & Theologia nostra, cuius Deus est obiectum, erit formaliter vtrumq. Patet consequentia, quia habitus sapit naturam obiecti.

Ad primum dico, q̄ antecedēs est dubium, quia Scotus illud negat, quē oēs eius discipuli sequuntur. Secūdo. Admisso antecedente, nego cōsequētiā. Ad probationē dico, q̄ eo ipso, quod est impressio illius scientiæ finita, ac limitata, necessū est in ea tantā perfectionē sicut in diuina scientia non reperiri. Item. Si diuina scientia est simul speculatiua, & practica, q̄a infinita est, ergo cum ratio infinitatis nostrē Theologiē haud quaquā cōmunicetur, nullatenus simul practica, & speculatiua esse poterit.

Ap. sc. dū. arg.

Ad secundum dico, q̄ antecedens (cum illud neget Scotus) erat probāndum, quod tamen ab illo expositore D. Tho. non probatur, sed tanquam certum, ac verū illud absq. probatione relinquit. Verum admissio antecedēte posset negari cōsequentiā: quia visio beatifica est multò perfectior,

ac eminentior, quā Theologia, nō autem valet consequentia. Hoc conuenit perfectiori ob suam perfectionē: ergo similiter & imperfectiori.

Ad tertium idem dico, quod antecēdēs negari posset. Ceterum illo admisso nego consequentiā. Et ratio est, quia nostra Theologia non adequatur obiecto Theologico; quod est Deus. Ad illud autem de intellectu simul practico, & speculatiuo, quo suam secundam conclusionem probat prædictus interpretes, dico quod intellectum simul esse practicum, & speculatiuum formaliter, potest bifariam intelligi. primo formaliter sic, quod intellectus, vt speculatiuus fiat, & sit practicus. Secundo subiectiue, id est, quod idem numero intellectus sit simul practicus, & speculatiuus. Practicus quidem per cognitionem practicam: speculatiuus verò per cognitionem speculatiuam: sicut idem lac est dulce, & album per dulcedinem, & albedinem. Primo modo nullatenus intellectus speculatiuus potest esse practicus, sicut nec notitia speculatiua potest esse practica saltem notitia naturalis secundum omnes Philosophos, & Theologos, quia oppositæ differentiæ diuidentes aliquod commune, vt practicum, & speculatiuum, non possunt alicui sub illo communi contento conuenire. Nec S. Thomas. 1. par. quaest. 79. art. 1. vbi ab illo interprete citatur, vult intellectum isto modo esse practicum, & speculatiuum, sed secundo modo, scilicet, subiectiue. Sed quomodo inde licet inferre eundem habitum esse simul practicum, & speculatiuum? Certè nullo pacto. Nam si posset sequi, similiter sequeretur, albedinem esse dulcedinem, ex eo.

Ad tertium.

Author tractat. D. Th.

*Quo in-
tellectus
speculati-
uus fit
practicus*

quod idem lac subiectiue est album & dulce.

Sed quid ad illud, quod communi-
ter citatur ex tertio de anima. Intel-
lectum speculatiuum extensione fieri
practicum? Respondeo, quod Aristo-
teles nunquam dixit, intellectum spe-
culatiuum extensione quacumq. fie-
ri practicum. Sed Aristoteles posuit
tres gradus intellectus. Quorum pri-
mus est considerare speculabilia. Se-
cundus considerare agibilia non di-
ctando prosequi, nec fugere. Tertius,
(sicut ipse Aristoteles ait) quando am-
plius extendendo se iubet prosequi,
vel fugere. Intellectus in primo gra-
du non extenditur ad secundum, sed
semper manet intra genus speculabi-
lium, & cognitionis speculatiuæ. Sed
intellectus in secundo gradu, qui est
verè practicus, licet imperfecte, & re-
mote, extenditur ad tertium gradum
iubendo fugam, vel prosecutionem
obiecti apprehensi, & tunc fit proxime
& immediate practicus. Intellectus
ergo speculatiuus, non fit practi-
cus perfecte. Et si apud Aristotelem
vel aliquē similis authoritatis autho-
rem, reperitur, intellectum specula-
tiuum extensione fieri practicum, illud in-
telligendum est, non quidem forma-
liter, sed subiectiue. At si sine distin-
ctione concedatur antecedens, negan-
da est consequentia, quia practicum,
& speculatiuum sunt differentia ac-
cidentaliter intellectus: ac proinde si-
mul potest esse speculatiuus, & pra-
cticus, non tamen notitia, quia re-
spectu eius sunt essentialiter differen-
tia, vel propriæ passionis essentialiter
differentias consequentes.

Concl. Secunda conclusio. Theologia bea-
torum, & nostra est propriè, & stri-
cte practica, & non speculatiua. Con-

clusio intelligitur de Theologia, quo-
ad veritates necessarias de Deo. Pri-
ma pars huius conclusionis probatur
Illa cognitio est practica, quæ est apti-
tudo ad actionem conformis volitioni re-
ctæ, & naturaliter prior ipsa: sed tota
Theologia necessaria in intellectu
creato est sic conformis volitioni vo-
luntatis creatæ, & naturaliter prior
eæ: ergo est practica. Consequentia
tenet: probò maiorem: quia volitio
recta est verè, & propriè praxis ex
supradictis: ergo cognitio, quæ est
prior ea naturaliter, & directiua eius,
est propriè practica. Patet consequen-
tia a definitione ad definitum. Proba-
tur minor: quia primum subiectum
Theologiæ, scilicet Deus, est virtuali-
ter conforme volitioni rectæ: nam ab
eius ratione sumuntur principia pri-
ma rectitudinis in volitione, ut Deus
est amandus, colendus, &c. Et simili-
ter ipsum subiectum determinat in-
tellectum creatum ad notitiam recti-
tudinis quo ad omnia Theologia
necessaria prius naturaliter, quam vo-
luntas creatæ velit: igitur, &c.

Secundo. Principia prima Theo-
logiæ creatæ sunt practica: ergo &
conclusiones sunt practicae, & per
consequens tota Theologia. Conse-
quentia tenet: antecedens probatur:
quia principia Theologiæ creatæ su-
muntur ab eius subiecto, scilicet Deo,
qui est finis vltimus: principia autem
in intellectu creato sumpta a fine ne-
cessariò sunt practica.

Tertiò probatur conclusio. Theo-
logia non est speculatiua: ergo pra-
ctica. consequentia tenet: antecedens
probatur: quia speculatiua scientia
præter specularem, nihil inquirat, secun-
dum Auic. 1. Meta. cap. 1. at Theolo-
gia habet pro fine dilectionem Dei:

in

1. Ratio.

2. Ratio.

3. Ratio.

in dilectione enim Dei, & proximi tota lex pendet, & Prophetæ, Matth. 22. ergo non est speculatiua. Nec dici potest, quod simul sit vtrumque: quia iam hoc manet improbatum.

4. Ratio. Quartò. Finis Theologiæ est operari, & non est sola rerum cognitione contenta: ergo est practica. Consequentia est nota ex definitione scientiæ practicæ & speculatiuæ: antecedens vero probatur ex illo Ioann. 20. Hæc scripta sunt, vt credatis, & credentes vitam habeatis in nomine Iesu. Non ait scripta esse, vt subtiliter dispute- mus, nec vt curiosè diuinam naturā inuestigemus, sed vt amore in Deum rapiamur, & transformemur.

Arg. con- tra concl. 4. Ratio. Quintò. Illa cognitio est solum practica, in qua non tractatur de speculabilibus magis, quàm eorum cognitio requiratur ad praxim, vel ad cognitionem practicam: sed Theologia est huiusmodi: ergo est cognitio practica. Consequentia tenet, cum maiori: probatur minor: quia Theologia disputat de fine, & de conditionibus, quæ ipsum appetibiliore reddunt, de medijs ad finem, & de conditionibus eorum, & tandem de conditionibus, circa quas contingit potentiam operatiuam errare, & nõ de alijs: cognitio autem horum omnium est requisita ad praxim, & cognitionem practicam, vt patet: ergo, &c.

Arg. con- tra concl. Sed contra cõclusionem arguitur. Theologia disputat de his propositionibus, Deus est trinus, Pater generat Filium, Spiritus sanctus procedit ab vtroque: ergo Theologia non est practica. Patet consequentia: quia cognitio harum propositionum est purè speculatiua, & si non est talis, sequitur quòd de Deo non potest esse cognitio speculatiua.

Huic argumento respondet Scotus negando consequentiam, & probationem eius: nam huiusmodi propositiones sunt practicæ. Vnde nota, quòd primum obiectum Theologiæ solum modò includit cognitionem conformem volitioni rectæ. Ratio est, quia virtute eius nihil cognoscitur de ipso, quòd non sit vel reëctitudo volitionis, vel virtualiter includens reëctitudinē talem: ac proinde cognitio quæuis de ipso ordinat ad diuinū eius amorem ac dilectionem, in quo excellentia eius, & suprema bonitas ostenditur atq; elucet. Vnde notitia illarum propositionum est practica. Prima enim includit, reëctitudinem dilectionis tendētis in tres personas. Quocirca, si actus dilectionis elicetur circa vnā solam personam excludendo alias, sicut in fidelis eliceret, esset non reëctus. Secunda propositio includit notitiā reëctitudinis, secundū quòd dilectio tendit in duas personas, quarū vna est ab alia. Et tertia includit reëctitudinē actus tendētis in vnā personam a duobus procedentem.

Sed contra arguit Scotus. Ratio terminādi actum dilectionis Dei est solum id, quòd essentiale est in diuinis, Theologia autem magis propriè est de personalibus: quia essentialia per Metaphysicam cognosci possunt: ergo Theologia secundum sibi propria non ordinatur ad praxim, quæ est dilectio: ac per consequens non est practica. Respondet Scotus, quòd in termino dilectionis duo sunt consideranda. Alterum est ratio, propter quam dilectio terminatur ad ipsum terminū: alterū est res ipsa terminās. Vel aliter: debet considerari ratio amandi, vel res amata: essentiale in diuinis est rō amandi, personæ verò

E. 3 sunt

sunt res, quæ amantur. Ad rectitudinem autem actus non sufficit, quod habeat rationem formalem conuenientem in obiecto terminante, sed oportet quod habeat obiectum conueniens, in quo sit talis ratio: ac proinde præter rectitudinem, quam dicit essentialem in actu amandi Deum, personalia includunt propriam rectitudinem requisitam. Ad illud, quod inferebatur in quodam argumento, scilicet, quod de Deo non erit cognitio speculatiua in Theologia creata concedi illud.

Argu. 1. Sed contra. Deus non est primum subiectum Theologiæ, in quantum finis, sed ut hæc essentia: ergo principia, quæ ab ipso sumuntur, non sunt practica: ergo ratio nulla. Prima consequentia probatur: nam à solo fine principia practica sumuntur. Deinde quia cognitio finis ultimi, scilicet Dei, non est immediatè conformis, nec nata esse immediatè conformis praxi: ergo non est propinquè practica.

Resp. Ad primum concedo antecedens, & nego consequentiam. Ad probationem dico, quod principia practica non sumuntur ab illo respectu, quem dicit finis, sed ab illo absoluto, in quo talis respectus fundatur, & illud est Deus, ut Deus.

Ad secundum dico, quod ipsa est practica siue mediatè, siue immediatè dirigat in praxim.

AD ARGUMENTA in principio controuersiarum posita.

Ad primum.

AD primum dico, quod fides non est habitus speculatiuus, nec credere est actus speculatiuus: nec

visio, quæ actu credendi succedit, est speculatiua, sed practica. Nata est enim ista visio cõformis esse fruitio- ni, & prius naturaliter in intellectu creato, quam fruitio, ut fruitio recta illi conformiter eliciatur.

Ad secundum dico, quod (ut notabili quinto pro opinione Doctoris subtilis diximus) non est de ratione scientiæ practicæ, quod eius obiectum circa quod versatur, sit res operabilis, & factibilis nostris actionibus: sed solum quod circa ipsum vera praxis elici possit. At cum uoluntio, & dilectio uera praxis sit ex superioribus, possitque elici circa Deum, & ea, quæ ei intrinsece insunt, quia Deus est super omnia uolibilis, ac diligibilis, sequitur, quod Deus est uerè res operabilis quantum natura scientiæ practicæ expolcit, ac per consequens scientia practica de Deo haberi potest.

Ad tertij solutionem suppono primum nobilitatis esse in inferiori attingere suum superius secundum Philosophum 7. Politicorum c. 14. Vnde sensitiua potentia hominis est nobilior, quam sensitiua bruti, quia ordinatur ad intellectuam, quæ est potentia superior. Ex quo colligo, nobilitatis esse in scientia ordinari ad actum nobilioris potentie, quam sit ea, in qua ipsa subiicitur. Secundò suppono Aristotelem non posuisse aliam scientiam cõformem praxi uoluntatis circa ultimum finem: quia non ponit uoluntatem circa finem habere actum, qui uerè sit praxis, sed solum ponit quãdam motionem simplicem naturalem. Si autem huiusmodi praxim in uoluntate circa ultimum finem constituisset, non negasset scientiam practicam respectu istius praxis esse nobiliores speculatiua scientia

Ad secundum.

Ad tertium.

scientia circa idem, quia nobilitatis est in inferiori ordinari ad superius, & perfectius se. Cum igitur nos veram praxim voluntatis circa vltimum finem constituiamus, vt puta, amorem, & dilectionem, dicimus scientiam practica huic praxi conformem omni scientia speculatiua esse poriore, ac nobiliorem. Vnde illa maior propositio argumenti falsa est, licet apud Aristotelem sit vera propter assignatam rationem.

Ad primam probationem dico, quod scientia, quæ est gratia sui, est nobilior ea, quæ est gratia alicuius actus inferioris se: cuiusmodi est qualibet scientia practica, quam Arist. constituit. Illa verò scientia, quæ est gratia alterius actus nobilioris suo proprio actu, non est ignobilior propter tale ordinem, sed nobilior: alias enim sensitiua hominis esset ignobilior sensitiua bruti. Cum autem eicitur, quod scientia practica est gratia vsus, ly, vsus, non sumitur, vt distinguntur contra fruitionem, sed accipitur pro operatione, quæ per scientiam practica dirigatur, quæ quandoque est eius finis saltem proximus.

Ad secundam probationem dico, quod qualibet cognitio scientifica respectu sui obiecti est æquæ certa secundum proportionem: quia vtraque resolutur in sua principia immediata, licet non sit æquæ certa secundum

quantitatem, quia aliqua obiecta sunt alijs certiora: sicut obiecta scientiarum practicarum (quas ponit Arist.) sunt minus cognoscibilia, ac per consequens minus certa in se, quam obiecta, de quibus ponit scientiam aliquam speculatiuam. Ac proinde secundum Philosophum aliqua scientia speculatiua est certior omni practica secundum quantitatem certitudinis. Sed nos ponimus cognoscibile operabile, id est, attingibile per operationem, quæ est vere praxis, esse maxime cognoscibile: vt puta, Deum. Et ideo ponimus scientiam practica de ipso a nulla alia etiam speculatiua aliquo modo, nec secundum proportionem, nec secundum quantitatem in certitudine excedi.

Ad quartum dico, quod Theologia non est inuenta propter necessaria extrinseca, sed propter necessaria intrinseca, scilicet, rectitudinem voluntatis, & operationem. Nec hoc rationem practici ab ea aufert: quia si scientia moralis esset inuenta omnibus necessarijs extrinsecis habitis, non minus esset practica: ergo licet Theologia non sit propter necessaria extrinseca, sed intrinseca, erit scientia practica. Nec est inuenta propter fugam ignorantie practice: sed vt per cognitionem eorum, quæ in ipsa tractantur, auditor, & sciens ad operationem inducatur.

Ad quartum.

CONTROVERSIA QVARTA.

Verum diuina attributa inter se, & ab essentia, & similiter relationes ab essentia Dei ex naturae res formaliter distinguantur.

1. argum.



PRIMO negatiua probatur. Primo ex illo axiomatico cōi. In diuinis omnia sunt vnum, vbi nō obuiat relationis oppositio: sed diuina attributa inter se, nec cum essentia habent oppositionem relationem: ergo sunt vnum: ergo non distinguuntur ex natura rei formaliter.

2. argum.

Secundò. Distinctio ex natura rei formalis est maior, quam distinctio realis: sed attributa non distinguuntur inter se distinctioe reali: ergo nec formali. Consequentia tenet cum minori vera: maior probatur a Caietano, libro de ente & essentia, cap. 6. in hunc modum. Maior est distinctio, quæ datur per intrinseca, quam ea, quæ datur per extrinseca: sed distinctio formalis, ex Scoto, est per intrinseca: distinctio verò realis per extrinseca: ergo illa est maior ista.

3. argum.

Tertiò. Quæ in inferioribus sunt dispersa, in superioribus sunt vnita: vt patet de caliditate, & siccitate in igne, in quo realiter distinguuntur, in sole vero vniuntur, & sunt idem realiter, & formaliter, videlicet, eadem virtus solis: ergo sapientia, v. g. & iustitia, atq. alie perfectiones attributales, quæ in creaturis sunt dispersæ atq. distinctæ, in Deo erunt idem, non solum realiter, sed formaliter. Patet consequentia, quia maior ratio est quod istæ perfectiones in Deo vniantur realiter & formaliter, quam quæ ca-

lidas, & siccitas vniatur modo prædicto in sole: sed ista sunt formaliter idem in sole: ergo & illa.

4. argum.

Quartò. In Deo est summa simplicitas, vt omnes vno ore fatentur: ergo inter attributa, quæ sunt in Deo, non est distinctio ex natura rei formalis. Probatur consequentia: quia cum illa distinctioe non fiat summa simplicitas: esset enim maior sine illa. Confirmatur: quia Deus est summe vnus: ergo non includit distinctioem formalitatum. Patet consequentia: quia iam maior vnitas, quam diuina excogitari posset: illa scilicet, quæ hanc distinctioem excluderet, & p consequens illa alia nō esset summa.

5. argum.

Quintò. Diuina essentia est omnino infinita: quia in sua ratione formali simplicissima includit omnes perfectiones simpliciter: ergo huiusmodi perfectiones non distinguuntur ab essentia ex natura rei formaliter. Idem argumentum fieri potest ad probandum attributa diuina non distinguimur ex natura rei inter se. Et confirmatur argumentum: quia sicut non esset bonitas realiter infinita nisi esset bonitas realiter eadem sapientia: ita videtur, quod ratio bonitatis non sit formaliter infinita, nisi sit formaliter eadem rationi sapientiæ: ergo sicut propter infinitatem bonitatis ponis realem identitatem eius cum sapientia, ita propter eandem rationem est ponenda identitas formalis rationis eius, ad rationem sapientiæ.

Sextò.

6. *argu.* Sexto. B. Aug. 7. de Trinit. cap. 5. sic ait. Non eo Pater, quò Deus, nec eo Verbum, quò sapientia, eo tamen magnus, quò sapiens. Ex quo sic conficio argumentum. Identitatem, quã negat inter paternitatem, & deitatem, affirmat inter magnitudinẽ, & sapiẽtiam: sed ibi solum negat identitatẽ formalem, quia realẽ nõ potest negare: ergo concedit identitatẽ formalem inter magnitudinẽ, & essentia: ergo attributa nõ distinguuntur ab essentia formaliter.

7. *argu.* Septimo. Distinctio formalis nõ datur in entibus: ergo quæstio supponit falsum. Probatur antecedens: quia quot sunt genera entium, tot sunt genera distinctionum, & non plura: sed duo tantum sunt entium genera, scilicet, ens reale, & ens rationis: ergo duo tantum sunt genera distinctionum, utputa, distinctio realis, & distinctio rationis: ergo non datur distinctio formalis.

Tandem probatur hoc ipsum multis autoritatibus sanctorum, quas adducit Magister in 1. d. 8. & dist. 19. & 34. Eas autẽ hic non adducimus, quia omnibus vnica responsione fit satis.

Ex ista celeberrima quõne pedit pfecta cognitio primi lib. sens. **Q**uæstionem istam celeberrimã quasi in mearum disputationũ principio collocandam censui: quia, ut ait D. Tho. in 1. sent. d. 2. q. 1. art. 3. est tanti momenti, ut ex ea pendeat perfecta intelligentia eorum, quæ in primo sententiarum tractantur. Et profectò ad intelligendas multas Doctoris subtilis opiniones a nobis in hoc opere discutiendas perutilis est, ac perquam necessaria. Circa quam verlan-
turtres Theologorum sententiæ, duæ

1. *Opinio extrema, & alia media.* Prima est Aureoli 1. d. 8. q. 3. ar. 2. qui mordicus tenet attributa diuina inter se, aut a diuina essentia distin-

ctione distingui, nec rei, nec rationis. Quẽ sequuntur noiales, vt Ocham, & Gabriel in 1. d. 2. q. 2. Gregorius et in 1. d. 8. q. 2. idẽ prorsus sentire vñ. Quãuis enim affirmet attributa rone distingui, dicit tñ illã distinctionẽ esse in nominibus, & conceptibus, & non in re.

Secunda opinio, & sententia extrema est Scoti, qui in 1. d. 8. q. 4. & d. 2. quaest. 7. & in multis locis suæ doctrinæ affirmat diuina attributa inter se, & ab essentia distingui distinctione formali ex natura rei, secluso omni actu intellectus. Et idem sentit de relationibus diuinis in ordine ad essentiam diuinam: quem omnes eius discipuli vno animo sequuntur.

Tertia opinio & medium tenens inter has duas commemoratas est S. Tho. qui 1. p. q. 4. artic. 2. ad 1. & q. 13. artic. 12. & q. 28. artic. 2. & 1. sent. dist. 2. q. 1. artic. 3. ac multis alijs in locis tenet diuina attributa distingui inter se, nõ quidem ex natura rei formaliter (vt ait Scotus) vel nullo modo (vt ait Aureolus,) sed sola ratione. Idem tenet Caietanus iisdem locis, & præcipuẽ in libro de ente & essentia, c. 6. Torres q. 28. artic. 2. Moderni Thomistæ in comment. super 1. p. D. Th. eadem q. & ar.

P X P O S I T I O T I T V - li quæstionis.

Pro intelligentia tituli quæstionis obserua, perfectiones esse in duplici differentia. Aliæ sunt, quæ in suo proprio, ac formali conceptu important perfectionem absque imperfectione, vt sapientia, veritas, & similes, in quibus infinitas non repugnat, imò in primo ente eis competit. Et istæ perfectiones vocantur a Theologis perfectiones simpliciter, de quibus

2. *Opinio Scoti extrema.*

3. *Opinio D. Tho. mediet.*

[Titulus q. apertur.

*Dna sūt
perfectio
nes.*

bus in controuersia vigesima septima erit sermo. Aliæ verò sunt perfectiones, quæ in suo proprio, ac formali conceptu dicunt perfectionem imperfectioni admixtam, vt humanitas, & equinitas, quæ dicunt perfectionem necessario finitam. Sed scito, quod perfectiones esse in aliquo bifariam contingit, vt puta formaliter, & virtualiter. Esse formaliter in aliquo, est esse in eo, sicut forma est in habente ipsam: sicut humanitas in homine, & equinitas in equo, & albedo in albo. Esse verò in alio virtualiter, est esse in eo, sicut effectus est in sua causa effectiua, sicut calor in sole. Est autem differentia inter hos duos modos essendi in alio: nam ea, quæ primo modo insunt, denominant tale illud cui insunt. homo enim ab humanitate dicitur homo: & equus ab equitate, equus. Quæ verò insunt secundo modo, non denominant suppositum tale, vt patet in sole, qui licet a luce dicatur lucidus, tamen a calore, qui virtualiter est in eo, non dicitur calidus. Perfectiones igitur primi generis sunt in Deo formaliter: ab ipsis enim denominatur talis, vt a sapienti sapiens, a bonitate bonus. Perfectiones verò secundi generis solum vi tualiter sunt in Deo. Quæstio nostra est intelligenda de perfectionibus primi generis: nam de perfectionibus secundi generis constat, quòd nullam distinctionem, nec distinctionis fundamentum habent in Deo: quoniam lapis in Deo, est ipse Deus: sicut effectus in causa est ipsa causa potens producere effectum.

*Perfectiones
simpliciter
sunt in
Deo formaliter
aut virtualiter.*

Ordo procedendi.

IN huius quæstionis sic intellectæ decisione hunc ordinem seruabimus. Primò faciemus fundamenta opinionis D. Thom. Secundò, quid

senferit explicabimus. Tertiò iactis fundamentis opinionis Scoti eam elucidabimus, & multis rationibus, atque autoritatibus sanctorum corroborabimus. Tandem argumentis pro opposita sententia adductis satisfacemus.

EXPLANATIO OPINIONIS Beati Thomæ.

AD intelligentiam ergo opinionis beati Thomæ obieruandum. Primò, distinctionem in genere esse duplicem. Alteram realem, qualis est inter duas res, quarum neutra per identitatem est alia: vt inter Petrum & Paulum: materiam, & formam: & hæc dicitur distinctio rei a re. Alteram vero rationis, quæ non habet esse in actu, nisi per operationem intellectus: & hæc diuiditur a Thomistis in distinctionem rationis ratiocinantis, & distinctionem rationis ratiocinatae. Distinctio rationis ratiocinantis est illa, quam intellectus nullo in re præsupposito fundamento causat in rebus, considerando eandem rem sub diuersis rationibus: sicut in hac propositione. Petrus est Petrus, considerat Petrum sub ratione subiecti, & prædicati, & tunc Petrus vt subiectum distinguitur ratione a se ipso, vt prædicatum est. Et hæc distinctio habet esse præcisè per actum comparatiuū intellectus, quatenus eandem omnino rem ad diuersa comparat. Quapropter in omni propositione, in qua idem de se ipso dicitur, subiectum, & prædicatum sola ratione distinguuntur. Sicut ergo illa sunt idem ratione, quæ habent eundem conceptum omnino in se distinctū a parte rei, & ex parte intellectus, vt homo

*Nota. 1.
Pro opin.
D. Th.
Dist. duplex est.*

Distinctio rationis duplex.

est

est idem sibi ipse, & ratione: ita illa distinguuntur ratione, siue distinctione rationis ratiocinantis, quæ præcisè habent diuersos cōceptus ex parte intellectus, idem sub diuersis rationibus considerantis.

Quid sit distinctio rationis ratiocinantis. Distinctio autem rationis ratiocinatæ est illa, quæ actualiter fit per actionem intellectus, qui de eadem re format distinctas notitias aliquid reale significantes: in qua est fundamentum distinctionis istarum notitiarum. Sic distinguuntur homo, animal, & viuens. De homine enim format intellectus notitiam animalis, notitiam viuentis, & notitiam rationalis: & sic homo, ut animal distinguitur à se ipso, ut rationalis est, distinctione rationis ratiocinatæ. Quando igitur res à parte rei est vna, & indistincta, de ea tamen format intellectus diuersas notitias aliquid reale significantes, contingit distinctio rationis ratiocinatæ, quam alij Thomistæ aptitudinalem, alij fundamentalem, alij verò virtualem vocant. Aliqui verò Scotistæ eam vocant distinctionem rationis, seu naturæ ratiocinabilis, quia intellectus super huiusmodi naturam diuersas notitias causat, & ratiocinatur.

2. Nota. Secundò obseruatur ex Caietan. libro de ente, & essentia loco citato, aliud esse iudicium de rationibus formalibus rerum in proprijs naturis, aliud vero de eisdem existentibus in re aliqua superioris ordinis. Nam res in proprijs naturis idèò secluso actu intellectus formaliter distinguuntur, quia se mutuo non includunt in suis rationibus formalibus: sicut patet de virtute calefactiua, & exiecativa, quæ in proprijs naturis distinguuntur formaliter ex natura rei, ut in igne, quia

vna alteram non includit formaliter. Sic enim virtus calefactiua est principium calefaciendi, quòd non est principium exieccandi. Quando verò hæc vniuntur in aliqua re superiori, adunantur in vnica ratione formalis, sic, quòd sunt idem formaliter: ut patet de virtute calefactiua, & exiecativa in luce solis. Sicut enim in vna lucis natura adunantur: ita in lucis ratione formali sunt indistinctæ, & omnino idem formaliter. Pari modo cum perfectiones sint simpliciter in Deo vnitæ, & ad esse diuinum eleuatæ, consequens est, ut sicut omnes in vna simplicissima re adunantur: ita in illius simplicissima ratione formali sint idem formaliter. His positis sententia D. Thom. explicatur sequentibus conclusionibus.

Prima conclusio. Attributa diuina non distinguuntur inter se nec ab essentia formaliter ex natura rei. *1. Concl.* Hæc conclusio probatur argumentis in principio questionis positis pro parte negatiua. Et probatur argumento desumpto ex secundo notabili. Quæcunque adunantur in vnica ratione formali adæquata, non distinguuntur formaliter ex natura rei: sed perfectiones Dei, siue attributa adunantur in vnica ratione formali Dei: ergo, &c. Maior patet ex notabili secundo: minor verò probatur: quia non magis adunantur qualitates inferiores, ut caliditas, & siccitas in luce solari, quàm perfectiones simpliciter in Deo: sed illæ adunantur formaliter ex dictis eodem notabili secundo, ergo & istæ.

Secunda conclusio. Ante actum intellectus diuina attributa inter se & ab essentia non distinguuntur actu. *2. Concl.* Hæc conclusio ex prima sequitur

tur manifestè: quia aliter distinguerentur ex natura rei, quod est contra primam conclusionem.

3. *Concl.* Tertia conclusio. In Deo secundū se ante omnem actum intellectus est distinctio rationis ratiocinatae in potentia, vel, vt melius dicam, ratiocinabilis inter diuinam essentiam, & attributa. Probatur: quia diuina essentia secundum se est potens ad formādos diuersos conceptus attributorū.

4. *Concl.* Quarta conclusio. Inter diuinam essentiam & attributa in Deo, quatenus terminat actualiter actum nostri intellectus, est actualis distinctio rationis ratiocinatae. Patet: quia nunc consideramus Deum, vt obiectū causans distinctos conceptus in nobis, ac per hoc distinctio rationis est in Deo sicut in obiecto.

5. *Concl.* Quinta conclusio. Attributa diuina inter se, & ab essentia, distinguuntur distinctione formalis rationis, non solum ratiocinantis, sed etiam ratiocinatae. Hæc conclusio ex dictis satis patet. Hæc de opinione B. Thom.

EXPLANATIO OPINIONIS DOCTORIS SUBTILIS.

Nota. 1. PRO intelligentia opinionis Doct. subtilis obserua. Primo, q̄ hæc tria diuisio, distinctio, & non identitas se habent sicut inferius, & superius.

Distinctio diuisio, & non identitas, quod se habent. Omnis enim diuisio est distinctio, & non identitas, non tamen è cōtra: quia diuisio, cum insequatur materiam & quantitatem in solis rebus materialibus reperitur: distinctio vero cū passio sit entis in omnibus entibus reperitur, tam spiritualibus, quā materialibus. Quocirca in angelis & in diuinis distinctio est, non tamē diuisio. Et similiter est in eisdem non

identitas: quia omnis distinctio est non identitas, non tamen è contra: quia cum distinctio sit entis passio solum reperitur inter extrema positiua. Vnde inter ens & non ens inter habitum & priuationem non est distinctio, sed non identitas. Et si inuenis aliquando apud Scotum, vel Philosophum, habitum & priuationem distingui inter se, intellige negatiue, id est, q̄ sunt non idem: omnia enim, quæ distinguuntur sunt non eadem, non tamen è conuerso.

Secundò obseruandum est, quòd *Nota. 2.* sicut distinctio rationis illa est, quæ habet esse actuale per operationem intellectus: ita distinctio ex natura rei est illa, quæ est in rebus secluso opere intellectus negotiantis. Quia diuisio distinctio nis ex natura rei realem (quam vocant distinctio- nem rei à re: quæ est inter duas res, quarum neutra est per identitatem alia, sicut inter Petrum & Paulum, materiam & formam) & in distinctionem ex natura rei formale, quæ proprie est inter ea, quæ sunt idem realiter seu vna res, habent tamen distinctas definitiones vel conceptus obiectiuos distinctos. Sic se habet homo & risibilitas, animal & rationale in homine. Et hæc distinctio proprie est inter realitates formales seu formalitates.

Tertiò nota, quòd formalitas sumitur à forma; forma autē multis dicitur modis. Primò sumitur pro forma, quæ est altera pars compositi naturalis: & appellatur forma partis. *Nota. 3.* Secundò pro forma totius: quæ est tota natura rei in abstracto sumpta, sicut humanitas dicitur forma totius hominis, nō quidem per informationem, sed qua suppositum humanum est

Diuisio distinctio nis ex natura rei.

Nota. 3.

Forma dicitur multis modis.

est quidditative adaequate homo. Forma primo modo est per se terminus formalis generationis: sed forma secundo modo est terminus per se primus & adaequatus eiusdem generationis. Tertiò sumitur forma pro quacunque substantia immateriali eo modo, quo Deus & intelligentia dicuntur formae. Quartò sumitur pro quacunque forma accidentali. Vltimò sumitur forma pro quacunque ratione, sub qua ex natura rei aliquid concipi potest. Et a forma isto modo sumitur formalitas, de qua in praesenti quaestione intendimus disputare. Vnde formalitas hic intentata nihil aliud est, quam ratio obiectiua, sub qua vnaquaeque res concipi potest ex natura rei. Et dicitur formalitas a forma isto modo propter similitudinem, quam habet cum forma primo, & secundo modo dicta. Quia sicut forma illis duobus modis capta est ratio cognoscendi rei cuius est: ita etiam forma, vel formalitas hoc vltimo modo est ratio cognoscendi rem cuius est.

Not. 4.

Quartò notanda est descriptio identitatis formalis, ut ex ea distinctione formalem, seu non identitatem formalem agnoscamus. Scotus in primo distinctione secunda, quaestione quarta, sublitera H. Sic eam definit.

Quia sic
identitas
formalis

Voco autem identitatem formalem, vbi illud, quod dicitur sic idem includit illud, cui dicitur sic idem in sua ratione formali & per se primo modo: id est, illud, quod includit aliud in sua ratione formali, est idem formaliter rei, quam includit. Quando ergo sic se habent aliqua inter se, quòd vnum includit aliud in sua ratione intrinseca inter ea est identitas formalis. Ex hoc colligunt multi

Scotizantes, quod secundum Doctorem subtile inferius est idem formaliter suo superiori, non tamen è conuerso: quia inferius includit superius in sua ratione formali, non tamen è contra. Et ex definitione identitatis formalis, quam Scotus assignat, inferri videtur euidenter, includens aliud in sua ratione formali esse idem inclusio, non tamen è conuerso, quia dicit. Identitatem formalem voco, vbi illud, quod dicitur formaliter idem includit illud, cui est idem formaliter. Sed re vera isti Scotizantes male senserunt de Scoto, rem adeò absurdam imponentes ei. Ratio enim expostulat: ut id, quod est de formali conceptu alicuius sit idem ei formaliter, & non illud, quod est extra rationem formalem rei: superius autem est de ratione formali inferioris, & non è conuerso: ergo superius potius est idem inferiori, quam è contra.

Inferius
nō est idē
suo superiori.

Præterea. Inferius accidit superiori: quod verò accidit alicui extraneatur a ratione formali illius, & est extra ipsam: ergo inferius non est idem formaliter suo superiori. Præterea. Secundum Scotum, qui author est huius identitatis formalis in 4. di. 1. 2. illud est idem formaliter alicui, quod est de ratione eius formali: ergo quod non est de ratione, & essentia alicuius est ei non idem formaliter: sed inferius non est de ratione, & essentia superioris: ergo non est ei idem formaliter.

Hoc tenet expresse Antonius Trōbeta vir absque dubio acutissimus in suis formalitatibus, & frater Ioan. Bafolis Scoti discipulus in 1. dist. 2. q. 4. artic. 2. Et confirmatur ex Doct. subtili, qui 1. quaest. quodlibetica litera I. ait illud, quod exprimitur per definitionem.

ſinitionem eſſe idem eſſentialiter ei, quod intelligitur per definitionem: & ibidem adiecit vitam intellectualem eſſe idem formaliter eſſentia, quia includitur in ratione & cōceptu formali eius: ergo ſecundum Scotum incluſum eſt idem formaliter includens: ita ſuperius potius eſt idem formaliter inferiori, quā e conuerſo.

Sed pro intelligentia deſcriptionis identitatis formalis tradita a Scoto, & difficultatis ab ea exortæ, obſerua, q̃ biſariam aliquid dicitur idem formaliter alteri. Primò per identitatem formalem in ipſo exiſtentē. Secundo, quia alterū eſt ſibi idem formaliter. Hoc facilius percipies per comparationem ad relatiua, quorum aliqua, vt ait Philoſoph. 5. Metaphy. cap. de ad aliquid tex. comm. 20. dicuntur ad aliud, non quia ipſa ad alia referantur, ſed quia alia ad ipſa ſunt. Et hæc ſunt relatiua tertij modi. Id eſt, relatiua ſunt duplicia. Alia referuntur ad aliud per relationem in ipſis inexiſtentem, vt pater & filius: pater enim per paternitatem exiſtentem formaliter in ipſo refertur ad filium, & ſimiliter filius ad patrem per filiationem, quam in ſe habet. Alia referuntur ad aliud, non per relationem in ipſis inexiſtentem, ſed quia alia referuntur ad ea: ipſa verò eorū relationem ac dependentiam terminant. Sic ſcibile, teſte Philoſopho ibidem, refertur ad ſcientiam, quia, ſcilicet, ſcientia refertur ad ipſum. Similiter Deus refertur ad creaturam, non per relationem in eo exiſtentem, ſed quia creatura refertur ad ipſum, ipſe verò terminat, eius dependentiam. Eodem modo in propoſito aliquid dicitur idem formaliter alteri dupliciter: primò, per identitatem

formalem in ipſo exiſtentem: ſecundo, quia terminat identitatem formalem alterius ad ſe. Primò modo ſuperius, & quidquid eſt de ratione & eſſentia alterius, eſt idem ei, de cuius ratione & eſſentia eſt. Secundo verò modo inferiori, & includens aliud in ſua ratione eſt idem ſuperiori & incluſo.

Cognita natura identitatis formalis faciliſimum eſt intelligere naturā non identitatis formalis, ſeu diſtinctionis formalis. Non identitas formalis, ſeu diſtinctio eſt inter ea, quæ habent diſtinctas rationes formales, obiectiuas, ſeu diſtinctos conceptus obiectiuos ita, quod vnum non includit aliud in ſua ratione formali. Sic ſubiectum & propria paſſio diſtinguuntur formaliter: nam nec ſubiectum includit in ſua definitione, & ratione propriam paſſionē, quia non prædicatur de eo in primo modo dicendi per ſe: nec propria paſſio includit in ſua propria ratione formali ſubiectum, eſt per illud deſinitur, non quidē tanquam per quid ſibi intrinſecum, ſed tanquam per additamentum. Ad hanc autem diſtinctionem formalem duo requiruntur.

Alterum eſt, quòd vtrumque diſtinctionis extremum dicat aliquid poſitum in re ſecluſa operatione intellectus. Alterum eſt, quòd vtrumque extremum dicat propriam formalitatem, ſecundum quam ſit in rerum natura extra ſuam cauſam.

Vnde res, quæ modo exiſtit non diſtinguitur formaliter a re, quæ non eſt actu, ſed in potentia: ſicut cauſa non diſtinguitur formaliter ab effectu, qui ſolum eſt in virtute productiua eius.

At iam tandem aduerte diſtinctionem

*Biſariam
dicitur
aliquid
idē alteri
formaliter.*

*Subiectū
& propria
paſſio diſtinguuntur formaliter.*

Ad diſtinctionem formalem duo requiruntur.

Distin-
ctio for-
mali est
duplex. nem formalem esse duplicem, alteram mutuam, alteram non mutuam. Mutua est inter ea, quorū neutrum includit alterum in sua definitione, seu ratione formali obiectiua. Sic distinguuntur propria passio, & subiectum.

Non mutua verò est inter ea, quorum vnum includit aliud in sua formalitate, non tamen è conuerso. Sic se habent superius & inferius. Et tunc includens distinguitur formaliter ab inclusio, & non è conuerso: nam, vt supra diximus, superius est idem formaliter suo inferiori. Distinctio ergo formalis est inter rationes formales rerum obiectiuas, quarum vna secluso actu intellectus formaliter non est alia. Reducendo ergo dicta in compendium, dico illud esse idem alteri formaliter, quod vel est definitio eius, vel pars definitionis, vel aliquid inclusum in eius ratione formali obiectiua in non habentibus definitionem, quod sibi competit in primo modo dicendi per se. Ex quo facile colliges quid dicatur distinctum formaliter ab alio, illud, scilicet, quod nec est pars definitionis, nec tota definitio, nec ei conuenit per se primo modo.

Epilogatur omnia distincta.
Not. Quintò nota attributum idem esse, quod ab alio alteri tributum. Perfectiones autem simpliciter diuina vocantur à nobis attributa: quia cum illas in rebus creatis reperiāmus, seclusa omni perfectione Deo ipsas tribuimus. Potest autem attributum in hunc modū describi: Perfectio simpliciter, & formaliter diuinæ essentia, quasi in esse secundo reperia formaliter in creaturis per participationem vniuocam vel analogam. In primis. Attributum est perfectio simpli-

citer ratione cuius excluduntur à natura attributi omnes relationes, siue reales, siue rationis, quibus ratio perfectionis simpliciter non competit, vt infra controuerſia vigesima septima, latissimè docebimus. Secundò. Attributum est perfectio formaliter diuinæ essentia: quia attributa formaliter sunt in Deo, per quod à ratione attributi secernuntur omnes perfectiones propriæ creaturæ, quoniam hæc solum sunt in Deo virtualiter, & eminenter. Præterea dicitur attributum perfectio diuinæ essentia: quasi in esse secundo: quia attributa; vt statim dicemus, non sunt de essentia, & de ratione formali Dei, sed sunt perfectiones consequentes essentiam. Vnde Damasc. lib. 1. cap. 4. sic ait. Si iustum, si bonum, si quid tale dixeris, non naturam dicis Dei, sed quæ circa naturam. Tandem attributum dicitur perfectio reperia in creaturis per participationem vniuocam vel analogam: ea enim, quæ sunt in Deo, si in creaturis formaliter non inueniuntur per participationem non dicuntur attributa: & sic infinitas in Deo attributum non erit, quia in creaturis non inuenitur, formaliter.

His prædictis fundamentis sit prima conclusio. Attributa diuina sunt formaliter in Deo ex natura rei, & non virtualiter tantum, vt aiebat Rabbi Moyses. Probat: quia, si diuina attributa, vt sapientia, & bonitas, solum essent in Deo virtualiter, & non formaliter, Deus non aliter diceretur sapiens & bonus, atq; dicitur lapis vel leo: consequens est absurdum: ergo & antecedens. Probat sequela: quia tunc solum diceretur Deus sapiens, & bonus virtualiter: & eodem modo dicitur lapis & leo, quia potest

Attributi descriptio.

Declaratur omnes particula.

Concl. Attributa sunt in Deo formaliter.

test producere lapidem, & leonem. Hæc conclusio patet ex definitione attributi, in qua dicitur quod est perfectio diuinæ essentie formaliter. Præterea. Omnis perfectio simpliciter est perfectissimo modo in primo ente perfectissimo, scilicet, Deo: sed attributa diuina sunt perfectiones simpliciter secundum omnes: ergo sunt in Deo modo perfectissimo: hic est modus essendi formaliter: ergo, &c. Conclusio est verissima, neque; vllus sanè mētis eam negare potest. Præterea. Quælibet perfectio simpliciter est ex natura rei formaliter in ente omnino perfecto: sed attributū; quodlibet est perfectio simpliciter, vt ex definitione perfectionis simpliciter patet: ergo. Probo minorem. Tum quoniam aliter non esset Deus ens omnino perfectum, quia non esset quo maius excogitari non posset: cogitaretur enim maius si esset formaliter perfectum, quauis perfectione simpliciter. Tum etiam, quia aliter perfectio simpliciter in nullo esset perfecte. Non in Deo: quoniam ibi non est per te ex natura rei & formaliter; nec in creatura: omnis enim perfectio in creatura existens est in ea finito modo, ac per consequens imperfecte: ergo necessario oīs perfectio simpliciter est formaliter in Deo.

2. *Concl.* Secunda conclusio. Attributa diuina sunt summa identitate reali idē essentie diuinæ. Conclusio est communis Theologorum consensus. Et ratio est: quia summa simplicitas diuinæ essentie nullatenus posset consistere cum distinctione reali eius ab aliquo, quod in ipsa est. Vnde diuina essentia, & est idem re ipsa cum attributis, & relationibus, & attributa cum relationibus, & è conuerso.

Tertia conclusio. Relationes diuinæ, vt paternitas & filiatio, distinguuntur à diuina essentia ex natura rei formaliter, taliter quod diuina essentia & relationes sunt ante omnē actum intellectus non idem formaliter, siue distinctæ formaliter actu ita, quod essentia diuina non est formaliter paternitas, nec paternitas est formaliter essentia diuina.

Hæc conclusio est directe contra D. Thomam 1. p. q. 28. art. 2. & q. 39. art. 1. quam tenet Scotus in 1. dist. 2. q. 4. sub duplici lit. Ff. Quæ probatur primò ex Aug. 7. de Trin. c. 5. dicente. Nō eo Pater, quo Deus, nec eo Deus, quo Pater. Ex quo sic colligo argumentum. Deus secluso omni actu intellectus non est Deus paternitate, sed deitate, nec Pater deitate, sed paternitate: ergo inter paternitatem & deitatem est non identitas ex natura rei. Patet consequentia: quia, si ex natura rei essent omnino idem, ante operationē intellectus Pater esset deitate Pater, & paternitate Deus, quod est contra Augustinum.

Secundò. Diuina essentia in Patre est entitas ex natura rei communicabilis secluso omni actu intellectus, & in eo formaliter existens, & paternitas in eodem Patre est entitas per se incommunicabilis ex natura rei, sic, quod sibi repugnat communicari etiam ante omnem actum intellectus: ergo diuina essentia, & paternitas non sunt idem formaliter. Antecedens est notissimum: consequentia probatur: quia entitas communicabilis ex natura rei, & entitas incommunicabilis ex natura rei non sunt eiusdem rationis formalis: non enim videtur intelligibile, quod vna & eadem entitas formalis existēs à parte rei

rei sit formaliter entitas communica-
bilis, & entitas incommunicabilis: quia
hæc sibi contradicunt. Respondet
Caictanus huic argumento 1. par. q.
39; art. 1. negando consequentiam.

Et ad probationem dicit, quod in
rebus creatis vna & eadem entitas non
potest esse ex natura rei formaliter
communicabilis & incommunicabi-
lis, bene tamen in re infinita, propter
sui infinitatem. Vnde diuina essen-
tia ob eius eminentiam, & infinitatem
formaliter est entitas communica-
bilis, & incommunicabilis. Hæc res-

*Non est
bona re-
sponsio.*

sponsio Caictani non soluit argumen-
tum: nam tenebatur ostendere, quo-
modo fieri posset, quod eadem ratio for-
malis rei infinitæ sit formaliter enti-
tas relatiua, & absoluta; & quod eadem
res sub eadem ratione formali sit ad
se & ad alterum. Præterea. Si diuina
essentia & paternitas sunt ex natura
rei formaliter idem, quomodo Deus
Pater communicauit Filio suam diui-
nam essentiam, & non paternitatem?

3. Ratio.

Tertio. Ante operationem intel-
lectus paternitas, ut distincta ab es-
sentia, constituit Patrem in esse reali
distincto realiter ab esse personali fi-
lij: vel igitur, ut sic distincta est non
idem formaliter diuinæ essentia, vel
est idem formaliter ei. Si primum,
habeo intentum. Si secundum: er-
go paternitas, ut idem diuinæ essen-
tiæ formaliter omnino constituit per-
sonam Patris incommunicabilem &
à Filio re ipsa distinctam: ergo essen-
tia, ut essentia constituit Patrem in es-
se Patris, & distinguit ipsum realiter
à Filio, & per consequens diuina essen-
tia est ratio constituendi, & distinguē-
di personas, quod est plusquam salu-
sum. Probatur hæc vltima conse-
quentia: quia paternitas per se, ut

omnino idem essentia constituit, &
distinguit.

Quarto. Pater et Filius conueniunt
in essentia omni intellectus negotia-
tis actu secluso, differunt tamen reali-
ter per paternitatem, & filiationem:
ergo paternitas, & filiation non sunt
omnino idem ex natura rei cum di-
uina essentia. Patet consequentia:
quia impossibile est idem formaliter
ex natura rei esse rationem conue-
nientia, & differentia inter aliqua.

Quinto. Pater intelligens se, aut
intelligit essentiam diuinam, & pa-
ternitatem, ut diuersa obiecta for-
malia, aut, ut idem obiectum sub alio,
& alio modo concipiendi. Si das
hoc secundum: ergo non est maior
differentia inter paternitatem & dei-
tatem, quam inter Deum, & deita-
tem: ergo non magis concipit pater-
nitatem, ut incommunicabilem, quā
deitatem: ergo similiter tunc non ef-
fet Deus magis beatus in essentia di-
uina, quā in paternitate. Proba-
tur prima consequentia: quia eodem
modo concipit Deum, & deitatem,
ut puta, tanquam idem obiectum
sub alia, & alia ratione concipiendi.
Secundam consequentiam proba-
tione quia non aliter concipit, ut distin-
cta obiecta paternitatem, & deita-
tem, quā Deum & deitatem. Ter-
tia consequentia sic ostenditur: quia
concipit essentiam, & paternitatem,
ut omnino ex natura rei indistin-
cta. Si vero das primum, scilicet,
quod Deus Pater intelligit essentiam
diuinam & paternitatem, ut diuersa
obiecta formalia, ergo diuina essen-
tia, & paternitas sunt distincta ex na-
tura rei. Patet consequentia: quia in-
tellectus intuitiuus non facit distin-
ctionem in obiecto, sed redit in re sicut

5. Ratio.

est

est

est a patere: ergo si percipit essentiam & relationē, vt distincta obiecta formalia, erunt formaliter distincta.

*Effectus
diuinitatis
est de con-
ceptu for-
mali rela-
tione.*

Ex his sequitur, q̄ diuina essentia non est de conceptu & ratione formali relationis diuinæ, vt putā, paternitatis, vel filiationis, nec relatio de conceptu formali essentia: Et probatur amplius. Esse patrem nō est de essentia & conceptu formali Dei: ergo nec paternitas est de cōceptu formali essentia: Consequentia tenet: quia quidquid est de conceptu formali Dei, est de conceptu formali essentia, & ē conuerso. Antecedens probatur: quia si de conceptu formali Dei esset, q̄ sit pater, sequeretur, q̄ filius esset Pater: consequens est plūquam falsum: ergo & illud, ex quo sequitur. Patet sequela: nam quidquid est de ratione intrinseca alicuius communis, est de essentia cuiuscunque suppositi, & singularis sub eo contenti: ergo si de ratione Dei formali, & essentiali est esse patrem, similiter erit de ratione essentiali filij sub eo contenti. Antecedens & consequentia patent ex illa regula ante prædicamentali. Cum quippiam de quopiam prædicatur ea, quæ de prædicato dicuntur per se, dicuntur etiam de subiecto: vt si viuens dicitur de animali, & animal de homine tanquam de subiecto & inferiore, similiter animal dicitur de homine. Si igitur pater prædicatur quidditatiuē & essentialiter de Deo, similiter prædicatur de filio, de quo Deus prædicatur.

Exemplū.

Præterea. Si paternitas includitur essentialiter in diuina essentia, & diuina essentia includitur formaliter in conceptu formali filiationis, ergo & paternitas includitur in conceptu filiationis. Patet consequentia: quia

in eius conceptu includitur diuina essentia: ergo includitur, quidquid est formaliter diuina essentia: sed paternitas est talis: ergo.

Huic argumento respondet quidam nouus interpret Beati Thomæ, doctissimus tamen (qui contrariam sententiam tueretur cum Caiet. 1. par. quæst. 28. artic. 2. ad primum) negando antecedens. Et ad probationem dicit, quod vel illa regula non tenet in diuinis, vel, si ad diuina extendenda est, debet intelligi de his, quæ de prædicato dicuntur absolutē, non relatiuē. Sed re vera hoc vnum mihi sufficeret ad tenendam meā conclusionem, etsi aliud decisset medium, vt putā, regulam logicalem conuincere oppositum nostræ conclusionis esse falsum: potius enim omnem opinionem, (non fidem) negabo, quam regulam logicalem in aliqua materia deficere fatear.

Sed obiicies: Regulæ syllogisticæ non tenent in diuinis: ergo non mirum, si regulæ antepædicamentales ibidem deficient. Probatur antecedens: quia sequens syllogismus tenet in modo & figura: colligit tamen falsum ex veris in hūc modum. Omnis Deus est Pater: Filius est omnis Deus: ergo Filius est Pater. Similiter syllogismus expositivus habet cōsequentiā formalem, & tamen in diuinis ex veris colligit falsum, vt hic. Hic Deus est Pater: Filius est hic Deus: ergo Filius est Pater. Item. Iste Pater nō est Filius: hæc essentia est Pater: ergo hæc essentia non est Filius.

Ad hæc omnia respondeo cū Scol. lib. 1. priorum. q. 11. q̄ omnis syllogismus seruans modum, & figuram tenet in omni materia; & est consequentia formalis, si regulatur per dici

de

*Solutio
cuiusdā
Thomæ
8a.*

*Respon-
sio
ad Tho-
mistam.*

*Singula-
ris doctri-
na propter
munis di-
uinis.*

de oī, vel dici de nullo: sic quod syllo-
gismi affirmatiui regulentur per hęc
signa, oē quod, vel quidquid: syllo-
gismi vero negatiui per nihil quod.
Vnde si primus syllogismus regule-
tur per ly, oē, quod liquet, quo modo
habeat maiore falsam: falsum enim
est dicere: Quidquid, vel omne quod
est Deus, est Pater; nam Spiritus san-
ctus est Deus, & tamē nō est Pater. Pa-
riter secūdas syllogismus, si reguletur
per ly, oē, vel quidquid hēt maiorem
falsā, vt puta, Quidquid est hic Deus
est pater; nā Filius & Spiritus sanctus
sunt hic Deus: & tamē nō sunt Pater.
Similiter tertius syllogismus si regule-
tur per nihil, quod habet maiorem
falsam: hæc enim maior falsā est. Ni-
hil, quod est iste, Pater est Filius; nā
essentia est iste Pater, & est Filius.

Sed dices. Syllogismus exposito-
rius tenet i humanis semper sine ista
regulatione, quare ergo non tenet
vbique? Ratio est, quia in humanis
sine prædicta regulatione concludit
semper verū, nam in rebus creatis nō
est aliqua res vna numero, quę sit idē
pluribus rebus re ipsa distinctis. Cæ-
terum in diuinis est vna res, scilicet diuina
essentia, q̄ tribus rebus seu supposi-
tis identificatur; ac proinde indiget
syllogismus expositorius in diuinis
præfata regulatione. Vt ergo exposi-
torius syllogismus sit consequentia
formalis, & in omni materia teneat
per dici de omni vel de nullo, modo
exposito regulandus est.

Sed arguit prædictus interpret D.
Tho. vbi supra contra nostrum conse-
ctarium atq; conclusionem in hunc
modum. Si diuine relationes nō per-
tinent essentialiter ad diuinam essen-
tiam, ergo sunt ei extrinsecæ atque
accidentales; consequens videtur ab.

furdum, & impium: quia nihil est in
Deo, quod non sit substantia: ergo.

Secundō. Diuina essentia necessa-
riō est Pater: sed necessariō esse Pa-
trem, non competit ei tanquam pro-
pria passio, nec tanquam modus di-
stinctus ex natura rei a diuina essen-
tia: ergo competit ei esse Patrem ne-
cessitate intrinseca.

Tertiō. Quidquid essentialiter cō-
perit diuino esse, etiam competit es-
sentialiter diuinæ essentia: sed diui-
no esse infinito competit essentiali-
ter esse Patrem, & Filium, & Spiritū
sanctum: ergo & diuinæ essentia. Pro-
batur minor: quia alias non esset es-
sentialiter, & intrinsecē infinitū esse,
siquidem non intrinsecē & essentiali-
ter est Trinitas personarū, quę est
maxima perfectio.

His argumentis conuictus prædi-
ctus interpret D. Thomæ a nostra re-
cessit sententia, quæ omni procul da-
bio verissima est, quæ etiam sequi-
tur Torres eadem quæstio. 39. art. 6.
Nec argumenta huius doctissimi in-
terpretis adeo efficacia esse censeo,
vt virum doctum, et de Metaphysica
benemeritum, nostram opinionem
deserere cogant. Vnde ad eorum so-
lutionem obserua, quod accidentale
bifariam accipitur, vt docet Scotus
in 1. d. 2. in solutione argumentorum
quæstionis quartæ sub duplici Ff. &
1. Elench. qō. 44. Primō sumitur pro
eo, quod aduenit rei post suum esse
completum atque perfectum in qua
significatione omnia nouē acciden-

2. argum.

3. argum.

*Pro solu-
tione arg-
Nota. 1.*

*Acciden-
tale bifa-
riam acci-
pietur.*

*Arguit
quidam
Thom-
ista.
Primo.*

cidentia, seu accidentalia respectu suorum superiorum: quia sunt eorum essentias & rationes formales. Et vniuersaliter quidquid definitionem, vel rationem formalem rei non ingreditur, etsi sit substantia, accidentale dici potest, sumendo ly accidentale largo modo & improprie: hoc ideo praevis, quia est extra rationem formalem, & quidditatiuam rei, seu quam ipsam non ingreditur.

Not 2
Essentia-
le accide-
ntaliter
duplici-
ter.

Secundo obserua, quod cum tot modis dicatur vnum oppositorum, quot & reliquum, essentiale, quod accidentali opponitur, aliis duobus modis accipi potest. Primo, vt accidentali primo modo opponitur: in qua acceptione quidquid ad aliquod ex nouem accidentium generibus non pertinet, essentiale dicitur. Et hoc modo inferiora in genere substantiae essentialia respectu suorum superiorum nuncupantur, & quidquid in Deo reperitur essentialiter vocatur atque substantia. Secundo sumitur essentiale prout oppositionem habet cum accidentali secundo modo, vt puta, extraneo. In qua acceptione illud solum dicitur alicui essentiale, quod est de eius definitione, seu ratione formali. Sic inferiora et de praedicamento substantiae non sunt essentialia suorum superiorum: quia extraneantur a rationibus ipsorum formalibus. Vide Scot. quolib. 1. Sed memineris etiam in diuinis essentialiter sumi prout distinguitur contra rationale. In qua significatione illa, quae in praedicando habent essentia diuinam modum, essentialia dicuntur, videlicet, quae sunt communia tribus diuinis personis, sicut essentia, de ipsisque effertur.

Ad ratio-
nes prae-
dicti Tho-
mistae

His suppositis responderet Scotus ad primum, antecedente concesso,

distinguendo consequens. Aut enim sumitur accidentale primo, aut secundo modo. Si primo modo, relationes nullatenus accidentales essentiae diuinae dici possunt: quia ratio accidentis in illa significatione longe est a diuinis, cum quidquid ibi est, sit substantia. Si vero accidentale sumatur secundo modo pro eo praevis, quod rationem essentialem & formalem rei non ingreditur, sed extra ipsam est, concederet Scotus relationes posse dici accidentales essentiae diuinae, quia eius rationem formalem non ingreditur, improprie tamen. Improprie enim dicitur aliquid accidentale per hoc praevis, quia est extra rationem quidditatiuam & formalem eius, cui conuenit. Ceterum quoniam in diuinis non solum res ipsa, sed & modus loquendi, imò & verborum sonus attendi debet, vt recte & debite de diuino esse loquamur, nullatenus concedendum arbitror relationes esse ipsi essentiae accidentales: sed hac circumloquutione, vtendum est, vt dicamus illas vel non esse de ratione formali essentiae, vel extra eius rationem formalem esse.

Vnde, ad argumentum dico, quod relationes diuinae non pertinent essentialiter ad diuinam essentiam, sic, quod sint de ratione eius formalis, vt multi etiam Thomistae affirmant. Sed inde non licet inferre esse accidentales essentiae, saltem proprie loquendo de accidentali, vt substantiae opponitur. Nam stat aliquid non esse de ratione formali alterius, & non esse accidens, sed substantiam, vt patet in homine respectu animalis: est enim homo, etsi sit substantia, extra rationem formalem animalis.

Ad pri-
mum.

Nec

Nec proprie relationes dicuntur extrinsecè ipsi essentiae, quia ibi sunt necessario ex natura diuinæ essentiae cū qua sunt summa identitate reali idē. Dicuntur ergo relationes diuinæ ipsi essentiae essentiales, prout essentiale opponitur accidentali, quod ab accidenti dicitur tale: sed non sunt ipsi essentiales prout essentiale idem est, quod rei essentiam, & rationem formalem ingrediens.

Ad secundum

Ad secundum concedo maiorem, sed est intelligenda identicè non formaliter: nam diuina essentia non est formaliter Pater. Ad minorem dico, quod licet verum esset, quod esse trinum non conueniat Deo tanquam propria passio, de quo nihil modo diffinitio, verum est tamen quod esse Patrem, & Filium, & Spiritum Sanctum non est de ratione formali diuinæ essentiae, sed extra eius rationem formalem est. Necessario ergo competit Deo & intrinsecè esse trinum: quia ex natura diuinæ essentiae hoc summe necessario prouenit: sed tamen essentiam & rationem formalem eius non ingreditur, sed eam consequitur.

Ad tertium

Ad tertium concedo maiorem, si essentiale sumatur utrobique eodem modo: sed nego minorem. Si essentiale sumatur præcisè pro eo, quod opponitur ei, quod rationem intrinsecam ac formalem rei non ingreditur. Nam ut diximus, relationes diuinæ non ingrediuntur rationem formalem essentia diuinæ.

Ad probationem minoris dico, quod etsi diuinum esse in sua ratione formali huiusmodi relationes non includat, est infinitè perfectum. Tum, quia eius ratio formalis est infinita formaliter, & radicaliter (est enim infinitum essendi pelagus, à quo om-

nia attributa & relationes quasi pululant, & dimanant, ut quidam aiunt Tum etiam, quia relationes diuinæ nullam dicunt perfectionem, ut controuersia vigesima septima docebitur: ac proinde, etsi eas non includat in sua ratione formali, non minus perfectum est, ac si eas includeret.

Sed obijcit alius expositor Dui Thomæ contra hanc eandem conclusionem multipliciter. Primò ex Concilio Florentino, Sessione 18. ubi sic dicitur: Diuina substantia & persona re quidem idem sunt, sed dum autem modum intellectiōis nostræ, videtur differre. Et Sessione 19. loquens de essentia & persona sic ait: Haud quaquā putare debetis, quod re differant, quandoquidem sola ratione, aut intelligentia differre creduntur. Et Sessione vltima ex consensu omnium Episcoporum Latino- rum scribitur, diuinam substantiam à tribus hypostasis non re, sed sola ratione differre.

Secundo obijcit. Si relatio esset distincta in re ab essentia, sequeretur diuinā personā non esse omnino simplicem: sed consequens est contra oēs sanctos: ergo &c. Sequela patet: nam personæ diuinæ constant essentia & relatione: ergo si hæc sunt distincta in re, persona est: re ipsa imposita ex illis. Patet consequentia, nam compositio, & distinctio sese necessario consequuntur. Nec identitas realis expellit compositionem, ubi aliqua distinctio manet in re; nam compositio, & distinctio proportionantur, ergo si ad veram distinctionē actua- lem in re ipsa non requiritur distinctio, reum: ergo nec ad veram compositionem in re ipsa erit necessaria talis distinctio.

Obijcit
huius Thomæ
mist.
1. Obijcit.

Obijcit.
huius Thomæ
mist.
1. Obijcit.

3. Obi-
tione.

Tertiò. Tam simplex est qualibet persona diuina, sicut si in Deo esset tantum vnica persona: sed tunc inter deitatem, & habentem deitatem nul a intelligeretur distinctio in re propter summam simplicitatem: ergo nec modo. Et confirmatur. Primum: quia tam simplex est persona, sicut natura diuina: sed in deitate non potest reperiri distinctio actualis propter summam simplicitatem: ergo nec in persona. Confirmatur secundò: quoniam ex opposita sententia sequitur, quod paternitas non sit formaliter deitas: quod est contra Concilium Lateranense in cap. Damnamus: vbi dicitur, quod est vna summa res, scilicet, essentia, quæ veraciter est Pater, Filius, & Spiritus sanctus. Tertiò confirmatur: quia ex sententia Scoti sequitur, quod tanta sit compositio in Deo ex natura & supposito, sicut in creaturis.

Auctori-
tas hic e-
st maior con-
tra Scotum

Propter hæc & alia argumenta similis farina: quidam nouissimus Diui Thomæ interpretes 1. par. q. 28. art. 2. quæst. 2. ait opinionem Scoti semper sibi visam esse periculosam nimis in fide. Sed vnde locus? sibi visa est periculosa: ergo est periculosa. Certè ipse solus contra Theologorum Principem Scotum non facit opinionem, nec multi alij cum eo. Præsertim cum Scoti sententiam ab eius diebus vniuersa Parisiensis schola semper amplexata fuerit, nec non & Louanienfis, atque Bononiensis Academia, & in vniuersa Italia apud omnes viros doctos sit celebris, & famosa. Eam amplectuntur Antonius Andreas Doctor ingenio clarus atque perspicuus, in 1. sent. d. 2. & 8. Antonius Trombeta vir vniue acutissimus & celeberrimus in suis forma-

litas. Tataretus in 1. d. st. 2. & 8. Leuchetus Scoti interpretes ac profundissimus Theologus eiusdē locis. Ioannes Bassolis (de quo subtilis Doctor, etsi in gymnasio nullus alius adesset, solitus erat dicere, En auditorium est) in 1. dist. 22. Franciscus Maionis vir sapientissimus in 1. dist. 2. & 8. in insigni Complutensi schola publice defenditur. Præterea Caietanus acerrimus Scoti impugnator nunquam eam damnauit, nec aliquis antiquorum. Ipse primus hoc dicere ausus est contra tot insignes atque Catholicos Doctores. Sed his omnis iam rationibus eius satisfaciendum est.

Ad primam dico. Primum, quod Concilium non procedit ibi diffiniendo, sed disputando. In disputationibus autem Concilium semper communiores opiniones accipit, vt ad veritatis inquisitionem procedat.

Ad obie-
ctiones
prædicti
Thomi-
stæ.
Ad pri-
mam.

Secundo dico, Concilium ibi solum voluisse, quod substantia, & persona in diuinis non sunt distincta secundum rem, sed re ipsa esse omnino idem: quod verò sola ratione ratiocinante, vel ratiocinata, vel distinctione formali distinguantur, sub opinione relinquit. Et patet in primo loco, vbi dicitur, Secundum autem modum intellectionis nostræ videntur differre. Illud verbum, videntur, insinuat, quod Concilium opinatiue loquatur. Quod etiam patet ex alijs duobus locis Concilij ibi adductis: vbi tamquam certum dicit tenendum esse substantiam, & personam non re ipsa differre, sed sola ratione. Primum quidem, vt certum, secundum verò sub opinione.

Tertiò diceret aliquis, quod per rationem intelligitur distinctio rationis ratiocinantis & ratiocinatæ: & hoc non negaret Thomista. Sub distinctione

autem

autē rationis ratiocinata cōtinetur
distinctio formalis, quæ ab aliquibus
distinctio rationis ratiocinabilis dī.

Quartō dico, Concilium per distinctionem rationis intellexisse distinctionem non excludentem unitatem & identitatem realem substantiæ & personæ, sub qua distinctio formalis, quæ cū summa identitate reali & summa simplicitate est composibilis, continetur. Et hæc expositio patet: quia solum vult ibi Concilium docere, distinctionem realem non esse inter substantiam diuinam, & personam.

Ad secundum.

Ad secundum distingo de distinctione in re. Nam si per distinctionem in re intelligas distinctionem realem, bene valet consequentia: si verò intelligas distinctionem formalem, sequebamur nego. Ad probationem dico, quod omnino decipis, dum arbitraris distinctionem ex natura rei in genere, & compositionem se mutuo inferre. Nam, licet compositio distinctionem inferat necessarîo, nō tū distinctio compositionem, nisi illa sit realis: nam distinctio formalis, quæ inter rationes rerum formales obiectivas versatur, cum summa simplicitate est composibilis. Ratio est, quia cum ipsa sit summa identitas realis & summa & vltima actualitas eorū, quæ distinguuntur. Cum summa autē identitate reali et summa actualitate non est compositio: nam ad compositionem necessum est alterum vt potētiam, alterum vero vt actum se habere. In diuinis verò cum omnia, quæ ibi sunt secundum proprias rationes formales, sint in vltima unitate, & actualitate, ab eis, etiam distinctione formali existente, omnis compositio expellitur, vt in argumentorum principalium solutione clarius demonstrabitur.

Ad tertium dico, quod maior est vera. Ad minorem verò respondeo, quod si tunc nulla intelligeretur distinctio inter diuinam essentiam & habentem eam (de quo nihil ad præsens de finio) modo aut sic inter essentiam & personam, non esset obiectum rem simplicitatē essentiae tunc, quam nunc: quia summa simplicitas, vt diximus, cum distinctione aliquorum formali est composibilis, sed quia tunc in habente deitatem non essent entitates formales alterius rationis, cuiusmodi sunt entitates absoluta & relatiua: modò autem in persona diuina est essentia diuina, & relatio, quæ sunt alterius rationis formalis, vt ex eo Augustinus, Nō eo patet quod Deus & ex rationibus supra positis a pertissime colligi potest.

Ad tertium.

Ad primam confirmationem patet per idem: & semper neganda est hæc propositio. In diuina natura obiecti summam simplicitatem non reperitur distinctio aliqua: quia cum distinctione formali stare potest summa simplicitas.

Ad primam confirmationem.

Ad secundam confirmationem dico, verè sequi ex sententia Doctoris subtilis, quod essentia non sit formaliter paternitas: ed negā id esse contra Concilium Lateranense. Nā Concilium diffinit ibi, quod in diuinis sit vna summa res, scilicet, essentia vel natura diuina, quæ re ipsa seu secundum rem a personis non distinguitur: sed est re ipsa Pater, Filius, & Spiritus sanctus: Et quod hoc intendat Concilium, probatur ex verbis eiusdem Concilij: vbi sic dicit Papa. Nos autē sacra approbante Concilio, credimus & confitemur cum Petro, scilicet,

Ad secundam confirmationem.

et, quod una summa res est essentia vel natura diuina, quæ nec generatur, nec generatur: & tamen non sequitur, quod sit quaternitas, quia illæ tres res Pater, Filius, & Spiritus sanctus sunt illa una res: quaternitas autem esse non posset, nisi esset quantum realiter a tribus distinctum. Hoc id diffinit Concilium contra Abbatem Ioachim appellentem hereticum Magistrum sententiarum, quia asserbat essentiam diuinam nec generari, nec generare, quoniam ex hoc (aiebat ille Abbas) sequitur in diuinis quaternitas. Cuius oppositum docet Concilium asserendo, quod illa una res, scilicet, diuina essentia est realiter Pater, & Filius, & Spiritus sanctus: ac proinde nullatenus quaternitas sequitur ex positione Magistri. En quomodo Concilium solum intendit diffinire identitatem realem essentia cum personis: de identitate autem formali non meminit.

Ad tertiam confirmationem nego consequentiam.

Ad tertiam confirmationem nego consequentiam. Imò dico, quod ex distinctione formali essentia a relatione nulla sequitur compositio, ut supra ostendimus. In creaturis autem est compositio ex natura & entitate suppositi: quia natura creata est vere actuabilis per illam, cum de se sit in potentia ad eam: at verò natura diuina ex se est in ultima actualitate: ac proinde per relationes personales non actuatur, nec diuiditur, nec distinguitur, aut coarctatur: quia ex se est in ultima actualitate, & una indiuisa atque indistincta est in tribus diuinis personis. Ecce quam facile argumeta huius expositoris solvuntur. Conclusio ergo nostræ sententiæ est probabilis valde: tum propter eius illustres patronos, tum etiam propter eius efficaces rationes: ac tan-

dem, quia rationibus oppositæ sententiæ optimas adhibet solutiones.

Quarta conclusio. Diuina attributa inter se sunt non idem formaliter ex natura rei: ita quod secluso opere intellectus ex natura rei unum non est illud formaliter, ut sapientia non est formaliter bonitas, sicut animalitas non est formaliter rationalitas. Conclusio est Scoti in 1. dist. 8. quest. 4. & alibi sæpe. Probatur exemplificando de sapientia & bonitate: nam de alijs idem erit iudicium. Sapientia in communi, & bonitas in rebus communibus non idem formaliter, seu distinguuntur formaliter inter se: ergo sapientia infinita distinguitur ex natura rei formaliter a bonitate infinita. Antecedens est notum: consequentia probatur: quia infinitas non variat rationem formalem rei, cui additur: quia modus rei, cuiusmodi est infinitas, non variat rationem rei formalem, ut ait Scotus in 1. dist. 15. q. unica litera D. Albedo enim, ut quatuor, & albedo infinita sunt eiusdem rationis formalis.

Huius argumento respondet Caieta. libro de ente & essentia, cap. 6. posita distinctione infiniti. Infinitum, inquit, est duplex. Aliud secundum propriam rationem: & est illud, quod nullis terminis suæ propriæ latitudinis clauditur, licet sit ad talem entis gradum definitum: ut albedo infinita, quæ in ratione albedinis nullis terminis clauditur, sed omnem albedinis gradum habet: est tamen infinita in genere determinato, ut patet in genere qualitatis. Aliud est infinitum secundum quod ens, seu simpliciter, vel in genere entis: & est illud, quod nullis terminis infra totius entis latitudinem clauditur: & est

4. Concl. Attributa inter se sunt non idem formaliter ex natura rei.

Solutio Caietani. Infinitum dupliciter accipitur.

limi-

limitatur, sed omnem habet essendi perfectionem. Veratur autem magnum discrimen (ait Caietan.) inter hac infinitas, seu has infinitates. Prima enim infinitas non variat rationem formalem rei: linea enim infinita, & albedo infinita, formaliter distinguuntur, sicut linea in communi, & albedo in communi. Et ratio est: quia prima infinitas, attenditur penes gradus perfectionales propriae latitudinis rei ad certum genus entis determinatum. Secunda vero infinitas, quoniam consideratur penes ea, ad que totius entis latitudo se extendit, rem & eius rationem, formalem eleuat, ad hoc, ut ipsa sit omnis perfectio in ente possibilis, non solum secundum rem, sed formaliter. Ac proinde omnem distinctionem, qua ab alijs absolute sumpta, poterat distinguui, excludit.

Hoc posito respondet Caietanus, ad argumentum, negando consequentiam. Ad probationem verò dicit, quod infinitas primo modo non variat rationem formalem rei, nec tollit distinctionem formalem rei vnus ab alia: bene tamen infinitas secundo modo: qua infinitate est infinita diuina sapientia & diuina bonitas, & quodlibet diuinum attributum. Et sic inquit Caietanus, ruit Scoticum gehisium. Sed re vera, ut hoc efficeret Caietanus, superesset sibi probandum infinitatem secundo modo esse rationem identificandi rem, cuius est, omni perfectioni sibi composibili non solum realiter, sed etiam formaliter, in quo consistit tota huius questionis difficultas: quod tamen non probat. Concedimus ergo Caietano, quod infinitum secundo modo identificat sibi identitate reali

perfectissima omnem perfectionem simpliciter sibi composibilem: ut docet Scotus in quolib. quaest. 5. Non tamen illam identificat sibi formaliter: cum illa enim identitate reali summa fiat perfectionum attributalium distinctio formalis, quia in Deo manent sub suis proprijs rationibus formalibus, quarum vna non est formaliter alia. Et si sapientia infinita esset formaliter bonitas infinita ex natura rei, sequeretur, quod sicut Deus est formaliter sapiens ex natura rei sapientia, similiter erit formaliter sapiens bonitate, & misericordia: quod rationi contrariari videtur. Et confirmatur argumentum: quia ita manent in Deo, propriae rationes formales, sapientiae, & bonitatis, ac si finita essent: ergo ita bene distinguuntur formaliter bonitas infinita, & sapientia infinita, sicut bonitas absoluta, & sapientia absoluta. Consequentia tenet: antecedens probatur: quia ratio formalis alicuius perfectionis manet semper, in quocunque gradu perfectionis intelligatur. Sapientia enim infinita ita retinet rationem formalem sapientiae, sicut sapientia finita. Vnde si sapientia infinita esset formaliter bonitas infinita, similiter sapientia in communi esset formaliter bonitas in communi: quia modus rei, ut infinitas, non variat rationem formalem rei.

Secundo principaliter argumentor, Veritas infinita aut dicit præcisè illā perfectionē, quæ est in Deo formaliter ex natura rei, aut dicit præcisè aliquā relationē rationis causatam ab intellectu, aut dicit utrūque. Si dicit præcisè relationem rationis, ergo veritas non est perfectio simpliciter, quia

quia nulla relatio rationis, imò nec realis potest esse infinita, vt infra dicemus, sicut perfectio simpliciter. Nec dicit vtrumque simul: quia illud est ens per accidens: ergo præcisè dicit illam perfectionem, quæ formaliter ex natura rei est in Deo, & similiter bonitas dicit illam perfectionem, quæ est in Deo. Aut ergo dicunt veritas, & bonitas eandem perfectionem formalem, vel aliam & aliam. Si das secundum, habeo internum. Si verò primum, sequitur, quod bonitas, & veritas sint formaliter synonyma, quod ipsi negant, & bene.

*Calet. res
spon.*

Huic argumento respondet Caietanus vbi supra, quod cum synonymitas sit passio nominum non attenditur penes identitatem rationis formalis in se, sed penes identitatem conceptus mentalis, quia voces sunt notæ earum, quæ sunt in anima passionum. Cum igitur bonitas, & veritas apud intellectum habeant distinctos conceptus formales, licet idem sit formaliter in re non erunt nomina synonyma.

*Confutatio
respon.
sionis
Calet.*

Sed contra, quia nomina principaliter significant res, iuxta Aristotet. 1. Elenchorum dicentem, quod pro rebus vtimur nominibus, quia res ad di-
sputandum ferre non possumus. Item 4. Metaph. Ratio, quam significat nomen, est definitio: sed definitio indicat veram essentiam rei: ergo illa per nomen principaliter significatur: ergo synonymitas principaliter attendi debet penes res, quas nomina significant. Præterea, quia saltem veritas, & bonitas apud diuinum intellectum erunt synonyma, quia in eo non est pluralitas conceptuum.

3. Ratio.

Tertio. Deus intelligit suam essentiam vt veram, & vult eam vt bonam:

ergo veritas, & bonitas in Deo distinguuntur ante omnem actum intellectus. Patet consequentia: quia distinctio obiectorum est distinctione actuum prior, sicut causa effectus: ex distinctione enim obiectorum provenit distinctio actuum.

Respondet Caietanus negando consequentiam: quia sufficit, inquit, quod obiecta intellectus, & voluntatis diuinæ prædistinguantur fundamentaliter. Hæc solutio nullo modo satisfacit argumento. Primo, quia non est actualis distinctio actuum sine distinctione actuali obiectorum. Secundo, quia actus, quo videt Deus suam essentiam vt veram, & actus, quo vult eam vt bonam, terminantur ad rem existentem à parte rei. Vel igitur terminantur ad veritatem, & bonitatem sub vna ratione formalis à parte rei, vel sub diuersis. Si primum, ergo actus volendi, & intelligendi in Deo non distinguuntur ex parte obiecti ex natura rei, quod est absurdum: & per consequens non est dicendum, quod tendat intellectio illa in veritatem, & non in bonitatem, & similiter volitio in bonitatem, & non in veritatem. Si secundum, ergo meam fateris sententiam.

*Respon.
Calet. ad
eius im-
pugnatio-
ne.*

Quarto. Intellectus & voluntas in diuinis distinguuntur formaliter ex natura rei: ergo similiter sapientia & bonitas. Consequentia tenet: antecedens probatur. Distinctio, quæ est inter intellectum, & voluntatem præcedit omnem actum collatum intellectus: ergo illa non est distinctio rationis: ergo ex natura rei, & per consequens formalis. Probatur antecedens: quia ante omnem actum collatum, intellectus est principium intellectionis, & non voluntas, & volun-

4. Ratio.

voluntas est principium volitionis,
& non intellectus: ergo.

5. Ratio. Quinto. Intellectus diuinus intue-
tur bonitatem, & veritatem in Deo:
vel ergo, vt distincta obiecta forma-
lia, vel vt vnum omnino indistinctū
ex natura rei. Si secundum, ergo Deus
non intuetur se sapientem sapientia,
& non bonitate. Patet consequentia:
quia sapientiam & bonitatem concipit,
vt omnino indistincta ex natura
rei. Si primum, ergo sunt distincta
ex natura rei: quia intellectus intuiti-
uius cum tendat in rem, vt existentem
non percipit distinctionem in
obiecto, nisi illa sit a parte rei. Si di-
cas, quod intellectus intuitiuus concipit
distinctionem inter bonitatem,
& veritatem, illa tamen distinctio non
est bonitatis, & veritatis in se, sed ra-
tionum rationis causatarum ab intel-
lectu in ipsa bonitate & veritate: con-
tra, quia absurdum est asserere intel-
lectum intuitiuum causare entia ra-
tionis in rebus, quas intuetur: nam
tunc entia rationis essent in rebus a
parte rei existentibus, quod est absur-
dissimum. Non enim entia rationis
conueniunt rebus secundum esse rea-
le, sed secundum esse cognitum.
Quamobrem decipitur & errat Cai-
etanus, cum in libro de ente & essen-
tia, c. 6. asserit, non esse alienum a Phi-
losophia intellectum intuitiuum cau-
sare entia rationis in rebus.

Ref. Cai. Respondet Caietanus huic ratio-
ni, quod Deus cognoscit ab aeterno
distincte sua attributa non tamen ab
aeterno distincta actu. Sed hæc respo-
nsio non satisfacit argumento. Nā vel
illa intelligit distincte ex parte obie-
cti, sic, quod obiectum ipsum distin-
cte concipiat: & tunc, vel concipit ea
vt omnino vnum formaliter a parte

rei, vel vt distincta obiecta formalia.
Si hoc secundum, ergo distinguun-
tur formaliter: quia intellectus intuiti-
uius, vt modo diximus, non causat
distinctionem in rebus, sed eam, quæ
in ipsis est intuetur. Si primum, ergo
non videt essentiam pluribus perfe-
ctionibus simpliciter ornatam, & præ-
terea non videt intellectum, & vo-
luntatem, vt principia diuersarum
emanationum: quia videt ea vt om-
nino indistincta.

Tandem, vel intellectus & volun-
tas in Deo ante intellectionem sunt
omnino idem re & ratione formali,
vel sunt distincta re vel ratione for-
mali tantum. Si primum, ergo, sicut
ista est vera, Ante actum intellectus;
intellectus intelligit, ita & ista, Vo-
luntas intelligit. Nam quando ali-
qua sunt omnino idem a parte rei,
quidquid a parte rei inest vni, simili-
ter & alteri. Si secundum, necessarium
est tibi concedere distingui ratione
formali: quia aliter differre nequeunt:
& sic intentum. Et confirmatur: nam,
si attributa diuina sola ratione distin-
guuntur, ad quid, vt ait Scotus, distin-
ctione octaua primi Sententiarum
questionis quarta, Doctores contra-
riæ opinionis implent, & edunt tot li-
bros ostendendo vnum attributum
ex alio? Nam, si id efficiunt, vt perfe-
ctius a nobis Deus cognoscatur, fru-
straneo labore consumuntur. Quo-
niam, vt ait idem Scotus loco supra
citato, si inter attributa non est, nisi
differentia relationum rationis tan-
tummodo, ita perfecte cognoscetur
Deus quantum ad omnem conceptū
realem, vt cognoscitur sub vno solo
attributo: sicut si cognoscatur sub ra-
tione omnium attributorum: quia co-
gnitio plurium relationum rationis
nihil

*Impugna-
tur Cate-
responsio*

nihil facit ad perfectiorem cognitionem realem habendam de aliquo. Præterea. Si attributa sola ratione per ordinem ad nostrum intellectum distinguuntur, quorum tam anxie vexantur contrariæ sententiæ fautores, ut ordinem attributorum inter se, & ad essentiā, atq; ad notionalia ostendant? Item confirmo conclusionem ex Dino Augustino contra Maximinum sic scribente. Si potes Deum Patrem concedere simplicem, & tamē esse sapientiam, bonum, iustum, verum, &c. quanto magis vnus Deus potest esse simplex, & tamen Trinitas, ita, quod personæ non sint partes vnius Dei. Hæc Augustinus, vbi probat Deum esse trinum, & simplicem hoc argumento. Si in eodem, scilicet, in Patre sine compositione, & partialitate possant esse multe perfectiones simpliciter, ergo multo magis possunt esse tres personæ in deitate sine compositione, & partialitate. Quæro, an secundum Diuinum Augustinum perfectiones simpliciter distinguantur sola ratione inter se, an verò ex natura rei? Si secundum admittis non erit inter te & me cōtentio: quia idem sentimus, Si verò primum concesseris, ergo fateri teneberis Diui Augustini argumentum contra Maximinum esse omnino nullū. Nam vnde, quæso, tenet hæc consequentia. Ea, quæ a parte rei sunt omnino indistincta, ut sapientia, bonitas, &c. non faciunt in Patre æterno compositionem: ergo nec in deitate personæ diuinæ, etsi sint realiter distinctæ? Et in virtute sic haberet argumentum Augustini. Relationes rationis non faciunt in aliquo compositionem: ergo nec relationes reales, quod sanè argumentum nihil valet,

Quinta conclusio. Diuina essentia distinguitur formaliter ex natura rei ab attributis, & è contra: ita, quod de ratione formali, & quidditativa essentiæ non sunt attributa, nec de ratione formali alicuius attributi est essentia. Vnde si essentia esset de finenda vel attributa, nec attributa ponerentur in eius definitione, nec essentia in definitione attributorum. Conclusio est Scoti in primo, dist. 8. q. 4. in principio in argumento, Sed contra, & in quolibet. qu. 1. littera. Y. vbi sic ait. Nunc autem vita intellectus est idem essentialiter diuinæ essentiæ. Sic intelligendo, quod non tantum est idem realiter ipsi essentiæ, & hoc identitate simpliciter, sicut quodcunque attributum ponitur idem ipsi essentiæ: sed hoc modo est idem, quod si ipsa essentia diuina definiretur, vita intellectus non esset extra eius definitionem, sicut sapiens vel bonum. Hæc Scotus. Vbi æ conceptu formali essentiæ omnia attributa excludit, et dicit, sicut sapiens vel bonum: & similiter cum ait, sicut quodcunque attributum ponitur idem essentiæ, &c. Sensus namque est, quod intellectus, seu vita intellectus non se habet ad essentiā, sicut attributa: illa namque sic est idem essentiæ, quod rationem eius formalem ingreditur, nō tamen attributa. Idem tenet q. 6. quodlibetica, littera L. & in 1. dist. 8. q. 2. littera F. vbi attributa, quasi proprietates, & proprias essentiæ passionem esse affirmat. Proprietates autem naturæ cum ipsam consequantur rationem eius formalem non ingrediuntur.

Probatur conclusio ex Damasceno, libro primo, capitul. 4. Vbi sic ait. Si iustum, si bonum, siquid tale dixeris,

neris, non naturam dicis Dei, sed quæ circa naturam: sed per iustum, bonum, & similia intelliguntur perfectiones attributales: omnem adum intellectus præcedentes: ergo perfectiones attributales non sunt ipsa diuina essentia: quia quæ circumstant essentiam & ipsam consequuntur, non sunt essentia ipsa formaliter, nec sunt de ratione essentia, quam circumstant.

2 Proba. Item August. 15. de Trinit. c. 6. Si dicam æternus, immortalis, iustus, bonus, beatus, spiritus, horum omnium nouissimum, quod posui, videtur significare substantiam, cætera vero huius substantia qualitates: ergo attributa non ingrediuntur naturam, & essentiam Dei, sed eam consequuntur.

3 Proba. Præterea. Deus ex natura rei est formaliter Deus deitate, non tamen misericordia, aut iustitia, vel aliquo alio attributo, nec deitate est sapiens: ergo inter essentiam, & attributa est aliqua distinctio ex natura rei. Probatur consequentia: quia impossibile est duo contradictoria verificari de eodem sub eadem ratione, & respectu eiusdem: aliter enim esset falsum primum principium: sed de Deo verificatur ex natura rei, quod sit Deus deitate, & quod non sit Deus iustitia: ergo iustitia & deitas, ratione quarum de Deo verificantur illa duo contradictoria, non sunt omnino idem ex natura rei. Et confirmatur: quia, sicut contradictio fundata in entibus rationis concludit distinctionem rationis; ita contradictio fundata in entibus ex natura rei concludit distinctionem ex natura rei. Et hoc est medium generale ad probandum distinctionem ex natura rei inter attributa inter se & ab essentia, & à relationibus, &

inter intellectum, & voluntatem diuinam, quæ ex natura rei sunt principia diuersarum productionum.

Sed contra istam conclusionem, *Arguitur contra conclusionem. 1. argum.* ut magis eius veritas elucescat, arguitur multipliciter. Primo. Essentia diuina, vt essentia diuina, includit totam perfectionem diuinam: sed tota diuina perfectio consistit in omni perfectione simpliciter: ergo essentia diuina includit in sua formalitate omnem perfectionem simpliciter, & per consequens attributa. Consequentia tenet: probatur maior ex Damasceno, libro primo, capitulo duodecimo, dicente. Videtur quidem principalius omnium, quæ de Deo dicuntur, nomen esse, qui est. Et subdit. Totum enim in se comprehendens habet esse, velut quoddam pelagus substantia infinitum: ergo includit omnem perfectionem. Minor probatur: quacunque enim perfectione simpliciter exclusa non habetur totalis perfectio. Et confirmatur ex Anselmo pro solo secundo, ubi ait. Deus est, quo maius excogitari non potest: sed quacunque perfectione simpliciter sublata à diuina essentia, vel ab aliquo attributo potest maius aliquid excogitari, vt puta entitas quædam continens istam perfectionem & omnes alias: ergo cum deitate aliquid maius excogitari non possit, sequitur, quod includit omnia attributa formaliter.

Secundo arguitur. Inquiri, aut diuina essentia, vt distincta à sapientia attributo, est sapiens, vel insapiens, vel non sapiens. *2. argum.*

Secundum & tertium non concedes: erit siquidem blasphemum illud concedere: dabis ergo primum. Tunc rogo, Vel diuina essentia est sapiens sapiens.

Mediū
vniuersa
le ad istā
dist. pro-
bandum.

sapientia attributo, aut alia. Si primū, ergo non distinguitur ex natura rei ab ea, imò nec cogitatione. Si secundum, dabis in Deo duas sapientias: quo etiam argumento conuincemus esse infinitas.

3. *Argu.* Tertiò perfectiones diuinę distinguuntur formaliter ex natura rei: ergo inter eas est relatio realis. Patet consequentia: quia distinctio est relatio, & est à parte rei, secluso actu intellectus per te: ergo est relatio realis. Consequens autem est, falsum: quia relatio realis non est, nisi inter extrema realiter distincta: ergo.

Responsio ad argumenta. Ad primi argumenti solutionem, quod' sit' obijcit Scotus, qđ. 1. quol. obseruandum est, quod in diuinis aliquid dicitur infinitum formaliter bifariam. Vno modo, quia habet infinitatem primariam & radicalem respectu omnium, quę sunt in diuinis.

Ad primum.] Secundo, quia habet infinitatem formalem nō tantū primariam. Primo modo sola diuina essentia est formaliter infinita primo & radicaliter: quia ab ea quasi dimanant & pullulant, vt ita loquar, omnes diuinę perfectiones. Est enim ipsa prima entitas absoluta in diuinis: qua alia prior etiam formaliter tantū excogitari non potest, vt acutē satis probat Scotus vbi supra: & ipsa est veluti radix omnium perfectionum diuinarum. Itaque in primo signo naturę, vel rationis consideratur diuina essentia, vt prior attributis: in secundo signo intelliguntur quasi pullulare ab ea diuina attributa, vt quidam aiunt. Nunc dico ad argumentum concedendo maiorem, quod diuina essentia includit omnē perfectionem simpliciter vniuiuersē, & identicē: ita quod identicē est omnis perfectio in ente primo possibilis,

non tamen includit eas in sua formalitate & conceptu, nec est formaliter aliqua illarum.

Ad probationem ex Anselmo dicat, sat esse, qđ vniuiuersē & identicē contineat omnes perfectiones: & hoc sufficit dicto Anselmi. Et cum hoc diuina natura est infinitum pelagus efundi: quia est entitas formaliter infinita, & radix omnium perfectionū diuinarum.

Ad confirmationem dico, qđ non potest excogitari aliquid maius diuina essentia, quia ipsa cōtinet omnem perfectionem per identitatem, licet non formaliter. Sed dices. Excogitari potest entitas & natura, quę formaliter sit omnis perfectio simpliciter: ergo potest excogitari aliquid maius. Respondeo, negando antecedēs: repugnat enim ex natura rei dari entitatem aliquam, quę sit formaliter omnis perfectio simpliciter. Primò: quia illa entitas infinita, vel esset formaliter & radicaliter infinita, sicut diuina essentia, vel formaliter tantum, sicut iustitia diuina. Si primo modo non posset includere in sua ratione formali perfectiones attributales, qđ ab ipsa dimanarent: quia quod sequitur essentiam non includitur in essentia, quam consequitur. Si secundum, multò minùs: probatum enim manet attributa ex natura rei formaliter distinguat: ac per consequens vnū non includitur in ratione alterius.

Sed quæres, An diuina essentia, vt præcindit ab attributis, sit entitas formalis adeo perfecta, quod nulla alia maior excogitari possit? Respondeo affirmatiue: quia diuina essentia, vt sic concepta, habet unicam rationem formalem, qua maior sine repugnantia excogitari non potest. Sed contra

contra dicta obijcitur. Si diuina essentia, vt prior attributis, non includit ea, ergo est in potentia ad ipsa.

Obiectio. Respondeo negando consequentiam: albedo enim in lacte non includit dulcedinem, nec rationale, vt hominis differentia, includit animal, & tamen nec albedo est in potentia ad dulcedinē, nec rationale ad animal:

Solutio. Præterea: quia ratio formalis sapientia, & ratio formalis iustitia: secundū se sumptæ, etiam absq; in finitate vlla in eodem considerata, non sunt naturæ compositionem vllam efficere: quia neutra respectu alterius rationē potentia habere potest: nō enim sapientia est per iustitiam actuabilis, nec ē conuerso: ergo, si huiusmodi rationes formales in gradu infinito essent in Deo formaliter distinctæ cum summa identitate reali, quam ibi habent, nullatenus inter se compositionem efficerent, nec vna esset in potentia ad aliam. Sunt ergo diuinæ perfectiones inter se formaliter distinctæ, habentes se, sicut actus & actus in vltima actualitate, & determinatione formali ac summa identitate reali.

Sed obijcies. Deus, vt distinctus formaliter a sapientia, non includit illam: ergo est in potentia ad ipsam. Concesso antecedente, nego consequentiam: quia sicut deitas, vt sic, nō est actuabilis per sapientiam: ita nec Deus secundum suam formalitatem & quidditatem consideratus. Nam sicut deitas tantum est deitas, nec sapiens, nec inspiens: ita Deus secundum suam quidditatem præcisè acceptus solum est Deus, & nec est sapiens nec inspiens: quia nullum horum in sua ratione formali includit. Sed dices. Esse diuinum est perfectibile per sapientiam: ergo est in potentia ad

ipsam. Distinguit aliqui antecedens. Nam potest, inquit, esse diuinum intelligi perfectibile per sapientiam bifariam. Primò, tanquam quid non includens sapientiam perfectissimam identitate reali. Secundo tanquam quid includens illam perfectissimam identitate reali. Primo modo negant antecedens: secundo vero modo illud cōcedunt, sed negant consequentiam: quia implicat, inquit, aliquid esse idē alteri realiter perfectissima identitate reali, & quod sit in potentia ad ipsum. Caterum, quia perfectibile vt sic, potētiam ad perfectionem, per quam est perfectibile, importat: negandum arbitror antecedens. Non enim esse diuinū est perfectibile per sapientiam, sed perfectum. Dices, esse diuinum, vt prius sapientia non est perfectum per eam, ergo est perfectibile. Respondeo nullatenus concedendum esse, quod in illo priori, vel in alio instanti non sit perfectum esse diuinum per sapientiam: sed solum quod in illo priori non intelligitur perfectum per eam: quia illa intellectio est præcisua. Et si inde inferas: ergo in illo priori est non perfectum, vel intelligitur nō perfectum: fallaciam cōmittis: commutas enim abstractionem præcisuam, & non mendacem in diuisionem, & mendacem. Sed obijcies: Deus, vt idem re ipsa cū sapientia denominatur sapiens per formalitatem sapientia: ergo est in potentia ad eius effectum formalem, & ad ipsam formā. Respondeo, quod non denominatur per eam tanquam per formam informātem, sed solum tanquam per quidditatē dantem esse, omni seclusa imperfectioe. Nam sicut esse id, quo aliquid habet esse, nullam in suo conceptu in-

*Bifariam
aliquid
dicitur p
fectibile
per sapiē
tiam.*

cludit

cludit imperfectionē: ita esse quod, vel tale illo quo, nullam dicit imperfectionem. Præterea: quia Deus vt sic radicaliter, & quasi virtualiter & identice continet attributa, ideo non potest esse in potentia ad ipsa; quia potentia nunquam sic continet actum. Vide Scotum in primo, dist. 8. liter. X.

Ad secundum.

Secundum argumentum est Bartholomæi Torres, vbi supra, quo Scotum conuincere arbitratur: sed te vera nullam vim habet; ex ignorantia enim Metaphysicæ proficiscitur. Vnde respondeo, quod diuina essentia, præscindendo a sapientia, nec est sapiens, nec insapiens, nec non sapiens. Sicut enim equinitas secundum Auticennam tantum est equinitas, nec est alba, nec nigra, nec non alba: ita diuina essentia secundum te considerata tantum est essentia. Et sicut homo secundum suam essentiam consideratus nec est risibilis, nec irrisibilis, nec non risibilis, quia nullum istorum est de essentia & quidditate eius: nam si aliquid, maxime risibilem esse, quod tamen cum sit propria passio eius minime de eius essentia esse potest: ita diuina essentia in sua formalitate nihil illorum includit, nec aliquid illorum est formaliter.

Obiectio.

Solutio.
Contradictoria ab
soluere si
possumus a
eodem ve
rificari.

Sed dices. Sapientia & non sapientia contradicunt: ergo alterum necessarium est de quolibet verificari. Respondeo, quod contradictoria sumpta cum ly, per se, aut in quantum, aut secundum essentiam, non est necessarium ambobus non esse vera simul, vel falsa: possunt enim esse simul vera, vel simul falsa, vt docet Scotus in primo; distinctione secunda, quia non simpliciter contradicunt. Vt patet in his propositionibus, Homo vel est per se albus, vel per se non albus: vbi de homine

ambæ sunt simul falsæ, vt patet intuitu. Similiter quando comparantur ad naturam aliquam vltima abstractiōne abstractam non esse necessarium, quod alterum illorum contradictoriorum de ea verificetur: quia natura sic sumpta præcisè comparatur ad ea secundum suam quidditatem: ac proinde non dicitur de ea aliquid nisi ei insit in primo modo dicendi per se. Sicut humanitas, vt diximus, non est risibilis, nec irrisibilis, nec non risibilis: ita in proposito diuina essentia, nec est sapiens, nec insapiens, nec non sapiens.

Similiter respondeo ad illud, quod deinde obijcit Torres, vt puta, Sapientia diuina, vt distincta a diuina essentia, vel est Deus, vel creatura: Si Deus vel deitas, ergo sapientia est fortè maliter deitas, quod negas. Si verò non est Deus, ergo est creatura; & tunc habeo quod aliquid sit idem cum Deo, quod sit creatura. Respondeo, inquit, quod formaliter nec est Deus vel deitas, nec creatura propter rationem nunc assignatam: est tamen per identitatem realem Deus. Si dicas, quod omne ens vel est Deus, vel creatura, respondeo verum esse identice, vel formaliter: formaliter autem & quidditative, nego. Sicut enim vnus, quod est passio entis de se formaliter, ac quidditative nec est ens, nec non ens, vt infra controuersia vigesima prima dicemus: ita diuina sapientia, licet sit ens, tamen nec est formaliter Deus, nec creatura. Sicut homo de se, nec est albus, nec non albus, nisi de se esset albus, non posset esse non albus, & si de se esset non albus, non posset esse albus.

Ad solutionem tertij nota ex Basilioli Scoti discipulo in secundo, dist. 22, quæst. 4.

Distin-
ctio su-
mitur
multip-
liciter.

qua st. 4. artic. 2. quod distinctio sumitur multipliciter. Primò, prout opponitur identitati formaliter sumptæ: & hoc modo est relatio, sicut & ipsa identitas. Identitas enim eiusdem ad se ipsum relatio est, licet rationis. Secundò, ut opponitur unitati: & sic potest dicere uel priuationem unitatis, uel negationem tantum. Si dicat priuationem, importat carentiam unitatis eorum, quæ nata sunt facere unum: & hoc modo imperfectionem dicit, sicut & priuatio propriè accepta: Si autem dicat negationem unitatis aliquorum, quæ non sunt apta facere unum, sic ex ratione sua, nec imperfectionem, nec perfectionem importat, sed promiscuè dicit utrumque. Nam quandoque reperitur sine imperfectione, ut inter distincta tantum formaliter, quæ non sunt nata facere unum formaliter: quandoque uerò cum imperfectione, ut inter ea, quæ re ipsa distinguuntur, quorum alterum est in potentia ad alterum. Tertio sumitur distinctio prout opponitur potentialitati. In qua significatione dixit Philosophus 7. Metaphysic. quod actus distinguit & separat. Et sic nunquam dicit imperfectionem, sed vel dicit, vel saltem arguit perfectionem: quia dicit actum uel aualitatem rei actu existentis.

Nunc dico, quod si distinctio sumatur primo modo, in diuinis nulla est distinctio ex natura rei inter attributa, & essentiam: quia illa distinctio esset relatio realis, quæ non est, nisi inter extrema realiter distincta. Et quantum ad hoc bene dixerunt antiqui, negantes distinctionem ex natura rei in diuinis inter attributa. Si uerò accipitur distinctio secun-

do modo, prout dicit priuationem unitatis, dico, quod nulla est distinctio in diuinis, sicut nec priuatio, nec imperfectio. Et ratio est: quia quæcumque ibi nata sunt esse unum, sunt uerè unum ea unitate, qua nata sunt esse unum. Si uerò sumatur distinctio prout dicit negationem unitatis eorum, quæ non possunt habere talem unitatem, sic dico, quod in diuinis est distinctio ex natura rei secluso omni actu intellectus inter attributa inter se & essentiam: uerè enim à parte rei sapientia non est formaliter iustitia, nec iustitia est formaliter diuina essentia, nec è conuerso. Distinctio ergo hæc solum dicit inter aliqua negationem unitatis formalis, sine aliqua relatione reali inter ea. Quamobrem Scotus hanc distinctionem vocat non identitatem formalem.

Respondendo ergo ad argumentum, nego consequentiam. Et quando dicis, quod distinctio est relatio, similiter nego: patet enim quod non est uerè de distinctione sumpta pro negatione identitatis formalis. Ratio autem, ob quam inter attributa, & ea, quæ solum formaliter distinguuntur, non oritur distinctio realis, est, quia relatio realis ex natura rei requirit extrema realiter distincta, ut docet Scotus in 1. dist. 3. cuiusmodi non sunt ea, quæ solum formaliter distinguuntur. Sed obijcis mihi Scotum in eodem 1. dist. 26. & in 2. dist. 25. dicentem, voluntatis, ut mouentis ad se ipsam ut motam, esse relationem realem, cum tamen extrema non sint re ipsa distincta.

Respondeo, quod ad relationem realem requiritur extrema re ipsa distinguui, vel saltem, quod relatio insit ratione

G

aliquo,

Respon-
ad argu.

Vocatur
à Scoto
ista disti-
ctio non
identitatis
for alia

*Quo pos-
sit esse di-
stinctio
reale e-
iusdem ad
se ipsam.*
alicuius tertij ab extremis realiter di-
stincti: sicut ratione motus realiter di-
stincti à voluntate inest voluntati, vt
in mouenti, relatio realis ad se ipsam,
vt motam.

AD ARGUMENTA in principio controuersia posita.

*Ad pri-
mum.*

AD primum dico, quòd axio-
ma illud commune, In diuinis
omnia sunt vnum, vbi non obuiat
relationis oppositio, intelligitur de
identitate reali non formali. Primam
concedimus nos in diuinis inter at-
tributa & essentiam: secundam verò
negamus.

*Ad secun-
dum.*

Ad secundum nego antecedens.
Et ad probationem neganda est ma-
ior. Causa enim obquam vna distin-
ctio est maior alia, non est eo, quòd
per magis aut minus intima fiat: sed
absolute loquendo illa est maior di-
stinctio, quæ infert aliam. Quia verò
distinctio realis infert distinctionem
formalem (quæ enim realiter distin-
guuntur, necessum est, vt & formaliter
distinguantur.) Distinctio autem,
formalis non infer ex vi sua realem,
sed cum identitate reali est compos-
sibilis (vt patet in diuinis, & in ho-
mine ac risibilitate, quæ secundum
Doctorem subtile sunt re ipsa idè,
formaliter tamen distinguuntur) pro-
inde distinctio formalis est minor di-
stinctione reali. Et confirmatur: quia
cum distinctio vnitati videatur op-
poni, illa erit maior, quia res magis
ab vnitate recedit: illa verò minor,
qua posita maior seruatur vnitas.
Cum ergo distinctio realis faciat re-
rum pluralitatem, distinctio verò for-
malis vnitatem non destruat realem,

sed cum summa vnitate reali sit com-
possibilis, sequitur necessario, hanc
esse illa minorem.

Ad tertium dico ad maiore, quòd
inferiora vniri in superioribus potest
bifariam contingere. Primò virtua-
liter, & eminenter, non formaliter.
Et sic vnuntur in luce solis siccitas &
caliditas, in qua continentur virtua-
liter: quia potest eas producere, &
efficere id, quòd illæ in suis proprijs
naturis existentes efficere poterant
non tamen sunt formaliter in sole,
nec in luce solis: quia tunc sol esset
formaliter calidus, & siccus, quòd à
vera Philosophia est alienum. Nec
lux est formaliter siccitas, nec calidi-
tas, nec è conuerso, vt intuenti patet.
Secundò, inferiora & dispersa in re-
bus inferioribus possunt vniri in ali-
qua re superioris ordinis, sic, quòd
maneant, & sint in ea formaliter: si-
cut veritas, & iustitia dispersæ atque
re ipsa in rebus creatis distinctæ uniū-
tur in Deo in identitate reali, & ma-
nent in suis proprijs formalitatibus:
sunt enim in Deo formaliter.

Nunc dico ad argumentum, quòd
ea, quæ uniuntur in superioribus,
primo modo sunt ibi omnino indi-
stincta re & ratione formali: nam ca-
liditas, & siccitas in luce sunt ipsa
lux omnibus modis. Quæ uerò uniū-
tur secundo modo sat est, quòd effi-
ciantur omnino vnum, & idem uni-
tate & identitate reali, licet non for-
mali. Imò quia manent in suis for-
malibus rationibus necessum est, in-
ter se se formaliter distingui. Si enim
caliditas, & siccitas in sole essent for-
maliter, absque dubio essent forma-
liter distinctæ, et si de vnitate reali es-
sent idem. Quamobrem perfectio-
nes simpliciter, quæ in creaturis re
ipsa

*Stabilitiss.
mū ad fi.
et Scot.
corroborare
no posse.*

ipsa formaliter distinguitur in Deū translata sunt summa identitate reali idem, distinctæ tamen formaliter. Nec infinitas hanc distinctionem auferit, vt supra latè ostendimus. Si Caietanus præfatam distinctionem per cepisset in libro de ente & essentia, non tot verba multiplicasset: nec in nixus tam debili fundamento se Scoticum ædificium omnino euertere existimasset. Vnde ad eius argumentum, quò primam conclusionem Diui Thomæ probabamus, respondeo, concedendo maiorem, & negando minorem licet enim omnes perfectiones simpliciter sint in Deo formaliter, non tamen includuntur in ratione formali eius.

Ad probationem dico, quòd aliter & aliter adunantur diuina attributa in Deo, quum fecitas & caliditas in luce solari. Quia illa sunt in Deo formaliter, idemq. re ipsa cum eo, caliditas verò & fecitas solum sūt in luce solis eminenter, & virtualiter: ac proinde illa distinguuntur formaliter & non ista. Nec illa distinctio imperfectionem aliquam, imò perfectionem atque decorem maximum arguit, cum diuinam essentialitatem tot perfectionibus perfectissimis perfectam, & ornatam esse demonstrat.

*Ad quartum.
tum.
Nec ponitur
compositio in
Deo.*

Ad quartum, quò præcipue Thomæ inueniuntur, arbitantes, Scotū compositionem aliquam in primo ente simplicissimo concedere, respondemus negando consequentiam. Et ad probationem negamus cum illa distinctione summam simplicitatē esse impossibilem. Cum rursus obijcis, quòd sine illa distinctione esset maior simplicitas, id nego: nam cum distinctio formalis summæ sim

plicitati haudquaquam repugnet cum ea est composibilis. Soli ergo illi distinctio opponitur summa simplicitas, quæ compositionem, vel quæ compositionem, vel compositionem arguit: cuiusmodi est distinctio realis. Vnde obserua aliud esse loqui de summa unitate, aliud de summa simplicitate. Summa unitas excludit necessariò omnem pluralitatem & quæ pluralitatem summa verò simplicitas excludit omnem compositionem, & componibilitatem, cui formaliter opponitur. Ex quo duo inferuntur conclusaria. Alterum est, quòd omnino repugnat rem aliquam esse omnino impossibilem & impossibilem, & nō esse summè simplicem.

Alterum est, quòd cum distinctio formalis ex natura sua non inferat compositionem rei, in qua est, absq. dubio cum summa simplicitate est composibilis. Ratio autem ob quam formalis distinctio non inferat compositionem illa est, quia videlicet, cum perfecta identitate reali, & summa est composibilis, vt in Deo: perfecta autem identitas realis, & suprema omnem compositionem repellit: nam idem sibi ipsi componi non potest. Cum autem omnia, quæ sunt in diuinis in perfectam identitatem realem essentialitæ transeant, nō potest ibi esse compositio. Et præterea, quia in omni compositione siue per se, siue per accidens, Physica, vel Metaphysica altera pars ex componentibus est in potentia ad aliam, & ambæ in potentia ad esse totius, quòd participat in diuinis verò cum omnia sint ex se formaliter in vltima actualitate, ac summa, nihil est ibi, quòd rationem potentie respectu alterius induat.

Ratio, ob quam distinctio formalis non inferat compositionem assignatur.

Quod genus differentiæ essentialis compositionis provenit ex duplici cap.

Genus autem & differentiam facere compositionem ex duplici capite dimanat.

Primò, quia non sunt perfectè idè inter se: identitas enim eorum inter se, penes identitatem ad tertium, scilicet, speciem cui sunt idem, solummodo attenditur, quia seclusa re ipsa distinguuntur. Attributa verò diuina præter identitatem eorum ad essentiam, habent vnde sibi inuicem & cum essentia identificentur, vt puta, ex suis proprijs rationibus formalibus infinitis. Hæc enim est vis & natura infiniti extra genus, vt docet Scot. quol. 3. vt omne secum compositibile perfectissimè sibi identificet.

Secundo, genus & species faciunt compositionem: quia genus est in potentia ad differentiam, & ambo ad entitatem totius speciei, quam participant. In omni ergo compositione totius per se, vel per accidens reperies vnum, quod se habeat vt potentia, alterum verò vt actus. Cum ergo perfectissima identitas realis & vltima actualitas omnium, quæ sunt in diuinis istâ potentialitatē excludant, manifestè sequitur ibi nullā esse compositionē, ac per consequens esse ibi summam simplicitatem. Ita Scotus in primod. 8. quæst. 4. vbi docet non identitatem attributorum formalem composibilem esse cum summa simplicitate. Vide illum litera V. & de inceptis.

Obiectio. Sed obijcies, quòd licet cum distinctione formali seruetur in diuinis summa simplicitas, non tamen summa vnitas, quia hæc, vt diximus, omnem pluralitatem, & quasi pluralitatem, ac per consequens omnem distinctionem ex natura rei a se penitus abijcit.

Respondeo, quòd cum illa distinctione formali seruetur summa vnitas realis, sicut & summa simplicitas, quæ in aliquo fine vnitate reali esse nequit. Secundò saluatur in Deo vna ratio formalis obiectiua summa, quia maior absque repugnanti (vt supra diximus) excogitari non potest, in qua diuina attributa minime includuntur, non tamen seruari potest cum distinctione formali summa vnitas excludens pluralitatem etiam formalitatum: quia in diuinis (vt supra late probauimus) distinctio formalitatum reperitur. Sed nota, quòd talis vnitas non dicit perfectionem: aliter enim albedo esset perfectior angelo, cum pauciora formaliter distincta includat, quam angelus, vt patet.

Ponimus ergo, & concedimus in Deo summam vnitatem realem, & vnicam rationem formalem Dei infinitam, quia maior excogitari nequit: non tamen concedimus in Deo vnitatem excludentem omnem distinctionem formalitatum ex natura rei: quia hæc nec dicit nec arguit perfectionem aliquam, vt bene notat Leuchetus Scoti fidelissimus interpres. in primo, distinctione octaua, quaestione quarta, in responsione ad argumenta contra secundam conclusionem.

Sed quæret aliquis, An in diuinis sint concedendæ plures realitates & entitates formales, & plures formalitates. Respondeo, quòd absq. erroris periculo concedi potest, quia pluralitas formalitatum non est pluralitas simpliciter, sed secundū quid melius tamen ac proprius dici pōt, & concedi distinctio siue non identitas perfectionum & formalitatum.

Ad

Solutio.

In Deo est vna ratio formalis summa.

In finitū identificat sibi e se cū composibile.

*Ad quin-
tum.*

Ad quintum nego antecedens: illa enim causalis est falsa, quia de ratione in finitū formaliter extra genus nō est, quod in sua ratione formaliter includat omnem perfectionem simpliciter, sed quod illam includat per identitatem realem perfectissimam. Ad confirmationem nego paritatem rationis. Et ratio est: quia infinitas formalis vnius extremi non est composibilis cum distinctione reali eius ab altero extremo: bene tamen cum distinctione formali. Solutio est Scoti in primo, distinctione octaua, quaestione quarta, paulō ante solutionem ad argumenta principalia.

*Ad sex-
tum.*

Ad sextum respondet Scotus, quod Augustinus non negat eam distinctionem inter magnitudinem, & sapientiam, quam concedit inter deitatem, & paternitatem. Sed concedit Augustinus Deum eodem dici magnum, quo sapientem, non tamē eodem Deum, quo Patrem propter convenientiam triplicem, quæ est inter magnitudinem, & sapientiam: quæ tamen non reperitur inter paternitatem, & deitatem. Primo enim conueniunt magnitudo & sapientia, quia sunt perfectiones eiusdem rationis, id est, quidditatiuæ: deitas verō & paternitas non sunt perfectiones eiusdem rationis: quia essentia est perfectio quidditatiua, paternitas verō est ratio suppositalis.

Sed obserua, quod cū Scotus magnitudinem, & sapientiam appellat rationes quidditatiuas, non accipit propriè rationem quidditatiuam, sed largo modo; prout opponitur contra rationem suppositalem. Quod patet: nam ibidem dicit magnitudinem & sapientiam esse rationes, seu perfectiones quidditatiuas, quia quod ipsæ

perficitur, non perficitur eis tāquam rationibus suppositis.

Secundō conueniunt, quia sapientia, & bonitas sunt alio modo eiusdem rationis, ut puta, quia sunt perfectiones simpliciter: non sic deitas, & paternitas: paternitas enim (ut infra dicemus controuersia 17.) nō est perfectio simpliciter.

Tertiō conueniunt magnitudo, & sapientia: quia sunt eisdē, quasi identitate muru, & reali: quia vtraq; est infinita formaliter, propter quam infinitatem magnitudo est, idē realiter sapientia; & ē conuersio sapientia est eadem magnitudini. Deitas verō & paternitas non sunt idem identitate mutua: nam diuina essentia propter sui infinitatem identificat sibi paternitatem: & sic paternitas dicitur idē essentia: quia essentia eam sibi identificat. Paternitas verō cum non sit formaliter infinita, ut controuersia 17. dicemus, non habet ex sua ratione vnde sibi identificet essentiam: ac proinde nō dicitur essentia idem paternitati in rigore, sed ē conuersio: sicut genus dicitur proprius idem speciei, quam ē conuersio.

Propter hanc igitur convenientiam magnitudinis ad sapientiam, & ē conuersio, quæ non est deitatis ad paternitatem, concedit Augustinus non eodem dici Deum, quo Patrem, quia deitas, & paternitas præ dictam convenientiam non habent, eodem tamē dici magnum quo sapientem: Propter eandem rationem conceditur ab August. hæc propositio. Deus eodem est magnus, quo Deus, & ē conuersio. Et præterea, quia magnitudo est idem realiter deitati in tribus personis: paternitas verō solum est idem deitati in Patre.

*Eodem
dic^r quo
sapientis,
sed nō eo
de patre
quo De^s.*

ad 101

Ad septi
mam.

Ad septimum respondeo negando antecedens. Ad probationem concedo maiorem, & minorem, & consequentiam. Et quando rursus inferis: Ergo non datur distinctio formalis, nego consequentiam: illa enim potest dici realis, prout opponitur distinctio realis distinctioni habenti tantum esse per operationem intellectus, & rationis, licet improprie. Dicitur tamen formalis, ut distinguitur contra distinctionem rei à re, quæ communi vocabulo dicitur realis.

Præterea, sicut Thomistis licet distinctionem rationis dividere & distinguere in distinctionem rationis ratiocinantis, & distinctionem rationis ratiocinatæ: ita & scotizantibus licebit distinguere distinctionem ex natura rei in formalem, & in eam, quæ est inter rem & rem, quæ (vt dixi) communi nomine realis nuncupatur. Licet ergo distinctio formalis non sit absolute realis, & proprie, sed largo vocabulo, proprie tamen dici potest distinctio, seu non identitas ex natura rei, eo præcisè, quia secluso actu intellectus collatus est in rebus. Nunquam ergo distinctio formalis dicitur realis, nisi prout distinctio realis sit idem, quod distinctio ex natura rei. Et quia distinctio realis communiter sumitur pro distinctione inter rem & rem, nunquam distinctio formalis debet concedi realis, nisi explicatione adhibita.

Ad authoritates sanctorum, quæ adduci possunt significantes identitatem inter attributa, & essentiam diuinam, respondeo debere intelligi de identitate reali perfectissima.

PRIMA APPENDIX.
dubitatio.

Sed est dubium, quomodo possit saluari simplicitas diuina, si diuina essentia ponitur, vt fundamentum & radix attributorum, & attributa, quasi circumstare essentiam, videtur enim, qd se habent vt actus, & formæ respectu essentia.

Respondeo, quod forma in creaturis duo includit, quæ imperfectiorem dicunt. Alterum est, quod sit forma informans. Alterum verò, quod sit pars compositæ: aliquid tamen habet quod nullam importat imperfectiorem, sed consequitur eam, secundum suam rationem essentialem, siue formalem, vt puta, qd ipsa est, quo aliquid est tale. Exemplum. Sapientia in nobis est accidens, quod imperfectiorem est maxima: sed quod ipsa sit, quo aliquid est sapiens, nulla est imperfectio, imò est ipsa ratio essentialis sapientia. In diuinis ergo non est forma secundum illam duplicem rationem: quia nec forma informans, nec pars. Est tamen ibi sapientia in quantum est id, quo Deus, in quo ipsa est, est sapiens, & hoc non per aliquam compositionem sapientia ad aliquid, quasi subiectum: sed per veram identitatem, qua sapientia propter sui infinitatem est perfecte idem cuilibet, cum quo nata est esse.

Sed obieciēs. Quomodo aliquid formaliter est sapiens sapientia, si sapientia non est forma eius informans? Respondeo optime id fieri posse. Homo enim est humanitate homo, tanquam forma sibi adæquata, & tamen non informat eum. Similiter corpus dicitur animatum, quasi denominatiue, quia anima est forma

Que saluatur diuina simplicitas.

Forma 3 creaturis duo dicitur quæ imperfectiorem importat.

Obiectio.

forma eius ; homo verò dicitur a natus nū denominatiue, sed eſſentialiter, cum tamen anima non ſit forma informans hominem, ſed corpus; ergo ad hoc, vt aliquid dicatur tale per formam, non eſt neceſſariū, quod illa forma ſit informans, nec quod ſit pars, quia equitas eſt forma equi & tamen non eſt pars eius, ſed tota natura equi. Sed aduerte, quòd, licet perfectiones diuinæ de Deo enūtiuntur in concreto (nam Deus ſapientia eſt formaliter ſapiens, & iuſtitia iuſtus) non tamē de ſe inuicem efferuntur in abſtracto formaliter, nec vna in concreto dicitur de alia in abſtracto; nam nec ſapientia eſt formaliter iuſtitia, nec iuſta : nec deitas eſt formaliter iuſtitia. Imò, ſi Deus ſecundum ſuum eſſe quidditatiū conſideretur, nec eſt ſapiens, nec inſapiens, nec non ſapiens: quia in ratione formali, ac quidditatiua Dei nullum horū formaliter includitur. Dere autem ſecundum ſuam quidditatem accepta nō dicitur id, quod in eius quidditate non includitur. Nam licet homo ſit riſibilis, cæterum ſecundum ſuum eſſe quidditatiū conſideratus nec eſt riſibilis, nec iriſibilis, nec nō riſibilis, vt ſupradiximus. Et quamuis perfectiones diuinæ de Deo efferantur formaliter in concreto, non tamen ibi ratio formæ informantis eſt conſideranda. Quia cum forma (vt diximus) habeat duo, vt puta informare & dare eſſe per modum quidditatis, primum ab omni eo, quòd in diuinis eſt ſecluditur: ſecundum verò rationibus attributorum formalibus conceditur: quia hoc nullam ex ſe dicit imperfectionem. Et ſicut eſſe id, quo alterum eſſe habet, nullam imperfectionem

importat, quia competit quidditati, vnde quidditas eſt: ita nec eſſe quod per illud imperfectionem dicit. Quod patet: nam ſi illam includeret, Deus deitate non eſſet Deus, nec ſapientia ſapiens. Nota iſta bene, & inſuper ea, quæ dubio ſequenti dicturi ſumus, vt facili perſpicias immeritò Thomiſtas nobis cum furore occurrere acclamantes noſtram ſententiam in Deo compositionem conſtituere. At certe, ſi bene vtraque ſententia examinetur, conſtabit vtiq; Scotum naturam extollere diuinam, cum tot perfectiones diuinæ ſecundum proprias rationes formales perfectiſſimas, omni compoſitione ſe mota inter ſe diſtinctas, ſeu non eadem formaliter in Deo conſtituit.

SECUNDA APPENDIX. dubitatio.

Sed eſt aliud dubium ad maiorem huius quæſtionis elucidationem, An eſſentia diuina, & relatio poſſint concurrere ad conſtitutionem perſonæ diuinæ, quæ eſt vnum per ſe, quin neutrum ſit actus alterius? Et videtur, *h. Argum.* quod non: quia quæ ſunt aliquo modo diſtincta, non poſſunt ſecundum Philoſophum efficere vnum per ſe, niſi per rationem actus, & potentia: ergo ſi eſſentia diuina, & relatio conſtituunt perſonam diuinam per ſe vnam, neceſſum eſt, vt alterum habeat rationem potentia, alterum verò rationem actus.

v. Argum.
Secundò. Quando duo concurrunt ad conſtitutionem alicuius, neceſſum eſt, alterum in alio eſſe: nam ſi vnum non eſt in alio, vtrumque erit per ſe ſubſiſtens: & ita non poterunt ambo eſſe in vno per ſe ſubſiſtente;

*Esse id
quo a-
liud ha-
bet esse
ex ratio-
ne ſua nō
dicit im-
perfectio-
nem*

stente: ergo si relatio & essentia sunt in persona diuina, necessario vnum est in alio: ergo alterum habet rationem potentiae respectu alterius: ergo:

3. *argum.* Tertiò, Pater & Filius conueniunt in essentia diuina, & distinguuntur per paternitatem, & filiationem: ergo paternitas & filatio sunt actus essentie diuinæ: quia actus distinguens est actus eius, quod non distinguit: sicut rationale distinguens hominem ab equo est actus animalis, quod non distinguit hominem ab equo, sed conuenit in illo cum eo: ergo a simili in proposito paternitas distinguens Patrem a Filio erit actus essentie, in qua Pater & Filius conueniunt.

Nota. 1. Pro intelligentia huius difficultatis, quam tractat subtilis Doctor in primo, dist. 5. qñ. 2. obseruandum, in quidditate creata tria considerari. Primum, quod ipsa est id, quo aliquid est ens quidditatiuè: sicut homo humanitate est quidditatiuè homo & equus equinitate equus. Esse autem id quo aliquid sit quidditatiuè ens, nullam dicit imperfectionem: quia competit quidditati ex ratione quidditatis formalis. Quidditati autem ut sic, nihil imperfectionem inuoluens potest inesse, quia tunc deitati conuenire non posset, quod tamen est falsum: deitas enim est id, quo Deus est Deus. Nam sicut homo humanitate est homo, ita Deus deitate est Deus.

2. *Constatum.* Secundum, quod in quidditate creata consideratur, est, quod cum ipsa sit imperfecta actualitatis, est diuisibilis per id, quod ipsam ad esse indiuidui contrahit, ut puta, per differentiam indiuidualem, & per personalitatem si eius est capax. Nam, sicut genus est diuisibile per differentias specificas,

ita natura specifica creata est diuisibilis per differentias indiuiduales. Et sicut genus est actuabile, & contrahibile per differentiam specificam, ita natura specifica est actuabilis & contrahibilis per differentiam indiuidualem, & natura suppositibilis est ulterius per propriam supposititalitatem actuabilis. Vnde personalitas Socratis non solum est id quo Socrates est, Socrates, sed etiam respectu nature Socratis se habet ut actus ad potentiam. Hoc secundum, quod in quidditate creata reperitur, imperfectionem ponit in ea, ut puta, potentialitatem.

Tertium, quod in quidditate creata consideratur, est quod ipsa est actus quidam eius, cuius est, sicut & id, per quod contrahitur. Sed comparando utrumque actum inter se, quidditas ipsa est actus perfectior, quam differentia indiuidualis ipsam actuans & contrahens: quia illa est actus quidditatiuus, hæc autem indiuidualis vel suppositalis. Verum aduertendum est maxime, quod cum hæc ad diuina transferimus, oportet secludere omnem imperfectionem, & id quod perfectionem importat, ibi constituere. Quo ad primum ergo, quod in quidditate creata reperitur, conuenit cum ea quidditas diuina seu deitas: deitas enim est id, quo Deus est Deus, & quo Pater æternus, cuius personalis proprietas est paternitas, est formaliter Deus. Sicut enim homo humanitate est homo, & equus equinitate est equus: ita Deus deitate est Deus. Neque esse id, quo aliquid est ens quidditatiuè imperfectionem aliquam inuoluit, cum quidditati, unde quidditas est conueniat. Quidditati autem, ut sic, nihil imperfectionis annexitur.

Quoad

In quidditate creata tria considerantur. Primum

3. consideratum in quidditate creata

Sicut homo humanitate est homo ita Deus deitate est Deus.

Quoad secundum est dissimilitudo inter deitatem, & quidditatem creatam: quia deitas ipsa per proprietates personales diuinas non determinatur, nec contrahitur, nec actuat, nec aliquo modo modificatur: quia actuari, & contrahi imperfectionem arguit, reputa, potentialitatem, quæ longè est à natura diuina: Ratio huius est, quia deitas de se est hæc & singularis, ac per se existens: ita quòd singularitas & per se existentia sunt de conceptu eius formali, & essentiali: ac per consequens ex se habet vltimam vnitatem. Et sicut ex se habet vltimam vnitatem, ita ex se habet vltimam actualitatem: propter quòd actuari, & contrahi non potest. Paternitas ergo in Patre ita est proprius actus personæ Patris, quòd nullo modo est actus ipsius naturæ diuinæ aliquo modo ipsam perficiens vel informans.

Quantum ad tertium aliquo modo est simile inter naturam diuinam, & relationem ex vna parte, & quidditatem creatam, & differentiam indiuidualem eius ex alia. Quia sicut quidditas creata, & eius singularitas, sunt duo actus, alter quidditatus, alter verò indiuidualis, & proprius: ita diuina essentia est actus quidditatus diuinæ personæ, quòd quidditativè est Deus. Relatio verò est actus personalis, & ille est communis, iste verò proprius. Et insuper essentia diuina est actus infinitus ex sua ratione formali, relatio verò diuina non est actus formaliter infinitus ex sua ratione, licet non sit finitus: est tamen in finitus per identitatem ad essentiam. Sed est differentia & dissimilitudo: quia actus quidditatis creatæ, scilicet singularitas, vel personalitas

actuatur, & determinatur ipsam quidditatem: non tamen relatio diuinam essentiam, ut paulò ante diximus. Ex his collige malè & ineptè satis loqui modernos aliquos Doctores, qui diuinam essentiam per relationem determinari, & modificari aiunt.

Secundò obserua, quod vnitatem compositi, siue per se, siue per accidens, necessestario confurgit, secundum Philosophum 7. & 8. Meta. ex ratione actus, & potentie. Quòd videre est in composito per se physico, & Metaphysico. Compositum naturale constat ex materia & forma: materia autem rationem potentie habet in ordine ad formam: forma verò rationem actus in ordine ad materiam. Et ita ex utroque vnitatem per se compositi naturalis resultat: quia materia est per se potentia, & forma per se actus. Compositum autem Metaphysicum ex genere, & differentia constituitur: sed genus rationem potentie in ordine ad differentiam habet, & differentia rationem actus in ordine ad genus. In composito verò per accidens id ipsum est satis manifestum: ex subiecto namque & accidente efficitur vnum per accidens: ubi subiectum rationem potentie obtinet, accidens verò rationem actus. Et quia subiectum non est per se potentia, nec accidens per se actus, ex ipsis vnum non per se, sed per accidens resultat. Nunquam ergo ex pluribus efficitur vnum compositum, nisi illa rationem actus, & potentie habeant. Ex quo infertur, quòd quando inter aliqua duo tertium constituentia non est ratio actus & potentie, ibi nulla erit compositio, nec quasi compositio. Hoc notabile ab omnibus philosophis conceditur.

Tertiò obserua, quod in omni composito

2. Nota.
Vnitatem
compositi
necessestario
est
ex actu
& poten
tia.

3. obserua.

Deitas
de se hæc
& singu
laris.

*Partes cō
ponentes
nūquam
sunt per
fecte idē
inter se.*

posito partes componentes non sunt inter se idem perfecta identitate reali. Hoc satis constat in cōposito physico, & in cōposito per accidens. Cōpositum enim physicum ex materia & forma conficitur, quare ipsa distinguuntur inter se. In cōposito verò per accidens id ipsum satis patet, quia accidens saltem commune re ipsa a suo subiecto distinguitur. In cōposito verò metaphysico partes componentes, ut puta, genus & differentia licet sint idem realiter ratione speciei, cui identificantur, ceterum non sunt perfecte idem realiter: quia si identitas illorum ad speciem secludatur, non habent ex suis rationibus vnde identificentur. Propter quod hæc propositio est falsa, Animalitas est rationalitas: quia per abstractionem vltimam, qua abstracta sunt, secluditur ab eis identitas ad speciem, ratione cuius hæc affirmatiua erat vera, Animal est rationale, vel e conuerso, manentque in suis rationibus formalibus præcisīs: quarum neutra habet, vnde aliam sibi identificet, quia neutra est infinita. Ac proinde affirmatiua illa est falsa: quia affirmatiua nō est vera nisi propter identitatem extremorum inter se, quæ sublata, ut in prædicta propositione, manet falsa. En quomodo partes componētes aliquid nunquā sunt perfecte idem realiter. Et ratio est, quia si essent idem perfecta identitate reali, ita quod quodlibet in alterius identitatem realem perfectam transiret, non possent ad inuicem aliquid componere: quia idem non cōponitur cum se ipso, nec cum se ipso componit aliud. Ita tenet subtilis Doctor in 1. d. 5. q. 2. iter. L. & in quolib. quæst. 5. lit. O. & in libello de primo

principio capit. 4. in probatione prima conclusionis. Dices forsitan, sufficere distinctionem formalitatum ad compositionem, quia genus & differentia etsi sint idem, ob distinctionem tamen formalem inter ea, componunt speciem. Respondeo, distinctionem formalem inter aliqua non sufficere ad compositionem, licet cū ea sit compoſibilis. Vnde ex distinctione formalī aliquorum non licet inferre compositionem. Nec genus & differentia efficiunt compositionem, quia distinguuntur formaliter, sed quia non sunt perfecte idem secundum rem. Propter quod vnum habet rationem potentiae, alterum verò rationem actus. Quando igitur aliqua sunt perfecta identitate reali idem, licet rationes formales sint distinctæ ex natura rei formaliter, nulla ibi est cōpositio, nec quasi cōpositio. Nam ratio formalis vnius cum præcise, dicat eius quidditatem, quia abstrahit ab ijs, quæ ei in primo modo dicendi per se non insunt, nullo modo rationem potentiae respectu rationis alterius habet, nec rationem actus perficientis alteram: præsertim si sunt rationes formales perfectæ & completæ, ut ratio misericordiae, & ratio iustitiæ. Ratio enim iustitiæ formaliter sumpta in ordine ad rationem formalem misericordiae, nec rationem potentiae, nec rationem actus perficientis ipsam habet. Vbi ergo misericordia, & iustitia perfecte identificantur, ut in Deo, non est in eis vnde compositionem efficere queant, præsertim cū posita tali identitate reali perfecta, quodlibet ibi existēs sit in vltima vnitatem & actualitate: propter quod nihil ibi rationē potentiae habere potest ad compositionem

Obiectio.

Solutio.

tionem

*Orti-
tūdera-
no.* tionem requisitā. Attende ergo, d-
Scot. sta, & perscrutare diligenter, qđ
supposita identitate reali perfecta in-
ter aliqua, ibi nulla potest interueni-
re compositio, etsi non identitas for-
malis inter ea reperiatur. Quia tunc
illa manent præcisè distincta, secun-
dum suas quidditates & rationes for-
males, quæ ut sic non possunt ad in-
uicem rationem actus & potētia ha-
bere, sed præcisè se habent inter se &
ad omne compositibile cum eis, sicut
actus, & actus. Quocirca compositi-
tionem efficere nequeunt.

*Not. 4
Vñmūl
tripliciter
accipitur* Quartò obserua, quod vnum est
multiplex. Aliud est vnum per com-
positionem: & hoc est duplex, aliud
est vnum per se, aliud verò per acci-
dens. Aliud est vnum per aggregatio-
nem, sicut aceruus lapidum, vel cu-
mulustritici. Aliud est vnum vnitatem
identitatis, seu simplicitatis. Vnum
secundum compositionem per acci-
dens est illud, quod ex substantia, &
accidente componitur, ut homo al-
bus. Quod diu importat, ut puta, or-
dinem essentialem inter partes com-
ponentes: qui ordo ex natura ipsarū
partium proficiscitur. Substantia e-
nim, ex sua natura necessario est prior
accidente, ut docet Arist. 7. Metaph.
text. comm. 4. Importat etiam infor-
mationem vnus partis ad aliam: sic
quod vna est actus informans aliam,
ut potentiam, ut puta, accidēs ipsam
substantiam. Per hæc duo distingui-
tur vnum per accidēs secundum cō-
positionem ab vno secundum aggre-
gationem: nam partes vnus per ag-
gregationem, nec habent ordinem
essentialem inter se, nec vna alteram
informant, sed oēs sunt in actu. Ut vi-
dere est in aceruo lapidum: vbi lapi-
des, nec ordinem prioris & postero-

ris essentialem inter se habent, nec
vnus respectu alterius rationē actus
informantis induit, suntque inter se
re ipsa distincti. Vnum autem per se
vnitate compositionis illud est, quod
ex per se actu, & ex per se potentia
constituitur, sic, quod eius partes ita
se habent, quod vna est, per se poten-
tia, altera verò per se actus: sicut ac-
cidit in composito physico & meta-
physico. Et insuper habent ordinem
essentialem inter se. Per primam con-
ditionem vnum per se secernitur ab
vno per accidens: quia vnum per acci-
dens non componitur ex per se po-
tentia & per se actu, cum pars, quæ
in eo rationem actus habet, sit actus
accidentalis. Vñ verò vnitate iden-
titaris & simplicitatis est illud, in quo
omnia, quæ in ipso reperiuntur, sunt
perfecta identitate reali idem, nec in
eo est aliquid quod rationem poten-
tiæ respectu alterius habeat: sed om-
nia ibi sunt & se habent sicut actus &
actus perfecti in vltima vnitatem & ac-
tualitate, per quæ distinguitur ab v-
no per se vnitate compositionis: in
quo aliquid habet rationem poten-
tiæ respectu alterius, nec sunt perfe-
cta identitate reali idem.

His ita constitutis sit prima conclu-
sio. Essentia & relatio in diuinis non
efficiunt vnum vnitatem per se vel per
accidens secundum compositionem,
nec vnum per aggregationem. Pri-
ma pars probatur: quia vnitas com-
positionis intrinsecè imperfectionem
importat, scilicet, potentialitatem, ut
ex nunc dictis patet. At in diuinis
nulla imperfectio est admittenda: er-
go vnitas secundum compositionem
non est in diuinis. Et confirmatur:
quia compositio repugnat summæ
simplicitati, sed Deus est summè sim-
plex

plex secundum fidem, quod & docet Scotus in 1. dist. 5. q. 2. lit. 1. & dist. 6. q. 1. ergo, &c. Secunda pars probatur: quia unitas per aggregationem excludit partium identitatem realem: at diuina essentia, & relatio sunt summa identitate reali idem: ergo, &c.

2. *Concl.*

Secunda conclusio. Essentia diuina, & relatio sunt non idem formaliter ex natura rei, nullatenus compositionem, vel quasi compositionem efficiunt. Conclusio est Scoti in 1. dist. 5. q. 2. lit. 1. Vbi sic ait. Qualiter autem stat, quod ratio relationis in re non sit formaliter eadem rationi essentiae, & tamen in eodem concurrentes non constituent compositionem vel compositionem, hoc est, quia ista ratio est eadem perfecta illi. Perfectio enim identitatis excludit omnem compositionem, & quasi compositionem: quae identitas ex infinitate essentiae prouenit. Haec Scoti Conclusio ergo est vera. Et ratio est: quia inter essentiam, & relationem est perfectissima identitas realis. Nec non identitates suarum rationum formalium potest veritatem conclusionis impedire: quia posita perfecta identitate reali inter relationem, & essentiam solum manent secundum suas quidditates & rationes formales, quae ut sic non sunt componibiles. Vna enim ratio formalis alicuius quidditatis, ut sic, non potest habere respectu alterius rationem potentiae. Praesertim cum in diuinis istae rationes formales sint in Deo secundum ultimam unitatem & actualitatem. Quocirca essentia, & relatio non se habent, sicut actus, & potentia, sed sicut actus, & actus in ultima unitate, & actualitate propria existentes. Nec essentia actuatur per relationes, nec e conuerso, ut notabili primo ostendimus.

Idem dicendum de attributis inter se, & cum essentia. Posita ergo in diuinis perfecta identitate reali, & ultima unitate, & actualitate eorum, quae ibi sunt, secluditur necessario ratio potentiae, & per consequens omnis compositio, & quasi compositio: nec ibi ratio formae informantis, sed praecise quidditatis dantis esse reperitur omni compositione semota. Nam sicut Deus deitate est Deus absque informatione per deitatem, ita sapientia sapiens, & iustitia iustus.

Tertia conclusio. Relatio & essentia constituunt unum unitate identitatis & simplicitatis summe: ita quod persona diuina est ita simplex per exclusionem compositionis, & quasi compositionis, sicut ipsa essentia diuina secundum se accepta. Haec conclusio ex praecedentibus satis colligitur, & eam tenet Scotus ubi supra. Cuius haec sunt verba. Persona in diuinis non est composita, nec quasi composita: sed est simpliciter simplex, & ita vere simplex, sicut essentia ipsa secundum se considerata nullam habens compositionem, nec quasi compositionem in se: & tamen ratio formalis relationis non est ratio formalis essentiae, nec e conuerso. Haec Scotus. Sed cum dicit personam diuinam esse simpliciter simplicem, non vult asserere, quod persona diuina non resoluitur in duos conceptus, alterum essentiae, alterum vero relationis. Sed solum voluit significare eius summam simplicitatem, quoad exclusionem omnis compositionis & quasi compositionis.

Ad argumenta. Ad primum concedo illud antecedens, si loquamur de vno sum compositionem: falsum est in loquendo de vno unitate identitatis, & singularitatis, sicut accidit in proposito.

Ad

3. *Concl.*

Optime declaratur in 2. q. 2. Scoti.

Ad secundum.

Ad secundum respondeo primo, quod relatio est in essentia ut in suo fundamento & radice: sed non ut actus in potentia, sed ut identice contentum in pelago infinito essendi.

Secundo dico, quod omnes istae sunt verae: deitas est in Patre, paternitas est in Patre, Pater est in deitate: sive in natura diuina, paternitas est in deitate, & tamen nullum est ibi in alio, ut actus in potentia. Nam prima, scilicet deitas est in Patre, est vera, sicut natura est in supposito habente esse quidditatum per ea, quod competit quidditati, unde quidditas est:

ac proinde nullam dicit imperfectionem, nec est in supposito ut forma in formans, quia quidditas etiam in creaturis non informat suppositum, humanitas enim Petri non informat Petrum. Secunda, scilicet, paternitas est in Patre, est vera: sicut forma hypostatica est in hypostasi, nec informat ipsam. Quia tam quidditas, quam forma hypostatica etiam in creaturis, licet sit forma suppositi, non tamen formans suppositum: sed in creaturis est quasi pars, in diuinis verò, quasi una ratio formaliter ad idem simplex, sed habens in se plures rationes formales. Tertia, scilicet, Pa-

ter est in deitate, est vera ad modum, quo suppositum est in natura, ut Petrus in humanitate, licet non ut forma informans, ut de se patet. Quarta, paternitas est in deitate, est vera eo modo essendi, in quo est suppositum in natura, licet non per se primo, sed per se: quia quo modo totum est in aliquo primo, eodem modo est pars in eo, licet non primo. Sed optima est prima responsio, scilicet, quod paternitas est in deitate, sicut in fundamento. Qui modus essendi non reducitur ad esse formae in materia, nisi ubi fundamentum est limitatum, in tantum, quod non habet perfectè per identitatem relationem in se.

Ad tertium dico, quod relatio est actus personalis, non autem quidditativus, quia non distinguit quidditatiue, sed personaliter. Essentia vero est actus quidditativus, quo Deus a creaturis quidditatiue distinguitur. Nec personalitas est actus essentiae, quia non distinguitur, nec actuatur, nec determinatur per eam, ut supra diximus. Actus ergo distinguens est actus eius, quod non distinguit, quando per talem actum distinguitur, & actuatur, quod non est in supposito.

*Ad tertium.**Propositiones notanda.*

CONTROVERSIA QVINTA

Verum in diuinis sit ordo naturæ.

1. Argu.

PR

A R S negatiua probatur: quis quidquid ordinatur, distinguitur: sed natura in diuinis non distinguitur: ergo non ordinatur: ergo non est ibi ordo naturæ.

2. Argu.

Secundo. In quibuscumque est ordo naturæ, vnum est prius alio, secundum naturam. saltem esse in diuinis personis nihil est prius & posterius secundum Athanasium in suo Symbolo: ergo in diuinis personis non est ordo naturæ.

Si recte aduertatur: mens vtriusque D. Tho. & Scot. p. eius in nomine quæ in re dissentit.

In hac quaestione videtur esse dissensio inter Diuina Thomam & Scotum: quia D. Tho. 1. p. q. 42. artic. 3. lib. 2. c. 1. assertat ordinem esse in diuinis, negatamen ibi esse prioritatem aliquam, & posterioritatem inter diuinas personas. Scotus vero locis infra citandis ordinem prioritatem, & posterioritatem originis simpliciter conuertit. Sed si mens vtriusque recte inspicatur, apparebit, eos potius in nomine, quam in re ipsa, dissentire.

EXPOSITIO OPINIONIS Beati Thomæ.

PRO intelligentia opinionis Diuini Tho. obserua ex eodem D. Tho. loco citato, quod ordo sumitur per comparationem ad aliquod principium: ordo enim esse non potest, ubi nullum est principium: & e conuerso, ubi est principium, ibi est ordo.

•MOO

Quia verò principium est multiplex, secundum tempus, secundum locum, secundum situm, vt punctus, secundum intellectum, & vt præmissa demonstrationis ita etiam ordo est multiplex secundum principia multiplicata.

Hoc supposito sit prima conclusio. Inter diuinas personas nulla est prioritas, neque posterioritas. Hæc probatur ex Symbolo Athanasij. In hac Trinitate nihil prius, aut posterius. Præterea probatur ratione Diuini Thomæ in solutione ad secundum articulum citati. Quia aut est prioritas, & posterioritas inter diuinas personas ratione diuinae naturæ, aut ratione relationum (quia non est aliud in diuinis personis, ratione cuius attendendi possit). N in ratione diuinae naturæ: quia eadem prorsus natura æquæ est in illis omnibus: neque ratione relationum, quoniam relationes oppositæ sunt simul naturæ, & intellectui, vt paternitas, & filius, spiratio, & processio: ergo nullo modo est prioritas, neque posterioritas in diuinis personis.

Secunda conclusio. Inter diuinas personas est ordo. Probatur: quia vbicumque est principium, ibi est ordo (vt patet ex præludio assignato) at in diuinis est principium: Pater namque est principium Filij, & Pater, & Filius sunt vnum principium Spiritus sancti, sicut ostendemus q. 16. ergo in diuinis est ordo.

Tertia

3. Concl. Tertia conclusio. Inter diuinas personas est ordo originis, aut naturę secundum Augustinum ad Maximum, libro tertio, cap. 14. non (inquam) ordo, quo altera persona sit prior altera, sed quod altera est ab altera. Aut enim sic. Non enim genitorem ab eo, quem genuit, sed genitum a genitore mitti oportebat. Verum hoc non est inæqualitas substantię, sed ordo naturę, non quod alter prior est altero, sed quod alter est ab altero. Hęc de sententia B. Thomę.

EXPLANATIO opinionis Doctoris subtilis.

PRO intelligentia opinionis Doctoris subtilis obseruandum primo, quod prioritas est multiplex. Prima est perfectionis: & sic dicimus, in vno quoque genere esse vnum primum (id est perfectissimum) quod ceterorum est metrum, & mensura. Secunda est prioritas generationis: sic partes sunt priores toto, & radices arboris trunco, & trunco vero floribus, flores vero fructu. Habent se autem prioritas perfectionis, & generationis saltem in rebus creatis in hunc modum, quę ea, quę sunt priora generatione, sunt posteriora perfectione, & quę sunt priora perfectione sunt posteriora generatione.

Tertia est prioritas durationis. Est autem triplex duratio. Prima respectu Dei, quę est æternitas, quę est modus intrinsecus diuinę existentię, secundum multos. Vnde sicut infinitas est modus intrinsecus diuinę essentię, in quantum essentia est ita æternitas est modus intrinsecus diuinę existentię, prout existentia est. Describitur autem æternitas a Boetio 5. de con-

solatione prosa 2. in hunc modum. In terminabilis vitę tota simul, & perfecta possessio, de qua in quæstionibus secundi dicimus. Alia est duratio respectu entium permanentium, & appellatur æuum, quo existentia angelorum mensuratur: & secundum Scotum in 2. etiam existentia substantiarum, quę sub celo sunt, de quo in quæstionibus secundi erit expressus sermo. Tertia est respectu æuium successiuorum, vel quantum ad supere esse, vel quantum ad fieri: & talis duratio est tēpus, quę est mensura motus secundum prius & posterius ex Arist. 4. Physic. c. 10.

Quarta est prioritas naturę, quę alio nomine ordo naturę dicitur, qui proprie est ordo inter naturas. Hęc autem est duplex. Alius est ordo essentialis dependentię, qualis est inter causam & effectum, vt docet Scotus libro de primo principio, capitulo primo. Alius est ordo essentialis eminentię & perfectionis, sic quod prius excedat imperfectione ipsum posterius, sicut vna species aliam: & vterq. ordo semper est cum imperfectione alterius extremi: quia dependentia & excessus imperfectionem inuoluunt, ac proinde longe est a Deo prædictus duplex naturę ordo. Sed adhuc alio modo sumitur ordo naturę pro ordine inter naturam, & eius perfectiones, quę cum ipsa identificantur, vt inter intellectum & essentiam cuius est. Et hic ordo consistit in hoc quod posterius præsupponit prius in essendo vel in operando.

Quinta prioritas est originis, quę est originatis ad originatum. Hęc prioritate est prior Pater Filio in diuinis, sed non in humanis secundum esse relatiuum: quia paternitas in Patre creato

Ordo natura est duplex.

*Not. 1.
Prioritas est multiplex.*

Duratio est triplex.

creato non est principium, quo filij: nam huiusmodi principium est potentia generandi, quæ paternitatem præcedit, quia præcedit generationem, quam paternitas consequitur: nec est conditio principij ad generandum, quia hæc est singularitas, vel personaritas, quæ in rebus creatis necessario præcedunt paternitatem.

Item, quia absolutum esse Filij est prius ab absoluto esse Patris, quam in Patre sit paternitas: quia, vt ait Sco. in 2. dis. 1. q. 2. in solutione ad principale, ad esse absolutum in causa, sequitur esse absolutum in effectu, & deinceps relatio effectus ad causam: tandem vero in rebus creatis relatio causæ ad effectum. Vnde causa in quantum causat est prius natura effectu, vt docet Sco. 9. Meta. q. 5. In diuinis vero paternitas est conditio principij quod, generantis Filium: quia per eam constituitur in esse suppositi potentis generare. Et idcirco Pater vt Pater, est prior origine Filio.

Nota 2.

Secundò obserua (quidquid dicat Caietanus vbi supra S. Thom.) quod ordo intrinsece, & essentialiter includit prioritatem, & posterioritatem secundum exigentiam suæ naturæ. Si est ordo temporis includit prioritatem temporis, & posterioritatem: si vero est ordo naturæ, prioritatem naturæ, & posterioritatem. Et ratio est, quia ordo non est (vt etiam fateatur S. Thom. vbi supra) nisi per comparisonem ad aliquod principium, quod rationem prioris obtinet respectu eorum, quæ ab ipso dimanant, & oriuntur: ergo implicat intelligere ordinem sine priori, & posteriori. Vnde D. Thom. 2. 2. q. 26. art. 1. sic ait. Ordo autem includit in se aliquem modum prioris & posterioris.

Obseruandum tertio, quòd sola *Nota 3.* prioritas temporis, & durationis est simpliciter prioritas. Sicut enim illa dicuntur esse simul simpliciter, quæ sunt in eodem temporis, & durationis instanti: ita illa dicuntur simpliciter priora, quæ sunt priora tempore. Prioritas verò naturæ & originis non est simpliciter prioritas, sed cum addito, prioritas, scilicet, naturæ vel originis.

Quarto obserua, quòd isti tres ordines, vt puta, ordo temporis, seu durationis, ordo naturæ, & ordo originis sunt alterius rationis, vt de se patet, quorum nullus includit alium, nec præexigit aut coexigit illum necessario. In primis ordo naturæ non includit ordinem durationis & temporis, nec præexigit aut coexigit illum necessario, quia inter subiectum, & propriam passionem est ordo naturæ sine ordine temporis, & similiter inter causam, & effectum. Pariter ordo temporis non includit ordinem naturæ intrinsece, nec præexigit nec coexigit illum necessario: quia D. Petrus præcessit tempore Gregor. XIII. sine prioritate naturæ. Item ordo originis non includit ordinem naturæ, nec præexigit aut coexigit illum necessario, quia inter supposita eiusdem naturæ numerica est ordo originis in diuinis sine prioritate naturæ sumpta tribus modis supra positus notabili primo. Nec prioritas naturæ includit necessario, vel præexigit, aut coexigit ordinem originis: quia inter species positas sub eodem genere est ordo naturæ essentialis eminentiæ, sine ordine originis, quia vna non est ab alia.

Ex his sequitur, quòd cum isti ordines prædicti ita se habeant, quòd nullus includat alium nec præexi-

*Consecra-
re nota
dum.*

gat,

gat, aut coexigat illum necessario ad suum esse, quilibet illorum potest esse sine alio: quia ratio, ob quam vnū sine alio esse nequit, est, vel quia includit illud, vel præexigit, aut coexigit illud ad suum esse. Igitur cum huiusmodi ratio, & causa non inueniatur inter prædictos ordines, quilibet esse poterit sine alio, imò & cum simultate illi ordini opposita. Quod exemplis fiet manifestum. Ordo naturæ est alterius rationis ab ordine temporis, & nec includit illam, nec præexigit, aut coexigit illum ad suum esse necessario: ideo sine eo esse potest, (vt ostendimus) & cum simultate illi opposita, quæ est simultas temporis. Vnde quæ sunt natura priora alijs, possunt esse simul tempore cum eis: vt patet de subiecto respectu sue propriæ passionis. Cum ergo ordo originis, & ordo naturæ sic se habeant, quod ordo originis non includit ordinem naturæ, nec præexigit, nec coexigit illum necessario ad suū esse, poterit stare sine eo, & cum simultate illi opposita. Simultas autem opposita ordini naturæ est, quod prius absq; contradictione non possit esse sine posteriori, (vt quæst. 23. docebimus.) Et hæc sufficit, & requiritur ad simultatem relatiuorum, quæ simulas stat cum prioritate originis: quia cum hoc quod Pater in diuinis est prior origine filio, stat contradictionem implicare, posse esse sine filio.

Ex his rursus inferitur, quod in vno instanti temporis possunt esse plura instantia naturæ, quia prioritas naturæ non repugnat simultati temporis. Similiter in vno instanti naturæ possunt esse plura instantia originis, quia prioritas originis com-

possibilis est cum simultate opposita prioritati naturæ. Vnde Scotus in secundo dist. 1. q. 1. litera G. sic ait. Duo ordines possunt intelligi in diuinis, scilicet, ordo naturæ & ordo originis, & in quocumque gradu vnus ordinis potest totus alius assignari. Exemplum in creatura, vbi est ordo naturæ: ordo originis, & ordo durationis, & totus vnus ordo in vno gradu alterius ordinis. Accipito vnum instans durationis: in illo sanè poterunt assignari omnia ordinata secundum originem & naturam. Accipiat etiam vnum instans naturæ, & in eo poterunt assignari omnia ordinata secundum originem: simpliciter tamen in diuinis ordo naturæ primus est.

His positis sit prima conclusio. In 1. *Concl.* diuinis non est prioritas perfectionis, quia ibi nihil est imperfectum.

Secunda conclusio. In diuinis non 2. *Concl.* est prioritas generationis, quia ibi non est processus ab imperfecto ad perfectum, quin prioritate generationis necessario inueniatur.

Tertia conclusio. In diuinis non 3. *Concl.* est prioritas durationis: quia omnia, quæ in diuinis existunt, mensurantur, quo ad existentiam aternitate, inter quæ nihil est prius, aut posterius duratione, sed omnia sunt simul duratione: vt docet Scotus quolibeto sexto, explicans definitionem aternitatis.

Quarta conclusio. In diuinis non 4. *Concl.* est ordo naturæ essentialis dependentiæ, nec essentialis eminentiæ. Prima pars huius conclusionis probatur: quia dependentia, vt docet Scotus libro de primo principio, cap. 1. est coexigentia vnus ad aliud in aternitate naturæ: in diuinis verò non est

alietas naturæ: vna enim & eadem numero est trium personarum natura: ergo ibi non potest esse dependentia, ac per consequens nec prioritas naturæ essentialis dependentiæ.

Præterea: quia, vt docet Scot. ibidem, essentialis dependentia non est nisi causati ad causam, vel causati posterioris ad causatum prius: ratio verò causæ, & causati longè est à diuinis: ergo, &c.

Secunda conclusionis pars probatur: quia in prioritate essentialis eminentiæ alterum se habet necessariò, vt excedens, vt puta, ipsum prius, alterum verò vt excessum: ut puta ipsum posterius: in diuinis autè nihil potest esse excessum, quia esset forma liter finitum, quod in diuinis repeniri omnino repugnat.

5. *Concl.* Quinta conclusio. Prioritas naturæ, tertio modo, ut putà inter naturā & eius perfectiones, uel inter perfectiones eiusdem naturæ, seclusa omni dependentia & imperfectione reperitur in diuinis. Pro quo nota, qd prioritas naturæ duo dicit. Primum est progressus de non esse ad esse in altero: & sic dicit imperfectionem, quia alietatem naturæ. Secundum est præsuppositio huius ab hoc, omni causalitate seclusa: & hoc modo nullam dicit imperfectionem, quia potest stare cum identitate naturæ. Et sic est prioritas naturæ in diuinis, isto secundo modo, remota imperfectione primi modi. Quod verò prioritas hoc modo in diuinis reperitur, patet: quia secundum ordinem naturalem essentialia præsupponuntur rationalibus, & intellectus uoluntati, uoluntas amoris essentiali, & intellectus notitiæ ingeniæ. Et in hac significatione utitur Scotus prioritate

naturæ, cum eam multoties in diuinis collocat. Hæc conclusio est Scoti multis in locis suæ doctrinæ, præcipue in 2. dist. 1. q. 1. lit. H.

Sexta conclusio. Inter diuinas personas reperitur ordo, & prioritas originis. Hanc conclusionem tenet Scotus multis in locis suæ doctrinæ, præsertim in 1. dist. 12. quæst. 1. & 2. Et in 2. dist. 1. quæst. 1. sub lit. H. latissimè. Et in quolibet, quæst. 4. 8. & 14. ubi expressam mentionem facit de prioritate originis inter diuinas personas, uel in habendo esse, uel in causando creaturam. Idem tenent Gregorius, & Gabriel in 1. dist. 19. Marfilus in 1. q. 13. artic. 2. Eadem conclusio est expressè Beati Aug. lib. de triplici habitaculo: ubi sic ait. Quid interest inter nasci, quod ad filium pertinet, & procedere, quod ad Spiritum sanctum: excepto quod vnus ex vno natus sit, alter ex duobus processit, & quo modo pater non processit filium tempore, sed origine, nec Spiritum sanctum. In quibus verbis expressè Scoticam fatetur Aug. sententiam. Et idem de Trinit. cap. 1. sic ait. Qui autem putat eius esse potentiam Deum, vt seipsum ipse genuerit, eò plus errat, qd non solum Deus ita non est, sed nec spiritualis, nec corporalis creatura. Et statim subdit rationem. Nulla enim omnino res est, quæ se ipsam gignat, vt sit: cuius ratio est, quia esset antequam haberet esse. Ex quo sequitur, quod pater qui generat filium, ante est saltem origine, quam filius. Et Hugo de sancto Victore 6. de Trinitate, cap. 6. inquit. Prius & posterius hoc loco intelligi volumus non temporis successione, sed ordine naturæ, vel originis. Damascenus lib. 1. fides, cap. 9.

6. *Concl.*

ait

ait. Patrem esse maiorem, & superiorem filio, non natura, sed causalitate, id est, origine, vt exponit Clithoueus. Et B. filius contra Eunomium ait: quid filius est a parte ordine quodam secundus, quia ab illo est, & quoniam origo, &c. & causa essendi est illi. Hæc Basilii: sed secundus non est nisi primus sit: ergo pater prior est filio origine.

Probatur ratione conclusio, quia secundum omnes inter diuinas personas est naturalis ordo originis: sed (vt diximus secundo notabili) non potest intelligi ordo inter aliqua sine prioritate & posterioritate secundum ordinis exigentiā: ergo in diuinis est prioritas originis, quandoquidem reperitur ordo naturalis originis.

Secundo. In diuinis est persona prima, secunda, & tertia, cum pater sit prima persona, filius secunda, & Spiritus sanctus tertia: ergo vna persona est prior altera, ergo in diuinis est prioritas. Probatur prima consequentia: quia primum ordine necessario, est prius secundo, & secundum tertio, nec oppositum potest mens ipsa capere.

*Responso
Thomistarum.*

Respondent aliqui Thomistæ, quod pater dicitur prima persona, filius secunda, Spiritus sanctus tertia, non ob id, quod vna est prior altera, sed quia inter eas est ordo originis aut naturæ: vel quia vna est prior altera secundum rationem. Hæc solutio relinquit argumentum in sua vi: imò illud fortius reddit. Nam si pater non dicitur & est prima persona, quia prior alijs, sed quia est ordo inter eas, quæ est ratio, ob quam pater magis dicatur, prima persona Trinitatis, quam filius? Dices, quod quia ab ipso incipit aliarum personarum ori-

ginatio: ob id ego eam primam & priorem personam origine fiteor. Cum vero dicitur secundo, quod vna persona dicitur prima, alia secunda, quia est prior altera secundum rationem, dico, quod non ob hoc solum, sed quia a parte rei est prior origine. Fatuum enim videtur asserere, quod me non considerante, pater non sit prior origine filio, cum n. secluso omni actu comparatio intellectus, pater in diuinis sit prima persona, filius secunda, & Spiritus sanctus tertia.

Tertio argumentor ex eodem D. Thom. 1. p. quaest. 40. artic. 4. b. expressè fatetur, quod pater vt suppositum, & persona præsupponitur ad generationem, generatio vero ad filium: ergo de primo ad vltimum persona patris præsupponitur ad filium, & est prior eo.

Respondent Thomistæ, quod D. Thom. concedit prioritatem quandam secundum rationem inter diuinas personas, quatenus per hos vel per illos conceptus significantur: ceterum in re ipsa nulla est prioritas: sicuti inter patrem & filium, secundum rem, nulla est prioritas: attamen concipiendo personam patris per istum conceptum hypostasis, aut principium generationis concipitur, vt prior filio.

Responso.

Sed contra. Causa secundum omnia requisita ad causandum præsupponitur effectui, & quatenus causat est prior natura effectui: ergo similiter prima persona in diuinis, quæ est principium originans filium, præsupponitur filio a parte rei secundum omnia per se requisita ad producendum: sed paternitas, vt sic, est per se requisita ad generandum tanquam conditio generantis: ergo ipsa, vt pa-

Confutatio.

*Confutatio
responso
Thomistarum.*

ternitas præsupponitur filio; ergo pater vt patet præsupponitur filio: quod etiam quæstione vigesimatertia ostendemus. Probatur assumptum (cætera enim patent) quia paternitas secundum rationem paternitatis est proprietas cõstitutiuua personæ patris vt controuersia 23. aper- tissime docebimus, quæ est conditio requisita in principio generatæ: quia per illam constituitur in ratione principij quod.

Obiectio.

Sed obijcies. Pater vtpater, & filius vt filius sunt correlatiua: ergo vnum non est prius alio. Concesso antecedente distinguo consequens: vel prioritate temporis, naturæ, vel originis. Prioribus duobus modis concedo consequentiam, sed tertio modo nego: quia prioritas originis stat cum simultate relatiuorũ, vt ibidem docebimus. Hæc conclusio secundum rem est etiam. S. Tho. vbi supra: & solum est differentia in modo loquendi, vt ait Caieta. Quia per hoc quod pater sit prior origine filio, intelligit Scotus patrem vere esse principium filij, ita vt prius origine sit, a quo alius, posterius vero origine, qui ab alio. Imo vero est de fide, qd filius sit a patre, & pater sit, a quo filius. Cum quo necessario stat quod pater dicatur & sit prior origine filio, quod & D. Thom. tenetur concedere. Imo concedit secundum rem, & veram intelligentiam: sed differt ab Scoto in modo loquendi: quia D. Thomas non vitur istis nominibus prius, & posterius, nec vult vt, etiam si dicamus prius origine, quia ista nomina prius & posterius videntur inæqualitatem præ se ferre, quam hæretici inter patrem & filium constituerunt. Cæterum cum prius ori-

gine nõ sit nisi prius secundum quid, nec prioritatẽ durationis villo modo præferat, optime dici potest pater prior origine filio, quia ordo originis, imo nec vllus ordo intelligi potest sine priori & posteriori secundum vniuscuiusq. ordinis naturam & exigentiã. Et inelius dicitur ordo qui inter personas diuinas est, ordo naturalis originis quam ordo naturæ: quia ille inter relatiua inueniri potest non tamen ordo naturæ, secundum rigorem dialecticum; nisi per ordinem naturæ intelligamus ordinem naturalis originis.

Septima conclusio. Cũ Scotus affirmat, vnã personam diuinam esse priorem origine alia, aut esse in aliquo signo, aut in stanti originis, in quo non sit alia, non intelligit, quod secundum aliquam permanentiam, aut durationem vna persona sit prior altera. Quod patet, quia in primo dist. 10. quæstione vnica ferme in fine, inquit: Distinguendo in æternis instantia originis, non distinguitur inter durationem & durationem, sed tantum a quo quis sit, vnde ordo originis propriè est inter originans, & originatum.

Octaua conclusio. Secundum mentem Doctoris subtilis, prius origine est id, quod vel habet esse a se, (vt patet 1. 2. d. primis sent. q. 2.) vel agit a se, quia virtutem operandi a se habet. Posterius verò origine quod habet esse ab alio (vt ibidem dicit Scotus) vel quod agit ab alio, quia virtutem actiuam ab alio recipit: quod patet ex Scoto in 2. distinct. 1. quæstio. 1. vbi sic ait. Prius origine pater intelligit lapidem, quam filius, quia pater intelligit a se, filius non a se: & tamẽ filius eadem productione produci-

7. Concl.

8. Concl.

lapi-

lapidem, & in eodem instanti natura. Et in quolib. q. 8. lit. O. ait. Prius origine causare est causare a se, posterius vero. origine causare est causare ab alio. Vnde secundum Doctorem subtilem pater dicitur prius origine spirare Spiritum sanctum, & filius posterius origine: quia pater a se habet producere spiritum, filius vero a patre: quia ab eo virtutem spiratuiam recipit. Similiter pater dicitur prius origine producere lapidem, quam filius: quia pater producit lapidem a se, filius vero virtutem producendi lapidem accipit a patre. Sed secundus modus originis non est ita proprius.

Pater prius origine spirat, quia filius.

Obiectio. Sed obijcio contra Scotum. Ipse namque in 1. d. 1. q. 2. art. 2. affirmat, quod pater prius origine est beatus, quam generet filium: sed ut affirmat prædicta conclusio, prius origine dicitur respectu actionis, quod est a se, seu quod habet virtutem operandi a se, & posterius origine respectu actionis, quod est ab alio, seu quod ab alio virtutem operandi habet: ergo pater cum prius origine sit beatus, quam generet, sequitur, quod a se est beatus, & ab alio generat.

Solutio. Ad huius argumenti solutionem observare oportet, quod in via Doctoris subtilis proprie & in rigore loquendo prius origine alio illud est, quod habet esse a se, & illud quod est posterius origine eo, verè habet esse ab illo originatum. Sic pater est prior origine filio: quia habet esse a se, & filius originatur ab ipso.

Obiectio. Sed obijcies. Ergo filius non est prior origine Spiritu sancto: quia licet vere Spiritus sanctus originetur a filio, ceterum filius non habet esse a se, sed a patre.

Respondeo, quod prius origine habere esse a se non est sic intelligendum, quod a nullo sit, & habeat suum esse (alias enim argumentum bene concluderet, filium non esse priorem origine Spiritu sancto) sed debet sic accipi, quod illud prius origine respectu sui posterioris habet sic esse, ac si a nullo alio illud recepisset: vel quia a posteriori nullo modo habet suum esse, ac proinde respectu eius dicitur habere suum esse a seipso. Sic dicere solemus, Diuitias, quas habeo a me ipso habeo, & non a Petro, etsi a patre iure hæreditario eas acceperim: sed hoc ita dicimus, quia nullo pacto eas a Petro accepimus. Ita in proposito, licet filius a patre suum esse acceperit, respectu tamen Spiritus sancti dicitur habere esse a se, quia nullo modo suum esse accipit ab eo: & ita illud habet respectu eius, ac si a nullo illud accepisset. Sed quamvis hæc ita sint, verum est tamen, quod multoties id dicitur prius origine, quod est in primo instanti originis, & illud est posterius origine, quod est in secundo instanti originis. In qua significatione omnia, quæ sunt in patre, prout in ipso sunt, dicuntur esse priora origine, ijs, quæ sunt in filio, prout in filio concipiuntur: quia primum instans originis est, in quo intelligitur pater cum omnibus ad suum esse perfectum necessarijs: & secundum instans originis est, in quo filius intelligitur genitus cum omnibus, quæ in ipso sunt. Ob hanc causam a multis Scottizantibus conceditur, quod essentia diuina prius origine est in patre, quam in filio. Sic etiã dicimus paternitatem esse origine priorem filiatione: quia paternitas ad primum originis instans pertinet, filiatio vero ad secundum.

Similiter prius origine respectu actionis dicitur illud, quod virtutem agendi habet à se, & posterius origine, quod ab alio agendi virtutem habet. Sic Pater prius origine causat creaturam, quàm filius, & filius, quàm Spiritus sanctus: quia Pater habet à se virtutem agendi, filius verò à Patre: & Spiritus sanctus similiter habet virtutem agendi à filio, filius verò à se, modo supra exposito.

*Scot. per
signa ori-
ginis ali-
quando n-
telligit si-
gna natu-
ra.*

*Responde-
tur mul-
tipliciter
Primo.*

Observa etiam, quòd Doctor subtilis aliquando per signa originis intelligit signa naturæ, ut patet in 1. d. 4. q. 1. Vbi ait, quòd pater in primo signo originis intelligit suam essentiam, & in secundo instanti originis gignit filium. Hoc autem non potest intelligi de prioritate originis strictè loquendo, nec de prioritate originis, secundum quam ea, quæ sunt in primo instanti originis dicuntur priora: quia sic pater in eodem instanti originis intelligit suam essentiam & gignit filium: intelligit ergo Scotus per signa originis, signa naturæ. His positis respondeo ad argumentum supra positum, multipliciter. Primo, nego consequentiam: solum enim infertur, quòd pater à se est beatus, & quòd filius originetur a Patre, qui prius origine est beatus, quàm filius sit genitus. Vnde illa propositio, Pater prius origine est beatus, quàm generet, sic debet accipi, id est, quàm filius sit genitus, ut controuersia sequenti docebitur.

Non ergo sequitur, quòd Pater à se sit beatus, & ab alio generetur: sed solum quòd à se sit beatus, & quòd filius originetur ab alio, scilicet, à patre, qui à se est beatus.

2. respon.

Secundò respondeo, sic esse intelligendum Scotum, quòd in priori in-

stanti originis Pater est beatus, & in posteriori filius est genitus, iuxta expositionem secundam supra assignatam de prioritate originis.

Sed quæres, in quo instantia naturæ ab instantibus originis distinguatur? Respondeo, quòd si sermo sit de instantibus originis propriè, & in rigore, prout inter originans & originatum reperiuntur in diuinis, eorum distinctio ab instantibus naturæ patet ex supradictis. Nam ostensum manet, in eodem instanti naturæ plura originis instantia esse posse, ut tenet Doctor subtilis expressè in 2. dist. 1. questione prima, ubi totum ordinem originis personarum diuinarum in eodem instanti naturæ compleri affirmat: & insuper ostendimus, quòmodo ordo naturæ, & ordo originis inter se se habeant. Id autem, quòd dicitur prius natura, sic se habet respectu posterioris, quòd sine vlla repugnantia absque eo intelligi potest, atque esse, sic, quòd ex ea ratione, quæ prius est, non repugnat sibi esse sine posteriori, licet aliunde sibi repugnet omnino, ut putà, ex identitate reali ad prius. Priori verò secundum originem repugnat omnino sine suo posteriori, & esse, & intelligi, quia est relatiuum ad posterius, secundum quòd est origine prius: implicat autem vnum relatiuum, aut esse, aut intelligi sine alio. Ordo ergo originis propriè solum inter relatiua reperitur in diuinis: ordo verò naturæ inter essentialia, & attributa, inter essentialia & notionalia, attamen omni dependentia, & causalitate atque imperfectione seclusa, ut supra docuimus.

Sed quia aduersarij commotionem maximam propter hæc instantia aduersus

*Declara-
tur illud*

uersus

*stia po
stra Do
ctore &
exemplo
sumillu
stratur.*

uersus Doctorem subtilem excitant cum acriter reprehendentes, sed igno-
rantes quidem, opera pretium duxi
in praesentiarum breuiter explicare,
an haec instantia & signa naturae &
originis, quae passim in diuinis ab
Scoto constituuntur, sint aliquid rea-
le a parte rei in Deo, quoquo modo
ab eo distinctum, vel, an sint ibi ex
natura rei, an vero solum secundum
nostrum modum intelligendi: quia
nos, scilicet, vt melius diuina perci-
piamus, ea ibi constituimus.

In huius rei explicatione Scotistae
multa dicunt, & diuersa incedunt
via. Sed eorum opinionibus omisis,
breuiter meam conabor aperire me-
tem. Dico ergo, quod ista instantia,
& signa naturae, non sunt aliqua me-
sura, quae priora & posteriora natura
metiatur, sic, quod pro aliqua men-
sura existat id, quod dicitur prius,
pro qua non existat posterius: quia
rei existentia non mensuratur per in-
stantia naturae, sed vel temporis, vel
aui, vel aeternitatis nunc, secundum
vnius cuiusque rei exigentiam. Vn-
de licet homo prius natura sit, quam
risibilitas, non tamen est in aliquo in-
stanti, in quo non sit & existat risibi-
litas: licet verum sit, quod in aliquo
instanti intelligitur homo, in quo
non intelligitur risibilitas, vt deduci
potest ex Doctore subtili in 3. d. 3. q.
1. & nos in controversia de futuro-
rum cognitione aliquid de hac re di-
cemus. Nec ista instantia sunt aliquid
distinctum a rebus, quibus applican-
tur. Vnde si diuina essentia est prior
natura attributis, modo exposito, il-
la prioritas nihil reale, vel ex natu-
ra rei a diuina essentia distinctum im-
portat: sed solum ostendit, quod diui-
na essentia ex natura sua praesuppo-

nitur attributis, sicut intellectus vo-
luntati. Vnde illud dicitur prius na-
tura altero, cuius entis is, quantum est
ex parte sua, necessario supponitur
alteri, illi scilicet, quod est posterius
natura eo: non quod eius entis is di-
catur prior in aliquo instanti distin-
cto a tali entitate, & inmensuratio eius,
sed vt diximus, quia supponitur en-
titati sui posterioris. Prioritas naturae
dignoscitur etiam per hoc, quod vna
entitas est prius nata terminare actum
intellectus in re, quam alia.

*In quo
prioritas
naturae
consistit.*

Nec imaginers nos asserere, quod ta-
lis prioritas solum sit in diuinis per
actum intellectus nostri, vel per actum
collatum intellectus diuini: quia
si per impossibile nullus intellectus
actum consideraret, adhuc essentia di-
uina esset aliquo modo prior relatio-
ne diuina. Prioritas ergo naturae con-
sistit in hoc, quod prioris entis as ex
natura sua alteri praesupponitur, licet
in nullo instanti mensuretur existen-
tia, in quo non mensuretur existen-
tia sui posterioris.

Sed obijcies: Homo est prior natu-
ra risibilitate: ergo in aliquo instan-
ti existit homo, in quo non existit ri-
sibilitas. Concesso antecedente, ne-
go consequentiam: quia instans na-
tura commutatur in instans tempo-
ris: existentia autem rei per naturae
instantia, non mensuratur. Prate-
rea, quia prioritas naturae non expo-
nitur cum verbo, est, per, in quo,
propter rationem assignatam, sed per
verbum intelligi. Valet enim hac
consequentia, homo est prior natu-
ra risibilitate: ergo in aliquo instan-
ti potest intelli, in quo non in-
telligatur risibilitas, & hoc intelle-
ctione praecisua tantum. Vnde fal-
sum esset dicere, quod in illo priori

natura intelligitur, nō risibilis, quia esset ibi falsitas: sed vere pro tunc non intelligitur risibilis, quia pro tunc nō cognoscitur risibilitas. Hæc de istis prioritatibus.

AD ARGUMENTA in principio controuersie posita.

Ad primum.

AD primum dico, quod in diuinis non conceditur ordo naturæ, qui est inter naturas, quia ibi est vnica & simplicissima ac singularissima natura est: tamen ordo naturæ inter essentiam & perfectiones eius, & inter ipsas perfectiones inter se omni seclusa imperfectione, vt supra diximus. Et sic ordinari, & per consequens distingui diuinam essentiam ab attributis formaliter in diuinis & attributa inter se, non inuenit, vt in præcedenti controuersia docuimus. Præterea dico, quod inter diuinas personas est ordo originis, sed non ordo naturæ, vt ex supradictis constare potest. Vnde cum sancti, vel alii qui Doctores concedunt naturæ ordinem, inter personas diuinas per naturæ ordinem, ordinem originis intelligunt. Nec ad hunc originis ordinem naturam diuinam ordinari, vel distingui est necesse, sed solum diuinas personas, inter quas hic originis ordo reperitur.

Ad argumētum in forma dico, quod quicquid ordinatur, distinguitur eo modo, quo ordinatur, diuina verò

natura non ordinatur ad perfectiones suas secundum rem, sic, quod inter ipsam & eius perfectiones sit ordo realis: quia hic nequit esse nisi inter ea, quæ realiter distinguuntur, sed ordinatur ordine quodam formali, ac proinde ab ipsis formaliter distinguitur, vt præcedenti controuersia ostendimus. Nec valet. Personæ diuinæ, inter se ordinantur: ergo & natura diuina. Et per consequens non sequitur, quod natura diuina distinguatur in personis.

Ad secundum dico, quod eo modo, quo in diuinis concessimus naturæ ordinem, eo modo concedimus, vnum posse dici prius alio, secundum naturam. Ad minorem dico, quod in symbolo negatur a diuinis prioritas simpliciter, quæ est prioritas durationis, non tamen prioritas originis inter personas diuinas: & prioritas naturæ inter essentialia, & notionalia, vel inter essentialia inter se, quæ sunt prioritates secundum quid: quia cum his prioritatibus stat similitudo temporis durationis, & æternitatis, & quod absolute & simpliciter tres personæ diuinæ sint simul & coæternæ, & quod absolute vna nō sit prior alia. Nā sicut stat Aethiopem esse simpliciter nigrum, & secundum quid album, vt puta secundum dentes: ita pariter stat, quod tres personæ diuinæ sint coæternæ; & quod vna absolute non sit prior alia, et quod vna sit prior alia secundum quid, id est, prioritate originis.

Ad secundum.

CONTROVERSIA S E X T A.

Verum Beatus possit videre diuinam essentiam non videndo personas, & frui essentia non fruendo personis?



PARS negatiua probatur quoad visionem. Primò sic. Visio diuinę essentię, cū sit visio beata, non potest esse, nisi distincta, atque perfecta: ergo non potest videri diuina essentia, non visis personis. Probatur consequentia: quia tunc illa visio esset imperfecta. Quod sic patet. Cognitio confusa est imperfecta: sed visio essentię non terminata ad personas est confusa: ergo imperfecta. Cōsequentia tenet cum maiori nota: probatur minor: quia cognitio alicuius communis ad plura videtur confusa, si non terminatur ad commune, vt existens in illis pluribus: sed visio solius essentię est visio alicuius communis tribus personis: ergo est confusa.

2. Argu. Secundò. Visio intuitiua est rei existentis & pręsentis intuenti: ergo diuina essentia videri non potest, nisi visis personis. Antecedens patet per discrimē inter notitiam intuitiuam, & abstractiuam. Hęc enim fertur in rem absentem, illa verò in pręsentē, & existentem in se ipsa. Consequentia probatur: quia diuina essentia non existit, nisi in personis: ergo non potest videri nisi in persona.

3. Argu. Tertiò. Nō potest distinctē, & intuitiue videri aliquod, nisi videantur omnia, quę sunt in ipso distincta, & ex natura rei: sed personę sunt in essentia diuina distinctę, & ex natura

rei: ergo non potest diuina essentia videri intuitiue, nisi videantur personę. Consequentia cū minori est notata: probatur maior hoc exemplo. Albedo in superficie existens non videtur perfectē, & distinctē, nisi omnes partes, quę in ipsa sunt distinctę videantur: ergo a simili in proposito non videbitur distinctē diuina essentia, nisi videantur personę diuinę, quę ex natura rei in ipsa sunt distinctę.

Quartò. Visio diuinę essentię est beatifica: ergo necessariò est diuinę essentię, vt in tribus. Antecedens patet, consequentia probatur: quia visio beatifica non est sine visione obiecti beatifici, sed obiectū beatificū est essentia, vt in tribus, iuxta illud Iohannis. Cū apparuerit similes ei erimus, quoniam videbimus eum, sicuti est: ergo non potest videri essentia visione, saltem beatifica, nō visis personis.

Quintò. Pars negatiua quęstionis quo ad fruitionem probatur sic. Voluntas non magis abstrahit, quam intellectus: sed, vt modo probauimus, intellectus non potest videre essentiam sine personis: ergo neque voluntas potest frui essentia sine personis. Et confirmatur: quia mens est imago trinitatis: ergo non potest quietari, nisi in trinitate: ergo nec potest frui ordinate, nisi Deo trino.

Sextò. Fruitio quietat fruētem: sed essentia sine personis nō perfectē quietat fruētem: ergo non pōt voluntas frui essentia sine personis, nec vna per-

persona sine alijs. Consequentia cum maiori est nota: probatur minor: quia si potentia fruens quietaretur perfecte in fruitione essentia sine personis, vel vnus personæ sine alia, non posset ulterius quietari in fruitione personæ, nec ea frui posset. Consequens videtur falsum: ergo, &c. Probatur sequela maioris, quia esset vltimè quietata.

*In intellectu
quæ
sunt.*

Quaestio præsens potest intelligi vel de potentia creaturæ, an scilicet, beatus de potentia sua naturali possit videre essentiam, non videndo personas: vel de potentia absoluta Dei, an, scilicet, per Dei absolutam potentiam fieri possit, quod intellectus creatus videat essentiam, non videndo personas: & similiter, quod voluntas fruatur essentia, non fruendo personis. Et de quaestione in hoc secundo sensu intellecta inter S. Thomam, & Doctorem subtilem est controuersia. Nam D. Thom. cum nullam distinctionem ex natura rei inter essentiam, & personas collocet: consequenter tenet, esse prorsus impossibile, visionem ad essentiam terminari, quin simul ad personas terminetur. Ita tenet 2.2.q.2.art.8. in solutione ad tertium, & nouus alias doctissimus D. Thom. interpret 1.par. quaest. 12.art.7. Scotus verò in 1. dist. 1. quaest. 2. oppositam tuetur sententiam.

EXPLANATIO opinionis D. Thomæ.

*1. Funda
mentū opi
nionis B.
Thomæ.*

Pro intelligentia opinionis B. Thomæ obserua, quod illa præcipue nititur duplici fundamento. Alterum est simplicitas diuinæ naturæ: alterum verò ratio obiecti beatifici includen-

tis essentiam, vt in tribus. Primum fundamentum sic exponitur. Diuina natura, cum sit simplicissima, habet vnicam rationem formalem continentem in se, & quod est absoluti, & quod est relatiui. Nec est in Deo alia ratio essentia, & alia paternitatis (vt vult Scotus) sed omnia, quæ sunt in Deo, habent eandem rationem formalem, & solum distinguuntur ratione. Hoc explicatur duobus adhibitis exemplis. Primum est de anima rationali: quæ vna cum sit indiuisibilis, & spiritalis, tribuit homini id, quod aliæ formæ seorsum sumptæ, suis subiectis tribuere solent. Dat enim esse corporeum, sicut lapidis forma: esse vegetatiuum, sicut anima vegetatiua: & esse sensitium, sicut sensitua: & præterea dat esse rationale sibi proprium: & propterea ratio ad æquata animæ rationalis, necessum est, vt contineat rationes formales aliarum formarum. Sic etiam ratio formalis diuinæ essentia, quæ res est absoluta, & respectiua, necessariò debet continere rationem formalem absoluti, & respectiui. Et præterea, sicut anima rationalis, ita verè tribuit homini esse corporeum, ac si solum esset forma corporea, & esse vegetatiuum, ac si solum esset vegetatiua, & esse rationale, ac si solum esset rationalis: ita etiam illa res diuina, scilicet, essentia in Deo existens, ita tribuit esse absolutum, ac si non esset relatiua, & esse relatiuum, ac si non esset absoluta: propter quod absolutum, & relatiuum virtualiter distinguuntur, non tamen actu ex natura rei. Propter hanc igitur simplicissimam rationem diuinæ essentia videri non potest essentia, non visis personis. Eadē simplicitas ostenditur per exemplum

plum de caliditate, & siccitate in sole: quæ ibi sunt vna res habens vnicam rationem formalem, & continens caliditatem, & siccitatē: de quo diximus supra qua. 4.

2 Funda-
mentum.

Secundum fundamentum, vt putata, quod obiectum beatificum sit diuina essentia, vt in tribus personis, & nō sub ratione essentia præcisē, ostēdit Caieta. vbi supra in hūc modum. Commune (inquit) est beatitudini diuinæ, & creatæ, quod consistat in visione Dei, sicuti est, iuxta illud, Cum apparuerit, similes ei erimus, quia videbimus eum, sicuti est: sed ad diuinam beatitudinem plus requiritur, quàm ad beatitudinem cuiuscumque creaturæ. Et ratio in promptu est, quia beatitudo Dei est infinita, & absque mensura, beatitudo vero creaturæ finita est, atque limitata, & ad certum gradum determinata: quamobrem vnus alio est beator. Ad beatitudinē ergo Dei, quæ nulla certa mensura metitur, est necessaria, non quæcumque deitatis cognitio, sed cōprehensiuā: quia naturalis appetitus Dei potentis comprehendere essentiā suam non quiesceret, nisi illam comprehenderet: sed non comprehenditur deitas, nisi cognoscatur, vt in tribus visis: ergo, &c.

Et confirmatur, inquit Caiet. quia si comprehensio deitatis non est ipsa beatitudo, aut de ratione beatitudinis, sequitur, quod Deus posset esse beator, quia beatus est cognoscere essentiam diuinam comprehensiuē, quàm non comprehensiuē. Hæc de beatitudine increata.

Quod verò ad beatitudinem creatam requiratur necessariō visio essentia, vt in tribus, probat Caietan. quia ad huiusmodi beatitudinem requiri-

tur visio essentia, sicuti est (vt diximus) ad hoc autem exigitur, quod visio terminetur ad deitatem, sicuti est in suo esse sine abstractione eius à supposito: non enim videret quispiam Socratem sicuti est, si videret humanitatem, eius absque supposito: ergo visio beata necessariō est essentia diuinæ, vt in tribus: ergo de ratione obiecti beatifici est Deus, vt trinus. His positis sententia D. Tho. sequentibus conclusionibus continetur.

Prima conclusio. Diuina essentia de potētia etiam absoluta Dei videri non potest, nisi videantur relationes diuinæ, atque personæ. Probatur. A parte rei sunt omnino indistincta, & vna simplicissima res realiter, & formaliter: ergo nō potest videri vnum sine alio. Consequentia videtur manifesta: antecedens verò patet ex primo fundamento.

Secunda conclusio. In ratione formalis, atque intrinseca obiecti beatifici includitur trinitas personarum, ita, quod Deus, vt trinus, est obiectum beatificum, sumendo ly, vt, reduplicatiuē: & hoc respectu vtriusque beatitudinis increatæ, scilicet, & creatæ. Hæc conclusio patet ex secundo fundamento. Et præterea probatur in hunc modū. Terminus visionis beatificæ est obiectum beatificum: sed Deus, vt trinus, est terminus visionis beatificæ: ergo Deus, vt trinus, est obiectum beatitudinis. Consequentia cum maiori est nota: minor probatur: quia Deus, sicuti est, est terminus visionis beatificæ, sed Deus est in se trinus, & vnus: ergo, vt sic, est terminus visionis beatificæ, & per consequens Deus, vt trinus, est obiectum beatificum.

Tertia conclusio. Visione beatificæ non

1. Concl.
D. Tho.

2. Concl.

3. Concl.

non potest aliquis intellectus videre essentiam, quin videat personas. Probatur, quia de ratione obiecti beatifici est Deus, ut trinus, ex precedenti conclusione: ergo non potest videri Deus visione beatifica, nisi videatur trinus. Patet consequentia: quia visio beatifica esse nequit sine suo intrinseco formali, & per se obiecto. Hæc de opinione B. Thomæ.

EXPLANATIO opinionis Doctoris subtilis.

Not. 1. &
op. Scoti.

AD intelligentiam opinionis Doctoris subtilis primò obseruandum est, quòd de ratione formali, & intrinseca obiecti beatifici non est essentia diuina, ut in tribus, ita, quòd trinitas in ipso obiecto beatifico per se includatur: sed obiectum beatificum perfectum est diuina essentia per se subsistens, (licet communicabiliter) prout præscindit à personis. Et in primis probò, quòd trinitas non includatur per se in obiecto beatifico. Primò sic. In obiecto beatifico beatitudinis Dei Patris non includitur per se trinitas personarum: ergo neque in obiecto beatifico absolute, & per se sumpto includitur trinitas. Consequentia tenet: quia ad beatitudinem Dei Patris, cum sit perfectissima, requiritur obiectum beatificum sub sua perfecta, & quidditatiua ratione: ergo, si ad obiectum beatificum increata beatitudinis non pertinet per se trinitas, seu Deus, ut trinus, similiter, nec ad obiectum beatificum beatitudinis absolute pertinebit. Probatur antecedens. Et ad eius probationem suppono primò, prioritatem originis esse ex natura rei actu inter diuinas personas: Pater enim est prior

1. Suppo
silio.

origine filio, secluso omni opere intellectus, quia est is, à quo filius originatur, & habet esse enim prius origine alio, est esse à se: posterius verò origine est esse ab alio, scilicet, ab eo, respectu cuius dicitur posterius origine: de quo præcedenti controuersia diximus.

Secundò suppono, quòd Pater æternus nullam perfectionem recipit à personis productis, sed omnem perfectionem habet à se ipso, & prius origine, quàm alie persona sint productæ.

2. Suppo
silio.

Tertiò suppono, quòd Pater æternus prius origine est Pater, & persona perfecta, quàm filius sit productus: quia produciens secundum omnia requisita necessario ad producendum præsupponitur producto, & est prius illo natura in rebus creatis, ut acutè docet Scotus in 2. dist. 2. quæst. 2. in solutione ad primū, in diuinis verò est prius origine: sed in Deo, ut sit produciens filium, requiritur principium quo, ut puta, memoria fecunda, & conditio producentis: quæ est personalitas: ergo memoria fecunda, videlicet, intellectus cum diuina essentia in ratione obiecti, & personalitas, quæ est paternitas, præsupponuntur origine ad productionem filij passiuam. Ergo Pater, ut Pater, qui est produciens, præsupponitur origine filio, & Spiritui sancto: de quo controuersia 23. de constitutione diuinarum personarum fusior erit sermo.

Quartò suppono, quòd Pater æternus prius origine est perfectè beatus, quàm generet filium, id est, quàm filius sit genitus: sic enim intelligendus est Scotus ubi supra, cum ait hoc ipsum, scilicet, patrem prius origine esse beatum, quàm generet: aliter enim duo

4. Suppo
silio.

duo sequuntur inconuenientia. Alterum, quod pater sit prius pater, quam generet: quod est omnino falsum, & contra Scotum quolibet. 5. vbi vult, patrem per generationem actiuam constitui in esse personali: de quo q. 23. Alterum inconueniens est, quod non generabit pater a se, sed ab alio. Quia si prius origine est beatus, quam generet: ergo a se est beatus, & posterius origine generat: ergo ab alio: quia hoc est esse posterius origine, secundum eundem Scotum in 2. distinct. prima, quaestione prima, & in quolibet. quaestione. 8. Et patet a simili: quia bene sequitur: Pater est prior origine filio: ergo pater a se est pater, & filius habet esse a patre: ergo pariter in proposito: Pater est prius origine beatus, quam generet, ergo a se est beatus, & ab alio generat. Nunc probatur nostrum suppositum: quia pater æternus a se habet omnem perfectionem intrinsecam sibi (vt suppositione secunda diximus) sed beatitudo est perfectio intrinseca patris: ergo illam habet a se: ergo prius origine, quam habeat filium, id est, quam sit filius genitus: quia secundum mentem Scoti primum signum originis in diuinis est, in quo intelligitur prima persona perfecta in ratione personæ cum omni perfectione absoluta. Secundum vero signum originis est, in quo filius, qui est posterior origine patre, intelligitur productus ab eodem patre: & ita omnia, quæ in illo primo signo intelliguntur in patre, dicuntur esse prius origine in patre, quam filius sit genitus: quia generatio passiva filij intelligitur in secundo signo originis. Vnde, quia pater in illo primo signo est beatus, dicitur prius origine beatus,

quam filius sit genitus: quia generatio passiva filij, vt diximus, in 2. signo originis concipitur. Vide Scotum in 2. d. 1. q. 1. sub lit. H. & ea, quæ præcedenti cōtrouersia diximus. Sed, licet concedamus, patrem esse priorē origine filio, de quo in cōtrouersia de constitutione diuinarum personarum dicemus: non tamen concedimus, posse patrē in quouis signo sub ratione patris concipi, non concepto filio, quia hoc simultati relatiuorum repugnat, non tamen prioritas originis.

Secundò probatur eadem suppositio: quia essentialia omnia nullum includentia respectū ad creaturas præsupponuntur notionalibus (vt cōtrouersia 12. latè demonstrabimus) sed beatitudo est essentialis: ergo præsupponitur filiationi, (pirationi, & æternitati, quæ omnia sunt notionalia: ergo pater prius origine est perfecte beatus, quam filius sit genitus. Sed in illo priori habet obiectū perfecte beatificans, in quo tñ non habet essentiam cōicātam tribus, vt obiectū, sed vel essentia absolute, vel essentia, vt est in vna persona, quia pro tñ non intelligitur cōicāta alijs personis: ergo non est de ratione essentia: vt est obiectū beatificū, quod beatificet, vt cōicāta tribus: ergo Trinitas non est de ratione obiecti beatifici beatitudinis increata. Et sic manet antecedens probatū.

Sed respondebis concedendo, q. *Responsio.* pater æternus habet pro obiecto beatifico essentiam suam, vt in tribus, cū hoc tamen habet illam primò secundum originem, quia a se habet illam, tanquam obiectum. Nam, q. sibi illa essentia obijciatur, non habet ab alio, sed a se, & hoc est esse prius origine. Nec ibi est imaginanda aliqua prioritas,

ritas, secundum quam obijciatur patri essentia, vt in vna persona, & non vt in alia, sed simul obijciatur, vt in tribus, & simul obijciatur tribus personis. Sed est differentia, quòd vni obijciatur ex se, quia illam habet a se, alij vero obijciatur non ex se, quia illam habet ab alio. Simile est in eadem essentia mouente diuinum intellectum, ad cognitionem futurorū contingentium, quæ non cognoscuntur, nisi adimpleta productione diuinorum personarum, vt docet Scotus quoli. 14. Nam mouet simul tres personas ad cognoscendum futura: nec prius natura vnam, quàm aliam: nec diuinum intellectum prius mouet, vt in vna, quàm vt in alia, sed simul vt in tribus: cum hoc tamen est prioritas originis in illa motione in ordine ad personas. Nam quod essentia moueat patrem ad illam cognitionē, habet pater a se, alia: verò personæ ab alio, quia ab alio habent illam essentiam. Similiter tres personæ simul causant (verbi gratia) leonem. Nec in aliquo priori ponitur in esse leo ab vna persona, in quo non ponatur a tribus, vt docet Scotus quolib. 8. cum hoc tamen prius origine causat pater, quàm filius, quia, quod causet, habet a se: habet enim a se principium causandi, filius verò posterius origine causat, quia principium causandi habet a patre.

Consuetudo.

Sed contra: quia pater communicat filio essentiam perfectè beatam: ergo non est intelligibile, quod illa essentia in patre non prius mouerit diuinum intellectum, & volūtatem, quàm filio communicaretur. Nec exempla adducta rem ipsam persuaident: quia motio illa, & causatio præsupponit personas productas, beati-

tudo verò patris præsupponitur filio, & Spiritui sancto. Imò & hic Deus præintelligitur beatus, antequam personæ in esse personali concipiantur: ergo, non intellectus personis, concipitur in eo obiectum perfectè beatificans: ergo trinitas non est de essentia obiecti beatifici.

Argumentum.

Præterea, sic argumentor. Qualibet persona diuina intelligit formaliter intellectu, vt principio formaliter intelligendi, vt est in ipsa, & non vt est in alia: ergo similiter, qualibet persona intelligit perfectè per se, intelligendo essentiam, vt est in se formaliter: ergo perfecta cognitio essentia, quæ est beatifica, non requirit necessarium, tanquam obiectum, essentiam, vt in tribus, sed sufficit, prout existit formaliter in qualibet. Probatur antecedens ex Augustino. 1. 5. de Trinitate cap. 7. vbi sic ait. Proinde, quia sapientia pater, sapientia filius: sicut sibi meminit pater, ita filius, & sicut sui, & filij meminit pater memoria, non filij, sed sua: ita sui, & patris meminit filius memoria, non patris, sed sua. Non vult Augustinus his verbis, quòd alia sit memoria in patre, alia in filio, quia secundum fidem eadem est vtriusque memoria, sed vult dicere, quòd pater meminit sui, & filij, non memoria, prout est in filio, sed, pro vt est in se ipso formaliter. Et paulo inferius sic ait. Et, quia filius quoque sapientia est genita de sapientia, sicut nec pater ei intelligit, nec Spiritus sanctus ei intelligit, sed ipse sibi, ita nec pater ei meminit, nec Spiritus sanctus ei diligit, sed ipse sibi: sua enim est & ipse semet memoria, sua intelligentia, sua dilectio. Vult ergo Augustinus, quòd qualibet persona intelligit sibi ipsi intellectu, vt est in se ipsa, & non, vt

in

in alia. Sic manet antecedens satis probatum. Sed probo priorem consequentiam, quia non minus requiritur ad intellectum intelligibile, quam intellectus: ergo in perfecto intelligente ex se non minus requiritur, quod habeat in se ipso formaliter obiectum, ut intelligibile: quam quod habeat intellectum in se, ut quod intelligat: sed necessum est, primum intelligentem ex se habere in se ipso formaliter intellectum, & non ut in alio: ergo similiter oportet, quod habeat obiectum primum intelligibile in se formaliter, & ut in se, & non ut in alio: quia hoc ad eius perfectionem requiritur. Et profecto, sicut Augustinus habet pro inconvenienti, quod pater intelligat intellectum, prout in filio, ita & quod habeat essentiam, tanquam obiectum, ut in alio.

Respondet Caietanus.

Respondet Caietanus, quod solutio assignata ad argumentum est optima, & nititur solvere argumentum contra eam. Ad cuius solutionem tria dicit. Primum dictum est, quod ad intelligendum non solum oportet, quod obiectum, & potentia concurrant: sed ultra hoc necessum est, intellectum formaliter esse in ipso intelligente: & rursus oportet intelligibile vel per se, vel per suam speciem, ipsi intellectui inhaerere, vel quasi inhaerere. Oportet ergo intellectum, & obiectum formaliter esse in intelligente, ut in suam exeat operationem.

2. Dicitur.

Secundum dictum, quod ex precedenti sequitur. Quilibet intelligens, & intelligit intellectum, ut in ipso est, & intelligit intelligibile, ut etiam est in ipso.

3. Dicitur.

Tertium dictum. Quemlibet intelligentem intelligere obiectum, ut in ipso est formaliter, potest bifariam in-

telligi. Primo, quod ly, ut, denotet conditionem, sine qua obiectum non intelligitur, qualis est coniunctio illius cum ipso intelligente. Et in hoc sensu secundum dictum est verum: ad intellectum enim necessaria est coniunctio obiecti cum potentia intellectiva. Secundo potest ly, ut, denotare terminum intellectus. Et in hoc sensu est falsum secundum dictum: nam intellectus non solum intelligit lapidem, ut lapis est in ipso, sed etiam secundum conditiones, quas habet extra in re, ut puta gravitatem, &c. Licet enim intelligat lapidem modo esse in materiali, intelligit tamen esse materiale lapidis.

Respond.

His suppositis respondet Caietanus, quod illa propositio, Quilibet persona intelligit obiectum, ut est in ipsa, est vera, si ly, ut, sumatur primo modo. Nam sicut verum est, quod quilibet persona intelligit intellectum, ut est in ipsa: sic etiam est verum, quod intelligit essentiam, ut in se existente: est enim conditio necessario requisita, quod tam intellectus, quam intelligibile insint intelligenti, ut intelligere possit. Si vero ly, ut, faciat secundum sensum: illa propositio est falsa. Quia, sicut cognitio lapidis non solum terminatur ad esse lapidis, prout est in intellectu, sed secundum esse, quod habet in re: ita cognitio patris aeterni, non solum terminatur ad essentiam prout est in ipso, sed etiam, prout est communicata tribus: praeterquam cum terminet intellectum patrum secundum totam suam latitudinem.

Et ad illam confirmationem, scilicet, quod non minus requiritur ad intellectum intelligibile, quam intellectus, &c. dicit Caietanus, quod subtilis

Resp. ad confirmationem.

Doctor

Deator & falsum assumit, & sophisma committit in illatione. Falsum quidem, quia ad operationem vitalem, qualis est intelligere, magis requiritur principium eius vitale, cuius modi est intellectus, quàm non vitale, quale est intelligibile. Sophisticè autem infert: quia mutatur non minus in non aliter. Nam licet non minus requireretur intelligibile ad intelligendum, quàm intellectus: aliter tamen requiritur, vt diximus.

*Confutatio
respon-
sionis Cai-
etani.*

Sic arbitrat^{ur} Caieta. se satisfacere argumento Scoti, sed re vera illud in solum reliquit. Supererat enim sibi probandum, quòd cognitio patris beatifica, quatenus beatifica, terminatur necessariò ad essentiam, & personas, & similiter ad creaturas. Sed sicut negamus, illam quatenus beatificam, ad creaturas terminari: ita & ad personas. Sed ait Caiet. quòd diuina essentia terminat cognitionem paternam secundum totam suam latitudinem: & per consequens non solum terminatur ad essentiam, vt in se, vel in patre, sed ad eam, vt in tribus. Id ego fateor, sed nò quatenus beatifica. Sicut enim non est Deus beator essentialiter, quia intelligit creaturas: sic nec, quia intelligit relationes personales, quia ad rationem essentialem obiecti beatifici huiusmodi relationes per se non pertinent, vt ostendimus. Et ita, licet ex cognitione perfectissima obiecti beatifici necessariò sequatur cognitio personalitatum, earum tamen cognitio non includitur primò, & per se in ea, sicut nec personalitates in ipso obiecto beatifico per se includuntur. Neq; hoc asserere absurdum est, sicut vult nouissimus expositor Diui Thomæ. 1. par. q. 12. art. 7. q. 2. conclusionem 6. Quod patet. Nam

si de ratione cognitionis beatificæ in creatura est, quòd sit comprehensua essentia, non solum secundum esse eius quidditatum, sed etiam secundum omnem habitudinem ad omne, quod per ipsam intelligi potest: sequitur, huiusmodi cognitionem nò esse beatificam, vt terminatam præcisè ad essentiam, & personas, nisi etiam terminetur ad creaturas, quæ per ipsam cognosci possunt. Quod tamen est contra Aug. dicentem. Beatus est, qui te, & illa nouit (scilicet, creaturas) sed non beator propter illa. Ergo absurdum est, asserere, creaturam ad obiectum beatificum pertinere, & similiter, cognitionem creaturarum ad cognitionem beatificam. De ratione ergo cognitionis beatificæ increata est, quòd ad diuinam essentiam per se existentem, quæ est obiectum beatificum, terminetur, non verò ad personas, & creaturas, licet vere ad eas terminetur, sed non quatenus beatifica est, quamvis ex perfectione sua consequenter ad ipsas terminetur. Et confirmatur, quia si de ratione cognitionis beatificæ est, quòd terminetur actu ad omnia, quæ per diuinam essentiam, itaque per speciem repræsentantur, ergo cognitio huiusmodi, quatenus beatifica est, terminatur actu ad creaturas in aliqua temporis differentia actu existètes, quia vt sic, per diuinam essentiam cognosci possunt, sed consequens est falsum, quia tunc Deus non esset necessario beatus, cum non necessario sciat futura contingentia, sed libere, hoc ideo, quia cognitio futurorum actum diuinæ voluntatis supponit: ergo, &c. Dices forsitan, cognitionem illam sine cognitione intuitiua creaturarum esse comprehensiuam, & beatificam,

nificam, quia radicaliter illam continet. Si hoc admittis, similiter ego dicam, cognitionem diuinam esse comprehensiuam, prout ad essentiam Dei præcisè terminatam, quia illa radicaliter cognitionem personarum, & creaturarum continet.

Præterea dico, quòd quidquid sit de intelligente creato, tamen in intelligente increato in se, & ex se, cuiusmodi est Pater, necessum est, quòd habeat obiectum perfectum in se ipso formaliter, saltem quo ad perfectionem illam, quam à nullo recipit. Quod patet per illam propositionem. Non minus requiritur ad intellectiōnem intelligibile, quam intellectus: quia sicut impossibile est, intellectiōnem posse inesse sine intellectu, ita & sine intelligibili. Et quantum ad hoc non assuinit Scotus falsum, ut putat Caiet. ergo in perfecto intelligente ex se, & à se requiritur, quòd habeat in se, & à se obiectum, ut intelligibile, sicut requiritur, quòd habeat in se ipso intellectum, ut quo intelligat. Nam sicut non esset intelligens à se, & ex se, si non haberet ex se, & à se intellectum, ita nō esset intelligēs a se, & ex se, si non haberet a se, & ex se, & in se formaliter ipsum obiectū intelligibile, etiam in ratione termini requisiti ad notitiam eius perfectam quam ab alio non recipit, cuiusmodi est notitia beatifica. Et confir. Nam si Pater æternus haberet intellectum ab alio, licet ex se formaliter esset intelligens, sicut modo filius, sed non a se, sed ab alio: ergo similiter, si obiectum beatificum non habet a se ipso, sed ut in tribus, non erit a se perfecte intelligens, & beatus. Per quòd subuertitur quorundam responsio ad argumentum dicentium verum esse, q

Pater prius origine est beatus, quam Filius, id est, a se est beatus, cæterum non est in aliquo instanti beatus antequam Filius. Subuertitur, inquam, talis responsio: quia argumentū probat Patrem à se debere habere obiectum beatificum omni productione seclusa. Præterea, quia licet prioritas originis propriè dicta, quæ inter relatiua attenditur, in diuinis nō exponatur per in quo, sed a quo, cæterum prioritas naturalis præsuppositionis, qualis est inter beatitudinem, prout in prima persona, & beatitudinem, prout in secunda, bene potest exponi per in quo cum verbo intelligi. Atque ita saltem præintelligi potest in Patre vel prima persona perfecta beatitudo, quoniam intelligatur essentia, ut communicata alijs personis.

Item, quia si Pater æternus intelligit beatifica visione essentiam, ut in filio: ergo aliquid recipit a filio, vel ab aliquo, ut in filio. Probatur consequentia per argumentum Philosophi 12. Metaph. tex. comm. 51. quo probat, Deum non intelligere aliud à se, quia tunc vilesceret eius intellectus: quia perfectionem reciperet ab intelligibili alio a se. Ita in proposito, aliquid Deus Pater reciperet a filio, vel ab aliquo, ut in filio, si essentia, ut in filio, esset eius beatificum obiectum. Ino sequeretur maius inconueniens, scilicet, quòd perfectionem simpliciter (ut puta, visionem beatificam) quasi reciperet Pater a tribus personis, ut obiectis, vel ab aliquo, ut in tribus. Ex quo sequuntur duo absurda. Alterum, q non omnē perfectionem haberet Pater a se, & sic non esset primus origine. Alterum verò, q non omnis perfectio simpliciter,

Scotus
nō assu-
mit fal-
sum, ut
dicit Cai-
etan.

Responsio
aliquorū
euerit-
tur.

Duo ab-
surdū.

& essentialis esset aliquo modo prior proprietatibus personalibus, sed aliqua, quasi posterior ipsis personis. ista, scilicet, quæ est ab obiecto beatifico, ut in tribus.

*Pater est
beatus à
se, tri-
modi scilicet
intellectu
& essen-
tia.*

*De ratio-
ne for-
mali ob-
iecti: be-
atifici est
essentia
diuina p
se existens*

*Resp Ca-
ietano.*

Tandem Pater æternus a se est beatus: ergo habet obiectum beatificum, ut beatificum a se: ergo non habet illud, ut in tribus, pro obiecto: quia tunc, ut in filio, & Spiritu sancto per se quasi ageret ad beatitudinem Patris, quod est maximum inconueniens. Concludimus ergo, quod Pater a se est beatus utroque modo, intellectu, scilicet, & essentia. Quia sicut a se habet intellectum, & non ut in Filio, vel Spiritu sancto. ita a se, & in se habet essentiam, tanquam obiectum beatificum perfectum, & non ut in tribus. Quia sicut ad intelligentem ex se, & a se requiritur, quod habeat intellectum a se, & in se: ita & quod habeat obiectum a se, & in se, & non ab alio, vel ut in alio. Et ita sequitur, quod de ratione formali obiecti beatifici non est Trinitas, nec essentia, ut in tribus: sed essentia diuina per se existens, quæ est prima, & perfectissima, atque quidditativa ratio Dei, per quam hic Deus est terminus qui, visionis, & fruitionis beatificæ. Et cū supra obijcit Caietan. quod cognitio beatificæ Patris est comprehensiva essentia diuinæ, & per consequens, quod ut beatifica, terminatur ad personas, respondeo, quod cognitio beatificæ Patris, quæ in visione suæ essentia beatificatur, est quidem comprehensiva essentia secundum suam rationem quidditativam absolutam, in qua per se existens includitur: non tamen est comprehensiva essentia secundum omnem habitudinem eius ad personas, & ad creaturas, vel econuerso:

solum enim beatificat, quatenus est hæc essentia per se existens. Nam si per impossibile, solum esset in diuinis vnica persona absoluta: illa in visione suæ essentia, per se existentis beatificaretur, ergo de ratione obiecti beatifici non est Trinitas personarum. Argumentum est optimum, nam per hoc probamus creaturas non dependere à Deo, ut trino: quia, si vna sola persona esset in diuinis, illa posset omnia creare, in ea enim summa sapientia, & infinita potentia existerent, quæ ad creandum requiruntur, & sufficiunt.

*Si vna sola
persona esset i
diuinis,
posset omnia
creare.*

Et cū obijcit iterum Caietan. quod si quæ humanitatem Petri non in Petro cognosceret, illam imperfectè intelligeret, ita similiter videns diuinam essentiam, non ut in suppositis, videt eam confusè, & imperfectè: respondeo, disparē utrobique esse rationem, nam humanitas Petri non est per se existens, ut prascindit à Petro, essentia verò diuina, ut praintelligitur diuinis personis, est per se existens, & radix omnium diuinarum perfectionum, nec à personalitatis aliquid recipit, sed ipsa potius eis tribuit esse.

*Obiectio
Caietani*

Solutio.

Secundo obseruandum est, quod visio beatifici in Deo ad duplex obiectum terminatur. Alterum est primum, ad quod primum, & per se terminatur, cuiusmodi est diuina essentia, alterum verò secundarium, cuiusmodi sunt res visæ in diuina essentia. Et est differentia inter hæc duo obiecta, quod obiectum secundarium intelligitur virtute primi, non enim totus diuinus intellectus in aliquod obiectum, nisi per rationem essentia diuinæ, & virtute eius. Obiectum ergo primum intelligi si-

Nota. 2.

nec-

ne secundario, non implicat: bene tamen implicat secundariū videri sine primario. Vnde creaturæ in Deo solum habent rationem obiecti termini, & nullatenus mouent ad sui cognitionem diuinum intellectum, quia non mouerur nisi a sola essentia: immo nec tendit in personas diuinas, nisi virtute eiusdem essentie: ac proinde personæ diuinæ habent rationem obiecti quasi secundarij. Secundo differunt, quia actus visionis non pendet essentialiter, nisi ab obiecto primario, & non a secundario.

Nota 3.

Tertio obserua, quod licet diuina essentia moueat intellectum increatum necessariò, & naturaliter, creatum tamen intellectum mouet non quidem naturaliter, sed libere. Quod patet primo, quia ad extra nihil cau-
sat Deus per modum naturæ, seu naturaliter, sed mere libere. Secundo, quia moueret, quantum posset, quia agens naturale agit secundum vltimum suæ potentie: ex quo sequeretur, quod visio beatifica esset in omnibus æqualis, quantum est ex parte obiecti: immò simpliciter æqualis in intellectibus eiusdem virtutis naturalis, quod est hæreticum. Tertio, si natura diuina moueret naturaliter intellectum creatum, falsum esset illud commune dictum: Essentia diuina est speculum voluntarium ostendens beato ea, quæ vult. Quarto, quia si naturaliter mouet intellectum creatum: ergo, si semel mouerit, non erit in eius potestate, ab ipsa motione cessare, & quiescere intellectu presente: quæ omnia sunt absurda. Causat ergo diuina essentia actum beatificum in intellectu creato, quatenus formaliter volens: terminat tamen ipsum in ratione essentie quod ad ra-

tionem actus beatifici sufficit. Vide Scotum in quolibet. quæst. 14. sub litera. V. & deinceps. Vbi expresse docet, essentiam diuinam immediate per se ipsam sub ratione essentie solum mouere diuinum intellectum, & per consequens naturaliter, seu per modum naturæ: intellectum verò creatum mediante actu suæ volutaris, ob rationes supra assignatas. His positis superest, vt quæstionem istam diffiniamus, explicantes, quid de facto, quid vero de possibili in ea tenendum sit. Et incipientes quæstionis diffinitionem a secundo membro per conclusionem est quæstio definenda.

Prima conclusio. Pater æternus, vel alia diuina persona, non potest videre essentiam diuinam, quin simul videat personas, & omnia, quæ in diuina essentia representantur. Probat, quia diuina essentia naturaliter mouet diuinum intellectum, & per consequens quantum potest: ergo diuinus intellectus, cum sit potentia naturalis (in cuius potestate, sicut non est agere, vel non agere, ita nec intenses, vel remisse agere, sed necessario agit, quantum potest) non poterit non intelligere essentiam, & omnia, quæ sibi per essentiam representantur, cum infinite cognitionis sit capax. Ergo, si essentia diuina ei representat tres personas, vt ipse res habet, & omnia cognoscibilia: non poterit diuinus intellectus ea non cognoscere.

Dices forsitan, argumentum concludere, quod intellectus diuinus suæ naturæ relictus, ostensa sibi diuina essentia, non potest non cognoscere ea, quæ in ipsa sunt: cæterum non concludit, quod ex imperio voluntatis diuinæ oppositum accide-

Essentia diuina immediate per se ipsam & naturaliter mouet intellectum diuinum sub ratione essentie.

1. Concl.

Obiecto.

Solutio.

nequeat. Dico, quòd diuinus intellectus, ita summe necessario in diuinam essentiam, & in ea, quæ in ipsa representantur, fertur: vt nullatenus aliqua vi, & potentia ab hoc impediri possit: quod adeò certum est, vt oppositum sit manifestus error. Nā, si posset a visione diuinæ essentiae impedi, non esset necessariò beatus, nec actus intelligendi esset idem sibi, haberetque rationem potentiae passiua respectu visionis, & cognitionis: quæ omnia sunt absurda, & erronea.

1. *Concl.* Secunda cōclusio. Intellectus creatus non potest de potentia sua naturali videre essentiam, non videndo personas. Probatur quia est potentia naturalis, & non libera. Ergo si obiectum, scilicet, essentia diuina, agit in eum ostendendo eise, & tres personas: non poterit nō videre eas, quantum est ex parte sui, præsertim cū earum visione possit perfici: sed diuina essentia de facto ostendit se intellectui creato, vt in tribus: ergo non potest non videre eam, vt in tribus: & per consequens nō potest videre essentiam, quin videat personas.

2. *Concl.* Tertia conclusio. Non implicat cōtradictionem, quòd aliqua creatura videat diuinam essentiam, non videndo personas, vel relationes. Probatur: quia, quando aliquis actus creatus habet duo obiecta, alterum primum, alterum vero secundarium, absque contradictione potest terminari ad primum, quin terminetur ad secundum: sed visio beata creaturæ, vt sic, habet duo obiecta, alterum primum, vt puta, essentiam, alterum secundarium, scilicet, personas: ergo absque contradictione potest terminari ad essentiam, quin ter-

minetur ad personas. Probo maiorem: quia huiusmodi actus per se & essentialiter, solum dependet a primario obiecto, a secundario autem de per accidens: ergo potest ille actus absque contradictione, & repugnantia manere cum dependentia ad primum obiectum, seclusa eius dependentia de per accidens ad secundarium obiectum. Ergo, cum visio beata creaturæ (nam de hac loquimur) per se, & essentialiter, quatenus beatifica est, dependeat a sola essentia diuina, de per accidens verò a personis diuinis, (quia personalitates diuinæ, vt supra diximus, non includuntur in formali conceptu obiecti beatifici) absque contradictione per diuinam potentiam poterit manere cum dependentia ad essentiam, destructa dependentia eius ad personas.

Secundo. Deus potest operari ad actum visionis essentiae, quin cooperetur ad eundem, quatenus tendit in creaturis: ergo similiter poterit cooperari ad visionem essentiae, quin cooperetur eidem visioni, quatenus tendit in personas. Probatur antecedens: quia essentia est obiectum primum, a quo necessario, & per se visio beatifica creaturæ dependet: creaturæ verò obiectum secundarium, a quo non dependet per se, sed per accidens: ergo potest Deus efficere, quod visio non terminetur ad obiectum secundarium, scilicet, ad creaturas, cum dependentia eius ad ipsum sit per accidens. Probatur prima consequentia: quia sicut creaturæ sunt extra rationem formalem obiecti beatifici: ita & personalitates diuinæ: ac proinde sicut visio beatifica creata non dependet per se, & essentialiter a crea-

turis,

risi ita nec a personalitatibus. Sed adverte, quod personalitates diuinæ dicuntur obiecta secundaria diuini intellectus: quia per motionem diuinæ essentia, quæ est obiectum primarium diuini intellectus, cognoscuntur, sicut & creaturæ, licet relationes diuinæ verum esse proprium, & formale atque ex natura rei habeant in diuina essentia, non tamen creaturæ. Præterea dicuntur obiecta secundaria præterea beatifici: quia actus beatificus primò, & per se terminatur ad essentiam, secundario verò ad personas.

1. Probatur id. Tertiò. Non implicat, videri fundamentum, non viâ relatione: videri enim potest color secundum suum esse absolutum, quin in eo videantur relationes in ipso fundatæ: ergo absque contradictione videri potest diuina essentia, non visis relationibus personalibus in ipsa existentibus, præsertim cum ex natura rei formaliter distinguantur.

4. Probatur id. Quartò. Essentia diuina distinguitur formaliter a relationibus, vt controuerfia quarta diximus: ergo potest videri absq; contradictione non visis personis.

1. Argumentum conclusum Thomæ. Sed obijcit, contra hanc nostram conclusionem nouissimus D. Thom. interpres, alioquin sapientissimus in hunc modum. Essentia diuina tam eadem est diuinæ personæ, quam ego sum idem mihi ipsi: ergo, sicuti non est possibile videre me ipsum, nõ videndo me: ita etiam est impossibile, videre diuinam essentiam, non videndo personas.

2. Argu. Secundo. Essentia diuina naturaliter repræsentat se: ergo etiam naturaliter repræsentat id, quod formaliter est ipsa essentia, et in ipsa essentia, cuiusmodi sunt personæ: ergo, &c.

Tertiò. Deus ex natura sua habet, quod sit Trinus in personis: ergo in eius definitione quidditatiua, si posset definiri intrinsece, includerentur tres personæ diuinæ: ac proinde non potest diuina essentia videri, nisi simul tres personæ videantur.

4. Argu. Quartò. Magis distat essentia angeli a supposito angeli, quàm essentia diuina a personis diuinis: sed essentia angeli non potest videri absque angelo: ergo neque essentia diuina absque personis.

Hæc argumenta facillè diluuntur. Vnde ad primum dico, quod diuina essentia maiori identitate reali est idem personis, quam ego mihi: quia illa est identitas realis summa, quæ maior excogitari nequit: cæterum cum hoc stat, quod ego sim magis idem mihi formaliter, quàm essentia cum personis. Nam ego non distinguor formaliter a me ipso secundum omnes: at essentia diuina formaliter distinguitur a relationibus: secundum Scoti probabilissimam opinionem: propter quam distinctionem fieri potest, vt ipsa sine personis videri queat (præsertim cum sit per se subsistens, communicabiliter tamen) non tamen egomet sine me ipso.

Ad secundum concedo antecedens, & nego consequentiam cum consequente. Sed non inde inferitur, quod per Dei potentiam non possit terminari cognitio intuitiua ad essentiam, quin ad personas terminetur.

Ad tertium concedo antecedens, sed nego consequentiam: homo nãque ex natura sua habet, quod sit risibilis: cæterum risibile in hominis definitione non collocatur. Præterea,

verbum diuinum ex natura sua spirat, ceterum spiratio actiua in verbo vt sic, minimè includitur. Item si ex illo antecedente optimè inferitur illud consequens: quomodo ipsemet eadem 1. par. quaest. 28. art. 2. quaest. 3. conclusione 3. concedit illud antecedens, & statim conclusione quarta, negat illud consequens: pater namque, relationes diuinas non esse de conceptu formali essentiae diuinæ. Præterea, si ex illo antecedente legitime inferitur illud consequens, & illud tanquam verum habet, contra dicit sibi ipsi asserendo oppositum loco nunc citato: si verò non bene inferitur secundum eius sententiam, & doctrinam, cur huiusmodi ratione suam stabilivit conclusionem? Tandem manifesta est contradictio in dictis huius sapientissimi Doctoris. Nam quaest. 12. artic. 7. quaest. 2. in solutione ad 4. & 5. affirmat expressè, relationes diuinas esse de conceptu formali diuinæ essentiae, adeo, quòd si ipsa de finiri posset, eius definitionem ingrederentur: eadem autem prima parte, quaest. 28. loco supra citato, tenet oppositum.

*Ad quer-
tum.*

Ad quartum concedo maiorem, quia essentia angeli distinguitur realiter à personaliitate angeli: nò sic autem essentia diuina à personaliitatibus diuinis, sed est idem cum ipsis summa, ac perfectissima identitate reali, quæ omnem compositionem, & quasi compositionem excludit, & summam admittit simplicitatem: sed nego minorem: nam, sicut potest videri albedo, nò visà substantia, in qua est: ita natura angeli sine eius personaliitate. Et admissio, quòd essentia angeli sine eius personaliitate videri nequeat: non inde videtur sequi, quòd

diuina essentia non possit videri sine personis: quia hæc præcisè personaliitatibus est, per se subsistens, non tamen illa.

Quarta conclusio. Visione beatifica, vt beatifica, potest videri diuina essentia; seu hic Deus, per se subsistens, quin videantur personæ. Probatur. Visio, seu cognitio intuitiua beati, terminari potest ad essentiam, seu hunc Deum, quin terminetur ad personas, seu relationes, vt patet ex præcedenti conclusione, in cuius probatione ostendimus, id per absolutam Dei potentiam fieri posset: ergo visio ne beatifica potest beatus per Dei potentiam videre diuinam essentiam, seu hunc Deum per se existentem, quin videat personas. Patet consequenter: quia visio solius essentiae per se existentis est beatifica essentialiter: quia terminatur ad obiectum perfectè beatificum, quale est hic Deus, ex supradictis. Vel aliter sic argumetur (& quasi redit in idè.) De ratione obiecti beatifici nò est trinitas personarum: sed obiectum beatificum perfectum est hic Deus secundum rationem diuinitatis, ex supradictis, ergo sine contradictione consistere potest visio beatifica creaturæ sine hoc, quod terminetur ad personas per hoc solum, quod terminetur ad Deum, vt per se subsistentem: quia Deus, vt sic, est perfectum obiectum beatificum, vt supra ostendimus.

Secundò. Tunc aliquis est beatus, quando possidet summum bonum, quod satiat appetitum volūtaris: scilicet, qui videt essentiam, etiam præscindendo illam à relationibus diuinis, tenet, & possidet summum bonum, quod satiat eius appetitum, quia diuina essentia absolute accepta, omni

rela-

4. Cont.

*De ratio-
ne obiecti
beatifici
nò est tri-
nitas per-
sonarum*

relatione seclusa, est summum, & infinitum bonum: ergo ille, qui videret essentiam diuinam, non visis relationibus haberet visionem beatificam: sed videri potest essentia, non visis personis, ex præcedenti conclusione: ergo similiter visione beatifica absque personis videri potest. Et confirmatur: quia visio ad solam essentiam terminata, satisfacet intellectui, cum sit visio summi veri, & summi boni: ergo visio beatifica non ita necessaria est essentia: ut sit etiam diuinarum personarum.

*Responsio
Thomæ
ad
secundum
hæc.*

Huic argumento respondet ubi supra prædictus expostitor, quod beatitudo non potest præscindere visionem essentia a visione relationum: cum relationes sint de intrinseca ratione essentia diuinæ. Vnde essentia (inquit) est summum bonum, non solum fundamentaliter, sed formaliter: quoniam de ratione eius intrinseca sunt omnes perfectiones possibiliæ, tam absolutæ, quam respectivæ. Quæ circa relationes diuinæ, quæ formaliter sunt in essentia, sunt (inquit) vere perfectiones, quia est realiter, & formaliter essentia idem cum illis.

*Respondetur
ad
solu-
tio.*

Sed hæc solutio parui momenti est: quia relationes diuinæ, ut supra ostendimus, & ut ipse etiam tenet quæst. 2. s. art. 2. q. 3. non sunt de conceptu formalis diuinæ essentia, neque essentia est idem formaliter cum relationibus, ut controuersia quarta ostendimus.

5. Concl.

Quinta conclusio. Etiam actu beatifico per Dei potentiam videri potest essentia, quin videantur attributa. In primis essentia diuina ab intellectu creato videri potest, non visis attributis, quia essentia est obiectum mouens ad cognitionem sui

alijs etiam seclusis, & distinguitur ex natura rei formaliter ab attributis: ergo absque contradictione, Deo cooperante, potest videri essentia, non visis attributis. Et confirmatur: quia essentia videri potest, non visis relationibus, ut supra ostendimus: quia formaliter ex natura rei ab ipsis distinguitur, nec sunt de conceptu formali eius, sed diuina essentia distinguitur formaliter ab attributis, & attributa non sunt de conceptu formali eius, ut controuersia 4. ostendimus: ergo videri potest non visis attributis. Quod verò illa visio esset beatifica, patet, quia ratio formalis obiecti beatifici est ipsa deitas, etiam ut præscindit ab attributis: quia est ratio quidditativa Dei per se existens, quæ Deus quid dicitur, & adequantè est Deus: ergo visio ipsius solius esset beatifica.

Sed obijcit prædictus interpres D. Thom. in hunc modum. Si beatus potest videre essentiam, non videndo attributa, rogo, quid videt tunc beatus ille, qui non videt sapientiam, neque potentiam, neque veritatem, &c. Et quando dicitur ab Scoto, quod essentia distinguitur formaliter ab attributis: negatur hoc, quidquid reclamet Scotus.

Obiectio.

Sed Scotus facili huic satisfacit interrogationi dicendo, quod videret diuinam essentiam, quæ est prima entitas in diuinis formaliter, & radicaliter infinita, a qua, veluti a radice, quasi pullulant (ut quidam aiunt) attributa, & relationes, quæ secundum Damascenum est infinitum essendi pelagus. Præterea Damascenus libro primo, cap. 4. sic ait. Si uisum, si bonum, si quid tale dixeris, non naturam dicis Dei, sed quæ circa naturam:

Solutio.

ergo natura diuina præſupponitur attributis, quæ ipſam quaſi circūſtāt, vt videtur dicere Damascenus, & habent ſe reſpectu eius, quaſi per modū propriarum paſſionū. Ergo ſicut præſciſſis proprietatibus a natura ſpecifica, manet ipſa natura: ita præſciſſis attributis a diuina eſſentia, manet ipſa diuina eſſentia, cuius attributa ſūt, quaſi propriæ paſſionis ſumma, ac perfectiſſima idētitate reali idem cū ea. Per quam idētitatem & ſummā actualitatem, atque vltimā cuiuslibet in diuinis exiſtens, omnis cōpoſitio, & quaſi cōpoſitio excluditur: quia, vbi eſt inter aliqua perfectā idētitas, & ſumma actualitas, non poteſt eſſe ratio actus, & potentia, quæ ad cōpoſitionem neceſſaria eſt. Eſt igitur diuina eſſentia, atque diuina perſona, ita ſummē ſimplex cum nō idētitate formalis relationum, & eſſentia, ac ſi nulla talis non idētitas formalis ibi reperiretur, vt controuerſia quarta docuimus.

6. *Concl.* Sexta cōcluſio. Nullo actu beatifico, vt ſic, videri pōt relatio aliqua diuina, nō viſa eſſentia. Ratio eſt, quia relatio ſecundū ſe, et formaliter, vt cōdiſtincta ab eſſentia, non eſt obiectū beatificum: ergo viſio ad ipſam præciſe terminata non eſſet beatifica.

7. *Concl.* Septima cōcluſio. Per Dei potentiam fieri poteſt, quōd beatus habeat notitiā iudicatiā de eſſentia, & non de perſonis. Hac cōcluſio euidenter ex præcedentibus ſequitur. Nam admiſſo quod beatus poſſit videre eſſentiam, nō viſis perſonis, habebit tunc iudiciū de eſſentia ſibi nota, & non de perſonis, quas non videt. Præterea. Iudiciū beatī de eſſentia, & iudiciū de perſonis poſſunt eſſe diſtincta iudicia in beato: er-

go poteſt Deus concurrere cū beato ad primum iudiciū, quin concurrat cum eodem ad ſecundum. Hac cōcluſio a iunioribus etiam Theologis defenditur.

Octaua cōcluſio. Voluntas creata per potentiam Dei poteſt frui fruitione beatifica diuina eſſentia, ſeu hoc Deo, non fruendo perſonis. Probatur. Poteſt ſibi oſtendi Deus clarē viſus, vt obiectū beatificum, quin ſibi oſtendantur perſonæ: quia ex ſupradictis, videri poteſt eſſentia, non viſis perſonis, & per conſequens oſtendi voluntati, non oſtenſis perſonis: ergo poterit frui eſſentia clarē viſa ſibi oſtenſa, quin actu fruatur perſonis ſibi non oſtenſis: ſed huiusmodi fruitio eſſet beatifica, quia terminaretur ad obiectū perfectē beatificum (vt ex ſupradictis patet) ergo voluntas poteſt frui per diuinā potentiam eſſentia, quin fruatur perſonis: non tamen poteſt frui relationibus diuinis beatificis, non fruendo eſſentia, quia ſola eſſentia eſt obiectum beatificum, & relationes ſine ipſa non beant.

Sed quidam doctiſſimus D. Thomæ interpres, prima parte, quæſtione duodecima, articulo ſeptimo, quæſtione ſecunda, cōcluſionem multis impugnatur argumentis. Primò ſic. Sicut viſio beatifica neceſſariò repræſentat eſſentiam, & perſonas: ſic eadem viſio eſt iudiciū, quo beatus iudicat, illam eſſentiam & perſonas eſſe ſibi ſummum bonum: ergo non poteſt frui vno illorum ſine alijs.

Secundo. Viſio beatifica eſt tota ſimul vniformis, & perſeuerans, ac proinde meſſuratur æternitate participata, ſicut viſio Dei meſſuratur æter-

*Obiectio
nes cuius
dam Tho-
miſte.*

1. Obiectio.

2. Obiectio.

æternitate sua naturalis: ergo per illam notitiam beatus iudicat essentiã, & tres personas esse summum bonum sibi ipsi: unde sequitur in voluntate ipsius beati fructio: ergo, &c.

3. Obiectio.

Textio. Beati in patria diligunt Deum, & personas diuinas necessaria dilectione, non libera, & necessario iudicant, quod essentia, & tres personæ sunt summum bonum sibi ipsis: ergo necessario fruuntur Deo, & personis: malè igitur (inquit) aliqui Theologi concedunt cum Scoto, beatos posse de potètia absoluta Dei iudicare, essentiam diuinam esse summum bonum, nihil iudicando de personis.

4. Obiectio.

Quarto. Pro nullo signo essentia diuina est non communicata tribus personis: ergo pro nullo signo potest cognosci, ut non communicata tribus: sed ad cognitionem sequitur fructio: ergo in nullo signo potest homo frui essentia, quin simul fruatur personis.

Ad hæc argumèta respondeo primo, quod probant de potentia ordinaria Dei, & potentia naturali creatura, beatum non posse frui essentia, quin fruatur personis sibi ostensis, sicut nec potest secundum eandem potentiam videre essentiam, non videndo personas: ceterum non ostendunt, quod de potentia absoluta Dei beatus non possit frui essentia, quin fruatur personis.

Ad primam obiectiõnem.

Vnde ad primum dico, quod, sicut visio beatifica, ut beatifica, & sub ea ratione, qua beatifica est, non habet, tanquam terminum sibi intrinsicum, personas, sed essentiam diuinam in se existentem (quia, ut visio beatifica, solum terminatur ad obiectum beatificum, in qua per se, &

intrinsecè Trinitas personarum non includitur, ut supra docuimus) ita ut beatifica non representet necessariò personas, sed solam essentiam, licet de facto ad utrumque terminetur, & utrumque repræsentet. Vnde per visionem beatificam ad essentiam præcisè terminatam per diuinam potentiam, potest iudicare beatus diuinam essentiam in se existentem esse summum bonum, ut re vera est. Hic nãq; Deus, præscissis per intellectum relationibus, est summum ens, & infinitum bonum, quia est Deus benedictus in secula, diues in omnes, qui inuocant illum, qui a proprietatibus re latius nihil perfectionis accipit: imò si qua perfectio in ipsis est eam ab eius natura, tanquam a radice, habet. Et confirmatur: quia hic Deus diuinis personis præintellectus habet diuinam naturam, quæ est infinitum essendi pelagus (ut ait Damascenus) cū omnibus perfectionibus absolutis, quarum vnaquæq; est formaliter, & simpliciter infinita: ergo beatus per visionem præcisè ad essentiam terminatam potest iudicare, quod diuina essentia est summum bonum, & infinitum, nihil iudicando de personis, quas non videt. Et hoc adeò certum esse arbitror, ut non dubitem, oppositum esse plusquam falsum. Imò dico, quod visione beatifica per Dei potètiã ad essentiam, & non ad personas terminata, poterit beatus sua naturali potentia iudicare, essentiam esse summum bonum, nihil iudicando de personis, quas non videt: quia cognoscit, essentiam prædicto modo a se conceptam esse summum bonum. Hoc autem iudicium potest voluntas de potentia ordinata Dei sequi, & sic frui sola essentia.

Confirmatio.

Secundo

Secundo dico, quod posita visione in intellectu beati ad essentiam, & personas simul terminata, potest voluntas eius per Dei potentiam frui essentia, quia actu fruatur personis: quia Deus potest ad id praeire cum ea concurrere, quia in hoc nulla est repugnantia. Dico etiam, quod posita visione essentiae in intellectu beati, per Dei potentiam potest non sequi frui in voluntate, ut tenet Scotus in 3. dist. 2. q. 1. sub h. B. Ratio huius est, quia visio beatifica est quid absolutum, re ipsa distinctum a fruitione voluntatis, & naturaliter prius ea: nunc autem nulla est repugnantia, & contradictio, quod prius naturaliter, & re ipsa distinctum a posteriori cau- seatur sine posteriori, sicut non est contradictio, quod sit sine posteriori. Sed de hoc alius.

Ad secundam

Ad secundam dico, quod nihil concludit. Supponit enim visionem beatificam, ut sic, absolute necessario terminari ad personas: quod sibi erat probandum, quia id falsum esse, supra ostendimus.

Ad tertiam

Ad tertiam, transeat antecedens: nam de eius veritate alibi erit sermo: & concedo consequentiam cum consequente. loquendo de potentia ordinaria, & de actu, sed non de possibili. Nam sicut diuina essentia videri potest sine personis per Dei absolutam potentiam secundum ea, quae paulo ante diximus, ita beatus per eandem potentiam potest frui essentia, quia fruatur personis.

Ad quartam

Ad quartam, transeat antecedens, & concedo consequentiam cum consequente, scilicet, quod pro nullo instanti potest vere concipi essentia diuina, ut non communicata, sine fallitate: sed bene potest non concipi, &

videri, ut communicata. Sicut licet pro quocumque instanti homo sit risibilis, ac proinde pro nullo instanti possit vere intelligi, ut non risibilis, ceterum pro aliquo instanti potest non intelligi, ut risibilis (quia abstractientium non est mendacium) ita licet diuina essentia pro nullo instanti possit vere intelligi, ut non communicata, tamen pro aliquo instanti potest non intelligi, & videri, ut communicata.

Sed obijcies. Non intelligitur essentia, ut communicata: ergo intelligitur, ut non communicata. Concesso antecedente, nego consequentiam: quia commutatur abstractio simplex, & praesens in mendacem, & diuisiuam: sicut in hac argumentatione. Non intelligo coruum nigrum: ergo intelligo coruum non nigrum. Hec de possibili circa fruitionem, & visionem dicta sunt.

Nona conclusio. Loquendo de facto, & ut a parte rei contingit, visio beatifica est simul visio essentiae, & personarum. Probat, quia iuxta illud 1. Ioannis, cap. 3. Cum apparuerit, similes ei erimus, quia videbimus eum, sicuti est: sed Deus est in se trinus: ergo Deus, ut trinus, videbitur. Praeterea, credimus Deum trinum: ergo videbimus Deum trinum. Patet consequentia: quia fides succedit visioni. Conclusio est certissima, & eam tenet August. 1. de Trinit. cap. 10.

Decima conclusio. Possibile est, viatorem frui essentia, non fruendo actu personis. Probat. Essentia per se subsistens, seu hic Deus, est obiectum conceptibile secundum se, in cuius conceptu non includuntur relationes, & personae (ut in superioribus diximus,) sed essentia sic concepta

9 Concl. De facto

10. Ch.

cepta habet rationem summi boni: igitur & perfectam rationem fruibilis: ergo voluntas potest ea frui ordinatè, cum sibi fuerit ostensa ab intellectu, ut summum bonum fruibile: sed potest ostendi essentia ab intellectu viatoris, quin ostendantur personæ, quia viator sua naturali potentia potest concipere Deum, ut summum bonum, quin meminerit personarum: ergo poterit intellectus viatoris ostendere voluntati essentiam, quin ostendat personas, & per consequens poterit voluntas frui essentia sic sibi ostensa, non tamen poterit frui ordinare personis, non fruendo essentia, quia persona in se includit essentiam, ratione cuius est obiectum fruibile.

12. Conclus.

Vndecima conclusio. Viator potest frui vna persona, non fruendo actu alia. Probat. Respectu trium personarum sunt distincti fidei articuli: ergo potest concipi vna persona, cui correspondet vnus articulus, non concipiendus alius, cui correspondet alius articulus: sed in persona sic concepta concipitur ratio summi boni, & per consequens ratio fruibilis, & sic potest ostendi voluntati: ergo poterit voluntas frui actu ista persona sibi ostensa, quin fruatur alia. Sed dices, quod persona est relatiua, & ita sine suo correlatiuo concipi nequit. Dico, quod licet Pater concipi non possit sine filio, tamen bene concipi potest Pater, ut Pater, quin concipiatur Spiritus sanctus: & sic poterit voluntas eo frui, quin fruatur actu Spiritui sancto.

Secundo dico, quod voluntas potest frui vno relatiuo, non fruendo alio actualiter, licet intellectus non possit concipere vnum relatiuum si-

ne alio: quia voluntas magis potest abstrahere, quam intellectus. Et patet: quia potest voluntas frui Deo, ut creatore, quin fruatur creatura, & tamen intellectus non potest concipere Deum, ut creatorem, quin concipiat creaturam.

Duodecima conclusio. Non potest viator ordinare frui vna persona actu, quin habitualiter ceteris fruatur (id est) quin sit in proxima dispositione ad fruendum alijs. Probat. Non stat amor vnus personæ actualis sine amore alterius, saltem habituali: ergo nec fruitio actualis vnus sine fritione habituali alterius. Consequentia tenet: antecedens probatur: quia impossibile est, diligere actu vnam personam, & aliam odio habere, iuxta illud Iohannis 15. Qui me odit, & Patrem meum odit: ergo, qui fruitur vna persona actu ordinatè, debet alijs, habitualiter (saltem) frui. Confirmatur hoc ex Damasceno, lib. 1. cap. 9. dicente, quod Deo debetur vna adoratio propter vnam eius maiestatem, ita, quod non cōuenit adorare vnam personam, non adorando alias. Quod debet intelligi habitualiter. Ita similiter non potest voluntas frui vna persona, quin saltem habitualiter, ceteris fruatur, quia in tribus est vnica ratio fruibilis, sicut vna ratio maiestatis. Sic igitur vnica est adoratio habitualiternum personarum, quia quicūq; adorat vnam personam, habitualiter se subiecit toti Trinitati: ita quicumque fruitur ordinatè vna persona, habitualiter fruatur alijs. Sed sic non oportet adorationem vnam personam actu, de alia etiā actu cogitare, & per consequens, nec aliam actu adorare (ut constat de oratione vnam personam oratione,

quæ

quæ non dirigitur ad aliam, sicut patet de illo hymno, Veni creator Spiritus, &c. & de multis orationibus in Ecclesia institutis, quæ frequenter diriguntur ad Patrem, in quibus non fit mentio filij, nisi in fine, cum inducitur, tanquam mediator: ita, cum quis fruatur vna persona actu, non oportet, quod alijs actu fruatur, sed sufficit, quod habitualiter fruatur.

AD ARGUMENTA in principio controuer- sæ posita.

Ad primum.

Ad primum concedo antecedens, & nego consequentiam. Ad probationem nego, quod esset cognitio imperfecta. Cum iterum dicis, quod esset confusa, nego illud. Et ad probationem dico, quod si cognitio vniuersalis, & communis pluribus in creaturis est confusa, non cognitis inferioribus, ideo est, quia illud vniuersale & commune est realiter diuisum, & partitum in illis, a quibus actualitatem aliquam recipit: ceterum diuina essentia, licet sit tribus diuinis personis communis, non tamen est diuisa, & partita in illis, sed vna prorsus numero: quia de se est singularissima, & indiuisibilis, nec aliquam perfectionem à relationibus recipit: sed relationes recipiunt totum suum esse ab ea, tanquam à radice. Et ideo cognitio, & visio essentiae, sine personis est distincta, atque perfecta.

Secundo dico, quod cognitio vniuersalis in creaturis abstracta a suis inferioribus potest esse distincta: animal enim concipi potest secundum suam quidditatem distincta cognitione, non cognitis suis inferioribus. Sic cognitio essentiae in diuinis, et si

diuisa esset in personis (quod tamen est impossibile) posset esse distincta: sed prior solutio est melior.

Ad secundum dico, quod est necessarium, terminum visionis, & cognitionis intuitiue esse quid existens, in quantum existens, non tamen est de ratione eius, quod sit existens in communicabili existentia (id est) quod sit suppositum: ut patet in albo. Videtur enim intuitiue, in quantum existens, & præsens visui sui suam existentiam, ad quod tamen non requiritur, quod videatur, tanquam subsistens, & suppositum: ut patet in hostia consecrata, ubi videtur album, sui quod existens, non tamen, ut suppositaliter existens, nec ut existens in supposito. Idem patet in visione animæ separatae intellectuali. Essentia ergo diuina, cum sit de se hæc, & singularis, & actu existens, licet non includat in sua ratione subsistentiam, incommunicabilem, poterit esse visionis terminus, ac proinde poterit terminare visionem ipsa sola sine personis. Tene, ergo, quod de ratione termini visionis non est subsistentia incommunicabilis, sed existentia actualis. Nunc dico ad formam argumenti negando consequentiam. Ad probationem concessio antecedente iterum nego consequentiam: solum enim ex antecedenti potest inferri, quod sit visio existentis in personis, sed non secundum quod in personis sumendo ly, secundum, reduplicatiue.

Ad tertium dico, quod maior propositio est falsa, nisi quando in illis ex natura rei distinctis ipsa res primo visa distinguitur, & diuiditur: sicut patet in exemplo de albedine adducto, quæ distinguitur, & diuiditur in partibus superficiei, in quibus videtur. In proposito vero, licet diuina

Ad secundum.

Ad tertium.

æ personæ ex natura rei distinguantur inter se, essentia tamen vna non distinguitur in eis, nec diuiditur: quia est de se hæc, & singularis: ac proinde videri potest, quin videantur personæ, quæ in ea subsistunt.

Ad quartum.

Ad quartum concedo antecedens, & nego consequentiam, sumpto ly, vt, reduplicatiue. Ad probationem nego minorem: & ad probationem ex Diuo Ioanne desumptam respōdeo, q̄ videre Deum, sicuti est, potest bifariam contingere. Primò videndo eum, sicuti est in sua existentia substantiali præcisè. Secundo videndo eum in sua existentia, & subsistentia incommunicabili. De factò quidem videbimus Deum vtroque modo: de possibili vero ad visionem beatificā sufficit videre Deum per se existentem, etsi non videamus illum subsistentem incommunicabiliter.

Ad quintum.

Ad quintum patet ex dictis, quomodo videri potest essentia sine personis, & vna persona sine alia, dummodo non sit eius correlatiua: ac per consequens, voluntas potest frui essentia, non fruendo personis, & vna persona, quin fruatur alia: quia sequitur ostensionem sibi factam ab intellectu. Et ita, sicut potest sibi ostendi essentia, non ostensis personis, & vna persona alia non ostensa: ita potest frui essentia, non fruendo personis, & vna persona, non fruendo alia.

Ad sextum.

Ad sextum nego minorem. Ad probationem dico, q̄ potentia fruens essentia diuina perfectissimè quietatur, cum in ipsa beatificetur, nec potest vltèrius (id est, perfectius) saltem beatificè, quietari. Cæterum potentia fruens essentia, vt in se, potest quietari in essentia, vt est in alio, scilicet, vt in Patre, vel vt in Filio, vel

vt in Spiritu sancto: sed hoc eadem quietatione, qua quietatur in essentia, vt est in se. Nam, quod quietatur primò in aliquo obiecto, quietatur in eodem obiecto, in quocunque est secundum modum, & rationem, qua primò quietat, & satiat quiescentem in illo. Ita in proposito. Si beatus prius fruatur essentia, & postea persona, non quietatur vltèriori quietatione, saltem beatifica, quam prius quietabatur, sed eadem prorsus quietatione, in quantum obiectum quietans terminat, vt in aliquo, & prius non terminabat, vt in illo. Hæc solutio est Doctoris subtilis, vbi supra.

Modò superest, vt duobus fundamentis, quibus opinio Diui Thomæ fulciebatur, satisfaciamus. Ad primū dico, quòd alia est formalis ratio diuinæ essentia, & alia paternitatis. Primo autem exemplo copiosius respondimus in Controuersijs quartis, in illa Controuersia, An in rebus animatis sit constituenda forma alia ab anima. Et pro nunc dico, quòd effectus ab aliqua forma prouenientes sunt in duplici differentia. Alij subordinati, sicut se habent vegetatiuum, sensitiuū, & rationale: alij vero sunt omnino repugnantes, vt esse lapidis, & esse hominis, vel esse hominis, & equi. Effectus itaque subordinati bene possunt ab eadem illimitata forma prouenire: at vero effectus disparati, præsertim specfici, vel omnino repugnantes, ab eadem forma haud quaquam prouenire possunt; esse. n. asini, & esse leonis, esse hominis, & esse equi à nulla forma, quantumvis illimitata, dimanare possunt. Ita in proposito, cum esse absolutum, & esse relatiuum sint effectus formales omnino disparati, nullatenus ab eadem

Responso ad duo fundamenta p̄ opinione B. Tho.

dem forma formaliter esse possunt: sed necessario sunt à distinctis rationibus formalibus. Et patet: quia esse relatiuum formaliter, est à relatione, & non ab essentia, vt sic, quia est entitas absoluta, & esse absolutum non est formaliter à relatione, sed ab essentia: quia relatio, vt sic, non est absoluta. Præterea dico, quòd, licet forma det esse formale, nunquam tamen huiusmodi effectus de ea dicitur in recto: non enim albedo est alba, nec nigredo nigra. Ita licet essentia, vt sic, tribueret esse relatiuum, vel relationem in esse, quod tamen est falsum: nec esset relatiua, nec relatio formaliter.

Ad secundum exemplum de ea-

litate, & siccitate in sole dico, quòd caliditas, & siccitas non sunt secundum proprias rationes formales in sole, sed solum sunt ibi eminenter, & virtualiter. Vnde illa virtus solis, nec est formaliter siccitas, nec formaliter caliditas, sed virtualiter, ac proinde non mirum, si non habeant ibi distinctas rationes formales. Cæterum relationes, & essentia sunt in diuinis secundum proprias rationes formales, quæ necessario inter se sunt ex natura rei distinctæ formaliter, vt controuersia 4. diximus.

Ad secundum fundamentum patet, quòd sit falsum ex his, quæ diximus primo notabili, pro opinione Doctoris subtilis.



CONTRVERSIA

SEPTIMA.

*Verum verbum intellectus creati sit actualis intellectio, an
aliquid ab ea distinctum?*

1. *Argu.*

VIDE TUR, quod non sit actualis intellectio: quia Augustinus 8. de Trinitate. c. 6. ait. Phantasia Carthaginis in memoria est verbum Carthaginis: sed Carthaginis phantasia nihil aliud, quam species intelligibilis videtur esse: ergo verbum non est actualis intellectio, sed species intelligibilis.

2. *Argu.*

Secundo. Verbum, quod foris sonat, est signum eius verbi, quod intus latet, ex Augustino decimo quinto de Trinitate, capite decimo: sed verbum, quod exterius sonat, non est signum intellectiois, sed rei intellectæ: ergo verbum non est intellectio, sed res intellecta. Patet minor: quia aliter hæc propositio, Homo est animal, esset falsa: nam si ista verba significant intellectioem, sensus propositionis est, intellectio hominis est intellectio animalis, quod tamen falsum esse constat: licet enim homo sit animal, intellectio tamen hominis non est animalis intellectio.

3. *Argu.*

Tertio. Verbum est aliquid productum per intellectioem: ergo non est ipsa intellectio. Patet antecedens: quia de ratione intellectiois est, quod res intellecta sit intra ipsum intellectum quasi in actu secundo: sed hoc esse nequit, nisi per intellectioem producat verbum, per quod res ipsa quasi in actu secundo sit in

intellectu: ergo per intellectioem producit verbum.

4. *Argu.*

Quarto. Verbum est proles & genitum a memoria, ut docet Augustinus nono de Trinitate, capite ultimo: Sed intellectio non est genita, neque producta a memoria: ergo intellectio non est verbum, sed aliquid genitum & formatum præter actum intelligendi. Consequentia tenet, patet minor: quia intellectio est actio, actio vero non gignitur (quia actionis non datur actio) sed est id, quo aliud gignitur.

1. *Opinio.*

IN hac questione est multiplex opinio. Prima est Aegidij Romani. quol. 3. qd. 12. & 13. & 14. asserentis verbum nostri intellectus esse speciem intelligibilem præcedentem actum intelligendi, & productam a specie intelligibili existente in memoria. Itaque secundum illum Doctorem duæ sunt species intelligibiles in nostro intellectu: una quæ pertinet ad memoriam, quam intellectus agens simul cum phantasmate in intellectu possibili producit: alia vero, quæ pertinet ad intelligentiam prior actu intelligendi. Quæ duæ species, & conueniunt inter se, & differunt. Conueniunt quidem: quia vtraque est eiusdem obiecti imago. Differunt vero: quia illa, quæ est in memoria, est causa efficiens eius, quæ est in intelligentia, quam verbum esse asserit Aegidius. Differunt præterea: quia

quia illa species, quæ ad memoriam pertinet, ab actuali intellectione separatur, & absq; ipsa existit: vt in homine dormiente patet, cuius intellectus speciebus intelligibilibus informatur, etiam dū nihil intelligit, sed dormit. Species vero secunda ad intelligentiam pertinens absque actuali intellectione nequit existere, cum ipsa enim & nascitur, & moritur.

2. opinio.
O. Aureoli.

Secunda opinio asserit verbum mentis esse obiectum cognitum per intellectiōem. Hanc sententiam tenet Aurcolus, vt refert Capreolus in 1. dist. 27. q. 2. licet alij asserant obiectum secundum esse, q. habet a parte rei, esse verbum mentis.

3. opinio
D. Tho.

Tertia opinio est beati Thom. 1. p. q. 34. art. 1. ad 2. & q. 27. art. 1. & etiā Caietani asserentis verbū nostrī intellectus esse similitudinem formalem, & expressam rei cognitę productionem per actionem intelligendi.

4. opinio.

Vltima opinio est Scoti in 1. d. 27. q. 1. affirmantis verbum intellectus creati esse ipsam intellectiōem actua-lem. Idem tenet Dur. & Gab. eadem d. & multi alij grauissimi Doctores.

EXPOSITIO opinionis B. Thomæ.

Not. 1. p.
opinione
D. Tho

PRO intelligentia opinionis beati Thomæ, primo obseruandum est, obiectum & animam in notitiæ & verbi productione viro & fœminæ in generatione prolis comparari. Obiectum enim habet se veluti pater, anima vero tãquam mater. Et sicut vir transmittit semen in fœminæ uterum, illudque loco sui substituit, ex quo fœmina efficitur pręgnās prolesque concipitur atque generatur, deinde vero sequitur partus: ita

obiectum, quoniam animam ingredi nequit, vt ei per seipsum vnatur, transmittit speciem in ipsam, eamq; loco sui substituit, quæ se habet veluti obiecti semen, quo anima efficitur pręgnans, vel (sicut ait Scotus) memoria fœcunda. Et vt semen est principium quo proles concipitur: sic etiam species intelligibilis est principium actus intelligendi, quo gignitur notitia & verbum. Propter hanc similitudinem, quam verbum & notitia habent cum prole, quæ concipitur & nascitur, appellatur ab Augustino multis in locis conceptus partus, mentis proles, & genitum, præcipue 9. de Trinit. cap. vlt.

Secundo obseruandum est, quod anima nostra per speciem intelligibilem est in actu primo ad intelligendum: sicut ignis per calorem ad calefaciendum. Et insuper species intelligibilis est principium quo, actus intelligendi: quia ea anima utitur ad intelligendum, & ipsa est principium quod intelligit perinde ac calor est principium quo calefactionis, quia ignis utitur eo ad calefaciendum, ipse vero ignis est principium quod calefacit. Et præterea, sicut ignis per calefactionem producit calorem, qui est eiusdem calefactionis terminus: sic etiā anima per actū intelligendi producit notitiā, quæ est actus intelligendi terminus. Et quemadmodum ignis est in actu secundo calefaciendi per calefactionē, & non per calorem: ita quoque anima est in actu secundo intelligendi per intellectiōem, & non per speciem intelligibilem. Nam si per speciem intelligibilem esset intellectus in actu secundo intelligendi, sequeretur, quod dum species intelligi-

Nota. 2.

bilis

bilis esset intellectu, semper intellectus esset in actu secundo intelligendi rei, cuius est species, quod est omnino falsum: homine enim dormiente, & nihil intelligente est in intellectu illa species intelligibilis.

1. Concl.

His positis est pro opinione sancti Thomae prima conclusio. Verbum formaliter loquendo non est ipsa intellectio. Quam sic probant Thomistae. Verbum est terminus intellectio: ergo non est formaliter ipsa intellectio. Pater consequentia: quia nihil est terminus terminans seipsum. Antecedens satis probatum videtur ex praedictis fundamentis.

Secundo. Verbum ex sua propria ratione est similitudo formalis rei intellectae secundum August. libro decimo quinto de Trinitate. Sed intellectio formaliter loquendo non est similitudo, aut imago rei cognitae, si quidem est actio vitalis, de cuius ratione non est esse formam & similitudinem expressam obiecti: ergo formaliter loquendo intellectio non est verbum, sed potius actio, per quam verbum producitur.

2. Concl.

Secunda conclusio. Verbum est similitudo formalis, & expressa rei cognitae producta per actum intelligendi, sicut calor per calefactionem. Probatur. Verbum secundum Scotum & sanctum Thomam produci-
tur per actum dicendi: sed dicere est intelligere: igitur verbum produci-
tur per actum intelligendi: res vero producta per actum intelligendi non est nisi imago rei intellectae: ergo. Consequentia tenet cum maiori: patet minori: quia quilibet actus intellectus est intelligere, sicut quilibet actus potentiae visivae est visio. Hactenus de sententia beati Thomae, quae

argumentis adducendis contra opinionem Doctoris subtilis magis corroborari poterit.

[E X P L A N A T I O
opinionis Doctoris
subtilis.

AD huius quaestiones exactam intelligentiam, & Scotticam opinionis cognitionem aliqua praevia-
da sunt fundamenta. Verum, quia verbum mentis ad vnguem, nisi per verbum oris intelligi haud potest, opera pretii erit ante omnia de verbo oris sermonem instituere. Et ab eius definitione incipientes, dicimus, Verbum vocale (ut eius nominis significatio aperte indicat) esse vocem a dicente siue loquente prolatam. Proferre nimirum verbum est ipsum producere & generare: tunc enim verba producuntur & generantur, cum proferuntur.

Nota, 1.

Definitio Verbum vocale, & declaratio definitio.

Ex hac definitione plura colliguntur. Primo, quod verbum est alicuius rei signum: est enim vox, ut ipsa definitio ostendit: de ratione vero vocis est quod significet iuxta Arist. 1. de anima, text. 90.

Secundo inferitur, quod verbum importat relationem rationis ad rem significatam, quae est signi ad signatum: quia verbum est signum, & signi nomen eam importat.

Sequitur tertio, quod est effectus a dicente productus, per locutionem, & ipsius locutionis terminus: sicut calor est effectus a calefaciente productus, ipsiusque calefactionis terminus.

Inferitur quarto, quod verbum vocale importat relationem, quam vocat realem ad dicentem, scilicet, processum

K sionem

sionem a dicente, quæ est relatio effectus ad causam: quia vere est quid productum a dicente.

Quinto elicitur, quod omne verbum vocale est duorum, quaterius enim a dicente profertur est dicentis verbum, ut autem est rei signum, est ipsius rei verbum. Eadem proprietates verbo mentis insunt. Est enim verbum signum naturalisque similitudo rei intellectæ, vel intelligibilis, denique relationem rationis ad eandem rem, quam significat, & cuius imago est, realem vero ad dicentem & producetrem ipsum. Est enim eius effectus realis: ac proinde est etiam duorum verbum dicentis, scilicet, & rei intellectæ, siue intelligibilis, quæ significat: quæ omnia inferius multo magis patebunt. Sed memineris etiam, quod, ut ad præsens attinet, dicere, & loqui idem sunt, nec non producere & generare verbum. Et sicut verba vocalia cum alijs loquimur ad manifestandos eis nostros conceptus in mēte latentes proferimus: ita etiam nobis ipsis loquimur mentaliter producendo intra nos verba mentalia declarantia obiecta in memoria latentia.

Nota 1. Obserua secundò, quod memoria fecunda vocatur a Diuo Augustino, & a Scoto, intellectus non absolute consideratus, & nudus sine specie intelligibili, sed ut est informatus ac vestitus huiusmodi specie, quam dū habet est sufficiens principium producendi verbum. Vocatur autem intellectus memoria: quia sicut memoria sensitua, quæ propriissime memoria est, prius habet speciem rei, quæ recorderetur eius: sic etiam intellectus prius habet in se speciem rei intelligendæ, quæ eā intelligat. Intelligētia

verò vocatur ab eodem Augustino intellectus informatus actuali intelligentione, vel actu intelligens: quod idem est.

Hæc positis inuestiganda est iam definitio verbi mentalis ex nonnullis conditionibus, & proprietatibus eius; quas Augustinus diuersis in locis suæ doctrinæ asserit. Prima conditio. Verbum est actus & perfectio intelligentiæ, id est, intellectus intelligentis actu. Sicut enim albedo est albi perfectio: sic verbum est perfectio intellectus intelligentis. Hoc colligitur ex Aug. comparādo Trinitatem creatam, quam ponit lib. 9. de Trinitate, cap. vi. Trinitatem quam lib. 10. cap. 11. constituit. In primo loco asserit mentem, verbum, & amorem Trinitatis increatæ similitudinem gerere: in secundo vero, memoriam, intelligentiam, & voluntatem. Memoria autem correspondet menti, intelligentiæ notitia & verbum, volūtatī vero amor. Sicut autem amor est voluntatis perfectio & actus: ita & verbum est intellectus actu intelligentis perfectio & actus.

Secunda conditio. Verbum est notitia immediate genita a memoria perfecta & secunda. Hæc conditio accipitur ab Augustino. 1. 5. de Trinitate, c. 26. ubi sic ait. Verbum nostrum de nostra scientia est. Et se exponendo dicit. De nostra scientia (inquam) memorabili, ac si diceret, de nostra memoria est. Et eodem lib. cap. 10. Formata quippe cogitatio ab ea re, quam scimus, verbum est. Et Diuus Anselmus in monolog. capit. 26. ait. Verbum est cogitatio de memoria facta.

Tertia conditio. Verbum non est absque actuali cogitatione. Unde intel-

*Conditio
nes verbi
mentalis
1. Condi-
tio.*

*2. Condi-
tio.*

3. Conditio

intellectu non intelligente non est verbum. Hoc asserit August. 15. de Trin. c. 15. ubi concludit, quod verbū nostrum non potest esse sempiternū quia cogitatio nostra non potest esse sempiterna.

Ultima conditio verbi nostri est, quod est representativum verbi divini. Quod patet ex Augustino, qui a lib. 9. de Trinit. usque ad finem, ex similitudine verbi nostri investigat verbi divini naturam, & originis suæ modum.

Ex his conditionibus elicitur sequens verbi definitio. Verbum est actus intelligentiæ productus a memoria perfecta, non habens esse sine actuali intelligentiæ representans divinum verbum. Tres priores verbi conditiones patent ex supradictis. Et pro intelligentiæ ultimæ nota id, quod multis locis docet August. & communiter recipitur ab omnibus doctoribus, scilicet, quod in mente nostra est imago sanctissimæ Trinitatis iuxta illud. Faciamus hominem ad imaginem & similitudinem nostram. Est enim in mente nostra aliquid representans Patrem, ut puta, memoria perfecta; aliquid representans filium, cuiusmodi est verbum; aliquid demonstrans, quod representat Spiritum sanctum, videlicet, amor per voluntatem productus de quo inferius.

Ex hac verbi definitione inferitur, quod verbum mentis non est aliquid pertinens ad memoriam, quia est effectus ab ipsa productus. Ex quo rursus inferitur, quod species intelligibilis in memoria existens, non est verbum: quia verbum producitur a memoria, species vero intelligibilis cum sit aliquid memoriæ, non potest a memoria produci: quia tunc idem

a seipso produceretur. Præterea, quia verbum non est sine actuali intelligentiæ, ut patet ex eius definitione: species vero intelligibilis existens in memoria est in homine ipso dormiente. Tertio sequitur, quod habitus existens in intellectu propter rationem modo dictam, non est verbum. Quarto sequitur, quod verbum mentis non est aliquid pertinens ad voluntatem, nec ad tertiam partem imaginis, quæ est amor productus: quia nihil ponitur in verbi descriptione, quod ista re doleat. Quinto sequitur, quod verbum est aliquid pertinens ad intelligentiæ, quia nihil aliud in mente reperitur, ad quod pertinere possit. Cum autem in intelligentiæ nihil reperitur, nisi vel actualis intelligentiæ, vel species generata in intelligentiæ de specie in memoria, vel obiectum cognitum, vel aliquid per intelligentiæ productionem productum, erit equidem aliquid istorum.

Prima conclusio. Verbum nostri intellectus non est species in intelligentiæ prior natura actu intelligendi. Probatur: quia species ista pertinens ad intelligentiæ est eiusdem rationis & speciei cum illa, quæ præcedit in memoria: utraque enim representat idem obiectum, a quo sumit speciem: at duo accidentia eiusdem speciei non possunt esse in eodem subiecto (secundum eos, qui hanc speciem dicunt verbum) ergo non est ponenda huiusmodi species, vel concedendum est, duo accidentia solo numero differre esse in eodem subiecto, quod fieri posse ipsi negant. Dices forsitan argumentum non convincere; duo accidentia eiusdem speciei esse in eodem subiecto: quia altera earum specierum est in memoria, altera

uerò in intelligentia sedē habet: memoria verò & intelligentia duo subiecta distincta esse videntur. Respondendo, quòd idem numero intellectus dicitur memoria & intelligentia, diuersis tamen rationibus: ac proinde memoria, & intelligentia idem omnino subiectum censentur.

Secundò. Superfluit illa species: ergo non est ponenda. Consequentia patet: quia non est ponenda pluralitas sine necessitate. Antecedens verò probatur. Talis species non representat perfectius obiectū, quam illa, quæ est in memoria: ergo superfluit. Patet consequentia: quia respectu vnius obiecti sufficit vnum representatiuum perfectum. Probat antecedens: quia ex August. 15. de Trinit. capit. decimotertio, nihil plus est in prole, id est intelligentia, quam in parente, id est, memoria secundum: daretur autē plus si illa species, quæ est in intelligentia perfectius representaret obiectum, quam ea quæ est in memoria.

Tertiò. Illa species non est necessaria ad intelligendū: ergo poni non debet. Probatur antecedens: quia si huiusmodi species esset necessaria, sequerentur duo inconuenientia: alterum, quod habitus non esset immediatum principium actus & operationis: alterum verò, quòd habens habitum non esset in potentia accidentali, & propinqua ad agendum secundum illum habitum, sed in potentia essentiali & remota, quod est contra philosophum. Sequela quo ad vtrunque inconuenientiam illatum patet: quia prærequireretur forma absoluta noua prior ipsa operatione: quo posito nec habitus esset immediatum principium operationis, nec

habens habitum esset in potentia accidentali ad operandum. Nam tunc agens dicitur esse in potentia accidentali ad operationem, quando iam est in actu primo perfectio ad agendum, nec noua forma ad id requiritur.

Secunda conclusio: Verbum non est intellectus non est obiectum cognitum, nec secundum esse reale quod habet extra intellectum, nec secundum esse cognitum, quod per intellectum ei conuenit. Prima pars huius conclusionis probatur: quia (vt constat ex definitione verbi superius tradita) verbum est aliquid verè productum per memoriam: obiectum vero secundum suum esse reale non producit a memoria & intellectu. Vnde de se patet: ergo secundum esse reale, quod habet, non est verbum.

Præterea. Verbum mētis est intra intellectum: obiectum verò secundum suum esse reale est extra intellectum: ergo vt sic non est verbum.

Secunda pars conclusionis probatur: quia verbum est effectus per se productus a memoria secunda: sed obiectum secundum esse cognitum non producit per se: ergo non est verbum. Consequentia tenet cum maiori: minor probatur: quia esse cognitum est ens rationis, quòd nullius actionis & productionis potest esse per se terminus: est enim respectus quidam extrinsecus, qui actum intellectus consequitur, vel ex ipso derelinquitur, sicut ex eo, quod video lapidē, sequitur esse visum lapidis, non tamē producit per se per visionem. Tandem, verbum mētis habet esse reale, obiectum verò in intelligentia solum esse cognitum, quod est ens rationis: ergo obiectum secundum esse cognitum non potest esse verbum.

2. *Concl.*

Tertia

1. Celsu. Tertia conclusio. Verbum mentis non est terminus aliquis productus per intellectionem.

Conclusio est Scoti ubi supra, & in eodem primo, d. 2. & in quol. q. 1. littera V. Et probatur multipliciter. Primo: quia si verbum esset terminus productus per intellectionem, impossibile esset nos intelligere intellectionem ipsam, quin simul intelligeremus aliquē terminum per ipsam produci (praesertim cum ex Dico Thom. p. q. 27. art. 1. de ratione intrinseca intellectionis sit terminus productus seu verbum: ibi enim ait, q. intelligens eo ipso quod intelligit producit in seipso aliquid) sicut impossibile est nos intelligere calefactionem, quin simul intelligamus calorem per ipsam produci: tanquam eius terminum: consequens tamen est falsum: nam experientia constat, nos intelligere intellectionem, cum tamen non recordemur, quod aliquid per ipsam producat: ergo verbum mentis non est terminus per intellectionem productus. Probatur sequela maioris (cetera enim patent) quia si intellectio haberet rationem terminum proprium verbum mentis, diceret ordinem essentialem, & intrinsecum ad verbū, sicut calefactio ad calorem per ipsam productum: ergo non posset intelligi sine ordine ad verbum: sicut nec calefactio sine ordine ad calorem, quia est talis ordo ei intrinsecus, & essentialis.

Secundo. Intellectio est actio immanens: ergo non habet terminum per ipsam productum: ergo verbum non est terminus productus per intellectionem. Hæc ultima consequentia cum antecedente patet. Probo pri-

mam consequentiam ex Arist. 9. Met. c. 7. ubi distinguens actionem immanentem a transeunte ait, illam distinguere ab ista, quia hæc habet aliquid operatum per ipsum tanquam terminum, illa vero, scilicet immanens, nulum habet operatum. Verba Aristotelis sunt ista. In quibus igitur aliud quippiam est, quod sit præter usum, eorum actus in eo, quod efficitur inest: qualis est ædificatio, atque actus texendi: illa enim in eo, quod ædificatur, hic in eo, quod textitur, inest. In quibus autem præter actum non est aliud quicquam opus, in ijs ipsis est ipse actus: nam visio in eo est sane, quod videt, & contemplatio in eo, quod contēplatur, & vita in anima.

Huic argumento respondet Caiet. p. q. 27. art. 1. dub. 1. discriminē inter actionem immanentem & transeuntem sic esse intelligendū, quod actio transiens semper necessario habet terminum, ut patet de calefactione, & ædificatione. Et ratio est: quia huiusmodi actio per se ordinatur ad ipsum opus, actio vero immanens non habet necessario terminum productum per eam: sicut patet in visione & auditione. Et ratio est: quia non ordinatur per se ad aliquod opus. Et si quandoque habet opus, illud ordinatur ad ipsammet actionem: sicut verbum mentis ordinatur ad intellectionem: verbum enim producimus, ut intelligamus. Et per hoc respondetur ad primum argumentum in favorem huius conclusionis positum: quia enim intellectio non habet necessario terminum productum potest intelligi sine eo.

Capreolus in 1. dist. 27. q. 2. aliter soluit hoc argumentum. Ait enim

K 3 actio-

*Responso
Caieta.*

*Responso
Capreoli.*

actionem immanentem & transeuntem inter se distingui secundum mentem Aristotelis ubi supra in hoc, quod per actionem transeuntem produciatur aliquod operatum receptum in aliquo subiecto distincto a potentia operante: quod verò produciatur per actionem immanentem in eademmet potentia operante recipitur.

Sed re vera expositiones istæ extortæ sunt, & vim maximam Aristotelico textui inferunt, ut considerati Aristotelis literam haud difficile patebit. In primis expositio Caietana non quadrat textui, quia Aristoteles in vniuersum asserit actionem transeuntem distingui ab immanenti, quæ est actus ultimus potentia: quia illa necessarium habet terminum per eam productum: ista verò omni termino caret per ipsam productum. Paulo enim ante verba citata sic ait. Quamquam autem in quibusdam vltimū est ipse vsus, ut videndi potentie visio, ubi nihil aliud a visu sit opus. In quibus verbis expresse vult Aristoteles per actionem immanentem nihil omnino produci.

2. *Argu.*

Præterea. Vel discrimen assignatum ab Aristotele inter actionem immanentem & transeuntem desumitur ab his, quæ per se insunt huiusmodi actionibus, aut ab his, quæ de per accidens eis conueniunt. Si primum, ergo actioni immanenti, quæ est actus ultimus, per se cōpetit omnis terminus per ipsam producti esse omnino expertem: sicut actioni transeunti per se inest habere terminum productum. Si verò secundum de de ris infertur sicut Aristotelem ineptè discrimē inter has actiones assignasse. Ea enim, quæ sunt de per accidens, a scientia rei reiicienda sunt: præ-

sertim cum nullum aliud inter eas discrimen constituerit.

Præterea. Actio de genere actionis necessario habet terminum per eam productum: sed secundū Thomistas intellectio ad genus actionis pertinet: ergo necessario habet terminum per eam productum: ergo actio immanens non distinguitur a transeunte penes hoc, quod quantum habet terminum, quādoque verò non.

Sed probat Caietanus suam glossam esse secundum Aristotelis mentem, & manifestè esse veram: quia ex eo quod habitus ex frequentatis actibus immanētibus generatur, manifestè patet non repugnare actioni immanenti habere opus præter se, si quidem actus immanentes produciunt habitum. Sed vehementer miror Caietanum non perpēdisse rem adeò claram, & manifestam, ut puta, aliter se habere habitum respectu actuum, a quibus produciuntur, aliter verò terminum actionis respectu eiusdemmet actionis. Nam habitus ad actus, ex quibus gignitur, habet se sicut effectus ad suam causam efficientem, ut puta, sicut calor produciens in ligno ad ignem producentem. Terminus verò ad actionem, cuius est terminus, habet se non sicut effectus ad suam causam, sed sicut terminus ad actionem, per quam produciuntur.

Ex his colligitur, quod actus producentes habitū non se habēt, ut actio per quam produciuntur, sed ut principium, quo produciuntur, sicut calor in igne respectu caloris in ligno. Actio ergo immanens potest habere effectum, cuius sit principium quod sed non terminum per ipsam tanquā per actio-

*Impugnatio
quarto re
sponsionis
Caietani
Primo.*

Prob. Caietani.

actionem productum : quia non est actio de genere actionis, sed qualitas

Per hoc euertitur fundamentum Caietani: & per consequens eius glossa super textum Aristotelicum in eo fundata ruit.

Impugnatur
responsio
Capreoli.

Nec expositio Capreoli congruit Aristotelice menti: quia ex hoc, quod actio habet pro termino aliquid, vel non habet, concludit Aristoteles actio nem esse in operante, vel in eo quod fit: ergo non distinguit vnam actionem ab alia per hoc, quod habet opus receptum in operante vel extra operans. Consequentia est nota: antecedens probatur: quia Aristoteles dicit actionem, cuius est aliquid opus, esse in re quæ fit: vt adificationem in eo, quod edificatur, actionem vero, cuius non est opus præter vsum esse in ipso operante, vt visionem in vidente. Et quo ad hoc multo melius percepit Caietanus mentem Aristotelis, quam Capreolus, licet eam omnino non attigerit: & si eam mente percepit, verbo tamen non explicuit re a vestigijs Diui Thomæ discedere videretur.

Argu. 3.

Tertio argumentor. Intellectio est actus vltimus potentie intellectiue vltimaque eius perfectio (vt ait Aristoteles nono Metaphysicorum vbi supra, & primo Ethicorum capitulo nono) ergo nihil producitur per eam. Probatur consequentia: quia iam ille terminus productus esset vltior, & per consequens ipsa non esset actus vltimus.

Resp. Caietani.

Respondet Caietanus vbi supra, actionem immanentem dici actum vltimum: non quia nihil sit ea vltior, sed quia ipsa non ordinatur ad aliud tanquam ad opus. Nam si quandoque habet operatum, non ordina-

tur ad ipsum, sed è conuerso operatur est propter operationem, vt verbum propter intellectionem. Contra: quia si verbum producitur vt intelligamus ergo intellectio subsequitur verbum productum, sicut finis subsequitur medium. ergo verbum non producitur per intellectionem, vt intellectio est: quia actio productiua præcedit terminum productum, intellectio vero subsequitur verbum. Dices forsitan verbum produci per intellectionem, sed non, vt intellectio est sed vt dictio.

Impugnatur
Caiet.

Contra, vel intellectio, vt dictio, est, formaliter actus, quo intellectus formaliter intelligit, vel alius distinctus. Si primum, ergo dictio, vt dictio, est intellectio formaliter: ergo frustra distinguitur intellectio, vt dictio, a se ipsa, quatenus intellectio est. Si vero est alius actus, vel igitur alius formaliter, vel realiter. Si secundum, ergo dicere, est actus realiter distinctus ab intellectu: & sic duos actus distinctos ponis in intellectu, quod tamen omnino falsum arbitraris. Si vero est solum alius formaliter, ergo dictio, vt sic, non est formaliter intellectio, sed ab ea distincta formaliter. Tunc sic. Vel intellectio, vt sic, est forma & qualitas absoluta, vel actio, per quam aliquid producitur. Si primum, ergo est res producta & effecta, & non nisi per dictionem, quia non est assignabilis alia actio, per quam producatur: ergo est terminus dictionis, & per consequens verbum. Si vero concedis secundum, ergo per intellectionem, vt intellectio est, producitur verbum, quod prius negasti.

Sed dices. Si intellectio est actus vltimus, non habens operatum tan-

quam terminum, ad quid ergo terminatur? Respondeo, quòd intellectio intuitiua (vt visio Dei) terminatur ad re obiectam in se existentē, hoc. n. est deratione notitiæ intuitiua: sed de intellectu abstractione est dubiū, quia illa est quando res ipsa non existit, & consequenter non terminatur ad rem in se existentem. Dico, quòd intellectio abstractiua eo modo terminatur ad obiectum, quo tendit in ipsum. Tendit autem in obiectum absolute abſtrahendo ab hic & nūc; & ita terminatur ad rem secundū se, ad quod non est necessaria imago in intellectu posterior. Quia sicut illa imago (si daretur) terminaretur ad rem non in alia imagine relucētem (alioquin esset processus in infinitū) sed ad rem absolute & secundum se: ita modò intellectio ad rem absolute consideratam terminatur. Præterea: sicut species intelligibilis terminatur ad re absolute abſtrahendo ab hic & nūc: ita intellectio abstractiua. Vel dicendum, q̄ intellectio terminatur ad obiectū prout in specie intelligibili existens in memoria relucet.

Quartò. Intellectio est qualitas (vt statim dicemus) ergo per ipsam tanquam per actionem, nihil producit. sed potius ipsa est forma per aliquam actionem producta.

Quintò. Quia ex Augustino multis in locis suæ doctrinæ verbum non producit ab intelligentia, sed a memoria: ergo non producit per intellectiōem, quæ ab Augustino intelligentia nuncupatur.

4. Concl.

Quarta conclusio. Verbum intellectus creati est ipsa actualis intellectio per actum dicendi producta: nā dictio & actualis intellectio, seu, qd idē est, actus intelligendi, habens se

sicut calefactio & calor. Sicut enim per calefactionem producit calor: ita per dictionem producit actus intelligendi, seu intellectio. & sicut calor est terminus calefactionis per ipsam productus, ita intellectio est terminus dictionis per eam productus & genitus: & sicut calefactio est actio de genere actionis, & calor de genere qualitatis: ita dictio ad genus actionis spectat, intellectio verò ad genus qualitatis. Ex quo sequitur, q̄ dictio & intellectio in creatura intellectuali non se habent sicut duo actus subordinati, vt perperam Caietanus imposuit Scoto vbi supra, sed sicut effectio & effectus, vel sicut actio, & terminus actionis, de quo questione sequenti erit sermo.

His positis probatur conclusio a sufficiēti partiū enumeratione. Quia in mente nihil inuenitur, quod rationem verbi habere possit, nisi vel species intelligibilis in memoria, vel in intelligentia, vel obiectū, vel terminus per intellectuē productus, vel tandem ipsa actualis intellectio: sed ex supra dictis nec species in memoria, nec illa, quæ ab Aegidio ponebatur in intelligentia, nec obiectū, nec terminus intellectuonis est verbum: ergo est ipsa actualis intellectio vera genita atq; producta per actionē intellectus, quæ est dicere. Secundo probatur ex verbi definitione superius tradita, quæ tota ei congruit. Intellectio enim est actus a memoria secunda productus: quia gignitur per dictiōē, non habens esse sine actuali intellectuone: imò est ipsa actualis intellectio, & repræsentat diuinum verbum. Est enim notitia genita memoria, sicut verbum diuinum a Patre per memoriam: de quo latius questione

Conclusio
dubatur.

atione

stione sequenti. Probatur etiam nostra conclusio ex D. Aug. 9. de Trin. cap. 7. Vbi sic ait. Conceptam rerum notitiam tanquam verbum apud nos habemus. Et cap. 10. eiusdem libri. Recte quaeritur, vtrum omnis notitia verbum sit, an solum amata notitia. Vbi supponit verbum esse notitiam. Ait tamen, recte quaeri, an omnis notitia sit verbum, an vero illa, quæ ex amore gignitur. Et cap. 22. Est quædam imago Trinitatis ipsa mens & notitia eius, quæ est proles eius, ac de se ipsa verbū eius & amor tertius. Et 15. de Trin. cap. 16. Cogitatio quippe perueniens ad id, quod scimus, & inde formata verbum est. Et c. 10. Formata quippe cogitatio de eo, quod scimus, verbum est.

Obiectio. Sed quāvis aliqui authores actua-
lem intellectionem verbum esse con-
cedant, dicunt tamen intellectionem
actualem bifariam posse considera-
ri. Primò, vt actio est. Secundò, vt
passio. Actio quatenus ab agente
proficiscitur: passio verò quatenus
in passio recipitur: sicut calefactio di-
citur actio vt ab igne calefaciente pro-
cedit: passio verò quatenus in ligno
recipitur, quod ab igne patitur. Sed
est differentia, quia calefactionis alia
est causa agens, vt ignis, alia patiens,
vt lignum: intellectionis verò idem
est causa agens & patiens, vt puta, in-
tellectus. Et ratio huius differentiae
est: quia illa est actio transiens: ista
verò immanens. Hoc posito dicunt
isti authores, quod intellectio, vt pas-
sio, est terminus productus per intel-
lectionem, vt actio est. Tandem di-
cunt, quod intellectio non est ver-
bum, ut actio, sed ut passio.

Solutio. Sed contra: quia ex hac opinione
sequitur verbum non produci per

memoriam, sed per intelligentiam,
quod est contra Augustinum. Præte-
rea: quia licet intellectio habeat il-
los duos respectus, tamen secundum
se est unica forma, sicut calor produ-
ctus in ligno est unica sola forma, etsi
habeat duos respectus, unū ad ignem
producentem, alterum verò ad li-
gnum recipiens: sed calor qui est in
ligno, eo quod est unica forma, secun-
dum unum respectum non est cau-
sa sui ipsius sub alio respectu consi-
derati: ergo eadem ratione cum in-
tellectio sit unica forma absoluta non
est dicendum, quod ipsa sub uno re-
spectu sit causa sui ipsius, quatenus
est sub alio respectu. Et confirmatur:
quia si intellectio est causa, hoc est
secundum suam naturam, & non se-
cundum alium & alium respectum:
quia respectus non est ratio actiua
ullo modo, ut docet satis acutè Sco-
tus 9. Metaphysicæ in questionibus
de potentia.

Sed ad argumenta, quibus con- *Resp. arg.*
clusiones D. Thom. fulciebantur, re- *Tho.*
spondendum est. Ad primum dico, *Ad pri-*
quod satis patet ex dictis, verbum nō *miū.*
esse intellectionis terminum, sed ip-
sam intellectionem.

Ad secundum, concessa maiori, *Ad secun-*
nego minorem. Est namque intel- *dum.*
lectio, & notitia similitudo actualis ac
formalis obiecti: quod asserit Au-
gustinus 9. de Trinitate, cap. 10. sic
inquiens. Sed omnis secundum spe-
ciem notitia similis est eirei, quam
nouit. Et cap. 11. eiusdem libri ait.
Et cum habeat notitia similitudinem
ad eam rem, quam nouit, hoc est, cu-
ius notitia est, hæc habet perfectam,
& æqualem: quia mens ipsa, quæ no-
uit, est nota.

Sed duo sese offerunt dubia. Pri-
mum

*Dubium
egregium.*

num est vtrum qualibet intellectio actualis sit verbum. De qua dubitatione est sententia Henrici quolib. secundo, quaestione 6. asserentis non omnem intellectiōem actualem esse verbum, sed illam, quæ est declaratiua sui subiecti.

Alij vero dicunt, solum intellectiōnem illam, quæ est inquisitionis terminus, verbi rationē induere: quod probant ex Augustino 9. de Trinitate, c. ultimo, dicentē. Verbum est partum, siue proles. Est autem partum, quia reperiuntur: non est autem reperiuntur, nisi quia inquisitum: ergo verbum est terminus inquisitionis.

Not.

Pro intelligentia huius dubitationis obserua. quod secundum Philosophum 1. Physicæ, i. ea a natura nobis innata est via procedendi, vt ab imperfecto ad perfectum, a confuso ad distinctum in rebus cognoscendis procedamus. Quamobrem prius nobis imprimitur notitia confusa obiecti, quam distincta, qua habita distinctam rei cognitionem inquirimus, diuidentes genera in suas differentias quoultque immediatum genus rei & ultimam eius differentiam attingimus.

Exempl.

Exempli causa, cum primum cognosco hominem esse substantiam, diuido substantiam in corpoream, & incorpoream: & rursus cum inveni ei substantiam corpoream conuenire, iterum substantiam corpoream in animatam & inanimatam diuido, quoultque ad ultimam hominis differentiam perueniam.

Hoc supposito, hæc dubitationem absoluit Scotus in 1. dist. 27. quaest. 2. sub littera f, & g, nonnullis propositionibus. Prima. Ad rationem verbi non sufficit, quod sit notitia declaratiua sui obiecti. Probatur: quia intel-

lectio, qua Pater æternus se ipsum intelligit formaliter, est notitia declaratiua eius, & tamen non est formaliter verbum, quia tunc Pater esset formaliter intelligens verbo, & sapiens sapientia genita, quod est contra Augustinum. Secundo. De ratione verbi est, quod sit notitia genita à memoria, vt accipitur ab August. multis in locis, & ex definitione verbi supra posita constat, & per consequens dicit relationem realem ad dicentem: sed declarare non dicit relationem realem: ergo ad hoc, vt intellectio sit verbum, non sufficit, quod sit sui obiecti declaratiua. Consequentia tenet cum maiori: probatur minor ex August. 7. de Trinitate, cap. 3. vbi sic ait. Si hoc verbū, quod nos proferimus temporale, & se ipsum ostendit, & ipsum, de quo loquimur, quanto magis verbum Dei per quod facta sunt omnia? Ex quo sic arguo. Idem declarat se ipsum ex August. ergo declarare, vt sic, nō dicit relationem realem. Patet consequentia, quia eiusdem ad se ipsum non est relatio realis. Ex quo sequitur primo, esse de ratione verbi, quod sit notitia genita, atque producta per memoriam. Sequitur secundo, quod verbum dicit relationem realem ad dicentem, & exprimentem relationem vero rationis ad rem, quam declarat, sicut signum ad signatum.

Secunda propositio. De ratione verbi non est gigni per inquisitionem a confuso, scilicet ad distinctū procedendo. Probatur. Si de ratione verbi sit gigni per inquisitionem, igitur Deus non habet verbum. Secundo: ergo angelus non habet verbum de naturæ sibi notis. Tertio, ergo beatus non habet verbum de essen-

2. Propositio.

1. Propositio.

tia

tia diuina: nec de aliquo perfecte cognito, sine inquisitione. Quarto, ergo habens perfectum scientiæ habitum non potest habere verbum, quæ omnia sunt absurda. Itæ consequentiæ probantur vnico medio: quia, scilicet, omnia illa habentur sine inquisitione.

3. *Proposicio.* Tertia propositio. Non qualibet intellectus actualis est verbum. Pater de intellectu, quæ æternus Pater se ipsum intelligit, quæ: vt diximus, verbum non est.

4. *Proposicio.* Quarta propositio. Qualibet intellectus siue notitia genita atque producta per memoriam est verbum, siue illa sit notitia confusa, siue distincta, imperfecta siue perfecta. Probatur. Qualibet notitia genita producit de memoria secunda, imperfecta de memoria imperfecta, perfecta verò de memoria perfecta: igitur quælibet notitia genita est proles, & expressiua parentis, & genita ad exprimendum patrem: ergo est verbum. Prima consequentia probatur: quia genitum a memoria est proles genita ad exprimendum parentem, scilicet, memoriam secundum Augustinum. Secunda consequentia est nota: quia ad rationem verbi sufficit, quod sit proles genita a memoria. Secundo: Quæcūque differentia inueniatur inter notitiam primo genitam, perfectam, & imperfectam, quæ in nobis sequitur inquisitionem, non est differentia formalis causans diuersitatem specificam, sed differentia, quæ repetitur inter magis, & minus perfectum in eadem specie: ergo non sufficit ad hoc vt vna notitia sit verbum, alia verò non sit verbum. Hæc conclusio est Scoti vbi supra, sub litera G. Vnde quidam doctissimus D. Thom. inter-

pres 1. par. q. 27. art. 2. falso oppositum nostræ conclusionis Scoto attribuit, cum dicit secundum Scotum solam cognitionem distinctam atque perfectam dici verbum.

5. *Proposicio.* Quinta propositio. Non qualibet notitia actualis genita est verbum perfectum. Probatur: quia verbum perfectum est notitia distincta, & perfecta, secundum Augustinum 9. de Trinitate, ca. 1. vbi verbum perfectum temperatiue vocat eius de finitionem: ergo non qualibet notitia, qualis est confusa, est perfectum verbum, sed distincta, & de finitiua.

Ex hoc colligo, quod quando Augustinus ait, verbum haberi per inquisitionem, loquitur de verbo perfecto in nobis, nec de ratione verbi est gigni per inquisitionem: sed in nobis præcedit præfata inquisitio propter imperfectionem nostri intellectus, qui non potest statim habere notitiam definitiuam rei: ac proinde non est in nobis perfectum verbum, nisi prævia inquisitione, per quam ad perfectum verbum peruenitur. Est autem talis ordo in perfecti verbi formatione. Primo est intellectus in actu primo per speciem. Secundo actualis intellectus confusus. Tertiò inquisitio, & in inquisitione multa verba de his, quæ conueniunt obiecto: cum perfectum verbum inquiratur, vt antequam perfectum hominis verbum habeam, formo verbum de substantia, de corpore, de animali. Vltimò finita inquisitione sequitur actualis, & distincta notitia obiecti, quæ est verbum perfectum.

Secundum dubium, an de ratione verbi sit, quod sit notitia voluntate genita, voluntate scilicet ad eam concurrente? Hanc questionem mouet

Dubium maxime notandum.

Augu.

Augustinus 9. de Trinitate, cap. 9. in fine. Vbi sic ait. Rectè enim queritur, Vtrum omnis notitia sit verbum, an tantum amata notitia? Et respondet negatiuè: quia nouimus, inquit, ea, quæ odimus, de ipsisque verba formamus. Odimus namque vitia: sed notitia eorum, quæ verbum est, non displicet, sed placet. Dico ergo ad dubitationem, quod nec de ratione verbi est gigni ex amore obiecti, nec ex amore ipsiusmet verbi. Primum satis patet ex dictis, quia odimus intemperantiam, de qua tamē notitiam ac verbum formamus: Secundum probò: quia prima intellectio in nobis verbum est, quæ tamen omnem actū voluntatis præcedit.

Secundo dico, quod verbum perfectum in nobis cōcomitur duplex actus voluntatis: alter præuius, quo imperatur ista præuia inquisitio ad verbi perfecti generationem requisita: alter verò, quo intellectus quiescit in notitia actuali habita. Nam si voluntas nollet, quod intellectus sub illa quiesceret, illam ad alia diuerteret: & sic illa notitia periret: ac proinde iste actus voluntatis ad verbi permanētiā requiritur, sed non ad eius perfectionem. Verbum enim temperantia, quod est eius diffinitiuā cognitio, ita perfectum est intensiue, si per instans tantum dureret, ac si longo temporis spatio permaneret: sicut albedo vnius diei, ita perfecta est: sicut albedo vnius anni. Neque ille actus præuius, quo imperatur inquisitio præuia ad verbum perfectum in nobis, est de essentia verbi formaliter: quia verbum est terminus dictionis, in cuius ratione formali nihil ad voluntatem pertinēs includitur: nec est de essentia eius, vt causa efficiēs: quia

in diuinis verbum est notitia naturaliter expressa nullo voluntatis actus, vt causa concurrente, nec vt principio. Quod verò actus voluntatis in nobis, quo verbi inquisitio imperatur, causalitatem habet respectu verbi gignendi, provenit ex imperfectione nostri intellectus, qui (vt diximus) non statim perfectam rei notitiam assequi potest. Quando verò Augustinus decimo quinto de Trinitate, capitulo decimo quinto, dicit verbum esse cum amore notitiā, non asserit aliquid cōtra dicta: solū enim affirmare intendit, verbum perfectū ex amore gigni in nobis, quia ad ipsum inquirendum ex amore eius mouemur.

Sed quæres causam, ob quam intellectio dicatur verbum? Respondeo causam huius rei ex ordine ad verbū vocale, quod notius nobis est, debere desumi, quod (vt supra diximus) dicit relationem realem ad dicentem, & relationem rationis ad rem per ipsum expressam & significatam.

Præterea Verbum vocale est manifestatiuum conceptus in mente latentis (per verba enim vocalia alijs nostros conceptus manifestamus) similiter intellectio dicit relationem realem geniti, & expressi ad gignentem, & exprimentem, relationem vero rationis ad rem dictam, & expressam. Tandem intellectio manifestat intelligenti rem in memoria latentem: intelligens enim lapidem sibi ipsi loquitur, & lapidem in memoria latentem explicat, & manifestat: ob quam causam intellectio genita verbum dicitur.

AD ARGUMENTA
in principio controuersie
posita.

esse actionem de genere actionis, sed
veram esse qualitatem, fateor.

DUBITATIO

scitu digna.

Ad pri-
mum.

AD primum dico, quòd dictum
Augustini est accipiendū non
formaliter, sed causaliter, id est, phan-
tasia Carthaginis, est causa verbi Car-
thaginis. Aliter enim sibi ipsi esset
contrarius: quia 15. de Trinitate mul-
tis in locis, dicit verbum non esse in
memoria, sed a memoria perfecta
produci.

Ad secū-
dum.

Ad secundum dico, quòd verbum
exterius vtrumque significat, & in-
tellectionem, & obiectum, & rem
intellectam: sed principaliter obie-
ctum, & rem ipsam: nam intel-
lectionem non significat, nisi, vt me-
dium ordinatum ad rem significan-
dam. Propositionis vero veritas, aut
falsitas attendenda est ex significato
principali vocum, & non ex minus
principali.

Ad ter-
tium.

Ad tertium nego antecedens. Ad
probationem dico, sufficere ad intel-
lectionem, quòd res in intellectu
per se ipsam, vel per speciem sui in-
telligibilem: habet tamen esse, quasi
in actu secundo per ipsammet intel-
lectionem, per quam esse cognitum
accipit: sicut res visa per visionem
accipit esse visam. Ex quo sequitur
haudquaquā requiri ad intellectio-
nem, quòd res habeat esse in intel-
ctu, quasi in actu secundo: quia hu-
iusmodi esse sequitur intellectiōē.
Quod vero sufficit & requiritur est,
quòd res ipsa habeat esse intra intel-
lectum, vel per se ipsam, vel per sui
speciem.

Ad quar-
tum.

Ad quartum cōcessa maiori, quæ
est Augustini, nego minorem. Et ad
probationem nego intellectiōem

Sed contra solutionem huius quar-
ti argumenti arguitur multiplici-
ter. Primum: quia Aristoteles 10. 1. Argu-
Ethicorum, cap. 3. sic ait. Atque si vo-
luptas non est qualitas, non propte-
rea non erit bona, quia operationes
virtutis qualitates non sunt neque fæ-
licitas ipsa. Ex quo sic colligo argu-
mentum. Fælicitas non est qualitas:
ergo nec intellectio, quia fælicitas
in cognitione consistit. Si dixeris cum
Scoto in 4. d. 49. q. 9. fælicitatem non
esse intellectiōem, sed amorē, con-
tra, quia saltem sequitur amorē, qui
est voluntatis operatio non esse qua-
litatem, & consequenter nec intel-
lectionem: ridiculum enim est asserere
amorem non esse qualitatem, bene-
tamen intellectiōem.

Secundò. Intellectio nō est in ali-
qua qualitatis specie: ergo non est
qualitas. Consequentia patet: quia
quod non est sub specie aliqua, nec
sub genere. Antecedens probatur:
quia neque est habitus, vt patet, nec
dispositio, q̄a ad nihil disponit. Neque
est naturalis potentia, vel impotētia:
quia intelligere non est potētia, sed
actus. Nec passio, aut passibilis qua-
litas: quia hæc tantum sunt corpora-
les qualitates. Neque est forma & figu-
ra: ista enim solum in quantitate cor-
porali reperiuntur: ergo intellectio
non est sub aliqua qualitatis specie.

Tertio. Intellectio est actio, ex Ari-
stotele nono Metaphysicæ, & primo
Ethicorum, vbi diuidit actionem in in-
immanētem, & transcurrentem & sub-
imma-

immanenti visionem, & contemplationem collocat: ergo intellectio nō est qualitas, sed actio.

4. *Argu.* Quāto intellectio est passio: ergo non est qualitas. Cōsequentia patet: antecedens probatur ex Aristotele 3. de anima. vbi ait, intelligere esse quoddā pati: ergo per locum a coniugātis intellectio est quādam passio: & non qualitas.

5. *Argu.* Quinto intellectio est verbum: ergo pertinet ad prädicamentum relationis, sicut verbum quod de primo suo significato ad dicentem relationem dicit.

De hac dubitatione videndus est Scotus quolibet 1 3. vbi eam ex professo disputat, & Sonci. 9. Metaphysicæ, quæst. 21. & 22. Pro cuius explanatione sit prima conclusio. Intellectio non est sola relatio, sed dicit aliquam entitatem absolutam. Probatur, quia vltima perfectio substantiæ viuz non est sola relatio: sed intellectio est vltima perfectio substantiæ viuētis vitam intellectualem: ergo intellectio non est sola relatio: ergo dicit aliquam entitatem absolutam. Istæ duæ consequentiæ de se patent. Probatur maior: quia vltima perfectio substantiæ viuētis summe appetitur & desideratur appetitu naturali a natura, cuius est perfectio, sed relatio non sic appetitur: ergo intellectio non dicit solam relationem: ergo importat aliquam entitatem absolutam. Probatur minor (cetera enim patent) quia relationes non appetimus, sed fundamenta. Si enim Petrus appetit esse Ioanni aqualis in quantitate, contentus esset si tantam quantitatem haberet quantam Ioānes, etsi illa aqualitatis relatio minimè sequeretur. Similiter si Maria appetit esse

similis Catharinæ in pulchritudine, aut albedine, nihil sollicita esset de similitudinis relatione, dummodo tantam pulchritudinem, & albedinem haberet, quantam Catharina: ergo vltima perfectio substantiæ viuz, quæ summe appetitur, nō est sola relatio. Probatur minor ex Aristotele 1. & 10. Ethicorum, vbi vult quod felicitas, quæ est vltimus finis naturæ intellectualis est operatio optima, vel consistit in operatione optima, quæ non est nisi intellectio, vt idem Aristotel. 12. Metaphysicæ capit. 6. insinuat, cum dicit de prima causa, si non intelligat, quid vtiq; est insignis: ergo intellectio est optima perfectio substantiæ viuētis vitam intellectualem.

Secundo. Intellectio non est relatio propriè dicta, nec extrinsecus adueniens: ergo non est relatio. Consequentia tenet, & secunda pars antecedentis patebit per conclusiones statim ponendas. Prima vero pars probatur: quia relatio propriè dicta non est noua sine nouitate alicuius absoluti prioris, & hoc vel in subiecto, vel in termino, sed intellectio potest esse noua sine nouitate cuiuscumque prioris absoluti in ipso operante, & similiter sine nouitate alicuius entitatis absolutæ in termino: ergo operatio intellectiua non est præcisè relatio propriè dicta. Probatur maior: quia relatio propriè dicta sequitur necessario extrema simul posita, & ita non potest esse noua sine nouitate alicuius extremi. Patet hoc exemplo. Si sint hic duo parietes, alter albus, alter niger, relatio similitudinis secundum albedinem quam non habent, non pōt eis de nouo inesse, nisi prius adueniat aliquid absolutum subie-

cto,

2. *Ratio.*

1. *Concl.*

1. *Ratio.*

Actio, vel termino: quia secundum Aristotelem 7. Physicorum, relatio non potest per se acquiri: quia iam ad ipsam esset motus, vel mutatio, quod ibidem negat Aristoteles. Si igitur alio alius paries fiat albus, habet relationem similitudinis de nouo propter nouitatem albedinis in ipso: in alio vero pariete, qui antea erat albus, nascetur de nouo similitudo propter nouitatem albedinis in extremo ad quod terminatur. Probatur minor quantum ad primam partem: quia illud, quod ex ite de potentia accidentali ad actum, non recipit aliquam formam nouam priorem ipsa operatione: quia tunc non fuisset in potentia accidentali, sed essentiali. Secunda pars est manifesta. Pater enim quod nihil absolutum aduenit visibili quando videtur actu, nec intelligibili quando intelligitur.

Ex his sequitur, quod cum intellectio, & quacunque alia operatio immanens non sit prae se relatio, aut respectus, ut probauimus, in ea est aliqua entitas absoluta, vel ipsa est entitas absoluta.

3. Ratio.

Tertiò. Intellectio est terminus productionis realis: ergo est forma absoluta, & non relatio. Consequentia tenet: quia ad relationem non est per se motus, nec mutatio: posset autem ad eam esse mutatio si valeret esse alicuius productionis realis terminus per se. Antecedens probatur: quia intellectio in nobis incipit de nouo, ut de se pater. Vel igitur incipit sicuti terminus productionis, vel sicut ipsa productio (oppositum enim non est intelligibile) sicut calor incipit ut terminus productionis, quae est calefactio: accalefactio incipit de nouo non per productionem, & actionem ad

ipsam terminatam (abiretur enim in actionibus in infinitum, ut docet Aristoteles 5. Physicorum, capitulo 2.) sed incipit se ipsa: quia est productio caloris, sed intellectio non est productio alicuius, ut supra probatum manet: ergo non incipit sicut actio, sed sicut terminus actionis, & productionis: ergo est forma absoluta.

Secunda conclusio. Intellectio non est actio de genere actionis. Idem dicendum de omni actione immanente, quae est ultimus actus potentiae. Haec conclusio probatur argumento ultimo ad praecedentem conclusionem. Nam si intellectio incipit de nouo, ut terminus productionis, & actionis, ergo non est actio: quia aliter actionis daretur actio.

Primò. Omnis actio de genere actionis est transmutatio, sed intellectio non est transmutatio: ergo non est actio de predicamento actionis. Probatur maior. Primò: quia actio predicamentalis inest de se passionem ei, quod subijcitur, ut ex eius definitione patet: ergo est transmutatio.

Secundò: quia secundum Philosophum 5. Metaphysicae textu comm. 12. Potentia actiua est principium transmutandi aliud in quantum aliud, ergo actio predicamentalis, quae est actio potentiae actiuae, est transmutatio alterius in quantum alterum: omnis ergo actio est transmutatio. Probatur minor, quia transmutatio tam actiua, quam passiva est ad aliquem terminum accipientem esse illa transmutatione: sed intellectio & qualibet operatio, quae est actus ultimus potentiae, non est ad aliquem terminum accipientem esse per ipsam, ut ex super dictis patet: ergo. Probo maiorem:

rein:

rem: quia per transmutationem passum se habet aliter nunc, quam prius: non autem se habet aliter, nisi per terminum inductum per transmutationem: ergo.

9. Ratio. Tercio. Nulla actio de genere actionis potest esse simpliciter perfectio ipsius agentis: sed aliqua actio immanens est perfectio simpliciter operantis: ergo aliqua actio immanens non est de genere actionis, & per consequens nulla: quia idem est iudicandum de omnibus. Et ita intellectio, cum sit actio immanens non est de predicamento actionis. Probatur maior, quia agens actione de genere actionis nunquam est perfectus per illam: imò potius ex sua perfectione completa agit communicando alteri perfectionem, non enim calefacere est simpliciter perfectio ignis, sed caliditas. Quod patet: quia ignis est perfectissimus, si habeat caliditatem in summo, dato etiam quod nunquam calefaceret. Minor probatur: quia felicitas est simpliciter perfectio felicitis: felicitas autem est actio immanens: ergo.

Ex praedictis patet intellectionem nullatenus esse de predicamento passionis, quia non est transmutatio. Omnis autem passio de genere passionis est transmutatio ab altero, sicut actio est transmutatio alterius in quantum alterum.

3. Concl. Tertia conclusio. Intellectio non est substantia neque quantitas, ut patet: nec relatio, ex prima conclusione: neque actio, aut passio, ut patet ex secunda conclusione, nec situs, quando, vel habitus, aut ubi, quia ista sunt corporalia.

4. Concl. Quarta conclusio. Intellectio est de genere qualitatis. Probatur a suf-

ficienti diuisione; nam si ad alia non uem genera non pertinet ex praecedenti conclusione, relinquitur profecto, quod in predicamento qualitatis sedem habeat. Sed ad quam speciem qualitatis pertinet? Respondet Scotus ubi supra, sub literis c. c. rationalius esse eam in prima qualitatis specie collocare, in ipsa enim videntur poni omnes qualitates spirituales, siue sint in esse quieto, ut habitus, siue in fieri, ut operationes immanentes. Et probatur, quia in nulla alia specie videtur ponenda.

De secunda & quarta de se patet. De tertia etiam liquet (si in illa tantum collocetur sensibilis qualitas, sicut videtur sentire Aristoteles in predicamentis capite de qualitate, ubi constituens tertiam eius speciem exempla adduxit in qualitatibus sensibilibus.) Si verò teneatur, ad tertiam speciem non solum pertinere qualitates, & passiones sensibiles, sed etiam ad eandem speciem pertinere aliquid spirituale, & quod Aristoteles ibi fecit mentionem expresse de passionibus, & passibilibus qualitatibus corporalibus tanquam de manifestioribus, dici poterit, quod intellectio est passio spiritualis.

Sed contra. Operatio & passio in anima distinguuntur, quia passiones in anima, cuiusmodi sunt gaudium, & tristitia, consequuntur operationes voluntatis, ergo operatio non est passio. Respondeo, verum esse operationem, & passionem in anima distinguere, maxime inter sese, cum hoc tamen stat, quod sub eadem specie subalterna collocentur, cuiusmodi est passio tertia qualitatis species, sicut equus & homin, licet inter sese specie differant collocantur tamen ambo sub animali.

AD

Intellectio est in genere qualitatis

Obiectio.

Solutio.

AD ARGUMENTA in principio dubij posita.

Ad primum.

Ad primum principale respon-
deo, quod Plato assererat solas
qualitates dici bonas, Aristoteles ve-
rò nicitur contra Platonem ostende-
re aliquid aliud a qualitate dici bo-
num, Cuius ratio est, quia aliquæ
operationes virtutum sunt bonæ, etsi
non sint qualitates.

Pro cuius intelligentia obserua, q
operationes virtutum possunt accipi
bifariam. Primò, pro actionibus eli-
citiuis, & productiuis operationum
virtutis proprie dictarum: alio modo
pro operationibus ipsis proprie di-
ctis. Hæc patent exemplo. Velle da-
re eleemosynam est operatio miseri-
cordiæ propriè dicta, & est qualitas
producta a voluntate per actionem,
quæ potest dici elitio volitionis. Et
huiusmodi elitio vocatur ab Aristotele
operatio virtutis, quâ assent non
esse qualitatem: quia est actio de ge-
nere actionis. Operatio verò virtutis
quæ est terminus prædictæ elicionis
est qualitas, & productio talis ope-
rationis est bona: quia generatio bo-
ni est bona, nec tamen est qualitas,
sed actio. Sequitur ergo contra Pla-
tonem aliquid aliud a qualitate pos-
se dici bonum, ac proinde, etsi volu-
ptas nõ esset qualitas, bona dici pos-
set. Cum verò Aristoteles docet fel-
licitatem non esse qualitatem, vel le-
quitur de felicitàte increata, vel per
felicitatem intelligit actionem, per
quam producitur.

Ad secundum.

Ad secundum patet per quartam
conclusionem.

Ad tertium.

Ad tertium respōdeo, q Aristote-
les omnes operationes immanentes
vocat actiones: non quia vere actio-

nes sint ad genus actionis spectantes,
sed quia cum illis magnam habent
similitudinem. Tria enim conueniunt
actioni de genere actionis. Primum,
quod semper dum durat est in fieri
semper dependens a sua causa proxi-
ma efficienti ad modum, quo res cō-
seruata semper est in continua depē-
dencia ad causam conseruantem. Se-
cundo conuenit actioni de genere
actionis habere terminum, in quem
tendat, sicut calefactio tendit in calo-
rem. Tertiò conuenit illi, q eius ter-
minus re ipsa per eam producat
sicut calor producit per calefactio-
nem. Ista tres conditiones necessario
in esse debent actioni, præsertim ter-
tia: ad hoc, vt ad prædicamentū actio-
nis pertineat, & actio simpliciter nū-
cupetur. Intellectio ergo & qualibet
actio immanens, quæ est actus vlti-
mus potentie, in primis duabus con-
ditionibus conuenit cum actione de
genere actionis. Nam primò intelle-
ctio semper est in fieri, nõ quidē suc-
cessiuo (est enim indiuisibilis, & tota
simul) sed sic in fieri, q depēdet, dum
est, a sua causa efficienti proxima, si-
cut lumen a sole, qui si abstrahatur,
definit lumen esse. Similiter intelle-
ctio ita pendet a sua proxima causa,
scilicet, intellectu, quod si intelle-
ctus è medio tollitur, intellectio ipsa
corrumpitur.

Secundò. Intellectio habet termi-
num, quem actualiter respicit, scili-
cet, obiectum. Propter has igitur duas
conditiones, in quibus conuenit ope-
ratio immanens, vt intellectio cum
actione de genere actionis vocatur
ab Aristotele actio, vt docet Scotus
quolibet 1. 3. supra citato sub literis
DD. & 9. Metaphysicæ. c. 7.

Sed propter defectum tertiæ con-
ditionis,

L

ditionis,

Tres con-
ditiones
actionis.

ditionis, quia, scilicet, non est productiua sui termini, nec per ipsam tanquam per actionem aliquid producit, non est actio absolute, & simpliciter, sed secundum quid & similitudinariè. Propter easdem conditiones actio immanens dicitur actus secundus. Propriè igitur intellectio, & quælibet operatio est qualitas, similitudinariè verò dicitur actio, sicut homo pictus dicitur homo. Vnde di-

*Diuisio
actionis
in trans-
euntē, &
immanen-
tem, non
est gene-
ris in spe-
cies.*

uisio actionis in immanentē & transeuntem non est generis in suas species, sed vocis in suas significationes: nam actio transiens est vera actio de genere actionis: actio vero immanens est qualitas, æquiuocè verò dicitur actio propter prædictas condiciones.

Ex his inferitur, actionem transeuntem præcisè distingui ab immanenti: quia hæc nō habet terminum per ipsam productum, bene tamen illa. Vnde omnis actio habens terminū productum per ipsam, dicitur transiens ab Aristotele, non quia transeat in exteram materiam, sed quia transit in terminum, siue ille terminus maneat in agente, siue transeat in exteram materiam. De qua re videndus est Antonius Trombeta in sua Metaphysica.

*Alio modo
videtur
actio.*

Alio modo potest diuidi actio de genere actionis in actionem immanentem & transeuntem, tanquā superius in sua inferiora, ita, vt actio immanens dicatur illa, cuius forma terminās illam est, & manet intra ipsum agens. Sic dictio est actio propriè, & immanens: quia forma per ipsam producta, quæ illam terminat, scilicet, intellectio manet in ipso intellectu dicente. Illa vero actio dicitur transiens, cuius forma terminans ipsam tranſit in passum aliud ab agen-

te, sicut calefactio, cuius forma terminans, scilicet, calor non recipitur in igne, sed in aqua, est actio transiens. Prima diuisio actionis est magis de intentione Philosophi: quia (vt supra diximus) Aristot. 9. Metaph. c. 7. actionem immanentem vocat, cuius nullum est opus, & transeuntem, cuius præter ipsam est operatum aliud quod, siue maneat in agente, siue in aliud transeat. Collige ergo, quod actio immanens, quæ est actus vltimus potentia, quæ & operatio dicitur, est forma absoluta & qualitas, & est terminus actionis propriè dictæ per eam productus, vt visio producit per elicionem visionis, sicut intellectio per dictionem.

Ad quantum respondeo secundū Scotum, loco supra citato sub literis cc. & in 1. di. 3. q. 7. sub litera y. quod sicut esse albū est habere albedinem tanquam formam, sic sentire vel esse sentientem, est habere sensationem tanquam formam. Vnde si Deus immediate causaret sensationem in aliquo, non diceretur sentire, quia non habet in se formaliter sensationem: sicut nec causans albedinem dicitur album propter eādem rationem, sed ipse sensus, in quo subiectiue recipitur ipsa sensatio. Est igitur sentire recipere, vel habere sensationem: similiter intelligere est recipere intellectioem, tanquam formam. Vnde licet intellectus causet in se intellectioem, non dicitur intelligere in quantum illam causat, sed in quantum illam recipit, & habet tanquam formam. Quando ergo Aristoteles ait, intelligere est quoddā pati, non vult asserere intellectioem esse passionē, sed vult innuere, quod licet intellectus sit causa efficiens intellectioem,

Ad quantum.

& recipiens , non tamen intelligit quatenus illam causat , sed quatenus illam recipit . Et ratio est , quia sicut in intellectu est qualitas , ita esse intelligentem est esse quale , at esse quale potius consistit in habendo qualitatem , quam in producendo , sicut res dicitur alba , quia habet albedinem , & non quia causat . Sed S. Thom. negaret intellectum posse intelligere , nisi ipse causaret intellectionem ; & illam efficeret , quia secundum eum intellectio est actio , & intelligere est agere : nihil autem potest dici efficiens nisi efficiat actionem , etiam si illam recipiat . Lignum enim recipit calefactionem , & tamen non dicitur calefacere : sic si Deus solus causaret in meo intellectu intellectionem , ego non intelligerem , quia illam non efficio .

Obiectio. Sed contra dicta sic insurgo : quia si intellectio est qualitas , ergo Deus poterit causare in me intellectionem me nihil efficiente , consequens est falsum : ergo . Probatur minor : quia tunc intellectio non esset actio immanens , cum de ratione actionis immanens sit , quod maneat in agente : in casu vero posito intellectio non manet in agente , ut patet . Respondeo , quod de ratione actionis immanens , quæ est actus ultimus , non est , quod maneat in efficiente , & producente eam , sed in agente per eam . Unde Deo in

me producente intellectionem non maneret intellectio in Deo producente , sed in me agente per illam : qui tunc essem intelligens , & agens eodem modo , quo intellectio dicitur actio . Sed nunquid illa intellectio esset verbum ? Respondeo negativè : quia de ratione verbi est , quod sit notitia genita a memoria actione vitali . In casu vero illa intellectio non gignitur a memoria , nec realem relationem ad eam tamquam ad dicentem importat .

Ad quintum concessa maiori , & minori nego consequentiam . Sicut enim non sequitur , Petrus est filius : filius pertinet ad prædicamentum relationis : ergo & Petrus : ita in proposito non valet , intellectio est verbum , sed verbum pertinet ad prædicamentum relationis , ergo similiter intellectio . Verbum namque est nomen impositum primò ad significandum relationem dicti , & expressi ad dicentem , & exprimentem : ac proinde de suo primario significato importat relationem connotando intellectionem , sicut filius primò importat relationem , scilicet filiationem , connotat tamen naturam sensitivam , vel intellectuam . Intellectio verò licet relationem dicat ad obiectum , non tamen illam importat primò , sed secundario . De quo vide Scotum quol. supra citato subtiliter . ll.

CONTROVERSIA

OCTAVA.



*Verum verbum diuinum producatnr per actum intelligendi,
an per actum dicendi?*

1. *argum.*



IDE TVR, q̄ pro-
ducatur per actū
intelligendi: quia
ex August. 5. de
Trin. cap. 13. Ver-
bū est visio de vi-
sione: ergo actuali notitia est ratio gi-
gnendi verbum.

2. *argum.*

Secundò, quia actus dicēdi & in-
telligendi sunt actus secundi, & ab
eodem principio, scilicet, a memo-
ria: ergo non est maior ratio, q̄ pro-
ducatur verbum per actum dicendi,
quam per actum intelligendi: ergo
producitnr per actum intelligendi,
vel per neutrum.

3. *argum.*

Tertiò. Vnius potentiae vnice est
actus: ergo cū intellectus sit vnica
potentia, solum habebit vnicum a-
ctum; huiusmodi actus non est nisi
actus intelligendi, sicut actus visus
non est nisi actus videndi: ergo ver-
bum diuinum non producitnr, ergo
per actum intelligendi.

4. *argum.*

Quarto. Si verbum producere-
tur per dicere, & non per intelli-
gere, sequeretur, quod si pater æter-
nus per impossibile non intelligeret
adhuc diceret: consequens autem
est falsum, quia qui nihil intelligit
nihil dicit: igitur, &c. Probatur se-
quela ex Scoto in secundo, dist. 1.

quaest. 1. art. 3. vbi ait, quod quando
vna causa habet duos effectus subor-
dinatos, quorum neuter est causa al-
terius, quodlibet illorum sublato al-
ter poterit esse ab eadem causa: quia
essentialior est dependentia vtriufq̄
effectus ad causam, quam eorum in-
ter se, ergo cū intelligere & dicere
ita se habeant respectu intellectus,
sublato intelligere, poterit manere
ipsum dicere.

In hac quaestione est duplex opi-
nio. Prima est B. Thom. 1. par. q. 27.
art. 1. asserentis in diuino intellectu
vnicum tantum esse actū, vt puta,
actum intelligendi, per quem ver-
bum producitnr. Qui prout est in
patre est actus productiuus, quia in
eo coniungitur habitudini produ-
centis ad productum: non tamen
prout per ipsum omnes tres perso-
ne sunt formaliter intelligentes: quia
tunc tres diuinæ personæ produce-
rent verbum. Si obijcias, Verbum di-
uinum producitnr per actum dicēdi,
ergo non per actum intelligendi, re-
spondent Thomistæ, quod ipsamet
intellectio est dictio. Vnde dicere est
intelligere exprimēdo, vel expri-
me re intelligendo. Itaque dicere inclu-
dit in sua ratione ipsum intelligere,
estq̄ ei idē formaliter ex natura rei.

1 Opinio
D. Th.

Hanc

Hæc sententiam sequitur Caietanus vbi supra S. Thom. & Ferrar. 4. contra gentes, capit. 13. & communiter eam tuentur omnes discipuli Beati Thomæ.

diuinam in ratione obiecti. Actum verò productiuum verbi asserit esse actum dicendi formaliter distinctum ab actu intelligendi.

SENTENTIA BEATI
Thomæ.

1. *Opinio
Scoti.*

Secunda opinio, & opposita est Scoti in 1. dist. 2. in solutione q. 7. & in quolib. quaest. 1. & dist. 27. primi, quaest. 1. & alibi sæpe, asserentis in diuino intellectu duos esse actus ex natura rei formaliter distinctos, quorū neuter alterum includit, neq; est alter formaliter, nempe, actum intelligendi & actum dicendi. Primum appellat actum operatiuum: secundum productiuium, per quē verbum produci affirmat. Sunt tamen idem realiter: quia intelligendi actus est in diuinis quid essentialis: & sicut essentia a nullo distinguitur realiter in diuinis: ita neque actus intelligendi distinguitur re ipsa ab actu dicendi in via Doctoris subtilis. Sed vt melius intelligas, in quo differant Scot. & S. Thom. obseruandum tibi est, intellectiōnem vno ex duobus modis posse poni principium verbi. Primò, vt principium formale quo, producendi: sicut calor in igne est principium quo, caloris producti in ligno. Secundo, sicut actus productiuius: sicut calefactio est actus productiuius, seu ipsa productio caloris. Sanctus Thomas asserit intellectiōnem non esse principium quo formale producendi verbum (hoc enim est ipsa memoria fecunda Patris) sed esse actum productiuium verbi. Scotus verò neutro istorum modorum ponit intellectiōnem esse verbi principium: quia secundum eum principium formale quo verbi diuini est memoria fecunda, vt puta, intellectus diuinus constitutus in actu primo per essentiam

Prima conclusio B. Thom. Verbum diuinum producit per actionem intellectus, quæ est dicere intellectualiter: quia sicut verbi vocalis expressio est dicere vocaliter: ita & expressio verbi mentalis est dicere mentaliter. Conclusio hæc est cōmunis sententia, quam etiam amplectitur Scotus. Sed est differētia inter Diuum Thomam, & Scotum: quia Diuus Thomas affirmat, hanc actionem esse intellectiōnem, nec ab ea realiter aut ex natura rei formaliter distingui. Scotus verò planè affirmat illam actionem dicendi esse ex natura rei formaliter distinctam ab actu intelligendi, quo pater est formaliter intelligēs, realiter verò distingui a notitia genita, sicut generatio actiua diuina a verbo. In humanis verò tenet subtilis Doctor actionem dicendi re ipsa etiam distingui ab intellectiōne, quæ est verbum, & terminus eius.

1. *Concl.
B. Tho.*

Ex quo colligitur secunda cōclusio B. Thom. Verbum diuinum producit per intellectiōnem Patris, qua se & omnia intelligit: estq; verbum huius intellectiōnis terminus, sicut calor calefactionis. Hæc conclusio innititur argumentis, quibus controuersia præcedēti probabamus ex mente B. Thomæ, verbum per intellectiōnem produci.

2. *Concl.*

E X P L A N A T I O

opinionis Doctoris subtilis.

*Nec pro-
opinione
Scoti.*

AD intelligentiā opinionis Doctoris subtilis, obserua ex supra dictis, qd dicere & intelligere in nobis sic se habet, qd semper dicere præcedit ipsū intelligere, sicut actio præcedit terminum: nam sicut calor est calefactionis terminus: ita intelligere seu intellectio est terminus dictionis. Ex quo inferitur actum dicendi & intelligendi haud quaquā tantum duos effectus subordinatos se habere secundum Scoti mentem, vt falsò Caiet. 1. p. q. 27. art. 1. existimauit. Nam si Scotus asserit intellectiōnem creatam esse dictionis terminū, vt videre est apud ipsū in 1. dī. 27. q. 1. & 9. Metaph. cap. 7. & quol. 13. quoniam pacto potuit asserere dictionem, & intellectiōnem sicut effectus subordinatos se habere, sed potius sicut actionem & terminum, effectiōnem, & effectum, similiter se habent in diuinis dicere & notitia genita, qd est verbum. Cæterum dicere & intelligere Patris, quo est formaliter intelligens, habent se sicut duo subordinati effectus ab eadē causa dimanantes: vterq; enim actus est actus secundus diuini intellectus. Ordinantur autem in diuino intellectu prædicti duo actus in hunc modum, qd actus intelligēdi, quo Deus est formaliter operans, & intelligens se ipsum, est prior actu dicendi, quo verbum gignitur atq; producit. Ratio autem huius ordinis desumitur ex natura diuini intellectus, qui ex visua prius est operatiuus, quam productiuius. Quod ita esse manifestè conuincitur ex hoc, qd Deus prius est intelligens,

In diuino intellectu, intellectio præcedit dictionem.

quam dicens: quia omnis perfectio essentialis non includens respectum ad creaturas, est prior notionali quocunque in diuinis: sed intellectio est talis perfectio absolutā: ergo ipsa præcedit in Deo omnia notionalia: ergo & actum dicend: ergo diuinus intellectus prius est ex natura sua operatiuus per intellectiōnem, quam productiuius per dictionem, & per consequens intelligere præcedit ipsum dicere in diuinis.

Præterea, quia intellectio est summa Dei perfectio, qua beatificatur secundum intellectum, omnis autem perfectio intrinseca perfecti productis comunicantis naturā suā supponitur in producente actui quo producit, vt naturam suā cōno perfectā suo producto comunicet: ergo, &c.

Sed contra. In nobis, vt supra diximus, dicere præcedit intelligere: ergo similiter in diuinis: quia ex his, quæ in nostro intellectu reperiuntur, philosophandum est ad diuina.

Obiectio.

Respondēdo, qd sicut in nobis dictionis præcedit intellectiōnem & notitiā: ita in diuinis dicere præcedit notitiā genitam, quæ est verbū & terminus ipsius dictionis. Cæterum intellectio ingenita, & essentialis non sequitur dictionē, sed eam præcedit, sicut essentialis præcedit notionale: atq; ita prius Deus concipitur intelligens, quam dicens. Creatura verò intellectualis prius concipitur dicens, quam intelligens, & ipsa prius dicit quam intelligat: quia intelligit formaliter per intellectiōnem productam per dictionem. Deus uerò ex se, & a se ē formaliter intelligens, & nō per verbum. Sed obijcies iterum. Ex supra dictis, intellectio est verbum: ergo si Pater prius habet intellectiōnem, quā verbum

*Solutio.**Obiectio.*

verbum producat, sequitur, quod in diuinis est verbum ante productionem verbi.

Solutio.

Respondeo, verbum esse quidem intellectionem & notitiam, sed non quamcunq. sed verè genitam, atque productam re ipsa a dicente distinctam. Intellectio vero, qua pater est formaliter intelligens, non est genita, cum sit re ipsa idem cū patre, sed omnino ingenita atq. improducta: ac proinde verbi rationem neutiquā habere potest. Memoria autem Dei secunda, habet prædictos duos actus immediate, licet secundum ordinem assignatum. Vnde sicut actus intelligendi est immediate a memoria, sicut a principio elicitiuo: ita actus dicendi est immediate ab eadem memoria, vt distincta ab intellectione.

*Verbum produci-
tur im-
mediate a memo-
ria.*

Ex quo inferitur, quod verbum diuinum produciatur, vt a principio quo, immediate a memoria, scilicet, ab intellectu & diuina essentia in ratione obiecti, & non ab eo, vt actu intelligente: sicut in nobis verbum prius natura produciatur, quam intelligamus, & ideo non produciatur ab intellectu, vt intelligente, sed vt est in memoria secunda productiua prolis, quæ est verbum. Ita tenet Scot. in 1. dist. 27. in solutione. q. 2. lit. I. Ex quo inferitur, quod non produciatur verbum mentale, quia intelligimus, sed produciatur illud, vt intelligimus, quia noster intellectus per verbum intelligit. At vero tum, quia Deus pater præhabet intellectionem essentialem, qua cuncta formaliter intelligit: tum etiam, quia verbum diuinum non potest esse forma intellectus diuini, qua intelligat, quia est persona, cui esse communicabile, etiam vt quo repugnat, non producit verbum vt

intelligat: sed ex perfectione suæ memoria ex natura sua talis verbi productiua producit illud, quo suam essentiam declarat: & exprimit, quasi actu secundo, quæ prius quasi in actu primo latebat in memoria.

His positis sit prima conclusio. Intellectio non est principium formale quo, verbi diuini ad modum, quo calor in igne est principium caloris in ligno. Hac conclusio probatur a Scoto, vbi supra multis rationibus, & eam etiam tenet q. 1. quolib. litera V.

1. Conclus.

Primo. Verbum non gignitur ab intellectione, sed a memoria secundum August. 15. de Trinit. multis in locis. Et patet satis ex definitione verbi, quam ex mente August. controuersia præcedenti tradidimus: ergo licet in patre concurrant memoria, & intelligentia, pater nō gignet verbum intelligentia, vt principio quo, sed memoria, sed vt habet actualem notitiam, quasi elicitam, & vt actum secundum, est in actu intelligentiæ: ergo vt sic non gignet verbum, sed vt est in actu memoriæ, id est, vt habet obiectum intelligibile præsens suo intellectui: ergo intellectio non est principium quo, verbi diuini.

1. Ratio.

Et confirmatur, quia intellectio nō pertinet ad memoriam, sed ad intelligentiam: ergo cum verbum produciatur per memoriam, intellectio in eius productione nullatenus ratione principij quo, habet.

Secundò. Quia si intellectio & notitia actualis est principium quo, verbi, sequitur quod verbum sit immediatius verbum intellectionis patris, quam essentia: consequens videtur falsum, ergo & antecedens. Sequela probatur: quia verbum est immedia-

2. Ratio.

tius verbum illius, a quo immediatius exprimitur: sed admissio casu immediatius exprimitur ab actuali notitia: ergo &c. Falsitas consequentis probatur: quia tunc unum è duobus esset concedendum, vel quod esset dandum aliud verbum, quod immediate essentiam declararet, vel oporteret concedere illam essentiam diuinam non posse per aliquod verbum immediate declarari, quorum utrumque est inconueniens. De primo patet. Secundum probatur: quia ex Aug. 15. de Trinit. cap. 10. notitia formata ab ea re, quā memoria tenemus, est verbum: sed primum obiectum diuinæ memoriæ est essentia diuina, vt essentia: ergo ab ea potest immediate gigni verbum: ergo potest immediate declarari secundum August.

3. Ratio.

Tertio. Quia productio magis conuenit, vt principio formali quo, actui primo, quam secundo: ergo productio verbi potius est a memoria, quæ est actus primus, quam ab intellectio ne, quæ est actus secundus.

4. Ratio.

Quarto. Si actualis intellectio patris esset genita, gigneretur virtute essentia, non vt est cognita, sed vt prior omni cognitione: aliter enim esset processus in infinitum, actus scilicet intelligendi ante actum intelligendi: ergo notitia diuina verè genita, quæ est verbum, est immediate a memoria. Consequentia tenet a paritate rationis: & confirmatur: quia intellectus paternus constitutus in actu primo per essentiam in ratione obiecti actu intelligibilis, ita est principium perfectum productuum verbi, sicut est principium elicitiuum intellectio nis.

5. Ratio.

Quinto. Si intellectio patris actualis est ratio formalis producendi ver-

bum, seu intellectus sub ipsa existens est principium formale producendi verbum: ergo in Deo sunt duo verba; sed consequens est contra fidem; ergo & illud ex quo sequitur. Probo priorem consequentiam: quia vbi sunt duo principia formalia, quorum quodlibet est verbi productiuum, ibi possunt esse duo verba: sed admissio, quod intellectio patris actualis sit principium formale verbi, erunt in diuinis duo principia verbi productiua; ergo ibi possunt esse duo verba: ergo sunt actus, quia posse & esse in Deo sunt idem. Probo minorem: quia præter actualem notitiam, vel intellectum actu intelligentem est in Deo intellectus diuina essentia, vt specie intelligibili in actu primo constitutus, qui vt sic est memoria perfecta, quæ secundum Aug. est verbi productiua.

Secunda conclusio. Verbum diuinum non producitur per intellectum tamquam per actum productiuum. Hac conclusio ex dictis controuersia præcedenti patet: quia, vt ibi probauimus intellectio est actus ultimus potentia nullum habens operatum, & ultimus eius finis. Præterea quia intelligere in diuinis ex ratione sua est operari patris & non producere, vt in solutione secundi argumenti dicemus. Ita Scotus in quod. quæst. 1. lit. V.

Secundo. Si actus productiuus verbi diuini esset intellectio patris, sequeretur, quod pater non communicaret filio essentiam perfectè beatam, nec posset intelligi perfectè beatus, vt communicata sibi a patre: consequens tamen est falsum, quia tunc pater non esset perfectè beatus, nisi per productionem filij: & ita aliquā perfectionem a filio reciperet, quod

est

2. Concl.

est contra dicta controuersia sexta, & contra August. ibidem citatum: igitur, &c. Probatur sequela: quia tunc intellectio, & terminus eius intrinsecus, vt puta, verbum, præcederent quemcumque actum diuinæ voluntatis, & sic essentia dilectionem sine qua nō intelligitur perfectè beata, quia perfecta Dei beatitudo in vtraque operatione, visione, scilicet, & amore consistit. Quod sic probatur. Intellectio diuinæ essentia præcedit omnem actum diuinæ voluntatis: quia sicut intellectus præsupponitur voluntati, quo ad esse, ita & quo ad operari: ergo similiter verbum diuinum præcedit omnem actum diuinæ voluntatis. Probatur consequentia. Verbum est per te terminus intrinsecus intellectionis: ergo, sicut intellectio præcedit actum voluntatis quemcumque, ita & verbum, quia non est intelligibile actionem præcedere aliquid, quod similiter non præcedat terminus eius intrinsecus: quia inter actionem, & terminum nihil mediat.

Dices forsitan, intellectionem bifariam considerari posse, primò, vt est actus essentialis, secundo, vt actus notionalis, & quòd primo modo considerata præcedit actum voluntatis diuinæ essentialem, considerata verò secundo modo illum subsequitur.

*Confr-
matio re
sponſionis* Contra, quia vel intellectio formaliter, qua Pater formaliter intelligit suam essentiam, habet verbum tanquam terminum, vel non. Si primum, ergo intellectio & verbū præcedunt omnem actum diuinæ voluntatis propter rationem supra assignatam. Si secundum, habeo contra te Thomista, q̃ intellectio, qua Deus se formaliter intelligit, non est verbi

productiua: ac per consequens alius actus ab intellectione distinctus saltem formaliter est ponendus in diuinis, qui verbi sit productiuus.

Præterea, quando dicis, quòd intellectio, vt actus notionalis est, verbi productiua, nō vt essentialis, quæro a te, an intellectio illa vtroq; modo considerata sit idem actus formaliter ex natura rei, an verò alius, & formaliter. Si concesseris hoc secundum, mihi faues, & meam amplecteris sententiam, qua in intellectu diuino duos actus constituendos esse cenſeo. Si verò primū dederis, quomodo idem actus formaliter ex natura rei penitus indistinctus est productiuus, & non productiuus, habet terminum productum & non habet.

Respondebis forsitan, quòd sicut diuina memoria, vt in Patre est productiua, & non vt in filio: quia in Patre intelligitur habuisse suum adæquatum productum, ita intellectio, vt in Patre est productiua, non autem vt in filio. Contra, quia ex hoc sequitur, primò, quòd intellectio, vt in Patre cum suo termino, scilicet verbo, præcedit omnem actum voluntatis, etiā essentialem, quod supra falsum esse ostendimus. Sequitur secundo, quod sicut memoria est formaliter in filio, licet per eam non generet, ita similiter actio verbi generatiua in filio, etiam si non sit ab eo, eritque in eo, q̃n ab ipsa denominetur, quod implicat.

Præterea. Responſio non est ad propositum: quia argumentum concludit eandem intellectionem in patre esse productiuam verbi, & non productiuam, habere terminum, & non habere terminum per ipsam productum, quod repugnare videtur.

tur. Et ex responsione sic contra te colligo argumentum. Eadem memoria ex natura rei, & prout in Patre nō potest esse productiua verbi, & non productiua verbi: ergo similiter idē actus intelligendi ex natura rei omnino indistinctus non potest esse in Patre actio productiua verbi, & non productiua. Tandē. Si intellectio essentialis, quę est in Patre, non habet terminum per eam productum, & eadem intellectio, vt actus notionalis illum terminum habet, quō pōt esse vnicus actus a parte rei omnino indistinctus; Profecto ratio ipsa videtur concludere, prædictos duos actus formaliter distinctos ex natura rei in diuino intellectu esse collocandos, quibus positis omnia ad hanc materiam spectantia facillē intelliguntur, & sine ipsis difficile sanē.

3. Ratio. Tertiō. Verbum diuinum producit per actum dicendi: ergo non per actum intelligendi. Antecedens conclusionē sequenti patebit, consequentia vero probatur: quia actus dicendi est formaliter distinctus ab actu intelligendi: quoniam dicere est agere & efficere, intelligere vero est pari.

3. Concl. Tertia cōclusio. Verbum diuinum producit per actū dicendi, qui nullo modo in sua ratione formali includit actum intelligendi: sed ab eo formaliter distinguitur. Conclusio hæc quo ad priorem partem ex dictis colligitur. Nam si per actum intelligendi nullatenus producit, a sufficienti diuisione sequitur, quod per actum dicendi producat: quia nullus alius actus considerari potest in intellectu, per quem producat. Hęc eadem prima huius cōclusionis pars probatur eisdem rationibus, quibus

præcedenti controuersia verbum per intellectionem haudquaquam produci ostendimus.

Præterea. In diuinis secundum naturalem intelligentiam præintelligitur ante verbi productionem actus perfectus intelligendi: ergo verbum non producit per actum intelligendi. Consequentia videtur euidens, quia quod naturali intelligentia præintelligitur alteri, non est illud saltem formaliter: ergo si actus intelligendi secundum eius perfectam rationē præintelligitur verbi productioni, nō est formaliter ipsa verbi productio. Probo antecedens. Primō, quia actus intelligendi secundum suam rationem formalem est quid essentialē, at productio verbi est quid notionalē: essentialia vero notionalibus sunt priora. Nec illa distinctio intellectionis, qua intellectio, vt dictio, vel vt intellectio consideratur, hic locum habet, vt ex dictis constat. Secundō: quia Pater communicat Filio essentiā suam perfecte beatam: ergo præhabet illam in se cum beatitudine perfectā: sed beatitudo perfecta non est sine perfecta intellectione: ergo perfecta intellectio præintelligitur dictioni, per quam ipsi verbo communicatur. Tertiō. In diuinis datur indiuiduum deitatis, seu hic Deus per se subsistens diuinis personis præintellectus, vt controu. 12. docebimus: sed ille præintelligitur intelligens, & volens ante verbi generationem: hæc enim est vera. Pater intelligit; quia hic Deus intelligit, quæ non esset vera, nisi hic Deus vt personis præintellectus conciperetur intelligēs: ergo. Sed dices forsan, quod cum verbum sit terminus intrinsecus intellectionis secundum aliquos quo intellectio

*Doctri-
na mixta
mentis
da.*

lectio fit, nullatenus in Deo intellectio sine verbo esse, aut concipi potest. Contra, quia vt ex dictis patet, per intellectiōem nihil producitur in nobis, vel in Deo; sed est intellectio actus vltimus potentiae intellectiuae. Secundo: quia si in diuinis verbum est intrinsecus intellectiōis terminus, quo intellectio fit, sequuntur multa inconuenientia. Primo sequitur, quod Pater aeternus intelligit per verbum, & per consequens quod, est sapientia genita, quod D. Aug. 1. retract. ca. 26. & vniuerso Theologorum in coetui contrariatur. Cuius rei rationem assignat idem Aug. 7. de Trin. ca. 4. inquit, quod, Pater eo est quo sapit, quia in ipso idem est sapere, & esse: ergo si saperet verbo, esset etiam verborum: sed consequens est a vera ratione & Theologia alienum; ergo nullatenus concedi debet Deū Patrem sapientem esse verbo. Secundo sequitur, quod Pater mendicat intellectiōem a verbo, vt ratione & medio cognoscendi. Tercio elicitur, quod verbum diuinum producitur propter aliquem finem, vt puta, vt Deus intelligat per ipsum, quod est falsum: quia cum sit finis omnium vltimus propter aliquem finem esse nequit: daretur namque vltimo fine vltior finis, quod implicat. Et sanè, si propter aliquem finem verbum diuinum produceretur, esset effectum, quoniam omne ens ad finem effectum est, vt eleganter docet subtilis Doct. in lib. prop. diuino de primo principio, conclu. 4. Quarto sequitur contra Thomistas, quod verbum diuinum non nascitur ex creaturarū cognitione, imò neque essentia, quia actus diuini intellectus secundum hanc sententiam prius terminatur ad

verbum, quam ad res ipsas vt cognitatas: ergo prius producitur verbum in diuinis, quam diuina essentia, vel aliquid aliud intelligatur. Præterea ostendo, quod verbum diuinum nullo modo sit, vel esse possit ratio, vel medium cognitionis diuinæ intrinsecum, quia medium intrinsecum cognitionis reducitur ad causam formalem: sed verbum diuinum nullatenus rationem formæ obtinere potest, cum sit perfectum suppositum, cui rationem quo, seu formæ habere prorsus repugnat: ergo nullatenus potest in cognitione diuina rationem medij induere & possidere. Hæc oīa confirmantur ex D. Aug. 15. de Trin. ca. 7. Vbi sic ait. At vero in illa Trinitate quis audeat dicere Patrē nec se ipsum, nec Filium, nec Spiritū sanctum intelligere, nisi per Filium, vel diligere, nisi per Spiritum sanctum, per se autem meminisse tantummodo, vel sui, vel Filij, vel Spiritus sancti? Et paucis interpositis ait. Si enim solus sibi Filius intelligit, ut intelligētia sit, & sibi, & Patri, & Spiritui sancto, ad illam reditur absurditatem, vt Pater non sit sapiens de se ipso, sed de Filio, nec sapientia sapientiam genuerit, sed ea sapientia Pater dicatur sapiens esse, quam genuit. Et ibidem concludit. Est ergo Deus Pater sapiens ea, quæ ipse sua est sapientia, & Filius sapientia patris de sapientia, quæ est Pater, de quo genitus est Filius. Hæc Aug. Vbi expresse asserit absurdum esse Deum Patrem verbo esse sapientem, vel per ipsum tanquam per rationem intelligendi cognoscere. Ex his sequitur cauendum esse Ferrarien 4. contra gentes. cap. 13. asserentem Deum non posse cognoscere res ipsas, nisi mediante verbo,

*Verbum di-
uinum nul-
lo modo
Deo Pa-
tri ratio
intelligē-
di.*

*Deus Pa-
ter ad in-
telligen-
dum ver-
bo.*

verbo, sicut nec nos id sine verbo possumus. Quia inquit, necessitas ponendi verbum est, ut per ipsum fiat intellectio, qua sublata verbum è medio auferri poterit. Propter eandem rationem sunt etiam cauendi multi alij, qui cum Ferrara sentiunt, & intrepido animo asserendum tanquam certum & indubitatum, Deum Patrem verbo ad intelligendum minimè indigere: quolibet namq; persona diuina teste Aug. 15. de Trin. c. 7. intelligit sibi ipsi intelligentia; & ratione intelligendi in ipsa formaliter existentibus.

Obiectio. Sed obiecis mihi eundem D. Aug. eodem loco, c. 14. dicentem. Nouit Deus Pater omnia in se, nouit in filio: sed in se ipso tanquam se ipsum, in filio tanquam verbum suum, quod est de omnibus, quæ sunt in se ipso: ergo Deus Pater nescit in verbo, quod his quæ supra diximus contrariari videtur.

Solutio. Respondeo D. Aug. id dixisse, non quia per verbum aliquid intelligat Pater tanquam per rationem intelligendi, vel tanquam per obiectum primo motuum sui intellectus, quia hoc soli diuinæ essentiae competit: sed quia filius habet eandem notitiam numero, quam habet Pater, & qua intelligit se & filium, & omnia, vel quia per verbum perfectissimè se exprimit, & declarat: in verbo namque perfectissimè Pater exprimitur & declaratur. Vel si in alio sensu locutus est August. hoc vnum certum est ipsum noluisse affirmare, quod verbum sit Patri ratio & forma intelligendi, seu id, per quod intelligit.

Secunda pars eiusdem conclusionis, ut puta, quod actus intelligendi & actus dicendi non se inuicem in-

cludant, sed formaliter distinguantur, ex dictis satis patet. Nam si actus intelligendi naturali ordine præsupponitur, & præintelligitur actui dicendi, optimè sequitur, quod ab eo sit formaliter distinctus, vel saltem quod actus dicendi non sit de conceptu formali eius, quia posterius nunquam est de ratione formali prioris. Præterea, quia actus intelligendi ex natura sua atque ex eius ratione formalis est infœcundus, ut supra docuimus, actus verò dicendi ex ratione sua formali est actus, seu actio verbi productiua: ergo ab inuicem sunt formaliter distincti.

Secundò. Pater actu toto, quo producit verbum, qui est actus dicendi, distinguitur a verbo: ergo actus ille, neque est intelligere formaliter, nec villo modo ipsum formaliter includit. Pater consequentia: quia Pater non distinguitur a filio per intelligere: quoniam sicut est vnum & idem esse trium personarum: ita & idem sapere & idem intelligere, ut ait D. Aug. 7. de Trinit. cap. 7. Antecedens probatur: quia actus, quo Pater producit filium, est simplicissimus & indiuisus, & consequenter toto illo actu distinguitur Pater a filio, supposito, uti res se habet, quod per ipsum distinguatur a filio. Et confirmatur: quia sicut filius eadem proprietate est filius, & verbum iuxta August. 17. de Trinit. cap. 1. dicentem, eo verbum, quo filius, & eo filius, quo verbum: ita eadem proprietate productio filij est generatio & dictio: sed generatio solum importat relationem paternitatis per modum actus secundi: ergo & dictio solum importat eandem relationem, & consequenter non includit intelligere. Probatur minor: quia

Intellectio, & dictio formaliter distinguuntur.

quia Damascenus lib. 1. cap. 1. ait, Patrem, Filium & Spiritum sanctum quantum ad omnia esse vnum præter ingenerationem, generationem & spirationem. Si aut generatio diceret aliquid absolutum, vt intelligere, præter relationem iam in illo absoluto personæ diuinæ essent vnum, & cōsequenter dictū Damasceni nō esset verum.

Ref. Th. q. 27. art. 1. q. 4. negando antecedens, f. miffa.

Huic argumento respōdet doctissimus quidam D. Th. interpres. 1. par. q. 27. art. 1. q. 4. negando antecedens, f. quod Pater distinguatur a filio toto actu, quo producit illum. Ad probationem dicit, q. licet ille actus sit simplicissimus (in re), includit tñ plura secundum rationem, nempe, intelligere & relationem ad verbum, tanquā productū per illud dicere. Vnde actus ille distinguit Patrem a verbo, non ratione ipsius intelligere, sed ratione relationis, quam importat.

Imprimatur in resp.

Sed contra hoc sic obijcio. Actus generandi omni opere intellectus secluso distinguit secundum rem Patrem a filio, non virtualiter & fundamentaliter tantum, sed actu & formaliter: ergo cum secundum rem sit simplicissimus, & vnicus non includens pluralitatem, etiam formalitatum, impertinens est, q. secundum rationem illam, includat ad hoc, vt se toto vel secundū partē distinguat: quia non distinguit actu, & realiter, (in qd a ratione apprehenditur, vt talis, sed prout a parte rei est talis).

AD ARGUMENTA in principio controuersie posita.

Imprimatur

Ad primum argumentū respondeo, q. per visionem, de qua est visio, quæ est verbum intelligit Aug.

scientiam habitualement, seu memoriā: sic enim se exponit ipsemet 13. de Trinit. cap. 11. Vbi sic ait. Simillima est visio cogitationis visioni scientiæ. Et cap. 12. & 32. de paruis ait. Verbum est simillimum rei notæ, de qua gignitur, & imago eius quando de visione scientiæ visio cognitionis exoritur. Istæ constructiones sunt intransitiuæ: nam sicut visio cogitationis nihil aliud est, quam cogitatio: ita visio scientiæ nihil aliud est, quam scientia. Idem ergo est dicere de visione scientiæ nasci visionem cogitationis, ac si dicamus, de scientia nasci cogitationem: scientia autem est habitualis forma perficiens memoriā. Patet ergo q. D. August. per visionem scientiæ intelligit scientiam habitualement, seu memoriā.

Ad secundum.

Ad secundum concedo antecedens, & nego consequentiam. Et ratio disparitatis est, quia intelligendi actus ex natura sua est operatiuus, actus vero dicendi ex natura sua est productiuius. Vnde in 1. d. 2. in solutione, q. 7. lit. Q. sic ait Scotus. Sicut hæc est immediata contingens, calor calefacit, & hæc immediata necessaria, Calor est calefactiuius, quia inter extrema neutrius inuenitur medium: ita ista est per se & immediata, Operatio in quantum operatio, est non productiua: quia operationes, vt operationes, sunt fines, & perfectiones operantis: productio vero vt productio est, non est perfectio producentis, sed habens terminum productum extra essentiam producentis: vel saltem terminus nō includitur formaliter in persona producentis. Quare igitur actus secundus, quo Pater intelligit vel operatur, formaliter non producit? Respondeo, quod

quòd illud intelligere ex ratione ſua eſt operari Patris, & non eſt producere: productione autem ſiue dictione producit, ſicut aliquid calefactione calefacit formaliter, cuius non eſt alia cauſa prior. Quod autem dicis idem eſſe principium iſtorum duorum actuum, poteſt concedi, quòd ex plenitudine perfectionis poteſt competere alicui, quòd operetur & producat aliquid a ſe diſtinctū. Magis autem hoc patebit quando dicitur, quòd dicere non eſt aliquis actus intelligendi formaliter, eſt tamē aliquis actus intellectus. Nullus autem actus intelligēdi formaliter eſt productiuus, ſed aliquis alius actus formaliter naturaliter præcedens (vt in nobis) vel ſubſequens (vt in diuinis) poteſt eſſe productiuus, qualis eſt actus dicendi. Hactenus Scotus. Vult ergo Scot. quòd actus operatiuus, cuiuſmodi eſt actus operatiuus vltimus potentia cognitiua, vel appetitiua, vt viſio in vidente, & ſpeculatio in ſpeculante, ex ratione ſua eſt non productiuus, cum ſit ſinis, & vltima perfectio ipſius potentia, nec alia ratio eſt exquirenda: actus verò dicendi etiam ex ſua propria natura eſt productiuus verbi, ſicut calefactio calor.

Sed quæres cauſam, ob quam actus intelligendi præſupponatur actui dicendi? Reſpondeo cauſam eſſe naturam ipſius principij, cuius ſunt actus ſecundi. Nam operans, & producens per idem principium prius ex natura ipſius principij eſt operans quam producens, ſi principium eſt omnino perfectū, cuiuſmodi eſt memoria diuina, cuius ſunt actus ſecundi intelligere & dicere. Et præterea alia poteſt assignari ratio, quia, ſcili-

cet, actus intelligendi patris eſt eſſentialis, actus verò dicendi notionalis: eſſentialia autem notionalibus ipſis præſupponuntur, vt contròter. 12. dicemus.

Ad tertium dico, quòd vnius potentia cognitiua, vel appetitiua: vnicus eſt actus vltimus & operatiuus, qui eſt eius ſinis atque perfectio ſimpliciter, vt potentia viſiua actus vltimus eſt viſio, auditiva auditio, &c. Et cum huiuſmodi actus vltimi ex ſuperioribus, ſint qualitates verè producta, neceſſum eſt, quòd eadem potentia habeat alium actum productiuum, quo actum ſuum vltimum in ſe producat.

Sed dices, hoc ita ſe habere in rebus creatis, vbi actus intelligendi habetur per actum dicendi. Sed quid dicendum de intellectu diuino, in quo actus intelligendi actum dicendi præcedit?

Reſpondeo, quòd memoria ſecunda ex ratione ſua nata eſt eſſe principium operatiuum & productiuum: cæterum in rebus creatis imperfectionis eſt, quòd prius ſit productiua, & deinde operatiua per intellectiōem, quam producit. Cum ergo diuina memoria omnino perfecta ſit, prius eſt operatiua per notitiam ingentam & improductam deinde vero producit ac generat, vel, vt melius dicam, eſt principium quo, productionis & generationis verbi. Et cum dicis, quòd actus intellectus non eſt niſi actus intelligendi, ſicut nec actus viſus non eſt, niſi viſio, dico, qd ſicut actus vltimus viſus non eſt niſi viſio, ita neque actus vltimus intellectus eſt niſi actus intelligendi. Sed ſicut viſio producit per aliam actionem & actum (cum ſit qualitas) qui non

non est actus videndi, sed actus, quo elicitur visio: ita intellectio producitur per actum dicendi, qui non est intelligere: quia, vt supra diximus, intelligere est quoddam pati: dicere vero est agere & efficere. Et intellectus, vt ex precedenti controuersia liquet, non intelligit in quantum dicit, sed in quantum recipit in se intellectionem, per quam est formaliter intelligens. Sicut album est formaliter album per albedinem. Dicere ergo non est actus intelligendi, licet sit actus intellectus. Ita Scotus q. 1. quo l. lit. v. Nec mirum alicui videri debet quod detur aliquis actus intellectus, qui non sit intellectio. Nam actus intellectus agentis, quo res ab ordine in ordinem transfert, scilicet, ab ordine rerum potentia intelligibilium ad ordinem rerum actu intelligibilium, actus quidem intellectus est, nō tamen est intellectio, cum pure sit agere & non pati.

Ad quartum, concedo maiorem & nego minorem. Et quando dicis, quod qui nihil intelligit, nihil dicit, dico hoc esse falsum. Nam intellectus noster dicit verbum priusquam intelligat, nam dictio vt dictio, intellectioni, vt sic, presupponitur etiam in via D. Tho. Et ita tenent discipuli D. Thom. præcipue Torres. q. 27. artic. 1. & Ferrara lib. 1. contra gentes cap. 33. Sicut igitur nos prius secundum naturæ ordinem dicimus, quam intelligamus: ita Pater æternus si per impossibile non intelligeret, prius quā diceret, posset dicere producendo notitiā genitā immediate declaratiuā diuinæ essentia, quæ est verbum.

Sed aliter respondet quidam doctissimus interpres 1. par. D. Thom.

q. 41. art. 2. q. 2. in fine in hunc modum. Dicere præcedit in nobis ipsum intelligere, quia nostrum intelligere est imperfectum, & idēo necessario fit per realem productionem ipsius actus intelligendi, qui vt existēs in facto esse est verbum, cuius effectus formalis est ipsum intelligere, vt sic: semper autem productio formæ præcedit naturā formam ipsam in facto esse, & effectum formalem eius: productio ergo verbi creati præcedit verbum & ipsum intelligere, vt sic. Neque in hoc (inquit ipse) dissentit Scotus: nunquam enim dixit quod in creaturis intelligere præcedat ipsum dicere. Neque hoc est inconueniens (inquit) quia dicere non est ad exprimendam rem intellectam, sicut externa locutio, sed est ad concipiendam rem ipsam: vnde non est expressiuum reicognitæ in actu secundo, sed rei habitæ in actu primo. Hac ille doctor.

Sed videtur contradicere sibi ipsi. Nam q. 27. art. 1. q. 4. con. 2. probat contra Scotum dicere includere ipsum intelligere: quia alias sequeretur, quod intellectus diceret absque hoc, quod intelligeret, quod manifestē (inquit) est falsum: quia si nihil intelligeret, quid diceret, cum intellectus nihil intelligat? En contradictionem: hic impugnat rationem, quam loco supra citato sequitur, & approbat. Item si dicere natura præcedit ipsum intelligere, vt ibi asserit, quomodo rursus affirmat, quod dicere includat ipsum intelligere? quia quod prius est natura alio ipsum in sua ratione non includit: non enim prius includit in sua ratione suum posterius.

Item quomodo actum intelligendi

dum

Ad quartum.

Aliter respondet
spec. Thom.
mista.

Contradictio cuiusdam Thomæ mista.

di in facto esse verbum esse asserit in assignata responsione cum eadem 1. p. q. 27. art. 1. qd. 5. con. 3. concedat similitudinem expressam, quæ verbum est, non esse actum intelligendi: quod (ut ipse asserit) tenet contra Soto in 4. d. 49. art. 3. & in eadem questione con. 4. expresse asserit verbum mentale re ipsa esse distinctum ab actu intelligendi: quod multis probat argumentis. Quorum vnum est contra Scotum: & est huiusmodi. Sco. ponit duos actus secundos, nempe, intelligere & dicere, & affirmat, quod per istum secundum producitur verbum: ergo verbum non est actus intelligendi. Antecedens est Scoti in 1. d. 27. consequentia autem probatur: quia alias verbum esset ante quam produceretur. Si dicas, quod verbum non est ille actus intelligendi, qui præcedit dicere, quia non qualibet notitia secundum Scotum est verbum, sed notitia actualis genita, sequitur, quod secundum Scotum præter intellectum in actu primo constitutum per speciem intelligibilem sunt ponendi in ipso intellectu tres actus secundi: primus est intelligere, secundus dicere, tertius ipsa intellectio actualis genita: sed hoc affirmare est ridiculum, & frustra: nã est evidens pluralitas sine necessitate: ergo, &c.

*Arg. nũ
lũ contra
Scotum*

Hoc argumentum huius interpretis, quod ipse validum contra Scotum arbitratu nullius est roboris & momenti. Vnde dico, quod Scotus in nostro intellectu non ponit actum dicendi, & intelligendi tanquam effectus subordinatos, sed tanquam effectum & effectum: dicere namque est effectio, & actus intelligendi effectus seu terminus eius. Cum ergo arguit prædictus interpres, Verbum se-

cundum Scotum non producitur per actum intelligendi, sed per actum dicendi, ergo verbum non est actus intelligendi, negatur consequentia. Terneret quidem, si Scotus assereret actum illum intelligendi non produci in nobis per actum dicendi, sed ipsum præcedere, vel subsequi, non tanquam terminum & effectum per ipsum productum: cæterum subtilis Doctor affirmat in nobis omnem actum intelligendi esse productum per actum dicendi, ut videre est apud eundem Scotum quolib. 2. paulò ante litteram E.

Ex his infertur, in nobis non esse illos tres actus, quos ille expositor intendebat contra Scotum concludere: nam in nobis non est nisi actus dicendi, & actus intelligendi, qui est eius terminus: ergo non sunt tres actus, sed duo, vel, ut rectius loquar, vna actio cum suo termino, ut puta; actio dicendi cum actu intelligendi, qui ipsius actionis dicendi est terminus. Nec in nobis actus intelligendi præcedit actum dicendi, ut supra diximus, sed sequitur, sicut terminus sequitur suam actionem: quia, ut modo dicebamus, in nobis omnis actus intelligendi producitur per actum dicendi, quia est verbum. Vnde falso accipit ille expositor ex Scoto, quod actus intelligendi præcedat actum dicendi.

Sed dices forsan argumentum factum habere suam efficaciam & vim in diuino intellectu, quia ibi actus intelligendi præcedit actum dicendi, ac per consequens ille actus intelligendi non est verbum cum dictio- nis non sit terminus: & ita præter actum intelligendi, & actum dicendi videtur assignandus alius actus intelligendi,

Obiectio.

ligendi, qui sit verbum per dictionē productum.

Solutio.

Respondeo, quod neque in diuino intellectu argumentum aliquid concludit: nā licet subtilissimus Doctor actum intelligendi & actum dicendi in diuino intellectu tanquam subordinatos effectus constituat: ceterum notitiam genitam, quę dictionis est terminus re ipsa per eam productus, non ponit vt actum intellectus diuini, cū sit persona per se subsistens, quā nullius potest esse actus & forma, cum ex ratione personę sit incommunicabilis, vt quo, & vt quod. In diuinis ergo est actus intelligendi, deinde actus dicendi, cuius terminus est notitia genita, seu verbum, quod est persona: & ita non sunt ibi tres actus, sed duo, vt puta, actus intelligendi, & actus dicendi, cuius terminus est notitia genita seu verbum.

Obiectio.

Solutio.

Sed dices. Si Deus prius intelligit, quam dicat verbum, quid opus est verbo? Respondeo verbum diuinum non produci ad intelligendum per ipsum: quia pater non est intelligens verbo, sed producit ex fecunditate intellectus. Neque est frustra tale verbum: quia illud dicitur esse frustra quod est propter aliquē finem, & illum non cōsequitur: verbum autem diuinum nō est propter aliquem finem: cum omnium sit finis vltimus.

Contradictio illius doctoris.

Patet ergo ex dictis huius Doctoris contradictio: siquidem uno loco actum intelligendi verbum esse affirmat, in alio verō id negat, & expressē assertit actum intelligendi esse re ipsa distinctum a verbo. Si ergo est verbum ab actu intelligendi realiter distinctum, quomodo actus in-

telligendi in facto esse est verbum? Rursus si actus intelligendi est actio, per quam verbum producitur secundum illius sententiam, quomodo actus intelligendi est realiter productus per actum dicendi, vt ipse ait? Solutionem igitur, quam argumento assignat approbo: nam verbū non exprimit rem intellectam, sed intelligibilem, quod sentit Scotus in 1. d. 2. q. 7. lit. L. & alibi sapē. Affirmat namque memoriam fecundam, patris esse principium quo, perfectum ac totale productionis verbi, ad quā nec intellectio, nec obiectū, vt intellectum spectat, sed vt intelligibile. Dicit ergo intellectus verbū expressiui obiecti existētis in memoria: & sicut voluntas producit amorem, nullo amore actuali supposito, ita intellectus producit verbum, & notitiam nulla alia notitia supposita: nā ipse intellectus constituitur in actu primo per obiectum est productiui verbi ex natura sua.

Itē. Modō pater æternus dicit verbum expressiui sui, vt habitualiter intelligentis, & non actualiter, quia principium quo productiuum verbi est intellectus diuinus cum diuina essentia in ratione obiecti non intellecti, sed intelligibilis: quia essentia, vt intellecta, potius pertinet ad intelligentiam, quam ad memoriam, sicut ipsa intellectio, per quam essentia est intellecta ad intelligentiam, & nō ad memoriam, spectat: de quo latius controuersia vndecima.

Sed contra. Intellectio & essentia cognita præsupponūt ad verbi productionem: ergo intellectio, & essentia vt cognita concurrunt ad eius productionem. Concesso antecedenti nego consequentiam: stat enim

Solutio.

M ali-

aliquid ad productionem alicuius praesupponi, & nullatenus ad eam concurrere: intellectus enim praesupponitur voluntati, & non est causa eius: Similiter & us essentialis voluntatis, praesupponitur dictioni, & verbo, & tamen non est causa, vel principium dictionis, nec verbi. Praesupponitur ergo secundum naturae ordinem intellectio dictioni, quasi effectus prior ad posteriorem, quin rationem causa vel principij respectu eius habeat, de quo eadem controuersia vndecima.

Obiectio. Sed obijcies contra dictum. Terminus dictionis est verbum & intellectio: ergo si pater non intelligeret, non posset dicere. Respondeo, quod terminus dictionis diuina non est intellectio, & notitia ingenta & essen-

tialis, qua pater est formaliter intelligens, sed genita atque producta, quae est verbum: ac proinde etiam per notitiam ingentam non intelligeret, adhuc dictio haberet suum terminum intrinsecum, videlicet, notitiam gentam explicantem patrem habitum alter scientem. Collige ex dictis, quod dictionis, & verbum habent se sicut actio & terminus actionis, ac proinde impossibile est esse dictionem intellectualem sine notitia genta, sicut impossibile est esse calefactionem sine calore. Caterum notitia ingenta diuina seu intellectio, & dictio habent se quasi duo effectus subordinati, quorum neuter est alterius causa, vt docet Scotus, vbi supra sub lit. O.



CONTRORSIA

N O N A.

Verum in diuinis possint esse plures productiones eiusdem rationis ut plures generationes?



PARS affirmatiua probatur: quia suppositum habens principium productionis perfectum potest illo producere: sed filius dei habet principium generandi perfectum, ut puta, memoriam perfectam, quæ est verbi generatiua: ergo per eam potest filius generare ac per consequens generat, quia diuinis esse & posse idem sunt: ergo sunt in diuinis plures productiones eiusdem rationis, ut puta, plures generationes. Et confirmatur: quia, si filius non posset producere per memoriam, esset minoris potentia, quam pater, & ita non esset omnipotens, sicut pater.

Secundo. Productio suppositum esse naturæ substantialis est generatio: sed in diuinis est duplex productio, duorum suppositorum in esse naturæ substantialis, videlicet, productio filij & productio Spiritus sancti: ergo duplex generatio, & per consequens duplex productio eiusdem rationis. Consequentia tenet, & minor patet, quia omnis productio suppositum in natura diuina est productio in esse naturæ substantialis. Probatur maior: quia per hoc distinguitur generatio ab alijs mutationibus secundum Philosophum. Physic.

Tertio. Vbi est principium eiusdem rationis, & terminus eiusdem rationis, ubi est productio eiusdem

rationis: sed in diuinis principium producendi filium & Spiritum sanctum est essentia diuina, ipsaq; est terminus formalis utriusq; productionis: ergo productio filij & productio Spiritus sancti sunt eiusdem rationis: & ita vel ambæ generationes, vel ambæ spirationes.

In hac controuersia sic procedam. Primo inquiram, an verbum diuinum ex fecunditate naturæ producatur. Secundo de quaesito principaliter. Tertio rationibus in principio controuersię positis satisfaciam.

Ordo procedendi.

ARTICVLVS PRIMVS

An verbum diuinum producatur ex fecunditate naturæ.

Videtur, quod verbum producatur ex fecunditate naturæ, primo, quia Deus eodem modo proportionabiliter producit sibi simile, sicut creatura: sed creatura etiam si habeat intellectum & voluntatem, producit sibi simile per naturam, & non per intellectum & voluntatem, ut patet de homine: ergo Deus producit sibi simile per naturam, & non per intellectum.

1. argum.

Secundo. Si calor esset intelligens, et volens produceret calorem per naturam suam, et non per intellectum, aut voluntatem: ergo Deus quamuis intellectum habeat, & voluntatem

2. argum.

tem producet per naturam, & non per intellectum, aut voluntatem.

3. *argum.* Tercio. Productum est simile producenti in principio, quo producit: sed filius est similis patri in essentia & natura: ergo principium, quo producit filius, est ipsa natura: ergo, &c.

4. *argum.* Quarto. Si verbum produceretur per intellectum, & Spiritus sanctus per voluntatem, producerentur quidem per actus intellectus & voluntatis: sed hoc esse nequit: ergo. Sequela maioris de se patet. Probatur minor: quia filium produci per actum intellectus, & Spiritum sanctum per actum voluntatis potest bifariam intelligi. Primo, quod huiusmodi actus sint productiones ipsarum personarum. Secundo, quod sint principia formalia productionum. Nō primo modo: quia actus intellectus & voluntatis, scilicet, intelligere & vel le, sunt actus essentialis & communes tribus personis. Si autem essent productiones personarum, tres personarum, quibus conueniunt, producerent, quod est omnino falsum. Nec secundo modo: quia actus intelligendi & volendi sunt infœcundi: ergo, &c.

Propter hæc argumenta Durandus in primo, distinct. 6. quaestio. 2. & distinct. 27. quaestio. 2. & 3. tenet filium & spiritum sanctum ex sola fecunditate naturæ produci, præcisam a Deo intellectu & voluntate, & eorum actionibus, taliter, quod si Deus per impossibile non haberet intellectum, & voluntatem, adhuc per suam naturam filium & spiritum sanctum produceret.

Contrariam sententiam amplectuntur omnes Scholastici Doctores, & omnes Sancti. Ita tenet D. Th.

prima parte, quaestio. 27. artic. 1. & Scotus in primo, distinctione secunda, q. 7. & dist. 27.

Pro intelligentia huius quaestio-
nis obserua. Primò, q. in productione alicuius duplex est principium, vt puta, quod, & quo. Principium quod, est illud, cui propriè tribuitur actio, & est ipsum suppositum, vel singulare quod agit: nam actiones sunt suppositorum, vel singularium: de qua re alibi erit sermo. Principium quo, est quò, seu id, per quod fit actio, & cui propriè nō tribuitur actio tanquam agenti, sed tanquam rationi agendi. Quod patet in naturalibus, in quibus suppositum est quod generat, forma verò est ratio generandi. Ignis nanq. generat ignem, forma verò substantialis ignis generantis est ratio, seu principium quo, generandi ignem. Similiter philosophandum est in diuinis in generatione filij, & productione Spiritus sancti. Patet nanq. est principium quod filij: memoria verò fecunda patris, scilicet, intellectus diuinus cum diuina essentia in ratione obiecti infinite intelligibilis est principium quo eiusdē filij. Pariter pater et filius sunt vnū principium quod spiritus sancti: voluntas verò fecunda vtriusque est principium quo ipsius spiritus sancti.

Secundò obserua, quod principium quo integrum & perfectum produci filium nec est solus intellectus diuinus, nec sola diuina natura & essentia, sed intellectus simul cum diuina natura in ratione obiecti. Probatur: quia ad productionem notitiæ non sufficit solus intellectus nec solum obiectum, sed vtrunq. simul necessario requiritur: sed filius Dei est notitia a patre genita atque producta

Nota 1.
duplex
principiū
quod, &
quo.

Nota 2.

ducta: ergo ad eius productionem, ut principium quo perfectum & integrum, non sufficit sola essentia nec solus intellectus, sed utrunque per se requiritur. Consequentia est nota: maior verò ab omnibus Philosophis conceditur. Inde enim ortum habuit illa trita maxima, quæ est Aug. 9. de Trin. cap. 12. Ab obiecto & potentia paritur notitia. Nec causalitatem obiecti potest supplere intellectus: quia causalitas obiecti alterius rationis est a causalitate & actiuitate intellectus: nec obiectum intellectus actiuitatem propter eandem rationem supplere potest. Idem iudicium est de principio quo Spiritus sancti, nempe, quod nec sola voluntas diuina, nec sola diuina essentia, sed utrunque simul ad productionem Spiritus sancti tanquam vnum principium quo, integrum atque perfectum concurrat: ita enim necessario potentia, & obiectum ad productionem amoris, sicut ad productionem notitiæ requiruntur.

1. Concl.

His ita constitutis sit prima conclusio. Filius Dei producitur per intellectum, & Spiritus sanctus per voluntatem: sed filius producitur per actum dicendi intellectus, & non per actum intelligendi, & Spiritus sanctus per actum spirandi, & non per actum amandi. Hac conclusio partim est contra Durandum, partim verò contra Diuum Thomam. Contra Diuum Thomam in eo, quod asserit verbum non produci per actum intelligendi, nec Spiritum sanctum per actum amandi: de qua re controuersa octaua plura diximus ad productionem verbi diuini spectantia: de productione vero Spiritus sancti controuersia 6. erit sermo.

3. Contra Durandum verò in eo, quod assentit filium produci per intellectum, & Spiritum sanctum per voluntatem. Sententia sanè Durandi non solum falsa est, sed etiam temeraria, & fortè erronea. Temeraria quidem: quia torrenti Doctorum scholasticorum opponitur Erronea autem, quoniã sanctis patribus, Augustino, Hilario, Damasceno, & alijs contrariatur: quibus ubique fatentur Deum per intellectum & voluntatem Filium & Spiritum sanctum producere. Et insuper parum abest, ut se opponat legitimo scripturæ & Conciliorum sensui, ut in argumentis, quæ statim contra eum adducemus, patebit.

In primis probò, filium Dei per intellectum produci. Primò, quia filius Dei est propriè verbum, ut patet ex illo Ioannis primo. In principio erat verbum: quem locum Augustinus decimoquinto de Trinitate, capite decimo in fine, de verbo propriè dicto interpretatur. Ibi enim ait, hoc nomē verbum magis & proprius significare verbum mentis, lequā vocale, & verbum Dei, quā nostrum. Id ipsum sentiri communiter sancti: sed de ratione verbi mentalis est, quod procedat per dictionem, & locutionem mentalem: Deus verò non loquitur immediate per essentiam, sed per intellectum: ergo principium immediatū, quo producitur Filius Dei, non est natura, sed intellectus. Et confirmatur: quia, ut supra docuimus, in questionibus de verbo, Verbum est actus intelligentiæ a memoria productus: ergo cum filius Dei propriè sit verbum, producet per memoriam, quæ est intellectus cum obiecto.

Sententia Durandi fortè erronea eſt reſpiciens omnibus doctoribus.

Filius dicitur per intellectum.

Præterea. Si non per se conuenit filio produci per intellectum, ut sequitur ex opinione Durandi: ergo non per se est verbum Patris (nam verbo per se competit produci per intellectum) quod tamen, ut diximus, sanctis patribus contrariatur. Item Paulus primæ Corinthiorum primo appellat filium Dei sapientiam, & Ioannes prima sua Canonica, capite quarto, Spiritum sanctum charitatem vocat: quæ loca intelliguntur de sapientia & charitate producta: ergo Filius est sapientia producta, & Spiritus sanctus charitas producta: ergo producuntur per intellectum, & voluntatem: quia sapientia est ab intellectu, & charitas à voluntate.

Obiectio.

Sed obijciat aliquis prædicta loca Pauli & Ioannis non esse intelligenda, nisi de sapientia & charitate essentialiter sumpta, quæ communis est tribus diuinis personis. Respondet, quod secundum Augustinū lib. 1. 5. de Trinit. cap. 17. & 18. ista nomina sapientia, & charitas habent duo significata in diuinis. Primò enim significant sapientiam, & charitatem communem tribus personis. Secundò significant sapientiam productā & charitatem productā, seu filium, qui est sapientia genita, & Spiritum sanctum, qui est charitas procedens: & utraq; significatio secundum Augustinum est propriissima. Probat autē Augustinus, quod Ioannes non loquatur de charitate communi tribus personis, sed de charitate producta, quæ est vna persona: quia Ioannes in illo capite simul dicit, quod charitas est Deus, & quod est ex Deo. Ex quo sequitur, quod non loquitur de charitate creata, quia illa non

est Deus: nec de communi tribus personis: quia sicut hæc propositio est falsa, Essentia diuina est ex Deo: ita & hæc, Charitas communis est ex Deo. Loquitur ergo de charitate, quæ est persona, quæ est Spiritus sanctus, & non pater aut filius. Hæc expositio est communis sensus sanctorum.

Item in Concilio Lateranensi primo canonizatur sententia Augustini dicentis, nono de Trinitate, capite ultimo, & decimo de Trinitate, 1. 1. quod in mente nostra est imago Trinitatis: quia memoria est similis Patri, intelligentia Filio, & amor Spiritui sancto: constat autem ex Augustino multis in locis similitudinem in hoc consistere, quod sicut verbum nostrum procedit a memoria nostra, sic verbum diuinum a memoria patris: & sicut amor noster procedit a voluntate, sic & Spiritus sanctus, qui est amor, procedit a voluntate Patris & Filij, tanquam a principio quo: ista autem similitudo nulla esset, si verbum non procederet per intellectum, & Spiritus sanctus per voluntatem: ergo, &c.

Ex his sequitur, quod supra dicebamus, videlicet, sententiam Durandi esse in fide periculosam: quia videtur opponi clarissimo scripturæ, & Conciliorum sensui. Legite Augustinum decimo quinto de Trinitate, & Anselmum in Monologio a cap. 8. vsque ad 12. & in Prologo, cap. 33.

Præterea, quod spiritus procedat per voluntatem probatur. Non procedit per intellectum: quia tunc essent plures productiones eiusdem rationis, scilicet productio verbi, & productio Spiritus sancti, quod est falsum

Concluditur sententiam Durandi in fide non esse tutam quia est opposita sacris patribus, et concilio.

sum vt statim docebimus: nec produ-
citur per naturam: quia tunc Spiri-
tus sanctus prius produceretur, quā
verbum, siquidem ille esset per natu-
ram, hoc vero per intellectum natu-
ra posteriorē: ergo producit per
voluntatem.

Præterea falsitas opinionis Duran-
di adhuc magis ostenditur, quā nul-
lam relinquit viam inquirendi dua-
litem processionū in diuinis: quia
non potest ostendi ex intellectu, &
voluntate creata. Supponit enim Du-
randi opinio verbum, & Spiritum
sanctum non procedere per intelle-
ctum & voluntatem: nec ex produ-
ctione naturæ creatæ, quia natura
creata solum habet vnicum modum
communicandi se: nec ex vnitatis ef-
fentia, quia ex hoc potius videtur col-
ligi, quod in Deo sit vnica productio:
nec ex infinitate essentia, quia ex
hac potius colligitur, quod vel sint
infinitæ productiones, vel tantū vnæ:
ergo supposita opinione Durandi
omnino præcluditur via ad dualita-
tem productionum diuinarum in-
quirendam.

Relinquitur ergo, quod princi-
pia productiua in diuinis sunt intel-
lectus, & voluntas: & per conse-
quens, quod verbum & Spiritus san-
ctus procedunt per intellectum, &
voluntatem, & non ex fecundita-
te naturæ.

Ad hæc. Si Filius & Spiritus san-
ctus non procederent per actum in-
tellectus & voluntatis, vt credit Du-
randus, nulla esset causa, cur proces-
sio filij esset generatio, & non pro-
cessio Spiritus sancti: nam iuxta sen-
tentiam Durandi, sicut filius produ-
citur per naturā, ita Spiritus sanctus
producit per naturam. Quod si di-

cas cum Durando, quidcirco processio
filij dicitur generatio, quia filius pro-
cedit ab vno: at verò Spiritus sanctus
procedit a duobus, contra, nam hoc
nihil valet. Primum: quia nihil refert
ad rationem veræ generationis, quod
id, quod generatur, procedat ab vno,
vel a duobus. Secundum: quia licet pa-
ter & filius sint duæ personæ distin-
ctæ respectu spirationis, habet ratio-
nē vnius principij: nam vna vi spira-
tiua spirant Spiritum sanctum. Hanc
eandem sententiā confirmat D. Dio-
nysius de diuinis nominibus dicens,
quod filius est vera conceptio pater-
ni intellectus.

Secunda conclusio. Filius genera-² *Concl.*
tur de substantia patris. Conclusio est
Doctōris subtilis in 1. d. 5. q. 2. quam
eadem distinctione omnes Theolo-
gi scholastici vno animo amplectū-
tur: quam Magister sententiarum mul-
tis eadē distinctione autoritatibus
comprobat, asseritque esse tanquam de
fide tenendam: In primis D. Augusti-
nus contra Maximinum, lib. 4. sic scribit.
Carnalibus cogitationib. pleni sub-
stantiam Dei de seipsa gignere filiū
non putatis, nisi hoc patiat, quod
substantia carnis patitur, quando gi-
gnit. Erratis non scientes scripturas,
neque virtutes Dei: nullo enim mo-
do verum Dei filium cogitatis, si eum
natum esse de substantia patris nega-
tis. Idem repetit Augustinus multo-
ties eodem loco. Et in libro de fide
ad Petrum, capite secundo, sic ait. Pa-
ter Deus de nullo genitus, sic ait. Se-
mel de sua natura, sine initio genuit
filium, Deum sibi æqualem. Idem
docet Athanasius libro septimo ad
Theoph.

Idem docet Concilium Toleta-
num 11. in confessione fidei. Ratio-

ne probatur conclusio. Nam in creaturis filius dicitur generari de substantia patris, quia pater generando transfundit partem substantiæ in filium: ergo a fortiori in diuinis filius generatur de substantia patris, quia pater non partem substantiæ, sed totam suam substantiam ei communicat, quam etiam totam sibi retinet: eadē quippe substantia numero impartita & omnino indiuisa in utroque existit.

3. *Concl.*
In gene-
ratione
verbi di-
uini ubi
habet ratio-
nem ma-
teria.

Tertia conclusio. Filius non generatur de substantia patris, tãquam de materia, vel quasi materia. Conclusio est Doctoris subtilis ubi supra contra Henricum & alios antiquos doctores: qui (cum non intelligerent quoniam pacto filius Dei posset dici genitus non de nihilo, nisi eius generationi aliquid quasi materia supponeretur: ob id nanque genitum in rebus creatis non est de nihilo, quia materia eius perductioni supponitur, ex qua fiat) concesserunt diuinam substantiam in generatione filij rationem materiæ, vel quasi materiæ induere. Ad huius conclusionis probationem aduerte ex Doctore subtili ubi supra, quod generatio in creaturis duo dicit, vt puta, productionem geniti, et mutationem subiecti. Productio per se, & formaliter solum respicit, tanquam terminum compositum, quod primo gignitur, cuius productioni accidit, quod fiat cum mutatione alterius partis ipsius compositi, scilicet, materiæ, quæ a forma in formam muratur. Mutatio autem formaliter est actus subiecti mutabilis, quod de priuatione transit ad formam, quod est ipsa materia.

Prodi-
ctio.

Ratio vero productionis, quæ in

creaturis mutationi coniungitur, abscissa a mutatione separari potest a mutatione. Ratio est: quia si mutatio concomitatur productionem in creaturis, est propter imperfectionem potentia productiua, quæ non potest dare esse totale termino productionis, sed aliquid eius præsuppositum, scilicet materiam transmutat ad aliam partem ipsius, scilicet, ad formam, & sic producit compositum. Nam, si generans creatum esset perfectum agens, & non exigeret materiam, ex qua, vel in quam ageret, sed posset producere effectum per se & ex se, tunc in tali productione nulla interueniret mutatio: quia nullus esset ibi subiectum, quod a potentia ad actum, & a priuatione ad formam transiret: ergo ratio productionis absq. contradictione separari potest a mutatione: & realiter separatur ab ea comparando ad potentiam productiuam perfectam. Vt patet in creatione, ubi propter perfectionem potentia productiua ponens primo totum in esse verè est ratio productionis, in quantum per eam terminus productus accipit esse: non tamen est ibi ratio mutationis, prout mutatio dicit aliquid per eam aliter se habere nunc quam prius, vt docet Philosoph. 6. Physicorum, text. 32. quia in creatione nihil supponitur, qd aliter se habeat nunc quam prius. Cum autem mutatio de ratione sui formalis dicat imperfectionem, scilicet, potentialitatem in re mutabili, & concomitanter imperfectionem potentia actiue in re mutante, quia mutans necessario exposcit causam concausantem, scilicet, materiam ad hoc, vt producat, necessario omnis mutatio a Deo semouenda est: quia in Deo nulla est imperfec-

mi. a
atione se-
parari po-
test.

In diuini
est ge
neatio
absque
mutatio
ne.

perfectio; nec qualis est potentie passiuæ, nec etiam aliqua imperfectio potentie actiuæ, sed maxima perfectio: & per consequens etiam semouenda est generatio a diuinis sub ratione mutationis, aut quasi mutationis: sed tantum est ibi generatio, ut est productio termini per eam accipientis esse. His positis probo conclusionē in hunc modum. Tota ratio, ob quam in creaturis generationi supponitur materia, est, quia ei coniungitur necessariò mutatio: sed mutatio cum ex ratione sua imperfectiōnem dicat, ut paulò ante ostendimus, necessariò a Deo semouenda est: ergo in diuina generatione nihil est, quòd rationem materiæ, vel quasi materiæ induat, licet diuina essentia, de qua filius producitur, ei supponatur.

Præterea. In diuinis solum consideratur generatio prout præcisè est productio termini: ergo ei solum assignandus est terminus, non verò materia, vel quasi materia. Tandem. Materia, vel quasi materia necessariò includit imperfectionem, scilicet, potentialitatem, vel quasi potentialitatem: ergo longe est a diuinis omnis materia, vel quasi materia: quia a diuinis non solum imperfectio, verum etiam & imperfectionis, umbra rejicienda est. Quod & significauit Diuus Iacobus cum 1. cap. suæ primæ Canonice dixit, Apud quem non est transmutatio, nec vicissitudinis obumbratio.

4. Concl.

Quarta conclusio. Cum hoc, quod nihil in generatione verbi diuini rationem materiæ, vel quasi materiæ habeat, optinè saluatur, quòd verbum diuinum non sit de nihilo. Conclusio est Doct. subtilis ubi supra.

Quam sic probat. Creatura genita ideo non est de nihilo producta, quia aliquid eius præexistit, ut materia, eius generationi: ergo cum forma sit aliquid eiusdem creaturæ genitæ & perfectius, quam sit materia, si talis forma præexisteret generationi, & materia de nouo adueniret, & informaretur illa præexistenti formæ, tunc creatura genita non esset de nihilo, quia aliquid eius præexistisset generationi, imò aliquid perfectius, quam sit materia, quæ communiter generationi supponitur: ergo cum in generatione verbi diuini præsupponatur diuina essentia, ut forma communicanda per generationem ipsi verbo, verbum non erit de nihilo, sed potius de aliquo. Et confirmatur, & redditur in idem: quia si diuina essentia, ut materia supponeretur generationi verbi, verbum non esset de nihilo, sed ex aliquo: ergo multò minus erit de nihilo, si eadem diuina essentia eidem generationi, ut forma supponatur, uti se res habet.

Quinta conclusio. Negata omni materialitate, vel quasi materialitate a generatione verbi, verè filius Dei est de substantia Patris, tanquam de aliquo, sicut authoritates supra adductæ in secunda conclusione affirmant: ubi per ly. de, non tantum denotatur efficientia, vel origo, nec tantum consubstantialitas. Nò sola origo vel efficientia: quia tunc possemus verè dicere, quòd creatura essent de substantia Dei, cum ab ipso sint tanquam a prima causa efficienti. Nec denotatur consubstantialitas tantum: quia tunc Pater esset de substantia Filij, quod non admittitur. Sed denotatur utrumque, scilicet, origo, & consubstantialitas, ut sensus huius

Cōfirma
tur.

5. Concl.

huius propositionis, Filius est de substantia Patris, sic iste, filius est; originatus a Patre, vt consubstantialis ei. Consubstantialitas denotatur in casuali huius præpositionis, de, quod est substantia; originationis verò denotatur per illud, quod constituitur in genitiuo cum prædicto casuali, quod est Pater.

6. *Concl.* Sexta cōclusio. Sensus huius propositionis, Filius est, de substantia Patris, præcedenti cōclusionē assignatus sufficienter saluat, quod filius sit de substantia Patris eo modo, quo ad filiationem requiritur. Probatur. In rebus creatis, in quibus paternitas, & filiationis reperiuntur, prædictus sensus sufficit, vt filius dicatur esse de substantia Patris: ergo & in diuinis. Consequentia patet: antecedens probatur: quia in rebus creatis Pater verè dicitur producere de sua substantia filium eo modo, quo id ad filiationem requiritur: quia ex se decedit semen, quod ad generationem filij transmutatur: ergo similiter diceretur producere filium de sua substantia modo ad filiationem requisito, si ex se, & de se immediatè decideret prolem, imò & perfectius: ergo cum Pater æternus ex se immediatè producat per actum generandi prolem, & filium, verè de sua substantia illum producit, modo ad filiationem requisito.

AD ARGUMENTA in principio articuli posita.

Ad primum.

AD primum respondeo. Primò, secundum viam Diui Thomæ concedendo Deum, & creaturam proportionabiliter eodem modo producere sibi simile: nego tamè, q̃ aliqua

substantia creata producat sibi simile immediatè per naturam, sed medijs potentijs suis: sicut homo per potentiam generatiuam producit hominè, & ignis per calorem producit ignem: ita Deus producit sibi simile median- tibus suis potentijs, quæ sunt intellectus, & voluntas. Sic soluitur argumentum in via Diui Thomæ. Sed non in via Scoti: quia ipse tenet substantiam immediatè per se producere sibi simile, vt ignis per suam formam substantialem producit ignem, & non per calorem, licet, per ipsum disponat passim ad formæ educationē.

Respondeo ergo secundum Scotum, q̃ Deus non potest producere aliquid ad intra, nisi per actionē immanentem: quia terminus actionis transeuntis videtur esse extra essentiam producentis: quod verò producit Deus ad intra est eiusdem naturæ diuinæ. Actio verò immanens, vel est actus intellectus, vel voluntatis: ac per consequens productum in diuinis non est ex fecunditate nature, vt condistincta ab intellectu, & voluntate, sed ex fecunditate intellectus constituti in actu primo, vel voluntatis.

Ad secundum dico, quod si calor esset intelligens, & volens, calorem produceret per naturam, quia ipse met est potentia, quia ignis calorem producit, cum in potentijs non sit infinitum procedendum. Deus verò nullam habet potentiam ad producendum Deum, nisi intellectum, & voluntatem, propter rationem paulò ante dictam.

Ad tertium dico, q̃ productum in diuinis est simile producenti in intellectu essentia diuina in ratione speciei informato.

Ad quartum dico, quod verbum &

*Respon. i
via Scoti.*

Ad secundum.

Ad tertium.

Ad quartum.

& Spiritus sanctus non producuntur secundum Scotum per actus intelligendi & volendi, sed per actus dicendi & spirandi, tanquam per actiones, quorum primus soli Patri competit, secundus verò Patri, & filio solummodo.

Secundum viam Diui Thomæ dico, quod actus intelligendi est actio, per quam producitur verbum, non quidem absolute, sed prout coniungitur cū habitudine dicentis, & producentis ad productum: & sic in solo Patre reperitur. Idem dicendum de actū volendi, qui actus productiuus est, non absolute consideratus, sed prout coniungitur cum habitudine spirantis ad spiratum: quo pacto in solo Patre, & filio reperitur.

ARTICVLVS II.

Verum in diuinis possint esse plures productiones eiusdem rationis, ut plures generationes.

Nota 1.
2. Principium productiuum

PRO intelligētia huius articuli primo obseruandum est, duo tātum esse principia productiua habentia formales rationes producendi distinctas, ut puta, principium productiuū per modum naturæ, & principium productiuum per modum voluntatis. Quod sic probat Scotus in primo, dist. 2. in solutione, quæst. 7. litera M. Omnis pluralitas debet reduci ad unitatem, vel ad paucitatem tantam, ad quantam reduci potest: ergo pluralitas principiorum productiuorum reducenda est, vel ad unitatem, vel ad paucitatem tantam, ad quantā reduci potest: sed non potest reduci ad unitatem: ergo ad minus debet reduci ad dualitatem, quæ est prima & mi-

nima pluralitas. Quod verò pluralitas principiorum productiuorum nō possit reduci ad unitatem probat: quia tunc vel ambo reducerentur ad aliud tertium ab eis distinctum, vel vnum reduceretur ad aliud. Non primum: quia principia productiua, quæ sunt natura & voluntas, habent oppositos modos principiandi, scilicet, per modum naturæ, & libertatis: ergo huiusmodi principia non possunt reduci ad tertium, quod in producendo neutrius habeat rationem. Quia huiusmodi principium, vel esset productiuum ex se determinatè: & tunc produceret per modum naturæ: vel non ex se determinatè, sed libere, & ita per modum voluntatis. Nec vnum istorum principiorū potest ad aliud reduci: quia tunc alterum ex sua ratione esset imperfectum, ut puta, id, quod ad alterum reduceretur: quod tamen est falsum, cum vtrumque in Deo formaliter reperiatur. Est enim ibi principium productiuū per modum naturæ, quod est intellectus, & per modum voluntatis, quod est ipsa voluntas: ergo principia productiua ex se perfecta necessariò sunt duo: natura, scilicet, sub qua intellectus continetur, & voluntas: quæ duo cū nullam de se includant imperfectionē, in Deo necessariò reperiuntur. Et cum aliud principium tertium ab his distinctum haudquaquā dari possit, consequens est, q. duo sint tantum principia productiua, videlicet, intellectus, & voluntas.

Prima conclusio. In diuinis tātum sunt duæ productiones alterius rationis. *1. Concl.* Probat: quia ex nunc dictis tantum sunt duo principia productiua alterius rationis, intellectus, scilicet, & voluntas: ergo ibi solum sunt duæ

duarum productiones alterius rationis. Patet consequentia: quia productio alterius rationis non potest multiplicari, nisi multiplicato principio secundum formalem rationem.

2. *Concl.* Secunda conclusio. In diuinis non sunt nisi duae productiones: altera est generatio, altera processio. Conclusio est de fide: quia in diuinis tantum sunt duae personae productae, & una improducta: ergo solum sunt ibi duae productiones.

3. *Concl.* Tertia conclusio. In diuinis non possunt esse plures productiones eiusdem rationis, ut plures generationes, plures spirationes. In hac conclusione omnes Doctores concordant in rationibus verò, quibus ad eius probationem innituntur, dissentiunt, quas Scotus quolibet superius citato adducit. Prima desumitur ex D. Thom. p. par. q. 50. art. 4. & de potentia. q. 2. artic. 4. quae huiusmodi est. Forma eiusdem rationis non est plurificabilis, nisi per materiam, quae est multiplicationis numeralis principium: sed in diuinis nec est, nec esse potest materia: igitur nec pluralitas eiusdem rationis, quae est numerica: ergo non possunt in diuinis esse plures productiones eiusdem rationis.

2. *Ratio.* Secunda ratio est eiusdem D. Thom. 4. contra gent. capit. 13. in principio, & est huiusmodi. Deus se, & omnia alia a se vno ac simplici actu intelligit: ergo in diuinis vnicum tantum est verbum. Probatur consequentia: quia in diuinis verbum producit per actum intelligendi: ergo, si vnicum est intelligere, vnicum erit dicere, & vnicum verbum. Idem argumentum fieri potest de spiratione, quia, sicut Deus vnico actu intelligit, ita & diligit: ergo sicut in diuinis

est vnicum dicere, ita & vnicum spirare: ergo vnicum verbum, & vnicum spiratum.

Tertia ratio. Personae diuinæ producuntur per modum naturae: sed natura determinatur ad vnum: ergo.

Quarta ratio. Fecunditas ordinata ad generationem filij exhauritur in vnus filij generatione: ergo impossibile est per eandem fecunditatem alium filium gigni. Patet consequentia: quia ille alius filius generetur absque omni fecunditate ordinata ad generationem. Antecedens probatur: tum, quia ille actus generandi semper stat: tum etiam, quia illa productio est adaequata illi fecunditati: ergo.

Istae rationes (inquit Scotus) non probant conclusionem, ita esse veram, sicut ipsa esse vera: ac proinde omnes ab eo refutantur, & reiciuntur, vel tanquam falsae, vel insufficientes.

Prima ratio (inquit Scotus) assumit dubium, vel falsum, secundum multos. Nam illa propositio maior, scilicet, quod forma eiusdem rationis non multiplicatur, nisi per materiam, dubia est, imò falsa. Contra quam sunt tres articuli Parisienses damnati. Primus sic ait, quod quia intelligentiae non habent materiam, Deus non possit eiusdem speciei facere plures, error. Secundus, quod Deus non potest multiplicare individua sub vna specie sine materia, error. Tertius, quod formae non recipiunt diuisionem, nisi secundum diuisionem materiae, error: nisi intelligatur de formis eductis de potentia materiae: ergo de formis non eductis de potentia materiae hoc dicere est error. Falsa ergo est illa maior, & damnata.

Præterea. Si maior illa est vera, quæ-

3. Ratio.

4. Ratio.

Conferatur
ratio prima
rationis,
quia falsum

quęcumque forma immaterialis erit implurificabilis. Quod falsum esse sic ostendo. Nam formam aliquam immaterialem non posse plurificari potest ex duplici capite dimanare.

Primò: quia ipsa de se & ratione sue quidditatis est vna numero & singularis, sicut Deus ex ratione intrinseca suę deitatis est hic & singularis: ita, qđ nihil aliud intelligendo, nisi solam deitatem, est contradictio formalis Deum per eam non esse hunc, aut intelligi, vt non singularem. Secundò, potest prouenire, quia ipsa forma singularis habet in se totam entitatem illius formę intensiue & extensiue, sicut sol.

Primò modo non potest intelligi extra Deum: quia ex ipsa sequitur repugnare omnino, imò & implicare contradictionem, quòd forma specifica in angelis plurificetur realiter. Quod falsum esse sic ostendo. Quia tunc, sicut non stat cum conceptu hominis, quod concipiatur irrationalis, vel cum conceptu Dei, quòd concipiatur tanquam indifferens ad plures Deos, ita non statet cum conceptu talis speciei, quod concipiatur, vt plurificabilis numero: & per consequens omnes ponentes speciem angelicam posse plurificari habuerunt in intellectu suo conceptus repugnantes, & similiter qui ibi rationem vniuersalis conceperunt. Istud consequens non videtur probabile, cum multi Theologi, & Catholici sic concipientes species angelicas, sicut alij sine omni repugnantia conceptuum concesserunt ibi plurificationem & vniuersalitatem.

Si verò detur secunda causa & intellectus propositionis, sequitur, qđ natura specifica Michaelis de se non

est hæc & singularis: ergo non repugnat sibi contradictorie nō esse hanc, vel non esse in hoc singulari: ergo per illam potentiam, quę potest in quolibet, quod non includit contradictionem, poterit natura illius poni in alio singulari a Michaelē. Et ita maior illa erit falsa, nisi intelligatur primo modo: qui tamen rationabiliter videtur multis esse falsus, vt vidimus. Non est autem conueniens conclusionem certissimam & summè necessariam tenere propter rationem, & nimis generalem, & quę multas patitur instantias.

Secunda ratio (inquit Scotus) est consequentia enthymematica: & videtur inniti huic propositioni. Vbi non potest esse, nisi vnicum intelligere, ibi non potest esse, nisi vnicum dicere, & vnicum verbum: quę non est vniuersaliter vera, sed in certa materia, vt puta in intellectu creato. Et ratio, ob quam ibi est vera est, quia oē intelligere creatum, seu quod idem est, omnis intellectus creata exprimitur per aliquod dicere, seu per aliquam dictionem: & per omne dicere exprimitur aliquod intelligere, & per aliud dicere aliud intelligere: omne ergo intelligere, seu omnis intellectus est dictionis terminus, sicut calor calefactionis: Et ideo, si est vnum intelligere, est vnicum dicere, per quod producitur: nam ex vnitatem termini intrinseci actionis, bene colligitur eiusdem actionis vnitatem. Bene, n. sequitur, vnicus calor productus: ergo vnica calefactio. In diuinis verò non est vera illa propositio: & ideo illa consequentia enthymematica, Est vnicū intelligere: ergo vnicum dicere, non est bona: quia non omne intelligere diuinum est per aliquod dicere.

Nam

Confutatio secundum Aristotēlem.

Ex vnitatem autem intelligendi non colligitur vnitatem dicendi.

Nam intelligere paternum respectu cuiuscunque obiecti non est, nec exprimitur per aliquod dicere: est enim notitia ingenta, & improducta præcedens natura dicere paternum. Et ideo, si singula obiecta haberent propria verba, posset Pater, quantum ad hoc, habere vnicum intelligere respectu omnium obiectorum, licet haberet singula dicere respectu singulorum obiectorum. Ratio est: quia cum vnitate prioris stat pluralitas posterioris, vel, vt rectius dicam, cum pluralitate posterioris stat vnitas in priori. Vnde in formali consequentia ex vnitate prioris non inferitur vnitas posterioris. Cum ergo intelligere paternum sit priusquam ipsum dicere ex vnitate actus intelligendi in formali consequentia, non sequitur vnitas actus dicendi: quia, vt diximus, ex vnitate prioris non sequitur vnitas posterioris, cum posset esse vnitas in priori stante pluralitate in posteriori.

Arguetur

Præterea sic argumentor. (Et suppono, quod intelligere paternum absolute consideratum, prout commune tribus, est forma quadam absoluta, & non actio alicuius termini productiua, sicut dicere est actio productiua verbi.) Tunc sic. Licet in vno producenti non sit, nisi vna sola forma absoluta eiusdem rationis, potest tamen per eam habere plures actiones productiuas plurium terminorum: ergo cum intelligere Patris sit forma absoluta, & non productio alicuius termini, dicere verò sit actio productiua, non sequitur consequentia formali, quod si est vnicum intelligere, sit vnicum & dicere: quia per vnicam formam possunt esse plures productiones, vt dicitur in antecedente. Et probatur: nam licet solvna

luce sit luminosus, per eam tamē potest habere plures actus illuminandos: ita licet intelligere sit vnica forma, per illud tamen potest habere plura dicere, aut saltem non colligitur bene ex vnitate eius, vnitas ipsius dicere.

Item. Non est bona, & formalis consequentia. Est vnica essentia: ergo vnica productione communicatur: ergo similiter non est hæc formalis consequentia. Est vnicum intelligere: ergo vnicum dicere: quia sicut essentia cum sit vnica, communicatur pluribus productionibus: ita & intelligere posset aliquis affirmare, quod communicaretur per plura dicere, & per illam rationem conuinci haud posset.

Tertia ratio etiam non concludit. Nam licet natura determinetur ad vnum non sequitur, quod ibi sit tantum vnica productio, & vna persona producta: quia vna natura numero potest esse principium plurium productionum eiusdem rationis: idē enim homo plures producit filios per vnicam numero naturam quam habet, & vnica sol plures effectus efficit.

Præterea. Naturam determinari ad vnum non est determinari ad vnicam productionem, & vnicum productum, sed non esse indifferentem ad opposita, sicut voluntas, que indifferens est ad opposita, vt puta, ad velle & nolle, & ad velle, & non velle, seu agere, & non agere: ex quo non concluditur vnitas productionis, vt patet.

Quarta etiam ratio non concludit. Quod sic ostēdo: quia fecunditatem exhaustiri potest intelligi dupliciter. Primo accipiendo illud verbum, exhaustum, proprie, vt accidit in corporalibus:

Arg. de mino.

Conclusio per rationis.

Conclusio per rationis.

ralibus: & tunc significat, quod nihil illius, quod exhauritur, remanet in eo, in quo praefuit: sicut accidit in puteo, quando tota ex eo exhauritur aqua. Et in hac significatione falsum est antecedens: quia fecunditas non sic exhauritur per productionem filij, quin tota ipsa eadem semper maneat in patre. Secundò potest intelligi, fecunditatem exhauriri pro tanto: quia in patre non manet ad alium actum generationis alterius filij: sicut si in fonte non maneret aqua ad alium actum potationis, posset dici aliquo modo exhausta per actum potationis: & sic exhausta fecunditate ordinata ad filij generationem non posset alius filius generari. Sed oportet probare, quod hoc pacto exhauriatur per vnicum generandi actum fecunditas patris ordinata ad generationem filij. Quod tamen illa quarta ratio non probat.

Ad secundam probationem dico, quod nihil valet, nec propositum sufficienter concludit. Quod sic probat subtilis Doctor. Quia quaecumque potentia posset habere alium actum, nisi ille, quem habet, semper staret, illa simpliciter posset habere alium actum; sed potentia generandi in diuinis, per te, hoc ideo solum non potest habere alium actum, quia ille quem habet, semper stat: ergo simpliciter potest alium actum habere: ergo illum habet, quia in diuinis idem est posse, & esse: ergo in diuinis sunt plures generationes: hæc conclusio est falsa, ergo & altera præmissarum: non maior: ergo minor, quæ accipitur ex probatione prima antecedentis quartæ rationis. Veritas autem maioris propositionis sic ostenditur. Quia potentia est naturaliter prior actui: ergo ra-

tione actus semper stantis sibi non repugnat simpliciter alius actus, quæ priori naturaliter non repugnat simpliciter aliquid per rationem posterioris. Et corroboretur: quia, si potentia ex ratione sui non determinaretur necessario ad istum actum, sed hoc ideo præcisè, quia iste actus semper stat, illa potentia absolute, ut prior actui posset extendere se ad alium actum: ergo non videtur esse aliqua ratio, ob quam magis sit iste actus ab hac potentia, quam ille, cum uterque sit æquè necessarius: vel igitur uterque simul est a potentia, vel neuter. Nec secunda probatio, quæ ex adæquatione productionis depromitur, probat sufficienter conclusionem. Quia conclusio adeo est vera, quod si per impossibile illa productio filij non esset adæquata, adhuc implicaret esse ibi duas generationes. Vnde Scotus in impugnatione huius quartæ rationis sic ait. Videtur ergo breuiter quantum ad istam rationem, quod nec per hoc, quod actus semper stat, nec per hoc, quod vna potentia non potest simul perfici diuersis actibus, habetur conclusio rationis sufficienter probata, sicut ipsa est vera. Imò oportet probare, quod sic est necessitas in diuinis ad vnicam productionem vnius rationis, quod si per impossibile illa non semper staret, vel nunquam esset, adhuc nulla alia posset haberi in diuinis eiusdem rationis. Ut quemadmodum, si hic pater non esset in diuinis, omnino contradicatio esset dicere patrem in diuinis: ita si hic pater hac generatione non generaret, vel per impossibile generaret actu transeunte & non stante nullam aliam generationem posset habere: quia non posita absoluta, & omnimoda neces-

sitate

stratē ad vnicam productionē vnus rationis, ibi possibilitas ponitur ad alium, & per consequens necessitas: quia quidquid est ibi possibile est necessarium. Hæc Scotus.

Rationes ergo præfatæ non probant conclusionem esse veram, sicut ipsa est vera, ac proinde a Scoto rejiciuntur. Vnde probanda est conclusio ratione necessaria, quæ necessitatem unitatis productionis vnus rationis necessariò ostendat.

Ratio ducens ad impossibile.

Primo probatur conclusio ratione ducente ad impossibile, deinde verò ratione ostensua. Ratio ducens ad impossibile sic confici potest. Si in diuinis possunt esse plures productiones eiusdem rationis, ergo & infinitæ: & si infinitæ esse possunt, necessario sunt actu infinitæ, quia in diuinis idē est esse & posse: sed esse infinitas generationes actu, est prorsus impossibile: ergo similiter esse plures productiones eiusdem rationis. Prima consequentia probatur autoritate, & ratione. Autoritas est Augustini primo libro cōtra Maximinum. Absit, inquit, vt idē potentior sit pater filio, vt puta, quia creatorem genuit pater, filius autem non genuit creatorem: neq; enim non potuit, sed nō oportuit. Et subdit causam dicens, Immoderata esset diuinā generatio, si genitus filius nepotē gigneret patri: quia nisi & ipse nepos, auo suo pronepotē gigneret, secundum vestram admirabilem sapientiam, impotens diceretur, similiter & ille, & ille, &c. Et subdit. Nec impleretur generationis series, si semper alter ex altero gigneretur, nec etiam perficeret vlluseam, si non sufficeret vnus omnipotens. Hæc Augustinus. Ex quo habetur, quod si vna persona produ-

& tali productione, generatione, scilicet, vel spiratione non sufficeret ad complendam vnam, vel totam productionem vnus rationis in diuinis, pari ratione nec aliqua alia, nec quotcunque. Et ita, siue eundo in directū, quod filius generat alium filium, siue comparando ad eādem personam patris, quod scilicet, habeat istum filium & alium, qua ratione ponitur pluralitas eiisdē rationis, pari modo sequitur infinitas eiisdem rationis.

Ratione probatur eadē consequentia in hūc modum. Quidquid est plurificabile in plura eiusdem rationis, quantum est de se non determinatur ad certam pluralitatem, sed potest in infinitum plurificari, vt patet comparando commune ad singularia, causam ad causatā, & principiū ad principiatā: commune enim plurificabile in plura eiusdem rationis non determinatur ad certam pluralitatem: natura enim humana communis pluribus in diuinis non determinatur ex se ad determinatū, & certum numerum in hominum, nec equus ad certam equorum pluralitatem, nec causa ad certā causatā, nec principium ad determinatā principiatā: sed per te productio, vt generatio, est plurificabilis in plura eiusdem rationis: ergo ex se non determinatur ad certā pluralitatem: ergo potest extendi ad infinitas: ergo de facto sunt in Deo infinitæ generationes: quia posse & esse in diuinis sunt simul & idem.

Dices forsitā, quia illa productio determinabitur ab aliquo alio a se, & sic quamuis de se non determinetur ad certam pluralitatem, aliunde tamen est determinata. Cōtra: quia vel determinabitur ab aliquo priori, vel posteriori, vel ab aliquo, quod sit si-

mul

Impugnatio obiectio.

mus natura cum ea: sed a nullo isto-
rum: ergo, &c. Maior est manifesta a
sufficienti diuisione: minor proba-
tur. Quia non ab aliquo priori: quia
tale prius, vel erit principium quo,
vel quod, ipsius productionis. Non
quo: quia, si productio ipsa est pluri-
ficabilis in plura eiusdem rationis,
similiter eius principium quo, erit
productuum plurium eiusdem ratio-
nis: ergo non potest esse ratio de-
terminandi ipsam productionem ad
certum numerum, sicut nec seipsum.
Patet consequentia: quia nemo dat
quod non habet. Si ergo principium
quo, nō determinatur ad certum nu-
merum productorum, non poterit
determinare ipsam productionem,
praesertim cum illa indeterminatio
productionis ortum habeat ab ipso
principio quo. Nec illud prius deter-
minans potest esse principium quod:
quia principium quod, omnem deter-
minationem, vel indeterminatio-
nem ad plura defumit a principio
quo, & in tot productiones potest
principium quod, in quot potest se
extendere principium quo. Nec po-
test determinari productio ab ali-
quo posteriori: quia sicut res non ha-
bet suam entitatem a posteriori: ita
nec unitatem, aut pluralitatem. Nec
illa determinatio provenire potest
ab aliquo, quod sit simul natura cum
ipsa productione: quia sicut produ-
ctio, quae est vnus rationis non de-
terminatur ex se ad certam plurali-
tatem, par ratione nec illud, quod
est simul natura cum illa: non enim
est maior ratio de vno, quam de alio.
Sic patet ista consequentia ducēs ad
impossibile, quod si possunt esse in
diuinis plures productiones eiusdem
rationis, ergo & infinitae.

Iam probatur conclusio ostēsiue
in hunc modum. Illud nullo modo
est plurificabile in diuinis, quod non
potest determinari ex se ad aliquam
certā pluralitatem, quam excedi sit
manifesta contradictio: sed produ-
ctio eiusdem rationis in diuinis non
potest determinari ex se ad certā ali-
quā pluralitatem: ergo nullatenus
est plurificabilis, quod est intentum.
Consequentia tenet: probo maiore,
supponendo. Primo, quod per cer-
tam pluralitatem intelligimus dua-
litatē, ternitatem, vel quaternitatē,
vel aliquam aliam assignatam. Nūc
sic: quia si aliquid non potest omni-
no determinari quātum est de se ad
certam pluralitatem, ergo quantum
est de se potest in quocunque: quia
non includit contradictionem: quod
quancunque pluralitatem excedat,
& hoc in infinitum. Si autem po-
test, ergo de facto est plurificatum in
infinitis, quod implicat cōtradictio-
nem: ergo, &c. Minor probata manet
in argumento ad impossibile: nam si
possunt esse duae, ergo infinitae, vt
ostensum manet.

Hac ratio ostēsiua sic potest *Cōfirma-
tur.* confirmari. Omnis pluralitas ne-
cessario finita, vel est alterius ratio-
nis, vel, si non est alterius rationis
necessario praeexigit aliquam alte-
rius rationis, per quam determi-
natur: quia productio eiusdem ratio-
nis de se est indeterminata ad quam-
cunque pluralitatem: sed omnis plu-
ralitas in diuinis necessario est fini-
ta: ergo vel est alterius rationis, vel
necessario praeexigit aliam alterius
rationis, per quam determinetur.
Sed in diuinis non potest esse plu-
ralitas productionum eiusdem ratio-
nis determinata per aliam priorem:

ergo nulla pluralitas productionum eiusdem rationis potest esse ibi: ergo si est pluralitas productionum necessario est alterius rationis. In hac ratione omnia patet: in sola minori, per syllogismum poterat esse difficultas: Id iam ex dictis liquet, quod pluralitas eiusdem rationis in diuinis nullo modo potest determinari per aliquid a se distinctum.

4. *Concl.* Quarta conclusio. Memoria secunda patris ex se, & ex sua natura intrinseca est determinata ad unicam generationem, & voluntas secunda patris, & filij ad unicam spirationem. Hac conclusio ex dictis patet: quia cum non sit nec possit esse in diuinis, nisi unica generatio a memoria secunda nec possit determinari ad unicam generationem ab aliquo a se distincto, ut ostendimus, inferitur necessario, quod a se ipsa sit ad eam determinata.

AD ARGUMENTA in principio controuersiae posita.

Ad primum.

Potentia actiua bifariam accipitur.

Ad primi solutionem notandum est ex Scoto in quolibet quæst. 7. sub. litera Bb. quod potentia actiua potest accipi bifariam. Primo proprie pro potentia causatiua, cuius obiectum est possibile, prout opponitur enti simpliciter necessario: qualia sunt omnia entia alia a Deo, quæ sunt, non simpliciter necessaria, quia possunt esse & non esse. Vnde omne aliud a Deo est obiectum potentie actiue proprie dictæ. Secundo potest accipi potentia actiua minus proprie pro potentia productiua, cuius obiectum est omne producibile, siue sit aliud a Deo, siue sit Deus. Differunt autem istæ duæ potentie. Primo sicut

superius & inferius. Omnis enim potentia actiua, primo modo, quæ dicitur causatiua est potentia productiua, non tamen e contra: quia pater æternus habet potentiam productiuam respectu filij, non tamen causatiuam, seu actiuam primo modo: non enim pater est causa filij, licet sit eius principium. Secundo differunt: quia potentia causatiua respicit obiectum aliud in natura ab eo, cuius est: quia causa & effectus non possunt esse eiusdem nature numerice. Potentia vero productiua esse potest respectu producti, existetis in eadem numero natura cum eo, cuius est potentia, ut patet in diuinis de potentia patris respectu filij.

Ex his inferitur, quod omnipotentia potest accipi bifariam. Primo pro potentia causatiua omnis causabilis. Secundo pro potentia productiua omnis producibilis. Si omnipotentia sumatur hoc secundo modo, solus pater est omnipotens: quia in ipso solo est fontalis secunditas ad omne producibile, cui prout in eo est potest coniungi cum relatione ad productum. Et patet: quia pater, sicut & aliæ personæ, potest producere omne aliud a se, ut puta, omne causabile. Rursus pater ad intra producit filium, quem nec ipse filius, nec Spiritus sanctus producit: ergo pater per potentiam productiuam ad plura obiecta producibilia se extendit, quam filius, & Spiritus sanctus. Vnde licet potentia patris, prout dicit quid absolutum, sit in filio & Spiritu sancto, tamē prout in ipsis non ad tot obiecta se extendit, ad quot in patre. Sed sancti quando loquuntur de omnipotentia Dei, in qua tres personæ sunt æquales non loquuntur de omnipotentia hoc secundo modo, sed primo, prout, scilicet,

cet,

*Quomodo scimus
cur potentia
est in quibus
tres personæ
sunt æquales.*

cet, importat potentiam causatiuam
omnis causabilis, id est, possibilis, vt
possibile opponitur enti simpliciter
necessario: quo pacto nec filius est
possibilis, nec Spiritus sanctus, licet
sint producibiles. Et ratio est, quia nō
sunt causabiles. Et in potentia hoc
modo sumpta omnes personæ sunt
æquales, & æque potentes: quia non se
extendit hæc potentia in aliqua per-
sona ad aliquod obiectum, ad quod
non se extendat, prout est in alia. Et a
potentia sic sumpta dicitur Deus om-
nipotēs, & quælibet persona diuina.

Ex his sequitur, quod si omnipotētia
sit idem, quod potentia causatiua om-
nis causabilis, actus notionales diuini
non sunt obiecta omnipotentie, quia nō
sunt causabiles, nec p̄ducta p̄p̄sōs,
q̄i sunt entia simpliciter necessaria.

Sed obieciēs in hunc modum ad-
uersus dicta. Eo q̄ Deus est omniscies
& omnivolens sequitur, q̄ sciat & ve-
lit omnia, etiam actus notionales, &
eōrū terminos: ergo similiter ex hoc
q̄ Deus est omnipotēs inferitur, quod
possit in actus notionales. Respondeo
negando consequentiā. Et ratio est:
quia actus notionalis est quid scribile
& volibile, quia habet rationem ve-
ri & boni: non tamen est quid causa-
bile: ac proinde potest esse obiectum
scientiæ & voluntatis Dei, non tamē
omnipotentie p̄dicto modo sumptæ.

His positis respondeo ad argumen-
tum primum principale distinguē-
do maiorem. Nam, vel illud prin-
cipium, vt in alio supposito priori ha-
buit omnem productionem, quam
potuit habere aut non. Si primum, ma-
ior est falsa, & minor vera. Si secun-
dum, maior est vera, sed minor falsa:
quia filius Dei habet illam memō-
riam fecundam, postquam in patre

prehauit vnicam productionem,
vltra quam aliam habere non potest
propter rationes supra assignatas.

Ad confirmationem dico, q̄ vt vi-
dimus, actus notionales nō sunt ob-
iecta omnipotentie sumptæ pro po-
tentia actiua causatiua. Et ideo et si fi-
lius non possit in illos, non sequitur,
quod sit minoris potentia, quā pa-
ter: sed est æque potens in ordine ad
omnia possibilis causabilia.

Sed quid, si omnipotentia sumatur
a potentia secundo modo? Respon-
deo, q̄ tunc filius non potest in quot
pater, vt visum est. Sed hoc non pro-
uenit ex impotentia, aut imperfectio-
ne filij, sed quia est repugnantia, &
contradictio ex natura rei ad illud:
Non enim est factibile, nec possibili-
le, q̄ filius generet alium filium pro-
pter dicta ad tertiam conclusionem,
aut filium, quem generat pater: quia
tunc seipsum gigneret, quod omni-
no contradictionem inuoluit.

Ad secundum dico, veram esse ma-
iorem, quando huiusmodi produ-
ctum ex vi suæ productionis est simi-
le in natura producenti. Hoc tamen
accidit in productione verbi, & non
in productione Spiritus sancti, vt con-
trouersia decima quarta dicemus.
Vel secundo dici potest, quod vera
est maior, quando illa productio est
a principio quo, agente per modum
naturæ. Sed hoc competit produ-
ctioni verbi, non tamen productioni
Spiritus sancti: quia hæc est a prin-
cipio libero, vt controuersia decima
tertia dicemus.

Ad tertium respondetur infra cō-
trouersia de distinctione processio-
num diuinarum.

CONTROVERSIA DECIMA.

*An per actum intelligendi rem presentem, seu per noticiam intuiti-
sinam producat verbum?*

1. Argu.



PARS negatiua probatur: Vbi res sunt presentes, non est opus signis: verbum autem est signum, & imago rei: ergo, cum res est intellectui præsens, vt accedit in notitia intuitiua, superfluit verbum: ac per consequens nullatenus poni debet, cum res notitia intuitiua cognoscitur.

2. Argu.

Secundò. Angelus intelligit seipsum per suam essentiam tanquàm per speciem: ergo consimili modo intelligit seipsum per suam substantiam, tanquam per verbum: & ex consequenti intelligendo se non format verbum: sed ratio est, quia est præsens suo intellectui: ergo per actum intelligendi rem præsentem nõ producit verbũ. Probatur antecedens: quia species ponitur in intellectu, vt per eam vniatur ipsi obiectum: at substantia angeli secundum se est vniuersa eius intellectui, & ei intimè præsens: ergo ad cognoscendum se non indiget specie aliqua præter suam substantiam. Sanè, si lapis posset natura sua vniri intellectui non esset necessaria species distincta, per quã illi vniretur.

IN hac controuersia hunc ordinẽ seruabimus. Primò inquiremus, an diuinæ essentiz dari possit species aliqua intelligibilis. Secundò, an angeli videntes diuinam essentiam

verbum producant. Tertiò respondimus quæstioni. Vltimò ad rationes.

ARTICVLVS PRIMVS.

An possit dari species intelligibilis diuinæ essentia.



Circa primum articulum pars negatiua videtur ijs argumentis vera. Primò. 1. ARGUM. Non potest dari aliqua ratio, quæ per adæquationem repræsenter intellectui angelico diuinam essentiam: ergo non potest dari huiusmodi species. Consequentia est euidens, quia species intelligibilis cum sit naturalis similitudo obiecti, est ratio adæquata repræsens ipsũ. Antecedens verò probatur.

Primò: quia qualibet talis ratio debet esse creata, ac per consequens finita: & ita non poterit repræsentrare adæquatè infinitum, quia finiti ad infinitum non est proportio.

Secundò, quia talis ratio, cum sit creata, magis assimilatur alteri rei creatæ, quàm Deo, quia vtrumque est finitum, & ita distinctius repræsentrabit creaturam, quàm Deum, ac per consequens non erit propria ratio distinctè cognoscendi Deum.

Secundò. Ratio formalis, secundum

2. ARGUM.

dum quam cognoscitur obiectū, debet esse determinata, sicut ipsum obiectum (quia aliter non magis repræsentabit hoc obiectum, quam illud.) sed Deus est maximè indeterminatus (vt ait Augustinus octauo de Trinitate, capite quarto) igitur non potest dari aliqua ratio, seu species distinctè repræsentans Deum.

1. Argu. Tertiò. Si dicatur aliqua species distinctè repræsentans Deum, sequetur, quòd esset magis imago Dei, quàm anima, & angelus: consequens autem est falsum, ergo & antecedens. Probatur sequela: quia magis distinctè posset Deus cognosci per illam speciem, quàm per animam, & angelum. Falsitas verò consequentis probatur. Quia ex Augustino decimo quarto de Trinitate, capite octauo, eo aliquid est imago Dei, quo particeps eius esse potest: sed anima, vel angelus magis potest esse Dei particeps, quàm illa species, quia non est capax Dei, sicut angelus, cum non cognoscat, neque amet: ergo, &c.

4. Argu. Quartò. Si posset dari species diuinæ essentiae in intellectu angeli, posset angelus suis viribus naturalibus cognoscere nō solum essentiam diuinam, sed etiam Trinitatem personarum: consequens tamen est falsum, quia Trinitas personarum, non est in Deo, nisi ratione infinitatis essentiae, quæ via naturali apprehendi non potest: igitur, &c.

5. Argu. Quintò. Si in intellectu angeli posset dari talis species, posset alius angelus naturali acumine cognoscere diuinam essentiam, & ea, quæ in ipsa sunt: consequens tamen est falsum, quia tunc naturaliter tantum videret angelus, quantum nos per fidem: igitur, &c. Probatur sequela

maioris, quia naturali acumine posset videre illam speciem, cum contineatur sub eius obiecto naturali, & ita videret ea, quorum ipsa est repræsentatiua: sed ipsa repræsentat essentiam, & ea quæ sunt in essentia: igitur per eam poterit cognoscere Trinitatem personarum, quæ in ipsa est.

IN hoc articulo est duplex sententia. Altera B. Thom. p. p. quæst. 1. artic. 2. tuentis partem negatiuam quæstionis: altera & opposita est Scoti in secundo, distinct. 3. quæst. 9. vbi non solum huiusmodi speciem posse dari, affirmat, verum etiam, de facto angelis in sui conditione tributam esse censet.

2. Op. D. Tho. & Scoti.

EXPLANATIO opinionis B. Thomæ.

AD intelligentiam opinionis B. Thomæ, & discipulorum eius primo obserua, similitudinem rei, quæ potentia intellectiua obijcitur esse triplicem. Aliam obiectiuam, quæ sui cognitione mediantem rem aliam repræsentat: sic omnis creatura est similitudo quædam imperfecta in sui creatoris cognitione nos ducens: ex creaturarum namque cognitione ad Dei notitiam asurgimus: inuisibilia enim Dei per ea quæ facta sunt intellecta conspiciuntur, iuxta Paulum ad Romanos primo. Alia est similitudo impressa rei cognoscendæ, per cuius vnionem potentia ipsa actuatur, redditurque proportionata ad rem ipsam cognoscendam. Dicitur autem similitudo impressa, quia ab obiecto seu phantasmate, & intellectu agente imprimitur in intellectu possibili, quæ species intelligibilis nūcupatur.

1. Nota pro opin. D. Tho.

Tertia similitudo est expressa, quæ nihil aliud est, quàm verbum mentis, quod per actum intellectus exprimitur, tanquam formalis, & expressa imago obiecti.

2. Nota.

Secundò obserua, quòd cū res aliqua aliam ex natura sua repræsentat, tanquā naturalis similitudo, & imago illius, quò fuerit perfectioris obiecti, eo erit perfectior in repræsentando. Ex quo sequitur, quòd si daretur species intelligibilis repræsentans Deum, illa esset infinita perfectionis in repræsentando, quia repræsentaret obiectum infinitè perfectum.

3. Nota.

Tertiò obserua, cognitionem distinctam rei fieri per speciem, & similitudinem eius magis immaterialem, vel nō minus immaterialem, quàm sit res ipsa cognita. Hoc patet expressè in se sitiuā cognitione, quia sensus, ait Aristoteles, libro secundo de Anima textu. 121. & textu. 138. percipit rem sine materia, sicut cera sigilli formam sine materia ferri in se suscipit. Vnde visus non recipit in se colorem, sed coloris speciem & similitudinem. Similiter auditus non recipit sonum, sed soni speciem. Et idem iudicium est de alijs sensibus: & quo sensus est purior, ac perfectior, eo spirituales recipit species: ut patet de visu inter omnes sensus exteriores. Et in sensu communi species magis abstractæ recipiuntur non ipsæ res, sed ut dixi, species rebus ipsis spiritualiores, & in intellectu species a phantasmate abstractæ recipiuntur. Habemus ergo, quòd species, per quam res ipsa cognoscitur, aut immaterialior est ipsa res, aut saltem nō minus immaterialis.

1. Concl.
B Tho:

H. s. ita constitutis sit prima cōclusio beati Thomæ. Nulla similitudo

obiectiua dari potest, per quā Deus in se videri possit. Conclusio hac est communis omnium sententiæ, quam infra in explicatione sententiæ Doctoris subtilis probabimus.

Secunda conclusio. Per nullam similitudinem creatam secundo modo videri potest Dei essentia. Hanc conclusionem probat Beatus Thomas tribus rationibus. Quarum prima est. Per similitudines ordinis inferioris non potest cognosci res ordinis superioris, secūdm Dionysium capite primo de diuinis nominibus: sed qualibet creata species, quantumlibet spiritualis, est inferioris ordinis respectu diuinæ essentia: ergo per nullam talem potest cognosci, sicuti est.

2. Concl.

1. Ratio

Secunda ratio. Nulla res creata est suum esse: ergo per nullam rem creatam potest videri Deus, qui est suum esse. Patet consequentia: quia, cū nulla res creata sit suum esse, non poterit esse similitudo repræsentatiua Dei, qui est suum esse.

2. Ratio

Tertia ratio. Omnis res creata est determinata ad genus aliquod: ergo nulla est infinita: ergo, cū Deus sit infinitus secūdm omnem modum essendi, & intelligendi, per nullam rem creatam poterit intelligi, sicuti est.

3. Ratio

Aliqui Thomistæ arbitrantur, quod his rationibus beatus Thomas solum probare nititur, per nullam creatam similitudinem obiectiuam, de qua loquitur prima conclusio, Deum videri posse: & certè illam euidenter probant, sed non istam secūdam, ut infra videbimus. Attamen Caietanus, & alius quidam neotericus eodem loco arbitrantur, beatum Thomam intelligēdum esse etiam de simi-

mil-

multitudinis impressa, quæ est ratio representatiua, ac proinde censent, rationes ad secundam conclusionem hoc ipsum efficaciter ostendere. Hæc de opinione beati Thomæ.

EXPLANATIO

opinionis Doctoris
subtilis.

Ad intelligentiã opinionis Doctoris subtilis, obseruandum primo ex eodem in quolibet. q. 14. prope finem, quod aliquid esse medium in cognoscendo alterum, potest intelligi dupliciter.

Primo, quod sit medium cognitũ, ita, quod per ipsum cognitum cognoscatur aliud: sicut cognoscitur conclusio per principium: principio enim cognito cognoscitur conclusio. Alio modo potest aliquid esse medium in cognoscendo alterum sic, quod non sit medium cognitum, sed solum ratio cognoscendi: sicut species sensibilis in sensu est ratio sentiendi, & species intelligibilis est ratio intelligendi representando naturam obiecti. Est autem maximum discrimen inter hæc duo: nam, quod est medium ad cognoscendum alterum primo modo, debet continere illud in sua entitate, & cognoscibilitate: debet namque eius entitas esse talis, quod ipsa cognita sufficiat ad distinctam cognitionem rei, cuius est medium. Nam si res cognoscenda per tale medium excedit in entitate, & cognoscibilitate ipsum mediũ, quantumuis perfectè cognoscatur ipsum medium, deficiet a cognoscibilitate rei, cuius est medium: & ita per tale medium non poterit perfectè cognosci.

Secundo verò modo bene potest esse aliquid medium cognoscendi alterum, licet entitas eius, & cognoscibilitas deficiat ab entitate, & cognoscibilitate rei, cuius est medium: imò semper tale medium deficiat ab entitate eius, cuius est medium, cuiusmodi est species sensibilis, & intelligibilis. Et ratio est, quia istud mediũ est ratio cognoscendi alterum, solum quatenus representat naturam obiecti, quo causatur, & non quatenus eam continet.

Secundo nota, quod perfectio cuius species intelligibilis duplex est, alia intrinseca, & formalis, alia vero extrinseca. Et similiter infinitas eiusdem speciei, alia est intrinseca, alia vero extrinseca. Quantò autem aliqua species excedit aliam in perfectione intrinseca, & formali, tanto est perfectior. Vnde infertur, quod si aliqua species intelligibilis dari posset, quæ aliam in infinitum excederet in perfectione intrinseca ac formali, illa esset infinita intrinsece, & formaliter. Talis esset similitudo, quæ diuinam essentiam adæquate representaret. Propter hoc diuinum verbum est similitudo diuinæ essentiae infinita, quia ipsam adæquate representat, tantum, scilicet, quantum ipsa est representabilis. Ceterum ex perfectione extrinseca, & infinita speciei, quæ præsens consistit in hoc, quod respicit obiectum infinitum, non infertur perfectio infinita illius speciei in se: sicut ex eo, quod actus visionis beatificæ tendit in diuinam essentiam, quæ infinita est, non sequitur, quod ille actus sit intrinsece, & formaliter in se infinitus, sed extrinsece, & obiectiue. Quando igitur arguitur in hunc

Nota 1.
Ad opinio.
Scoti.

2. Nota.

Aliquid
esse me-
dium ad
terum co-
gnoscendi
duplici-
ter, cõm-
sit.

Resp. 1.

modū: Species, quò perfectius obiectum repræsentat quidditatiuè, eò perfectior est in se ipsa: ergo si daretur species, quæ repræsentaret quidditatiuè Deum, esset infinita, distinguendum est consequens. Nam vel intelligitur de infinitate intrinseca, & formali, vel de extrinseca, & obiectiua. Si de prima, neganda est consequentia. Si de secunda concedenda.

Resp. 2.

Secundò responderi potest, quod antecedens est verum de perfectione speciei: vt sit scēsus, quòd illa species intelligibilis est perfectior secundum suam naturam, & speciem, quæ est imago perfectioris obiecti secundum quidditatem. Ex quo non licet inferre, quod species repræsentans obiectum infinitum sit infinita, sed solum, quod sit perfectior secundum suam naturam quacūq. specie intelligibili cuiuscūque obiecti finiti.

Resp. 3.

Tertiò respondeo per distinctionem consequentis. Nam vel illa species repræsentat Deum adæquate, quantum ipse est repræsentabilis, vel inadæquate. Si primo modo, concedenda est consequentia: ceterum nō est dabilis aliqua species creata, quæ Deū adæquate repræsentet: hoc nāq. soli verbo diuino conuenire potest. Si autem secundo modo, scilicet, in adæquate repræsentet Deum, neganda est consequentia, nisi sermo sit in consequentia de infinitate extrinseca, & obiectiua. Si autem in antecedente ly, perfectius, sumatur aduerbialiter, vt sensus sit, speciem illam esse perfectiorem, quæ magis perfectè repræsentat suum obiectū secundum quidditatem, falsum est nisi sermo sit de speciebus repræsen-

tantibus idem obiectum secundum perfectius, & imperfectius.

Hæc, quæ diximus de perfectione intrinseca, & extrinseca speciei, patent in actibus circa sua obiecta. Nam licet actus tēdens in obiectum infinitum ex sua specie sit perfectior eo, qui tendit in obiectum finitum: ceterum ex eo, quod tendit in obiectum infinitum, non licet inferre infinitatem intrinsecam actus, ac formalem: sed extrinsecam, & obiectiuam. Sic dicimus, peccatum esse infinitum obiectiue, sed non formaliter, & intrinsecè. Idem dicendum de specie creata repræsentante obiectum infinitum, vt puta, Deum: quæ quidem infinita dici potest obiectiue, siue extrinsece, non tamen intrinsece, & formaliter: quia licet repræsentet infinitum, non tamen infinite.

Ex his sequitur, quod admissa specie intelligibili repræsentante quidditatiuè Deum, & omnia, quæ in ipso existunt formaliter, non sequitur, quod sit infinita in repræsentando, nisi obiectiue. Quia, licet repræsentet infinitum primò, & per se, & quasi secundario omnes perfectiones formaliter in ipsa re infinita primò repræsentata existentes, non tamen repræsentat hæc omnia infinite, quantum ipsa, scilicet, sunt repræsentabilia. Et si ipsa, quæ quasi secundario repræsentarentur, essent infinita in numero, non inferretur, huiusmodi speciem esse infinitam intensiue, sed extensiue: & hoc virtute primi obiecti per ipsam repræsentati. Per hæc patet, quid dicendum sit ad secundum notabile pro opinione Beati Thomæ positum. Nam malè ibi inferitur, spe-

Quod sequitur ex distin.

ciem

ciem repræsentantem obiectum infinitum esse infinitæ perfectionis intrinsece, vt ex nunc dictis satis constat.

3. Nota triplex adæquatio.

Tertio nota, quod triplex est adæquatio repræsentantis ad repræsentatum. Prima entitatis ad entitatem: ita, quod entitas vnius sic adæquet entitatem alterius, quod cognita entitate repræsentatis, cognoscitur entitas repræsentati perfecte, ac distincte: sicut cognitis principijs, cognoscitur conclusio. Sic Deus, seu essentia diuina adæquat omnia entia in entitate, imò superexcedit.

Secunda adæquatio repræsentantis ad repræsentatum attenditur secundum proportionem ipsius repræsentantis ad repræsentatum absolute: quæ consistit in hoc, quod ipsa ratio repræsentatiua tantum repræsentat, quantum obiectum est repræsentabile: sicut species perfectissima albi repræsentat ipsum album tantum, quantum ipsum est repræsentabile.

Tertia adæquatio repræsentantis ad repræsentatum attenditur secundum proportionem vnius ad aliud, non absolute, sed per comparisonem ad actum elicitum a potentia: quæ adæquatio consistit in hoc, quod ipsum repræsentatiuum ita perfecte repræsentat obiectum, sicut est cognoscibile per talem actum. Sicuti albi species, etiam in oculo cæcutive, repræsentat album secundum comparationem ad actum videndi elicitum a tali oculo, quia repræsentat tantum, quantum est cognoscibile per actum talis oculi cæcutive.

8. Nota. do obiecti est duplex: alia impressa: qualis est species intelligibilis:

alia expressa per intellectum, qualis est ipsa actualis intellectio, vt controuersia se prima late ex Augustino docuimus. Et hæc similitudo secunda vocatur a Doctore subtili in quolibeto, quæstione decima quarta, sub litera Gg. formalis similitudo obiecti, & actualior prima. Idem asserit in primo, distinctione tertia, quæstione septima, in responsione ad quæstionem.

His ita constitutis sit prima conclusio. ^{1. Conclus.} Nulla creatura est, neque dari potest, per quam, tãquam per medium cognitum possit Deus distinctè, & perfecte cognosci. Probatur, quia nulla creatura potest continere Deum, quo ad eius entitatem: ergo nec quo ad eius intelligibilitatem: ergo nulla creatura cognita potest Deus perfecte cognosci.

Antecedens est notissimum, quia Deus in infinitum omnem excedit creaturam. Prior consequentia patet, quia intelligibilitas sequitur entitatem: ergo quod non continet Deum, quo ad entitatem, nec quo ad intelligibilitatem illum continebit: Posterior consequentia est euidens: quia, vt notabili primo diximus, vt res aliqua, alia cognita, distinctè cognoscatur (sicut cognitis principijs, cognoscitur conclusio) necessum est, quod eius entitas perfecte in ea contineatur. Cum ergo ex dictis Dei entitas in nulla creatura contineri valeat: infertur euidenter, per nullam creaturam, vt cognitam posse distinctè cognosci.

Secunda conclusio. ^{2. Conclus.} Non est dabilis aliqua species, quæ repræsentet diuinam essentiam adæquate secundum proportionem absolute repræsentantis ad repræsentatum. Probatur:

ur: quia diuina essentia est infinitè repræsentabilis, at quæcumq; species creata necessariò debet esse finita, nò solum in essendo, sed in repræsentando: ergo per nullà speciem creatam potest adæquatè repræsentari.

Secundò. Diuina essentia non est comprehensibilis, nisi per seipsam, tanquam per rationem intelligendi: ergo non est repræsentabilis per aliquam speciem creatam adæquatè, secundum proportionem absolūtè repræsentantis ad repræsentabile. Patet consequentia: quia iam diuina essentia esset cõprehensibilis per aliud, quàm per seipsam.

3. *Concl.* Tertia conclusio. Dabilis est species creata impressa diuinæ essentia. Probatur. Dabilis est species expressa diuinæ essentia: ergo & impressa. Antecedens ab aliquibus Thomistis conceditur, inter quos est Torres in tractatu de Trinitate, q. 27. art. 1. q. 1. de verbo, dubio quarto, ubi expressè fatetur, angelos videntes Deū formare verbum diuinæ essentia, quod Dei expressa similitudo vocatur. Sed negat Torres consequentiam. Non enim (inquit) est vtriusque eadem ratio, quia species impressa est notitia principium. Ac proinde, si species Dei creata daretur, ea posset Dei visionem producere, & beare, atque adeò creatura aliqua posset homines, & angelos beatos facere: quod nimirum pugnat. Hoc autem inconueniens non sequitur, (inquit) si concedamus, Dei similitudinem, quæ verbum est, atque notitia immediatè a Deo producta: notitia namq; nò est alterius notitiæ principium. Hoc declarat Torres exemplo. Quemadmodum (inquit) fieri non potest, qd detur aliqua creatura, quæ sua natu-

*Responsio
Torres.*

ra faciat gratiam, & Dei amicitiam, verū ipsa gratia, & Dei amicitia creata est qualitas, scilicet, quæ anima sit grata Deo, & ad vitam æternam accepta, ita nequit fieri, quòd sit aliqua creatura, scilicet, species Dei creata, quæ producat Dei visionem: veruntamen ipsa Dei visio, & notitia creatura est.

Hæc responsio huius Doctoris merito ab alijs Thomistis rejicitur, & exprobaditur: quia omnes rationes, quæ probant, non dari speciem impressam diuinæ essentia, æquè bene ostendunt, non dari expressam: imò maiori iure. Propter eandem igitur rationem, ob quam Thomistæ communiter speciem impressam diuinæ essentia negat, similiter & expressam diffiteri tenentur: vt intuenti rationes pro secunda conclusione B. Thomæ positas haud difficilè constabit. Vnde ad responsionem Doctoris Torres dico, nullatenus esse inconueniens, aliquam creaturam esse diuinæ visionis principium. Nam lumen gloriæ intellectu creato simul cum ipso intellectu creatura quædam est: at omnes Doctores vnanimi cõsensu, principium visionis beatificæ esse fatentur. Præterea. Creaturam aliquam, vt putà, visionem ipsam, formaliter creaturam beare, nullum est inconueniens: quare ergo inconueniens cēseri debet, quòd creatura eiusdem visionis beatificæ sit principium? Quòd creatura sit beatificum obiectum, per cuius visionem intellectualis creatura beata reddatur, inconuenit quidem, sed non illud.

Ad simile dico, repugnare quidē, qd creatura aliqua ex sua natura sit causa gratia principalis sic, quòd per propriam formam, & intrinsecā, illam

*Impugna-
tur Tor-
res ab a-
lijs Tho-
mistis.*

lam efficere queat : & similiter, quod creatura aliqua ex natura sua specie impressam diuinæ essentia efficere possit. Cæterum, sicut nulla prorsus repugnantia est, quod ipsa gratia a Deo producta sit actus supernaturalis principium, imò hoc suæ naturæ congruit: ita nulla repugnantia inuenitur in hoc, quod species diuinæ essentia a Deo causata sit visionis beatificæ principium in præsentia sui obiecti: imò hoc suæ naturæ consonum videtur.

Præterea dico, qd licet visio beatifica per speciem impressam diuinæ essentia, fieri nequiret: non proinde species impressa eius neganda est, quia illa in absentia representabit obiectum, sicut & ceteræ intelligibiles species, quæ cognitionis abstractiue sunt principia. Neq; valet hæc consequentia. Potest dari species diuinæ essentia, quæ ipsam, veluti absentem, representet: ergo potest dari species, quæ eam præsentem faciat, vel in propria existentia representet.

Not. 1.

Ad cuius intelligentiam observa, Deum esse obiectum voluntarium respectu intellectus creati, quod si vult, videtur, & si non vult, non videtur. Vnde quacumque specie causata, & in intellectu creato constituta potest non videri in se, licet illa species necessariò, & naturaliter representet Dei essentiam, sed non vt præsentem.

Not. 2.

Secundò observa, qd diuina essentia, vt præscindita voluntate (id est, sine actu diuinæ voluntatis mediante) non potest causare speciem sui naturalem in intellectu creato. Tum, quia Deus nihil agit naturaliter ad extra, nec diuina essentia mouet naturaliter, nisi intellectum, quem im-

mediatè, & primò mouet, scilicet, diuinum, vt docet Scotus in quol. q. 14. lit. V. Tum etiam, quia illa actio esset infinita, & per consequens ad terminum infinitum. At nulla species creata potest esse infinita, sicut neq; aliqua creatura: mouet tamen diuinum intellectum ad productionem similitudinis infinitæ, scilicet, diuini verbi, quod est naturalis, & expressa Dei Patris essentia similitudo adæquata, & in essendo, & in representando. Cum igitur species diuinæ essentia impressa nullatenus produci possit a natura diuina per modum naturæ, & necessariò ab eius entitate in actuali existentia, sed per voluntatem: non facit essentiam præsentem intellectui sub propria, & actuali præsentia, sed eam, vt absentem, naturaliter representat. Non valet ergo prædicta consequentia, scilicet, Potest dari species impressa diuinæ essentia, quæ ipsam vt absentem, representet: ergo potest dari species, quæ eam ex natura sua præsentem faciat, vel vt præsentem representet: quia ad hoc necessarium erat, quod ab ipsa essentia, vt obiecto præsentis, præcisè causaretur. Per hoc satis, superque explosa manet Canariensis sententia, & responsio.

Alij Thomistæ negant, dari posse speciem expressam diuinæ essentia, vt infra videbimus. Vnde negant, beatos videntes Deum ipsius formare, & producere verbum. Sed cum nos satis in controuersijs de verborum mentis ostenderimus, mētis verbum ipsam actualem intellectionem esse: apertè constat, beatos verbum diuinæ essentia in se habere: saltem eo modo, quo in articulis sequētibz sumus explicaturi.

Opinio a-
liorū Tho-
mistarū.

Secun-

Secundò probatur conclusio. Aliquis transitorie, & raptim videns diuinam essentiam potest habere memoriam diuinæ essentia sub ratione, qua erat obiectum visionis: sed talem memoriam non potest habere, nisi per speciem derelictam, & causatam a diuina essentia: ergo possibilis est species distinctè representans diuinam essentiam. Consequentia tenet, probatur maior: quia Diuus Paulus post raptum, in quo vidit diuinam essentiam, dicit, se vidisse arcana verba, quæ non licet homini loqui, primæ Corinthiorum cap. 12. Probatur nunc minor: quia si posset habere talem memoriam, vel per actum, vel per præsentiam realem, obiecti, vel per speciem representantem. Non per actum, quia iam cessauit: nec per obiectum, quia iam non est præsens in se: ergo per speciem derelictam ex obiecto.

*Responsio
Caiet.*

Huic argumento respondet Caiet. 1. p. q. 56. art. 3. prope finem, q non potuit in Paulo remanere species diuinæ essentia, sed solum rerû in essentia visarum, scilicet, quidditarum. Vnde Paulus non meminit post raptum (inquit Caietanus) diuinæ essentia, nisi in confuso, & quia fuit visa: sed rerum visarum distinctè meminit, quia remanserunt species earum in intellectu Pauli. Hæc solutio Caietani nulla est. Pro quo nota, quod, vt eleganter docet Scotus d. 45. q. 3. ipsius actus recordandi est duplex obiectum, alterum proximū alterum remotum.

Exempli causa. Recordor, me vidisse Petrum: proximum obiectum huius recordationis est actus ille, quo ego vidi Petrum, quatenus præteritus est: obiectum verò remotum est

Petrus, qui fuit primum obiectum illius actus videndi præteriti. Istud autem obiectum proximum actus recordandi debet esse præsens: non in se, quia debet esse præteritus, sed in specie ab ipso relicta in potentia recordatiua. Et ad hoc, quod quis clarè, ac distinctè recordetur actus præteriti, necessum est, quod recordetur obiecti illius præteriti actus. Nam quomodo recordabor distinctè me vidisse Petrū, nisi meminerō Petri? Non potest autem quis recordari distinctè obiecti remoti actus remiscendi, nisi habeat aliquam speciem eius: sicut neque possum recordari actus præteriti, nisi habeam eius speciem.

Ex his sequitur, quod qui recordatur, habet recordationem de duplici re, vt puta de actu præterito, & de obiecto ipsius actus præteriti. Sequitur etiam, q non potest quis distinctè, ac clarè recordari actus præteriti, nisi clarè recordetur obiecti eiusdem actus: ad quod requiritur, quod habeat speciem vtriusque, tam, scilicet, actus, quam obiecti.

*Confusio
ratio re-
sponsionis
Caiet.*

His positis dico, quod responsio Caietani est nulla. Nam quero, an clarè, ac distinctè recordabatur Paulus illius actus, quo viderat diuinam essentiam, nec ne? Non est dicendū, quod non, quia tunc non videretur fuisse omnino certus de tali visione, quod penitus falsum videtur: igitur dandum est primum. Ergo distinctè recordabatur diuinæ essentia visæ, quia non videtur posse esse clara, ac distincta recordatio alicuius actus, nisi sit recordatio obiecti eius, ex nunc dictis: ergo habuit speciem diuinæ essentia, sicut & ipsius actus, quia (vt diximus) qui recordatur distin-

distincte alicuius actus præteriti, recordatur etiam obiecti eiusdē actus, quod sine specie esse nequit: præsertim, si recordatur actus ut terminati ad tale obiectum, ut accidit Paulo.

Idem si recordabatur distincte rerum visarum in essentia diuina: vel recordabatur earum, quia visæ absolute, vel, quia visæ in essentia diuina. Si das primum, ergo non potuisset Paulus affirmare, eas in essentia diuina vidisse, nesciretque distinguere, an vidisset eas in se ipsis, an in alio. Si verò das secundum, ergo post raptum meminit distincte diuinę essentia: ergo male dicit Caietanus, quod solum recordabatur Paulus post raptum diuinę essentia in confuso.

Tertiò. Si talis species non esset habilis, maxime, quia (ut in tertio fundamento pro opinione Sancti Thomæ supra posito diximus) species rei intelligenda necessario debet esse spiritualior, & immaterialior, quam res ipsa, cuius est species: sed hæc ratio nulla est, quia si angelus in intellectu separato sui speciem generet, illa non esset spiritualior, ac immaterialior ipso angelo, per quam tamen posset intelligi. Præterea species infimi angeli, per quam supremum angelum cognoscit, non est immaterialior angelo supremo: ergo de ratione speciei intelligibilis non est, quod sit spiritualior suo obiecto: sed sufficit, quod inter ordinem specierum intelligibilium contineatur. Et confirmatur, quia species expressa, scilicet, verbum, non debet esse minus spiritualis, & immaterialis, quam impressa: sed illam non oportet esse spiritualiorem suo obiecto, quia etiam secundum multos Thomistas, ut statim videbimus, beati videntes Deum

formant verbum, quod sanè non est ita spirituale, & immateriale, sicut Deus, ut apud omnes est in confesso: ergo nec istam, scilicet, speciem impressam oportet esse spiritualiorem suo obiecto.

Præterea. Ut res per speciem cognoscatur, quod eius species sit intra specierum intelligibilium numerū, siue illa sit magis, minusve spiritualis, quam res, citius est species (sicut, ut res possit intelligi, sufficit, quod sit actus intelligibilis) ergo habilis est talis diuinę essentia species.

Quarta conclusio. Species impressa diuinę essentia, quam præcedenti conclusione posse dari ostendimus, representabit diuinam essentia adæquate secundum proportionem, non absolute, sed per comparisonem ad actum intelligendi ipsius potentia. Probat: quia ita perfecte representabit obiectum, sicut per actum talis potentia attingi potest. Hæc conclusio explicatur per ea, quæ diximus notab. 3.

Sed rationibus, quibus secunda sancti Thomæ conclusio innitur, satisfacere oportet.

Ad primam dico, quod per speciem intelligit Dionysius naturam specificam, ut equum respectu leonis. Et in hoc sensu certum est, per speciem inferiorem non posse superiorem cognosci: quia ens perfectius per id, quod minus perfectum est, dignosci non potest, cum ipsum in sua entitate haud contineat. Et quod de specie intelligibili non loquatur Dionysius, inde patere potest, quia supremum angelum per speciem intelligibilem cognoscitur, tunc tamen ipse multo sit ea perfectior in natura.

Ad secundam rationem concessio ante-

antecedente, nego consequentiam. Et ad probationem dico, quod licet nulla res creata sit suum esse; aliqua tamen res creata potest esse ratio representatiua rei, quæ est suum esse. Neque ad hoc requiritur, quod species id representans sit suum esse: species enim hominis, hominem representat, cum tamen intellectualis non sit, neque substantia. Sicut igitur, ut species hominis, naturam intellectualem & rationalem representet, non est necessarium, quod intellectualis & rationalis sit: ita ut species intelligibilis representet Deum, qui est suum esse, non oportet, quod ipsa suum esse sit. Non enim tanta in representatione perfectio esse debet in essendo, quanta in re representata inuenitur: sed sat est, quod perfectionem, & naturam rei, cuius est, representet, et si perfectionem eius in se non habeat.

Ad tertiam rationem.

Ad tertiam dico, quod omnis res creata in essendo ad certum genus limitatur necessario in essendo, & similiter in representando: non quidem, quod necessario obiecti finiti, & sub genere contenti esse debeat, sed sic intelligendo, quod necessario finita esse debet & in essendo, & in representando, sic, quod licet infinitum representare possit, sed non infinite: ceterum ex hoc deduci non potest, quod species creata non possit inadæquate rem infinitam, & indeterminatam representare.

Et confirmatur: quia etiam secundum multos Thomamizantes, videntur Deum, verbum diuinæ essentia formant, quod rem infinitam, & indeterminatam representat, sed finito, & limitato modo. Ita in proposito euenire posset.

A D A R G V M E N T A
in principio articuli posita.

AD primum concedo maiorem, *Ad primum.* in casu prima & secunda conclusionis; sed non in casu tertia. Et illo modo potest esse proportio finiti ad infinitum, ut patet notabili tertio, speciesq; finita potest infinitum sub ratione infiniti representare, licet non infinite: sicut actus beatificus est obiecti infiniti sub ratione finiti, non tamen per ipsum attingitur obiectum infinite. Et sic patet ad primam antecedentis probationem.

Ad secundam, respondet Scotus per distinctionem similitudinis vnius ad alterum; alia enim est in essendo, sicut vnum ouum est similitudo alterius; alia vero est similitudo in representando, sicut species intelligibilis respectu sui obiecti. Nunc dico, quod species illa creata esset similior alteri in essendo, non tamen in representando, sed potius rei representate, scilicet, essentia. Illa ergo species propter finitatem suæ entitatis plus conuenit cum creatura, quam cum diuina essentia, non tamen conuenientia proportionis representationis ad representatum: imò est representatiua diuinæ essentia, & non creatura. Imò creatura sit similis in entitate: stat enim, aliquid esse alteri simile in entitate, quin sit ratio representatiua eius; nam vnum ouum est alteri simile in natura, non tamen est ratio cognoscendi illud.

Ad secundum concedo maiorem, *Ad secundam.* & distinguo minorem. Determinatio enim potest intelligi duplex, opposita duplici indeterminatione. Prima est ad singularitatem: quomodo singulare dicitur determinatum per oppo-

oppositum ad vniuersale. Alia est determinatio ad certum gradum entis, ac perfectionis: sic lapis est ens determinatum per oppositum ad Deum qui non habet gradum entis determinatum, quia habet infinitam entitatem. Nunc dico, quod Deus est prima determinatione determinatus quia est singularissimus: & hec determinatio non impedit intellectum, neque rationem representandi. Est vero Deus secundo modo indeterminatus quia infinitus: neque hoc impedit, quin representari possit per speciem creatam, quia potest representari sub ratione infiniti licet non infinite. Et si secunda indeterminatio impedit: est in hoc sensu, quod non potest huiusmodi indeterminatum infinite representari.

Ad tertium.

Ad tertium distinguo maiorem de imagine. Vno enim modo sumitur pro similitudine precise representante obiectum, quæ est precisa ratio cognoscendi obiectum, qualis est species intelligibilis: alio modo sumitur pro similitudine imitante in esse alterum, sicut filius potest dici similitudo patris. Primo modo dico, quod illa species esset magis Dei similitudo, quam angelus, & anima: & hoc concludit probatio & sequela. Secundo vero modo anima est similitudo Dei, quia ipsum imitatur in esse: & hæc similitudo, & imago consistit in hoc, quod anima habet aliquo modo trinitatem, & unitatem, sicut diuina essentia, per quam potest esse particeps Dei per amorem, & cognitionem, non tamen illa species.

Ad quartum.

Ad quartum negatur consequentia: nam si per illam speciem cognosceret trinitatem, iam non ex naturalibus omnino, quia illam speciem

non potest angelus ex suis viribus naturalibus habere.

Ad quintum nego sequelam. ^{Ad quintum.} Ad probationem dico, quod licet angelus naturali acumine posset videre speciem existentem in alio angelo, non tamen per eam poterit cognoscere diuinam essentiam: quia illa species non esset ei precise ratio ad cognoscendum, sed ratio, ut cognita, sicut anima nostra est ratio, ut cognita cognoscendi Deum. Hæc responsio haberi potest ex Scoto in quolibet. q. 14. Vbi ait, quod, licet actus beatificus sit ratio representandi obiectum sub ea ratione, qua obiectum est, & hoc intellectui, cui inest, non tamen alteri intuenti eum. Sic in proposito de specie.

Vel dici potest, quod, licet cognosceret per eam trinitatem, non tamen omnino naturaliter: quia illa species supernaturaliter causatur a Deo.

ARTICVLVS II.

An angeli videntes diuinam essentiam producant verbum.

Q Vantum ad secundum articulum dissensio non parua est inter Thomistas. Nam Caietanus 1. p. quaest. 12. arti. 2. expressè affirmat, beatos diuinam essentiam videntes nullatenus de ea formare verbum, quia rationes, quæ ostendunt secundum B. Thomæ opinionem non posse dari diuinæ essentiae speciem impressam, demonstrant etiam, & multo fortius, speciem eius expressam non esse possibilem. Alij vero asserunt partem oppositam dicentes, id necessarium esse concedendum in B. Thomæ doctrina: quia secundum eius doctrinam

doctrinam 1. par. q. 27. art. 1. de ratione intelligentis, vt sic, est, quòd aliquid per intellectiōnem producat. Ita tenet Torres in tractatu de Trin. q. 27. art. 1. & Capreolus in primo, dist. 27. q. 2. Alij verò Thomistæ concedunt, in doctrina D. Thomæ vtrūque esse probabile. Ita tenet Ferrara primo contra gentes, cap. 53. & nouus quidam primæ partis D. Thomæ expositor, q. 2. art. 2.

Inter Scotizantes verò dissensio etiā est. Nam aliqui visionem beatificā, sicut & quamcumq; aliam cognitiōnem; verè esse verbum affirmant; alij verò, licet præfaram visionem diuinæ essentiae similitudinem esse, concedant, negant tamen, illam esse verbum, quia a diuina essentia non produci- tur per modū naturæ, sed libere.

EXPOSITIO opinionis B. Thomæ.

*Observa
pro op. D.
Thomæ.*

Ad opinionem B. Thomæ obser-
ua, verbum esse terminum in-
trinsecum intellectiōnis: quod colligi
potest ex eodem D. Thomæ primo
cōtra gentes cap. 53. Vbi sic ait. Vlti-
mus autem considerandum est, quòd
intellectus per speciem rei formatus
intelligendo format in se ipso quan-
dam intentionem rei intellectæ, quæ
est ratio ipsius, quam significat defi-
nitio. Per intētionem autem verbū,
seu conceptionem mentis intelligit:
ista enim tria apud Diuum Thomam
idem pollent. Et p. p. q. 27. art. 1. in
corpore articuli sic ait. Quicumque
autem intelligit, ex hoc ipso, q. intel-
ligit, producit aliquid intra se ipsum,
quod est conceptio rei intellectæ: ex
vi intellectiua proueniens, & ex eius
notitia procedens: quam quidē con-

ceptionem vox significat, & dicitur
verbum cordis significatum verbo
voci. Hæc Beatus Thomas. Ex qui-
bus manifestè colligitur, quòd ver-
bū est intellectiōnis intrinsecus ter-
minus secundum Diui Thomæ sen-
tentiam, siquidem ex natura intelle-
ctiōnis per eam tanquam per actio-
nem, gignitur terminus autem actio-
nis ipsi actiōni est intrinsecus. Hoc
ita esse omnes Thomistæ concedunt,
saltem loquendo de naturali intel-
lectiōne.

Hoc constituto sententia D. Tho-
mæ explicatur hac conclusione. Pro-
babilis est secundum Diui Thomæ
sententiam, beatos formare verbum
de diuina essentia, quam oppositum.
Probatur: quia secundum Sanctum
Thomam verbum est terminus in-
trinsecus intellectiōnis, qua intelli-
genseo ipso, quod intelligit aliquid
intra se producit (vt diximus ex Be-
ato Thomæ) sed beati diuinam essen-
tiam videntes ipsam intelligunt: er-
go formant de ipsa verbum.

Respondent aliqui Thomistæ cō-
trarium defendentes, quòd verbum
secundum D. Thomam est terminus
intrinsecus intellectiōnis naturalis,
sed non supernaturalis, qualis est vi-
sio beata. Caterum hæc responsio
non videtur Diuo Thomæ consona.
Ipse enim 1. p. loco supra citato vo-
lens ostendere, processionem esse in
diuinis, assumpsit, tanquam propo-
sitionem certam, intelligentem eo ip-
so quòd intelligit, aliquid intra se ip-
sum producere per intellectiōnem,
ex quo Deum per intellectiōnem ver-
bum producere colligit: nihil autem
eius ratio efficeret, si illa propositio
de intelligente naturali intellectiōne
intelligeretur, vt de se patet: ergo, etc.

*Responso
aliquorū
Thomæ-
istarum.*

Et confirmatur: quia, si ob aliquā rationē visioni beatificæ esset negandū verbū, maxime propter obiecti præsentiam: sed hæc ratio nulla est: quia Deus per suam intellectiōnem verbum gignit, cū essentiam præsentem habeat, & per notitiā naturalem gignitur etiam verbum: ergo nulla est ratio ob quam visioni beatificæ negari debeat verbum. Itē visio creata diuinæ essentia est actio secundū veriorē D. Tho. sententiā: ergo habet terminum per eam productum, quia implicat esse actionem de genere actionis sine termino intrinseco eius, qui per ipsam producit.

Dicunt aduersarij, non posse dari similitudinem diuinæ essentia, etiam expressam, propter rationes ad secundam conclusionem B. Thom. art. præcedenti positas. Respondeo, forsitan verum id esse secundum sententiā S. Tho. de similitudine impressa, & et de expressa ab specie creata, non tamen de expressa a diuina essentia in ratione obiecti: ut tenet Ferrara primo contra gentes cap. 53.

Obiectio. Sed obieciēs. Beati formant verbū, quo vident Deum: ergo est medium inter actum vidēdi Deum, & ipsum Deum visum: quod tamē falsum apparet, quia beatifica visio est immediata diuinæ essentia visio.

Solutio. Respōdeo, q̄ medium extrinsecū cognoscenti efficit mediatam cognitionē (vt, dūm cognoscimus Imperatorem per suam imaginem) at mediū intrinsecū cognitioni, & cognoscenti, quale est verbū, non facit mediatam cognitionem inter ipsam, & obiectum a parte rei. Exempli causa. Lumen est medium, quo homo videt colorem: verbum tamen non facit, quod visio sit mediata coloris.

EXPLANATIO opinionis Doctoris subtilis.

AD intelligentiā opinionis Doctoris subtilis meminisse oportet eius, quod in præcedentibus controuersijs diximus, vt putā, verbum mentis esse ipsam actualemente intellectiōnem per actum dicendi a memoria expressam, atque productam.

Secundō obserua, q̄ verbum dicit relationem reālē ad dicentē, quæ relatio geniti ad generans dicitur, ad quod necessario requiritur, q̄ ab obiecto, tanquā ab agente per modum naturæ, producat: nā de ratione generationis est, q̄ sit a principio per modum naturæ operāte: ob id enim Spiritus sancti productio negatur esse gñatio, quia est a principio libero.

Sed dices, sufficere quidem, potentiam ipsam intellectiuam per modū naturæ agere, quamuis obiectum nō ita operetur. Respondeo, necessario requiri, quod vtrumque naturaliter agat, & multo magis hoc in obiecto, quā in potentia est necessarium: quia productum magis obiecto, quā potentia assimilatur: ab eo enim genitum speciem accipit.

Ex quo inferitur, q̄ si potētia libere operatur, quamuis obiectū p modū naturæ agat, non erit talis productio generatio: sicut in productione Spiritus sancti patet, vbi obiectū, scilicet, essentia, naturaliter agit, potentia verò libere: propter quod illa productio gñatio esse neq̄t. Idē iudiciū erit, vbi potentia per modū naturæ agat, & obiectū per modū libertatis.

His positis sit prima conclusio. Quilibet intelligens, siue intuitiua siue abstractiua intellectiōne, format verbum, dummodo potentia, & obiectum

*Not. r.
Pro opinionione Scoti.*

Obiectio.

Solutio.

Etum per modum nature agat, ſitq; talis intellectus o re ipſa diſtincta a producente ipſam. Patet, quia vt cōtrou.

7. diximus, oīs cognitio genita a memoria eſt verbum: ſed tale intelligēs habet cognitionē genitā a memoria, ſcilicet, ab intellectu cum obiecto per modum naturæ agente: ergo habet verbum rei intellectæ.

2. *Concl.* Secunda conſuſio. Beati videntes diuinam eſſentiam formant verbū, licet habeant veram cognitionē eius intuitiuam. Conſuſio eſt Scoti q. 14. in quol. lit. Bb. vbi ſic ait. Beatus non habet verbum de Deo, quia, eſi illa viſio ſit imago diuinæ eſſentia illam naturaliter repræſentans, non tamē eſt imago naturalis naturaliter ab ipſa procedens: ſed illius eſſentia eſt tantum vnicum verbum, & hoc in ſolo intellectu increato, in quo ſolo poteſt eſſe notitia ipſius obiecti naturaliter genita. Et paulo ſuperius ſic ait. Non igitur quacūq; actualis notitia obiecti eſt verbum eius, ſed illa ſola, quæ de ipſo naſcitur, tanquam proles, hoc eſt, non tantum eſt naturalis ſimilitudo eius, ſed naturaliter gignitur ab ipſo naſcendo. Notitia ergo actualis, quæ producitur immediate per voluntatem, non eſt verbū obiecti: quia, eſi ſit ſimilitudo naturalis obiecti, non tamen eſt naturaliter genita. Et in eiſdem quol. q. 15. lit. X. negat, viſionem diuinæ eſſentia in intellectu creato eſſe verbū, quia nō gignitur a memoria. Probatur ratione conſuſio. Verbum eſt memorie proles, vt ex Aug. in cōtrouerſijs de verbo mentis docuimus: ſed ad rationem proliſ ſpectat, quod a principio agente per modum naturæ oriatur: ergo, cū viſio beata creata nō ſit a diuina eſſentia per modum naturæ

producta (quia, vt articulo præcedenti diximus, ſolum intellectum diuini naturaliter mouet) ſequitur, q non ſit verbum. Probo minore, quia, ſi per voluntatē ego aliū hominē pducerem, non eſſet genitus, neq; eius productio gñatio, eo q nō naturaliter pduceretur: ergo de ratione plis & geniti eſt, q naturaliter pducatur.

Tertia conſuſio. Nihilominus illa viſio beata eſt naturalis diuinæ eſſentia ſimilitudo. Conſuſio eſt Scoti, quam tenet locis citatis conſuſione præcedenti. Et probatur: quia illi viſioni ad rationem verbi nihil deſicit, niſi q naturaliter procedat: ergo hac conditione ſublata remanet prima, ſecundum quam eſt naturalis ſimilitudo obiecti, & ita cōcluſio vera.

Et confirmatur: quia ratio ſimilitudinis in aliquo eſſe pōt, eſi ratio geniti naturaliter deſit, vt patet in Spiritu ſancto, qui ſimilitudo diuinæ eſſentia eſt, nō tamen naturaliter genita, neque proles, nec filius: igitur, &c.

ARTICVLVS III.

An per notitiam intuitiuam producatnr verbum:

Quantum ad tertium articulum aliqui Thomiſtæ aſſerunt, per notitiam intuitiuam non produci verbum. Quorum ratio eſt: quia cum res eſt præſens, non opus eſt ſignis, ac per conſequens nec verbo, quod rei intellectæ ſignum eſt:

Sed hi Thomiſtæ primò decipiuntur: quia ex eorum ſentētia ſequitur, æternum patrem notitia intuitiua, qua cognoscit ſe, non generare verbum. Sequitur etiam, eam analogiā de verbo creato, qua ſancti vtuntur ad

3. *Concl.*

*Deceptio
Thomistarum.*

ad declarandum verbum increatum nullam esse: quia verbum increatum non per abstractiuam, sed per intuitiuam cognitionem producit.

*Contra-
ratur
D. Tho.
interpr.* Præterea. Istorum sententia doctri-
na B. Th. contrariatur, qui aperte as-
serit, animam intelligendo se forma-
re verbum: anima verò, cum sit sibi
præfens, cognoscit se notitia intuiti-
ua, præsertim si separata sit: ergo per
notitiam intuitiuam producit ver-
bum. Locus D. Tho. de veritate, q. 4.
art. 2. sic habet. Cum mens intelligit
se ipsam, eius conceptio non est ipsa
mens, sed aliquid expressum a noti-
tia mentis: deò intelligit se sicut ani-
ma, vt dicitur tertio de anima. Et de
potentia. q. 9. art. 3. Nō differt aut vrū
intellectus intelligit se, vel aliud a
se: sicut enim, cū intelligit aliud, for-
mat conceptum illius rei, quæ voce
significatur, ita, cū intelligit se ip-
sum, format conceptum sui. Item An-
gelus cognoscendo se ipsum format
verbum (vt in solutione secundi ar-
gumenti principalis ostendimus ex
B. Tho.) at angelus se intuitiue cō-
gnoscat, eius enim cognitio ad eius
substantiam in se existentem termi-
natur: ergo per cognitionem intui-
tiuam producit verbum ex D. Tho-
mæ sententia.

Probabilis ergo est secundum D.
Th. doctrinam per quamcunq. cogni-
tionem, siue abstractiuam, siue intui-
tiuam, produci verbum.

Secundum vero sententiā Doctō-

ris, subtilis omnis notitia verè produ-
cta, & naturaliter genita est verbum:
vt ex dictis controu. 7. & 8. & art. præ-
cedenti satis constare potest.

AD ARGUMENTA in principio controuersie posita.

Ad primum dico, quod vbi res
sunt præsentæ animæ actu in
ratione obiecti, non opus est signis:
cæterum, cum non possint isto mo-
do præsentari animæ sine verbo per
intellectionem productam secundum
D. Thomæ opinionem, opus est si-
gnis, & verbo.

Ad secundum, concessio antee-
denti, nego consequentiam: quia ver-
bum mentale est simpliciter neces-
sarium ad intelligendum: & requi-
ritur ad actum intelligendi, tãquam
terminus intrinsecus eius: quem ad-
modum calor est simpliciter neces-
sarius ad calefaciendum, & requiri-
tur, tanquam intrinsecus calefactio-
nis terminus. Intellectus ergo sine
specie intelligibili esse potest, quan-
do obiectum per se ipsum vnitur in-
tellectui, sed non sic sine verbo. Hæc
solutio est secundum Dm Thomæ
mentem.

Respondeo iam secundum Scotū
negando consequentiam: quia, sicut
implicat angelum cognoscere se si-
ne cognitione: ita & sine verbo, quia
ipsa cognitio est ipsum verbum.

CONTROVERSI A

V N D E C I M A.

An verbum Dei producatnr de omnibus, quæ sunt in scientia patris, vel saltem eorum cognitio ad eius gignitionem præsupponatur.

1. ARGUM.



ARTEM affirmatiuum sic probor: quia verbum producitnr de substantia patris: sed cognitio omniũ cognoscibilem est de substantia patris: ergo de omniũ cognitione nascitur.

2. ARGUM.

Secundò. Verbũ producitnr præuia cognitione cõprehensiuã diuinæ essentia: sed nõ est cõprehensiuã, nisi cognoscatur omnia, quæ per ipsam representantur: ergo verbum nascitur præsupposita cognitione omnium cognoscibilem per essentiam: sed omnia sunt per diuinam essentiã cognoscibilia: ergo eorum cognitio præsupponitur cognitioni verbi.

3. ARGUM.

Tertiò. Verbũ diuinum ex vi suæ productionis non solum representat essentiam, sed etiam creaturas, ergo producitnr de creaturis, vel de earum cognitione. Patet consequentia: quia verbum non præsentat, nisi obiectum, de quo nascitur.

4. ARGUM.

Quartò. Si diuinã essentia esset omnia formaliter, verbum Dei produceretur de cognitione omniũ, vel saltem cognitio eorum eius generationi præsupponeretur: ergo, cum omnia virtualiter contineat, de omnibus nascitur verbum, vel omnium cognitio ad eius gignitionem præsupponitur.

5. ARGUM.

Quintò. Filius per suam generationem habet cognitionem creatu-

rarum: ergo pater prius origine illam habuit, quia omnia, quæ habet filius, habet a patre: ergo creaturaru cognitio generationi verbi supponitur.

6. ARGUM.

Sexto. Pater prius, quam filiũ producat, habet omnem perfectionem simpliciter: sed cognitio creaturaru in Deo est perfectio simpliciter: ergo illam præhabet pater ante genitũ filium. Et confirmatur ex Aug. 15. de Trinit. cap. 14. vbi affirmat, verbum produci de omnibus, quæ sunt in scientia patris: sed creaturæ sunt in scientia patris: ergo de ipsis producitnr verbum.

IN hac controversia sic procedam. *Ordo procedendi.* Primò inquiram, an verbum producatnr de cognitione essentia, & creaturarum. Secundò, an saltem cognitio essentia & creaturarum productioni verbi præsupponatur, vel verbum sit de creatura, tanquam de obiecto. Tertiò, an in proprietate constitutiuã verbi importetur respectus ad creaturas. Vltimò ad rationes principales.

ARTICVLVS PRIMVS.

An verbum producatnr de cognitione essentia diuina.



Quartum ad primũ articulum est opinio B. Th. 1. p. q. 34. art. 3. asserentis, verbũ produci de cognitione nõ solũ essentia, sed

sed etiam creaturarum: quia nascitur ex cognitione comprehensua essentię in qua & cognitio omnis intelligibilis includitur. Idem sentit Caietanus ibidem, & ceteri Thomistę.

EXPLANATIO opinionis B. Thomę.

Not pro
opin. D.
Thom.

PRO sententia ergo Beati Thomę obserua, quod cognitio in diuinis licet vnica sit secundum rem, distinguitur tamen in ordine ad creaturas in cognitionem, & notitię simplicis intelligentię, & in notitię visionis. Prima est, qua Deus cognoscit res simplices, vt ab existentia abstrahunt: cuiusmodi sunt rerum essentię, & quidditates ac omnes res possibiles. Secunda verò notitię, quę dicitur visionis, terminatur ad res pro vt in aliqua temporis differentia secundum suum esse reale, quod habet extra suas causas, coexistunt aternitati.

1. Concl.

Hoc posito sit pro sententia Diui Thomę, prima conclusio. Verbum diuinum produciuntur a patre ex cognitione simplicis intelligentię omnis intelligibilis. Probatur. Quia verbum diuinum produciuntur ex cognitione comprehensua diuinę essentię: sed cognitio comprehensua essentię diuinę extendit se ad omnia intelligibilia: ergo procedit in cognitione simplicis intelligentię saltem omnium intelligibilium. Minor cū consequentia satis est nota: maiorē probō: quia verbum diuinum nascitur ex cognitione perfectissima essentię diuinę, quę perfectissima esse nequit, nisi sit comprehensua.

2. Concl.

Secunda conclusio. Verbum diuinum ex vi suę productionis proce-

dit ex cognitione essentię & personarum & omnium creaturarū, quę eminenter continentur in Deo. Hęc conclusio probatur eadem ratione, quę pcedens manet probata: & vtraque habet pro se argumenta in principio controuersię posita.

Tertia conclusio. Verbum diuinum non nascitur de cognitione, & notitię visionis creaturarum. Probatur: quoniam productio verbi diuini est simpliciter necessaria, non tamē cognitio visionis creaturarum, prout ad ipsas creaturas terminatur: quia existentia creaturarū est a libera voluntate Dei: & sicut eas creauit eisq; tribuit esse existentię, potuit eas nō creare: ergo verbum diuinum cū sit ens simpliciter necessariū, & similiter eius productio, nō nascitur de cognitione creaturarum intuitiua, quia tunc non produceretur necessariū.

3. Concl.

Quarta conclusio. Sicut verbū nō produciuntur de cognitione intuitiua creaturarum, ita nec Spiritus sanctus de amore earūdem in esse realis existētię. Probatur: quia aliter vel Deus necessariō amaret creaturas, vel Spiritus sanctus non produceretur necessariū, quorum vtrūq; est falsum.

4. Concl.

Quinta conclusio. Quamuis verbum procedat de cognitione patris, in qua continentur vniuersę creatura producibiles, nullo tamen modo concedendum est, quod procedat a creaturis cognitis. Ratio est, quoniam Deus non sumit suam cognitionem & scientiam ab ipsis creaturis, sed a sola sua essentia. Veritas huius conclusionis magis patebit in explicatione tertię cōclusionis, quā statim pro opinione Scoti constituemus.

5. Concl.

Vltima conclusio. Aliqui Thomistę

Concl. 6.

ſtæ volunt, q̄ verbum divinum procedat ex cognitione eſſentiæ diuinę & perſonarum intuitiva, & per conſequens ex cognitione intuitiva ſu ipſius: cum hoc tamen (inquiunt) non eſt concedendum, quòd procedat a Spiritu ſancto, vel a ſeipſo. Hęc de opinione D. Thomæ.

EXPLANATIO

opinio D. &oris ſubtilis.

*Opinio
Scoti de
verbi pro
ductione
reſpectu
cognitionis
aut eſ
ſentiæ aut
creaturæ
vtrius.*

Sententia Scoti eſt omnino oppoſita: & non ſolum aſſerit, verbum non produci de cognitione creaturarum, verum aſſumat, non produci de cognitione eſſentiæ. Nam ſi de ea produceretur, vel tanquam de principio quo, vel tanquam per actionem, cuius terminus ſit ipſum verbū: ſed iā ſupra cōtrouerſis de verbo mentis, & de verbo diuino oſtendimus, neutro modo verbum diuinum produci ſecundum Scotum de cognitione eſſentiæ, aut creaturarum: ergo ſecundum Scotum, nec naſcitur de cognitione creaturarum, nec de cognitione diuinæ eſſentiæ: produci- turenim per memoriam ſecundam patris, ad quam nullus rei cognitio ſpectat, ſed intellectus, & diuina eſſentia in ratione obiecti in finitè intelligibilis, vt artic. 3. huius quaſtionis docebitur. Sicut enim in nobis intellectio actualis: quæ verbum eſt, gignitur ab intellectu, vt informato ſpecie intelligibili, & hoc immediate: ita verbum diuinum gignitur immediate ab intellectu, & eſſentia in ratione obiecti non intellecti: ſed intelligibilis. Nam ſicut, verbum noſtrum produci- tur immediate ab intellectu ſpecie intelligibili informato per actum dicendi, qui, vt ſic, præcedit natura actualem in-

tellectionem ſecundū aliquos Thomiſtas, quia producimus verbum, vt intelligamus: ita verbum diuinū produci- tur immediate a memoria ſecunda patris per actū dicendi cognitione aliqua non concurrente, licet cognitio eſſentiæ diuinæ præſupponatur. Nam ſicut ad productionem verbi noſtri non prærequiritur actualis intellectio obiecti, quia dictio ſupponitur cū ſuo termino intrinſeco ipſi intellectui, cum per verbum intelligamus: ita ad productionem verbi diuini non prærequiritur actualis intellectio, eſſi verum ſit, q̄ ex natura potentie intellecti- uæ omnino perfectæ præſupponitur ei. Et confirmatur quia, ſi intellectio ad verbi productionem concurreret, iam verbum per intelligentiam, & non per memoriam produceretur: quod eſt contra Auguſt. Hoc idem ſentit Ferra. 4. contra gentes c. 13. vbi ſic ait. Prius ſecundum noſtrum modum intelligendi actus diuini intellectus terminatur ad verbum tanquam eius productum, quam terminetur ad diuinā eſſentiam, & ad res intellectas, & ideo cum dicitur verbum diuinum de ſcientia patris originari, intelligendum eſt accipi- endo ſcientiam patris per modum actus primi, non autem per modum actus ſecundi. Inſuper tenet Sco. verbum nomen proprium eſſe filij: neq; hoc negamus cū in ſolut. ad 3. principale dicimus verbum appropriatè eſſe notitiam, & verbū omnis intelligibilis. Nam ſolum illud fate- mur quoad declarationem omnis intelligibilis, quæ per notitiam actualem, & ingentiam ſit: quæ eſt communis tribus perſonis. Ex his ſequitur, falſo tribui Scoto a Caietano, vbi ſupra S. Tho.

S. Tho. & a cæteris Thomistis, quod ipse asserat, verbum produci de cognitione essentia: quia hoc non potest stare cum doctrina eiusdem Scoti in locis citatis in controuersijs de verbo mentis. Hæc de 1. art.

ARTICVLVS II.

An cognitio essentia, & creaturarum productioni verbi præsupponatur.

DE secundo articulo est dissensio etiam inter D. Tho. & Sco. Nam D. Tho. vbi supra, tenet consequenter ad dicta in articulo præcedenti, cognitionem essentia, & omnium creaturarum ad verbi gignitionem præsupponi: quia vt ibidem ostendimus ex sententia B. Thom. verbum producitur per cognitionem essentia, & omnium intelligibilium. Idem tenet Caiet. ibidem, & omnes Thomistæ: quorū sententia argumētis in principio quæstionis adductis innuitur, nec maiori eget explicatione.

Sententia Doctoris subtilis, & omnium suorum discipulorum est, cognitionem quidem essentia diuinæ ad productionem verbi supponi (et si non in ratione principij quo, nec actionis productiua) non tamen cognitionem creaturarum: sed hanc potius subsequi nō solum gignitionem verbi, sed etiam Spiritus sancti processione. Ita tenet Scot. expressè in 2. d. 1. q. 1. & in quol. q. 14. & 8. & in 1. d. 18. & alibi sæpe.

EXPLANATIO opinionis Doctoris subtilis.

PRO intelligentia huius sententia obserua primò, aliud esse, aliquid præsupponi ad productionem alicu-

ius, aliud verò esse principium quo, vel quod eiusdem. Nam, licet fieri nequeat, quòd aliquid sit principium alicuius, & quòd ad eius productionem non præsupponatur, possibile tamen est, aliquid ad productionem alicuius præsupponi, & eius nec causam, nec principium esse: ad productionem enim creaturarum præsupponitur necessario trinitas personarum diuinarum, cum tamen Deus, vt trinus, non sit creaturarum causa, sed vñ vnus. Præterea amor essentialis diuinæ naturæ gignitioni verbi præsupponitur, quia omnia essentialia præsupponuntur notionalibus, cum tamen ad eius productionem nullius principij rationem habeat. Ita in proposito licet Scotus asserat, cognitionem diuinæ essentia præsupponi ad verbi productionem (quia, vti in præcedentibus docuimus, diuinus intellectus prius est operatiuus quàm productiuius: & sic intelligere præcedit ipsum dicere) tamen non asserit, cognitionem essentia esse principium verbi, vel actionem eius productiua: imò oppositum apertè fatetur.

Secundò obserua ex eodem Scot. quol. 14. artic. 2. littera Q, quòd motio omnino prima in entibus est motio naturalis. Ratio est satis aperta: quia omnis motio vel est naturalis, vel libera, non enim datur medium: sed prima motio non potest esse libera, quia omnis motio libera, quæ est motio voluntatis, præsupponit motionem intellectus: ergo prima motio in entibus est necessario naturalis.

Tertiò obserua, quòd sicut loqui possumus (licet improprie) accipiēdo motionem extensiuè, & similiter mobile, primum mobile motione

O 4 natu.

1. Nota
Pro opi-
nionē Sco-
ti.

2. Nota.

3. Nota.

naturali prima, est diuinus intellectus, quia aliud mobile prius assignari haud poterit: primum verò motuum motione naturali diuini intellectus est diuina essentia, quæ est eius primum obiectum, nec ab alio quam ab ipsa moueri potest, quia vilescebat.

4. Nota.

Quartò obserua, quòd diuina essentia potest mouere diuinum intellectum, cuius obiectum primum diximus esse, vel ad terminum simpliciter infinitum, vt ad cognitionem, & dilectionem sui, ad gignitionem verbi, & productionem Spiritus sancti, vel ad terminum finitum simpliciter, vel saltem ad terminum infinitum includentem finitum, vt ad creaturæ cognitionem, & productionem eius in esse cognito, de qua in controuersijs de ideis erit copiosus sermo. Sed cū ordo rationis, aut naturæ a terminati minimè repugnet, vt contro. 5. docuimus, in ipsa motione diuinæ essentia ad terminum simpliciter infinitum is ordo seruatur: nam primo diuina essentia mouet intellectum diuinum ad cognitionem sui actualē, & ingentam. Quòd intellectus primò moueatur a diuina essentia, patet, quia ipse (vt diximus) est primū mobile, ipsa verò essentia est primū motuum eius: ergo diuina essentia in ratione obiecti mouet primò diuinum intellectum: & cum prima operatio diuini intellectus sit intellectio, primò mouet eum ad intellectiōem, sed non mouet prius ad cognitionem alterius, quàm sui: ergo primò mouet diuinum intellectum ad cognitionem sui ingentam, & improductam, atque essentialē. Secundò mouet ad dilectionem sui infinitam, antequam moueat ad productionē

verbi, aut Spiritus sancti. Ratio huius est: quia quodlibet essentialē in diuinis præsupponitur naturaliter (vt docet subtilis Doctor, quæstio. 1. quodlibetica) cuiusque notionalis: dilectio autem essentia est essentialis, quia communis tribus: ergo ipsa præsupponitur cuiusque productioni diuinæ, quæ notionalis est. Secundò: quia ad perfectam beatitudinem Patris spectat non solum cognitio actualis essentia, sed eiusdem dilectio: ergo cū prius origine Pater sit beatus quàm filius sit genitus, aut Spiritus sanctus productus (vt supra docuimus) sequitur, quod dilectio essentia præsupponitur personarum diuinarum productioni. Sed videtur hoc contra Scot. loco supra citato quol. 14. vbi in 2. loco ponit verbi generationem, in 3. verò dilectionem eiusdem essentia diuinæ. Ac proinde videtur Scot. sibi ipsi contrarius, siquidem, q. 1. quolib. oppositum docet. Respondeo, quod Scot. q. 14. quol. assignat duas origines completas, vnā respectu termini infiniti, alteram respectu termini finiti, scilicet, creaturæ: & intendit ibi, quod totus ordo originis primæ præcedit totum ordinem originis secundæ. Sufficiebat ergo Scoto, habere, quod volitio essentialis, & Spiritus sanctus præcedebant notitiam creaturæ. Nec intendebat docere ordinem eorum, quæ ad primā originem completam personarum spectabant, sed solum, quod omnia ad originem personarum attinentia, præcedebant omnia, quæ sunt in secunda origine creaturarum, sic, quod tres personæ in esse cōpleto præsupponuntur cognitioni, & esse cognito creaturarum: nō vero intendebat docere ordinem inter productionē verbi, & dile-

*Soluitur
Scoti con-
tradictio*

dilectionē essentia: ac proinde standum est ordini, quem quæstione prima quodlibetica assignat.

Tertio mouet diuina essentia ad productionem notitiæ genitæ, quæ est verbum: quarto ad productionē Spiritus sancti.

s. Nota.

Quinto obserua, quod inter motionem diuinæ essentia: ad terminū infinitum, & motionem ad terminū finitum est hic ordo ex parte obiectorum dēsumptus, quod motio ad terminum infinitum præcedit naturali ordine motionem ad terminum finitum. Ratio huius est: quia infinitum simpliciter non potest præexistere finitum: ergo terminus infinitus simpliciter præcedit terminū finitum: ergo & motio ad terminum infinitum præcedit motionē ad terminum finitum. Ex quo sequitur, quod diuina essentia non mouet ad cognitionem creaturæ, & productionem eius in esse cognito, nisi completo toto ordine originis productionum personarum diuinarum: quia motio ad productionem cuiuslibet personæ diuinæ est ad terminum simpliciter infinitum: motio verò ad cognitionem creaturæ vel est ad terminū infinitum includentem finitum, vel ad terminum finitum.

Obiectio.

Sed contra. Cognitio creaturæ in Deo est infinita: ergo ratio assignata est nulla. Respondeo, quod illa cognitio in se est infinita, terminus verò, ad quem terminatur, scilicet, creatura est finitus: & hoc sufficit, vt dicatur motio ad terminū finitū, vel saltem ad terminum infinitum includentem finitum, ratione cuius subsequitur necessario motionem ad terminum simpliciter infinitum.

Obiectio.

Contra. Motio diuinæ essentia: ad

cognitionem simplicem omnis intelligibilis est naturalis: motio verò ad dilectionem eiusdem essentia:, & productionem Spiritus sancti est non naturalis: ergo illa præcedit istam: quia motio naturalis in eodem præcedit non naturalem.

Solutio.

Respondeo, quod motio naturalis præcedit non naturalem in ordine ad eundem terminum. Vnde motio diuinæ essentia: ad cognitionem sui præcedit motionē ad sui dilectionem & motio ad cognitionem verbi præcedit motionem ad productionē Spiritus sancti, motio verò ad cognitionem creaturæ est ad alium terminū, scilicet, finitum. Et ita, licet sit naturalis, subsequitur tamen illam non naturalem: quia illa est ad terminum simpliciter infinitum, & necessario priorem quocumq. finito.

Sed dices. Ergo si ratio assignata est bona, sequitur, quod motio diuinæ essentia: ad generationē verbi erit prior quam motio ad dilectionem essentia: quia illa est naturalis & ad terminum simpliciter infinitū, hæc vero non naturalis, licet ad terminum infinitum.

Obiectio.

Respondeo, quod argumentum concluderet, nisi aliud obstatet. videlicet, quod essentialia nullum includentia respectū ad creaturas præsupponuntur naturaliter notionalibus. Et ita motio diuinæ essentia: ad dilectionem sui, etsi sit non naturalis propter rationem dictam præsupponitur motioni ad cognitionem verbi, quæ est quid notionale.

Solutio.

Completo ergo toto processu originis respectu primi termini, scilicet infiniti, cum iam diuina essentia in tribus personis præexistit, mouet ipsa essentia intellectum diuinum in tribus

tribus existentē ad terminum secundum, vel essentiam creabilem, vt eā cognoscat, cuius cognitionis ordinem nos infra in materia de scientia Dei ostendemus. Considerat ergo noster Doctor subtilis, & optimē, in instanti

Cōparatio obiecti secundarij & obiecti primarij. æternitatis duo instantia naturæ. Comparando essentiam diuinam ad intellectum diuinum, & voluntatem in instantans naturæ, in quo completur totus ordo originis personarum diuinarum: in illo enim instanti mouet diuina essentia ad cognitionem & dilectionem sui, ad generationem verbi, & productionem Spiritus sancti. Nec implicat plura instantia originis esse in eodem naturæ instanti, imò hoc possibile esse controuersia 5. docuimus. Comparando verò obiecta secundaria, vt puta, creaturas ad diuinum intellectum, & voluntatem, quæ non sunt ex se obiecta, sed in esse obiecti producuntur ab intellectu Dei, est secundum instantans naturæ: in quo assignari potest ordo quidam originis: quia prius origine Pater intelligit lapideum, quàm filius: quia Pater intelligit a se, filius verò non a se, sed a Patre: & Spiritus sanctus, a Patre, & filio.

Nor. 6.

Sexto aduerte diligenter, quòd ipsi creaturis triplex esse assignari potest. Primum in sua causa, sicut rosa in hyeme habet esse in suis causis, estque in virtute illarum: & huiusmodi esse creaturæ non est esse formale eius, sed est esse suæ causæ, seu potentia eius. Hoc modo habent esse in Deo omnes creaturæ, quæ sunt in virtute & potentia Dei. Secundum esse est reale, & actuale proprium, quod creaturæ habent extra suas causas in vniuerso. Sed tertium esse, quod

huius secundo necessario præsupponitur, est esse obiectiuum, secundum quod sunt obiecta secundaria intellectus diuini, & primum esse quod habent formale distinctum a sua causa est hoc esse obiectiuum.

Septimò nota, quòd huiusmodi *Nor. 7.* esse obiectiuum, quòd habet creatura in Deo, non habet illud a se, & ex se, nec est prius cognitione, qua cognoscitur creatura a Deo. Primam partem huius notabilis sic probor: quia ex opposito sequitur primò, quod creaturæ secundum aliquod esse sibi proprium, ac formale a diuina essentia distinctum non sint a Deo. Secundò sequitur, quòd creatura secundum aliquod esse formale, & proprium sit ens simpliciter necessariū: quia quidquid habet esse a se, & ex se est necesse esse. Ex quo sequitur rursus, quod creatura habeat aliquod esse existentie, quia necessitas est conditio rei actu existentis: ergo si creatura, vt intulimus, habet esse simpliciter necessarium, illud est existens. Ex quo rursus inferitur, quòd creatura secundum aliquod esse existentie sibi proprium, non sit a Deo, quod est hereticum.

Secundam partem eiusdem notabilis, vt pote, quod illud esse obiectiuum non precedat cognitionē, qua a Deo creatura cognoscitur, sic ostendo: quia si eam præcederet, præcederet omnem actionem, ac per consequens huiusmodi esse esset impro ductum: ex quo inconuenientia supra illata necessariò inferuntur, vt intuenti patere poterit.

Secundò. Illud esse est utcumque productum: ergo per aliquam actionem: ergo non ante cognitionem, quia cognitio est prima actio in diuinis.

uinis. De hoc esse cognito vide in illa controuersia, qua quæritur, an Deus intelligat alia a se.

Tertiò. Quia si illud esse obiectiuum quoquo modo distinctum a diuina essentia præcederet cognitionem, esset in diuina essentia ex natura rei: consequens autem est falsum: ergo, &c. Probo sequelam maioris: quia quod præcedit actum intellectus est in rebus ex natura rei: falsitas vero consequentis ostenditur, quia tunc creatura haberet proprium, & formale esse ex natura rei in diuina essentia, & rursus esse creaturæ formale, esset formale esse Dei, quia tale esse esset idem cum diuina essentia: tãdem creatura esset ens a se, & necesse esse: quæ omnia sunt absurda.

Not. 3.

Ultimò. Cognitio diuina nõ præcigit creaturam in huiusmodi esse, vt ad ipsam terminetur: ergo non est ponendum, quòd tale esse præcedat cognitionem. Consequentia tenet: quia nulla alia causa assignari potest, propter quam debeat præcedere cognitionem. Antecedens probo: quia quod præsupponit aliud in aliquo esse, necessario pendet ab illo: diuina verò cognitio nullatenus potest dependere ab esse creaturæ: ergo, &c.

Sequitur ergo ex dictis, quòd esse obiectiuum lapidis non præcedit cognitionem diuinam, & quòd non est esse, a se, sed ab alio, & per consequens vtcunque productum, & non nisi per intellectiõnem, quia alia actio, per quam producatur inueniri non poterit. ergo per cognitionem producitur. Diuina ergo essentia, a qua, & non ab alio mouetur intellectus diuinus in secundo instanti naturæ, mouet eundem intellectum ad cognoscendum lapidem, per quam cogni-

tionem tribuit lapidi esse cognitum, quod est esse obiectiuum diminutum, & secundum quid, non quidem reale, sed rationis: quia vt expresse docet Scotus in primo, distinctione 36. creaturæ nullum esse reale proprium habuerunt ab æterno: quod nos in materia de ideis apertè docebimus. Vnde falsò Doctissimus quidam expositor primæ partis D. Thom. attribuit Doctori subtili, quòd ipse asseruit huiusmodi esse cognitum, nec esse ens rationis, nec ens reale, sed medium inter vtrunque, quia nunquam tale Scotus affirmavit, nec medium inter ens reale, & ens rationis vnquam constituit. Sed de his in controuersijs de ideis (vbi iste expositor errorem Vicleph falsissimè imponit Scoto viro vnde quaque Catholico, vbi etiam de hoc esse cognito ac diminuto iterum erit sermo) dicemus.

His ita constitutis, sit prima conclusio. Quamuis verbum diuinum produceretur per cognitionem (vt vult D. uis Thom.) neutiquam de cognitione creaturarum oriretur. Patet: quia sicut verbum procedit per actum intellectus, ita Spiritus sanctus per actum voluntatis: ergo si verbum procedit vt verbum omnis intelligibilis intellecti, similiter Spiritus sanctus procedit, vt amor omnis amabilis amati, sed hoc consequens est falsum: ergo, &c. Falsitatem consequentis ostendo multipliciter.

1. Concl.

Primò: quia ex eo sequitur, quòd Spiritus sanctus sit ex vi suæ productionis amor creaturæ, sicut essentia.

Secundò: quia sequitur, vel quòd Deus necessario amat creaturas, vel quòd Spiritus sanctus non necessario spiratur: quorum vtrunque est falsum.

Respon-

*Respon-
sio eiusdā
Thomi
sæ.*

Respondet nouissimus interpres primæ par. D. Thom. doctissimus tamen, non esse eandem rationem de processione verbi, atque de processione Spiritus sancti: quia non est (inquit) par ratio de cognitione creaturarum, atque de amore earundem, etiam secundum esse intelligibile. Nam Deus necessario cognoscit creaturas, & illarum cognitio est Deo cōnaturalis: at verò nō necessario amat creaturas, imò amor earum est liber in Deo: & Spiritus sanctus debet procedere per amorem necessariū, sicut verbum procedit per cognitionem necessariam. Cæterum ad perfectissimam Dei cognitionem, & comprehensiuam, creaturarum cognitio exposcitur: ad perfectissimum autem amorem diuinæ essentia non est necessarius amor alicuius creaturæ. Ratio est, quia scientia & cognitio respiciunt meram rei quidditatem, & posunt abstrahere ab existentia in actu exercito & ab ordine ad illam: amor verò respicit bonū in ordine ad existentiam. Hæc ille Doctor.

*Consultatio
respon-
sionis.
Creaturæ
dupli-
ci amore
diliguntur
a
Deo.*

Sed contra hanc solutionem sic insurgo. In primis, iste sapientissimus Doctor non aduertit, quod creaturæ possunt amari a Deo duplici amore, vt puta, amore cuiusdam complacentiæ, & amore efficaci. Hic posterior rerum existentias respicit: per illum namque Deus determinat efficaciter rem ad existendum in aliqua temporis differētia. At verò ille prior etiam res intelligibiles secundum earum quidditates, & essentias respicit: quibus esse cognitum ac possibile competit, secundum quod quodammodo sunt diuinæ bonitatis participatio: nam ab ea, & diuino intellectu tale esse cognitum ac possibile, quod

entis rationis limites non excedit, habent atque participant: in quo complacet sibi diuina voluntas necessario necessitate ineuitabilitatis. Nam sicut necessario habent illud esse cognitum, ratione cuius non repugnat eis actualiter existere, vt chimæ repugnat omnino: ita diuina voluntas necessario sibi complacet in eo, gaudetque, quod tali esse possibili fruatur in sua essentia, secundum quod non repugnat eis in actu existentia diuinam participare bonitatem. Lapidi namque in esse cognito non repugnat actu existere, quod tamē chimæ & entibus impossibilibus prorsus repugnat. Hanc doctrinam tradit Scotus in quodlibeticis quæstionibus, quæst. 16. in fine primi articuli. Ait enim sic. Sed de secunda necessitate (vt puta, ineuitabilitatis) potest dici, qd licet necessario voluntas diuina habeat adum complacentiæ respectu cuiuscunque intelligibilis, in quantum in illo ostenditur quædam participatio bonitatis propriæ, tamen non necessario vult quodcunque creatum uolitione efficaci, siue determinatiua illius ad existendum: imo sic vult creaturam contingenter fore, sicut contingenter eam causat. Quia si necessario hac secunda necessitate uellet eam fore, necessario etiam necessitate ineuitabilitatis eam causaret, saltem pro tunc pro quando uult eam fore. Hæc dicit subtilis Doctor ubi supra. Quamuis ergo Deus amore efficaci non diligit necessario creaturas cognititas, sed mere libere libertate contradictionis, quia sicut eas ad esse existentia perduxit, potuit eas non perducere: attamen amore complacentia diligit eas necessario quoad esse intelligibile earum: gaudet namque

namque necessario quòd tale esse in sua essentia habeant.

Ex his sequitur, quòd ob defectu necessitatis in amore, quo Deus amore complacentiæ diligit creaturas secundum esse earum: intelligibile, non potest negari, quòd Spiritus sanctus ex creaturarum amore procedat: cuius oppositum vult ille prædictus interpretes.

Secundò. Non bene intelligo, quo modo cognitio diuinæ essentia non cognitis seu præcis per intellectum creaturis non sit perfectissima, bene tamē amor diuinæ essentia sine creaturarum amore. Nam sicut creatura nihil bonitatis intensiue addunt diuinæ bonitati: ita nec aliquid entitatis & intelligibilitatis addunt intensiue diuinæ entitati & essentia: ergo, sicut amor essentia sine amore creaturarum est perfectissimus: ita cognitio essentia sine creaturarum cognitione erit perfectissima. Præterea. Diuina essentia est obiectum infinitum intensiue, etiam si creatura aliqua non esset possibilis: ergo cognitio ei adæquata intensiue erit infinita intensiue: quia cognitio & obiectum commensurari debent. Dices forsitan, quòd non poterit ei adæquare cognitio, nisi in ea cognoscantur creaturae.

Contra. Terminetur diuina cognitio ad esse diuinæ essentia solum, & non ad creaturas: illa cognitio tunc vel erit perfectissima, vel non. Si primum concesseris, mecum sentis. Si vero secundò dederis, ergo Deus quoad intellectum non perfectè beatificatur in cognitione suæ essentia absque creaturarum cognitione, quod est contra Aug. 5. Confessionum dicentem, Beatus est, qui te & illa nouit (scilicet creaturas) sed non beator propter illa.

la. Est ergo diuinæ essentia cognitio ad ipsam præcis terminata perfectissima, adeò, vt maior ac perfectior intensiue excogitari non possit, licet maior extensiue detur, vt puta, eadē cognitio essentia, prout ad creaturas etiam terminata. Ita tenet Scot. in 1. d. 3 §. q. vnica litera. R.

Tertiò. Nō bene sufferre possum, quòd admissò, quòd verbū diuinū ex cognitione essentia, seu per cognitionem essentia nascatur, nullatenus ex solius essentia cognitione nasci posset, quia illa esset imperfecta sine cognitione creatura: nā illa a Deo meo iudicio esset perfecta & infinita, vt ex ipsa sufficienter infinitum verbū nasci posset. Et patet: quia infinitum intelligibile intensiue cum intellectu infinito potest omnibus alijs obiectis per possibile, vel impossibile seclusis infinitam parere notitiam: sed diuina essentia etsi creatura esset impossibilis in quocunque esse, esset huiusmodi: ergo, &c. Præterea a multis Thomatizantibus conceditur, quòd verbum diuinum non nascitur ex cognitione sui & Spiritus sancti: si igitur sine horum cognitione illa cognitio perfectissima iudicatur, multo fortius & sine creaturarum cognitione. Præterea. Isti videntur defectum in diuina essentia constituere: siquidem eam absque creatura vt cognita ad verbi gignitionem impotentem prædicant. Præterea. Ipse ubi supra cognitionem diuinæ essentia sine cognitione uisionis creaturarum perfectissimam atque comprehensiuam iudicat, quia radicaliter illam continet: ergo pariter cognitio eiusdē essentia cognitione simplicis intelligentia creaturarum præcis erit infinita ac perfectissima, quia illam radi-

radicaliter cōtinet. Tandem. Ex minus impossibili non sequitur impossibile: sed minus impossibile est nō esse creaturam, etiam in esse intelligibili, quā non esse verbum: ergo sublata omni creatura in quocumq; esse per possibile, vel impossibile adhuc posset esse verbum diuinū in sua essentia: ergo, & sublata cognitione creaturæ, quia sublata creatura in esse intelligibili, tollitur & eius cognitio: ergo cognitio solius essentia in se esset sufficiens ad verbi generationem. Cognitio ergo creaturæ, & ipsa creatura secundum quodcumque esse sibi proprium subsequuntur personarum diuinarum productiones.

Secundō. Actus intellectus diuini prius terminatur ad verbum diuinum, quā creaturæ cognoscantur: ergo non producit ex cognitione creaturarum. Consequentia tenet: antecedens probatur: quia nostra cognitio prius terminatur ad verbum, quā ad res cognitās: ad hæc enim formatur verbum, ut in ipso res ipsas contemplerur, & certē si prius res ipsas cognosceremus, quā verbum produceretur, superfluum esset verbum: ergo ita in Deo. Hoc argumentum vim habet contra S. Thom. dicentem verbum produci per cognitionem, sed in doctrina Scoti facile diluitur.

Respon-
sio
ad Thom.
sc.

Sed respondet argumento quidam doctissimus interpret primæ partis D. Thom. quæst. 3. artic. ultimo, dicendo, quod si argumentum aliquid probaret, etiam probaret, quod verbum non procedit ex cognitione essentia diuinæ, quod tamen (inquit) non admittit Scotus. Vel Secundō (inquit) respondetur cum Ferrara. 4.

contra gentes cap. 13. concedendo, quod nostro modo intelligendi prius natura terminetur actus diuini intellectus ad verbum, quā quod creaturæ cognoscantur. Et quando D. Thom. inquit, quod verbum procedit ex cognitione creaturarum, sic est interpretandus, id est, eodem actu, quo se & omnia alia intelligit, producit verbum, in quo omnia cōtemplat. Vnde colligit: q. dicere est prius, quā intelligere.

Iam dixi, quod argumentum ex doctrina Scoti facile diluitur, negando antecedens: quia secundum Scotum actus intelligēdi in diuinis præcedit actum dicendi, per quem producit verbum. Et ita posset quis dicere, quod actus intelligēdi prius terminatur ad res cognitās, quā actus dicendi ad verbum: ceterum in via D. Thom. non ita facile dissoluitur.

Cōfuta-
tio respō-
sionis.

Vnde prima solutio huius sapientissimi interpretis, facile rejicitur dicendo, quod inconueniens illatum in via Scoti non habetur pro inconuenienti: apertē enim concedit Scotus, quod seipsum diuinum non procedit de cognitione essentia, licet ad eius productionem necessario ex natura intellectus præsupponatur huiusmodi cognitio.

Ad secundam solutionem dico; quod illa interpretatio non quadrat modo loquendi D. Thom. Nam illa præpositio, ex, in rigore, vel dicit habitudinem principij, vel actionis, vel saltem ordinis. Et ita cum dicitur, quod verbum producit ex cognitione creaturarum, sensus est, q. illa creaturarum cognitio, vel est principij quo, vel actio productiua eius, vel q. productioni verbi præsupponitur.

ergo

ergo interpretatio prædicta non quadrat sententiæ D. Thom. aut improprie loquitur.

Secundò. Asserere, quòd dicere, in diuinis præcedat ipsum intelligere (absolutè loquendo de dicere, & intelligere) est irrationabile, & plusquam falsum. Primò: quia tunc prius intelligeretur verbum productum, quam Pater intelligens: & ita non esset beatus, nisi post verbi productionem. Secundò: quia essentialia priora sunt notionalibus: ergo intelligere, quod est essentialè præcedit ipsum dicere, quod est notionalè. Tertiò: quia si ob aliquam causam dicere, præsupponeretur ad intelligere maxime, quia intellectio fit per verbum, vt accidit in nobis: sed Pater nò intelligit per verbum, quia non est sapiens sapientiâ genita secundum August. ergo dicere non præsupponitur ad intelligere.

Sed dices. Ad quid igitur producit verbum in diuinis? Respondeo, quòd cum verbum diuinum sit omnium finis vltimus, non est propter aliquem finem, producitur tamen ex plenitudine perfectionis intellectus secundi ipsius Dei. Ex quo sequitur, quòd non est frustra: quia illud dicitur esse frustra, quòd cum fit propter aliquem finem illum non assequitur: at verbum diuinum est finis vltimus omnium, vt diximus: ac proinde non est propter aliquem finem.

Vltimò. Si verbum procederet de cognitione creaturarum sequeretur, quòd creaturæ prius essent, saltem in esse cognito, quàm verbum in esse reale: sed consequens est omnino absurdum, vt conclusione sequenti demonstrabimus: ergo, &c.

Sequela maioris est euidens: quia tunc cognitio creaturarum præsupponeretur verbo: ergo & creatura in esse cognito.

Huic argumento respondet prædictus Doctissimus interpret negando sequelam maioris: quia verbum (inquit) produci ex cognitione creaturarum nihil aliud est, quam produci per actum intelligendi, quo intelliguntur creaturæ, vel quo Pater se, & omnia intelligit.

Sed re vera hæc expositio præfata locutionis nulla est. nec ei quadrare potest, vt paulò ante diximus. Præterea. Quia si verbum produci de cognitione creaturarum est produci per actum, quo Pater se, & omnia intelligit, ergo potest concedi hæc propositio. Verbum procedit de cognitione intuitiua creaturarum: quia eodem actu, quo Pater producit verbum intelligit omnia, quæ in aliqua temporis differentia coexistunt æternitati, cum vnicus sit actus cognoscendi in Deo, quod tamen implet interpret negatiua solutione ad tertium Scoti eodem artic. qua stio. 15. citata. Item. Si illa interpretatio esset bona, sequeretur, quòd hæc etiam in rigore concedi posset, Spiritus sanctus procedit ex amore creaturarum ad esse realis existentia earum terminato: quia eodem actu, quo producit Spiritus sanctus diliguntur creaturæ in opinione B. Thom. quod tamen ipse eodem loco negat: ergo illa expositio nulla est.

Tertiò principaliter arguitur. Si Deus intelligeret solam diuinam essentiam re vera produceret verbum: ergo verbum non producit de cognitione creaturarum, siquidem sola essen-

*Responsio
cutusda
Thomi-
sta.*

*Confutatio
responsionis.*

la eſſentia in ratione obiecti ad eius productionem ſufficit.

Solutio. Respondet prædictus interpres, q̄ verbum nō produceretur ex cognitione ſolius eſſentiæ, quia illa non eſſet perfectiſſima omnium, cum creaturæ in ipſa relucentes non cognoscerentur: at verbum producit ex cognitione omnium perfectiſſima.

Conſutatio. Hæc ſolutio mihi non placet: quia cognitio ſolius eſſentiæ diuinæ ſub abſoluta ratione abſque reſpectu ad creaturas eſt cognitio entis infiniti omnino, quod eſt pelagus infinitum eſſendi: ergo cognitio illi adæquata erit infinita omnino intenſiue: ergo ex illa produci poteſt perfectiſſimū verbum. Præterea. Cognitio ſolius eſſentiæ diuinæ in ſe, creaturarum cognitione præciſa, eſt, qua Deus beatificatur: ergo illa eſt perfectiſſima: ergo ex illa poſſet naſci verbum. Poſterior conſequentia eſt nota: prior probatur: quia cognitio beatifica Dei eſt perfectiſſima. Antecedens verò patet ex Aug. 5. Confelſionum dicente. Beatus eſt qui te & illa nouit (ſcilicet creaturas) ſed non beator propter illa. Sed ad hoc in materia de ideis ſe noſtra conuertet oratio.

2. Concl. Secunda conſuſio. Cognitio creaturarum non præſupponitur ad verbi productionem. Patet: quia motio diuinæ eſſentiæ, qua mouet diuinum intellectum, voluntatem ad terminum ſimpliciter infinitum prior eſt, quam motio eius ad terminum finitum: ſed motio ad gignitionem verbi eſt ad terminum infinitum, motio verò ad cognitionem creaturarū eſt ad terminum finitum: ergo illa eſt prior iſta: ergo prius producit verbum, quam creaturæ cognoscantur. Conſequentia tenet: maior verò & minor

patent ex notabili 4. & 5. *Secundò.* Prior natura eſt productio perſonarum diuinarum, quàm creaturarum cognitio, vt patet in fine notabilis quarti: ergo cognitio creaturarum ſubſequitur productionem verbi: ergo non præcedit eam.

3. Concl. Tertia conſuſio. Verbum diuinū non naſcitur de creaturis tanquam de obiectis. Ad probationem ſuppono, quòd verbum diuinum producit per memoriam ſecundam patris, quæ eſt intellectus cum obiecto in ratione entis intelligibilis, vt in controuerſijs de verbo mentis diximus. Vnde ſuppoſito, quòd verbum diuinum nō naſcitur de cognitione creaturarum, & quòd earum cognitio ad eius productionem non præſupponitur, & q̄ non producit per cognitionem eſſentiæ aut creaturarum, oſtenditur modo in hac conſuſione, quòd creatura non habet rationem obiecti in productione verbi, vt conſtet quòd creatura nullo modo verbi generationem præcedit, ſed eam ſubſequitur. Patet conſuſio. *Primò.* quia ex ſupra notatis creaturæ nullo modo habent eſſe proprium formale, niſi completa productione perſonarum diuinarum: ergo nullo modo naſcitur verbū de creaturis tanquam de obiectis. Patet conſequentia. quia ſi de ipſis, vt de obiectis naſceretur, iam creaturæ haberent eſſe formale ante productionem verbi, quod eſt oppoſitum antecedentis.

2. Ratio. *Secundò.* Diuina eſſentia in ratione obiecti intelligibilis, vt mouentis ad cognitionem ſui ſolius eſt ſufficiens ad productionem notitiæ infinitæ: ergo creatura in ratione obiecti ſuperfluit ad productionem verbi: ergo non concurrit ad eius productionem.

ationem. Ista consequentia de se patet: antecedens probatur: quia ipsa essentia in se considerata est perfectissimum intelligibile, quo nihil perfectius excogitari potest, ac per consequens est ens infinitum: ergo in ratione obiecti est sufficiens ad producendam infinitam notitiam simul cum intellectui infinito. Patet consequentia: quia ad productionem notitiæ infinitæ sufficit, & requiritur intellectus infinitus cum obiecto infinito. Antecedens probatur: quia diuina essentia nihil est perfectius. Confirmatur argumentum. Diuina essentia, & creatura non sunt perfectius obiectum, quam sola diuina essentia: ergo sola diuina essentia est sufficiens obiectum ad productionem verbi diuini. Consequentia tenet: antecedens probatur. Deus & creatura in esse existentia, non sunt quid perfectius, quam solus Deus, licet sint plura entia perfecta quodlibet in sua ratione: ergo Deus, & creatura non sunt perfectius obiectum, quam solus Deus. Confirmatur vltcrius. Sola diuina essentia, sine creatura est sufficiens obiectum ad productionem amoris infiniti, scilicet, Spiritus sancti, qui est amor infinitus: quia Spiritus sanctus non producit ex amore creaturarum: ergo sola essentia in ratione obiecti absque creatura erit sufficiens principium, atque perfectum ad producendum notitiam infinitam. Patet consequentia a paritate rationis. Et profecto non bene sonat, imò aures abhorrent audire, quod creatura, vtcunque concepta ad productionem verbi diuini concurrerit, cum in quocunque esse proprio considerata sit verbo longe imperfectior. Et sanè, creatura

gloriarì possent, quòd ad generationem sui conditoris vtcunque concurrissent, si oppositum nostra sententia, & conclusionis esset verum. Vnde subtilis Doctor in 1. distinctio. 18. sic ait. Quidquid est intrinsecum in diuinis, siue absolutum, siue relatiuum in quocunque esse, siue reali, siue intelligibili abstrahitur ab omni respectu ad creaturam, & est prius quocunque esse creatura: ita, quod si per possibile, vel impossibile nihil aliud a Deo posset esse, aliquod esse, nihilominus esset in Deo, quidquid sibi competit ad intra secundum quodcunque esse essentiale, vel personale: quia prius intelligitur tota Trinitas in esse personali secundum quodcunque esse, quam creatura intelligatur secundum aliquod esse: quia quodcunque esse attribuitur creatura, siue reale, siue diminutum, illud est a tota Trinitate. Et ideo creatura secundum quodcunque esse eius, necessario est posterior omni esse ad intra. Hæc Scotus.

Sed inconueniens, quod hic intulimus, non possunt euitare Thomistæ, asserentes verbum nasci ex cognitione creaturarum: nam si ex earum cognitione nascitur, ergo creature, vt obiecta ad eius cognitionem concurrunt. Sed nouissimas ille, & alias doctissimus expositor D. Tho. 1. part. qua. 11. 34. artic. 3. quaestio. 1. conclusionem sextam, respondet, quod quamuis concedi oporteat, verbum & creaturarum cognitione nasci, non tamen concedi debet, quod de creaturis cognitis oriatur. Ratio (inquit) est, quia Deus non sumit suam cognitionem a rebus ipsis, sed a sua essentia.

Sed contra. Verbum diuinum dicitur

P nasci

Responsio
vniuersali
Thomistæ
112.

Impugnatio
id. 1. 5. re-
sponsio.

nasci de essentia, tanquam de obiecto, quia diuina essentia est vere obiectum cognitionis, perquam verbum producit, secundum Sanctum Thomam: sed creatura vere est obiectum eiusdem cognitionis, licet secundarium: ergo si ex creaturarum cognitione nascitur, concedi debet, quod de ipsis, tanquam de obiectis oriatur. Nec obstat quod creaturae non moueant diuinum intellectum, quia verbum non videtur nasci praecise de diuina essentia, vt obiecto: quia mouet intellectum diuinum, sed quia cognoscitur ab eo, in sententia Diui Thomae persistendo, asserentis verbum per cognitionem produci: nam si per impossibile non moueret diuinum intellectum, sed solum terminaret cognitionem diuinam, adhuc ex ea, vt de obiecto, nasceretur diuinum verbum.

3. Ratio.

Tertio. Ens simpliciter, & omnino independens, ac necesse esse prius est saltem natura ente diminuto, & secundum quid: sed verbum diuinum est huiusmodi, creatura vero ens secundum quid, quia solum est esse cognitum: ergo verbum diuinum est prius saltem natura, quam creatura in suo primo esse formali: ergo non procedit ab eo, vt obiecto.

4. Ratio.

Quarto. Intellectus diuinus vilesceret, si moueretur a lapide ad intelligendum: ergo similiter persona diuina vilesceret, si de lapide, vt de obiecto gigneretur: ergo non produceretur de creatura, tanquam de obiecto.

5. Ratio.

Quinto. Si verbum produceretur de creatura, vt obiecto, produceretur etiam de seipso, & de Spiritu sancto consequens autem est falsum: ergo, & illud, ex quo sequitur. Falsitas consequentis ostenditur: quia tunc verbum

vt genitum, diceret relationem realem ad Spiritum sanctum: quia genitum dicit relationem realem ad id, de quo gignitur, si est distinctum realiter ab eo: vt patet in creatura, vbi genitum dicit relationem realem non solum ad principium quod, sed etiam ad principium quod, scilicet, ad formam generantis: ergo si verbum nascitur de Spiritu sancto, vt obiecto dicit, relationem geniti, realem ad illum cum re ipsa, ab eo distinguatur.

6. Ratio.

Sexto. Nulla persona diuina dicit, nec potest dicere, quantum est ex parte sua, relationem realem ad creaturam: ergo verbum non potest gigni de creatura, vt obiecto. Patet consequentia: quia geniti ad id, de quo gignitur, est realis relatio, si ab eo est re ipsa distinctum: sed verbum distinguitur realiter a lapide, vt obiecto: ergo si de eo gignitur, dicit realem relationem ad illum.

Dices forsitan, quod cum lapis in esse obiectiuo non sit ens reale, sed diminutum & rationis, relatio verbi ad lapidem non potest esse realis, quia relatio realis necessario est ad terminum realem. Bene quidem respondes: sed saltem sequitur, quod huiusmodi relationem non esse realem, non provenit ex parte verbi, sed ex parte termini: & per consequens verbo diuino ex natura sua non repugnat dicere realem relationem ad creaturam, quod est omnino falsum.

Sed dubitabis, an hoc esse obiectiuum, & cognitum creaturae sit idem cum Deo, siquidem non distinguitur realiter ab eo. Respondeo, quod nec est idem, nec distinctum re ipsa a Deo, sed non idem cum Deo. Quod non sit idem manifeste liquet. Quod vero non sit distinctum realiter, patet:

Obiectio.

Solutio.

ret: quia distinctio realis non est, nisi inter extrema realia, creatura verò in esse obiectiuo non est ens reale. Et se ergo huiusmodi creaturæ est non idè cum Deo, sicut priuatio est nò idè cum materia, & nò ens cum ente.

4. Concl.

Quarta conclusio. Cognitio intuitiua diuinarum personarum ad proprias earum subsistentias terminata non præsupponitur ad verbi productionem, nec ex earum cognitione intuitiua nascitur, imò nec ex cognitione essentia procedit. Prima huius conclusionis pars in hunc modum ostenditur. Personæ diuinæ in seipsis non præsupponuntur verbi productioni: ergo nec cognitio earum intuitiua ad eas in seipsis existentibus terminata. Antecedens est euidentius. Primo: quia tunc verbum diuinum sibi ipsi præsupponeretur, existeretque ante sui productionem, vel saltem absque repugnantia posset ut existens suæ productioni præintelligi, quod implicat: impossibile enim est productum suæ productioni præintelligi. Secundo probatur idem antecedens: quia Spiritus sanctus necessario sequitur verbi productionem: ergo non potest eiusdem verbi productioni præsupponi. Iam consequentia argumenti probatur, quia ex opposito consequentis inferitur oppositum antecedentis. Nam si cognitio intuitiua ad personas in seipsis terminata præsupponitur verbi productioni, ergo & personæ ipsæ in se, & secundum proprias subsistentias præsupponuntur eidem productioni, sine quibus huiusmodi cognitio intuitiua consistere nequit. Et confirmatur: quia terminus cognitionis intuitiua est natura prior ipsa cognitione, quia ab eo & a potentia pari-

tur: ergo si cognitio personarum intuitiua ad proprias earum subsistentias in se ipsis terminata ad verbi productionem supponitur, multo fortius, & personæ in se ipsis: & ita verbum, & Spiritus sanctus sibi, & suis productionibus supponuntur: quod omnino implicat.

Secunda pars conclusionis patet ex his, quæ nunc diximus. Nam si verbum diuinum ex cognitione personarum intuitiua ad propriam earum subsistentiam terminata nasceretur, iam verbum diuinum & Spiritus sanctus eiusdem verbi productioni præsupponerentur, quod nunc ostendimus esse falsum. Præterea: quia verbum diuinum, cum ex superioribus non per actum intelligendi, sed per actum dicendi ab eo formaliter ex natura rei distinctum producatur, nullatenus per cognitionem, aut ex cognitione alicuius procedit, sed immediate nascitur a memoria secunda patris, ad quam nulla cognitio pertinet, nec obiectum, ut cognitum, ut supra diximus, sed essentia diuina in ratione obiecti intelligibilis. Nā sicut in nobis verbum mentale immediate nascitur ab intellectu per speciem intelligibilem in actu primo constituto: ita in diuinis verbum nascitur ab intellectu, & essentia in ratione obiecti intelligibilis immediate: et sic cum hoc verum sit, quod cognitio infinita diuinæ essentia supponitur ad verbi diuini productionem: essentialia namque præsupponuntur notionalibus, & in perfecto producente omnis eius intrinseca perfectio supponitur actioni, qua suam alteri naturam communicat.

Ex his inferitur, Scotum nullatenus debere concedere, quod verbum ex cognitione essentia comprehensua

Consequenter.

P. nasc.

nascatur, cum ipse affirmet cū Aug. ex sola memoria fecunda patris nasci, ad quam nec cognitio nec essentia, vt cognita, vt modo diximus, spectat. Vnde decipitur nouissimus primæ D. Th. partis interpres, alioquin doctissimus, cum ait, qđ Scotus, velit, nolit, tenetur fateri verbum diuinū ex huiusmodi cognitione comprehensū oriri. Et probatur amplius. Nā vel debet nasci ex ea tāquam ex principio quo, vel tanquam ex actione eius productiua: sed neutro modo, vt in controuersis de verbo ostēdimus: ergo nullo modo ex cognitione nascitur, & procedit. Decipitur etiā cum ait, certū esse secundū omnes Theologos, quod verbum nascitur ex cognitione cōprehensua essentia, si illa præpositio, ex, rationem principij vel actionis inuoluat, cum oēs Scoti discipuli cū eo oppositum teneant, imo et cū Aug. qui verbum vbiq. docet non per intelligentiā, sed immediatē per memoriam produci. Ex quibus tertia cōclusionis pars, vt puta, verbum ex cognitione essētiæ nō nasci, satis cōstat.

Obiectio.

Sed obijcit ille nouissimus ac sapientissimus primæ partis D. Thom. interpres contra dicta in hunc modum. Verbum diuinum non procedit ex cognitione intuitiua sui: ergo nec Spiritus sanctus procedit ex perfecto amore sui: sed consequens est contra fidem: ergo antecedens est falsum. Nec obstat, inquit, quod verbum ex cognitione sui procedat: quia non inde sequitur, quod sit prius secundū rationem cognoscere verbum, quam producere: quia non intelligitur cognitio perfecta, donec intelligatur verbum productū. Et ideo satis est, qđ sint simul cognitio & productio verbi: ita quod ille actus simul, & semel

intelligatur terminari ad verbum: vnde ille actus, inquit, in quantum productio terminatur ad eē productā, & in quātum cognitio ad rem cognitā.

Respondeo concedendo antecē. *Solutio.* dēns & consequentiam: sed nego id esse contra fidem. Nam rogo, contra quem articulum, vel contra quā scripturā, & concilium, vel ecclesiā traditionem? Catholicē certē sentiret, qui ex solius essentia diuinæ amore procedere arbitraretur: ipsa namq. sola, seclusis etiam relationibus, in ratione obiecti est sufficiens principium cum voluntate ad infinitum amorem producendum. Nec a fide erraret, imò nec ab opinione probabili discederet, qui Spiritum sanctum non ex amore aliquo produci affirmaret: quia cum amor actualis, quo pater & filius suā essentiam diligūt, sit actio immanens ac vltimus actus potentiaē voluitaē, per ipsum nihil producit, sicut nec per actum intelligendi, vt supra in controuersijs de verbo ostēdimus. Sicut igitur verbum diuinum non producit per actum intelligendi, sed per actum dicendi, tanquam per actionem, & a memoria fecunda patris, vt a principio quo: ita Spiritus sanctus non producit per actum amandi, sed per actum spirandi tanquam per actionem, & per voluntatem fecundam tanquam per principium quo, ad quam, vt obiectum solum spectat obiectum primum, vt puta, diuina essentia, non in ratione obiecti amati, sed amabilis: sicut diximus de verbo, quod & docet subtilissimus Doctor in primo, distinctione vndecima, quaestione prima.

Ex his collige primo, in diuina voluntate esse duos actus subordinatos

*Cōclusio
ri notā
da.*

ut puta, amare & spirare. Primus est operatiuus: secundus verò producti-
uus. Et sicut actus intelligendi, & di-
cendi sunt immediatè a memoria se-
cunda patris, ita quod neuter respec-
tu alterius rationem principij ha-
bet, licet alter alteri ex natura poten-
tiæ intellectiue præsupponatur: ita
amare, & spirare sunt immediatè a
voluntate fecunda patris, & filij. Et
licet amare, seu diligere præsuppona-
tur ad spirare, sicut intelligere ad di-
cere, attamen respectu actus spiran-
di, nec rationem causæ, nec principij
habet. Et sicut verbum est immediatè
a memoria fecunda, ad quam nec
intellectio, nec obiectum, ut intelle-
ctum, sed ut intelligibile pertinet: ita
Spiritus sanctus, qui est amor produ-
ctus per actum spirandi est immē-
diatè a voluntate fecunda, ut princi-
pio quo, ad quam nec actualis dile-
ctio, nec diuina essētia, ut amata, sed
ut amabilis infinitè spectat.

Sequitur secūdò, quòd sicut pro-
babilissimè defenditur verbum non
produci per actum intelligendi, nec
ex cognitione aliqua, tanquam prin-
cipio quo, vel actione productiua:
ita similiter probabilissimè defendit-
ur, quod Spiritus sanctus non produci-
tur per actum amandi, nec ex aliquo
amore, sed a voluntate fecunda pa-
tris, & filij: est namque Spiritus san-
ctus amor productus immediatè a
voluntate fecunda patris, & filij, ut
principio quo, sicut verbū a memo-
ria patris. Ex his patet assumptum il-
lius interpretis supra dicti, scilicet, quod
sit cōtra fidem asserere Spiritum san-
ctum nō procedere ex amore actua-
li sui perfectio, esse omnino falsum.

Ad illud, quod deinde obijcit, ut
puta, non ob stare, quòd verbum ex

sui cognitione procedat, quia nō in-
de, &c. dico, quòd est prorsus in in-
telligibile, quòd idem ex cognitio-
ne sui intuitiua nascatur: quia secun-
dum naturæ ordinem, & nostrū con-
cipiendi modum, terminus cogni-
tionis intuitiue supponitur eidem
cognitioni: ergo implicat, quòd ex
ea, & per eam suum suscipiat esse.

ARTICVLVS III.

*An in proprietate constitutiua verbi
includatur respectus ad creaturā?*

Circa hunc articulum duplex po-
test esse dubitatio. Altera, an in
re ita sit, quod respectus ad creaturas in-
cludatur in tali verbi proprietate.

Secunda, an talis relatio significa-
tur per hoc nomen verbum. Vtram-
que difficultatem tangit acutè satis,
& absoluit Scotus in quolibetis, q. 8.
artic. 3.

Prima difficultas.

Ad primā difficultatem respon- *Concl.*
det conclusio vnica: quæ ta-
lis est. Nullus respectus ad creaturā
potest per se includi in proprietate
constitutiua verbi. Patet primò: 1. *Ratio.*
quia persona diuini verbi constituta
per suam proprietatem est ens reale
ut cōstituta per eam: ergo talis pro-
prietas constitutiua verbi est ens rea-
le: ergo nullum ens rationis per se
includitur in ea, & per consequens
neque respectus ad creaturam: quia
omnis relatio Dei, vel alicuius exis-
tentis in Deo formaliter ad creatu-
ram, est ens rationis: Dei enim ad
creaturam non potest esse realis rela-
tio, ut subtiliter docet Scotus i primo

dist. 30. Prima consequentia probatur. Quia si constitutum non est ens reale, nec constitutum per ipsum ut sic, erit ens reale: ergo si persona verbi, ut constituta per suam proprietatem, est ens reale, sicut res se habet, ipsa proprietate constitutiva eius erit ens reale.

Secunda consequentia ostenditur: quia nullum ens reale per se includit ens rationis: quia tunc ens reale intrinsece dependeret ab ente rationis, vel saltem ens reale non posset esse sine ente rationis. Quod contradictione involuit: quia si est ens reale potest esse secluso actu rationis: quia hæc est natura entis realis: si vero includit ens rationis per se, non potest esse sine actu rationis: ergo non habebit esse sine actu rationis, & habebit esse absque actu rationis, quæ secum pugnant.

2 Ratio

Secundo. Quidquid per se includitur in diuina persona est necesse esse, & incausatum: sed respectus Dei ad creaturam siue in esse reali, siue in cognito non est necesse esse, & incausatus: ergo respectus ad creaturam non includitur per se in persona verbi: ergo nec in constitutio eius. Maior est nota: minor patet. Terminus huiusmodi respectus, scilicet, creatura secundum quodcunque esse consideratus, siue reale, siue cognitum non est incausatus, sed causatus: ergo similiter respectus ad ipsum: quia non est excellentioris naturæ, quam eius terminus. Vide Scot. in 3. distinct. 3. 2. littera C.

Argu-
itur.

Sed contra hanc rationem arguitur. Quia si probatio minoris est vera, sequitur quod respectus Dei, ut intelligentis ad creaturam intellectam & respectus Dei, ut creatiui ad crea-

turam creabilem non sit necessarius a se: sed consequens est falsum: ergo, &c. Falsitas consequentis ostenditur: quia tunc Deus non esset necessario intelligens creaturam, nec causatius creaturæ: quia Deus nihil est formaliter, & necessario, nisi illud sit necessarium a se.

Respondeo, quod licet respectus Dei intelligentis ad creaturam intellectam, & respectus creatiui ad creaturam creabilem non sint a se necessarii, & incausati, sunt enim entia rationis: est tamen Deus necessario intelligens creaturam, & necessario creatius creaturæ (licet non necessario creator in actu) quia actus intelligenti diuinus ex perfectione sua necessario terminatur ad omne intelligibile, & ex perfectione suæ potentie Deus est creatius, id est, potens creare: & ideo conuenit Deo utrumque necessario. Nam licet Deo non possit competere formaliter, & necessario aliquid reale, nisi illud sit necessarium a se, id est, omnino incausatum, attamen potest competere necessario ipsi Deo cognoscere, vel posse aliquid (licet illud non sit incausatum) propter perfectionem suæ cognitionis, & suæ potentie. Deus ergo non potest esse formaliter, & necessario aliquid causatum, siue illud sit ens reale, siue rationis: potest tamen esse formaliter, & necessario intelligens aliquid creatum & creatius eiusdem, quia hoc non dicit imperfectionem, imò arguit perfectionem actus intelligenti, & ipsius potentie Dei.

Tertio. Quicunque respectus Dei ad creaturas habet pro fundamento proximo aliquid commune tribus: (non quidem sic proximo, quod ex natura fundamenti oriatur relatio:

quia

Respon-

3. Ratio.

quia tunc esset relatio realis : sed sic proximo, quod illud sit proxima ratio comparandi per actum diuini intellectus personas diuinas ad creaturas, ergo non potest huiusmodi respectus esse proprius vni persone: quia quando fundamentum proximū est commune tribus, respectus non potest esse proprius vni: ergo nullus respectus ad creaturam includitur in proprietate constitutiva alicuius persone: quia quidquid includitur sic, est proprium illi persone, in cuius proprietate includitur.

4 Ratio.

Quarto. Respectus verbi ad creaturam per ipsum declaratam non est proprius verbi: ergo non includitur in proprietate constitutiva verbi. Consequentia tenet: antecedens probatur: quia si esset sibi proprius, maxime, quia creatura habet esse in memoria paterna, de qua verbum nascitur, sed hoc est falsum: ergo, &c. Probo minorem. Primo: quia nulla creatura habet esse in memoria, prout memoria est: quia quod habet esse in memoria saltem Dei patris habet esse ex natura rei proprium ante intellectiōem, creatura verò (ut diximus) nullum esse habet proprium, nisi per intellectiōem. Secundo: quia si creatura esset in memoria patris, esset ratio mouendi intellectum in finem ad exprimendum verbum quatenus esset verbum ipsius creaturæ, & ita visceret intellectus ille infinitus, quia moueretur ab ente finito. Vide Scotum in tertio dist. 3. 2. litera. D.

Secunda difficultas.

AD secundam difficultatem respondet Scotus duplici conclu-

sione. Prima. Si nomine verbi importaretur primò respectus realis ad patrem dicentem, & respectus ac creaturam dictam, non significaret aliquid per se vnum. Patet. Respectus realis, & respectus rationis non faciunt per se vnum: ergo nomen significans vtrumque non importat conceptum per se vnum.

1. Concl.

Secunda conclusio. Nomen, verbum, primò, & per se ac formaliter importat respectum ad patrem dicentem, connotat tamen ad creaturam respectum declarantis ad declaratum. Sicut ergo idem significant filius, & filatio, licet secundum alium significandi modum, quia quod dicit filius in concreto importat filiationem in abstracto, sic idem significat verbum & eius abstractum (quod si licet fingere, est verbatio) licet diuerso modo. Verbatio autem a verbari originem ducit, quod idem est ac dici, & intellectualiter exprimi, unde verbum importat rem intellectualiter expressam connotando relationem ad id, quod dicitur & declaratur per verbum, quia connotat notitiā perfectam, quæ habet respectum rationis ad omnia per eam cognita. Igitur quo ad significatum huius vocis, verbum, est hic ordo. Primo, & formaliter importatur respectus originis ad dicentem, scilicet, expressio intellectualis passiva, sed importatur modo concreto. Secundo connotatur notitia essentialis, quasi terminus formalis comunicatus per istam expressionem, quæ notitia est communis tribus: appropriatur tamen verbo propter modum suæ processionis. Tertiò, per hoc, quod huiusmodi notitia essentialis habet respectum ad omnia intelligibilia importatur nomine

2. Concl.

Verbi huiusmodi respectus ad omnia obiecta cognita.

Obiectio. Sed contra: quia Augustin. lib. 83. quæstionum, quæst. 83. exponens illud Ioannis, In principio erat verbum ait, quod Græcè, logos dicitur, Latine verbum, & rationem significat. Hoc nomen verbum melius interpretatur, ut significetur non solum ad patrem respectus, sed etiam ad illa, quæ per verbum facta sunt operativa potentia. Hæc August. In quibus verbis videtur velle quod nomine verbi importetur respectus ad creaturam: ergo. &c.

Solutio.

Respondeo, causam, ob quam inquit Augustinus meliorem esse translationem huius vocis, logos, in verbum, quam in rationem esse, quia hoc nomen ratio nec respectu originis proprium secundæ personæ: nec illi consequentem appropriatum, qui est ad creaturas ita importat, sicut hoc nomen verbum. Cum verò ait idem August. Ut significetur ad patrem respectus, hoc debet intelligi de eo, quod primo & principaliter significatur: & cum dicit, Sed etiam ad illa, quæ facta sunt, ibi significare debet sumi pro connotare. Significat ergo primo hoc nomen verbum relationem originis ad patrem dicentem, & exprimentem verbum, sed connotat, & significat respectum ad creaturas.

AD ARGUMENTA in principio controversiæ posita.

Ad primum.

AD primum dico, quod verbum producit de substantia patris in ratione obiecti intelligibilis, ut præintelligitur actuali intellectui,

ac proinde actualis cognitio ad substantiam patris, prout est principium verbi, non pertinet.

Ad secundum distinguo maiorem. Essentia enim divina potest considerari bifariam. Primo, quatenus movet divinum intellectum ad cognitionem sui quidditativam & absolutam præscindentem ab omni respectu ad creaturas. Secundò potest considerari non solum modo prædicto, sed etiam prout movet ad cognitionem secundarij obiecti, scilicet creaturæ. Nunc dico, quod verbum divinum nascitur prævia cognitione comprehensiva divine essentiæ primo modo consideratæ: & illa est infinita ac perfectissima: quia per eam intellectus divinus beatificatur: sed non nascitur prævia cognitione comprehensiva essentiæ, ut moventis non solum ad sui cognitionem, sed etiam creaturæ: quia, ut supra ostendimus creaturæ non cognoscuntur, nisi præsupposito & completo toto processu productionis divinarum personarum, cum iam divina essentia in tribus personis existit. Vel dicendum, quod illa cognitio est comprehensiva: quia radicaliter & virtualiter cognitionem omnium intelligibilium continet. Hæc responsio innuitur in sententia Thomistarum asserentium, verbum non nasci ex cognitione intuitiva creaturarum. Et cum eis obijcitur, quod tunc illa cognitio non erit comprehensiva, cum non cognoscat essentia secundum omnem modum, quo cognosci potest, respondent illam cognitionem radicaliter continere intuitivam creaturarum cognitionem, ac proinde esse comprehensivam.

Sed contra. Divina essentia est ex-

Ad secundum.

Obiectum

ra: ergo impossibile est, quòd intellectus diuinus videat essentiam diuinam, quin etiam res in ea relucentes prospiciat.

Solutio.

Respondeo, quòd essentia diuina secundum rationem essentie, vt prior omnibus alijs saltem relationibus, & creaturis, est obiectum adequatum & primum diuini intellectus: sed, vt sic, non est exemplar creaturarum, nisi virtualiter, non autem formaliter: ita quòd non continet creaturas intelligibiliter actu, & distinctè, sed tantum supereminenter, & quasi virtualiter: sed postea in ratione obiecti cogniti per intellectum ipsam continet eas actu & distinctè.

Ad secundum.

Ad tertium dico, quòd verbum diuinum, vt colligi potest ex Doctore subtili in primo, distinctione trigesima secunda, in simili de Spiritu sancto ex vi suæ productionis non representat nisi obiectum, de quo nascitur: & cum de sola essentia Patris tanquam de obiecto producat, illà solam ex vi suæ originis representat. Creaturas verò representat appropriatè: quia propter modum suæ originis appropriatur ei notitia actualis per quam cognoscitur omne intelligibile, & ratione cuius Deus, vt intelligens, dicit respectum ad omne intelligibile.

Obiectio.

Sed obijcies. Si verum est, quòd verbum diuinum solum representat ex vi suæ originis obiectum, de quo nascitur: ergo ex vi suæ originis non representat tres personas, cum non nascatur de ipsis, ex dictis supra.

Solutio.

Respondeo, quòd sicut Spiritus sanctus ex Doctore subtili, vbi supra, primò est amor solius essentie, vt obiecti, concomitanter verò personarum diuinarum, hoc idèò, quia per-

sonæ diuinæ sunt ex natura rei in natura diuina primò amata: sic verbum diuinum primò est verbum essentie, vt obiecti, eamque primò representat: concomitanter verò est verbum personarum diuinarum: quia ex natura rei sunt huiusmodi personæ in natura diuina, de qua verbum primò nascitur, licet verbum & Spiritus sanctus productioni eiusdem verbi non præexistent. Et sicut Spiritus sanctus est appropriate amor omnium amabilis: similiter verbum est appropriate notitia, & verbum omnis intelligibilis. Ex quo inferitur, quòd ille nouissimus expositor Diui Thomæ loco supracitato decipitur, cum asseueranter & non opinatiue in hæc verba prorupit. Atque ita verissimum est, quòd filius ex vi suæ naturæ representat, & est naturalissima imago patris, & omnium producibilium, & eorum, quæ in essentia patris continentur. Nam cum de creaturis, tanquam de obiectis non nascatur, non representat eas ex vi suæ productionis & naturæ: solum enim ex vi suæ naturæ & productionis representat obiectum, de quo nascitur, quod est Dei Patris natura atque essentia. Sicut in humanis verbum solum representat ex vi suæ naturæ obiectum, de quo producit: verbum enim lapidis solum representat lapidem, & non equum, quia de lapide, & non de equo producit. Et sanè, si ex vi suæ naturæ creaturas representaret, essetque earum naturale exemplar, ac formalis similitudo, ex ipsis tanquam de obiectis nasceretur: nā sicut in humanis filius solum est imago Patris, de cuius substantia nascitur, & verbum imago naturalis obiecti, de quo producit: ita verbum diuinum

solum

Decipitur ille Thomista in dialogo do asseruit.

solum est imago & similitudo naturalis obiecti, de quo nascitur, quod est diuina essentia, & non creatura. Præterea. Verbum ex Augustino multis in locis sue doctrine, quos in controuersijs de verbo mentis retulimus, nascitur de memoria secunda patris, & de ijs, quæ in ipsa sunt secundum suum proprium esse: sed creatura non habet aliquod esse proprium in memoria secunda patris: ergo non nascitur de eis, & per consequens non est naturalis ac formalis earum similitudo, nec eas ex vi sue productionis primaria representat. Probo minorem: quia in memoria secunda patris solum sunt ea, quæ ex natura rei habent proprium esse ante omnem intellectationem: creatura vero ante actum intelligendi diuinum nullum esse proprium ac formale habent, sed solum eminenter, & quasi virtualiter in diuina essentia continentur: ergo. Præterea. Creatura solum sunt eminenter in diuina essentia, de qua verbum producit: ergo verbum non est naturalis, & formalis earum similitudo, sed eminentissima ac perfectissima. Et certe intelligi non potest, quomodo verbum diuinum sit formalis, & naturalissima imago lapidis, cum lapis nullum esse proprium habeat in memoria patris, de qua verbum nascitur. Tandem, & quasi redit in idem, Diuina essentia non est similitudo formalis, & naturalis creaturae, sed eminentissima: ergo nec verbum, quod nascitur de diuina essentia, tanquam de obiecto, est naturalis, & formalis similitudo creaturae, sed eminentissima. Verum est tamen, quod verbum representat omnia per actualem notitiam

essentialem, sibi a Patre communicatam: quod magis sibi ex modo sup processione, quam alijs personis competit.

Ad quartum transeat antecedens, & nego consequentiam: quia cum creatura solum virtualiter, & eminenter, & non formaliter in Deo contineantur, non pertinent ad memoriam secundam patris, per quā verbum producit, licet ad eā spectet essentia diuinā, quæ est virtualiter & eminenter omnia: Sed hoc non sufficit ad hoc, vt verbum dicatur formaliter nasci de ipsis, vt de obiectis: quia non habent rationem obiecti, nisi post personarum productionem, vt supra diximus.

Ad quinti solutionem prænotare oportet, quod vt colligi potest ex Doctore subtili in quolibet. quæstio. prima, littera F. & in secundo, distin. prima, quæst. prima, in solutione ad tertium, perfectiones diuinæ, cuiusmodi sunt omnia essentialia, sunt in duplici differentia. Alia, quæ nullum respectum dicunt ad extra, scilicet, ad creaturas: cuiusmodi sunt essentia, intellectus, voluntas, &c. Alia vero, quæ respectum ad creaturas important, vt cognitio, volitio, &c. Quæ ad huc bifariam sumi possent. Primum prout solum terminantur ad essentiam diuinam. Secundum, prout terminantur etiam ad creaturas: & vt sic dicunt respectum ad creaturas. His positis respondeo, quod filius per generationem suam habet perfectiones primi generis, & etiam perfectiones secundi generis primo modo consideratas: sed tamen non habet huiusmodi perfectiones, prout terminantur ad creaturas, nisi completa productione Spiritus sancti.

Imò

Imò nec pater habet eas, prout terminatas actu ad creaturas ante productionem Spiritus sancti: quia vt supra diximus, non intelligitur diuina essentia mouere ad creaturarum cognitionem, nisi productione diuinarum personarum completa, cum iam diuina essentia in tribus esse intelligitur. Sed cum hoc pater dicitur habere a se huiusmodi perfectiones, quia a se habet essentiam: & intellectum, per quæ cognoscuntur. Filius vero & Spiritus sanctus dicuntur illas habere ab alio, quia intellectum & essentiam habent ab alio. Et ita pater prius origine quàm filius intelligit creaturas: quia pater, quòd intelligat eas, habet a se: filius verò non a se, sed a patre: & Spiritus sanctus a pa-

tre & filio, qui suum intellectum & substantiam ei communicant.

Ad sextum patet per idem. Sed ad confirmationem dico, quòd Augustinus per scientiam patris intelligit memoriam secundam, quæ est scientia habitualis patris, ad quam creatura non pertinet. Quia in memoria patris, prout principium est verbi, solum habent esse ea quæ ex natura rei secundum suum proprium esse præcedunt actum cognitionis: quia memoria, vt sic, solum dicit intellectum cum obiecto, quæ actum intelligendi præcedunt: creatura verò secundum suum proprium esse, siue reale, siue cognitum actum intelligendi subsequuntur necessario. Hæc de hac controuersia.

Ad sextum.



CONTROVERSI A

D V O D E C I M A.

Verum pater genuerit filium voluntate.

1. Argu.



ARS affirmatiua probatur: quia ex Philoſopho, 5. Meta. text. comm. 6. omne inuoluntarium eſt triſte: ſed in diuinis nihil triſte inueniri poteſt: ergo nec inuoluntarium: ergo filius voluntariè a patre gignitur: quia inter voluntarium, & inuoluntarium non videtur eſſe medium.

2. Argu.

Secundò. Apoſtolus ad Coloffenſes primo ait. Tranſtulit nos in regnum filij dilectionis ſuæ: ſed dilectio ad voluntatem pertinet: ergo filius Dei voluntate genitus eſt.

3. Argu.

Tertiò. Deus pater priuſquam gignat, vult genitum & generationem: ergo voluntate generat filium. Conſequentia eſt nota: antecedens probatur: quia priuſquam generet diligit omnia, quæ cognouit tanquam bona: ergo cum generationem verbi præcognouerit priuſquam in eſſe poneretur, eam dilexit & voluit.

4. Argu.

Quartò. Si pater non genuiſſet filium ſibi æqualem, eſſet inuidus: ſed inuidia pertinet ad voluntatem, quia eſt reſpectu illorum, quæ voluntate ſubtrahuntur, & voluntate communicari poſſunt: ergo voluntate genuit filium ſibi æqualem. Conſequentia patet cum minori: probatur maior ex Auguſtino lib. 3. contra Maximinum, cap. 10. Vbi probat Deum patrem genuiſſe filium ſibi æqualem

hac ratione. Pater ſi non genuit ſibi æqualem filium, aut hoc eſt quia nō potuit, aut quia non voluit. Si nō potuit, ergo impotens eſt: ſi verò potuit & non voluit, ergo fuit inuidus.

IN hac cōtroversia plura ſunt examinanda, quæ ad exactam eius diſcuſſionem pernecceſſaria ſunt.

Primò diſcutiendum eſt, an detur indiuiduum deitatis, & quæ actiones ei conuenire poſſunt.

Secundò, an eſſentialia ſint immediata eſſentiæ ipſis notionalibus: ſiue, an eſſentialia ſint priora notionalibus.

Tertiò, an in patre intelligere præcedat ipſum dicere.

Quartò, an pater genuerit filium voluntate, vt principio, vel ſaltem ipſum genuerit volens.

Vltimò, ad rationes principales.

A R T I C V L V S I.

An detur indiuiduum deitatis, & quæ actiones ei conuenire poſſint.



IRCA primum articulum 1. Argu. videtur, quòd non detur indiuiduum deitatis, ſed quòd hic Deus de materiali primo importat tres diuinas perſonas, & non hunc Deum ſingularè. Primò: quia actiones ſunt ſuppoſitorum ſecundum Ariſtotelē in præmio ſuæ Metaphy-

Ordo procedendi.

taphysicæ: sed hic Deus in concreto habet multas actiones, quæ sibi immediate conueniunt, vt creare, gubernare, iustificare & similia: ergo hic Deus primò significat suppositum: non de formali, ergo de materiali: sed præter tres personas non est in diuinis aliud suppositum: ergo primò importat tres personas diuinas, vel aliquam illarum.

2. argü. Secundo. Si daretur hic Deus præ intellectus personis diuinis, sequeretur, quod in diuinis essent quatuor per se existentes, vt puta, tres personæ diuinæ, & hic Deus: sed consequens est hæreticum, quia tunc esset quaternitas in diuinis: ergo non datur hic Deus per se existens personis præintellectus.

3. argü. Tertio. Ideo auctores contrariæ opinionis asserunt ly, Deus, significare de formali vnū quo, id est, vnā deitatem, de materiali verò vnū quod, id est, hunc Deum, quia vnicuique quo, correspondet suum quod: sed ex hoc colligi non potest: ergo eorum opinio est falsa, vel saltem falsò innuitur fundamento, ac per consequens non est tenenda, siquidē propter præfatam rationem illam defendunt. Probo minorem, quia & hic homo de formali importat vnū quo, scilicet, hanc humanitatem: cæterū de materiali primo importat hoc suppositum, & non hunc hominem supposito præintellectum: ergo pariter hic Deus, etsi de formali importet deitatem, de materiali primò importabit suppositum, & non hunc Deum suppositis præintellectum. Et confirmatur: quia si tres personæ diuinæ, non quatenus sunt vnus Deus, sed quatenus inter se differunt, affluerent eandem naturam humanam

singularem, essent vnus homo, sicut ratione vnius diuinæ essentia sunt vnus Deus: & tamen hic homo quauis de formali significaret vnū quo, id est, vnā humanitatem, de materiali tamē significaret primo tres personas, & non aliquid vnum singulare tribus personis commune: ergo a simili ly, Deus, primò de formali importabit deitatem, & de materiali primò importabit tres personas, & non hunc Deum per se existentem & communem.

Quartò. Hic spirator, quamuis de 4. argü. formali significet vnum quo, scilicet, vim spiratiuam, de materiali tamen primò significat personas patris, & filij, & non aliquid singulare communicabile: ergo quamuis hic Deus de formali significet vnum quo, id est, vnā deitatem, de materiali tamen primò significabit tres personas.

Circa istam quæstionem est duplex opposita opinio. Prima est Doctoris subtilis in primo, dist. 4. q. 1. & 2. asserentis, dari indiuiduum deitatis, id est, hunc Deum per se existentem communem tribus personis, ipsisque identificatum, ita quod hic Deus significat de formali hanc deitatem, de materiali verò primò significat hunc Deum singularem, licet de materiali, quasi secundariò, & mediate importet tres personas. Scotum sequuntur Caietanus pri. par. q. 24. art. 4. & 5. & noui quidā interpretes Beati Thomæ, alter super 1. par. D. Thomæ, alter verò super tertiam, eisdem locis, in quibus Caiet. nunc citatus, qui affirmat eandem sententiam tenuisse B. Thomam.

Opposita sententia est Durandi in primo, dist. 4. q. 2. & Capreoli, q. 1. & Bartholomæi Torres in tractatu de

1. Opin.

2. Opin.
nio Durandi.

de Trinit. q. 39. art. 4. in 2. par. Commentarij. Hi omnes affirmant de materiali primò importare hoc nomen, Deus, tres perſonas diuinas, & non hunc Deum ſingularem. Torres & Capreolus arbitrantur in eadē ſententia fuiſſe B. Thom. Idem ſentiunt nonnulli in ſchola Salmanticēſi, qui in publicis diſputationibus id ipſum defendunt : ſed ego arbitror Scotum & B. Thomā in hac re haudquaquam diſſerre, ſed idem omnino ſentire. Hæc ſecunda ſententia innititur argumentis ſupra factis.

Circa hanc quæſtionem, vt certa ab incertis ſecernamus, obſeruare oportet in hac re Doctores ſcholasticos partim conuenire, partim verò diſſerre. Conueniunt in hoc, quòd deitas & Deus ſunt concretum & abſtractum, ita quòd deitas eſt quo, ſeu forma, qua aliquid eſt Deus, Deus verò eſt id, quod habet deitatem: & ita vt habens deitatē ſignificatur per hoc nomen Deus. Conueniunt præterea in hoc, quòd ſicut hæc deitas eſt ſingularis abſoluta & communicabilis: ita & hic Deus habet hæc omnia. Eſt enim ſingularis: quia non eſt, niſi vnus numero Deus, eſt etiam abſolutus, & communicabilis. Abſolutus quidem, vt ait Auguſtinus: quia ad ſe ſubſiſtit, & nō in ordine ad aliud: communicabilis vero, quia de tribus perſonis dicitur, & ipſis communicitur.

Differunt tamen Doctores ſcholastici: quia quidam dicunt, quod hic Deus eſt ſingularis abſolutus, non includens in ſuo conceptu perſonas: & communicabilis non ſolum ratione deitatis, quam de formali ſignificat nomen, ſed etiam ratione materialis, quod primo de materiali ſigni-

ficat: quia Deus de materiali primò importat ſecundum hanc opinionē deitatem, vt per ſe ſubſiſtentem abſolutam, & communem tribus. Hoc melius percipies, ſi animaduertas, quod in humanis habens naturam & ſuppoſitum a parte rei ſe ſe habet, quòd ſunt omnino idem, ita quòd habens naturam eſt ſuppoſitum. Vnde id, quod primò ſignificatur de materiali per hoc nomen hic homo eſt ſuppoſitum habens naturam, vt Petrus, & Paulus. In diuinis (aiunt iſti Doctores) id, quod primò ſignificatur de materiali per hoc nomē, hic Deus non eſt ſuppoſitum, vt Pater, Filius & Spiritus ſanctus: ſed eſt quid per ſe exiſtens habensque deitatem, quòd eſt hic Deus tribus perſonis communis, de quo aliqua prædicata efferuntur & primò deinde verò & mediate de tribus perſonis: & ita ly. hic Deus, nō importat primo de materiali tres perſonas, ſed hunc Deum per ſe exiſtentem.

Alij verò aſſerunt, quòd hic Deus eſt ſingularis abſolutus, & communicabilis, ſed hoc habet (vt aiunt ipſi) ſolum ratione deitatis, quæ eſt formale ſignificatum, quia nō habet aliud materiale præter perſonas, quas primò de materiali importat.

Ad intelligentiam huius dubitationis, circa quam idem ſentiunt D. *Nota* Thom. & Scotus vt infra docebimus contra aliquos Beati Thomæ diſcipulos, obſerua primo ex eodem Scoto in primo, d. 4. q. 1. & 2. quòd vniciuique quo correfpondet ſuum quod, *vniciuique quo correfpondet ſuum quod* vel quòd idem eſt, vniciuique entitati formali & abſtractæ correfpondet ſuum concretum proprium & adequatum, vt humanitati homo, equitati equus, entitati ens. Eſt entitas

tas formalis est communis & vniuersalis, similiter & eius concretum: si verò est singularis, eius concretum erit singulare, sicut huic humanitati correspondet hic homo, & humanitati in communi homo in communi.

2. Nota.

Secundo obserua, qd nomen concretum in genere substantiæ vnum importat de formalis, scilicet, formam, qua primo & adæquate est tale: alterum verò de materiali, vt puta, id, qd primo est tale per formam, quod est habens formam. Exempli causa: homo de formali dicit humanitatē, quia homo est homo primò, & adæquate: de materiali verò dicit, seu cōcernit suppositum, seu habens humanitatem, sicut album de formali dicit albedinem, de materiali verò corpus. Sed est differentia: quia concretum substantiæ dicit formam concernendo suppositum, cuius est forma, & natura, qua quidditatiue est ens & adæquate: album verò & cetera accidentium concreta, in ordine ad substantiam concernunt eam, non tanquam suppositum formæ significatæ, sed tanquam subiectum.

3. Nota.
In substantiis creatis duo reperiuntur.

Tertiò obserua, in substantiis creatis ista duo reperiiri, naturam, scilicet, & habens naturam. Habens autem naturam est naturæ indiuiduū, seu quod idem est suppositum & hypostasiz naturæ, quæ duo in rebus creatis solo nomine differunt: nam indiuiduum naturæ est suppositum naturæ, & è conuerso, sicut indiuiduum naturæ humanæ est Petrus, vel Paulus, qui sunt supposita, & hypostasiz eiusdem naturæ. In diuinis verò ista tria reperiuntur secundum Scoti sententiam, vt puta, natura diuina, seu deitas, habens deitatem, & hypostasiz naturæ. Vnde licet hic terminus,

homo, non possit supponere pro aliquo habere humanitatem, nisi sit hypostasiz, vt Petrus aut Paulus: quia non potest intelligi aliquid actu existens per se habens humanitatem, nisi sit Petrus vel Paulus, aut aliquod suppositum humanum: in diuinis tamen reperitur præter naturam, & hypostasiz, indiuiduum naturæ diuinæ per se existens, tribus diuinis personis præintellectis, idem tamen cum eis, quod est hic Deus. Vnde secundum Scoti sententiam ly, Deus, habet duo materialia habentia diuinam naturam, vt puta, hunc Deum per se existentem, & tres diuinas personas. Vnde Deus de materiali importat priuò hunc Deum, secundariò verò, & mediate tres personas diuinas, cum quibus identificatur: Doctores verò cōtrariæ sententiæ asserunt ly, Deus, de materiali immediatè dicere tres diuinas personas. In hoc ergo altitudo mysterij Trinitatis cōsistit, qd datur hic Deus per se subsistens, ac singularis, qui omnino indiuisus & absque sui partitione est Pater, Filius & Spiritus sanctus.

Quartò obserua, quod Deus primo & adæquate deitate est Deus. & sicut deitas est de se hæc & singularis: ita Deus, qui deitate est Deus, est de se hic, & singularis, quia singulari quo, necessariò respondet singulare quod, in cuius conceptu non includitur incommunicabilitas nec ratio personæ. Ratio est, quia Deus deitate est Deus adæquate: ergo sicut in deitate vt deitas est, nō includitur incommunicabilitas, nec ratio personæ completa: quia deitas de se est communicabilis vt quo: ita necin conceptu huius Dei prout hæc deitate est Deus, includitur incommunicabili-

4. Nota.
Deus adæquate deitate est Deus.

tas, & ratio personarum, sed est quid communicabile, ut quod. Sed aduerte, quod communicabile, ut quo, est id, quod alteri potest ut forma communicari, sicut albedo corpori. Communicabile, ut quod, illud est, quod alteri communicatur, de quo in recto dicitur, dicendo, hoc est, hoc sic communicatur vniuersale suis inferioribus: quia de ipsis in recto effertur, sicut homo dicitur de Petro, & Paulo, quia Petrus est homo, & Paulus est homo. Sic communicatur hic Deus tribus personis diuinis: de ipsis enim predicatur in recto, quia Pater est Deus, filius est Deus, Spiritus sanctus est Deus, licet in ipsis minimè diuidatur, nec contrahatur.

1. *Concl.* His ita constitutis sit prima conclusio. In diuinis datur indiuiduum deitatis, seu hic Deus per se subsistens non includens in suo conceptu personalitates relatiuas. Itaque ly, Deus, de materiali primò importat hunc Deum per se existentem, deinde verò personas. Conclusio est Scoti ubi supra, in corpore questionis, & in solutione ad secundum argumentum. Vbi sic ait. D-ctum est, quod cuiuslibet vnica naturæ, supple, singulari adæquate correspondet vnum singulare: quod singulare, vel est incommunicabile, sicut in creaturis, vel communicabile, sicut in Deo: natura autem diuina vnica est omnino implurificabilis, & innumerabilis: ergo ei adæquate correspondet vnum singulare, quod exprimitur nomine Dei, quod naturali intelligentia intelligitur ante quamcumque proprietatem personalem. Hæc Scotus.

1. *Ratio.* Sed probatur conclusio. Primò: quia vnicuique quo, seu entitati formali singulari correspondet suum

quod, seu materiale proprium primum & adæquatum ac singulare: sed deitas est vnum quo, & singulare: ergo correspondet sibi vnum quod, adæquatum proprium, primum & singulare: sed tale non est, nisi hic Deus: quia ipse est primò, & adæquate ens deitate, & est vnum singulare: ergo datur in diuinis hic Deus singularis diuinis personis praeintellectus.

Huc argumento respondent alii qui dicentes adæquatum quod, deitatis esse tres personas.

Sed contrà: quia cuiuslibet vnice naturæ ac singulari correspondet necessario vnicum primum quod, singulare: sed deitas est simpliciter vnica natura singularis: ergo necessariò sibi correspondere debet vnicum quod, singulare: sed tres personæ non sunt vnicum quod, sed plura quod: ergo tres personæ non respondent primò tanquam quod, ipsi deitati, sed hic Deus, qui adæquate est Deus deitate. Et confirmatur: quia cum diuina natura sit entitas formalis maximè vna, necessum est, ut ei correspondeat vnum primum quod, maximè vnum: sed tres personæ non sunt vnum quod, sed tria: ergo primum & adæquatum quod, deitatis non est tres personæ, sed hic Deus per se existens.

Tertiò. Deus de materiali non dicit primò vnā personam solam determinatè, ut Patrem vel Filium: quia tunc hæc propositio esset falsū, Deus est Trinitas: siquidem nulla vna persona est Trinitas, nec dicit tres personas simul, seu Trinitatem: quia tunc hæc propositio esset falsa, Pater est Deus: quia Pater non est Trinitas, nec dicit personam in singulari: quia tunc hæc esset falsa. Trinitas est Deus, vel Deus est Trinitas: quia nec Trinitas est

est vnica persona, nec vnica persona est Trinitas: nec dicit personas in communi: quia tunc hæc esset falsa, Pater est Deus: quia pater non est persona, sed persona: ergo de materiali non dicit primò personam, nec personas, sed aliquid commune tribus personis, de quo verè dicitur quod sit pater, & quod sit Trinitas, quod etiam de singulis prædicatur diuissim, & coniunctum: quia pater est Deus, & Spiritus sanctus est Deus, & pater, filius, & Spiritus sanctus sunt vnus Deus.

4. Ratio. Quartò. Deus est simpliciter & absolute vnum: ergo significat vnū simpliciter de formali, & vnum simpliciter de materiali: ergo nō significat primò de materiali personas, quæ sunt plures, sed aliquid vnum deitati adæquate correspondens, quod nō est, nisi hic Deus per se subsistens.

5. Ratio. Quintò. Essentia diuina nō habet a personis quod existat, imò tota existentia prouenit ab essentia diuina tanquam a radice, ipsa enim est pelagus infinitum essendi: ergo essentia non habet a persona, quæ per se existat, quia existere, & per se existere in Deo idem sunt: ergo prius intelligimus diuinam essentiam per se existentem, quam intelligamus eam in aliqua persona: at verò non intelligimus quod diuinæ naturæ in abstracto conueniat per se existere, sed huic Deo in concreto: ergo hic Deus in concreto per se existens præinteligitur personis.

6. Ratio. Sextò. Hæc propositio est immediata, Hic Deus creat, hæc vero mediata, Persona creat: nā persona idè creat, quia hic Deus creat: ergo Deus de materiali nō importat primò personam. Patet consequentia: quia

tūc idem esset dicere, persona creat, quia hic Deus creat, ac si diceremus, persona creat, quia persona creat. Et confirmatur argumentum: quia hæc est vera, Deus generat, quia persona patris, quæ est Deus, primò generat: ergo cum hæc causalis sit vera, persona creat: quia hic Deus creat, sequitur, quòd hic Deus, vt præintellectus personis, primò creat: ergo datur in diuinis hic Deus per se existens. Vltima ac posterior consequentia probatur: quia actio non potest alicui tanquam principio quod, seu tanquam agenti quod, primò conuenire, nisi sit singulare existens: quia actiones vel sunt necessariò suppositorum, vel saltem singularium per se existentium: ergo cum actio creandi & gubernandi primò, & immediatè conueniat huic Deo, & ratione eius personis, ac per consequens immediatè, necessariò infertur, quòd datur in diuinis hic Deus per se existens, cui huiusmodi actiones conueniant. His rationibus fuleitur hæc Scoti conclusio, quæ vt diximus, etiā est Diui Thomæ. Quod ita verum esse sic ostendo. D. Thom. 1. par. q. 39. art. 4. ait, quòd hoc nomen Deus, aliquando supponit pro vna sola persona, vt in hac, Deus generat: aliquando pro duabus tantū, vt in hac, Deus spirat: aliquando pro tribus simul, vt in hac, Soli Deo honor & gloria: aliquando verò pro essentia, vt in hac, Deus creat. Ex quo sic argumètor. In hac vltima propositione ly, Deus, supponit pro essentia, vt a personis est distincta secūdū D. Thom. sed nō supponit pro essentia in abstracto: quia actiones non dicuntur de abstractis, præsertim si fuerint vltimatè abstractæ, vt est essentia: ergo suppo-

nit pro concreto deitatis, vt a personis quoquo modo distincto: ergo secundum sanctum Thomam in diuinis datur hic Deus per se existens. Præterea tertia parte, quæst. 3. artic. 3. dicit, quod si per intellectum separarem a deitate personalitates, adhuc possemus intelligere deitatem posse assumere naturam humanam: at verò deitas, vt deitas in abstracto non assumeret, sed vt Deus in concreto: ergo ablatis per intellectum personitatibus adhuc intelligitur, & est Deus in concreto secundum sanctum Thomam, & ex cōsequentia, Deus, de materiali non importat primo personam, sed hunc Deum per se existētem. Et quod sanctus Thomas non fuerit in contraria sententia satis argumento esse debet, quod Scotus non vocauit eum in litem, & contentionem, sicut semper facere solet, cum ab eo dissentit.

a. Concl. Secunda conclusio. Hic Deus per se subsistens est tribus personis realiter communicabilis. Probatur. Essentia diuina vna, & singularis est tribus personis communicabilis: ergo similiter hic Deus, qui est eius proprium & adæquatum quod. Antecedens est notum: cōsequentia probatur: quia vnicuique quo, singulari, & communicabili correspondet proprium quod, singulare communicabile: sed diuina essentia, quæ est proprium quo, huius Dei, est communis tribus per realem existentiam: ergo similiter hic Deus erit communis tribus personis, siquidem est eius proprium quod. Consequentia est nota cum minori, maior verò probatur: quia ipsum quod, vt præcise habet esse per suum quo, nihil aliud includit, ratione cuius sit incommunica-

bilis: ergo cum deitas de se sit communicabilis, similiter hic Deus, prout præcise deitate est Deus. Et probatur. Deitas vt sic non includit incommunicabilitatem: ergo nec Deus, vt præcise deitate est Deus. Et patet a simili: nam, quia humanitas non est incommunicabilis, imò communis pluribus cum sui diuisione, ideo homo, qui est eius adæquatum quod, & concretum, est simili modo communicabilis pluribus: & sicut natura humana in communi nō includit incommunicabilitatem, ita nec homo, vt præcise humanitate est homo includit incommunicabilitatem: ergo nec hic Deus, vt præcise deitate est Deus, includit incommunicabilitatem. Sicut igitur deitas ex se est cōmunis tribus per realem existentiam sine sui diuisione: ita & hic Deus.

Tertia conclusio. Huic Deo per se existenti cōueniunt primò actiones toti Trinitati communes, vt intelligere, velle, creare, gubernare &c. Probatur: quia istæ sunt veræ, Persona creat, Persona intelligit, Persona gubernat, quia Deus creat, Deus intelligit, Deus gubernat: ergo primò conueniunt huic Deo huiusmodi actiones communes. Præterea: quia, vt in solutione argumentorum dicemus, actiones non sunt tantum suppositorum, sed etiam singularium per se existentium: ergo cū hic Deus sit singulare per se existens, ei poterunt actiones aliquæ conouire: sed non alæ, nisi communes, quia notionales ei primò competere nequeunt, vt conclusione sequenti dicemus: igitur, &c.

Quarta conclusio. Nec actio generandi, & spirandi, nec passionis eis corre-

correspondentes, vt generari & spirari possunt primò conuenire huic Deo. Conclusio est Scoti in primo, distinctione quinta, quæst. pri. Ratio huius conclusionis est: quia generans re ipsa distinguitur a genito, & genitum a generante: hic autem Deus a nullo distinguitur re ipsa in diuinis, sed identificatur cum tribus personis diuinis, & cum omnibus quæ in Deo sunt: ergo non potest primo generare, nec generari. Sed nihilominus istæ sunt simpliciter concedendæ & in toto rigore. Deus generat Deum. Deus generatur & spiratur: quia ly, Deus, cum sit concretum, potest supponere pro persona generante, & pro persona genita, vel spirata. Et ita simpliciter conceduntur in Symbolo Niceno cum dicitur, Deum de Deo, lumen de lumine.

Occasione huius quæritur de veritate harum propositionum, Deus genuit alium Deum, Deus genuit se Deum: de quibus disputat Scotus in 1. d. 4. q. 1. Pro quarum intelligentia & aliarum similium obserua primò, quod deitas est de se vna numero, & singularis, ac per consequens non potest esse alia & alia ad modum, quomodo natura communis, alia & alia secundum numerum est in alio & alio singulari: sicut nec hæc humanitas potest esse alia & alia. Et ratio præcisa est: quia cum de se sit vna numero, non patitur diuisionem & alietatem.

Secundo obserua differentiam inter sequentes propositiones. Petrus est alius ab homine, Petrus est alius humanitate ab equo, Petrus est alius in humanitate. In prima propositione negatur vniuersaliter Petrum habere identitatem aliquam cum homine, ac proinde ex ea sequitur, quod

si alius a quolibet homine, & quod non sit homo. In secunda significatur, quod humanitas sit ratio formalis differentie Petri ab equo: ex quo sequitur quod Petrus & equus non conueniunt in humanitate. In tertia propositione ly, alius, significat suum determinabile esse commune vtrique extremo, & distingui seu diuidi in ipsis extremis. Et ideo hæc est falsa, Socrates est alius in humanitate ab equo: quia humanitas nec diuiditur in ipsis, nec est eis commune.

His positis dico, quod hæc propositiones sunt falsæ, Deus genuit alium Deum, Filius Dei est alius a Deo, Filius Dei est alius deitate a patre, Filius Dei est alius in Deitate a patre. Deus genuit se Deum. Ratio quare prima propositio est falsa, est, quia deitas est de se vna numero & indivisibilis, cuius adquatè correspondet hic Deus: & ita sicut deitati repugnat non identitas & alietas, ita & Deo. In præfata autem propositione significatur non identitas & alietas deitatis, & ob id est falsa. Falsitas secundæ propositionis constat ex falsitate, primæ propositionis positæ notabili secundo: nam sensus eius est, quod filius est alius a quolibet persona diuina, & quod non est Deus. Falsitas tertiæ propositionis, patet: est enim sensus, quod deitas est ratio distinguendi filium a patre, & per consequens, quod pater & filius non conueniunt in deitate. Falsitas quartæ propositionis ostenditur: quia sensus eius est, quod pater & filius conueniunt in deitate, quæ in ipsis distinguitur & diuiditur. Vt vero falsitatem vltimæ propositionis percipias aduerte, quod pronomen recipro-

cum quando ratione operationis alicui applicatur ex vi sua significationis denotat operationem illā terminari ad idem suppositū, a quo egreditur. Exempli causa. In hac propositione, Franciscus diligit se, illud pronomen se, denotat dilectionem a Francisco egredi, & ad ipsum terminari. Similiter in hac propositione, Deus genuit se Deum, illud pronomen se, denotat, quod actio generandi egreditur a Deo, ut puta, a patre, & quod ad eundem patrem terminatur: & ita sensus est, q̄ Deus pater genuit seipsum, quod implicat. Si dicas, Si Deus non genuit se Deum, ergo genuit alium Deum, nego consequentiam, sed alium qui est Deus, genuit. Quod si adhuc instes: Aut Deus genuit alium Deum, aut eundem, quia idem & diuersum diuidit omne ens, respondeo, q̄ genuit eundem Deum: nam sicut alietas significat illud, cui additur distingui & diuidi in extremis: ita per oppositum identitas significat suum determinabile esse commune ipsis extremis & in eis nō distingui, aut diuidi. Et ideo hæc est vera, Deus pater genuit eundem Deum: quia genuit filium, qui est idem Deus cum eo, nec inde sequitur, quod se Deum genuerit propter ea, quæ supradiximus.

AD ARGUMENTA in principio articuli posita.

Ad primum.

Ad primum respondeo, quod ut ait subtilis Doctor in 4. dist. 12. quæstio. 3. in solutione. ad secundum principale, hæc propositio, Actio est tantum suppositi, non est philosophi primo Metaphysic. quia ibi non dixit actiones esse suppositorum, sed

esse circa singularia, ut circa obiecta, ac proinde præfert experimentum arti, vel expertū artificii in operando: quia experimentum est circa singularia, ars verò circa communia. Sed quoniam pacto valet ista consequentia, actio est circa singularia ut obiectum, ergo actio est tantum suppositi? Quod verò actio sit ut agentis alterius a supposito, patet ex eodem Aristotele tertio de anima, ubi dicit, quod anima omnia intelligit, & sapit: anima autem non est suppositum. Præterea: quia calor separatus calefacit: ergo singularium, non suppositorum potest esse actio. Dico ergo quod actiones sunt vel suppositorum, vel singularium: ac proinde huic Deo conuenire possunt actiones supra commemoratæ. Caietanus dicit, quod actiones sunt per se existentium, siue sint supposita siue singularia. Sed quid ad tertiam propositionem, Actiones sunt suppositorum? Respondeo, quod debet intelligi modo exposito, vel ait Scotus loco supra citato, Actio est suppositi tantum, tanquam ultimatè denominati ab actione: quia ultra suppositum non est aliquid, quod actionis denominationem recipiat. Exempli causa. Calor separatus calefacit. En quomodo calor denominatur, calefaciens a calefactione. Ponatur idem calor in subiecto, tunc subiectū per ipsum calefacit tanquam agens quod ultimum, ac proinde ultimatè ab actione denominatur agens. Actio ergo est suppositi tantum ultimatè denominati ab actione.

Ad secundū nego sequelam: quia Deus per se existens non auget numerum per se existentium in diuinis, cum

Sensus huius Maxime Actio nes sunt suppositum.

Ad secundum.

cum sit idem cum tribus personis per se existentibus: & ita hic Deus non est quantum per se existens: ad hoc enim necessum erat esse re ipsa distinctum a tribus.

seorsum; nec pro filio, nec pro tribus simul, sed pro hoc singulari Deo, qui verè est trinus in personis, & vnus ac singularissimus in essentia, & natura.

*Ad ser-
uatum.*

Ad tertium, nego minorem. Ad probationem dico, maximam esse differentiam, vt ex supradictis patere potest, inter naturam creatam & suum materiale, primum ex vna parte, & naturam diuinam & suum materiale, ex alia. Quia natura creata singularis cum non possit per realem existentiam pluribus communicari, necessario ei primo correspondet vnum quod, singulare omnino incommunicabile, quod necessario est hypothesis ac suppositum, cui communicari, siue vt quod, siue vt quo, omnino repugnat. Vnde huic humanitati necessario correspondet tãquam quod proprium & adequatum hic homo, qui est hypothesis, vt Petrus. Ceterum natura diuina est per realem existentiam tribus personis diuinis communis, ac proinde materiale eius, siue suum quod, quod ipsi correspondet primò & adequatè necessario est communicabile, sicut ipsa essentia: quia precise deitate est Deus: & sicut deitas est communicabilis: ita & hic Deus: & sicut deitas non includit aliquid incommunicabile: ita nec hic Deus, prout precise deitate est Deus. Bene ergo ex hoc, quod vnicuique quo, correspondet suum quod, adequatum colligitur in diuinis, Deum, importare primò de materiali non tres personas diuinas, sed hunc Deum, de quo verificatur Trinitas. Hæc enim est vera, Deus est Trinitas: & similiter hæc, Deus est pater, filius, & Spiritus sanctus: vbilibi, Deus, nec supponit pro patre

Ad confirmationem respondeo, primò negando esse possibile, eandem numero naturam assumi a tribus diuinis personis, vt docet Scotus in tertio, distinctione prima, quaestione secunda.

Secundò respondetur, quòd si tres diuinæ personæ assumerent vnã naturam humanam, tunc non responderet illi vnum singulare, & materiale commune tribus: quia esse in tribus non conuenit ei secundum propriam naturam, nec ex vi sua, sed secundum quod eleuatur ad rem superioris ordinis. Quod patet: quia si post assumptionem relinqueretur sibi ipsi, solum ei responderet vnum quod, omnino incommunicabile, vt puta, vnum suppositum: diuina verò natura cum ex se sit infinita ac communicabilis pluribus per realem identitatem ex vi propria est in tribus personis, ac proinde ei correspondet vnum quod, tribus etiam personis communicabile.

Ad quartum aliqui, vt Gabriel & OKam in primo, distinctione duodecima, quaestione prima dicunt, quod hic spirator de materiali non significat primò patrem, & filium, sed vnum singulare patri & filio commune constitutum ex diuina essentia & spiratioe actiua solatione distinctum a patre & filio, atque ita idem realiter cum eis. Hoc explicatur exemplo. Hic Deus de materiali non significat primò personas, vt suprà diximus, sed hunc Deum singularem per se existentem tribus

Ad quartum.

perſonis communem, cui actiones toti Trinitati communes primò conueniunt, vt creare, gubernare, &c. Ita inquit iſti in propoſito. Spirator de materiali non ſignificat primò patrem & filium, ſed hunc ſpiratorem ex vi ſpiratiua, & actione ſpirandi conſtitutum, cui primò còpetit ſpirare, & patri, & filio ſecundò ratione eius: ſicut et tu bus, perſonis competit creare, quia hic Deus creat.

Sed hæc ſolutio meritò ab vniuerſis Thomiſtis reijcitur, & in ſuper a Dòctore ſubtiliſſimò primo, diſtinctione duodecima, quæſtione prima, in ſolutione ad ſecundum principale. Cuius ratio eſt: quia ſi ly, ſpirator, de materiali diceret primò hunc ſpiratorem, cui primò actio ſpirandi conueniret, ſequeretur, quòd hic ſpirator primò referretur ad Spiritum ſanctum, ac per conſequens, qd diſtingueretur realiter a Spiritu ſancto, quia id, quod primò refertur in diuinis diſtinguitur realiter ab eo, ad quod primò refertur: ſed conſequens eſt falſum ſecundum communem Theologorum ſententiã, quia in diuinis non eſt relatio realis, niſi inter perſonas: ergo ſentètia Gabriëlis, & Oſam non eſt tenenda, ſed reijcienda.

Præterea. Proprietas conſtituens hunc ſpiratorem diſtinctum a patre, & filio non eſt ſpiratio actiua: ergo non daturale conſtitutũ. Patet conſequentia: quia non poteſt assignari aliqua alia proprietas, per quã conſtituatur. Probatur antecedens: quia ſpiratio actiua non ſupponitur productioni Spiritus ſancti, ſed potius eſt ipſa productio ſupponens principium quo, & quod, a quibus egre-

ditur. Dices forſitan, qd ſpiratio poteſt biſariam conſiderari. Primò vt proprietas: ſecundò, vt actio ſeu relatio, & quòd ſub priori ratione còſtituit, & ſupponitur ſibi ipſi ſub ſeunda ratione conſiderata, ſicuti paternitas diuina vt proprietas conſiderata ſupponitur ſibi ipſi conſiderata, vt relatio eſt. Sed hæc ſolutio nõ ſatisfacit: nec eſt ſimile de paternitate & ſpiratione: quia paternitas eſt conſtitutiva perſonæ patris ante, quam nullum præintelligatur ſuppoſitum, quod poſſit actione notionali agere, nec aliqua alia actione. At verò ſpiratio actiua ſupponit perſonam conſtitutam, quæ actione notionali, & eſſentiali agere poteſt: unde non conſtituit perſonam: ſed tantum habet rationem puræ actionis, vel relationis, quaſi aduenientis perſonæ conſtitutæ.

Reſpondeo ergo ad argumentũ, quòd ab illa regula generali, Vnicuiq; quo, correſpondet ſuum quod, excipi poteſt ſpiratio actiua: cuius cauſa eſt, quia relatio ſpiratoris, ſeu actio ſpirandi ſua natura habet, quod ſit proprietas patris & filij, ſic, quòd reſpectu eorum ſe habet ad modum propriæ paſſionis. Nam ſicut proprietas aduenit rei in ſuo eſſe eſſentiali còſtituta: ita ſpiratio actiua quaſi aduenit patri & filio in ſuo eſſe perſonali conſtitutis. Prius enim intelliguntur pater, & filius conſtituti in eſſe perſonali, quam ſpirent: propter quod ſpirator de materiali non ſignificat aliud, quàm patrem & filium: quia proprietas non habet aliud materiale præter id, cuius eſt proprietas.

Præterea. Quia ſi ly, ſpirator, diceret de materiali aliud, qd patrem & filium,

liū, illud materiale esset quo, & non quod: quia cum esset posterius patre & filio eis quasi adiaceret, & sic haberet rationem quo, & non quod. Secundo, dico quod prædicta maxima debet intelligi de quo, constituyente re in suo primo esse: nam alias potius habet rationem quo, quam quod, cū superueniat rei, & sit ei adiacens.

ARTICVLVS II.

An essentialia sint immediatiore essentia ipsi notionibus, siue an essentialia sint priora notionibus.

Circa hunc secundum articulum obserua, quod in eo quaeritur de ordine immediationis essentialium, & notionalium in comparatione ad diuinam essentiam, quid horū, scilicet, sit diuinæ essentiae immediatius, quæ est prima entitas in diuinis. Ad cuius intelligentiam istorū quatuor terminorum, scilicet, essentia, essentialia, notionalia, & immediatius, significatio inquirenda est atque intellectus. De primo termino, scilicet, essentia dico, quod siue ponatur distinctio ex natura rei formalis inter attributa & diuinam essentiam, et inter essentiam, & relationes siue sola distinctio rationis, necesse est dare in diuinis unicam primam entitatē realem in actuali existentia & absolutam. Singulæ partes huius propositionis explicantur. Prima est, quod datur in diuinis aliqua prima entitas, quæ non præexigat aliam priorē. Quod sic patet: quia si qualibet assignata præexigeret aliam priorē nulla esset prima, ac per consequens nec aliqua esset posterior: quia ubi non est primū non est posterius.

Nelgitur processus in infinitum fiat, siue in rebus, siue in conceptibus earum, necessum est in diuinis, dare aliquam entitatē, quæ ita sit prima, ut nulla alia prior dari aut excogitari possit.

Secunda pars est, quod illa prima entitas est realis in actuali existentia. Quæ sic probatur: quia alias nihil esset in diuinis reale in actu: nam si prima entitas diuina non est in actuali existentia, quomodo cetera, quæ ab hac quasi dimanant ut quidam aiunt, actuali existentia fruerentur?

Tertia pars eiusdē propositionis, scilicet, quod si huiusmodi entitas prima actualis est absoluta, probatur: quia secundum Augustin. 7. de Trinit. cap. 1. omnis essentia, quæ relatiue dicitur, est aliquid, excepto relatiuo: & ibidem in principio tertij cap. itis, si non est aliquid ad se (id est, absolutum) non est omnino quod relatiue dicatur: ergo omni relatione est prius aliquod absolutū. Cum igitur illa entitas diuina, de qua loquimur, sit omnino prima, necesse est, quod sit absoluta. Ex dictis sequitur veram esse hanc conclusionem. In diuinis est aliqua entitas omnino prima realis in actuali existentia & absoluta, quæ est ratio primæ essendi simpliciter: ac proinde merito a sanctis essentia dicitur. Vnde Aug. 7. de Trinit. cap. 1. in fine sic ait. Quod est sapientia sapere, & quod est potentia posse, & aternitati aternum esse, & iustitiam iustum esse, hoc est, essentia ipsum esse. Et lib. 5. cap. 1. in vltimis verbis sic ait. Sicut enim ab eo, quod est sapere, dicta est sapientia, & ab eo, quod est scire, dicta est scientia: ita ab eo, quod esse, dicta est essentia. Propter quod Deus ip-

In diuinis essentialia sunt priora notionibus, siue an essentialia sint priora notionibus.

se cui propriissimè & verissimè conuenit esse, verissime dicitur essentia, quæ est deitas ipsa ac natura diuina, a qua quasi a radice esse habet in Deo diuina attributa, ac perfectiones simpliciter, nec non & relationes diuinæ, propter quod prima ratio essendi simpliciter nuncupatur, & per ordinem ad ipsam alia priora, alia vero posteriora dicuntur.

2. Nota.
Quomodo
essentiale a
Philosophis
accipitur.

De secundo termino, scilicet, essentiali dico, quod aliter accipitur communiter a Philosophis, aliter vero a Theologis, specialiter in diuinis. Nam secundum Philosophos essentiali dicitur quod per se includitur in essentia & quidditate rei, quemadmodum in composito reali materia, & forma dicuntur sibi essentialia, & in composito rationis genus & differentia dicuntur partes essentialis rationis & diffinitio nis siue rei diffinita: & per oppositum accidentale dicitur omne illud, quod in rei essentia non includitur, siue sint entia per accidens, siue propriæ passionis, quæ rei essentiam consequuntur, quæ accidentalia dicuntur, prout accidentale opponitur essentiali prius descripto.

Theologi vero in diuinis aliter vtuntur hoc nomine essentiali: nam essentiali dicunt quod est simile essentia diuinæ in communitate reali, & modo prædicandi. Communitas verò realis essentia ac modus eius prædicandi consistit in hoc, quod ipsa vna & eadem numero sine sui diuisione communis est realiter tribus diuinis personis & de ipsis effertur: & ita illud dicitur essentiali, quod est commune realiter tribus personis diuinis, & de ipsis enunciatur & dicitur: cuiusmodi sunt omnia attributa diuina, vt sapientia, bonitas. Es-

sentiali sic sumpto opponitur notionale: & est illud, quod nec prædicatur de tribus, nec est commune secundum rem ipsis tribus personis: sicut paternitas & filiatio, generatio passiva, & spiratio siue actiua, siue passiva. Et ista dicuntur notionalia: quia ad notitiam distinctionis personarum pertinent, per illa namque & cognoscimus & distinguimus personas.

Essentiali ergo in diuinis distinguatur a Theologis contra notionale. De hoc Augustinus quinto de Trinitate, capite quarto circa finem ait. In rebus creatis, quod non secundum substantiam dicitur, restat vt secundum accides dicatur: in Deo autem nihil secundum accides dicitur, nec tamen omne, quod dicitur, secundum substantiam dicitur. Dicitur enim ad aliquid sicut pater ad filium, & filius ad patrem, quod non est accidens: quia & ille semper pater, & ille semper filius, & non ita semper quasi ex quo natus est filius, vt ex eo, quod nunquam desinat esse filius, pater non desinat esse pater, sed ex eo quod semper natus est filius, nec coepit vnquam esse filius. Quod si aliquando esse coepisset, aut aliquando esse desineret filius, secundum accidens diceretur. Si verò quod dicitur pater ad seipsum diceretur, non ad filium, & quod dicitur filius ad se ipsum diceretur, non ad patrem, secundum substantiam diceretur, & ille pater, & ille filius. Sed quia pater non dicitur pater nisi ex eo, quod est ei filius, & filius non dicitur, nisi ex eo, quod habet patrem, non secundum substantiam hæc dicuntur: quia non quisque eorum ad seipsum, sed ad vnicū atque ad alterutrum ista dicun-

3. Nota.
Essentiali
distin-
guitur
contra
notiale.

tur

tur, neque secundum accidens, quia & quod dicitur Pater, & quod dicitur Filius, aeternum atque incommutabile est eis. Hæc Augustinus. In quibus verbis expresse vult, quod in creaturis essentialia distinguitur contra accidentale, in diuinis verò non contra accidentale, sed contra relatiuum ad intra, quod dicit relationem personæ ad personam, ac per consequens pertinet ad distinctam notitiam personæ a persona. Quod Augustinus vocat ad aliquid & relatiuum, alio nomine Theologi vocant notionale: quia, vt diximus, per ipsum cognoscitur persona, vt ab alia distincta. Ex his sequitur, quod omne notionale est relatiuum ad intra, & è conuerso. Essentialia verò non est relatiuum ad intra: quia tunc esset commune & non commune. Commune quidem, quia essentialia. Non commune verò, quia relatiuum ad intra. Non est contra rationem notionalis, qd sit in pluribus: quia spiratio actiua cum sit notionalis, est in Patre & Filio: sed est contra rationem eius, quod sit in tribus, quia hoc soli essentiali conuenit.

Sed alia distinctio huius nominis essentialia ponitur a Doctore subtili questione prima quodlibetica: vbi questionem istam diffusè satis ac difficili stylo tractat. Ad cuius intelligentiam obseruare necesse est, aliqua esse in diuinis essentialia præter essentialiam, quæ nullum dicunt respectum ad creaturas: quod Scotus pluribus rationibus satis difficilibus probat.

1. Ratio. Prima est: quia perfectio simpliciter non includit per se relationem ad creaturas: sed aliquid essentialia in diuinis est perfectio simpliciter, vt

Pater de iustitia, misericordia & veritate: ergo aliquid essentialia non includit per se in sua ratione aliquem respectum ad creaturam. Consequentia est nota, & probò maiorem: quia perfectio simpliciter non includit per se in sua ratione aliquid, cui repugnet per se ratio perfectionis simpliciter: quia iam non esset in quolibet melior ipsa, quam non ipsa, quæ est ratio perfectionis simpliciter: sed relationi ad creaturam repugnat per se, quod sit perfectio simpliciter: ergo nulla perfectio simpliciter includit per se relationem ad creaturam. Probo minorem huius rationis. Quia relatio ad creaturam requirit & coexigit ad suum esse ens imperfectum, & possibile, vt puta, creaturam, quæ siue in esse reali, siue in esse cognito habet esse imperfectum, & non necesse esse: quod autem coexigit aliquid ens potentiale ac imperfectum ad suum esse eo modo, quo relatio coexigit terminum, tanquam aliquid secum simul natura, vel prius, non est simpliciter necessarium, nec per consequens simpliciter perfectum: & ita nec perfectio simpliciter, quæ necessariò est ens simpliciter perfectum. Ratio ergo, ob quam relatio ad creaturam non potest esse perfectio simpliciter est, quia non est ens simpliciter necessarium, ac per consequens nec simpliciter perfectum, cum necessariò dependeat a creatura, quæ in quocumque esse non est ens necessarium simpliciter, nec omnino perfectum: perfectio autem simpliciter est ens omnino perfectum ac simpliciter necessarium, cum in Deo formaliter, & ex natura rei reperiatur.

Obiectio.

Sed contra. Intellectio diuina terminatur necessario ad creaturam in esse cognito, ac per consequens ad terminum imperfectum, & tamen est perfectio simpliciter: ergo per hoc, quod relatio ad creaturam est ad terminum imperfectum, non bene excluditur a ratione perfectionis simpliciter.

Solutio.

Respondeo, quod diuina intellectio necessario ex sui perfectione terminatur ad obiecta secundaria, ut puta ad creaturas: tamen non coexistit illa, & requirit ad suum esse tanquam aliquid secum simul natura, uel prius, quia ipsa intellectio est prior quocumque obiecto secundario: siquidem obiecta secundaria per eam in esse cognito producuntur, ut controuersia 1. diximus: nullum autem prius requirit necessario ad suum esse suum posterius. Licet ergo intellectio creaturæ in Deo sit ad terminum imperfectum, non ob id definit esse ens necessarium, & perfectio simpliciter: quia non est ad illam eo modo, quo relatio ad suum terminum, puta, tanquam ad aliquid prius natura, vel simul natura cum ea: relatio uero ad creaturam dependet a creatura, tanquam ab alio priori, vel saltem simul natura cum ea.

Secundo dico, quod esse ad terminum imperfectum sic, quod sine eo esse nequeat, vel quod ipso destructo destruat id, quod est ad ipsum, est entis imperfecti, & non necessarij simpliciter: ac proinde relatio ad creaturam non potest esse ens necessarij, ac perfectio simpliciter: quia destructa creatura destruitur ipsa relatio. At uero esse ad terminum imperfectum non tanquam ad aliquid requisitum ad proprium esse, sed ex pro-

pria perfectione non tollit rationem entis simpliciter necessarij, ac omnino perfecti: quia si per impossibile non poneretur ille terminus, adhuc haberet esse. Sic se habet intellectio diuina ad creaturam terminata, quod ipsa cum sit prior ipsa creatura, etiam in esse cognito, si per impossibile creatura non esset possibilis in esse cognito, adhuc ipsa intellectio esset: & si creatura in esse cognito destrueretur, non proinde intellectio diuina periret: quia non dependet in suo esse ab ea, cum sit prior, & ueluti causa creaturæ in esse cognito.

Secunda ratio. Intellectio beatifica est aliquid essentielle: sed hæc non includit aliquem respectum ad creaturam: ergo aliquid essentielle in Deo nullum respectum ad creaturam per se includit. Consequentia est nota cum maiori: minor probatur: quia intellectio beatifica, per quam attingit Deus obiectum beatificum, ut puta, suam essentiam secundum omne sibi intrinsicum est infinita intensiue: infinitas autem intensiua, ut controuersia 27. dicemus, cuilibet relationi etiam reali repugnat, ac proinde nulla relatio potest esse perfectio simpliciter etiam diuina.

Tertia ratio. Intellectus diuinus est in Deo ex natura rei, & nullum respectum per se includit ad creaturam: ergo aliquid essentielle est in diuinis sine respectu ad creaturam incluso per se in ipso. Consequentia est euidentius: antecedens probatur: quia intellectus est prior secundum esse quolibet actu eius: ergo non includit per se aliquid ens rationis, quod præcisè habet esse per actum intellectus: quia prius nunquam per se includit suum posterius. Conclude ergo, quia in Deo

2. Ratio.

3. Ratio.

Deo est essentia sub completa actualitate essentiae, & similiter omnis perfectio simpliciter, & hoc mere ex natura rei sic intelligendo, quod nec essentia aut perfectio simpliciter, nec aliquid per se inclusum in eis est ibi praecise ex consideratione cuiuscunque intellectus, cum ista omnia sint priora secundum suum esse, quam creatura etiam in esse cognito, ac per consequens, quam relatio quavis ad creaturam.

*Essentia
le u. diu
nis est du
plex.*

Hic ita positis dico, quod essentia le in diuinis est duplex: aliud, quod nullum respectum ad extra, scilicet, ad creaturam per se importat, ut bonitas, iustitia, & similia: aliud verò, quod importat respectum ad extra, sicut Dominus, creator, conseruans, atque gubernans, & alia id genus. Sed ista essentialia importantia respectum possunt bifariam considerari. Primò fundamentaliter, ut puta pro illo absoluto, in quo huiusmodi respectus quoquo modo fundatur. Notanter dixi, quoquo modo: quia cum omnis respectus Dei ad creaturam, sit relatio relationis non oritur ex natura fundamēti, & termini, sed ex actu intellectus vnū ad aliud conferentis. Secundò possunt sumi pro respectu tantum, vel tertio pro fundamēto, ut subest tali respectui. Exemplo res manifesta fiat. Omnipotentia in Deo potest sumi pro illa perfectione absoluta, ratione cuius dicitur Deus omnipotens. Secundò potest sumi pro respectu ad obiectum omnipotentiae. Tertio pro illa perfectione absoluta, prout subest tali respectui.

*4. Nota.
Immediatus
bifariam
accipitur*

De quarto termino, scilicet, immediatus, vnica est adhibenda distinctio. Aliquid igitur dicitur immédia-

tius alicui bifariam. Primò positivè: secundò negativè. Illud dicitur immediatus alicui positivè, quod est medium inter illa duo, puta, inter primum & tertium. Exempli causa: Sumo subiectum, superficiem & colorem: superficies mediat inter subiectum & colorem, ac proinde superficies dicitur immediatior subiecto, quam color, & hoc positivè. Immediatius verò negativè est illud, quod magis excludit, & negat medium inter se, & illud cui est immediatius. Exempli causa. Risibile respectu hominis est immediatius, quam color: quia magis excluditur medium inter visibile & hominem, quam inter hominem & colorem: nam non est medium inter visibile & hominem, est tamen medium inter hominem, & albedinem, puta, ipsa superficies.

Sed praeter dicta observare oportet, quod sicut est triplex distinctio ex supradictis, duplex ex natura rei, alia realis, alia verò formalis, & vna rationis, ita inter aliquam triplex ordo considerari potest, realis, qui solum reperitur inter ea, quae re ipsa distinguuntur, alter vero formalis, qui non excludit identitatem realem posterioris cum priori, estque inter essentia, & perfectiones eius, & inter perfectiones inter se, & solum est praesuppositio huius ab hoc, omni imperfectiōe seclusa, sicut in controuersia. 5. diximus. Tertius est ordo rationis, qui est inter rationes praecise habentes esse per actum intellectus.

Vt timò observa, quod ratio formalis, & quidditativa aliorum non variatur secundum se, nec per hoc, quod vnū distinguatur ab alio, nec per hoc, quod vnū alteri identificetur:

5. Nota.

cetur: quia rationes formales rerum abstrahunt ab his conditionibus, quæ quodammodo accidunt eis. Et patet exemplo. Nam posito, quod homo realiter distinguatur a risibilitate, ad huc stat perfecta ratio, tam hominis quam risibilitatis: sicut modo stat cū eorum identitate reali. Et quando huiusmodi termini ex rationibus formalibus, sic se habent, quod vnum necessario præsupponit alium, vbi cumque reperiantur, vnum præsupponit alterum necessario, siue secundum rem, siue secundum rationem: ita quod si secundum rem distinguantur, secundum rem vnus terminus præsupponetur alteri: si verò ratione solum differant, secundum rationem alter alteri præsupponetur. Et ratio est: quia ille ordo attenditur penes rationes eorum formales, ac proinde cum eadem rationes inaneant, necessario consimilis ordo manebit. His ita constitutis ad quæstionis diffinitionem proponantur conclusiones.

1. *Concl.* Prima conclusio. Nullum notionale (id est, nulla relatio in diuinis ad intra) est positiuè immediatius ipsi essentia, quam aliquod essentialiale absolutum. Probatur: quia quod est positiuè immediatius essentia, est perfectius secundum suam rationem formalem: sed nullum notionale, siue nulla relatio in diuinis ad intra, est perfectior aliquo essentiali absoluto: ergo nullum notionale est immediatius essentia aliquo essentiali absoluto. Consequentia tenet: maior probatur: quia quod est propinquius perfectiori est perfectius. Minor verò sic ostenditur: quia omne essentialiale absolutum in Deo, id est, absque respectu ad creaturas, est perfectio simpliciter, & infinita: nullum au-

tem notionale est perfectio simpliciter, vt controuersia 27. docebimus: ergo, &c.

Secundo. Perfectiones naturæ immediatores positiuè sunt ipsi naturæ, quam proprietates personales, vt patet in omnibus naturis, immediatius enim conueniunt naturæ humanæ eius proprietates specificæ, quam proprietates suppositales, quia illæ verè mediant inter naturam, & proprietatem hypostaticam, sed omnia essentialia non importantia respectu ad creaturas sunt perfectiones naturales diuinæ essentia, notionalia vero sunt veluti proprietates hypostaticæ, ergo essentialia huiusmodi sunt immediatiora ipsi essentia, quam notionalia, ac per consequens priora. Hinc habet, quod hic Deus per se subsistens, qui deitate est Deus, est ens omnino absolutum, cui conueniunt omnes proprietates essentielles, & perfectiones ante omnem proprietatem personarum. Hinc etiam sequitur, quod cum pater æternus sit Deus a se, ita quod ab alio non habet deitatem, a se ipso habet omnem perfectionem diuinæ essentia. Hinc etiam ortum habuit illud commune dictum, quod pater prius origine est perfecte beatus, ac per consequens omnino perfectus, quam filius sit genitus. Ex hoc etiam nascitur illa vulgaris sententia apud Doctores, & præcipuè apud Scotum, quod pater nullam perfectionem recipit a filio, nec ab aliquo, prout in filio, quia cum habeat a se deitatem, omnem perfectionem a se habet.

2. *Concl.* Secunda conclusio. Si essentialiale includens respectum ad creaturas sumatur præcisè pro fundamento absoluto, & reali, etiam est immediatius positiuè ipsi essentia omni notionali.

nali. Hæc conclusio probatur eisdem rationibus, quibus præcedens.

3. *Concl.* Tertia conclusio. Si essentialis importans respectum ad extra sumatur pro illo respectu, vel ut subest actuali respectui, subsequitur quodlibet notionale. Probatur: quia omnis respectus ad creaturam subsequitur trinitatem personarum. Quod sic ostendo. Creatura, prout est terminus talis respectus, subsequitur Trinitatem, cum non habeat suum primum esse cognitum & obiectivum, nisi completo ordine productionis ad intra, ut controuersia vndecima diximus: ergo similiter talis respectus subsequitur Trinitatem: quia non potest esse prior suo termino: ergo quodlibet essentialis, ut subest tali respectui subsequitur quodlibet notionale.

4. *Concl.* Quarta conclusio. Omni essentiali includenti respectum ad extra est immediatius essentialis quodlibet notionale secundum omnia sibi intrinseca, & hoc loquendo de immediatiori negatiue. Probatur: quia tale essentialis non conuenit ipsi Deo, nisi per operationem intellectus comparantis ad extra, notionale verò secundum omnia sibi intrinseca competit Deo ex natura rei: ergo minus requiritur medium inter essentialiam & notionale, quam inter essentialiam & tale essentialis, ubi necessario mediat actualis intellectus.

5. *Concl.* Quinta conclusio. Vtroque modo loquendo de hoc termino, immediatius dico, quod omni notionali est aliquod essentialis immediatius diuinæ essentialis. Probatur. Memoria patris, intellectus, scilicet, cum diuina essentialis est immediatior essentialis omni notionali: ergo aliquod essentialis est immediatius essentialis omni no-

tionali. Consequentia est euidens: antecedens probatur. Memoria patris est immediatior essentialis, quam ipsum dicere patris, quod est primum omnium notionalium: ergo est immediatior omnibus notionalibus. Probo antecedens: quia qualis ordo per se realis esset inter aliqua, si essent realiter distincta, talis ordo per se est inter illa quacunque distinctione distinguantur, siue formaliter ex natura rei, siue sola ratione: sed si esset realis distinctio inter essentialiam, memoriam, & dicere, memoria esset per se in ordine reali immediatior ipsi essentialis, quam ipsum dicere: ergo modo cum vel ex natura rei formaliter, vel saltem sola ratione inter se distinguantur, talis erit ordo rationis, quod memoria erit immediatior diuinæ essentialis, quam ipsum dicere. Consequentia tenet: maior probatur. Primum: quia quando aliqua sunt distincta ratione, concludimus ordinem eorum inter se secundum rationem ex hoc, quod illa, si essent re ipsa distincta, haberent consimilem ordinem. Secundò probatur eadem maior: quia ubi manet per se ratio similis ordinis ibi manet similis ordo: sed ibi manet per se ratio similis ordinis: quia manet ratio quidditativa terminorum, ex qua talis ordo desumitur: ergo etià ubi sola ratione distinguuntur, habent consimilem ordinem ei, quem haberent, si re ipsa distinguerentur, ut notabili ultimo diximus. Et sic manet probata maior propositio. Sed minorem probo: quia, si illa ibi posita, scilicet, essentialis, memoria, & dicere re ipsa distincta essent, esset inter ea hic ordo, quod quia essentialis esset, natura intellectualis perfectum, ideo haberet intellectum perfectum;

& quia haberet intellectum perfectum cum obiecto presenti, & in supposito conueniente actioni posset esse principium exprimendi notitiam, & ita exprimeret, vel exprimere posset notitiam. Ergo modo, cum ex natura rei formaliter, vel sola ratione saltem in Deo distinguatur, habebunt similem ordinem: & ita memoria perfecta erit necessario utroque modo immediationis immediatior ipsi essentia, quam expressio notitiae, seu dictio, & per consequens quam quodlibet notionale (cum dicere sit primum notionalium) quia quod est immediatius immediatiori, est immediatius minus im mediato, sicut quod est prius priore est prius posteriore. Idem possit argui de voluntate & actu spirandi.

Secundo probatur. Potentia immediatior est essentiae, quam actio realiter productiua secundum illam potentiam: sed omne notionale est actio productiua secundum aliquam potentiam in natura diuina, vel supponens illam, quia vel est productio aliquius suppositi, vel supponens productionem actiuam, vel passiuam: ergo omne notionale supponit potentiam in natura diuina: sed illa potentia habet rationem essentialis, quia vel est intellectus, vel voluntas: ergo, &c.

Vel breuius. Omne notionale in diuinis, vel est productio actiua, vel passiua, vel aliquid supponens productionem: sed omnis productio actiua, vel passiua supponit potentiam actiuam, quae est quid essentialis, quia talis potentia, vel est intellectus, vel voluntas: ergo omne notionale praesupponit aliquid essentialis: ergo aliquid essentialis est immediatius ipsi essentiae quolibet notionali utroque modo

immediationis: positivè quidem, quia verè mediat inter essentiam, & notionale: negatiuè verò, quia magis excludit medium. Et confirmatur: quia omne notionale est relatio, vel relatiuum: relatio verò supponit absolutum, quod in diuinis est essentialis: ergo, &c.

Ultima conclusio. Inter essentialia, & notionalia in ordine ad essentiam non est ordo realis, sed ordo formalis, vel rationis tantum. 6. Concl. Prima pars probatur: quia inter essentialia, & notionalia non est distinctio realis in diuinis, sed sunt idem realiter perfecta identitate: similiter essentia diuina est idem re ipsa cum omnibus essentialibus, & notionalibus: ergo inter notionalia, & essentialia non est ordo realis: quia ordo realis non est, nisi inter ea, quae re ipsa distinguuntur. Secunda pars probatur: quia essentialia a notionalibus secundum probabilem Doctoris subtilis sententiam formaliter ex natura rei distinguuntur, secundum verò Sanctam Thomam sola ratione: ergo cum essentialia secundum se absque respectu ad extra sint essentiae immediatiora, quam notionalia, erit inter ea vel ordo per se formalis, vel ordo per se rationis. Secundum Scotum quidem erit formalis, sed secundum S. Thomam erit ordo rationis: & in hoc ordine signa natura, vel rationis, quae passim Scotus in diuinis contemplatur, fundamentum habent: essentia ergo diuina est prima entitas in diuinis, & ideo ea, quae sibi sunt immediatiora, dicuntur priora.

ARTICVLVS III.

An in Patre intelligere præcedat ipsum dicere.

DE tertio articulo est grauis difficultas, videlicet, an in Patre actus intelligendi sit prior actu dicendi. Et ratio difficultatis est: quia, cum Pater constituatur in esse Patris per actum dicendi, non videtur, quomodo fieri possit, quod ei prius conueniat actus intelligendi, quam actus dicendi. Et augetur difficultas, quia actio conueniens supposito præsupponit ipsum. Ergo cum intelligere Patris, sit actio Patris, necessario supponit Patrem: ergo supponit actum dicendi, per quem in esse Patris constituitur. Et ita videtur quod actus dicendi præcedat in Patre actum intelligendi, quod est contra Scotum in primo, distinctione 1. questio. 1. Vbi ait, quod Pater prius origine est beatus, quam generet, id est, quā habet Filium genitum. Et in distinct. 6. eiusdem primi expressè vult, intelligere Patris præcedere ipsum dicere eiusdem Patris: & idem tenet satis expressè in reportatis, dist. 6. q. 2.

Nonnulli Scotistæ respondentes huic difficultati dicunt, quod si intelligere absolutè comparatur ad dicere, necessario est prius ipso dicere, sicut absolutè loquendo essentialia sunt priora notionalibus, ut articulo præcedenti ostendimus: & præterea, quia hic Deus intelligens, & volens præintelligitur omnibus notionalibus: & tandem quia intellectus diuinus prius est operatiuus, quàm productiuius, ut in controuersijs de verbo docuimus. Caterum si intelligere consideretur prout in Patre, dicere

præcedit ipsum intelligere propter rationes dubitandi supra positas. Et adducunt exemplum de materia, & forma, dicentes, quod materia absolutè prior est forma, attamen in composito forma præcedit materiam.

Alij verò aliter incedentes dicunt, quod cum Scotus affirmat intelligere Patris esse prius, quam dicere eiusdem Patris, nomine Patris intelligit hunc Deum perse existentem: ac si dicat, Deus prius est intelligēs, quam dicens. In hanc sententia isti deueniunt: quia nullo pacto potuerunt intelligere, quomodo actus intelligendi in Patre præcedat actum dicendi, siquidem Pater in esse Patris per actum dicendi constituitur secundum Doctoris subtilis sententiam in quolibet. q. 4. in solutione ad argumentum principale. Sed re vera isti Scotizantes tam primi, quàm secundi facili argumento conuincuntur ad negandum veram esse absolutè, & in rigore hanc Scotticam propositionem. Intelligere in patre præcedit ipsum dicere.

Vnde ad huius rei intelligentiam obseruare oportet, prædicata, quæ rebus conueniunt, in duplici consistere differentia. Alia enim sunt quidditatiua & essentialia, ut genus, & differentia, materia & forma: alia verò accidentalialia, sub quibus etiam accidentia propria, quæ ex rerum substantijs, & essentialijs profluunt, comprehenduntur. Sed est differentia inter hæc & illa prædicata, quod prædicata primi generis rem in suo esse constituunt, ac per consequens eam non præsupponunt, prædicata vero secundii generis rebus iam in suo esse constitutis competunt, ac proinde res ipsas præsupponunt. Resibilitas enim

1. Nota

non

non conuenit homini, nisi in suo esse constituto, & multo minus accidentia communia. Et de vtrisque est satis manifestum, siquidem quodlibet esse, vt condistinctum ab esse essentiali, est aduentitium ac superueniēs ipsi rei, ac per consequens supponit eam, sicut accidēs præsupponit substantiā.

2. Nota. Secundò obserua, quòd prædicata essentialia eundem per se ordinem, quem seruant inter se secundum proprias rationes formales, seruant in re, quam constituunt. Exempli causa, hæc prædicata, substantia, corporea animata, sensitiua, rationalis secundū se talem ordinem seruant, quod primum per se supponitur secundo, & secundū tertio, tertium autem quarto, & quartum quinto. Et eundem ordinem seruant in homine, quem constituunt: quia cum prædictus ordo ex proprijs rationibus formalibus terminorum proueniat, necesse est, quòd maneat eisdem rationibus manentibus. Vnde homini prius competit substantia, quam corpus: & corpus, quam corpus animatum: & corpus animatum, quam animal: & animal quam rationale, licet per rationale in esse hominis constituatur.

3. Nota. Tertio obserua, quòd diuina essentia, attributa, & relationes eundem ordinem, quem habent ad inuicem secundum se considerata, habent vt sunt in aliqua persona. Sicut enim diuina essentia absolutè sumpta est prior attributis, & attributa notionalibus: sic etiam prout sunt in patre, essentia est prior attributis, & attributa notionalibus. Et sicut intellectio absolutè sumpta est prior paternitate, ac generatione actiua, seu dictio: sic etiam prout est in patre. Et quia pater dicitur intelligēs intel-

lectione, quæ prius competit huic Deo, & gignens gignitione, sequitur, quod prius dicitur intelligere formaliter, quam gignere.

Conclusio. Intelligere patris est prius, quam dicere eiusdem patris. vnicuique dñs.

Probatur. Intelligere in diuinis, quæ Deus est formaliter intelligens absolutè, & secundum se est prius, quam ipsum dicere: ergo in patre est prius. Antecedēs est notum ex supradictis: consequentia probatur: quia, quem ordinem per se seruant aliqua secundum se considerata, seruant vbique reperiuntur. Præterea prædicata essentialia quem ordinem per se seruant secundum se sumpta, seruant et in re, quam constituunt, ex supra dictis: sed deitas, & omnia, quæ conueniunt huic Deo per se existenti, inter quæ est actus intelligendi, sunt veluti prædicata constituentia personam patris in esse perfecto Dei, & beatifico, & similiter paternitas, seu actus dicendi: ergo quem ordinem seruāt ista secundum se considerata, seruāt etiam in patre per ea constituto: sed deitas secundum se est prior actu intelligendi, & actus intelligendi actu dicendi: ergo in patre essentia est prior actu intelligendi, & actus intelligendi actu dicendi: & ita sicut homo est prius animal, quam rationalis: ita pater est prius intelligens, quam dicens. Ex quo inferitur, quòd actus intelligendi non solum absolutè, & secundum se, sed etiam prout in patre est prior actu dicendi. Et hoc est de mente Scoti locis supra citatis, in quibus aperte asserit, intelligere patris esse prius, quam dicere eiusdem patris. Et clarum est, quòd loquitur de dicere, & intelligere prout in patre, quia ibi pater non accipitur materialiter, sed

sed formaliter. Quod manifeste innuat ille genitius patris, significans possessionem in patre respectu actus intelligendi ac dicendi, per quod secundus modus dicendi exploditur. Ex dictis patet falsitas primi modi dicendi illorum Scotistarum. Et ad exemplum de materia, & forma respondeo, quod non solum materia secundum se est prior forma, sed etiam prout constituit compositum, etiam secundum mentem Scoti in 2. distinct. 1. quæst. 2. littera A. Vbi sic ait. Prius natura potest aliquid dici positivè: quia ipsum inest alicui, & prior est entitas eius, quam illa, quæ dicitur posterius natura in esse illi: sicut est de animali, & rationali in homine, de substantia & accidente in composito per accidens, de materia & forma respectu compositi per se. In his verbis clarissimè ostendit Scotus, quod in composito sit prior natura materia, quam forma. In 3. distinct. 13. littera L. & in primo, distinct. 5. quæst. secunda, littera O. tanquam certum assumit materiam in constitutione compositi præcedere formam. Et 7. Metaphys. quæstio. 6. licet concedat formam esse priorem materia secundum perfectionem, ordine tamen generationis, fatetur illam esse materiam posteriorem.

Sed inquires, & merito, quo prioritatis genere pater sit prior intelligens, quam dicens? Respondeo, quod cum prioritas originis strictè sumpta non sit, nisi originantis, & producentis respectu originati, & producti, nullatenus hoc prioritatis genere potest esse pater prior intelligens, quam dicens: quia dicere non est quid originatum, & productum ab actu intelligendi, cum sit idem realiter cum

eo, sed est prius intelligens, quam dicens prioritate naturæ omni imperfectione seclusa. Quæ prioritas in hoc consistit, quod secundum naturalem ordinem entitas formalis vnius præsupponitur entitati formaliter alterius, sicut entitas formalis intellectus præsupponitur intellecti, & principium quo productum productioni. Et si alicubi Scotus asserit patrem prius origine esse intelligentem, quam dicentem, per prius origine intelligit prius natura. Sic potest exponi (licet aliter supra exposuerimus) illud, quod apud Scotum habetur in primo, distinctione prima, quæstione secunda, ut puta, pater prius origine est perfectè beatus, ac per consequens intelligens, quam generet. Quocirca adverte, quòd cum dicimus in his controuersis in diuinis vnum esse prius alio, solum debet intelligi de aliqua ex prioritatibus, quas in diuinis dari posse controuersia. 5. ostendimus, non autem de illis, quas ibi impossibile est esse ostendimus.

Ad rationem dubitandi dico, quod sicut animal prius competit homini, quam rationale, licet per rationale in esse hominis constituatur: ita prius competit patri actus intelligendi, licet per actum dicendi in esse patris constituatur. Prædicata igitur constituentia, non præsupponunt rem constitutam, sed ipsam constituunt, ut supra diximus. Actus vero intelligendi, & dicendi respectu patris considerandi sunt, ut prædicata constituentia, & non ut actiones ab ipso egredientes, & ipsum præsupponentes, ut percipiamus, qualiter prius dicatur intelligens, quam dicens, per quod

soluitur argumenti cōfirmatio. Præterea, licet actus intelligendi præsupponat necessarium hunc Deum per se existentem, sed non patrē inesse patris: ac proinde sicut pater prius est Deus, quam pater, ita prius est intelligens, quam dicens, quia hic Deus cum actu intelligēdi supponitur patri. Hæc de tertio articulo.

ARTICVLVS III.

An pater genuerit filium voluntate, ut principio, vel saltem ipsum genuerit volens.

Primus modus dicendi. Circa hunc quartum articulum est multiplex modus dicendi. Primus est Henrici Gandensis in summa art. 58. q. 2. afferentis (vt ait Scotus in primo, distin. 6. quaest. vnica.) quod pater non gignit filium volēs, sed tantum necessitate naturali, sicut ignis necessitate naturalis calefacit, licet actu generandi iam posito voluntas patris quasi complaceat in illo. Probat Henricus suam sententiā hac ratione, Generatio filij præcedit volitionem patris: ergo non gignit filiū volens, nisi voluntate consequente. Consequentia est optima: antecedēs probatur: quia generatio verbi, & filij est intellectio patris, vt patris: sed intellectio patris præcedit volitionē, quia actus intellectus præcedit necessario actum voluntatis: ergo generatio verbi præcedit volitionem.

Secundus modus dicendi. Secundus modus dicendi est Beati Thomæ, prima par. quaestio. 41. artic. 2. qui duplici constat conclusione. Prima. Generatio filij est voluntaria, voluntate concomitante. Secunda. Generatio filij non est voluntaria voluntate antecedente, seu

principiante. Caterum, quia Scotus, & D. Thom. circa hanc difficultatem idem sentire videntur, quamuis aliqui Thomistæ contrarium fateantur, non explicabitur seorsum a sententia Scoti opinio. B. Thom. sicut in alijs controuersijs facere soliti sumus.

Tertius modus dicendi est Scoti, vbi supra. Qui in duabus propositionibus consistit. Prima propositio. Pater nullo modo gignit verbum voluntate, vt principio, neque proximo, neque remoto. Secunda propositio. Pater gignit filium volens voluntate antecedente.

Tertius modus dicendi.

EXPLICATIO PRIMAE propositionis Scoti.

Circa primam propositionē Scoti obserua, quod voluntatē esse principium verbi potest bisariā intelligi. Primo, quod sit principium elicitiuum proximum, & immediatum verbi: secundo, quod sit principium superius, & remotum applicans, & determinans memoriā, vt puta, intellectum ad intelligendum & producendum verbum. Pro decisione huius difficultatis nonnullæ conclusiones sunt notandæ.

Prima conclusio. Pater non generat filium voluntate, vt principio elicitiuo proximo, & immediato. Probat: quia, vt controuersia. 9. docuimus, principium productiuum vnius rationis, vt intellectus, vel voluntas non potest habere duas productiones eiusdem rationis: sed Spiritus sanctus producit per voluntatem, vt principium productiuum elicitiuum proximum, & immediatum: ergo filius non potest per eandem

1. Conclusio.

dem voluntatem tanquam per principium elicitiuum proximum produci. Consequentia optima est, cum minori nota: maiorem proba: Primo: quia si principium vnius rationis posset habere duas productiones eiusdem rationis, similiter & infinitas, & per consequens actus eas haberet, ut loco nunc citato ostendimus satis abunde. Præterea: quia ibi satis ostendimus principium vnius rationis esse necessario determinatum ex se ad unicam productionem. Tandem: quia qualibet productio in diuinis est ad aequata intensiue, & extensiue suo principio: ergo si a voluntate est productio Spiritus sancti, sicut re vera est, nullatenus ab ea esse potest productio verbi.

Secundò. Principium perfectum simpliciter nõ requirit aliquod principium secum ad actum suum: sed memoria in patre est principium respectu verbi simpliciter, & omnino perfectum (cum sit formaliter infinita) & immediatum, quia memoria fecunda est immediate verbi productiua: ergo ad productionem verbi non concurrat voluntas: quia eius concursus superfluit, nihil autem superfluum ibi poni potest.

2. Concl.

Secunda conclusio. Non generat pater filium voluntate, etiam ut principio remoto. Probatur: quia sicut voluntas, ut est principium operatiuum aliquo modo posterius operatur, quia volitioni necessario præsupponitur cognitio obiecti voliti: ita, ut principium productiuum aliquo modo posterius producat, quam intellectus: atque ita non erit causa superior neque prior in productione verbi, quã intellectus, ac per consequens, nec principium remotum.

Tertia conclusio. Pater non genuit filium voluntate, ut principio applicante, & copulante intellectum cum intellectione. Probatur. Voluntas in nobis non est applicans, nec copulans, nec mouens intellectum respectu primæ intellectionis: ergo nec voluntas diuina habet rationem principii applicantis, vel mouentis intellectum respectu productionis verbi. Antecedens patet: quia prima intellectio non est in nostra potestate: nam secundum Augustin. impossibile est, quin visis tangamur. Consequentia probatur: quia si in nobis non esset, nisi illa prima intellectio semper stans, nostra voluntas nullatenus respectu illius haberet rationem principii, aut applicantis intellectum ad intelligendum, aut aliquo alio modo: ergo cum intellectio Dei sit vnica ac semper stans, voluntas diuina nullius principij rationem, ut applicantis, aut mouentis respectu illius habebit: ergo nec respectu productionis verbi alicuius principij rationem habet: quia voluntas sicut in operando, id est, volendo, ita & in producendo, vel principiando sequitur aliquo modo intellectum, & ita sicut respectu intellectionis diuinæ nullius principij rationem habet: ita nec respectu verbi, ut modo conclusimus.

3. Concl.

Sed contra has conclusiones obijcio ex Augustin. qui multis in locis videtur productionem verbi in nobis ipsi voluntati, ut principio productionis tribuere. In primis 9. de Trinitate, capit. septimo, ait. Verbum amore concipitur. Et eodem libro capitulo vndecimo. Notitia placita digneque amata verbum est. Eodem libro capitulo octauo. Ver-

bum cum mente, de qua gignitur, medius amor coniungit. Et capit. 4. eiusdem libri. Verbum, quod influare volumus est cum amore notitia. Et lib. 1. capit. 4. voluntas vero illa, quæ hac atque illac fert atque refert aciem formandam coniungitq. formatam, &c. Ex his sic argumentor. Secundum Augustin. voluntas est principium verbi, copulando obiectum cum potentia, & conuertendo aciem intellectus ad memoriam, id est, ad eundem intellectum specie formatum. Et multoties in 1. de Trinit. ait, quod ad visionem requiritur intentio copulans parētem cū prole: ergo hoc similiter se habebit in Trinitate increata, cuius imago est i anima nostra, quod volūtas habebit ibi aliquam rationem principij respectu productionis verbi, vel rationem alicuius superioris applicantis principium proximum, scilicet, intellectū ad actum suum.

1. obseru.

Ad has Augustini auctoritates, & multas alias intelligendas, quæ passim a Doctore subtili in suis scriptis adducuntur, memineris, eorum, quæ in controuersijs de verbo mentis diximus, vt puta, memoriā dici ab Augu. intellectum cum obiecto, quam etiam parentem multoties vocat: intelligentiam verò dici intellectum, vt actuali intellectione informatum, vel ipsam actualem intellectiōnem, quam prolem sapissime nominat.

2. obseru.

Secundò aduerte, quod habita intellectiōne prima obiecti potest voluntas in nobis imperare intellectui vt perfectiorē notitiam inquirat de eodem obiecto, vel de alio ei simili. Et cum imperat intellectui vt notitiam inquirat, dicitur copulare parētem cum prole: quia facit, quod me-

moria, quæ est parens, producat notitiam, quæ est verbum ac proles, vt in controuersijs de verbo mentis ostendimus. Et similiter ob eandem causam dicitur conuertere aciem mentis ad memoriam, ipsamque ad inuestigandam obiecti cognitionem ad mouere, & applicare.

Insuper obserua, in nobis plures esse actus intelligēdi & similiter plures actus dicendi. Primum patet: quia quandoque intelligimus, quandoque verò non, vt puta, cum somno occupamur, & præpedimur, & quandoque vnum obiectum, quandoque verò aliud cognoscimus: q̄ duo manifeste indicant actuum intelligendi pluralitatem in nobis. Item quia si in nobis non esset nisi vnicus actus intelligendi, voluntas non posset causare vel esse causa alicuius intellectiōnis in nobis (quia ante omne vel le voluntatis necesse est esse vnā intellectiōnem, & si non esset in nobis nisi vna intellectiō, tunc illa esset ante omne velle, ac per cōsequens nullo modo esset a volūrate) sed hoc est falsum: ergo. Secundū verò, vt puta, q̄ in nobis sunt plures actus dicēdi, patet: quia in nobis non est actus intelligendi sine actu dicendi, & in via D. Tho. & in via Scoti In via quidem D. Thomæ, quia per intellectiōnem saltem abstractiuam necessariò producimus verbum ad intelligendum ordinatum: ergo ipsa intellectiō est dictio: ergo si sunt plures intellectiōnes in nobis, similiter & plures dictiōnes. In via verò Scoti, quia actus intelligendi seu ipsa intellectiō est qualitas producta tanquam verbum per actum dicendi, vt in controuersijs de verbo latè ostēdimus: ergo si intellectiōnes (vt ostendimus) sunt plures

3. obseru.

plures in nobis, necessario, & actus dicendi erunt plures: qualibet intellectio requirit vnum actum dicendi tãquam actionem sui productiuam.

His positis respondeo, q̄ præfatæ autoritates D. August. intelliguntur in nobis, in quibus non est vnica tantum intellectio, sed plures, respectu quarum volũtas habet rationem principij applicantis, & mouentis, ac tenentis intellectum in actu intelligendi. Caterum cum in Deo non sit, nisi vnica intellectio, volũtas diuina nullo modo respectu eius habet alicuius principij rationem, vt diximus. Qd̄ patet: quia si in nobis vnica esset intellectio, voluntas respectu eius non haberet rationem principij, vt paulo ante dicebamus: ergo similiter nec in Deo, cum ibi vnica tantum sit intellectio.

Obiectio. Sed dices, q̄ licet ita sit, q̄ volũtas diuina respectu intellectiois diuinæ ingentis nullam rationem principij habeat propter rationem dictã, inde tamen nõ videtur inferri, quod respectu actus dicendi, ac respectu verbi nullam habeat causalitatem: quia actus dicendi in diuinis posterior est actu intelligendi.

Solutio. Respondeo, quod cum in Deo nõ sit, nisi vnicus actus dicendi respectu illius, non habet diuina voluntas rationem causæ, vel principij: quia voluntas sicut in operando, ita & in producendo, ac principiando sequitur aliquo modo intellectum. Vnde actus dicendi in Deo, sicut & actus intelligendi omnem principiationem voluntatis præcedit: potest tamẽ voluntas, vt complacens, non vt principians habere actum respectu generationis verbi.

Obiectio. Sed contra. Prædictæ autoritates

sunt etiã intelligendæ in Deo secundum Augu. ergo responsio assignata est nulla. Probo antecedens: quia Diuus Augu. voluntati, vt est tertia pars imaginis creatæ representantis Trinitatem increatam, nullum aliũ actum assignare videtur, nisi illum, qui est coniungere parentem cum prole: ergo voluntas creatæ, vt est pars imaginis, nihil representabit in prototypo. scilicet Deo trino, nisi voluntas diuina habeat aliquo modo coniungere parentem cum prole, ac per consequens respectu verbi aliquam causalitatem habet seu rationem principij.

Solutio. Respondeo, q̄ etsi multoties Augustinus prædictum actum copulandi parentem cum prole, id est, intellectum cum noticia assignet voluntati, aliquando tamẽ sibi assignat alium, vt puta, amorem & dilectionem obiecti, quod est obiectum memoriæ, & intelligentiæ, & etiam amorẽ notitiæ productæ circa obiectum, vt patet. 14. de Trinitate cap. 8. vbi ponit Trinitatem in mente in quantum meminit sui, intelligit se, & diligit se. Et 15. de Trinitate c. 3. sic ait. Mens & notitia, qua se nouit, & amor, quo se notitiamque suam diligit. Vbi voluntati vt est tertia pars imaginis, assignat tanquã actum, dilectionem, & amorem respectu obiecti, & notitiæ genitæ. Dico ergo, quod actus diligendi obiectum, & notitiæ pertinet propriè ad voluntatem, vt est tertia pars imaginis creatæ representantis Trinitatem increatam, quæ imago creata est ipsa anima: actus verò copulandi parentem cum prole, & conuertendi aciem ad memoriã, licet sit actus voluntatis, nõ tamen per se spectat ad voluntatem, vt est tertia imaginis pars.

EXPLICATIO SECVNDÆ
propositionis Scoti.

1. *Obfer.*

AD euidentiam secundæ propositionis Scoti, in qua secundum aliquos Thomistas Scotus, & Beatus Thomas dissentire videntur, obseruandum, primò, q, vt in controuersijs de verbo mentis diximus, in intellectu diuino duo actus ponuntur a Scoto ex natura rei formaliter distincti: alter est actus intelligendi: alter vero actus dicendi, seu gignendi, & exprimendi verbum. Nam sicut supra posuimus in nostro intellectu actum de genere actionis, qui est dicere verbum, & actum de genere qualitaris, q, est actualis intellectio, qua formaliter intelligimus: ita intellectus diuinus habet vnum actum correspondentem intellectiioni nostræ, quæ est qualitas, quo, scilicet, actu pater formaliter intelligit, habet etiam alium actum correspondentem actui nostro, de genere actionis, quo pater generat & exprimit verbum. Quòd verò actus intelligendi sit distinctus ab actu dicendi, ac per consequens, q, nō sint omnino idem, vt vult Henricus, vbi supra, sic ostendo. Quia intelligere est perfectio simpliciter, siquidem Deus quo ad intellectū intelligentiæ est beatus: nō autem beatificatur, nisi perfectione simpliciter: sed dicere non est perfectio simpliciter: ergo dicere, & intelligere nō sunt idem. Probo minorem: quia si dicere esset perfectio simpliciter, tūc filius, & Spiritus sanctus non essent simpliciter perfecti: quia non dicunt sumendo ipsum dicere pro exprimere verbum: quia sic solus pater dicit: sed consequens est omnino falsum: ergo, &c.

Secundò. Quia sicut ratio actionis & ratio factionis formaliter distinguuntur in creaturis, quia ex Aristotele. 7. Metaphysicorum, actio est vltimus terminus potentie actiue immanenter operantis: factio verò habet terminum productū per ipsam, vt ibidem docet Aristoteles, ita in diuinis operatio, scilicet, intellectio, qua pater formaliter operatur, videtur distinguī formaliter a productione, qua formaliter producit filium, quæ est actio dicendi. Et cōfirmatur: quia operatio habet obiectum, quasi præsuppositum: ergo intelligere, qd est operatio patris nō est formaliter dicere, quod est productio filij, a patre. Patet consequentia: quia intelligere patris supponit suum obiectū & terminum: dicere verò nequaquā, sed suum terminum vtcunque præcedit, sicut actio suū terminum, qui per ipsam producit, imò, & quasi origine, vt controuersia illa, an pater & filius spirent, in quātum omnino vnum, artic. 3. docebimus.

Secundò obserua, q, vt secundo *2. Obfer.* articulo huius cōtrouersie diximus, essentialia secundum se sunt priora notionalibus. Vnde nō solum actus intelligendi est prior actu dicēdi, sed etiam actus volendi, vt patet. Nam sicut hic Deus præsupponitur, vt intelligens actui dicendi, & personis, ita similiter, vt volens & diligens suā essentiam, quia præsupponitur personis secundū omnes perfectiones simpliciter (vt supra diximus) inter quas est dilectio diuinæ essentie. In primo ergo signo naturalis præsuppositionis, vel rationis pater est intelligens suam essentiam, etiam vt comunicandam: in secundo vult suam essentiam non solum in se, sed etiam vt

com-

communicandam : tertio communi-
cat suam naturam filio per genera-
tionem.

3. *obseru.* Tertio obserua, quod voluntas po-
test ad aliud bifariam comparari .
Primò sicut causa , seu principium
ad effectum : & sic vocatur princi-
pians . Secundò tanquam ad obie-
ctum præcisè : & sic potest dici , vel
antecedens , vel concomitans , vel sub-
sequens . Antecedens quidem si ten-
dat prius in obiectum , quam obie-
ctum in esse producat . Concomi-
tans vero si simul omnino cum obie-
ctum producat , vult illud : subse-
quens vero si obiecto in esse posito
sibi complacet , sicut complaceo mihi
in pluvia , quæ actu est .

4. *obseru.* Quarto obserua , quod patrem vo-
lentem gignere filium potest multis
modis intelligi . Primò de actu volun-
tatis de nouo accedente , ita quod pa-
ter aliquando non voluerit gignere
filium , postea verò voluerit per no-
uam volitionem . Secundò potest in-
telligi de actu volendi antecedente
generationem siue natura , siue secun-
dum rationem : ita quod prius volue-
rit pater generationem , quam genue-
rit . Tertio potest intelligi de actu vo-
luntatis concomitâte , ita quod simul
omnino sint volitio generationis , &
generatio filij . Quarto de actu subse-
quente voluntatis , ita quod posita ge-
neratione sit pater sibi in ea cõpla-
ceat , atque eam approbet .

5. *obseru.* Quintò nota , quod essentia diui-
na potest ante generationē filij præ-
cognosci bifariam : primo absolutè ,
& secundum se : secundo , vt com-
municanda . Et hoc dupliciter . Pri-
mo , vt communicanda per genera-
tionem : secundo , vt communican-
da absolutè . Et similiter his modis

potest esse volita a Deo .

His ita constitutis sit prima con-
clusio . Omnes Doctores conueniunt
cum Augustino contra Eunomium .
1. 5. de Trinitate , quod pater non ge-
nerat filium actu voluntatis de nouo
accedente , quo de nouo fiat volens .
Tum quia Deus pater mutaretur , ac
per consequens non esset Deus : quia
Deus est omnino immutabilis . Pro-
bo sequelam : quia de non volente fie-
ret de nouo volens , quod esse nequit
absque noua volitione , ac per conse-
quens , nec absque mutatione . Hoc
confirmatur ex dictis D. Ambrosij de
Spiritu sancto . Si Deus , inquit , in-
ciperet esse pater , mutaretur : ergo
similiter si inciperet de nouo esse
volens .

Secunda conclusio . Licet Deus
pater voluntate consequente velit si-
lij generationem , non tamen eum
gignit tantum voluntate consequen-
te . Prima pars huius conclusionis est
satis aperta : quia pater diligit om-
nia diligibilia : ergo complacet sibi
in generatione filij , posita in re , &
in ipso filio , qui est sibi æqualis in
bonitate . Secunda pars eiusdem con-
clusionis ostenditur , quia pater ge-
nerat filium formaliter volens , sed
si solum voluntate subsequente ge-
neraret filium non produceret illum
formaliter volens , ergo non gignit
illum tantum voluntate subsequente ,
consequentia est nota : maior verò
communiter conceditur . Sed mi-
norem proba a simili : quia primam
intellectionem in nobis , quæ omnē
actum voluntatis præcedit , non dici-
mur elicere volentes formaliter , sed
eam elicitam volumus esse , & hoc ,
quia volitio nostra subsequitur in-
tellectionem : ergo similiter si pater

1. *Concl.*

2. *Concl.*

solum voluntate consequente produceret filium, nō diceretur formaliter volens elicere gignitionem, sed solum quia in ipsa gignitione posita in esse sibi quasi posterius complaceret.

3. Concl. Tertia conclusio. Sententia, quæ asserit patrem actu voluntatis concomitante producere filium, est probabilissima & vera. Probatur: quia simul omnino cum generatio ponitur in esse, adeest actus voluntatis paternæ, quo sibi pater complacet in ipsa generatione: ergo voluntate concomitante producit filium. Hanc conclusionem non negat Scotus: sed addit, quod etiam voluntate antecedente pater producit filium.

4. Concl. Quarta conclusio. Actum simpliciter voluntatis antecedente pater producit filium. Probatur. Actus volendi præcedit actum dicendi in patre: ergo nihil vetat, quo minus pater dicatur formaliter volens antecedenter gignitionem filij. Antecedens patet ex articulis antecedentibus, in quibus ostendimus essentialia priora esse notionalibus, & similiter actum intelligendi priorem esse in patre, quam actum dicendi. Consequentia probatur: quia per illum actum volendi præcedentem generationem potuit esse volita ipsa generatio.

Obiectio. Sed dices forsitan, quod non potuit esse volita: quia non præcognoscitur antequam ponatur in esse actualis existentia, quia non prius habet esse cognitum, quam esse reale.

Solutio. Respondeo, quod D. Thom. libenter concederet generationem filij, & ipsum filium cognosci prius secundum rationem, quam in esse reali ponantur. Nam S. Thomas fatetur verbum nasci de cognitione creaturarū, & personarum diuinarum: quia se-

cundum eum nascitur de cognitione comprehensiu diuinæ essentia: non est autem comprehensiu secundum thomatizantes, nisi creaturæ & personæ diuinæ, quæ per ipsam cognosci possunt, cognoscantur. Cæterum in via Scoti non parua est difficultas, an cognitio verbi & Spiritus sancti ad productionem eiusdem verbi præsupponatur: quia tunc prius produceretur verbū, & similiter Spiritus sanctus in esse cognito, quam in esse reali, sicut creaturæ: & per consequens esse cognitum verbi, quod est esse secundum quid, præcederet esse simpliciter ac necesse esse ipsius verbi: ac secundum Scotum locis citatis in controuersia præcedenti maximum est inconueniens esse secundum quid præsupponi ad esse simpliciter, ac necesse esse: ergo non videtur concedendum verbum ac verbi generationem præcognosci ante eorum esse actualis existentia.

Præterea: quia in via Doctoris subtilis ad verbi diuini generationem solum præsupponitur cognitio primarij obiecti, quod est essentia, vt prior relationibus diuinis, in cuius visione ac dilectione Deus beatificatur, vt dist. 1. primi sentent. q. 2. idem Scotus fatetur. Respondent aliqui, verbi generationem ante eius actua-lem & formalem existentiam nulla tenus cognosci. Sed cum hoc statim-quiunt, patrem voluntate antecedente gignere ipsum filiū: quia licet essentia, vt communicanda per generationem, non præcognoscatur, præcognoscitur tamen, vt communicabilis, vel communicanda absolute: quod sufficit vt eam velit pater communicare, ac per consequens, vt dicatur voluntate antecedente gigne-

re filium. Nam si voluntate antecedente vult suam essentiam communicare ante actualem communicationem, in hoc includitur volitio communicationis per generationem. Pater igitur in primo signo rationis, vel naturæ intelligit suam essentiam, ut communicabilem: in secundo vero eam diligit, ac vult actu simplici eius communicationem: in tertio vero eam communicat per generationem, & in quarto per spirationem. Cum igitur in secundo signo velit Pater suam essentiam, ut communicandam, & in tertio per generationem eam communicet, sequitur, quod voluntate antecedente generat filium: quia licet actus voluntatis antecedentis non cadat expresse supra verbi generationem, quatenus generatio est, cadit tamen super eam prout communicatio est. Hic modus dicendi desumitur ex additione ad litteram Doctoris subtilis in questione vnica sextæ distinctionis primi sententiarum: ubi hanc questionem tractat ex professo, sed nullatenus propter hoc concedi debet, quod voluntate, ut principio producat filium, ut supra diximus.

Obiectio.

Sed contra dicta obijcies mihi Scotum in primo, distinctione decima in fine questionis, affirmantem expresse Patrem & Filium in priori signo originis antequam Spiritus sanctus intelligatur spirari, intuitiue ipsum cognoscere. Et sicut hoc concedit de Patre & Filio respectu Spiritus sancti, debet propter consimilem rationem id ipsum de Patre respectu Filij concedere.

Solutio.

Respondeo, Scotum quasi dubitater id asserere loco citato: quia cum ad vltimum argumentum vnicam so-

lutionem adhibuisset, secundam in hæc verba adiecit. Aliter posset dici, quod in illo priori signo originis antequam intelligatur Spiritus sanctus spirari, Pater & Filius cognoscunt Spiritum sanctum intuitiue (non ut existentem in se) quia cognoscunt essentiam diuinam, quæ est ratio cognoscendi intuitiue quodcumque obiectum, etsi non existat. Videtur ergo, quod Scotus dubitanter loquutus est, vel quod ex aliorum sententia illud dixit, & non ex propria: quia cum ex propria sententia argumento satisfacisset, iuxta aliorum sententiam ei satisfacere voluit.

Sed si ista non placent, dicendum, quod cognitio intuitiua personarum præsupponitur modo prædicto. Nec inde inferitur, quod prius habuerit Spiritus sanctus esse cognitum, de quo loquitur Scotus, quam esse reale: quia productio rei in esse cognito solum competit rebus possibilibus, secundum quod sunt tales, quod ipsis non repugnat habere esse existentie extra suas causas. At Spiritus sanctus est ens omnino ac simpliciter necessarium: ac proinde productio in esse cognito sibi prorsus repugnat. Præterea, quia cuiusque cognitioni sui secundum propriam rationem, supponitur eius essentia ac substantia, ut puta, diuina natura, secundum quam est omnino necesse esse: ac proinde nullo modo esse cognitum eius supponitur esse eius simpliciter. Nec inde sequitur quod verbum ex cognitione sui oriatur, aut Spiritus sanctus ex amore sui: quia ut supra docuimus, nec verbum producit per cognitionem, nec Spiritus sanctus per amorem. Secundum hunc modum dicendi tenen-

nendum est, quòd pater voluntate simplici antecedente voluit filij generationem sub ratione generationis, nec inde aliquid nascitur inconueniens: & hic modus dicendi est melior, & conformior doctrinæ Scoti.

Sed quòd hæc 4. concl. sit D. Tho. tenet Caietan. 1. par. quæst. 41. art. 2. Quod probat: quia secundum B. Tho. eadem 1. par. quæstio. 33. artic. 3. ad primum, absoluta communia toti Trinitati sunt priora notionalibus: sed velle generationem filij, sicut velle essentiam diuinam, est absolutum cõmune toti Trinitati: ergo prius pater vult generationem filij, quam generet. Sed in hac ratione Caietani obseruandum est verum esse saltẽ iuxta D. Thom. sententiam, velle generationem filij, vt in patre præcedere verbi generationem, sed non vt in Spiritu sancto: quia prius origine producit filius, quàm Spiritus sanctus: ergo velle generationem, prout in Spiritu sancto, non præcedit generationem filij.

Nec obstat essentialia priora esse notionalibus: quia id debet intelligi de essentialibus secundum se, & non prout in aliqua persona: nam liquidum est generationem actiuam priorem esse deitate, prout in Spiritu sancto: quia prius intelligitur generatio actiua, quàm deitas in Spiritu sancto. Verum est tamen, vt supra diximus, quod comparando essentialia, & notionalia in eadem persona, essentialia sunt priora notionalibus.

Præterea. Cognitio visionis creaturarum est essentialis, & tamen est posterior omnibus notionalibus, quia illa cognitio nõ habetur, nisi post determinationem diuinæ voluntatis volentis producere res in esse actualis

existentiæ, at verò prius quam diuina voluntas in huiusmodi actum prorumpat, tres personæ diuinæ sunt in actuali existentia: aliàs concedendū esset Deum ante productionem verbi voluisse esse mundum, quo nihil absurdius dici potest.

Ad rationem Henrici pro suo modo dicendi patet ex primo notabili, quòd actus intelligendi non sit ipsa verbi productio.

AD ARGUMENTA in principio controuerfiæ posita.

AD primum concedo maiorem, *Ad primum.* & minorem, & primam consequentiam. Et cum rursus infertur, Ergo voluntate generat filium, distinguo consequens, quia ille ablatius, voluntate, potest ibi teneri vel aduerbialiter: vt sit sensus, voluntate genuit, id est, voluntarie, & tunc est verum consequens. Vel potest teneri nominaliter ablatiue, & tunc notat causam, & principium elicitiuū respectu generationis, & sic est falsum consequens. Nec valet ista consequentia. Voluntarie generat: ergo generat voluntate, vt principio: quia & nos multa facimus voluntate, vel antecedente, vel concomitante, quorum tamen voluntas non est principium.

Ad secundum dico, quod Apostolus vocat Christum filium dilectionis Dei: *Ad secundum.* non quia secundum diuinitatem sit genitus a patre per dilectionem, sed quia est Deo maximè dilectus. Sensus ergo Pauli est, Transiit nos in regnum filij dilectionis suæ, id est, filij maximè a se dilecti.

Ad tertium patet ex dictis articulo ultimo, quoniam in pacto Deus pater generationem filij voluerit. *Ad tertium.*

CONTROVERSIÆ DECIMATERTIA.

An Spiritus sanctus procedat libere ?



RA R S negatiua his argumentis verosimilibus apparet. Primò. Si Spiritus sanctus produceretur liberè, vel libertate contradictionis, vel contrarietatis, vel complacentiæ: sed nulla istarum producitur liberè: ergo non producitur liberè. Probo minorem: quia non producitur liberè duabus libertatibus prioribus, nec aliqua illarum, quia tunc posset non produci, ac per consequens non esset ens simpliciter necessarium, quod est hæreticum; nec tertia libertate, scilicet, complacentiæ: quia tunc non magis liberè produceretur, quàm filius, qui etiam libertate complacentiæ producitur: ergo non procedit liberè.

Secundò. Quod producitur per voluntatem, vt libera est, præcognoscitur ante sui productionem, quia voluntas non fertur in incognitam: sed Spiritus sanctus non præcognoscitur ante sui productionem, quia tunc esset exemplatus, & ideatus, sicut creatura: ergo non producitur per voluntatem, vt libera est, ac per consequens non producitur liberè.

Tertiò. Si produceretur per voluntatem, vt libera est, procederet sicut creatura, quæ etiam est a voluntate diuina, vt libera: sed consequens est omnino falsum: ergo.

IN hac controuersia est duplex opinio<sup>1. opi-
nio.</sup> opposita. Prima est B. Thomæ, 1. par. quæstio. 41. art. 2. asserentis Spiritum sanctum produci per voluntatem, non vt libera, sed vt natura est. Eadem sententia est Caiet. & cuiusdam alterius expositoris eiusdem D. Thom. ibidem, ac ferè omnium discipulorum eius.

Opposita sententia est Doctoris<sup>2. opi-
nio.</sup> subtilis in primo, d. 2. q. 7. & dist. 10. quæstione vnica. Et quol. 16. in quibus locis expresse affirmat Spiritum sanctum produci per voluntatem, non vt natura, sed vt libera est, summe tamen necessario, sic quod non potest non produci. Scotum sequuntur in d. 10. primi multi graues Doctores, Richardus, Gabriel, Diuus Bonauen'ura, OKam, Bassolis, Marfilus q. 14. Leuchetus, Tataretus, & alij quam plures.

E X P L A N A T I O opinionis B. Tho. secundum mentem aliquorum.

AD intelligentiam opinionis B. 1. Nota. Tho. prænotant Thomistæ, (& præcipuè nouissimus quidam expositor primæ partis B. Tho.) quod omnis libertas, & omnis indifferentia voluntatis fundatur in natura ipsius voluntatis, atque ita voluntas, quatenus potentia indifferens & libera, præsupponit seipsam, vt natura quædam est habens omninodam determinationem.

tionem. Ex quo inferitur, quòd omnis operatio libera voluntatis procedens a voluntate vt potentia libera præſupponit aliquam operationem ipſius voluntatis naturalem & neceſſariam, ſaltem quoad ſpecificationē. Itaque in voluntate conſideramus & rationem naturę & rationem libertatis. Illa neceſſario eſt prior iſta: quia primum in vnaquaque re eſt ratio naturę: ac ita voluntas prius operatur, vt natura quædam eſt, quàm vt libera eſt.

Not. 2. Secundò prænotant, quòd neceſſarium biſariam accipitur. Primò, vt idem ſit, quod coactum & violentū. Secundò, vt opponitur poſſibili, quod poteſt eſſe & non eſſe, ſive ab intrinſeco ſive ab extrinſeco. His poſitis ſententia B. Tho. his concluſionibus continetur.

1. Concl. Prima concluſio. Spiritus ſanctus non procedit neceſſario, ſu mpto neceſſario in priori acceptione: quia coactio & violentia eſt maxima imperfectio, quæ longe eſt ab illa perfectiſſima natura Dei.

2. Concl. Secunda concluſio. Si neceſſariū ſumatur in ſecūda ſignificatione Spiritus ſanctus neceſſario ſpiratur a patre & filio. Probat: quia contra fidem eſt dicere, q̃ Spiritus ſanctus poteſt non produci: ergo ſecundum fidem fatēdum eſt Spiritum ſanctū: ita neceſſario procedere a patre, & filio, quòd nullatenus poſſit nō procedere.

3. Concl. Tertia concluſio. Nullo modo concedendum eſt, quòd Spiritus ſanctus procedat liberè, ſed naturaliter, & neceſſario. Primam partem huius cōcluſionis adeò certam eſſe aſſerūt Thomiſtę, vt oppoſitū doctrinæ ſanctorum, & modo loquendi ſapientū

non ſatis conſonum eſſe aſſerunt: quia ſancti patres, philoſophi, & cæteri ſapientes illum ſolummodò liberum appellare cōſueverunt, quod eſſe & non eſſe poteſt. Vnde Auguſt. lib. 3. de libero arbitrio, cap. 3. inquit illud ſolū in nobis liberum eſt, quod in nobis eſt, facere vel non facere. Idem aſſerit D. Hieronymus in Epif. ad Damaf. Damafcenus lib. 2. de fide cap. 28. & Ariſt. 3. Ethicorum c. 4. ergo cum Spiritus ſanctus non poſſit non produci ſecundum fidem improprieſſimè, & contra communem ſenſum aſſeritur illum liberè procedere.

Secunda pars cōcluſionis ſic oſtenditur. Non procedit a voluntate, vt libera, ex nunc dictis: ergo cum procedat a voluntate, procedit ab ea, vt natura, & ſic naturaliter. Et confirmatur: quia prima operatio, cuiuſcunq; rei eſt ab ea, vt natura eſt: ergo, &c. Hæc de opinione B. Thom.

EXPLANATIO opinionis Doctoris ſubtilis.

AD intelligentiā opinionis Doctoris ſubtilis primò obſervandum ex eodem quolib. 16. quatuor eſſe modos operandi, vt puta, liberè, naturaliter, contingenter, & neceſſariò. Ex quibus duo priores diuidunt principium operatiuum, & productiuum immediatè, vt docet Scotus in 1. d. 2. q. 7. taliter, quòd omne principium actiuum vel agit per modū libertatis ſeu liberè, vel per modum naturæ, ſeu naturaliter. Et adeò iſti duo modi diuidentes actiuum principium ſunt oppoſiti, vt nullatenus eodem principio etiam reſpectu diuerſorum

forū inesse queant, sicut nec duę differe-
rentiæ diuidentes genus possunt ei-
dem speciei inesse, nec duo modi in-
trinseci entis, vt finitum & infinitū.
Propter quod Scotus loco nūc cita-
to pluralitatem principiorum ad nu-
merum binarium reducit, ad liberū,
scilicet, & naturale: quia omnis agēs,
vel agit ex se determinatē, & sic natu-
raliter, vel ex se non determinatē &
sic liberē. Agere verō necessariō, &
agere contingenter non sic opponū-
tur, quod eidem respectu diuersorū
conuenire nequeant. Agere necessa-
riō, vt opponitur modo agendi con-
tingenter est sic agere, quod nō pos-
sit non subsequi actio vndecumque
proueniat huiusmodi necessitas: age-
re verō contingenter per oppositum
est sic agere, quod actio possit nō sub-
sequi, vel quā impediri potest, vel
ex libertate agentis. Itaque hi duo
modi respiciunt præcisē necessitatē,
vel contingentiam actionis, vnde cū-
que proueniat: & ideo necessitas agē-
di, & contingentia, & cū modo agen-
di liberē, & etiam naturaliter se com-
patiuntur, vt postea ostendemus.
Agens enim naturale potest agere cō-
tingenter, & agens liberum necessa-
riō: sed agens naturale nō potest age-
re liberē, nec agens liberē, naturali-
ter, etiam respectu diuersorum.

Secūdo obserua, quod libertas est
multiplex. Alia est libertas contra-
dictionis, quæ est ad contradictorios
actus, vt ad velle, & nō velle: quia ali-
qua libertate fruitur homo respectu
actus comedendi, vel deambulandi:
potest enim velle comedere, & de-
ambulare, & non velle comedere,
aut deambulare: vnde non velle pro-
priē non est actus, sed cuiuscumque
actus negatio, & suspensio. Alia est

libertas contrarietatis, quæ versatur
inter duos actus contrarios & positi-
uos respectu alicuius obiecti: cuius-
modi sunt velle & nolle. Hac liber-
tate dicitur homo liber respectu ca-
libatus: quia potest velle calibatū,
& nolle calibatū. Alia est libertas
complacentiæ, quæ voluntas sibi com-
placet in aliquo, etsi respectu ei⁹ nul-
lius causæ rationem habeat. Vltima
est libertas essentialis voluntatis, quæ
ad omnes prædictas præsupponitur,
& omnes illam includunt, sed præci-
sive sumpta, ab eis distinguitur. Hæc
libertas est, non quidem posse agere
& non agere, sed complacenter co-
gnitione finis sub propria finis ratio-
ne, supposita, quasi se determinare
ad agendum, siue contingenter se de-
terminet, siue necessario. Capiamus
exemplum: Voluntati præsentatur
vnum obiectum, quid determinat
voluntatem, vel quasi trahit volun-
tatem ad eliciendum actum circa il-
lud: Ipsa tamen voluntas se ad hoc
determinat cognitione finis supposita:
in qua natura distinguitur, quæ
immediatē per se ipsam nulla actio-
ne supposita agit, & operatur.

Tertio aduertunt aliqui Scotistæ, 3. Nota.
quod agens liberum quandoque se
determinat ad actum necessario sum-
ma necessitate proueniente ex eius li-
bertate & rectitudine, sic quod huiusmo-
di necessitatem in agendo ob firmita-
tem suæ libertatis, & summam recti-
tudinem sibi ipsi imponit, & non est
ab alio ipsum quasi impellente, &
figente in actu suo. Quod vt me-
lius percipiatur, obseruant, quod
cum dicimus, Voluntas diuina ne-
cessario vult bonitatem diuinam,
ly necessariō, potest determinare ac-
tum volendi, vt determinatur, ad
obic-

obiectum: & sic est vera propositio, sed sic non vult necessario alia obiecta a bonitate diuina. Aut potest determinare actum, vt egreditur a voluntate diuina. Quod bifariam intelligi potest. Primo, vt sit necessitas præuia ad voluntatem, & voluntas intelligatur cadere sub necessitate, tanquam impellente in actum, & figente in actu. Et si ita intelligeretur, potius ageretur voluntas, quam ageret: & cū hac necessitate non est cōpossibilis libertas. Alio modo potest intelligi, quod illa necessitas sit concomitans, ita, quod ipsa intelligatur cadere sub voluntate, sic quod voluntas propter firmitatem libertatis suæ, & summam rectitudinem sibi ipsi huiusmodi necessitatem imponit in eliciendo actum, & perseverando siue figendo se in actu: & sic est vera illa propositio prædicta. Ex hac doctrina si vera est, vt isti volunt, sequitur, quod hæc necessitas in eliciendo actum & perseverando in eo quasi nascitur ex libertate & rectitudine voluntatis: ac proinde quanto voluntas liberior ac rectior est, tanto magis necessario elicit actum circa obiectum, saltem infinitum. Et quia diuina voluntas est liberrima, & rectissima, summa necessitate fertur in bonum infinitum, & in eius dilectione manet necessario, sic quod nō potest non diligere, nec ab dilectione desistere, quod eius libertatem nō minuit: sed auget, vel ostendit, quod Diui Augustini, & Diui Anselmi authoritatibus confirmo. Augustin. in enchiridio, cap. 14. sic ait. Sic enim oportebat prius fieri hominem, vt & bene posset velle & male: nec gratis vel frustra si bene, nec in pūne si male. Et sequitur. Postea verò sic erit vt

male velle non possit: nec ideo liberius erit arbitrium, quod omnino non poterit seruire peccato. Et subdit, quasi pro ratione. Neq; culpanda est voluntas, aut voluntas non est, aut libera dicenda est, qua beati sic esse volumus, vt esse miseri nō solum velimus, sed nequaquā prorsus velle possimus: sicut enim anima nostra nunc habet nolle infelicitatem, ita tunc nolle iniquitatem semper habitura est. Hæc Augustinus. Et Diuus Anselmus de libero arbitrio, cap. 1. sic ait. Qui sic habet quod decet, & expedit, vt hoc amittere nequeat, liberior est, quā ille, qui sic habet hoc ipsum, ut possit perdere. Ex quo sic infert. Liberior igitur est voluntas, quæ a rectitudine declinare non potest. Ex his sic ostendo propositum, ut putā, quod voluntatem diuinam non posse non diligere Deum, non minuit nec tollit, imò ostendit summam libertatem. Primo: quia secundum Anselmum loco nunc citato, illa voluntas est liberior, quæ sic habet, quod decet & expedit, ut illud amittere nequeat, quā illa, quæ id ipsum potest perdere: sed diligere Deum actu semper decet & expedit: ergo illa voluntas, quæ sic diligit Deū actu, & semper, quod nullatenus potest non diligere Deum, est omnino libera: sed talis est diuina voluntas: ergo non diminuitur libertas diuine voluntatis per hoc, quod necessario diligit Deum, nec potest non diligere, imò posse non diligere Deum non attinet ad libertatem secundum Augustinum supra citatum, dicentem liberius arbitrium esse, quod omnino non potest seruire peccato. Et ita magis libera ostenditur diuina voluntas.

Illam voluntas est liberior, quæ a rectitudine declinare non potest.

Iuntas in hoc, quod non potest non diligere diuinam bonitatem, quam ostenderetur in hoc, quod possit non diligere: quia si posset non diligere, posset seruire peccato, & amittere bonum, quod ad rationem libertatis non attinet. Secundò. Secundum Anselmum summa libertas est in voluntate non posse deficere a rectitudine: ergo summa libertas est in voluntate diuina non posse non diligere summum bonum. Consequentia patet: quia ex opposito consequentis infertur necessario oppositum antecedentis.

Nota. Voluntas diuina non potest non esse recta. Quartò obserua, quod voluntas infinita non potest non esse recta, quia est ipsa rectitudo per essentiam. Nec potest non esse in actu recto circa obiectum ex se volendum: cuiusmodi est diuina essentia, quæ omni actu diuinæ voluntatis secluso est ex se ipsa volenda. Ratio est: quia si posset non esse in actu recto diligendi diuinam essentiam esset in potentia receptiua illius actus, quod omnino implicat, cum sit purus actus: ergo necessario est in actu recto, qualis est dilectio diuinæ essentia. Sed nec sola voluntas infinita præcise non determinando obiectum, circa quod tendat, nec solum obiectum non determinando, quam voluntatem respiciat, ut est obiectum, est totalis ratio necessitatis in actu dilectionis, ut transit in obiectum: quia neque essentia diuina cum voluntate creata, nec voluntas diuina cum re creata in ratione obiecti sufficiunt ad necessitatem actus diligendi. Quia nec diuina voluntas diligit necessario creaturas, nec essentia diuina necessario mouet voluntatem creatam ad dilectionem: sed totalis causa, & ratio necessitatis in

actu diligendi est voluntas infinita habens obiectum ex se recte amandum perfecte præsens, cuiusmodi est diuina essentia. Vnde diuina voluntas summe necessario diligit diuinam essentiam, quia hoc perfectionis est maximæ, sed non habet actum diligendi necessario circa creaturas: quia hoc imperfectionis esset: nam imperfectionis est determinari necessario ad posterius: & perfectionis requiritur determinari necessario ad prius: & perfectionis concomitantis determinari ad illud, quod est simul natura. Sed nunquid summa rectitudo in diuina voluntate eius libertatem minuit, vel aufert? Absit: sed eam potius perficit, & augeat. Liberior quippe est illa voluntas iuxta dictum Anselmi, ubi supra, quæ omnino a rectitudine deuiare non potest.

Quintò obserua, quod necessitas est multiplex: alia coactionis & violentia, secundum quam aliquis cogitur ad aliquid faciendum renitente eius voluntate: alia est necessitas immutabilitatis, quæ excludit posse oppositum succedere ei, quod inest: quo pacto vult Deus Petrum saluari, & crastina die Petrum mori: quia sic inest actus volendi illa obiecta, quod oppositus actus circa ea non potest ei succedere: quia post quā Deus semel determinare aliquid voluit esse pro instanti. A. non potest oppositum uelle, quia posset mutari. Hac necessitate immutabilitatis vult Deus quidquid semel voluit, ita quod actus oppositus non potest succedere. Tertia est necessitas omnimoda: inenitabilitatis, seu determinationis, quæ non solum excludit oppositum posse succedere ei, quod inest, sed omnino excludit ipsum posse inesse. Hac necessitate

Not. 5. Multiplex necessitas est.

firate diligit Deus suā effentiam: quia non solum oppositus actus non potest succedere actui diligendi ipsam, sed omnino repugnat. Et in hoc distinguitur hæc necessitas a secunda. Quia licet ex secunda necessitate sequatur, quod ei, quod inest non potest oppositum succedere, cæterum non excludit potentiam ad posse in esse absolute: quia sicut voluit Deus Petrum esse pro instanti. A. ita potuit absolute velle oppositum: quia sicut se ad illud determinauit, potuit se ad oppositum determinare. Quarta est necessitas simpliciter, scilicet quam ita necessario aliquid esse dicitur, vt penitus implicet contradictionem ipsum non esse: & hæc necessitas videtur esse omnino eadem cum tertia.

6. Nota.

Sexto obserua ex D. Thom. de potentia, q. 10. art. 1. 1. ad 1. 1. & art. 2. ad quartum. & 7. quod agere per modum naturæ, & agere per modum voluntatis valde differunt. Primò quidem differunt, quia, quoniam nihil est volitum, nisi prius sit cognitum, idcirco licet agere per modum naturæ non præsupponat per se aliam actionem eiusdem agentis, a cuius effectu proximè & immediate procedat illa secunda actio: agere tamen per modum voluntatis præsupponit aliam actionem, scilicet, intellectus, cuius conceptio est ipsi voluntati forma & ratio agendi: ac proinde quæcūq; processio per voluntatem præsupponit aliam processionem per intellectum. Et ex consequenti id, quod procedit tali processione, quæ aliam præsupponit, procedit quidem per modum voluntatis. Quocirca, cum Spiritus sanctus procedat per processionem voluntatis, quæ supponit verbi processionem, idcirco dicitur procedere per

modum voluntatis, & non naturæ: quia natura per se loquendo agit nulla alia actione præsupposita. Secundò differunt agere per modum naturæ & agere per modum voluntatis: quia id, quod procedit ab agente per modum naturæ ex vi suæ processionis, procedit quantum potest simile agenti per modum naturæ: id autem, quod procedit per modum voluntatis non habet ex vi suæ processionis, quod procedat simile, ut satis ostensum est in superioribus. Tandem differunt, quia id, quod procedit per modum naturæ uendicat sibi tantum unum agens perfectum in suo ordine: id autem, quod procedit per modum voluntatis, potest esse a pluribus agentibus perfectis. Et ex hac differentia communiter sancti & Theologi dicunt, quod una dumtaxat diuinarum processionum est per modum naturæ, nempe illa, quæ est per intellectum, quoniam id, quod procedit per intellectum non præsupponit aliam processionem: & rursus ex vi suæ processionis procedit simile producenti ac demum est ab uno supposito. Altera uerò processio dicitur esse per modum voluntatis, quia in ea reperiuntur omnes conditiones positæ, quas requirit processio per voluntatem.

Septimò obserua ex eodē D. Th. ubi supra, art. 2. ad 4. quod non est idem produci naturaliter, & produci per modum naturæ: quia non sequitur Spiritus sanctus produci naturaliter: ergo per modum naturæ: id. n. produci naturaliter, quod dicit necessariam habitudinem ad suum principium: produci uerò per modum naturæ est produci eo modo, quo aliquid produci a naturali agente. Et in solutionem ad undecimum argu-

men:

mentum idem Diuus Thomas loco citato assignat triplicem differētiā inter ea, quæ producuntur per modum naturæ, & per modum voluntatis. Quibus ab ipso animaduersis colligit, q̃ productio verbi est per modum naturæ, productio verò Spiritus sancti, licet sit naturalis non est per modum naturæ, sed per modum voluntatis, & inclinationis, seu cuiusdam impulsus. Idem sentit Scotus: nam licet neget Spiritum sanctū produci per modum naturæ, non tamen negat ipsum naturaliter produci prædicto modo: quia productionem Spiritus sancti summē necessariam per habitudinem ad suum principium esse fatetur, vt deinceps dicturi sumus.

1. Concl. His constitutis sit prima conclusio. Spiritus sanctus non procedit necessariò necessitate coactionis, & violentiæ. Patet: quia huiusmodi necessitas tristitiam, & imperfectionem maximam dicit, quæ procul est a diuinis.

2. Concl. Secunda conclusio. Spiritus sanctus non procedit necessariò necessitate immutabilitatis præcisæ. Probatur: quia tunc non magis necessariò produceretur, quàm creatura secundum esse existentie esset volita a Deo: sed consequens est plusquā falsum: ergo & antecedens, ex quo sequitur. Sequela maioris patet: quia vt supra diximus notabili ultimo, Deus vult creaturā necessariò necessitate immutabilitatis, postquā semel illā voluit. Minorem probō: quia tunc, absolutè loquendo, Spiritus sanctus potuisset non esse: quia necessitas immutabilitatis licet excludat posse oppositum succedere ei, quod inest, sed non excludit ipsum posse inesse ab-

solutè, vt loco nunc citato ostendimus: sed consequens est hæreticum: quia tunc Spiritus sanctus non esset ens absolute necessarium, & per consequens nec Deus: ergo, &c.

Tertia conclusio. Deus diligit suam essentiam necessariò necessitate simpliciter. Probatur. Deus necessario necessitate simpliciter est beatus. quia prorsus repugnat, quòd nō sit beatus actu: ergo necessariò necessitate simpliciter videt, & diligit obiectum beatificum, quod est diuina essentia. Probo consequentiam: quia beatitudo perfecta consistit in visione, & dilectione diuinæ essentiæ.

Quarta conclusio. Spiritus sanctus producituri necessariò necessitate simpliciter. Probatur. Spiritus est Deus: ergo est summè & simpliciter necessarius in essendo: ergo cū accipiat esse procedendo actus ille, quo procedit est simpliciter necessarius. Patet consequentia: quia implicat ens simpliciter necessarium, & productum accipere esse per productionem non simpliciter necessariam.

Secundo probatur. Voluntas infinita ad obiectum infinitum se habet perfectissimo modo se habendi: sed voluntas diuina est huiusmodi: igitur ad summum diligibile, quod est diuina essentia, se habet perfectissimo modo, quo possibile est aliquam voluntatem se habere ad ipsum: sed hoc non esset, nisi ipsum necessariò, & actu adæquato diligeret, & etiā esset principium quo spirandi amorē ei adæquatum, quia aliquo istorum secluso posset intelligi aliquam voluntatem perfectioni modo se habere ad obiectum: ergo voluntas diuina summè necessariò diligit essentia

& est principium, & ratio spirandi summè necessario amorem illum adaequatum, qui est Spiritus sanctus, & per consequens Spiritus sanctus summè necessario spiratur & producit. Hoc argumento etiam confirmatur præcedens conclusio.

Tertio. Produci non necessario dicit imperfectionem in re, quæ producit, quia dicit potentiam ad esse & non esse: sed hoc repugnat personæ Spiritus sancti; cum sit ens simpliciter necessarium: ergo necessario procedit.

Quarto. Non minus necessario producant pater, & filius Spiritum sanctum, quam amant, & diligunt suam diuinam essentiam: sed suam essentiam diligunt summè necessario: ergo summè necessario producant Spiritum sanctum. Hæc conclusio est certissima, & tanquam de fide tenenda: quam tenet expresse subtilis Doctor in quolibet questione decima sexta, articulo primo: eius namque sunt duæ priores rationes, quibus eam probauimus. Quocirca etsi Scotus admiserit Spiritus sancti processionem esse liberam, non tamen negauit eam esse summè, & omnibus modis necessariam, sicut & filij productionem.

s. Concl. Quinta conclusio. Voluntas quatenus potentia est, nequit considerari, ut natura, prout natura est principium actiuum distinctum contra liberum, nec ut talis aliquam actionem habet. Probo priorem huius conclusionis partem. Primo. Potentia naturalis & potentia libera sunt oppositæ potentie: ergo eadem voluntas non potest considerari, ut natura, & ut potentia libera, vel distingui in naturam, & potentiam liberam: antecedens probatur:

quia Arist. 9. Meta. tex. 3. & 6. distinguit liberum a naturali. Consequentia probatur: quia tunc idem distingueretur in se & in oppositum sui, sicut si animal distingueretur in animal, & non animal, vel homo in hominem & equum. Quod patet: quia (ut diximus) potentia naturalis & libera opponuntur: sed distinctio, qua distinguitur idem in seipsum & in oppositum sui, est prorsus absurda, ut de se patet: ergo illa distinctio, qua voluntas in naturam & liberam distinguitur, est absurda. Confirmatur argumentum: quia unica potentia non potest habere geminum operandi modum oppositum atque diuersum: sed agere liberè, & naturaliter sunt modi oppositi immediate diuidentes potentiam actiuam, ut supra diximus: ergo voluntas non potest per modum naturæ & libertatis, utrunque consideretur, operari.

Huic argumento respondet doctissimus quidam expositor primæ partis D. Thom. Et ait, quod licet voluntas considerari queat, ut natura, & ut libera, cæterum hæc consideratio non constituit duplicem rationem potentie: quia ratio naturæ non importat gradum distinctum in ipsa voluntate, licet ratio sit communis, & quasi fundamentum libertatis, & ita non constituit distinctam rationem potentie.

Ad confirmationem ait, quod quando diuersi modi operandi ita se habent, quod alter est alterius fundamentum, non inconuenit, unam & eandem potentiam diuersos habere operandi modos: quia cum vnus ordinetur ad aliud non censentur diuersi. Exemplum est in anima rationali, quæ principia intelligit sine discursu, conclusiones verò

verò cum discursu: tamen quia primus operandi modus est secundi fundamentum, non inconuenit eandem potentiam eos habere.

*Confusio
tio respon-
sionis*

Sed contra hanc responsionem sic insurgo. Et primum ostendo necessarium voluntatem, ut naturam debere esse potentiam alterius rationis a se, ut libera est, si eam, ut naturam, accipere licet. Quia voluntas, ut natura, vel est eadem potentia cum seipsa, ut libera est, vel alia. Si eadem, ergo habet actionem & modum actionis eiusdem rationis, prout natura est cum actione & modo actionis, quem habet, prout est libera, quia vnius potentie vnica est actio vnius rationis, & vnici operandi modus; sed prout libera libere operatur, ergo & prout est natura. Si verò est alia potentia, ergo voluntas est duplex potentia, quod nullus sanæ mentis concedet.

Et confirmatur: quia voluntas, ut natura, non potest habere actionem per modum libertatis, nec voluntas, ut libera actionem per modum naturæ elicitam: ergo sunt potentie omnino oppositæ & alterius rationis: ergo non sunt vna potentia, sed duæ diuersæ: ergo illa duplex consideratio voluntatis duplicem rationem potentie constituit. Præterea, si voluntas ut natura non addit gradum distinctum a voluntate, ut voluntas & ut libera est (ut videtur asserere prædictus expositor) quomodo addo diuersum & distinctum modum operandi habere a modo operandi eiusdem voluntatis, ut libera est? Et si habet illum diuersum operandi modum quomodo est possibile illam, ut sic distinctum gradum in voluntate non importare?

Ad confirmationem dico maxi-

mum esse inconueniens eandem potentiam specie & numero diuersos & oppositos omnino operandi modos habere. Nam sicut duas differentias ideam genus diuidentes eidem speciei inesse implicat: ita implicat omnino idem principium specie & numero habere diuersos & oppositos operandi modos, quales sunt agere libere & naturaliter, qui ex æquo & immediate diuidunt principium actuum. Et cum obijciatur, quod anima operatur cum discursu, & sine discursu in ordine ad diuersa, respondeo quod, ut ait Sco. in 2. d. 1. q. 6. lit. A. agere cum discursu & sine discursu non sunt modi oppositi, atque diuersi diuersas naturas indicantes, cum eidem naturæ rationali insint: at verò agere libere & agere per modum naturæ, modi sunt omnino oppositi diuersis necessario principijs conuenientes: quia principium actuum prima diuisione diuiditur in liberum & naturale: Nec obstat illa inanis euasio, scilicet, quod quando vnus operandi modus ordinatur ad alium, possunt duo oppositi modi eidem inesse. Ratio est: quia talis ordinatio non videtur, nisi præsupposito ex naturæ ordine: quia cum sint diuersi modi, vnus alterum non iuuat. Sed talis præsuppositio non tollit diuersitatem simpliciter, quæ est inter huiusmodi modos: quia tunc modus operandi intellectus non esset diuersus a modo operandi voluntatis: nā ille necessario huic præsupponitur, ergo, &c.

Secundo probatur eadem conclusio: quia eadem potentia est, quæ fertur in finem & in media, & sub eadem ratione potentie, ergo nāle consideratur voluntas, ut natura in ordine ad finem, & ut libera in ordine ad media.

**Secunda pars eiusdem conclusio-
nia, vt puta, quod voluntas nullam
operationem habeat, vt natura sed
vt voluntas, probatur. Voluntas, vt na-
tura, prout natura distinguitur con-
tra agens liberum, nullatenus potest
sine repugnantia considerari: ergo vt
natura non potest habere actionem.
Præterea, cum consideras volunta-
tem, vt naturam, vel ly, natura, sumi-
tur pro principio opposito, & distin-
cto contra liberum: & hoc iam ma-
net impugnatum. Vel accipitur in
communi ad principium liberum,
& naturale. Et si sic, clarum est quod
nullam potest habere operationem:
quia operatio cum sit singularis &
determinata necessariò ortum habe-
a principio singulari determinato:
ergo necessario debet esse, vel princi-
pium liberum vel naturale: ergo si
est illa actio a voluntate, vt natura ne-
cessariò voluntas, vt sic, erit agēs per
modum naturæ, vel liberum, sed
non primum propter dicta: ergo se-
cundum: ergo voluntas, vt natura est
voluntas, vt libera: ergo agit liberè.
Et confirmatur: quia sicut omnis a-
ctus elicited intellectus est ab intelle-
ctu, quatenus intellectus est: ita om-
nis actus voluntatis est a voluntate,
vt voluntas & libera est. Et certè si
voluntas præcisè, vt natura quædam
est, consideratur, solum habet propen-
sionem & inclinationem in suum
finem sicut lapis in centrum: quia
omnis actus, & operatio elicita eius
est ab ipsa, vt potentia libera est con-
tra potentia naturalem distincta.
Quod voluntas vt natura nullam ha-
beat operationem tenet, subtilis Do-
ctor in 3. distinct. 15. littera. A. & di-
stinctionem trigesimalertia, paulo
ante littera m. O.**

**Sexta conclusio. Spiritus sanctus
non procedit liberè libertate contra
dictionis. Probatur: quia cum hu-
iusmodi libertas sit i ordine ad actus
contradictorios, scilicet, velle & non
velle, posset Spiritus sanctus non pro-
dici: sed consequens est contra præ-
cedentem conclusionem, & contra
fidem: ergo non procedit liberè liber-
tate contradictionis.**

**Nonnulli volentes oppositum no-
stræ conclusionis defendere respon-
dent huic argumento, quod proces-
sus Spiritus sancti potest bifariam cō-
siderari. Primo modo, vt est a volun-
tate diuina, prout voluntas est abso-
lutè. Secundò prout est ab ea, qua-
tenus diuina & infinite recta est. Si
primo modo (inquiunt isti) compa-
retur processio Spiritus sancti ad di-
uinam voluntatem posset non poni
in esse: quia de ratione intrinseca vo-
luntatis absolutè sumptæ est libertas
ad vtrumlibet. Si vero compareretur
secundo modo nullatenus potest nō
esse: sed summa necessitate simplici-
ter, in esse ponitur.**

**Hæc responsio falsum accipit. &
difficultati non satisfacit. Primum
sic ostendo: quia si de ratione intrin-
seca voluntatis absolutè & in com-
muni esset libertas contradictionis,
ratio formalis & intrinseca volunta-
tis non esset in voluntate diuina in
ordine ad diuinæ essentia dilectio-
nem: quia respectu eius non est libe-
ra libertate contradictionis. Dices,
sicut prius, vel ut voluntas, vel ut ta-
lis voluntas.**

**Contra. Ratio intrinseca superio-
ris non tollitur ab inferiori per ad-
uentum suæ differentia, vel comple-
menti essentialis, sicut ratio animalis
non tollitur ab homine per aduentu**

ratio

6. Cmi.

Respsio.

Confusa
tio respon-
sionis.

rationalis, imò necessario homo includit animalis rationem: ergo si ratio intrinseca & essentialis voluntatis in communi est libertas contradictionis, summa rectitudo, quæ rationem diuinæ voluntatis complet, nō tollit eam a diuina voluntate, sed potius illam includit necessario. Et sicut homo etiam quatenus homo est animal: ita diuina voluntas quatenus diuina voluntas erit libera libertate contradictionis, si hæc est de ratione voluntatis in communi.

Secundum, scilicet, quod prædicta responsio non satisfaciatur difficultati, sic ostendo. In præsentiarum sermo est de processione Spiritus sancti, prout a diuina voluntate, vt talis ē, dimanat: ergo recurrere ad diuinā volūtātē vt volūtas est absolute, nō ē respondere & satisfacere difficultati.

7. *Concl.* Septima cōclusio. Spiritus sanctus non procedit liberē libertate contrarietatis, nec tantum libertate complacentiæ. Prima pars huius cōclusionis patet: quia tunc Deus posset nolle producere Spiritum sanctū, quod est plusquam falsum.

Secunda pars cōclusionis probatur: quia tunc nō magis liberē, quàm filius procederet, in cuius generatione sibi cōplacet æternus pater, vt conouerſia 12. diximus.

8. *Concl.* Octaua cōclusio. Spiritus sanctus procedit liberē libertate essentiali superius depicta. Probatur primo. Spiritus sanctus producit per voluntatem, non vt natura est, quia vt sic ex quinta cōclusionē nullum actum, habet voluntas, ergo procedit a voluntate, vt libera est. Patet consequentia: quia non potest imaginari alius modus in voluntate, secundum quem per ipsam produci queat.

2. *Ratio.* Secūdo. Agere liberē, & agere per modum naturæ sunt modi oppositi omnino diuidentes immediatē principium actiuum in communi: sicut duæ differentiæ diuidūt idem genus: ergo ambo non possunt inesse volūtati, vt cūque consideretur: ergo cū conueniat ei agere liberē non poterit eidem competere modus agendi per modum naturæ: ergo cum Spiritus sanctus procedat per volūtatem necessario eius processio erit libera.

Huc argumento respondent, aliqui, quod sicut intellectus consideratur tripliciter, ita & voluntas. Intellectus enim primò accipitur absolute pro potētia intellectiua: & sic appellatur intellectus. Secūdo accipitur pro eadem potētia, prout cognoscitiua est aliquorum sine discursu, nempe, primorum principiorum: Et sic vocatur simpliciter & absolute intellectus. Tertio accipitur pro eadem potētia quatenus est discursiue cognoscitiua: & sic dicitur ratio. Similiter (aiunt isti) voluntas accipitur tripliciter. Primò quidem absolute pro ipsa potētia appetitiua distincta ab alijs potētijis; & sic appellatur volūtas. Secundo accipitur prout naturaliter & necessario fertur in aliquod obiectū: & isto modo consideratur ut natura. Tertio consideratur voluntas, prout indifferēter se habet ad vtrumq; oppositorū: & sic dicitur, potētia libera.

His positis dicunt isti, quod formaliter loquendo naturaliter, & liberē operari, sunt modi per se oppositi: & ideo non possunt eidem potētia sub eadem ratione conuenire, bene tamen sub alia, & alia ratione: & hoc modo conueniunt uoluntati: nā agere naturaliter competit voluntati ut natura est, operari vero liberē,

vt est voluntas, seu liberum arbitriū. Dicunt etiam, quod agere libere, & agere naturaliter nō distinguunt potentiam specificē.

Hæc responsio partim manet supra impugnata, partim verò nūc improbat. In primis falsum est, quod agere libere & agere naturaliter possint eidē potentiæ inesse quatenus vna & eadem potētia est: quia vt diximus, sūt duo modi immediate diuidentes principium actiū. Secundo. Si illi modi formaliter loquēdo non possunt eidē potentiæ inesse sub eadem ratione formali considerata, ergo formaliter loquendo non insunt eidem potētia, sed alij & alij: ergo voluntas, vt natura, cui conuenit agere naturaliter, non est eadē potentia cum seipsa vt libera, cui vt sic cōpetit agere libere. Item. Quid sibi vult illa responsio, cum dicit, quod agere libere & naturaliter nō distinguunt potentiam specificē, sed modos operandi? Nam si modi illi specificē distinguuntur, ergo potentiæ, quibus insunt, specificē etiam distinguuntur: ergo voluntati sub ratione vnius potentiæ specificæ nō possunt conuenire agere libere & agere naturaliter: ergo est alia potentia, vt natura a se vt libera est.

3. Ratio.

Tertiō. Summa necessitas stat cū summa libertate: ergo ob id, qd Spiritus sanctus pcedat necessariō simpliciter, non est negandum, qd procedat libere. Cōsequentia sane est optima, quia ob id præcise negatur libertas productioni Spiritus sancti. Antecedēs probō multipliciter. Primō. Voluntas diuina necessariō vult bonitatem suam (vt supra ostendimus) & tamen in volendo eam est libera: igitur libera s statū summa neces-

sitate. Consequentia tenet: minorem vero probō. Voluntas diuina refert ad finem alia obiecta, quæ sunt volubilia propter finem: igitur ipsa sub eadem ratione potētia est operatiua circa vtrūque: sed circa ea, quæ sunt ad finem, operatur sub ratione potētia liberæ, vt etiam Thomistæ concedunt: ergo etiam circa finem (vt puta circa bonitatē suā) operabitur sub ratione potētia liberæ: ergo libere vult bonitatem suam. Prima consequentia huius argumentationis probatur: quia potentia operans circa vnum obiectum nō absolute, sed in ordine ad aliud, eadem sub eadē ratione est operatiua circa vtrūque. Quod patet ex philosoph. 2. de aīa text. Com. 146. Vbi ait, quod potentia illa, qua cognoscimus differentiam vnius obiecti ab alio, illa met sub eadē ratione potētia cognoscit vtrumque: ergo similiter in proposito potētia operans circa vnum obiectum in ordine ad aliud, ipsa sub eadem ratione potētia, operabitur circa vtrūque. Et confirmatur: quia aliās oportet constitutuere vnam potentiam, quæ versaretur circa finem, & aliam circa mediā.

Secundo probatur idem antecedens: Libertas est conditio intrinseca voluntatis absolute vel in ordine ad actū volendi: ergo est composibilis cum conditione perfecta operationis perfectæ circa perfectissimum obiectum, præsertim si illa conditio non repugnat, imō potest conuenire tali operationi: sed talis conditio in operatione perfecta est necessitas: ergo libertas est composibilis cum necessitate. Antecedens est manifestum: quia voluntas natura sua intrinseca libera est. Consequentia

tia probatur: quia conditio intrinseca potentiae, quae secundum se nullam dicit imperfectionem, non potest esse contraria perfectioni operationis eiusdem potentiae: quia tunc prorsus repugnaret huiusmodi potentiae habere perfectam operationem etiam in ente infinito, in quo reperitur. Sed quod talis conditio perfecta sit necessitas, patet: quia perfectio voluntatis, unde voluntas est, est diligere Deum: ergo perfectionis est habere illam operationem firmiter & necessario. Et confirmatur: quia posse non habere illam dicit imperfectionem: ergo necessario habere illam perfectio est: omnis est maxima: & rursus, ergo est possibilis illa necessitas in operatione perfecta voluntatis ut voluntas est, alias enim, nec in Deo reperiretur.

Tertio probatur idem antecedens. Actio circa finem ultimum, ut finis est, est perfectissima: ergo necessitas in taliactione non tollit, sed magis ponit id, quod ad eius perfectionem per se pertinet, sed libertas maxime eam perficit: ergo necessitas quae in taliactione reperitur non tollit, sed ponit potius libertatem. Probo assumptionem, quia actio libera ex natura sua est perfectior cunctis operationibus, ut in controversijs, quarta Deo fauente, ostendimus.

Quarto probatur idem antecedens. Quando actio voluntatis circa finem ultimum est magis necessaria, tanto est liberior: ergo summa necessitas est composibilis cum summa libertate. Consequentia est evidens: antecedens probo: quia secundum Anselmum & Augustinum, quos supra citauimus, illa voluntas est liberior, quae omnino a rectitudine deuiare non potest: sed illa, quae necessario

simpliciter diligit bonum infinitum a rectitudine nullatenus deuiare potest. ergo illa est liberrima: sed talis est diuina voluntas respectu dilectionis Dei, & productionis Spiritus sancti: ergo est respectu earum liberrima.

Quarto arguitur principaliter: quia illud, quod procedit, ut amor, procedit libere, quod enim liberrime quam amare? Nihil. Sed Spiritus sanctus producit ut amor secundum omnes Doctores: ergo procedit libere. Et confirmatur: quia illud, quod procedit ut donum, procedit libere, ut ex ratione doni constat: sed Spiritus sanctus procedit, ut donum secundum Augustinum 1. 5. de Trinit. ergo procedit libere.

Sed obieci contra nostram conclusionem improprie satis dici Spiritus sancti processionem liberam, cum sit summe necessaria, praesertim cum omnes sancti ac sapientes Doctores liberum id, quod necessario opponitur esse assument. Hic est argumentum illius nostri expositoris S. Thom. quae tertia D. Thom. conclusio supra probabatur.

Respondeo, quod libertas essentialis a nobis superius depicta, est proprie libertas cum summa necessitate composibilis, ut paulo ante docuimus, ac proinde voluntas ratione eius proprie libera nuncupatur. Nec hic modus loquendi a sanctorum doctrina est alienus: quia secundum Augustinum supra citatum, beati non possunt non diligere Deum: quia non possunt seruire peccato, quod statim liberrimos circa Dei dilectionem appellat. Et Diuus Anselmus loco supracitato, illam voluntatem liberorem appellat, quae minus a rectitudine deuiare potest, & per consequens

S 4 illam

4. Ratio.

Obiectio.

Solutio.

illam liberrimam dicit, quæ nullatenus a reſtitutione poteſt deficere. Ex quo pater, non ſemper ſanctos liberū pro eo, quod poteſt eſſe, & non eſſe, uſurpaſſe. Nec omnes viri ſapientes in illa ſignificatione liberum accipiunt: quia Scotus & alij grauiffimi eius diſcipuli, qui vtrique viri ſunt ſapientes, aliter liberum acceperunt. Præterea. Secundum ſanctum Thomam, prima parte, quæſtione quadageſima prima, articulo ſecundo, filius producit a patre voluntate quadam complacentiæ, quam Thomatizantes libertatem appellantes: ergo liberum non ſemper a viris ſapiētibz pro eo, quod eſt ad vtrumlibet accipitur.

9. *Concl.* Cōcluſio nona, quod Spiritus ſanctus procedat a voluntate, vt principio quo, non per modum naturæ, ſed volūtatiz & libertatis, eſt expreſſa & clariffima ſententia Diui Thomæ in quæſtionibus diſputatis de potentia Dei, quæſtione decima, articulo ſecundo. Prima pars huius concluſionis probatur: quia ibi in ſolutione ad quartum ſic ait. Sicut ergo filius naturaliter procedit a patre, vt verbum, ita Spiritus ſanctus naturaliter procedit ab eo, vt amor: nec tamē Spiritus ſanctus procedit per modum naturæ: hoc enim procedere dicitur in diuinis per modum naturæ, quod procedit ſicut ea, quæ in creaturis a natura producuntur, & non a voluntate. Sic ergo diſſert naturaliter produci, & produci per modum naturæ: Dicitur enim aliquid produci naturaliter propter naturalem habitudinem, quam habet ad ſuum principium: per modum verò naturæ produci dicitur, quod producit ab aliquo principio ſic producente ſicut

natura producit. Hæc D. Tho. In quibus verbis duo maniſeſtiſſimè concedit. Alterum eſt, quod Spiritus ſanctus non producit per modum naturæ, quod prima noſtræ concluſionis pars affirmat. Alterum eſt, quod productio Spiritus ſancti eſt naturalis præciſè propter habitudinem naturalem ad ſuū principium: quæ duo non negat Scotus, ſed expreſſe affirmat. Nam cum negat Spiritus ſancti proceſſionem eſſe naturalem, nō negat illam eſſe naturalem ex habitudine ad ſuum principium, ſed quia nō eſt per modum naturæ.

Secunda pars eiufdem concluſionis probatur: quia ſanctus Thomas vbi ſupra in ſolutione ad quintum ſic ait. Ad quintum dicendum, quod naturalis neceſſitas, ſecundum quam voluntas aliquid ex neceſſitate velle dicitur: vt ſœlicitatem, libertati volūtatiz non repugnat, vt Auguſtinus docet in quinto libro de ciuitate Dei: libertas enim voluntatis violentiæ vel coactioni opponitur. Non eſt autem violentia, vel coactio in hoc, quod aliquid ſecundum ordinē ſuæ naturæ mouetur, ſed magis in hoc quod naturalis motus impeditur: ſicut cum impeditur graue ne deſcendat ad medium. Vnde voluntas liberè appetit ſœlicitatē, licet neceſſario appetat illam: ſic autem & Deus ſua voluntate liberè amet ſeipſum, licet de neceſſitate amat ſeipſum. Hæc Diuus Thomas. Et paucis interpoſitis ſic ait. Liberè ergo Spiritus ſanctus procedit a patre, nō tamen poſſibiliter, ſed ex neceſſitate. Hæc Diuus Thomas. In quibus verbis maniſeſtè cōcedit Spiritum ſanctum procedere per modum voluntatis, & libertatis: nā ſi concedit expreſſe, quod

pro-

procedit libere, consequenter, & necessariò fateri tenetur, quod procedat per modum libertatis. Et confirmatur: quia, cum sibi obiecisset, qd si Spiritus sanctus procedit per modum voluntatis, procedit etiam per modum libertatis, ac per còsequens posset non procedere, concedit quidem Spiritum sanctum a voluntate per modum libertatis procedere, negat tamen inde sequi, quòd possit non procedere: quia (inquit) naturalis necessitas non repugnat libertati: nam solum libertati voluntatis (inquit) opponitur violentia & coactio.

Sed dices, Diuum Thomam loco allegato per liberum intellexisse præcisè non coactum, & non violètum, non tamen aliquem alium libertatis modum. Contrà: quia tunc Diuus Thomas non satisfacisset argumento. Nam argumentum loquitur de propria voluntatis libertate: libertas autem, quæ præcisè nò coactionem dicit, non est propria voluntati, conuenit enim omnibus agentibus naturalibus, dum suos naturales producant effectus: ignis namq; cum producit ignem non violenter, & coactè producit: & lapis dum tendit deorsum, tendit non coactè. Præterea. Si per libertatem voluntatis intellexit Diuus Thomas non coactionem, ergo in eadem significatione, in qua còcedit loco allegato productionem Spiritus sancti esse per modum voluntatis, & libertatis, concedet etiam, qd productio verbi diuini omni actu voluntatis præcisò, erit per modum voluntatis, & libertatis: quia ita verbum procedit non coactè, sicut & Spiritus sanctus: sed hoc ibi expresse negat in toto illo articulo: ergo per liberta-

tem non intelligit ibi præcisè nò coactionem, sed aliquem modum libertatis proprium ipsi voluntati, per què in agèdo distinguitur ab agente per modum naturæ. Tandem, quia D. Thomas in præfatis verbis loquitur de libertate absolute, prout voluntati competit, cui necessitatem naturalem opponi negat, sed solum violentiam & coactionem.

Ex his inferitur, quòd cum sancti Thomæ discipuli affirmant Spiritus sancti processione[m] esse per modum naturæ, eidẽ sancto Thomæ expressè contrariantur, ac proinde sententia Diui Thomæ, quam supra posuimus ex mente discipulorum eius, nò est illa sanè, sed hæc, quam modo retulimus.

Conclusio decima, quòd Spiritus sanctus procedat libere fatur expresse D. Thom. loco supra citato. Ait enim sic, vt paulò ante retulimus. Libere ergo Spiritus sanctus procedit a Patre, sed non possibiliter, sed ex necessitate. Ecce quomodo D. Thomas, eisdem verbis, quibus Scotus, fatur Spiritus sancti processione[m] esse liberam.

Conclusio vndecima, qua sententia Diui Thomæ & Scoti de productione libera Spiritus sancti aperitur & ostenditur. Cum isti Doctores asserunt Spiritum sanctum produci per voluntatem, vt liberam, nihil aliud volunt, quàm quòd producit per voluntatem formaliter, quatenus voluntas est. Quòd hoc sentiat sanctus Thomas patet loco supra allegato. Quòd verò in eadem sententia sit Scotus sic ostendo: quia secundum Scotum in quolibet, quæstione decima sexta, voluntas, & libertas idem sunt. Nam voluntas, inquit,

quit, aut voluntas non est, aut libera dicenda est respectu cuiuscunque: ergo Spiritum sanctū produci per voluntatem, vt liberam, nihil aliud est, quàm produci per voluntatem formaliter.

12. Cōcl. Duodecima conclusio, Spiritum sanctum produci liberè secundum Scotum est produci per modum operandi volūtatis proprium quatenus talis modus distinguitur a modo operandi naturæ, seu per modum naturæ, vt videre est apud ipsum quolib. decimo sexto, & distinctione secunda, primi sententiarum in quæstio. de numero productionum, vbi modum procedendi Spiritus sancti per volūtatem condistinguit præcisè contra modum procedendi per modum naturæ. Quia igitur attingit proprium modum operandi volūtatis, attinget profecto, quoniam pacto productio Spiritus sancti, & a Diuo Thoma, & ab Scoto libera dicatur.

13. Cōcl. Decimatertia conclusio. Modus proprius operandi ipsius voluntatis, vt distinguitur contra modum operandi naturæ, est voluntariè operari. Ad cuius intelligentiam & probationem obseruandum est, quid sit voluntarium, vt inde quid sit agere voluntariè innotescat. Voluntarium est, quod est a principio intrinseco mouente se ad operandum cum cognitione finis sub propria ratione finis. Ex quo inferitur, quod licet actiones potentia sensitua appetitua sint a principio intrinseco cum cognitione finis, non tamen sunt voluntariae propriae, quid Thoma ista afferant: quia potentia cognitiua sensitua non cognoscit finem sub ratione finis. Ex quo inferitur secundo, quod modus agendi voluntariè est proprius ipsius volunta-

tis secundum Scotum, sicut secundum aliquam similitudinem de potentia sensitua appetitua dici possit. Est ergo agere voluntariè determinare se, seu mouere se ad operandum ex cognitione finis supposita, siue necessario, siue contingenter se moueat. Et hoc vult Scotus in quolib. quaest. 16. litera T. & V. cum ait, agens liberum liberè agere: quia siue necessario, siue contingenter tendat in obiectum, seipsum tamen ad illud volendum determinat & mouet.

Sed obieciēs. Potentia sensitua appetitua mouet se ad obiectum supposita finis cognitione: quare ergo modus eius agendi non erit voluntariè agere? Respondeo, quod propter multa ille modus agendi non est voluntariè agere. Primò: quia non mouet se potentia sensitua appetitua ex cognitione finis sub propria ratione finis, sicut voluntas. Secundò: quia potius dicitur moueri, quam mouere se. Tertiò dico, quod esse formæ, & modus essendi, agere & modus agendi sunt immediata. Et ideo, sicut non est alia ratio, quare hoc habet talem modum essendi, nisi quia est tale ens: sic non est aliqua ratio, quare hoc habet talem modum agendi, nisi quia est tale principium actiuum: ac proinde modus agendi voluntariè competit voluntati, quia est tale principium actiuum, & non potentia sensitua appetitua: quia hæc potentia non est tale principium, quale voluntas. Similiter, modus agendi uoluntatis ex finis cognitione est voluntariè agere, & non modus agendi potentia appetitua sensitua: quia ille est talis modus, & talis principij, iste uero est talis etiam modus, & talis principij alterius rationis ab illo.

Sed

Sed nunquid modus agendi voluntariè potest dici liberè agere, sicut volunt Scotus, & sanctus Thomas? Respondeo affirmatiuè: quia cū de ratione voluntatis, vt sic, sit, quod sit libera, optimè modus agendi eius liberè agere dicitur: sicut quia agens naturale intrinsecè includit naturam per quam agit, modus agendi ipsius dicitur naturalis, seu per modum naturæ. Agit autem agens naturale immediate per naturam nulla alia actione de per se supposita. Iam ergo patet quomodo cum modo agendi libere, modo exposito stet summa necessitas etiam in via Thomistarum: quia cum modo agendi voluntariè fatentur summam necessitatem esse compossibilem: nā Deus summè necessariò diligit suam essentiam, voluntarie tamen. Et sic est intelligenda sententia Scoti superius explicata in prima conclus. quia voluntarie agere est modus agendi, quo praci-

sè distinguitur voluntas in agendo a natura: ergo, &c.

AD ARGUMENTA in principio controuersię posita.

AD primū patet ex supradictis, qua libertate dicatur Spiritus sanctus produci. *Ad primum.*

Ad secundum nego maiorem. Ad probationem dico, quòd ad productionem amoris per voluntatem præsupponitur cognitio obiecti amati, sed nō amoris, qui circa ipsum elicitur. Ita in proposito essentia diuina præcognoscitur ante Spiritus sancti productionē, sed nō amor q̄ spiratur. *Ad secundum.*

Ad tertium nego sequelam. Vnde creatura est a diuina voluntate, tanquam artificiatū ab artifice: Spiritus autem sanctus non est quid artificiale, sed naturale, nō præsupponens sui cognitionem ad hoc, vt producatur. *Ad tertium.*



CONTROVERSIA DECIMAQVARTA.

Verum productio Spiritus sancti sit generatio, vel ab ea distinguatur?

1. Argu.



QUOD productio Spiritus sancti sit generatio probatur. Primò: quia productio suppositi in natura substantiali est generatio: sed productio Spiritus sancti est productio suppositi in natura substantiali: ergo est generatio. Consequentia est satis manifesta: cum minori, maiorem sic ostendo, quia secundum Philosophum quinto Physicorum, *tex. Comment. 2.* per hoc solum distinguitur generatio ab alijs mutationibus, quia ipsa terminatur ad substantiam sub ratione substantiali: alia verò mutationes sunt, vel ad quantitatem, vel ad ubi, vel ad qualitatem, quæ sunt accidentia.

2. Arg.

Secundò. Mutationes, & motus distinguuntur penes terminos formales eorum, ut docet Aristoteles quinto Physicorum. sed terminus formalis productionis Spiritus sancti est idem cum formali termino generationis filij: ergo productio Spiritus sancti est generatio. Probo minorem: quia terminus formalis utriusque; diuinæ productionis est diuina essentia, quæ per utramque communicatur.

3. Arg.

Tertiò. Quæcunque sunt uniuoca uni tertio, sunt uniuoca inter se: sed generatio, & spiratio in diuinis sunt productiones uniuocæ, comparando eas ad idem tertium, ut puta, ad patrem; ergo illæ sunt uniuocæ inter se,

ac per consequens ambæ sunt eiusdem rationis: ergo, vel utraque generatio, vel utraque spiratio. Probo maiorem a simili: quia quæ sunt eadem uni tertio, sunt eadem inter se: ergo quæ sunt uniuoca uni tertio, sunt uniuoca inter se. Minorem verò sic ostendo: quia utraque istarum productionum, & in se est uniuoca, & in ordine ad primam personam generantem, & spirantem, siquidem producit sibi simile in eadem natura etiam numerica.

4. Arg.

Quartò. Spiritus sanctus procedit similis patri, & filio ex vi suæ productionis: ergo est filius, & eius productio generatio. Consequentia est eui dens: antecedens probo dupliciter. Primò. In humanis filius dicitur similis patri ex vi productionis: quia ex vi productionis, & generationis, recipit naturam specificam patris: sed Spiritus sanctus ex vi productionis, quæ producitur a patre, & a filio, recipit naturam eorum: ergo Spiritus sanctus ex vi productionis est similis patri, & filio.

Secundo probatur idem antecedens. Spiritus sanctus ex vi productionis procedit, ut Deus: ergo ut similis in natura diuina Deo producenti. Consequentia tenet: antecedens probo: quia ex vi spirationis procedit, ut Spiritus sanctus, sed ut Spiritus sanctus est, est Deus: ergo procedit, ut Deus.

5. Arg.

Quintò. Amor procedit similis voluntati ex vi actionis, & processions, qua

qua ab ea dimanat: ergo Spiritus sanctus, qui est amor per actionem voluntatis productus ex vi suae productionis, est similis producenti: ergo est filius, & eius productio est generatio. Istae consequutiones satis notae sunt: antecedens verò si cōfessō: quia omne agens producit sibi simile, quā maxime fieri potest ex vi actionis: at voluntas producit amorem: ergo amor procedit, vt similis voluntati ex vi actionis & processione.

IN hac controuersia primò in quāram de quaesito, an. s. Spiritus sancti productio sit generatio. Secundò, an generatio & spiratio distinguatur seipsis, vel alio quouis modo. Tertiò, an istae duae productiones differant solo numero, an etiā specie. Vltimò argumentis in principio huius controuersiae positis satisfaciam.

ARTICVLVS PRIMVS.

An productio Spiritus sancti sit generatio.

PArtem affirmatiuam huius articuli omnia argumenta in principio huius controuersiae posita confirmant, & verosimilem ostendere videntur. In quo illud certum est secundum fidem, scilicet, productionem verbi diuini verè, & propriè esse generationem, & ipsum verbum verè & propriè esse genitū atque filium. Est etiā omnino certū secūdū fidē, quòd Spiritus sanctus non est genitus, & quòd productio eius non est generatio. Quod primo constat ex illo Ioan. 1. Vidimus gloriam eius, gloriam quasi vnigeniti a patre. Et Ioannis secundo de eodem verbo dicitur, Sic Deus dilexit mun-

dum, vt filium suum vnigenitum daret. Ex quibus colligunt sancti & sacra concilia, Spiritum sanctum non esse genitum: nam, si Spiritus sanctus esset genitus, verbū quidem primogenitus esse posset, sed vnigenitus esse nō posset. Idem habetur in Symbolo Apostolorum, cum dicitur, Et in Iesum Christum filium eius vnicum. Et in Symbolo Niceno dicitur, Et in vnum Dominum Iesum Christum, filium Dei vnigenitum. Præterea hoc diffinitum est in concilio Tolerano primo in confessione fidei: vbi dicitur, Spiritus sanctus non est genitus. Et in Symbolo Athanasij dicitur de Spiritu sancto. Nec factus, nec creatus, nec genitus, sed procedens. Ex quibus omnibus euidenter colligitur, filium Dei esse vnigenitum, & Spiritum sanctum nō esse genitum.

Sed dubium est, quomodo in praxi authoritatibus appellatur Christus vnigenitus, cum Paulus ad Roma. 8. appellet illum primogenitum in multis fratribus: videtur enim fieri non posse quòd sit vnicus ille, qui primogenitus est, habetque multos fratres.

Respondeo, quòd hoc nomen, *primogenitus*, bifariam accipi potest. *Primogenitus* *bifariam dicitur.* Primò vt dicat negationē alicuius prius geniti, nulla habita comparatione, & respectu ad secundò genitum, ita vt ille dicatur primogenitus, ante quem nullus alius natus est, etsi post ipsum nullus alius natus fuerit: quòd non intelligēs Heluidius perversè colligit Deiparam Virginem alios habuisse filios præter Christum, ex illo Matthæi primo. Accepit Ioseph cōiugem suam, & non cognouit eam, donec peperit filium suum primo-

genitum. Ait enim, quòd si Christus est primogenitus Mariæ (vt ait Matthæus) ergo Maria alios filios habuit, quia primogenitus dicit relationem ad secundò genitum. Hac tamen sententia hæretica est omnino, & pestilentissima, quam Diuus Hieronymus egregiè refutat in libro, quem de hac re contra Heluidiũ edidit: cuius sententiam breui colligit doctissimus pater Castro libro decimo aduersus hæreses, verbo, Maria virgo. Quem errorem refutare non est præsentis negotij: satis enim erit ostendere, quòd primogenitus in sacris literis significat filium, ante quem nullus est natus, etsi post eum nullus alius natus fuerit. Quod euidenter colligitur ex illo Numerorum decimo octauo. Quidquid primum erumpit è vulua cunctæ carnis, quam offerunt Domino, siue ex hominibus, siue ex pecoribus fuerit, tui iuris erit, ita dūtaxat, vt pro hominis primogenito pretiũ accipias, &c. In quibus verbis primogenitum hominis appellat sacra scriptura illuminante quem nullus est natus, non curando an post eum aliquis alius natus fuerit. nam alias, qui solum vnum filium habebat, non teneretur illum offerre Deo: & redimere, quousq; alium haberet, ad quem relatus diceretur primus. Hoc autem conuincitur esse falsum, quoniã beata Dei genitrix cum filium suum obtulit Domino in manibus Simconis iuxta legem fecit, vt Lucas testatur: at tunc temporis beatam Dei genitricẽ nullum alium habuisse filium præter Christum Euangelium Matth. affirmat, & Heluidius fateretur. Colligitur ergo, quòd secundum sacras literas primogenitus optinẽ ille dicitur, ante quem nullus est natus, etiã si post

ipsum nullus alius natus fuerit. In qua significatione Christus Dominus primogenitus Beatæ Virginis meritò dici potuit, etiã si nullum alium filium Beata Virgo habuerit, sicut re vera non habuit. Id ipsum ex logico sermone confirmatur: nam categoriæ decem rerum genera prima vocantur hoc ideo præcisè, quia supra se nullum aliud genus habent, quamuis sub se nullum aliud haberent genus: vt de prædicamento quando patet, quod sub se nulla genera continere videtur, dicitur tamen primum genus per negationem prioris generis, sub quo contineatur.

Secundo modo accipi potest primogenitus per comparisonem ad secundò genitum. In qua significatione ille primogenitus dicitur, ante quem nullus alius natus est, alius tamen, vel alij post ipsum nati sunt. In qua significatione Christus Dominus nec primogenitus patris, nec virginis dici potest: quia post Christum Dominum, aut etiã antè Pater æternus, aut Beata virgo nullum habuerunt filium, cum vtriusq; secundum tamen diuersas naturas Christus vnigenitus filius sit: secundum namque naturam diuinam, Christus est vnigenitus Patris, secundum verò naturam humanã est vnigenitus matris.

Sed aduerte, quòd aliquis potest dici primogenitus in hac secunda significatione bifariã. Primò propriè: quod accidit, quãdo ipse verè & primogenitus est, & similiter alij, qui ipsum sequũtur, verè & propriè ab eisdem parentibus geniti sunt. In qua significatione Christus Dominus nõ dicitur a Paulo ad Rom. 8. primogenitus in multis fratribus, cum nec secundum naturã diuinam habeat fra-

trem a Patre propriè genitum ex sua substantia: nec secundum naturam humanam, quia solus ipse ex virgine secundum humanam naturam natus est.

Secundo potest aliquis dici primogenitus metaphoricè: quia licet ipse verè genitus sit, alij tamen, qui eius fratres vocantur, nō sunt propriè geniti, & per consequens, nec propriè filij respectu eiusdē patris, sed secundum aliquam similitudinem. Sic dicitur Christus Dominus a Paulo vbi

supra, Primogenitus in multis fratribus, id est, in multis fidelibus. (quos non confunditur idem Christus vocare fratres, vt ait Paulus ad Hebr. 2.) quia huiusmodi fideles dicuntur filij Dei per gratiam adoptionis, & non per naturā: ac proinde nō sunt propriè geniti a Deo, nec propriè fratres Christi Domini, sed metaphoricè: ipse namque Christus propriè est genitus a Patre, ceteri autem vt puta fideles metaphoricè, & impropriè.

□ Sed quid ad illud Apostoli ad Galatas 1. vbi Iacobum fratrem Domini appellat, sic inquit, Apostolorum autem vidi neminem præter Iacobū fratrem Domini? Respondeo solēne esse in sacris literis, fratres appellari eos, qui aliqua consanguinitate coniuncti sunt, quamuis non sint ex eisdem parentibus geniti, vt Loth Gen. 13. vocatur frater Abraham, quem tamen eadem scriptura testatur fuisse filium fratris Abraham. Iacobus ergo frater Domini dicitur, non quia ex eisdem parentibus genitus, sed quia consanguinitate Christo coniunctus erat.

Sed quamuis hæc verā sint, quæ diximus, & de fide tenenda, difficile tamen est inuenire rationem, propter

quam processio filij generatio dicenda sit, & non processio Spiritus sancti: adeo vt Aureolus, quemadmodū refert Capreolus. distin. 13. primi, & Gregorius eadem distin. & Marfilus, q. 16. affirmant temerarium esse, & presumptuosum huius rei causam inuestigare: concluduntque in hac difficultate non in ratione, sed in sola fide nitendum esse. Eadem sententia videtur fuisse Magistri sent. di. 13. primi libri. Probant autem suam sententiam ex dictis sanctorum patrum. Primo ex Augustino libro tertio contra Maximinū capitulo decimoquarto, vbi interroganti Maximino, cum Spiritus sanctus procedat de patris substantia sicut filius, quare vnus dicitur filius, & alter non? respōdet August. causam esse, quia vnus est genitus, alter non, sed procedens. Quod si intelligas, bene, si non intelligas, nihil mea refert, satis mihi & tibi sit hoc haberi in scriptura. Quod si quæras (inquit August.) quid intersit inter generationem, & processionem, respondebo tibi multum interesse, huius tamen differentie causam assignare non valeo. Nec mirum (inquit August.) quandoquidem Esai. ca. 53. dicit: Generationem eius quis enarrabit? qui similiter de Spiritu sancto dicere potuisset: Processionem eius quis enarrabit? Idem dicit Gregorius Nazianzenus in fine lib. 5. de Theologia: idem dicunt multi alij ex sanctis patribus, qui humiliter confitentur, se non valere huius rei causam assignare. Ex quo colligitur presumptuosum esse inuestigare, & inquire causam huius rei, quia ille, qui inquirat causam, sperat se posse causam inuenire, quam sancti patres inuenire non potuerunt. Sed quamuis

ho.

Quomodo dicatur Christus primogenitus in multis fratribus

horum sententia nos a magnis laboribus, & difficultatibus liberaret, tamen oportet humiliter causam huius rei inquirere cum sanctis patribus, ac cæteris Doctoribus scholasticis. Sunt autem multæ explicationes huius difficultatis non sufficientes, neq; probabiles, quibus omisiss duas, aut tres tantum explicationes adducam, quibus probabiliter tantæ difficultati utcumque responderi, ac satisfieri poterit.

Prima explicatio.

Prima explicatio est S. Bonauent. Richardi, & Aegidij Romani i. 1. dist. 13. qui dicunt, qd de ratione generationis est, qd sit processio per naturam, cuius defectu processio Spiritus sancti non est generatio, bene tamen processio filij, quia est processio per naturam.

Sed obijciunt quidam contra hanc explicationem contententes probare, quod processio Spiritus sancti eodem modo est processio per naturam, sicut processio filij. Quod sic ostendunt. Nam si quando processio filij dicitur processio per naturam, intelligitur, quod natura diuina, ut distinguitur ab intellectu & voluntate, est principium filij, & non Spiritus sancti, falsum est omnino. Nā si loquaris de principio immediato, sicut natura diuina non est principium proximū Spiritus sancti, sed voluntas: ita natura diuina non est principium proximū filij, sed intellectus. Si verò loquaris de principio mediato, sicut natura diuina medio intellectu est principium filij: ita eadem natura est Spiritus sancti principium media voluntate. Si verò intelligas processio-

nem filij esse per naturam accipiendo naturam, ut distinguitur a libertate, quia productio filij non est libera sed necessaria: processio similiter Spiritus sancti non est libera, saltem secundum communem sententiam.

Respondeo, quod his obiectionibus non debilitatur prædicta explicatio. Primo: quia qui sic obijciunt, falsum supponunt, aut dubium, cuius oppositum est probabilissimum: supponunt enim, quod natura diuina, ut distinguitur ab intellectu, & voluntate, nullo modo est principium filij, quo non sit principium Spiritus sancti, cum tamē, ut dixi, oppositum sit valde probabile. Nam licet diuina natura cum voluntate concurrat ad productionem Spiritus sancti, sicut cum intellectu ad productionem filij: ceterum magna est differentia: quia natura diuina ut obiectum est intellectus, secundum omnes est principium proximū actiuum quasi partiale verbi diuini, quatenus est veluti species intelligibilis constituens intellectum in actu primo, sicut species intelligibilis nostri intellectus est principium proximū saltem partiale, quo producit verbum nostrum: at vero natura diuina, ut est obiectum voluntatis probabilissimum est, quod non est principium, quo producit amor, siue Spiritus sanctus, sed quod principium proximū solum est diuina voluntas: conditio autem, sine qua diuina voluntas non produceret amorem est, quod illi præsentetur obiectum cognitum, sicut probabilissimum est, quod obiectum voluntatis nostræ neque quatenus est in se, neque quatenus est intellectu, aut verbo, est principium, quo producit effectiue amor, sed sola voluntas, cuius

cuius conditio per se requisita est, vt sibi presentetur obiectum. Collige ergo, q̄ quia verbum diuinū producitur per naturam diuinam concurrentem, vt principū cum intellectu ad eius productionem, eius productio est generatio: productio verò Spiritus sancti nō est generatio, quia diuina essentia nō sic concurret ad producendum Spiritum sanctum.

Secundo dico, quòd de ratione generationis est, quod sit origo per naturā, vt distinguitur a principio per modum voluntatis agente: viuētis a viuente coniuncto in similitudinē naturæ, quia de ratione generationis est, vt principium eius sit per modū naturæ operans, & non per modum voluntatis: sed de horum modorum distinctione, vide controuers. 13. & D. Thom. in quæst. disputatis de potentia, q. 10. art. 2. in solutione ad 11. Quamobrem productio verbi est generatio, quia est a principio naturali per modum naturæ operante, productio verò Spiritus sancti, quia est a principio per modum voluntatis agente non est generatio.

Secunda explicatio.

Secunda explicatio huius difficultatis est frequentior in scholis. Ad cuius intelligentiā meminisse oportet, generationem in viuētibus esse originem viuētis a principio viuēti coniuncto in similitudinē naturæ. In qua definitione aduertendum est, illam particulam, in similitudinē naturæ, significare, quòd id, quod generatur ex vi suæ generationis, & processions, sit simile in natura producenti: quod colligitur ex illa particula in similitudinē, quæ progres-

sus actionis in proprium terminum designat. Vnde sic est accipienda definitio generationis in viuētibus, vt sit origo viuētis a viuente cōiuncto in similitudinē naturæ ex vi & modo processions. Ex quo sequitur, q̄ productio filij est generatio, quia est origo viuētis filij a principio viuente coniuncto, qui ex vi & modo processions suæ est similis in natura patri producenti, productio verò Spiritus sancti non est generatio. Quia licet sit origo viuētis a viuente, nō tamen ex sua ratione formali tendit in similitudinē naturæ, vnde Spiritus sanctus licet sit similis in natura suo producenti, nō tamen habet hoc ex vi & modo suæ processions, ex cuius defectu eius productio non est generatio. Hac est expressa sententia Scoti primò, distinctione decima, quaestione vnica, in responsione ad primum principale, & omnium fere Thomistarū, quam etiam tenet D. Tho. 1. par. q. 35. art. 2.

Est tamen valde difficile explicare quomodo filius procedat similis patri in natura ex vi & modo suæ processions, nō tamen Spiritus sanctus, cum re vera sit similis in natura suo principio, sicut & filius.

Caietanus prima parte, quæstione vigesima septima, articulo quarto, vt hanc rem declaret primò exponit, in quo conueniant intellectus, & voluntas in productione verbi, & amoris: secundo exponit, in quo distinguantur: tertio respondet difficultati. Conueniunt (inquit) intellectus & voluntas, quod intellectus producit verbum, & voluntas amorem. Conueniunt secundo in hoc, quòd obiectum est forma, per quā intellectus producit verbum, & voluntas amorem:

T sicut

sicut calor est forma, per quam ignis producit calorem, a quo calefactio sumit speciem. Est tamen magna differentia inter intellectum, & voluntatem, quia obiectum est principium verbi non ut cognitum, sed secundum suum esse reale: est tamen principium amoris ut cognitum. Ratio huius est, quia obiectum, ut est in specie intelligibili est principium verbi, in qua non habet rationem cogniti, sed rationem principij realis cognitionis: at verò obiectum ut terminat cognitionem siue ut cognitum est principium amoris. Unde nascitur (inquit Caiet.) quod verbum est simile obiecto, quia procedit ab eo in esse rei, & non in esse cognito. At verò amor non est similis obiecto, quia procedit ab eo non in esse rei, sed in esse cognito. Quod si obiecias Caietano. Omne agens producit sibi simile, sed obiectum est agens respectu amoris, ergo amor est sibi similis, respondet, omne agens producere sibi simile, quando agit, ut habens esse reale, & non ut habens esse cognitum. Quod si iterum obiecias Caietano, ex hoc sequi amorem esse similem voluntati, quia procedit a voluntate in esse rei, respondet concedendo propter hoc argumentum, quod amor est similis voluntati, tamen differentia inter verbum & amorem consistit in hoc, quod verbum est simile toti suo principio: est enim simile intellectui ut producenti, & obiecto ut rationi producendi, quia ab utroque procedit in esse rei, & non in esse cognito. At verò amor licet sit similis voluntati, non tamen est similis toti suo principio: non enim est similis obiecto, quod est ratio agendi ut cognitum. Et ratio est, quia non procedit ab obiecto in esse rei, sed in esse cognito.

His constitutis respondet Caietanus presenti difficultati dicendo, quod processio verbi diuini est generatio, quia verbum diuinum ex vi sue processione, hoc est, quatenus procedit per intellectum, est simile toti suo principio: at verò processio amoris, siue Spiritus sancti non est generatio, quia Spiritus sanctus ex vi sue processione non habet, quod sit similis toti suo principio propter rationem supra assignatam. Hæc est sententia Caietani.

Attamen hæc explicatio non videtur bona. Quod ut constat, præmittitur doctrinam egregiam eiusdem Caietani prima secundæ, qua questione prima, articulo primo, scilicet, quod obiectum voluntatis, verbi gratia, sanitas est causa finalis, & efficiens amoris, & desiderij ipsius sanitatis, & ad rationem utriusque causæ est necessaria cognitio, diuerso tamen modo: quia cognitio est necessaria ad finalizandum (ut ita loquar) non ut ratio formalis causæ finalis, sed ut conditio causæ: quia ratio formalis, quæ constituit sanitatem in esse causæ finalis est existentia eius ad extra, conditio verò, sine qua non agit ut causa finalis, est eius cognitio: at verò cognitio non est conditio causæ efficientis amoris, sed ratio formalis eius secundum quam causat. Ex quo sequitur, quod amor est similis toti suo principio & obiecto. Nam quod sit similis voluntati ipse Caietanus concedit, quod autem sit similis rationi agendi probatur: quia ratio agendi est ipsa cognitio, quæ non producit amorem prout in esse cognito, sed in esse rei, quia ut cognitio sit causa amoris, improprie est, quod ipsa cognoscatur.

Secundo. Falsum est, quod amor sit similis

*Impugnatur
sententia
Caietani*

similis voluntati, quæ se habet vt agens, & non sit similis rationi agendi, siue agat in esse rei, siue in esse cognito. Nam si loquaris de similitudine in eadem natura specifica, qualis est inter causam vniuocam & effectum, tunc sicut inter obiectum & amorem non inuenitur similitudo in eadem natura specifica, ita nec inter voluntatem & amorem, vt patet. Si verò loquaris de similitudine proportionali, siue virtuali, qualis est inter Deum & creaturas, solem & corruptibilia, & vniuersaliter inter causam æquiuocam & effectum, sicut voluntas est similis suo amor, quem producit prædicta similitudine, ita similiter obiectum vel cognitio eius, vel nullo modo est causa effectiua eius etiã in esse cognito. Ex his patet, quod solutio huius difficultatis a Caietano tradita est nulla ac falsa.

Tertia explicatio.

Tertia & legitima expositio præsentis difficultatis iam statuitur. Ad cuius intelligentiam primo prænotare oportet, ex D. & Thor. Subtil. 7. Metaph. cap. 9. text. Comm. 30. quod Aristot. eodem loco tres tangit generationis vniuocæ gradus. Primus est, quando generans, & genitum assimulantur in forma, & in modo essendi formæ, quemadmodum accidit multoties in his, quæ a natura sunt. Ignis namq. generans, & ignis genitus habent eandem formam in specie, & eundem modum essendi formæ: nam uterque ignis habet realiter, & formaliter ignis substantialem, & specificam formam.

Secundus gradus est, quando generans, & genitum habent similem

formam, non tamen secundum eundem modum essendi: sic se habet artifex, & opera artis. Nam licet edificator, verbi gratia, formam in se habeat domus, quam facit, cæterum forma domus existit in edificatore modo quodam intentionali & spiritali, domus vero ad extra eandem formam habet secundum realem existentiam eius ad extra, & ita non est utrobique secundum eundem modum essendi.

Tertius gradus est, quando generans non habet similem formam in specie cum genito, habet tamen geniti formam, non formaliter, sed virtualiter: sic sol gignit ranam, vel plantam. Primus vniuocationis gradus est simpliciter, & propriissimè vniuocus: secundus minus propriè: tertius verò solum secundum quid. De quolibet autem generante verum est dicere, quod producit sibi simile aliquo istorum modorum, opus namq. naturæ, quoad fieri potest, in similitudinem tendit.

Hoc sic constituto solutio difficultatis in hoc consistit, quod verbum & amor in rebus creatis in hoc conueniunt, quod utrumque est simile suo principio effectiuo: quia omne agens nullo excepto producit sibi simile, vt docet Aristot. primo de gener. cap. nono, & decimo, & septimo Mera. capitulo septimo. Sed est magna differentia, quia amor est similis suo principio tantum virtualiter, & non formaliter in eadem natura specifica. Quod verum est, siue voluntas sola (vt quibusdam placet) siue voluntas cum obiecto cognito (vt alijs videtur) sit principium effectiuum amoris: amor enim nec est similis voluntati in eadem natura specifica, ne

3. Grad.

Tres sunt gradus generationis vniuocæ.

1. Gradus

2. Grad.

que obiecto cognito. At verò verbum intellectus creati eſt naturalis ſimilitudo naturæ ſpecificæ ipſius obiecti. Et idcirco ſi ipſum obiectum per ſe ipſum eſt principium verbi, vt in angelis accidit, quando ſeipſos cognoscunt, maniſeſte ſequitur, quod verbum eſt ſimile in natura ſpecifica ſuo principio, licet differat in modo eſſendi. Ac proinde inter ipſum verbum & obiectum eſt vniuocationis ſecundo gradu. Si verò obiectum non per ſe ipſum, ſed per ſpeciem ſit principium verbi, verbum etiam eſt ſimile ſuo principio in natura ſpecifica, quam tam ſpecies, quam verbum repræſentant, vt naturales eius ſimilitudines.

Obiectio.

Sed obijcies. Verbum noſtrum non eſt ſimile in natura ſpecifica animæ nec intellectui, quæ ſunt principia eius: ergò falſa ſunt, quæ nunc diximus. Reſpondeo, quod licet verbum noſtrum non ſit ſimile in natura ſpecifica intellectui ſecundū ſe conſiderato abſque obiecto vel ſpecie intelligibili eius, eſt tamen ſimile ei in natura ſpecifica, prout informato per ſpeciem, ſicut calor, qui producit in ligno ab igne, licet non ſit ſimilis in natura ſpecifica igni producenti ſecundū ſe conſiderato abſq. calore: eſt tamen ſimilis in natura ſpecifica eidem igni, quatenus informatur per calorem, quia eſt ei ſimilis in natura ſpecifica caloris. Patet ergo ex his ratio & cauſa, ob quā productio verbi diuini eſt verè generatio, non tamē productio Spiritus ſancti: videlicet quia verbum ex ratione ſua formali eſt formaliter ſimile ſuo producenti in eadem natura, amor vero nequaquam eſt ſimilis formaliter ſuo producenti, ſed virtualiter tantum, vt ſupradictum eſt.

Solutio.

Sed obijcies. Filius Dei ex vi ſuæ Obiectio. proceſſionis non procedit vt viuens in natura intellectuali cum patre producere: ergo falſa ſunt, quæ diximus. Probatur antecedens, quia tunc etiam Verbum noſtrum procederet vt viuens in natura: quod tamen eſt falſum, quia non eſt viuens ſicut anima producens.

Solutio.

Reſpondeo, quod productio verbi ex ratione ſua cōmuni habet, quod ſit vniuocata tendens neceſſario in ſimilitudinem ſecundum ſpeciem & formā, licet quandoque ex agentis imperfectione proueniat, quod talis ſimilitudo ſit ſolum in forma, & nō in modo eſſendi formæ: ſicut accidit in angelo ipſum intelligente per ſuam eſſentiam, vbi verbum mentis eſt ſimile in natura producenti ſecundū formā, ſed non in modo eſſendi formæ, ſiquidem huiusmodi verbum non eſt natura intellectualis, ſed accidet quoddam. Vbi tamē agēs per intellectum omni ex parte eſt perfectum, producit verbum ſibi ſimile in forma intellectuali, & in modo eſſendi formæ, vt Deus pater, qui verbum in eadem natura reali numerica producit, cui ſuam ſubſtantiam & naturam cōmunicat. Productio autem per voluntatem non eſt vniuocata primo nec ſecundo modo vniuocationis, ſed tertio, ut puta virtualiter, quæ potius æquiuoca productio dicitur: ac proinde productio illa ex ratione ſua formali in ſimilitudinem formalem & vniuocā in primo vel in ſecundo vniuocationis gradu haudquaquam tendit. Vnde naſcitur, quod eius productum genitum haudquaquam dici poſſit: quia de ratione geniti eſt, quod ex vi & modo ſuæ productionis ſit ſuo producenti ſimile in natura ſpecifica

ca. Ex imperfectione verò intellectus creati prouenit, q̄ verbum creatum non sit viuens vita intellectuali, & q̄ non sit simile etiam in modo essendi formæ, ipsi producenti.

Collige ergo, q̄ de ratione productionis verbi absolutè est, quòd tendat in similitudinem formalem, & specificam naturæ productæ: quòd vero quandoque (vt diximus) talis similitudo inter producentem, & id, q̄d per ipsum producit, non reperiatur nisi in formæ, & non in modo essendi formæ ex imperfectione intellectus, quo agit, prouenit. Vnde cum in viuentibus sensitiua, vel rationali vita similitudo huiusmodi in formæ, & in modo essendi formæ inter producentem, & productum reperiatur, talis productio verè est generatio, ac natiuitas, & eius terminus primus verè genitus, ac natus dicitur: quod in productione verbi diuini optimè reperiatur. Caterum cum productio amoris per voluntatem ex ratione sua non tendat in similitudinem formalem, & specificam obiecti, quia amor non est ex ratione sua similis formaliter obiecto, sed virtualiter, quamuis quandoque amor sit similis in natura specifica producenti, vt accidit in diuinis, non est illa productio generatio, quia talis similitudo non prouenit eius termino ex vi ipsius productionis, sed accidit sibi. Ratio est, quia primus terminus spirationis est amor productus infinitus, qui ex ratione sua formaliter amoris nõ assimilatur in natura specifica suo producenti, nec ex sua ratione eius productio est vniuoca in primo aut in secundo vniuocationis gradu.

Obiectio Sed obieciens, quòd licet Spiritus sanctus ex vi suæ productionis in cõ-

muni non sit similis in natura producenti, benè tamen ex vi talis productionis, quod videtur sufficere, vt vere eius productio generatio dicatur.

Respondeo, q̄ nec ex vi talis productionis Spiritus sanctus est similis in natura producenti, cum eius productio, nec in primo, nec in secundo vniuocationis gradu ex ratione sua formali sit vniuoca. Vnde licet Spiritus sanctus sit similis in natura sua producenti; hæc tamen similitudo quasi accidit sibi quatenus per voluntatem procedit, vt in solutione argumentorum principalium dicemus.

Solutio.

Tertia explicatio.

Tertia expositio est pro Scotistis, facilis quidè his, qui Spiritum sanctum necessariò, libere tamen procedere intelligunt. Quia huiusmodi est. De ratione generationis, & natiuitatis est, quòd sit a principio quo, & potentia per modum naturæ operante. Quod ex eo patet, quia si ego mea voluntate hominem producerem, illa productio neutquam generatio dicenda esset. Cuius rei ratio præcisa est, quia non esset opus naturæ, sed voluntatis: ergo signum est ad rationem generationis necessariò requiri, quod a principio per modum naturæ operante dimanet. Quia ergo productio verbi diuini in eadè natura cum producente est a principio per modum naturæ agentis, scilicet intellectu secundo, est propriè generatio: productio verò Spiritus sancti, quia licet sit necessariò simpliciter, non tamen est a principio naturali per modum naturæ agentis, sed a princi-

pio per modum voluntatis operante (vt controuerſi. 13. dicemus) ideo non eſt generatio. Et certè ſi productio Spiritus ſancti eſt a voluntate, vt natura & per modum naturæ vix ſaluari poteſt, imò non poteſt, quòd non ſit generatio, quandoquidè natura vt natura in ſimilitudinem tendit. Et in creaturis productio viuentis a viuente in eadem natura generatio dicitur: hoc ideo, quia eſt natura opus, ſeu a principio per modum naturæ operante. Hæc expositio cū expositione D. Bonauenturæ ſupra poſita coincidit. Aliam huius difficultatis explicationem proſpicere poteris apud Canarienſem, quaſtione vigefima ſeptima, articulo quarto: & apud nouiſſimos D. Thom. expoſitores alios quam plures, quas breuitatis cauſa omitto.

ARTICVLVS II.

An generatio & ſpiratio diſtinguantur ſeipſis, an alio quouis modo?

Quantum ad iſtum articulum ſunt plures opinioniones, quas reſert ſubtilis Doct̃or in primo, diſt. 13. quaſt. vnica.

1. *Opinio*

Prima opinio eſt Aegidij in primo, eadè diſtinctione aſſerentis, huiusmodi productiones diſtingui per ſuos terminos totales, qui ſunt ipſæ perſonæ productæ. Ratio huius opinionis eſt illud Philoſophi, quinto Phyſicorum, quod motus diſtinguitur penes terminos: ſed termini iſtarum productionum ſunt diſtincti & alterius rationis, vt puta, filius & Spiritus ſanctus: igitur, & productiones ſunt diſtinctæ, & alterius rationis.

2. *Opinio*

Secunda opinio eſt Beati Thomæ,

prima parte, quaſtio. trigefima ſexta, articulo ſecundo in ſolutione ad ſeptimum aſſerentis, iſtarum originū differentiam ſumendam eſſe penes hoc, quòd filius eſt ſolum a patre, & Spiritus ſanctus a patre, & filio. Aut enim ſic. Ad ſeptimum dicendum, q̃ Spiritus ſanctus diſtinguitur perſonaliter a filio in hoc, quòd origo vnius diſtinguitur ab origine alterius, ſed ipſa differentia originis eſt propter hoc, quòd filius eſt ſolum a patre, Spiritus ſanctus vero a patre, & filio: non enim aliter proceſſiones diſtinguerentur. Et in eadem prima parte, quaſtione vigefima ſeptima, articulo quarto, in ſolutione ad primum fateri videtur, quòd propria ratio vniuiuscuſque productionis, ſecundum quam ab alia diſtinguitur, debet accipi ſecundum ordinē vnius ad aliam, ita q̃ vna, quia prior, diſtinguitur ab alia, quæ eſt poſterior.

3. *Opinio*

Tertia opinio aſſerit, huiusmodi productiones diſtingui penes principia diſtincta ſecundum rationem, vt puta, penes intellectum, & voluntatem, quæ licet in eſſentia diuina ſola ratione diſtinguantur, iſtarum tamē emanationum inter ſe diſtinctarum principia eſſe poſſunt.

4. *Opinio*

Quarta opinio eſt Doct̃oris ſubtilis loco ſupra citato aſſerentis, huiusmodi productiones ſeipſis formaliter diſtingui: generatio enim ſeipſa formaliter eſt generatio, & ſpiratio ſeipſa formaliter eſt ſpiratio, & hæc ſeipſa formaliter non eſt illa.

EXPLANATIO

opinionis B. Thomæ.

Sententia ſancti Tho. ſequentibus conſolutionibus a ſapientiſſimo quodam eius interprete explicatur
prima

prima parte, quaestione 27. artic. 4. dubio tertio.

1. *Concl.* Prima conclusio. Processiones diuinæ non distinguuntur seipsis per se primo. Probatur: quia illa, quæ conueniunt per se in aliquo, non distinguuntur se ipsis per se primo iuxta veram Metaphysicam: verbi gratia, homo & equus, qui conueniunt per se in genere animalis, non distinguuntur se ipsis primo, sed per differentias contrahentes genus: sed diuinæ processiones conueniunt per se in hoc, quod utraq; est substantialis diuina infinite perfecta: ergo non distinguuntur se ipsis. Et confirmatur, quia illa seipsis per se primo dicuntur distinguere, quæ se totis differunt, hoc est, secundum quamlibet rationem formaliter sibi conuenientem: sed non ita distinguuntur diuinæ processiones: ergo non distinguuntur per se primo seipsis.

2. *Concl.* Secunda conclusio. Ordo originis est ratio, per quam per se primo distinguuntur processiones, scilicet, quatenus altera processio originatur ex alia, quatenus vna procedit per modum intellectus, altera per modum voluntatis.

3. *Concl.* Tertia conclusio. Processiones possunt dici distinctæ seipsis, & non per se primo. Ratio est, quia distinguuntur per aliquod sibi intrinsecum: sicut homo potest dici per se distinctus ab equo, quia differt ab illo per differentiam sibi intrinsecam, quamvis non per se primo differat, quia non se toto differt, eo quod conuenit in ratione formali animalis.

4. *Concl.* Quarta conclusio. Diuinæ processiones possunt etiam distinguere per respectum ad terminos, scilicet, ad personas procedentes. Probatur: nam si ordo processionum, quia attenditur

secundum originem processionem multiplicat in diuinis, (vt dictum est) necesse est consequenter huiusmodi processionem terminari ad terminos, qui inter se habent eundem ordinem originis, ac per consequens ipsæ processiones distinguuntur ex terminis, qui sunt personæ procedentes. Aduerte tamen, quod cum dicimus processionem habere inter se ordinem originis, non asserimus, quod processio filij producat processionem Spiritus sancti, sed quod filius, vt sic procedens, sit producens Spiritum sanctum. Itaque ipsa processio non habet ordinem originis cum altero, ita quod producat, vel producatur, sed est vt radix, vnde persona taliter procedens aliam producat. Hæc de opinione Beati Thomæ.

EXPOSITIO opinionis Doctoris subtilis.

PRO intelligentia opinionis Doctoris subtilis nota primo, quod in hoc articulo vnum supponimus, & alterum querimus. Supponimus enim generationem, & spirationem inter sese distinguere, querimus autem per quid distinguantur, & differant: & hoc in duplici sensu. Primus est, per quid differant formaliter, an per se ipsas, an verò per proprias differentias, sicut homo differt ab equo per rationale. Secundus sensus est, per quid, quasi principiativè distinguantur, id est, quid sit principium, vel quæ sint principia, per quæ earum distinctio causetur.

Secundo observa, quod aliquid potest distinguere per aliud bifariam. Primo, formaliter: sic homo distinguitur per rationalitatem formaliter a bruto.

Secundò quaſi per terminũ ſuæ dependentiæ. Primo modo actus non diſtinguuntur per obiecta, quia obiectum nõ eſt aliquid incluſum in formalitate actus, ſed potius quid extra ipſam. At ſecundo modo actus diſtinguuntur per ſua obiecta: dependet enim actus a ſuo obiecto, tanquã a termino ſuę dependentiæ. Dici etiam poteſt, quod actus diſtinguuntur per obiecta manifeſtatiuè, quia per ea nobis actuum diſtinctio innotefcit. De qua re videndus eſt Socinas 9. Metaph. q. 21. in ſolutione ad primum.

1. *Concl.* Prima conſuſio. Diſtinctio emanationum diuinarum propria ac formalis non eſt penes earum terminos accipienda. Probatur. Iſtæ emanationes non habent formaliter ſuum eſſe per terminos: ergo nec ſuam diſtinctionem formalem. Patet conſequentia: quia ab eodem habet res ſuum eſſe formale, & ſuam unitatẽ, & per conſequens ſuam diſtinctionem. Antecedens patet: quia termini ſunt poſteriores iſtis emanationibus: ergo ab eis nõ habent ſuum eſſe formale, quia prius non habet eſſe a poſteriori: præterea quia huiusmodi termini non ingrediuntur intrinſecè in rationibus formalibus iſtarũ emanationum: ergo non diſtinguuntur formaliter per ipſos.

2. *Concl.* Secunda conſuſio. Iſtæ diuinæ emanationes nõ diſtinguuntur principiatiuè, aut quaſi cauſaliter p ſuos terminos. Probatur: quia principia earum non ſunt termini, cum ipſas conſequantur, ſed intellectus & voluntas. Per has conſuſiones rejicitur prima opinio, quæ erat Aegidij, ſi diſtinctionem formalem & intrinſecã iſtarum emanationum penes earum

terminos ſumenda in eſſe decernit. Et cum pro ipſa arguitur, q̃ motus diſtinguuntur per terminos, dico, q̃ licet id verum eſſet in motibus (de quo tamẽ poſtea dicemus in ſolutione argumentorum principalium) attamen in propoſito aliter ſe res habet, vt ibidem explicabimus.

Tertia conſuſio. Formalis & intrinſeca iſtarum proceſſionum diſtinctio, ex eo, quod vna ſit ab vna perſona, & alia a duobus, minime deſumenda eſt. Probatur. Iſtæ productiones ita diſtinguuntur, quod neceſſariò ſunt alterius rationis: ergo iſtus diſtinctionis ratio, alia, quam unitas vel pluralitas ſuppoſitorum, aſignanda eſt. Patet conſequentia, quia unitas vel pluralitas ſuppoſitorum non poteſt huius diſtinctionis eſſe cauſa: ſicut enim principium produciendi aliquid propterea quod eſt in hoc ſuppoſito vel in illo, in vno vel in duobus non eſt alterius rationis: ſicut patet in albedine, quæ ſiue in equo, ſiue in lapide, ſiue in vno ſubiecto ſit, ſiue in pluribus, ſimul eadem numero per poſſibile, vel impoſſibile, ſemper eſt principium imputationis viſus eiufdem rationis: ita productio per hoc, quod ſit in hoc vel illo ſuppoſito, in vno vel in pluribus, non eſt alterius rationis: ergo unitas vel pluralitas ſuppoſitorum non poteſt aſignari, vt cauſa talis diſtinctionis, quæ neceſſario eſt eſſentialis & alterius rationis. Hæc conſuſio eſt contra opinionem B. Thomæ ſupra poſitam.

Sed Caiet. 1. par. q. 36. art. 2. reſpondet huic argumento dicens, quod D. Thomas unitatem vel pluralitatem ſuppoſitorum non aſignauit, tanquã per ſe cauſam diſtinctionis harum

*Reſpoſio
Caiet.*

rum

rum emanationum, quia hoc, ut bene argumentum Scoti deducit, ridiculū esset asserere, sed assignauit tanquam causam, quod vna est a patre, altera vero a patre, & filio.

Distant autem (inquit Caiet.) sicut cælum & terra, dicere, quod differentia sit, quia vna est ab vno, & alia a duobus suppositis: & dicere, quod differentia est, quia vna est solum a patre, & alia a patre & filio: quia ibi vnitas & pluralitas suppositorum pro causa redditur, hic vero originis ordo inter eas tanquam causa assignatur.

Sed contra hanc Caietanā solutionem sit quarta conclusio.

4 Concl.

Impugnatio responsionis Caietana.

Quarta conclusio. Prima istarum emanationum distinctio non est accipienda ex eo quod vna sit prior alia, nec ex eo quod vna ab alia originetur. Prima pars huius conclusionis probatur: quia oportet assignare causam priorem, quare vna est naturaliter prior alia: nec est alia ratio, nisi vel quia ista est productio talis & illa talis: vel ex parte principiorum productiuorum: vel ex parte suppositorum agentium: ergo prima istarum emanationum distinctio non est sumenda primo ex eo, quod vna est prior alia.

Secundò. Relatio non distinguitur primò, & per se a relatione per relationem, quia ipsa non refertur primo, sed refert, seu est primò ratio referendi vnum ad aliud: ergo cum istæ emanationes sint relationes non distinguuntur primò per relationes prioris & posterioris. Sed dices, huiusmodi relationis prioris & posterioris esse eiusdem rationis cum relationibus originis, & per consequens has relationes originis distingui per

relationes prioris & posterioris, est per se ipsas distingui.

Contra. Sunt inter alia & alia extrema: ergo non sunt eiusdem rationis. Consequentia est euidens: antecedens probò: quia relatio originis solum est inter producēs & productū, & non inter ipsas origines, ut controuersia quinta docuimus: relationes vero prioris & posterioris etiam inter origines reperiri possunt.

Secunda pars eiusdem conclusionis probatur etiam secundum sancti Thomæ doctrinam. Quia secundum doctrinam Diui Thomæ, & omnium qui verè eum sequuntur, si Spiritus sanctus non procederet a filio, quamuis ab ipso re ipsa non distingueretur, esset tamen alterius rationis ab eo: non enim filius, ut sic, & ut genitus esset spiratus, nec ut spiratus esset formaliter genitus, & filius (in quo etiam omnes conueniunt) ergo similiter si spiratio a generatione non oriatur, adhuc istæ productiones, & origines non essent eiusdem rationis, sed alterius: alias enim persona genita, ut sic, esset formaliter spirata, & persona spirata esset formaliter genita, & persona ut genita acciperet esse per spirationem, & persona, ut spirata acciperet esse per generationem, quod antecedenti opponitur: ergo distinctio saltem formalis, & specifica istarum emanationū (de qua nunc loquimur) non est desumenda ex eo, quod vna quasi originetur ab alia.

Et confirmatur argumentum: quia (ut controuersia decimaquinta docuimus) de ratione intrinseca, & formali Spiritus sancti non est quod sit a filio: ergo nec de ratione processionis est, quod sit a generatione: ergo distinctio formalis & intrinseca,

arque

atque specifica istarum productionū haudquaquam ex ordine originis inter eas depromenda est. Confirmatur secundo, quia istæ emanationes nulla habita ratione ad ordinem aliquem inter eas sunt alterius rationis secundum suas proprias rationes formales: ergo formalis, & intrinseca earum distinctio non ex earum ordine accipienda est.

Secunda huius conclusionis pars est contra Caietanum ubi supra, & contra secundam conclusionem illius noui expositoris, quam pro explanatione sententiæ Diui Thomæ posuimus: videtur etiam esse contra Diuum Thomam prima parte loco supra citato.

Sed in hac re facilè D. Thomas & Scotus concordari possunt, (quamuis nolint Thomistæ) si dicamus Scotum loquutum fuisse de distinctio-
ne formali, & quasi specifica emanationum siue actiuarum, siue passiuarum, Diuum verò Thomam solum verba fecisse de reali distinctio-
ne generationis passiuæ a spiratione passiuæ. Et quod ita sit intelligendus D. Thomas patet: quia in illo articulo citato inquit, an si Spiritus sanctus non procederet a filio, distinguere-
tur realiter ab eo: cuius rei præcisam assignat causam originationem Spiritus sancti a filio. Aut enim sic in solutione ad septimum. Spiritus sanctus distinguitur personaliter a filio, in hoc, quod origo vnius distinguitur ab origine alterius. Quæro. Vel loquitur de distinctio-
ne formali originum, vel de reali earum differentia. Si de prima, ergo male colligit ex ea personalem distinctio-
nem Spiritus sancti a filio: quia ex formali distinguendum distinctio-
nem bene

realis distinctio-
rum differentia concluditur, quia distinctio formalis non infert distinctionem realem, siquidem cum ea est composibilis, ut controuersia quarta docuimus. Si verò loquitur de distinctio-
ne originum reali, habeo intentum. Vult ergo ibi Sanctus Thomas, quod spiratio passiuæ distinguitur re ipsa a generatione passiuæ, quia ab ipsa quasi originatur, ex quo rursus distinctio-
nem personalem Spiritus sancti a filio concludit. Per hanc quartam conclusionem rejicitur conclusio secunda illius noui expositoris pro opinione D. Thom. supra posita. Si autem Thomistæ omnino contendunt Diuum Thomam de distinctio-
ne emanationum formali loquutum esse, sit ita, sed respondeant rationibus supra positis. Et præterea sic argumentor. Si distinctio istarum emanationum formalis est ex hoc, quod filius est a Patre, & Spiritus sanctus a Patre & filio: ergo si Spiritus sanctus a filio non procederet, esset formaliter genitus, & filius esset formaliter spiratus, quia vnius productio non est alia formaliter a productione alterius: quod tamen nullus hucusque Thomista concessit, nec concedere debet: quia tunc in doctrina Diui Thomæ persistendo esset concedendum, quod eadem persona esset bis genita, semel simpliciter per intellectum, & semel per voluntatem, licet secundum quid: nec esset dicendum secundum Diu Thomam doctrinam admissa hypothese quod Spiritus sanctus non procederet a filio, quod persona filij genita deinceps spiraretur per voluntatem: quod tamen Thomistæ communiter concedunt.

Quinta conclusio. Istæ emanatio-

nes habent principia formalia inter se formaliter distincta. Probatur: quia vna habet tanquam principium formale intellectum, altera verò voluntatem: sed ista sunt principia secundum suas proprias formales rationes distincta: modus namque principian- di intellectus alterius rationis est a modo principian- di voluntatis. Ex quo sequitur primò, quòd ipsa emanationes sunt etiam alterius rationis, quia principia formalia productiva alterius rationis necessario sunt principia elicitiva distinctarum actionum. Secundo sequitur, quòd ista emanationes principiativè, & quasi originaliter distinguuntur ex suis formalibus principijs.

6. *Concl.* Sexta conclusio. Generatio & spiratio manifestativè distinguuntur penes supposita producta. Ratio est, quia per ipsa dignoscitur, & manifestatur earum distinctio.

7. *Concl.* Septima conclusio. Distinctio formalis, & ex natura rei diminutivè emanationum activarum, & realis passivarum non est per principia distincta penes rationem tantum. Probatur: quia distinctio ex natura rei siue realis, siue formalis, non prae- exigat necessarium ad suum esse distinctionem rationis, sicut nec ens reale prae- supponit necessarium ad suum esse ens rationis: sed distinctio istarum emanationum necessario prae- exigat distinctionem principiorum elicitivorum, siue sit realis, siue formalis: ergo illa non est, nec causatur per distinctionem rationis ipsorum principiorum.

8. *Concl.* Octava conclusio. Ista emanationes divinae distinguuntur se ipsis formaliter. Generatio enim se ipsa formaliter est generatio, & spiratio se ipsa formaliter est spiratio: & ex

rationibus formalibus earum impossibile est generationem esse spirationem quocunque alio etiam per impossibile seclusior: ita quòd non oportet quærere, quibus distinguantur, quia tota ratio formalis vnius est non eadem toti formali rationi alterius. Conclusio est Doctoris subtilis ubi supra, quam tenet Divus Augustinus. 5. de Trinitate, cap. 9. & 14. Vbi inquit, cur Spiritus sanctus non sit filius, cum tamen a patre exeat, respondet in hunc modum soluendo quæ- stionem. Exijtenim non quomodo natus, sed quomodo datus. En quomodo distinctionem personarum in emanationum formalem distinctionem reducit. Idem concludit quinto- decimo de Trinitate cap. 27.

Sed obiecis. Ista emanationes non sunt a se, sed quodammodo ab alio, ut putà, a suis principijs: ergo non distinguuntur a se, quia a quo aliquid habet entitatem, ab illo habet unitatem, & distinctionem illam consequentem.

Respondeo, quòd differentia vltimæ non sunt a se ipsis effectivè, quia nihil producit se ipsum ut sit, sunt tamen se ipsis distinctæ formaliter & primo: ceterum ab eo sunt distinctæ effectivè, a quo effectivè habent esse. Ita in proposito ista productiones quasi originaliter distinguuntur. ut diximus, a suis principijs elicitivis, formaliter tamen se ipsis, ita, quòd nihil formaliter inclusum in vna est formaliter inclusum in alia.

Sed contra, ista emanationes conveniunt in communi ratione relationis, quia sunt relationes, & in ratione entis, quia sunt entia: ergo non se totis modo prædicto distinguuntur, ut vult Scotus.

Solutio.

Respondeo, quod istæ emanationes dicuntur distingui se totis formaliter, quia nullam aliquam realitatē per proprias differentias contrahibilem includunt, et si rationem relationis & entis imbibitam in se habeāt, hoc enim non excludit ab eis, quod sint primo diuersa. Nam etiam secundum Thomam aptes ratio entis imbibitur in vltimis differentiis, cum tamen sint primo diuersa se ipsis totis formaliter distinctæ.

Sed, vt hæc melius percipias, aduerte, quod secundum Scotizantes aliqua dicuntur distingui se totis bifariam. Primo obiectiue: & sunt illa, quæ in nullo quidditatio conceptu etiam entis conueniunt, ita quod nec ratio entis, nec alterius generis de eis prædicatur in quid, cuiusmodi sunt vltimæ differentia, vt in controuersia 21. dicemus. Secundo aliqua dicuntur distingui se totis subiectiue: & sunt illa, quibus nulla aliqua realitas contrahibilis per differentias, quæ est realitas generica, est communis. Sic Deus, & creatura, & decem genera prima distinguuntur se totis subiectiue: quia nullam aliquam realitatē habent communem per differentias contrahibilem, cum supra se nullum habeant genus. Hoc modo dicuntur se totis distincte emanationes diuinæ a Doctore subtili. Nam licet in conceptu communi entis, & relationis conueniant, non tamen est ipsis communis aliqua realitas per differentias contrahibiles.

Ex his sequitur, quod prima conclusio illius noui expositoris, quam pro explicatione sententiæ Diui Thomæ posuimus, non est contra Scotum bene intellectum. Vnde concedimus, diuinas emanationes in aliquo

comuni conceptu quidditatio conuenire, non tamen in aliqua realitate per differentias contrahibili. Concedimus etiam, quod istæ emanationes non sunt ita primo diuersæ, sicut vltimæ differentia, quia vltimæ differentia etiam quo ad intellectum non habent aliquem conceptum communem dictum in quid de eis etiam nec entis: at verò emanationes diuinæ, quoad intellectum conueniunt in conceptu quidditatio entis, quoad tamen in nulla realitate per differentias contrahibili conueniunt, propter quod non se totis obiectiue, sed se totis subiectiue dicuntur distingui, vt supra diximus. Nec huic doctrinæ contrariatur id quod Scotus asserit in eadem dist. 13. q. vnica, paulo ante litteram P. scilicet, quod emanationes diuinæ distinguuntur se ipsis formaliter, sicut vltimæ differentia, quia similitudo non debet currere quatuor pedibus: quia iam non esset similitudo, sed identitas. Et præterea, quia similitudinem adduxit Scotus solum, vt ostenderet, nullam esse inquirendam differentiam, per quam inter se distinguantur prædictæ emanationes, quia nulla talis reperiri potest, cum conceptum per differentias contrahibilem non includant, sicut nec differentia vltimæ.

ARTICVLVS III.

Verum emanationes diuinæ solo numero differant, an etiam specie.

Quod solo numero differant sic ostendo. Quia vel differunt numero, vel specie: sed specie differre nequeunt, quia in diuinis differentia essentialis, cuiusmodi

est

1. Argu.

*Bifariam
distingui-
untur
aliqua se
totis.*

est specifica, inueniri non potest: ergo solo numero differunt, cū differre inter se iā ex præcedentibus pateat.

^{2. argu.} Secundo, Filius & Spiritus sanctus solo numero differunt: ergo processio filij, & processio Spiritus sancti etiam solo numero distinguuntur, quia processiones ex proprijs terminis distinctionem accipiunt. Antecedens patet: quia solum differunt filius & Spiritus sanctus personaliter.

EXPLANATIO

opinionis D. Thomæ.

IN hac dubitatione quidā ex Thomistis asserunt, huiusmodi processiones non differre formaliter, aut specificè, sed solo numero. Alij verò oppositum asserunt, inter quos est quidam nouus expositor D. Thomæ, qui 1. par. q. 27. art. 4. dub. 2. suam & D. Thomæ sententiam duplici conclusione duobus præmissis notabilibus explicat in hunc modum. Primo, inquit, notandum est cum Diuo Thoma de potentia quæst. 10. art. 2. quod in diuinis non proprie dicitur esse genus, aut species, vel vniuersale, & particulare, secundum tamen quandam similitudinem creaturarū dicitur, quod pater & filius & Spiritus sanctus distinguuntur, sicut plura indiuidua vnus speciei, vt docet D. Damascenus lib. 3. orthodoxæ fidei cap. 4.

Secundo prænotat, quod in aliquo indiuiduo in genere substantiæ possumus speciem dupliciter considerare. Vno modo speciem hypostasis ipsius, alio modo speciem proprietatis indiuidualis. Vt exempli causa, Socrates & Plato sūt hypostases vnus speciei humanæ, sed distinguuntur

secundum speciem proprietatis indiuidualis: verbi gratia, si ponatur, quod albedo est proprietas vnus indiuidualis, & nigredo sit proprietas indiuidualis alterius.

Prima conclusio. Hypostases diuinæ sunt vnum speciē, in quantum cōueniunt in vna natura deitatis, sed secundum speciem proprietatis personalis inueniuntur differre. Prima pars huius conclusionis certa est, & manifesta: secunda pars probatur: quia paternitas & filiatio sunt formaliter relationes secūdm speciem relationis distinctæ, sed istæ sunt proprietates personales in diuinis: ergo pater & filius ex parte proprietatum personalium differunt specie.

Secunda conclusio. Processiones in diuinis sunt differentes, quasi secundum speciem propter differentiam proprietatum personalium. Hanc probat & explicat Diuus Thomas ex differentia inter generationem in rebus creatis, & processionem in diuinis. Generatio enim in creaturis per se ordinatur ad speciem, quia natura intendit generare hominem, vnde & ipsa natura speciei per generationem multiplicatur in rebus creatis: processio autem in diuinis est per se formaliter ad multiplicationem hypostasum, in quibus natura diuina vnica numero inuenitur. Hinc ergo est, quod processiones in diuinis sint differentes, quasi secundum speciem, non quia hypostases, simpliciter loquendo differant specie, sed propter differentiam proprietatum personalium, sicut diximus de Socrate & Platone, quod non differunt specie, & nihilominus proprietates indiuiduales differunt specie. Hæc de opinione D. Thomæ.

1. Concl.

2. Concl.

EX-

EXPLANATIO opinionis Doctoris subtilis.

1. Nota.

AD intelligentiā opinionis Doctoris subtilis obserua ex eodem Scotoin primo, distinctione septima, paulo ante literam Q. & distinctione octaua, quæstione secunda, quod in diuinis nec est proprie genus, nec species, nec differentiæ specifica: improprie tamen potest ibi poni species, & differentia specifica sumendo speciem pro ratione formali rei, & differentiam specificam pro differentia secundum rationem formalem: sed melius dicimus, in diuinis aliqua esse eiusdem rationis vel alterius, quàm eiusdem speciei, vel alterius. Quæ igitur secundum proprias rationes formales quidditatuas distinguuntur, sunt alterius rationis simpliciter, sed dicuntur alterius speciei non absolute, sed cum addito, ut puta, quasi alterius speciei.

2. Nota.

Secundo obserua ex eodem Scotoin eadem distinctione septima, eodem loco, quod aliqua dicuntur magis distinguui bifariam. Primo, quia minus conueniunt: sic albedo, & homo magis distinguuntur, quam homo, & asinus, quia homo & albedo in nullo genere conueniunt, homo vero & asinus conueniunt in genere, & in multis generibus subordinatis.

Secundo aliqua dicuntur magis distinguui, quia maiorem impossibilitatem ad esse in eodem habent inter se, sic homo, & asinus magis distinguuntur, quam homo & albedo, quia magis repugnant ac magis sunt impossibilia in eodem: sed hoc modo non proprie dicuntur aliqua magis distinguui. Illa enim dicuntur proprie magis distinguui, quæ minus

conueniunt in suis prædicatis, & ita distincta genere generalissimo magis distinguuntur, quam contraria, quæ sub eodem genere collocantur, licet contraria magis repugnent in eodem.

Tertio obserua, quod vniuersaliter loquendo quanta est distinctio, id est, repugnantia constituentium, tanta est & constitutorum, quia si albedo, & nigredo sunt impossibiles, & constituta per ea sunt impossibilia. Et ita est in proposito, quanta enim est impossibilitas paternitatis & filiationis in eodem, tanta est patris & filij: & sicut paternitas non est filiatio, ita nec pater est filius. Caterum loquendo de distinctione proprie dico, quod constituta minus possunt distinguui, quàm constituentia: quia constituentia minus conueniunt in prædicatis communibus quidditatis, quam constituta, ut patet in differentijs ultimis, quæ in nullo prædicato quidditativo saltem generico conueniunt, cum sub nullo genere directe contineantur, cum nec species, nec individua sint: attamen species per eas constitutæ multa prædicata quidditativa communia habent, videlicet, multa subordinata genera, ut patet de homine, & equo, qui sub animali corpore animato & substantia continentur, sub quorum nullo vel alio quouis genere rationale, & irrationale, quæ eorum sunt differentiæ directe subsistunt. Ex quo inferitur differentias ultimas esse primo diuersas, non tamen constituta per eas. Ex quo rursus colligitur, quod constituentia possunt esse magis distincta, quam constituta. Et ita euenit in diuinis, quod pater, & filius magis conueniunt,

ueniunt, quam paternitas & filiatio, quibus constituuntur: nam pater & filius conueniunt quidditatiue in natura diuina, non tamen paternitas & filiatio, sed solum identice, quia scilicet, ipsi essentia identificantur.

1. *Concl.* His ita constitutis sit prima concl. Hypostascs diuinæ nō differunt proprie numerica differentia, seu quod idem est, non differunt proprie numero. Probatur primò: quia in diuinis non est proprie indiuiduum: ergo nec differentia numerica & indiuidualis. Consequentia tenet antecedens probatur: quia non est proprie indiuiduum, ubi non est indiuiduum, quod indiuiduari possit, quia diuisio vel diuisibile imperfectionem importat, quæ longe est a diuinis: ergo in diuinis non est proprie indiuiduum, & per consequens nec differentia numerica & indiuidualis.

Secundò. Differentia numerica contrahit naturam specificam ad esse indiuidui, ipsamque auctuat, ut in secunda controuersiarum parte dicemus: sed diuina essentia nec contrahi, nec auctuari potest, cum ipsa & sit singularissima, & in summa, ac perfectissima actualitate, & in tribus vnica, & indistincta penitus: ergo in diuinis inter diuinas personas non est distinctio numerica proprie, & in rigore.

Tertio. In diuinis non est proprie species: ergo nec indiuiduum: ergo nec differentia numerica: ergo diuinæ personæ non differunt proprie numero.

2. *Concl.* Secunda conclusio. Ex eo quod proprietates personales constituent hypostascs diuinæ sint alterius rationis, & quasi alterius speciei, non licet inferre, quod hypostascs diuinæ

per eas constitutæ sint alterius rationis & speciei. Probatur: quia (ut supra docuimus notabili tertio) minor est distinctio in constitutis, quam in constituentibus: magis enim conueniunt constitutæ, quam constituentia: ergo ex distinctione specifica constituentium diuinæ personas non licet inferre distinctionem earundem personarum specificam. Consequentia satis nota est, & patet amplius: quia constituentia non distinguunt constitutæ eadem distinctione, quæ inter se distinguuntur: differentia, nāque vltimæ specificæ sunt inter se primo diuersæ, non tamen species per eas constitutæ. Ex quo sequitur, illud nouum Diui Thomæ interpretem alias doctissimum non bene colligere in sua prima conclusione hypostascs diuinæ differre specie, ex differentia quasi specifica relationum constituentium, quia constitutæ (ut diximus) nō differunt tanta distinctione, quanta constituentia, nec eadem. Et si bene inferret, sequeretur etiam, species eiusdem generis esse primò diuersas, & similiter indiuidua eiusdē speciei: quia differentia constituentes tam species, quam indiuidua sunt primo diuersa: quod tamen veræ Metaphysicæ contrariatur. Sicut igitur, quia differentia indiuiduales sunt primo diuersæ non licet inferre, indiuidua esse primo diuersa: ita nec ex eo, quod proprietates personales diuinæ sint alterius rationis, & speciei, licet inferre quod ipsæ personæ constitutæ per eas sint alterius rationis & speciei.

Tertia conclusio. Hypostascs diuinæ simpliciter & absolute sunt eiusdē rationis, & speciei eo modo, quo species concedi potest in diuinis, et si

proprietates earum constitutiva sint alterius rationis. Probatur: quia, si aliquid veritatem huius conclusionis impediret maximè diuersitas, seu distinctio proprietatum, per quas hypostasies diuinæ constituuntur: sed hoc non impedit: ergo, &c. Maior est nota: minorem probō: quia duæ differentia: individuales constituentes individua eiusdem speciei nō faciunt ipsa individua primo diuersa, cum ipsæ sint inter se primo diuersæ: ergo quamuis ipsæmet differentia: individuales essent species distinctæ & diuersæ, non constituerent res alterius rationis, & speciei, sicut nec modo constituunt res primò diuersas. Patet consequentia, quia tota ratio ob quā modo cōstituta per individuales differentias non sunt primo diuersa, est propter naturam specificam, in qua individua quidditativè conueniunt, sed etiam si huiusmodi differentia: essent species diuersæ & alterius generis, constituta conuenirent in eadē natura specifica: igitur tunc constituta essent eiusdem speciei sicut nunc: igitur simili modo quamuis constitutiva diuina diuinarum personarum sint alterius rationis, personæ tamen constitutæ simpliciter erunt eiusdem rationis & speciei propter unitatem naturæ etiam numericam, in qua cōueniunt.

Obiectio.

Sed contra. Paternitas & filiatio differunt quasi specie: ergo personæ per eas constitutæ differunt etiā specie. Probatur consequentia. Primò, quia non est maior distinctio in principiis, quam in principiatis. Secundo, quia eadem est differentia formæ constituentium & constitutorum. Tertiò quia eadem est differentia eorum, secundum quæ præcise aliqua

differunt, & ipsorum differentium: sed personæ diuinæ præcise differunt per proprietates personales: ergo cū huiusmodi proprietates differant specie, similiter & ipsæ personæ constitutæ per eas.

Respondeo negando consequentiam. Ad primā probationem dico, falsum esse, quòd in principiis non sit maior distinctio, quàm in principiatis: maior enim distinctio, id est, maior non cōuenientia potest esse principiorum quam principiatorum, sicut differentia: specificæ, quæ sunt principia specierum minus conueniunt, quàm ipse species, vt satis de se est manifestum.

Ad secundam probationem dico, quòd (vt ex supra notatis patet) semper est maior distinctio in constitutibus quam in ijs, quæ per ea constituntur. Vnde nunquam distinctio conueniunt tantum, quantū conueniunt ea, quæ per illa distinguuntur: & per consequens constituenta semper distinguuntur magis, quam constituta, hoc est, in paucioribus conueniunt.

Ad tertiam probationem dico, quod maior est falsa: nec valet hæc consequentia. Istis proprietatibus præcise personæ distinguuntur, & ista proprietates distinguuntur specie: ergo personæ distinguuntur specie, quia (vt supra diximus) ex differentia cōstituentium non licet inferre, quod constituta simili differentia differant. Sed obijcies, constituta non differunt, nisi præcise per illa constituenta: igitur si non distinguuntur eadem distinctio, qua constituenta, sequitur quod nullo modo distinguantur.

Respondeo, quòd per distinctia potest esse aliqua distinctio ipsorum di-

Solutio.

distinctorum alia ab ea, quia ipsa distinctio distinguuntur, & minor sicut per differentias individuales est aliqua distinctio ipsorum indiuiduorum alia, quam ipsarum differentiarum: quia differentiae sunt primò diuersae, ipsa vero indiuidua distincta non sunt primò diuersa, sed tantum sunt distincta numero in eadem specie. Ita in proposito per relationes distinctas in specie vel quasi genere, quibus tamen in quantum sunt distinctivae, accidit distingui specie, possunt alia distingui personaliter tantum in eadem specie, siue in eadem natura.

4 *Concl.* Quarta conclusio. Processiones in diuinis sunt alterius rationis, & speciei ex proprijs rationibus formalibus (vt diximus supra) & non ex differentia proprietatum personarum, sicut ille Neotericus doctissimus in sua secunda conclusione affirmat. Prima pars huius conclusionis satis patet ex articulo praecedenti, & similiter secunda: sed hanc secundam partem iterum confirmo: quia si differentia istarum productionum desumenda est ex differentia proprietatum personarum: ergo huiusmodi emanationes per se tendunt tanquam in terminos formales in huiusmodi proprietates, quia secundum doctrinam sancti Thomae distinctio emanationum, sicut & motuum ex terminis formalibus desumitur: sed consequens est falsum, quia tunc nulla istarum productionum esset vniuoca, quia produciens, & productum non conuenirent in termino formali generationis, nec primò, nec secundariò: ergo.

Secundo argumentor contra rationem suae conclusionis. Quia si productio diuina, vt generatio, non ten-

dit primò, & per se in naturam tanquam in terminum formalem, sed in filiationem: ergo illa non est generatio. Patet consequentia, quia de ratione generationis est, quòd in similitudinem naturae tendat, sed si diuina generatio primò, & per se tendit in filiationem, & non in naturam, non tendit in similitudinem naturae, quia generans & genitum in ea non assimilantur, sed potius est ratio, per quam genitum distinguitur a generante: ergo.

Tertiò. Generatio & est assimilatiua, & distinctiua: sed prior ratio est perfectior, quia conuenit ei a forma sub ratione formae, & non sub ratione, qua haec est singularis, sicut posterior: ergo illa ratio prior sibi proprie & primò conuenit: ergo potius ex ratione sua tendit in naturam communicandam, quam in proprietatem naturae, quia secundum illam est assimilatiua geniti cum generante.

Quartò. Proprietates personales diuinarum hypostasū habent se respectu earum, quasi ad modum differentiarum indiuidualium in creaturis, sed ex differentia, & distinctione differentiarum indiuidualium non licet inferre, quòd eadem distinctione distinguantur productiones indiuiduorum, quorum sunt differentiae: ergo, nec ex distinctione proprietatum personarum diuinarum specifica licet inferre, quòd productiones earundem personarum distinguantur specie. Probo minorem: quia differentiae individuales Petri & Pauli sunt primò diuersae, & quasi alterius rationis: productiones tamen Petri & Pauli nec sunt primò diuersae, nec alterius rationis, sed eiusdem rationis & speciei.

Tandem. Iſte expoſitor ſibi contrarius exiſtit: ſiquidẽ eadem q. 27. artic. 4. fatetur, verbi proceſſionem eſſe generationem, quia ipſa ex vi ſua tendit in ſimilitudinem, vel in imaginem generantis: ſed quatenus tendit in proprietatem perſonalem geniti, non tendit in ſimilitudinem, & imaginem generantis, quia filius per filiationem potius eſt diſſimilis patri generanti, quam ſimilis: ergo ſi per ſe tendit in filiationem, non tendit per ſe in naturam, & ſi per ſe primo tendit in naturam, & ſimilitudinem, non tendit per ſe primo in filiationem: ergo cum hic aſſerit generationem per ſe tendere in filiationem, contradicit ſibi ipſi dicenti ſupra, quòd per ſe primo tendit generatio in ſimilitudinem, & imaginem generantis.

A D A R G V M E N T A
in principio huius articuli poſita.

Ad primum.

AD primum dico, quòd productiones diuinæ ſunt alterius rationis, & quali alterius ſpeciei. Fateorque inter eas non eſſe proprie differentiam eſſentialem, & ſpecificam, quia (vt ſupra notauimus) in diuinis, nec eſt proprie ſpecies, nec proprie differentia ſpecifica, ſed diſſerentia ſecũdum rationem formalem: & ideo proprie dicitur, quòd huiusmodi productiones ſunt alterius rationis, non tamen quòd ſint diſtinctæ ſpecie, vel quòd differat diſſerentia ſpecifica.

Ad ſecũdum.

Ad ſecundum, tranſeat antecedẽs, ſed nego conſequentiam. Ad probationem dico, quòd iſtarum productionum diſtinctio non ex earum

terminiſ, ſed ex proprijs rationibus formalibus earum deſumenda eſt, vt articulo præcedenti diximus.

A D A R G V M E N T A
in principio controuerſiæ poſita.

AD primum dico, quòd generatio bifariam accipitur. Primo communiter prout eſt productio ad eſſe ſimpliciter terminata quomodocunque in illud tendat. Secundo proprie prout eſt productio viuẽtis a viuente coniuncto in ſimilitudinem naturæ. Si generatio ſumatur primo modo, omnis productio ad ſubſtantiam terminata dicitur generatio: per hoc namq; diſtinguit philoſophus generationem ab alijs mutationibus, quia illa eſt ad eſſe ſubſtãtiale, iſtæ verò ad eſſe accidentale: in quã ſignificatione omni imperfectiõne ſemota a generatione productio Spiritus ſancti poſſet dici generatio, hoc ideo præciſe: quia ad eſſe ſimpliciter terminatur. Caterũ ex hoc non ſequitur, quòd Spiritus ſanctus poſſit dici filius, vt de ſe patet. Sumendo generationem primo modo nullum eſſet inconueniens concedere in diuinis duas eſſe generationes, ſed hoc concedi non debet niſi adhibita ſtatim explicatione. Caterum accipiendo generationem proprie, & ſtrictẽ in ſecunda ſignificatione, ſicut ſancti Doctores, & Concilia cõmuniter loquuntur de generatione, cum productionem verbi diuini generationem eſſe affirmat, q; de proceſſione Spiritus ſancti negant, dico quòd nõ omnis productio ſuppoſiti in natura ſubſtãtiali eſt generatio, ſed illa, quæ eſt productio viuẽtis a viuente

Ad primum.

con-

coniuncto in similitudinem naturæ: sic quod ex vi talis productionis productum sit simile in natura producti. In qua significatione productio verbi divini est vere generatio, sed non productio Spiritus sancti, quia Spiritus sanctus ex vi & modo suæ productionis non procedit ut similis producenti, ut articulo primo huius controuersie ostendimus.

Secundo respondeo, quod vera est maior argumēti, quando talis productio est de aliquo a principio per modum naturæ operante: at in diuinis solum est vna productio, ut puta, verbi, cui hoc conueniat: nam productio Spiritus sancti non est a principio naturali per modum naturæ operante, sed a principio per modum voluntatis agente.

Ad secundū dico, quod non semper productiones distinguuntur ex terminis, sic quod ex distinctione vel identitate terminorum liceat inferre distinctionem, vel identitatem productionum, sicut nec ex identitate specifica terminorum motus, licet colligere identitatem specificam motuum: quia motus rectus & circularis sunt alterius rationis & speciei, cum ex Arist. 7. Phys. sint incōparabiles inter se, & tamē ad eundem terminum, ut puta, ad idē, vbi terminari possunt. Dico ergo, quod licet ex distinctione specifica terminorum formalium ipsarū productionum liceat inferre distinctionem specificam productionum, eorum ex identitate specifica terminorum colligere nullatenus licet identitatem specificam productionū vel motuum. Licet igitur concederemus diuinas productiones eundem habere terminum formale, adhuc ex hoc colligi non posset, quod essent huiusmo-

di productiones eiusdē rationis: sed cum hoc stare potest earū distinctio formalis, & quasi specifica, sicut cum identitate vbi stat distinctio specifica motus recti & circularis.

Sed dices. Ergo falsa est illa vulgaris & trita Maxima, Motuum differentium specie sunt termini differentes specie. Patet consequentia, quia ex dictis duo motus distincti specie possunt habere terminos eiusdem speciei.

Respondeo cum Doctore subtili in primo, distinct. secunda, questione septima, litera. T. quod huiusmodi propositio vulgaris, & trita non est immediata, sed eius veritas pendet ex aliarum duarum propositionum veritate. Prima. Motuum differentium specie sunt fluxus differentes specie, vel formæ, secundum quas sunt fluxus, differunt specie, sicut nigrescētia, & dealbatio sunt fluxus differentes specie, seu formæ, secundum quas sunt huiusmodi fluxus, differunt specie, ut puta, albedo & nigredo, quæ sunt formæ specie differentes.

Secunda propositio. Forma fluens, vel secundum quam est fluxus, est eiusdem rationis cum forma terminante, sicut accidit in dealbatione, vbi forma, secundum quam est fluxus, quæ est albedo in fieri, est eiusdem rationis cum albedine in facto esse, quæ est forma terminans motum. Motus ergo specie distincti habent terminos formales specie distinctos, quando istæ duæ præfatæ propositiones verificantur in eis: sed si altera illarum sit falsa, nullatenus erit vera, ut patet in motu recto & circulari. Quando igitur forma fluens seu fluxus est alterius rationis a for-

ma terminante, nõ oportet ex distinctione specifica motuum inferre terminorum specificam distinctionem. In proposito vero productio ipsa est alterius rationis a forma terminante, quia ipsa productio est relatio, terminus verò eius formalis est forma absoluta: ac proinde ex distinctione quasi specifica productionũ non licet colligere specificam terminorum distinctionem, nec ex identitate terminorum identitatem specificam productionum.

Ad tertium.

Ad tertium dico, qđ quando comparatur duo ad tertium illimitatum ex vnione eorum in tertio non sequitur consimilis vnio eorum inter se. Nam si ego sim cum Deo hic, & Papa sit cum Deo Romæ, non sequitur quod ego sim simul cū Papa. Ratio est, quia Deus est illimitatus secundum presentiam, non sic Papa & ego. Ita in proposito dico, qđ Deus pater habet in se duplicem fecunditatem, quælibet autem diuinarum productionum correspondet præfixæ suæ fecunditati, vt generatio fecunditati intellectus, spiratio vero fecunditati voluntatis. Quia igitur pater utrāq. fecunditatem continet, comparatur ad diuinas productiones, qua si quid indeterminatum ad determinata, ac proinde non sequitur, quod si utrāq. productio est vniuoca respectu patris, q̃ ambæ productiones sint vniuocæ inter se & eiusdem rationis.

Ad quartum.

Ad quartum respondeo bifariam. Primò negando antecedens. Ad primam probationem dico, quod in humanis filius dicitur ex vi suæ productionis similis patri, quia recipit naturam specificam patris per principium per modum naturæ operans, & non per principium agens per mo-

dum voluntatis: at vero Spiritus sanctus accipit naturam a suo producente, non per principium naturæ sed per voluntatem: propter quod eius productio non est generatio, vt articulo primo huius controuersię in vltima explicatione huius difficultatis docuimus.

Ad secundam probationem dico, quod Spiritus sanctus non procedit ex vi primaria suæ productionis vt Deus, sed vt amor spiratus, qui ex ratione sua formali, & prima non est similis suo producenti, licet verè in eadem natura specifica, imò & numerica sit cum suo producente.

Secundò respondeo negando antecedens. Ad primam probationem dico, qđ in humanis productio geniti in eadem natura intellectuali vel sensitua est proprie & strictè generatio: quia ex vi, & modo talis productionis proprie tendit in similitudinem formalem, estque vniuoca secundum formam & modum essendi formæ. At verò productio spiritus sancti ex vi suæ non tendit in similitudinem formalem, nec ex ratione sua formali est vniuoca secundum formam: ac proinde licet productum habeat eandem formam, & eundem modum essendi formæ cum generante, non est genitum, nec productio eius generatio: quia hoc non habet ex primaria vi & natura suæ productionis. Nam eius productio ex prima sua vi solum tendit in amorem, qui ex ratione sua formali non est similis producenti, sicut verbum mentis: nec ex eo quod infinitus, quia infinitas cum sit gradus, & modus intrinsecus rei, non variat eius rationem formalem. Sicut igitur amor ex ratione sua formali non est similitudo

ligudo formalis, nec formaliter similis suo producenti, sic nec amor infinitus: sed consequenter, quia amor infinitus necessarius est Deo, ac per consequens similis suo producenti in eadem natura. Dico ergo, quod in humanis, quia productio primo, & per se tendit in naturam communicandam, talis productio est verè generatio: ceterum productio amoris primo, & per se tendit in amorem: & consequenter in naturam: quia (vt dixi) amor infinitus necessarius est Deo: ac proinde communiter conceditur, quod Spiritus sanctus non procedit ex vi suæ productionis, vt Deus, sed vt Deus spi-

ratus, seu, vt amor. Per quod secundæ probationi consequentiæ huius argumenti fit satis.

Ad quintum nego, quod Spiritus sanctus ex vi, & modo suæ productionis procedat, vt similis formaliter, sed virtualiter, vt articulo primo huius controuersie docuimus. Et cum probas, quia omne agens producit sibi simile: dico id verum esse formaliter, vel virtualiter, sed falsum est, quod formaliter. Verum est tamen, quod Spiritus sanctus est similis in eadem natura suo producenti: sed hoc non habet ex vi, & modo suæ productionis, vt supra diximus.



CONTROVERSIA

DECIMA QUINTA.

Verum si Spiritus sanctus non procederet a filio distingueretur re ipsa ab eo.

1. Arg.



PARS negativa probatur. Quia in diuinis omnia sunt vniū, vbi nō obuiat relationis oppositio secundum vulgare axioma Theologorum: sed si Spiritus sanctus non procederet a filio, non esset inter Spiritum sanctum & filium relatiua oppositio: ergo si Spiritus sanctus non procederet a filio non distingueretur ab eo.

2. Arg.

Secundo. Omnis distinctio fit per aliquam oppositionem: sed inter filium & Spiritum sanctum data hypothesis non esset aliqua oppositio: ergo nec distinctio. Consequentia tenet cum maiori: probatur minor: quia omnis oppositio vel est relatiua vel priuatiua, vel negationis, aut affirmationis, vel contrarietatis: sed nulla istarum facta hypothesis esset inter eos: ergo, &c. Probo minorem. In primis non esset oppositio relatiua: quia hac per hypothesis excluditur: nec priuatiua: quia hac reperitur solum inter habitum & priuationem: nec contrarietatis: quia ista reperitur inter duas formas, quarum vna est imperfecta: omnis verò imperfectio a diuinis est semouenda. Et præterea, quia oppositio contraria solum est inter ea, quæ sub eodem genere posita a se maximè distant, & ab eodem subiecto se excludunt, teste Philosopho in post præ-

dicamentis: filius verò, & Spiritus sanctus sub nullo genere collocantur, & cum æterq; substantia sic nulli contrariatur: nec reperitur inter filium, & spiritum sanctum oppositio affirmationis & negationis, quia hæc solum videtur esse inter ens, & non ens: igitur.

Tercio. Proprium est relatiui solum distinguere a suo correlatiuo, sicut pater a filio distinguitur, & duplum a dimidio: sed personæ diuinæ (ut fides docet) sunt relatiuæ: ergo filius per filiationem solum distinguitur a patre: ergo non a Spiritu sancto: ergo, si Spiritus sanctus ab eo non procederet, non haberet filius vnde a Spiritu sancto distingueretur, nec è conuerso.

Quarto. In Deo relationes disparatæ, quæ relatiuè non opponuntur, non distinguunt realiter vnum ab alio, ut patet de paternitate & spiratione actiua, quæ cum sint huiusmodi non distinguunt re ipsa patrem a spiratore: quia idem est pater, & spirator (idem dicendum de filiatione, & spiratione eadem actiua) sed filiatio, & spiratio passiuæ sunt relationes disparatæ: ergo non distinguunt re ipsa filium, & Spiritum sanctum inter se: ergo ablata spiratione actiua a filio, filius erit Spiritus sanctus.

Et confirmatur: quia spiratio, & generatio actiua opponuntur relatiuè

tue

tius generationi & spirationi passiva: ergo sicut illæ non distinguunt re ipsa generantem & spirantem, ita nec istæ genitum & spiratum.

5. *argum.* Quinto. Relatio autem distinguit secundum esse, quod habet, aut secundum quidditatem. Non primum: quia sic transit in essentiam: ergo secundum: sed secundum suam quidditatem solum distinguit ab opposito: ergo filiatione solum: distinguit filium a patre: ergo ablata spiratione actiua ab eo non haberet unde a Spiritu sancto distingueretur.

IN hac controuersia sic procedam. Primo inquiram, an Spiritus sanctus procedat a filio. Secundo de quoque sito. Terrio rationibus in principio positus satisficiam:

ARTICVLVS PRIMVS

An Spiritus sanctus procedat a filio?

1. *argum.* **P**ars negativa probatur. Primo. Dilectio in nobis non procedit a verbo, quia nostra non habet causalitatem respectu volitionis: ergo similiter in prototypo, scilicet, in Trinitate, increata amor non procedet a verbo.

2. *argum.* Secundò. Non habetur in euangelio, quod Spiritus sanctus procedat a filio, nec in veteri instrumento: non est ergo asserendum, quod ab eo procedat.

3. *argum.* Tertriò. In symbolo edito in Concilio Cædemonensi, Ephesino, & Niceno ponitur, quod Spiritus sanctus procedat a patre, & non ponitur, quod procedat a filio, percuriunturque anathemate, qui aliter predicauerint, vel aliter docuerint, quam ibi conti-

netur: ergo nullatenus affirmandum est, quod a filio procedat.

4. *argum.* Quarto. Quia si Spiritus sanctus procedat a filio, sequetur, quod est nepos patris, siquidem a filio eius procedit: sed hoc est omnino falsum: ergo.

Sed his non obstantibus est conclusio catholica & fidei articulus, quod Spiritus sanctus procedit a filio, & quod filius tam verè & propriè est principium Spiritus sancti, quam pater. Hæc conclusio est idem finita in Concilio Florentino omnium Græcorum & Latinorum consensu post longam de hac re inter utroque disputationem, Græcis contendentibus a solo patre procedere, Latinis vero ab utroque patre, scilicet, & filio procedere fatentibus. Eadem veritas diffinita habetur in Concilio Lateranensi & habetur cap. Firmiter de summa Trinitate & fide catholica, & in Concilijs Toletanis tertio, quarto, octauo, vndecimo, & duodecimo. Et probatur: quia Ioannis 16, sic ait Christus Dominus. Multa habeo vobis dicere, quæ non potestis portare modo: cum autem venerit ille Spiritus veritatis docebit vobis omnem veritatem. Et statim subdit. Non enim a semetipso loquitur. Ac si diceret. Non mecum me vocare Spiritum sanctum spiritum veritatis id est, Spiritum mei, qui veritas sum, quia ille non loquitur a seipso: sed loquitur ea, quæ ego, qui sum veritas, dixerò illi, illum producendo. Et postea dicit. Ille me clarificabit, quia de meo accipiet: hoc est: quia ego producam illum de mea substantia. Quod sic probat Christus. Omnia, quæ habet pater, mea sunt: quod debet intelligi paternitate excepta, quæ est

incommunicabilis: sed pater habet quod producat Spiritum sanctum de sua substantia: ergo hoc ipsum habeo ego. Et hoc significant illa verba. Propterea dixi, quia de meo accipiet. Hac huius loci expositio de fide est tenenda: quia expressè ponitur in Concilio Florentino in ultima diffinitione & resolutione Concilij. Probatur etiam ex consensu sanctorum patrum. Ita Ambrosius primo de Spiritu sancto capitulo decimo, & libro decimo in praefatione, & Hilarius octavo de Trinitate, & Augustinus de fide ad Petrum, capitulo undecimo, & libro decimoquinto, de Trinitate, capitulo decimosexto, & libro tertio contra Maximianum, capitulo decimoquarto, & D. Athanasius libro tertio, contra Ariarium, & in termino de passione imaginis Iesu. & B. Chrysostomus Homilia de expositione Symboli, & Cyrillus in Ioannem, capitulo decimoquarto, & duodecimo Theodori. cap. 1. & in dialogis de Trinitate. D. Basil. 2. contra Eunomium, circa finem, & Epiphanius tertio contra haereses. Didimus Nazianzenus etiam & alij, qui citantur in disputationibus Concilij Florentini.

Hac conclusio probatur a D. Th. ubi supra, in hunc modum. Filius procedit per actum intellectus, ut verbum, Spiritus sanctus autem per actum voluntatis ut amor: sed amor necessario procedit a verbo: ergo Spiritus sanctus necessario procedit a filio. Consequentia tenet cum maiori: minor probatur: quia nihil volitum quin praecognitum: ergo amor procedit a noticia rei amatae & consequenter a verbo.

*Improbatur ratio
D. Tho.* Hac ratio mirum in modum a Toribus ubi supra S. Thomas, magnifica-

tur & ad sidera usque extollitur. Sed falsa utriusque reuerentia, ratio non concludit propositum, ut colligi potest ex Doctore subtili in primo distinctione undecima, quaestione prima, littera C. Unde concessa maiori dico ad minorem, quod licet noticia rei amatae necessario praesupponatur ad actum voluntatis, non inde infertur, quod in diuinis amor productus, qui est Spiritus sanctus, procedat a verbo: quia noticia rei amatae praesupponitur amoris: hoc ideo praecise, quia per huiusmodi notationem fit praesens obiectum voluntati: sed diuina essentia, de cuius amore procedit Spiritus sanctus, non fit praesens voluntati per verbum: sed per cognitionem essentialem, aliter enim pater intelligeret per verbum, quod falsum esse controuersia octaua docuimus: ergo per hoc, quod noticia rei amatae vel amanda praesupponitur amoris eius non rectè conuincitur, quod Spiritus sanctus procedat a verbo. Alter probat minorem: quia si per impossibile Deus intelligeret, & non produceret verbum adhuc per illam intellectionem cognosceret essentiam suam, quae in ratione obiecti cogniti amabilis fieret per eandem cognitionem sufficienter praesens voluntati: ergo verbum non requiritur ad hoc de per se. Sed admissio, quod per se requiratur ad huiusmodi praesentiam obiecti, non inde infertur, quod Spiritus sanctus procedat a verbo, sicut ab habente voluntatem: quia voluntas in verbo ad id munus impertinenter se habet. Quis enim mentis bonae compos asserere poterit, necessarium esse in verbo voluntatem, ut per ipsum obiectum fiat voluntas.

supra.

ti præsens? Nullus sanè: quia amor, vt sic, dato, quod per se requirat verbum, solum præsupponit illud, vt verbum de cuius ratione non est volùtas, vt patet in verbo creato, in quo non est voluntas, cõsistam ratio verbi omnino competit. Cum ergo voluntas in verbo de per accidens se habeat ad productionem amoris a verbo, vt verbo, ex eo quod amor per se præsupponat verbum, a quo vt verbo procedat, non conuincitur, quod procedat a verbo per voluntatem, vt modo voluimus, & vt Concilia diffiniunt. Nam cum tanquam de fide diffinitur, & Spiritus sanctus procedit a verbo, diffinitur quidem, & ab eo procedat, vt spiratore per voluntatem, quod formali consequentia colligi nõ potest ex eo, quod ad amorem præsupponitur notitia, per quã obiectum fiat præsens voluntati, vt modo probauimus.

*Ratio eius
gã Scoti.*

Explosa ergo prædicta ratione aliter elegantius, & subtilius probatur nostra conclusio a Doct. subtili loco nunc citato, in hunc modum. Filius habet principium perfectum omnino, & sufficiens productuum amoris adæquati prius quam intelligatur productus huiusmodi amor: ergo per illud potest producere: ergo producit, quia posse & esse in diuinis sunt idem: sed talis amor productus est Spiritus sanctus: ergo, &c. Probatur prima consequentia (nam aliq de se patent) quia habenti principium omnino perfectum non dependens a passiuo, nec impossibile nihil deficit ad agendum per illud. Antecedens verò probatur, quia filius habet voluntatem cum diuina essentia in ratione obiecti infinite diligibilis, quæ est principium amoris infiniti, & habet

eam, vt præintelligitur huiusmodi amoris producto. Quod sic probò. Prius origine generatur filius, quam Spiritus sanctus producatur, cui, scilicet filio, in illo priori communetur tota substantia patris, ac per consequens voluntas fecunda productiua amoris adæquati: ergo cū producit Spiritus sanctus, qui est huiusmodi amor, producit illum filius sicut pater. Probatur cõsequentia: quia pro tunc ita perfectum principium fecundū habet sicut pater: ergo, &c. Antecedens verò probatur: quia quādo duo actus primi habent in aliquo ordinē secundum suum esse, si vterq; sit perfectè actiuus consimilem ordinem habebunt in eliciedo actus suos secundos: sed intellectus & voluntas in patre sunt duo actus primi, seu duo principia actiua perfectæ, habentia ordinem quendam, quia intellectus fecundus præsupponitur volutati fecundæ: ergo fecunditas intellectus prius habet actum suum, quā fecunditas voluntatis, ac per consequens prius producit filium, quàm Spiritus sanctus, quia ille per intellectus, hic verò per voluntatis fecunditatem producit.

Henricus quolib. sexto, quæst. prima, & in summa articulo 54. quæst. sexta, aliter assignat istum ordinem productionis ad productionem, per hoc, scilicet, quia sicut se habet intelligere ad velle: ita se habet dicere ad spirare: sed intelligere necessario præsupponitur ad velle: ergo & dicere ad spirare.

Sed hæc probatio (inquit Scotus) deficit: nam ratio, ob quam intelligere præsupponitur ad velle est, quia per intellectum sit præsens voluntati obiectū, circa quod est ipsa dile-

*Improbatur ratio
Henrici.*

dilectio: at verò per dictionem non fit præsens voluntati obiectum cuius amor spiratur: ergo non est vtrobiq; similis necessitas, q; generatio præsupponatur spirationi, sicut quod intellectio præsupponatur volitioni. Probo minorem: quia Pater æternus nihil nouit per notitiam genitam, quæ est terminus dictionis, vt ex D. August. in controuersijs de verbo mentis docuimus. Est ergo ordo inter intellectum & volitionem propter duo. Primò propter præsentiam dictam. Secundò propter ordinem istarũ potentialium in operando: quia intellectus, & voluntas sunt tales potentia, q; vna est nata prius operari, quam alia. Sed inter generationem & spirationem est ordo nò. propter primam rationem, sed propter istam secundam: nam sicut intellectus, & voluntas, in quantum potentia operativa ordinantur in suis operationibus: sic q; operatio intellectus præcedit operationem voluntatis: sic in quantum sunt productiue est aliquis ordo inter productiones earum ex solo ordine potentialium inter se.

2 Nota.

Secundò probatur conclusio. Tres personæ diuine, quia habent vnicum numero principium creandi, prius quàm creatura creetur, impossibile est vnã creare alia non creante: ergo similiter cum Pater, & Filius habeant idem numero principium spirandi, scilicet, voluntatem fecundam prius origine, quam spiretur Spiritus sanctus, impossibile erit patrem spirare, filio non spirante. Quòd verò huiusmodi principium spirandi, sit prius in patre, & filio, quam spiretur Spiritus sanctus probatur. In primis, quod sit in patre de se patet: quòd verò sit in filio patet ex dictis: quia

pater prius producit filium, qui communicat voluntatem grauidã, quàm spiret Spiritum sanctum. Quòd verò pater non possit spirare filio non spirante nò est propter imperfectionem, & impotentiam patris, quasi ipse solus nò valeret spirare, sed propter vnitatem principij in vtroque existentis.

AD ARGUMENTA in principio articuli posita.

AD primum, manifestat antecedens, *Ad primum.* & nego consequentiã. Est enim maxima differentia inter verbũ nostrum & diuinum: nam verbo nostro nò communicatur eadem natura cum mente, ac per consequens, nec voluntas amoris productiua: non enim est volens verbum nostrum: at verò verbo diuino communicatur natura patris, & eadem voluntas patris fecunda ad producendum Spiritum sanctum, quia prius origine, quam Spiritus sanctus producat, præhabet illam.

Ad secundum, nego antecedens: *Ad secundum.* nam vt ostendimus, ex loco Ioannis allegato colligitur. Sed aduerte non valere istam consequentiã, vt bene notat Scotus, vbi supra in solutione ad argumenta. Hoc non habetur in sacris literis: ergo non est tenendum tanquam de fide, quia de deo Christus ad inferos non habetur in sacris literis, & tamen est de fide, quia ponitur in symbolo Apostolorum: & multa alia tenet Ecclesia per traditionem Apostolorum.

Ad tertium respondeo, quòd non dicitur explicite in prælati Concilij Spiritum sanctum procedere a filio, sed postea fuit declaratum oriẽre ex

rore

rōre nostræ conclusioni opposito. Nectamen sequentia Concilia aliud a prioribus decreuerunt, quia nō docuerunt oppositum: quia hæc non sunt opposita. Spiritus sanctus procedit a patre, quod fuit determinatum in prioribus Concilijs, & Spiritus sanctus procedit a filio, quod in posterioribus diffinitum est. Aduerte, quod, cum in prædictis Concilijs præcipitur, ne aliud doceatur, per ly aliud, intelligitur contrarium, & in hoc sensu bene diximus posteriora Concilia aliud a prioribus non decreuisse.

Ad quartum dico, quod sicut ex hoc, quod filius, & Spiritus sanctus procedant a patre nō sequitur, quod sint fratres: quia ad hoc requirebatur, quod uterque esset filius: ita ex hoc, quod Spiritus sanctus procedat a filio, non sequitur, quod sit nepos patris, quia nepos alicuius, est filius filij eius, at verò Spiritus sanctus non est filius, sed spiritus filij.

ARTICVLVS II.

Vtrum si Spiritus sanctus non procedat a filio distinguatur respectu ab eo?

1. Opinio

IN hac questione est duplex opinio omnino opposita. Prima est Diui Thomæ, prima parte, questione 36. artic. 2. assertentis partem negatiuam: quia secundum ipsum tota ratio distinctionis filij a Spiritu sancto est spiratio actiua, secundum quam Spiritui sancto opponitur, & Spiritus sanctus solum distinguitur a filio per spirationē passiua[m] oppositam relative actiue spirationi filij: & si Spiritus sanctus non opponeretur relative filio, vt spiratori non distin-

gueretur ab eo. Et ita sequitur necessario, quod ablata a filio spiratione actiua non distingueretur a Spiritu sancto, nec è conuerso. Eandem sententiam tenent Caiet. & Torres ibidem. Similiter Capreol. in primo distinct. 1. 1. q. vnica, & omnes discipuli D. Thom.

Opposita sententia omnino est Scoti in primo, distinct. 1. 1. q. 2. assertentis partem affirmantem, vt puta, quod distingueretur Spiritus sanctus a filio realiter, etsi ab eo nō procederet, quia secundum eum filiatio esset sufficiens ratio, & causa huiusmodi distinctionis filij a Spiritu sancto. Vnde secundum Scotum ex duplici capite distinguitur realiter filius a Spiritu sancto. Primo, ratione spirationis actiue. Secundo, ratione filiationis. Hanc sententiam tenet Henricus quolibet. 5. Aureolus, vt refert Capreolus loco supracitato, Dionysius Carthusianus in prima distinct. 1. 1. q. vnica: OKam, & Gabriel eadem distinctione, & Grego. & omnes Scoti discipuli, Richard. eadem distinctione eam probabilem arbitrantur.

EXPLICATIO VR,

an hac questione sit ad-

mittenda.

Sed ante quàm questionem istam secundum vtramque viam diffiniamus, opera pretium erit intelligere, an huiusmodi questio sit admittenda. Gottfredus quolib. 2. q. 4. eam reiiciendam, & nullatenus admittendam esse arbitrat. Cuius ratio est: quia nulla positio includens incompossibilia est admittenda, quia statim respondens redarguitur, quod est inconueniens maximum, ad quod deduci

duci potest: sed prædicta quæstio includit impossibilia: ergo non est admittenda. Consequentia est nota: probatur minor. Summe necessarium est Spiritum sanctum procedere a filio: ergo summe impossibile est ipsum a filio non procedere: ergo ponere quod non procedat est ponere impossibile.

Sed reuera hæc sententia Gotsfredi videtur esse quæstionis fuga: nã hæc quæstio mouetur a Theologis ad intelligendum per quid filius a Spiritu sancto distinguitur. Cũ enim sint in filio duę relationes, filiatio scilicet, & spiratio actiua, dubium est, an prædicta distinctio filij a Spiritu sancto fiat per solam spirationem actiuam, an etiam per filiationem: nam si filiatio secundum se est sufficiens ratio præfatæ distinctionis, sequitur, q̃ ablata spiratione actiua a filio adhuc per filiationem re ipsa a Spiritu sancto distingueretur. Et cõcesso, quod distingueretur admissa hypothesi; euidenter sequitur, quod modo per eandem filiationem re ipsa distinguitur a Spiritu sancto: siquidem eadem filiatio est in filio, quæ admissa hypothesi esset in eo. Quod verò recte sequatur pater a simili. Nam, si seclusa animalitate ab homine sola rationalitate in ipso manẽre distingueretur homo ab equo, recte sequitur, quod de facto distinguitur homo ab equo per rationalitatem. Ratio huius consequutionis est, quia manet eadem causa omnino: ergo manet idem effectus: ergo eadem distinctio. Rationabile ergo est huiusmodi hypothesim admittere, vt præcisam causam distractionis filij a Spiritu sancto cognoscamus, et si illa cõtradictionem inuoluat. Et confirmatur hoc ex Eplo

Augustini. 5. de Trinitate, c. 5. in fine vbi similem positionem admittit. Ait enim, quod etsi pater non genuisset filium nihil prohiberet ipsum dicere ingenuitum: cum tamen omnino impossibile sit patrem non gignere filium. Item. Richardus, 3. de Trinica. capit. 16. sic ait. Si in diuinis sola vna persona esset; nihil prohiberet eam habere plenitudinem sapientiar, & intellectus, cum tamẽ sit prorsus impossibile non esse Trinitatem personarum in diuinis. Sed vt radicins perspiciamus, quæ positiones sint admittendæ, quæ verò reiiciendæ per necessarium esse arbitror intelligere duplicem esse consequentiam, vt bene notat Scotus, vbi supra, aliam essentialiam & intrinsecam, aliam verò accidentalem, & extrinsecam. Cõse-

Duplex est consequentia.

quentia essentialis illa est, in qua consequens est de essentia, & ratione intrinseca antecedentis; vt in his cõsequentijs. Homo est: ergo animal est: iergo corpus est: ergo substantia est: in quibus consequens est de essentia antecedentis. Consequentia verò accidentalis est, in qua consequens nõ est de ratione intrinseca antecedentis, vt in his. Homo est: ergo risibile est: ergo admiratum est.

Nota. Positiones sunt dupliciter differentia.

Secundo obserua, positiones in duplici differentia sitas esse, vt docet Scotus vbi supra, litera A. Aliæ sunt, ex quibus nulla sequitur contradictio: vt si ponamus coruum album, & Aethiopem nitentem candore. Aliæ vero sunt, ex quibus contradictio necessario sequitur, quæ adhuc subdivinguntur. Nam aliæ sunt, quæ statim ex primo suo intellectu contradictoria includunt: cuiusmodi est hæc. Risibile non habet potentiam ad ridendum, ex qua ex ratione intrinseca

intrinsicæ terminorum, sequitur per consequentiam essentialē contradictorium eius: quia risibile ex sua ratione intrinsicæ est, quod habet potentiam ad ridendum, cuius contradictorium supponitur. Aliæ sunt, ex quibus quidem sequitur contradictio, sed per locum extrinsecum & consequentiam accidentalem. Talis est hæc suppositio. Homo non est risibilis, ex qua per locum extrinsecum sequitur hominem esse risibilem (quod suppositioni contradicit) a positione subiecti ad positionem propriæ passionis. Positiones primi generis non sunt admittendæ, quia ipsis admissis statim respondens redarguitur, & cogitur concedere oppositum positionis admissæ. Exempli causa. Si admisseris, risibile non habere potentiam ad ridendum, statim ex primo terminorum intellectu cogeris oppositum concedere: nam risibile in sua ratione intrinsicæ includit potentiam ad ridendum. Positiones verò secundi generis, quæ ex suo intellectu solum includunt vnum contradictorium, aliud verò per consequentiam accidentalem & locum extrinsecum ex ipsis deducitur, admitti quidem possunt: ipsis namque admissis optimè disputantium leges seruantur: quia potest concedi id, quod ex tali positione per consequentiam essentialē sequitur, negari verò quod ei intrinsicæ repugnat. Si autem aliquid repugnans per locum extrinsecum & consequentiam accidentalem inferatur, negandum est illud sequi. Exempli causa. Admisso casu, quod homo non sit risibilis, secundum leges disputantium respondens tenetur concedere quicquid ex illa positione

per locum intrinsicum sequitur, ut quod homo non habet potentiam ad risum. Cæterum, si concludas hominem esse risibilem in hunc modum. Homo est, ergo risibile est, a positione, scilicet, subiecti ad positionem propriæ passionis, neganda est illa consequentia: quia per locum intrinsicum non sequitur ad esse hominis esse risibile, cum non sit de natura & ratione intrinsicæ hominis, quod sit risibilis, sed sequitur per locum extrinsecum.

Positio nostræ quæstionis ad secundum positionum genus spectat: quia cum spiratio actiua non sit de intrinsicæ ratione filij, nec prout filius, nec prout persona est, sed sit quasi passio communis patri & filio, illa circumscripta a filio ponendo filium manere in esse filij & personæ, non ponuntur contradictoria ex primo positionis intellectu: sed ponitur vnū contradictorium, scilicet, filium esse vel filium non spirare. Alterum verò, ut pote, filium non esse vel non spirare sequitur per locum extrinsecum & consequentiam accidentalem, videlicet, ex remotione quasi propriæ passionis, remouendo quasi subiectum, vel ex positione subiecti arguendo propriam passionem: ac proinde non immerito, sed iure optimo admittitur ut causam præcisam distinctionis filij a Spiritu sancto cognoscamus. Si in quæstione hac supponeretur, spiratorem non spirare, statim ex primo positionis intellectu contradictoria admitterentur. Supponitur enim hoc contradictorium. Spirator non spirat: & cum de ratione spiratoris sit spirare per locum intrinsicum sequitur, quod spiret: & ita sequuntur statim duo contradictoria,

ctoria, vt putā, q̄ spiret & non spiret. Quā ob causam q̄ in sensu prædicto nullatenus est admittenda. Caterum hæc positio, Filius non spirat, non includit cōtradictoria ex primo terminorum intellectu. Nam q̄ filius spiret non sequitur per locum intrinsecum, cum non sit de ratione eius intrinseca quatenus est filius, spirare, sed sequitur per locū extrinsecū arguendo a positione quasi subiecti ad positionē quasi passionis: ac proinde in hoc sensu positio est admittenda. Et confirmatur: quia optimē quidem queri potest, & admitti quaestio, an seclusa risibilitate ab homine distingueretur ab equo: quia solum queritur, an ratio præcisa distinctionis hominis ab equo sit risibilitas. Et posset affirmatiuē responderi: quia per rationalitatem esset (vt re ipsa est) distinctus ab eo: ergo similiter cum spiratio actiua sit veluti filij Dei passio, queri potest, & admitti debet, an ea circūscripta distingueretur a Spiritu sancto: quia solummodo queritur, an spiratio actiua circūscripta sit præcisa causa distinctionis filij a Spiritu sancto, an aliud prædicatum manens in filio. Imò aliqui dicunt, q̄ etsi spiratio actiua esset de ratione filij, vt filius est, vel vt persona est, adhuc admitti posset proposita quaestio. Nam circūscribi potest animalitas ab homine, & queri, an ea circūscripta distingueretur ab equo: & posset, inquit, affirmatiuē responderi: ergo pariter, etsi spiratio actiua esset de essentia filij posset circūscribi ab eo, & queri, an ea circūscripta distingueretur filius a Spiritu sancto per filiationem. Sed quid de hac doctrina dicendum sit, facili ex supra dictis quisque colligere poterit.

E X P L A N A T I O opinionis B. Thom.

Admittenda ergo quæstione tanquā rationabili, pro intelligentia opinionis D. Thomæ maximē notanda est sententia Caietani vbi supra: quæ sequentibus propositionibus clauditur.

Prima: In diuinis non est formaliter, nisi substantia & relatio. Hæc propositio absq; dubio verissima est, atque ab omnibus recepta. 1. Propos.

Secunda propositio. Constituire personam atque distinguere soli relationi conuenit. Et ratio est: quia vel conuenit substantiæ, vel relationi, quia non est dare aliud in diuinis ex prima propositione, cui conuenire possit: sed non potest conuenire substantiæ, quia est communis tribus, ergo necessario conuenit vtrumque relationi. 2. Propos.

Tertia propositio. Relationi potest aliquid conuenire bifariam. Primo, secundum propria relationis, id est, per rationem propriā & formale relationis. Secundo, secundum communia sibi & absolutis, id est, per rationem communem sibi & absolutis. Primo modo conuenit relationi respicere terminum. Secundo ens, vnum, verum, &c. 3. Propos.

Quarta propositio. Quæcumque attribuantur diuinis relationibus necesse est, q̄ eis conueniant per rationem propriā relationis, vt puta, quatenus relationes sunt. Ex quo infert Caiet. quod cum constituere, & distinguere relationi tribuatur in diuinis ex secunda propositione, necessum est, quod vtrumq; ei conueniat, quatenus res relatiua est. 4. Propos.

Quinta propositio. Inter rem relationem, 5. Propos.
tiam,

tiam, & absolutam hoc interest, quod res absoluta constituit rem in se absque ordine ad aliud: relatio vero constituit rem in ordine ad aliud, ut paternitas constituit patrem in ordine ad filium. Caterum, quia entitas absoluta constitutiva constituit rem in se, distinguit illam secundum se, & per consequens ab omnibus alijs entibus consimilem entitatem non habentibus: sed quia relatio constituit rem in ordine ad correlativum, solū distinguit illam a suo correlativo. Et ratio utriusque est: quia res eo modo distinguit, quo constituit, & facit unū.

6. Propos.

Sexta propositio. Res relatiua secundum quod relatiua, solum constituit, & distinguit relatiue. Nam quamuis aliam distinctionem habeat, illā tamen causat secundum communia sibi & absolutis, non tamen secundum propriam rationem relationis, ut patet de distinctione disparata: paternitas enim & spiratio actiua causant distinctionem aliquam inter patrem, & spiratorem: sed illa non est distinctio relatiua, sed disparata, & per consequens non causatur a relatione secundum propriam eius rationem.

Ex his inferitur primò, quòd relatio sola in diuinis multiplicat Trinitatem, quia ex secunda propositione ipsa sola est, quæ constituit & distinguit personas.

Elicitur secundò, quod in diuinis non est distinctio realis, nisi relatiua: quia distinctio realis in diuinis, quæ causatur a relatione, ut relatio est, necessario est relatiua: ergo, &c.

His positis, sententia D. Thomæ constat duabus conclusionibus.

1. Concl.

Prima conclusio. Spiritus sanctus procedit a patre, & filio. Conclusio est de fide tenenda.

Secunda conclusio. Si Spiritus sanctus non procederet a filio, non distingueretur realiter ab eo. Ratio est, quia tunc inter filium, & Spiritū sanctum nulla esset relatiua oppositio: ergo nec distinctio relatiua, & per consequens nec realis, quia omnis distinctio realis in diuinis est relatiua ex modo dictis. Hæc conclusio innititur rationibus in principio controuersia positis, & multis Concilijs, quæ infra contra opinionem Scoti adducemus.

2. Concl.

EXPLANATIO opinionis Doctoris subtilis.

AD intelligentiam opinionis Doctoris subtilis primo obseruandum est, vnum esse passionem entis in comuni. Omne namque ens est vnum: vnum verò dicitur, quod est in se indistinctum & indiuisum: distinctum vero & diuisum a quolibet alio consimilem entitatem, & vnitatem non habente. Ex quo inferitur indubitatum coniectarium, ut puta, omne ens per propriam & formalem entitatem distingui a quolibet alio consimilem entitatem non habente. Exempli causa. Homo per rationalitatem non solum distinguitur a bruto, sed etiam a lapide & omni non rationali: & paries, ut albus distinguitur per albedinem non solum a nigro, sed etiam ab omni non albo. Similiter pater per paternitatem non solum a filio, sed ab omni non patre distinguitur, licet non distinctione relatiua, id est, tanquam a correlativo, (hac enim solū a filio distinguitur) sed distinctione alia, quæ omni enti per propriam entitatem competit: quia ad propriam entitatem sequitur propria vnitatem, & pro-

1. Nota.

propria diſtinctio, a quocunq; alio ſimilem entitatem non habente, ſiue formalis, ſiue realis: nam quandoq; erit ſolū formalis huiusmodi diſtinctio, quandoque vero realis. Confirmatur. Nam relatiuum & abſolutum ſunt maximè diſtincta: inter ſe enim diſtinguuntur prædicamento: ergo principia per quæ diſtinguuntur ſunt inter ſe maximè diſtincta: ſed hæc ſunt entitas abſoluta, & relatio, nam illa conſtituit abſolutum, hæc relatiuum: ergo entitas abſoluta, & relatio inter ſe diſtinguuntur: ergo relatio non ſolum eſt ratio diſtinguendi relatiuum a correlatiuo, ſed etiam ab abſoluto. Ex quo infero, quòd ſi Caietan. ubi ſupra velit relationem ſolummodo diſtinguere ab oppoſito relatiuo, toto aberraret cælo. Sed hoc haudquaquam aſſertit: ſed ſolum aſſerit relationem tantum diſtinguere relatiua diſtinctione a ſuo oppoſito, quod nos etiam fatemur, ſic intelligendo, quòd paternitas, verbi gratia, non diſtinguit patrem ab aliquo tãquam a ſuo correlatiuo, niſi a filio.

Nota. Secundo obſerua, q; licet relationi, vnde relatio eſt, nō conueniat eſſe impoſſibilem alteri relationi in eodem ſubiecto & ſuppoſito, nā tunc omnis relatio eſſet impoſſibilis aliꝝ relationi: tamen aliquibus relationibus ex ſuis proprijs rationibus formalibus, quatenus, ſcilicet, tales ſunt, competit eſſe inter ſe impoſſibiles in eodem ſuppoſito. Tales ſunt relatio geniti ad generantem, & creati ad creantem: impoſſibile enim eſt idem eſſe genitum, & creatū creatione proprie dicta, quia aliter idem poſſet bis produci, ſemel per generationem, & ſemel per creationem. Similiter ſe habent filiatio, & ſpiratione

paſſiua: nam ex ſuis proprijs rationibus formalibus ſunt impoſſibiles in eodem ſuppoſito: quia implicat idem generari ſimpliciter, & totaliter: quia tunc idem bis produceretur ſimpliciter, ſemel per generationem, & iterum per ſpirationem.

Et præterea, poſito ordine inter generationem, & ſpirationem idē eſſet prius ſe ipſo. Item. Idem produceretur duabus productionibus totalibus: quia generatio diuina, & ſpiratio ſunt duæ; totales productiones, vt infra oſtendemus: hoc autem eſt impoſſibile, quia tunc per neutram reciperet eſſe neceſſario, quia qualibet illarum productionum ſublata adhuc per alteram poſſet recipere ſuū eſſe: ergo per neutram neceſſario illud reciperet.

Ex his inferitur relationes in diuinis non ſolum diſtinguere vnum relatiuū a ſuo correlatiuo diſtinctione reali, ſed etiam aliqua, quæ inter ſe, vt ſic conſiderata, relatiua non ſunt: vt patet de filiacione, & ſpiratione paſſiua, quæ cum ſint impoſſibiles in eodē ſuppoſito neceſſario cauſant diſtinctionem realem inter ea, in quibus ſunt. Similiter paternitas, & ſpiratio paſſiua diſtinctione reali diſtinguunt primam, & tertiam Trinitatis perſonam. Per quod omnino ruit quarta Caietani propoſitio cū ſuo conſectario, & per conſequens totum eius ædificium: quia innititur in hoc, quòd relatio diuina non diſtinguit realiter vnum ab alio, niſi illud aliud ſit correlatiuum eius: & q; per conſequens non diſtinguit ſic a diſparato, ſed a correlatiuo, vt diximus, quod tamen falſum eſſe iam oſtendimus.

Ex his collige primò contra eundem

*Impn-
gnantur
aliqua di
cta Caele
stium.*
dem Caietanum, quod constituere personam, & distinguere tribuit relationi, non solum prout respicit oppositum correlativum, sed etiam prout respicit disparatum. At patet: Nam ut statim dicemus, filiatio secundum communem Doctorum sententiam, & veritatem constituit filium in esse personae etiam in ordine ad Spiritum sanctum, & per consequens distinguit filium a Spiritu sancto, cui ut filius non opponitur relativè.

Sed dices: Relatio solum constituit rem in ordine ad alterum: ergo solum distinguit in ordine ad alterum. Respondeo, quod relationem constituere rem in ordine ad alterum solum est constituere rem relativam, quae ad quodcumque comparatur etiam ad absolutum est verè res relativa, & ad alterum, quia comparatio rei ad aliud non destruit esse rei, sed illud supponit. Nam paternitas, siue comparatur ad filiationem, siue ad essentiam, siue ad albedinem semper est relatio, & pater per eam constitutus est ens relativum, & ad alterum: sicut rationalitas, siue comparatur ad irrationalitatem, siue ad lapidem, siue ad coelum semper est rationalitas. Constituit ergo relatio rem in ordine ad alterum, id est in esse relativo. Sed sicut res relativa non solum est relatio comparata ad correlativum, sed etiam ad quodcumque comparatur: sic etiam intelligitur constituta in esse relativo per relationem non solum in ordine ad correlativum, sed etiam in ordine ad quodcumque aliud; licet ad ipsum relativè non referatur, ac proinde distinguit a quocunque alio. Falsum ergo est dicere relationem constituere tantummodo rem in ordine ad aliud, si ly, aliud, praecise di-

cat correlativum. Sensus enim est, quod res relativa per relationem constituta solum habet esse relativum respectu sui correlativi, non tamen respectu aliorum: quod absque dubio omnino est falsum. Nam, ut diximus, comparatio rei ad aliud non destruit esse eius intrinsecum: ergo cum res relativa intrinsecè sit res relativa, & ad alterum, ad quodcumque comparatur est res relativa, & ad alterum licet non sit ad quodcumque tanquam ad terminum suae relationis, sed solum ad correlativum. Vide Scotum in quolibetis, quaestione tertia, articulo tertio. Et quando dicitis, Relatio constituit rem in ordine ad aliud, ergo distinguit solum in ordine ad alterum, respondeo, quod relationem constituere rem in ordine ad aliud est constituere rem relativam, quae verè est ad aliud tanquam ad terminum suae relationis. Et cum inferis, Ergo solum distinguit in ordine ad aliud, distingo consequens. Potest namque intelligi bifariam. Primò, quod ly, aliud, dicat praecise correlativum: & sic est falsum, ut ex dictis patet. Secundò, quod ly, aliud, sumatur etiam pro quocunque, quod non est ipsum relativum: & sic est consequens verum: quia non distinguit a se, sed ab alio quocunque, quod non est constitutum per ipsam.

Sed obijcies. Distinctio personalis in divinis debet esse per relationes secundum propria ipsarum: ergo distinguunt quatenus relationes sunt: ergo solum in ordine ad correlativum.

Respondeo negando ultimam consequentiam: est enim nulla, ut ex dictis satis constet. Nam relatio non solum est relatio comparata ad oppositam

Obiectio.

Solutio.

relationem, sed etiam comparatā ad quamcunque aliam, etiam ad absolutum: & ita distinguit per propriā rationem suam a quocunque, quod per ipsam non habet esse, sicut rationalitas distinguit hominē per suam propriam rationem non solū a bruto, sed etiam a lapide. Et cum ipsum, ad sit de intrinseca ratione relationis secundum ipsum distinguit, non solum ab opposito relatiuē, sed etiam a disparato quocunque. Nec concedas ipsum, ad a relatione posse præscindi, sicut propria passio a suo subiecto præscinditur, quia de ratione intrinseca relationis est magis ordo ad terminum, quam ad fundamentū. Nec ullus sanę mentis oppositum asserere potest eius, quod diximus. De hac re vide quā diximus controuerfia vigesima tertia in fine.

3. Nota.

Nota tertio, controuerfiam esse inter Doctores per quid filius cōstituitur in esse personæ, an per filiationē, an per spirationem actiuam. Aliqui per spirationem actiuam constitui affirmant: qui huic rationi innituntur. De ratione personæ filij est, quod sit verbum: sed de ratione verbi est, quod ab eo procedat amor: ergo de ratione filij est, quod spiret Spiritum sanctum: ergo spiratio actiua est de ratione filij, & per cōsequens est eius proprietas personalis. Sed hæc ratio multis calumnijs subiicitur. Primò: quia gratis conceditur, quod de ratione verbi est, ut ab ipso procedat amor: quia verbum intellectus nostri sæpissimè est sine amore. Secundò: quia verbum in ratione verbi potest intelligi, quin processio amoris intelligatur ab eo esse, ut patet in nobis, & etiam in Deo. Tertio. De ratione personæ patris non est quod

spiret Spiritum sanctum, alioquin filius, qui procedit a patre prius, quam pater spiret, non procederet a persona patris: quia pro tunc non intelligitur in patre spiratio actiua, quæ ipsum constituat in esse personæ: ergo nec est de ratione personæ filij, quod spiret. Patet cōsequentia: quia etiam prius intelligitur filius productus, quam spiratio actiua sit in eo, & tunc intelligitur, ut persona, alioquin patet generationis terminus non esset persona. Quare: quia, si de ratione personæ filij est, quod spiret Spiritum sanctum, sequitur per locū intrinsecum, quod ablata spiratione actiua filius non maneret, & ex consequenti per locum intrinsecum sequitur, quod ablata spiratione a filio Spiritus sanctus nō erit filius, siquidem filius non esset, quod tamē est contra omnes ferè discipulos B. Thomæ.

Præterea. Essentia diuina, quia est communis tribus personis non constituit filium in esse personæ, & si sit de ratione eius: ergo similiter spiratio actiua non constituit eundem filium in esse personæ, quia est communis duabus personis, etiam si concederetur esse de ratione filij.

Item. Persona est intellectualis natura indiuidua substantia seu incommunicabilis substantia: ergo quod non constituit rem in esse incommunicabili, non cōstituit personam: sed spiratio actiua non constituit filium in esse incommunicabili: quia pater communicat cum filio in spiratione actiua: ergo non constituit filium in esse personæ.

Tandem. Filius secundum, quod persona perfectè cōstituta distinguitur a patre per filiationem, ut est communis sententia Doctorū: ergo spiratio

Spiratio
actiua
cōstituit
personā.

tio actiua non est constitutiua personæ filij. Ex his relinquitur, quod filiationis sola est proprietas constitutiua personæ filij: spiratio verò actiua; vt ait Scotus vbi supra litera. B. est quasi proprietas superueniens filio iam posito in esse.

4 Nota.

Quarto nota, qd quæcunque sunt principia essendi eo modo, quo sunt principia essendi, sunt etiam principia distinguendi rem: nã, si sunt principia constituendi essentialiter, & quidditatiuè, sunt etiam principia distinguendi rem constitutã essentialiter, & quidditatiuè a quocunq. alio. Si verò sunt principia constituendi rem in esse accidentali sunt principia distinguendi accidentaliter. Si verò sunt principia constituendi personaliter distinguunt personaliter. Hæc, ppositio, meo iudicio, est per se nota, nec probatione eget. His positis more solito per conclusiones sententia Scoti est in medium proferenda.

1. Concl.

Prima conclusio. Certum est, q in hoc, quod Spiritus sanctus procedat a patre, & non a filio, ponitur contradictio, vt patet per argumentũ Goffredi supra positum. Sed huiusmodi contradictio non sequitur per locum intrinsecum: sed extrinsecum, vt ex supradictis patet.

2. Concl.

Secunda conclusio. In ablatione spirationis actiue a filio intrinsecè includitur ablatio alicuius distinctionis realis, quæ est inter eundem filium & Spiritum sanctum. Probatur: quia secundum omnes Doctores, & etiam secundum fidẽ, quod maius est, filius aliqua distinctione reali distinguitur a Spiritu sancto per spirationem actiuam, ratione cuius ei opponitur: ergo ablatio spirationis actiue a filio intrinsecè est ablatio prædictæ distin-

ctionis realis: & ita ablata illa spiratione actiua per consequentiam essentialem, sequitur ablatio illius distinctionis.

Tertia cõclusio. Certum est, quod ablata a filio sola spiratione actiua, manẽtibus filio & Spiritu sancto, intrinsecè includitur, quod maneat aliqua distinctio inter filium & Spiritum sanctum, saltem tanta, si maior non, quanta est modo inter patrem, & spiratorem: quæ secundum Scotum est formalis, & ex natura rei & secundũ Beatum Thomã est distinctio rationis. Hæc conclusio de se patet, quia generari, & spirari non sunt omnino idem.

Sed nihilominus Gregorius in 1. distinctione vñdecima, quaestione secunda, dicit, quod data hypothesi nulla distinctio esset inter verbum, & Spiritum sanctum: quia (inquit) Spiritus sanctus tunc non esset, ac proinde nulla distinctione distingueretur a filio. Hoc probat Gregorius, quia Spiritus sanctus ex sua ratione habet, quod sit Spiritus patris, & filij, quia ex sua ratione est vtriusque nexus: ergo si non procederet a filio, nõ esset. Id ipsum tenet Gabriel in primo, distinctione vñdecima, quaestione 2. Si autem quæras ab ijs Doctoribus, vtrum facta, & supposita hypothesi, quod Spiritus sanctus esset & filius etiam esset, & q vnus ab alio non procederet, vtrum distingueretur in tali casu? Gregorius huic interrogationi respondet vtrumque sequi, quia antecedens est impossibile, & implicat contradictionem. Et ita affirmat, quod in tali casu distinguerentur inter se, quia vterque esset per suam entitatem propriam, quæ ab entitate alterius esset distincta. Et similiter affirmat, quod non distin-

guerentur, quia tunc non esset Spiritus sanctus. Hac ratione arbitrantur isti Doctores se nostram principalem questionem satisfacere, & per consequens hanc nostram labefactare conclusionem: sed re vera neutrum efficiunt. Nam licet sequatur, quod data hypothesi, Spiritus sanctus non esset, nam tunc nec a patre produceretur: quia est impossibile patrē spirare sine filio propter unitatem principij spiratiui in vtroque, caterum hoc non sequitur, per locum intrinsecum, & consequentiam essentialē, ut statim dicemus, sed per consequentiam accidentalem: nam per hoc, qd supponatur Spiritum sanctum a solo patre procedere, non destruitur propria & formalis ratio Spiritus sancti. Vnde licet antecedens illius conditionalis sit impossibile propter necessariam coniunctionem patris, & filij, tamen ex terminis id non repugnat cum proprio & formali constitutiuo Spiritus sancti. Vnde, si vel a solo patre, vel a solo filio Spiritus sanctus procederet, haberet nihilominus propriam Spiritus sancti rationem: quia de ratione Spiritus sancti tantum est, quod spiretur per voluntatem diuinam: quod verò illa sit in vno supposito, vel in duobus, quasi de per accidens se habet ad spirationem. Et confirmatur. Nam formale constitutiuum Spiritus sancti non est spirari a filio, sed spirari tantum, ut supra diximus: at spirari secundum suam propriam rationem nō dicit habitudinem ad Filium, sed ad spiratorem: ergo, &c. Exemplo confirmo rem hanc. Nam quamuis sit prorsus impossibile creaturam fieri, nisi a tribus personis propter coniunctionem earum, & unitatem in

virtute creandi, tamen quia illa repugnantia non est ex parte potestatis idcirco ex vi huius conditionalis, si vnā persona crearet sine altera, non destrueretur ratio creaturæ.

Quarta conclusio. Seclusa per impossibile a filio spiratione actiua manente in eo filiatione, in ipsamet filiatione includitur intrinsecē distinctio realis filij a Spiritu sancto: & per consequens, etsi Spiritus sanctus a filio non procederet, distingueretur ab eo, quia filiatio est sufficiens ratio distinguendi realiter filium a Spiritu sancto, ac ita ipsa sola manente per eam sufficienter distingueretur ab eo. Hac conclusio est directe contra B. Tho. quam tenent Doctores supra citati, & eam expresse docet Diuus Anselmus in Epistola contra Græcos, de processione Spiritus sancti. Vnde capite secundo eiusdem Epistolæ in fine sic ait. Filius autem, ut interim aliam causam dicam, quoniam nondum constat, quod Spiritus sanctus de illo sit, & procedat, ideo non est Spiritus sanctus: nec Spiritus sanctus est filius, quia filius nascendo habet esse de patre, Spiritus sanctus verò non nascendo, sed procedendo. Et in eodem cap. paulò superius sic ait. Nam quomodo filius existit de Deo nascendo, & Spiritus sanctus procedendo, ipsa diuersitate natiuitatis, & processionis referuntur ad inuicem, ut diuersi & alij ad inuicem. Sed aduerte, quod per ly, referuntur, non intelligit Diuus Anselmus quod referuntur ad inuicem, sicut vnum relatiuum ad aliud, quia tunc deciperetur, cum dicit quod per natiuitatem & processionem referuntur ad inuicem: quia non sunt relationes relative oppositæ nati.

Concl.

natiuitas, & processio. Sed ly, referuntur, idem est, quod comparantur: ac si diceret per solam diuersitatem natiuitatis, & processionis comparatur ad inuicem, vt diuersi & alij ad inuicem. Vel dicendum, quod referuntur relatione diuersitatis. In præfatis verbis Diuus Anselmus expresse affirmat quod natiuitas, & processio sufficiunt distinguere realiter filium, & Spiritum sanctum inter se. Et capite tertio ita scribit idem Anselmus. Habent vnique a patre esse filius, & Spiritus sanctus, sed diuerso modo: quia alter nascendo, alter procedendo, vt alij sint ab inuicem per hoc, quod dictum est, vt puta, quia alter nascitur, alter verò procedit. Et ideo cum nascitur vnus non potest cum eo nasci ille, qui per hoc est alius ab eo, quia non similiter nascitur, sed procedit: & cum vnus procedit, nequit ille simul procedere, qui per hoc est alius ab illo, quia non similiter procedit, sed nascitur. Hac Anselmus. Quid clarius obsecro dici potest in fauorē nostræ conclusionis? Et statim subdit idem Anselmus. Et ideo non habet hic vnitas illa vim consequentiæ, quia pluralitas obuiat, quæ ex natiuitate nascitur, & processione: nam etsi per aliud non essent plures filius, & Spiritus sanctus, per hoc solum essent diuersi. Et Diuus Augustinus quinto de Trinitate, capite decimo quarto, sic ait. Vbi & illud elucescit, utpote, quod solet multos mouere, cur non sit filius etiam Spiritus sanctus, cum & ipse a patre exeat, sicut in Euangelio legitur? Et huius rei causam assignans ait. Exit enim non quomodo natus, sed quomodo datus: & ideo non dicitur filius, quia nec natus est, sicut vnigenitus. Vbi Augustinus

expresse docet causam, ob quam filius nō est Spiritus sanctus, esse, quia Spiritus sanctus exit a patre, vt datus, filius verò, vt natus: sed hoc haberent, etsi Spiritus sanctus non procederet a filio, ille enim esset datus, hic verò natus: ergo, &c.

Iam probatur conclusio rationibus. Primò sic. Quocunque formaliter aliquid constituitur in esse, eodem distinguitur distinctione cōuenienti illi esse, a quocunque similem entitatem non habentes: sed filius constituitur in esse personali filiatione: ergo filiatione distinguitur personaliter ab omni persona alia ab ipso: ergo per filiationem distinguitur personaliter a Spiritu sancto, qui est alia persona ab eo: ergo per impossibile circūscripto a filio quocunque alio, & maximè si est posterior filiatione, remanebit filius filiatione distinctus personaliter a quacunque alia persona ergo seclusa spiratione a filio, quæ est posterius filiatione, remanebit filius personaliter distinctus a Spiritu sancto, & per consequens realiter, quia vt argumentum concludit, per filiationem distinguitur nunc personaliter a Spiritu sancto. Omnes hæc consequentiæ sunt euidentēs. Probo maiore: quia eodem est aliquid ens, & vnum vnitate cōueniente tali entitati, etsi vnum: igitur in se est indistinctum, & ab omnibus alijs distinctum. Hoc ipsum pater clarissimè ex primo, secundo & quarto notabili: minor verò patet ex quarto notabili pro opinione Scoti, vbi manifeste probauimus spirationem actiua non esse proprietatem personalem filij, sed filiationem.

Vis huius argumenti adeò ē magna vt tot ferè ei adhibeantur solutiones,

quot sunt discipuli D Thomæ: quia cum assignata non placeant, vnusquisque pro suo ingenio aliam nititur adinuenire.

1. Respō. Primò respondent nonnulli (inter quos est Diuus Thomas in disputatis, quæstione de processione diuinorum personarum, articulo quinto in argumentis, sed contra, argumento sexto) dicentes ad maiorem, quod formali constitutiuo non distinguitur constitutum a quocunque consimilem entitatem non habente, sed tantum ab illis, cum quibus maximè conuenit, & a quibus non distinguitur aliquo alio, nisi illo formali constitutiuo. Exempli causa. Homo per rationalitatem solū distinguitur a speciebus animalis, vt ab equo, & asino, & similibus, cum quibus maximè conuenit, & a quibus in paucis differt: a lapide verò, cum quo parum conuenit, vt puta, in ente, substantia, & corpore, non distinguitur per rationalitatem, sed per animitatem (quæ non est formale constitutiuum hominis) quia lapis est inanimatus. Ita dicitur in proposito, quod filius suo proprio formali constitutiuo, scilicet, filiatione distinguitur a patre, cum quo conuenit in spiratione actiua (sicut homo ab equo per rationalitatem, cum quo conuenit in animatitate:) sed a Spiritu sancto non distinguitur per filiationem (sicut nec homo a lapide per rationalitatē) sed per spirationem actiuam, in qua nō conuenit cum eo, sicut homo per animitatē distinguitur a lapide, in qua cum lapide non conuenit.

*Impugnatur
responso.*

Sed re vera hæc omnia sunt falsa. Et in primis probo, quod homo non solum a speciebus animalis distinguitur per rationalitatem, sed etiam

a lapide & plantis. Quia, si homo nō distinguitur a lapide per rationalitatem, sequitur, quod homo, vt constitutus in sua specie specialissimæ per rationalitatem, non sit alterius speciei specialissimæ a lapide, & plantis, in suis naturis specificis consideratis: consequens est omnino falsum, vt de se patet: ergo. Probatur sequela maioris, quia per te non distinguitur homo a lapide per rationalitatē: ergo per eā non est specie distinctus ab eo, aut si est distinctus specie, ergo per rationalitatē distinguitur homo nō solum a speciebus animalis, cum quibus maximè conuenit, sed etiam a lapide, & a plantis, cum quibus minus conuenit, quod tamen prius negabas.

Præterea. Falsum est, quod dicis, videlicet, filium distingui personaliter a Spiritu sancto per spirationē actiuam. Quod sic ostendo. Quidquid distinguitur ab alio in quantum tale, distinguitur per aliquid, quod est de ratione eius in quantum tale: sed filius distinguitur personaliter a Spiritu sancto: ergo per aliquid, quod est de ratione eius in quantum persona: sed spiratio actiua non est de ratione filii, vt filius est, nec de ratione filii, vt persona est, quia vt supra diximus, quasi aduenit filio iam constituto in esse personali; ergo per spirationem actiuā non distinguitur personaliter a Spiritu sancto. Et confirmatur per exemplum ab ipsis adductum. Nam si animalitas, & animitas non essent de ratione hominis, non distingueretur homo ab arbore per animalitatem, nec a lapide per animitatem essentialiter: ergo a simili, si spiratio actiua non est de essentia filii, quatenus persona est, ergo per eā non

non distinguitur a Spiritu sancto personaliter: ergo distinguitur personaliter per filiationem: ergo seclusa spiratione actiua, sine contradictione potest intelligi realiter a Spiritu sancto distinctus per filiationem.

*Responsio
qua est
a Caieta.*

Caietanus ubi supra distinguit maiorem argumenti. Nam, vel illud constitutum, inquit, est absoluta entitas, vel relatio. Si primum, vera est maior & probatio. Si secundum, maior est falsa, & similiter probatio: quia cum relatio constituat in ordine ad aliud solum distinguit in ordine ad suum correlatiuum. Sed hæc responsio satis impugnata manet notabili primo ad opinionem subtilis Doctoris: ubi latissimè ostendimus relationem distinguere relatiuum non solum a correlatiuo, sed etiam ab omni alio consimilem entitatem non habente, & quod, si constituit accidentaliter, distinguit accidentaliter, si personaliter, personaliter, ex quarto notabili. Et patet. Nam si Petrus in esse personæ per paternitatem constitueretur, processio per eam distingueretur personaliter, non solum a filio, sed ab omni alia persona.

*Impugnatio
resp.*

3 resp.

Aliter respondetur ex eodem Caietano ubi supra, dicendo quod argumentum concludit, filium distinguere quidem a Spiritu sancto per filiationem, non tamen distinctione reali, & personali, quia hanc causat spiratio actiua. Quod si obijcias Caietano in hunc modum, Filius distinguitur personaliter a Spiritu sancto: ergo per aliquid quod est de ratione personalitatis filij, quia quod distinguitur ab aliquo in quantum tale, distinguitur per aliquid, quod est de ratione eius, ut tale est, ut paulo ante diximus: ergo non distinguitur persona-

liter per spirationem actiuam, cum non sit de ratione filij in quantum persona est, ut supra docuimus: ergo seclusa spiratione actiua manebit filius distinctus personaliter a Spiritu sancto per aliquid, quod sit de ratione personali eius, quod non est nisi filiatio.

Respondet Caietanus, quod hæc ratio ex vi verborum magis, quam rei difficultatem facere videtur: nam secundum rem dicendum est spirationem actiuam distinguere realiter relatiuè filium a Spiritu sancto, propter quod dicitur distinguere personaliter. Nec ad huiuscemodi distinctionem relatiuam personalem cauendam (inquit Caietanus) oportet de distinctionem esse personalitatem, vel distinctiua ratione personalitatis. Et ut plenè secundum suam mentem argumentum satisfaciatur notat, quod distinguere personam, cum sit facere formaliter personam distinctam ab alia cōtingit bifariam. Vno modo, quod faciat vtrunque, scilicet, personam, & distinctionem. Alio modo, quod faciat alterum, id est, distinctionem in persona, sicut dicimus, quod dupliciter contingit facere domū albā. Vno modo faciendo vtrunq. & construendo domū, & dealbando illā. Altero modo iungendo vnum alteri. scilicet, dealbando domum iam factam. Ita in diuinis relationibus bifariam distinguit personaliter vnā personam ab alia. Primò faciendo vtrunque & constituendo, scilicet, personā & distinguendo illā ab alia, sicut filiatio constituit filium in esse personæ, & illū distinguit personaliter a patre. Alio modo personam iam constitutam distinguendo ab altera: & hoc modo spiratio actiua filij distinguit filium personaliter

a Spiritu sancto, quamuis non sit pro-
prietas personalis eius.

*Impugna-
tio respon-
sionis Cai-
etani.*

Sic Caietanus arbitratur se Scoti
co argumento satisfacere. Sed, vt in-
genue fatear quod sentio, hucusque
huius argumenti solutionem, quæ
mihi plene satisfacere haudquaquã
vidi. Vnde respondeo ad Caietanum
quod argumentum non solum con-
cludit vt cunque distingui filium a
Spiritu sancto, sed realiter: quia con-
cludit illum distingui personaliter, vt
intuenti satis patere potest, persona-
lis verò distinctio necessario est realis.

Et cum ad obiectionem dicit illã
magis ex vi verborum, quam rei in-
gerere difficultatem, respondeo me
ei nullam adhibere fidem, quia sine
ratione & probatione loquitur, sicut
cum dicit principium distinguendi
distinctione relatiua personali vnum
ab alio non oportere esse proprietatem
personalem, cum oppositum eui
denter conuincat argumentum.

Ad illam distinctionem de dupli-
ci modo distinguendi personam, di-
co, quod præfata distinctio non soluit
argumentum, quia tota difficultas ar-
gumenti consistit in hac consequen-
tia, Distingui personaliter: ergo consti-
tuit personam, quæ est optima, quia
propria distinctio oritur ex proprio
constitutiuo: nam quod distinguitur
ab alio in quantum tale distinguitur
per aliquid, quod est de ratione eius
in quantum tale constituens illud in
esse tali. Cum igitur tota vis argu-
menti consistat in præfata conse-
quentia, non respondet bene Caietanus
dicendo, quod distinguit per-
sonaliter, non quidem constituendo
personam, sed personam iam consti-
tutam distinguendo: nam hoc est,
quod controuertitur & inuestiga-

tur, quomodo, scilicet, possit aliquid
distinctionem personalem efficere,
cum non sit ratio constitutiva perso-
næ. Præterea. Exemplum adductum
non est ad propositum: nam efficere
albam domum iam constitutam iun-
gendo albedinem cum ea, pertinet
ad causam efficientem, & ideo sepa-
rari potest de albatio a constructione
domus; ita quod ab alio sit constru-
ctio, ab alio de albatio. Caterum fa-
cere personam distinctã ab alia, vel
distinctionem in persona pertinet ad
causam formalem, ac proinde distin-
guens personam debet esse necessa-
riò formale constitutiuum eius, sicut
in omnibus alijs distinctiuum forma-
le necessario est constitutiuum rei in
esse, secũdum quod distinguit ab alio
rem, cuius est.

Aliter respondet doctissimus, qui *4 Respon-*
dam interpres primæ partis D. Thõ-
mæ, videlicet, quod sicut collectio
proprietatum, quæ est in hoc indiui-
duo, constituit & distinguit indiui-
duum hoc ab alio, in quo non est hu-
iusmodi proprietatum collectio, ita
quia filius includit filiationem, & spi-
rationem actiuam per earum colle-
ctionem distinguitur a quacunque
alia persona.

Sed hæc solutio nihil valet. Pri-
mo, quia licet indiuiduum in creatis
proprietatum collectionem habeat,
non tamen primò & per se per illam
collectionem distinguitur, sed per
vnicam differetiam numeralem, quæ
primò constituitur in esse indiuidui,
vt rectè docet Scotus in secundo, di-
stinctione tertia, quæstione quarta,
litera N. & O. Et patet: nam alie pro-
prietates præter hanc primam manē-
te eodem indiuiduo ab eo dimoueri
possunt.

Præte-

Præterea. Quia, sicut impossibile est eandem speciem duabus differentiis ultimis specificari: ita & idem individuum duabus differentiis numeralibus primis individuari: ergo vnica differentia individualis prima est cuiusque individuo assignanda. Ita dico in proposito, quod personæ filij vnica differentia personalis, qua primo personatur, & non proprietatum collectio assignanda est.

5. Resp.

Tandem. Alij Thomistæ alia via incedentes respondent in hunc modum. Concedimus, inquit, quod modò filius distinguitur a Spiritu sancto per filiationem, negamus tamen, quod data hypothese, scilicet, quod Spiritus sanctus non procedat a filio, distinguatur per filiationem ab eo. Ratio huius est: nam nunc filiatio & processio, ex proprijs habet virtualem oppositionem: & idcirco ex proprijs postulant processionem & originem, tunc autem non haberent oppositionē formalem, nec virtualem. Considerandum est ergo, quod nunc filiatio, vt sic, licet non referat filium ad Spiritum sanctum, tamen constituit illum tanquam sufficiens principium Spiritus sancti: & ideo ex vi talis constitutionis habet filius sufficiens distinctiū ab Spiritu sancto. Secus verò esset in alio casu, nempe, si Spiritus sanctus non procederet a filio. Nam tunc filius, vt sic, non esset persona productiua ad intra: nec essentia, vt coniuncta filiationi, esset potentia spirandi: sicut modo est. Vnde per intellectum concipimus, quòd eo ipso, q̄ filius producit Spiritum sanctum, quamuis esset impossibile, q̄ filio adueniret relatio realis spirationis, in eo est sufficiens ratio distinctionis ex vi originis.

Secundò dicunt, quòd licet filius, vt sic, non sit correlatiuum Spiritus sancti, est tamen terminus relationis Spiritus sancti ad ipsum. Et idcirco est oppositio inter processionem & filiationem tãquam inter terminum & relationem. At verò si Spiritus sanctus non procederet a filio, non esset talis oppositio inter filiationem & processionem.

Has duas solutiones adducit quidam Diui Thomæ interpres vbi supra sanctus Thomas quas maximè notandas esse aduertit ad plenam huius difficultatis intelligentiam. Sed tamen facillimo negotio impugnantur, & nullius ponderis esse haud difficile ostenditur. In primis quæro, an filiatio data hypothese haberet aliam rationem formalem ab ea, quã nunc habet, vel non. Primum dici non potest: quia cum spiratio actiua ad rationem formalem filiationis nō pertineat, ipsa posita, vel sublata nec ponit, nec tollit rationem filiationis formalem. Si secundum admittis, ergo filiatio secūdm sibi propria & ea, quæ ei in primo dicendi per se insunt, non habet maiorem oppositionem cum processione nunc, quàm haberet tunc data hypothese: ergo, si tunc nō distingueret personaliter filium a Spiritu sancto, nec nunc distinguit: et si nunc distinguit, ergo & tunc similiter distingueret. Præterea. Filio, vt sic, non competit esse principium spirandi: ergo non habet filiatio ex ratione sua virtualem oppositionem cum processione. Consequentia tenet: antecedens probatur: quia ratio filij formalis absque spiratione actiua intelligi potest.

Item inquirō, quid sibi velit iste Doctor, cum ait, quòd filiatio consti-

Impugnatio responsum.

tuit filium tanquam sufficiens Spiritus sancti principium. Nam vel loquitur de principio quo, vel quod. Si de principio quo, decipitur sanè: quia principium quo, spirandi nō est filiatio, sed diuina voluntas secunda. Si verò loquitur de principio quod, eius sententia solum est vera in hoc sensu, quod filiatio est conditio principij spirantis, quia actio spirandi nō potest esse, nisi suppositi, in esse verò suppositi constituitur filius per filiationem. Sed ex hoc quomodo inferri potest illa virtualis oppositio filiationis ad processionem? Nullo sanè modo, vt de se satis constat.

Secunda solutio sic impugnatur. Quia vel filius terminat relationem Spiritus sancti ad se per filiationem, vel per spirationem. Si hoc secundum admittis, sequitur, quòd dicere filium distingui personaliter a Spiritu sancto, quia est terminus relationis Spiritus sancti ad se, idem est, ac si dicas filiū distingui a Spiritu sancto, quia ei relatiuè per spirationem opponitur, quod & nos cōcedimus: sed inde nihil contra nostram cōcluditur sententiam. Primum autem non concedes, vt puta, filium terminare relationem Spiritus sancti ad se per filiationem. Tum, quia secundum D. Thomæ doctrinam, quam tu profiteris, relatio non terminatur ad aliud, nisi sub ea ratione, qua relatiuum est; filius autem, vt sic, non est relatiuum ad Spiritum sanctum. Tum etiā, quia hoc admissio nihil habes pro tua sententia, quia illa terminatio non est, quæ primò facit distinctionem filij a Spiritu sancto, sed supponit principium distinctionis. Et confirmatur, quoniā illa terminatio nihil reale ponit in filio, sed supponit filiationem,

per quam admisisti filium relationē Spiritus sancti ad se terminare.

Secundò. Si pater per impossibile non spiraret, adhuc tamen paternitate distingueretur personaliter, non solum a filio, sed etiam a Spiritu sancto: ergo quamuis filius non spiraret, adhuc posset distingui, & distingueretur psonaliter a Spiritu sancto. Consequentia videtur nota, quia vtrobique est cōsimilis ratio. Sicut enim pater paternitate constituitur in esse personali, ita filius filiatione. Antecedens probatur: quia aliter eadem persona esset improducta, & producta simpliciter: improducta quidem, quatenus pater, producta verò quatenus Spiritus sanctus.

Huic argumento respondet Thomæ negantes consequentiam. Nā in casu posito, licet inter Patrem & Spiritum sanctum non esset immediata oppositio, & proxima, esset tamen oppositio mediata atque remota, sicut modò inter auum & nepotē: & sicut auus producit nepotem, licet remotè & mediata, ita pater produceret Spiritum sanctum remotè. Et per huiusmodi oppositionem relationum remotā Spiritus sanctus distingueretur a Patre, at verò si Spiritus sanctus non esset a filio, nulla oppositio proxima, aut remota esset inter eos, ac proinde nullatenus distinguerentur. Antecedens ergo arguenti est verum, & cōsequentia mala propter rationem nunc assignatam.

Sed contra responsum sic inurgit. Quia in casu posito pater primò, & per se esset personaliter distinctus a Spiritu sancto per solam paternitatem omni alio secluso, quia per illam solum constitueretur in esse personali: ergo seclusa etiam huiusmodi

² Ratio.

Respondeo Thomæ.
Thomæ.
Thomæ.

Impugnatio respō.

oppo.

oppositione esset a Spiritu sancto distinctus personaliter. Præterea. Illa mediata oppositio de per accidens se habet ad distinguendum patrem a Spiritu sancto: ergo aliquid aliud esset assignandum tanquam huiusmodi distinctionis per se causam. Consequentia tenet: quia omne per accidens debet reduci ad id, quod est per se. Antecedens probatur: quia tunc patet respectu productionis Spiritus sancti de per accidens se haberet, sicut in humanis avus respectu nepotis, siquidem ipso avo non existente nihilominus produceretur. Tandem: quia distinctio personalis debet tribui constitutio personalis: ergo soli paternitati, & non illi mediatae oppositioni tribuenda esset distinctio realis patris a Spiritu sancto.

3. Ratio.

Tertio. Generatio & spiratio in divinis sunt productiones inter se distinctæ secundum suas proprias rationes formales, etiam secluso, quod spiratio sit a filio: ergo circumscripito quod spiratio sit a filio stabit distinctio personalis filij & Spiritus sancti, qui sunt termini illarum productionum. Antecedens probatur: tum, quia principia, a quibus dimanant, ut pote, intellectus & voluntas, sunt distincta inter se tum etiam, quia ratio formalis unius est non eadem formaliter alteri: tandem, quia spiratio actiua non mutat suam rationem formalem per hoc, quod sit ab uno, vel a duobus suppositis: quia cum actio non specificetur a supposito, sed a termino, non distinguitur specie penes aliud & aliud suppositum. De hoc vide Scotum in primo, distinctione decimateria, quaestione unica. Probatur consequentia: quia aliter eadem persona esset terminus utriusque pro-

ductionis. Quod impossibile esse sic ostendo. Primo. Eadem persona non potest accipere esse duabus productionibus totalibus: ergo eadem persona non potest esse terminus generationis divinæ & spirationis. Patet consequentia: quia utraque est totalis productio etiam data hypothese: nam utraque esset perfecta, quia a principio omnino perfecta. Antecedens probatur: quia idem bis non potest simpliciter produci, ut omnes concedunt. Et quod eadem persona divina duabus totalibus productionibus non possit produci patet: nam tunc per neutram reciperet esse necessario, quia qualibet seclusa haberet per alteram esse: ergo per nullam necessario: ergo.

Ut respondeat Torres huic argumento advertit, quod supponere Spiritum sanctum non procedere a filio, est supponere quod non procedat per modum amoris, nec per actum voluntatis. Nam, si non procederet a filio, non procederet a verbo, nec a notitia, & ex consequenti non procederet per modum amoris, nec per actum voluntatis. Nunc dicit, quod si Spiritus sanctus non procederet a filio, non procederet per actum voluntatis: & ita non sequitur, quod idem bis produceretur.

Sed hæc solutio falsò innititur fundamento. Nam de ratione amoris non est, quod procedat a verbo tanquam a producente ipsum per voluntatem, ut patet de amore creato, qui licet verbum præsupponat necessario, tamen ab eo prædicto modo non procedit, cum verbum creatum non sit natura intellectualis habens voluntatem. Similiter in divinis de ratione intrinseca amoris producti non est,

1. Resp.

1. Respon.
impugnatio.

est, quòd a verbo procedat, quia ita bene posset esse a solo patre sicut a patre, & filio, licet necessariò sit ab utroque propter rationem supra assignatam conclusione prima. Si dicas. Notitia pręrequiritur ad amorem, ergo verbum, cõcesso antecedente negatur consequentia: quia in diuinis est notitia illa ingenita, qua Deus est formaliter intelligens, quę non est verbum & ad amoris productionem supponitur, & sufficit, cum per eam sit cognitum obiectum, de quo producit amor.

Secundo. Concesso antecedente, distinguo consequens. Potest namq; verbum presupponi bifariam ad amorem. Primo in ratione notitię & verbi pręcisę. Secundo in ratione habentis voluntatem, per quā amorem producat. Primo modo concedi posset cõsequentia: sed inde non cõcluditur aliquid ad propositũ. Non enim inferitur, quòd Spiritus sanctus a verbo procedat eo modo, quo fides docet Spiritum sanctum a verbo procedere, vt puta, tanquam ab spirante per voluntatem, quod & argumentum intendebat probare. Nam vnde quæso valet hac consequentia. Verbum in ratione notitię presupponitur ad amorem: ergo amor producit a verbo per voluntatem; Nihil sanẽ valet: nam in nobis ad amorem supponitur verbum, ab eo tamẽ per voluntatem nõ producit, cum voluntatis sit expers.

Tandem, quia sicut de ratione intrinseca & formali filij non est referri ad Spiritum sanctum, ita nec de ratione intrinseca Spiritus sancti est oriri a filio. Alioquin in hoc quòd Spiritus sanctus non oriretur a filio, intrinsecẽ includeretur remotio filij

a diuinis, & consequenter, quod data hypothese Spiritus sanctus nõ esset filius, quod est contra sanctum Thomam dicentem, quòd si Spiritus sanctus non procederet a filio, esset ipse filius.

Secundò Respondent Thomistę, quod admissa hypothese eadem persona esset vtriusq; productionis terminus, sicut creatura est terminus in intellectiõis & volitiõis. Sed hac responsio viro docto est indigna: nam creatura non est intellectiõis diuinę, & volitiõis intrinsecus terminus & immediatus, sed extrinsecus, & ideò intellectiõis, & volitiõis terminus esse potest, sicut arca ad extra est terminus intellectiõis, & volitiõis artificis. Ceterum verbum est terminus intrinsecus, & immediatus actiõis intellectus, amor vero actiõis voluntatis, ac proinde idem non potest vtriusque actiõis esse terminus.

Pręterea: quia creatura respectu intellectiõis, & volitiõis diuinę habet se non sicut terminus ad actiõem, cuius est terminus, sed sicut effectus ad causam: idem autem effectus a duabus causis subordinatis, vel quasi subordinatis, quales sunt intellectio diuina, & volitio respectu creaturę, bene potest oriri & pfluere: idem autem duarum actiõnũ specie distinctarum terminus intrinsecus esse nequit. Quocirca eadem persona diuina intellectiõis seu dictiõis, & spirationis diuinę, quę sunt alterius rationis actiões, & productiones, terminus intrinsecus esse non potest.

Alij respõdent dicentes, q̃ admissò casu non esset vtraque processio productio simpliciter, sed altera tantum,

2. Impugnatur.

2. Resp.

tum, vt puta, generatio, processio vero esset productio secundum quid.

Impugnatio responsionis. Sed contra. Processio per voluntatem esset tunc ita perfecta secundum omnia sibi intrinseca, sicut modo, & eiusdem rationis: ergo si modo est productio simpliciter, similiter & tunc: Consequentia est nota: antecedens probatur: quia principium formale huiusmodi processionis ita perfectum esset tunc in solo patre, sicut modo in patre & filio: ergo ita perfecta productio. Consequentia probatur: quia perfectio productionis depromitur a principio formali eius. Antecedens patet: quia in solo patre esset voluntas infinita cum essentia in ratione obiecti infinite diligibilis, quæ est principium formale productionis præfata. Et confirmatur: quia illa processio non est secundum se perfectior per hoc, quod est a duobus, quam per hoc, quod est ab uno vt cõtrouersia sequenti dicemus. Præterea: quia cum idem sit principium formale & eiusdem rationis, & idem terminus sub ratione amoris, erit quidem processio eiusdem rationis. Præterea, quod processio amoris sit a filio, nihil addit, nec diminuit de ratione formali eius: ergo si modo cum est a filio, est productio simpliciter, similiter, si a solo patre esset. Consequentia tenet: antecedens probatur: quia ratio formalis actionis non sumit perfectionem suam specificam a supposito agente, sed a principio quo, & termino: ergo ratio formalis actionis non variatur penes suppositorum multiplicationem: ergo processio amoris a solo patre est ita perfecta, sicut si a patre & filio dimanaret.

4. Ratio. Vltimo. Data hypothesi, Pater per

voluntatem producit aliquid, non ab solutū, quia in diuinis absolutum est improducibile: non relationem, quia relatio non producit, sed persona: ergo producit personam. Spiritus sanctus, & non filij; quia præsupponitur genita.

Respondent aliqui moderni Thomistæ, quod suppositione facta processio passiva per intellectum, & processio per voluntatem etiam passiva non distinguerentur, quia non haberent oppositionem originis, secundum quam vna ab alia dimanaret, per voluntatem tamen prodiret quidem relatio subsistens, vt puta, spiratio passiva non tamen noua persona, sed eadem persona filijs non absolute, sed secundum quid: id est, procederet persona filij, vt spirata, quæ processeratur absolute, vt genita.

Sed responsiones istæ ex dictis haud difficile solui possunt & impugari. Illa enim causalis, vt puta, quod processiones per voluntatem & intellectum non distinguerentur, hypothesi admissa, quia non haberet oppositionem originis, falsa est: nam iam satis ostendimus supra, filiationem re ipsa distingui a spiratione passiva, seclusa etiam origine vnius ab alia, & magis patebit in solutione primi argumenti principalis.

Præterea. Inintelligibile omnino videtur, quod prodiret relatio per se subsistens, & quod non esset persona distincta a verbo, cum per nouam productionem, tanquam eius terminus intrinsecus procederet, etsi est noua relatio subsistens: ergo noua persona, quia, relatio subsistens in diuinis est persona, quia incommunicabilis, vt quo, & vt quod.

Tandem. Ad productionem amo-

cis

Respon.

Impugnatio.

5. Ratio

ris infiniti per ſe ſubſiſtentis ſufficiat principium, quò perfectum in ſuppoſito conueniente actioni: ſed hæc omnia eſſent in patre data hypotheſi: ergo pater produceret amorem infinitum per ſe ſubſiſtenti in natura diuina, qui verè eſſet perſona Spiritus ſancti ſicut modo. Et confirmatur quia cū de ratione intrinſeca perſonæ Spiritus ſancti non ſit procedere a verbo, vt ſupra diximus, ſequitur, qd ſi ab eo non procederet adhuc eſſet perſona ab eo diſtincta. vel aliter. De ratione intrinſeca eius, qd per voluntatem diuinam producit, nō eſt, qd procedat a verbo, vt ſupra manet probatum: ergo productio eius ita erit ſimpliciter productio abſque eo, quod procedat a verbo ſicut ſi ab eo prodiret.

Ex his ſequitur apertè quòd noſtra conſuſio eſt probabilisſima: tum propter eius rationes: tum etiā propter ei⁹ patronos & deſenſores, quos ſupra citauimus.

Sed contrarij obijciunt nobis nonnulla Conclia, quæ prima facie noſtram conſuſionem labefactare videntur, adeò vt nonnulli hanc noſtram ſententiā haudquaquam deſendi poſſe ſibi perſuadeant. Primò obijciunt nobis Concilium Toletanū primum: vbi in confeſſione fidei, quæ habetur in fine Concilij, ſic dicitur. Credimus Spiritum eſſe paracletum, qui nec pater ſit, nec filius, eo qd ſit a patre filioque procedens.

Reſpondeo, non ita legi in Concilio, ſed hoc modo. Credimus Spiritum ſanctum eſſe paracletum, qui nec pater ſit ipſe, nec filius, ſed a patre filioque procedens. Secundò reſpondeo, quod etiā ita legeretur in Concilio, inde tamen contra Scotum

nihil concludi poſſet. Nam fatetur Scotus veram eſſe illam cauſalem, vtpote, Spiritum ſanctum non eſſe filium nec patrem, eo quòd ſit a patre filioque procedens. Nam proceſſio Spiritus ſancti a patre & filio ſufficit ad hoc, qd non ſit pater nec filius: cæterum ex hoc non concluditur, quòd nulla alia ſit cauſa, ob quam filius nō ſit Spiritus ſanctus: quia non aſſerit Concilium illā eſſe præciſam cauſam præfatæ diſtinctionis, ſed illam aſſerit & aliam non negat. Et ita cum hoc ſtat, filium etiam diſtingui a Spiritu ſancto per filiationem.

Secundò obijciunt nobis Concilium Toletanum vndecimum in confeſſione fidei: vbi ſic habetur. Hæc ergo ſancta Trinitas, quæ vnus & verus eſt Deus, nec recedit a numero: nec capitur numero: in relatione, a perſonarum numerus cernitur, in diuinitatis verò ſubſtantia quid numeratum ſit non comprehenditur: hoc ergo ſolo numerum inſinuat, qd adinuicem ſunt, & in hoc numero carent, quòd in ſe ſunt. Ex quibus verbis ſic argunt. Perſonæ diuinæ ſolum pluriſcantur per hoc, quòd ſunt adinuicem: ſed filius & Spiritus ſanctus, ſecluſa ſpiratione actiua, nō ſunt adinuicem, quia non ſunt relativi: ergo, &c.

Reſpondeo, quòd quando Concilium ait, Trinitatē, hoc ſolo inſinuare numerum, quia perſonæ ſunt adinuicem: non verò in hoc, quòd in ſe ſunt; voluit dicere, quòd cum in Deo ſint relationes, & eſſentialia abſoluta, numerus perſonarum inſinuat per ſolas relationes, & non per abſoluta, quòd declarant ſequentiæ verba. Hoc numero carent, quia in ſe ſunt: Hoc autem concedit Scotus:

nam

nam in absolutis tres diuina persone sunt omnino vnum. Quando ergo dicit Concilium, quod numerus personarum atque distinctio solum in finiat per hoc, quod persone sunt ad inuicem, non intelligit per esse ad inuicem, referri ad inuicem per relationem oppositionem, sed per esse ad inuicem, intelligit non esse ad se, & in se, seu non esse entia absoluta: ac si diceret, Non per absoluta sunt persone plures, sed per relationes. In qua significatione filius per filiationem est ad Spiritum sanctum: quia ad quodcumque comparatur est ens relatum, & non absolutum.

Sed tertio, veniunt nobis obuiam cum Concilio Florentino, sessione vltima: ubi sic habetur, vt ipsi aiunt. Credentes Spiritum sanctum nequaquam a filio procedere necesse est, vt intelligant a solo patre procedere, & consequenter non esse filium. Nam qui proferunt Spiritum sanctum distinguere a filio, & cum hoc procedere a solo patre, substantiam ab hypostasi separant, & partitionem imaginantur diuinæ substantiæ.

Respondeo, istam non esse legitimam Concilij lectionem, sed hanc. Nam credentes Spiritum sanctum ex filio nequaquam procedere, necesse est, vt intelligant Spiritum a solo patre procedere, & consequenter non esse filium. Quia autem proferunt Spiritum sanctum ex sola patris persona procedere (ubi auferendum est distinguere a filio) hi procul dubio substantiam ab hypostasi separant, & partitionem imaginantur diuinæ substantiæ, quod a ratione fideque valde alienum pie creditur esse. Sic habetur, in codicibus impressis Coloniarum antiquis & nouis.

Sed dicunt auctores contrariæ opinionis multos codices sic habere, vt nos legimus, sed corruptos esse & corrigendos, secundum priorem lectionem. Quibus ego respondeo tutius esse, vt nos corrigant codices, quam quod a nobis corrigantur. Præsertim, cum in codicibus emendatissimis Coloniarum impressis anno 1567. ita legatur, sicut nos legimus.

Sensus ergo Concilij est, quod qui credunt Spiritum sanctum a solo patre procedere, tenentur vnum e duobus concedere, vt puta, vel non esse filium in diuinis, vel si est, separatam esse substantiam patris a filij hypostasi. Et consequenter imaginantur partitionem in diuinā substantia. Cuius ratio est, quia cum ex fide constet filium realiter distinguere a Spiritu sancto, priusque origine produci, quā Spiritum sanctum, vt supra docuimus conclusionem 1. euidenter sequitur, quod sicut Spiritus sanctus procedit a substantia patris similiter & ex substantia filij, nam si ex sola substantia patris prodiret, necessario sequeretur, quod pater & filius partitam haberent substantiam, sicut Petrus & Paulus. Hæc est ratio concilij, quæ non solum non est contra Scotum, sed eam ad idem probandum facit ipse in primo, dist. 11. q. 1. vt prima conclusione docuimus. Et quod hæc sit legitima Concilij expositio, & similiter lectio prædicta, constat ex eodem Concilio, ubi dicitur, quod postquam Latini hæc ratione vti sunt requisiti a Græcis, vt eam magis explicarent, his verbis eam exponunt. Porro autem ne identitatem coniunctionemque diuinæ substantiæ distribuere, ac ipsam eandem substantiam re, non autem solum ratione ab hypostasis, & personis dist-

differe credere videamur, necnon ne quispiam credendo sanctum Spiritum ex solo patre procedere, tres in partes vnicam illam diuinam substantiam diuidi mente concipiat: idcirco verbum, ex filioque, necessarium in symbolo duximus esse. In cuius rationis expositione non solum non dicit Concilium, quod si Spiritus sanctus procederet a solo patre, esset filius, sed dicit, quod ex hoc, quod filius procedat a solo patre, sequitur diuinam substantiam tres in partes partitam esse, quarum vna sit in patre, alia in filio, alia in Spiritu sancto. Et ita secundum mentem Latinorum ex hoc, quod Spiritus sanctus procedat a solo patre, sequitur, quod filius & Spiritus sanctus sint realiter distincti, non solum secundum proprietates personales, sed etiam secundum substantiam. Iam superest, ut argumentis in principio controuersie adductis satisfaciamus.

AD ARGUMENTA in principio controuersie posita.

Ad primum.

AD primum respondeo axioma illud, In diuinis omnia sunt vnum, vbi non obuiat relationis oppositio, in nullo Concilio reperiri, sed desumptum esse ex Diuo Anselmo in Epistolis contra Græcos, cap. 3. vbi ex professo nostram docet sententiam. Postquam enim prædicta statuit propositionem, ut eam explicet, primo supponit ex fide Catholica tres esse personas diuinas, Patrem, scilicet, Filium, & Spiritum sanctum. Secundo supponit, patrem non esse filium, nec Spiritum sanctum, nec filium esse patrem, aut Spiritum sanctum, nec Spi-

ritum sanctum esse patrem, aut filium. Quibus positis dicit posse nos imaginari in diuinis tres oppositiones, quas constat aperte in diuinis haudquam reperiri. Prima potest imaginari inter patrem & filium; imaginando, quod pater sit de filio. Secunda inter patrem & Spiritum sanctum; imaginando, quod pater sit de Spiritu sancto. Tertia inter filium & Spiritum sanctum, imaginando, quod filius sit de Spiritu sancto: quas oppositiones neminē latet longe esse a diuinis. Alias tres oppositiones possumus, inquit Anselmus, considerare in diuinis. Vnam inter patrem & filium, per quam filius non est pater, quia de eo nascitur. Secundam inter patrem & Spiritum sanctum, per quam Spiritus sanctus non est pater, quia de patre procedit. Terciam inter filium & Spiritum sanctum, per quam filius non est Spiritus sanctus, quia ille est de patre nascendo, hic verò de patre procedendo. Et si per aliud non essent distincti, & plures filius & Spiritus sanctus per hoc solum, quia, scilicet, alter est de patre nascendo, alter verò de patre procedendo essent plures atque diuersi. Sed alia, inquit, Anselmus, est dubia oppositio in diuinis inter filium & Spiritum sanctum, secundum quam Spiritus sanctus est de filio: sed hac ablata per illam tertiam filius & Spiritus sanctus essent diuersi & distincti.

Ex his constat contradicentes Scoto in hac quaestione contradicere etiam D. Anselmo, qui prius hanc tenuit opinionem. Nunc dico, quod præfata propositio Anselmi. In diuinis omnia sunt, &c. sic debet intelligi, In diuinis omnia sunt vnum; vbi unitatem non impedit relationis opposi-

tio, id est, repugnantia relationis cum relatione, siue illa sit repugnantia relatiua, vt inter paternitatem, & filiationem, siue disparata, vt inter filiationem & spirationem passiuam. Et hæc est germana prædictæ propositionis expositio: quia Diuus Anselmus, qui author est eius, asserit filium opponi Spiritui sancto, quia ipse est de patre nascendo, Spiritus vero de patre procedendo.

Secundo potest exponi præfata propositio in hunc modum. In diuinis omnia sunt vnum de facto, vbi non obuiat relatiua oppositio. Et si arguas subsumendo, sed inter filiationem & spirationem passiuam non est relatiua oppositio, ergo sunt vnum quatenus est ex parte earum, respondeo, quod licet Spiritus sanctus & filius non opponantur relatiue per se primò ratione sui, opponuntur tamē per se secundo ratione spirationis actiue, quæ est in filio, quasi propria passio eius. Sicut Petrus pater, & Ioannes filius opponuntur quidem relatiue, non ratione Petreitatis, & Ioanneitatis, sed ratione paternitatis & filiationis: ita filius non opponitur Spiritui sancto per se primò ratione sui, sed per se secundo ratione spirationis actiue. Sed si authores contrariæ sententiæ pertinaciter contendat sensum propositionis hunc esse. In diuinis omnia sunt vnum, vbi non obuiat relationis oppositio secundum proprias rationes formales eorum, quæ opponuntur, firmiter id negamus: quia falsum est. Quod sic ostendo. Nam si in diuinis omnia sunt vnum vbi secundum proprias rationes non obuiat relatiua oppositio, sequitur, quod filius, vt filius, & Spiritus sanctus sunt idem: quia inter eos, vt sic,

secundum proprias rationes formales non est relatiua oppositio. Respondent Thomistæ fati esse, quod per origines distinguantur, quia, scilicet, spiratio passiuæ oritur a generatione passiuæ. Sed hæc solutio nullius est ponderis. Primò: quia vel oppositio originis est oppositio relatiua vel non. Si primum, ergo male conceditur, quod opponantur filiatio, & spiratio passiuæ secundum origines, & non relatiue. Si secundum, ergo distinctio realis reperitur etiam in diuinis, vbi non obuiat relatiua oppositio: per quod destruitur omnino opinio D. Thom.

Ad argumentum ergo in forma respondeo concedendo maiorem, & negando minorem: quia tunc esset oppositio relationis cum relatione inter filiationem, & spirationem passiuam, non quidem relatiua, sed disparata, quæ ad relationem realem sufficeret, quæ est etiam per relationes in diuinis.

Secundo respondeo, concedendo maiorem, minorem, & consequentiam: sed dico, quod sequitur consequens non quidem per consequentiam essentialem, & intrinsecam (quia in hoc quod aufertur oppositio relatiua inter filium & spiritum sanctum, licet intrinsecè includatur ablatio alicuius distinctionis realis inter filium & spiritum sanctum, non tamē ablatio omnis distinctionis realis, quia manet ea, quam filiatio causat,) sed per consequentiam extrinsecam & accidentalem: quia bene sequitur a remotione propriæ passionis ad remotionem subiecti, quod si aufertur a filio spiratio actiua, tollitur è medio filius, & omnis distinctio per consequens eius a spiritu sancto. Pro

cuius pleniori intelligentia obserua, quod licet ubi non est oppositio relatiua in diuinis nō sit distinctio realis, quia ablata tali oppositione, per locum saltem extrinsecum, sequitur ablatio cuiuslibet talis distinctionis realis, in hoc tamen, quod auferatur oppositio relatiua, non includitur intrinsece ablatio omnis distinctionis realis: quia ablata spiratione actiua a filio, per quam opponitur spiritui sancto, nō sequitur per locum intrinsecum ablatio filiationis, & per consequens nec distinctionis, quam ipsa filatio causat: sicut ex remotione risibilis per locum intrinsecum non sequitur remotio rationalis. Licet ergo verum sit, quod ubi est distinctio realis in diuinis, ibi est oppositio relatiua, falsum est tamen dicere, quod omnis distinctio realis in diuinis intrinsece est per oppositionem relatiuam: & hoc negat Scotus, licet illud concedat D. Thom. Declaratur exemplo. Hæc propositio est vera. Vbi est rationale ibi est risibile: hæc tamen falsa, Omne rationale est intrinsece & essentialiter risibile.

Ad secundum.

Ad secundum dico, quod data hypothesis esset inter filium & spiritum sanctum oppositio negationis & affirmationis, quia filius esset quidem filius, & persona, & non esset Spiritus sanctus. Nec huiusmodi oppositio est solum inter ens & nō ens, sed etiam inter entia positiua, quorum vnum non est aliud, vt inter hominem & lapidem.

Ad tertium.

Ad tertium concedo maiorem de distinctione relatiua: ceterum de distinctione disparata est falsa, vt supra latè docuimus.

Ad quartum.

Ad quartum, cui maxime & præ-

cipue innititur opposita opinio, respondeo, quod licet non omnis relatio disparata distinguat realiter vnum ab alio, quia spiratio actiua, & paternitas nō sic realiter distinguunt patrem & spirantem, alix tamen relationes disparatæ distinguunt realiter, quia ex proprijs rationibus formalibus sunt in eodem supposito incompossibiles, vt filiatio, & spiratio passiua, paternitas & processio, relationes geniti, & creati, vt secundo notabili pro opinione Doctoris subtilis docuimus. Si verò causam, ob quam illæ sint in eodem compossibiles, istæ verò minimè, inquiras, respondeo primò rationem, & causam oriri ex proprijs rationibus formalibus earum.

Secundò dico, quod idem numero suppositum agere, & producere per distincta principia formalia est possibile, vt patet in homine agente per intellectum & voluntatem. Ceterum idem produci per duo principia formalia distincta, & duabus productionibus totalibus, implicat: ac proinde filiatio & spiratio passiua duo supposita distincta requirunt, non tamen spiratio actiua, & paternitas.

Tertiò. Quia ex vnitatem aliquorū in causa & principio non licet inferre vnitatem in causatis, & principiatis, quia cum pluralitate in effectibus & principiatis stare potest vnitatem in causa & principio: actio enim generandi in Deo, & actio creandi sunt idem realiter, genitum verò & creatum re ipsa distinguuntur: hæc ergo consequentia est ridicula. Paternitas, & spiratio sunt compossibiles in eodem supposito: ergo similiter filiatio, & spiratio passiua, quia
ab

ab unitate in causa, & in principio arguitur ad unitatem eandem in principio, & effectu. Per hæc patet, quod illa causalis posita in maiori propositione argumenti est falsa, quia ut docuimus, relationes disparatæ distinctionem realem causare possunt.

Ad quintum.

Ad quintum dico, quod relatio & distinguit secundum suum esse, & secundum suam formalitatem. Et quando dicis, quod secundum suum esse transit in essentiam, dico, quod verum est identice, non tamen formaliter. Et quando iterum dicis, quod relatio solum distinguit ab opposito, concedo illud de distinctione relatiua, sed non de disparata, quia hæc distinguit ab omni non tali.

Sed aduerte, quod cum in hac controuersia distinguimus inter distinctionem relatiuam & disparatam, per distinctionem relatiuam non intelligimus distinctionem, quæ per relationes fit: nam in diuinis quæcunq. distinctio realis fit per relationes. Sed solum intelligimus per distinctionem relatiuam distinctionem, quæ fit per relationes oppositas, ut per paternitatem & filiationem, per spirationem actiuam & passiuam, ut se mutuo respiciunt, & sibi opponuntur. Vnde distinctio disparata realis in diuinis, etiam est per relationes secundum propria ipsarum, licet tales relationes non sint sibi oppositæ relatiuè, vel saltem non constituent relatiua opposita relatiuè.



CONTROVERSI A

DECIMASEXTA.

Verum pater & filius spirant Spiritum sanctum in quantum omnino vnum?

1. ARGUM.



ARS negativa probatur ex Aug. 6. de Trinit. cap. 5. ubi dicitur, quod Spiritus sanctus est communis vniio patris et filij, vnde de ortu habuit commune Theologorum dictum, quod Spiritus sanctus est nexus & amor vnitius patris & filij: sed vniio, nexus, & amor vnitius necessario important distinctionem eorum, quæ nec tunc sunt: ergo per se requiritur distinctio patris & filij ad productionem Spiritus sancti: ergo producantur & spirant in quantum aliquo modo distincti: ergo.

2. ARGUM.

Secundo. Spiritus sanctus necessario procedit a patre & filio: ergo procedit ab eis in quantum tales sunt: sed in quantum tales, sunt distincti & plures: ergo procedit ab eis in quantum distinctis & pluribus: ergo.

3. ARGUM.

Tertio. Spiritus sanctus per se est tertia Trinitatis persona: ergo per se presupponit duas Trinitatis personas, a quibus procedit: ergo procedit a patre & filio, quatenus plures sunt: ergo.

4. ARGUM.

Quarto. Productio verbi presupponitur necessario ad productionem amoris: sed verbum importat distinctionem sui a producente, igitur necessario requiritur ad productionem Spiritus sancti, qui est amor, distinctio in principio productionis: ergo.

Quinto. Quia spirant in quantum omnino vnum, vel igitur in quantum sunt vnum in essentia, vel quantum vnum, in persona, aut quatenus vnum in vi spiratiua: sed nullo istorum modorum: ergo. Probatur minor. Quia non primum: nam tunc Spiritus sanctus spiraret se, quia est vnum cum patre & filio in essentia. Nec secundum: quia pater & filius non sunt vna persona, sed plures. Nec tertium: quia tunc pater esset duo principia respectu filij & Spiritus sancti propter duas vires productiuas in ipso respectu eorum.

IN hac controuerfia sic procedam. Primo inquiram de quaesito. Secundo, utrum pater & filius possint dici duo spiratores, vel debeant dici tantum vnus spirator. Tertio utrum omnino vniformiter spirant, & per consequens, an prius & magis sit Spiritus sanctus ab vno, quam ab alio.

ARTICVLVS PRIMVS.

An pater & filius spirant Spiritum sanctum in quantum omnino vnum.



Quantum ad primum articulum, illud certum atque indubitatum est apud omnes catholicos, patrem, scilicet, & filium esse vnum principium Spiritus sancti, quia sic est diffinitum in Concilio Lugdunensi sub Gregorio X. si-

cut

cut patet de summa Trinitate & fide catholica, & est hodie in sexto libro decretalium. Eadem veritas est definita in Concilio Florentino, sessione vltima. Ratio autem huius veritatis sic assignatur a Doctore subtili i primo, distinctione duodecima, quæ filio, prima, lit. B. Pater æternus prius origine producit filium per intellectum, quam producat per voluntatem Spiritum sanctum; ergo in illo priori communicatur filio a patre fecunditas, seu principium secundum ad producendum Spiritum sanctum, quod est voluntas grauida, quæ nondum eduxit productum. Antecedens ex quaestione præcedenti est manifestum. Consequentia verò probatur: quia in illo signo originis, in quo filius producit per fecunditatem intellectus communicatur filio a patre essentia diuina cum omni perfectione absoluta: cuiusmodi etiam est voluntas fecunda ad producendum Spiritum sanctum: ergo in illo signo originis, quando producit Spiritus sanctus, producit a patre & filio omnino, vt ab vno principio propter vnā fecunditatem principij productiui in eis.

Et confirmatur: quia pater & filius & spiritus sanctus propter vnitatem diuinā essentię dicuntur vnus Deus, & propter vnitatem potentię creatiue vnus creator: ergo propter vnitatem principij spiritali erunt vnus spirator, & vnum principium spiritus sancti.

Sed occurrit nobis Durandus in primo distinctione vndecima, quaestione tertia, asserens quaestionē hanc, Vtrum pater & filius sint vnum, vel duo principia spiritus sancti, esse de nomine; nam secundum rem constat

aperte patrem & filium habere eandem vim numero spirandi spiritum sanctum: an verò ratione vnus virtutis debeant dici vnum principium, an potius ratione duarum personarum duo principia, quaestio, inquit est de nomine.

Item. Gregorius Arimin. in primo, distinctione duodecima, quaest. prima, tenet illam propositionem, pater & filius sunt vnum principium spiritus sancti, in rigore sermonis esse falsam, verā tamē in sensu, in quo conceditur a sanctis. Sensus verò est iste. Pater & filius sunt vno modo principium spiritus sancti.

Sed re vera sententia Durandi temeraria est: nam si ita esset, Ecclesia non tam diligentem adhibuisset curam in determinanda eius veritate. Et profecto affirmare disputationē hanc esse de nomine tantum, est affirmare eam esse futilem & vanam, ac proinde Ecclesiam leuitatis notare, quod est blasphemum, & iniuriū aduersus illius auctoritatem & candorem.

Præterea. Doctores Græci in Concilio Florentino ob id potissimum formidabant concedere, quod spiritus sanctus procedat a patre & filio, ne cogerentur fateri patrem, & filium esse duo principia spiritus sancti, quod vt hæresim fugiebant: ergo hæc nostra quaestio non est de nomine, sed de re.

Item. Assertio Gregorij, meo iudicio, periculosa est, ne dixerim erronea. Nam si illa propositio ex vi sermonis est falsa: ergo simpliciter est falsa, & ex consequenti concedendum est sanctam matrem ecclesiam propositionem simpliciter falsam determinasse, vt verā, qd omni

procul dubio hæreticum est. Quæstio ergo nostra est de re, & propositio hæc, Pater & filius sunt vnum principium Spiritus sancti, est de fide.

Sed cum principium sit duplex, quo, scilicet, & quod, duplex dubitatio in præsentiarum esse potest. Altera, vtrum in principio quo Spiritus sanctus quod est voluntas fecunda patris, & filii p se includatur aliqua distinctio, & pluralitas, an verò concurret, vt omnino vna in vtraq; persona. Altera dubitatio est, an in principio quod, Spiritus sancti per se includatur aliqua distinctio, & pluralitas, ita quod distinctio aliqua & pluralitas suppositorum sit necessaria per se, tanquam conditio per se requisita ad producendum.

EXPLANATIO OPINIO-

nis Henrici circa primam difficultatem, quæ etiam videtur esse B. Tho.

DE prima difficultate Henricus in summa articulo quinquagesimo quarto, quæstione sexta soluendo, octauum argumentum dicit, q licet supposita spirantia sint distincta, non tamen propter hoc concedi potest, quod spirent pater & filius, vt plures: quia licet sint plures, habent tamen vnicam vim spiratiuam, sed quia vterius ista vis spiratiua non omnino sub ratione vnitatis suæ est proximum principium fecundum ad spirandum Spiritum sanctum, sed sub ratione voluntatis concordis patris & filij, & sub amore mutuo eorundem ad inuicem, vbi aliqua distinctio connotatur, potest concedi propter hanc distinctionem connotatam ex parte principij quo, quod pater

& filius spirant in quantum distincti. Concordia enim & amor mutui distinctionem aliquam amantium & concordantium inuolunt: Dicit ergo Henricus, quod nec voluntas cum essentia diuina in ratione obiecti, nec in ratione diligentis essentiam est principium quo, proximum, & sufficiens ad spirandum, nisi cum amore mutuo patris & filij superueniente. In qua sententia secundum aliquos videtur esse. Diuus Thomas prima parte, quæstione trigesima septima, articulo 1. ad 3. vbi sic ait. Sed ex hoc ipso quod pater, & filius se mutuo amant oportet, quod mutui amor, qui est Spiritus sanctus, ab vtroque procedat. Vbi vult expresse quod Spiritus sanctus procedit ex mutuo amore, quo se inuicem diligunt pater & filius.

Hæc sententia Henrici siue sit D. Thom. siue non, probari potest per Richardum 3. de Trinitate dicentem, q intellectus diuinus prout existit in vna persona habet perfectam fecunditatem ad productionem verbi: at verò voluntas ad productionem spiritus sancti perfectam fecunditatem haud quaquā habet, nec habere potest, nisi sit in gemina persona. Ratio huius discriminis est, quia fecunditas intellectus consistit in plenitudine sapientiæ, quæ potest esse in vnicò, dicente eodem Richardo tertio de Trinitate, capite decimo sexto, nihil diffinitur contrarium naturæ, si plenitudo sapientiæ dicatur posse consistere in vna singulari persona: nam quantum videtur, si vna sola persona in deitate esset, nihilominus plenitudinem sapientiæ habere posset. Fecunditas autem voluntatis consistit in plenitudine veri amoris, qui non potest

test

est esse, nisi in duobus ad minus, dicente eodem Ric. ibid. cap. 3. Nō potest amor esse iucūdus, nisi sit & mutus: amor autem, per quem Spiritus sanctus producit iucūdissimus est atque perfectus: ergo est mutus, ut ita inueniatur qui amorem impendat, & qui amorem repēdat: quia secundum eundem Richardum ibidem cap. 7. Summē diligenti non sufficit si summā dilectus summā dilectionem non rependit: ergo necessarium est, quod amor mutus diuinæ voluntati superueniat, ut sit proximum principium spirandi Spiritum sanctum, & ita in ipso principio quo, includitur distinctio aliqua: quia mutitas distinctionem dicit, ratione cuius dici potest, qd pater & filius spirant in quantum distincti. Opinio ergo Henrici, quæ etiam videtur esse opinio D. Tho. sequentibus conclusionibus continetur.

1. *Concl.* Prima conclusio. Spiritus sanctus producit per actum amandi, sicut verbum per actum intelligendi, quia utriusq. eadem est ratio penes hoc.

2. *Concl.* Secunda conclusio. Voluntas, prout fertur in essentiam ipsam diligendo, non est proximum, & sufficiens principium spirandi Spiritum sanctum, sed ad hoc requiritur amor mutus & reciprocus patris & filij. Hæc conclusio patet ex supradictis.

3. *Concl.* Tertia conclusio. In principio quo, Spiritus sancti per se requiritur distinctio. Patet, quia amor mutus requiritur, qui necessario inuoluit distinctionem.

4. *Concl.* Quarta conclusio. Propter istam distinctionem licet non propter pluralitatem suppositorum concedi potest, qd pater & filius spirant in quantum aliquo modo distincti ac plures

Hæc 4. concl. est Henrici, sed non habetur expressè apud Diuum Thomam. Sed dicunt aliqui, quod si admiserimus secundum Beatum Thomam amorem mutuum, & reciprocum per se ad productionem Spiritus sancti requiri, vix saluari poterit, quod secundum ipsum aliqua distinctio in principio quo productiuus Spiritus sancti non includatur, quia amor mutus & concors vel voluntas concors necessario distinctionem & pluralitatem quandam inuoluit. Discipulitamen eiusdem Diui Thomæ, huiusmodi pluralitatem in principio quo, Spiritus sancti non admittunt. Hæc de opinione Beati Thomæ, & Henrici.

EXPLANATIO OPINIONIS DOCTORIS SUPER HIS CIRCA EANDEM PRIMAM DIFFICULTATEM.

PRO intelligentia opinionis Doctoris subtilis obserua, quod sicut in diuino intellectu ponit ipse Doctor subtilis duos actus formaliter inter se distinctos, ut puta, intelligere & dicere, ita in voluntate diuina ponit alios duos actus, alterum amandi, per quem nihil producit, sicut nec per actum intelligendi, alterum verò spirandi, per quem Spiritus sanctus producit, sicut verbum per actum dicendi.

Secundo obserua, quod sicut principium quo, productiuum verbi est memoria patris fecunda, intellectus, scilicet, cum diuina essentia non in ratione obiecti intellecti, sed intelligibilis, ut supra questione octaua diximus, ita principium quo, productiuum Spiritus sancti est voluntas diuina, cum diuina essentia non

in ratione obiecti amati, seu dilecti, sed diligibilis infinitè. Ita tenet subtilis Doctor in primo, distinctione duodecima, quaestione prima, littera. l. Hæc patent per ea quæ diximus controuersia septima, vbi probauimus, intellectionem nec esse actionem productiuam verbi, nec principium quo: eadem enim rationes probant actum amandi non esse actionem productiuam Spiritus sancti, nec principium formale eius.

1. *Concl.*

His positis sit prima conclusio. Spiritus sanctus non producit per actum amandi, tanquam per actionem. Hæc conclusio probatur eisdem rationibus, quibus in controuersia de verbo mentis ostendimus, verbum non produci per actum intelligendi. Vide eas ibi.

2. *Concl.*

Secunda conclusio. Actus amandi, quo pater & filius diligunt diuinam essentiam, non habet rationem principij quo, in productione Spiritus sancti. Hæc conclusio probatur eisdem rationibus, quibus in controuersia de verbo diuino probauimus intellectionem respectu verbi non habere rationem principij productiui quo.

3. *Concl.*

Tertia conclusio. Amor mutuus, & reciprocus patris & filij ad productionem Spiritus sancti nec concurrunt vt actio productiua eius, nec vt principium quo, nec ad perfectionem virtutis spiritalis pertinet, quia sine ipso est perfecta atq. sufficiens. Prima pars huius conclusionis patet: quia mutuus amor est actio immanens cuius nullus est terminus ipsam producit, ex dictis controuersia de verbo.

Secunda pars probatur. Actus amandi respectu productionis Spiritus sancti non habet rationem prin-

cipij quo, ex dictis: ergo nec amor mutuus patris & filij. Patet consequentia: quia amor mutuus intrinsecè est actus amandi, supra quem solum addit relationem mutuitatis.

Præterea. Probo simul duas posteriores partes conclusionis in hunc modum. Voluntas sub ratione completa & perfecta principij productiui Spiritus sancti ita est in solo patre sicut in patre & filio; ergo mutuitas amoris non habet rationem principij quo, productiui Spiritus sancti, nec ad ipsum per se requiritur. Consequentia tenet: quia in solo patre mutuitas amoris, siue reciprocatio non potest reperiri cum eisdem ad se ipsum non sit mutuus amor, vt de se patet. Antecedens probatur: quia aliter non haberet pater a se plenitudinem perfectionis, aut saltem non haberet eam, nisi post filij generationem. Secundo probatur idem antecedens: quia nihil perfectionis accrescit voluntati per hoc, quod est in filio, ac per consequens ita perfectam rationem principij productiui habet in solo patre, sicut in patre & filio. Et si aliqua perfectio ei accrescit per hoc, quod est in filio, quæro quid est, an suppositum, an mutuitas amoris patris in filium, &c. &c. contra. Non primum: quia per hoc non habet aliam perfectionem nec perfectiorem ea, quam habet in patre, quia suppositum nullam addit perfectionem principio quo, in naturalibus, bene tamen è contra. Nec secundum: quia per illam mutuitatem vel intelligis amorem absolutè, vel amorem cum mutuitate, vel solam mutuitatem. Si primum, ergo non requiritur mutuitas, si secundum, ergo vltima ratio principij productiui Spiritus sancti est ens rationis:

tionis: quia illa mutuitas est tantum relatio rationis, quod est absurdum. Nec tertium propter eandem rationem nunc dictam.

1. *Ratio.* Secundò. Si concordia illa & mutuitas amoris, ac reciprocatio per se pertinet ad rationem formalem principij quo, productiui Spiritus sancti, sequitur primo, quòd pater per se solus non habet principium productiuum Spiritus sancti, quia per se non habet illam mutuitatem & concordiam, sed solum eam habent pater & filius simul collectiue. Sequitur secundò, quòd pater per se non producit Spiritum sanctum, quia nihil producit sine principio productiuo, quòd tamen pater per se solus non habet: & idem sequitur de filio. Et ita inferitur, quòd pater & filius simul collectiue spirant: ex quo rursus inferitur, quòd pater non est spirator, sed pater & filius collectiue: quæ omnia sunt plusquam falsa.

3. *Ratio.* Tertiò. Si vis spiratiua non est perfecta, sine amore mutuo & concordia, ergo perfectius est in patre & filio, quam in solo patre: hoc autem est falsum, quia tunc neuter haberet eam perfectè: ergo, &c. Prima consequentia patet: quia mutui amor non reperitur, nisi in utroque simul.

4. *Concl.* Quarta conclusio. Voluntas, ut actu volens, non est principium productiuum Spiritus sancti. Probatur. Filius non producit intellectu paterno, ut actu intelligens est, ita quòd actualis intellectio sit formalis ratio, qua pater generat filium, ut supra docuimus quæstione octaua: ergo a simili voluntas, ut actu volens non erit principium producendi Spiritum sanctum: sed sicut verbum est immedia-

tè a memoria secunda, scilicet, ab intellectu, & obiecto, ut intelligibili, ut in controuersijs de verbo docuimus, ita Spiritus sanctus est immediatè a voluntate secunda patris & filij, ut principio quo, ad quam non atinet volitio, ac dilectio essentia diuinæ, sed sola voluntas, & diuina essentia in ratione obiecti infinitè diligibilis: & ita non est a voluntate, ut volente, & diligente, sed ut spirante. Sicut autem dicere non includit ipsum intelligere, sed est ab eo formaliter distinctum, ita spirare non includit ipsum velle & diligere: & sicut nos producimus amorem nullo actuali amore per se ad hoc prærequisito, ita pater & filius producunt amorem spiratum nullo amore actuali prærequisito per se, licet ex natura principij volitiui omnino perfecti necessario præsupponatur.

Quinta conclusio. Voluntas infinita cum essentia diuina in ratione obiecti infinitè diligibilis est principium formale, & sufficiens producendi Spiritum sanctum. Probatur. Memoria secunda Dei, id est, intellectus diuinus cum essentia diuina in ratione obiecti infinitè intelligibilis est principium formale, & sufficiens producendi notitiam infinitam: ergo voluntas diuina cum eadem essentia in ratione obiecti infinitè amabilis erit principium formale, & sufficiens producendi amorem infinitum, qui est Spiritus sanctus. Antecedens patet, tum de se, tum etiam ex dictis controuersijs de verbis: consequentia verò nota est a simili.

Ex dictis inferitur, quòd pater non spirat Spiritum sanctum in quantum diligit filium, nec filius in quantum diligit patrem: sed pater, & filius spirant

ſpirant in quantum habent eſſentiã diuinam præſentem, vt obiectum voluntatis ſuæ primarium. Similiter ſpirant in quãtum habent eſſentiã præſentem, non vt amaram actũ, ſed vt amabilem præſentatam per actũ intelligentiæ eorum, vt docet ſubtilis Doctor in primo, diſtinct. 12. quæſt. 1. litera I.

Obiectio. Sed obijcies. Pater & filius prius ſunt amantes eſſentiam in ſe, quãm ſpirent Spiritum ſanctum: ergo ſpirant quatenus habent eſſentiam præſentem, vt amaram.

Solutio. Reſpondeo negando conſequentiam: nam illa dilectio non præſupponitur, vt ratio & principium ſpirandi, ſed ex natura potentiæ, quæ prius eſt operatiua, quã productiua. De actũ amandi, & ſpirandi dicendum eſt: ſicut diximus controverſia de verbo de actũ intelligendi, & dicendi.

6. *Concl.* Vltima conſuſio. Voluntas diuina ſecunda ſub ratione vnitatis ſuæ, & non ſub ratione voluntatis cõcordis eſt proximum principium quo, Spiritus ſancti. Patet hæc conſuſio ex dictis. Vnde ſequitur, quod in principio quo, ſpiratiuo nulla diſtinctio, nec pluralitas includitur, nec requiritur: voluntas enim ſecunda prioris, vt vna, eſt tale principium, & ita pater, & filius ſpirant Spiritum ſanctum voluntate, in quantum omnino vna ratione, cuius ſunt vnicum principium Spiritus ſancti, ſicut tres perſonæ ſunt vnicum principium creaturæ ratione vnicui principij creati, quod eſt in eis, quod docet Aug. 5. de Trinitate cap. 14. in fine ſic inſequens. Si ergo & qui datur, vt pater, Spiritus ſanctus in principium habet cum, a quodatur, quia nõ aliun-

de accipit illud, quod ab ipſo procedit, ſatendum eſt patrem & filiũ vnũ principium eſſe Spiritus ſancti, non duo principia: ſed ſicut pater & filius vnus Deus, & ad creaturam relatiue vnus creator, & vnus Dominus, ſic relatiue ad Spiritum ſanctum vnũ principium. Ad creaturam verò pater & filius, & Spiritus ſanctus vnũ principium, ſicut vnus creator, & vnus Dominus. Hæc Aug. Sed vt Richardi verba intelligamus, quæ ad confirmandam Henrici & D. Tho. opinionem adduximus obſeruãdũ ex Scotto in 1. diſt. 12. quod quãdo aliquid ſuppoſitum habet duo principia ordinatè actiua, non intelligitur eſſe in potentia proxima ad agendũ per ſecundum principium, niſi prius egerit per primum. Et hoc non prouenit ex imperfẽctione principij ſecundi, ſed ex naturali ordine principiorum in operando. Nec ſecundum principium recipit aliquam perfectiõnem, vel cauſalitatem a priori per hoc, quod poſterius operatur. Cum igitur pater æternus habeat duo principia ordinatè actiua, intellectum, ſcilicet, & voluntatem non intelligitur in potentia propinqua ad ſpirandum per voluntatẽ, niſi intelligatur prius in actũ principij prioris, quod eſt intellectus.

Ex quo inferitur, quod voluntas non eſt proximum principium Spiritus ſancti, niſi vt eſt in duobus. Et ratio huius eſt, quia per actum prioris principij, ſcilicet, intellectus, per quem producit ſecunda perſona Trinitatis, & ſine quo non eſt iſta potentia propinqua, voluntas ſecunda ad ſpirandum communicatur illi ſecundæ perſonæ: & ſic eſt in duobus, ante quam ſpiret. Sed tamẽ per hoc

non

non est alia aut maior fecunditas ad spirandum in duobus, quam in vno, sed eadem prorsus in producente patre & producto filio. Hoc declarat Scotus ubi supra similitudine quadam his verbis. In nobis anima non est fecunda potentia propinqua ad habendum amorem nisi actu intelligat, licet per actualem intellectionem non producat formaliter amorem, sed per voluntatem, ut est actus primus, qui praeexistit in anima ante intellectionem, licet non in potentia propinqua omnino ad agendum. Si tunc anima producat intellectionem communicaret ei fecunditatem voluntatis, non esset voluntas in potentia propinqua ad producendum amorem, nisi prius esset producta intellectione, cui communicatur fecunditas voluntatis. Et ita nunquam esset voluntas proximè fecunda ad producendum amorem, nisi in duobus, non tamen ita, quòd illa fecunditas ex sua ratione requiratur esse in duobus, quasi ipsa non posset esse in vno solo; sed propter ordinem fecunditatum in producendo oportet secundam fecunditatem quando est in potentia proxima, esse in duobus. Quando ergo dicit Richardus, quod voluntas non est perfecte fecunda, nisi sit in duobus, vult dicere, quòd non intelligitur in potentia propinqua ad spirandum, nisi in duobus: non tamè vult, quòd de ratione eius ad spirandum sit esse in duobus; quia in solo patre est ita perfecta, sicut in patre & filio, ut supra diximus.

Sed dices. Quomodo ergo secundum Richardum spiratur Spiritus sanctus dilectione mutua patris, & filij? Respondet Scotus sic. De dilectione mutua, id est, voluntate, qua pater & fi-

lius in actu primo nati sunt se mutuo diligere. Et si hac expositio non sufficiat ad intentionem Richardi, inquit Scotus exponat eum, qui poterit: quia non videtur, quòd eius determinatio possit stare cum dictis Augustini, qui attribuit patri & filio perfectam rationem vnius principii respectu Spiritus sancti, sicut Trinitati respectu creature.

Sed quares. Quomodo voluntate concordia patris, & filij producitur Spiritus sanctus? Respondet Scotus, quòd multipliciter potest intelligi voluntas concors patris, & filij. Primo, amando idem actu secundo: & tunc vel amando essentiam, vel amando se, & redamando. Secundo modo potest intelligi concors, quasi habitualiter. Primo modo non producitur Spiritus sanctus voluntate concordia; quia, ut diximus, nec producitur ex amore essentiae, nec ex amore mutuo patris, & filij. Secundo tamen modo producitur concordia voluntate, quatenus eadem voluntate pater, & filius eliciunt actum secundum, quo producant Spiritum sanctum.

Quid autem dicemus ad rationem Richardi de amore iucundo? Respondet Scotus, quòd amor solius essentiae nullae intellectae mutuitate est perfectissimus, & iucundissimus. Quod patet, quia per illum amorem beatificatur Deus.

Præterea: quia amor mutuus in nobis est iucundus, quia per talem mutuitatem habetur in dilecto amplior ratio diligibilitatis: quicunque enim potens diligere, si rediligat amabilius est. In diuinis verò hæc ratio non habet locum: non enim filius est amabilius patri, quia redamat patrem, quam propter essentiam diuinam.

nam, propter quam primo amatur.

Tandem. Si amor non esset iucundissimus, nisi mutuus, sequeretur, quod pater beatificaretur in amore mutuo, & tunc non esset beatus in se, sed ut in filio obiectiue, quod est inconueniens maximum. Hac de prima dubitatione.

EXPLANATIO

sententiae D. Thomae circa
secundam difficultatem.

DE secunda difficultate, scilicet, an in principio quod Spiritus sancti per se includatur aliqua distinctio, & pluralitas suppositorum tantquam conditio per se requisita ad spirandum, tenet D. Thom. partem affirmatiuam prima parte, quæstio. 36. artic. 4. & in primo distinctio. 11, quæst. 1. art. 2. & distinctio. 29, quæst. 1. artic. 4. ad secundum, quibus in locis asserit in principio quod Spiritus sancti includi suppositorum pluralitatem, tantquam conditionem per se requisitam ad spirandum. Eandem sententiam tuentur prima parte, loco citato omnes D. Thomae interpretes, quæ sequentibus conclusionibus explicari potest.

1. Concl. D. Tho. Prima conclusio. Processio amoris, ut sic, si consideretur ex communibus quantum ad processione amoris, non postulat per se, ut sit a duobus suppositis, nec a duobus concurrentibus, aut effectiue, aut per modum efficientis. Probatur: quia processio amoris, ut sic, solum postulat, quod sit a voluntate, ut a principio quo, & a supposito, in quo est talis voluntas, ut a principio quod, & ab intellectu, ut a dirigente, & a recognita, ut a mo-

uente finaliter: sed hæc omnia haberi possunt voluntate existente in vnicuique supposito: ergo processio amoris ex ratione processionis communi non expostulat suppositorum pluralitatem. Et confirmatur: quia in nobis verè amor procedit ab vno tantum supposito: ergo de ratione processionis amoris non est, quod procedat a duobus suppositis.

Ex his sequitur, quod processio amoris in Deo, quantum est ex ratione processionis amoris in communi, non expostulat per se suppositorum pluralitatem in spirante. Nam si per impossibile fieri posset, quod Spiritus sanctus non procederet, nisi ab vno supposito, nihilominus talis processio ex communibus considerata esset per modum amoris. Amor ergo si secundum suam propriam rationem consideretur neminem latere arbitror, quod ad sui productionem pluralitatem suppositorum non expostulat. In hac conclusione Scotus, & D. Thom. conuenire tenentur.

2. Concl. Secunda conclusio. Ut Spiritus sanctus procedat distinctus a duabus personis personaliter, necessum est, quod procedat a duabus personis. Probatur: quia distinctio personalis in diuinis ex ratione sua expostulat originem vnius personæ ab alia, ut ex mente D. Thomae præcedenti controuersia docuimus: ergo, ut Spiritus sanctus procedat personaliter distinctus a duabus personis, necessum est, ut a duabus personis originetur, & procedat.

3. Concl. Tertia conclusio. In productione Spiritus sancti per se necessario, & ex vi talis processionis requiruntur duæ personæ distinctæ, itaque personarum dualitas non est per accidens, & ex

& ex concomitantia, sed est per se & necessaria conditio ad productionem Spiritus sancti. Vnde, sicut, vt ignis producat ignem, requiritur virtus ad producendum, vt puta, forma substantialis, & calor, quo calefaciat & disponat subiectum, & insuper, quod talis virtus sit in supposito, & subiecto conueniente ipsi actioni: ita in proposito ad spirandum requiritur virtus spiratiua, scilicet, voluntas diuina fecunda: requiritur etiam, quod hæc virtus spiratiua sit in supposito conueniente actioni spirandi, quod sanè non est vnicum, sed duplex, scilicet, pater & filius. Licet igitur virtus spiratiua vnica sit, est tñ conditio per se requisita ad spirandum, quod sit in duobus suppositis. Hæc conclusio probatur argumentis in principio controuersie adductis, & insuper a quodam D. Th. interprete in hunc modum. Primò processio Spiritus sancti necessario est a patre & filio: ergo pluralitas oppositorum est necessaria conditio spiratoris. Consequentia legitima est: antecedens autem probatur, Tum ex eo, quia si Spiritus sanctus non procederet a filio, ab eo non esset distinctus. Tum etiam ex eo, quod genitum & spiratum procedunt ordine quodam, sed in diuinis nullus alius reperitur ordo, nisi originis: ergo, &c.

Secundo. De intrinseca ratione Spiritus sancti est, quod sit persona realiter distincta a patre & filio, constituta & distincta per relatione oppositam illis: sed hoc non posset habere, nisi procederet ab illis: ergo per se exigit, quod procedat a duobus suppositis.

Tertiò. Pater & filius mutuò se diligentes ex omnium patrum sen-

tentia producant vnum amorem, quo mutuo se diligunt: sed de ratione mutui amoris est, quod procedat ab utroque: ergo de ratione Spiritus sancti, qui est mutuu amor patris & filij, est, quod sit ab utroque.

EXPLANATIO opinionis Doctoris subtilis circa eandem secundam difficultatem.

Opposita omnino sententia est Scoti in primo, distinction. 12. quæ breuiter sequentibus conclusionibus explicatur.

Prima conclusio. Non est conditio necessaria requisita ad spirandū quod spirator sit vnica tantum persona. Probatur: quia pater & filius cum sint plures personæ, spirant, vt fides docet: ergo ad spirandum non requiritur necessario vnitas personæ.

Secunda conclusio. Non est conditio necessaria ad spirandum quod spirator sit plures personæ. Probatur ex Augustino. 5. de Trinit. capit. decimoquarto, vbi dicit, quod pater & filius sunt vnum principium Spiritus sancti omnino vnū & vniformiter, sicut pater, filius, & Spiritus sanctus sunt vnum principium creaturæ: sed distinctio inter personas diuinas & pluralitas earum nec est ratio formalis principij creatiui, nec in eo inclusa, nec conditio principij quod, vt omnes concedunt: ergo distinctio & pluralitas patris & filii nec est ratio formalis principij quo, nec conditio necessaria principij quod Spiritus sancti.

Respondent Thomistæ dicentes, Respon-
nō esse eandem rationem de princi-
piō creaturæ & Spiritus sancti: quia
cum

Respon-
[Thomi-
stæ] cum

cum Spiritus ſanctus ſit nexus patris & filij, neceſſum eſt, quòd ab eis, vt diſtinctis, procedat, creatura verò nò eſt nexus trium perſonarum.

Impugnatio reſpoſiſ.

Hæc tamen reſponſio videtur vultaria. Primò: quia Spiritus ſanctus, vt ait Scotus in ſolutione ad primum principale quaſtionis primæ, diſtinctionis vndecimæ, primi ſententiar. dicitur nexus patris, & filij, quia neſtuntur in Spiritu ſancto, ſicut in còmmuni producto: in qua ſignificatione etiam creatura poſſet dici nexus trium perſonarum, quia neſtuntur in ea, ſicut in còmmuni producto: tamen non eſt in vſu vocare creaturam nexum trium perſonarum, nec propriè ita appellari poteſt. Primò: quia perſonæ diuinæ non neſtuntur neceſſariò in creatura cum libere eam producant, poſſentque non producere. Secundò: quia eſt res inferioris ordinis.

Præterea dico falſum eſſe, q. de ratione intrinſeca Spiritus ſancti ſit eſſe nexum: quia, ſi per impoſſibile a ſolo patre procederet, verè eſſet Spiritus ſanctus, non tamen eſſet nexus. Et confirmatur: quia, vt in controuerſia præcedenti oſtendimus, nò eſt de ratione Spiritus ſancti, quod procedat a verbo, & per conſequens, nec quod procedat a duobus: ergo nò eſt de ratione eius, quòd ſit nexus.

2. Ratio. Secundò probatur conſuſio: quia ſi pluralitas ſuppoſitorum eſt còditio neceſſariò prærequiſita ad ſpirandum, ſequitur q. pater non producit Spiritum ſanctum, quia non eſt plures perſonæ, ſed vna: còſequens eſt falſum. ergo & antecedens.

3. Ratio. Tertiò. Secundum D. Thomam, ſi Spiritus ſanctus non procederet a filio, ſed a ſolo patre, adhuc eſſet Spiritus

ſanctus, licet ſecundum eundem ſanctum Thomam non diſtingueretur a filio: ergo de ratione proceſſionis Spiritus ſancti non eſt, quòd ſit a duobus.

Quartò. In patre ſolo eſt perfe- 4. Ratio. & ſecunditas, & vis ſpiratiua, & in ſuppoſito conueniente actioni ſpirandi: ergo ipſe ſolus poſſet ſpirare nullo alio ſecum ſpirante: ergo pluralitas ſuppoſitorum non eſt conditio per ſe requiſita ad ſpirandum. Iſtæ duæ conſequentiæ ſunt notæ, & antecedens ſimiliter quo ad primam eius partem. Secunda verò pars, ſcilicet, quòd illa vis ſpiratiua ſit in ſuppoſito conueniente actioni, probatur: quia ad producendum amorem ſufficit, quòd voluntas ſit in ſuppoſito cum obiecto præſentato ſibi per actum intelligendi: ſed hæc omnia in ſolo patre reperiuntur, ipſe enim eſt ſuppoſitum, in quo eſt voluntas ſecunda, & actus intelligendi, per quem eſſentia diuina voluntati præſentatur: ergo ipſe ſolus habet quidquid requiritur, ſiue vt principium, ſiue vt conditio ad ſpirandum. Et confirmatur: quia, vt prima conſuſione pro ſententia D. Thomæ diximus, de ratione amoris non eſt, quod procedat a duobus: ergo nec de ratione Spiritus ſancti eſt, quòd a duobus procedat. Probatur conſequentia: quia ſi ob aliquam cauſam requiritur pluralitas ſuppoſitorum ad Spiritus ſancti productionem eſt, quia eſt amor: ergo ſi ob hanc rationem non requiritur, ob nullam eſt neceſſaria.

Dices requiri huiusmodi perſonarum pluralitatem ad Spiritus ſancti productionem: non quia eſt amor absolute, ſed quia talis amor.

Con-

Contra. Quoniam tunc esset, quia Spiritus sanctus producit per amorem reciproco patris, & filij: sed hoc in prima difficultatis expositione manifestum impugnatum: ergo, &c.

solutio.

Dices huiusmodi personarum dualitatem per se requiri, ut Spiritus sanctus a duabus personis distinctus procedat. Sed hoc ad precedentem controuersiam potius, quam ad istam spectat: ibi namque disputatur an necessarium sit Spiritum sanctum a filio procedere, ut ab eo ipsa distinguatur, hic verò, an ista dualitas ad productionem Spiritus sancti secundum suam rationem consideratam requiratur. Vnde secunda conclusio pro sententia D. Thomæ posita, quæ etiam a quodam D. Thomæ expositore ad mentem D. Thomæ explicandam proponitur, impertinens ad id esse videtur.

Vnde cum dicunt requiri dualitatem personarum ad productionem Spiritus sancti, ut distinctus ab illis procedat, ad precedentem controuersiam nos mittunt, in qua iam ostendimus id minimè esse necessarium, ut a filio distinguatur.

4. Ratio.

Vltimò. Quia, si aliud suppositum per se requireretur præter suppositum patris, maxime verbum: sed verbum intrinsecè, & per se non requiritur: ergo. Consequentia tenet cum maiori: minor probatur: quia verbum si requireretur per se ad spirandum, maxime, ut per illud fiat præsens diuina essentia voluntati in ratione obiecti, quia nihil volitum, quin præcognitum: sed propter hanc rationem non requiritur, quia cum pater nihil nouerit per verbum ex August. 7. de Trinitate, sed per notitiam ingentiam, & essentialem, per illud non fit vo-

luntati patris essentia præsens, sed per hanc essentialem notitiam: ergo, &c.

Tertia conclusio. Condicio necessario requisita ad spirandum est, quod virtus spiratiua sit in re priori, & re ipsa distincta a Spiritu sancto, siue illa res sit vna persona, siue plures. Prima pars huius conclusionis de se patet: quia res spirans necessario præcedit saltem origine spiratum ab eoque re ipsa distinguitur: ergo, &c. Secunda verò pars ex dictis sequitur. Nam si nec vnitas persona, nec pluralitas est conditio per se requisita ad spirandum ex prima & secunda conclusione: ergo cum requiratur res prior origine Spiritu sancto, & re ipsa distincta ab eo, sufficit illa, siue vna persona sit, siue plures. Condicio ergo requisita ad spirandum, nec est vnitas persona, nec pluralitas, sed res prior Spiritu sancto origine, siue sit vna persona, siue plures. Sicut ad creandum, nec requiritur per se, quod virtus creatiua sit in vna persona, quia cum sit in tribus est principium creaturae, nec quod sit in pluribus personis, quia si vnica tantum persona esset in diuinis illa posset creare: sed requiritur, quod illa virtus sit in aliquo per se existente, siue sit vna persona, siue plures.

Quarta conclusio. Spiritus sanctus ex ordine, qui inter intellectum, & voluntatem diuinam reperitur, necessario est a duabus personis, licet hæc dualitas per se non requiratur.

Secunda pars huius conclusionis patet ex his, quæ præcedenti conclusione diximus. Prima probatur: quia secundum illum ordinem prius saltem secundum naturalem intelligentiam producit verbum per intellectum, cui voluntas fecunda ad spiran-

3. Conclusio.

4. Conclusio.

randum communicatur, quàm Spiritus sanctus producat per voluntatem: ergo cū Spiritus sanctus producat, ita a filio, sicut a patre procedit, siquidem eadem vis spiratiua est æque in vitroque.

Ad rationes D.T. Ad rationes, quibus tertia D. Tho. conclusio probabatur, respondendū

Ad primam. est. Ad primam concessio antecedente nego consequentiam, licet ille Doctor, cuius est, eam legitimam dicat: nam creatura necessario est a tribus, non tamen Trinitas personarum est conditio per se requisita ad eius productionem.

Ad secundam. Ad secundam dico, q̄ ad rationem Spiritus sancti sufficit, q̄ per relationem sit persona cōstituta: q̄ verò referatur per illam relatiuē ad filium non est necessarium. Nam si hoc requireretur, maximē, vt ab eo personaliter distingueretur: sed sufficiunt ad hoc ipsa filiatio in filio, & processio in Spiritu sancto ex præcedenti controuersia: igitur, &c.

Ad tertiam. Ad tertiam rationem dico, q̄ licet omnes patres asserant Spiritum sanctum produci per voluntatem patris, & filij, & sic per voluntatem mutuā, & concordem modò supra exposito in fine primæ difficultatis, non tamē asserunt, quòd per amorem actualē mutuum producat.

ARTICVLVS II.]

Vtrum pater, & filius possint dici duo spiratores, vel debeat dici vnus tantum spirator?

Nota.

AD secundi articuli intelligentiam aduertere oportet, quòd terminus numeralis ponit suum significatum, quod est numerare circa

significatum formale determinabilis ab ipso. Exempli causa. Cum dico duo homines, significatum hominis est determinabile per numerum binarium, & sic numerus binarius ponit suum significatum, scilicet, dualitatem circa hominem, significatque duas naturas humanas in duobus suppositis.

Secundo obserua, quòd spirator, sicut cætera huiusmodi nomina verbalia, significat principium agendi, vt concernit suppositum, videlicet, vim spiratiuam, vt natam denominare suppositum, quod per eam dicitur spirator: sicut hæc nomina gubernator, & lector. His suppositis dico, quòd non debet concedi patrem & filium esse duos spiratores, quia ille terminus numeralis, duo, apponit suum significatum circa significatum formale huius nominis spirator, q̄ est, vis spiratiua, significatque ipsam vim spiratiuam numerari in patre, & filio, esseque aliam, & aliam, quod est falsum. Debent ergo dici vnus spirator propter vnitatem virtutis spiratiuæ.

Sed contra obijcies. Pater & filius sunt duo spirantes: ergo & duo spiratores. Probatur consequentia: quia sicut singulare infert singulare, vt puta, vnus spirans, ergo vnus spirator, ita plurale infert plurale, vt duo spirantes: ergo duo spiratores. Respondeo, quòd neganda est consequentia, vt statim dicemus.

Sed quæ est ratio, ob quam terminus numeralis conceditur posse apponi in diuinis terminis adiectiuis, non tamen substantiuis? Respondet D. Thomas prima parte, quæstione trigesima sexta, articulo vltimo, in solutione ad vltimum, rationem esse &

cau-

causam, quia cum adiectiua significant formam in adiacentia ad supposita, ad numerationem suppositorum numerari possunt: substantiua verò non significant formam in adiacentia ad supposita, sed aliquo modo abstrahendo a suppositis, ac proinde non possunt numerari, quia significaretur numeratio formae. Et ob hanc causam negatur ista. Tres personae sunt tres dii, conceditur verò hæc, sunt tres habentes deitatem.

Sed hæc ratio D. Thomae, inquit Scotus in primo, distinctione duodecima, qua stione prima, littera X. non videtur sufficiens: quia terminus numeralis ponit suum significatum circa significatum formale sui determinabilis, ut paulò ante diximus. Cum autem significatum formale nominis substantiui, & adiectiui sit idem, nec differant, nisi in modo significanti, terminus numeralis eis appositus primò ponet suum significatum circa idem: & ita si significatur numeratio formae cum additur substantiuo, & similiter cum additur adiectiuo, siquidem utriusque est idem significatum, cui apponitur terminus numeralis. Nec per illam adiacentiam ad suppositum, quae conuenit adiectiuo, & non substantiuo, non ratione significati, sed ratione modi significandi, poterit esse veritas in vna propositione & falsitas in alia.

Alia ergo ratio assignanda est, quæ
 1. Nota. Scotus ibidem adducit. Ad cuius intelligentiam notandum primò, quòd omne dependens necessariò terminatur ad aliquid independens, ut dependentia effectus terminatur ad causam, dependentia accidentis ad substantiam.

duo æque dependent dependentia eiusdem generis, neutrum terminat dependentiam alterius: quia ex primo notabili omne dependens terminatur ad aliquid independens simili dependentia: ideo tunc necessum est utrumque terminari ad tertium independens.

Tertiò obserua, quòd adiectiuum dependet ad substantiuum: & ita cum adiectiuum additur substantiuo statim inuenit independens, ad quod eius dependentia terminetur: quando autem duo adiectiua adduntur sibi mutuo, neutrum terminat dependentiam alterius: quia utrumque simili dependentia dependet, sed utriusque dependentia terminatur ad aliquod tertium independens.

Quartò nota, quòd quando terminus numeralis additur substantiuo, sicut si dicatur, duo spiratores, statim ille terminus adiectiuus numeralis habet substantiuum terminans ipsum, circa cuius significatum ponit huiusmodi numeralis terminus suum significatum: & ita denotat significatum formale illius substantiui numerari. Quando ergo dicitur, duo spiratores, denotatur, quòd vis spiratiua, quæ per ly, spirator, significatur, numeratur, ac plurificatur: ac proinde illa propositio est falsa, Pater & filius sunt duo spiratores: quia in ipsis vnica vis numero spiratiua reperitur. Quando verò terminus numeralis additur adiectiuo, ut cum dicitur duo spirantes utrumque adiectiuum est dependens ad aliud, scilicet, ad substantiuum, & ideo neutrum terminat alterius dependentiam: ac per consequens terminus numeralis non ponit suum significatum circa significatum formale adiectiui, cui additur.

Z sed

Impugnatur ratio D. Thomae.

1. Nota.

2. Nota.

ſed circa illud tertiu, ad quod vtrumque adiectiuum terminatur, & dependet. In propoſito verò cum dicitur duo ſpirantes ſubſtantiuum, ad quod vtrumque adiectiuum terminatur, eſt perſona: vt cum dicitur, Pater, filius, & Spiritus ſanctus ſunt tres creantes, id eſt, tres perſonæ, quæ creant. Ita in propoſito cum dicitur Pater, & filius ſunt duo ſpirantes, ſenſus eſt duo ſuppoſita, vel duæ perſonæ ſpirantes.

*Reſol'n-
tio 'an-
ſionis'.*

Breuitè ergo reducendo dicta in compendium, dico, quòd iſta propoſitio eſt falſa, Pater & filius ſunt duo ſpiratores. Quia, cum terminus ille adiectiuus numeralis terminetur ad ſubſtantiuum, quia adiectiuum, vt diximus ad ſubſtantiuum vltimatè terminatur, ponit ſuum ſignificatū circa formale ſignificatum illius nominis ſpirator, quod eſt vis ſpiratiua: ac ita ſignificat illam in Patre & filio numerari, quod eſt falſum.

Hæc verò propoſitio, Pater & filius ſunt duo ſpirantes, eſt vera: quia ille terminus numeralis, duo, nō ponit ſuum ſignificatū circa ſignificatū formale illius nominis ſpirans, quod eſt vis ſpiratiua ſignificata cū adiacentia ad ſuppoſitum: quia eius dependentia nō terminatur ad adiectiuum, quod ſimili dependentia dependet: ſed terminatur ad ſubſtantiuum, ad quod terminatur, ſc. ſpirantes, quod eſt perſona: & ideo ſignificat numerationem, & pluralitatem perſonarum ſpirantium, ac proinde eſt vera.

Sed quid ad illam conſequentiā: Sunt duo ſpirantes: ergo duo ſpiratores? Reſpondeo negando illam. Et cū probas, quòd ſicut ſingulare inferit ſingulare, ita plurale inferit plurale,

dico cum Scoto vbi ſupra, quòd non oportet, quòd ſi ad aliquod antecedens ſequatur aliquod conſequens, quòd ad pluriſicationem antecedentis ſequatur pluriſicatio conſequentis, niſi quādo conſequens illud pluriſicatur, & diſtinguitur in antecedentibus, ſicut genus diſtinguitur in ſpeciebus. Et ideo valet, vnus homo: ergo vnum animal: duo homines: ergo duo animalia. In propoſito verò ſuppoſita ſpirantia diſtinguuntur, & ſunt plura, & ad ſuppoſitum ſpiras ſequitur ſpirator: ſed hoc conſequens, ſcilicet, ſpirator, nec diſtinguitur, nec numeratur numero antecedente, ſcilicet, ſuppoſito, ideo arguendo ſpirans, ergo ſpirator: duo ſpirantes, ergo duo ſpiratores, eſt fallacia conſequentis, arguendo a diſtinctione antecedentis ad diſtinctionem conſequentis. Si autem quandoque apud ſanctos (inquit Scotus) inuenitur, & Pater & filius dicuntur duo ſpiratores, debent exponi eorum authoritates, & ſanè intelligi, id eſt, duo ſpirantes: multa enim authoritates ſanctorum, quæ non ſunt veræ de virtute ſermonis, ſunt exponendæ ſecundū Magiſtrum diſtin. 12. primi ſententiæ.

Vnde notandæ ſunt duæ regulæ maximè neceſſariæ ad aptè, catholiceque loquendum in diuinis. Prima regula. Ad hoc, vt nomen ſubſtantiuum pluraliter prædicetur in diuinis, requiritur pluralitas formæ per illud ſignificatæ. Et ideo iſtæ ſunt falſæ. Tres perſonæ ſunt tres creatores, tres dii, tres cauſæ, tria principia creatura: quia ratio creandi, cauſandi, & principiandi eſt vnica numero in Deo. Sed obſerua, quòd quamuis ad pluralitatem ſubſtantiuui requiratur pluralitas formæ per ipſum

ipsum significat, non tamen sufficit: quia quando substantium est cōcretum ultra pluralitatem formæ requiritur etiam pluralitas suppositi. Vnde D. Thom. 1. par. questione 36. articulo ultimo ad secundum ait, quod licet pater habeat potentiam generandi, & spirandi, non dicitur plura principia, sicut habēs artem pingendi, & fabricandi non dicitur duo artifices, sed vnus. Quando verò nō est abstractum ad pluralitatem illius sufficit pluralitas formæ. Et sic dicimus in diuinis, paternitas, filiatio, & processio sunt tres relationes. Idem dicit Scotus in primo distinctio. 12. quest. 1. in solutione ad vltimum.

Secunda regula. Ad hoc, quod nō minā adiectiua prædicentur pluraliter in diuinis, sufficit, & requiritur pluralitas suppositorum: & sic pater & filius dicuntur duo spirantes, & tres personæ tres creantes. Hæc de secundo articulo.

ARTICVLVS III.

An pater & filius omnino vni-formiter spirant Spiritum sanctum?

Nota.

Circa tertium articulum obseruandum est: ex Doctore subtili eadem distinctio questione secundæ, quod actus spirandi potest tribus modis considerari. Primo in se, & secundum se. Secundo quatenus tendit in terminum productum, & spiratū per ipsum. Tertiò in ordine ad supposita agentia. Et adhuc quarto in ordine ad virtutem spiratuiam.

1. Concl.

Hoc posito, sit prima conclusio. Si actus spirandi consideretur in se, vel in ordine ad terminum, vel ad virtutem spiratuiam, vni-formiter omni-

no spirant pater & filius. Probatur: quia actus spirandi est in se vnus omnino in vtroque, & ad eundem terminum, scilicet, Spiritum sanctum, & ab vnicā virtute in vtroque existente dimanat: ergo, &c. In hac consideratione (inquit Scotus) nō solum est vni-formitas in spirando inter patrem & filium, sed vnitas.

Secunda conclusio. Si actus spirandi consideretur in ordine ad supposita spirantia non vni-formiter spirant pater & filius. Probatur: quia sicut pater habet a se vim spiratuiam, filius vero a patre, ita quod filius spiret habet a patre, pater verò a se.

Sed contra. Pater spirat a se, filius vero a patre: ergo pater prius origine spirat quam filius, & per consequens per locum ab actiua ab passiua Spiritus sanctus prius a patre spiratur, quam a filio. Ex quo sequitur, vel quod Spiritus sanctus non spiratur a filio, vel si spiratur, spiratur quando iam est a patre spiratus, & ita sequitur, quod filius actu agit.

Huc argumento respondet Scotus acutissime vbi supra litera A. his verbis. Dico, quod non est confamilis ordo inter patrem generatē, & spirantē, sicut inter patrem spirantē, & filium spirantē. Vnde non est intelligendum, quod pater spirat, ante quam filius spiret, sicut pater prius origine generat, quam spiret propter ordinem principiorum in producendo: quia tunc filius non spiraret, vt argumētum concludit: quemadmodum Spiritus sanctus non potest generare filium iam præ intellectum generari. Sed est iste ordo (inquit Scotus) quod in patre est primò vtraque secunditas a se,

Obiectio.

Responsio
Scoti
facta
ad
actum.

intellectus, scilicet, & voluntatis. Secundo est in patre actus primæ fecunditatis, scilicet, intellectus: & tunc est in filio secunda fecunditas, scilicet, voluntatis, quia pater illam sibi per generationem communicavit. Tertio est actus secundæ fecunditatis per voluntatem simul a patre & filio habentibus tunc simul illam fecunditatem. Non est ergo ordo originis inter spirationem patris & filij, quasi spiraret pater in aliquo signo originis, in quo non spiraret filius, sed in eodem signo originis simul spirant, sicut tres personæ simul creant. Est tamen ordo ibi in spirando: quia pater cum habeat vim spirandi a se, spirat a se, filius vero non spirat a se, quia vim spiratiuam non habet a se, sed ab alio.

*Cōfessio
rium.*

Ex his sequitur, quod licet vis spiratiua sit in patre prius quam in filio, tamen ipsa spiratio actualis non est prius origine in patre, quam in filio. Pro cuius maiori intelligentia obserua, quod pater prius origine est pater, quam filius sit filius. Cuius ratio est, quia paternitas est conditio principij quo producit filius. Similiter pater prius origine est Deus, quam filius, propter duas causas: Prima est, quia deitas cum intellectu est principium quo pater filio communicat diuinam naturā. Secunda, quia deitas est aliquid essentialē absque respectu ad creaturas, ac per consequens præcedit quodcunque notionale. Spiratio verò actiua, cum nec sit quid essentialē, nec ratio formalis, nec conditio principij, quo pater producit filium in esse spiratoris (quia pater producit filium in esse spiratoris per generationem, cuius principij ratio

formalis & sufficiens est deitas cum intellectu, & conditio paternitas) non est aliqua ratio, ob quam prius origine sit in patre, quam in filio, sed in eodem signo, quo est in patre, est etiam in filio.

Ex quo sequitur, quod in via Doctoris subtilis tenētis, quod pater & filius paternitate & filiatione distinguuntur realiter a Spiritu sancto, non oportet concedere, quod pater & filius sunt prius origine spirator in actu secundo, quam sit Spiritus sanctus. Ratio est, quia ad hoc erat necessarium, quod spiratio actiua, vel esset principium quo spirandi, vel saltem conditio spirantis. Nihil autem horum est: quia principium quo spirandi est voluntas cum diuina essentia: conditio verò principij est paternitas & filiatio, quæ constituunt, supposita re ipsa distincta a Spiritu sancto, quæ est conditio sufficiens ad spirandum: ergo, &c.

In opinione verò D. Thomæ tenētis patrem & filium non distingui realiter a Spiritu sancto per paternitatem & filiationem, sed per spirationem actiuam, tenendum est, quod pater & filius, ut spirator actu, sunt prius origine Spiritu sancto: quia spiratio actiua est conditio necessaria principij spirantis, quia per eam constituitur in esse distincto realiter a spirato. In doctrina tamen vtriusque Doctoris spiratio actiua est prior Spiritu sancto solum, ut via, per quam producit.

Sed contra. Ex Scoto quolibet octauo, art. secundo, pater prius origine causat & creat, quam filius: ergo similiter prius spirat, quam filius. Respondeo, quod idem Scotus soluit ibidem hoc argumentum dicendo

*Aliud cōfessio
rium.*

cendo patrem prius ordire causare, quam filium: nō quidem, quia actio causandi in aliquo signo sit a patre, in quo non sit a filio, sed hoc ideo, quia pater prius in se habet principium illius actionis, quam filius. Est ergo ordo in habendo principium, sed non in eliciendo actionem: quia in eodē signo elicitur, actio a tribus.

3. *Concl.*

Tertia conclusio. Nec plus, nec minus est Spiritus sanctus a patre, quam a filio. Probat: quia ab utroque est, tanquam ab vno principio per vnicam, & eandem vim spiratuiam.

Sed cōtra. Causa prima plus agit, quam secunda, ex prima propositione. de causis: ergo omne, quod prius producit, producit plura id, quod posterius producit: sed pater prius producit, quam filius: ergo. Respondeo concedendo antecedens, & negando consequentiam. Ratio est: quoniam in causis ordinatis est verum illud antecedens, quia habent aliam, & aliam virtutem causandi, & in priori causa est illa virtus principalior. In producentibus autem, quæ non habent rationem causæ, sed principij tantū, non est vera illa propositio: quia in ipsis non est alia, & alia virtus principiandi, sed eadem: & ita non plus principiat primum principium, quam secundum, sicut nec causa superior plus causaret, quam secunda, si eadem virtute causatiua causaret cum causa secunda. In proposito verò eadem virtus numero, ac idem principium quo, spirandi est in patre, & filio: ac proinde nec magis, nec principalius spirat pater, quam filius, nec filius spirat, ut causa secunda, & pater ut prima: quia adhuc erat necessarium, quod alia

virtus esset in patre, & alia in filio, sicut alia virtus est in causa prima, alia verò in secunda: in patre verò, & filio est eadem numero virtus spiratiua. Ut diximus. V D N A A

Quid autem ad Augustinum dicentem. 15 de Trinitate. capitulo decimo septimo. quod Spiritus sanctus est principaliter a patre? Respondeo, quod idem Augustinus se exponit dicens, ideo principaliter dixi, quia quod filius spirat, hoc habet a patre.

Ex quo sequitur, quod pater non principalius spirat, id est, non perfectius, ac nobilius, quam filius, quia tunc filius esset minus perfectus, quā pater: sed dicitur principaliter producere, quia primordialiter: habet enim a se principium spirandi. Et in hoc solo consensu potest concedi, quod pater principalius spirat, quā filius.

Cōsectarium.

Sed quid ad Hieronymum dicentem Epistol. 88. Spiritum sanctum proprie a patre procedere? Vbi videtur annuere, quod a filio non procedat proprie. Respondeo, Hieronymum numquam dixisse Spiritum sanctum non procedere proprie a filio, sed dixisse, quod procedit proprie a patre per filium: ex quo non sequitur, quod non procedat proprie a filio, cum ab utroque possit proprie procedere.

Secundo respondeo cum Scoto, ubi supra, quod pater producit Spiritum sanctum proprie, hoc est, tanquam proprietarius: proprietarius autem dicitur ille, qui in habendo rem non dependet ab alio, vsuarius vero, qui in vtendo re ab alio dependet non est proprie proprietarius. Pater igitur, qui vim spiratiuam habet a se, rectè dicitur proprie spirare.

Z 3 Filius

Filius verò non sic proprie, id est, a se spirat, licet proprie, id est, non improprie, vel imperfecte spiret.

A D A R G V M E N T A
in principio controuersiae
posita.

Ad primum.

AD primum respondeo, quòd pater & filius necuntur in Spiritu sancto, sicut in communi producto, & quia sic necuntur necessariò sunt distincta, alioquin non conneckerentur: non tamen habent còmunè productum in quātum distincta, sed in quantum vnum. Vnde productum vnum, scilicet, spiritus sanctus, est ab eis in quantum sunt vnum in vispiratiua. Et confirmatur solutio: quia, vt supra diximus, de ratione intrinseca Spiritus sancti non est, quòd sit a duobus: ergo de ratione eius non est, quòd sit nexus, etsi de facto ita sit propter ordinem producendi, quem intellectus & voluntas habet in Deo: quia prius Deus producit per intellectum, quàm per voluntatem. Quo circa pater communicat filio voluntatem secundam ad spirandum: ac proinde ex intrinseco potentiarum ordine, in producendo necessariò spiritus sanctus est a duobus, sicut creatura a tribus personis: non quòd creatura necessariò ad sui productionem in causa prima, vt sic, requirat suppositorum trinitatē, sed ex natura principij productiui, quod prius producit ad intra, quàm ad extra: ac proinde trinitas personarum necessariò ad creaturæ productionem supponitur, licet non tanquam principium, vel conditio per se requisita in causa, vt sic, ad eius productionem. Sic in proposito spiritus sanctus neces-

sariò est a duobus, patre, scilicet, & filio: quia fecunditas ad productionem eius praeintelligitur in duobus, ante eius productionem: sed non per se requiritur, quòd sit in duobus, vt spiritus sanctus producatur.

Ad secundum concedo, quòd spiritus sanctus necessariò est a duobus.

Ad secundum.

propter rationem quæstione præcedenti assignatam còclusionē primā. Et quando inde colligitur, quòd procedit ab eis in quantum tales, nego consequentiā: quia non procedit ab eis in quātum pater & filius sunt, sed in quantum sunt vnus spirator, vtrumque producens substantiue.

Ad tertium respōdeo, quòd si spiritus sanctus non procederet, nisi ab vna persona sola, esset tertia persona realiter distincta a patre, & filio, vt controuersia præcedente docuimus ex Scoto. Secundo dico, quòd per se loquendo spiritus sanctus intrinsecè habet, quòd sit persona: quòd autem sit tertia, non habet ex sua ratione intrinseca, sed conuenit illi in quātum pater, & filius sunt duæ personæ, & spiritus sanctus est persona distincta ab eis. Tamen quod pater, & filius sint distinctæ personæ non per se pertinet ad rationem spiritus sancti: sicut si tres personæ diuinæ producant vnum angelum solum, angelus ille esset quarta persona: sed hoc non haberet ex ratione sua intrinseca, nam idem omnino angelus esset, & eiusdem rationis, si in Deo, a quo producit, esset vna persona sola.

Ad tertium.

Ad quartum respōdeo, quòd supposito, quòd verbum productū per intellectum, & eius productio necessariò supponatur ad productionem spiritus sancti, qui per voluntatem

Ad quartum.

tem

tem producitur, & hoc ex ordine intellectus, & voluntatis in producendo, tamen quod verbum producat non pertinet per se ad productionem Spiritus sancti, nec ut principium quo, aut quod, nec tanquam conditio principii, ut ex dictis patere potest. Sic supposito, quod filius, & Spiritus sanctus producantur, & similiter creatura, productiones verbi & Spiritus sancti necessario præsupponuntur ex natura principij productioni creaturæ, tamen productio verbi & Spiritus sancti non est conditio per se requisita ad productionem creaturarum secundum omnes: quia creatura eodem omnino modo produceretur, si in Deo vna sola per-

sona infinite sapiens, & potens inveniretur, atque modo cum in ipso trinitas personarum reperitur.

Ad quintum dico, quod pater & filius spirant Spiritum sanctum in quantum sunt omnino vnum non in essentia, aut persona, sed quatenus sunt vnum in vi spirativa. Et cum inferitur, ergo pater esset duo principia productiva propter duplicem vim productivam in eo, nego consequentiam: quia ad hoc, quod dicatur plura producentia, requiritur numeratio suppositorum: non enim aliquis dicitur plures scientias, quamvis habeat plures scientias, sed oportet esse plura supposita ad hoc, quod sequeretur illud consequens.

Ad quintum.



CONTROVERSIA

DECIMASEPTIMA.

Verum pater & filius diligant se Spiritu sancto.

1. *argum.*



ARS negatiua probatur: quia vel diligere sumitur essentialiter, vel notionaliter. Non essentialiter: quia quodli-

bet essentialiter inest formaliter cuilibet personæ, & non per aliam, præsertim per productam a se, nõ enim pater est bonus per filiũ nec per Spiritum sanctum: ergo dilectio sumpta essentialiter non inest patri & filio per Spiritum sanctum. Si verò diligere sumitur notionaliter, ergo pater & filius spirant Spiritu sancto. Præterea probatur, quod ibi diligere non sumatur notionaliter. Quia actus notionales nunquam reflectuntur supra sua principia, non enim dicimus, quod pater generat se, aut spirat se: ergo si diligere sumatur notionaliter, non possumus dicere, qd pater & filius diligunt se Spiritu sancto.

2. *argum.*

Secundo. Si pater & filius diligunt se Spiritu sancto: ergo pater diligit se Spiritu sancto, quia eodem videtur pater diligere se & filium: sed cõsequens est falsum, quia pater diligit se in primo signo originis, in quo Spiritus sanctus non intelligitur productus: ergo, &c.

3. *argum.*

Tertio. Eodem diligunt se & creaturam: sed Spiritus sanctus non videtur esse id, quo pater & filius diligunt creaturam: ergo. Probatur minor: quia tunc sicut Spiritus sanctus ex vi

productionis est amor, ita ex necessitate esset amor creaturæ, & per cõsequens necessariò diligeret creaturam.

Quartò. D. August. retractauit has propositiones, Pater est sapiens sapientia genita, Pater intelligit se filio, necogeretur concedere paternam aliquam perfectionem accipere a filio: ergo propter eandem rationem deberet negare hanc propositionem, Pater & filius diligunt se Spiritu sancto.

Circa quæstionis titulum obseruandum est, qd quamuis præfatus quæstio proponatur de re, difficultas tamen circa veritatem propositionis versatur, an, scilicet, hæc propositio, Pater & filius diligunt se Spiritu sancto, sit vera. Nam quantum attinet ad rem ipsam, siue diligere sumatur essentialiter siue notionaliter, patet quomodo se habeant pater & filius & Spiritus sanctus circa dilectionem & spirationem. Est ergo sensus tituli quæstionis, an præfata propositio, Pater & filius diligunt se Spiritu sancto, sit vera & propria.

De hac re Scotus in primo d. 32. in solutione quæstionis primæ plures adducit opiniones. Quidam enim (vt Gotfredus) asserunt prædictam propositionem esse falsam, & recantatam in simili ab Aug. 1. retractat. c. 26. vbi retractauit istam, Pater est sapiens sapientia genita, cui prædicta nostra propositio assimilari videtur.

Sed hoc dici non potest, quia D. August.

Augustinus non solum diuersas materias retractandas seorsum retractat, sed etiam eandem materiam, quæ in diuersis libris ponitur, si tamen recantanda est, pluries recantat: ergo istam recantasset seorsum, si recantanda esset.

Præterea: quia D. Augustinus nõ retractat aliorum sanctorum dicta, qui videntur istam propositionem concedere. Nam B. Hieronymus sup. Psal. decimum tertium, & decimum septimum, & alij, quos refert Magister in primo distinc. 10. & 32. concedunt tanquam veram prædictam propositionem. Nec per hoc, quod retractauit istam, Pater est sapiens sapientia genita, inferitur, & hanc recantauerit, Pater & filius diligunt se Spiritu sancto: quia non est de vtraque idem iudicium, ut in solutione quarti argumenti principalis dicemus.

Alij, ut Durandus in primo distinc. 32. quæst. 1. affirmant prædictam propositionem esse impropiam, & in rigore sermonis falsam, veram autem in hoc sensu, quod pater & filius diligunt se amore essentiali, qui appropriatur Spiritui sancto. Sed contra: quia ita possent dici boni Spiritu sancto, quia bonitas appropriatur Spiritui sancto.

Alij verò asserunt huiusmodi propositionem esse impropiam, & esse veram in hoc sensu, quod Spiritus sanctus est signum dilectionis diuinæ, ut sit sensus, Pater & filius diligunt se Spiritu sancto, ut signo dilectionis communis.

Hæc opinionem tribuit Scoto nouus quidam interpres primæ partis Diui Thomæ, quæst. 37. artic. 2. sed immerito & falso profecto, cū Sco-

tus prædictam opinionem loco citato adduxerit, & statim reiecerit tanquam falsam hoc argumento, quia (inquit) ita posset dici, quod pater & filius diligunt se creatura, quia creatura est signum dilectionis eorum, quod vel merus Grammaticus si literam Scoti inspexisset, absque dubio animaduertisset. Hinc benigne lector, prospicere poteris & coniecturam facere, quàm frequenter a Thomis falsa testimonia imponantur Scoto, si cum adeò manifesta sit in prædicto loco eius sententia, aliam ab eo reprobata illi imponunt. Præterea falsum idem expositor asserit, affirmando Doctorem subtilem cum Durando sensisse prædictam propositionem impropiam esse, cum ipse ibidem ita propriam esse, sicut hanc, Pater dicit se verbo, absque dubio affirmet.

Alij dicunt, quod pater & filius diligunt se amore appropriato Spiritui sancto, & ideo dicuntur se diligere Spiritu sancto per appropriationem non per proprietatem: & hi sentiunt cum Durando supra citato. Sed hæc opinio rejicitur eadem ratione, qua Durandi opinionem reprobauimus.

EXPLANATIO

opinionis D. Thomæ.

His opinionibus adductis super est opinionem D. Thomæ, & Doctoris subtilis in mediū proferre. Diuus ergo Thomas prima parte, quæstione trigesima septima articulo secundo, multis reiectis opinionibus suam ponit sententiam duplici præiacto fundamento.

Alterum est, quod cum res com-

muni-

1. Not.

muniter a suis formis denominationem accipiant, sicut album ab albedine, & homo ab humanitate, omne illud, a quo aliquid denominatur, quantum ad hoc habet habitudinem formæ, ut si dicam, iste est indutus ueste, iste ablatius, ueste, construitur in habitudine causæ formalis, quamuis non sit forma.

2. *Nota.* Alterum fundamētum est, quod aliquid potest denominari ab eo, quod ab ipso procedit. Procedit autem aliquid ab alio bifariam. Primo sicut actio: secundo sicut terminus actionis, qui est agentis effectus: & non solum contingit rem denominari ab ipsa actione, sed etiam a termino actionis, qui est effectus, quod euenit quando ipse effectus in intellectu actionis includitur. Vtrumque ostendit Diuus Thomas exemplis. Dicimus enim, quod ignis est calefaciens calefactione, quamuis calefactio non sit calor, qui est forma ignis, sed actio ab igne procedens. Dicimus etiam, quod arbor est florens floribus; quamuis flores non sint forma arboris, sed quidem effectus ab ipsa procedentes. His positis sententia D. Thomæ sequentibus explicatur conclusionibus.

1. *Concl.* Prima conclusio. Hæc propositio, Pater & filius diligunt se Spiritu sancto, falsa est, si diligere accipitur essentialiter: quia hoc pacto pater & filius non se diligunt Spiritu sancto, sed sua essentia. Vnde Augustin. 1. 5. de Trinitate, cap. 7. dicit. Quis audeat dicere, Patrem, nec se, nec filium, nec Spiritum sanctum diligere, nisi per Spiritum sanctum?

2. *Concl.* Secunda conclusio. Si diligere accipiat notionaliter, prout idem est, quod spirare amorem & producere

Spiritum sanctum, hæc propositio est vera, Pater & filius diligunt se Spiritu sancto. Hanc conclusionem probat D. Tho. in hunc modum. Sicut flores est producere flores, & digere producere verbum, ita diligere notionaliter est producere Spiritum sanctum: sed istæ conceduntur communi sermone, tanquam veræ & propriæ, Arbor floret floribus, Pater dicit verbum: ergo ista debet concedi, tanquam vera & propria; Pater & filius diligunt se Spiritu sancto: est enim con similis ratio de hac atque de illis. Et confirmatur ex prædictis fundamētis, ubi ostensum est denominationem agentis formalem non solum ab ipsa actione desumi, sed a termino actionis, qui est effectus agentis, quando talis effectus in intellectu actionis includitur, ut accidit in exemplis adductis, & in præfata propositione: ergo pater & filius verè & propriè dicuntur se diligere Spiritu sancto.

3. *Concl.* Tertia conclusio. Secundum mentem discipulorum D. Tho. legimus, sensus huius propositionis, Pater & filius diligunt se Spiritu sancto, est quod pater & filius diligendo se producant Spiritum sanctum. Probant hanc conclusionem ex communi sanctorum patrum sensu, qui, ut ipsi aiunt, prædictam propositionem in hoc sensu accipiunt. Vnde Hugo de sancto Viatore in Epistola ad Bernardum de processione Spiritus sancti ait. Si rectè dicens amare amore, qui a te procedit, cur non dicatur pater & filius amare amore, qui ab eis procedit? Et statim. Si Spiritus sanctus esset amor cordis tui, sicut est amor patris & filii, quis posset negare Spiritu sancto sicut tuo amore te diligere? Idem videtur sentire

Diuus

Diuus Hieronymus Psalmo 17. Cuius verba sunt. Spiritus sanctus nec pater est, nec filius, sed dilectio patris ad filium, & filij ad patrem, seu dilectio; quam habet pater in filio, & filius in patre. Idem sentit D. Bonau. in 1. dist. 3. q. 2. Hæc de opinione D. Thomæ.

IMPUGNATIO

opinionis D. Thomæ.

Hanc opinionem Beati Thomæ hacrimè impugnat Scotus ubi supra. multis argumentis, quæ Torres prima parte, quaestione 37. insolubilia arbitrat, vel saltè fatetur, se nec vidisse, nec scire eorum solutionem. Quocirca præter morem sententiam Diui Thomæ deserit. In primis arguit Scotus contra secundum fundamentum pro opinione D. Th. positum, cui sententia eiusdem Beati Thomæ maximè innititur, in hunc modum. Quia, si agens denominari potest a termino actionis, qui est ipsius agentis effectus, quando in intellectu actionis includitur, ergo hæc erit concedenda tanquam vera, Aedificator ædificat ædificio, quia ædificium importatur, & includitur in ipsa actione, tanquam terminus intrinsecus, sed prædicta propositio negatur, quia est falsa: ergo fundamentum D. Thomæ est falsum.

Secundò. Spirare distinctius importat spiritum sanctum, quam diligere: sed hæc non conceditur, Pater & filius spirant spiritu sancto, ut omnes fatentur: ergo multò minus ista est concedenda, Pater & filius diligunt se spiritu sancto, si verum est D. Tho. fundamentum.

Tertiò. In actione significata per

verbum, quod habet constructionem transitiuam præcise in terminum tanquam in rem productam, nunquam inuenitur agens denominari agentis tali actione per effectum: equus enim non generat equo; nec artifex ædificat ædificio, vel ædificori: sed diligere acceptum notionaliter est verbum habens constructionem transitiuam prædicto modo, sicut spirare: ergo in actione per ipsum significata non dicitur agens agere tali actione per suum effectum: ergo hæc est falsa. Pater & filius diligunt se spiritu sancto, sicut & ista, Pater & filius spirant spiritu sancto.

Ex his sequitur, quòd exemplum

Diui Thomæ, de florere floribus non

est ad propositum, sed ad oppositum,

quia florere non est verbum actiuum,

sed neutrum: & ita nō significat formaliter productionem alicuius. Vnde

ita bene diceretur arbor florere

floribus, si a solo Deo immediate in

ipsa producerentur flores atque modo,

cum ipsa eas in se producit. Quo

circa, si florere acciperetur, ut verbum

actiuum, iam esset falsum dicere, quod

arbor floret floribus, esset enim sensus,

quòd arbor florificat floribus, quod

est falsum: verum tamen esset dicere,

Arbor florificat flores: Similiter in

proposito erit falsum dicere, quod pater

& filius diligunt se spiritu sancto, si

diligere dicat actionem spiritus sancti

productiuam, vel quòd idè est, si

diligere sumatur notionaliter. Vnde nota,

quòd florere non est actus productiuus,

sicut nec calere, vel lucere. Et idè dico,

quòd isto ablatus, floribus, non construitur

cum hoc verbo florere in ratione effectus,

vel termini producti percipi

suū florere, tanquam per actionem,

sed

Cf. scilicet
rium.

sed in ratione alicuius formaliter denominantis alterum per modum formæ, ut cum quis dicitur nitere vestibus, quod idem est ac esse nitidum vestibus. Sic etiam florere floribus idem est, quod esse floridum floribus, licet hoc diuersimodè significetur hinc & inde: quia per florere, significatur per modum fieri, per floridum vero per modum quietis & habitus.

*Cæcili-
rium.*

Ex his sequitur, quod nunquam effectus in ratione effectus denominat suam causam efficientem quatenus eius causa efficiens est, sed sub alia ratione, ut puta, quatenus est eius subiectum, vel alio modo se habet ad ipsum.

Præterea. Cum Beatus Thomas dicit. Hæc propositio est vera, Pater & filius diligunt se spiritu sancto, quia tunc diligere nihil aliud est, quam spirare amorem, sicut dicere est producere verbum, causalis illa est falsa, quia ex ea sequitur necessarium, quod sint concedendæ, ædificator ædificat ædificio, Pater generat filio, pater & filius spirant spiritu sancto: quia ædificare est producere vel facere ædificium, generare est producere filium, spirare est producere spiritum sanctum, quas tamen falsas esse nemo est, qui ambigat.

Caietanus, ubi supra Diuus Thomas, nititur argumenta Scoti soluere. Et ad eorum solutionem præmittit, quod in intellectu actionis claudis effectum contingit bifariam. Primo, ut determinante & specificante actionem, sicut calor claudis in calefactione & albedo in dealbatione. Secundo modo claudis effectus, ut coniunctus illi actioni, ut productum suæ productioni: & hoc modo sumitur in secundo fundamento Diui

Thomæ, ita quod sensus illius fundamenti est quodcumque in intellectu actionis tali termino significatur claudis effectus, ut effectus coniunctus suæ productioni, tunc produciens denominari potest ab illo effectu in ablatiuo.

Nunc respondet Caietan. ad primum argumentum Scoti contra secundum Diui Thomæ fundamentum, negando consequentiam: quia ædificare non importat effectum, nisi primo modo, scilicet, specificatiue, quia ab ipso sumit speciem. Idem respondet ad secundum de spirare. Ad impugnationem exempli de florere, dicit Caietanus primo, quod in exemplis non requiritur veritas. Sed sustinendo (inquit) exemplum dicimus, quod florere vere significat flores emittere: nec obuiat neutralitas verbi, quia hæc ad modum significandi, non ad rem significatam spectat.

Respondendo ad Caietanum dico primo, quod ipse exponit litteram B. Thomæ, & non ad mentem eius, quia ex sua expositione aperte infertur aliquid contrarium doctrinæ Sancti Thomæ in eodem articulo. Quod sic probo. Caietanus asserit in secundo membro suæ distinctionis, quod quando effectus est coniunctus actioni, sicut effectus suæ productioni, tunc agens denominatur ab effectu in ablatiuo: sed omnis effectus cuiuslibet actionis est illi sic coniunctus: ergo ab omni effectu poterit huiusmodi denominatio provenire, quod est contra mentem Diui Thomæ, asserentis solum contingere huiusmodi denominationem cum effectus claudis in intellectu actionis, & non in omnibus actionibus.

Deinde dico, quod responsiones

ad

*Respon-
sio. Caietan.*

*Impu-
gnatio et
responsio.*

ad Scōti argumenta sunt fuitiles, & voluntariæ. Cum ad primum & secundum dicit, quòd edificare & spirare non importat effectum nisi primo modo, scilicet, specificatiuè, & non secundo modo, vt coniunctum sua actioni, dico, quòd hæc responsio est ad placitum. Quare enim magis calor clauditur in calefactione, vt coniunctus illi, quam ædificium in ædificatione, & spiratum in spiratione? Nulla profecto apparet differentia, nisi voluntaria.

Præterea, Quare Spiritus sanctus magis est coniunctus dilectioni notionaliter sumptæ, quam spirationi, cum ex vi & natura vocis magis significetur vt terminus actionis per spirare, quam per diligere notionaliter, quia spirare solam productionem notionalem dicit, diligere notionaliter non ita: quia respectum ad rem amatam importat.

Ad primam responsionem de florere dico, quòd illa contrariatur B. Thomæ: quia, vt ex eius litera deducitur, patet, quòd illud exemplum accipit pro vero.

Secunda verò responsio, quam dat sustinendo exempli veritatem manifestè est falsa, quia de natura verbi neutrius est actionem non significare: ergo repugnat verbo, florere, eo quòd neutrum est actionem importare: ergo florere non est flores emitte-
re, sed esse floridum floribus quasi in fieri. Cum dicit, quòd neutralitas spectat tantum ad modum significandi & non ad rem significatam. Contra, quia ex hoc sequitur, quòd saltem verbum neutrum quoad modum significandi importat actionem: ergo non importat neutralitatē, quòd est contra eius naturā & modum intrin-

secum. Per hæc patet Caietanum in his responsionibus defecisse.

Alij Thomistæ vidētes præfatam doctrinam ad nostræ difficultatis solutionem non sufficere, aduertunt, quòd actiones sunt in duplici differentia: Quædam sunt, inter quas & obiectū, quòd ultimo attingitur, mediat, vel mediare significatur aliquis effectus immediatus & proximus ipsarum: sicut inter ignem & lignum calefactum mediat calor, qui est effectus immediatus & proximus calefactionis: & in huiusmodi actionibus agens denominatur ab actione, & ab effectu. Nā dicimus, quòd ignis calefacit calefactione & calore, quòd Petrus narrat verbo res gestas Romæ. Non dissimiliter in diuinis dicunt isti authores, quòd pater dicit se verbo, diligit se Spiritu sancto. Aliæ verò sunt actiones, inter quas & obiectum quòd ultimo attingitur, nullus mediat effectus, nec mediare significatur: & tunc agens non denominatur ab effectu, sed tantum ab actione. Et ita dicimus, quòd ædificator ædificatione ædificat, non ædificio, Petrus generatione generat hominem, sed non homine. Et in diuinis pater, & filius non spirant se Spiritu sancto, licet spirent Spiritum sanctum, & pater æternus non generat filium filio, licet generet filium. Quòd si aliquis inquirat rationem huius differentie, respondent, quòd diuersus modus significandi terminorum facit, vt diuersis modis sit loquendum. Secundo responderetur, quòd cū omne agens denominetur ab actione, & in actionibus primi generis effectus ille immediatus potius se teneat ex parte actionis, quam ex parte obiecti ultimi, maxime si actiones imma-

nentes

nentes sint, hinc fit, quod sicut agens denominatur a talibus actionibus, ita denominatur ab earum effectu, quod non contingit in actionibus secundæ generis. Sic isti authores præfata difficultati satisfaciunt. Cæterum, quia hæc doctrina coincidit cum ea, quam in explicatione Scoticæ sententiæ statim tradituri sumus, nihil contra eam dicemus.

EXPLANATIO opinionis Doctoris subtilis.

Pro intelligentia opinionis Doctoris subtilis perquam necessarium est, prius intelligere, quonam pacto hæc propositio vera sit. Pater dicit verbo se, & verbum, ac Spiritum sanctum: quia ex huius cognitione haud parum illius intelligentia depêdet. Vt ergo veritatem huius propositionis percipias, primò obseruandum est, verbum mentale nostrum, ut puta, intellectionem actualem à memoria genitam duplicem dicere habitudinem ad suum producentem. Alteram geniti ad gignens: & illa pertinet ad secundum modum relativorum, quæ super actione & passione fundantur teste Philosopho 5. Metaph. cap. de ad aliquid. Alteram declarantis ad declaratum. Prima est realis & mutua. Sicut enim genitum dicit habitudinem realem ad gignens, sic & gignens ad genitum, sicut filius ad patrem & pater ad filium. Secunda vero pertinet ad tertium modum relativorum, quæ ut mensura & mensurabile referuntur, & est non mutua. Sicut enim scientia refertur ad subiectum, & non è conuerso: ita declarans ad declaratum, & non è contra. De quo controuersia vigesima nona erit

sermo. Quod verò verbum nostrum utramque habitudinem inuoluat probatur quia & est genitum, partus, ac proles memoriæ, & obiectum, de quo nascitur, manifestat.

Secundò aduertendum, quod, si ^{2. Nota} cut notitia genita, quæ est verbum, declarat formaliter obiectum latens in memoria, ut in controuersijs de verbo diximus, ita illud, quod producit notitiam actualem, datque illi istam vim declarandi, potest dici declarare ista notitia, quasi effectiue. Exemplo res manifesta fiet. Si Petrus produceret speculum, & in eo imagines multarum rerum, inter quas esset imago Petri, tunc speculum illud declararet res illas, & Petrum quasi formaliter: Petrus autem res illas & se ipsum non formaliter, sed principiatiue declararet.

Et confirmatur: quia sicut assimilans est dans similitudinem, ita declarans actiue sumptum est efficiens ipsam declarationem formalem in verbo: ergo, sicut assimilans, siue causans similitudinem dicitur assimilare rem alteri effectiue, ita causans declarationem formalem in verbo dicitur declarare effectiue. Similiter, quantum spectat ad propositum, verbum diuinum dicit alium duplicem respectum. Vnum realem & mutuū ad patrem producentem ipsum, qui est relatio geniti ad gignens, vel expressi ad exprimens. Verbum namque diuinum exprimitur a patre per memoriam secundam, cui ex vi tunc productionis communicatur notitia infinita actualis: quæ, quia non finita, est declaratiua ac manifestatiua omnis declarabilis ac manifestabilis. Alium respectum, siue relationem dicit declarantis ad declaratum, non solum

1. Nota.

solum ad patrem, a quo exprimitur, sed etiam ad se ipsum (se enim declarat, ac manifestat) & ad omnia alia declarabilia: quia est infinitum. Et hæc relatio est tantum relatio rationis: quia non tantum est ad creaturam declaratam, sed ad se ipsum: relatio vero verbi ad creaturam non potest esse realis, sicut nec Dei ad creaturam, & multo minus relatio eiusdem ad se ipsum: istud autem declarare competit formaliter verbo, producenti autem ipsum competit principiativè, sicut memoria creatæ competit effectivè. Hoc patet per exemplum de Petro producente speculum, vna cum multis imaginibus in eo relucens supra positam, in quo casu speculum formaliter declarat res in eo relucens. Petrus vero effectivè, quia produxit speculum vna cum imaginibus. Ita in proposito, pater æternus producit speculum æternum, scilicet, verbum, in quo relucens omnes res, quod quidem verbum explicat & manifestat res omnes formaliter: Pater autem verbo declarat principiativè quatenus communicat illi notitiā actualem infinitam, qua verbum actualiter declarat omnia.

3 Nota. Tertiò observatur, quod dicere multis modis accipitur in divinis. Primò essentialiter. Sic accipitur a D. Anselmo in monologio, cap. 63. In qua significatione Pater, Filius, & Spiritus sanctus sunt vnum dicens, & qualibet persona formaliter dicit, & nulla dicit alia ablativè, sicut nec alia intelligit, aut diligit, quia quælibet persona intelligit omne intelligibile, & quælibet suo modo dicit illam intelligentiam essentialem improductā. Secundo accipitur notionaliter. Et sic denotatur significare illam rela-

tionem originis, quæ est gignentis ad genitum: & hoc pacto solus pater dicit, non quidem verbo, sed verbum. In qua significatione intelligendum est illud Richardi sexto de Trinit. cap. vndecimo. Solus pater dicit. Tertiò modo potest ly, dicere, significare istam habitudinem rationis, quæ est declarare. Et hoc vel prout declarare competit alicui formaliter, vel prout competit non formaliter, sed principiativè, connotando tamen productionem, seu relationem realem generantis ad genitum, seu dicentis ad verbum per dictionem productum.

Primo modo verbum divinum dicit omnia declarabilia, & se ipsum se ipso formaliter. Quod patet ex Augustino septimo, de Trinit. cap. tertio, dicente. Si enim hoc verbum, quod nos proferimus, temporale & transitorium & se ipsum ostendit, & illud, de quo loquimur, quanto magis verbum Dei, per quod facta sunt omnia: Et, dicere, sic sumptum est essentialiter in divinis, ut statim in quodā dubitatione dicemus. Si vero ly, dicere, importet illā relationem declarationis secundo modo, prout, scilicet, alicui competit principiativè, solum competit patri, de ipsoque solo dicitur, quod dicat verbo, sicut Petrus producens speculū declarat speculo res in eo relucens, quarū imagines simul cū speculo fuerant productæ. In hac significatione loquitur Aug. 7. de Trinit. cap. 1. & secundo, cum ait. Pater dicit verbo: & cum 15. de Trinitate, c. 14. dicit. Pater se ipsum dicens genuit filium sibi æqualem per omnia. In quibus locis accipit dicere pro principiativè declarare. Et sic principale significatum eius est essen-

essentiale, connotat tamen aliquid notionale, vt puta, relationem Patris exprimentis ad filium expressum: sicut donum principaliter importat relationem ad creaturam, connotando tamen processionem Spiritus sancti.

Reducendo in compendium claritatis causa ea, quæ diximus, dico quæ habemus nonnullas propositiones *1. Propos.* veras. Prima est, quod sumendo ly, dicere, essentialiter primo modo tres personæ dicunt, & nulla dicit alia ablatiue, sicut nec alia intelligit. Ratio est, quia vna persona non potest esse forma alterius, quia persona non potest alteri communicari, vt quo, atque ideo vna persona non potest intelligere alia ablatiue, si ibi ratio formæ dantis esse significetur.

2. Propos. Secunda propositio. Si dicere sumatur secundo modo, scilicet, notionaliter, solus pater dicit non verbo, sed verbum. Nam sicut hæc est falsa, Pater generat verbo, ita & dicit verbo: & sicut hæc est vera, Pater generat verbum, ita & hæc, Pater dicit verbum.

3. Propos. Tertia propositio. Si ly, dicere, sumatur tertio modo in prima significatione eius, hæc est vera. Verbum dicit se & omnia se ipso formaliter. Si verò sumatur in secunda acceptio- ne eiusdem tertij modi hæc est vera. Pater dicit verbo se ipsum, verbum, & Spiritum sanctum, & omnia alia. Vnde D. Augustinus septimo de Trinit. cap. primo, sic ait. Verbo enim, quod genuit dicens est non verbo, quod profertur, & sonat, & transit, sed verbo, quod erat apud Deum, & Deus erat verbū, & omnia per ipsum facta sunt, verbo equali sibi, quo semper & incommutabiliter dicit se ipsum.

Sed contra dicta argumētor. Hæc *Obiectū.* propositio est falsa. Pater generat se verbo: ergo & ista, Pater dicit se verbo: quia dicere idem valet, quod generare.

Respondeo, quod licet dicere & *Solutio.* generare in Deo sint idem secundum rem, differunt tamen in modo significandi: generare enim solum dicit relationem realem ad genitum, cum vero eiusdem ad seipsum non sit relatio realis, sequitur, quod pater non potest se ipsum generare, nec verbo, nec aliquo alio. Dicere verò tertio modo in secunda significatione primo importat relationem declarantis ad declaratum licet connotet relationem gignentis ad genitum. Et ratione primæ relationis, quam dicit ad res dictas & declaratas conceditur ista, Pater dicit se verbo, quia se ipsum declarat per verbum, sicut & alia. Hoc magis patebit in fine huius controuersia ante solutionem ad argumenta.

Sed dubium est, vtrum declarare *Dubium notandū.* formaliter omne declarabile sit proprium verbi, ita quod soli illi conueniat? Respondet Scotus in primo, distinctione trigesima secunda, littera B, negatiue. Pro cuius intelligentia obserua, quod declarare formaliter in diuinis conuenit notitiæ ingentæ actuali, vnde actualis est, & ratione eius conuenit alijs. Quia verò hæc notitia ingenta actualis est formaliter in tribus personis, inferatur, quod declarare omne declarabile conuenit tribus, & per consequens non est proprium verbi: appropriatur tamen verbo, quia magis conuenit cum proprio eius, quam cum proprio aliarum personarum. Verbum namque ex vi sua productionis est noti-

notitia actualis genita, cui illa notitia ingenerata declaratiua ex vi talis productionis communicatur. Vnde sic ait Scotus ibidem. Declarare non est proprium verbi, nec includitur in eius proprio, sed tantum est ei appropriatum, pro eo, quod verbum ex vi suæ productionis habet notitiā actualem sibi communicatam: pater autem licet habeat eādem notitiā, tamen ex ea vi, qua producit, est memoria, & non producit in quantum actualis notitia, vt in controuersijs de verbo diximus. Notitiæ enim actuali, vnde actualis est, conuenit declarare: & ideò declarare magis conuenit cum proprio filij, quam cum proprio aliarum personarum, & ita magis sibi appropriatur. Verè tamen est in omni alia persona, quia quælibet habet actualem declarationem in quantum est actualis notitia, & æque declaratiua, sicut illa notitia actualis, quæ est verbum. Declarat igitur formaliter pater omnia se ipso, sicut filius declarat omnia se ipso, & Spiritus sanctus formaliter omnia se ipso declarat. Declarant etiam pater & filius Spiritu sancto principiatiuè, licet isti modi accipiendi declarare formaliter, & principiatiuè non sint ita vsitati in ordine ad omnes personas, sicut illi, quibus verbum dicitur declarare formaliter, & pater principiatiuè verbo. Et ratio maioris vsitationis istorum verborum est propter appropriationē notitiæ actualis ad verbum. Hæc Scotus.

Sed, vt sententiā hanc Scoti percipias, reuoca in memoriam quæ supra in controuersijs de verbo diximus, vt potè, patrem æternum non producere verbum per actualē no-

titiam, seu intellectionem, sed per memoriam secundam, quæ solum dicit intellectum cum diuina essentia in ratione obiecti intelligibilis. Et ideò dicit Scotus, quod pater producit, non in quantum est actualis notitia, sed in quantum est memoria, vel habens memoriam. Insuper recale duas esse notitias in diuinis, alteram ingeneratam actualem, qua tres personæ sunt formaliter intelligentes, alteram vero genitam atque productam, quæ est verbum & secunda Triadis persona. Et quia illa notitia actualis declaratiua omnis declarabilis communicatur verbo ex vi suæ productionis, quia producit per intellectum, & præterea conuenit magis cum verbo, quàm cū alijs personis, propterea declarare formaliter appropriatur verbo.

Iam superest, vt quæstionem principalem absoluamus, videlicet, an hæc propositio sit vera, Pater & filius diligunt se Spiritu sancto? Circa quæ philosophandum est, sicut circa præcedentem.

Vnde aduerte primum, quod si ^{1. Nota.} cut declarare bifariam accipitur, formaliter, scilicet, & principiatiuè, ita & diligere alijs duobus modis sumitur, primo formaliter, secundò principiatiuè.

Præterea. Sicut declarare formaliter tribus diuinis personis competit: ita & diligere ratione actualis dilectionis & amoris improducti, quo formaliter sunt diligentes, appropriatur tamē Spiritui sancto propter modum suæ processions, cuius terminus formalis est dilectio ipsa actualis, quæ Spiritui sancto ex vi suæ processions cōcatur. Præterea. Sicut declarare principiatiuè soli patri cōpetit,

tur, quia solus ipse principiat verbū, cui formaliter cōuenit ex vi suę productionis res omnes declarare: ita diligere principiatuē solum patri & filio competit, quia ipsi tantum producunt Spiritum sanctum, cui ex vi suę productionis communicatur amor essentialis, quo omnia formaliter diligit.

2. Nota.

Secundō obserua, quod amor in nobis dicit duas relationes. Alteram producti ad voluntatem, ut producentem, & hæc est mutua, sicut & relatio geniti ad generans. Alteram verō ad obiectum dilectum & amatum, & illa nō est mutua. Quia, sicut scientia refertur ad scibile, & non ē cōtra, saltem per relationem realem in ipso existentem: ita amor ad amabilem, & non ē contra; & sicut amor habet habitudinem ad obiectum, ita producens amorem ad ipsum amorem, & posset denominari ab illa habitudine, si esset verbum impositum significās illam actiōē: ita in diuinis Spiritus sanctus, qui est amor per voluntatē productus, dicit habitudinē non solum ad id, a quo procedit, sed etiam ad res amatas, sicut verbum dicit habitudinem ad dicentem, & similiter ad res dictas. Prima habitudo est relatio realis. Quia sicut relatio geniti ad generans est realis, ita relatio procedentis ad id, a quo procedit tanquam a principio quod. Secunda habitudo est relatio rationis, quia relatio Dei ad creaturam, siue in esse reali, siue in esse intelligibili consideratam non potest esse realis, ut acutē satis docet Scotus in primo, distinctione trigesima, quæstione 2. Propter eandem rationē relatio verbi ad res dictas est relatio rationis. Præterea, quia eiusdem ad se ipsum

non potest esse relatio realis: sed idē potest seipsum diligere: ergo relatio diligentis ad dilectum, ut sic, non potest esse realis.

Tertiō obserua, quod licet relatio & habitudo Spiritus sancti, ad id, a quo procedit, sit sibi propria, quia per eam in suo esse personali constituitur, relatio verō ad res amatas est communis toti Trinitati, quia sibi cōpetit per aliquid commune tribus personis, scilicet, per essentialē dilectionem, cui tamē appropriatur propter modum suę originis & processionis. Ob hanc causam Scotus in primo, distinctione trigesima secunda, quæstione secunda, lit. E, asserit Spiritum sanctum ex vi productionis suę non esse propriē, sed appropriatē amorem omnis amati necessariō. Idē dicendum est de verbo, quod est nomen proprium secūdæ personæ Trinitatis, & propriissimē de ea dictum. Dicit namque relationem dicti, & expressi ad dicentem & exprimentem, & relationem ad res dictas, & declaratas per ipsum primo, vel concomitanter. Prima, quæ primō & principaliter nomine verbi importatur, est sibi propria. Secunda verō, quæ est ad res declaratas, est toti Trinitati communis, ut controuersia vndecima articulo tertio docuimus: quod & docet Scotus in primo, distinctione vigesima septima, quæstio ne tertia, & in quolibet, quæstione octaua. Et ratio est, quia sibi competit per aliquid toti Trinitati commune, scilicet, per notitiam ingentem, & essentialē: appropriatur tamē ipsi verbo pp modum suę originis & productionis, ut controuersia citata docuimus. Ex quo inferitur, quod esse declaratiuum oīs intelligibilis,

bilis, vel declarare formaliter omne intelligibile, non est proprium verbi, sed appropriatum. Propter hanc causam præcisè concessimus contra versâ vndecima in solutione ad tertium principale, verbum diuinum appropriatè esse notitiam, & verbū omnis intelligibilis, quia per notitiam ingentiam & essentialē, quæ sibi appropriatur, propter modum suæ originis omne intelligibile declarat. Sed dices. Omne appropriatum est commune: ergo, si verbum appropriatè est omnium intelligibilium verbum: ergo ratio verbi est toti Trinitati communis. Respondeo, quod verbum propriè sumptum est notitia genita, & expressa per dictionem: & sic ratio verbi soli filio competit: sed sumendo verbum pro notitia declaratiua præcisè, est toti Trinitati commune, appropriatur tamē ipsi secundæ personæ. Secundò dico, quod verbum diuinum dicitur appropriatè verbū lapidis non quidem ratione eius, quod sibi est proprium, sed solum, quia ex parte est lapidis declaratiuum, quod tribus diuinis personis est commune per notitiam essentialē.

Quarto obserua, quod sicut dicere sumitur illis tribus modis supra enumeratis, ita diligere potest sumi alijs tribus modis. Primò essentialiter: & sic tres personæ sunt vñū diligēs, & quælibet formaliter diligit sibi ipsi, & nulla diligit alia ablatiue. Secundo potest accipi notionaliter, & tunc significat præcisè illam relationem realem originis, quæ est spirantis ad spiratum. Tertio potest accipi diligere nec merè essentialiter, vt primo modo, nec merè notionaliter, vt secundo, sed mixtè: & tunc

primò & per se significat habitudinem & relationem diligentis ad res dilectas, nō formaliter quidem, sed principiatiue: connotat tamen, & cōsignificat productionem Spiritus sancti, quem habitudo quædam ad res amatas consequitur. His ita constitutis sapere est, vt conclusionibus adhibitis more solito hanc difficilem controuersiam dissoluamus.

Prima conclusio. Si diligere sumatur primo modo, scilicet, essentialiter, tres personæ sunt vñū diligēs, & quælibet persona formaliter sibi ipsi diligit dilectione actuali in ipsa formaliter existente. Hæc conclusio duas habet partes. Prima est, qd tres personæ sunt vñū diligens, quæ vera est, sumendo ly, diligens, substantiue: sic nāq. dicere nequeunt tres personæ tres diligētes, sicut nec tres D j, vt controuersia decima sexta docuimus. Sumendo verò ly, diligens, adiectiue tres personæ dici possunt tres diligentes, quia tunc non denotatur pluralitas formæ, sed suppositorum. Secunda pars conclusionis est, quod quælibet persona formaliter diligit sibi ipsi dilectione in ipsa formaliter existente. Quam fatetur D. Aug. 15. de Trinit. cap. 7. inquiens. Et quia filius quoq. sapientia est genita de sapientia, sicut nec pater ei, nec Spiritus ei intelligit, sed ipse sibi, ita nec pater ei meminit, nec Spiritus sanctus ei diligit, sed ipse sibi: sua enim est & ipse memoria, sua intelligentia, sua dilectio. Spiritus etiam sanctus, quia sapientia est procedēs de sapientia, non patrem habet memoriā, & filiū intelligentiam, & se dilectionem: nec enim sapientia esset, si alius ei meminisset, ei que alius intelligere, actantummodo sibi ipse diligeret: sed ip-

4 Nota.

se habet hæc tria, & ea sic habet, vt hæc ipsa ipse sit. Hæc Augustinus. In quibus verbis manifestè docet quàmlibet ex personis diuinis sibi ipsi intelligere, & diligere intelligentione & dilectione in seipsa formaliter existente.

2. *Concl.*

Secunda conclusio. Si diligere accipiat essentialiter, hæc propositio est falsa, Pater & filius diligunt se Spiritu sancto, & similiter illa, Pater diligit filium Spiritu sancto. Probatur: quia idem sunt esse & diligere, patri & filio: sed impium est asserere, quod pater & filius sunt, vel habent esse formaliter, vel principiatuè per Spiritum sanctum, quia nec Spiritus sanctus potest esse forma, qua pater vel filius sit, cum sit suppositum perfectum & completum, cui esse formam & rationem formalem alteri, vt sit, prorsus repugnat: nec est principium, a quo pater & filius esse habeant, cum secundum fidem Spiritus sanctus a patre & filio sit, & non è conuersos: sicut igitur pater & filius non habent esse per Spiritum sanctum formaliter, nec principiatuè, ita nec intelligunt, nec diligunt se Spiritu sancto, sumendo intelligere & diligere essentialiter.

3. *Concl.*

Tertia conclusio. Si diligere accipiat purè notionaliter pro eo, quod est spirare amorem infinitum, scilicet, Spiritum sanctum, hæc propositio, Pater & filius diligunt se Spū sancto, nec est propria nec vera. Idem iudicium erit de hac, Pater & filius diligunt se Spiritu sancto. Hæc conclusio videtur esse cōtra D. Tho. vbi supra. Asserit namque ibi, quod si diligere sumatur notionaliter, præfata propositio est vera & propria. Sic eum interpretatur quidam eius expositor

in commentario super illum locum. Iam probatur nostra conclusio. Hæc propositio, Pater & filius spirant se Spiritu sancto, est omnino falsa: quia sensus est, quod pater & filius producant se Spiritu sancto, qui omnino est falsus, & impius: ergo similiter hæc propositio, pater & filius diligunt se Spiritu sancto est omnino falsa, si diligere sumatur purè notionaliter, prout idem est, quod spirare & producere. Patet consequentia, quia hæc propositio est eadem formaliter cum illa.

Secundò. Actus purè notionalis nunquam reflectitur supra principium & agens, a quo est, sicut pater non generat se, sed filium, nec spirat se, sed Spiritum sanctum: ergo accipiendo diligere pure notionaliter non possumus verè dicere Pater diligit filium Spiritu sancto, & pater & filius diligunt se Spiritu sancto.

Huic argumento respondet quidam Thomista per distinctionem antecedentis. Potest namque actus notionalis bifariam significari. Primò per terminum exprimentem solū habitudinem notionalem, scilicet productionem termini: huiusmodi sunt generare, & spirare: & tunc non potest fieri reflexio supra principium actus seu ipsum agens, pater namque non generat se filio, nec spirat se Spiritu sancto. Secundò potest significari actus notionalis per terminum exprimentem habitudinem ad terminum productum, & ad obiectum: ita significatur actus notionalis spirandi, per hæc verba diligere, & amare: & tunc potest fieri reflexio supra ipsum agens, quia tunc non solū significatur habitudo ad terminum productum, sed etiam ad

ad obiectum, & ratione huius potest ille actus notionalis reflecti supra suum principium. Sic iste expositor satisfacit Scoti argumento: sed eius responsio nō est ad propositum, sed ad oppositum, & ei, cuius est, contraria. Nā si in præfata propositione diligere non solum importat habitudinem ad terminum productum, sed etiam habitudinem ad obiectū, ergo non sumitur ibi purē notionaliter, nec purē essentialiter, sed mixto modo. Nam ratione primæ habitudinis ad terminum productum per ipsum significata, vel connotata sumitur notionaliter, cum illa habitudo notionalis sit, ratione verō secundæ habitudinis per ipsum significata, vel connotata, quæ est ad obiectum, sumitur essentialiter: quia huiusmodi habitudo est toti Trinitati cōmunis. Si igitur diligere utramq; habitudinem importat, necessario sequitur, qd nec pure essentialiter, nec pure notionaliter, sed mixto modo accipiat: & ita præfata solutio suo authori contradicit & fauet Scoto.

Tertiō. Hæc propositio, Pater dicit se verbo, est falsa, si dicere sumatur pure notionaliter, quovis essentiali per ipsum importato præciso, & concluso: nam tunc præfata propositio eadem est cum hac, Pater generat se verbo, quæ est omnino falsa: ergo similiter hæc propositio, Pater & filius diligunt se spiritu sancto erit falsa, si diligere accipiat pure notionaliter, concluso & præciso quocumque essentiali per ipsum importato, & significato. Patet consequentia a paritate rationis.

4. Concl.

Quarta cōclusio. Hæc propositio, Pater & filius diligunt se spiritu sancto est propriissima & verissima. Pro-

batur: quia D. August. lib. 6. de Trinitate, cap. 5. absolutē eam concedit. Et decimo quinto de Trinitate, capite decimo septimo, post longam disputationem colligit spiritum sanctum esse vinculum & nexum, quo pater, & filius se diligunt. Nec dici potest quod Divus Augustinus eam retractauerit primo retractationum, capite vigesimo sexto cum retractauit istam, Pater est sapiens sapientia genita, vt supra ostendimus. Præterea: quia omnes fere Theologi eam tanquam veram & propriam concedunt, inter quos est Doctor subtilis, vbi supra, ubi præ cæteris elegantius & subtilius proprietatem, & veritatem eius explicat, & affirmatiua propriam & veram esse, sicut istam, pater dicit se verbo, quam veram esse, & propriam nullus ambigit. Ratione probatur conclusio. Hæc propositio est vera & propria, pater dicit se verbo: ergo similiter ista, pater & filius diligunt se spiritu sancto. Pater consequentia: quia sicut se habet verbum ad dicere, ita spiritus sanctus ad diligere.

Quinta conclusio. Cum hæc propositio, pater & filius diligunt se spiritu sancto, est propria & vera, diligere non sumitur essentialiter, vt patet ex secunda conclusione, nec pure notionaliter, vt patet ex tertia, sed mixto modo: tūc primō, & per se significat habitudinem, & relationē ad res dilectas, connotat tamen habitudinem spirantis ad spiratū. Hæc cōclusio ex supra dictis patet. Nam, si diligere in præfata propositione non sumitur purē essentialiter, nec pure notionaliter ex dictis a sufficienti diuisione, sequitur qd sumatur mixto modo, vt tenet Scotus vbi su-

pra in solutione ad primum principale. Et confirmatur: quia similiter philosophandum est de hac propositione, Pater & filius diligunt se Spiritu sancto, sicut de hac, Pater dicit se verbo, sed in hac propositione, Pater dicit se verbo, dicitur sumitur non purè essentialiter, nec purè notionaliter, sed mixto modo, ut primo & per se importet relationem declarantis ad declaratum, secundario verò habitudinem generantis ad genitum: ergo similiter in illa priori propositione diligere nec sumitur purè essentialiter, nec purè notionaliter, sed mixto modo, ita ut primo importet habitudinem ad rem dilectam, secundario verò habitudinem spirantis ad spiratum.

Sed ad plenam huius rei intelligentiam aduerte diligenter, quod sicut illa habitudo declarantis ad declaratum per hoc verbum, declarare, significata potest alicui bifariam conuenire, nempe, formaliter & principiativè, ut supra diximus: ita similiter habitudo diligentis ad res dilectas, si esset aliquod verbum peculiare ad ipsam significandam impositum, posset significari, & ut conuenit alicui formaliter, & etià ut conuenit principiativè. Sicut autem declarare conuenit verbo formaliter (se namque & patrem formaliter declarat, principiativè verò conuenit patri, pater namque producit verbum, quo se ipsum exprimit & declarat) ita diligere prout importat illam habitudinem ad res dilectas conuenit Spiritui sancto formaliter, patri verò principiativè. Vnde sicut pater non declarat se formaliter verbo, sed principiativè, quia, scilicet, producit verbum, quod ipsum declarat: ita pater & filius non diligunt se formaliter Spū sancto, sed principia-

tivè, quia producant spū sanctum ipsos diligentem. Sicut igitur hæc est vera, Pater dicit se verbo, quia producit verbum, quod ipsum met patrem declarat: ita hæc est vera, Pater & filius diligunt se Spiritu sancto, quia producant spiritum sanctum ipsos diligentem. Vnde pater & filius diligunt se voluntate tanquā principio dilectionis, dilectione principiativa tanquā actione, & Spiritu sancto tanquam termino per huiusmodi actionem producto, qui suos producentes diligit, sicut verbum patrem ipsum producentem explicat & declarat. Hoc explicatur exemplo. Ignis dicitur calefacere calore, qui est in ipso tanquam principio, calefactione verò, tanquam actione, calore autem producto, tanquam termino actionis, licet non calefaciat se, sed lignum in quo calorem producit: quia calor non dicit habitudinem ad ignem, tanquam ad calefactum: spiritus autem sanctus dicit habitudinem ad suum principium, tanquam ad rem per ipsum dilectam, quæ importatur per hoc verbum, diligere, ac proinde dicuntur pater & filius diligere se Spiritu sancto, quem producant: etsi calor diceret habitudinem ad ignem, tanquam ad calefactum per ipsum, quæ utcumque per hoc verbum calefacere importaretur, diceretur ignis calefacere se calore, quem producit.

Sed contra dicta arguitur primo. Agens non denominatur a termino producto, hæc enim est falsa, Ignis producit calorem calore producto: ergo similiter ista erit falsa, Pater & filius diligunt se Spiritu sancto, qui est amor ab eis productus.

Secundò. Hæc propositio est falsa, Pater & filius spirant se Spiritu sancto:

sancto: ergo similiter hæc, Pater & filius diligunt se Spiritu sancto, quia diligere principiative idem est, quod spirare.

Nota.

Ad primi argumenti solutionem obserua, quod verba actiua, quæ productionem rei alicuius inuoluunt, quandoq. significant habitudinem præcisè in rem productam, & nullatenus in aliquid aliud, ita quod solū rem ipsam productam vt sic respiciunt, sicut generare præcisè respicit generationis terminū, vt sic, qui est res ipsa producta. Quandoque verò per rem productam transitionem significant in aliquid tanquam obiectum, vel materiam, ad quod res ipsa producta respectum & habitudinem habet: sicut calefacere per calorem productum significat transitionem in rem calefactā: propter quod ignis dicitur calefacere lignum calore producto, non tamen dicitur calefacere calorem, quia non respicit ipsum, tanquam obiectum, vel materiam, sed præcisè, tanquam terminum productum. Quando igitur verba actiua sunt primi generis, agens nō denominatur a termino actionis producto. Nō enim ignis dicitur producere calorem calore producto, quātūcūq. idem esset sui ipsius principium: nec ædificans dicitur ædificare ædificio propter eandem rationem: sed ignis dicitur producere calorem, & ædificans ædificare ædificium. Cū verò verba actiua sunt secundi generis, agens bene denominatur a termino actionis: ignis namque dicitur calefacere lignum calore producto, quia per calorem respicit lignum tāquam subiectum & materiam, circa quam agit. Similiter dicere significat transitionem in res dictas & declara-

tas per verbum, quod est terminus productionem productus, propter quod conceditur ista tanquam vera, Pater dicit se & alia verbo. Pariter diligere dicit transitionem per Spiritum sanctum productum in res dilectas, atque amatas: ac proinde vera est hæc propositio, Pater & filius diligunt se Spiritu sancto. At verò, quia producere, generare, & spirare per terminum productum non dicunt transitionem in aliud, tanquam in obiectū vel materiā, istæ propositiones sunt falsæ, Pater producit se verbo, Pater producit verbo, Pater generat se verbo, Pater generat verbo, Pater & filius producit, vel spirat se Spū sancto, & Pater & filius producit, vel spirat Spū sancto. Et sic patet ad argumentum primum, & etiam ad secundum.

Sed obiecis. Hæc propositio est falsa, Ignis calefacit se calore: ergo similiter ista, Pater & filius diligunt se Spiritu sancto. Patet consequentia: quia calefacere, & diligere sunt verba secundi generis.

Obiectio.

Respondeo negando consequentiam. Ad probationem dico differentiam esse inter illa duo verba, quia diligere cum dicat habitudinem & transitionem per terminum productum in res dilectas atque amatas tāquā in obiectum dilectum, sub quo ipsum agens continetur est namque dilectionis obiectum, proinde ille actus diligendi reflectitur supra suū principium mediante termino producto per eandem dilectionem. At quia calefacere non dicit transitionem per calorem in ipsum ignem agentem, tanquam in obiectum, subiectū vel materiam, proinde non reflectitur supra suum principium, scilicet, ignem mediante calore.

Solutio.

Obiectio. Sed dices. Hæc eſt vera, Pater dicit verbum verbo: ergo ſimiliter hæc erit vera, Pater diligit Spiritum ſanctum Spiritu ſancto, quæ tamen videtur falſa.

Solutio. Reſpondeo concedendo confequentiam. Nam, ſicut propositio ſumpta in antecedente eſt vera, quia pater principiat & producit verbū, quod ſeipſum declarat, vt ex Auguſtino praedocuimus: ita propositio aſſumpta in conſequenti eſt vera, quia pater principiat & producit Spiritum ſanctum, qui ſeipſum diligit. Vnde verbum poteſt conſiderari, & vt terminus productus per dictionem, & vt obiectum per ſe ipſum declaratum formaliter, principiatue verò a patre. Similiter Spiritus ſanctus poteſt conſiderari, & vt terminus productus per ſpirationem, & vt obiectum per ipſummet Spiritum ſanctum formaliter dilectum, principiatue verò a patre producere Spiritum ſanctum ſeipſum diligente.

6. Concl. Sexta conſuſio. Senſus huius propositiōis, Pater & filius diligunt ſe Spiritu ſancto, eſt iſte, Pater & filius producunt Spiritum ſanctum diligente ſeipſos: ſicut ſenſus huius propositiōis, Pater dicit ſe verbo, eſt, Pater producit verbum, declarans ipſum patrem. Vnde non minus propria eſt hæc propositio. Pater & filius diligunt ſe Spiritu ſancto, in ſenſu, quem nunc aſſignauimus, quam iſta, Pater dicit ſe verbo, in ſenſu etiā paulò ante explicato. Semper igitur aſpiciendum eſt ad veritatem & proprietatem huius propositiōis, Pater dicit ſe verbo, vt veritatem & proprietatem huius, Pater & filius diligunt ſe Spiritu ſancto, intelligamus: nā ſicut illa a nobis ſuperius eſt ex-

plicata, ita etiam iſta eſt explicanda. Nec maior difficultas eſt in explicatione huius, quam illius, niſi, quia illa quæ pertinent ad voluntatē, ſunt minus nota nobis, quam ea, quæ ad intellectum ſpectant.

A D A R G V M E N T A in principio controuerſiæ poſita.

AD primum dico, quod diligere. *Ad primum.* Arēo accipitur ibi merè eſſentialiter, nec merè notionaliter, ſed mixto modo, & ideo cōnotat notionem, ſcilicet, productionem Spiritus ſancti, & ſignificat illam habitudinem, quæ conſequitur Spiritum ſanctum ad obiectum amatum, non quidem formaliter, ſed principiatue. Sicut cum dicimus, Pater declarat ſe verbo, verbum illud, declarat, importat habitudinem patris ad rem declaratam principiatue in ordine ad patrem, & non formaliter, quia declarat in illa propositiōe conuenit verbo formaliter, principiatue verò patri: ita cum dicimus, Pater & filius diligunt ſe Spiritu ſancto, id, diligere, importat relationem ad rem amatā in ordine ad patrem & filium principiatue, in ordine verò ad Spiritum ſanctum formaliter: quia pater & filius principiant Spiritum ſanctum formaliter diligentem omnia.

Sed aduerte, quod diligere in præſata propositiōe ratione habitudinis, quam dicit ad obiectum amatum eſt quid eſſentiale quantum ad terminum illius habitudinis, qui non ſolum eſt Spiritus ſanctus, ſed omne neceſſario amabile. Et cum dicitur, quod actus notionalis nunquā reflectitur ſupra ſuum principium, verum eſt.

ratio.

ratione notionalis connotati: falsum est tñ loquendo de significato essentiali. Diligere ergo reflectitur supra suum principiū non ratione productionis connotatæ, sed ratione habitudinis ad obiectū amatum p ipsum diligere significatæ. Ista possunt manifestari exemplo de dicere. Quia eodem, quo conceditur patrē dicere verbo, dicere nec est mere essentialē, nec mere notionale, sed connotat notionale, vt puta, gignitionē, & in genito importat habitudinē declaratiui in ordine ad oē declarabile: ita in proposito. Simile huius, licet non omnino perfectū, reperitur in mitti, quod in diuinis connotat productionē æternā passiua, principaliter tñ significat effectum ipalem, quē tota Trinitas operatur. Quantum verò ad connotatum non respicit totā Trinitatem in ratione principij sic, q̄ vna persona non possit mitti ab alia, nisi ab ea procedat: quia filius pōt mitti a Spiritu sancto s̄m probabilem sententiam, a quo tamen non procedit.

Ad secundum.

Ad secundum cōcedo antecedēs, & cōsequentia, sed nego cōsequens esse falsum. Ad probationem dico, q̄ pater in illo primo signo originis diligit dilectione & voluntate, vt in ipso est formaliter, sed spirando Spiritum sanctū, qui necessariō est amor eius, diligit se Spiritu sancto principiū, quia principiat amorem diligenter se & filium.

Ad tertium.

Ad tertium D. Th. vbi sup. ad tertium, cōcedit hāc propositionē tanquam verā, Pater & Filius diligunt se & creaturā Spiritu sancto. Sed re vera ex hoc sequitur cōtra D. Th. q̄ pater & filius diligentes se, & creaturā produciunt Spiritum sanctum, ac per consequens, q̄ Spiritus sanctus ex a-

more creaturæ pcedit, quod omnes Thomistæ contra doctrinā D. Thomæ esse fatentur, & contra veritatē.

Scotus vbi supra litera G, negat hanc propositionem esse veram, Pater & filius diligunt se, & creaturas Spiritu sancto, licet, vt vidimus, concedat hanc tñquam propriam & veram, Pater & filius diligunt se Spiritu sancto. Ratio Scoti est, quia in prefata propositione ly, diligere, sumitur pro hoc, quod est principiari amore, amor verò, vt principiatus, solum est illius obiecti, de quo principiatur: at verò Spiritus sanctus, nec primò, nec concomitanter est amor creaturæ, quia cum creatura nō ainetur necessariō, non habet rationem obiecti in pductione Spiritus sancti, qui lumine necessariō produciatur.

Sed obijcies. Si Spiritus sanctus solum est amor illius obiecti, de quo spiratur, ergo non est amor patris & filij, vt obiecti, quia secundum Scotum, dist. 12. primi sententiarum, q. 1. litera H, Spiritus sanctus de sola essentia, vt obiecto, & non de personis produciatur.

Respondet Scotus in eodem primo, distinctione trigesima secunda, in fine, quod licet Spiritus sanctus ex vi suæ productionis sit primò amor essentialis, tamen cōcomitanter potest dici amor trium personarum in ratione obiecti: quia illæ personæ sunt in natura primò amata, ex necessitate illius naturæ, non sic creaturæ. Ac proinde conceditur ista, Pater & filius diligunt se Spiritu sancto, hæc vero negatur, Pater diligit creaturā Spiritu sancto. Quia Pater non producit amorē, qui ex vi productionis suæ sit amor creaturæ, nec primò, nec cōcomitanter, quia cōpleta productione

Spiri-

Spiritus sancti necessaria, adhuc est contingentia, quod iste amor, qui est Spiritus sanctus sit amor creaturę, quia potest Deus nō diligere eam loquendo de amore efficaci, qui res in actu existentie respicit. Negat igitur Scotus Spiritum sanctum esse amorem creaturę, quia nec primò, nec concomitater est de ea, tanquā de obiecto.

Ad quartum.

Ad quartū respondeo, q̄ illa propositio, Pater est sapiētia genita, meritò est retractata a Divo Augustino, quia falsa. Cuius rōnem assignat idē Augustinus 7. de Trin. capite primo, his verbis. Quod si hoc est ibi esse, q̄ sapere nō per illam sapiētiā, quam genuit, sapiens est pater, alioquin nō ipse illam, sed illa eum genuit. Quid enim aliud dicimus, cū dicimus, Hoc illi est esse, qđ sapere, nisi eo est, quo sapiens est; Quapropter quā causa illi est, vt sapiēs sit, ipsa illi causa est, vt sit. Proinde, si sapiētia, quā genuit, causa illi est, vt sapiēs sit, ēt vt sit, ipsa illi causa est: quod fieri non pōt, nisi gignendo eū, aut faciendo. Sed neq; genitricem, neq; conditricem patris vilo modo quisq; dixerit sapiētiā. Quid enim insanius? Hęc August.

Sed, vt hanc Augustini rationem percipias aduerte primò, q̄ sapere & intelligere ī diuinis sunt merē essentialia, dicūtq; actus merē essentialis.

Nota.

Secundo obserua, q̄ actus aliquis essentialis in diuinis, & formalis non potest inesse alicui personę mediāte aliquo principio, vt quo, nisi tale principium respectu illius se habeat vno ex tribus modis. Primò ita, q̄ sit tali personę principium formale essendi, sicut anima sensitua est animali principium formale, constituens ipsum in esse sensitiuo, & sic per eam, vel ea sentit. Sic pater æternus sapit

sapiētia ingenita, quia ipsi sapiētia ingenita est principium formale sapientiendi. Secundo, ita, q̄ sit sibi principium essendi principiatium. Sic pater, qui est sapiētia ingenita, & improducta est principium filio essendi sapientem, quia pater communicat filio sapiētiā. In hac significatione concedit Magister, q̄ filius est sapiens sapiētia ingenita, a qua habet, q̄ sapiat. Tertiò, ita, vt sit principium subauthoritatum respectu talis actus, taliter, q̄ huiusmodi actus sit ab eo, principium tamen illius habeat ab alio. Si conceditur, q̄ pater creat verbo, quia verbum elicit actū creandi, principium tamen elicitiuū habet a patre. His positis, sic formatur ratio. Actus essentialis non pōt esse alicuius suppositi mediante aliquo principio, vt quo, nisi sit principium eius aliquo ex modis prædictis: sed filius non pōt esse principium patris aliquo modo ex dictis, vt patet, quia nec principium formale, cū sit suppositum, nec principium principiatium, quia pater non est a filio, nec aliquid, quod est in patre, nec respectu alicuius actus pōt pater esse principium subauthoritatum in ordine ad filium: ergo nullo modo pōt concedi, q̄ pater sapiat, vel sit sapiens sapiētia genita. Meritò ergo Augustinus illam propositionē recantauit. Et sic concedo antecedens argumēti, sed nego consequentiā: quia diligere nō est actus merē essentialis. Quia licet ratione primi significati, vt diximus, sit essentialis, est tñ notionale rōne cōnotati, ac proinde, licet neget illa propositio, Pater sapit sapiētia genita: nō proinde neganda est ista, Pater diligit se Spiritu sancto, sicut nec negatur ista, Pater dicit se verbo.

Ratio August.

CON-

CONTROVERSI A

DECIMA OCTAVA.

Verum charitas augeatur per additionem gradus ad gradum?

1. argü.



ARS negativa probatur: quia ex Philo sopho 6. Phyl. simplex additum simplici nõ facit maius, ut punctus additus

puncto: sed quælibet charitas est forma simplex: ergo charitas addita charitati non augeat ipsam: ergo charitas non augeatur per additionem gradus ad gradum.

2. argü.

Secundò. Ille gradus de nouo productus, vel est eiusdem speciei, vel diuersæ a gradu præexistenti: non diuersæ, nam duo gradus caloris non differunt specie: si verò sunt eiusdem speciei, ergo differunt numero, ac per consequens duo accidentia solo numero differentia sunt in eodem subiecto: quod implicat, quia numerica accidentium distinctio a subiectis desumitur: ergo si vnum est subiectum, vnicum erit indiuiduum.

3. argü.

Tertiò. Stat formam indiuisibilem magis ac minus recipere: ergo nõ augeatur forma per additionem, nec minuitur per ablationem. Probo antecedens. Visio est indiuisibilis operatio, & intellectio similiter, & stat has intēdi & remitti, dum obiectum magis, vel minus comprehenditur: ergo intēdio, & remissio non fiunt per additionem, vel ablationem.

4. argü.

Quartò. Ex duobus entibus in actu non fit vnum per se, sed ex actu, & potentia secundum Aristotelem

septimo Metaphysicorum, & secundo de Anima: sed charitas præcedens, & subsequens sunt duo actus: ergo si augmentum charitatis fit per additionem, sequitur quòd; charitas aucta nõquam erit vnum per se, quod est absurdum.

Quintò. Secundum authorem sex 5. argü. principiorum forma est simplici, & inuariabili consistens essentia: igitur infra essentiam formæ non reperitur gradus, per quorum additionem augeatur. Patet consequentia: quia iam forma non haberet simplicem essentiam.

IN hac controuersia hunc ordinem seruabo. Primò inquiram, an charitas augeatur. Secundò, an augmento & intensioe charitatis, & cuiuslibet alterius qualitatis intensibilis, gradus formæ præexistens corumpatur nouo gradu eiusdem formæ adueniente. Tertiò, inquiram de quæsito, an, scilicet augeatur per additionem gradus ad gradum. Ultimò ad rationes principales.

ARTICVLVS PRIMVS.

An charitas augeatur?

Quantum ad primum articulum, qui facilis est, nonnulla sunt prænotanda, quæ ad sequentium articulorum intelligentiam haud parum conducent.

Primò

1. Nota.

Primò obseruandum, quòd quantitas est duplex. Quàdam est quantitas molis, quæ ad secundum pertinet prædicamentum, ac proinde est in genere entis determinato. Alia est quantitas virtutis, & perfectionis: & hæc non est alicuius generis determinati, sed omnia circuit genera, potest que reperiri tam in ente infra genus quam in ente extra genus, de qua Augustin. quinto de Trinitate ait. In his, quæ non sunt mole magna illud est maius, quod est melius. Hæc distinctio de quantitate, habetur apud August. 6. de Trin. c. 7. & 8.

2. Nota.

Secundò obserua, quòd sicut est duplex quantitas, ita est duplex motus in quantitate. Vnus, qui est ab imperfecta quantitate molis ad perfectam, qui dicitur augmentum: vel è cōuerso a perfecta quantitate ad imperfectam, qui dicitur diminutio. Alius, qui est ab imperfecta quantitate perfectionis ad perfectam, vel quod idem est, ab imperfecto gradu formæ ad perfectum, & dicitur intensio: vel a perfecto gradu formæ ad imperfectum, & dicitur remissio; licet etiam communi vocabulo, augmentatio, & diminutio dicantur.

3. Nota.

Tertio obserua, q̄ sicut quantitas molis, secundum quā aliquod subiectum mouetur, habet partes, & est diuisibilis, estq; citra terminū suū: ita prædicta quantitas perfectionis in formis accidentarijs, secundum quam subiectū mouetur, habet partes suo modo, & est diuisibilis, estq; citra terminū suæ pfectionis, vel saltem nō necessariò est in termino suæ pfectionis.

4. Nota.

Quartò obserua, q̄ magis, & minus, & maius & minus, & cōueniūt, & differunt. Conueniunt quidem: q̄a ambo sumuntur secundum quātitatem,

vel modum aliquem quantitatum. Conueniunt præterea in hoc, quòd dicūt relationem ad inuicem, nam maius dicitur respectu minoris, vt linea bipedalis dicitur maior per respectum ad lineam pedalem, quæ est minor: & maius dicitur respectu minus, vt nix dicitur magis blba respectu sacchari minus albi. Differunt tamen: quia maius & minus reperiuntur in quantitate, siue molis, siue virtutis secundum se, & absolutè considerata, absque ordine & comparatione ad subiectum. Vnde forma dicitur in se maior vel minor, sicut calor dicitur maior, vel minor. & similiter linea dicitur maior, vel minor: cæterum magis, & minus fundantur in quantitate, secundū quod habet esse in subiecto, vnde subiectum dicitur magis, vel minus tale, ratione quantitatis quam habet.

Secundò differunt, quia maius, & minus, reperiuntur in quantitate virtutis, & molis. Nam sicut dicitur hæc linea maior, vel minor alia, ita, & vnus calor alio est maior, aut minor: cæterum magis, ac minus, solū fundantur in quantitate virtutis: vnum enim album dicitur magis, aut minus album, quàm aliud: vna tamen quantitas non dicitur magis, aut minus quantitas, quàm alia, nec vnum quantum magis aut minus quàm quantum aliud.

Ex his infertur, quòd comparatio secundum maius, aut minus est prior & præsupponitur ab illa, quæ est secundū magis aut minus: prius enim est considerare formam in se, quàm in ordine ad subiectum. Vnde vbi cumque est comparatio secundū magis & minus, ibi reperitur comparatio secundum maius, & minus: quia magis

Cōsecra-
rium.

magis, & minus in subiecto est per maius & minus in forma: vnū enim subiectum est magis album, quam aliud, quia eius albedo est maior & intensior, quam albedo alterius.

Conclusi. His suppositis fit vnica conclusio:

Charitas pōt augeri & esse maior & minor, & subiectū sū ipsam pōt dici magis vel minus tale. Quod possit augeri probatur ex Augustino ad Bonifaciū, vbi dicit, q̄ charitas meretur augeri, vt aucta mereatur & perfici. Rōne sic. Forma diuisibilis h̄m̄s gradus suæ perfectionis, si est extra terminū suæ perfectioni debitū, pōt augeri: sed charitas in viatoribus est h̄m̄o, estq; circa suum terminū: ergo pōt augeri. Consequentia tenet: maior est nota: quia illa est cā p̄cisa, pp̄ q̄ forma augeri pōt: minor verò p̄batur, quia ex opposito charitas nō esset perfectior ī vno, q̄ in alio. Ex quo rursus infertur, charitatem Virginis non esse, vel saltem in via non fuisse perfectiorē, & meliorē charitate alicuius viatoris, quod est hæreticum.

Secūdo. Propterea dicimur Christiani viatores, quia affectibus mētis Deo appropinquamus: sed hanc appropinquationē facit charitas, quia per ipsam mens Deo vnitur: ergo de ratione charitatis viā est, vt possit augeri: nam si non posset augeri, cessaret viā processus.

Tertiō. Quantitas prēmij attenditur secundum mensuram charitatis, & perfectionem actus meritorij, sed certum est, quod alicui charitati debetur maius prēmium, & alicui minus: ergo vna est maior alia: ergo potest augeri & intēdi. Ex his infertur, quod charitas pōt esse maior & minor, & quod subiectum per eam potest dici magis vel minus tale. nā per

maiores charitatem est magis charum, & per minorem minus charū. Et sic patet nostra conclusio, & est cōmunis sententia omnium Theologorum, & oppositum est erroneum.

Sed contra. Illud quod augetur, mutatur, vel mouetur: sed charitas non potest mutari vel moueri, quia non est subiectum motus: ergo.

Secundō. Augmentum est motus ad quantitatem: sed charitas non est quantitas: ergo non augetur. Si dicas charitatem esse quantam quantitate virtutis, licet nō molis, contra. Quantitas virtutis, quæ est in charitate, attenditur secūdm obiecta: secundum quæ charitas non crescit: quia minima charitas diligit omnia, quæ sunt ex charitate diligenda: ergo charitas non augetur.

Ad primum distinguo antecedēs. Aliquid enim potest augeri bisariā. Primō per modum subiecti: & sic vera est maior: sed charitas hoc modo augeri haudquaquam potest. Secundo potest aliquid augeri per modū termini, cuius augmentum propriē dicitur intensio: sed sic maior est falsa: & hoc modo augetur charitas, sicut & quælibet alia forma intēsbilis.

Ad secundum dico, quod charitas est ens quantum quantitate virtutis. Et ad obiectionem dico quod quantitas extēsiua charitatis attenditur penes obiecta, ad quæ se extendit: & sic charitas nec crescit, nec diminuitur: quia quantumuis minima sit, se extendit ad omnia diligenda: quantitas verò intensiōis aliunde prouenit, secundum quam crescere potest charitas. Hæc de primo articulo. Videantur Doctores in 1. d. 17. & D. Thom. 2. 2. q. 24. art. 4.

ARTICVLVS II.

An in augmento charitatis, & cuiuslibet qualitatatis intensibilis gradus forma præexistens corrumpatur nono gradu eiusdem forme adueniente?

Circa secundum articulum fuit opinio Gotfredi, vt refert B. Th. in 1. dist. 17. q. 8. asserentis, in augmento charitatis, & cuiuslibet alterius forme, formam præexistentem corrumpi, & aliud indiuiduum perfectius generari. Exempli causa. Si calor, vt quatuor, in subiecto existens augetur, & intenditur, totus ille calor, vt quatuor corrumpitur, & producit de nouo alius calor, vt quinque, vel vt sex: nihil igitur forme præexistentis manet idē numero, in forma aucta & intensa secundum istam opinionem, sed totum corrumpitur. Hanc sententiam sequitur Burleus, vt aliqui referunt. Potest autē hæc opinio his rationibus confirmari. Prima ratio. Primi termini motus sunt incōpossibiles, nec possunt esse simul, ac proinde semper aliquis terminorū abijcitur, vt puta, terminus a quo: sed forma maior & minor sunt termini motus intentionis, nam a forma minori per se proceditur ad maiorem, sicut a termino in terminum: ergo cū forma augetur, illa, quæ præfuit, abijcitur. Consequentia est nota: minor verò satis videtur manifesta: maior autē est Aristot. 5. Physic. text. comm. 26.

2. ARGU. Secunda ratio. Motus ex 4. Physic. facit distare terminū a termino: sed motus intentionis non potest facere distare terminum a termino, nisi corrumpendo ipsum, vt patet: ergo.

3. ARGU. Tertia ratio. Sicut est in motu ad

vbi, ita proportionaliter est in alijs: sed in illo motu mobile in qualibet parte motus est in alio & in alio vbi, & mutat totum locū: ergo similiter subiectum in alijs motibus est sub alia & alia forma, & nō potest simul esse sub priori forma imperfecta, & sub posteriori perfectiori, sicut nec quod mouetur localiter, non potest esse sub vbi priori & posteriori: ergo in motu intentionis non potest esse mobile sub priori forma & posteriori: ergo altera abijcitur.

4. ARGU. Quarta ratio. Duo motus numero non possunt terminari ad eundē terminum numero, intrinsecum mobili, vt subest motui: sed acquisitio prima forme, & intensio eius sunt duo motus numero: ergo termini illorū non sunt idem numero: sed isti termini sunt forma minor & maior: ergo forma maior, & minor non sunt idem numero: ergo altera nō manet, aut duo accidentia solo numero differentia sunt in eodem subiecto.

In hac controuersia est communis sententia tenens, in intentione forme nō corrumpi gradum forme præexistentem, sed ipsum augeri. Ita tenet Scotus in primo, distinctione decima septima, qua stio. 3. Capreolus, q. 2. conclus. 3. vbi ait, quod in intentione qualitas, quæ prius inerat, intenditur: Gabriel, qua st. 4. & communiter omnes Doctores eadē dist. 1. idem sustinent Diuus Thom. 2. 2. q. 24. artic. 5. & 1. 2. qua st. 51. art. 1. ad 2. & Caietanus ibidem.

Nota. Pro intelligentia huius sententiae obseruandum ex Scoto vbi supra, & in 4. distinct. 10. qua stione 2. littera O, quod termini motus sunt in duplici differentia. Alij sunt primi, & formales: alij verò sunt concomitantes.

*Termini
motus sunt
in duplici
differentia*

tes. Termini primi sunt, priuatio & forma: termini verò concomitantes sunt, qui terminis primis coniunguntur illi sunt impossibiles, non tamen isti. Exempli causa. In generatione viuientis substantiali, termini primi sunt inanimatio & animatio, terminus verò, a quo concomitans ipsam inanimationem est corpus organicum: licet autem inanimatio, & animatio sint simul impossibiles, nō tamen corpus organicum & animatio. Similiter in corruptione viuētis, supposita corporeitatis forma, termini primi sunt forma, & priuatio eiusdem formæ, seu animatio & inanimatio: illa est terminus a quo, ista ad quem (quia sicut generatio est a non esse ad esse, ita corruptio ab esse ad non esse) corpus autē organicum est terminus a quo concomitans animationem: vnde animatio, & inanimatio seu forma & priuatio eiusdē formæ sunt simul impossibiles, sed non corpus organicum, & inanimatio.

Eodem modo in augmentatione terminus a quo per se, & primus est priuatio quantitatis perfectæ, vel quantitatis, quæ de nouo acquiritur: terminus verò per se ad quē est quantitas de nouo acquisita: ceterum terminus positius concomitans ipsam priuationē, quæ est terminus a quo, est quantitas præexistēs augmentationi, quæ est compossibilis cū quantitate de nouo acquisita, licet quantitas noua, & priuatio eiusdem sint impossibiles. Ita pariter in motu intensiōis formarum, de quo agimus, priuatio gradus formæ, qui acquiritur, & gradus ipse qui acquiritur, seu ipsa forma, sunt termini primi & impossibiles: sed non ipsa

forma præexistens, & illa pars eiusdem quæ acquiritur, imò existunt simul: non enim sunt termini primi, sed concomitantes terminos primos intensiōis. Similiter in motu locali (vt omnes motus percurramus) terminus per se a quo est priuatio vbi acquirendi, terminus ad quem est ipsum vbi acquirendum, qui duo termini sunt omnino impossibiles: sed terminus cōcomitans ipsam priuationem vbi acquirendi est vbi, in quo est mobile. Vnde quomodo mobile mouetur localiter, priuatio vbi, acquirendi, necessariō abijcitur vbi acquisito, ceterum vbi, quod ipsam priuationem concomitatur, manere potest: sicut maneret, si idem corpus virtute diuina moueretur motu acquisitiuo loci, quin priorem locū perderet, sicut accidit corpori Christi, qui simul manens in cælo acquirit existentiam sub sacramento, & pariter si idem angelus intra locum ad a quatum moueatur, non deferendo priorem locum.

Prima conclusio. In intensiōe *1. Concl.*
non corrūpitur qualitas remissa præexistēs. Probatur primò. Quia, quod *1. Ratio.*
corrūpitur, si est accidens, aut corrūpitur a contrario, sicut calor a frigidityte: aut defectu conseruantis, vt lumen in aere extincta lucerna: aut ad corruptionem subiecti: nam destructo subiecto corrumpuntur eius accidentia. Sed illa qualitas remissa non corrūpitur a contrario in ipsa intensiōe, quia intensa qualitas quæ inducitur & remissa, cum sint eiusdē speciei, non sunt contrariæ: nec corrūpitur ex defectu conseruantis, quia manet ipsum agens intendens: nec ad corruptionem subiecti, cum idem subiectum semper maneat in tota

totā intensione: ergo non corrumpitur, nam si corrumpetur, aliquo dīctorum modorum corrumpetur.

2. Ratio.

Secundo. Eadem ratio videtur esse in augmēto quātītatis molis, quæ in augmento & intensione qualitatis, quæ habet quantitatem virtutis: sed in augmento quātītatis molis nō corrumpitur quantitas præexistens: ergo nec in intensione qualitas corrumpitur qualitas præexistens, & remissa. Consequentia tenet, cum maiori vera: probatur minor: quia ex opposito sequitur, quod quotiescunque puer crescit, amittit totam quantitatem, quæ præcessit augmentum eius, & similiter quando aqua additur aquæ; & sit maior, corrumpetur quantitas præexistens: quæ sunt contra apparentiam, & rationem.

3. Ratio.

Tertiō. Eo modo, quo Philosophus concedit motum in accidentibus, & similiter magis, & minus ad motum requisita, negat hæc omnia in substantijs: sed si in accidentibus non esset augmentum, nisi per corruptionem præexistentis, & generationem noui, non magis saluaretur motus, & magis ac minus in accidentibus, quam in substantijs: ergo nō sit augmentum in accidentibus per corruptionem præexistentis, & generationem noui: aut male negat Aristoteles motum in substantijs, ac magis & minus. Probatur minor: quia pariter in substantijs vna forma imperfecta abiecta, & expulsa, generatur alia perfectior: si ergo vult Aristoteles motum, ac magis & minus esse in accidentibus, & non in substantijs, hoc ideo est, quia idem accidens potest intendi & remitti, non vero eadem substantia.

4. Ratio.

Præterea Aristoteles primo de ge-

neratione ait, quod oportet auctum manere: sed manere nō dicitur illud, quod de nouo acquiritur: ergo manet idem quantum auctum. Nec valet aliquid quorundam expositio dicentium, dictum Aristotelis debere intelligi de substantia, vel subiecto: quia vt ex contextu literę deduci potest, loquitur de aucto formaliter, vt auctū est, ac per consequens, vt quantum est, & ita intelligi, quod quantitas manet: ergo similiter in intensione qualitatis manet quantitas remissa præexistens, aucta tamen & intēsa.

Item Auicēna in suo Physico primo & secundo tractatu dicit, quod albedo aucta est stabilis: ergo manet. Et octauo Metaphysicorū, capitulo secundo dicit, quod Aristoteles docuit aliquid fieri ex alio duobus modis. Primō, quasi extrahendo vnum ex alio, vt album ex nigro, & isto modo illud, ex quo fit, non manet: alio modo sicut perfectum ex imperfecto, vt ex puero fit vir, & isto modo id, ex quo res fit, manet idem secundū substantiam: ergo.

2. Concl.

Secunda conclusio. In remissione qualitatis nulla qualitas eiusdē speciei cum ea, quæ remittitur, generatur. Exempli causa, Si remittitur frigiditas per actionē ignis, nihil frigiditatis tunc gignitur, sed potius illa frigiditas præexistens paulatim destruitur, & expellitur a suo subiecto. Probatur. Quando calidum agit in frigidum remittit illud, tunc secundum opinionem Gotsfredi inducitur nouum indiuiduū frigiditatis: quæro a quo agente: Non a contrario: quia per se & naturaliter contrarium nō generatur a contrario, sed corrumpitur. Non a frigido præexistente: quia illud non est tunc secundū istam opinionem,

nionem, quia corrumpitur. Nec a frigiditate remisso generato: quia tunc idem generaret seipsum: ergo non datur causa, a qua gignatur. Dices forsitan, quod gignetur ab vniuersali generante, scilicet, celo. Sed hæc responsio videtur fuga & irrationabilis in proposito, quia nulla cogit ratio, ob quam ad celum confugiamus. Item sequeretur ex opposito, quod dum aqua redit ad frigiditatem, & paulatim remittitur calor, quod aqua destruit calorem intensum & producit calorem remissum, quod est falsum: quia intelligi non potest, quod aqua habeat virtutem productiuam caloris.

3. Concl. II.

Tertia conclusio. In intentione charitatis, non corrumpitur præexistens charitas. Hæc conclusio ex præcedenti patet. Nam charitas augetur ad modum naturalium qualitatum: ergo, si naturales qualitates sic augentur, quod qualitas præcedens intentionem non corrumpitur in ipsa intentione: similiter charitas præcedens augmentum non corrumpitur in ipso augmento. Patet conclusio proprijs rationibus. Primo: quia aliter charitas corrumpitur per actum eius perfectissimum, per quem augetur habitus: quo nihil absurdius dici potest: quia tunc actus per proprium actum destrueretur, quod rationi veræque philosophiæ contrariatur.

Secundò, & suppono quod licet non necesse sit Deum augere charitatem in illo instanti, in quo elicitur actus meritorius, quo meretur charitas augeri: tamen potest tunc Deus augere charitatem ita quod augmentum, quod quis meretur simul tempore detur quando actus elicitur: non enim meritum necessario debet præcedere tempore præmium, quidquid

alii dicant, ut alibi Deo ducere docebimus. Hoc supposito sic argumentor. Iste actus, qui meretur augmentum charitatis est meritorius: igitur supponit charitatem in illo instanti, in quo elicitur. Quæro quam? Non istam nouam partem, quæ acquiritur, quia ista sequitur actum, sicut præmium meritum: ergo præsupponit istam, quæ præexistebat: ac per consequens non corrumpitur illa in illo instanti: quia si corrumpitur, tunc in illo instanti non posset actus meritorius elicui, in quo quis meretur augmentum: quia non est charitas, a qua egredietur, ut meritorius esse possit.

Sed dicit aliquis forsitan proteruiendo, quod Deus nunquam auget habitum in instanti, in quo habetur actus meritorius respectu augmenti, sed semper posterius duratione: eo quod non auget habitum propter actum, in quantum elicitur a tali habitu, sed in quantum est in acceptance diuina, in quo etiam manet post instans, in quo elicitur.

Sed hæc responsio est omnino improbabilis, quia non euadit difficultatem in alijs, quia in virtutibus moralibus, & intellectualibus virtus augetur per actum elicatum, & non quando ille actus non est: quia quod non est nihil causat: ergo quando actus ille inest, tunc est ratio augendi habitum: ergo si tunc generatur nouum individuum, & corrumpitur individuum, quod præfuit, sequitur quod actus augmentatiuus habitus non elicitur ab habitu, sed a sola potentia: quod est inconueniens, quia tunc actus augmentatiuus habitus esset imperfectior, quam alius non augmentatiuus habitus.

A D A R G V M E N T A
in principio articuli posita.

Ad 1.

AD primum cōcedo maiorem, & nego minorem: nam termini primi, & per se ac formales sunt priuatio gradus intensi, seu gradus acquirendi, ratione cuius intenditur forma & ipsemet gradus, quæ duo sunt omnino impossibilia: cæterum forma minor est terminus concomitans terminum a quo primum, & formalem, scilicet, priuationem, ac proinde non est impossibilis cum forma maiori intensa.

Ad 2.

Ad secundum dico, quod motus facit distare terminū a termino, pro quanto termini eius primi ac formales sunt inter se in eodē subiecto incōpossibiles: quamobrem alter semper abijcitur in motu intensionis, nō quidem forma remissa, sed priuatio gradus intensi.

Ad 3.

Ad tertium dici potest, quod id, quod accidit in vno motu, non oportet accidere in alijs motibus, licet ille sit mensura aliorum: quia nō opus est mēsuram, & mēsuratum in omnibus conuenire.

Secundo dico, quod duo vbi possunt esse simul: ac proinde neganda est minor, saltem de possibili, non enim necesse est mobile mutare locum, quia manens in eodem loco potest mutari seu moueri ad alium vir- tute diuina.

Tertiō dico aliam esse rationem in motu locali, atque in alijs motibus, quia in alijs motibus terminus ad quem qui est ipsum vbi, non intenditur: nam mobile, quod localiter mouetur, non maiorem locum occupat in fine motus, quam in medio, ac proinde non mirum, si alium

& alium locū habeat intermedium antequam ad vltimū vbi perueniat.

Ad 4.

Ad quartum dico, quod duo motus sibi inuicem succedentes nō possunt terminari ad eādem realitatem numero, quia tunc idem bis produceretur: sed bene possunt terminari ad duas realitates, seu duos gradus eiusdem formæ, qui nati sunt facere vnū unitate homogeneitatis: sicut ex albedine præexistēte in subiecto, & alia superaddita efficitur vnā albedo, vel, sicut ex duabus aquis efficitur vna aqua. Dico ergo, quod ad vnā formam perfectam, habentem diuersos gradus, & realitates, possunt esse duo motus, alter acquisitiuus primi gradus, & formæ remissæ, alter vero intensiuius eiusdem formæ.

A R T I C V L V S III.

An charitas augeatur per additionem gradus ad gradum?

QUANTUM ad tertium articulum sunt duæ celebres opiniones. ^{1. Opinio} Altera est Beati Thomæ, & Caietani locis articulo præcedenti citatis, quem omnes eius discipuli sequuntur, inter quos sunt quidam noui interpretes secundæ secundæ eiusdem sancti Thomæ. Afferit ergo sanctus Thomas augmentum charitatis, & cuiuslibet qualitatis fieri per maiorem radicationem in subiecto.

Altera opinio est Doctoris subtilis in primo, distinctione decimaseptima, quæstione tertia asserentis, augmentum charitatis, & cuiuslibet qualitatis intensibilis fieri per additionem gradus ad gradum. ^{2. Opinio}

EXPLANATIO

opinionis D. Thomæ.

Nota.

PRO intelligentia opinionis Beati Thomæ obserua, quod cum species rerum consistant in indivisibili, secundum Aristotelem octavo Metaphysicorum, text. 10. sintque sicut numeri, quibus additio vel subtractio fiat, dissolvitur species, qualitates, quæ intenduntur & remittuntur nullam habent gradualem magnitudinem secundum suas rationes, & entitates reales, sed sunt formæ secundum suas entitates simplices, & indivisibiles: quia huiusmodi gradualis magnitudo intra eandem speciem videtur impossibilis, nam gradus additus gradui variat speciem, sicut unitas addita numero variat numeri speciem. Hoc posito sententia Beati Thomæ sequentibus explicatur conclusionibus.

1. Concl.

Prima conclusio. Non est de ratione intensiois alicuius qualitatis, quod fiat per remissionem contrarij, sed hoc accidit qualitati secundum quod est in subiecto participante contrarium, sed de necessitate intensiois est, quod qualitas educatur de imperfecto ad perfectum. Hanc conclusionem ponit Beatus Thomas in primo, distin. 17. quæstio. 2. articulo. 2. ad 3. quam sic probat. Quia in diaphano, in quo nihil est contrariū luci, intenditur lumen secundum crementum virtutis illuminantis: ergo de necessitate intensiois qualitatis non est, quod fiat per remotionem contrarij, & per consequens accidit ei, quod sic aliquando fiat. Quod vero de necessitate intensiois sit, quod educatur qualitas de imperfecto ad perfectum patet, quia aliter non est in

telligibilis intensio qualitatis.

Secunda conclusio. Intensio qualitatis non fit per additionem gradus ad gradū, sic quod qualitas addatur qualitati. Hanc conclusionem ponit idem Beatus Thomas ubi supra, cum ostendit charitatem non augeri per additionem charitatis ad charitatē: nam quoad hoc idem est iudiciū de omni qualitate. Hanc conclusionem probat ibidem Beatus Thomas, argumento secundo posito in principio huius controverſiæ. Eandem conclusionem tenet secunda secunda, quæstione 24. artic. 5.

3. Concl.

Tertia conclusio. Ponere qualitatem augeri per hoc, quod magis firmatur & radicatur in subiecto, & quod non augetur essentialiter, est aperta contradictio. Conclusionem hanc ponit Beatus Thomas secunda secunda, quæstione vigesima quarta, artic. 4. ad 3. ubi sic ait. Quidam docuerunt charitatē non augeri secundum suam essentiam, sed solum secundum radiationem in subiecto. Sed hi propriam vocem ignoraverunt: cum enim sit accidens, eius esse est inesse, unde nihil aliud est ipsam secundum essentiam augeri, quam eam magis inesse subiecto, quo est eam magis in subiecto radican.

4. Concl.

Quarta conclusio. Qualitas augeatur per hoc, quod educatur de imperfecto ad perfectū. Unde D. Thomas in primo ubi supra sic ait: Quando charitas augetur nihil ibi additur: sicut dicit Philosophus 4. Physicorum, quod aliquid efficitur magis album; vel magis calidum, non per additionem alicuius albedinis, vel caloris, sed quia illa qualitas, quæ prius inerat, intenditur secundum propinquitatē ad terminū. Sed hæc conclu-

sio secundum modēnos Thomistas sic venit intelligēda, quod agēs, verbi gratia, ignis, producit primō calorem in aqua educendo illum de potentia ad actum; cāterum cum postea illum intendit, nō producit de nouo alium calorem, sed illumet, quē prius produxerat, magis imprimit subiecto atq. efficit vt intumescat in hāreant. Sed si queras, in quo cōsistat huiusmodi maior in hārentia, respondent cōsistere in hoc, quod calor, verbi gratia, magis ac magis actuat & afficit subiectum, magisque ab ipso participatur. Qualitatem ergo augeri p hoc, quod deducitur de potentia ad actum, non est aliquam qualitatem de nouo produci: sed illā prius productā magis ac magis subiecto participari, magisque in ipso radicari.

5. *Concl.*

Quinta conclusio. Omnes praefatae conclusiones sunt etiam intelligendae de augmento charitatis, quia charitas, secundum sanctum Thomam, eo modo augetur intensiue, quo & ceterae qualitates. Hae de opinione beati Thomae.

EXPLANATIO opinionis Doct. subtilis.

1. *Nota.*

Ad intelligentiā opinionis Doctoris subtilis, quae multo communior ac verior est, primum obseruare oportet, quod in calore, & in qualibet alia qualitate intensibili duas magnitudines cōsiderare possumus: alteram, secundum quam plures subiecti partes informat, & haec dicitur magnitudo, & quantitas extensionis, quae est qualitati externa, a subiecto proueniens: alteram vero, secundum quam ipsa qualitas maior, aut minor est in seipsa, dici-

mus enim plus albedinis inesse lacti, quam saccharo, vel maiorem esse albedinem lactis, quam sacchari: & talis magnitudo dicitur magnitudo intensiōis.

Secundo obserua, quod latitudo, ^{2. Nota.} formae est magnitudo, & quantitas extensionis formae simul cum quantitate intensiōis: vt si sit aliqua forma in aliquo subiecto intensae & extensae, tota illa ipsius extensioni cū intensiōe, eiusdem latitudo dicitur.

Tertio obserua, quod gradus formae est duplex, vt colligitur ex Doctore subtili in primo, dist. 17. qd. 6. ibi ad argumenta in oppositum, solutione ad primum, littera X. Alius est quidditarius, a quo sumitur differentia specifica rei, secundum istum gradum cōsistunt essentiae rerum in diuisibili, sicut numeri, vt ait Aristot. octauo Metaphysicorum, text. 10. Nam si gradus quidditarius addatur, vel subtrahatur mutatur species, sic quod alia species constituitur a praexistenti, vel de non species fit species. Exemplum vtriusque. Si rationale additur definitioni equi necessario constituit speciem aliam ab equo, scilicet, speciem hominis: si vero addatur animali de non specie facit speciem determinando naturā animalis ad esse hominis.

Alius est gradus formae individualis, qui est quaedam realitas formae nata vni & coniungi cum alia realitate eiusdem formae: quae si sola sit in subiecto, est quoddam indiuiduum, in quo tota ratio & essentia ipsius formae saluatur, quae est pars eius homogenea. Exēpli causa. Sint duae albedines in gradibus remissis existētes, vel per se, vel in subiectis suis. Istae duae albedines sunt duo indiuidua albedinis.

diuis, de quibus prædicatione speciei de indiuiduo dicitur, & prædicatur ipsa albedo in cõmuni sumpta, quia est natura specifica cõtineas tanquã partes subiectiuas hanc & illam albedinem: si tamen per possibile, vel impossibile illæ duæ albedines in eodem subiecto ponerentur, efficerent vnã albedinem intensiorẽ: sicut hæc aqua & illa aqua si iungantur, efficiunt vnã aquam maiorem. In calore ergo intẽto, verbi gratia, vt quatuor, consideramus quatuor gradus caloris, quorum quilibet est calor, sicut quælibet pars aquæ est aqua, etsi per se esset constitueret vnicum caloris indiuiduum: qui non sunt gradus ad quidditatem caloris pertinẽtes, quia tunc ratio & essentia caloris nõ posset sine ipsis esse, & intelligi. Quod tamẽ est falsum: quia ita bene saluatur natura caloris in calore, vt vnũ, sicut in calore, vt quatuor, & in minimo, sicut in maximo: sicut natura aquæ ita bene saluatur in vna gutta, sicut in toto mari, quia illa gutta ita est aqua sicut tota aqua maris. Sunt autem isti gradus, gradus perfectionales formæ, quia quanto plures gradus tales habet, tantò est perfectior, non quidem secundum essentiam, sed secundum existentiam.

Nota 4. Quartò obserua, quòd forma habens huiusmodi gradus potest bifariam considerari, primò secundum suam rationem specificam quidditativam: & sic sumpta non recipit magis aut minus, nec maius aut minus: non enim vnus calor est magis calor, quã alius, nec maior alio, si præcisẽ secundum rationem quidditativam caloris consideretur.

Secundo potest considerari secundum qd in suis indiuiduis existit: & in

hac consideratione recipit maius atque minus, calor enim vt quatuor maior est, quam calor vt tria, licet nõ sit magis calor. Ex hoc inferitur, quod in calore intenso est aliqua realitas, quæ non est in remisso, ratione cuius dicitur maior: nam aliter intelligi haud potest, quoniam pacto vnus calor sit maior quam alius, sicut non potest intelligi, quod vna quãtitas sit maior alia, nisi aliqua realitas, vel quantitas sit in vna, quæ non sit in alia, quod infra latius patebit.

Quintò obseruare oportet quam vnitatem efficiat huiusmodi gradus perfectionales. In primis non constituunt vnum per identitatẽ, sicut genus & differentia cõstituunt speciem, a qua re ipsa non distinguuntur, nec inter se. Ratio huius est, quia vnus gradus qualitatis potest esse sine alio: nã calor vt duo potest consistere sine vltioribus gradibus. Similiter vnus gradus formæ gigni potest sine alio, vt calor vt duo sine alijs gradibus caloris, & pariter corrumpi. Quæ autem sic se habent, quòd vnũ illorum potest esse, gigni, aut corrumpi sine alio, non sunt vnum per identitatem realem, imò distinguuntur necessario secundum rem. Nec fit vnum ex huiusmodi gradibus, sicut ex materia, & forma, vel sicut ex actu & potentia, quia cum huiusmodi gradus sint eiuldẽ rationis & speciei, nullus potest esse alterius materia, vel forma. Nec constituunt vnum aggregatione, sicut lapides in aceruo, quia tunc non efficerent vnum per se, sed vnũ per accidens. Quod falsum esse constat, quia albedo verbi gratia, vt sex, est vnum indiuiduum per se, cum prædicationem sui generis, & speciei per se recipiat, quod enti per accidẽs.

haudquaquam competere potest. Faciunt ergo huiusmodi gradus vnū unitate homogeneitatis, sicut plures partes aquæ cōstituunt vnā aquā, & plures partes quātitatis vnā quātitatem, & plures partes carnis vnā carnem, & vniuersaliter, sicut partes homogeneæ totū homogeneous. In quo partes sic se habent quod vna alterā non informat, licet omnes concurrant ad totius constitutionem, sicut in toto heterogeneous: vt, verbi gratia, in homine, pes & tibia, manus & brachium ad totius hominis constitutionem concurrunt, licet nulla illarum partium alteram informet.

Sed obijcies. Quilibet gradus formæ est singularis propria singularitate: ergo multi gradus tales nō possunt constituere vnum indiuiduum. Probatur antecedens, quia quilibet producit sine alio: ergo non sunt vnum indiuiduum. Probo consequentiam: quia plura indiuidua non possunt facere vnum indiuiduum, sicut plures homines vnum numero hominem efficere nequeunt.

Respondeo negando consequentiam: plura enim numero distincta possunt concurrere ad vnus indiuidui constitutionem, vt patet in constitutione cōpositi naturalis, vbi materia & forma, quæ proprijs singularitatibus cōstituuntur, & distinguuntur (vt in controuersijs super secundum sententiarum docebimus) vnum tamen constituunt indiuiduum.

Sed obijcies. Duo indiuidua possunt vnicum indiuiduū constituere: ergo duo ligna, vel duo homines numero distincti poterūt vnū lignum, vel vnum hominē constituere, quod tamen omnino falsum esse ex se patet. Respondeo, q̄ antecedens nō est

intelligendum in vniuersali de omnibus indiuiduis, sed de his, quæ vltimam actualitatem non habent, cuiusmodi sunt partes cōpositi naturalis, atq; omnium homogeneous, quæ natæ sunt totius entitatem participare: cuiusmodi non sunt indiuidua perfecta, quæ nullius possunt esse partes. Ad argumentum ergo, vel negandum est antecedens, si vniuersaliter intelligatur, vel si conceditur, est neganda cōsequentia, quia ex particularibus colligit conclusionem.

Vltimò obserua ex Scoto in quarto, distinctione duodecima, quaestione prima, littera A, quod hoc vocabulum, accidens, potest accipi vel pro se significato eius, vel pro eo, qd̄ denominatur ab isto per se significato. Significatum per se huius nominis, accidēs, est inherens, siue in actu, siue a proutudine, id verò, quod denominatur ab eo, est albedo, dulcedo, color & similia. Si accidens sumatur pro per se significato, impossibile est illud intelligi siue subiecto: ac proinde inherencia est de ratione intrinseca eius, sicut de ratione intrinseca albi est albedo. At verò si accidens sumatur pro eo, quod denominatur ab accidente, inherencia non est de intrinseca ratione eius: nō enim est de ratione intrinseca albedinis, etiam prout est in subiecto inherencia actualis, quia sine ea potest intelligi secundum suam specialem rationem albedinis, & similiter esse.

His positis sit prima cōclusio. Nulla qualitas augeri potest secundum essentiam. Probatur: quia essentia rerum consistunt in indiuisibili, sicut numeri, ex Arist. 8. Metaphysic. text. 10 ergo nō possunt intendi nec remitti, & per cōsequens nec augeri. Et con-

firma.

Nera.

1. Concl.

firmatur. Quia, si qualitas secundum essentiam, verbi gratia, calor, posset intendi, vel remitti, augeri, vel diminui, vnus calor secundum essentiam esset maior calor alio, vel magis calor, quam alius: sed consequens est omnino falsum, vt de se patet: ergo, &c. Probo sequela, quia ad intensiorem, & remissionem necessario id sequitur, quia intensum necessario est maius remisso, vt calor intensus vt duo, est maior, quam calor vt vnum.

Obiectio.

Sed contra; esse accidentis est inesse: ergo si intensio, & augmentatio qualitatis fit per maiorem radicationem inhaerentiae in subiecto, sequitur necessario (saltem secundum sententiam eorum, qui hoc tanquam verum fatentur) quod augetur secundum essentiam.

Solutio.

Respondéo negando antecedens: non enim de essentia accidentis est inherencia actualis, sumendo saltem accidens pro connotato, vt pro albedine, colore, & similibus. Quod verum esse sic ostēdo: quia accidens (vt albedo, verbi gratia) potest esse & intelligi absque huiusmodi inherencia ad subiectum: ergo talis inherencia non est de essentia eius. Consequentia tenet: antecedens probatur. Et in primis, quod possit esse absque huiusmodi inherencia, satis aperte constat: quia in sacramento Eucharistiae accidentia sine subiecto existunt. Sed dices forsitan, in sacramento altaris solam quantitatem esse sine subiecto, qualitates vero, quae ibi reperiuntur, subiectum in quantitate, sine qua esse nequeunt.

Respondéo, ita se habere, quod qualitates subiunguntur in quantitate: ceterum sicut per Dei potentiam huiusmodi qualitates possunt esse

absque substantia, ita pariter absque quantitate. Et ratio est, quia dependentia qualitatis ad substantiam est essentialior, quam dependentia eiusdem ad quantitatem: quia dependentia ad prius essentialior est, quam ad posterius: ergo si per Dei potentiam potest esse qualitas sine dependentia actuali ad substantiam, multo magis sine dependentia ad quantitatem. Ex quo inferitur, quod etiam possit intelligi qualitas sine dependentia ad substantiam, quia si potest esse sine huiusmodi dependentia, multo melius poterit sine ea intelligi.

Secunda conclusio. Ex maiori radicatione formae in subiecto, etiam si per huiusmodi radicationem intendatur, non sequitur, quod augetur forma secundum essentiam: Probatur. Radicatio & inherencia actualis non est de essentia accidentis sumpti pro connotato, nec aliquid sibi intrinsecum: ergo per maiorem radicationem non inferitur intensio eius in subiecto secundum essentiam. Patet consequentia: quia ex mutatione & variatione eorum, quae rei insunt per accidens, non variatur eius essentia, & per consequens non intenditur. Ex his inferitur non valere istam consequentiam, Albedo magis, ac magis radicitur in subiecto, vel augetur & intenditur per maiorem radicationem & inherenciam: ergo intenditur secundum essentiam: sicut non sequitur, intenditur inherencia albedinis in subiecto: ergo intenditur albedo secundum essentiam. Et ratio est: quia inherencia actualis albedinis in subiecto, nec est de essentia albedinis, nec eam consequitur necessario: imò nec inherencia aptitudinalis est de ratione intrinseca & essentiali accidentis sumpti

2. Concl.

pro connotato : quia cū aptitudo rei ſequatur eſſentiam eius, nullo modo eam ingreditur, quod latiffimè Deo ducere in controuerſis quarti ſuſiarum demōſtrabimus. Ex his ſequitur opoſitum tertiæ cōcluſionis B. Th. ſupra poſitæ, vt puta, nō implicare cōtradictionē, q̄ qualitas augeatur per hoc, qđ magis firmatur, & radicatur in ſubiecto, & quod non augeatur ſecundū eſſentiā. Præterea. Si nō ſtat formā augeri per maiorem radicationē in ſubiecto, niſi augeatur ſecundū eſſentiā, ergo cū ex D. Tho. intenſio formæ fiat per radicationem in ſubiecto, neceſſario omnis forma, quæ intenditur augeatur & intenditur ſecundū eſſentiam : ergo formæ rerum non conſiſtunt in indiuiſibili : & rurſus : ergo non bene negat idem S. Th. intenſionem formæ fieri per additionem gradus ad gradum per hoc qđ eſſentiæ rerum conſiſtunt in indiuiſibili, cum ſemper augeantur ſecundū eſſentiam ex mente eius, cum per ipſum non ſit formam intendi per radicationem maiorem in ſubiecto, quin augeatur ſecundum eſſentiam : nec aliter quam per radicationem augeri poſſint ſecundum eum.

3. Concl.

Tertia concluſio. Realitas poſitiua, quæ præexiſtit in qualitate minori & remiſſa, non eſt tota realitas poſitiua, quæ eſt in qualitate maiori & intenſa : vnde ſi qualitas maior ſepararetur a ſubiecto, haberet in ſe totam realitatem minoris & aliam additam, omni habitudine ad ſubiectū remota : ſicut quantitas molis maior ſeparata a ſubiecto, eſt ſi per impoſſibile non haberet inclinationē ad ſubiectū, haberet in ſe totā realitatē quantitatis minoris poſitiuā, & aliquam aliam. Concluſio eſt Scoti, vbi ſupra.

Et probatur primò. Contraria in ſummo ſunt impoſſibilia in eodē, in gradibus verò remiſſis ſunt cōpoſſibilia : ſed huius impoſſibilitatis cauſa non eſt, niſi, quia aliqua realitas eſt in gradu intenſo, quæ non eſt in remiſſo. ergo realitas poſitiua, quæ præexiſtit in qualitate minori & remiſſa, non eſt tota realitas, quæ eſt in maiori & intenſa. Conſequentia tenet cū maiori : probo minorē : quia ſi tota realitas, quæ eſt in intenſo, eſſet in remiſſo, nō eſſet repugnātia intenſi ad intenſum, ſicut nec remiſſi ad remiſſum. Quod ſic probo. Quia ratio huius repugnantiæ nō videtur aliud proficiſci, quā ex alia & alia realitate in contrario intenſo, q̄ non eſt in remiſſo. Niſi dixeris illam oriri ex habitudine aliqua formarum contrariarū ad ſubiectū. Quod tñ falſum eſt ſe conſtat, quia prior eſt impoſſibilitas formarum in ſe, quā formarū in ſubiecto recipiente, nam quia ſūt impoſſibiles in ſe, ideò non poſſunt recipi in eodē, & non eſt conuerſo : ergo iſtud, quod eſt ratio impoſſibilitatis in formis intenſis oppoſitis, eſt aliquid poſitiuū in eis ſecundū ſe & nō tantū in ordine ad ſubiectū.

Secundò. Subiectū habet eſſe per formam : ergo qualis eſt forma, tale eſt dat ſubiecto : ergo ſi forma eſt in ſe indiuiſibilis, dat eſſe indiuiſibile & indiuiſibiliter : ergo ſi forma eſt talis, q̄ in ipſa ſecundū ſe non eſt aliqua maioritas pfectionis, ſubiectū ſecundū eā nō dē magis tale. Et confirmatur. Quia, vt art. 1. huius cōtrouerſiæ diximus, cōparatio formæ ſm̄ maius & minus prior eſt q̄ ſm̄ magis & minus, vnde prius forma eſt in ſe maior, q̄ ſubiectum per eam dicatur magis tale : ergo ſi forma ſm̄ ſe non eſt maior,

1. Ratio.

2. Ratio.

maiori.

maior, aut minor in perfectione, subiectum per eam non erit magis aut minus tale.

3 Ratio.

Tertio. Et suppono, quod motus intensiois formæ est alius, ac distinctus a motu acquisitionis eiusdem: quia isto finito potest ille incipere, nā genito primo caloris gradu in ligno, potest actio ignis cessare, & deinceps potest idē calor ab eodē intendi. Hoc posito sic arguuntur. Motus intensiois est motus realis nouus distinctus a motu acquisitionis: ergo habet terminum realem nouum: sed hic terminus nouus non est forma remissa, quia hæc fuit terminus motus acquisitionis: ergo est alia ab ea distincta de nouo genita: ergo qualitas augeatur per additionem nouæ qualitatis ad præexistentem: igitur cum implicet idem bis produci, necessum est fateri terminum motus intensiois esse alium a termino motus acquisitionis, ac per consequens per motum intensiois inducitur noua realitas distincta a forma præexistente.

Respon-
sio Thomi-
stæ.

Sed respondent Thomistæ dicentes, motum intensiois ad eandē omnino realitatē, sed alio modo se habere terminari: vnde per motum intensiois non producit (vt aiunt) aliqua noua realitas, sed præexistens intenditur, & magis radicitur.

Cōsuetu-
rio Respon-
sionis.

Sed contra: quia motus intensiois est motus realis nouus: ergo habet terminum realem nouum: ergo non terminatur ad terminum antiquum, quia ille non est nouus. Præterea. Motus intensiois albedinis, vel terminatur ad eundē terminum sub eadem ratione formali, ad quem terminatur motus acquisitionis eiusdem, vel non. Si primum, ergo vterque terminatur ad albedinē sub ratione al-

bedinis: vel ergo ad eundem albedinis gradum, vel ad alium & alium. Si primum, habeo intentum. Si ad eundem sub eadem ratione, ergo idem bis producit, semel per motum acquisitionis, & semel per motum intensiois. Si verò dederis scilicet. scilicet terminatur motus acquisitionis, & motus intensiois albedinis ad eundem terminum sub alia tamen & alia ratione formali, ergo illi duo motus sunt alterius rationis & speciei, quod nullus hucusque concessit. Dices, sicut prius, quod ad eundem terminum terminantur, sed sub alio & alio modo se habentem. Contra. Vel ille alius modus se habendi tenet se ex parte rationis formalis termini formalis, ita quod in ea includatur, vel eam antecedit, vel consequitur. Si primum, ergo ille variat rationem formalem termini, & per consequens ipsius motus. Si scilicet, ergo impertinenter se habet ad terminum intrinsecum intensiois, & per consequens assignata ratio est nulla. Item productio hominis sub albedine terminatur ad aliquid reale de nouo productum: ergo cum motus intensiois sit productiuus formæ, terminabitur ad aliquid reale per ipsum productum: ergo non ad idem, nisi sub alia realitate eiusdem rationis. Consequentia tenet: antecedens probatur: quia motus intensiois est motus seu actio productiua.

Ad hæc. Ista radicitio vel est forma absoluta, vel relatiua. Si primū, cum illa sit maior & minor, vel intenditur per additionē realitatis ad realitatem, vel per maiorem radicationē. Si primū mihi dederis, habeo quod intendo. Si vero scilicet admiseris, ergo radicitio augetur per maiorem radica-

dica-

dicationem: & tunc quæram de illa alia radicatione, & ſic erit proceſſus in infinitum. Si verò eſt forma reſpectiua, ergo non poteſt eſſe in ea magis & minus, niſi per magis & minus in fundamento, quod eſt qualitas, quæ augetur: ergo, &c.

Ultimò. Quia ſi intensio fieret per maiorem radicationem in ſubiecto, non poſſet ſaluari intensior forma: quia aliquando forma minus radicata in ſubiecto, poteſt eſſe in ſe intensior: ſic uti rubor qui ex verecundia naſcitur, intensior eſt rubore, qui in alio eſt qualitas poſſibilis.

1. Obiect. Sed obijcio contra dicta. Primò Quod additur alteri, prius eſt, quam ei addatur, intelligiturque ab eo diſtinctum: ſed qualitas ſequens non pòt intelligi, vt diſtincta a priori: ergo non intenditur qualitas per additionem. Probatur minor: quia diſtinctio accidētis eſt ex ordine ad ſubiectum, ratione cuius non poteſt intelligi vt diſtincta, quia vtriuſque idē eſt ſubiectum.

2. Obiect. Secundò. Eſſe cuiuſcunq; ſecundum Porphyrium eſt vnum & indiuiſibile, non ſuſcipiens magis & minus per intentionem & remiſſionē: ergo infra eſſentiam formæ non poſſunt accipi gradus, ſecundum quos fiat intensio per additionem.

Ad primam obiectionē reſpōdeo, qd ſicut datur generatio ſimpliciter, per quam habetur primum eſſe rei, & aggeneratio, quæ dicitur nutritio. Ita ſuo modo eſt duplex qualitatis productio, vna ſimpliciter, qua habetur prima qualitas, alia verò, qua habetur maior & intensior qualitas. Prima vocatur formæ acquiſitio, ſecunda vero eiſdem formæ intensio. Sicut igitur non prius in aliquo tem-

poris inſtanti eſt caro habitata per nutritionem, quam ſit vnita carni præeſtenti, ſed ſimul tempore & in eodem inſtanti, in quo gignitur, vnitur: ita ſimiliter qualitas, quæ per intentionem habetur, non prius exiſtit in aliquo inſtanti, quam intelligatur vnita. Cum igitur dicis id quod alteri additur, alteri præintelligitur diſtinctum, dico hoc verum eſſe prius natura, vel intelligentia, ſed nō tempore, & ſecundum exiſtentiam.

Ad probationem dico, quòd accidentia non habent ſuam diſtinctionem numericam a ſubiecto (vt in cōtrouerſijs ſecundi, Deo fauente, dicemus) ſed indiuiduantur per proprias ſingularitates, per quas ſine ordine ad ſubiectum intelliguntur, vt diſtincta: ita in propoſito.

Ad ſecundam dico, dictum Porphyrij intelligendū eſſe de eſſe quid datiuo, & ſpecifico cuiuſcunq; rei, ſed non de eſſe indiuiduali, ad qd gradus, quos in formis intensibilibus & remiſſibilibus ponimus, ſpectant.

Sed obijcitur tertio in hūc modū. Si ſententia Scoti de augmento charitatis per additionē gradus ad gradum eſſet vera, ſequeretur qd calidū, vt vnū, poſſet efficere calidū, vt octo: conſequens autē eſt falſum, & contra ſententiam cōmunem philoſophorum aſſerentiū a proportionē minoris virtutis nō fieri actionē: ergo, &c. Probo ſequelā. Calidum vt quatuor poteſt fieri magis calidum per additionem vnus gradus caloris, vt affirmat Scotus: ſed calidum vt vnū poteſt educere de potētia materiæ vnū gradum caloris: ergo poterit efficere calidum vt quinque, & ſic deinceps vſque ad ſummum gradum caloris.

• Respondeo, quod calidum ut unum, in subiecto calido, ut septem non potest aliquid producere, quia effectus quem poterat producere inuenit productum. Secundo: quia calidum ut unum non potest de potentia calidi, ut septem, calorem educere propter suam actiuitatis imperfectionem: quia calor, qui a calido, ut unum educi poterat, iam est educus, & per consequens potentia ad ipsum iam est in actu.

4. *Concl.*

Quarta conclusio. Charitas augetur per additionem gradus ad gradum. Haec conclusio satis colligitur ex preceptis. Nam si charitas augetur ad modum ceterarum qualitatuum, inferatur manifeste, quod augetur per additionem gradus ad gradum, sicut & aliae qualitates, sicut supra manet probatum.

Sed peculiari quadam ratione probatur nostra conclusio. Quia, si charitas maior non haberet plus realitatis, quam charitas minor, tunc charitas cuiuslibet beati esset aequalis in natura charitatis charitati Christi: & cum secundum Augustinum de Trinitate c. 7. in rebus incorporeis idem sit maius esse, quod melius esse, charitas cuiuslibet beati esset eque bona & meritoria cum charitate Christi Domini: & si premium essentiale correspondet quantitati charitatis, quilibet beatus erit aequae essentialiter beatus cum Christo, quod est plusquam falsum.

AD ARGUMENTA in principio controuersae posita.

Ad primum.

AD primum dico, maiorem esse intelligendam de simplici simplicitate opposita quantitati molis, quod additum alteri non facit maius secundum molem: ut punctum additum pun-

cto, & albedo addita subiecto non facit subiectum maius secundum molem: & in hac significatione forma est quid simplex: sed haec simplicitas non impedit formae intensionem, quae ad quantitatem virtutis & perfectionis spectat. Ex his collige duplicem esse simplicitatem: aliam oppositam quantitati molis, & hac simplicitate sunt simplicia entia spiritalia, & omnes qualitates, etsi de per accidens sint quantae: aliam vero oppositam quantitati virtutis, sicut punctus, qui nullam habet perfectionem: nec relatio unde relatio est. Quod est simplex prima simplicitate non facit maius secundum molem, & quod est simplex secunda simplicitate non facit perfectius. Sic soluit subtilis Doctor ubi supra hoc primum argumentum, cui non parum videtur inniti B. Thom. 2. 2. ubi supra.

Ad secundum dico, quod ille gradus de nouo productus est eiusdem speciei cum praexistenti. Et cum infero, ergo differunt numero, libere illud concedo: quia habet suam propriam differentiam indiuidualem, quae ab ipso separari nequit: est enim idem realiter sibi, quod distinguitur numericum ab omni alio indiuiduo.

Sed dices. Accidentia indiuiduantur per subiectum: ergo cum sit idem subiectum utriusque gradus, erunt idem numero. Respondeo negando antecedens. Primum, quia categoriae sunt omnino impermixtae, ac proinde in vnaquaque illarum reperitur suum premium & infinitum, quod est indiuiduum, sine alterius adminiculo: ergo in genere substantiae est indiuiduum sub ratione indiuidui absque accidenti, vel ordine ad accidens aliquod: & similiter in genere qualita-

tis

tis erit cōſiderare indiuiduum abſq; ſubſtantia, & ordine ad ipſam. De quo latiffimus erit ſermo in controuerſijs ſecundi. Præterea. Albedo & dulcedo in hoc lacte ſunt duo indiuidua numero & ſpecie diſtincta, cum tamen ſint in eodem ſubiecto; ergo numerica diſtinctio accidentiū non deſumitur ex ſubiectis. Sed quomodo, cum prædicti gradus ſint numero diſtincti, poſſint vnum indiuiduum conſtituere, dictum eſt prius notab. 4.

Ad tertium.

Ad tertium dico, q̄ viſio & intellectio intenduntur etiam ſecundum additionem gradus ad gradū: quod accidit cum de imperfecto ad perfectum, de confuſo ad diſtinctum procedit intellectio.

Ad quartum.

Ad quartum dico, q̄ ex pluribus, quæ ſunt alterius rationis, non fit vnum per compositionem, niſi ex actu & potentia, vel ex actuali, & potentiāli: ex his verò, quæ ſunt eiufdem rationis bene poteſt effici vnū, quin alterum per modum actus, alterum verò per modum potentiaſe habeat: vt patet in homogenijs, vt in aqua, ex pluribus enim aquis efficitur vna aqua.

Ad quintum.

Ad quintum dico, q̄ illa definitio formæ intelligitur de forma ſiue eſſe quidditatum & ſpecificum, quod nec magis, nec minus recipit, nec in eo gradualis hæc intentio reperitur. Vnde nouus quidam Thomiſta, etſi doctiſſimus 2.2.q.24.ar.5. decipitur, dum arbitrat̄ aliquarum formarū eſſentiam non conſiſtere in indiuiſibilitate earum, ſcilicet, quarum eſſentia ex ordine ad aliud deſumuntur. Et

iſte (inquit) intra eandem ſpeciem & eſſentiam ſecundum ſuum eſſe quidditatiū poſſunt eſſe maiores, & minores: ſicut, quia eſſentia ſanitatis ſumitur ex ordine conuenientiæ ad naturam ſubiecti, eſt intra eandem ſpeciem maior aut minor.

Certè (vt dixi) decipitur iſte Doctor: nam Ariſtoteles vniuerſaliter loquutus eſt, cum dixit rerum eſſentias in indiuiſibili cōſiſtere, ſicut numeros, nec vllam excipit ſpeciem, & ab omnibus eius interpretibus ſine exceptione accipitur prædicta propoſitio. Et ſanè, ſi ſanitas ſecundum ſuam eſſentiam nō conſiſteret in indiuiſibili, vna ſanitas poſſet dici magis ſanitas, quam alia, quod eſt abſurdum. Dices forſitan, ſat eſſe, quod dicatur maior aut minor. Reſpondeo, q̄ licet ſm gradualẽ intentionem ad eſſe indiuiduale ſpectantem, vna ſanitas poſſit dici maior alia, ſicut vna albedo reſpectu alterius eſt maior, aut minor ea, non tamen ſecundum eſſe quidditatiū: non enim alium gradum quidditatiū habere poteſt vel plures in vna enim eſſentiali definitione cōueniunt ex æquo. Profectò iſte expoſitor, vt S.Th. ſententiā defendat a Peripateticorum ſemitis proriſus recedit. Non ergo concedas vllam qualitatem ſecundum eſſentiam augeri.

Ad illud ex 4. Phyiſic. cui tertia D. Tho. concluſio, eiſq; ſententia inniti viderur, reſpondeo, apud Ariſt. haudquaquam inueniri: nuſquam enim Ariſt. aſſeruit aliquid non fieri magis album per additionem albedinis ad albedinem.

CONTROVERSIA

DECIMANONA.

Vtrum charitas possit augeri in infinitum?



1. argum. Ars affirmatiua probatur. Primò. Charitas non habet vn de limitetur: ergo ex natura sua potest crescere in infi-

nitum. Consequentia est nota: antecedens probatur: quia si limitaretur, maximè ex sua natura vel ex parte principij & causæ efficiētis, vel ex parte subiecti: sed ex nullo istorum limitationem accipit: ergo non habet vnde limitetur. Cōsequentia est nota cum maiori: minorem probō, sigillatim. Primò. Non limitatur ex natura sua: quia illa forma, quæ est si militudo & participatio diuini esse, & diuinæ charitatis, potest augeri in infinitum, attingendo semper perfectius & perfectius esse diuinum, & diuinam charitatem: sed charitas est huiusmodi, siquidem nobis præbet diuinum quoddam esse: ergo quantum est ex parte sui potest crescere in infinitum.

Nec limitatur ex parte subiecti: quia forma recepta, præsertim charitas, semper ampliat capacitatem recipientis: quia charitas dilatat, ut patet per August. super Psalmum 118. in illo versiculo, Cucurricum dilatasti cor meum, ubi ait, quod merendo dilatatur cor ad maiorem gratiam recipiendam: & Glossa super illud Pauli ad Philippen. 3. Ego non arbitror comprehensisse &c. dicit, Desi-

derans nunquam senescere desiderio capax efficeris: ergo ex parte subiecti non limitatur: neque ex parte efficientis, quia eius immediatū efficiens est Deus, qui est infinitus & omnipotens: ergo non habet charitas vnde finiatur & limitetur.

Secundò. Augmentum charitatis est secundum accessum ad diuinam similitudinem: sed quantumcunque aliquis accedat ad eam, adhuc distat ab ea in infinitum: ergo potest adhuc accedere in infinitum. *2. argum.*

Tertiò. Non potest deueniri ad supremam charitatē: ergo est augmentabilis in infinitum. Consequentia est nota: antecedens probatur: quia quacunque gratia & charitate signata potest fieri alia perfectior intra eandem speciem: ergo non potest dari suprema charitas. Probo antecedens. Quacunque gratia signata erit finita: ergo absque contradictione, & repugnantia potest intelligi alia perfectior, quia per hoc non intelligitur infinita: ergo illa est dabilis absque repugnantia, alioquin non posset intelligi ut possibilis, cuius oppositū probat argumentum. *3. argum.*

Quartò. Individuum, quod auge-
tur & intenditur per indiuiduū eiusdem rationis & speciei, quantum est ex parte sua potest intendi in infinitum: sed charitas intenditur per additionem indiuidui eiusdem speciei, ut puta, per additionem nouæ charitatis

tatis ex precedenti controuersia: ergo potest intendi in infinitum.

5. argu. Quinto. Nulli homogeneo repugnat crescere in infinitum secundum se: sed charitas est quoddam homogeneum, quia qualibet pars charitatis est charitas: ergo sibi non repugnat secundum se crescere in infinitum. Probo maiorem, quia nullum homogeneum determinat sibi certam quantitatem molis vel perfectionis, quia aequaliter saluatur ratio eius cum minore & maiore, sicut patet de igne, de aqua, de linea, &c.

6. argu. Sexto. Si charitati repugnaret augeri in infinitum, maxime, quia est creatura, cui repugnat infinitas, sed hac ratio est nulla, quia huiusmodi infinitas non ponit charitatem extra creaturæ limites, nam etsi linea esset infinita, esset creatura: ergo augeri potest in infinitum.

IN hac controuersia sic procedam. Primò inquirā, an charitas in statu viæ habeat terminum sui augmenti. Secundò, an sit dabilis tanta gratia in gradu finito, qua maior dari nequeat. Tertiò, an charitas viæ possit peruenire ad quantitatem charitatis patriæ. Vltimò ad rationes.

ARTICVLVS PRIMVS.

An charitas in statu viæ habeat terminum sui augmenti.



1. Argu.

Ira primum articulum videtur, quod charitas viæ necessariò habeat terminum sui augmenti. Primò, quia secundum diuinam prædissinitionem terminus gloriæ est omnibus prædestinatis præfixus: ergo etiam

charitatis: ergo secundum legem ordinariam nullus poterit ultra progredi: ergo, &c.

Secundò. Si charitas viæ potest in infinitum crescere, sequitur, quod quilibet Christianus possit peruenire ad tantam charitatem, quantam habuit Beata Virgo secundum extensionem actus vel habitus: consequens est falsum, & contra nobis reuelata: ergo, &c.

Pro intellectu huius difficultatis obserua, quod vt aliquid dicatur possibile absolute, secundum legem communem a Deo stabilitam, non requiritur, quod secundum diuinam prouidentiam & prædissinitionem possit ita se habere, sed sufficit, quod secundum communem cursum nobis reuelatum sit possibile, licet secundum diuinam prouidentiam, & prædissinitionem non possit fieri. Exemplo res manifesta fiet. Iste præscitus secundum legem communem saluari potest, non tamen secundum ordinem diuinæ prouidentiae, & prædissinitionis: & profecto, si, vt res dicatur possibilis secundum communem legem, requireretur, quod posset fieri secundum diuinam prouidentiam, sequeretur, quod secundum communem legem & ordinariam non posset res aliter fieri, quam sunt: sed consequens est falsum, nam secundum communem legem præscitus potest saluari, & tamen non saluatur: ergo, &c. Probo sequelam, quia diuina prouidentia, & prædissinitio frustrari haud potest.

Prima conclusio. Secundum fidem Catholicam tenendum est, neminem posse in hac vita peruenire ad talem gradum charitatis, vt absolute loquendo non possit in eadem charitate cre-

te crescere. Concl. hæc est diffinita in Concilio Viennensi sub Clemente V. & habetur in Clementina ad nostrum de hæreticis, & in Concilio Trident. sess. 6. cap. 10. Et probatur conclusio testimonijs sacrarum literarum Ecclesiasticis 18. dicitur, Ne verearis, vel secundum aliam literam, ne cesses vsque ad mortem iustificari. Et Apocalypsi 22. Qui iustus est iustificetur adhuc, id est, quantumque quispiam sit iustus, sibi curandū est, vt amplius crescat in iustitia. Cui consonat illud ad Galatas 6. Bonum facientes non deficiamus. Et D. August. super illud ad Philip. 3. Fratres, ego me non arbitror comprehendisse, &c. sic ait, Nemo fidelium, etsi multum proficiat, dicat, sufficit mihi: q. enim dicit, sufficit, de vita exijt ante finem, vbi dixisti, sufficit mihi, defecisti.

Ratione probatur conclusio. Nam si viator non posset amplius in charitate proficere, sequeretur, q. non posset mereri: sed consequens est falsum, quia iam tunc esset extra viam; nam proprium eorum, qui sunt in termino, est non posset mereri: ergo, &c. Et rursus, sequeretur, q. non posset demereri, & per consequens, q. citra privilegium speciale esset impeccabilis. Probo sequelam: quia meritum & demeritum ad eundem statum pertinent; nam qui potest mereri potest demereri, & qui non potest mereri, non potest demereri: ergo si non posset mereri, nec demereri.

Concl. Secunda conclusio. De facto & ex suppositione diuinę providentię nūquam perueniet aliquis ad tantam charitatem, quantam habuit Beata Virgo. Patet: quia secundum com-

munem sanctorum, & Ecclesię sensum, Beata Virgo super choros Angelorum exaltata est, & post suum filium primum obinet locum.

Tertia conclusio. Si communem legem attendamus, secundum quam potest quilibet proficere dum viuit, possibile est, vt quis perueniat ad tantam sanctitatem, quantam habuit Beata Virgo: imò & ipsa Beata Virgo secundum hanc legem communem potuit habere maiorem sanctitatem. *3. Concl.*

Quarta conclusio. Supposita diuina providentia, & prædestinatione, secundum quam cuilibet beato est assignata determinata gloria, & per consequens determinata charitas, nullus potest peruenire ad tantā gratiam & charitatem, quantam habuit Beata Virgo. Probatur: quia nullus est præordinatus ad tantam gloriam & charitatem, quantam habet Beata Virgo, hæc autem copulatiua est impossibilis, Petrus est prædestinatus ad tantam charitatem, & Petrus ipse habet maiorem charitatem. *4. Concl.*

AD ARGUMENTA in principio articuli posita.

AD primū concedo antecedens, *Ad primū.* & primam cōsequentiam, sed nego secundam: nam vt supra diximus, aliquid est possibile secundum legem communem, quod repugnat fieri in actu secundum ordinem diuinę providentię, & prædeterminationis: prædictus namque potest saluari secundum communem legem, sed stante diuina providentia, & prædeterminatione nō potest fieri, vt saluetur.

Ad secundum, patet per idem. *Ad secundum.*

ARTICVLVS II.

An sit dabilis tanta gratia in gradu finito, qua maior dari nequeat.

Circa secundum articulum est triplex opinio. Prima est fratris Ioannis Bussolis Scoti discipuli in 1. dist. 17. q. 3. quæ duplici conclusione constat.

Prima. Si charitas sumatur secundum se, extra subiectum, cum augeatur per additionem nouæ charitatis, potest intendi & augeri in infinitum: sic quod extra subiectum per Dei potentiam est dabilis charitas creata infinita, ea infinitate, qua albedo esset infinita, si daretur albedo habens infinitos albedinis gradus.

Secunda conclusio. Quia capacitas cuiuscumque subiecti est finita, charitas non potest intendi in aliquo subiecto in infinitum, sed deueniendum est ad tantam charitatem, ut non possit recipi maior in subiecto.

Secunda opinio est B. Th. secunda secunda, q. 24. art. 7. & Capreoli in 1. dist. 17. q. 2. & nouorum interpretum, secunda secunda S. Thom. ubi supra S. Th. asserentium charitatem posse augeri in infinitum, quia secundum se non habet intrinsecum terminum sui augmenti.

1. Nota. Pro intelligentia huius opinionis B. Thom. est obseruandum primum, infinitum accipi posse bifariam, primo categorematicè pro eo, quod actu finem non habet, cuiusmodi est Deus & linea actu infinita si daretur. Secundo syncategorematicè pro eo quod est, non tantum, quin maius, vel non tot quin plura, qua ratione dicimus partes continui esse infinitas.

Secundo obserua, quod charitatem

augeri in infinitum syncategorematicè potest intelligi dupliciter, primo, quia quacumque charitate data in vno supposito potest Deus in alio producere maiorem. Secundo, quia quacumque charitate data in vno supposito, adhuc in eodem potest esse maior. His positis sententia D. Thom. duabus explicatur conclusionibus.

Prima conclusio. Nemo potest peruenire in hac vita ad talem charitatis gradum, ut, absolute loquendo, iam non possit crescere in charitate.

Secunda conclusio. Charitas secundum rationem suam speciei potest crescere in infinitum, sumendo ly, infinitum syncategorematicè: id est, quacumque data potest dari maior intra eandem speciem. Fundamentum huius conclusionis est primum argumentum in principio huius controuersie positum. Hæc de opinione B. Thom.

Tertia opinio est Doctoris subtilis in 3. dist. 13. q. 1. affirmantis gratiam, & charitatem habere terminum intrinsecum sui augmenti, taliter, quod est creabilis gratia summa finita, quæ non possit crescere, qualem Christum Dominum habuisse affirmat, eandem sententiam tenet Cajet. secunda secunda, q. 24. art. 7. & 3. p. q. 7. art. 9. quæstio. 10. art. 4. & Durand. in 3. dist. 13. q. 1. & in 1. dist. 17. quæst. 9.

EXPLANATIO
opinionis Doctoris subtilis.

Pro intelligentia huius Scoticæ sententiæ obseruandum est primo ex eodem Scoto, ubi supra, quod summum accipitur bifariam. Primum pos-

positiue per excedentiam ad omnia alia. In qua significacione illud dicitur summum, quod omnia alia superat ac vincit, sic Deus dicitur summus in genere entis. Secundo dicitur aliquid summum negatiue, per non excedi ab aliquo, quo pacto illud dicitur summum, quod a nullo exceditur, et si aliquid sibi æquetur. Hoc pacto genera decem dicuntur suprema, quia à nullo genere exceduntur, cum supra se non habeant genus aliquod, sed nullum illorum dicitur summum positiue, quia omnia sunt æqualia, in hoc quod est, non habere genus supra se.

2. Nota. Secundo obserua, quod gratia bifariam accipitur, vt ait Durand. vbi supra, primo pro acceptione diuina, sicut inter homines dicitur vnus alteri gratus, quia est acceptus, & sic gratia non dicit aliquid subiectiue in homine grato, sed solam denominationem extrinsecam ab actu diuino, vel humano. Secundo accipitur gratia pro aliquo dono spirituali diuinitus homini collato, quo mediante constituitur in esse quodam diuino, siue que diuinæ naturæ consors & ad gloriam acceptus; & huiusmodi donum est quædam qualitas. Idem dicendum est de charitate, quæ est idem re ipsa cum gratia secundum Doctoris subtilis sententiam. In præsenticontrouersia loquimur de gratia & charitate prout est quædam qualitas creata ipsis animabus inhaerens, vt tenet communis Theologorum sententia.

3. Nota. Tertiò obserua, circa magnitudinem, siue intensiuam, siue extensiuam, duos esse terminos & limites, alter est intrinsecus, alter extrinsecus. Intrinsecus est cum datur certa quantitas, quam possit res attingere, ita, vt

maiores non possit; & talis terminus dicitur maximum quod sic; & terminari per maximum quod sic, nihil aliud est, quam quod res aliquam quantitatem possit attingere, vt maiore non possit. Terminus extrinsecus est, cum datur quantitas, quam propter ipsius magnitudinem res non potest attingere, vt si dicas decem pondera non possum portare, quodlibet minus possum; tunc decem pondera essent minimum quod non, quia inter multa pondera alia, qua tu portare non potes, illud est minimum. In præsentia articulo quaerimus, an charitas habeat terminum intrinsecum sui augmenti, ultra quem absolute repugnet sibi progredi.

Quarto obserua, duplicem esse processum, alterum ad materiam, alterum vero ad formam: secundum priorem proceditur ad ipsum fieri, secundum posteriorem ad factum esse. Exemplum primi, in diuisione continui, vbi per vniam diuisionem proceditur ad aliam, propter quod ad ipsum fieri dicitur esse processus. Exemplum secundi, in augmentatione, vbi res augeatur per additionem quantitatis. In primo processu non est status, sed abitur in infinitum, qui vna diuisione facta est potentia ad aliam, & illa ad actum reducta adest statim alia reducenda; & sic in infinitum: est enim continuum diuisibile in semper diuisibilia, vt docet Arist. 6. physico. In secundo vero processu status contingit, quia procedimus ad formam & perfectionem: omnis autem forma præsertim naturalis habet certam ac determinatam perfectionem, datur. n. supremus calor in igne, & suprema siccitas in terra. Cui consonat

ARTICVLVS II.

An sit dabilis tanta gratia in gradu finito, qua maior dari nequeat.

1. Opin. **C**irca secundum articulum est triplex opinio. Prima est fratris Ioannis Bafolis Scoti discipuli in 1. dist. 17. q. 3. quæ duplici conclusione constat.

Prima. Si charitas sumatur secundum se, extra subiectum, cum augeatur per additionem nouæ charitatis, potest intendi & augeri in infinitum: sic quod extra subiectum per Dei potentiam est dabilis charitas creata infinita, ea infinitate, qua albedo esset infinita, si daretur albedo habens infinitos albedinis gradus.

Secunda conclusio. Quia capacitas cuiuscumque subiecti est finita, charitas non potest intendi in aliquo subiecto in infinitum, sed deueniendum est ad tantam charitatem, ut non possit recipi maior in subiecto.

2. Opin. Secunda opinio est B. Th. secunda secunda, q. 24. art. 7. & Capreoli in 1. dist. 17. q. 2. & nouorum interpretum, secunda secunda S. Thom. ubi supra S. Th. afferentium charitatem posse augeri in infinitum, quia secundum se non habet intrinsecum terminum sui augmenti.

1. Nota. Pro intelligentia huius opinionis B. Thom. est obseruandum primum, infinitum accipi posse bifariam, primo categorematice pro eo, quod actu finem non habet, cuiusmodi est Deus & linea actu infinita si daretur. Secundo syncategorematicè pro eo quod est, non tantum, quin minus, vel non tot quin plura, qua ratione dicimus partes continui esse infinitas.

Secundo obserua, quod charitatem

augeri in infinitum syncategorematicè potest intelligi dupliciter, primo, quia quacumque charitate data in vno supposito potest Deus in alio producere maiorem. Secundò, quia quacumque charitate data in vno supposito, adhuc in eodem potest esse maior. His positis sententia D. Thom. duabus explicatur conclusionibus.

Prima conclusio. Nemo potest peruenire in hac vita ad talem charitatis gradum, ut, absolute loquendo, iam non possit crescere in charitate.

Secunda conclusio. Charitas secundum rationem suam speciei potest crescere in infinitum, sumendo ly, infinitum syncategorematicè: id est, quacumque data potest dari maior intra eandem speciem. Fundamentum huius conclusionis est primum argumentum in principio huius controuersie positum. Hac de opinione B. Thom.

Tertia opinio est Doctoris subtilis in 3. dist. 13. q. 1. affirmantis gratiam, & charitatem habere terminum intrinsecum sui augmenti, taliter, quod est creabilis gratia summa finita, quæ non possit crescere, qualem Christum Dominum habuisse affirmat, eandem sententiam tenet Cajet. secunda secunda, q. 24. art. 7. & 3. p. q. 7. art. 9. quaestio 10. art. 4. & Durand. in 3. dist. 13. q. 1. & in 1. dist. 17. quaest. 9.

EXPLANATIO
opinionis Doctoris subtilis.

Pro intelligentia huius Scoticæ sententiæ obseruandum est primum ex eodem Scoto, ubi supra, quod summum accipitur bifariam. Primum pos.

positiue per exceedentiam ad omnia alia. In qua significatione illud dicitur summum, quod omnia alia superat ac vincit, sic Deus dicitur summus in genere entis. Secundo dicitur aliquid summum negatiue, per non excedi ab aliquo, quo pacto illud dicitur summum, quod a nullo exceditur, etsi aliquid sibi æquetur. Hoc pacto genera decem dicuntur suprema, quia à nullo genere exceduntur, cum supra se non habeant genus aliquod, sed nullum illorum dicitur summum positiue, quia omnia sunt æqualia, in hoc quod est, non habere genus supra se.

2. Nota. Secundo obserua, quod gratia bifariam accipitur, vt ait Durand. vbi supra, primo pro acceptione diuina, sicut inter homines dicitur vnus alteri gratus, quia est acceptus, & sic gratia nō dicit aliquid subiectiue in homine grato, sed solam denominationem extrinsecam ab actu diuino. vel humano. Secundo accipitur gratia pro aliquo dono spirituali diuinitus homini collato, quo mediante constituitur in esse quodam diuino, fitque diuinæ naturæ consors & ad gloriam acceptus: & huiusmodi donum est quædam qualitas. Idem dicendum est de charitate, quæ est idem re ipsa cum gratia secundum Doctoris subtilis sententiam. In præsentī controuersia loquimur de gratia & charitate prout est quædam qualitas creata ipsis animabus inherens, vt tenet communis Theologorum sententia.

3. Nota. Tertiò obserua, circa magnitudinem, siue intensiuam, siue extensiuam, duos esse terminos & limites, alter est intrinsecus, alter extrinsecus. Intrinsecus est cum datur certa quantitas, quam possit res attingere, ita, vt

maiores nō possit: & talis terminus dicitur maximus quod sic: & terminari per maximū quod sic, nihil aliud est, quam quod res aliquam quantitatem possit attingere, vt maiorē nō possit. Terminus extrinsecus est, cū datur quantitas, quam propter ipsius magnitudinem res non potest attingere, vt si dicas decem pōdera nō possum portare, quodlibet minus possum: tunc decem pondera essent minimum quod nō, quia inter multa pondera alia, quæ tu portare non potes, illud est minimum. In præsentī articulo quarimus, an charitas habeat terminum intrinsecum sui augmenti, vltra quem absolute repugnet sibi progredi.

Quartò obserua, duplicem esse processum, alterum ad materiam, alterum vero ad formam: secundum priorem proceditur ad ipsum fieri, secundum posteriorem ad factum esse. Exemplum primi, in diuisione continui, vbi per vnā diuisionem proceditur ad aliam, propter quod ad ipsum fieri dicitur esse processus. Exemplum secundi, in augmentatione, vbi res augeatur per additionem quantitatis. In primo processu nō est status, sed abitur in infinitum, qui vna diuisione facta est potentia ad aliam, & illa ad actū reducta adest statim alia reducenda; & sic in infinitum: est enim cōtinuum diuisibile in semper diuisibilia, vt docet Arist. 6. physico. In secundo vero processu status contingit, quia procedimus ad formam & perfectionem: omnis autem forma præsertim naturalis habet certam ac determinatā perfectionem, datur. n. supremus calor in igne, & suprema siccitas in terra. Cui consonat

sonat illud Aristot. 2. de Anima, tex. Com. 41. Omnium natura constans est finis tam magnitudinis, quā accretionis. Et comm. 3. Physic. tex. com. 60. & 61. 63. & 68. expresse fatetur in processu ad formam esse statum necessario, quem statum negat in numeris, quia crescunt per diuisionem continui, in qua proceditur ad materiam.

5. Nota.

Quintò obseruandum est, dictum philosoph. 3. physic. tex. 69. ut puta, quod quantum contingit esse in potentia, tantum contingit esse in actu, id est, si potest esse quantum decem cubitorum, tantum est in actu.

Sed contra hanc Aristotelicā sententiam obijcio, ut magis eius veritas elucescat, quia in numeris possibile est procedere in infinitum in potentia, at nullus numerus est actu infinitus. Respondet Commentator ubi supra, quod in numeris fit augmentum secundum diuisionem cōtinui: in diuisione vero cōtinui proceditur ad materiam, & per consequens numeri crescunt ex processu ad materiam. Continuum verò crescit & augetur eundo ad formam, in processu autem ad formam necesse est esse statum, non autem in processu ad materiam, & ideo in quātitate cōtinui est status in maius, non autem in multitudine numerorū, sicut nec in diuisione cōtinui est status in minus. Hæc expositio non placet Seco. in 3. distinctione 13. quia sit. o. 1. ideo aliter eam explicat, dicendo, quod sententia Philosophi, intelligitur de quando molis, secundum quam quātitatem quantum contingit esse in potentia, tantum cōtingit esse in actu: imò tantum est in actu, quia secundum Aristotelem nullum quantum

potest maiorari, nisi per additionem partium alterius quantitatis præexistens. Si enim contingeret quantum molis posse esse infinitum in potentia, tantum contingeret esse in actu, & ita esset quantum infinitum in actu: hoc est impossibile: ergo & illud sū Philosopho, sed sū Theologos loquendo de diuina potentia, potest esse aliquod quantum maius in potentia, quā est in actu: quia Deus potest maiorem aliquod quantum non apponendo partes ablatas ab alio quantum, sed de nouo eas producendo. Sed an possit efficiere quantum infinitum in actu dubium est in utramque partem disputabile.

Sed prædictam Aristot. sententiam ad quantum virtutis applicando oportet intelligere, quomodo verum esse possit, quod quantum ens virtutis contingit esse in potentia, tantum contingit esse in actu: nam secundum Thomistas charitas potest esse infinita, & implicat esse actu infinitam: item possibile est in numeris procedere in infinitum, attamen numerus infinitus est impossibilis.

Respondeo secundum Doctorem subtilem, prædictam propositionem inniti huic alteri. In quibuscunque permanentibus, sicut potest aliquid inferius esse, vnum factibile, seu creabile vnica factione: ita & supremum erit vnicū creabile vnica creatione, & si illud supremum est infinitum, erit etiam vnicum factibile. Exemplum. Calor ut vnum est vnicū factibile vnica factione: ergo & calor ut quindecim erit vnicum factibile vnica factione: ergo si calor potest intendi in infinitum, erit etiam vnicum factibile, & per consequens vnica actione factibilis. Aliud exemplum. Supremum calidum est in se vnum

vnū factibile & creabile, & si posset esse infinitum, cum sit vnū factibile, posset esse infinitū in actu, quia quodlibet vnū factibile est ab aliqua potētia producibile in actu. Hoc colligitur ex Commentato. 3. Phy. Com. 69. vbi ait, quod in maioratione quantitatis omnes potētiæ, quæ sunt in tali maioratione sunt vnus potētiæ demonstrat, hoc est, est vna potētia ad supremum actum in quo continentur omnes actus, ad quos sunt illæ multæ potētiæ, quarū vna reducitur in actum post aliam. Exempli causa. In calefactibili est vna potētia ad calorem vt vnū, & alia ad calorem vt duo, alia ad calorem vt tria, & omnes istę potētię continentur in potētia, quę est ad calorem vt tria, sicut illi tres gradus caloris ad quos erant illæ potētiæ, continentur sub calore vt tria. Sicut ergo omnes gradus caloris, qui sunt in calore, vbi grātia, vt decem, continentur in calore vt decem, ita in potētia ad calorem vt decem continentur omnes potētiæ ad decem caloris gradus, singulæ ad singulos. Sed in diuisione continui potētiæ multę non sunt partes vnus potētiæ demonstrata vel determinatę, id est, non est ibi aliquis vnus actus, in quo contineantur omnes actus terminantes potētiās ordinatę reducibiles ad actum, non enim vna diuasio includit necessario præcedentes, sed ita se habent, quod nulla includit aliam, ac proinde non potest assignari vna potētia, in qua alę includantur, sed singulæ sunt necessario ad singulas diuisiones. Dicere ergo, Sunt partes vnus potētię demonstratę omnes potētiæ, quę reperiuntur in maioratione cuius quā, tantū

valet sicut dicere: Quando in aliquo quanto molis vel virtutis sunt plures actus ordinati, quorum quilibet est per se factibilis, ibi supremū in potētia potest simul esse in actu, quia per vnicam actionem sibi adequatam potest reduci ad actum. Exempli res manifesta fiet. Sicut calor secundum vnū gradum est per se vnū factibile: ita secundum alium gradum si separaretur, erit per se vnū factibile, & vbi vniuntur isti duo gradus, erit per se vnū factibile, & similiter calor includens omnes gradus caloris erit vnicum factibile: ergo vnica actione effici poterit. In his verō, in quibus sunt multę potētiæ ordinatę in fieri, non potest aliquod summū possibile dari in actu tantum, quātum contingit esse in potētia, sed vltra quodlibet factibile in fieri potest fieri aliquod maius, licet non vnica actione: sicut accidit in numeris, vbi non potest dari supremus numerus, quia non est dabilis suprema diuasio, quæ omnes alias præcedentes includat, sed omnes sunt ordinatę in fieri, non se inuicem includentes. Cum ergo numerus maior causetur secundum aliam & alia diuisionem, sicut non est dabilis suprema diuasio omnes alias includens, ita nec supremus numerus includens omnes alios. His ita constitutis sequentibus hac quæstio explicatur conclusionibus.

Prima conclusio. Capacitas siue potētia susceptiua cuius unius creaturę in ordine ad gratiam est necessario & intrinsece finita & limitata. Probatur: quia capacitas & potētia susceptiua sequitur naturā, cuius est potētia; sed omnis creatura habet naturam necessario intrinsece finitā.

ergo capacitas & potentia susceptiua cuiuscunque creaturæ est necessario finita. Patet consequentia: quia potentia susceptiua alicuius naturæ nec maior, nec perfectior potest esse ipsa natura, cuius est potentia: quia intrinsece sequitur illam, quasi effectus suam causam, effectus autem nullo modo potest esse sua causa perfectior. Sicut igitur omnis natura creata est finita & limitata, ita omnis eius potentia siue actiua siue passiua sit, necessario est finita: non enim possibile videtur capacitatem entis finiti terminari ad formam infinitam.

2. Ratio. Secundo. Potentia actiua entis finiti necessario est finita & limitata intrinsece & ex natura rei: ergo potentia passiua alicuius finiti necessario est limitata. Antecedens est notum: consequentia vero patet a paritate rationis.

3. Ratio. Tertiò. Potentia creaturæ receptiua gratiæ est volûtas, vel essetia creaturæ, sed volûtas vel essetia creata intrinsece & ex natura rei est finita: ergo potentia receptiua gratiæ in quacunque creatura est necessario finita. Conclusio hæc est communis Theologorum sententia. Nam, licet aliqui, vt Thomistæ, affirmant capacitatem animæ & angeli augeri per aduentum unius gradus charitatis & gratiæ ad alium gradum suscipiendum, fatentur tamen capacitatem creaturæ, quæ gratiam præcedit, esse in se & intrinsece finitam: quod fatetur necessario asserentes ipsam per aduentum charitatis augeri & dilatari. Nam si ipsa, vt præcedit gratiam, esset infinita secundum eos, haud quam eam augeri faterentur, quia infinitum augeri nequit.

Secunda conclusio. Capacitas animæ vel angeli non augetur per aduentum charitatis & gratiæ. Conclusio hæc est contra D. Tho. & eius discipulos vbi supra, sed eam tenet Scotus vbi supra lit. L. & D. Bonauent. in tertio dist. 13. artic. primo, questione tertia, in solutione ad vltimum. Eandem tuerentur Leuchetus Scoti in terpres apud Scotum loco citato, & Ioannes Basolli in primo, distinct. 15. questio. 3. articulo tertio. Et probatur nostra conclusio. Primo: quia quando duæ causæ concurrunt ad constituendum & causandum aliquod tertium, posterior non dat priori aliquid pertinens ad propriam causalitatem eius: sed materia est aliquo modo prior forma in constitutione compositi: ergo forma non dat materię aliquid pertinens ad causalitatem ipsius materię: ergo non dat ei aliquam potentialitatem & capacitatem, quæ ad ipsius materię causalitatem pertinet: ergo charitas cum sit forma non dat subiecto aliquam capacitatem, & per consequens non auget capacitatem sui subiecti. Et confirmatur: quia materia & forma sunt causę primo diuersæ: ergo neutra dat alteri causalitatem. Sed forte dices, quod licet charitas secundum vnum gradum non augeat capacitatem subiecti in ordine ad se, bene tamen in ordine ad alium gradum. Contra. Primus gradus gratiæ non auget capacitatem animæ in ordine ad seipsum, sed eam præsupponit: ergo nec auget eam in ordine ad alium gradum. Probo consequentiam: quia charitas est forma eiusdem rationis in quocunque reperiatur: ergo capacitas eius in quocunque, est eiusdem rationis: ergo non potest capacitas aliqua

qua

qua ad gratiam augeri per charitatē receptam, quia tunc hæc capacitas & illa ad primum gradum charitatis non essent eiusdem rationis: ergo tota naturaliter præsupponitur cuiusque gradui gratiæ, sicut præsupponitur primo charitatis gradui.

1. Resp.
Caiet.

Caietanus secunda secunda, quæstione vigesimaquarta, articulo septimo, nititur dissolvere hanc rationem, ad quod efficiendum supponit duplicem in anima potentiam ad gratiam, aliam remotam, aliam vero proximam. Prima est potentia animæ nuda secundum se considerata. Secunda vero est ipsa met disposita per aliquam superuenientem dispositionem ad talem formam. Et licet potentia subiecti (ait Caietanus) secundum se ipsam non varietur, augeatur, aut minuat, nisi subiecti natura varietur, eadem tamen potentia secundum dispositionē variatur, & fit, & corrumpitur & augetur. Nunc dicit ad argumentum, quod licet potentia & capacitas animæ remota ad gratiam minimè varietur; nec augeatur, sitque eiusdem rationis respectu cuiuscunque gradus charitatis & gratiæ, potentia tamen proxima animæ ad charitatem augetur per aduentum charitatis. Et sicut charitas in quocunque gradu est eiusdem rationis secundum speciem, non tamen est eiusdem perfectionis infra latitudinem illius speciei, quia charitas ut duo perfectior est, quam charitas ut unū, licet ambæ sint eiusdem speciei: ita capacitas proxima est eiusdem rationis secundum speciem, & augetur infra latitudinem illius speciei. Capacitas ergo remota est eiusdem rationis: capacitas vero proxima est etiam eiusdem rationis,

sed augetur. Sic soluit Caiet. Scoti argumentum.

Sed dicit deinde idem Caiet. falsum esse, quod forma non det materiæ aliquid pertinens ad propriam causalitatem: quia forma disponens dat materiæ esse subiectum propinquius respectu eius, ad quod disponitur subiectum. Et cum obijcitur, quod causa posterior nō dat aliquid priori, respondet absolute, falsum esse, quia de causa disponēte priorem per sui aduentum, euidenter conuincitur esse falsum.

2. Resp.
Caiet.

Sed ut falsitas responsionum Caietani & vis Scotici argumenti magis eniteat, obseruandum est, qualitatem spirituales immediate recipi & subijci, vel in essentia naturæ spirituales, vel in potentijs eius. Exempli causa. Gratia vel subijcitur in essentia animæ, ut vult S. Thom. vel in voluntate, ut vult Scotus. Item licet charitas & iustitia sint in voluntate, sicut in subiecto, nullatenus concedi debet charitatem subijci in iustitia, vel iustitiam in charitate, sed ambæ subijciuntur immediate in voluntate: sicut licet dulcedo & albedo sint in lacte, non tamen dulcedo subijcitur in albedine, vel albedo in dulcedine. Similiter et si decem gradus albedinis successiue in eodem subiecto recipiantur, haud equam concedendum est posteriorem recipi in priori sicut in subiecto, sed in ipsa superficie vel substantia.

1. Nota.

Secundo obserua, quod qualitates sunt in duplici differentia: aliarum, quæ per remotionem contrarij introducuntur in subiecto, sicut calor & frigus: aliarum vero, quæ cum non habeant contrarium positivè oppositum, sicut in subiecto absque contrarij remotione.

2. Nota.

ne, ſicut in aere cauſatur lumen, & gratia in anima, quia nec lumen habet aliquod contrarium poſituum in aere, nec gratia in anima. Eſt autē differentia inter ſuſceptiua iſtarum qualitatum. Nam priorum qualitatum ſuſceptiua, cū per remotionem contrarij diſponantur ad ſuſcipiendam oppoſitam qualitatem, nec poſſit contrarium remoueri, niſi per contrariam qualitatem, per primum gradum qualitatis aduenientis diſponitur ad ſecundum, & per ſecundum ad tertium: at vero in ſuſceptiuis poſteriorum qualitatum aliter ſe res habet: nam cum in iſtis non ſit contrarium formæ inducendæ remouendum, ipſa ſunt ſatis diſpoſita ſecundum ſe ad quemlibet gradum ſuſcipiendum. Exemplum. Lumen in aere non habet contrarium remouendum, ſed ſolam negationem, vel priuationem, ac proinde aer ex ſe eſt ſatis diſpoſitus, non ſolum ad primum luminis gradum, ſed etiam ad ſupremum. Pariter. Gratia ſuperueniens animæ peccatrici non habet in anima aliquid ſibi contrarium poſitiue, ſed ſolam negationem vel priuationem: ac proinde poſito primo gradu gratiæ in anima ſufficiēter eſt diſpoſita ex natura rei ad ſupremum gradum gratiæ, licet de facto non tribuatur maior gratia, niſi poſita diſpoſitione ex lege Dei ad eam requiſita.

3. Nota.

Tertiò obſerua, quòd licet ſuſceptiua formarum naturalium, quæ per remotionem contrarij introducantur, per primum gradum diſponantur ad ſecundum, & per ſecundum ad tertium, nunquam tamen capacitas & potentia eorum ſuſceptiua augetur & intenditur: ſi enim aer ſecundum ſe eſt tantum capax calo-

ris, vt octo, nunquam per ſuperuenientem calorem maioris caloris efficietur capax: nam ſicut natura aeris non augetur per calorem, ita nec capacitas eius naturalis per eundem calorem vnquam creſcet & augebitur.

Nunc reſpondeo ad primam Caietani reſponſionem, quòd licet charitas ſuperueniens efficiat & reddat animam magis diſpoſitam ad maiorem gratiam, nō tamen ampliat eius capacitatem, vt maioris gratiæ capax efficiatur, quàm antea: aliud enim eſt diſponi ſubiectum ad ſuſceptionem formæ, aliud vero eius capacitatem creſcere & augeri. Primum concedimus, ſecundum vero negamus. Prætereā. Cum charitas non habeat in anima aliquod contrarium poſitiuum, per ipſam expellendum, ſed ſolam priuationem, licet ipſa, vt ſub tali priuatione & auerſione a Deo, non ſit digna gratiæ, & ad ſuſceptionē eius ſecundum legem à Deo preſcriptam debeat diſponi, tamen ex natura ſua capax eſt cuiuſcunque gradus gratiæ & ad eius ſuſceptionem ſatis diſpoſita: ſiquidem in ea non eſt aliquid poſitiuum gratiæ contrarium, quod ab ea ſit remouendum. Non ergo primus gradus charitatis ſuperueniens auget capacitatem animæ in ordine ad ſecundum, nec ipſam dilatat, licet concederemus Caietano, quod per ipſam diſponitur ad aliam.

Sed dicis forſitan. Hæc omnia ſatis apertè oſtendere potentiam animæ ad gratiam remotam hæudquam intendi & augeri per ſuperuenientem gratiam, ſed id non probare de potentia proxima.

Contra. Nam per potentiam proximam animæ ad charitatem, vel in-

Conſuta-
tur i. Re-
ſpoſio Cai-
etani.

Reſpoſio.

Conſuta-
tio Reſp.

telligis

reelligis ipsam animæ capacitatem, prout subest alicui gradui gratiæ & charitatis, vel aggregatum ex anima & charitate, vel ipsam nudā animæ potentiam. Si primum, ergo ipsa potentia proxima animæ non augeatur. Probo consequentiam. Nulla potentia naturalis alicuius qualitatis susceptiva sub quocunq. gradu eiusdem qualitatis concipiatur, augeatur, & intenditur in ordine ad ulteriorem gradum, licet disponatur in ordine ad ipsam: ergo nec anima, ut subest alicui gradui charitatis, augebitur in ordine ad alium. Consequētia patet a paritate rationis: antecedēs vero satis patet ex tertio notabili, & nūc deniq. probatur. Nam si verbi gratia, in aere primus gradus caloris augeat aeris capacitatem in ordine ad sū, ergo & tertius in ordine ad quartum, & sic in infinitū: ergo, si calor posset esse infinitus, posset recipi in aere, quod implicat, cū eius capacitas sit finita, & limitata. Præterea. Gratia superueniēs immediatē recipitur, sicut in subiecto, in essentia animæ, vel in voluntate, & nullatenus in ipsa gratia præexistente, quia eū sint eiusdem rationis neutra alterius subiectum esse potest: ergo, si potentia susceptiva gratiæ quæcumque illa sit, siue proxima siue remotā, augeatur, & intenditur, necessum erit ipsam animæ essentiam, vel voluntatem augeri & intendi, cum ipsa sola sit immediata subiectum charitatis cuiuscunque. Si verò per potentiam proximam gratiæ intelligas secundum, ut puta, aggregatum ex naturali potentia animæ & gratia præexistente, rem omnino absurdā admittis, quia vnus actus per se est vna potentia per se, & vnū per se su-

sceptivum: ergo cum gratiæ quilibet gradus sit vnū per se, eius potentia susceptiva non debet esse totū per accidens, cuiusmodi est aggregatū ex aīa & gratia: ergo vel sola anima, vel solus primus gradus gratiæ erit potentia susceptiva gradus superueniētis. Præterea: quia oēs gradus gratiæ siue charitatis sunt eiusdem speciei: ergo respiciunt susceptivū eiusdē speciei: ergo cū primus gradus respiciat tantam potentiam susceptivam, animæ essentiam, vel voluntatem prædictā, similiter & alij sequentes. Quod tertium concedi nequeat, omni procul dubio patet: quia sicut natura animæ intendi & augeri non potest, ita nec eius naturalis capacitas: & Caietanā ipse hoc concedit.

Secunda ipsius Caietani responsio facile impugnatur: quia, cū forma & materia sint causæ primò diuersæ in ratione causandi, neutra alteri causalitatem tribuere potest. Præterea: quia causalitas materiæ est materializare; vt ita loquar, causalitas verò formæ informat: quomodo ergo forma poterit materiæ causalitatem tribuere, cum eius causalitas sit prorsus distincta a materiæ causalitate? Et cōfirmatur, quia materia in ratione causæ præcedit naturæ ordine formæ: ergo prior est causalitas materiæ, quam formæ: ergo forma nullā causalitatem tribuit materiæ, siquidem eius causalitas ad causalitatem formæ præsupponitur. Manet ergo argumentum Scoticum in sua vi, & robore, nec per Caietan. responsiones aliquo modo debilitatur.

Secundo probatur nostra conclusio: Forma est actus & cōplēmentum materiæ, & potentiæ susceptivæ: ergo quanto plus datur materiæ de for-

Cōfuta-
tur 2. Ca
iet. Resp.

ma, tantò plus actuatür & completur ac reducitür ad actum, & per consequens magis recedit a possibilitate & a ratione potentiae: quia quanto plus datur alicui de actualitate, tanto plus recedit a possibilitate, & potentialitate: ergo per gratiam, & charitatem nõ augetur capacitas ad gratiam, sed actuatür, & completur ac terminatur.

§. Concl.

Tertia conclusio. Charitas nõ potest intendi & augeri in infinitum in aliquo subiecto. Probatur. Capacitas cuiuscunq. creaturæ est necessario finita & limitata, ex prima conclusione, & per charitatem superuenientem nõ augetur, ex secunda conclusione: ergo in nulla creatura potest charitas augeri in infinitum. Probatur consequentia: quia capacitas finita necessario est determinata ad formam finitam, & limitatam: ergo cum peruentum fuerit ad gradum formæ, ad quem subiectum determinatur necessario, nõ poterit ulteriorem gradum recipere, quia prædictus gradus est sibi omnino adequatus, ac cõmensuratus. Ex his infertur, quod cū charitas ex B. Tho. augetur per maiorem radicationem in subiecto, nequaquam potest in infinitum augeri: quia, vt diximus, capacitas subiecti est omnino & intrinsecè finita ac limitata.

Dices forsitan, quod licet charitas non possit in eodem subiecto signato intendi in infinitum, vt satis apertè manet demonstratū, bene tamen in diuersis: quocunq. enim subiecto dato poterit a Deo effici aliud perfectius, ac perfectiorem tribuere charitatem & intensiorem. Respondetur, quod licet cõcederemus, quod quacunq. creatura intellectualli data po-

test Deus aliam perfectiorem denovo producere, nõ inde infertur, quod in ipsa possit magis intendi charitas, q̃ in alia minus perfecta: quia (vt in controuersijs tertij Deo auxiliante ostendimus) omnia susceptiua gratiæ, cum sint eiusdem rationis, quatenus susceptiua sunt gratiæ, licet secundum proprias naturas specie differant, vt angelus & anima, æqualis gratiæ & charitatis sunt capacia.

Quarta conclusio. Si ly, summū, accipiatür positiuè, non est dabilis summa gratia, nec summa charitas, patet: quia quacunque gratia creata, potest Deus etiam sibi equalem producere: ergo non est dabilis summa gratia, si ly, summum, positiuè accipiatür. Patet consequentia: quia summum hoc modo illud est, quod omnia excedit, nec ab aliquo exceditur, nec aliquid ei æquatur.

Quinta conclusio. Dabilis est charitas adeo perfecta, vt non possit ab aliqua alia excedi, & per consequens erit summa negatiuè. Ex quo rursus infertur, quod charitas non potest in infinitum protendi & augeri, sed habet intrinsecum terminum sui augmenti, vltra quem non est possibilis processus. Probatur primo: quia secundum Commentatorem, vt notabili quarto diximus, processus in infinitum in ordine ad formam, & perfectionem, est impossibilis: sed processus in augmento charitatis est ad formam, & perfectionem, vt patet: ergo est impossibilis huiusmodi processus in infinitum in augmento charitatis.

Secundò. Charitas est participatio quædam ipsius Dei: ergo necessario sibi aliquem gradum determinatum capit partem infinita perfectionis, ita quod necessario includit determinatam.

4. Concl.

5. Concl.

1. Ratio

2. Ratio

minatum gradum respectu charitatis infinitæ. Antecedens est notum: consequentia probatur: quia eo ipso, quod est participatio, est finita ac limitata ad determinatum gradum, ut patet in alijs formis, quæ eo quod sunt quædam infiniti esse participationes, sunt necessario finitæ, ut calor & frigus, & aliæ formæ naturales.

3. *Ratio.* Tertiò charitas limitatur omnino ex parte suæ naturæ, & ex parte efficientis, atque subiecti: ergo nullo modo potest in infinitum augeri. Consequentia est nota: antecedens probatur. Primo limitatur ex natura sua, quia cum ex se sit quædam participatio Dei, necesse est, ut secundum aliquem determinatum gradum infinitæ perfectionis partem capiat, ita quod necessario includat determinatum gradum respectu charitatis infinitæ; sicut est determinata participatio. Patet in alijs formis naturalibus, quæ eo quod sunt infiniti esse quædam participationes, necessario participant diuinum esse in gradu finito ac limitato.

Dices fortè, discrimen esse non parum inter charitatem, & alias formas, quia aliæ formæ sunt veluti æquiocæ participationes infiniti esse, at vero charitas est participatio vniocæ diuinæ charitatis, quia ipsa & charitas diuina vniocatur in ratione communi charitatis. Contra: quia intellectio intellectus creati non minus vniocatur cum diuina intellectione in ratione intellectiōis communis, quam charitas creata cum charitate diuina, & tamen secundum omnes intellectio creata non potest intendi in infinitum, sed necessario est limitata: ergo ratio assignata non

sufficit ad hoc, quod charitas possit in infinitum participare diuinum esse, & non aliæ formæ. Idem patet de iustitia creata, quæ necessario habet intrinsecum terminum. De his in solutione ad primum iterum dicemus. Secundo, ex parte efficientis limitatur: quia naturam limitatam de nihilo efficit. Tertiò limitatur charitas ex parte subiecti quia, ut supra ostendimus, capacitas cuiuscunque creaturæ ad gratiam necessario est finita ex se, nec per charitatem augetur, ut iam probauimus.

Quartò arguitur. Omnis potentia ad entitatem permanentem & perfectā est reducibilis ad actum: sed potentia ad charitatem est huiusmodi: ergo potest ad actum reduci: ergo si potest augeri in infinitum erit dabilis charitas infinita actu: sed hoc est omnino falsum: ergo non est augmentabilis in infinitum. Maior huius rationis ostenditur (nam cetera patent) quia, ut supra docuimus ex Commentatore, omnes potentie quæ sunt in augmento quantitatis præsertim virtutis, sunt vnius potentie demonstratæ ac determinatæ; id est, est vna potentia ad supremum actum, in quo continentur omnes actus, ad quos sunt illæ multæ potentie, quantum vna reducibilis est ad actum post aliam: ergo, &c.

Quintò arguitur. Secundum Philosophum octauo Physicorum, nullus motus alterationis potest esse infinitus: motus intensiōis & remissiōis est motus alterationis: ergo nullus talis motus potest tendere in infinitum: ergo nulla qualitas potest in infinitum augeri.

Sexto. In omni forma recipiente magis, & minus est dare terminum in

in minimo ex ipsa natura forme: ergo similiter est dare terminū in maximo: ergo cum charitas recipiat magis & minus, necessāriō habet terminū in maximo, sicut & in minimo. Probo antecedēs. Quia si per motum diminutionis, & remissionis non esset deuenire ad infimum gradum, in quo forma posset saluari, sed semper esset inuenire imperfectiorem gradum, tunc actio caldi remittentis frigidum posset procedere in infinitū, hoc autē est inconueniens, quia tunc calidum posset agere in infinitū, & quod nunquam introduceret calorem in subiecto semper remanente in eo frigidityte: ergo, & cetera. Probo priorem consequentiam. Quia natura deducibilis de paruo ad maxima, si non habet terminum in maximo, ita nec in minimo, ut patet secundum multos in magnitudine: ergo per oppositum, si habet necessārio terminum in minimo, habebit terminum in maximo.

Sed dices argumentum concludere de formis naturalibus, quae diminui possunt, nō tamen de charitate, quae tota simul amittitur.

Contra. Quia licet ita sit de facto, tamen, cum gratia sit composibilis cum peccato, fieri posset absolute loquendo secundum Dei potentiam peccata paulatim ipsam corrumpere: quia Deus potest paulatim ipsam destruere: ergo tunc posset motus remissionis in infinitum progredi.

7. Ratio.

Septimō. Quanta cumque charitatem Deus potest creare vnica creatione, tantum potest creare: ponatur in esse, quod tantam creet quantam potest: ergo nō potest aliam maiorem creare vnica creatione: ergo illa est suprema creabilis. Prima consequē-

tia est euident. Quia admissō, quod Deus creet vnica creatione totam gratiam quantam vnica creatione creare potest, euidenter sequitur, quod vnica creatione nō posset aliam maiorem creare, quia iam illa data nō esset cetera quanta vnica creatione est creabilis. Secunda consequentia etiam est manifesta: nam si illa non est suprema creabilis, quare a te an illa maior ista sit vnica creatione creabilis, vel non. Si primum: ergo illa gratia admissa non est tota, quae vnica creatione creari potest, quod est oppositum hypothesis datę. Si verō secundū dederis, quare, an illa maior gratia sit vnicum indiuiduū, vel an partes eius possent facere vnum indiuiduū, vel nō. Si primū: ergo illa gratia maior est vnicū creabile: ergo vnica actio creari poterit, quod est contra te. Si verō secundū admiseris, ergo aliqua pars illius gratia est adeo suprema, ut nullatenus additionem patiatur: ergo dabilis est suprema gratia.

8. Ratio.

Octauo. Accipio infinitam gratiam quae sit A. quare. In ascendendo, aut est status ad aliquam supremam gratiam, & habetur propositum: aut nō, sed potest procedi in infinitum, tunc sequitur, quod quanto aliqua gratia magis excedit A. erit perfectior: ergo illa quae in infinitum excedit A. quae est gratia infima, erit in infinitum perfectior: & per consequens erit infinita: ergo cum videatur a diuino intellectu, ut vnicū obiectum creabile, poterit Deus vnica creatione creare gratiam infinitam: ergo, si non das gratiam finitam supremam dabis infinitum in actu.

Huic argumento solent respondere Thomistae, quod illud consequens, scilicet, illa, quae in infinitum ex-

Responso
Thomistae
negant.

dit.

dit A. est in infinitum perfectior, est de subiecto nō supponente, quia nō datur, nec potest dari aliqua gratia, quæ in infinitum excedat hanc infinitam. Hæc responsio aliquos conuincit Scotistas, vt fateantur argumentum Doctoris subtilis nullius esse efficaciac.

Confutatio.

Sed ego prædictam responsionem ita confutandam esse censeo. Quia, si gratia potest in infinitum augeri, ergo sunt infinitæ potestates ad infinitos gradus gratiarum: ergo cum ex supradictis omnes potestates ad entitatem permanentem sint vnius potentie determinatæ, ac demonstratæ, erit vnica potestas ad vnicum actum infinitum, in quo continentur oēs actus, ad quos sunt omnes illæ potestates. Et confirmatur: quia quantum contingit esse in potentia, tantum contingit esse in actu in entibus permanentibus ex Aristot. 3. Physic. & Commentatore ibidem. Et hæc de secundo articulo.

ARTICVLVS III.

An charitas via possit peruenire ad quantitatem charitatis patriæ?

1. Argu.

Circa tertium articulum videtur, quod charitas viæ nunquam possit peruenire ad quantitatem charitatis patriæ. Primò: quia actus charitatis in via non potest æquari actui charitatis in patria, quæ est fructio, quia isti actus differunt specie: ergo nec habitus charitatis viæ poterit æquari habitui charitatis patriæ.

2. Argu.

Secundò. Quantitas charitatis vnica sola est: intensiua: sed charitas viæ non potest esse ita intensa, sicut charitas patriæ, quia corpus, quod corrumpitur, aggrauat animam, igitur, &c.

Ad solutionem huius difficultatis duo maximè adnotant Thomistæ. Alterū, quod formæ sunt in duplici differentia: nā aliæ sunt naturales, vt nigredo, quæ tales dicuntur, quia ex principijs naturæ oriuntur: aliæ sunt animales, vt visio, auditio, intelligere, velle, &c. quæ animales dicuntur, quia a potentia animali procedunt.

1. Nota.

Alterum est, latissimum esse discrimen inter has formas naturales, & animales. Nam formæ naturales, quæ ex principijs merè naturalibus dependent, solum habent vnica perfectionem intensiuam, quæ secundum Sanctum Thomam attribuitur penes maiorem radicationem in subiecto, sed secundum Scotum secundum pluralitatem graduum naturalium eiusdem formæ. At verò formæ animales habent duplicem quantitatem perfectionis intensiuæ, vnā ex parte obiecti, alteram ex parte subiecti: vt videre est in visione, quæ potest intendi ex parte obiecti quatenus mihi sit propinquius, nam ex maiori vel minori propinquitate ad obiectum nascitur ipsum magis minusve videri, & etiā ex parte subiecti in quantum videns maiori conatu, & attentione potentie fertur in obiectum. Hæc vero quantitates perfectionis diuersas esse ex eo patet, quia stat vnā intendi, & angustialia non aucta. Exempli causa. Augetur visio ex parte obiecti hoc, quod obiectum fiat potentie propinquius, etiam si potentia eodem modo conetur, & similitur obiecto eodem modo se habente visio intendi potest ex maiori potentie attentione. Eodem modo charitas habet duplicem quantitatem perfectionis intensiuæ: alteram ex parte subiecti, quæ attribuitur penes maiorem conatum, & attentionem

2. Nota.

nem

nem potentia ad obiectum charitatis: altera verò ex parte obiecti, quæ attenditur penes maiorem propinquitatem ad obiectum charitatis, hoc est, penes maiorem participationem charitatis infinitæ. His animaduersis respondet quidam nouus expositor 2. 2. D. Thom. q. 24. art. 7. duabus conclusionibus.

1. *Concl.* Prima conclusio. Si loquamur de perfectione charitatis ex parte subiecti, nulla charitas viatoris peruenire potest ad quantitatem perfectionis charitatis comprehensoris, ita quòd, si attendamus perfectionem intensiuam charitatis prouenientem ex attentione potentia, nunquam charitas viæ poterit habere equalitatem charitate patriæ. Probatur: quia anima nostra dum est cõiuncta corpori corruptibili trahitur ab ipso corpore, ne tanto conatu feratur in Deum per charitatem, sicut fertur anima beati: corpus enim, quod corrumpitur, aggrauat animam, & terrena inhabitatio deprimit sensum multa cogitationem. Ex quo fit, vt anima in corpore corruptibili existens nunquam possit totaliter ferri in Deum, bene tamen anima beati.

2. *Concl.* Secunda conclusio. Si sermo sit de charitatis perfectione ex parte obiecti, quæ attenditur penes maiorem propinquitatem ad obiectum, charitas viæ potest æquari charitati patriæ, ipsamq; excedere ac vincere. Itaque homo viator potest tantum crescere in charitate per opera meritoria, vt adæquet charitatem Angelorum: sicut de Beatissima Virgine piè credit Ecclesia, q̃ eius charitas adhuc in hoc seculo exuperabat Angelorũ, & Archangelorum charitatem. Hanc sententiam tenet Conradus super 1. 2.

quæst. 67. art. vii. Caietanus 2. 2. q̃. 24. art. 7. Et probatur: quia charitas viæ est eiusdem speciei cum charitate patriæ, & quantitas perfectionis ex parte obiecti est eiusdem rationis in vtraque: ergo poterit charitas viæ ex parte obiecti adæquare charitatem patriæ.

His duabus conclusionibus respondet quæstioni prædictus nouus expositor 2. 2. S. Thom.

Sed prædicta distinctio perfectionis charitatis a Caietano desumpta mihi plenè non satisfacit, ideo aliter prædictam absoluo difficultatem.

Suppono tamen, q̃ intensio charitatis ex supradictis attenditur nõ penes maiorem, vel minorem gradationem in subiecto, sed penes gradualement intensiõnem, quam per additionem gradus ad gradum fieri supra docuimus.

Suppono etiam, q̃ perfectio charitatis potest considerari, vel ex parte subiecti, vel ex parte obiecti, secundum quod aliter, vel aliter se habet respectu potentia.

Prima conclusio. Si perfectio charitatis attendatur secundum suam gradualement intensiõnem, charitas viæ potest esse maior, quam charitas patriæ. Probatur: quia charitas viæ & patriæ sunt eiusdem speciei: ergo illa potest esse maior ista. Et probatur in Virgine Deipara, cuius gratia, & charitas in via fuit maior, quàm gratia, & charitas Angelorum, & Archangelorũ.

Secunda conclusio. Charitas viæ in ordine ad actum nõ potest equari charitati patriæ: quantumuis minimus illi enim actus, qui elicitor a charitate ex p̃sentia obiecti, semper est perfectior, quàm actus elicitor ab eadem in absentia eiusdem obiecti.

Vide

1. *Suppositio.*

2. *Suppositio.*

1. *Conclusio.*

2. *Conclusio.*

Vide Seo. in 3. d. 31. solu. ad primū,

Sed dubitabis, an hæc maior perfectio actus charitatis patriæ proueniat ex parte habitus? Et videtur qd non, quia eadem charitas æque intensa potest poni in via & in patria. Respondeo, quod illa maior perfectio prouenit ex præsentia obiecti.

Ad argumenta in principio articuli posita.

Ad primū dico, quod procedit in casu secundæ conclusionis.

Ad secundū, transeat maior, sed nego minorem: nec probatio aliquid concludit.

AD ARGUMENTA in principio controuersie posita.

Ad primū, patet ex dictis quod charitas limitationē habeat, & ex ratione sua intrinseca, & ex parte subiecti, atq; etiā ex parte efficiētis.

Ad secundū concedo maiorem & minorem, & nego consequentiā. Et ratio est, quia cum ille accessus sit per charitatis participationē, necessariū habet terminum sicut & ipsa charitas participata, per quam ad Deum accedimus.

Ad tertium, nego antecedens. Et cum probas illud, quia quacunque gratia data potest dari maior, hoc ego nego. Et cum obijcis, quod quacunque gratia signata erit finita, ergo potest intelligi absque repugnantia alia perfectior, concedo antecedens, & nego consequentiā: quia ista cum sit in termino nō potest excedi ab aliqua gratia: est enim contradictio, quod hæc gratia sit in termino suæ perfectionis, & quod alia sit vel intelligatur perfectior.

Sed obijcis. Si intelligatur sibi addi aliquis gradus finitus nō erit infi-

nita, ergo nō repugnat ei augmentū.

Respondeo, negando consequentiā. Quia aliquid in infinitum intelligibile potest repugnare alteri intelligibili finito: sicut si intelligatur album addi nigro, tunc vtrunq; est finitū, & id, qd additur, & id cui additur, & tamen repugnat vnum addi alteri in aliqua perfectione: quia repugnat omnino, qd nigrum sit perfectio albi & e contra. Sic in proposito, cum charitas est in termino absque repugnātia & incōpossibilitate, non pōt intelligi sibi addi aliquem gradum.

Ad quartum nego maiorem: quia est deueniendum ad gradum perfectissimum gratiæ, cum ex supradictis gratia habeat terminū intrinsecum sui augmenti. Vnde licet creatura summa gratia possit creari alia distincta in numero minor, vel æqualis illi summæ, non tamen potest ei superaddi, quia iam est in termino.

Ad quintum respondeo, quod saltem homogeneis, in quorū augmento proceditur ad maiorem perfectionem intensiuam, repugnat posse augeri in infinitum, cuiusmodi est charitas atq; gratia. Et hoc patet ex his, quæ articulo secundo adnotauimus.

Ad sextum dico, quod eo ipso, qd charitas est creatura, participat esse diuinum secundum gradum determinatum. Et cum dicis, quod quamuis intelligatur infinita, non proinde concipitur extra rationem creaturæ, quia linea si esset infinita, nihil minus esset creatura, fateor: sed ratio, ob quam repugnat sibi infinitas est, quia omnis creatura eo ipso, qd creatura, habet esse participatum secundum aliquem perfectionis gradum determinatum. Hactenus de hac difficultate controuersia.

CON-

CONTROVERSIA

VIGESIMA.

Verum una persona diuina inexistat in alia?

1. *Argu.*



AR S negatiua probatur primò. Inter psonas diuinas nò est confusio: ergo vna non est in alia.

Antecedens probatur ex illo Athanasij. Neq; confundentes personas, &c. Consequetiam sic ostendo: quia, si quodlibet esset in quolibet iuxta opinionem Anaxagoræ, esset maxima confusio, vt docet Philosophus in Physicis: ergo, si personæ diuinæ essent in se inuicem, esset inter eas confusio.

2. *Argu.*

Secundò. In quocumq; est filius, in eo est filiatio: ergo, si in patre est filius, in patre erit filiatio, ac per consequens pater erit filius: quia forma existens in alio, necessariò ipsum denotat tale sibi exigetiam suæ naturæ.

3. *Argu.*

Tertiò. Si aliquid esset in deitate, quod non esset ipsa deitas, esset composita, vel componibilis: ergo, si persona habet aliquid in se, quod non est ipsa, erit composita, vel componibilis: sed, si vna persona est in alia, persona diuina habet aliquid in se, quod non est ipsa: ergo est composita, vel componibilis. Prima consequentia patet a paritate rationis. Antecedens probatur ex D. August. 11, de ciuitate Dei, capite decimo. Vbi sic ait. Ideò simplex est Deus, quia est illud, quod habet, excepto, quòd persona dicitur relatiuè ad aliam, & non est ipsa: ergo, &c.

4. *Argu.*

Quartò. Aristoteles quarto Physicorum ponit modos essendi in alio, sicut totum in partibus, sicut genus in speciebus, vel sicut pars in toto, vel species in genere, sicut forma in materia, sicut locatum in loco, vel sicut res in fine optimo, sicut motum in mouente, vel regnum in rege: sed nullo istorum modorum pater est in filio, nec è conuersò: ergo videtur, quòd vna persona diuina non sit in alia.

Quintò. Quod exit ab alio, nò est in eo: sed filius exit a patre, vt dicitur Ioannis XVI. Exiui a patre, &c. ergo filius non est in patre.

IN hac controuerfia communis est Doctorum sententia affirmatiua: quia Christus Dominus Ioannis 14. ait. Ego in patre, & pater in me est. Sed in modo explicandi hanc veritatem dissentiunt Doctores. Is autem ordo seruabitur a nobis in huius rei explicatione. Primò explicabimus modum, quo vna persona inexistit in alia, & quæ sit ratio præcisa, & adæquata istius inexistentiæ. Secundò, si iste modus essendi, in, possit reduci ad modum aliquem essendi, in, illorum, quos Philosophus quarto Physicorum enumerat: & vtrum possit declarari per aliquem modum, qui possit in creaturis inueniri. Tertiò, ad rationes.

ARTICVLVS PRIMVS.

Quis sit modus inexistendi unam personam in alia, & qua sit ratio huius inexistencie?



In primo articulo est triplex dicendi modus. Primus est D. Thomae r. parte, quaestione 42. art. 5. qui quatuor constat conclusionibus, & vnicui notabili. Notat ergo in patre, & filio tria posse considerari, vt puta, essentiam, relationem, & originem: & secundum quodlibet istorum (inquit) pater est in filio, & e conuerso.

1. *Concl.* Prima conclusio. Pater est in filio secundum suam essentiam. Probat: Essentia patris est in filio, ergo pater est in filio. Probat: antecedens: quia pater communicat essentiam suam filio eadem numero omnino indiuisam. Consequentia probatur: quia pater est sua essentia: ergo si essentia patris est in filio sequitur, qd pater est in filio: & similiter e conuerso, qd filius est in patre, quia essentia filij est in patre: sed filius est sua essentia: ergo filius est in patre.

2. *Concl.* Secunda conclusio. Pater est in filio, & e conuerso, secundum relationem. Probat: quia vnū relationum est in alio secundum intellectum: ergo vna persona est in alia secundum relationem.

3. *Concl.* Tertia conclusio. Secundum originem filius est in patre. Probat: quia processio verbi intelligibilis non est operatio ad extra, sed manet in dicente: ergo verbum est in patre dicente: & cum id, quod verbo dicitur, in verbo continetur, sequitur, quod pater sit in verbo, quia

per verbum dicitur, & explicatur.

4. *Concl.* Quarta conclusio. Idē dicendum est de Spiritu sancto.

SENTENTIA BEATI

Thomae examinatur.

1. *Stæ conclusiones per ordinē sunt a nobis discutiendæ, & examinandæ, vt veritas huius quaestionis facilius eniteat, & elucescat.*

Quoad primam, quaro, quid velit sanctus Thomas, an scilicet, quod essentia patris sit in filio, an potius, qd pater vere dicatur esse in filio, quia essentia patris est in filio? Si primum, fatemur, id de fide esse tenendum: ceterum nihil ad propositam quaestione in respondet, quia quaestio est de inexistencia vnius personae in alia.

Præterea, quia essentia diuina est in filio, sicut natura in supposito, Nō sic autem est vna persona in alia, sed sicut subsistens in subsistente, vt infra docebimus. Si verò vult secundum: ergo pariter filius erit in seipso, quia essentia eius in ipso est.

Secundō. Quando aliquid est in alio secundum partem, vel quasi partem, eodē modo est in illo, quo eius pars est ibi primō. Exemplum. Si homo est in terra per pedem, sicut pes est in terra localiter: ita homo est in terra localiter per partem, non autē, si pes est ibi quasi in loco, homo erit ibi, quasi forma in materia. Similiter. Si albedo est in homine secundum partem, quia secundum faciem, eodem modo essendū, in quo primo est in facie, puta, vt accidens in subiecto, eo, in quā modo est in homine per partem, sicut in subiecto. Ergo, si filius est in patre per essentia, quae est formaliter in patre, sequitur, quod filius

crit

erit in patre, quali formaliter, licet secundum aliquid sui, quod non est esse, in, secundum circuminſeſionem, de quo modo est ſermo.

*Reſp. Ca
ietan.*

Caietanus reſpondet ad primam rationē diſtinctione adhibita. Nam patrem eſſe in filio ratione eſſentia, biſariam, inquit, poteſt intelligi. Primo, q̄ ipſa eſſentia ſecūdm ſe ſit ratio eſſendi in filio, quemadmodum dicimus, q̄ pater intelligit ratione eſſentia. Secūdo, q̄ eſſentia, vt vna in pluribus perſonis ſit ratio vni, q̄ ſit in alia. Primus ſenſus (inquit Caietanus) alienus eſt a mente D. Thoma, quia ſic ratio ſupra poſita cōcluderet, filium eſſe in ſeipſo: ſicut ſi filius ratione eſſentia intelligit: ergo in ſeipſo intelligit, quia in ſeipſo habet eſſentiam. Secūdo verō ſenſus intentus (inquit) eſt a Diuo Thoma, quia eſſe in alio, ſicut nunc loquimur, duo exigit, coniunctionem, ſcilicet, & diſtinctionem extremorum: coniunctionem, & vnitatem in eſſentia, & diſtinctionem realem in extremis: eſt enim pater in filio, vt conſubſtantialis in alio conſubſtantiali ratione vnius eſſentia in vtroque.

Oſtenditur quod reſponſio Caiet. ſit cōtra mentem D. Thom.

Certē, ſi litera Beati Thomae rectē inſpiciatur, patebit, ipſum primum intendiſſe ſenſum: abſolutē enim fatetur, patrē eſſe in filio ſecūdm eſſentiam, quia eſſentia eius in filio eſt.

Et confirmatur: quia ipſe fatetur, patrē ſecūdm relationem ſolum eſſe in filio quoad intellectum, & nō ſecūdm rem, vt ipſe etiam Caietanus ibidem aſſerit, quia paternitas non eſt in filio realiter: ergo præciſe vult patrem eſſe in filio, quia eſſentia patris eſt in ipſo filio.

Præterea, quia Diuus Thomas in toto illo articulo nunquam dixit, pa-

trem eſſe in filio, ſicut, ſubſiſtens in ſubſiſtente.

Contra ſecūdm ſenſum, quem ait Caietanus Diuus Thom. intendiſſe, ſic inſurgo. Eſſentia vt vna in pluribus, eſt in ipſis, ſicut forma, ſeu natura eſt in ſuppoſito: ergo, ipſa nō poteſt eſſe ratio vni perſonae inexistendi in alia, ſicut ſubſiſtens in ſubſiſtente: quia ſicut ipſa non facit, nec cōſtituit rē in eſſe ſubſiſtentiſ, ita nō pōt eſſe ratio alteri eſſendi in alio, ad modum ſubſiſtentiſ in ſubſiſtente.

Præterea. Ad iſtum modum eſſendi in, de quo modo loquimur, requiritur vnitas eſſentia numerica inexistentiſ cum eo, in quo inexistit, & q̄ ab eo reiſa diſtinguatur: ergo ratio inexistendi vnā perſonā in alia non eſt præciſe vnitas eſſentia, ſed etiam id, per quod reiſa ab ea, in qua inexistit, diſtinguitur.

Item. Secundum Sanctum Thomam pater nō eſt in filio, ſecūdm relationem paternitatis, niſi ſecūdm intellectum, & non ſecūdm rem: ergo in opinione Beati Thom. perſiſtendo, etiam eſſentia, vt vna in tribus, non eſt ratio vni perſonae, quod in alia inexistat, ſicut ſubſiſtens in ſubſiſtente, quia tunc pater realiter eſſet in filio ſecūdm ſuam relationem: nam ſecūdm rem eſt in filio, ſicut ſubſiſtens in ſubſiſtente.

Ad ſecūdam rationem ſolent alii qui reſpondere, quod maior eſt vera loquendo de ratione proxima eſſendi in, non autem de ratione remota. Eſſentia verō vt eſt formaliter in patre, non eſt ratio proxima filio eſſendi in patre, ſed remota: eſt autē proxima, vt eſt ſub proprietate perſonae inexistentiſ.

Ex hac reſpoſitione ſequitur, quod vni

*Impugnatio
reſponſio
Caiet.*

vni personæ conueniat inexistere in alia ratione essentie, & sue proprietatis, q̄ nos infra docebimus esse verū.

Secunda conclusio Beati Thomæ (si probatio eius attēdatur) sic est accipienda, q̄ vna persona est in alia secundum intellectum, quia vnum relatum est in intellectu & cōceptu alterius. Et licet conclusio sic intellecta vera sit, cæterum in presenti questione non quærimus de inexistētia vnius personæ in alia, secundum intellectum & modum concipiendi, sed secundum rem: nam Christus Dominus absolute dixit, ipsum in patre, & patrem in ipso esse, quod de inexistencia secundum rem, secundum omnes sanctos accipiendū est.

Tertia etiam conclusionis probatio, qua verbum in patre esse ostēdit, non videtur aliquid concludere. Ex probatione enim illa solum colligi potest, vel quod illa actio gignendi maneat in generāte, vel saltem, q̄ genitum sit in eadem essentia cum generante, vel quod sit formaliter in dicente, sicut verbum nostrum in nostro intellectu. Sed hoc tertium dici non potest, quia verbum diuinū nō est formaliter in patre, cum sit suppositum perfectū, cui alterius esse formam prorsus repugnat: ergo solum concludit dictionem illam esse in patre, vel verbum esse in eadē natura cum patre. Sed vnde, quā sō, ex hoc deduci potest verbum esse in patre, sicut subsistens in subsistente?

Secunda etiam ratio, qua probatur patrē esse in verbo, id minime ostendit: nam tunc diuina essentia esset in verbo per circuminseptionem, quia per verbum dicitur & explicatur: & similiter creaturæ essent per circuminseptionem in verbo ob eandem ra-

tionem: explicantur namque, & declarantur per ipsum, quæ tamē sunt falsa: ergo, &c.

Præterea, quia id, qd dicitur per verbum esse in verbo, ex ratione sua solum est esse in eo, sicut representatum in representante, seu representatione. Ex hoc tamen nullatenus cōcludi potest, quod pater sit in verbo secundū rem, & vt subsistens in subsistente, sed sicut representatum in representante: nam lapis dicitur per verbum, & non est in verbo secundum rem.

Secundus modus dicendi est Henrici, quem citat Scotus in primo, distinctione decimanona, quaestione secunda. Et sententia eius cōstat vnicā distinctione, & triplici conclusione. Distinctio est. Duobus modis potest intelligi aliquid esse in alio: vno modo primō, id est, secundum se totum, sicut vinū est in amphora: alio modo secundum partē. Et hoc biformia accidere potest. Primō, ita, q̄ pars sit in alio, & ipsa nihil sit eius, in quo est: sic pes auis est in laqueo, & nihil est laquei; per hoc tamen tota auis in laqueo esse dicitur. Secundō, q̄ pars sit in alio, & ipsa sit aliquid eius, in quo est, & per hoc illud, cuius est pars dicitur esse in illo, in quo est eius pars: sicut si aliquod monstrum habens duo capita, & duo corpora, haberet tantum duos pedes, tunc dicitur vnum monstrum esse in alio per pedem, qui esset alterius monstri.

Prima conclusio Henrici. Pater non est in filio primo modo, id est, primo & secundum se totum.

Secunda conclusio. Sicut in creaturis dicitur aliquid esse in alio secundū partem, & non primo, ita vna persona diuina dicitur esse in alia secundū

aliquid sui, quod tamen est aliquid eius, in quo est: nam vna persona est in alia per suam essentiam, quæ est aliquid eius, in quo est, quia essentia vnius personæ est etiam alterius.

3. *Concl.* Tertia conclusio. Licet vna persona sit in alia per aliquid sui, scilicet, per essentiam, cæterum persona, in qua est alia, primo & se tota est id, in quo est alia, quia se tota habet aliquo modo rationem ambientis, & continentis aliam. Hæc Henricus.

EXPLANATIO modi dicendi Scoti.

1. *Nota.*

Ad intelligentiam modi dicendi Doctoris subtilis, primò obseruandū est, quod inexistētia personarum diuinarum in se inuicem a Doctoribus vocatur circuminsestio. Quæ sic describi potest. Circuminsestio est alicuius subsistentis in subsistente realiter distincto, mutua & intima præsentia litas in eadem natura numero. Ex hac descriptione sequitur plura requiri, vt vnum sit in alio per circuminsestionem. Primò, qd sic vniantur inter se, quod vna natura numero sit in illis. Ex quo inferitur, qd si Deus poneret duo corpora in eodem loco, vnum nō esset in alio per circuminsestionem, quia haberēt duas naturas numero distinctas. Secundò requiritur, qd quodlibet sit subsistens. Ex quo sequitur attributa diuina non esse in essentia per circuminsestionem, nec essentiam in persona. Tertiò requiritur, quod illa sint realiter distincta. Ex quo sequitur, nec essentiam in personis, nec personam in essentia per circuminsestionem existere. Quartò requiritur inter illa mutua & intima præsentia litas: vnde

Requiritur ad circuminsestionem.

infertur, quod licet Deus nobis sit in timè præsens, non tamen est in nobis per circuminsestionem, quia nos non sumus sic præsentēs ipsi Deo in eadem natura numero, sicut personæ diuinæ sibi inuicem.

Hæc descriptio circuminsestionis colligi potest ex Diuo Hilario septimo de Trinitate, capite sexto. Vbi loquendo de inexistētia, vel modo inexistendi personarū diuinarum in seipsis, sic ait. Inesse nō vt aliud ī alio vt corpus in corpore, sed sic inesse ac subsistere, vt in subsistente inest, vt sit ita inesse vt ipse subsistat. Ex quo sequitur manifestè, quod ista inexistētia vnius personæ in alia, non est modus essendi in alio, vt natura in supposito, sed sicut subsistēs in subsistente. Ait enim Hilarius huiusmodi inexistētiā esse sic in subsistente subsistere, vt ipse inexistēs subsistat. Aduerte tamen, quod subsistere hic accipitur pro incommunicabiliter per se existere, quod soli supposito & hypostasi conuenit.

Secundo obserua, quod hic modus essendi, in, non dicit in diuinis (secūdam opinionem communem) aliquid ad se, seu absolutum, sed relationem personæ ad personā: nō qui dem originis, quia illa non est eiusdem rationis in extremis. Paternitas enim in patre alterius rationis est a filiatione in filio, personæ verò vni-formiter sunt in se inuicē: ac per cōsequens modus hic essendi, in, dicit relationē communē, sicut similitudo & identitas. Solum. n. attenditur in hoc modo essendi in, mutua præsentia vnius extremi ad alterum: omnis vero cōtinentia ab eo secluditur. Vnde, si duo corpora essent simul in eodem loco in se inuicem sicut eandem ratio-

2. *Nota.*

rationem simultatis, & ab eis secluderetur locus, eorum præsentia mutua & intima manente, esset in ipsis relatio eiusdem rationis: & alterū esset in altero, & ē conuerso, sine continētia vnus ab altero, vel amborum a tertio, licet non esset modus essendi, in, per circuminseccionem, propter defectum vnitatis naturæ numerice in ipsis.

1. *Concl.* His ita constitutis sit prima cōclusio. Personæ diuinæ sunt in se inuicem. Probat: quia Ioannis decimo quarto dicit Christus: Ego in patre & pater in me est. Et Ioannis decimo septimo. Tu pater in me, & ego in te. Idem docent omnes sancti. Hilarius tertio de Trinitate in principio, & libro septimo circa finem. Diuus Augustinus de fide ad Petrū capite primo, & Diuus Ambrosius 2. ad Corinth. 5. Damascenus libro tertio fidei, capite sexto. Mag. cum Theolog. in prima, dist. 19.

2. *Concl.* Secunda conclusio. Sola essentia diuina non est ratio inexistētiæ vnus personæ in alia, probatur: quia tunc pater esset in se, quia habet eī sētiā: quod est falsum eo modo, quo intellegit prima veritas in euangelio, patrem esse in filio, & filium in patre: quia sic esse distinctionem reālē exposcit inter personā inexistētem, & eam, in qua inexistit.

3. *Concl.* Tertia conclusio. Sola relatio non est ratio huius inexistētiæ personæ in persona. Probat: primo: quia relationes originis non sunt eiusdē rationis in relatis. Ecce si illæ essent rationes formales essendi personarum in se inuicem, non esset personæ in se inuicem vniformiter, quod est cōtra prædicta. Secundo. Quia, si per impossibile Deus produceret alium

Deū, verē esset inter eos relatio producentis ad productum: at tunc non esset vnus Deus in alio, quia secundum Damascenum capite quinto si essent duo dii, nō possent esse simul: ergo relatio sola non est causa, & ratio adæquata inexistētiæ personæ in persona.

Tertio. Quia, si p impossibile d iæ personæ essent sine origine, haberēt tamen eandem numero essentiam cum distinctione reali inter se, essent in se inuicem: ergo relatio non est sufficiens ratio prædictæ inexistētiæ.

Quarto. In creaturis sunt relationes originis, & principiantis, & principiat, tamen propter naturæ diuersitatem in ipsis relatiuis neutrum est in alio: ergo, &c.

Quarta conclusio. Præcisa & adæ- 4 *Concl.*
quata causa inexistētiæ vnus personæ in alia est identitas essentia cum relatione. Probat: Quia in persona inexistente non est sū communem opinionem, nisi essentia & relatio: ergo cū ex dictis, nec sola essentia, nec sola relatio sit causa totalis præfatæ inexistētiæ, sequitur quod essētia, & relatio erunt vna totalis causa eius.

Secundo. Hic modus essendi, in, est subsistētis in subsistēte, ex supra notatis: sed essentia & relatio re subsistētem constituunt: ergo essentia et relatio erunt causa totalis illius modi essendi, in. Explicatur hæc conclusio per exemplum in creaturis de similitudine: nihil enim est sibi simile, sed alteri: attamen similitudo fundatur super vnitatem in qualitate: sola tamen diuersitas relatiuorum, aut sola vnitatis fundamenti non sufficit ad similitudinem, sed ambo per se requiruntur. Ita in proposito, nec distinctio

personæ inexistētis ab ea, in qua inexistit, nec vnitas essentiae est tota ratio huiusmodi inexistētiæ, sed ambo simul. Caterum sicut in similitudine est principalior ratio vnitas fundamenti, quā distinctio extremorum & immediatio: ita in proposito principalior & immediatio ratio istius inexistētiæ est vnitas essentiae, quam personarum distinctio. Ex his infertur, quod vna persona primò, id est secundum se totam est in alia: quia vt probatum manet, huiusmodi inexistētia non conuenit personæ secundum aliquam partem sui, vel secundum aliquid sui, puta, relationē, vel essentiam, sed secundum quod ex utroque constituitur.

Sed contra hoc arguitur primo. Quia illud est in aliquo primò, cuius qualibet pars est in eo æquè primò: sicut si terra est primò in centro, quælibet pars eius est æquè primò in centro, quantum est ex se: ergo, si pater primò est in filio, quælibet pars patris erit æquè primò in filio: & ita paternitas erit in filio æquè primò, sicut deitas. Ex quo ultra sequitur, quod sicut filius deitate est Deus, ita paternitate sit pater, quod est omnino falsum.

Secundo. Quia illud, in quo primò est aliquid, videtur quasi ambire illud & penetrare ac continere: sed idem respectu eiusdem continere, et contineri, ambire, & ambiri est prorsus impossibile: ergo pater non potest esse primò, id est, secundum se totum in filio.

2. Nota. Ad solutionem horum argumentorum obseruare oportet, aliquod prædicatum dici alicui conuenire, primo, quatenus primò distinguitur contra illud, quod conuenit per partem: illud autem dicitur in hac significa-

tione conuenire alicui primò, quod non conuenit ei præcisè, quia parti illius conuenit. Per oppositum autem nihil dicitur conuenire alicui toti per partē, nisi illud prius in sit parti. Sic homini competit crispitudo secundum capillos, quæ tamen prius inest capillis, & per capillos dicitur de toto homine. Sic dicitur homo sanari, quia thorax eius sanatur, secundum Philosophum quinto Physicorum, textu decimo: nam formaliter sanari, & primò dicitur de thorace, & per hoc dicitur de toto homine, cuius totius thorax est pars.

Secundo aduerte, quod prædicatum primò inherens alicui toti, quandoque nulli parti ipsius totius inest, quandoque vero cuiuslibet parti eius. Exemplum primi. Triangulus primò habet tres angulos, &c. & tamen nulla pars integralis trianguli habet tres angulos. Similiter homo primò est risibilis, & tamen nulli parti eius integrali primò inest hæc passio: quia nec corpus est risibile, nec anima, sed totus homo. Et ita accidit vniuersaliter in omnibus subiectis heterogeneis, & passionibus eorum. Et ratio huius est, quia natura talis subiecti est adæquata tali prædicato & passioni, quam adæquationem notat talis primitas, sicut patet ex definitione vniuersalis. 1. posterio. Natura autē illa totius in nulla parte saluatur (natura enim humana nec de corpore, nec de anima dicitur) ac proinde eius passio nulli parti inest, sicut nec natura, cuius est propria & adæquata passio. Exemplum secundi. Si ignis sit primò calidus, quælibet pars eius est primò calida, & ita accidit in subiectis homogeneis, & passionibus eorum. Et ratio huius est, quia natura

natura ista, cui primò id est, adequatè conuenit talis passio, ipsa est eiusdem rationis in parte & in toto. Tota enim natura ignis saluatur in qualibet parte ignis, sicut natura aquæ in qualibet parte aquæ, qualibet enim pars aquæ est aqua. Scita prædicatum illi naturæ adæquatum conuenit cuilibet, in quo est ipsa natura, & ita conuenit parti.

Ex his sequitur, non valere istam consequentiam. Hoc prædicatum conuenit alicui primò: ergo conuenit cuilibet eius parti, vel saltem alteri. Imò nunquam propter hanc rationem oportet, quod conueniat parti: sed præcisè quando natura totius est in toto, & in parte.

Nunc dico ad primum argumentum, quod maior est dupliciter falsa. Primò: quia non oportet, quod illud prædicatum, quod conuenit alicui toti primò, conueniat alicui parti eius, ut ex dictis satis patet. Secundò: quia, si alicui toti inest aliquod prædicatum ratione alicuius partis, non oportet, quod alteri parti conueniat ratione cuiuscunque partis. Nam dato, quod intelligere conueniat homini per animam, sic, quod primò anime cōueniat, non tamen potest conuenire corpori, quod altera pars est hominis. Igitur propter hoc, quod pater primò sit in filio, non oportet concedere, diuinitatem, vel paternitatem esse in filio, eo modo essendi, in quo pater dicitur esse in filio: quia illud prædicatum conuenit primò toti parti, & non secundum aliquid sui, vel ratione alicuius partis, vel quasi partis.

Præterea dico, quod, etsi concederetur de essentia, adhuc non oporteret cōcedere illud de relatione, quia essentia & relatio non sunt eiusdem

rationis in persona includente eas: ac proinde non oportet, quod si alteri conuenit prædicatum, quod inest toti, similiter & alteri conueniat, ut de intelligere exemplificatum est in corpore, & anima.

Sed si obijcias, pater est primo in filio, id est, secundum se totum, ergo, essentia patris, & paternitas sunt æquæ primo in filio, sed essentia est formaliter in filio, ergo & paternitas.

Respondetur, quod nec essentia per se, nec paternitas per se competit esse in filio eo modo, quo patri, ut puta, sicut subsistens est in subsistente, sed tota persona patris est sic in filio: essentia verò & paternitas sunt in filio, sicut adæquata ratio illius inexistentiæ, ceterum ex hoc modo essendi, in, per præsentiam non licet inferre esse, in, per informationem, sicut inest in argumento: quia committitur æquiuocatio, commutatur enim esse, in, per præsentiam, in esse, in, per informationem.

Ad secundum dico, quod ista inexistencia non dicit continentiam, sed præsentiam subsistentis in subsistente, & ita est vnus rationis in utroque: quia sicut hoc subsistens est præsens illi, sic illud isti.

Ex his satis patet falsitas primæ conclusionis Henrici. Falsitas vero secundæ etiam liquet per ea, quæ contra primam Diui Thomæ conclusionem diximus, utriusque enim eadē est ratio.

Quinta conclusio. Falsa est tertia conclusio Henrici. Probat. Quia ista inexistencia, de qua loquimur dicit relationem communem, & non originis, ut supra diximus: sed relationis communis secundum eandem rationem fundamētum est in supposito.

Obiectio.

Solutio.

5. Concl.

quod refertur & in supposito, ad qđ refertur, vt pater de similitudine, quę vtrique extremo secundum eādem rationem fundamenti inest: ergo secundum eandem rationem fundamenti inest vtrique relator: sed secundum Henticum illa persona, in qua alia inexistit, primò & secundum se totam, refertur ad inexistentē: ergo inexistens persona primò, & secundum se totam, & non secundum aliquid sui refertur ad illā, in qua inexistit: ergo secundum se totam est in ea, & non secundum aliquid sui tantum, vt vult Henticus.

ARTICVLVS II.

An modus, quo vna persona diuina, inexistit in alia, reducatur ad alium quem ex his, qui in creaturis reperiuntur?

Circa secundum articulum dico primò, quod iste modus essendi, in, de quo in præsentiarum loquimur, non est formaliter aliquis illorum modorum, quos ponit Philosophus quarta Physicorum, quos nos in argumento vltimo ad partem negatiuam huius controuersię posuimus. Ratio est, quia in prædictis modis diuersitas extremorum est maior ratio essendi, in, quam vnitas, cuius contrarium accidit in proposito. Idcirco optime Hilarius tertio de Trinitate dicit, quod rationem huius in-existentiæ personarum in se inuicē, intelligētia humana naturaliter non capit. Nec exemplum aliquod rebus diuinis, comparatio humana præstabit. Ac proinde dico secundò, quod nullum exemplum in creaturis huius modo essendi, in, accommodatum in medium proferri poterit. Colli-

gendo tamen ea, quę sunt perfectio nis in creatura, vel in eo ea, quę imperfectiōe inuoluunt, aliqua exempla huius modi essendi, in, licet imperfecta, adduci poterunt.

Primum exemplum est de illap-^{1. Exēplū} su generali essentia diuinæ respectu creaturarum, ad quem duo concurrunt simul, vt puta, diuinæ essentię immensitas, & eius manutententia, qua cuncta tenet & conseruat, ne in nihilum redigantur. Circumscribamus ab hoc generali illapso manutententia rationem, ita quod seruetur ratio præsentię, naturæ diuinæ ad creaturas propter immensitatē absq; ratione manutententia, & conseruationis. Hoc circumscripto, sicut Deus (quia immanens) præsens est intimē omni creaturæ, ita tunc seclusa illa manutententia intelligeretur præsens creaturæ absque hoc, quod illā manuteneret. Si autem tunc poneretur vna natura numero in præsentē, & in eo, cui est præsens, esset exemplū satis ad propositum accommodatū. Sicut igitur Deus est intimē præsens creaturæ ratione immensitatis suę naturæ, ita modo vna persona est intimē præsens alteri in vnitate naturæ, omni manutententia, & continentia semota.

Secundum exemplum esse potest,^{2. Exēplū} vel de anima non informante corpus, ipsi tamen præsentē, & cuiuslibet parti eius: aut de Angelo non informantē corpus, ipsi tamen præsentē, aut de corpore glorioso præsentē corpori non glorioso. In his omnibus esse, in, est substantientis, & præsentis in substantiente non per informationem, nec per modum partis, & si isti addatur vnitas naturæ, quæ de necessitate exigat talem præsententia: est

3. *Exemplum.*

est optimum simile ad propositum . Tercium exemplum est de animæ potentijs, quæ si essentia animæ sint realiter idem, & vitæ essent inter se re ipsa distinctæ, & per se subsistentes, optimè hanc inexistētiā, seu modum essendi, in personarū diuinarū explicarent . Tunc enim subsistens esset in subsistente cum naturę vnitāte numerica .

Aliud exemplum præter assignata, haudquaquam reperiri poterit . Omnia tamen exēpla, quæ ex creaturis sumi possunt, vt diximus, sunt ad hunc modum essendi, in, representandum imparia, & imperfecta . Hæc de secundo articulo .

AD ARGUMENTA in principio controuersia posita .

Ad primum.

Ad primum dico, quod Anaxagoras, quodlibet esse in quolibet tāquam eius partem affirmabat : ex quo vt Philosophus infert, maxima sequebatur confusio . Cæterum vna persona non est in alia, sicut pars ei us, sed sicut subsistens in subsistente : ac proinde nulla ibi confusio reperiri potest, sicut nec confusio aliqua ex præsentia Dei in rebus oritur & dimittat .

Ad secundum.

Ad secundum concedo antecedēs eodem modo essendi, in, quo filius, Et cum infers, ergo filiatio est in patre, concedo illud de modo essendi, in, per intīmā inexistētiā, & præsentiam . Et cum rursus infers, ergo pater est filius, quia forma denominat id, in quo est, neganda est consequentia . Committitur enim æquiuo-

catio, quia ab esse, in, per intīmā inexistētiā, arguitur ad esse, in, per modum formæ .

Ad tertium dico, quod deitas est communis omni subsistenti in natura diuina, estque aliquid cuiuslibet in natura diuina subsistentis, Est enim natura & essentia eius : ac proinde nō posset re ipsa distingui ab aliquo in diuinis, nisi esset aliquo modo cum eo componibilis, quia, vt dixi, est aliquid eius . Cæterum persona diuina non est aliquid cuiuslibet subsistentis in natura diuina : & idcō licet persona sit in persona, non sequitur, quod ibi sit compositio . Tota ergo ratio, quare deitas faceret compositionē in diuinis, si ab aliquo ibi existente re ipsa distingueretur est, quia essentia diuina est aliquid cuiuslibet ibi existentis . Vna autem persona non est aliquid alterius, ac proinde ex inexistētia personæ in alia a se re ipsa distincta non sequitur compositio .

Ad tertium.

Ad quartum.

Ad quartū patet ex distinctis in secūdo articulo, q̄ huc modus essendi in ad nullum illorū, quos ponit Philosophus reducitur . Nec mirū, quia Philosophus scrutatus est modos essendi, in, creaturarum in se ipsis, non vero attingit personarū inexistētiā in se inuicem, cū sanctissimæ Trinitatis mysterium non cognouerit .

Ad quintum.

Ad quintum dico, qd̄ exitus filij a patre est processio producti a producente, qui nō prohibet, q̄ exiens maneat in eo a quo exit, quia cū hoc qd̄ exit a producente recipit eādem naturam numero cum eo, a quo exit, & procedit : ac proinde et si a producente exeat, manet tamen in illo .

CONTROVERSIA

VIGESIMA PRIMA.

An ens sit vniuocum Deo & creaturis, substantia, & accidenti

1. ARGUM.



RARS negatiua probatur. Quia si ens esset vniuocum Deo & creaturis, haberet cōceptū prācisū communē Deo & creaturis a conceptu Dei & creaturæ prācindentem: sed consequens est falsum: ergo & antecedens. Sequela est notissima: sed consequentis falsitatem sic demonstrō: quia tunc Deus non esset simplicissimum ens, esset enim ens simplicius Deo, quia omnis conceptus, qui ad alium contrahitur est simplicius eo, ad quem contrahitur, quia cōtrahens est extra rationem contracti: sed ens contrahitur ad Deum per infinitatem: ergo aliquid includitur in Deo, quod non includitur in ente, ac per consequens Deus non est ita simplex sicut ens.

2. ARGUM.

Secundō. Si ens diceret cōceptum vniuocum communem Deo & creaturis, sequeretur, quod aliquid ens reale, quod non est Deus, esset prius natura Deo: sed consequens est falsum, quia communis animi conceptio est primum in entibus esse Deū: ergo & antecedens. Probo sequelam: quia ille conceptus vniuocus esset ens reale & prius Deo secundum naturam, siquidem prius secundum naturam illud dicitur ex Aristotele in postprādicamentis, a quo non conuertitur subsistendi consequutio: sequitur enim, Deus est, ergo ens est,

non tamen, est ens, ergo Deus: quia lapis est ens, & non est Deus.

Tertiō sic argumētor. Ens est vniuocum substantiæ & accidenti: ergo in ratione substantiæ expresse cadit ens: ergo in definitione hominis etiā expresse cadit ens: sed hoc est contra Aristot. 8. Metaphy. tex. com. 16. & contra viam communem: ergo ens non est vniuocum substantiæ & accidenti. Prima consequentia probatur ex eo, quod omne superius vniuocum explicite cadit in ratione sui inferioris, sicut animal in ratione hominis. Secunda consequentia probatur ex Aristotele 2. lib. Topicorum, ubi ait, quod quando aliquid ponitur in definitione alicuius, si loco illius supponatur eius ratio, clarior erit intellectus & definitio: ergo cū substantia ponatur in definitione hominis, & loco substantiæ liceat ponere eius rationem, in qua explicite cadit ens, vt clarior sit definitio, sequitur quod ens poterit poni in definitione hominis explicite, vt clarior huiusmodi definitio reddatur.

Quarto. Primō diuersa in nullo conueniunt: sed Deus est primō diuersus a creatura quacunque, alioquin haberet quo cōueniret & quod differret, ac per consequens non esset simpliciter simplex: ergo Deus in nullo conuenit cum creatura: ergo Deo & creaturæ nihil est cōe vniuocum, & per consequens nec ens.

Quinto

3. ARGUM.

4. ARGUM.

5. *Argu.* Quintò arguitur. Omne vniuocum aqualiter participatur a suis inferioribus: sed ens non participatur aqualiter a substantia, & accidente, quia substantia est eis perse, & accidens est ens in alio, seu entis ens: ergo ens non est illis vniuocum,

6. *Arg.* Vltimò probatur: quia Aristoteles quarto Metaphysicorum ait, quòd ens dicitur de substantia & accidente, sicut sanum de vrina, de animali, & de medicina: sed sanum non dicitur de istis vniuocè, sed tm analogicè: ergo ens non dicitur vniuocè de substantia, & accidenti, sed analogicè.

IN hac cōtrouersia hunc ordinem seruabo. Primò inquiram de quaesito principali: scilicet, ens sit vniuocum Deo, & creaturis, substantia, & accidenti.

Secundò, an ens vniuocè, & quid ditatiuè prædicetur de omnibus entibus. Vltimò rationibus in principio huius cōtrouersia, positis satisfaciam,

ARTICVLVS PRIMVS.

Verum ens sit vniuocum Deo, & creaturis substantia, & accidenti?

In hac primū articulum est duplex opposita opinio. Prima est Beati Tho. prima parte, quæst. decimatercia, art. 5. asserentis ens analogicè tantum dici de Deo, & creaturis, substantia, & accidenti. Idē tenet libro de ente, & essentia capite primo, & cum eo Caietanus eisdem locis, & Soto in prædicamentis, cap. 4. quæstio. 2.

Opposita sententia est Doctoris

subtilis in primo, distinctione tertia, quæstione prima & tertia, & distinctione octaua, quæstione tertia asserentis ens esse vniuocum substantia, & accidenti, Deo & creaturis.

E X P L A N A T I O opinionis B. Tho. secundum mentem Caietani.

Opinionem Beati Thom. explicat Caietanus libro de ente, & essentia, capitulo secundo, quæstione tertia duabus conclusionibus, duplici præiæcto notabili. Primò prænotat differentiam inter vniuocum, & æquiuocū, purum, & analogum, his verbis. Vniuocata sunt, quorum nomen est commune, & ratio secundum illud nomen est eadem simpliciter. Pura æquiuocata sunt, quorum nomen est commune, & ratio secundum illud nomen est diuersa simpliciter. Analogata sunt, quorum nomen est commune, & ratio secundum illud nomen est aliquo modo eadē, & aliquo modo diuersa, seu secundum quid eadem, & secundum quid diuersa. Verbi gratia, animal & medicina sunt analogata sub sano, vnde habent illud nomen cōmune, verum que enim illorum dicimus sanum, definitio autem eorum in quantum sana sūt, est aliquo modo eadem, & aliquo modo diuersa: animal enim, in quantum sanum, est habens sanitatem, medicina in quātum sana, est causa sanitatis.

Sunt enim eadem aliquo modo istæ definitiones, quia in omnibus includitur sanitas: & sunt diuersæ aliquo modo, quia diuersis modis sanitatem respiciunt. Vnde analogum est medium inter purum æquiuocum.

cum & vniuocū, sicut inter idē simpliciter, & diuersum simpliciter reat, vt medium idē secundū quid & diuersum secundū quid: & sicut medium supit naturā vtriusq; extremi dicit enim quodammodo plures rationes, & quodammodo vnā, propter quod inuenitur quandoque apud illustres Philosophos, quod analogū dicit plures rationes, & quādoque quod dicit vnā rationē.

2. Nota. Secundo preterit, quod duplicia sunt analogata, quædam secundum determinatam habitudinē vnus ad alterum, quædam secundum proportionalitatem. Exemplum. Substantia, & accidēs sunt analogata primo modo sub ente; Deus autem, & creatura secūdo modo, infinita enim est distantia inter Deum & creaturā. Differunt autem hæc plurimū: quoniam analogata primo modo, ita se habent, quod posterius secundum nomē analogum definitur per suum prius, puta, accidens, in quantū ens per substantiam: analogata verò secundo modo nō. Creatura enim in quantū ens nō definitur per Deū: vnde Analogata primo modo habēt nomen commune, & rationē secundū illud nomen, secundū quid eandē, & secundū quid diuersam: per hoc quod analogum illud simpliciter, id est, sine additione aliqua de primo dicitur: de alijs verò, non nisi diuersimodē respiciendo primū, quod cadit in eorum rationibus, sicut in exemplo de sano manifestum est. Analogata verò secundo modo habent nomē cōmune, & rationē secundū illud nomen aliquo modo eandē, & aliquo modo diuersam, non propter hoc, q̄ illud simpliciter dicatur de primo, & de alijs

relatiuē ad primum, sed habent rationem eādem secundū quid propter identitatem proportionis, quæ in eis inuenitur, & secundū quid diuersam propter diuersitatem naturarū suppositarum illis proportionibus. Exemplum. Forma & materia substantialis, & forma & materia accidentium sunt analogata quædam sub nominibus formæ, & materiæ, habent enim nomen commune, puta, formam & materiam, & rationē secundū nomen formæ siue materiæ eandē, & diuersam hoc modo, quia forma substantialis ita se habet ad substantiam, sicut forma accidentalis ad accidēs: similiter materia substantiæ, ita se habet ad substantiam, sicut materia accidentis ad accidens, vtrobiq; enim saluatur identitas proportionum cum diuersitate naturarum & vnitatem nominis. Hunc modum analogiæ exprimit Commentator 1. 2. Metaphysic. comm. 2. 8. & clarius cū Arist. 1. Ethic. cap. 7.

Hæc ita constitutis est prima conclusio Caietani. Ens analogicē vtrouque modo analogiæ dicitur de substantia, & accidente. Probatur hæc conclusio autoritatibus Aristot. 4. Metaphysic. text. comm. 3. & Commentatoris ibidem: expresse enim ibi dicitur, quod ens non est vnum, sed ad vnum Duodecimo quoq; Metaphysicorum textu, comm. vigesimo octauo expresse dicitur, quod principia prædicamentorum non sunt aliquo modo eadem, nisi secundū proportionem. Super qua authoritate potest argui sic. Illa non sunt vniuoca, quæ nullam identitatem habent, nisi proportionis: sed principia propria substantiæ, & accidentium sunt huiusmodi: ergo, &c. Et hæc au-

1. Concl.

thori-

thoritas, inquit Caietanus, est notanda contra Scotistas: quia etsi concedant ens habere entitatem analogā, dicunt cum hoc, quod habet etiam identitatem vniuocam: cuius oppositum Arist. dicit solam identitatem proportionis inter principia prædicamentorum ponens.

¶ Cōcl. Secunda conclusio. Ens dicitur de Deo & creatura secundo modo analogicē. Hanc probat Caietanus auctoritate Diui Thomæ in questionibus de veritate questione secunda: vbi examiniāns, quo modo scientia sit analogā scientiæ diuinæ, & scientiæ creatæ expresse fatetur, quod secundo modo sit analogā & non primo modo. Vnde cum ens dicitur de Deo & creatura hoc modo dicitur proportionabiliter: qui sic exprimitur, quod, sicut Deus se habet ad suū esse, ita creatura ad suum. Hæc de sententia D. Thomæ.

EXPOSITIO opinionis Doct. subtilis.

1. Nota. **A**D intelligentiā opinionis Doctoris subtilis multa sunt præiacienda. Primò, quod conceptus sumitur bifariam, primò pro conceptu formali, secundo pro conceptu obiectiuo. Conceptus formalis attenditur ex parte intellectus, qui est verbum mentis, quod secundum Scotum est actus intelligendi, siue ipsa actualis intellectio, vt in controuersia septima diximus. Secundum Sanctum Thomam verò est similitudo quædam per actualem intellectiōem expressa. Conceptus obiectiuus est ex parte obiecti, & est ipsum obiectum conceptū in quantum terminat, vel potest ter-

minare actum intelligendi. Dixi, in quantum potest terminare, quia obiectum proximè intelligibile dicitur conceptus obiectiuus secundum multos. Ex quo sequitur, quod conceptus obiectiuus natura saltem præcedit conceptum formalem. Et ratio est, quia actus intelligendi supponit obiectum.

Secundò obserua, quod cōceptus **2. Nota.** obiectiuus est triplex, vniuocus, æquiuocus, & analogus. Conceptus vniuocus est, qui habet vnitatem nominis & rationis, iuxta Aristotelem in antepædicamentis: vbi vniuoca ait esse, quorum nomen commune est, & ratio secundum illud nomen eadem. Conceptus verò æquiuocus est, qui habet vnitatem nominis, & non rei, & rationis, secundum Aristotelem eodem loco dicentem. Æquiuoca dicuntur, quorum nomen commune est, rō verò illi nomini accommodata diuersa, vt canis. Conceptus autem analogus dicit rationis vnitatem secundum prius & posterius, quia per prius conuenit vni quā alteri, sicut ratio sanæ per prius dicitur de animali, quam de vrina.

Tertiò obserua, quod conceptus **3. Nota.** obiectiuus dicitur vniuocus tribus modis, scilicet, physicè, & metaphysicè, & logicè. Conceptus vniuocus physicè est, qui dicit vnitatē nominis, cui correspondet vnitās rei, quæ non est diuisibilis in plura alterius, & alterius rationis: cuiusmodi est natura specifica, & ipsa sola, vt natura hominis, quæ licet in plura distincta numero diuidi possit, non tamen in plura specie distincta. In re sic vniuoca non latent æquiuocationes, quas in genere latere affirmat Aristot. septimo Physicorum. Conceptus

ceptus vniuocus metaphysicè est aliqua vna realitas alicuius primæ intentionis abstrahibilis a pluribus, quæ ipsam participant seclusa quacumq; intentione logica: metaphysicus enim res, vt subsunt secundis intentionibus non considerat. Conceptus vniuocus logicè est realitas primæ intentionis concepta sub aliqua secunda intentione generis, vel speciei, aut alterius prædicabilis.

4. Nota.
1. Gradus
vniuoca-
tionis.

Quartò obserua, quòd quadruplex est gradus vniuocationis. Primus habet vnitatem rationis communis modi essendi, ordinis essentialis, & gradus perfectionis. In hoc gradu vniuocationis sola species atomata est vniuoca, quia habet vniuocam rationem suis inferioribus communem. Habet etiam in ipsis eundem essendi modum, descenditque in ea secundum eundem ordinem, & nõ secundum prius, & posterius essentialiter, quia indiuidua eiusdem speciei non ordinantur essentialiter, estq; natura specifica in omnibus indiuiduis secundum eundem perfectionis essentialis gradum: non enim (etiam ex adiuncto) est essentialiter perfectior in vno indiuiduo, quàm in alio.

1. Grad.

Secundus vniuocationis gradus habet quidem vnitatem rationis modi essendi, & ordinis essentialis: ceterum in vltima vnitatem, vt puta, gradus perfectionis deficit, quia res, quæ sic est vniuoca, est essentialiter perfectior in vno, quàm in alio, & hoc ex re sibi adiuncta. Sic sunt vniuoca genera, quæ ex differentijs sibi adiunctis sunt essentialiter perfectiora in vna specie, quam in alia, sicut animal perfectius est essentialiter in homine quam in equo, quia in ho-

mine adiungitur differentia essentiali perfectiori, vt puta, rationalitati.

Tertius gradus vniuocationis habet vnitatem rationis communis multis, & etiam vnitatem modi essendi, quia secundum eundem essendi modum est in suis inferioribus, sicut numerus respectu binarij, & ternarij, ceterum non habet vnitatem ordinis essentialis, sicut ens, quod per prius descendit essentialiter in substantiam quàm in accidens, & numerus per prius in binarium, quàm in ternarij, secundum realem existentiam, neque habet vnitatem gradus perfectionis essentialis, sicut accidit in omnibus generibus.

Quartus gradus vniuocationis est, qui solum habet vnitatem rationis communis multis, ceterum non habet vnitatem modi essendi, nec ordinis essentialis, nec gradus perfectionis. Sic se habet ens respectu Dei, & creaturæ. Nam licet dicat vnitatem rationis communis Deo, & creaturæ, ceterum non habet eundem essendi modum in Deo, & creatura: quia in Deo est independens, in creatura vero dependens. Nec vnitatem ordinis essentialis, quia ratio entis prius essentialiter est in Deo, quàm in creatura. Neque habet vnitatem gradus perfectionis, quia in Deo est perfectissimum ens, in creaturis vero imperfectissimum.

Ex his quatuor vniuocationis gradibus primus est simpliciter vniuocus & p accessum, vel recessum ab eo dicuntur aliqua magis vel minus vniuoca. Vnde si alij tres gradus ad ipsum comparentur minus vniuoci dicuntur, similiter si tertius ad secundum, & quartus ad tertium. Vnde minima vniuocatio est in quarto gradu,

du, quia ibi est præcisè vnitas ratio-
nis. Ceterum cum æquiuocum illud
sit, quod pluribus rationibus sua si-
gnificata significat, vniucum illud
est, quod vnicam rationem importat
suis inferioribus communem. Vnde
vniucatio erit, dum modo vnitas ra-
tionis adfit, omnibus alijs vnitatibus
seclufis ac circumscriptis.

5. *Nota.* Quintò obserua inter vniucum
& æquiuocum non dari medium:
quod autoritate & ratione proba-
tur. Autoritas est Aristotelis in an-
te prædicamentis, vbi cum de vniuo-
cis & æquiuocis sermonem instituis-
set, nullum inter ea medium colloca-
uit: at si medium aliquod inter ea ef-
se intellexisset absq; dubio eius me-
minisset, aliter enim mancus aut di-
minutus remanisset.

Sed obijcies constituisse Aristote-
lem tanquam medium inter vniuo-
ca & æquiuoca ipsa denominatiua.
Respondeo, & dico, haudquaquam
hoc posse dici, quia, licet denomina-
tiua vniuocè minimè prædicetur de
subiectis, quia non prædicantur no-
mine & ratione, ceterum vere vni-
uoca esse possunt, quia ad rationem
vniuoci sufficit, quod ratio eius sit
omnibus vniucatis communis, siue
essentialiter, siue denominatiue tan-
tum de ipsis efferatur.

Sed iam ratione ostèdo inter vni-
uoca & æquiuoca nullū esse mediū.
Nam inter vnum, & multa nullum
medium inueniri potest in rebus: er-
go in vocibus inter significare vnū,
vel multa nō datur medium: sed vni-
uocum & æquiuocum opponuntur
per significare vnum & multa: ergo
inter ea nullum potest constitui me-
dium. Si igitur nomen vnum signifi-
cat multis commune, vniucum est,

si vero plura æquiuocum. Vnde ana-
loga, quæ a multis, quasi media inter
vniuoca & æquiuoca constituuntur,
necesse est vel vniuoca, vel æquiuo-
ca esse. Nam, si ratio illius analogi
est vna communis suis inferioribus
licet non secundum essendū mo-
dum, neque secundum ordinem es-
sentialem, erit quidem illud analo-
gum vniucum. Si vero sit ita vna, q̃
illa cum vna sit, solum secundum ali-
quam similitudinem alteri cōuenit,
& non secundum rem, erit æquiuo-
cum, sicut ridere respectu prati, & ho-
minis analogum dicitur, ceterum re-
spectu vtriuique est æquiuocum, vt
de se patet, quia ratio eius nullo mo-
do prato competit, nisi secundum
quandam similitudinem, sicut ratio
hominis conuenit homini picto.

6. *Nota.* Sexto obserua, quòd vnitas attri-
butionis sola, quæ est secundū quam
aliquid per prius dicitur de vno, quā
de alio, non ponit vniucationem.
Id est, per hoc, quod aliqua habeant
vnitatem attributionis, non habent
vnitatem vniucationis. Ratio est,
quia ponēdo minus nō ponitur ma-
ius: sed vnitas attributionis est mi-
nor, quam vnitas vniucationis: er-
go illa posita non ponitur ista. Est ta-
men vnitas attributionis compossi-
bilis cū vnitatē vniucationis: minor
namque vnitas stare potest cum ma-
iori: vnitas enim specifica, quæ est mi-
nor, stat cum vnitatē maiori, scilicet,
cum vnitatē numerica: ita pariter v-
nitas attributionis, quæ est minor, sta-
re potest cum vnitatē vniucationis,
quæ est maior. Et patet ex èplo. Spe-
cies enim alicuius generis habet vni-
tatē attributionis inter se propter or-
dinem essentialē, quem habet ex
Arist. 10. Metaph. Et tamē vniucan-
tur

tur in illo genere: ergo vnitas attributionis composibilis est cum vnitate vniucationis.

1. *Concl.* His ita constitutis sit prima cōclusio. Ens non est æquiuocum respectu Dei & creaturæ, substantiæ, & accidentis. Probatur: quia si esset æquiuocū nulla scientia de ente, in quantum ens, disputaret: quia æquiuoca de finiri nequeunt, & per consequens, nec de ipsis aliqua propria passiones demonstrari possunt. De illo autem non potest haberi scientia, de quo nulla propria passio demonstrari potest.

Præterea. Si ens esset æquiuocum non sufficeret ad contradictionem, nec posset esse medium in syllogismo, quorum vtrumque est falsum. Primi falsitas sic ostenditur, quia de quolibet est verum dicere, qd sit ens, vel non sit ens. Falsitas secundi probatur, quia hic syllogismus est legitimus, & absque a quiuocatione, Omne ens est vnum: sed lapis est ens: ergo est vnum.

2. *Concl.*

Secunda conclusio. Ens est vniucum Deo & creaturis, substantiæ, & accidenti, ita quod dicit vnicum conceptum obiectiuum cōmunem Deo & creaturis, substantiæ, & accidenti, præscindentem a conceptu Dei, & conceptu creaturæ, & a cōceptu substantiæ, & accidentis.

Conclusio hæc est. Doctoris subtilis locis supracitatis: quæ in hunc modum probatur. Primò. Omnis intellectus certus de vno conceptu, & dubius de diuersis, habet conceptum, de quo est certus, alium a conceptibus, de quibus est dubius: sed intellectus viatoris potest esse certus de aliquo, quod sit ens, dubitando, an sit Deus, vel creatura, substantia, vel ac-

cidens: ergo conceptus entis de aliquo est alius a conceptu Dei, & creaturæ, substantiæ & accidentis, ita, qd neuter istorū est ex se, sed in vtroq; includitur: ergo est vniucos prædicto modo. Prima consequentia est euidēs ex suppositis propositionibus.

Sed hæc secunda ostēditur. Quia, si ens dicit conceptum obiectiuū abstrahentem a conceptu Dei, & creaturæ, substantiæ, & accidentis, & ipsis communem, necessariò est vniucos modo exposito in conclusione, quia ad hanc vniucationem nihil aliud exposcitur.

Sed iam probo maiore argumenti. Quia implicat, eundem conceptū esse certū, & dubium: ergo cum intellectus sit certus de aliquo, quod sit ens, & dubius an sit substantia, vel accidens, Deus, vel creatura, necessariò talis conceptus est alius a conceptu substantiæ, & accidentis, Dei, & creaturæ. Maior equidem huius argumenti est euidēs, quia subiectum includit prædicatum: minor verò probatur: quia inter veteres Philosophos erat dissensio, quod ex entibus esset primum principium. Alij namque dicebant esse ignem, alij verò aquā. Quilibet quidem istorū erat certus, qd primum principium erat ens, & de hoc nulla erat, nec esse poterat inter eos controuersia: sed dubitabant, an tale principium esset aqua, vel ignis, ens creatum, vel increatum, substantia, vel accidens: ergo aliquis potest esse certus de aliquo, quod sit ens, & dubius, an tale ens sit creatū, vel increatū, substantia, aut accidens.

Confirmatur ratio. Nam aliquis videns Philosophos discordare circa primum principium potest esse certus, quod quilibet illorum posuit primum

1. *Ratio.*

num principium esse ens, & tamen propter diuersitatem, & contrarietatem opinionū illorum. potuit simul dubitare, vtrum sit hoc ens, vel illud, purā, ignis vel aqua, ens creatum, vel increatum: & si tali dubitanti demonstraretur, quod non erat ignis, nec aqua tale principium, destructo conceptu, de quo erat dubius, conceptus de quo erat certus, in eo saluaretur, scilicet, quod erat ens: ergo cōceptus entis alius est a conceptu cuiuscumque inferioris.

Dices forsitā, q̄ quilibet horum Philosophorum habet duos conceptus in intellectu suo propinquos, qui propter propinquitatem analogiæ videntur esse vnus conceptus. Cōtra, quia ex ista euasione videtur destructa omnis via probandi vnitatem alicuius conceptus vniucam. Nam si dicis hominem habere vnū cōceptum ad Socratem, & Platonē, negabitur, & dicetur, quod sunt duo, sed videntur vnus, propter magnam similitudinem vnus ad alium.

Soto loco supracitato respōdendo ad argumenta Scoti ait, hanc principalem rationem esse desumptam ex Auicenna in sua Metaphysica libro primo, capitulo quinto, qua Auicenna solum nititur concludere omnia prædicamenta in vna intētiōe, seu conceptu formali entis conuenire: quod nos (inquit) concedimus: nō tamē contendit probare ens esse vniucum.

Caietanus verò loco etiam supracitato ait, q̄ argumentum Scoti solū probat, q̄ conceptus entis est alius a conceptu Dei, & creaturæ, substantiæ, & accidentis: non tamen q̄ sit vniucus. Sed frater Dominicus a Soto decipitur: quia argumentum Scoti

probat conceptum entis esse vnum obiectuum cōceptum & cōmunem omnibus entibus, distinctum a quocumque conceptu inferiori. Quod melius percepit Caietanus, & ideo concessit vi argumenti victus, quod ens dicit conceptum præcīsum a cōceptu substantiæ, & accidentis, Dei, & creaturæ: sed decipitur cum ait, ex hoc non sequi, quod talis conceptus sit vniucus. Nam si ille est conceptus obiectiui vnici, præscindens a conceptu Dei, & creaturæ, substantiæ, & accidentis, & in ipsis inclusus intrinsecē, & quidditatiuē, ergo est vniucus: quia talis conceptus verē per se & formaliter inest substantiæ & accidenti secundum nomen & rationem eius. Præterea. Quia de ratione vniucū est & sufficit, q̄ dicat vnicam rationem communem suis inferioribus, in quibus verē reperitur: ergo, si ens huiusmodi rationem vnicam importat, erit vniucum.

Secundō. Inter vniucum, & equi-^{2. Ratio.} uocum non datur medium ex notabili quinto: sed ex prima conclusione ens non est æquiucum: ergo est vniucum.

Tertiō. Sed suppono, quod inquitio Metaphysica de Deo præcedit sic. Consideramus enim rationem formalem alicuius, a qua omnem semouemus imperfectionem, quam habet in creaturis, quam concipientes puram ab omni imperfectione, & limitatione semotam referuamus, eamque Deo attribuimus in perfectissimo gradu, vt puta, infinito, quia solum ea, quibus infinitas non repugnat Deo ex creaturis attribuimus. Declaratur res exemplo de ratione formali sapientiæ. Consideratur. n. primo sapiētia in se & sū se: & quia
ratio

ratio eius formalis nullam formaliter includit imperfectionem, nec limitationē, omnibus ab ea ſemotis imperfectionibus eā Deo in perfectiſſimo gradu attribuimus. Hoc ita conſtituto ſic formo argumentum.

3. *Ratio.*

Inquiſitio metaphyſica de Deo procedit conſiderando rōnem formalem alicuius modo prædicto: ergo omnis talis inquiſitio de Deo ſupponit intellectum habere conceptū eundem vniucum, quem accipit a creaturis, quemque Deo ipſi attribuit. Patet conſequentia. Nam, ſi verbi gratia, ſapiētia creata, & increata, in ratione formali ſapiētiae non vniucantur, ſequitur, quod ex ratione ſapiētiae, quam in creaturis apprehendimus, non poteſt concludi, quod in Deo ſit ſapiētia, quia ratio formalis ſapiētiae creata in ratione ſapiētiae eſt omnino alia a ratione formali ſapiētiae increata: ergo ratio ſapiētiae creatae formalis, quomodo-
cumque cognita non poteſt eſſe ratio concludendi in Deo eſſe ſapiētiā, quia hæc & illa ſunt alterius rationis, nec vniucantur, ſed ſolū per te habent vnitatem analogiæ & attributionis. Quam non ſufficere ad prædictam de Deo inquiſitionem ſic demonſtro. Quia tunc non magis ex vnitae attributionis ſapiētiae creatae ad increatam poſſemus concludere Deum eſſe ſapiētem, quam Deū eſſe lapidem, quia, ſicut ſapiētia creata dicit attributionem ad ſapiētiā increatam, ita lapis creatus ad conceptum aliquē de Deo formatum, ſeu ad ideam, ſecū-
dum quam poteſt ad extra produci: & ſicut ex ratione ſapiētiae per te poſſumus concludere Deum eſſe ſapiētem, ita ex cōceptu lapidis creati poſſumus concludere,

quod Deus ſit lapis, vel, ſicut ex cōceptu lapidis non poſſumus concludere Deum eſſe lapideum, ita nec ex ratione ſapiētiae, quod Deus ſit ſapiens.

Quartò. Ens non eſt vniucum: 4. *[Ratio]*
ergo Deus nō poteſt a nobis naturaliter cognosci aliquo conceptu ſimplici: ſed conſequens eſt manifeſtè falſum, & cōtra omnes Philoſophos & Theologos: ergo antecedens non eſt verum. Probo conſequentiam. Quia nullum obiectum facit conceptum ſimplicem, & proprium ſui in aliquo intellectu, & conceptum ſimplicē, & proprium alterius obiecti, niſi contineat illud aliud obiectum eſſentialiter vel virtualiter: ſed obiectum creatum relucens in phantaſmate, vel in ſpecie intelligibili, quod eſt obiectum noſtri intellectus pro iſto ſtatu, nō continet aliquid increatum eſſentialiter, nec virtualiter ſecluſa vniucatione Dei, & creaturæ in ente: ergo nullum obiectum creatum poteſt cauſare conceptum ſimplicē de Deo in noſtro intellectu ſecluſa vniucatione entis: ergo ſi ens non eſt vniucum ſub nullo ſimplici conceptu poſſumus Deum intelligere. Maior huius ſyllogiſmi videtur vera. Nam, verbi gratia, homo cauſat cognitionem ſui, & omnium eſſentialiter incluſorum in eo, & propriarum paſſionum, quas continet virtualiter, & nullius alterius rei cognitionem ſimplicem, & propriam cauſat: quia nihil aliud continet eſſentialiter vel virtualiter. Minor verò oſtenditur. In primis, ſecluſa vniucatione entis, vel alterius prædicti obiectum creatum non cōtinet eſſentialiter aliquid increatum, vt patet, nec aliquid dictum de Deo, quia
nihil

nihil idem essentiale includitur essentialiter in Deo, & creatura vniuocatione omnis conceptus seclusa. Item, obiectum creatum non continet essentialiter increatum secundum aliquid omnino sibi proprium: ergo non facit conceptum simplicem, & proprium enti increato. Nec continet obiectum creatum obiectum increatum virtualiter, quia contra rationem posterioris essentialiter est continere virtualiter suum prius, quia posterior essentialiter non potest esse causa prioris essentialiter: ergo sequitur, quod nullum obiectum creatum potest causare conceptum simplicem de Deo seclusa vniuocatione, quia conceptus non vniuocus Deo & creaturis nec essentialiter nec virtualiter continetur in obiecto creato.

*Responsio
Caiet.*

Caietanus, ubi supra, negat argumenti consequentiam. Et ad probationem dicit, quod aliquid continere virtualiter aliud, potest intelligi dupliciter, vno modo sicut causa virtute sua continet effectum: alio modo sicut effectus continet virtutem causae participando illam. Hoc statim, inquit Caietanus, minor est falsa: etenim effectus quilibet virtualiter continet secundo modo Deum: nec oportet (inquit) quod continens isto modo sit prius, imò necessarius est posterior. Quod si mihi dixeris (inquit Caietanus) quod hoc est abuti vocabulis, quia apud omnes continere virtualiter non attribuitur, nisi causae, dico, quod si fiat vis in verbo, falsa est maior, eo quod datur triplex modus continendi, scilicet, essentialiter, virtualiter, & participatiue, sicut effectus continet in se causam.

*Imprimatur
gnatur
responsio,*

Hæc Caietanica solutio & respon-

sio non satisfacit argumento: nam ex eo, quod effectus participet causam, non sequitur, quod per ipsum concludatur aliquid proprium ipsius causae sibi formaliter conueniens. Nam quæro, an effectus & causa sint similia in aliqua conceptu vniuoco, an tantum in analogo. Si primum, ergo Deus & creatura vniuocantur in aliquo conceptu, quod modo negabas. Si secundum admittis, ergo solum cognoscimus proportionabiliter Deum ex creaturis rationem causae considerantes: ergo per hoc non concludimus aliquam perfectionem repertam in effectu, esse in Deo formaliter, sed causaliter: quia ex proportionem effectus ad causam seclusa vniuocatione causae & effectus in aliquo existente in effectu, nihil aliud concludi potest. Cum ergo perfectiones simpliciter existentes in creaturis sint formaliter in Deo, oportet, quod cognoscantur non solum per viam proportionis, sed similitudinis, ita quod in talibus oportet ponere conceptum aliquem commune Deo, & creaturis. Non igitur satisfacit Caietanus argumento Scoti.

Quinto argumentor, & simul confirmo argumentum præcedens. Aristot. 2. Metaph. text. com. 4. probat principia sempiterna esse verissima, sumendo hæc maiorem propositionem, Vnumquodque est maxime tale, per quod alijs inest vniuocatio. Vel similia literam sic. Vnumquodque maxime ceterorum est ipsum, quo & ceteris nomen idem cum eadem competit ratione: sicut ignis est calidissimum, nam ceteris hic caliditatis est causa: & per hoc concludit quod sempiternorum principia necesse est esse verissima. Sed ista consequentia non valeret, nisi virtute istius mi-

Ecce notis.

noris. Principia fempiterna funt cau-
fa vniuoca veritatis in alijs. Nam
fi huiusmodi principia eflent æqui-
uoca, vel analoga caufa veritatis, ef-
lent quatuor termini in Aristotelica
ratione, nec fub illa maiore bene fub-
fumeret: nam in maiore loquitur de
vera vniuocatione: ergo & in mino-
ri, alias nihil cōcluderet. Ergo Deus
qui eft prima veritatis, & entitatis
caufa in alijs, eft caufa vniuoca enti-
tatis & veritatis in alijs: ergo Deus &
creatura in entitate & veritate vni-
uocantur.

Ex his collige refponfionem Ca-
ietani ad hoc argumentum in libro
de ente & effentia minimè fatisface-
re. Ait enim, quod analoga funt me-
dia iter æquiuoca & vniuoca: mediū
autem ad unum extremorum com-
paratum induit rationem alterius:
quia ergo ens eft analogum compa-
ratum ad æquiuocum, vocatur ab
Aristotele vniuocum. Non, inquam,
hæc folutio fatisfacit, quia, vt dixi-
mus, nihil tunc concluderet Aristo-
telis ratio, & in ea eflent quatuor ter-
mini, quia in maiori loquitur de ve-
ra vniuocatione, & in minore loque-
retur de analogia. Pondera bene
hanc quartam rationem & Ariftote-
licum textum, nā certè omnino Sco-
ticæ fententiæ fauet.

6. Ratio. Vltimò. Ens habet proprias paffio-
nes, vt vnum, verum, aliquid, res, &c.
de ipfo demonftrabiles: ergo dicit
aliquem vnum conceptum obiecti-
uū, ratione cuius ei huiusmodi paf-
fiones infont: non enim æquiuoca
paffiones habēt, quæ ipsis æquiuoca-
tis funt communes propter defectū
vnitatis cōceptus, ipsis nāq, fola vox
eft cōs: ergo quæ habēt paffiones cō-
munes conueniunt in aliquo cōi cō-

ceptu, ratione cuius huiusmodi paf-
fiones ipsis infont. Nec ad hoc vntas
analogia fufficit, quia analogatis nul-
la eadem paffio communis verè &
pro priè ac fecūdum rem competit.

Tertia conclusio. Ens non eft vni-
uocum Deo, & creaturis, fubftantiæ,
& accidenti vniuocatione phyfica.
Probatur: quia vt notabili tertio, &
quarto diximus, vniuocatio phyfi-
ca in fola fpecie atoma reperitur,
quia in plura alterius rationis diuidi
non potest, & præterea, quia nul-
lum genus etiam vltimis fpeciebus
proximum eft huiusmodi vniuoca-
tione vniuocum, ex Ariftotele fepti-
mo Phyficorum dicente quod in ge-
nere latent æquiuocationes, quas in
fpecie atoma latere negat: ergo mul-
to minus ens erit tali vniuocatione
vniuocum, cum fit remotiffimum a
fpecie atoma. Patet confequentia,
quia quāto magis diftat aliquid a
maximè tali, tāto eft minus tale, fed
ens diftat magis ab fpecie atoma, quæ
eft maximè vniuoca, quam genus
eidem fpeciei proximum, imò quā
omnia alia eius genera: ergo eft mul-
to minus vniuocum phyfica vniuoca-
tione, quam alia quæcunque.

Quarta conclusio. Ens non eft
vniuocum in primo, nec in fecundo,
nec in tertio vniuocationis gradu ex
quatuor, quos notabili quarto pro
opinione Scoti pofuimus. Probatur.
In primis non in primo gradu:
quia ille eft gradus vniuocationis
phyficæ, quam non in ffe enti con-
clufione præcedenti oftēdimus. Nec
in fecundo, nec in tertio: quia ratio
entis in fuis inferioribus nec vnitatē
modi effendi, nec vnitatē ordinis ef-
fentialis habet: quia aliū modū ef-
endi habet in Deo, quam in creatura,

in substantia, quam in accidente, & per prius essentialiter est in Deo, & substantia, quam in creatura, & accidente: erat autem huiusmodi vnitas necessaria ad vniucationem in secundo & tertio gradu.

5. *Concl.* Quinta conclusio. Ens est vniucum in quarto gradu. Probatur: quia ad talem vniucationem sufficit vnitas conceptus obiectiui communis suis inferioribus, etsi vnitas modi essendi, & ordinis essentialis, atq. gradus perfectionis essentialis deficiat: sed ens ex secunda cōclusionē habet vnitatem conceptus obiectiui, ergo est vniucum in quarto gradu.

6. *Concl.* Sexta cōclusio. Ens est etiam analogum Deo, & creaturis, substantia, & accidenti, neque hæc analogia vniucationem entis in secunda cōclusionē ostensam tollit & impedit. Prima pars huius cōclusionis ab aduersarijs etiam conceditur: quia ens per prius dicitur de Deo, quam de creatura, de substantia, quam de accidente: atq. perfectiōe de vno, quā de alio: ergo analogiē de ipsis dicitur.

Secunda pars huius cōclusionis patet, quia cum hoc stat vnitas conceptus obiectiui sufficiens ad contradictionem, & ad medium syllogisticū, & ad vniucationem in quarto gradu. Quomodocunque ergo ratio alicuius cōis obiectiui a suis inferioribus participetur, & in ipsis existat secundum diuersum essendi modum, dummodo illa sit vnica & cōis multis, verē & secundum rem tale commune erit vniucum in quarto gradu, quam vniucationem enti in se probauimus cōclusionē secunda.

Sed aduerte contra Caietanum, qd ad contradictionem eiusdem de eodem, & ad medium syllogisticum

non sufficit vnitas attributionis, nec analogiē, vt ex dictis argumēto quinto pro secunda cōclusionē satis patet. Ex his constat, quod inter omnia vniuoca ens & omnia transcendentia sunt in minimō vniucationis gradu.

ARTICVLVS II.

Verū ens prædicetur vniuocē & quid dicatur de omnibus entibus.

Pars affirmatiua probatur: quia de qualibet re quærenti quid sit, optime respondetur, quod est ens: ergo prædicatur ens in quid de omni ente. 1. *Arg.*

Secundo. Si de aliquo ente nō prædicaretur ens in quid, maximē de vltimis differentijs: sed de ipsis prædicatur in quid. ergo de omni ente prædicatur in quid. Probo minorem: quia genus prædicatur per se primo de differentijs, & vna differentia superior de alia inferiori: ista. n. videtur esse per se, & in quid. Rationale est animal. Rationale est sensitiuū. 2. *Arg.*

In hac quaestione est duplex opinio. 1. *Opinio* Prima Thomistarum (quam tenet Caietanus, libro de ente & essentialia, q. 3. & Soncinas 4. Metaphysic. q. 19. Jasserentium ens quidditatiuē includit in omnibus entibus, etiam in differentijs vltimis & passionibus entis.

Opposita sententia est Sc. in primo sententiarum, d. 3. q. 3. art. 1. vbi asserit ens dici in quid de omnibus generibus, & speciebus, atq. indiuisis & de omnibus alijs, exceptis differentijs vltimis, & passionibus, & modis intrinsecis entis. 2. *Opinio*

1.^a Nota.

Ad huius quaſtionis intelligentiam obſerua primò, quod prædicatio eſt duplex, alia identica, alia verò formalis. Prædicatio identica illa eſt, in qua prædicatum præciſe dicit eandem rem cum ſubiecto, omni denominationi ſeruela, ſic, quod prædicatum non denominat ſubiectum. Tale eſt hæc Actio eſt paſſio. Bonitas eſt iuſtitia in Deo. Prædicatio verò formalis eſt, quando prædicatū dicit formam ſubiecti ipſum denominantem tale, qualis eſt hæc Homo eſt albus, homo eſt animal Sed hæc prædicatio formalis ſubdiuiditur in præſicationem quidditativam & denominativam. Prædicatio quidditativa ſecundum Scotizantes illa eſt proprie loquendo, in qua prædicatum dicit quidditatem ſubiecti per modum quidditatis, ſic, quod prædicatur in quid de ſubiecto. In qua ſignificatione prædicatio generis de ſpecie, & ſpeciei de indiuiduo eſt prædicatio quidditativa, ſed non prædicatio differentie de ſpecie, quia differentia, licet dicat quidditatem rei, non tamen per modum quidditatis & eſſentiae, ſed per modum denominantis, vt docet Scotus in ſuis vniuerſalibus; quaſtione duodecima. Sed, ſi prædicatio quidditativa ſit illa, in qua prædicatum eſt de quidditate & eſſentia ſubiecti tunc prædicatio differentie de ſpecie erit quidditativa; ſed prædicatio generis de ſpecie, & ſpeciei de indiuiduo, atque differentie de ſpecie ſub nomine prædicationis eſſentialis optimè continetur.

Prædicatio denominativa illa eſt, in qua prædicatum non eſt de eſſentia ſubiecti, ſed extra ipſam, qualis eſt prædicatio propriæ paſſionis de ſubiecto, & prædicatio cuiuſli-

bet accidentis etiam de ſubiecto, in quo eſt.

Secundo obſerua ex Scot. in antepædicamentis q. 3. in ſolutione ad quartum, & in 3. ſententiarum d. 7. q. 1. art. 4. & in 1. d. 8. q. 3. & alibi ſæpe, aliud eſſe vniuocum prædicatum, aliud verò vniuoce prædicari. Vniuocum namque prædicatum illud eſt, quod vnicum dicit conceptum obiectiuum multis communem, ſive prædicetur de eis eſſentialiter, ſive denominatiue tantum, & accidentaliter. Sic album reſpectu lactis & nuius eſt vniuocum prædicatum. Similiter in hac acceptione omnia denominativa ſunt vniuoca prædicata. Vniuocè verò prædicari ſecundum Ariſtotelem cap de ſubſtantia eſt prædicari de ſubiecto nomine & ratione, ſic, quod nomen prædicati ſubiecto accomodetur, & ratio eius in intellectu & diffinitione ſeu ratione formali & quidditativa ſubiecti includatur. Sic ſolum prædicantur vniuocè genera, & ſpecies, atque differentie eſſentiales de ſuis ſubiectis, quibus inſunt.

Tertiò nota ex eodem Scoto in 1. 3. diſt. 3. quaſt. 3. littera. O. ibi, Ad videndum autem, &c. quod in ſpecie eſt duplex conceptus, alter determinabilis, qualis eſt conceptus generis; alter verò determinans, cuiusmodi eſt conceptus differentie determinatæ genus ad ſpeciem, vt in homine animal, & rationale: animal namque dicit conceptum determinabilem per differentiam: rationale vero dicit conceptum determinantem ipſum animal ad eſſe hominis.

Quartò obſerua, quod ens dictum in quid de Deo & creatura contrahitur ad Deū & creaturam per aliquos conue-

2. Nota.

3. Nota.

4. Nota.

conceptus dicentes quale, quasi admodum, quo differentia contrahentes genus dicunt conceptus qualitativos. Nam ens contrahitur ad Deum per infinitum, ad creaturam vero per finitum: sed isti conceptus non sunt conceptus differentiarum, sed modorum intrinsecorum ipsius entis.

Est autem maximum discriminē inter differentiam & modum intrinsecum rei: quia differentia est quadam realitas perficiens realitatem generis, & omnino extra ipsam taliter, quod in quocunque gradu sibi intrinseco consideretur realitas generis, adhuc intelligitur, ut perfectibilis per ipsam. Itaque in quocunque gradu consideretur realitas generis nunquam intelligitur differentia, ut modus intrinsecus eius, sed ut perficiens ipsam. Nam in quocunque gradu intelligatur animalitas non propter hoc inuenitur, quod rationalitas, vel irrationalitas sit modus intrinsecus eius, sed adhuc concipitur, ut perfectibilis per eas. At verò modus intrinsecus rei non ita se habet respectu rei, cuius est modus. Nam, si rem illam perfecte intelligas, necessariò cum suo modo intrinseco illam intelliges, & non ut perfectibilem per illum. Vnde si naturam entis perfectissime percipias, eam cum modo sibi intrinseco, scilicet, in finitate percipies. Modus ergo intrinsecus est talis naturæ respectu rei, cuius est modus, quod si illam rem in gradu sibi debito concipias, necessariò illam sub illo modo percipies: in quo distinguitur modus intrinsecus a differentia in ordine ad genus, quia ut diximus, in quocunque gradu intelligatur genus, nunquam intelligitur, quod differentia sit eius modus intrinsecus.

Finitum ergo & infinitum contrahentia ens non sunt differentie, sed modi intrinseci entis, sicut intensio albedinis est modus intrinsecus eius.

Ex his sequitur, quod genus verè est in potentia respectu differentia: verèque per ipsam actuatur: sed res non dicitur esse in potentia ad suum modum, cum ipsum in sua perfecta realitate includat, non sic genus differentiam.

Sed dices. Differentia constituit genus in gradu sublimiori: ergo est intrinseca eius perfectio.

Respondeo, quod rationalitas, verbigratia (& sic de alijs differentijs) non constituit aliquid in esse sensitivo, sed in esse intellectivo, quod esse est diuersum ab esse animalis, & sensitui. Vnde intelligendo animal in ratione perfectissima sensitui, quod esse còpetit sibi in eo, quod animal, nunquam intelligitur esse sub rationalitate, vel irrationalitate. Quod non est verum de re comparata ad modos intrinsecos: quia intellectus albedine sub perfecto gradu, qui sibi potest competere, ut albedo est, non excedendo considerationem albedinis sub ratione, qua albedo est, intelligitur semper albedo necessariò sub hoc aut illo gradu.

Sed dubium est, quomodo potest conceptus communis Deo & creaturæ accipi, nisi ab aliqua realitate eiusdem generis, quæ tunc videbitur esse potentialis ad illam, quæ ipsam contrahit?

Respondeo, quod inter id, a quo accipitur conceptus communis, & id, a quo accipitur conceptus contrahens, requiritur necessariò aliqua distinctio, sed non semper distinctio realitatis, & realitatis, sicut accidit in re cò-

Discrimen inter differentiam et modum rei.

Obiectio.

Solutio.

Dubitat.

Solutio.

trahibile per propriam differentiam, siue specificam, siue numericam: sed sufficit distinctio, vt distinctio realitatis & modi proprii intrinseci eiusdem realitatis. Sed quando est inter contrahibile, & contrahens distinctio realitatis & realitatis, tunc contrahibile est vere in potetia ad ipsum contrahens, quia est realitas actualis extra eius rationem vere ipsam perficiens. Caterum quādo inter contrahibile & contrahens nō est distinctio, nisi vt realitatis & modi proprii intrinseci, tunc nō est contrahibile in potentia reali ad cōtrahens, sicut albedo, vt duo, nō dicitur esse in potentia ad gradum intēfionis eius, vt quinque, quia ille gradus nō est realitas per se cōceptibilis distincta saltem formaliter a re, cuius est modus.

Ex hoc sequitur, quod licet conceptus entis sit indeterminatus ad finitum, & infinitum, id est, neutrum includens in sua ratione, non tamē est in potentia ad huiusmodi cōceptus, quia sunt modi intrinseci eius, & si esset in potentia ad illos, necessario esset infinitum, quia implicat aliquid esse in potentia ad aliud, & esse perfectibile per illud, & quod de se pos sit esse infinitum.

Nota quartō, quod conceptus est duplex, alius simplex, alius vero simpliciter simplex. Cōceptus simplex ille est, qui est resolubilis in plures conceptus, quorum alter est determinabilis, alter vero determinans: sicut conceptus hominis, qui resoluitur in conceptum animalis, & in cōceptum rationalis, quorum primus est determinabilis, secundus vero determinans. Conceptus vero simpliciter simplex est conceptus in alios cōceptus irresolubilis, vt conceptus

entis, qui in alium conceptum resolui nequit: & similiter conceptus differentie ultimæ, quia non componitur ens ex pluribus conceptibus, nec ultimæ differentie.

His ita constitutis sit prima conclusio. 1. Concl.
 Ens p̄dicatur in quid de Deo, & de omnibus generibus, speciebus & indiuiduis. In hac conclusione Thomistæ & Scotistæ conueniunt. Et probatur. In primis de Deo p̄dicatur in quid, quæ tē enim. Quid est Deus? optime responderetur, quod est ens. Quod vero dicatur in quid de alijs in conclusione positus satis ēt patet: quia de decē generibus supremis dicitur in quid: ergo & de omnib. speciebus & indiuiduis, in quibus quidditative includuntur genera suprema. Cōsequentia est euidēs: antecedens probatur: quia ad interrogationem factam in quid de quolibet genere supremo optime responderetur, quod est ens. Præterea. Nulla est ratio, ob quam ens de p̄dictis non p̄dicetur in quid: ergo p̄dicatur in quid de eis.

Secunda conclusio. 2. Concl.
 Ens non includitur quidditative in ultimis differentijs. Probatur. Resolutio entium compositione stat ultimō ad simpliciter simplicia, scilicet, ad actum ultimum & potentiam ultimam, quæ sunt primō diuersa, ita q̄ nihil vnus includit aliquid alterius in ratione actus, & potentie, alioquin non esset hoc primō actus, nec illud primō potentia, quia quod includit aliquid potentialitatis ad causam materiale pertinentis non est primō actus: ergo in conceptibus oīs conceptus non simpliciter simplex. Et tamē per se vnus debet resolui ultimātē in cōceptum deter-

1. Ratio.

determinabilem tantum, & in conceptum determinantem tantum, qui scilicet, non includat conceptum aliquem determinabilem: sed conceptus primò determinabilis est conceptus entis, quia non est alius prius determinabilis: ergo conceptus differentie est primò determinans: ergo nec ens includit differentias saltem ultimas, nec differentia includit ens quidditatiuè, quia si illud includeret, non esset primò determinans, nec resolutio conceptuum stare ad primò diuersa.

2. *Ratio.* Secundò. Si differentie includunt ens vniucè dictū de eis, id est, quidditatiuè, & non sunt omnino idem, ergo sunt diuersa aliquid idem entia: sed talia sunt proprie differentia ex quinto & decimo Metaphy. ergo differentie ultimæ propriè erūt differentes: ergo alij differentijs differunt. Rursus inquiri, an istæ differentie, quibus ultimæ differunt, includant ens quidditatiuè, vel non. Si primum, argumentabor sicut prius, & dabitur processus in infinitum in differentijs, vel stabitur ad aliquas omnino non includentes ens quidditatiuè, quod est propositum, & secundum diuisionis membrum.

*Responso
Socini*

Sed respondet Socinas, vbi supra, quòd illis, quæ sunt primò diuersa, non repugnat in aliquo communi conceptu conuenire: nam decem prædicamenta sunt primò diuersa et tamen conueniunt in ente, quidditatiuè. Idem, inquit, dicendum de differentijs ultimis, quod conueniunt in ente, & inter se differunt. Et cum arguitur, inquit, Ergo habent differentias, quibus differunt, negatur consequentia, quia non dicuntur differre, tanquam sint ea, quæ differant, sed,

quia sunt ea, quibus alia differunt.

Sed hæc responsio non satisfacit argumento: quia differentie ultimæ aliter sunt primò diuersæ, quam decem genera prima: nam illæ distinguuntur se totis obiectiue, quia in nullo conceptu dicto de eis in quid conueniunt, ista verò distinguuntur se totis subiectiue, quia, scilicet in nulla realitate per differentias contrahibili conueniunt, quia non habent supra se aliquod genus.

Præterea cum ait, quod differentie ultimæ sunt ea, quibus aliqua differunt, & non ea, quæ differunt, nõ soluit difficultatem. Quia licet differentie ultimæ sint ea, quibus species differunt, adhuc queri potest, an huiusmodi differentie differant se ipsis totis an vero alijs differentijs: nam albedo & nigredo sunt ea, quibus homo albus & niger, vel album & nigrum differunt, & tamen albedo & nigredo non se ipsis, sed suis differentijs distinguuntur. Quare ineptè soluit argumentū. Et certè, si differentie ultimæ aliquid includunt quidditatiuè, differentia differentium nõ stat ad aliqua primò diuersa se totis obiectiue, & sic erit processus in infinitum.

Sed nunquid conclusio intelligenda est de solis differentijs ultimis. Videtur quod sic, quia Scotus ita videtur vbiq; sentire. Respondeo negatiuè: sed debet intelligi etiam de differentijs intermedijs, & de differentijs indiuidualibus, quas Scotus in secundo, distinctio. tertia in materia de indiuiduatione, primò diuersas appellat. Vnde nota, quod differentie ultimæ quædam sunt ultimæ ultimæ specificationis: quædam ultimæ determinationis. Primæ sunt

ultimæ differentię specierum specia-
lissimarum, vel specierum subalter-
narum, quæ ultimæ specificant, &
determinant naturā sui generis, vna-
quæque in suo genere. Secundę sunt
differentię individuales, quæ vlti-
mò determinant naturā speciei spe-
cialissimæ.

Obiectio. Sed obijcies. Scotus in primo di-
stinctione tertia, qua questione tertia, li-
tera l. vii hanc tenet conclusionem,
affirmat ens dici quidditatiuè, etiam
de partibus essentialibus ipsorum ge-
nerum, inter quas sunt differentię
intermediæ, vt corporeum, quod
cōstituit corpus, & animatum, quod
constituit corpus animatum, quod
est genus in predicamento substantię

Solutio. Respondeo, quod differentię in-
termediæ & ultimæ sunt in duplici
differentię: alię sunt, quæ sumun-
tur a tota realitate formæ: alię verò,
quæ ab vltima realitate eius. Quan-
do ergo differentia dicit totam reali-
tatem formæ, includit ens quiddita-
tiuè, sicut rationale a tota anima ra-
tionali desumptum: quando vero su-
muntur ab vltima formæ realitate,
non includunt quidditatiuè ens. Cū
ergo ait Scotus, partes essentielles ge-
nerum includere ens, quidditatiuè,
includendo differentias intermedias,
loquitur de differentijs vltimis ab vlti-
ma formæ realitate desumptis.

Obiectio. Sed contra, quia Arist. 3. Metaph.
text. com. 10. ait ens non esse genus,
quia si esset genus, differentia nō ef-
fet ens, quod tamen habet Arist. pro
inconuenienti.

Solutio. Respondeo, quod argumēta illa,
quæ ibi ponit Aristotel. non oportet
asserere, quod concludant, quia Phi-
losophus intendit ibi arguere ad op-
positas partes questionum, quas di-

sputat, sicut ipse præmiserat in pro-
mio. Vnde Commentator eius di-
cit in primo argumento ad primam
questionem ibi disputatam esse falla-
ciam consequentis.

Secundo dico, quod remouet Ari-
stotel. rationē generis ab ente ob ni-
miam eius communitatem, quia
prædicatur per se primo modo de
aliqua differentia, vt puta de ea,
quæ a tota formæ realitate desumi-
tur, quod tamen nulli generi conue-
nire potest.

Secunda conclusio. Ens non in-
cluditur quidditatiuè in suis proprijs
passionibus. Conclusio est Scoti lo-
cis supra citatis. Quæ sic ostenditur.
Primo. Ens cadit, vt additum, in ra-
tionibus suarum passionum: ergo nō
prædicatur de eis per se primo mo-
do. Probo consequentiam: quia id,
quod cadit, vt additum, in definitio-
nē alterius non est de conceptu quid-
ditatiuo, & formali eius, vt docent
omnes Philosophi. Antecedens pro-
bat: quia propria passio per se secun-
do modo prædicatur de suo subie-
cto ex Arist. primo Posteriorum: er-
go subiectum cadit in definitione sua
proprie passionis, vt additum. Patet
consequentia ex eodem Arist. in eo-
dem primo: sed proprie passionis en-
tis prædicatur de eo per se secundo
modo: ergo cadit in earum definitio-
nibus, tanquam additum.

Secundo. Ex Aristotele primo
Posteriorum capit. de statu princi-
piorum, prædicationes per se non
conuertuntur, ita quod si prædica-
tum dicatur de subiecto per se non
è conuerso dicitur per se subiectum
de prædicato, sed quasi per accidens:
sed ista est per se secundo modo, ens
est vnum: ergo ista, vnum est ens

non

non est per se, sed quasi per accidēs.

Ratio autem, ob quam propositiones de per se non conuertuntur, sed in eis est status, est, quia subiectū includit causam formalem inharētiæ prædicati. Sicut igitur non datur circulus in depēdentiā essentiali, quātum ad esse reuera nō datur circulus in dependentiā prædicatorum à subiecto, quantum ad inharētiā formalem prædicati ad subiectū. Si igitur subiectum includit causam formalem ob quam prædicatum sibi in est per se, nullatenus prædicatū potest esse causa, ob quam subiectum sibi per se inest, quia dabitur circulus in dependentiis essentialibus, quod implicat, vt docet Scotus lib. de primo principio cap. primo. Ex hoc deducitur ratio, ob quam impossibile est subiectum esse de quidditate propriæ passionis, quæ per se secundo modo de suo subiecto prædicatur. Quia, sicut datur status in causis materialibus & efficientibus realibus: ita datur status in principiis formalibus, per quæ vnum alteri formaliter inest: sed ita est, quod subiectum, vt puta, homo, est ratio formalis, per quam risibilitas sibi inest: ergo non poterit ipsa risibilitas esse ratio formalis, per quam sibi inest homo.

3. Ratio

Tertio. Quia, si vnum includit ens quidditatiue, vel igitur includit præcise ens, vel ens & aliquid aliud. Si primum, ergo idem est passio sui ipsius: ergo idem dimanat a se ipso: ergo idem supponitur sibi ipsi (quia passio dimanat a subiecto, & sequitur subiectum) quæ omnia sunt falsa. Si secundum, vel illud aliud, quod includit præter ens, includit ens quidditatiue, vel non. Si primum, ergo vnum includit bis ens, & erit processus in

in finitum, vel stabitur ad aliquod vltimum, quod est de ratione vnius, & non includit ens. Tunc sic. Vnum ratione entis inclusi non est passio: ergo illud aliud inclusum erit passio, quod tamen non includit ens quidditatiue: & ita quiddid est primo passio entis non includit ens quidditatiue, quia non est passio in quantum includit ens nec ratione entis inclusi in eo propter nunc dicta.

Tertia conclusio. Identice & denominatiue propriæ passionis entis & differentie vltimæ sunt entia. Patet: quia passionis entis ipsi enti identificantur, & ens de ipsis dicitur, sicut subiectum, de sua propria passione: differentie vero vltimæ sunt alicui enti quidditatiue idem, vt puta speciei.

Quarta conclusio. Licet ens contrahatur ad Deum, & creaturam per finitum & infinitum, non tamen est genus. Ratio est, quia de ratione generis est diuidi per oppositas differentias, per quas ad esse specierum contrahitur, quæ, vt diximus, vere perficiunt ipsum genus, estque genus in potentia ad ipsas: at ens diuiditur per finitum & infinitum, tanquam per modos intrinsecos: differentia autem inter modos intrinsecos & differentias diuidentes genus, patet ex dictis notabili quarto.

AD ARGUMENTA in principio articuli posita.

AD primum patet ex dictis, antecedens vniuersaliter sumptum esse falsum, quia ens non dicitur quidditatiue de differentiis vltimis, nec de passionibus suis, vt supra ostendimus.

Si

Sibi et ceteris in hunc modum, differencia est ratio essendi ens alicui, ergo est ens formaliter, concessio antecedente, nego consequentiam: quia albedo est ratio essendi albū alicui, & ipsa non est alba: rationale est alicui ratio, quod sit homo, & non est homo. Contra, ex non substantijs nō fit substantia ex Aristot. primo Physic. sed ex vltimis differentijs fit substantia: ergo sunt substantiæ, & per consequens sunt entia.

Respondeo, qd aliquid esse substantiam potest bifariam intelligi. Primò formaliter: & sic omnia, quæ ponuntur in recta linea prædicamenti substantiæ, sunt substantia formaliter.

Alio modo aliquid potest dici substantia participatiuè, & constitutiue, vt ait Ioānes Canonicus primo Physic. qua st. 7. Nunc dico, qd ex non substantijs primo, & secundo modo non fit substantia, sed negatur, quod vltimæ differentiæ non sint substantiæ secundo modo, licet bene non sint substantiæ primo modo.

Ad 2. Ad secundum cōcedo maiorem, & nego minorem. Ad probationem dico, qd nullum genus prædicatur in quid de suis differentijs: quia tunc committeretur in definitione speciei nugatio, quia idem bis diceretur, scilicet, genus semel in se, & semel in differentiæ: sed dicitur genus de differentijs denominatiuè, & de per accidentis, & identicè.

AD ARGVMENTA in principio controuersię posita.

Ad 1.

AD primum concedo sequelam maioris, & nego minorem. Ad probationem dico, qd Deus est sim-

plicissimus per exclusionem omnis compositionis, & quasi compositionis, ac cōponibilitatis, adeo, vt quid simplicius imaginari non possit, vt controuersia quarta docuimus. Et in hac significatione, nec ens in se, vt abstrahit a modis intrinsecis est Deo simplicius. Verum est tamen, qd ens per se sumptum habet conceptū magis simpliciter simplicem, quā idem ens cum aliquo ex suis modis conceptum: quod concedit Scotus in primo dist. 8. qua st. 3. intera Y. Vbi ait, qd quando aliqua realitas concipitur cū suo modo intrinseco, ille conceptus non est ita simpliciter simplex, quin possit concipi illa realitas absq; modo illo: sed tunc (inquit) est cōceptus imperfectus illius rei: perfectus tamen cum concipitur cum modo illo sibi intrinseco. Concedo ergo, qd conceptus Dei perfectus, vt Deus est, & vt infinitus, non est ita simpliciter simplex, sicut conceptus entis: est tamen perfectior & simplicior, quo ad exclusionem omnis compositionis, & componibilitatis, quod est de ratione rei simplicis; qd implicat Deū cōpositionē admittere: at verò enti permissiuè competit sibi talis compositio, sicut animali esse rationale.

Ad 2. Ad secundum dico, qd ens respectu eorum, de quibus dicitur, habet rationem superioris in prædicando, sicut genus respectu specierum, & sicut genus est prius natura suis speciebus, loquēdo de priori natura eo modo, quo loquitur Aristoteles in post prædicamentis, vt sit illud, a quo non conuertitur subsistendi consuetudo. Quia, etsi valeat, est homo, ergo est animal, non tamen e cōtra, est animal, ergo est homo: ita ens potest dici prius, quo ad consequentiam.

Nam

Nam licet valeat, Petrus est, ergo est ens, non tamen, est ens, ergo est Petrus. Similiter. Est Deus, ergo est ens, valet consequentia: sed non valet sic; Hoc est ens, ergo hoc est Deus: licet quo ad existētiā valeat. Est ens existēs a parte rei, ergo existit Deus, qui illud causauit, quia nihil potest habere esse, nisi a Deo. Dico ergo ad argumentum, quod nulla aliqua realitas existens potest esse prior Deo, quia omnis existentia, & essentia cuiuscumque alterius rei a Deo, est effectiue a Deo: ceterum, quod ens secundum communitatē, & secundum rationem predicandi dicatur prius de Deo, modo exposito, nullum est inconueniens. Nam sicut absq; inconueniente concedimus, ens esse superius Deo in predicando: ita sine inconueniente concedere possumus, quod ens sit prius secundum sui naturam modo exposito: quia per hoc non concedimus aliquam rem siue in esse cognito, siue in esse reali & quali, & essentiali esse Deo priorem, sed solum rationem entis in communi esse priorem, quo ad consequentiam.

Ad 3.

Ad tertium dico, quod si substantia in communi definiti posset, ens necessariō eius definitionem ingrederetur: ceterum non est definibilis. Si tamen illam describas, dices substantiam esse ens per se. Et cum infers, ergo in definitione hominis expressē cadit ens, dico, quod consequentia est nulla. Ratio est, quia definitiones dari debent per genus, & differentia: in genere autem quocumq; includitur ens quidditatiue.

Et si ens expressē in definitione collocaretur, committeretur nugatio: quia ens diceretur bis, semel in se, & semel in genere. Et sicut cum definitur species per proximum genus, alia genera superiora ibi non exprimuntur propter nugationem vitandam, ita cum per genus aliquod definitio datur, non exprimitur ens: quia committeretur nugatio, vt modo diximus. Numquam igitur in definitionibus debet poni ens expressē, quia definitio datur semper per genus, & differentia: in genere autē includitur quidditatiue ens, sicut in animali substantia, corpus; corpus animatum. Et fallitur Caietan. cum ait, omne superius vniuoꝋum expressē cadere in definitionē inferioris. Nam si homo per animal rationale definias, substantia, & corpus non ponuntur ibi explicitē. Dicitur Caiet. habet verum, quando illud vniuoꝋum accipitur tanquam genus. Vt si hominem definias per corpus, dicēs, Corpus animatum, sensitiuum, rationale. Sed ens cum non sit genus, non debet expressē sumi in definitione.

Ad quartum dico, quod Deus, & creatura sunt primō diuersa subiectiue, quia, scilicet, in nulla realitate per differentias contrahibili conueniunt, sed non sunt primō diuersa obiectiue, & quoad intellectum, sicut nec decem prædicamenta, quia ens de eis prædicatur in quid.

Ad 4.

Ad quintum dico id minimē requiri, nisi in primo vniuoꝋationis gradu, sed non in alijs.

Ad 5.

CONTRVERSIA

VIGESIMASECVNDA.

Verum nomen, persona, significet relationem?

1. Arg.



AR Snegatiua probatur: quia ex Augustino 5. de Trinitate, quod in diuinis nō dicitur relatiuē, dicitur secundum substantiam: sed persona non dicitur in diuinis relatiuē, quia nulum correlatiuum habet: ergo dicitur secundum substantiam.

2. Arg.

Secundō. Ex Boetio libro de duabus naturis, & vna persona Christi, persona est rationalis naturæ indiuidua non dicit relationem, sed substantiam: ergo persona non dicit relationem.

3. Arg.

Tertiō. Eus absolutum est nobilius relatiuo: ergo similiter persona absoluta relatiua: sed persona diuina est nobilissima: ergo est absoluta: ergo non dicit relationem.

IN hac quaestione hunc ordinem seruabimus. Primō personæ descriptionem adijciemus, & eam enucleabimus. Secundō, an persona primam: vel secundam intensionem importet, inuestigabimus. Tertiō, an importet relationem, vel substantiam inquiremus. Quartō, argumentis in principio quaestionis adductis satisfaciemus.

ARTICVLVS PRIMVS.

De definitione persone.

Quantum ad primum articulum dico, q̄ Boetius libro de duabus naturis, & vna persona Christi sic personam describit. Rationalis naturæ indiuidua substantia.

Hęc descriptio non placet Doctori subli in primo, distinctione vigesimatertia quaestio. vnica in responsione ad quaestionem. Primō, quia si esset bona illa descriptio, sequeretur, quod anima esset persona, cum sit substantia indiuidua naturæ rationalis, id ipsum sequeretur de Deo, vt a personis distinguitur. Sequeretur etiam (inquit Scotus) q̄ ratio personæ nō conueniret propriē Deo, quia indiuiduum non est nisi vbi est diuiduum, quod Deo conuenire non potest, cum eius natura prorsus sit indiuisibilis. Similiter ratio personæ solum cōpeteret propriē homini, qui solus propriē dicitur rationalis. Tandem, quia substantia abusuē dicitur de Deo secundum Augustinum 7. de Trinit. cap. 5. dicentem. Vnde manifestum est Deum abusuē substantiam vocari, vt nomine vltiore intelligatur essentia, quod verē ac propriē dicitur.

Diuus Thom. & Caiet. prima parte quaestione vigesima nona articulo primo,

primo, nituntur defendere definitionem personæ traditam à Boetio: sed Scotus lococitato propter præfata argumenta defendit, prædictam Boetij definitionem exponendam vel corrigendam esse præ definitionem personæ traditam à Richardo, quæ huiusmodi est. Intellectualis naturæ incommunicabilis, existentia. Vbi pro rationalis, ponitur intellectualis, pro individua incommunicabilis, pro substantia, existentia: quæ omnia proprie in diuinis reperiuntur, & in omnibus naturis intellectualibus completis: ac proinde optimè exponitur vel corrigitur illa descriptio Boetij per hanc Richardi.

1. Nota.

Sed pro intelligentia huius descriptionis à Richardo assignata observua quod communicabile est duplex, aliud ut quod, aliud verò, ut quo. Primum est illud, quod communicatur pluribus, quorum quodlibet est ipsum, vel de quorum quolibet predicatur in recto dicendo, hoc est hoc, sicut animal communicatur homini & equo, de quibus predicatur in recto, quia homo est animal, & equus est animal, hoc modo communicatur vniuersalia suis inferioribus, de quo videndus est Doctor subtilis in 2. dist. 3. q. 4. liter. G. Secundum, ut puta, communicabile, ut quo, est illud, quod alterius est forma. Sic albedo communicatur parieti, quia albedine, ut forma, paries est albus, & forma communicatur materię, quia per eam existit.

2. Nota.

Secundo observua, quod cum tot modis dicatur vnum oppositorum, quot & reliquū, sicut duplex est cōicabile, ita duplex est incoicabile, ut potè ut qd, & ut quo. Incoicabile ut quod illud est, quod nulli cōicatur,

de quo possit in recto predicari: cuiusmodi est Petrus, Paulus, & omnia individua, & singularia, quia individuum cum sit illud, cui repugnat diuidi in plura, quorum quolibet sit ipsum, ut docet Scot. in secundo vbi supra, nō habet aliquod inferius, cui communicetur.

Incommunicabile ut quo illud est, quod nullius potest esse forma, & pars. Quando ergo dicitur in descriptione personæ, quod est incommunicabilis existentia per ly, incommunicabilis, intelligitur incommunicabile ut quod, & incommunicabile ut quo.

Ex his inferitur primo, quod deitas non est persona, quia habet duplicem communicabilitatem oppositam huic duplici incommunicabilitati: est enim communicabilis pluribus, ut quod, qui communicatur tribus personis, quarum qualibet est deitas & Deus: & præterea est forma, qua Deus est Deus, & qua qualibet persona est Deus.

Secundo inferitur, quod hic Deus per se existens non est persona, quia non est incommunicabilis ut quod, cum tribus personis diuinis communicetur, de quibus in recto enunciat: hæc enim sunt veræ, Pater est Deus, Filius est Deus, Spiritus sanctus est Deus.

Tertio elicitur, quod anima separata, licet per se existat, non est persona, quia etsi habeat primam incommunicabilitatem (non enim potest communicari ut quod, cum non habeat sub se aliquod inferius, cui communicetur) non tamen habet secundam incommunicabilitatem, cum nata sit esse forma, qua ali- quid est tale: vtraque autem incom-

muni-

municabilitas est necessaria ad rationem personæ.

3. Nota. Tertiò obserua suppositū, & personam habere se sicut superius, & inferius: omnis namque persona est suppositum, quod utroque modo est incommunicabile, non tamen è contra: quia ratio personæ solum inuenitur in natura intellectuāli (hoc enim addit psona supra suppositū.) Quia verò ratio personæ non solum inuenitur propriè in natura humana, sed etiam angelica, & diuina, in definitione personæ non ponitur rationalis naturæ, sed intellectuālis, quia ly, rationalis, propriè solum conuenit homini, ut diximus. Optima ergo est personæ descriptio, quam tradit Richard. quia leges bonæ descriptionis ei insunt, conuertitur enim cum suo definito, nihilque diminutum, aut superfluum continet: & ea quæ ibi collocantur propriè omni personæ conueniunt, & ita melior est hæc definitio personæ a Richardo tradita, quàm illa, quam tradit Boetius, quidquid Caiet. dicit cum S. Tho. prima parte, quæstione vigesima nona, artic. 1. Hæc de primo articulo.

ARTICVLVS II.

An persona importet primam, vel secundam intentionem.

Nota.

Quantum ad secundum obserua pro intelligentia tituli quæstionis, quòd prima intentio dicitur id, quod conuenit rei seclusa omni intellectu operatione, ut esse hominem, esse album. Secunda verò intentio est id, quod competit rei per actum intellectus negociantis, & comparantis vnum ad aliud, ut esse

subiectum, esse prædicatum, esse genus, vel speciem. Est ergo quæstio, An hoc nomen persona, significet id, quod conuenit rei seclusa operatione intellectus, an verò id, quod rei per actum intellectus inest?

De hac re illud est certū, & indubitatum, quod hoc nomen, persona, de materiali, ut quod, significat primam intentionem, de qua prædicatur (sicut album de materiali significat corpus, de quo effertur) quia Pater æternus est persona, & Gabriel est persona, qui res sunt primæ intentionis. Tota ergo difficultas in hoc consistit, vtrum de formali significet primam intentionem, an secundam?

Henricus, & Aegidius affirmant hoc nomen personam, de formali importare secundam intentionem, licet de materiali importet intentionem primam, sicut species de materiali significat primam intentionem, hominem, scilicet, & equum, de formali verò dicit secundam intentionem ab intellectu causatā. Et similiter, sicut hoc nomen, indiuiduum, quod de materiali significat Petrum, & Paulum, de formali verò secundam intentionem. Hæc opinio his argumentis probatur.

Primo: quia indiuiduum est superius ad suppositum, & indiuiduum, & suppositum ad personam, in cuius definitione indiuiduum collocatur: sed indiuiduum, & suppositum de formali important secundam intentionem: ergo similiter hoc nomen, persona.

Secundò. Hoc nomen, persona, significat aliquid commune, & tribus personis diuinis, & oibus alijs personis creatis: sed nomen persona non significat primam intentionem communem.

mūnem : ergo secundā. Consequen-
tia tenet: probatur maior : quia aliter
non diceremus bene tres personas,
quatuor personas, quia ista nomina
numeralia significant numerari ali-
quid commune in ipsis significatis
materialibus. Probo minorem: quia
omnis prima intentio cōmunis plu-
ribus prædicatur de eis secundum ra-
tionem alicuius vniuersalis, quod es-
se nequit : tum , quia ratio vniuersa-
lis in diuinis reperiri nequit : tum ē,
quia nihil commune Deo, & creatu-
ris pōt rationem vniuersalis indu-
re, quia tunc Deus sub prædicamen-
to contineretur, quod prorsus est fal-
sum. His argumentis fulcitur opinio
Aegidij & Henrici, quā meritō reij-
ciunt Scotus, D. Bonau. & Gabriel in
primo dist. 23. & D. Tho. prima par-
te qua st. 29. art. 4.

1. Nota.

Pro intelligentia huius dubitatio-
nis obserua, q̄ de formali constituti-
uo personæ, vt ait Scot. in tertio dist.
prima quæst. prima, duæ sunt opi-
niones, quas ille probabiles arbitra-
tur. Altera asserit, q̄ persona, verbi
gratia, humana supra hanc humani-
tatem nihil posituum addit, sed so-
lum illam duplicem incommunica-
bilitatem, seu duplicem negationē
duplicis communicabilitatis, aptitu-
dinalis, scilicet, & actualis, secundum
quam nec actu communicatur ali-
cui, nec apta nata est alteri commu-
nicari, vt quo, vel, vt quod.

Alter opinio affirmat, q̄ persona
humana supra hanc humanitatē ad-
dit realitatem quandam posituam,
per quam cōstituitur hæc natura hu-
mana in esse personæ, & ratione cu-
ius competit ei illa duplex incom-
municabilitas. Non est autem præ-
sentis loci examinare, quæ istarum

opinionū sit probabilior: pertinet. n.
hoc ad controuersias tertij Sniarum.

Secundo obserua, non esse idem 2. Nota.
affirmare, q̄ nomen, persona, signi-
ficet negationem formaliter, & affir-
mare, q̄ humana persona supra na-
turam humanam singularem non
addat realitatem aliquam positiuā:
quia, licet persona addat huiusmo-
di realitatem supra naturam singu-
larem, sicut persona diuina supra na-
turam diuinam, adhuc potest esse du-
bitatio, an primò, & formaliter hoc
nomen, persona, importet illam rea-
litatem, an verò illam negationem.

Tertiò obserua, quòd, vt ait Scot. 3. Nota.
vbi supra, secunda intentio solū cau-
satur per intellectum negotiantē cir-
ca res primæ intentionis comparan-
do vnā ad alteram. Ex quo infer-
tur, quòd quidquid mouet intelle-
ctum ad intellectiōem ante illam
negotiatiōem intellectus non est
secunda intentio, sed prima: res autē
mouēs intellectum ad sui cognitio-
nem mouet etiam ad cognitio-
nem negotiantis sui ante actum negotiatiū
intellectus, quia talis negatio conse-
quitur rem ex natura rei ante nego-
tiationem intellectus. Et ratio huius
est, quia vnum oppositorum mouet
aliquo modo ad notitiā sui oppo-
siti, antequam intellectus circa hoc
aliquid negotietur: propter quod di-
xit Philolophus oppositorum ean-
dem esse scientiam. Vnde sicut So-
crates est homo ex natura rei, ita est
non leo ex natura rei.

Ex hoc colligitur, quòd cōceptus
primæ intentionis est ille, qui natus
est fieri immediatē a re sine opere,
vel actu intellectus negotiantis: qua-
lis est non tantum conceptus positi-
uus, & realis, sed etiam negatiuus.

Vnde

Vnde negatio ex natura rei non dicitur ens rationis, sed negatiua entitas ex natura rei.

2. *Concl.* His positis sit conclusio. Hoc nomen, persona, non significat secundam intentionem. Conclu. est Scoti contra Aegidium, & Henricum, & etiam est Doctorum, quos supra citauimus: quam multis argumentis probat Scot. vbi supra.

Primo. Quia omnis secunda intentio est relatio rationis secundum omnes dialecticos, sicut genus, species, & differentia, & similia: sed hoc nomen persona non significat relationem, quia secundum Augustin. quæ sunt communia a tribus diuinis personis non dicuntur ad alterum, seu non sunt relatiua, persona verò tribus conuenit: ergo non significat secundam intentionem.

Secundo. Illa particula, indiuidua, posita in definitione personæ tradita a Boetio, & illa, incommunicabilis, posita in definitione assignata a Richardo, quæ magis videntur significare secundam intentionem, illam non significant: ergo nulla particula posita in definitione personæ dicit secundam intentionem, ac per consequens hoc nomen, persona, non importat secundam intentionem. Maior intentio personæ definitionem satis est manifesta: minor vero probatur, in primis. Illa particula, indiuidua, illam non significat, quia indiuiduum significat unitatem, dicit enim rem indiuisam a se, & distinctam a quolibet alio, quæ est ratio vnus: vnitas vero cum sit passio entis non dicit secundam intentionem, sed primam, & sicut vnitas in communi non importat secundam intentionem, ita nec vnitas in natura intellectuali, quam im-

portat ly, indiuidua substantia, in personæ descriptione. Dices forsitan illam particulam, indiuidua, significare vel esse idem, quod incommunicabilis, incommunicabilis autem dicit negationem, quæ est ens rationis: ergo. Respondeo, quod hæc particula, incommunicabilis, dicit quidem negationem, quæ ex natura rei competit personæ, & licet sit negatiua entitas, non tamen est ens rationis, nec secunda intentio, ut supra diximus. Et ita manet probatum, quod nec illa particula, incommunicabilis, inuoluit secundam intentionem, cum ex natura rei ante actum negotiatorum intellectus Petrus sit incommunicabilis, ut quod, & ut quo, & quacumque alia persona.

Tertio. Ratio personæ competit cuicumque supposito in natura intellectuali existenti, secluso omni actu intellectus, ut de se patet: ergo non importat secundam intentionem, quæ rebus, non inest, nisi per actum intellectus.

Sed contra. Negatio illius duplicis communicabilitatis saltem in natura diuina est relatio rationis in personis: ergo negatio illius duplicis communicabilitatis erit etiam relatio rationis: sed, ut statim dicemus, persona significat illam negationem: ergo dicit aliquid secundæ intentionis. Respondeo cum Scot. vbi supra littera l, quod negatio secundæ intentionis potest esse prima intentio, quia potest conuenire ex natura rei: negatio enim speciei, & negatio generis insunt Petro ante omnem actum negotiatorum intellectus.

Præterea. Vnum oppositum potest esse relatio rationis, & alterum relatio realis, vel saltem negatio, vel priuatio

natio realis alicuius relationis: ergo negatio entis rationis potest esse negatio realis, id est, ex natura rei. Consequentia tenet: antecedens probatur: quia vnum oppositum dicit alterius negationem ex natura rei, sicut album, negationem nigri, & dulce negationem amari. Antecedens probatur: quia idem perfecta identitate dicit relationem rationis ex Aristotele quinto Metaphysic. cap. de eodem, & tamen diuersum, quod negat istam identitatem conuenit rei absque actu rationis. Et ratio huius est: quia, licet aliquid non conueniat rei sine actu intellectus (sicut vniuersalitas, quæ non competit homini nisi per actum intellectus) potest tamen idem sibi repugnare ex natura rei.

*Dubium
notandum.*

Sed est dubium, an illa prima intentio, quam primo dicit hoc nomen, persona, sit aliquid positium, an negatum?

De hac re est duplex opinio. Prima est communis, asserens personam de formali significato importare aliquid positium, ut puta, illam entitatem posituam, quam persona secundum communem opinionem addit supra naturam singularem.

Secunda opinio est Scoti in primo ubi supra defendentis tanquam probabile, personam de duo formaliter conceptu importare non illam entitatem posituam, etsi daretur, sed duplicem negationem illius duplicis communicabilitatis superius enumerata, connotat tamen existentiam in natura intellectualem, ita ut sit sensus, Persona est incommunicabilis, habens existentiam in natura intellectualem. Vult ergo Scotus, quod licet persona habeat naturam intellectualem

singularem, & realitatem posituam, per quam constituatur in esse personæ, & existentiam in natura intellectualem, & negationem duplicem illius duplicis communicabilitatis, tamen de formali solum significat hanc negationem: cætera vero connotat ac materialiter importat: sicut cæcum de formali dicit priuationem visus, de materiali vero animal: sed materiale, de quo persona dicitur in recto, est Petrus & Marcus, &c. ergo.

Probat Scotus suam sententiam ex illa particula, indiuidua, & ex illa, incommunicabilis, positis in definitione personæ, quæ aperte negationem indicant.

Secundò sic. Significatum personæ numeratur in suis inferioribus: ergo non significat aliquid commune positium. Antecedens est notum, quia dicimus tres personas, quæ locutio falsa esset, si commune aliquid non numeraretur in eis. Cōsequentia probatur: quia tunc aliquid commune positium numeraretur in diuinis, quod videtur inconueniens, qui tunc in Deo reperiretur ratio vniuersalis, vel vniuersale reale commune, ac per consequens aliqua realitas potentialis.

Sed obijcit sibi Scotus. Si personis diuinis nihil positium, quod in ipsis numeretur, potest esse commune, ergo nec negatio potest esse communis, quia negatio non videtur posse esse communis, nisi propter affirmationem communem.

Obiectio.

Respondet negando consequentiam. Ad probationem dicit, quod negatio potest esse communis multis: quæ inter se nihil commune habent. Et licet illa, quibus negatio

Solutio.

ff est

est communis, habeant (inquit) aliquid positium commune, nō oportet, quod per illud cōmune insit eis negatio communis. Probat hoc Scot. exemplo. Nam non rationalitas (inquit) cōuenit vltimæ differentiæ equi & leonis: & non per aliquid illis cōmune, quia, vel nihil est commune vltimis differentijs, cum sint primò diuersa, vel, si ratio entis est eis communis, per illam tamen nō inest eis huiusmodi negatio, quia tunc similiter inest et rationalitati, cum ei non minus ratio entis conueniat. Ex quo sequitur, quod negatio vnius rationis stat cum affirmationibus diuersarum rationum.

Obiectio.

Sed cōtra. Quia negatio sumit speciem ab affirmatione: ergo si negatio est eiusdem rationis, similiter affirmatio erit eiusdem rationis: ergo negatio nō est eiusdem rationis nisi ob affirmationem eiusdem rationis.

Solutio.

Respondet Scotus, quod negatio non sumit speciem ab affirmatione, cum qua est coniuncta, sed ab affirmatione, quam negat, & cui opponitur, sicut non album ab albo. Sic dico, quod licet non rationalitas sit cōiuncta cum affirmationibus diuersarum rationum, est negatio eiusdem rationis, quia rationalitas, quæ est affirmatio, quam negat, est eiusdem rationis. Sic dicit Scotus, quod licet personæ diuinæ non conueniant in aliqua affirmatione communi eiusdē rationis secundum proprietates constitutivas, & distinctivas, quia sunt primò diuersa, sicut cætera constitutiva vltima, tamen conueniunt in negatione communicabilitatis, quæ est eiusdem rationis in eis. Hæc opinio probabilis est.

Sed sententiā opposita, quæ asserit

nomen, persona, significare formaliter entitatem positiuam, multo est probabilior: quam etiam Sco. amplectitur tanquam probabilem, nec ad vnam magis quam ad aliam inclinari videtur, sed dubius mansit, utramque opinionem reputando probabilem.

Hæc sententiā probatur. Primò: quia nomen persona est nomen posituum: ergo non dicit de formali negationem.

Secundò. Aliquod nomen significat illam realitatem, quam persona addit supra naturam singularem: sed non est aliud quod ipsam significet, nisi persona: ergo, &c.

Tertio tota ratio, ob quam opposita sententiā negat nomen, persona, significare de formali aliquid posituum est, ne concedat aliquid commune posituum plurificari in diuinis: sed hoc cōcedere nullum est inconueniens, quia relatio est aliquid posituum, & numeratur in diuinis, dicimus enim paternitatem, filiationem, & processionem esse tres relationes, & patrem, & filium esse duo relatiua, & tres personas esse tres res secundum Augustinum de doctrin. Christ. ergo nulla est ratio, ob quam concedamus personam in suo formali significato dicere negationem.

Sed quid ad argumenta pro opinione præcedenti? Dico, quod ad primum statim patebit.

Ad secundum respondebitur in articulo sequenti. Superest iam argumentis in principio huius secundæ articuli adductis in fauorem opinionis Henrici & Aegidij respondere.

A D A R G V M E N T A

in principio articuli posita.

Ad primum.

AD primum dico, quod indiuiduum multis modis accipitur. Primò, secunde intentionaliter, & tunc importat de formali secundam intentionem singularis, quæ est ratio rationis, quam dicit ad suum superius, scilicet, vniuersale. Secundò accipitur, prout dicit de formali negationem diuisionis, & vniuersalitatis. Et hæc significatio videtur magis propria & accommodata etymologiæ huius nominis, indiuiduum: & sic nomen, indiuiduum, significat primam intentionem negatiuam, est q. superius ad personam, si vera est sententia prima Scoti, quod persona significat de formali negationem. Si verò de formali rem positiuam importet (vt tenet communis opinio) tunc indiuiduum secundum nullam harum significationum est superius quidditatiuè ad personam, propter inopiã tamen nominum factum est, vt nomen, indiuiduum, quod significat in vna acceptione secundam intentionem, & in alia negationem, accipiat pro repositiua, quæ huiusmodi negationis, & intentionis est fundamentum. Idem iudicium est de hac particula, incommunicabilis, quæ negationem importat posita in definitione personæ a Richardo tradita: accipitur enim ibi pro positiuo, vnde illa negatio, quam significat incommunicabilitas, dimanat, sicut nomē, irrationale, ponitur in definitione bruti non pro negatione rationalitatis, sed pro repositiua, ratione cuius conuenit bruto illa negatio.

Ad secundum.

Ad secundum dico, quod, nō om-

ne commune multis in eis plurificatum habet semper rationem vniuersalis: res enim & relationes sunt communia tribus personis, & in ipsis plurificantur, cum tamen secundum omnes rationē vniuersalis, non habeant. Item ratio entis plurificatur in Deo, & in creatura, & tamen ens nullius vniuersalis rationem induit.

Sed dices. Hoc est, quod petit argumentum, scilicet, qui fieri possit, quod sit aliquid commune multis, & in ipsis plurificatum, & quod non habeat rationem vniuersalis: nam diuinam essentiam, etsi communem multis, negamus rationem vniuersalis induere, hoc ideo, quia in ipsis non numeratur, & diuiditur. Respondeo huiusmodi difficultatem nō minus esse cōtra Durand. quā contra nos: cuius solutio patet ex dictis controuersia de vniocatione entis.

A R T I C V L V S III.

An persona primo significet relationē vel entitatem absolutam.

OVantum ad tertiū articulū supposito, quod persona dicat de formali primò entitatem positiuam, est dubium, an illa sit substantia, vel entitas absoluta, an verò relatio.

De hac re nonnulli arbitrantur. D. Thomam, & Scotū sibi inuicē esse contrarios: sed si mens D. Th. locis infra citandis rectē perpendatur, erit equidem perspicuum illum idem prorsus cum Doctore subtili sentire. Quod, vt clarius, & apertius fiat, lubet Scoti sententiam statim in medium proferre, quæ his conclusionibus continetur.

Ff 2 Prima

1. *Concl.*

Prima conclusio. Hoc nomen, persona, vniuerse acceptum non significat relationem. Probat. Nomen, persona, vniuoce dicitur de Deo, & creaturis: vel saltem non æquiuoce (quia persona numeratur in suis inferioribus: dicimus enim Deum, & angelum esse duas personas: numeratio verò alicuius in aliquibus requirit vniuocationem eius in eis, æquiuocum enim non numeratur in æquiuocatis, quia non dicuntur piscis, & fidus duo canes. Et ratio est quia numeratio, diuisio, ac contractio est alicuius communis, quod in suis inferioribus diuiditur, numeratur, atque contrahitur, at æquiuocum nihil commune præter solam vocem respectu suorum æquiuocatorum importat: ac proinde numerari, diuidi, aut contrahi non potest, ut docet Sco. in Elenchis q. 13.) sed, ut dicitur hoc nomen, persona, de creaturis non dicit relationem, supponit enim pro Petro, qui nec est relatio, nec relationem includit, quatenus persona est: ergo non significat relationem hoc nomen, persona.

Secundo. Definitio personæ supra assignata, scilicet, intellectualis naturæ incōdicabilis existentia, non significat relationem: ergo nec persona.

Tertio. Persona in diuinis non dicit relationem, sed aliquid ad se, teste Aug. 7. de Trin. c. 5. liter. B. ubi sic ait. Cū dicimus personam patris non aliud dicimus, quam substantiam patris, ad se quippe dicitur persona, non ad filium: ergo multo minus persona in communi. Conclusio hæc est Scot. in primo dist. vigesima quinta, quaestione vnica, quam etiam tenet B. Thom. prima parte quaestione vigesima nona, articulo quarto ad pri-

um cum ait, Nomen, persona, dicitur ad se non ad alterum.

Secunda conclusio. Nomen, persona, est communis tribus personis diuinis. Concl. hæc patet ex D. Aug. septimo de Trinit. cap. 7. dicente. Si pater, filius, & Spiritus sanctus sunt tres personæ, commune est eis esse personam.

Tertia conclusio. Persona non est communis tribus personis diuinis communitate æquiuocationis, quæ constitit in solo nomine: sed communitate vniuocationis. Prima pars huius conclusionis probatur: quia æquiuocum non numeratur in suis æquiuocatis (non enim dicimus, quod piscis marinus, fidus caeleste, & canis domesticus sunt tres canes: quia canis non dicit rationem communem plurificatam in hisce canibus) at ratio personæ numeratur in personis diuinis, quia verè ibi dicimus tres personas: ergo. Secunda pars eiusdem conclusionis per idem patet: quia ratio personæ verè numeratur in diuinis (ut ex dictis patet) numeratio verò alicuius in aliquibus requirit vniuocationem eius in eis.

Quarta conclusio. Hoc nomen, persona, non significat formaliter substantiam secundam, id est, quidditatem. Ratio est: quia in diuinis ratio substantiæ & quidditatis non plurificatur, bene tamen ratio personæ: ergo persona de formali non dicit substantiam & quidditatem.

Sed contra. Quia Aug. 7. de Trinit. cap. quarto, quærenti in diuinis quid tres? responderet tres personæ: quid autem substantiam, & essentiam significat.

Respondeo, quod id, quid, secundum Arist. Doctrinam quandoque quaerit

2. *Concl.*3. *Concl.*4. *Concl.*

Obiectio

Solutio

quærit definitionem, ut patet ex primo Topicorum cap. quarto text. comment. 2. Dicitur enim ibi, quod definitio est oratio indicans, quid est esse rei, quandoque vero quærit illud, de quo aliquid dicitur. Hoc colligi potest ex Philosopho 10. Metaphy. Vbi sic ait. Totaliter querendum est quid vnum; quæ admodum, & quid ens tanquam non sufficiens: quia hoc ipsum istius natura. Vult dicere Philosophus, quod non sufficit dicere ipsum vnum esse principium, sicut aliqui antiqui, ut Platonici, asseriebant: sed necessum est assignare aliquid, de quo ipsum vnum seu principium dicatur. Et ita quæstio ista Aristorelica, quid est vnum, seu elementum duplicem habet responsionem: vnâ assignando elementum definitionem: alia assignando illud, de quo dicitur elementum, puta, ignis est elementum. Hoc posito, dico, quod catholicis confitentibus in diuinis, tres, secundum illud Ioan. Tres sunt, qui testimonium dant in celo, qui fuerunt hærenti ab eis, quid tres; non interrogantes huius nominis definitionem, sed quid esset illud substantium, quod determinaretur per illud adiectiuum, tres, siue de quo diceretur; Et ad hoc optime respondetur per hoc nomen, persona, dicendo tres personæ. Quando ergo dicis, quod quid quærit essentiam, patet, quod non est verum generaliter, nec in proposito.

5. Concl.

Quinta conclusio. Nomen, persona, non significat de formali relationem expresse. Quod sic ostendit Scotus. Si nomen, persona, diceret expresse de formali relationem, sequeretur, quod sicut pater dicitur filij patris ita similiter diceretur persona filij personæ sequens est contra Augustinum 7. de

Trinit. cap. quinto, ergo nomen persona, non significat formaliter relationem. Sequela maioris, sic probatur a Scotis: quia ad quodcunque dicitur relatiuum inferius, ad idem dicitur relatiuum superius: id est, ad quodcunque refertur relatiuum inferius, ad idem dicitur & superius: sed pater refertur ad filium: ergo similiter & persona, quæ est relatiuum superius ad patrem. Probo maiorem exemplo de duplo, dimidio, & multiplici. Duplum enim primo refertur ad dimidium, triplum ad tertiam partem, quadruplum ad quartam: at vero multiplex est relatiuum superius ad duplum, triplum, &c. cuius correlatiuum primum est submultiplex, ut docet Arist. 7. Metaphysica. de ad aliquid. Dicimus ergo, quod duplum est dimidij duplum, & multiplex dimidij: quia multiplex est relatiuum superius ad duplum: ergo pariter, si nomen persona dicit primo relationem dicitur ad filium relatiue, sicut & pater, qui est relatiuum inferius ad personam, & ita dicitur persona filij sicut pater filij.

Respondet Caietan. vbi supra Sanctus Thomas, quod illa maior Scoti. Ad quodcunque dicitur relatiuum, &c. vera est, quando termini significant relationem per modum relationis, non tamen quando illam significant per modum absoluti, sicut significatur per hoc nomen, persona.

Ad hoc respondeo bifariam. Primo, quod nostra conclusio & argumentum loquuntur de nominibus significantibus expresse relationem, ut patet ex verbis ipsius conclusionis.

Secundo dico, quod significare aliud quod nomen relationis per modum absoluti, est solummodo illam ma-

terialiter, & non formaliter significare, nos autem & Scot. loquimur de significato formali huius nominis, persona.

6. *Concl.* Sexta conclusio. Secundum illam opinionem, quæ asserit personam formaliter importare negationem, persona in diuinis, nec dicit substantiam, nec relationem: quia negatio nec est substantia, nec relatio, connotat tamen aliquid positiuum: & primo connotat illud, de quo primo prædicatur, ut puta, patrem, filium, & Spiritum sanctum, non quasi ex primo intellectu suo, sed sicut commune connotat inferius, pro quo supponit, deinde vero connotat relationem, unde illa negatio duplex oritur.

7. *Concl.* Septima conclusio. Si nomen, persona, significet primum aliquid positiuum, difficile est explicare, an illud positiuum in diuinis sit absolutum, an relatiuum: in cuius rei explicatione non parum laborauerunt Thomistæ: Scot. tamen in primo distin. 25. breuissime, & præ cæteris elegans, ac melius hanc difficultatem absoluit: cuius sententia his conclusionibus explicatur.

8. *Concl.* Octaua conclusio in ordine. Nomen, persona, ex vi sue significationis non significat formaliter primum subsistentiam relatiuam, vel subsistens relatiuum. Probatur. Quia, si persona significaret formaliter primum, relatiuum diceretur pater persona filij, sicut dicitur pater filij, propter rationem ad quintam conclusionem: consequenter tamen est falsum, ut liquet: ergo, &c.

9. *Concl.* Nona conclusio. Nomen, persona, ex vi sue significationis non significat subsistens absolutum. Probatur: quia ratio personæ est communis

tribus personis diuinis, quæ tamen sunt subsistens relatiui per proprias subsistentias relatiuas: ergo, &c.

Decima conclusio. Nomen, persona, ex vi sue significationis significat formaliter, & primario subsistentiam, vel subsistens in natura intellectualem, indifferens ad absolutum, & relatiuum. Ratio enim subsistens est indifferens ad absolutum & relatiuum, tenendo personas diuinas esse primo relatiuas (vnde se res habet.) Ex consequenti tamen & secundario, & de materiali, significat subsistens relatiuum, sicut superius suum inferius, pro quo supponit sicut hoc nomen, animal, primo & formaliter significat viuens sensitiuum, quod est commune & indifferens ad hominem & equum, de materiali autem & secundario significat hominem, & equum quæ sunt inferiora viuens sensitiui, quod est formale eius, & primum significatum. Ita in proposito persona formaliter importat subsistens in natura intellectuali, quod est commune ad subsistens absolutum & relatiuum: materialiter vero & secundario importat subsistens relatiuum, ut patet, filium, & Spiritum sanctum, & similiter Petrum & Michaelem, qui sunt subsistentes absoluti. Probatur conclusio. Quia persona ex vi sue significationis secundum communem opinionem significat aliquid positiuum, quod non est nisi subsistens in natura intellectuali: ergo cum non importet de suo primum, & formale conceptu subsistens relatiuum, nec absolutum ex octaua, & nona conclusione inferitur necessario, quod dicat subsistens in natura intellectuali, ut indifferens ad subsistens absolutum, & relatiuum.

Sed

Obiectio.

Sed contra. Omnia, quæ ponuntur in definitione personæ siue tradita a Richardo, siue a Bbenio sunt absolutæ: ergo significat subsistens absolutum.

Solutio.

Respondedo negando antecedens: sed aliquid est ibi indifferens ad absolutum & relatiuum, ut puta, subsistens. Vnde sicut ab aliquo absoluto & respectiuo potest abstrahi aliquid commune dictum in quid de eis, ut ratio entis, ita ab incommunicabili absoluto, & relatiuo abstrahitur aliquid commune, quod nec est de te incommunicabile absolutum, nec incommunicabile relatiuum, sed quid indifferens: & hoc commune indifferens definitur Boetius & Richard. hoc addito, quod sit in natura intellectuali.

11 Cõcl.

Videcima conclusio. Omnes præfatæ conclusiones non solum sunt veræ de hoc nomine simpliciter, persona, sed etiam de hoc nomine composito, persona diuina. Hæc conclusio patet per easdem rationes, quibus prædictæ conclusiones probatæ manent: nam si ad hanc conclusionem applicentur, idem prorsus ostendunt. Et ut clarius hoc elucescat, sit duodecima

12 Cõcl.

Duodecima conclusio. Persona diuina non significat primò & expressè subsistens relatiuum, propter rationem positam ad quintam & octauam conclusionem, nec subsistens absolutum: quia personæ diuinæ sunt subsistentes relatiui: sed dicit subsistens in natura intellectuali diuina ut indifferens ad subsistens absolutum & relatiuum, quod patet per rationem ad precedentem conclusionem in fine. Et confirmatur. Quia persona diuina, cum dicat aliquid positiuum, et illud non sit absolutum, nec relatiuum (ex

dictis) erit indifferens, quia nihil aliud est in mundo præter relatiuum, absolutum, & indifferens: ergo nomen persona diuina, significat indifferens ad utrumque.

Præterea. Hoc nomen, persona diuina, eodem modo significaret personas, si essent absolutæ, sicut modo significat eas dum sunt relatiuæ, & de facto apud eos, qui tenent diuinas personas constitui per absoluta, hoc nomen, persona, eas significat: ergo nomen persona diuina, ex vi suæ significationis significat aliquid indifferens ad relatiuum, & absolutum.

Præterea. Illi, qui dicunt, personas diuinas constitui per absoluta, & illi, qui dicunt non constitui per absoluta, habent conceptus contradictorios: ergo ambo isti idem concipiunt nomen personæ diuinæ. Nam, si non concipiunt idem, non habent conceptus contradictorios, quia contradictio est affirmatio et negatio eiusdē de eodē sed ambo isti non concipiunt personam diuinam, ac relatiuum: quia tunc stultissimus esset ille, qui diceret personas diuinas per absolutas constitui, idē enim esset, ac si diceret, relatiuum, ut relatiuum, per absolutum constitui. Propter eandem rationem non concipiunt personam diuinam, ut absolutam: quia tunc nimis stultus esset qui personas diuinas per relationes constituit affirmaret: esset enim asserere absolutum, ut absolutum, per relationem in habere esse: ergo ambo concipiunt personam diuinam conceptu indifferenti ad absolutum & relatiuum, quam sic conceptam unus in particulari absolutam, alius verò relatiuam esse affirmat. Et ita se res habet, quod uterque illorum nomine, persona diuina, concipit subsistens in

natura diuina, non determinādo in suo conceptu, an sit relatiuum, an verò absolutum.

Tandem . Si (dato impossibili) esse vna persona in diuinis (sicut Iudæi & Sarraceni imaginantur) ita propriè Deus est persona diuina, sicut nunc : sed tunc non esset persona relatiua, ergo modo persona diuina non significat relationem expresse & formaliter.

Sed contra. In diuinis nulla est persona, quæ non sit relatiua: ergo hoc nomen, persona diuina, formaliter significat relationem. Concesso antecedente negatur consequentia, non enim est bona, vt patet in his similibus. Animal non reperitur, nisi in homine, & bruto: ergo animal significat formaliter hominē & brutum. Non tenet consequentia, quia potest significare (vt re vera significat) aliquid indifferēs ad hominem & brutum, vt puta, viuēs sensitium, licet de materiali significet hominē & brutum. Similiter non valet hæc consequentia. Album non reperitur, nisi in corpore: ergo album de formali significat corpus.

Sed obijcies. Nulla persona est absoluta: ergo non significat hoc nomen, persona diuina, indifferēs ad absolutum, & relatiuum.

Hoc argumentum eodem modo diluitur, sicut præcedens. Vnde persona diuina a nobis concipitur conceptu indifferēti ad absolutū & relatiuum: qui conceptus eodem modo quadraret personis diuinis, si essent absolutæ, sicut modocum sunt relatiuæ.

Sed contra. Iste conceptus nullum habet fundamētum in re: ergo est vanus.

Respondeo, quod habet fundamentum in re significata per parte huius nominis compositi diuina persona. Nam hoc nomen persona significat indifferēs ad absolutum & relatiuum, vt visum est, similiter, diuina: dicitur enim intellectus diuinus & relatio diuina, quarum partiū in differentia est prædicti cōceptus fundamentum.

Decimatertia conclusio. Nomen, persona diuina, secundum opinionē communem asserentem, quod significat aliquid positium primò & formaliter importat subsistens in natura intellectuali, de materiali verò importat ea pro quibus supponit, scilicet, patrem, filium, & Spiritum sanctum, & quasi secundo connotat formalia distinctiua in eis, & tertio essentiam eis communem.

Hucusque de sententia Scoti, quæ omni proculdubio verissima est, quæ etiam tenet Diuus Tho. (quidquid dicat Caiet. & alij Thomistæ) 1. p. q. 29. art. 4. Vbi dicit q. nomen, persona diuina, significat primò relationē, non vt relatio est, sed vt subsistens & hypostasis est. Sensus enim est, q. nomen, persona diuina, non significat primò relationem, vt concipitur particulari conceptu relationis, sed significat relationem, vt concipitur tāquam hypostasis & subsistens, cuius conceptus est indifferēs ad absolutum, & relatiuum: id est, primò significat indifferēs ad absolutum & relatiuum, de materiali verò dicit relationes subsistentes. Ita explicat B. Th. super eundem articulum Bartholomæus Torres egregius Thomista. Et q. hæc sit sententia B. Tho. patet. Nā ipse in q. 9. de potentia art. 4. ait, q. sicut vox, homo, de formali significat

13 Cōd.

D. Th. et
Sc. idē
tūc, qd
quid re-
clament.
Thomi-
ste.

com-

compositum ex corpore & anima rationali, & de materiali significat illud, in quo reperitur istud compositum, quod est habens caput, cor, cerebrum, &c. ita diuina persona significat de formali significato subsistens in natura diuina incommunicabiliter: sed quia hoc subsistens incommunicabiliter non potest esse in diuinis nisi relatiuum, ideo significat de materiali significato relationem. Quid clarius dicere potuit D. Thom. ut ex eo percipere possumus ipsum nostram tenuisse sententiam?

Calet. tamen 1. p. q. 29. ar. 4. existimat D. Th. eodem art. recantasse hanc sententiam, quam q. 9. de potentia tenuerat, & docuisse nomen, persona diuina, formaliter significare relationem, non per modum relationis, sed hypostasis & subsistentis.

Idem sentit quidam nouus interpret 1. par. D. Tho. Sed perperam sanctum Doctorem Thomam a vera sententia in falsam adducunt, ut ipsum suarum opinionum patronum habeant, & insuper eum intelligibili modo explicat. Quod ut pateat, libet explanationem illius noui expositoris in medium perferre.

Tripliciter (inquit) potest terminus aliquis de suo formali significato relationem significare. Primo, per modum relationis in actu exercito, hoc est, in cuius conceptu intelligitur correlatiuum, ut pater & filius, & huiusmodi nomina formaliter significant relationem. Secundo modo significatur relatio, formaliter quidem, non tamen in actu exercito, sed potius in actu signato, & per modum formae absolutae: ut haec nomina relatio & relatiuum significant relationem. Tertio modo potest dici relatio significari formaliter, non quidem explici-

te, & per conceptum formaliter significantem relationem, sed implicite, ita, ut si quidditas significata per nomen explicetur, necessario debeat explicari per conceptum relationis. Hoc posito sententia huius noui interpretis in duobus dictis consistit.

Primum est. Persona diuina significat relationem de formalimon primo, aut secundo modo, sed tertio, eo quod hypostasis diuinæ substantiae incommunicabilis non potest esse, nisi relatiua formaliter.

Secundum dictum. Non solum persona diuina, sed etiam persona secundum suam analogam significationem communem personae increatae & creatae significat formaliter relationem, non quidem per se primo & adaequate explicite, sed inadaequate implicite, quia persona formaliter significat illud, quo persona constituitur incommunicabiliter. Unde inadaequate formaliter & immediate significat relationem, quae fuerit constitutiva personae in eise incommunicabili.

Sententia huius noui expositoris si sit alia a sententia Scoti, quam supra explicuimus, omnino est falsa. Et ratio eius ad primum dictum, cum ait, eo quod, &c. nulla est: quia innititur huic consequentiae. Hypostasis diuina in particulari non potest esse nisi relatiua: ergo persona diuina significat formaliter relationem. Quae consequentia nulla est, ut patet ex solutione ad argumenta contra duodecimam conclusionem. Et hoc ipsum ostenditur in simili. Vox, homo, formaliter significat animal rationale: sed animal rationale non potest reperiri, nisi in Petro, & Paulo, & alijs indiuiduis hominis: ergo vox, homo, formaliter significat indiuidua natura

*Impu-
gnatur
quidam
Thomisti*

ra humana. Non tenet hæc consequentia, imò ex ea inferitur, q̄ vox homo de materiali importet indiuidua. Ita ex ratione huiusmodi expositoris inferitur, q̄ persona diuina primò significet formaliter hypostasim indifferetem ad absolutam, & relatiuam, materialiter verò relationem, seu relatiuam hypostasim.

Præterea Contradictionem inuolueret videtur relationem formaliter importari per aliquod nomen, & huiusmodi nomini non correspondere conceptum formaliter significatam relationem.

Præterea secundum eius dictum etiam est falsum. Nam, si persona absolute accepta significat formaliter relationem, siue primò, siue secundò, omnis persona eius relatiua, quia ratio personæ, & significatum eius, siue primarium, siue secundarium, dum modò sit formale, conuenit omnibus inferioribus ad personam.

Item. Persona absolute accepta significat relationem, hoc idè (vt ipse dicit) quia persona formaliter significat id, quo persona in esse incommuniabili constituitur: ergo persona absolute sumpta sicut formaliter significat relationem, ita & absolute: quia sicut personæ diuine constituuntur per relationes, ita personæ creatæ per absolutas: sed consequens est omnino falsum, quia tunc opposita significarentur formaliter eodem nomine, possetq; concedi, q̄ album, & nigrum per idem nomen possent formaliter significari, quod videtur absurdum. Item. Persona est quid commune personæ relatiuæ, & absolute: ergo neutram importat formaliter, sed aliquid indifferens. Proba-

tur consequentia. Quia, sicut descriptio superioris non debet includere propriam rationem alicuius inferioris, ita nec superius debet includere, nec formaliter importare rationem peculiarem alicuius inferioris: ergo cum persona sit quid commune ad increatam, & creatam, nec includit in suo conceptu, nec significat formaliter peculiarem rationem personæ creatæ, nec increatæ, sed quid indifferens: ergo non importat formaliter relationem, quæ est ratio constitutiva personæ increatæ. Patet etiam consequentia a simili. Nam, quia animal dicit quid commune homini, & equo, neutrum importat formaliter, sed materialiter, dicit tamen formaliter aliquid indifferens ad vtrumque, scilicet viuens sensitiuum. Sic in proposito, cum persona dicat quid commune ad personam relatiuam, & absolutam, vtramque importat de materiali significato, neutram tamè de formali, sed aliquid ad eas indifferens.

Tandem ratio, ob quam a nostra recessit sententia iste nouus expositor S. Thom. nulla est. Nam licet absolutam quidditatem significantia in diuinis multiplicentur, non tamè incouenit multiplicari indifferentia ad relatiuum, & absolutum. Nam, sicut in diuinis concedimus tres relationes, ita concedimus patrem & filium & Spiritum sanctum esse tres res, quod concedit August. lib. 1. de Dicit. Christ. Præterea. Ratio subsistens est indifferens ad relatiuum & absolutum, & in diuinis concedimus tres personas esse tres subsistentes: ergo non solum relatiua, sed etià indifferencia contingit multiplicari in diuinis. Hoc docet expressè Scot.

dist.

Impugnatur
rō prædicta
S. Thom.
mist.

dist. 25. littera C, & dist. 23. sub littera B.

Contra. Quia secundum August. multis in locis, quæ sunt ad se primo, & absoluta non multiplicantur, sed quæ sunt ad aliud: ad primum autem genus pertinet nomen, persona, ex August. ergo non numeratur. Respondeo secundum mentem Doctoris subtilis in 1. dist. 26. littera K. quod ea, quæ in diuinis dicuntur ad se, sunt in duplici differentia. Alia, quæ omnino sunt ad se, sicut deitas, magnitudo, Deus, sapiens, & similia. Alia verò sunt ad se, sed non omnino ad se, sed referibilia: quia non repugnat eis referri, ut distincta realiter a correlatiuo, ut ly, subsistens, per paternitatem refertur ad filium, & per spirationem ad spiritum sanctum, tanquam ad quid realiter distinctum. Non sic Deus refertur per paternitatem ad filium: quia Deus non distinguitur realiter a filio etiam per paternitatem: subsistens autem per paternitatem distinguitur realiter a filio, ad quem refertur. Quæ ergo sunt ad se primo modo non pluriificantur, bene tamen ea, quæ sunt ad se secundo modo, cuiusmodi est nomen, persona.

Sed difficultas est non parua, quomodo ens positum indifferens ad absolutum, & relatiuum, cum multiplicetur: suis inferioribus, non habeat rationem alicuius vniuersalis? Sed de hac re diximus plura in controuersia de entis inuocatione.

AD ARGUMENTA in principio controuersia posita.

AD primum, respondeo, quod *Ad 1.* dici secundum substantiam bifariam sumitur in diuinis. Primo. Illud dicitur secundum substantiam, quod importat quidditatem, & essentiam, ut intelligere, ens, essentia, & similia. Secundo: quia habet modum prædicandi substantiæ, & essentia diuinæ: & hic modus est prædicari de tribus. Vult ergo August. illud, quod non prædicatur realitè, ut pater, & filius, prædicari secundum substantiam altera illorum modorum, & nomen, persona, prædicatur secundum substantiam secundo modo.

Ad secundum dico, quod substantia intellectualis non est principale significatum personæ, sed connotatum: ex quo non potest argui, quod nomen personæ significet substantiam.

Ad tertium dico, quod ens absolutum est nobilius relatiuo, sumendo utrumque præcisè. Et cum infero, ergo persona absoluta est nobilior relatiua, dico, quod bene inferitur, si persona relatiua non includeret aliquid absolutum: in proposito vero diuina persona includit deitatem, quia nihil nobilius excogitari potest.

CONTRVERSIA

VIGESIMATERTIA.

An persona diuina constituentur per relationes in esse personali?

1. Arg.



PAR negatiua probatur. Primò. Quia omnis relatio præsupponit extrema realiter distincta, vt videre est in omnibus relationibus creatis: ergo nulla relatio causat primò distinctionem realem extremorum: ergo nec in diuinis: ergo relationes patris & filij, quæ sunt paternitas & filiatio præsupponunt distinctionem realem, ac per consequens non constituunt personas, quia prima distinctio realis in diuinis est personalis. Probatur antecedens. Primò, quia ob eam causam Aristoteles 3. Metaphysicorum capite de eodem, dicit, quod identitas est relatio rationis, quia, scilicet, non præsupponit distinctionem realem extremorum. Idem antecedens probatur secundò, quia cum relatio non referatur, sed referat, præsupponit ipsum, quod refert distinctum ab eo, ad quod refert.

2. Arg.

Secundò. Absolutum est prius relatione, vt patet: ergo distinctio absoluta est prior relatione: sed prima omnium distinctionum est distinctio diuinarum personarum: ergo illa fit per absoluta.

3. Arg.

Tertiò. Paternitati ex sua ratione formali non repugnat primo communicabilitas: ergo non potest constituere patrem in esse incommunicabili, ac per consequens nec in esse

personalis: quia esse personale ex ratione sua est incommunicabile. Consequentia tenet, quia constituenti re in aliquo: primo esse, & in vnitate ei correspondente per se primo debet repugnare distinctio illi vnitati opposita. Exempli causa. Quia rationale primo constituit hominem in entitate, & vnitate specifica per se primo repugnat ipsi rationali distinctio specifica, seu diuidi in plura specie distincta, & per rationale repugnat homini eadem distinctio. Antecedens probatur multipliciter. Primò, quia nulla quidditas de se est incommunicabilis: sed paternitas est quidditas quædam: ergo non est de se incommunicabilis primò. Secundò, quia non est de se hæc & singularis circumscriptio omni eo, quod non est de ratione formali eius: ergo non repugnat ei ex ratione sua formali communicabilitas. Consequentia tenet, antecedens probatur. Circumscripta deitate, quæ non est de ratione formali paternitatis, secundum Augustinum septimo de Trinitate, capite secundo & quarto, vbi ait, quod non eò pater, quo Deus, paternitas non est infinita: ergo nec est de se singularis, quia hoc soli infinito competit. Patet antecedens, quia ratio infinitatis (si quam habet paternitas) prouenit a deitate, quæ est (vt ait Damascenus) infinitum essendi pelagus.

Quar-

4. argum. Quarto. Opposita relativa æqualiter se habent ad incommunicabilitatem: sed spiratio actiua nō est de se incommunicabilis, cum communicetur duobus, patri, scilicet, & filio: ergo nec spiratio passiua est de se incommunicabilis: ergo spiratio passiua non constituit primo Spiritū sanctum in esse personali, quia constitutum personale est de se incommunicabile: ergo aliqua persona diuina non constituitur per relationem.

5. argum. Quinto. Ab vltimis distinctiuis, & constitutiuis aliquorum non potest abstrahi aliquid commune dictum in quid de eis: sed a paternitate & filiatione abstrahitur hoc commune, quod est relatio, quæ in quid dicitur & vnuocē de paternitate & filiatione: ergo paternitas & filiatione nō sunt primo distinctiua & constitutiua personarum patris & filij in esse personali. Consequentia tenet: probō maiorem: quia, si huiusmodi distinctiua haberent aliquid commune dictum in quid de eis, non distinguerentur illo communi, siquidem in eo conuenirent, sed aliquo contrahente illud commune: ergo ipsa non primo distinguerent eas, in quibus sunt: sed illa, per quæ ad esse ipsorū illud commune contraheretur: ergo primo distinctiua in nullo conueniunt quidditatiuē, sed se totis distinguuntur.

6. argum. Sexto. Prima persona est principium producens secundam: ergo est prior aliquo modo secunda persona producta, quia principium prius est eo, cuius est principium: sed relatio primæ personæ ad secundam nō est prior aliquo modo, quàm relatio secundæ ad primam, quia sicut relatiua sunt omnibus modis simul, sic & relationes, per quas referuntur, & ra-

tionem quarum sunt simul omnino: ergo saltem prima persona non constituitur per relationem.

7. argum. Septimo. Suppositum agens est prius sua actione, quia esse præsupponitur ad agere: sed actio est prior relatione super eam fundata: ergo si militer suppositum agens est prius huiusmodi relatione, quia quod est prius priore est prius posteriore: ergo suppositum generans in diuinis præsupponitur paternitati, quæ super generationem fundatur, sicut super actionem: ergo suppositum generans non constituitur in esse suppositi per paternitatem, sed per aliquid prius, quod non videtur esse nisi absolutum: ergo, &c.

De hac materia disputant Doctores in primo, dist. 26. & D. Thom. 1. p. quæst. 40.

IN hac difficili quæstione (in qua D. Tho. & Scot. idem sentiunt, vt puta, personas diuinas per relationes constitui, etsi circa modum explicandi id ipsum, differant) hunc ordinem claritatis causa seruabimus. Primo inquiremus, an personæ diuinæ seipsis distinguantur. Secundo, an constuantur per proprietates absolutas. Tertiō, an per relationes, & sub quæ ratione huiusmodi relationes constuant. Vltimo ad rationes.

ARTICVLVS PRIMVS.

An persona diuina seipsis distinguantur.

Quantum ad hunc primum articulū fuit opinio Præpositi (vt refert Scot. in 1. d. 26.) asserentis personas diuinas se ipsis

ipsis distingui, ac per consequens, inquit, non oportet querere, quo formaliter distinguantur, vel quibus constituantur: quia non habent constitutum: sicut vltimæ differentiæ simplices, quæ seipsis distinguuntur, nulum habent constitutum. Hanc eandem sententiā sequutus est Gregorius Arimin. eadem distinctione. Et innititur sententia hac, his argumentis.

1. *Arg.* Primò, quia psona diuina est simplicissima, & ita simplex, sicut essentia diuina: sed essentia diuina ppter sui simplicitatem se ipsa distinguitur a quocumque: igitur & psona.

2. *Arg.* Secundò. Abitratum & concretum idem significant: ergo paternitas & pater idem et significant: ergo dicere patrē distingui paternitate, est dicere patrē seipso distingui.

3. *Arg.* Tertiò. Si pater non seipso distinguitur a filio, sed paternitate: ergo includit aliquid, in quo conueniat cum filio, ex quo & paternitate constituitur, vt suppositum integrum & perfectum: ergo est persona composita, quod est omnino falsum.

Et rursus sequitur ex hoc, qd paternitas se habeat, vt actus & forma respectu illius communis, scilicet, essentia, in qua pater cum filio conuenit, quod asserere a veritate est prorsus alienum: igitur, &c.

Opposita sententia est omnium Theologorum, & omnino tenenda. Pro cuius decisione sint sequentes conclusiones.

1. *Concl.* Prima conclusio. Personæ diuinæ non distinguuntur seipsis, sed proprietatibus personalibus. Probat, quia quæcumque nō sunt primò diuersa, aliquo sui distinguuntur, & non se totis, sed personæ diuinæ non

sunt primò diuersæ, quia sunt eiusdem essentia (primò diuersa autem sunt, quæ in nullo cōueniunt quidditatiuè) ergo personæ diuinæ aliquo sui distinguuntur & non se totis: sed non est aliud, quo distinguuntur, nisi suis proprietatibus: ergo, &c. Omnia patent prater maiorem: quā sic probo. Quia quæ non sunt primò diuersa sunt alicui idem essentia: ergo in aliquo conueniunt, & in aliquo distinguuntur: sed non distinguuntur eo, quo sunt idem, & in quo conueniunt: ergo aliquo sui, quo nō sunt idem, cuiusmodi sunt proprietates personales.

Secundò. In Concilio Lateranensi, & habetur de summa Trinitate & fide Catholica sic dicitur. Hæc sancta Trinitas secundum essentiam indiuidua: secundum proprietates personales discreta. En quomodo Concilium asserit personas nō esse discretas essentia, sed proprietatibus personalibus: ergo personæ diuinæ nō distinguuntur se ipsis totis, sed proprietatibus personalibus, sicut nostra asserit conclusio: cui fauet modus loquendi Theologorum in hac distinctione, imò & sanctorum Patrum (quorum testimonia refert Magister præfata distinctione) communiter affirmantium personas diuinas distinguui relationibus diuinis, seu proprietatibus personalibus.

Tandem. Si pater seipso distinguitur ab alijs personis, ergo eadem ratione distinguitur a filio & Spiritu sancto: consequens autē est falsum: ergo & antecedens. Prima consequentia probatur, quia se ipso distinguitur per te ab utroque: falsitas verò consequentis sic ostenditur, quia a Spiritu sancto distinguitur quatenus

nus spirator, & a filio quatenus pater secundum sententiam Præpositiui. Conclusio ergo nostra est certa, & opposita erronea.

2. *Concl.* Secunda conclusio. Personæ diuinæ non constituuntur se ipsis, sed suis proprietatibus personæ. Hęc conclusio est communis Theologorum sententia, nam idem est principium distinctiuum & constitutiuum: ergo, si personæ primò distinguuntur suis proprietatibus, ergo per eas primò constituuntur in eodem esse, in quo distinguuntur: sed distinguuntur in esse personali per proprietates personales: ergo per eas in esse personali constituuntur.

3. *Concl.* Tertia conclusio. Non solum secundum quod personæ diuinæ a nobis concipiuntur, sed etiam secundum esse, quod habent a parte rei, non se ipsis, sed suis proprietatibus distinguuntur & constituuntur.

Conclusio est contra D. Tho. in 1: d. 26. q. 2. art. 1. ad quintum, & contra Caiet. 1. p. q. 40. art. 2. Vbi asserit Caietanus quod de personis diuinis possumus loqui bifariam. Primò secundum esse, quod habent a parte rei: & in hac consideratione dicit, quod se ipsis constituuntur, & distinguuntur tanquam formæ simplicissimæ. Secundo possumus loqui de personis diuinis pro vt a nobis concipiuntur, & nostris nominibus significantur, & hoc modo non distinguuntur se ipsis, sed suis proprietatibus relatiuis: sed hoc arbitror esse falsum, idè probatur nostra conclusio.

Primò, quia concilia cum asserunt personas diuinas distingui suis proprietatibus relatiuis, nō vtuntur hac distinctione, sed absolutè proferunt eas suis relationibus distingui: ergo

insinuant, quod a parte rei distinguuntur relationibus, & non solum prout a nobis concipiuntur.

Et confirmatur, quia in Concilio Toletano vndecimo diffinitur, quod numerus personarū insinuat per relationes & non per essentiā. Quæro atque, o Thomista, an Concilium loquatur de personis, pro vt sunt a parte rei, an verò pro vt a nobis concipiuntur? Si primum concesseris, ergo a parte rei est distinctio inter personas penes relationes, & non penes essentiā: ergo a parte rei non se totis distinguuntur, siquidem aliquo sui conueniunt, & aliquo sui distinguuntur. Si verò secundum dederis, sequitur, quod numerus personarum non est attendendus penes ea, quæ sunt a parte rei, secundum quod in se sunt, sed prout a nobis concipiuntur, quo nihil absurdius, nec periculosius dici potest: nam tunc videretur esse concedendum, personas non esse plures, nisi per ordinē ad nostrum intellectum, quod est omnino Hereticum.

Præterea. Omni actu nostri intellectus secluso pater & filius sunt idē in essentiā, & distinguuntur realiter per proprietates personales, vt de fide tenendum est: ergo a parte rei nō distinguuntur se ipsis totis. Patet consequentia, quia quæ se ipsis distinguuntur, sunt primò diuersa in nullo conuenientia.

Tandem. Persona diuina includit a parte rei essentiā & relationē, quæ vt supra docuimus, ex natura rei formaliter distinguuntur, & ratione essentiæ nō distinguitur ab alia persona: ergo per relationem tantum: ergo non se ipsa, vt tu asseris. Quid plura? Adeo certam hanc meam conclusionē.

clutionem esse arbitror, vt non dubitem contrariam esse omnino falsam, & prorsus abijciendam, & propter assignatas rationes, & quia affirmat, concilia & sanctos patres cum de distinctione personarum per relationes verba faciunt, non de securidum se, sed in ordine ad nostrum concipiendi modum loquutos esse, & definitione confirmasse personas distingui per relationes non secundum se, & pro vt a parte rei sunt, sed pro vt a nobis concipiuntur, quod ego falsum omnino arbitror: fateorque diuinas personas pro vt sunt in seipsis sine ordine ad nostrum intellectum re ipsa inter se distingui, non se ipsis, quia conueniunt in essentia, sed aliquo sui, vt puta, relatiuis proprietatibus, per quas in esse personali constituuntur, quia concilia de se personis in re, & non de nostro modo concipiendi loquuntur.

AD ARGUMENTA in principio articuli posita.

Ad 1. **A**D primū dico, q̄ persona diuina est ita simplex, sicut diuina essentia, quia oēm excludit compositionē, & quasi cōpositionē, sicut essentia. Ceterum persona includit aliqua, quorū vnū nō est formaliter alterū, vt puta, essentiam & relationem, nō ita essentia, & ideo essentia se tota distinguitur a relatione & ab alijs, quæ non sunt ipsa. Vna verò persona nō se tota distinguitur ab alijs pp essentiam, quā hēt cōem cum alijs personis, sed distinguitur relatione, quæ est nō idē formaliter cū essentia: quæ nō idē itas formalis sufficit ad hoc, vt filius distinguatur a patre per filiationē, & nō per essentiam: & ita aliquo sui distinguitur a patre & nō se toto.

Ad 2. Ad secundum dico, q̄ licet concretum, & abstractum idem significant differunt tamen, quia abstractū præcisè significat formam, quam etiam significat concretum: cōcretum verò præsertim substantium, connotat subsistens in natura & forma, quam significat abstractum. Exempli causa. Hoc nomen abstractum, humanitas, significat præcisè naturā humanā sine habitudine ad suppositum: attamen hoc nomē, homo, significat eandem naturam connotādo rem in ea subsistentem, ac proinde magis dicit concretum, quam abstractum. Similiter in diuinis nomen, deitas, significat naturam diuinam, non connotando subsistens in ea: nomen verò Deus significat eandem naturam connotādo rem in ea subsistentem, Eodem modo paternitas significat paternitatem abstractam, sed pater significat eādem paternitatem connotādo habens eam. Id verò, quod in diuinis est subsistēs habens paternitatem, præter paternitatem, hēt diuinam essentiam, quæ a paternitate ex natura rei formaliter distinguitur, & è cōuerso: & ideo patrem distingui paternitate nō est dicere, patrem se toto distingui, sed aliquo sui, quia in essentia, quam includit, conuenit cum alijs personis.

Ad 3. Ad tertium patebit rñsio in fine huius qōnis in insigni quodam dubio.

ARTICVLVS II.

An persona diuina constituatur per absoluta.

DE hoc secundo articulo fuit opinio Ioannis de Ripa in suo primo, d. 25. & 26. quod personæ

sonæ diuinæ cōstituebantur per proprietates absolutas. Quæ opinio sic probatur.

Primò. Ex illo Prouerbiorum capite trigesimo, vbi post multas quaestiones motas de Deo quaerit Salomon, Quod nomen eius, & quod nomen filij eius, si noster? Ex quo sic conficio argumentum. Omnis quaestio aliquid certum supponit, & aliquid dubium quaerit, ex Philosopho septimo Metaphysicorum, capite ultimo: est ergo hic certum filium esse, & per naturam relationis similiter & patrem, & ita supponit, vt certum, nomen filij & patris. Quo supposito quaerit sapiens nomē filij proprium: ergo nomen proprium filij non est filius, sed aliud, quod quidē non relationem, sed proprietatē absolutam eius importabit: ergo filius non constituitur in esse personæ per relationem, sed per aliquid absolutum: & per consequens nec pater.

2. Arg.

Secundò. Secundum Augustinum septimo de Trinit. omne illud, quod dicitur relatiuē, est aliquid absolutum, excepta relatione: ergo diuina persona, quæ relatiuē dicitur, præter ipsam relationem est aliquid absolutum: ergo constituitur per absolutum.

3. Arg.

Tertio. Illud, quod refertur relatione, nō est aliquid posterius ea, nec simul natura: ergo est prius naturaliter: ergo absolutum: sed hoc quod refertur non est essentia diuina, quia q̄ refertur ad aliud distinguitur realiter ab eo, essentia vero diuina a nullo in diuinis distinguitur realiter: ergo quod ibi refertur est suppositū: ergo prius est ibi realitas suppositi, quam relatio: ergo suppositum non constituitur in esse suppositi per relationē.

His argumentis, & illis, quæ in principio quaestionis adduximus, innititur hæc opinio, habetq. duplex fundamentum. Alterum est, quod proprium bifariam accipitur. Primo pro eo, quod consequitur rationem rei essentialem, sic risibile est homini proprium. Secundo accipitur pro vt distinguitur contra commune, & sic modo in diuinis ea, quæ non sunt communia tribus, vocantur propria & secundum hanc secundum acceptionem sumitur proprium in hac dubitatione.

1. Fundamentum.

Secundum fundamentum est, qđ dici secundum substantiam ex sententia Richardi de sancto Victore bifariam accipitur. Primò indicando substantiam secundum naturam communem: & in hac significatione homo dicitur secundum substantiam. Secundo indicando substantiam, vt suppositum certum, vt quidam homo. Primo modo dicere substantiā est dicere quid, id est, essentiam. Secundo modo dicere substantiam est dicere aliquid. Dicitur hęc sententia, quod hoc nomen substantia, vel essentia dicitur secundum substantiam, quia indicat naturam communem: sed hoc nomen, persona, dicitur secundum substantiam, quia indicat suppositum distinctum. Quod dicitur secundum substantiam primo modo nulla ratione potest dici ad aliud, id est, referri, vt realiter distinctū ab eo, ad quod refertur: quod verò dicitur secundum substantiam secundo modo, plur. ficatur in diuinis, & refertur per relationem sibi superadditam. Dicit ergo hæc opinio, quod personæ diuinæ constituntur per aliquas realitates absolutas incommunicabiles, sed istę proprietates nō

2. Fundamentum.

dicunt substantiam primo modo, sed secundo, quia constituta per ipsas, etsi ut sic non sunt relatiua, sunt tamen referibilia per relationes superuenientes. Omnia ergo absoluta, quæ dicunt substantiam primo modo, sunt communia tribus, sed non absoluta secundo modo.

Multi hanc sententiam tanquam hæreticam damnant, idque multis argumentis probare nituntur. Primò, quia Christus Dominus Matthæi ultimo, exprimens totam veritatem fidei, quæ de Trinitate tenenda est, nominat tres personas nominibus relatiuis. In nomine (inquit) patris, & filij, & Spiritus sancti, &c. Similiter Ioannes in sua canonica, capite quinto ait, Tres sunt, qui testimonium dant in calo, pater, verbum, & Spiritus sanctus, & vniuersaliter vbicunque scriptura canonica loquitur de diuinis personis exprimit eas nominibus relatiuis: ergo assertio, quæ ponit personas esse absolutas contradicit scripturæ sacræ, & per consequens fidei.

Secundò. Quia ecclesia vbicunque explicat veritatem tenendam de Trinitate exprimit personas nominibus relatiuis, sicut patet in Symbolo Apostolorum, in Symbolo Niceno, in Symbolo Athanasij, & in alijs quibuscunque authenticis declarationibus fidei per ecclesiam vniuersalem factis: ergo oppositum repugnat fidei, ut ipsa est ab ecclesia declarata.

Tertio. In Conclio Toletano vndecimo statim a principio dicitur. Sancta Trinitas, nec recedit a numero, nec numero comprehenditur, in relationibus enim personarum cernitur numerus. Ecce quomodo Con-

cilium ad solas relationes refert numerum & distinctionem personarum. Sed ut quid in re hætenendum sit constet, conclusiones aliquot sunt constituendæ.

Prima conclusio. Opinio asserens personas diuinas constitui per absolutas entitates nullo modo est defendenda, sed reiicienda, tanquam falsa, non quod hoc probetur aliquibus rationibus, quæ non innituntur auctoritatibus, sed propter auctoritates Conciliorum & sanctorum Patrum, quibus licet hæc opinio adhibeat solutiones sufficientes, ut credamus eam non esse hæreticam, tamen illæ solutiones non videntur satis quadrare dictis sanctorum & Conciliorum, imò videntur huiusmodi solutiones extortæ & violentæ, ut statim patebit soluendo argumenta paulò ante posita.

Secunda conclusio. Prædicta opinio est ad minus temeraria his temporibus, quia opponitur torrenti Doctorum scholasticorum.

Tertia conclusio. Prædicta opinio est errori proxima, quia videtur opponi sensui magis legitimo Conciliorum, & dictis omnium sanctorum Patrum.

Quarta conclusio. Prædicta opinio non est planè & manifestè hæretica. Probat. Non repugnat expressè fidei: ergo non est hæretica. Probo antecedens. Nihil est asserendum esse de veritate fidei, nisi quod traditur in scriptura, vel ab vniuersali declaratur ecclesia, vel ex altero istorum sic tradito, vel declarato, necessario, vel euidenter inferitur, tale non videtur esse personas nullis proprietatibus absolutus constitui: igitur asserere eas per absoluta constitui non

non est planè contra fidem. Consequentia tenet & maior est nota, nec oportet addere, vel habetur per traditionem, quia ad præfens hæc particula non attinet, quia liquet hoc non haberi per traditionem. Probat^r prima pars minoris: quia scriptura nusquam hoc tradidit: nam licet affirmet relationes, proprietates tamen absolutas nusquam negat. Secunda pars patet, quia quæcunque tenenda circa articulos de Trinitate ecclesia declarasse inuenitur, continetur in Symbolo Apostolorum, vel Athanasij, vel Niceno, vel extra de summa Trinitate & fide catholica, capitulis, Firmiter, Damnamus. Quæ duo capitula edita fuerunt in Concilio generali sub Innocentio Tertio celebrato, vel extra de summa Trinitate & fide catholica, Fidei. Non inueniuntur plura scripta authentica declarationem ecclesiæ circa articulum de Trinitate continentia, nec in aliquo istorum declaratur personas per proprietates relatiuas constitui, ut patere poterit intuitu. Tertia pars minoris probatur: quia rationes, quæ fiunt ad inferendum propositum ex traditis per scripturam, vel declarationis per ecclesiam videntur omnes esse solubiles, sicut in solutione earum patebit statim: ergo, &c.

Secundo probatur eadem conclusio: quia quicquid de Trinitate, sacra Scriptura tradidit, vel ecclesia declarauit, vel Doctor authenticus manifestè asseruit, concedit hæc conclusio. Nam primò concedit, congrue diuinas personas nominibus relatiuis patris, scilicet, filij, & Spiritus sancti exprimi. Secundò concedit, ibi verè relationes originis, quia concedit veram originationem vnius perso-

næ ab alia, quæ est generatio, & ita quod persona generans est pater, & persona genita est filius, & processionem tertiæ personæ a duabus, & ita quod procedens est Spiritus sanctus, quia spiratur voluntate casta & sancta. Sed non dicit scriptura, vel vniuersalis ecclesia alicubi declarando, quod personæ solum his relationibus distinguantur, sicut nec dicit, quod distinguantur proprietatibus absolutis. Nunc autem licet tenendum sit pro vero, quicquid tradit authoritas, non tamen est negandum esse verum quicquid ipsa non tradit: nam multa opera & signa (inquit Ioannes capite ultimo) fecit Iesus, quæ non sunt scripta in libro hoc, & patet logice loquendo, quod locus ab authoritate negatiue non valet.

Iam superest ostendere, quod argumenta supraposita non probant hanc conclusionem quartam esse planè hæreticam.

Ad primum diceret aliquis, quod Saluator congruè satis expressit diuinas personas nominibus relatiuis propter duo. Primum, quia nos docuit, sicut eramus capaces: si autem sunt proprietates absolutæ, vidit eas nos non posse concipere, vel non concipere ita faciliter, sicut relationes, quas multoties facilius, quam absoluta concepimus. Exemplum huius patet in communi modo loquendi, ubi expressius & frequentius exprimimus personas aliquas nominibus relatiuis, quàm absolutis, quia illa nomina sunt nobis notiora: constat tamen personas, quas intendimus illis nominibus exprimere, esse in se absolutas. Exempli causa. Hoc fecit Papa vel Episcopus, vel rex, utimur his nominibus relationem significantibus, & non proprijs & abso-

lutis, quia officia notiora sunt personis absolutis. Secundum, quia si sint personæ absolutæ, ac secundum hoc possent nominari nominibus absolutis, sic tamen nominando eas non exprimitur tantum de necessitate fidei, quantum istis, pater, filius, & spiritus sanctus, quia per hæc nomina relatiua non tantum exprimitur personarum distinctio, sed etiam origo, quæ est in eis, ac ex consequenti aliquo modo unitas essentiæ. Per tria vero nomina absoluta non sic ista exprimentur: ac proinde congruū fuit huiusmodi personas nominibus relatiuis & non absolutis exprimere, etsi absolutæ essent.

Ad secundum, forsitan diceret aliquis, quod ille intellectus, quē Christus expressit, scilicet, quod personæ, sint relatiuæ, est absolute tenendus tanquam verus. Cæterum ponere, quod cum hoc sint absolutæ, non videtur repugnare sensui expresso scripturæ: quia per hoc, quod ponamus personas constitui per proprietates absolutas, non excludimus illas esse relatiuas: nam Petrus pater, & Ioannes eius filius personæ sunt absolutæ & simul relatiuæ, licet per relationes in esse personali non constituentur.

Ad tertium diceret aliquis, quod licet verum sit, quod in relationibus insinuat numerus personarum, sed non hoc solum, sed etiam per illas proprietates absolutas, si notæ nobis essent, insinuari poterat. Sed quid ad idem Concilium cum dicit: hoc numero carer, quod in se sunt, ubi insinuat Concilium, quod per solas relationes declaratur numerus, & nullo modo per absolutas? Diceret aliquis ad hoc, sensum Concilij esse, quod per absolutam significantiam substantiam, & quid

ditatē non insinuat numerus personarum, quia in his tres personæ sunt idem. De alijs vero quod non significant quid, sed aliquid, ut supra diximus, non meminit Concilium. Alias multas rationes, quæ aduersus hanc sententiam adducuntur, soluit Scotus ubi supra.

Ex his sequitur, quod rationes adductæ contra hanc sententiam non ostendunt, eam fidei manifestè repugnare, ac proinde non est expressè contra fidem, nec tanquam hæreticus esset puniendus, qui eam affirmaret. Cæterum, quia non admodum bene quadrant huiusmodi solutiones dictis sanctorum & Conciliorum, diximus huiusmodi sententiam esse errori proximam.

Superest respondere ad argumentum in fauorem eius adductum in principio questionis.

A D A R G V M E N T A in principio articuli posita.

AD primum ex Prouerbij dico, *Ad primum.* quod Salomon in illo loco inquirebat aliud nomen secundæ personæ Trinitatis, non tamē absolutum, sed respectiuū, ut potè, illud, quod nos docuit Beatus Ioannes in principio sui euangelij cum dixit, In principio erat verbum, quod præcedentibus seculis erat ignotum.

Ad secundum dico, quod diuina persona excepta relatione est aliquid absolutum, ut puta, essentia diuina, quæ non est quid personale, nec refertur.

Ad tertium dico, quod illa propositio, Illud, quod refertur est prius relatione, vel quod idē est, Omnis relatio præsupponit, id, quod refertur, est falsa in relatione constituēte,

vera

Per nota relatiua pater, filius, & Spiritus sanctus non solum exprimitur personarum distinctio, sed et origo absoluta nota non sic persona exprimitur, venit si ent per relatiua nomina.

Ad 2.

Ad 3.

Ad secundum.

Ad tertium.

vera tamen in alijs. Et cum dicis, Vel id, quod refertur est prius relatione, vel simul natura, vel posterius, dico, quod hoc vltimum est concedendū: & dicere oportet quod ipsa relatio est prior quodammodo, sicut forma est prior ente per formā, ipsa enim relatio est relatiui forma.

Hæc de secundo hoc articulo, circa quem vide plura in Scoto vbi sup.

ARTICVLVS III.

An persone diuina constituantur per relationes, & sub qua ratione huiusmodi relationes constituantur.

1. Opinio Circa tertium articulum est multiplex opinio. Prima, Diui Bonauenturæ in primo, distinctione vigesima sexta, & Marsilij quæstione trigesima, articulo primo, asserentium personas diuinas constitui per origines, vt patrem per generationem actiuam, filium per passiuam: ac per consequens affirmant relationes constituitur personas, prout origines sunt, & non prout relationes.

2. Opinio Secunda opinio est B. Thomæ prima parte, quæstione quadragesima, artic. 4. asserentis relationem constituitur personam non prout relatio, sed prout proprietates, & forma hypostatica est, quia vt relatio sequitur actum notionalem, vt forma autem hypostatica præsupponitur ad illū. Exempli causa. Persona patris constituitur in esse personæ per paternitatem, non sub expressa forma paternitatis, quia vt sic sequitur generationem, quæ præsupponit personam constitutam, sed vt proprietates hypostatica, quia vt sic præcedit actum generandi.

3. Opinio Tertia opinio est Bartholomæi Torres, quæstione quadragesima decentis, quod personæ diuinæ constituntur per relationem, non tamen quatenus relatio actu refert personam constitutam ad aliam personam, sed quatenus est forma relatiua, quæ ex natura sua est apta nata referre illud extremum, in quo est ad aliud correlatiuum. Verbi gratia. Paternitas constituit personam patris, non prout actu refert patrem ad filium, sed prout est forma relatiua, quæ secundum se apta nata est referre actu patrem ad filium. Ista sententia (si fallor) coincidit cum sententia Caietani, quæstione quadragesima, primæ partis, articulo quarto, decentis, quod relatio constituit personam prout est relatio concepta, & non prout est relatio exercita, quod aliqui ita exponunt, sicut sententia Torres a nobis manet exposita.

4. Opinio Quarta opinio est Durandi in primo, distinctione vigesima sexta, quæstione prima, asserentis, quod paternitas in quantum est relatio, & prout dicit vel est habitudo ad filium formaliter loquendo, constituit personam patris.

Eadem est sententia Scoti in primo, distinctione vigesima sexta, quæstione vnica, & distinctione vigesima octaua, quæstione tertia, & in quolibet, quæst. 4.

Pro huius quæstionis decisione obseruandum est, quod quæstio præsens potest disputari, & secundum rem ipsam, non attendendo ad nostrum modum concipiendi: & potest disputari de re ipsa, prout a nobis concipitur. Et sicut hoc duo erunt a nobis in præsentiarum discutien-

da alterum de re ipsa, alterum verò de re prout a nobis concipitur.

Hoc posito disputanda est quaestio in primo sensu, vt puta, quomodo relatio constituat personam in diuinis secundum rem ipsam, secluso omni ordine ad nostrum intellectum.

EXPLANATIO

quaestionis in primo sensu secundum mentem aliquorum Thomistarum.

Hic quaestioni aliter respondet Thomistae; aliter verò Scotus. Primò igitur loco constituenda est Thomistarum sententia, ut mori nostro satisficiamus, quam nouus quidam interpretes D. Tho. sequentibus conclusionibus explicat.

1. Concl. Prima conclusio. Relatio diuina vt sic constituit diuinam personam, itaque paternitas secundum propriam rationem paternitatis constituit patrem, & filio secundum propriam rationem filiationis constituit filium. Sed, vt hanc conclusionem probet, duo animaduertit. Alterum, quod relatio vt sic, duo dicit, vt potè in, & ad, & relatio in diuinis, prout dicit, in, est forma subsistens. Alterum verò, quod praenotat est, quod persona in ratione personae importat duo: alterum, quod sit subsistens: alterum verò, quod sit incommunicabilis. Ratio autem subsistentiae, inquit, est praecipua in ratione personae: incommunicabilitas verò est modus quidam intrinsecus per se pertinet ad personam, quo secluso non saluatur ratio personae. His positis explicando hanc suam conclusionem dicit, quod relatio diuina, verbi gratia, paternitas prout dicit, in, constituit per-

sonam patris qua ratione persona est subsistens: eadem autem paternitas prout dicit, ad, constituit personam patris prout persona est incommunicabilis. Sed prout dicit, in, principaliter concurrat ad constituendam personam, quam prout dicit, ad, Conclusionem sic explicatam nititur probare. Et primo ostendit, quod relatio vt dicit, in, constituat personam prout est in se subsistens: quod sic ostendit.

Relatio prout dicit, in, est proprietas in se subsistens: ergo vt sic constituit personam subsistentem. Et confirmatur. Relatio vt dicit, ad, nihil ponit in persona constituta: ergo vt sic non constituit personam subsistentem. Quod vero relatio prout dicit, ad, constituat personam incommunicabilem, sic probat. Diuina persona non est incommunicabilis prout est subsistens, sed quatenus habet oppositionem cum alijs diuinis personis: ergo relatio prout dicit, in, non constituit personam vt incommunicabilem: sed prout dicit, ad, ratione cuius tantum habet oppositionem cum alijs personis.

Secunda conclusio. Relatio diuina quatenus dicit, in, non distinguit vnā personam ab alia, sed quatenus dicit, ad. Probatur, quia vna persona diuina non distinguitur ab alia, nisi prout illi opponitur (omnia enim sunt vnum in diuinis, vbi non obuiat relationis oppositio) sed relatio, vt dicit, in, nullam dicit, oppositionem, sed prout dicit, ad, ergo vt sic tantum distinguit vnā personam ab alia.

2. Concl.

IMPUGNATIO PRÆCEDENTIS OPINIONIS.

Prima conclusio istius noui exppositoris alias doctissimi abque dubio certissima & verissima est: sed tamen eius veritatem ipse minimè ostendit: quia ad eius probationem quædam falsa, quædam verò dubia assumit, quod ex eorundem impugnatione patebit.

Primò, relationem vt relatio est, ait duo includere, esse, in, & esse, ad: & præterea quod relatio prout dicit, in, constituit personam subsistentem: non tamen incommunicabilem. In primis quæro, an illa subsistentia, quam tribuit patri paternitas, vt dicit, in, præscindendo ab esse, ad, sit subsistentia personalis, an verò essentialis, & communis tribus? Non hoc secundum: quia huiusmodi subsistentiam sola tribuit essentia: Si primum dederis, ergo illa de se est incommunicabilis (hæc enim est natura intrinseca subsistentiæ personalis) ergo perperam dicis, quod paternitas nō tribuit patri quatenus dicit, in, subsistentiam incommunicabilem.

Sed forsitan dicis, quod paternitas vt dicit, in, præbet patri subsistentiam indifferentem ad communem & personalem. Contra, quia paternitas est forma vnica & singularis: ergo a parte rei non tribuit, nisi subsistentiam singularem: ergo illa non potest esse indifferens, sed determinata necessario.

Præterea. Persona diuina, verbi gratia, pater, est ita incommunicabilis, quod omnino ei repugnat communicari alteri, vt quo, & vt quod: ergo huiusmodi incommunicabili-

tas competit ei ratione alicuius entitatis positivæ, quia nunquam repugnat omnino, & simpliciter alicui negatio aliqua, nisi per aliquam affirmationem, vt homini repugnat omnino negatio irrationalitatis per ipsam rationalitatem: igitur, vel illa entitas est paternitas, vt dicit, in, vel vt dicit, ad. Si primum, ergo illa constituit, vt sic personam positivè incommunicabilem, quod tu negas. Si secundum, ergo paternitas prout dicit, ad, ponit aliquid in ipsa persona constituta, quod tu in quadam confirmatione ad tuam primā cōclusionem negas. Præterea. Ipsum, ad, ad filium Dei includit intrinsece in paternitate: ergo est de conceptu eius quidditatiuo: ergo vel dicit aliquid reale, vel rationis: non secundum, ergo primum.

Præterea. Contradictio est, quod incommunicabilitas sit modus quidam intrinsecus personæ, & quod ratio personæ non saluetur sine ea, quia modus intrinsecus rei nō est de ratione formali eius, vt intensio albedinis, vt quatuor, non est de ratione albedinis: ergo si incommunicabilitas est solum modus intrinsecus personæ, sequitur quod ratio formalis eis siue repugnantia intelligi potest, sine huiusmodi incommunicabilitate: ergo ratio formalis personæ consistere potest, sine huiusmodi incommunicabilitate: ergo repugnat asserere illam esse modum personæ, & esse de ratione intrinseca eius.

Item. Paternitas, vt dicit, in, vel est forma relatiua, vel absoluta, quia cum sit entitas singularis, debet esse altera istarum entitatum determinatè. Si absoluta: ergo constituit vt

sic, personam absolutam; quod est omnino falsum. Si vero est relatiua pro vt dicit, in, ergo necessario est entitas ad alterū, ergo intrinsece includit ipsum, ad, quia implicat intelligere formam relatiuam, vt relatiuā sine ordine ad alterum, quia per hoc distinguitur intrinsece relatio ab absoluto.

Ex quo inferitur, quod relatio considerata, vt dicit, in, non præscindit ab esse, ad, ergo malè illam distinguo contra ipsum, ad, est enim idē, ac si hominem distingueres contra rationale, in quo est manifesta repugnantia. Sed de his latius dicemus inferius in hac eadem controuersia.

Ex his colligitur, quod ad probationem suæ primæ conclusionis iste nouus expositor assumit falsa. Quod verò assumat dubia sic ostendo. Quia magna est controuersia inter Sanct. Thom. & Doctorem subtilem, an relatio in diuinis distinguat realiter nō solum ab opposito, sed etiam a disparato: ergo, cum probat relationē solum, vt dicit, ad, constituere personam, vt incommunicabilem, quia vt sic dicit oppositionem, & non vt dicit, in, assumit dubium: ergo non probat bene conclusionem verissimam, & certissimam per illam rationem. Nam si conclusio est vera in omni opinione, probare eā oportet per rationes procedētes ex veris in omni opinione.

Secunda conclusio eiusdem noui interpretis est falsa, si intelligat, vt reuera intelligit, quod relatio in diuinis non distinguit realiter nisi ab opposito relatiue, quia in illa controuersia, an si Spiritus sanctus non procederet a filio, distingueretur ab eo, satis abundē ostēdimus relationem

etiā distinguere realiter a disparato (licet non ab omni disparato) vt patet de filiatione, per quam filius distinguitur realiter a Spiritu sancto.

Secundo. Constitutiuum alicuius rei distinguit rem secundum illā rationem, secundum quam illam constituit: sed relatio constituit personam, secundum quod dicit, in, & ad, vt statim dicemus: ergo sic distinguit: ergo non distinguit præcise per, ad.

EXPLANATIO QVAE stionis in primo sensu secundum mentem Doctōris subtilis.

R Eiecto modo explicandi prædictam cōclusionem tradito ab huiusmodi nouo interprete D. Tho. superest, vt Scoticam explicationem verissimam adducamus. Sed procius intelligentia obseruandum ex eodē Scot. quaestione quarta quod libetica. artic. 3. quod a parte rei nullus est ordo inter formam hypostaticam constitutiuam primæ personæ Trinitatis, & generationem actiuā, atque paternitatem. Idem dicendum de filiatione & generatione passiuā.

Sed ante probationē obserua ex Doctore subtili eadē. q. quod libetica, quod in his tribus, aptitudine, scilicet, ad generandum, generatione, & paternitate, prout sunt in creaturis, aliquid perfectionis inuenitur & aliquid imperfectionis. Perfectionis est in aptitudine ad generandū, quod maneat & nō raptim transeat; imperfectionis verò, quod separetur ab actuali generatione, siue communicatione naturæ, possitque absque ea existere, eamque præcedere. Generationatio

1. Nota

neratio vero perfectionem dicit, vel saltem nullā importat imperfectionem in hoc, q̄ per eam actualiter natura generantis communicatur; sed imperfectionem inuoluit in eo, qđ raptim transit & non permanet, & insuper in eo, quod est via & mutatio ad rem genitam. In paternitate uero perfectionis est, quod, non raptim transit, sed permanet, imperfectionis uero, quod requirat generationem, ut uiam, & quasi dispositionem, vel fundamentum sui, & insuper, quod ab actuali generatione reperiatur separata: manet enim paternitas, quando iam non est, sed transijt actualis generatio. Cum igitur ista ad diuina trāferantur omnibus imperfectionibus semotis, sequitur, quod aptitudo ad generandum in diuinis non solum permanet, sed etiā est coniuncta cum actuali communicatione naturæ; imō est ipsa actualis communicatio, quia posse & esse in diuinis sunt omnino idem.

Sequitur etiam, quod generatio diuina non est mutatio, nec raptim transit, quia hæc imperfectionem dicunt, sed est productio semper manens, seu relatio actualis communicationis. Sequitur ulterius, quod paternitas in diuinis secundum rem non separatur ab actuali generatione, nec requirit generationem ut uiam, nec fundamentum sui, quia hæc inuolunt imperfectionem: & per consequens est ipsamet generatio, vel actualis naturæ communicatio. Unde perfecta paternitas non prærequirit generationem, ut uiam, nec ut fundamentum, nec separatur ab actuali naturæ communicatione, sed est ipsa actualis communicatio. Cum ergo paternitas diuina

sit perfectissima infertur, quod ipsa, est idem omnino cum generatione diuina, nec ab ea distinguitur a parte rei formaliter, sed solum secundum nostrum modum concipiendi, idq; sic probō.

Primò. Quia vnica. & sola est *1. ratio* perfecta origo vnus ab vno, vnica quidem ex parte originantis actiua, & vnica passiua ex parte originati, licet hæc, & illa sint duæ: sed relatio originis inter primam personam & secundam in diuinis dicit perfectam rationem originis secundæ personæ a primæ: ergo est tantum vnica, ex parte quidem patris vnica actiua, & ex parte filij vnica passiua. Consequentia tenet cum minori certissime: probō maiorem. Quia, si illa origo perfecta non esset sola, iam non esset perfecta, & integra, aut concedendum erit idem posse originari duabus originibus integris atque perfectis, quod est impossibile. Præterea est implicatio, quod sit perfecta origo vnus ab vno, & quod non sit sola, quia iam non erit perfecta, quod suppositioni contrariatur. Si igitur vnica est origo actiua in patre respectu filij, ergo vnica est relatio originis patris ad filium: sed generatio actiua, paternitas, & forma hypostatica partis (supposito quod per relationem cōstituatur) pertinent ad originem seu relationem originis patris ad filium: ergo sunt, vnica relatio, ex natura rei, aut si sunt plures, origo actiua patris ad filium non erit perfecta.

Secundò. Paternitas, generatio, 2 *ratio* generatiuitas, & forma hypostatica patris, prædicantur de se inuicem in abstracto, hæc enim est vera,

Pater-

Paternitas est generatio, generatiuitas, & forma hypostatica patris, & è conuerso: ergo sunt eadè entitas formalis a parte rei. Probo consequentiam: quia relationes, quæ utcumque sunt distinctæ a parte rei sic, & non sunt vnica formalis entitas, non prædicantur de se inuicem in abstracto, etsi sint in eodè supposito, hæc enim est falsa. Paternitas, siue generatio actiua est spiratio actiua, vel innascibilitas. Primum patet: secundum probatur ex August. 5. de Trinit. cap. 6. ubi ait. Non est hoc idem dicere ingentum, quod est dicere patrè, quia etsi filium non genuisset, nihil prohiberet ipsum esse ingentum.

3. Ratio.

Tertio. Est vna & eadem ratio formalis singularis a parte rei istorum trium: ergo a parte rei nullus est ordo inter ea. Patet consequentia: quia ordo necessariò requirit distinctionem eorum, quæ per ipsum ordinantur. Antecedens probatur. Quia omnis entitas singularis existens extra animam, vel est entitas relatiua, vel absoluta: ergo forma hypostatica patris, paternitas, & generatio actiua, cum sint a parte rei, vel sunt entitates absolutæ, vel relatiuæ. Non primum: quia omne absolutum in diuinis est commune tribus: tum etiam, quia tunc pater constitueretur in esse personali per proprietatem absolutam, quod falsum esse supra manet probatum: ergo sunt entitates relatiuæ. Vel igitur sunt a parte rei plures relationes, vel vna tantum formaliter. Non primum, quia tunc in patre essent quatuor relationes positiuæ pertinentes ad originem actiuam in eo, ut puta, forma hypostatica, generatio actiua, paternitas, & spiratio actiua, quod nullus hucusque concessit.

Ex quo etiam sequeretur, & forma constitutiua personæ patris esset alia relatio a paternitate, & generatione actiua, quod procul dubio falsum est omnino. Quia tunc per illam referretur pater, non ad filium, quia ad ipsum refertur per paternitatem, neque ad Spiritum sanctum, quia ad ipsum refertur per spirationem actiuam, sed ad aliā personā, & sic esset in diuinis quaternitas, quod est hæreticum. Sunt ergo forma hypostatica patris, generatio, & paternitas vna & eadè relatio formaliter a parte rei.

Sed contra. Generatio est actio: *Obiectum.*
ergo non est relatio. Respondeo secundum S. Thom. 1. par. quæstione 45. artic. 2. quæ actio & passio præter motum solam relationem dicunt, vel

Solutio.

transmutantis ad transmutabile, vel producentis ad productum, sicut actio, vel è conuerso, si est passio, ut docet Aristot. 3. Physic. & declarat illud D. Thom. eadem quæstione, & articulo, & insuper in corpore tertij articuli eiusdem quæstionis. Cum ergo in Deo nõ sit motus, nec mutatio actio, & passio in Deo solum respectu non transmutantis ad transmutabile, vel è contra, sed producentis ad productum, ut actio, vel producti ad producentem, ut passio, importabunt. Idem confirmari potest ex Augustin. 5. de Trinit. cap. 5. & 10. ubi ait, quod omne, quod est in diuinis, aut dicitur secundum substantiam, aut ad alterum. Si dicitur secundum substantiam, est commune tribus, nõ tamen si est ad alterum. Cum ergo origo quæcumque siue actiua, siue passiva, non sit communis tribus, non dicitur in diuinis secundum substantiam: ergo ad alterum: & cum non sit ad alterum tantum quid relatum, erit ad alterum tan-

tan-

tanquam ratio referendiar. per consequens formaliter est relatio. Quæcumque ergo origo in diuinis, siue dicatur actio, siue passio, est formaliter relatio, & mera habitudo.

Obiectio. Sed contra idem arguitur. Actio ex natura rei præsupponit suppositum, quod agit: ergo generatio non est illa forma, quæ constituit suppositum cum illud supponat: ergo inter formam hypostaticam patris generantis, & generationem ipsam est ordo a parte rei.

Solutio. Respondeo secundum Scot. q. 4. quodlibetica in responsione ad primum principale notando, primo quod sicut prima entitas absoluta communicabilis non præsupponit, nec potest præsupponere aliam entitatem absolutam communicabilem priorem, quia iam non esset prima, ita etiam prima entitas incommunicabilis non potest præsupponere aliam entitatem incommunicabilem priorem, quia iam non esset prima in illo ordine.

Secundo nota, quod nullum suppositum est entitas, seu ens per se primo incommunicabile, quia sit incommunicabile per aliud, scilicet, per entitatem, qua constituitur in tali esse. Unde illa entitas, quæ constituit primum incommunicabile, est prima entitas incommunicabilis per se primo. Exemplum. Petrus est quidem per se singularis, quia per suam singularitatem indiuiduatur, ceterum illa entitas, per quam efficitur singularis Petrus, est per se primo singularis. Sic in proposito: primum suppositum est quidem per se incommunicabile per propriam entitatem, qua in esse suppositi constituitur, hæc verò entitas, quæ ipsum constituit in esse

suppositi, est primo & per se incommunicabilis, & prima entitas incommunicabilis. Cum igitur suppositum quodlibet per aliud efficiatur incommunicabile non potest esse prima entitas incommunicabilis, sed illa entitas, quæ constituit primum suppositum incommunicabile.

His positis probo, quod generatio actiua diuina non præsupponit suppositum. Prima entitas incommunicabilis non præsupponit aliam entitatem incommunicabilem priorem, quia iam non esset prima: sed generatio diuina est omnino prima entitas incommunicabilis a parte rei: ergo non præsupponit aliquam entitatem incommunicabilem a parte rei: ergo non præsupponit suppositum, quod est ens incommunicabile, sed ipsa est, quæ primum ens incommunicabile constituit, quod est suppositum primum Trinitatis, ut potest, pater. Probatur minor (nam cetera patent) quia si generatio actiua diuina non est prima entitas incommunicabilis, erit alia prior ea. Tunc inquiri, an illa entitas sit absoluta, an relatiua? Non absoluta, quia per illam constitueretur in esse suppositi prima Trinitatis persona, & ita persona aliqua diuina constitueretur in esse personali per entitatem absolutam, quod est pliusquam falsum. Si verò est relatiua, illa erit vel forma hypostatica patris, vel paternitas, quia non videtur posse esse aliud: sed iam supra ostendimus formam hypostaticam primæ personæ paternitatem, & generationem esse eandem entitatem formalem, & singularem a parte rei: ergo nulla alteri præsupponitur, quia idem sibi præsupponi non potest.

Nunc respondet ad argumentum, quod

Generatio actiua non præsupponit suppositum.

quod actio, quæ non est prima entitas incommunicabilis, præsupponit suppositum agens, sicut accidit in creaturis, generatio verò diuina est prima entitas incommunicabilis (vt ostendimus) ac proinde nõ supponit suppositum agens, sed ipsum constituit.

Obiectio. Sed contra, quia agere præsupponit esse, ergo actio non potest esse prima ratio, quæ agens constituitur in esse.

Solutio. Respondeo, q̄ agere in diuinis præsupponit esse simpliciter, scilicet, esse existentie ipsius Dei, quod est commune tribus personis, non tamẽ supponit esse hypostaticum, seu incommunicabile, quia ipsum agere, est primum esse hypostaticum.

Obiectio. Sed contra. Omnis actio saltem notionalis est suppositi: ergo præsupponit suppositum: sed generare est actio notionalis: ergo præsupponit suppositum.

Solutio. Respondeo distinguendo antecedens. Nam potest bifariam intelligi, quod actio sit suppositi. Primum, q̄ sit suppositi constituti in esse suppositi per aliquam entitatem priorem ipsa actione. Vel secundo, potest dici ipsa actio suppositi, quia est suppositi constituti in esse suppositi ipsamet actione. Nunc dico, q̄ antecedens est verum, intelligendo illud altero prædictorum modo, non tamen intelligendo illud præcisẽ primo modo: & si secundo modo intelligatur in proposito, actio generandi est suppositi, quia ipsamet constituit suppositum a parte rei in esse suppositi.

Obiectio. Sed contra. Agere supponit potes agere, vt patet: sed potes agere actione generatiua in diuinis non est, nisi suppositum: ergo, &c.

Solutio. Respondeo, quod in diuinis pos-

se agere nullo modo præsupponitur a parte rei ipsi agere, imò agens est primò potens ipso agere, sed solum præsupponit principium formale agendi.

Sed, vt prædicta melius percipias, attende, q̄ illa vnica habitudo, quæ est primæ personæ ad secundam, est productio actiua, & habitudo producentis ad productum, quæ est paternitas, & in re (vt diximus) sunt eadem entitas formalis.

Secundò aduerte, quod quando loquimur de productione tanquam de habitudine, & relatione, concipimus ipsam habere fundamentum: vt si concipimus generationem diuinam sub ratione relationis, scilicet, prout paternitas est, statim concipimus ipsam generationem, quasi eius fundamentum, quando verò loquimur de eadem productione, vt de actione concipimus eam habere principium productiuum. Si ergo nõ est tibi difficile concipere, quod actio, quæ est purè relatio, non præsupponit suppositum, sed tantum essentiam, quæ est quasi fundamentum, nõ erit tibi difficile concipere, quod actio, quæ est purè relatio, non præsupponit suppositum, neque vt agens, neque vt potens agere.

His positis sit prima cõclusio Scoti, quæ est eadem cum prima conclusione illius noui interpretis D. Tho. Relatio sub expressa relationis forma constituit diuinam personam secundum esse reale, nulla habita ratione & ordine ad intellectum. Hęc cõclusio est Scot. in 1. dist. 28. quæst. 3. & in quolib. quæst. 4. Probatur veritas conclusionis de paternitate diuina, nam de alijs idem erit iudiciũ. Paternitas secundum quod existit a

1. Concl.
Relatio
cõstituit
personã
nulla ha-
bita ratione
ad intel-
lectum.

1. Ratio

parte

parte rei constituit primam personam, quia constituit eam in esse reali: ergo constituit eam sub expressa forma paternitatis: ergo sub expressa forma relationis. Probatur prima consequentia, quia paternitas, ut existens a parte rei, vere & expresse est paternitas, nec rationem alicuius rei expressus, induit, quam sui ipsius. Secundam consequentiam sic ostendo, quia ratio formalis paternitatis existentis a parte rei necessario est relatiua: ergo cum constituat prout existit a parte rei, necessario constituit sub expressa relationis forma.

scindendo ab esse, ad, consideratur sub ratione imperfecta: ergo si constituit ut sic, constituit personam incompletam & imperfectam, quod non est dicendum. Per hoc adhuc magis impugnatur explicatio primae conclusionis illius noui interpretis.

Quartò. Pater aternus constituitur in esse personae per entitatem aliam quam realem singularem, quia est persona realis singularissima: ergo huiusmodi entitas, vel est absoluta, vel relatiua, quia nulla entitas singularis a parte rei potest esse indifferens ad absolutum & relatiuum, si est absoluta: ergo constitutum per ipsum est suppositum absolutum, quod concedi non potest. Si vero est entitas relatiua, cum constituat ea ratione, quae est a parte rei, sequitur, quod constituit sub expressa forma relationis: ergo ut dicit, in, &, ad, quia relatio ut relatio utrunque includit. Sed dicunt aliqui, quod paternitas non ut paternitas, sed ut proprietas constituit primam personam. Contra, quia iam manet nunc probatum multis rationibus quod paternitas constituit patrem sub expressa relationis forma. Præterea sic argumentor, Quando dicis, quod paternitas, ut proprietas constituit, inquiri, an ly, ut, accipiatur reduplicatiue vel specificatiue.

Si primum, aut reduplicat formale constitutum primae personae, aut aliquid consequens in re, vel in intellectu formale constitutum primae personae. Si hoc sanè dederis oportet te assignare formale constitutum, nec aliud præter paternitatem ostendi, & assignari poterit. Si vero primum concesseris, sequitur, quod paternitas constituit patrem sub ratione entis rationis, quod est absurdissimum.

Tertio. Quia licet intellectus possit considerare in paternitate esse, in, & esse, ad, ipsa tamen non est in re, nisi sub unica ratione reali: ergo sub illa ratione constituit, sed in hac ratione tali essentialiter includitur esse: ad: ergo non solum prout dicit, in, sed etiam prout dicit, ad, constituit. Et confirmatur, quia paternitas considerata prout dicit, in, præ-

scindendo ab esse, ad, consideratur sub ratione imperfecta: ergo si constituit ut sic, constituit personam incompletam & imperfectam, quod non est dicendum. Per hoc adhuc magis impugnatur explicatio primae conclusionis illius noui interpretis.

Quartò. Pater aternus constituitur in esse personae per entitatem aliam quam realem singularem, quia est persona realis singularissima: ergo huiusmodi entitas, vel est absoluta, vel relatiua, quia nulla entitas singularis a parte rei potest esse indifferens ad absolutum & relatiuum, si est absoluta: ergo constitutum per ipsum est suppositum absolutum, quod concedi non potest. Si vero est entitas relatiua, cum constituat ea ratione, quae est a parte rei, sequitur, quod constituit sub expressa forma relationis: ergo ut dicit, in, &, ad, quia relatio ut relatio utrunque includit. Sed dicunt aliqui, quod paternitas non ut paternitas, sed ut proprietas constituit primam personam. Contra, quia iam manet nunc probatum multis rationibus quod paternitas constituit patrem sub expressa relationis forma. Præterea sic argumentor, Quando dicis, quod paternitas, ut proprietas constituit, inquiri, an ly, ut, accipiatur reduplicatiue vel specificatiue.

Si primum, aut reduplicat formale constitutum primae personae, aut aliquid consequens in re, vel in intellectu formale constitutum primae personae. Si hoc sanè dederis oportet te assignare formale constitutum, nec aliud præter paternitatem ostendi, & assignari poterit. Si vero primum concesseris, sequitur, quod paternitas constituit patrem sub ratione entis rationis, quod est absurdissimum.

mun, quia tunc nō constitueret personam realē. Probatur sequela, quia proprietates supra paternitatē, solum addit relationem eiusdem paternitatis ad patrē, quæ est relatio rationis. Si verō ly, vt, sumatur specificatiuē, non impedit, quod paternitas constituat sub ratione formali paternitatis, quia ratio proprietatis est per intellectū, & subsequitur rationem formalem realem proprii constitutiui. Sed quia constitutio primæ personæ per relationem, est, quæ in hac materia maiorem ingerit doctoribus difficultatem, quia ipsa est principium aliarum personarum, placet id ipsum secundum Scotiam mentem in 1. d. 28. & in quolib. q. 4. explicare.

2. Concl.
Prima p
sona hēt
duas re-
lationes
originis.

Secunda conclusio Scoti. Prima persona Trinitatis tātum habet duas relationes originis: vnā quidē, quā ad secundam personam refertur, quæ ipsi soli primæ personæ cōpetit, estq; paternitas, vel generatio: aliam verō ad tertiam personā, quā vocatur spiratio actiua, & hæc eadem numero conuenit primæ & secundæ personæ.

3. Concl.

Tertia conclusio. Relatio originis primæ personæ ad secundā in re nō habet, nisi vnica rationem formalem, & illa vnica ratio formalis est ratio paternitatis, & generationis. Hæc conclusio patet ex dictis supra.

4. Concl.
Prima p
sona non
constituitur
per relationem
ad tertiam
personā.

Quarta conclusio. Prima persona non constituitur per relationem ad tertiam personam. Probatur, quia ratio constitutiua personæ est incommunicabilis: relatio verō primæ personæ ad tertiam, vt puta, spiratio actiua est communis patri, & filio.

5. Concl.
Prima p
sona cōstituitur
per relationem
ad secundam
personam.

Quinta conclusio. Prima persona constituitur in esse personæ per relationem eius ad secundam personam, vt puta, per paternitatem, seu gene-

rationē. Probatur primò, quia supposito, quod per relationem constituitur, vt res se habet, non est alia relatio in prima persona, per quam constitui possit, quia in prima persona præter relationem paternitatis, non est alia relatio, nisi spiratio actiua, per quam tamen non constituitur, ex quarta conclusione.

Secundò. Suppositis eiusdem naturæ non repugnat habere proprietates hypostaticas, quæ sint simul natura: ergo primæ personæ non repugnat constitui per relationem ad secundam personam. Probo cōsequentiā: quia prima persona est eiusdem naturæ cū secundā. Antecedens probatur: quia supposita eiusdem naturæ non habent inter se prioritatem naturæ, seu essentialē. Et patet hoc per Philosophum 3. Metaphysicorū textu commento 11. concordantem in hoc cū Platone, vbi ait, q. in his, quæ sunt eiusdem speciei, non est prius, & posterius. Significat secundā persona Trinitatis constitui potest per aliquam relationem originis, vt supponimus: ergo nō repugnat primæ personæ constitui per aliquam proprietatem, quæ sit simul natura cum illa secundæ personæ, cuiusmodi est alia relatio originis.

Tertiò. Si specialiter primæ personæ repugnaret constitui per relationem originis, repugnaret quidē per aliquid sibi speciale, & non per aliquid commune sibi, & alijs personis, quia ex hypothese alijs nō repugnat: sed nō est in prima persona aliquid speciale, ratione cuius sibi repugnet constitui per relationem originis: ergo, &c. Probatur minor, quia non est in ea aliquid speciale, ratione cuius videatur sibi hoc repugnare, nisi pri-

ternita-
tē, sint
generati-
nem neq.
ē al' ar-
lorio pe-
quā pō-
sit con-
tine.

ritas originis, secundum quā quilibet persona est ab ipsa, & ipsa a nullo: sed per hanc prioritatem sibi non repugnat constitui per relationē originis: ergo nullo modo sibi repugnat. Probo minorem: quia, si propter huiusmodi prioritatem sibi repugnaret, esset propter simultatem, quam requirit relatio inter duo extrema, cui simultati videtur repugnare illa prioritas: sed hoc est falsum, quia prioritas originis patris ad filiū nō repugnat simultati relatiuorum, quia vt controuersia quinta docuimus, cum simultate nature, quam relatiua exposcunt, stat prioritas originis. Quod nūc etiam probamus: quia simultas naturæ, quam relatiua exposcunt, est ista, scilicet, non posse esse sine se inuicem sine contradictione, si sint relatiua mutua: nam vna relatio nō potest esse sine termino, quia, si posset esse sine eo, esset ens absolutum: pari ratione nec alia relatio sibi correspondens potest esse sine isto termino propter eandem rationem: ergo istæ duæ relationes quādo sunt mutua: non possunt esse sine se inuicem absque contradictione. Et hæc est simultas relatiuorum, quæ opponitur prioritati nature, quia quod est prius natura, sine contradictione potest esse sine posteriore, sicut patet per Philosophum 5. Metaphysicorū capite de Priori. Cum ordine verò originis inter primam personam, & secundam stat primam, & secundam personam non posse esse sine se inuicem absque contradictione ex proprijs rationibus formalibus earum proueniente, ac per consequens simultas ad relatiua requisita stat etiā cum prioritate originis.

Breuitur ergo. Prima persona cō-

stituitur in esse personali per relationem positiuam ad secundam, & e cōuerso secunda per relationem ad primam, & impossibile est esse sine se inuicem: & tamē ipsa persona prima constituta in tali esse, scilicet, relatiuo, est prior origine persona secūda, quia ab ipsa, vt cōstituta per relationem sub expressa relationis forma procedit persona secunda, ita quòd prima persona constituta in esse relatiuo est, a qua originata est secunda, prioritas enim originis non repugnat simultati relatiuorum, sed cum ea est composibilis. Vnde facile diluitur in via Doctoris subtilis illud argumentum, scilicet, producus est prius producto: ergo pater est prior filio: concedimus enim antecēdēs de prioritate originis, & similiter consequentiā. Pariter diluitur illud, vnum relatiuum non est prius alio: ergo pater non est prior filio: ergo non constituitur per relationē ad filium. Concedimus enim vnum relatiuum non esse prius alio, tempore, aut natura, sed negamus vnum relatiuum non posse esse prius alio origine, quia hæc prioritas est composibilis cum simultate, ad relatiua requisita, vt ostendimus.

Sed contra hanc quintam conclusionem obijcioprimum. Ingenitum seu innascibilitas est proprietas constitutiua patris: ergo non paternitas. Consequentia tenet, quia innascibilitas, & paternitas non sunt omnino idem secundum Augustinum 5. de Trinit. cap. 6. dicentem. Quod si pater non genuisset, nihil prohiberet eum dici ingentum: at tunc non diceretur pater: ergo ingentum, seu innascibilitas, & paternitas non sunt idem. Antecedens probatur. Prius

*Arguitur contra
5. concl.*

com.

*Prioritas
originis
non repu-
gnat si-
multati
relatiuo-
rum.*

competit primæ perſonę ingentum, ſeu innafcibilitas, quam paternitas: ergo conſtituitur per innafcibilitatē, & non per paternitatem. Probo antecedens, quia ſicut ordo ad prius competit prius rei, quàm ordo ad poſterius, ita ſimiliter prius competit rei negatio ordinis ad prius, quam ordo ad poſterius; ergo cum paternitas dicat ordinem ad filium, qui eſt poſterior origine patre, innafcibilitas verò dicat negationem ordinis in patre ad prius, ſequitur, quod prius intelligatur in prima perſona illa negatio, quam paternitas: ergo per illam conſtituitur vel per entitatem, ratione cuius ineſt primæ perſonæ hæc negatio. Huiusmodi verò entitas non eſt paternitas, quia ingentum præcedit paternitatem, & illa entitas, per quam ingentum competit primæ perſonæ præcedit ipſum ingentum, ſicut affirmatio negationem: ergo ſimiliter præcedet paternitatem, quia quod eſt prius priore, eſt prius poſteriore: ergo illa entitas non eſt paternitas.

Reſpondeo, quòd ſi perſona patris conſtitueretur per proprietatem abſolutam, tunc prima perſona, quæ eſſet pater prius, ſecundum rationem eſſet innafcibilis, quàm pater. Ratio eſt, quia tunc illa negatio innafcibilitas, ineſſet primæ perſonæ per illam entitatem abſolutam, qua conſtitueretur in eſſe perſonę omnino primæ. Nunc autem, quia prima perſona cōſtituitur in eſſe perſonæ talis per paternitatem, quæ eſt ordo ad ſecundā perſonam, huiusmodi negatio competit primæ perſonæ per paternitatem, ac proinde negatio, quam dicit ingentum poſterius ſecundum rationem competit patri, quam pater-

nitas, quia, vt dixi, illa negatio competit primæ perſonæ per paternitatem. Quando ergo negatio ordinis ad prius competit alicui per ordinē ad poſterius, non ineſt prius illa negatio, quam ordo ad poſterius, imò e conuerſo.

Contra. Si perſona patris diceret *Obiectio.* ordinem ad priorem perſonā prius ei ineſſet, quam ordo ad filium: ergo modo negatio huius ordinis, quam ſignificat innafcibilitas prius competit perſonæ patris, quàm ordo ad filium, qui eſt paternitas.

Reſpondetur, quòd ſi perſona pa- *Solutio.* tris haberet ordinem ad priorē perſonam, ille eſſet prior, quàm ordo ad filium, quia competeret ſibi per entitatem priorem illo ordine, vel per illum ordinem conſtitueretur in eſſe perſonæ, & non per ordinem ad filium: at verò nunc non conſtituitur perſona patris per ordinē ad prius, nec per negationē ordinis ad prius, ſed per paternitatem, ratione cuius illa negatio (vt dictum eſt) competit perſonæ patris.

Secundò ſic argumentor. Quando aliqua ſunt ſimul natura, quocumque vnum eſt prius, ſimiliter & alterum: ſed prima perſona, & ſecunda in diuinis ſunt ſimul natura, quæ ſunt relatiua: ergo quocumque eſt prior prima perſona, pariter & ſecunda: ſed prima perſona eſt prior generatione: ergo & ſecunda: ergo ſecunda ſaltem non conſtituitur per relationem.

Reſpondeo, quòd illa maior eſt vera ſic intelligendo, quòd quando aliqua ſunt ſimul natura, quocumque vnum eſt prius, ſimiliter & reliquū, loquendo de prioritare incompoſibili illi ſimulati, cuiusmodi eſt prio-

prioritas temporis, & naturæ respectu simultatis naturæ, est tamen falsa loquendo de prioritate compossibili cum illa simultate, cuiusmodi est prioritas originis, ex dictis. Vnde licet pater & filius in diuinis sint simul natura, non tamen filius est prior origine, quocumque est prior origine ipse pater: tunc enim esset prior origine se ipso, quia pater est prior origine filio.

Ad minorem pro syllogismo dico distinguendo ipsam. Nam vel ibi est sermo de generatione actiua, vel passiva. Si de actiua falsa est, nam ut vidimus, generatio est, per quam a parte rei constituitur prima persona in esse personali. Si vero sit sermo de generatione passiva, est vera loquendo de prioritate originis: sed inde non inferitur, quod filius sit etiam prior origine generatione passiva, quia ut hoc inferretur oportebat, quod filius esset simul origine cum patre. Vnde non valet hæc consequentia. Pater & filius sunt simul natura: ergo si pater est prior origine generatione passiva, igitur & filius: quia cum simultate naturæ stat vnum esse prius origine alio, non tamen quod vnum sit prius tempore, aut natura alio, cum quo est simul natura.

Tertiò arguitur contra eandem conclusionem. In omni ordine essentiali primum illius ordinis videtur esse absolutissimum, sicut apparet procedendo in omnibus ordinibus: ergo ita erit in ordine personarum, quod prima persona erit absolutissima: ergo non constituitur per relationem. Respondeo, quod illud antecedens est verum in ordine essentialium, & perfectionum quidditativarum, ubi prima est metrum, & mensura alia-

rum, & datur vna prima essentia extra omne genus, quæ & est perfectio infinita, & mensura omnium essentialium: & hæc est diuina essentia. Hæc de sensu questionis secundum rem.

EXPOSITIO QUÆSTIONIS IN SECUNDO SENSU SECUNDUM MENTEM DOCTORIS SUBTILIS.

DE quæstione in secundo sensu, ut puta, quomodo relatio constituat personam in ordine ad nostrum concipiendi modum, est nunc disputandum. Et omissis variis de hac re opinionibus, sententia Doctoris subtilis est in medium producenda, quæ omnino tenenda, & amplectenda videtur. Pro cuius intelligentia primo videndum est, an forma hypostatica primæ personæ, generatio, & paternitas habeant secundum nostrum modum intelligendi aliquem ordinem.

De hac re Doctor subtilis in quolib. quæst. 4. hanc statuit conclusionem. Relatio originis primæ personæ (quæ vnica est in re ut supra docuimus) potest diuersis rationibus considerari, ut puta, sub ratione formæ hypostaticæ, sub ratione actualis generationis, & sub ratione paternitatis: quia vnica cum sit a parte rei horum trium rationes induit, quæ in creaturis ex natura rei distinguuntur. Nam forma hypostatica Petri re ipsa distinguitur a generatione, qua generat filiū, & generatio re ipsa distinguitur a paternitate: in diuinis verò forma hypostatica primæ personæ, generatio, & paternitas sunt vnica entitas formalis a parte rei potēs horum trium conceptus fundare.

Hh Secun-

2. Nota.

Secūdo aduerte, quod intellectus noſter poteſt primam perſonam Trinitatis ſub diuerſis etiam rationibus conſiderare. Primò, ſub ratione ſuppoſiti. Secundo, ſub ratione potentis generare. Tertiò, ſub ratione actus generantis hac generatione. Quartò pro ut hac generatione genuit: & tãdem quatenus per hãc generationem habet genitum ſecum coexiſtens. Et huiusmodi rationes, vt patet, ſunt per intellectum ſeparabiles: nam bene poſſum concipere aliquid ſub ratione ſuppoſiti, quin illud ſub ratione potentis generare concipiam: & ſimiliter poſſum mente cõcipere aliquid ſub ratione potentis generare, quin illud ſub ratione actus generantis cõcipiam, & ſic de alijs. Pariter entitatẽ conſtitutiuam primæ perſonæ, quæ eſt paternitas, poſſum concipere ſub ratione formæ hypſtaticæ, quin illam ſub ratione generationis concipiam: & eadem concipi poteſt ſub ratione generationis, quin ſub ratione paternitatis concipiat.

3. Nota.

Tertiò aduerte, quod prædicta omnia, prout ſunt in diuinis, poſſunt cõcipi vel per conceptus integros, atq; perfectos, vel per conceptus partiales. Si primo modo concipiantur, inter formã hypſtaticam primæ perſonæ, generationem & paternitatẽ nullus eſt ordo, etiam in ordine ad intellectum. Ratio eſt: quia, ſi conceptu completo concipiantur, concipiuntur vt vnica ſingularis entitas formalis: ergo nullus ibi eſt ordo, quia eſt vnicus tantum conceptus vnus entitatis formalis. Idem iudicium eſt de his, quæ ſecundo notabili poſita ſunt. Si vero per conceptus partiales, & incompletos concipiantur, eſt inter omnia prædictus ordo, ſecundum

noſtrum intelligendi modum.

Sed contra: quia forma hypſtatica primæ perſonæ, generare & paternitas ſunt omnino idein, ac ſimul in re: ergo intellectus, qui iudicat prius eſſe formam hypſtaticam, quàm generare, & generare, quàm paternitatem, decipitur.

Obijciunt.

Reſpondeo, quod aliud eſt dicere intellectum prius intelligere eſſe formam hypſtaticam, quàm generare, & generare, quàm paternitatẽ: aliud verò eſt dicere, intellectus intelligit formã hypſtaticã eſſe prius, quàm generare. Cõcedo ergo, quod qui hoc ſecundo modo conciperet, deciperetur: ſed nos non dicimus formam hypſtaticam eſſe priusquã generare hoc modo: ſed dicimus, quod intellectus prius intelligit formam hypſtaticam eſſe, quàm intelligat eſſe ipſum generare. ita quod illa particula prius referatur ad intelligere, & non ad eſſe.

Solutio.

Sed obijcies. Iſte ordo conceptuũ non habet fundamẽtum in re: ergo non eſt ſine falſitate. Reſpondeo, q non habet fundamentum in diſtinctione, & ordine, qui reperiatur in diuinis, ſed in illo, qui reperiatur in creaturis inter formam hypſtaticam, generare, & paternitatẽ, ex quibus accipimus ordinem & diſtinctionem rerum diuinarum intellectarũ per partiales cõceptus, & incompletos. Nec tamen intellectus eſt falſus in his cõceptibus, quia non eſt falſus intellectus, in eo, quod iudicat eſſe ſuppoſitum diuinum, quando non iudicat eſſe generationẽ, quia iudicare, nunc eſt ſuppoſitum diuinum, verum eſt. Quod autem intellectus non iudicet tunc eſſe generationem diuinã non eſt falſum, ſed eſt tacere verum: deci-

pert-

peretur tamen, & falleretur intellectus, si iudicaret nunc non est generatio diuina. Itaq. non iudicare tunc esse generationem, solum est tacere verum, & non est dicere falsum; quia nihil iudicat tunc intellectus de generatione, sed præscindit vnum ab alio intelligendo vnum alio non intellecto. In intellectione autem præcisiua non est falsitas: non enim fallitur intellectus noster, cum hominis essentiam concipit risibilitate non intellecta. His ita constitutis quæstio est diffinienda per conclusiones.

1. *Concl.* Prima conclusio. Si concipiamus concepto integro, & completo primam personam in diuinis, necessario concipiemus eam relatiuam, vt patet, patrem sub ratione patris. Probatur: quia proprietates constitutiua primæ personæ secundum rem est paternitas sub ratione paternitatis: ergo qui conceptu completo concipit eam, necessario illam vt relatiuam intelligit.

Præterea. Qui concipit primam personam concepto completo concipit in ea formam hypostaticam generationem & paternitatem, vt vnicam formalem entitatem singularem relatiuam: ergo concipit illam vt relatiuam. Consequentia tenet: antecedens patet ex supradictis. Et ita in ordine ad nostrum modum concipiendi perfectum, personæ diuinæ constituuntur per relationes sub expressa relationum forma.

2. *Concl.* Secunda conclusio, concepto non integro, & incompleto prius concipimus primam personam sub ratione hypostasis, & personæ, quam sub ratione generantis, & prius sub ratione generantis, quam sub ratione patris, quia in creaturis ratio suppositi præcedit rationem generantis, & ratio generantis rationem patris.

Tertia conclusio. Entitas constitutiua personæ patris prius concipitur (loquendo de conceptu non integro) sub ratione formæ hypostaticæ, quæ sub ratione generationis, & sub ratione generationis, quam paternitatis: quia secundum ordinem nostræ cognitionis imperfectæ prius concipitur suppositum in esse suppositi, quæ sub ratione generantis, aut patris, vt conclusione præcedenti dictum est, ac per consequens entitas constitutiua primæ personæ prius concipitur, vt forma hypostatica, quam sub ratione generationis, aut paternitatis.

Quarta conclusio. Personæ diuinæ in ordine ad nostram cognitionem imperfectam non constituuntur per relationes, sub expressa relationum forma, sed sub ratione formarum hypostaticarum, prout forma hypostatica abstrahit ab absoluto & relatiuo, estq. indifferens ad vtrumq. non.n. concipimus eas constitutas per relationes sub expressa relationum forma, sed sub ratione formarum hypostaticarum, prout forma hypostatica abstrahit ab absoluto & relatiuo, estq. indifferens ad vtrumque. Probatur: quia secundum nostrum modum concipiendi imperfectum prius concipimus suppositum in esse suppositi, quam in esse generantis, aut patris: sed vt sic non concipitur conceptu relatiuo, vt patet, nec absoluto, quia deciperemur, ergo indifferenti

Contra. Prius intelligimus suppositum primæ personæ sub ratione suppositi singularis, quam concipiamus illud sub ratione generantis: ergo illud necessario est absolutum, vel relatiuum, quia omnis entitas singularis est absoluta, vel relatiua, & nullo modo ad vtrumque indifferens.

Respondeo, quod si suppositum singularis

Hh 2 gularc

Solutio.

gulare concipitur conceptu integro & cōpleto, vel concipitur vt abſolutū, vel vt relatiuū, quia neceſſario à parte rei eſt alterū iſtorū. Si verò concipiatur conceptu partiali poteſt concipi vt ſingulare indiſſerēs ad vtrumque, ſicut concipio a longe animal ſingulare non concipiendo an ſit equus, vel homo: accedendo vero iudico eſſe hominem, deinde autē Petrum. Sic in propoſito poſſum concipere hoc ſuppoſitum diuinū ſingulare conceptu partiali tanquam ſingulare vagum, quando non iudico eſſe abſolutum vel relatiuum.

Habes ergo, quod perſonæ diuinæ ſecundum rem cōſtituuntur per relationes ſub expreſſa relationū forma, & etiam ī ordine ad noſtrum intellectum, ſi conceptu integro concipiuntur, ſicut concipiuntur à beatis. Si verò concipiatur conceptu partiali, non cōſtituuntur per relationes ſub expreſſa relationum forma, nec ſub ratione abſoluti, ſed indiſſerentis: non enim concipiuntur a nobis ſub ratione relatiui, nec abſoluti, ſed indiſſerēti. Si hæc optime perſpexeris, fugies, quidem importunā & prolixam multorum thomatizantium expoſitionem circa modū, quo perſonæ diuinæ cōſtituuntur in ordine ad noſtrum modum concipiendi. Intelleges etiam, quomodo actus notionales præſupponunt perſonas, & relationes ipſos actus notionales.

AD ARGUMENTA in principio controuerſiæ poſita.

Ad 1.

AD primum diſtinguo antecedens. Nam vel illæ relationes ſunt cōſtitutiue extremorum in eſ-

ſe, ſecundum quod re ipſa diſtinguuntur, aut non. Si primum, nego antecedens. Si ſecundum concedo illud. Modo autem relationes diuinæ ſunt perſonarum diuinarum cōſtitutiue, ac proinde non ſupponūt extrema re ipſa diſtincta, ſed ea primo diſtinguunt.

Probatio verò ex Ariſtotele deſumpta tenet in hoc, q̄ relatio realis eſt inter extrema realia realiter diſtincta: ex quo tamen non inferitur, quod omnis relatio realis ſupponat extrema realiter diſtincta. Ad ſecundam probationem dico, qđ nec relatio diuina, nec aliqua alia refertur, ſed refert, id autem, quod in diuinis refertur, non eſt eſſentia, quia tūc eſſentia ab aliquo diſtingueretur realiter, vt pote, a correlatiuo, quod eſt pluſquam falſum, ſed quod refertur eſt ſuppoſitum ipſa relatione in eſſe ſuppoſiti cōſtitutum. Et quando dicis, q̄ relatio præſupponit id, quod refert iam diſtinctum, dico, quod eſt verum, quando ipſa relatio non eſt primo cōſtitutiua & diſtinctiua eius, quod refert, cuius oppoſitū accidit in propoſito.

Ad ſecundum conſeſſo antecedēti, nego conſequentiam, ſolum enim ſequitur, quod diſtinctio relatiua præſupponit aliquid abſolutum, nō tamen diſtinctionem abſolutam ſaltem realem. Imo verò dico, quod ſicut relatiuum præſupponit abſolutum, ſic diſtinctio realis abſoluta ſupponit in ordine diſtinctionum, diſtinctionem realem relatiuam. Cuius cauſam aſſignat Beatus Thomas prima parte, quæſtione quadrageſima, articulo ſecundo in ſolutione ad tertium vt puta, quia prima diſtinctio eſt minima diſtinctio, minima verò diſtin-

distinctio est distinctio relatiua, & ita prima distinctio est relatiua. Quod ego sic explico. In primis, quod prima distinctio sit minima patet: quia primum ens est maxime vnum, & prima entitas summa unitas: ergo minima distinctio est prima distinctio, quia est propinquissima primæ unitati, quæ est prima entitas. Quod verò distinctio relatiua sit minima sic exponitur, quia cæteris paribus relatiua minus distinguuntur, quam absoluta. Si enim sunt correlatiua eiusdem rationis, & speciei specialissime, vt simile & simile, æquale & æquale minus distinguuntur, quam individua eiusdem speciei. Primò quia conueniunt in fundamento relationis. Secundò, quia vnum relatiuum dicitur ordinem ad aliud, & è cōuerso, & ita semper se mutuo respiciunt, & committantur, simul sunt & intereunt. Si vero sunt diuersæ rationis, vt pater & filius, causa & effectus, quia dicunt ordinem ad inuicem, simulque sunt & intereunt, cæteris paribus minus distinguuntur.

Ad tertium.

Ad tertium nego antecedens. Ad probationem dico, quod non omnis quidditas est communicabilis, sed tantum illa, quæ est perfectio simpliciter, aut diuisibilis, quarum prima communicatur in unitate naturæ, vt patet in diuinis de diuina essentia, sapientia & bonitate, & similibus perfectionibus simpliciter. Secunda vero communicatur cum sui diuisione, vt patet de naturis specificis, vt de natura humana, equina, & similibus, quæ pluribus communicantur cum sui diuisione: alia enim humanitas est in me, alia in te, alia vero in Petro. Quidditas vero paternitatis diuinæ, aut filiationis, nec est perfectio sim-

pliciter (vt cōtrouerfia 27. dicemus) nec est diuisibilis, quia est natura, cui omnis imperfectio prius repugnat.

Sed quæres, vnde proueniat paternitati diuinæ, quod sit de se formaliter incommunicabilis? Respondeo, sed nota, quod cum Deus sit purus actus ipse, & quidquid in eo reperitur est in ultima actualitate, & determinatione possibili: Illud autem dicitur esse in ultima actualitate possibile, qd nullatenus est per aliquam entitatem contrahibile, nec est in potentia ad aliquem actum, sed habet omnem actualem entitatem, quam potest habere. Nunc dico cum Scot. in primo, distinctione vigesima sexta, littera. V. quod, sicut diuina essentia est actus primus, & vltimus in ultima actualitate, & ideo nō potest per aliquid determinari, respectu cuius sit ipsa quasi potentiale, quia iam nō esset in ultima actualitate possibili: ita quidquid est in ea, est in ultima actualitate possibili taliter, quod in illo instanti naturæ, in quo quasi pullulat (vt ita dicam) sapientia in diuina essentia, pullulat secundum vltimam actualitatem, & determinationem, quam potest habere secundum suam rationem formalem. Vnde ista realitas, quæ est sapientia formaliter, est omnino non determinabilis, & non actuabilis propter rationem super dictam. Ita similiter quidquid in diuinis potest esse incommunicabile in primo instanti naturæ, in quo, vt ita dicam, quasi pullulat ab essentia, pullulat vt incommunicabile formaliter: & non prius, vt communicabile, quia tunc esset determinabile per aliquid, per quod fieret incommunicabile. At cum relationes diuine, quæ sunt proprietates personales, naturæ sint

Diuina
lationes,
sunt pro-
prietates
personales.

esse incōmunicabiles, in instanti natura, in quo quasi pullulant in essentia diuina, pullulant vt omnino incōmunicabiles, & non prius, vt cōmunicabiles, quia iam essent determinabiles, per illud, per quod incommunicabiles redderentur.

Sed dices . Realitas, verbi gratia, paternitatis nō habet ex se, quod sit vltimatē determinata, sed solū, quia est diuina: ergo non est formaliter ex se indeterminabilis, & per consequens nec incommunicabilis. Respō deo, quod, cum diuina essentia sit prima entitas absoluta, quæ secundum Damasc. lib. 1. c. duodecimo, est pelagus quoddam infinitum substantia, quidquid est in diuina essentia, est ab ea quasi a radice, & fundamento, cum summa tamen identitate reali, & ita ab ea quasi a radice habēt suā entitatem formalem omnia attributa, & quæ ibi formaliter existunt, licet habeant suas rationes formales, quibus sunt primò talia formaliter. Vnde licet sapientia habeat a diuina essentia, quasi a radice, quod sit perfectio simpliciter, est tamen formaliter perfectio simpliciter, & in se formaliter infinita: ita quod in eodē instanti naturæ, in quo sapientia iam actū est in essentia, si circumscribatur per impossibile ipsa essentia, & remaneat intellectus sapientiæ, erit intellectus, & conceptus perfectionis simpliciter. Ita similiter in illo instanti naturæ, in quo intelligitur paternitas in essentia, ipsa se ipsa est incommunicabilis formaliter circūscripta per impossibile tunc diuina essentia. Nec videtur esse aliqua repugnantia, qđ aliquid quasi originaliter, vel casualiter habeat ab aliquo id, quod sibi formaliter competit: nā entitas, qua

constituitur aliquid in esse specifico, est ex se formaliter indissolubilis in plures species, & tamē illa entitas est causata ab alio: ita ab essentia diuina quasi a radice habet diuina sapientia suam entitatem formalem, & cætera alia, quæ ibi sunt formaliter, licet ex se formaliter sint infinita. Dico ergo, quod paternitas diuina ab essentia, quasi a radice, habet suā entitatem formalem, & incommunicabilitatem, se ipsa tamen formaliter est omnino incommunicabilis.

Ad secundam probationem dico, quod cum dicitur, quod paternitas non est incommunicabilis, nisi quia diuina vel ratione deitatis, ly, quia, vel dicit circumstantiam, quasi principij originalis, vel alius contrahentis siue determinantis eo modo, quo contrahitur album, cum dicitur homo albus, vel albedo humana. Nam albedo in abstracto sumpta de se est indeterminata, & determinabilis, vt sit hominis: & ad hoc determinatur, cum dicitur albedo humana. Primo modo est vera illa casualis, sed falsa secundo modo. Nam paternitas in diuina essentia quasi oritur vt omnino determinata, & omnino actūata in vltima sua actualitate: quia diuina essentia non est ratio fundamentalis, & radicalis alius entitatis intrinsecæ, nisi ipsa oritur talis, quod in primo instanti, in quo est, sit determinata vltima de terminatione: quia aliter aliquid esset tibi determinabile, ac per consequens potentiale, ex quo rursus sequeretur, quod Deus non esset purus actus.

Et si obiectas, quare aliqua entitas, quasi pullulat in diuina essentia, vt cōmunicabilis, & aliqua vt incōmunic-

nica-

nicabilis. Respondeo, quod huius rei non potest alia ratio assignari, nisi ratio formalis huius entitatis, & illius. Nam, quia hæc entitas est talis rationis & naturæ, est communicabilis illa vero, quia est alterius rationis est incommunicabilis. Ratio autem, quasi radicalis assignari potest: quia scilicet essentia est radicaliter infinita & formaliter simul, ex qua quasi oriri possunt non tantum perfectiones simpliciter, quæ ex natura sua sunt communicabiles, sed etiam proprietates personales, quæ sunt incommunicabiles ex suis rationibus formalibus.

Ex his omnibus collige, quasi in compedium. Primum, quod paternitas de se est hæc & singularis, & incommunicabilis formaliter, radicaliter vero habet hæc omnia ab essentia. Secundo quod paternitas quasi oritur in diuina essentia ut incommunicabilis, sapientia vero ut communicabilis, quia hæc est talis rationis, illa vero alterius. Tertio, quod nihil est in diuinis, quod sit potentiale & determinabile: quia omne, quod est ibi, est in ultima actualitate, & determinatione, quam potest habere: & hoc ex se ipso formaliter, licet ab alio tamquam a radice hoc habere possit.

Ad 4.

Ad quartum dico, quod hæc propositio, Relationes oppositæ sunt æque incommunicabiles ex se, est omnino falsissima. Spiratio actiua ex natura sua quasi pullulat in diuinis, ut communicabilis duobus, nec unquam fieri potest incommunicabilis per aliquid determinans ipsam. Spiratio autem passiua ex se formaliter in eodem instanti naturæ, in quo est in diuinis, est incommunicabilis. Falsa est ergo illa propositio maior argumenti, scilicet, relatiua æqualiter se habent ad

incommunicabilitatem: nam cum relatiuis proueniat incommunicabilitas ex relationibus, si relationes non æqualiter se habent ad incommunicabilitatem, similiter nec relatiua.

Ad quinti solutionem obseruandum, quod primum diuersa (ut ex Scot. colligi potest in primo, distinctione vigesima sexta litera. Y.) sunt in duplici differentia. Alia sunt primum diuersa in conceptu: & sunt illa, a quibus non potest vilo modo abstrahi conceptus aliquis, qui dicatur in quid de eis: cuiusmodi sunt vltimæ differentia, quibus nihil etiam quoad intellectum) est prædicto modo commune: non licet ens de ipsis efferatur, non tamen quidditatiuè, sed denominatiuè, ut controuersia 27. diximus. Alia sunt primum diuersa in realitate tantum: quia scilicet, nullum gradum realitatis includunt, qui sit quasi potentialis, & determinabilis per proprias differentias (sicut albedo, & nigredo includunt realitatem aliquam eiusdem rationis, scilicet, naturam coloris determinabilem per proprias differentias specificas earum siue realitates, a quibus huiusmodi specificæ differentia sumuntur: & sicut homo, & equus includunt animal contrahibile per proprias differentias hominis, & equi) licet possit abstrahi ab eis conceptus communis dictus in quid de eis. Omnia ergo primum diuersa in hoc conueniunt, quod nullum vnam realitatem includunt per proprias earum differentias contrahibilem: cum hoc tamen stat posita differentia, & distinctio primo diuersorum. Hoc posito dico ad argumentum, quod vltima distinctiua sunt primo diuersa quoad non conuenientiam in

Ad 5.
Primo diuersa sunt in duplici differentia.

aliqua realitate contrahibili per proprias eorum differentias: sed tñ non oportet, q̃ nullatenus sit eis aliquid commune, quod de ipsis efferatur in quid: nā decem genera sunt primo diuerſa, de quibus ens dicitur i quid, vt cōtrou. 2. 1. diximus. Paternitas ergo, & filiatio quoad intellectum habent conceptum cōmunem dictum in quid de eis, ſcilicet, conceptum relationis, & ſimiliter paternitas diuina & creata conceptum entis & relationis. Caterum nulla realitas pōt eſſe in diuinis aliquo modo diſtincta ex parte rei, a qua ſumatur iſte conceptus dictus in quid, quæ realitas ſit determinabilis per aliam realitatem, ſicut conceptus communis eſt determinabilis per alium conceptum particularem. Et ratio eſt, quia quidquid eſt ibi, eſt in vltima realitate, & ætqualitate, ac proinde nō eſt aliquid ibi determinabile. Paternitas ergo, & filiatio ſunt primo diuerſa ſecundum rem, ſed non quoad intellectū.

✶ Sed dices. Quō pōt abſtrahi ab eis cōceptus communis, dictus in quid de ipsis, ſi a parte rei non eſt eis communis aliqua realitas determinabilis? Ad hoc reſponſum eſt contr. 2. 1. Patet ex dictis, q̃ vnum relatiuum in diuinis poteſt eſſe prius origine ſuo correlatiuo, vt pater eſt prior origine filio, nec relatiua ſunt iſto modo ſimul ſcilicet, origine: ac proinde argumentum in via Scoti non habet vim, ſaltem loquēdo de prima & ſecunda perſona quoad rem. Si vero ſit ſermo in ordine ad noſtrum imperfectum modum cōcipiendi, iam ſupra docuimus perſonas diuinas in ordine ad intellectum noſtrum non conſtitui per relationes ſub expreſſa relationum forma.

Ad ſeptimum reſpondeo, q̃, ſi ſermo ſit ſm rem, licet in humanis ſuppoſitum in rōne ſuppoſiti ſupponatur actioni, tñ in diuinis actio notionalis nō præſupponit ſuppoſitū, ſed ipſa actione cōſtituitur in eſſe ſuppoſiti, vt art. 3. huius quæſtionis ſatis mō ſtrauimus. Similiter, ſi loquamur de conſtitutione diuinarum perſonarū prout conceptu integro & completo concipiuntur, conſtat ex ſupradictis, q̃ actio notionalis non præſupponit formam hypoſtaticam primæ perſonæ, nec paternitas generationem, quia ſunt vna, & eadem entitas formalis relatiua, cui vnicus conceptus integer correſpondet. Si autem ſermo ſit de conſtitutione earundem perſonarum, quatenus per conceptus partiales cōcipiuntur, ſic dico, q̃ ſuppoſitum diuinum præſupponitur actioni, ſeu generationi, & generatio paternitati, & quōd prius intelligitur prima perſona conſtituta, quā intelligatur generans actu, & prius intelligitur, vt generans, quā vt pater, vt ex ſupradictis patet. Sic ſatiſſit argumento in via Scoti.

Sen Caiet. defendens perſonas cōſtitui per relationes in ordine ad noſtrum imperfectum modum concipiendi, aliter nititur huic argumento ſatiſfacere. Conſiderat enim relationem, verbi gratia, paternitatem primò in eſſe conceptu, ſeu vt conceptā, ſecundo in eſſe exercito, ſeu vt exercitam. Cōſideratur autem paternitas in eſſe exercito, quando concipitur, vt actu exercēs officium relationis, quod eſt actualiter referre vnum ad aliud: conſideratur verò vt concepta, quando concipitur ſecundum ſuam quidditatem nō intellecto eius exercitio. Nunc reſpondet Caiet. argumento,

mento, quod paternitas, ut cōcepta, constituit personam patris, & nō ut exercita: & ut concepta præsупponitur generationi secundum nostrum modum concipiendi, & etiā sibi ipsi, ut actualiter referenti vnū ad aliud.

Hæc solutio merito a multis rejicitur, quia difficilis intellectu, imō verò inintelligibilis. Cōtra quam sic insurgo. Primo, quia oīs relatio paternitatis creata, siue ut concepta, siue ut exercita, præsупponit generationem: ergo pari modo paternitas diuina saltem sū nostrum modū intelligendi, siue ut concepta, siue ut exercita, generationē præsупponet.

Præterea. Sicut exercitiū ad exercitium, ita conceptum ad conceptū: sed paternitas, ut exercita, præsупponit generationem ut exercitā: ergo paternitas, ut cōcepta, præsупponit generationē, ut conceptam: ergo generatio concepta præsупponitur paternitati, ut conceptæ: ergo non vitat Caiet. inconueniens, ad quod adducit argumentum.

Item. Malè distinguit Caiet. relationem sub expressa forma relationis in conceptam & exercitam, quia relatio, ut relatio, nullo modo potest concipi, nisi ut exercita. Quod sic ostendo. Relatio ut relatio non potest cōsiderari sine sua essentia, sicut nec homo ut homo potest considerari, sine rationalitate: sed de quidditate relationis est, quod sit forma, qua vnū est alterum: esse autem formam, qua vnū est ad aliud nihil aliud esse videtur, quā vnū ad aliud referre: referre autem vnū ad aliud est exercitium relationis: ergo relatio ut relatio non potest cōcipi sine suo exercitio.

Torres 1. par. q. 4. ar. 4. videtur ali-

ter respondere, sed meo iudicio eius responsio coincidit cū solutione Caietani. Ait enim, q. ad essentiam relationis duos spectant: alterū, q. sit forma & ratio relatiui: secundum q. referat ipsum ad suum correlatiuum. Primo modo, inquit Torres, constituit paternitas patrem & praeintelligitur generationi, sed non secundo. Sed si obijcias ei, quod secundum S. Tho. paternitas non constituit ut relatio, sed ut forma hypostatica respōdet, q. relatio bifariam accipi potest: primo pro essentia relationis, & sic constituit primam personam: Secundo pro actū referendi, & hoc modo non constituit: & sic accipit D. Tho. relationē, quando dicit paternitatē, ut relationem non constituere.

Hæc sententiā non est magis intelligibilis, quam Caiet. in primis falsum est, q. illa duo, quæ ipse enumerat pertineant ad essentiā relationis tanquam distincta, quia re & ratione idem esse videtur esse formā relationis propriam, & referre vnū ad aliud, sicut idem est omnino albedinem esse formam albi, & facere album formaliter.

Secundo dico, quod sibi ipsi contradicit. Quia primo dixerat ad essentiam relationis pertinere referre vnū ad aliud: deinde vero ait, relationem posse accipi, & pro essentia relationis, & pro actū referendi: vbi videtur ab essentia relationis excludere actum referendi, quem prius ad essentiam relationis pertinere assignauerat.

Præterea. Actus referendi vel est essentia relationis, vel existentia, vel effectus. Si primum, sequitur, quod cum relatio, per se, constituat personam secundum suam essentiā, quod

constituet secundum actum referendi, quod tu negas. Si secundum, ergo actus referendi vel relatio, ut actu refert, constituit personam, quia relatio eo modo constituit personam, quo praeintelligitur generationi: at verò persona non solum praeintelligitur generationi secundum quidditatem, sed etiam secundum existentiam, quia prius intelligimus personam existere, quam quod generet: ergo actus referendi, si est ipsamet existentia relationis, constituit personam. Si verò das tertium, cōcedis falsum, quia relationes, cum nō sint formae activae, non possunt habere nisi effectū formalem: formalis verò effectus relationis non distinguitur a relatione, ut forma relatiua.

*Dubium
notandū.*

Sed aliqui nimis acuti dicunt relationē & esse habitudinem ad fundamentum & ad terminū, seu, quod idem est, respicere fundamentum & terminum: sed essentialius, inquiunt, respicit fundamentum, quam terminum, adeo, quod habitudo ad terminum potest ab ea praescindi, non tamē habitudo ad fundamentū. Quod si obijcias, de ratione intrinseca relationis esse dicere, ad, respondent, quod dicere, ad, bifariam accidere potest, primo fundamentaliter, secundo actualiter. Primo modo, inquiunt, ipsum, ad, est de intrinseca relationis ratione. Sed dicere, ad, secundo modo, rationem intrinsecam relationis consequitur: nam relatio secundum suam propriam rationem est forma relati constituens relatum in esse relati, & quasi actu secundo refert ipsum ad suum correlatiuum, & sic ipsum, ad, ad terminum rationem relationis essentialiter consequitur.

Istius opinionis authores in hunc

metaphysicum errorem deueniunt, quia nullo pacto potuerunt intelligere, quonam modo filiatio diuina; ut relatio, & sub ratione filiationis possit distinguere filiū a Spiritu sancto, cum ad ipsum non referat filiū, sicut ad correlatiuum, nec filius, ut filius sit alterum respectu Spiritus sancti tanquam ad terminum.

Sed re vera isti authores, qui se intra Scotistarum numerum esse fatentur, eorū nomine sunt indigni, quia & Scoto & verae Metaphysicae contrariantur. In primis doctrinae Scoti contradicunt: quia ipse Scotus in quolib. quaest. 3. art. 3. littera M, sic ait. Qui comparat paternitatem ad diuinitatem excludendo filium, vel non includendo filium, non comparat paternitatem, nisi habeat duo contradictoria in suo intellectu, quod paternitas secundum illud, cum est, sit per se ad filium. En quomodo apertissime docet Scot. totum esse paternitatis esse ad filium. Et praeterea, nō potest concepi paternitas absque contradictione sine filio, ex eodem Scoto: ergo ordo eius ad filium est ei essentialis, & per consequens ipsum, ad, ad terminum nō consequitur relationem: sed in eius ratione intrinseca includitur. Et in primo, d. 26. q. vnica lit. C, tāquam verum admittit relationem, vnde relatio est, esse ad aliud. Adeo (inquit) quod si non sit ad aliud, non est relatio. Et in 4. d. 12. q. 1. conclusionē secunda asserit relationem esse essentialiter habitudinē inter duo extrema: ex quo cōcludit relationem non posse esse sine fundamento. Quia (inquit) quod sicut tollere terminū ad quem est respectus, est tollere respectum: ita tollere illud, cuius est respectus, est tollere respectum.

ctum. Ex quo sic arguo. Vel Scotus argumētatur a maiori ad minus, vel ad æquale, vel a minori ad maius. Si primum, ergo habitudo relationis ad terminum secundum Scotum est ipsi essentialior, quam habitudo ad fundamentum. Si secundum concedis, sequitur, q̄ non minus est essentialis relationi habitudo ad terminum, quam ad fundamentum. Si dasterium, ergo nihil concludit. Tenet ergo Scot. expresse de ratione intrinseca, & essentiali relationis esse ipsum, ad, terminum.

Contrariatur etiam istorum sententia Aristot. cap. de ad aliquid, ubi expresse definiens relatiua dixit esse ea, quorum esse est ad aliud. Sed respondent huiusmodi definitionem essentialium relatorum non exprimere, sed existentiam. Absurda quidē respōsio & philosopho indigna; quia rerum scibilia definitiones earum existentiam non includūt teste Scot. 3, quem ipsi sequuntur quolib. 7, art. 2. in explicatione secundæ conclusionis. Sicut enim rerum quidditates, vt scibiles ab omni existentia abstrahunt: ita & earum definitiones in scientijs tradita; per quas rerū essentia; declarantur, ab eadem abstrahunt existentia. Præterea. Existentia relationis accedit relationi: ergo si Arist. de finit relationem per eius existentiam, minimē eius essentiam indicauit, frustra q; dixit totum esse relationis esse ad aliud se habere. Item nullus philosophus vnquā aliud agnouit discrimen inter absolutum & respectuum, nisi, quia illud est ad se, istud verò ad aliud: ergo essentialis differentia relatiui ab absoluto in hoc consistit, q̄ relatiuum dicit ordinem & habitudinē intrin-

secam ad alterum, tanquam ad terminum, absolutum verò ab huiusmodi habitudine absoluitur.

Itē illa distinctio ipsius ad, in ad, fundamentale & actuale, est noua, & inaudita, & absque fundamento. Nam habitudo relationis ad fundamentum est ad ipsum, tanquam ad subiectum, quæ omni accidenti competit: similitudo enim in albedine albedinem respicit, tanquam eius subiectum. Præterea habitudo relationis ad fundamentum non constituit relatiuum, quia fundamentum, nec per ipsam refertur, nec est ratio referendi, vt de se patet. Et si habitudinem relationis ad terminum secludamus, non constituit relatiuum, quia quæro, quod esse tribuit relatio illa habitudine seclusa? Vel absolutum, vel relatiuum. Non secundum: quia res per ipsam constituta nō habet ad quid referatur, nisi dixeris ad se ipsam, vel ad fundamentum in ea existens referri, quod est absurdum: quia res alba per similitudinem, nec sibi, nec albedini dicitur similis, sed alteri albo. Si verò concesseris primum, ergo relatio seclusa eius habitudine ad terminum non est relatio, sed entitas absoluta. Tene ergo de essentia relationis esse ipsum, ad, ad terminum, propter rationes nunc positas, & etiam, quia omnino implicat relationem absq; huiusmodi habitudine intelligi.

Ad argumentum, quo præfati auctores ad oppositum conuincuntur, facile responderi potest. Dico enim, quod filiatio, vt relatio talis, scilicet, vt filiatio distinguit filium realiter a Spiritu sancto. Et cum ait, quod filiatio, vt filiatio non dicit, ad in ordine ad Spiritum sanctum, respondeo, quod

quòd filiatio ad quodcumque comparatur, siue ad absolutum, siue ad relatiuum, siue ad paternitatem, siue ad similitudinem semper est filiatio, & ordo ad paternitatē: quia comparatio rei ad aliud non destruit rei comparatæ essentiam, sed eam supponit. Rationalitas enim siue comparatur ad irrationalitatem, siue ad differentiam lapidis semper est rationalitas, & vt talis distinguit hominē a quocumque non rationali: ita filiatio, vt filiatio, & vt ordo ad patrem distinguit filium a Spiritu sancto, & vt comparata ad ipsum est ordo ad paternitatem, & dicit, ad, estq; ad alterū: sed illud alterum, ad quod est, tanquam ad terminum, non est Spiritus sanctus, sed pater. Filiatio ergo secundum suam propriam rationem constituit filium in esse filij, & ipsum distinguit a quocumq; non filio, & cū constituat, vt sic filium in esse personæ, ipsum distinguit personaliter ab omni persona, & sic a spiritu sancto. Sed quares, an filiatio, vt comparata ad Spiritum sanctum, dicat, ad? Respondeo, quòd ly, vt, potest accipi bifariam primo reduplicatiue: & tunc

est sensus, q; illa comparatio sit causā, quare ipsum, ad, insit filiationi. Et ita falsum est, q; filiatio, vt comparata ad Spiritum sanctū dicat, ad: quia causa, ob quam dicit, ad, non est illa comparatio. Secundo ly, vt, potest accipi specificatiue: & tunc est sensus, q; filiatio etiam sub illa comparatione existens dicit, ad. Et sic est verum, quia illa comparatio non destruit eius essentiam: ceterum terminus illius, ad, non est Spiritus sanctus, sed pater.

Concedendum ergo est argumēto, q; filiatio non refert filium, ad Spiritum sanctum, vt ad terminum, & q; filius non dicit, ad, ad Spiritum sanctum tanquam ad terminum: sed negandum omnino, q; filius comparatus ad Spiritum sanctum non sit res ad alterum, & relatiuum, & similiter, quòd filiatio nō comparata ad Spiritum sanctum nō dicat, ad: quia sicut albedo ad quodcumq; comparatur semper est albedo, ita filiatio ad quodcumq; comparatur semper est filiatio, & ordo ad patrem, & dicit, ad. Vide Scotum quolib. quaest. 3. littera M.



CONTROVERSIA

VIGESIMAQVARTA.

Utrum persona pro ut subsistens, constitutatur per relationem pro ut relatio ratione distinguitur ab essentia, an uero prout identificatur cum ipsa essentia?

1. Arg.

VIDETVR, quod constituat personam subsistentem prout idem cum essentia. Primo, quia relatio diuina constituit personam prout dicitur in: sed relatio prout dicitur in, non distinguitur ratione, ab essentia, sed est idem omnino cum illa: ergo constituit personam subsistentem, prout est idem cum diuina essentia.

2. Arg.

Secundò. Subsistentia essentialis in ratione subsistentiæ est prorsus infinita & immensa: ergo continet omnem modum & rationem cuiusque subsistentiæ, siue essentialis, siue personalis: ergo præter essentialem subsistentiam, personales subsistentiæ non sunt constituendæ, quæ ab essentiali subsistentia ratione differant: ac proinde relatio nullatenus constituit personam subsistentem, prout ab essentia & subsistentia essentiali ratione distinguitur.

3. Arg.

Tertiò. Si relatio constituit personam subsistentem prout ab essentia ratione distinguitur, ergo constituit personalem subsistentiam a subsistentia essentiali distinctam: ergo aliqua perfectio est in vna persona, quæ non est in alia. Hac vltima consequentia probatur, quia subsistentia personalis, prout ratione a subsistentia essentiali distinguitur, est perfectio diuina: sed subsistentia personalis vnius

personæ non est in alia: ergo aliqua perfectio est in vna persona, quæ non est in alia.

IN hac controuersia est multiplex opinio. Prima est Capreoli in 3. d. 1. q. 1. Vbi dicitur, in diuinis non reperiri tres personales subsistentias relationis, sed vnicam tantum essentialē tribus personis communem. Quam sententiam tuetur Ferras. 4. contra gentes c. 2. 6. Ait enim, quod paternitas, verbi gratia, constituit personam patris, non prout est relatio paternitatis, sed quatenus cū diuina essentia identificatur. Idem videtur sentire Marfilius in 3. q. 2. art. 1. & D. Tho. de potentia, q. 10. art. 3. & q. 2. ar. 1. & in 1. d. 2. q. 1. ar. 1. vbi ait, quod relatio vt sic non constituit personam vt subsistentem, sed prout est essentia diuina.

Secunda opinio est Caiet. 1. p. q. 40. art. 4. afferentis oppositum, vt putat, quod relatio non vt idem cum essentia, sed vt ab ea ratione distincta constituit personam vt subsistentem. In eadē sententia est subtilis Doctor, qui in 1. d. 4. q. 2. & dist. 7. q. etiam 2, lit. O. affirmat, dari in diuinis vnicam subsistentiam tribus diuinis personis communem, quæ primò competit huic Deo, qui vt personis, seu personalitatibus præintellectus est per se subsistens. Quod etiam tenet quæst. 4. quodl. Et insuper in 1. dist. 28. q. 3. lit. H.

lit. H. tres relativitas subsistentias esse in diuinis, affirmat, quod non solum de subsistētia in concreto, sed etiam in abstracto intelligendum est.

E X P L A N A T I O opinionis Doctoris subtilis.

1. Nota.

AD intelligētiā opinionis Doctoris subtilis, & Ca. vet. 1. obseruare oportet, q. vt idem Scot. docet in quolib. q. 4. art. 2. in fine; subsistere est æquiuocum, & accipitur duobus modis. Primò pro per se esse, pro vt excludit inherere, & in alio esse sicut pars est in toto. In qua significatione esse per se, nec accidentibus etiam a substantia separatis, nec partibus substantiæ, sed substantiæ completæ competit, nec cuiuslibet, sed vel supposito substantiæ, vel naturæ, quæ prius natura, quàm in proprio supposito sit, per se est, & existit perfectè, & independentè a supposito, quod soli naturæ diuinæ cōpetit, quæ vt personis præintelligitur, per se est, & subsistit communicabiliter tamē: quia suam per se existentiam a personis non accipit, imo ipsa est, quæ tanquàm quidditate, quolibet ex diuinis personis est, & est Deus, iuxta Aug. 7. de Trin. c. 6. afferentem, essentiam esse, quæ pater est, & quæ filius est, licet nō sit quæ pater est pater, & quæ filius est filius.

Secundò sumitur subsistere pro incommunicabiliter per se esse, in qua significatione soli supposito competit, quod ex rōne sua est incommunicabile, vt quo, & vt quod, vt in præcedentibus docuimus: Ex his inferitur quod anima rōnalis separata nullo istorum modorum subsistit. In primis subsistere in secūda significatio-

ne haudquaquam ei conuenire potest, siquidem est cōcibilis corpori, sicut forma materiæ: nec subsistere in prima acceptione ei competit, quia non hēt rationem substantiæ cōpletæ; est enim nata esse in alio, sicut pars in toto, propter quod subsistere primo modo sumptū, sibi inesse nequit. Nec forma totius per se existit primo modo, vt humanitas Petri, quia licet alteri nō nata sit inherere, vel esse in alio, vt pars, nō tamen per se existit prius natura, quàm in supposito, saltē per modum quod, quia primum & immediatum quod, sibi correspondens est suppositum. In diuinis verò primum & immediatū quod, deitati correspondens non est suppositū, sed hic Deus per se subsistēs, tribus personis diuinis cōis, vt controu. 1. 2. diximus.

Nota secundò, q. natura creata specifica per singularitatem contrahitur ad esse singulare, & per supposititalitatem ad esse suppositi, sic q. verè actuat, & determinatur per singularitatem & supposititalitatem: quod vt controu. 4. docuimus ex Doctore subtili, imperfectionem arguit, vt potest, potentialitatem, & diuisibilitatem. Nam sicut genus contrahitur & actuat per differentias, sicut potentia per suum actum, per quas etiā & diuiditur: ita natura specifica per differentias numericas diuiditur, contrahitur, determinatur, atq; actuat, sicut potentia passiva per suum actum, & insuper ulterius ultimare per supposititalitatem actuat. Attamen de ratione supposititalitatis, & personalitatis nō est actuare naturam per informationem. Quod patet: quia psonalitas verbi diuini est natura: humanæ assumptæ ultimis terminus, absque vlla informatione. Similiter psonalitas diui-

na verè rationem personalitatis habet, cum tamen diuinam nullatenus naturam actuet & informet: ergo de ratione supposititalitatis formali non est esse actû informantē, sed præcisè naturæ terminum, qui vt sic nullam imperfectionē importat. Ex his sequitur, q̃ natura specifica, quæ ex se communis est, redditur singularis & propria indiuidui, & suppositi, cuius est, per numericam differentiam, & supposititalitatem ipsius suppositi taliter, q̃ ita est huius indiuidui, & suppositi, quòd eadem numero nullatenus est alterius, nec alteri conuenire potest. At verò natura diuina cum sit ex se, & de sua natura vna numero, & singularis i vltima actualitate existens nō potest vltius reddi magis singularis, nec per proprietates personales quoquo modo actuari & determinari, quia hoc rei in vltima actualitate existēti prorsus repugnat & contradicit. Vnde Scotus in 1. d. 5. q. 2. lit. 1, ait quòd deitas ipsa per proprietatē personālē nō determinatur, nec contrahitur, nec aliquo modo actuatur, quia actuari, & contrahi, qđ naturæ creatæ per propriam personalitatem competit, imperfectionē, & potentialitatem dicit, quæ longe est a diuinis. Et ratio huius esse potest, quia sicut deitas, seu natura diuina est de se hæc & singularis, ita de se, & ex se habet vltimam vnitatem, & actualitatem. Quo circa proprietates personales ita est actus personæ, q̃ nullo modo est actus naturæ diuinæ aliquo modo perficiens, vel informans eā. Sequitur secundo, quòd essentia diuina per paternitatē, cui in patre coniungitur, non efficitur propria patris, cū eadē numero omnino indistincta sit in alijs personis. Ita tñ

bene pater deitate est Deus, ac si deitas in alijs non esset personis. Et profectò, si diuina essentia quoquo modo efficeretur propria ipsius patris, necessario, per paternitatē distingueretur, & actuaretur. Nō propter hanc rationē natura communis in rebus creatis propria efficitur. Natura em̃ humana idē est huius & non illius, quia per singularitatem huius & nō illius contrahitur. Et confirmatur. Nam, si eadem numero albedo esset in Petro, & in Ioanne, non esset propria Ioannis, quocunque etiam sibi adiuncto, quia diuidi aut contrahi non potest; ergo cum illa met numero natura ex se singularis, quæ est in patre æterno sit in alijs personis, nullatenus per adiunctam paternitatem propria patris efficitur. Confirmatur secundo. Quia si natura diuina per adiunctam sibi paternitatem, propria patris efficeretur, eadem numero natura non conueniret alijs personis, quia aliter non esset propria: proprium namque, de quo nunc loquimur, distinguitur contra commune: sed consequens est hæreticum: ergo diuina essentia per paternitatem nō efficitur propria patris.

Infertur tertio, malè, & improprie satis quosdam neotericos loqui cum diuinam naturam per proprietates personales, quodam modo determinari, modificari & actuari affirmant, quia hæc singularissima & actualissima naturæ, qualis est diuina essentia, cū sit purus actus, haudquaquā conuenire possunt, vt optimè subtilis Doctor docet in 1. d. 5. q. 2. & alibi sæpe. Cuius ratio est, quia, vt supra diximus, hæc omnia potentialitatem denotant, quam longe a natura diuina esse nemo ambigit.

Nota

subsistentes concedimus: ergo similiter numeratur subsistentia in abstracto, quia numeratio substantiui non stat sine numeratione forme: propterea enim tres Deos negamus in diuinis, ne tres deitates fateri cogamur.

Tertio. Si ob aliquam causam non essent admittendæ tres relationes subsistentiæ, maxime, quia illa communis sufficeret, vt personæ adiunctis eidem subsistentiæ relationibus personalibus (a quibus incommunicabilitas provenit, quæ ad rationem personæ est requisita) incommunicabiliter, & personaliter subsisterent: sed hæc ratio nulla est: ergo admittendæ sunt prædictæ tres relationes subsistentiæ. Probo minorem. Quia subsistentia essentialis ex ratione sua intrinseca, & formali est communis, nec aliquo modo contrahibilis, aut determinabilis: ergo per nihil adiunctum potest incommunicabilis effici, & propria. Et confirmatur. Eadem prorsus subsistentia essentialis, quæ est in patre, est communicabilis alijs personis, imò actu eis communicata: ergo illa vt in patre non est subsistentia personalis. Patet consequentia, quia subsistentia personalis nullatenus est communicabilis.

Dices forsitan, huiusmodi essentialem subsistentiam, & communem, incommunicabilem reddi per adiunctum sibi relationem. Contra. Huiusmodi subsistentia essentialis, vt sic, quatenus eadem, & omnino indistincta est communicabilis alteri personæ, imò actu est ei communicata: ergo nullatenus per adiunctam sibi relationem incommunicabilis redditur. Præterea. Hæc subsistentia communis nullo modo actuatur, modificatur, vel determinatur per relationes perso-

nales: ergo per eas non redditur incommunicabilis. Patet consequentia: quia idè in creaturis per personalitatem natura suppositabilis incommunicabilis redditur, quia per eam actuatur, & determinatur vltimatè ad esse suppositi.

Dices forsitan, quod sicut natura creata vt prior personalitate potest alteri communicari, non tamen cum ipsa ita esse, subsistens deitatis est communicabile secundum se, non tamen cum relatione personali. Contra: quia natura creata propria personahitate subsistens efficitur incommunicabilis per subsistentiam prorsus incommunicabilem, non tamen diuina essentia. Item. Quæro, an paternitas det patri aliquam subsistentiam, vel solam incommunicabilitatem. Si primum dederis, mihi faues. Si vero secundum aduideris, ergo illa diuina subsistentia actuatur, & determinatur ad esse patris, quod his, quæ supra diximus contrariatur. Et sane nemo mens haud capere potest, quoniam pacto res aliqua de se & ex se singularis in vltima actualitate existens & comunicabilis, & possit per aliquid sibi adiunctum incommunicabilis reddi, quin per illud actuetur & determinetur.

Præterea. Pater est in deitate sicut suppositum in natura, in qua subsistit, vt Doctor subtilis docet in primo, distinctione quinta, questione secunda, & est communis sententia, ergo paternitas, quæ est entitas eius suppositalis, per quam in diuina subsistit natura, est ratio sibi subsistendi in ea: aliter enim non per eam personaliter subsisteret: est enim intelligibile proprietatem personalem realem constituere perso-

sonā, quin ei esse personale tribuat: sicut implicat differentiam specificā esse in aliqua specie, quin esse specificū ei cōferat. Ergo cū paternitas cōstituat patrem in esse personæ ei, esse personale tribuit. Nec dicere sufficit, q̄ ei dat incōmunicabilitatē, quia illa incōmunicabilitas consequitur esse, quod ipsa paternitas tribuit patri.

Sed dices. Ergo Deus non subsistit incōmunicabiliter in natura diuina.

Respondet, quod Deus vt sic non subsistit immediatē subsistentia incommunicabili & personali, sed mediate ratione personarum, quæ proprijs incommunicabilibus subsistentijs primo subsistunt. Dicunt aliqui, quod subsistentia essentialis licet secundum se vnica sit & simplex, tamen prout est in tribus personis quasi modificata & determinata per tres proprietates relatiuas habet rationem trium subsistentiarum. Itaque dicunt eandem essentialē subsistentiam prout est in patre per paternitatis relationē determinatā, induere rationē vnus personalis subsistentiæ, & quatenus in filio est determinatā per relationem filiationis, induere rationem alterius subsistentiæ personalis: & consequenter vna simplicissima essentialis subsistentia, propter tres relatiuas proprietates, quibus coniungitur, efficitur trina personalis subsistentia. Sed hæc sententia nunquam mihi placuit, nec placere potuit. Apertē namque imperfectionem in diuina natura constituit, cum eius essentialē & communem subsistentiam per relatiuas proprietates modificari, actuari, & determinari affirmet, quæ necessario in re determinatā potentialitatē, & per consequens imperfectionē ar-

guunt. Prætereā. Quia, si illa communis subsistentia, & essentialis per proprietates personales multiplicatur, & efficitur trina, ita vt alia sit in patre, & alia in filio, similiter diuina essentia atque natura poterit concedi, q̄ per relationes multiplicetur, quia non est maius inconueniens vnū essentialē substantiū in diuinis multiplicari, quam aliud: sed consequens est cōtra fidem: ergo antecedens est omnino falsum. Dico ergo, quod in diuinis tres relatiuæ subsistentiæ in abstracto præter illam communem collocandæ sunt: & oppositum a veritate alienū esse arbitror. Quod latius Deo duce, in controuersijs tertij sententiarum demonstrabimus: & pro nunc hæc de hac re sufficiant.

His ita prælibatis & constitutis iam præsens dubitatio per conclusiones est diffinienda.

Prima conclusio. In diuinis reperiuntur tres subsistentiæ secundum fidem si sumatur subsistentia in concreto, vt idē sit quod subsistens. Probatur. Quia secundum fidem in diuinis sunt tres hypostasēs & personæ: ergo & tres subsistentes: ergo & tres subsistentiæ in concreto, siquidem subsistentia in concreto idē est, quod subsistens seu suppositū. Probo antecedens: quia, vt inquit Athanasius in Symbolo, alia est persona patris, alia filij, alia Spiritus sancti: ergo necessario sunt secundū fidem tres personæ concedendæ in diuinis, vt putat, pater, filius, & Spiritus sanctus.

Secundò probatur cōclusio. Quia in secunda synodo generali canone primo dicitur, vnam deitatem in tribus subsistentijs esse consistendam, & idem asseritur ibidem canone quinto. & in Concilio Constantinopolitano.

1. Concl.

rano actione decimatertia dicitur, Trinitatem glorificamus pro tribus subsistentijs. Ex his sic arguo. Hæc testimonia ad minus intelligenda sunt de subsistantijs in concreto, vt idem polleat, tres subsistentiæ, quod tres hypostases; ergo secundum fidem necessario faciendum est esse in Deo tres subsistentias in concreto. Cõsequentiā notissima est: antecedēs vero probō. Quia vel in prædictis testimonijs sumitur subsistentia in abstracto, vel in concreto. Non in abstracto, quia hoc versatur sub opinione: ergo in concreto ad minus.

2. *Concl.* Secunda conclusio. In diuinis reperiuntur tres subsistentiæ in abstracto; id est, tres rationes subsistendi. Hęc conclusio satis patet ex his, quæ notabili vltimo diximus; & magis eluceſcet Deo duce in cõtrouersijs tertij sententiarum.

3. *Concl.* Tertia conclusio. Essentia vt sola ratione differens a relatione, nõ constituit personam in esse personæ. Cõclusio est Doctoris subtilis in quod. q. 4. art. 2. lit. K. quam nonnullis probat argumentis. Primò Quia, aut ly, vt, reduplicat rationem formalem constitutioni personæ aut quid cõsequēs, vel concomitans huiusmodi rationē formalem. Si primum: ergo cū hoc, quod est differre sola ratione solum dicat relationem rationis supra essentiam, sequitur q. relatio rationis est ratio formalis constituendi diuinam personam: quo nihil absurdius dici pōt. Nam tūc persona diuina vt sic, non esset ens reale, siquidem eius formale constitutum esset ens rōnis, ens aut rationis non pōt ens reale constituere. Si vero sin admiseris, quæro a te, quid sit illud, quod consequitur, vel concomitatur illa præ-

dicta ratio. Illud sanè poni nõ potest nisi sola essentia: quia tu dicis, q. diuina essentia, vt ratione differēs ab essentia cõstituit personam ex quo sequitur, quòd essentia secundū se erit in re ratio constituendi personam in esse personæ: quod est omnino falsum, vt ratione sequenti parebit. Dices forſitan, quòd ly, vt, non sumitur ibi reduplicatiuè, sed specificatiuè. Contra. Ergo sequitur, quòd essentia secundum suam rationem absolutā constituit personam, quia illa ratio concomitans vel consequens eā impertinenter se habet ad constitutionem personæ, vel ad essentiam constituentem personam.

Secundò. Essentia, vt sola ratione differens a relatione, aut est communicabilis, aut incommunicabilis. Si communicabilis, ergo communicabile formaliter constituit incommunicabile, cuiusmodi est persona, qd implicat. Si incommunicabilis, ergo cum ipsa, vt sola ratione differens a relatione sit entitas absoluta & ad se, sequitur primò, q. essentia, vt entitas absoluta constituit personam in esse personæ. Sequitur secundò, q. aliqua entitas absoluta est in diuinis incommunicabilis. Sequitur tertio, q. essentia diuina non est entitas ex natura sua communicabilis: quæ omnia sunt absurda.

Tertio. Si essentia, vt sola rōne differēs a relatione cõstituit, q. ro, an tūc essentia sit entitas ad se, & absoluta, vel entitas ad alterū & relatiua. Si primum: ergo persona cõstituta est ens absolutū, quod est contra eõdem sententiā. Si secundum, ergo essentia diuina vt essentia est entitas relatiua, cū vt essentia sola ratione differat a relatione, & constituat, vt entitas relatiua.

Quarta. Sed suppono, quod generaliter constitutum, & constituit, et est ipsi constituto ratio differendi vel conueniendi secundum propriam et formalem entitatem, & non ut conueniens, vel ut differens: sicut rationale sū propriam & formalem entitatem, & non ut conueniens, vel ut differens distinguit et constituit hominem, licet homo constitutus per rationale differat vel conueniat. Volo dicere, quod distinctio, vel conuenientia cum alijs vel ab alijs conuenit constituto per rationem formalem sui constitutui, nō tamen includitur in ratione ipsius constitutui. Hoc posito sic argumentor.

Essentia diuina, ut sola ratione differens a relatione cōstituit personā: da ergo mihi aliquā ratione constitutiuam, quæ sit personæ constitutæ ratio cōuenientiae vel differentiae, ita quod in ipsa ut est ratio constituendi non includatur per se primo conuenientia vel differentia. Tunc sic. Vel illa ratio cōstitutua est ratio essentiae, vel relationis. Si secundum, ergo mea conclusio est vera, qua affirmo essentiam ut sola ratione differentem a relatione non constituere personam. Si primum, ergo essentia non constituit in quantum est differens, sed præcise secundum suam entitatem formalem.

Quarta conclusio. Essentia ut distincta a relatione personali, siue ex natura rei formaliter secundum Scotum, vel ratione ratiocinata secundum Sanctum Thomam non constituit personam ut subsistentem. Probatur: quia natura diuina ut sic, est cōis tribus diuinis personis, ergo similiter quidquid eis ut sic communikat formaliter: ergo subsistentia,

quam diuina natura secundum propriam rationem formalem essentiae tribuit personis, siqua est, non potest esse nisi communis & essentialis, non autem personalis: ergo essentia secundum prædictam rationem non tribuit personalem subsistentiam ipsis personis, quia personalis subsistentia est omnino incommunicabilis. Præterea. Ex supradictis, in diuinis sunt tres subsistentiae relatiuæ in abstracto, id est, tres rationes formales subsistentiæ: ergo subsistentia personalis non est ab essentia, quæ est vnica & implurificabilis, sed a relationibus personalibus. Præterea. Subsistentia personalis nō potest esse ab essentia, ut supra diximus: ergo ipsa non constituit personam ut subsistentem.

Quinta conclusio. Relatio ut identifi- 5. Concl.
ficata cū essentia non tribuit personæ subsistentiā. Conclusio hac est cōtra Ferrar. ubi supra, & contra multos alios D. Th. discipulos; quæ satis patet ex nunt dictis. Nam, si essentia ut sic non constituit personā subsistentem, manifestè sequitur, quod nec ipsa relatio prout essentia identificata. Pater cōsequētia. Nā si qua ratione hominū subsistentiam tribueret maximè, ratione identitatis eius cum essentia, ut volūt hi, qui nostræ conclusioni aduersantur: sed ex hac parte id efficere nequit, quia nec essentia conuenit ex paulo ante dictis: ergo, &c.

Sexta conclusio. Relatio diuina non constituit personam subsistentem, prout sola ratione differt ab essentia. Hæc conclusio est contra neo- 6. Concl.
tericos, quosdam, imo & contra omnes ferè discipulos D. Thomæ. Nam omnes eius discipuli, vel illorū maior pars asserit, quod quamuis diuinæ relationes neque realiter, neque for-

formaliter ex natura rei distinguatur ab essentia, sed sola ratione, persona tamen prout est subsistens personaliter, seu personaliter subsistentia, constituitur per relationem, prout relatio distinguitur ab essentia sola ratione.

1. Ratio.

Est tamen conclusio Scoti & omnium eius discipulorum constituentium distinctionem formalem ex natura rei inter relationem & essentiam. Quam sic probat. Nam, vel ly, vt, sumitur ibi reduplicatiue vel specificatiue. Si primum, ergo vel reduplicat rationem formalem constitutiuam, vel aliquid eam consequens vel concomitans. Si rationalem formalem reduplicat, ergo cum hoc, quod est differre sola ratione ab essentia relationem rationis precise importet, sequitur, quod constitutum personae in esse subsistentiae personalis est relatio rationis, quod est absurdum. Si vero reduplicat aliquid consequens in re vel in intellectu rationem formalem constitutiuam, ergo illud supponit rationem personae constitutiuam, quae non est nisi entitas formalis relationis: ergo relatio in re constituit diuinam personam, & non vt differens ratione ab essentia. Si das sum, vt puta, quod ly, vt, sumatur specificatiue, sensus est, quod relatio quae sola ratione differt ab essentia, constituit personam subsistentem. Tunc sic. Praecisa ratione & intellectu nulla est distinctio inter essentiam diuinam & relationem, secundum naturam eorum, qui nostrae conclusioni aduersantur: ergo illa subsistentia non magis est a relatione, quam ab essentia: ergo, &c.

2. Ratio.

Secundo. Relatio vt sola ratione differens ab essentia constituit personam vt subsistentem: da ergo mihi entitatem formalem, quae sit ratio talis differentia, cum huiusmodi differen-

tia non per se primo in constitutio includatur, vt in argumento quarto ad tertiam conclusionem diximus, illa non erit nisi relatio: ergo vel relatio secundum entitatem propriam, quam habet a parte rei, constituit, & non essentia, & sic erit distincta saltem formaliter ex natura rei ab essentia. Vel constituit precise, secundum quod a ratione concipitur vt distincta secundum ly, vt, reduplicatiue: & tunc sequitur inconueniens supra illatum, scilicet, quod persona constituta non erit ens reale. Vel sumendo ly, vt, specificatiue, & tunc quare, an relatio sub illa ratione concepta sit secundum propriam entitatem formalem, quam habet a parte rei distincta ab essentia, vel non. Si primum, ergo vt sic constituit. Si secundum, ergo non est maior ratio, quare relatio constituat personam, quam essentia, cum omni actu intellectus secluso sint penitus omnino idem.

Omnes fere Thomistae his argumentis conuicti, & alij, quibus conuincuntur ad omnino ex natura rei distinctionem etiam formalem se mouendam inter essentiam & relationem, affirmant, quod secluso omni ordine ad intellectum personae diuinae non constituuntur, quia implicat (aiunt) esse constitutionem sine distinctione: sed secluso prorsus omni ordine ad intellectum nulla est distinctio inter relationes & essentiam, vel inter relationes & personas ab eis constitutas: ergo secluso huiusmodi ordine ad intellectum personae diuinae non constituuntur. Dicunt ergo, quod habito ordine ad intellectum personae diuinae constituuntur per relationes, ita quod paternitas verè constituit personam patris, & filio personam filij. Et ratio (inquiunt) est: quia tunc relationes verè distinguuntur a per-

Responsio
Thomist.

sonis, non quidem distinctione realis, sed rationis.

Si autem obijcias, hanc constitutionem non esse veram, sed fictam, & per consequens verè, & sicut rem diuinas personas non constitui, respondēt negantes huiusmodi constitutionem fictam esse: quia ad verā constitutionē sufficit (inquiunt) vera distinctio huius fundamentū in re, licet sit distinctio rationis. Vnde personæ diuinæ secundum hos auctores secundū se constituuntur, sed ut conceptæ & significatæ a nobis. Quod si vergetur, cum per hoc, quod nos intelligamus relationes ut constituentes personas, non unde sequitur, quod verè personæ constituuntur per relationes, respondent retorquendo argumentum. Nā ad veram (inquiunt) constitutionem satis est esse verā distinctionem: sed verè distinguuntur relationes a personis: ergo verè constituuntur personæ per relationes: Ita, quod à parte rei est verum dicere, quod personæ constituuntur, quia etiam à parte rei est verum dicere, quod a relationibus distinguuntur, non chimærica distinctione rationis, & ficta, sed vera rationis distinctione. Hæc quidam Diui Thomæ expositor 1. par. q. 40. articulo quarto, quæstione tertia, in solutione ad quartum.

Admiratio quidā. Sed sine mirari non possum, quod isti omnia fere ad nostros conceptus imperfectos referant, sicut nominales, ad nomina. Si de distinctione personarū loquuntur, afferunt illas in ordine ad nostrum concipiendi modū relationibus, & non seipsis distinguunt: at sicut & prout a parte rei existunt non per proprietates personales, sed se ipsis differre tāquā simplicissimas formas prædicant & fatentur. Simi-

liter personarum constitutionem ad nostrum concipiendi modum referunt. Idem de distinctione essentiae a relationibus & attributis sentiunt. Et ut hoc efficiant maxime per se infundant, & fatigantur plures edentes de hac retractatus, non paruos.

Sed sanè multo fatius est cum Doctore subtili sentire, distinctionem vel ad res ipsas vel ad non identitatem earum formalem, secundū quod rei natura exposulauerit, eferendo, cum id diuinæ simplicitati minimè deroger. Vnde, quidquid ipsi sentiri, teneo tanquam certum, diuinæ personæ non ipsis totis distingui, ut supra docuimus, sed suis proprietatibus relatiuis omni intellectus opere secluso. Nam quousque ordine ad intellectum semoto diuinæ personæ conueniunt in essentia, & re ipsa inter se distinguuntur: & non nisi per relationes: ergo non se totis distinguuntur. Patet consequentia: quia in aliquo conueniunt, & in aliquo distinguuntur.

Secundo dico, quod diuinæ personæ etiam sine ordine ad intellectum verè per relationes constituuntur omni imperfectione ab ipsa constitutione semota. Nam persona includit essentiam, & relationē, quæ omni opere intellectus secluso sunt non idem formaliter: & cum per essentiam in esse personali non constituentur, restat ut per relationes earum constitutio fiat. Est huiusmodi constitutio atque distinctio solū est in diuinis per ordinem ad nostrū concipiendi modum, ad quid Theologi viri sapientes tot edunt libros, & ita anxie vexantur ut personarum constitutionem per relationes ostendant.

Tertio dico, quod difficile intelligi potest

Melius est sentire cum Scotto.

potest, quoniam pactio ista coheret, videlicet, personas solum per ordinem ad nostrum intellectum constitui, seu prout a nobis concipiuntur. & quod a parte rei verum est dicere, quod constituuntur suis relationibus: quæ duo prædictus interpretes affirmant.

Nec ad veram constitutionem sufficit distinctio habens fundamentum in re tantum, quia cum tali distinctione stat omnimoda identitas realis & formalis, ita quod secluso actu intellectus nullo modo actu distinguatur, sed sint prorsus idem: at idem omnino non potest se ipsum constituere: ergo cum relatio, & persona atque essentia secluso opere intellectus nullo modo actu distinguantur, nulla ratione persona potest per relationem dici constitui, alias idem omnino se ipsum constitueret.

7. Concl.

Septima conclusio. Relatio secundum propriam entitatem formalem, secundum quam est non eadem formaliter ex natura rei essentia diuinæ constituit personam per se incommunicabiliter subsistentem. Hæc conclusio satis colligitur ex dictis notabili ultimo. Nam si in Deo præter subsistentiam communem sunt tres alie relationes subsistentie, necessario ratio subsistendi incommunicabiliter est ipsa relatio, quia subsistere incommunicabile a subsistere essentiali distinctum non potest esse ab essentia, quæ est communis, quia illud subsistere non est commune. Præterea. Ratio subsistendi personaliter & incommunicabiliter non potest esse ipsa essentia: ergo est ipsa relatio. Patet consequentia. Quia nihil aliud est in persona præter essentiam & relationem. Antecedens ostenditur: quia, ut notabili ultimo huius conclusionis docuimus, essentia ut sic so-

lum tribuit esse subsistens communicabile: nec potest esse incommunicabile ac personale formaliter tribuere, ut supra etiam satis ostendimus: ergo essentia non potest esse ratio incommunicabiliter subsistendi. Præterea. Relatio diuina, ut relatio est, seu sub expressa forma relationis, constituit personam diuinam, ut præcedenti conclusioni satis abunde demonstrauimus: sed potissima ratio personæ est, quod sit subsistens, imò verò hæc ratio per se & intrinsecè includitur in conceptu personæ: ergo persona diuina habet, quod sit subsistens personaliter a relatione diuina secundum propriam relationis rationem. Item secundum doctrinam subtilem in quod. q. 4. art. 3. abstractis relationibus a diuinis personis non manent hypostases & personæ, & tamen manet essentia: ergo hypostasis diuina in ratione personæ & subsistentis incommunicabiliter constituitur per relationem secundum propriam & formalem eius entitatem. Tadem. Si relatio diuina non constituit personam, ut subsistentem, secundum propriam relationis rationem ac formalem, secundum quam est formaliter distincta ab essentia, sed ut omnino idem essentiæ diuinæ, ergo subsistentia trium personarum ut sic, est una & eadem & essentialis & præterea, ergo non sunt plures personales subsistentie in diuinis, cum una sit & eadem essentia in tribus personis, & consequenter subsistentia personarum ut sic. Veritas huius conclusionis patet ex dictis præcedentibus conclusionibus. Nam, si necessentia secundum rationem in essentiæ, nec relatio ut essentia identificata constituit personam ut subsistentem, ut docuimus, ergo relatio secundum propriam ac formalem rationem, secundum quam

ab essentia formaliter distinguitur, illam constituit.

*Obiectio
aduersa
riorum.*

Sed obijciunt nobis neoterici contra Scorum reclamantes, quod conclusio nostra sit omnino falsa: quia ponit distinctionem ex natura rei formalem inter essentiam, & relationem, quae necessario (vt ipsi aiunt) compositionem in diuina natura infert. Sed iam huic obiectioni controu. 4. satis abunde satisfacimus. Probauimus namque ibi summa simplicitati non identitatem formalem minimè contrariari. Vnde distinctio ex natura rei formalis, licet cum compositione sit cōpossibilis, vt patet inter genus & differentiam, quae cum formaliter distinguantur, compositionem efficiunt, ceterum huiusmodi compositionem non infert necessario, cum ea, quae formaliter praecise secundum rationes formales distinguuntur, non necessario sicut actus & potentia se habeant, sed sicut duo actus, quorum neuter est in potentia ad alterum. Vt patet de iustitia & misericordia, quae si secundum suas rationes formales praecise considerentur, neutra est in potentia ad alteram: ergo, si rationes earum formales manerent in Deo formaliter distinctae, summa tamē identitate reali idem, non se haberent vt actus & potentia, ac per consequens compositionem nullatenus causarent. Quod hac ratione ostendo. Nam, si compositionem efficeret, vel qua ex parte sunt idem realiter, vel vt distinctae formaliter. Non primum, quia idem non facit cum se ipso compositionem vt satis de se patet. Nec secundum, quia quatenus vt distinctae formaliter considerantur & praecise secundum proprias quidditates, neutra est in potentia ad alteram. Quidditas namque misericor-

diae, vt sic, non est in potentia ad quidditatem iustitiae, sicut nec quidditas albedinis ad quidditatem dulcedinis: ergo multo minus misericordia infinita vt sic erit in potentia ad iustitiam infinitam, etiam admissa, quod formaliter distinguantur. Probo consequentiam, quia infinitas non ponit compositionem aliquam in re, quā ratio formalis eius vt sic excludit, cum infinitas potius perfectionem augeat quam tollat. Et sane ridiculum & rationi aduersum, esset asserere aliqua secundum proprias rationes formales non esse componibilia, etiam vt formaliter distincta propter assignatam rationem, & ipsam et vt infinita eam efficerent & causarent: quia tunc infinitas necessario secundum compositionem asserret & imperfectionem ac per consequens vel infinitas in rationibus attributorum formalibus non esset admittenda, vel compositio necessaria esset concedenda.

A D A R G V M E N T A in principio controuersiae posita.

AD primum dico, quod relatio *Ad 1.* constituit personam relativam sub expressa relationis forma, & sub actualissima relationis ratione (vt praecedenti controuersia diximus) in qua & esse, in, & esse, ad necessario includuntur. Imo manifesta contradictio est intelligere relationem sine ad, ad terminum, vt eadem praecedenti controuer. diximus. Dico ergo quod relatio vt dicit, in, & vt dicit ad, constituit ac proinde maior argumenti est falsa. Dico etiam, quod si relatio, vt dicit, in, est relatio distinguitur necessario formaliter ab essentia propter

pter rationes, quas controu. 4. ad id probandum adduximus. Quo admissio minor est falsa: nam, si relatio ut dicitur, in, est relatio, non est omnino idem essentiali, nisi secundum rem.

Ad 2. Ad secundum dicto, quod dicitur substantia essentialis sit in finito, non tamen inde inferitur, quod omnem substantiam modum formaliter includat: sed satis est, quod illum includat vel eminenter, vel radicaliter. Hoc modo substantia diuina communis continet substantias relativas radicaliter, quia ipsa est veluti harum radix. Sic dicimus diuinam naturam esse infinitum essendi pelagus secundum Damascenum. Ceterum non ob id fateamur, omnem entitatem in ipsa formaliter includi & contineri: nam attributa & relationes non sunt de conceptu eius formali ut controu. 4. docuimus: sed satis est, quod ibi identice & quasi radicaliter contineantur, vel solè eminenter ut creatura. Substantia ergo diuina absoluta est perfectissima in sua ratione, nihilominus tamen illa ut sic, non includit formaliter omnem substantiam modum: quia non includit relationes, & per consequens nec esse relatiuum ab eis proueniens, quod est esse personale.

Nec proinde illa substantia est imperfecta: quia sicut relatio diuina secundum propriam, ac formalem eius rationem nullam dicit perfectionem: ita nec subsistere relatiuum ab ea proueniens, ut ab essentiali substantia distinctum. De quo vide in controu. 27.

Ad tertium concedo antecedens. substantia enim personalis formaliter sumpta distinguitur vel sola ratione secundum S. Thomam, vel formaliter secundum Scotum a substantia comuni & essentiali. Sed nego consequentiam. Ad probationem dico, quod subsistere sumptum praeincommunicabiliter subsistere, & non praeiuste pro per se esse nullam ex ratione sua formali perfectionem nec imperfectionem includit, licet imperfectionem excludat: sed abstrahit a perfecto & imperfecto, sicut a finito & infinito. Vide controuersiam vigesimam septimam. Ac proinde non sequitur, quod aliqua perfectio sit in una persona, quae non sit in alia, licet una personalis substantia sit unus persona, & alia alterius: nec substantia personalis illius est in ista, nec è contra.



CONTROVERSI A

VIGESIMAQVINTA.

An in diuinis sint sanxum quinque notiones, scilicet, innascibilitas, paternitas, filiation, communis spiratio, & processio.

1. Arg.



Idetur, q̄ sint plures, quā quinque. Quia sicut patri cōpetit innascibilitas, quia nō nascitur, ita filio inspirabilitas, quia non spiratur: sed patris notio est innascibilitas: ergo inspirabilitas erit notio filij, & per consequens sunt sex notiones.

2. Arg.

Secundō. Generatio actiua, & generatio passiua sunt rationes cognoscendi personas, scilicet, patrem & filium: ergo sunt notiones: ergo præter illas quinque commemoratas alie duæ sunt constituendæ.

Dices generationem actiuam, & passiua nō distingui a paternitate, & filiatione, nisi secundum rationē, ac proinde non oportuit illas numerare, quia sub illis duabus intelliguntur. Cōtra: quia pari ratione nō oportet numerare innascibilitatē, quæ a paternitate sola ratione distinguitur: sed innascibilitas, verē ponitur, vt notio distincta a paternitate: ergo generatio actiua, & generatio passiua sunt ponendæ tanquam notiones a paternitate, & filiatione distinctæ.

IN hac cōtrouersia, hunc ordinem seruabo. Primō inquiram, an ingentum sit propria notio patris, & quid nomine ingenti importetur. Secundō, an negatio, quam primō importat hac vox, ingentū, fundetur in paternitate, sub propria pater-

nitatis ratione. Tertiō, an inspirabilitas debeat constitui sexta notio.

Quartō, quæ sit satisfactiō. Vltimō respondebo rationibus.

ARTICVLVS PRIMVS.

An ingentū sit propria notio patris, et quid nomine ingenti importetur.

Quantum ad primum articulum videtur, q̄ ingentū nō sit propria patris notio, seu proprietas. Primō, quia nulla proprietas dicitur formaliter de essentia: sed essentia est formaliter ingenta, vt videtur: ergo ingentum non est proprietas primæ personæ: nec alterius. Consequentia tenet: probō minorem: quia tunc essentia distinguetur in diuinis, sicut & persona, quæ proprietatem habet. Minor sic ostenditur: quia essentia non est genita: ergo est non genita: ergo est ingenta. Prior consequentia probatur: quia secundum Aristot. secundo peri hermenias, ad negationē de prædicato finito sequitur affirmatiua de prædicato infinito. Posterior verō consequentia demonstratur: quia secundum Augustin. 5. de Trinitate, cap. septimo, idem est ingentum, & non genitum.

Secundō. Omnis proprietas cuiuslibet personæ est relatiua: sed ingentū non dicit relationem: ergo nō est alicui.

alicuius personæ proprietas. Consequentia tenet: maior probatur: quia quidquid in diuinis dicitur ad se, id est, est absolutum, est commune tribus. Probo minorem: quia ingentum potius negat relationem, quam illam affirmat.

3. Arg. Tertiò. Si innascibilitas esset proprietas patris, ergo inspirabilitas esset notio patris, & filij, & ita essent sex notiones, quod tamen communiter negatur.

Quætionem hanc disputat Doctor subtilis in 1. d. 28. q. 2. & D. Tho. 1. par. quæst. 33. art. 4.

1. Nota. Ad huius difficultatis intelligentiā est notandum primò cum Doctore subtili ubi supra, quod quando aliquod nomen est compositum ex nomine positiuo habenti plures acceptiones, & ex particula, in, priuatiua, est multiplex, & plures habet significationes ex duplici capite. Primò ex parte nominis positiui. Secundò ex parte particulae priuatiuæ, in, & tot habet significationes, quot suæ partes per se sumptæ. Hoc patet, inquit Scotus, ex Aristot. 5. Metaph. c. de potentia, ubi impotentiam distinguit secundum multipliciter potentiam, & præter hoc secundum multipliciter priuationis, quæ ponitur capite de priuatione. Vnde tot modis dicitur impotentia, quot potentia, & quot particula priuatiua, in. Ex quo sequitur, quod hoc nomen, ingentum, quod est compositum ex hoc nomine positiuo, genitum, & ex hac particula priuatiua, in, tot modis accipitur, quot nomen, genitum, per se, & particula, in, per se.

Secundò est notandum, quod genitum dicitur tribus modis. Primo, & propriè dicitur genitum id, quod

per generationē propriè dictū tanquam terminus primus eius producitur.

Secundo minus propriè dicitur genitum id, quod per generationem comunicatur, siue sit terminus formalis generationis, siue conditio termini primi, & totalis. In hac significatione vsus est hoc nomine, genitum D. Hilarius 4. de Trinitate in principio cum dixit. Nihil nisi natum habet filius. Ex quo inferitur, quod essentia filio per generationē comunicata dicitur ab Hilario nata. Sed tamen hæc significatio huius termini, genitum, impropria est, ut diximus, & ideo non est ea absolute videndum, sed statim addenda est explicatio.

Tertiò, sumitur genitum magis improprie pro termino, cuiuslibet productionis, siue primo, siue formali, siue illa productio sit generatio, siue non. In qua significatione Spiritus sanctus posset dici genitus, & natus, & similiter diuina essentia: sed cauendum, ne hoc sine explicatione concedatur, quia secundum fidem Spiritus sanctus negatur genitus, & natus: sed hoc sumendo genitum, & natum propriè, scilicet, primo modo.

Tertiò notat Scotus, quod negatio bifariam dicitur. Alia est negatio extra genus, quæ verificatur tam de non ente, quam de ente, de quo non verificatur affirmatio, quam negat, sicut non homo dicitur de equo, & de chimæra. Et dicitur negatio extra genus, quia non determinat sibi aliquod genus, de quo dicatur, sed de omnibus effertur. Alia est negatio in genere, quæ vocatur ab aliquibus priuatio, & subdiuiditur, sicut priuatio, ut patet 5. Metaphysic. cap. de priuatione.

Priua-

3. Nota.

2. Nota.

Privatio autē est negatio in subiecto apto nato, & capaci eius, quod negatur. Quæ, ut ad præsens attinet, bifariam accipitur. Primò pro negatione formæ in subiecto capaci eius secundum propriam naturam, qualis est negatio visus in ratulo post nonnum diem: & hæc est propriè privatio. Secundò accipitur pro negatione habitus in subiecto capaci eius, non secundum propriam & peculiarem naturam, sed secundum genus. Et in hac significatione dicimus talpam esse visu priuatam, siue cæcam, quia habet negationem visus in subiecto capaci visus, non secundum propriam, & particularem naturam: quia talpa secundum propriam naturam non est capax visus, sed secundum naturam sui generis proximi, scilicet, animalis. Itaque talpam esse priuatam visu idem est, quod habere negationem visus, cuius est capax secundum quod animal. Hinc patet, quod irrationale, quod dicitur de brutis animalibus, significat priuationem rationis, secundo modo, & non primo: quia bruta animalia non sunt capacia rationis secundum particulares naturas, sed secundum quod sunt animalia. Ex his duabus significationibus prima est magis propria, quàm secunda. Ex quo sequitur, quod homo magis propriè dicitur priuatus, quia est capax visus secundum particularem naturam, quam talpa. Et in his, quæ habent visus capacitatem secundum communem rationem, magis propriè habent priuationem visus ea, quæ sunt capacia visus secundum rationem communem magis proximam ei, quod est capax visus secundum particularem naturam. Ex quo sequitur, quod licet tam planta,

quàm talpa dicantur ab Arist. 5. Metaphysic. 2.2. habere priuationem visus, tamen talpa magis propriè dicitur habere priuationem visus, quàm planta: quia talpa est capax visus secundum quod animal, quod est proximum genus ad hominem & equum & cætera animalia, quæ sunt capacia visus secundum particulares naturas. At verò planta est capax visus secundum quod viuens, quod est genus remotum ad hominem, & equum, quæ sunt capacia visus secundum particularem rationem: & eadem ratione planta magis propriè habet negationem visus, quam lapis. Ex his sequitur primò, quod hoc nomen ingentum dicit priuationem genti primo, secundo, & tertio modo.

Secundo sequitur, quod vnaqueque istarum significationum, quæ sumitur ex parte genti, habet duas significationes, quæ sumuntur ex duabus significationibus, quas habet ista particula priuatiua, in, quæ significat priuationem, primo & secundo modo. Vnde ingentum, ut negat genti primo modo duas habet significationes. Prima est, qua ingentum significat priuationem propriè dictam primo modo, id est, negationem genti in subiecto capaci secundum particularem rationem. Secunda significatio est, qua ingentum significat priuationem improprie dictam genti primo modo, id est, negationem genti in subiecto capaci, ut generetur secundum communem rationem. Idem dicendum est de ingenito secundo, & tertio modo.

Vltimò nota, quod quælibet ex diuinis personis potest bifariam considerari. Primò secundum propriam, & particularem rationem: secundo

secun-

secundum rationem communē suppositi. Si primo modo considerentur nulla priuatio potest eis conuenire, habent enim quicquid eis secundū proprias rationes natum est conuenire. Si vero considerentur secundo modo, aliquid potest alicui conuenire, quod tamen non competit, ut patet: nam patri secundum rationem suppositi communem poterat conuenire produci per generationem, non tamen conuenit: & ideo habet in se negationem geniti, sicut talpa negationem visus priuatiuam secundum quod animal est.

1. Concl.

Prima conclusio. Si ingenum sumatur prout dicit negationem proprie dictam geniti illis tribus modis accepti, id est, negationem geniti in subiecto capaci & nato ut generetur secundum peculiarem eius rationē, non inuenitur in diuinis, & per consequens non est patri proprium. Probatur, quia priuatio proprie dicta necessario imperfectionem inuoluit, ut puta, defectum eius rei & formæ, quæ nata est conuenire ei, qui eius priuationem habet, & omnis imperfectio & defectus longē est a diuinis: ergo & omnis talis priuatio. Præterea. Quidquid ad intra natum est conuenire Deo & diuinis personis secundum proprias rationes consideratis necessario eis conuenit, quia posse & esse, & necessario esse idem sunt in diuinis: ergo nullius talis rei priuationem habere possunt. Vnde si Spiritui sancto secundum propriam & peculiarem eius rationem posset conuenire esse genitum, vel generari, necessario generaretur.

2. Concl.

Secunda conclusio. Si ingenum sumatur prout importat priuationem improprie dictā geniti primo modo,

id est, negationē geniti proprie dictā in subiecto capaci, ut generetur secundum communem rationem suppositi conuenit patri esse ingenum. Probatur, quia habet negationem geniti primo modo, cuius est capax secundum rationem communem sibi & alijs personis, scilicet, secundum quod est suppositum & persona diuina, nam suppositum & persona diuina sicut est capax ut sit filius, ita est capax, ut sit genitum primo modo. Videatur D. Thom. ubi supra in solutione ad secundum. Et hoc modo ingenum non est proprium patri, quia conuenit etiam Spiritui sancto, ut patet.

Tertia conclusio. Si ingenum sumatur prout importat priuationem improprie dictā geniti secundo modo competit patri esse ingenum, quia nec secundum rationem communem suppositi, nec secundum propriam potest per generationem communicari, vel tanquam terminus formalis generationis, vel ut conditio termini primi & totalis. Quia hoc supposito, ut sic, prorsus repugnat: sed tamē ingenum sic sumptum non conuenit soli patri, alijs namque personis etiā inest propter eandem rationem, ut in tuenti satis patere potest.

3. Concl.

Quarta conclusio. Si ingenum sumatur pro ut dicit priuationem secundum genus geniti tertio modo accepti, soli patri competit. Probatur: quia genitum tertio modo est, quod per productionem quomodocumque habetur, siue ut terminus primus, siue ut formalis, vel ut conditio termini primi, vel quouis alio modo: sed habere huiusmodi negationem soli patri competit inter omnia quæ sunt in diuinis, nam cætera alia, vel

vel

vel sunt termini primi productionū diuinarum, vt filius, & Spiritus sanctus, vel terminus formalis, vt essentia, vel conditio termini primi, vt filiatione in filio, & processio in Spiritu sancto: excepto ergo patre quidquid aliud est in diuinis, vel productum, vel communicatum per productionem aliquam dici potest, ac proinde solus pater ingenuus dicitur. Quod verò illa negatio, quam ly. ingenuū, importat, sit negatio secundum genus patet, quia secundum rationem suppositi absolute non repugnat patri esse terminum saltem primum alicuius productionis, sicut nec talpa repugn. t. vises secundum rationem animalis considerat. Ly. ergo, ingenuum, cum patri proprium a sanctis, & a Doctoribus scholasticis dicitur, idem est, ac improductum, & incommunicatum, utcumque & quomodocumque.

Dubium notabile.

Sed dubium est, quoniam pacto diuina essentia determinatur ad primam subsistentiam, seu personam de qua re disputat Scot. in 1. d. 28. q. 3. vbi aliquos refert dicendi modos. Quorum unusquisque Scot. tribuitur, refertur a nouis, in o. D. Tho. interpret. 1. p. q. 33. art. 4. in animaduersionibus eiusdemque articuli in hunc modum. Postremo (inquit) aduerte, q. Scot. vbi supra refert quendam modum loquendi, seu potius imaginandi primam personam productā. Aut enim, quod hic Deus, essentialiter subsistens, prius secundum rationem, quam prima persona producat filium se determinat ad esse primę personę: vel se illi communicat. Quod potest

facere (inquit ille) quia ens est per se, & in virtute continet quidquid est in prima persona. Ad quam productionem sufficit d. distinctio formalis, & ex natura rei, quę est inter hunc Deum, vt sic, & primam personam, seu proprietatem constitutiuam eius. Nec inconuenit, quod hic Deus producat ipsum constitutum ex seipso, & prima personalitate: quia cum hoc saluator distinctio inter producentem, & productum. Et in creaturis id ipsum reperitur in productionibus accidentalibus, vt patet in aqua reducete se ad frigiditatem pristinam. Verum hæc imaginatio Scotica noua est, falsa, periculosa, & in eo, quod dicit personam patris esse productā, loquitur contra fidem, & contra modum loquendi sanctorum. Pater enim si esset productus, non diceretur principium Trinitatis. Et rursus si esset productus, produceretur quidē per intellectum, aut per voluntatem: nam in superioribus ostendimus omnem productionē in diuinis fieri per intellectum, & voluntatem, & ita pater esset genius, aut spiratus, quod est contra fidem. Sed dicit Scotus, quod ista productio prima personę sit immediata per essentiam, & communicando totam naturam, & quod idcirco erit generatio: & quod quando sancti dicunt primam personam esse improductam, quod loquuntur de illa productione, quę est suppositi ad suppositum, non tamen de illa, quę est ab aliquo per se ente non supposito. Et ita contendit dissoluere argumenta, quę militat contra prædictā imaginationem. Et concludit, quod cum deitas, & hic Deus sit de se communis tribus personalitatibus, quę non includit in suo conceptu, imò

*Quidem:
Thom.
scilicet
Scotum.*

verò ab illis differt ex natura rei de mēte Scoti, inuestigandum erat, per quid hic Deus, qui de se est communis determinatur ad primam personam? Nam non determinatur ex se formaliter & ex essentia sua: alias includeret in illo suo essentiali conceptu illam primam personalitatē, neque determinatur per actionem, vel productionem alterius: sicut determinatur respectu aliarum personalitātū, quia non est alius, a quo determinetur: ergo necessarium est dicere, ait Scotus, quod ipse hic Deus se determinet per naturalem quādam productionē, qua resultat prima personalitas, & producitur prima persona. Ceterum huiusmodi doctrina est falsa (vt diximus) & in modo loquendi plusquam erronea. Nam ponit in Deo tres productiones reales, & duas generationes, & consequēter ponit relationem realem producentis, & producti inter hunc Deum & patrē, quod ipse concedit Scotus. Et cum illarū relationes sint ex processione uiuentis, & per modum naturæ, erunt paternitas, & filiatio: ergo duo filij, & duæ filiationes distinctæ realiter: quod est hæreticum: & pariter erūt duæ paternitates saltē formaliter distinctæ. Nam hic Deus, vt abstrahit a tribus psonis, erit pater respectu primæ personæ & primæ productionis: & sic relatio talis paternitatis erit formaliter distincta a paternitate primæ personæ: quod non est intelligibile. Præterea inintelligibile est ponere productionē substantialē sine distinctione reali producentis, & producti, alias non est cur personæ diuinæ distinguantur realiter. Dicendum ergo ad fundamentum, & doctrinam imaginationis prædictæ, q. deitas, seu

hic Deus ex se habet sibi cōiunctam primam personalitatem, & non media aliqui productione, sed per omnimodam identitatem, quamuis nō adaquatam, neque conuertibilem. Alias verò duas medijs productionibus. Hæc ille Doctor.

Hunc dicēdi modum meritò quidem hic Doctor imaginationem appellat, sed immeritò & falsissimè Scotticam. Scotus namq; licet huiusmodi dicēdi modum loco citato referat, nō tamen eum sequitur, & approbat, imò eum phantasiā dictis sanctorum valde dissonam vocat, vt videre est ibidem litera D. Præterea, in eadem quæstione litera C, tribus argumentis probat prædictum modum dicendi nō esse tenendum: ergo Scotus illum non sequitur. Respōdebis, quòd licet Scotus illa argumenta contra prædictum modum loquēdi adducat, ceterū nō illa dissoluit, in quod videtur in eadem fuisse sentētia. Respondeo verum esse, quòd Scotus illa argumenta dissoluit, attamen solutiones non approbat, neque modum illum dicendi: nam positis solutionibus concludit sic: Qualiter autē improbabatur hæc phantasia tam dissona dictis sanctorum. Si igitur Scotus huiusmodi dicendi modum phantasiā dictis sanctorum valde dissonā esse cōcludit, quoniam pæcto dici potest in ea fuisse sententia, vt eum approbauerit? Deinde falsò imponit iste Doctor Scoto, quòd concedat distinctionem realem producentis, & producti inter hunc Deum & primā personam, quia dist. 5. q. 1. ibi, quantum ad primum probat essentiā diuinam, nec generare, nec generari, quia distingueretur realiter a personis, & dist. 4. eiusdem primi, q. 2. li-

Liberatur Scotus a calumnijs.

tera

tera A, & multis alijs in locis sapissimè faretur hunc Deum esse idè realiter tribus personis. Si igitur asserit hunc Deum esse idem realiter cum tribus personis diuinis, & distinctionem inter producentis, & productum faretur esse realem, quoniam pacto potuit asserere distinctionem producentis, & producti esse inter hunc Deum, & primam personam? Nec Scotus sibi ipsi cōtrarius existit, quia nullibi in suis scriptis inuenietur oppositum sensisse. En, benigne lector, quanta passim a D. Thom. interpretibus subtilissimo Scoto imponuntur testimonia absq; ratione & villo fundamento. Ratio huius est, vel quia ipsum non legunt, vel si legunt ob eius maximam ingenij, ac doctrinæ profunditatem, non percipiunt. Omnia ergo, quæ prædictus interpres cōtra Scotum in explicatione prædicti modi dicit, falsò ei imponit. Rursus imponit Scoto, quòd manserit dubius circa prædictum modum, quandoquidem illum phantasiã dicitis sanctorum dissonã esse affirmat, explicatque deinceps, quoniam pacto diuina essentia ad primam personam determinetur, cuius explicatio omnibus alijs præstat, facileque eas excellit, ac superat.

*Verba
formalia
Scoti.*

1. Nota.

Ad intelligentiã ergo Scoticæ explicationis circa determinationẽ diuinæ essentiæ ad primam substantiam primò obseruare oportet, quòd aliquid dicitur primum bifariã. Vno modo primitate adæquationis: alio modo primitate immediationis. Primum primitate adæquationis est, qd suo adæquatur principio, vel causæ. Sic corpus organicum potest dici primum perfectibile anima, id est, adæquatum. Primum verò primitate im-

mediationis est illud, quod inter plura ad vnum aliquid illimitatum comparata secundum aliquem ordinem prius, & immediatius illud attingit. Sic cor inter partes corporis organici ab anima perfectibilis est primũ, quia id, quod prius & immediatius ab anima perficitur, vt statim dicemus, est cor.

Secundo obserua, q; quando aliqua plura secundum aliquem ordinem respiciunt vnum aliquid illimitatum, respectu huiusmodi illimitati idem non est primum primitate adæquationis, & primitate immediationis. Exemplum huius. Sol vt causa illuminans totum medium, est quasi agens illimitatum, cui correspondent plures partes medijs illuminatæ, inter quas est ordo in cōparatione ad solem illuminantem, quia prius illuminatur pars propinquior, quam remotior. Primum autem primitate adæquationis, quod correspondet soli, vt illuminantis est totũ medium, vt includit omnes partes suas: non tamen illud totum medium est primũ primitate immediationis, sed pars propinquior soli illuminatur immediatius, quam pars remotior: & illa est primum, quod illuminatur a sole, primũ, inquam, primitate immediationis. Similiter anima, vt forma, est quodammodo illimitata, cui tanquam primum perfectibile per eam primitate adæquationis correspondet corpus organicum includens in se multas partes. Caterũ, quia in partibus huius corporis organici est ordo originis, seu naturæ in se, vel in habẽdo animam: primum enim est cor, deinde aliæ partes, vt docet Aristot. 16. de animalibus, idè anima, vt forma non primo, id est, æquè im-

*Specula-
tio Scoti
notanda.*

mediate, perficit totum corpus organicum, sed sic primo perficit cor, & mediante ipso alias partes. Ex quibus manifestè sequitur, non esse idè primum primate adæquationis, & primum primate immediationis respectu aliquius illimitati respicientis aliqua plura ordinem habentia ad ipsum. Si autè anima esset tota essentia cordis, & manus per identitatem, & tamen daret eis esse distinctum, quale modò & cum hoc cor, & manus nò essent partes eiusdem totius, sed essent supposita distincta, & similiter alix partes: tunc anima propter sui illimitationem haberet pro adæquato perfectibili omnia illa supposita, quæ modo sunt partes corporis: cæterum haberet vnum illorum suppositorum, scilicet cor, quod est primum origine pro primo, & immediato perfectibili. Ita in diuinis essentia diuina non habet aliquam vnam subsistentiam incommunicabilè sibi adæquatam, seu primam primate adæquationis, quia tunc non posset esse in alia subsistentia seu persona, & ita non esset in tribus, sed sic adæquantur ei tres personæ, inter quas est ordo in habendo naturam diuinam: propter quod essentia diuina primo primate immediationis respicit vnam personam, scilicet, patrem: omnes autem tres respicit primo primate adæquationis. Itaque sicut si essentia in ipsis personis esset sine ordine ex se primo, esset in tribus tam primate immediationis, quam adæquationis: ita nunc ex se est in tribus primate adæquationis, sed non ordinis, & immediationis, sed primo immediate est in vno illorum trium suppositorum, scilicet, in patre, & virtute illius in alijs, qui-

bus communicatur ab illo primo.

Sed rogabis, per quid est diuina essentia in prima persona? Responderet subtilis Doctor, quod ex se, & sua natura, quia non est aliquid ante primam personam, a quo possit poni in ea. Si dicas, quod datur hic Deus præintellectus personalitatibus, a quo possit poni: respondeo, quod cum hic Deus sit in prima persona, quæram ego, a quo ponatur in ea? Si a seipso, ergo vel per productionem aliquam, vel ex se formaliter. Si primum, ergo idem producit se ipsum. Si secundum, id ipsum ego dico de essentia. Si autem adhuc velis dicere (inquit subtilis Doctor) quod essentia diuina non est ex se in prima persona, sed per proprietatem determinantem illam, respondeo, quod eadem redit quæstio, per quid, scilicet, determinetur ad illam proprietatem determinantem, siue per quid primo, quasi pullulet in essentia illa proprietas. Et tunc, vel oportet procedere, in infinitum, vel oportet stare in essentia, & dicere quod ipsa de se est immediate in prima persona.

Sed obijcies. Si essentia diuina ex se determinatur ad primam personam, ergo non potest esse in alia.

Vt Scotus respondeat huic argumento, prænotat duplicem esse determinationem duplici indeterminationi oppositam. Prima indeterminationis est ad opposita contradictoriè. Sic materia prima est indeterminata ad formam, & ad priuationem seu negationem eius: quia potest sub vtraque esse vicissim: nec ex sua natura sibi vindicat, & determinat magis hanc formam, quam negationem eius, quia est

in potentia contradictionis passiva ad utrumque.

Determinatio est duplex.

Secunda indeterminatio est ad diuersa positiua: sic sol est indeterminatus ad plures effectus positiuos, ut ad producendam ranam, & plantam, ac similia. Ex his facile colligitur duplex determinatio huic duplici indeterminationi opposita. Alia namque est secundum quam res aliqua est determinata ad alteram contradictionis partem, sicut homo ad risibilitatem, ita quod ad oppositum contradictionis ipsi risibilitati non habet potentiam. Et hec determinatio opponitur primæ indeterminationi. Alia est determinatio ad vnum positium, sicut equus ad productionem equi.

Secundo obserua, quod determinatum ad plura positiua, est determinatum ad ea determinatione opposita indeterminationi ad opposita contradictionis. Sol namque est indeterminatus ad ranam producendam, & plantam: attamen sic est determinatus ad hæc, quod ad opposita his contradictionis nullam habet potentiam: sic namque habet virtutem ad producendum vermem, & ranam, quod non potest eam non habere. His suppositis respondet subtilis Doctor argumento: & dicit, quod tenet consequentia loquendo de determinatione secunda, quæ opponitur indeterminationi ad plura: sed in hoc sensu antecedens est falsum, quia diuina essentia non determinat sibi ad æquatè vnā personam, sed tres, & sic est indeterminata ad plura positiua. Sed non tenet consequentia, si in antecedente sermo sit de determinatione opposita indeterminationi ad opposita contradictionis, quia cum tali determinatione stat indetermi-

natio ad plura positiua distincta, ut diximus de sole. Sic diuina essentia cum hoc, quod sit determinata ad primam personam determinatione opposita indeterminationi ad opposita contradictionis (quia necessario est in prima persona, nec potest non esse in ea, vel esse sub negatione eius) est indeterminata ad distincta positiua, scilicet, ad distinctas personas, in quibus est.

Sed est dubium (inquit Scotus) quam circumstantiam principij notet illa præpositio, ex, vel, de, cum dicitur essentia ex se, vel de se determinatur ad primam personam. Videtur, quod non dicat rationem principij formalis, quia forma non est in eo, cuius est forma, nisi per actionem efficientis: ergo si diuina essentia, ut forma communicatur primæ personæ, erit in ea per actionem efficientis, quod in proposito non potest habere locum.

Respondeo, quod illa præpositio, ex, vel, de, importat rationem principij formalis, non quidem informantis: quia tunc requireretur actio efficientis causæ per quam vniretur materia, quam informaret: nam causæ intrinsecæ vniri non possunt, nec causare aliquid, nisi causa efficiens, & finali prius concurrentibus, ut docet Scotus in lib. de primo principio. ca. 1. conclusionem 9. Vnde ibidem conclusionem 8. docet omne causatum a causis intrinsecis necessario causatum esse a causis extrinsecis efficiente. s. & finali: sed dicit rationem formæ præcise dantis esse, sicut quidditas dicitur forma suppositi, ut humanitas forma hominis, & equitas forma equi. Licet autem omnis quidditas creata ad sui existentiam, & reale esse præexi-

*Dubita-
tio subti-
lis.*

*Respon-
sio
Sexte
gla.*

gat

gat causam efficientem, per quā fiat in supposito, non tamen id exposcit quidditas existens sub ratione quidditatis, & naturā existentis, quia necessario deueniendum est ad aliquam quidditatem primum existentē, quē se ipsa sit alicuius suppositi: aliter enim abiretur in infinitum, si omnis quidditas, vt existens ad sui existentiam praequereret causam efficientem sui vt de se patet. Hęc autē quidditas & natura per se existens, quā ad sui existentiam non praequerit causam efficientem, & quē primò est ex se alicuius suppositi, est diuina natura, quē ex se absque aliqua actione praeuia est quidditas, & natura primi suppositi, cui est idem perfecta identitate reali. Sicut generatio actiua se ipsa formaliter est prima entitas incommunicabilis primae personae in diuinis, vt docet Scotus quolib. 5. & nos idem docuimus in controuersia de constitutione diuinarum personarum.

Ad argumentum dico, quod omnem formam informantem necessariò præcedit causa efficiens, per cuius actionem sit in materia, & ei vniatur: sed non omnem formam quidditatiuam darem esse supposito, quia, vt diximus, abiretur in infinitum. Hac de hac dubitatione.

AD ARGUMENTA in principio articuli posita.

Ad 1. **A**D primum cōcessa maiori nego minorem. Ad probationē dico, quod illa regula, Ad negatiuā de prædicato finito sequitur affirmatiua de prædicato infinito, non tenet, nisi illud prædicatum infinitum di-

cat negationem extra genus contradictionē oppositam affirmationi. Ratio est, quia tenet prædicta regula per virtutem illius principij. scilicet a quocunque remouetur vnū ex contradictorijs, de eodem dicitur reliquum: sola autem negatio extra genus, vt nō lapsis, non videns opponitur contradictionē affirmationi. Negatio enim in genere, vt negatio visus in subiecto apto nato, non contradicit affirmationi, cæcitas enim non contradicit visui. Vnde non valet hæc cōsequentia. Lapis non est videns: ergo est nō videns, sumendo hanc negationem pro negatione in genere, quia tūc lapsis diceretur cæcus. Similiter, Petrus non est iustus: ergo est non iustus, nō tenet consequentia: nisi in consequente illa negatio sit negatio extra genus. Nam si sit negatio in genere, solū est iustitiæ priuatio; ac per consequens, non tenet illa consequentia quā inter iustum & nō iustum, si dicat negationem in genere, vt puta priuationē iustitiæ in subiecto apto nato datur mendacium. Ita in proposito, essentia diuina nō est genita: ergo est non genita, non tenet consequentia, nisi illa negatio sit negatio extra genus, quæ ē de non ente dici potest, vt de chimæra: chimæra namque erit hoc modo nō genita. Si verò dicat negationem in genere, essentia diuina nō dicitur nō genita, quia tunc non genitum cōnotat personam subsistentem aptam natam generari, saltem secundum rationem sui generis, id est, secundum rationem suppositi. Diuina vero essentia cū nō sit suppositū, nullo modo, vt sic, est apta generari, ac per consequens nō potest dici nō genita hoc modo. Ad posteriorem consequentiam dico, quod non genitum, vt di-

cit negationem extra genus non est idem quod ingeniū, de quod loqui mur in proposito.

Ad secundum.

Ad secundum respondet Scotus, quod nulla proprietates personarum in viam communem tenentem personas per relationes constitui, dicit aliquid ad se, scilicet, absolutum. Nec tamen oportet, inquit, omnem proprietatem dicere relationem positivè, sed sufficit, quod vel positivè, vel negativè. Dicere relationem positivè est referri, vel includere relationem. Negativè verò dicere relationem est non esse ad se, seu absolutum, vel negare relationem oppositam, sicut ingeniū negat relationem geniti, vel producti ab alio. Et hoc sufficit, ut dicatur ingeniū in divinis, non ad se, & absolutum sed relatiuum. Præterea, dicitur relatiuum, & ad alterū, quia absoluta sunt communia, relatiua verò non: & quia ingeniū soli patri competit dicitur ad alterum. Sed adverte, quod cum diximus ex Scoto non oportere omnem proprietatem in divinis dicere relationem, per proprietatem intelligimus, quidquid non prædicatur de tribus: nam si sermo sit de proprietatibus constitutivis personarum liquet, quod dicunt relationem positivè, imò sunt relationes positivæ.

Ad tertium.

Ad tertium patebit artic. seq.

ARTICVLVS II.

An negatio, quæ primo importat hæc vox, ingeniū, fundetur in paternitate sub propria paternitatis ratione.

1. Arg.

Pars negativa probatur, quia quous filius generaret, & esset pater, non esset ingeniū: ergo pater-

nitas, ut sic, non est causa illius negationis.

Secundo. Si in Deo esset tantum una persona, illa vere esset ingeniū, quia non procederet ab alio, & non ratione paternitatis: ergo fundamentum illius negationis non est paternitas, sed aliquid aliud ita conueniens primæ personæ Trinitatis, quod posset illi conuenire, etsi non generaret.

In hac quæstione illud certum est apud omnes Thomistas & Scotistas, scilicet, hoc nomen ingeniū, formaliter dicere negationem seu priuationem, sū genus geniti tertio modo sumptū in articulo præcedenti, quod cum sit negatio in genere, supponit aliquid, cui sū suum genus affirmatio non repugnat, ac proinde non dicitur de non ente. Caterum dubium est, (cum omnis negatio propria supponat affirmationem, ratione cuius conueniat ei, de quo dicitur) quæ sit illa entitas positiva in patre, ratione cuius sit illa negatio propria ipsius patris. Circa quod refert Scotus in 1. d. 2. q. 2. in responsione ad quæstionem quorundam opinionem asserentium proprietatem constitutivam primæ personæ esse innascibilitatem. Sic quod concipiendo solam essentiam divinam, & ingeniū, id est, non communicatum per generationem, seu solam negationem communicati actu per productionem, concipitur persona prima in divinis constituta in esse personæ non concepta paternitate, vel relatione aliqua, vel alia entitate positiva. Et consequenter assentit hæc opinio, quod fundamentum prædictæ negationis per ly, ingeniū, importata est divina essentia, ut non communicata actu per generationem. Hæc senten-

2. Arg.

1. Opin.

sententia innititur duplici rationi. Prima defumitur ex Augu. 5. de Trinit. cap. 6. ubi vult, quod si pater non genuisset, nihil prohiberet eum esse ingenuitum: ergo potest aliquis intelligi ingenuitum, quin concipiatur ipsum generasse, sed intelligendo ingenuitum intelligitur aliquid suppositum incommunicabile subsistens: ergo videtur, quod prius constituitur persona per ingenuitum, quam per paternitatem, vel aliquam aliam entitatem positum.

Secunda ratio. In ordine essentiali negatio ordinis ad prius immediatius sequitur ipsum primum, quam ordo eius ad secundum: ergo similiter in ordine personarum prius competit primæ personæ negatio ordinis ad priorem personam, quam ordo ad secundam: ergo prius intelligitur in diuinis prima persona ingenuita, quia per hoc dicit negationem ordinis ad prius, quam generans, per quod dicit ordinem ad posterius.

2. *Opinio.* Secunda sententia est communis, quæ assertit primam personam constitui in esse personæ per paternitatem, ac per consequens per illam sibi conuenire illam negationem importatam per hoc nomen, ingenuitum.

1. *Nota.* Ad huius questionis intelligentiam obserua ex Doctore vbi supra, in solutione ad argumenta, pro prima opinione, litera. M. quod nomen priuatiuum aliquando non connotat saltem primo, & immediate entitatem, ratione cuius competit subiecto, licet in re nunquam insit negatio talis præsertim propria, & cuius affirmatio repugnat suo subiecto, nisi talis affirmatio insit subiecto. Exemplum. Cecus non connotat, nisi oculum, qui est commune subiectum ca-

ecitatis, & visus, & tamen nunquam inest oculo per solam rationem oculi, sed per aliquam aliam entitatem posituiam, quam consequitur ista priuatio, ut puta, per talem mixtionem in oculo, cum qua non posset stare visio. Ita dicendum de hac voce, ingenuitum, quod primo importat negationem, sed non connotat, saltem expresse, nisi hanc affirmationem, scilicet, subsistentem in essentia diuina, quæ non est præcisa, & totalis ratio inhærentiæ talis negationis, seu ob quam talis negatio insit primæ personæ, quia filius est subsistens in diuina natura, non tamen est ingenuitus. Attamen negatio hæc, quæ hoc nomine, ingenuitum, importatur non inest in re, ut propria negatio primæ personæ, nisi per aliquam entitatem posituiam, quæ ei præintelligatur: sicut fundamentum præintelligitur relationi, siue ipsa sit paternitas, siue alia quauis entitas personalis, licet in re sit paternitas. Vnde ingenuitum quantum est ex ratione ingenuiti, non connotat determinatè patrem, sed subsistentem in natura diuina, cui per aliquam entitatem propriam ipsius constitutiuam conuenit illa negatio per se, ingenuitum, importata. Quod patet. Nam si prima persona prius spiraret, quam generaret, per inspirationem in esse primæ personæ constitueretur, & tamen non esset pater, cui tamen ratio ingenuiti conueniret: ergo ingenuitum ex ratione sua non connotat patrem, sed subsistentem in natura diuina, cui in re conuenit aliqua entitas posituiua, ratione cuius sibi talis negatio inest. Confirmatur hoc ex Augustin. quinto de Trinitate capit. sexto, dicente, quod si pater non genuisset nihil prohiberet ipsum dici-

ingenitum. Et quasi rationem assignans subdit. Et si signat quis filium non ex eo ipso est ingenuus, quia homines geniti alios generant: ergo ingenuum non connotat tanquam fundamentum proprium sui paternitatem sub ratione paternitatis. Ex his sequitur aliud esse nomen priuatiuum connotare aliquod subiectum, aliud vero priuationem importatam per ipsum præexigere aliquid positium in subiecto. Ly, ingenuum, non connotat tanquam proprium subiectum, vel fundamentum entitatem posituam, ratione cuius inest primæ personæ, licet ad id uiam esse illam necessario præexigat: sicut nec cæcum importat seu connotat entitatem posituam in oculo, scilicet, mixtionem talem, quæ est eius fundamentum, licet illam ad sui esse prærequirat.

2 Nota.

Secundo obserua, quod licet negatio, quæ per ly, ingenuum, importatur fundetur nunc a parte rei in paternitate, dubium tamen est, an super ipsam fundetur materialiter tantum, an uero formaliter, sic, quod talis negatio, ut puta, ingenuum esse, conueniat patri formaliter ex eo, quod persona relatiua est ad filium, seu per paternitatem sub ratione paternitatis, an uero ex eo, quod est persona habens ex se esse, & personalitatem, siue illa personalitas, seu entitas positiua sit relatiua, siue absoluta, siue paternitas, siue spiratio.

1 Concl.

His positis sit prima conclusio. Prima persona non constituitur formaliter in esse personæ per negationem. Probatur, quia omnis proprietates constitutiuæ personæ diuinæ est de se primo, & formaliter incommunicabilis, sed nulla negatio de se primo formaliter est incommunica-

bilis: ergo nulla ratione potest constitui per negationem prima persona in diuinis, nec aliqua alia. Consequentia tenet: maior probatur: quia persona efficitur formaliter incommunicabilis per proprietatem constitutiuam sui in esse personæ: ergo oportet huiusmodi proprietatem esse de se, & primo incommunicabilem, ut quo: sicut singularitas, seu differentia indiuidualis est primo singularis, tanquam quo, id est, tanquam id, quo res efficitur primo singularis. Patet consequentia, quia, sicut quod non est primo singulare, ut quo non potest primo efficere rem singularem, ita quod non est de se incommunicabile, & primo ut quo, non potest esse prima ratio constitutiuæ rei in esse incommunicabilis: ergo necessarium est omnem proprietatem constitutiuam personæ esse de se incommunicabilem, siquidem constituit rem primo in esse incommunicabili. Probo minorem argumenti: quia sicut negatio non est de se una, neque indiuisibilis aliqua diuisione, nisi per affirmationem, quam negat, cui primo repugnat diuidi: ita nec est incommunicabilis, nisi ratione suæ affirmationis; ergo, &c.

Secundo. Nulla negatio est propria alicui subiecto taliter, quod repugnet ei affirmatio, quam negat, nisi per aliquam affirmationem, & entitatem propriam subiecti, quam consequitur talis negatio: ergo non esse ab alio non est propria negatio primæ personæ, sic, quod repugnet ei esse ab alio, nisi quia eidem est propria aliqua affirmatio prior, quam consequitur talis negatio. Ista affirmatio prior non est essentia, quia est communis tribus; ergo est aliqua proprietas

prietas positiva: ergo per illam constituitur, & non per negationem inde consequentem.

Tertio. Si prima persona constitueretur per negationem, sequeretur, quod tres personæ diuinæ non vniuniformiter se haberent in ratione personalitatis: sed consequens est falsum: ergo. Probo sequelam: quia aliæ duæ personæ, scilicet, filius, & Spiritus sanctus, constituuntur per proprietates positivas, vt filius filiatione, & Spiritus sanctus spiratione actiua, pater verò constitueretur negatione: sequeretur etiam quod tres personæ non essent æquæ positivæ in quantum personæ, imò nec æquæ perfectæ, quia personalitas negatiua nō est ita perfecta sicut positiva.

2. *Concl.* • Secunda conclusio. Negatio per hoc nomen, inginitum, importata supponit in prima persona aliquam entitatem positivam, in qua fundetur, & ratione cuius sit propria eius. Hæc conclusio patet ex præcedentibus rationibus ad primam conclusionem positus.

3. *Concl.* • Tertia conclusio. Hæc entitas positiva, ratione cuius primæ personæ, scilicet, patri conuenit hæc negatio, inginitum, est paternitas. Probatur: quia hæc negatio in re competit primæ personæ per id, quo in esse personæ constituitur a parte rei: sed prima persona in diuinis secundum communem sententiam, ac veram constituitur in esse personæ per paternitatem: ergo per illam sibi competit talis negatio. Conclusio est etiam Scoti vbi supra, in solutione ad secundam pro prima opinione litera M. ac per consequens falsò nouissimus interpretes D. Thom. prima parte, questio, 3. articulo quarto, questio, 1.

imponit Scoto, quod secundum ipsum radix & fundamentum illius negationis est essentia diuina, vt non actu communicata. Fateor hoc apud Scotum reperiri: sed non valet consequentia: ergo Scotus hoc asserit, & affirmat: nā Doctores multa ex aliorum sententia referunt, sicut & ipse nouissimus facit. Si recte inspexisset Scotus, animaduertisset, quod illam ponit opinionem cum suis argumentis, sed arguit contra eam, & rationes eius soluit. Et satis a nobis conuisione prima est impugnata hæc opinio, quia essentia, vt non communicata, non dicit supra se, nisi negationem: ergo cum persona non constituitur per essentiam, quia est communis, nec per negationem ex dictis sequitur, quod illa sententia est falsa. Præterea, qua illa opinio non assignat fundamentum positivum negationis, sed negationem ipsam.

Quarta conclusio. Ratio fundamentalis præcisa, & adæquata fundans hanc negationem, inginitum, non est paternitas sub ratione paternitatis. Probatur, quia ratio inginiti, formaliter loquendo intelligi potest inesse alicui supposito, quin concipiamus illud suppositum, vt patrem; ergo impertinens est ad rationem inginiti, quod eius subiectum, vel fundamentum sit pater & generans, vel paternitas. Vel aliter. Tota ratio formalis, ac per se inginiti etiam cum debito fundamento potest concipi, non concepta paternitate: ergo ratio formalis, & præcisa inherentiæ talis negationis ad suum subiectum, non est paternitas, vt sic. Præterea. Quasi prima persona in diuinis constitueretur per aliquam entitatem absolutam,

vt volebat Ioannes de Ripa in 1. dist. 26. tūc conciperetur verē vt ingēnita, non concepta paternitate: ergo paternitas, non est ratio formaliter fundans negationem ingēniti. Et confirmatur. Quia tenentes personas cōstitui p̄ absolutā, & tenentes constitui per relationes circa primam personam conueniebant in ratione ingēniti: vtrique enim primam personam ingēnitam fatebantur: & tamē erat dissensio inter eos per quid primo talis negatio sibi inesset: ergo ratio ingēniti formaliter concipi potest, quin tanquam fundamentalem rationem eius concipiamus paternitatem. Vel inferatur sic: ergo formalis & præcisa causa inhærentiæ illius negationis non est entitas relatiua nec absoluta: alias enim concipientes oppositum, haberent in suo intellectu duo contradictoria. Est ergo ratio fundamentalis eius præcisa ac formalis entitas singularis incommunicabilis prima indifferens ad absolutū, & respectiuium: sicut id, quod primo importatur per hoc nomen, persona diuina, est subsistens, vt indifferens ad absolutum, & respectiuium, sicut diximus controuersia vigesima secunda, licet in re, & materialiter loquēdo illa negatio fundetur in paternitate, nec ī alia entitate fundari possit, licet secūdam suam rationem formalem, illam, vt fundamentalem rationem formalem, & præcisam non exposcat.

Sed obiicit nouissimus expositor, vbi supra propositione tertia in hūc modum. Impossibile est inuenire personalitatem absolutam, quæ fundet illam negationem: ergo illa ratio positiua fundans talem negationem est formaliter respectiua. Respon-

deo concessio antecedente, negando consequentiam, quia aliundē quam ex entitate respectiua nasci potest illa impossibilitas. Itaque dicimus, quod licet de facto, & in re non possit oriri illa negatio per ly, ingēnitū, importata, nisi ex ratione respectiua: ceterum rationi eius formali nō repugnat intrinsecē aliudē oriri: ac proinde ratio formalis fundamentalis eius ac præcisa non est entitas respectiua, quia, vt diximus, ratio ingēniti formalis absq. repugnantia ipsius rationis potest intelligi in re absoluta per entitatē absolutam vt rationem inhærendi.

Si autem in argumento intelligatur, quod talis impossibilitas nascatur ex ratione formali illius negationis, nego antecedens. Nam si talis repugnantia ex ratione formali eius dimanaret, non posset ratio formalis ingēniti concipi, vt fundata in entitate absoluta: sed hoc est manifestē falsum, quia qui conciperet suppositū non habens esse ab alio constitutum, per entitatem absolutam, conciperet sanē id, cui tota ratio formalis ingēniti conueniret: ergo ex formali & intrinseca ratione huius negationis, ingēnitum non prouenit, quod huiusmodi negatio non possit reperiri in re absoluta, sed aliunde. Præterea. Illa entitas est propria formalis ac fundamentalis ratio alicuius negationis, quæ posita ponitur, quæ sublata tollitur: sed sublata per intellectū paternitatem a prima persona nō tollitur apud eundem intellectum hæc negatio, ingēnitum, quia adhuc sub illa potest absq. repugnantia concipi prima persona: ergo paternitas non est formalis fundamentalis ratio illius negationis. Et confirmatur, quia

quia illa negatio, ingenitum, se habet ad rationem suam fundamentalem, quasi formalis effectus ad suam formam: ergo si paternitas esset formaliter fundamentalis, ratio illius negationis, illa posita poneretur, & illa præcisa, & ablata tolleretur: sed ablata paternitate saltem apud intellectum non tollitur negatio ingeniti, ut diximus: ergo non fundatur formaliter in ea. Probo primam consequentiam a simili. Nam, quia album est formalis effectus albedinis, posita albedine ponitur, ipsa vero etiam per intellectum tantum præcisa, non potest ratio albi manere: ergo a simili in proposito: ergo ratio fundamentalis formaliter fundans illam negationem saltem præcisa & adequata, non est entitas respectiva, ut puta, paternitas, licet in re ita sit, quod ipsa est ratio inherentiæ talis negationis. Sed aliud est loqui de rebus formaliter, aliud vero materialiter: nuncautem sermo est de rebus formaliter, ad quem conditiones impossibiles non parum iuuant: per illas namque, quid ad rationem rei formalem, quid vero non pertineat, agnoscimus. Nam, si hoc vel illo per intellectum præciso & secluso, salua, & integra manet ratio rei formalis apud eundem intellectum, signum euidentius est, illud ad rationem rei formalem minime spectare. Si vero sine hoc vel illo rationi rei formalis apud intellectum salua consistere nequit, euidentius sequitur, illud intra huiusmodi rationem formalem contineri. Si enim præcisa per intellectum resistibilitate potest conceptus essentialis hominis manere, constat sane resistibilitatem ad rationem hominis essentialem haud quamquam spectare.

Sed oppositum huius doctrinæ videtur tenere nouissimus D. Tho. interpres loco supracitato in probatione tertiæ propositionis. Ait enim sic, Neque refert dicere, quod si esset in Deo vnica persona absoluta tantum, illa fundaret rationem ingeniti & innascibilitatis: quia illa conditio est impossibilis, & ideo non variat formale fundamentum illius negationis, quod est, quod verè & realiter fundare potest negationem. Et subdit confirmatione. Sicut si esset alius Deus possibilis tunc Deus diceret, & significaret rationem communem, sed inde non sequitur, quod modo significet rationem communem. Adde etiam (inquit) quod licet illa negatio possit oriri ex alio fundamento, non sequitur, quod modo de facto non fundetur in paternitate, quia eadem negatio potest habere diuersas radices & fundamenta. Hæc ille Doctor.

Ex his manifestè patet, prædictum Doctorem affirmare, quod quando conditio est impossibilis, quamuis ipsa admissa maneat intellectus & conceptus formalis rei, non sequitur, quod illud, quod secludimus, sit extra rationem formalem rei. Sed sane in hoc decipitur omnino: nam illa consequentia est formalis & necessaria. Nam hæc est vera propositio in bona metaphysica, Illud, sine quo habetur conceptus formalis & essentialis rei apud intellectum, non est de ratione formali eius. Et similiter est vera hæc propositio, Illud, quo præciso per intellectum non saluatur conceptus essentialis rei, est de eius essentia & ratione formali. Ad confirmationem dico, quod ex illa conditione impossibilis admissa infertur, quod

vnitas singularis est de ratione intrinseca deitatis, siquidem natura deitatis destruitur per positionem alterius Dei. Sicut igitur destructa rationalitate destruitur essentia hominis; ita destructa vnitate singulari deitatis destruitur essentia, & conceptus eius formalis: est namque vnitas singularis de conceptu formali deitatis, & absque contradictione ex terminis proueniente non potest concipi, vt communis pluribus dijs. Exemplum ergo non est ad propositum: quia ibi conditione impossibili admissa non manet conceptus essentialis, & formalis Dei: admissa vero hypothese, quod in diuinis non esset nisi vna persona, vel quod prima persona constituitur per entitatem absolutam adhuc manet ratio, & conceptus ingenui in ea. Quæ autem conditiones impossibiles sint admittendæ, quæ vero non in disputationibus, diximus controuersia decimaquinta. Si autem illa negatio ex alia radice oriri potest, quam ex paternitate, saltem sequitur, quod paternitas non est præcisa, & adæquata ratio inhærentiæ illius negationis.

5. Concl.

Quinta conclusio. Formale fundamentum huius negationis, ingenuum, non est paternitas sub ratione paternitatis, sed sub ratione entitatis hypostatice primæ: ita quod ratio adæquata præcisa, ac formaliter fundans illam negationem est entitas singularis incommunicabilis prima, indifferens ad absolutum, & respectuum.

Prima pars probatur, quia prima persona non ex eo, quod pater est, est ingenua, siquidem prima persona etsi non genuisset, posset dici ingenua ex Augusti. supra citato. Ait enim sic. Etsi filium non genuisset, nihil pro-

hiberet eum (scilicet primam personam) dicere ingenuum: etsi gignat quisque filium non ex eo ipso est ingenuus, quia geniti homines gignunt alios. Et c. 7. eiusdem quinti de Trinitate ait. Nec ideo quisque pater, quia genitus, nec ingenuus ideo, quia pater. In quibus verbis expresse affirmat Augustinus paternitatem non esse rationem formalem fundandi illam negationem ingenuum, licet de facto, & in re ita sit.

Secunda pars eiusdem conclusionis probatur, quia posita entitate prima singulari incommunicabili ponitur illa negatio, ingenuum, & illa sublata tollitur, & ex eo, quod prima persona habet illam est ingenua: ergo illa est ratio adæquata formalis, ac præcisa illius negationis.

Iuxta hæc diffiniri potest, a conditione per se formaliter requisita in producente per memoriam secundam in diuinis sit necessario paternitas sub ratione paternitatis. Et teneo partem negatiuam. Nam in producente per memoriam sufficit cum ipsa meliora conditio suppositi, seu entitas suppositalis: & hæc requiritur per se, non autem, quod sit relatiua, neque quod sit absoluta. Probat. Quia ad agendum sufficit principium quo, & quod, sed habita memoria secunda in supposito quocunque priusquam sortum emisserit, habebit principium quo, & quod: ergo non requiritur aliud: ergo tanquam conditio per se requisita ad agendum per memoriam secundam sufficit ratio suppositi abstrahendo ab absoluto, & respectiuo. Confirmatur. Nam si prima persona prius produceret Spiritum sanctum, quam filium, cui communicaret memoriam suam

Notabile contra multos.

suam fecundam, absque dubio Spiritus sanctus per illam produceret filium, sicut modo filius, quia pater sibi communicat voluntatem fecundam priusquam per illam aliquid producat, simul cum patre per eam producit Spiritum sanctum: ergo conditio per se requisita ad producendum per memoriam non est paternitas. Præterea. Si pater produceret per fecunditatem naturæ filium, ut voluit Durandus, licet malè, & cum hoc pater communicaret filio suam memoriam, quæ esset fecunda ad productionem verbi, sicut modo, tunc filius per eam produceret verbū sicut pater: ergo paternitas nõ requiritur tanquam conditio per se formaliter requisita ad producendum per memoriam, licet de facto ita se res habeat. Ex his sequitur, quòd ratio, ob quā filius non producit, non est, quia inesse suppositi non constituitur per paternitatem, quæ in re est conditio generātis in diuinis, sed quia memoria fecunda sibi a patre communicata, prout in patre præintelligitur (antequam sit in filio) habuisse suā productionem, & productū ad æquā tū sibi intēsiuè & extēsiuè. Nā si illa memoria fecunda prius filio cōmunicaretur, quā emitteret fetum per illam produceret, sicut in modo propter volūtatem, quia sibi communicatur a patre fecunda ante producti emissionem, seu productionem.

Ad argumenta pro prima opinione, prima conclusio impugnata. Ad primum concedo antecedens cū consequentia, & similiter minorem subsumptam, sed nego consequentiam, quæ illam subsequitur, quia illa negatio nõ conuenit cuiquam, nisi supposita entitate positua, per quā

constituatur in esse suppositi, siue sit relatiua siue absoluta. Argumentum ergo concludit posse concipi ingenitum subsistens, quin concipiatur, ut generans, vel ut pater, nõ tamen potest concipi, quin concipiatur entitas positua, per quā talis negatio inest, non sub ratione paternitatis, sed sub ratione formæ hypostaticæ: quia huiusmodi negatio necessario supponit affirmationem, per quam inest subiecto.

Ad secundum dico, quòd antecedens est verum in ordine essentiarū, vbi primum est ens absolutum: quia illud non constituitur in esse per ordinē ad posterius se, sed per aliquid absolutum: non tamen est verum in ordine personarum, vbi prima & secunda persona sunt res relatiuæ, constitutæ in suo esse, per relationes. Quia ibi prima constituitur per ordinem, & relationem ad secundam, ac proinde ordo ad secundā, quasi præcedit negationem principiat: sicut cōstitutiuum formale entis positui præcedit in eo negationem alicuius entis sibi repugnantis, sicut rationalitas in homine præcedit negationē irrationalitatis.

Secundo respondeo, quòd antecedens est verum, vbi natura primi non est eadem numero cum natura secundi, quia ibi negatio principiat, scilicet, ingenitum, sequitur naturam primi antequam intelligatur ordo ad secundum, quia illud primum constituitur in suo esse per entitatem absolutam, & non per ordinem ad secundum. Sed vbi est eadem natura primi, & secundi negatio principiat in primo non sequitur naturam absolutam, sed aliquam proprietatem relatiuam, quia eadē natura nume-

ro non poteſt eſſe in duobus abſolutis. Propter quod ubi eſt eadem natura numero in primo, ac ſecundo conſtitutum primi eſt ordo ad ſecundum: ac proinde ad negationem perly, ingeneritum, importatā convenientem illi primo relatiuo ſupponitur relatio ad ſecundum, ratione cuius ſibi ineſt talis negatio. Hac ſolutio redit in idem cum præcedenti.

AD ARGUMENTA in principio articuli poſita.

Ad argumenta poſita in principio articuli dico, quod probāt noſtram quintam conſuſionem, & ideò concedantur.

ARTICVLVS III.

*An inſpirabilitas debeat cōſtitui ſex-
ta notio.*

Circa tertium articulum videtur, quòd inſpirabilitas ſit notio patris & filij, vel ſaltem filij. Primo innaſcibilitas ex articulo præcedēti eſt notio patris: ergo inſpirabilitas eſt notio patris & filij. Probatur conſequentia: quia ſicut competit patri ſolui eſſe ingeneritū, ita patri & filio eſſe inſpiratos. Si dicas, inſpirabile non dicere aliquam dignitatem bene tamen ingeneritum, & ideò inſpirabilitas non eſt notio, bene tamen innaſcibilitas, quia notio dicit dignitatem in eo, in quo eſt: contra, quia æqualis dignitas eſt in patre, & filio non ſpirari, ſicut in patre non generari. Si reſpondeas aliter, dicendo, quòd ingeneritum dicit non productum, ſub quo continetur inſpirabile, bene. n. ſequitur, non productum, ergo non

ſpiratum, non tamen eſt cōuerſo, quia filius non eſt ſpiratus, & tamen eſt productus, propter quod nō eſt alia notio ab eo, contra, quia ingeneratio eſt tantum in patre, inſpiratio verò in patre & filio: ergo hac nō eſt illa, ac ita eſt diſtincta.

Propter iſta argumenta tenet Scotus probabiliter inſpirabilitatem eſſe notionem, ac ita poſſe poni ſex notiones. Sed hoc tenet cum moderatione, ut puta, ſi non adducatur aliqua alia bona ratio, propter quā inſpirabilitas non ſit ponenda notio diſtincta præter eas, quæ vique ad ſuū tempus excogitate ſunt. Sed contra, quia omnes Doctores Theologi imitati ſanctos dicunt eſſe quinque notiones: ergo ponere ſex eſt contra omnium ſanctorum & Doctorū ſententiam.

Ad huius rei intelligentiam notandum, quòd quatuor conditiones requiruntur ad notionem, (quæ eſt ratio, per quam nobis perſona diuina innotefcunt) ſecundum communem opinionem, & uſum Doctorū. Prima, quòd non ſit communis tribus: quam ob cauſam voluntas diuina non eſt notio, quia eſt communis tribus. Secunda conditio, quòd dicat aliquid ſpeciale: propter quod produci a patre non eſt notio, nec filij, nec Spiritus ſancti. Tertia, quòd pertineat ad dignitatem, ob quā cauſam non producere aliam perſonam nō eſt notio Spiritus ſancti, quia hoc nō dicit dignitatem. Et ſimiliter, quod Spiritus ſanctus non generetur non eſt notio: quia in perſona, quæ produci-
tur, quòd non generetur, non eſt dignitas: quia, ſi generaretur, eo ipſo haberet dignitatem ſpirandi, ſicut eā
habet filius.

Nota.

Sed

Sed contrā. Esse innascibile dicit negationē, & ens rationis: ergo nullo modo pertinet ad dignitatem patris. Respondetur, quod dignitas aliquando significat ens reale, vt esse sacerdotem, esse Episcopum, quia dicit realem characterem. Aliquando verò dicit nō aliquid reale, sicut esse Papam, esse regem: solum enim important relationem rationis ad subditos. Imò dico, quod multæ negationes pertinent ad dignitatem, vt q rex non habeat superiorem in temporalibus, nec Papa in aliquo. Ad eundem modum dico, q patrem æternum non habere principium est dignitas quadam ipsius patris, cuius causa ad ipsum diriguntur omnes Ecclesiæ orationes: non tam quia ipse est principium filij, & Spiritus sancti, quam, q ipse principium non habet, quod si haberet, non ad patrem, sed ad principium patris Ecclesia suas orationes dirigeret. Quarta conditio, q notificet, quod per aliam notionem notificatum non erat: ob quam causam inspirabilitas non est notio filij, quia filiatio declarat filium non spiratum.

1. Concl.

Hoc posito sit prima conclusio.

Opinio asserens in diuinis esse sex notiones est in fide tutissima. Primò, quia nec in sacra scriptura cōtinetur, nec in aliquo Cōcilio diffinitum est, nec aliquis sanctorum patrum antiquorum docuit non esse plures, quā quinque notiones. Contra, quia sancti patres antiqui dicunt esse quinque notiones: ergo in hoc dicunt non esse plures: nam si plures essent, plures ponerentur ab eis. Respōdeo, quod etiam si sancti patres antiqui dixissent esse quinque notiones si nō dicunt non esse plures, vt reuera non

dicunt, colligitur quidem esse quinque, sed quod non sint sex, non colligitur: & argumentum ab autoritate negatiue non valet. Cōtra, quia, si sunt sex, quare non dixerunt esse sex? Respondetur, quod causa potuit, quia illis erat notum, an innascibile, non tamen erat notum, an præter illas esset alia notio. Et ita docuerunt esse quinque, quas cognouerunt, aliam verò notionem, neque posuerunt, neq; cognouerunt. Quod hoc exemplo declarari potest. Nā D. Ambrosius non erat notum, an innascibile, & ingenitum esset proprium patris. Tunc, si Ambrosius rogaretur, quot essent notiones, responderet, quatuor, scilicet, paternitas, filiatio, spiratio actiua, & pcessio: quia Ambrosius loqueretur de notionibus sibi notis. Ex hoc autem non colligetur, quod ex sententia Ambrosij nō essent quinque notiones, sed solum, quod Ambrosius non fecit mentionem de quinta notione, & si sequeretur, quare quinta addita est contra Ambrosium? Sic etiam ex eo, quod sancti patres ponunt quinque notiones, non sequitur, q contra eorū sententiam sit ponere sex: quia ipsi posuerunt quinque, quas cognoscebant, an verò essent plures posteris inquirendum reliquerunt.

Secundo probatur ratione ex D. Th. desumpta, vbi supra, art. 4. Quia secundum ipsum licitum est contrariè opinari de notionibus, qñ nulla opinio cōtraria derogat fidei Catholice circa mysteriū sanctissimæ Trinitatis: sed q sint sex notiones, vt sentit Scotus, nullo modo derogat fidei Catholice circa mysterium Trinitatis, quia cū sex notionibus a quæ bene saluantur omnia, quæ pertinent

ad

ad fidem Trinitatis, ſicut cū quinque tantum: ergo licitum eſt opinari ſex eſſe notiones. Item, quia omnes Doctores ſcholaeſtici, qui tenent notiones eſſe quinque, hoc defendunt, vt probabilius: & quamuis recedant ab opinione Scoti, omneſtamen eam in fide eſſe tutiſſimam arbitrantur.

2. *Concl.* Secunda conſuſio. Nullus ſanctorum patrum antiquorum vnquā dixit eſſe quinque notiones, ſed huic rei occaſione dedit Aug. 5. de Trinit. cap. 6. qui dicit in patre eſſe duas notiones, genitorem eſſe, & ingentium eſſe. Ait enim ſic. Ideoque alia notio eſt, qua intelligitur genitor, & alia, qua ingentus. Idem dicit Magiſter in 1. diſt. 28. & 29. Ex quo auctores ſcholaeſtici duo collegerunt. Primo eſſe quinque notiones, quatuor poſitiuas, de quibus ſatis conſtat, & quintam negatiuam, ſiue priuatiuā, ſcilicet, innafciſibilitatem, quam Auguſt. ait eſſe diſtinctam notionem a paternitate, & conſequenter ab alijs notionibus poſitiuis: & in hoc conſentit Scotus cum illis.

Colligunt ſecundo, non eſſe plures, quā quinque notiones. Sed hoc, ait Scotus, non bene colligitur ex dicto Auguſtino. Hac enim conſequentia non eſt bona, vt ſatis patet. In patre ſunt dię notiones, paternitas, & innafciſibilitas: ergo nō ſunt plures, quā quinque notiones: ſed ſequitur eſſe quinque, alijs, de quibus non eſt dubium, enumeratis.

3. *Concl.* Tertia conſuſio. Doctor ſubtilis non tenet abſolutē inſpirabilitatem eſſe ſextam notionem, ſed cum inoderamine, vt puta, dummodo non aſſignetur aliqua bona ratio, ob quā cogamur dicere eam nō eſſe notionem, vt patet in eius litera. Ob quam

cauſam diligenter inquirendum eſt, an talis ratio aſſignari poſſit.

Ad quod efficiendum primo obſeruare oportet, quod omnis priuatio, & negatio notificatur per poſitiuum, quod negat, vt tenebroſum, & non lucidum notificatur per lucidū. Vnde colligitur, quod generaliter loquendo nulla negatio, aut priuatio eſt proprie notio, quia ipſa non tam notificat, quā notificatur per poſitiuum, quod negat. Et ob hanc cauſam inſpirabilitas, quæ dicit negationem, & priuationem ſpirationis non eſt notio.

Nota ſecundo, quod innafciſibilitas, etiam ſi ſit negatio, & priuatio habet rationē notionis propter tres rationes, quæ in illa, & non in alijs negationibus inueniuntur. Prima: quia apud nos pater, & ingentium ſeparata inueniuntur, quia nullus eſt pater, qui ſit ingentus, id eſt, nō productus: ſed omnes producti ſunt ab alijs patribus, vt filij omnes Adami. Vel ab ipſo Deo ſolo, vt Adā, & Eua. Et ideo in patre æterno præter paternitatem ponitur notio innafciſibilitatis, ad denotandum, quod pater æternus non producitur ab alio, ſicut patres creati. At verò apud nos nullus eſt filius, qui ſpiretur. Et ideo inſpirabilitas non eſt alia notio filij: quia eò ipſo, quod intelligitur eſſe filius, intelligitur non ſpirari. Hoc amplius declaratur. Memoria noſtra, id eſt, intellectus cum ſpecie, quæ ab Aug. vocatur parens, repræſentat patrem æternū. Hac non eſt ingenta, id eſt, improducta: nam intellectus producitur a Deo, ſpecies verò producitur a Deo, ab intellectu agente, & phantaſmate. Vt ergo intelligamus, quod pater æternus, quē repræſentat me-

moria

memoria, non producit ab alio, sicut memoria nostra producit, ideo sancti ad declarandum hoc vtuntur innascibilitate. At verò verbum nostri intellectus, quod proles, & filius memoriæ dicitur, non habet, quod sit spiritum per voluntatem eo ipso, quod est verbum. Et ideo in filio æterno, quem repræsentat, præter filiationem non oportet ponere notionem inspirabilitatis, quia eo ipso, quod est filius & verbum intelligitur non spirari.

Secunda ratio est. Ad magnam dignitatem patris pertinet, esse primum principium: ob quam causam Ecclesia catholica magna ex parte ad ipsum orationes dirigit. Esse autem primum principium dicit negationem prioris principij: nam primum principium est principium, quod non habet principium. Ad quam negationem notificandam sancti patres conuenienter vsi sunt notionem innascibilitatis.

Tertia ratio est. Quia, si in Deo essent duæ personæ innascibiles, id est, non productæ, eo ipso non esset vna natura diuina tantum, sed duæ, quia implicat eandem naturam numero esse in duobus suppositis absolutis: & ideo ad declarandum vnitatem diuinæ naturæ sancti patres docuerunt innascibilitatem esse propriam vni personæ, scilicet, patri.

Secundo dico, quod filium non spirari declaratur in hoc, quod spirat, quia Spiritus sanctus habet omnem rationem spirari. Supposita enim fide, quod Spiritus sanctus spiratur, ipsa ratio naturalis docet, quod non sunt duo spirati in Deo: quia, si sunt duo spirati, eadē ratione possunt esse infiniti, & si possunt, sunt, vt supra cō-

trouersia nona docuimus. At vero, licet in hoc, quod pater generet, includatur, quod pater non generetur, quia filius genitus includit omnem rationem generati, tamen ratio naturalis non euidenter ostendit (licet ostēdat probabiliter) quod pater non producatur ab alia persona aliogenere productionis. Et ideo ad ostendendum, quod pater nullo genere productionis producit, sancti vtuntur notionem innascibilitatis. Nec obstat, quod innascibilitas sit negatio, & quod notificetur positivè per positivum, quod negat: quia ad rationē notionis sufficiūt quatuor prædictæ conditiones, & non requiritur, quod non notificetur per aliud. Alioquin paternitas, quæ notificatur per filiationem, quæ est relatio sibi opposita, & filiatio, quæ notificatur per paternitatem, non essent notionēs.

AD ARGVMENTA in principio articuli posita.

AD primum cōcedo antecedēs, *Ad 1.* & nego consequentiam. Ad probationem concedo, quod patri & filio competit esse inspiratos, sicut soli patri esse ingeneritum: attamen ingeneritum est vera notio patris, non tamen inspirabile ob rationes in tertia conclusione positas. Ad probationem dico, quod non esse ab alio simpliciter dignitatem dicit, non tamen hoc, quod est non esse ab alio, hoc vel illo modo: ac proinde ingeneritū, quod simpliciter negat id, cui competit esse ab alio, est notio ad dignitatem pertinens, non tamen inspirabile, quod solum negat esse ab alio hoc, vel illo modo, & non simpliciter.

AR.

ARTICVLVS IV.

An ſint tantum quinque notiones.

DE quarto articulo dico breuiter, q̄ in diuinis ſunt tantum quinque notiones, vt puta, innafcibilitas, paternitas, generatio, communis ſpiratio, & proceſſio. Quod probatur authoritate omnium ſcholasticorū, & etiam Doctōris ſubtilis, qui ſentit eſſe tantū quinque notiones, niſi aliqua bona ratio aſignetur; ob quam inſpirabilitas non ſit tanquam ſexta notio ponenda, cuius nos ſupra optimam aſignauimus rationem.

AD ARGUMENTA
in principio controuerſiæ poſita.

Ad 1.

AD primum ex dictis ſatis patet eius ſolutio: aſignatæ namq; ſunt rationes, ob quas inſpirabilitas a ratione notionis eſt excludenda, non tamen innafcibilitas.

Ad ſecundum dico, quòd gene- *Ad 2*
ratio actiua, & paternitas, ſunt omnino idem, & ſecundum rem, & ſecundum ſuas rationes formales, vt controuerſia vigefimatertia docuimus. Sunt etiam omnino idem in ordine ad cōceptus earum integros atque perfectos, vt eodem loco diximus: ac proinde non ſunt notiones diſtinctæ, nec vt tales conſtituendæ. Idem dicendum de filiatione, & generatione paſſiua inter ſe. Si autē ſunt diſtinctæ ſecundum modum concipiendi imperfectum, hoc non ſufficit ad hoc, vt ſint notiones a paternitate, & filiatione diſtinctæ. Innafcibilitas verò, & paternitas ſic ſe habent, q̄ conceptus integer haberi poteſt de innafcibilitate, nulla paternitatis mentione facta: quia etſi prima perſona non produxiſſet aliam, nihil prohiberet ipſam dici ingentā & innafcibilem: ac proinde innafcibilitas tanquam notio a paternitate diſtincta ponenda eſt.



CONTRORSIA

VIGESIMASEXTA.

Verum identitas, similitudo, & æqualitas sint relationes reales in diuinis.

1. Arg.



ARS negatiua probatur. Non est alia æqualitas in parte in ordine ad filium, & alia in filio in ordine ad patrem: ergo æqualitas patris ad filiū non est realis, & pari ratione nec æqualitas filij ad patrē. Probo consequentiā: quia æqualitas, quæ est relatio realis equi parantiæ, requirit necessariò relationē realem distinctā sibi correspondētem in alio extremo. Antecedēs probatur. Quia forma eiusdem rationis non numeratur nisi per materiā: sed æqualitas in diuinis est forma eiusdem rationis: ergo nō potest ibi plurificari, cum nō sit ibi materia: ac per consequens non est in patre, & filio alia, & alia æqualitas.

2. Arg.

Secundo. Si in patre est alia æqualitas ab ea, quæ est in filio, pari ratione & alia ab ea, quæ est in Spū sancto: & tūc æqualitati in filio, & æqualitati in Spiritu sancto correspondebit in patre alia, & alia æqualitas, quæ correlatiua cōmultiplicantur: igitur in patre erūt duæ æqualitates, quod non parum videtur inconueniens.

3. Arg.

Tertio. Si identitas, similitudo, & æqualitas sunt relationes reales, ergo æqualiter sunt distinctæ, sicut relationes originis: ergo ita pōt constituitur personas, sicut & relationes originis: si autem possunt constituitur, ergo cōstituunt, quia in diuinis idem

est posse, & esse, non enim potest potentia esse sine actu.

Quartò. Si æqualitas, similitudo, & idētitas essent relationes reales in diuinis, sequeretur, qd in Deo essent plures relationes, quam quatuor: sed consequens videtur erroneum: ergo illæ relationes non sunt reales.

Quintò. Aequalitas realis aliquorum non est, nisi relatio sū magnitudines eorum commēsuratas inter se: ergo æqualitas, quæ est relatio realis, necessario est inter aliqua secundū plures magnitudines eorū adinuicem cōmēsuratas: sed in personis diuinis non sunt plures magnitudines, quæ ad inuicem cōmēsurētur, vt patet: ergo æqualitas, quæ est inter diuinas personas, non est realis.

Sextò. Aequalitas conuenit diuinis personis secundum substantiam, sicut vult Aug. 5. de Trin. cap. 7. ergo non plurificatur realiter in personis, & per consequens non est realis. Patet consequentiā: quia in diuinis solum relatiua multiplicantur.

IN hac controuersia sic procedam. Primo inquiram de fundamento æqualitatis, similitudinis, & identitatis in communi. Secundò, quid possit assignari fundamentum æqualitatis in diuinis, & si sint plura fundamenta, quæ, & quot sint. Tertio de quæsito. Vltimo ad rationes.

ARTICVLVS PRIMVS.

Quod sit fundamentum æqualitatis, similitudinis, & identitatis in communi?

L. Nota.

Æqualitatis similitudinis & identitatis duplex fundamentum.

Circa primum articulum aduertendū ex Doctore subtili in primo, distinctione de cimanona, qua tione prima, quod de æqualitate, similitudine, & identitate possumus bifariā loqui. Primò propriè & stricte: secundo cōiter. Loquendo de eis primo modo diuersis generibus, & prædicamentis appropriantur: vt identitas substantiæ, æqualitas quantitati, similitudo verò qualitati. Fundamentum harum relationum est duplex. Aliud remotū, aliud verò proximum. Fundamentū remotū est res illius generis, cui appropriatur: videlicet, æqualitatis fundamentum est res de genere quantitatis: similitudinis res de genere qualitatis: identitatis verò res de genere substantiæ. Proximū verò fundamentū, vel ratio proxima fundādi est vnitas talis rei: quod innuit Arist. 5. Meta. c. de relatione, cum ait: idem simile, & æquale fundari super vnū. Illa enim (inquit) sunt eadem, quorum substantia est vna: illa similia, quorum qualitas est vna: illa verò æqualia, quorum quantitas est vna. Et ratio est aperta, quia super rem talis generis, vt diuersa, fundantur relationes disparatæ. Nam relatio fundata in albedine, vt diuersa a nigredine, est dissimilitudo: ergo ratio similitudinis fundatur super albedine, vt vna in vtroque extremo. Sed hæc vnitas, in qua proxime fundantur istæ relationes communes, nō est vnitas numerica: quia idem nume-

ro nō potest esse commune pluribus in rebus creatis, sed est vnitas specifica realis minor vnitate numerali, de qua in controuersijs secundi plura dicimus contra multos male loquentes contra Scotum.

Loquendo vero de prædictis relationibus communiter, & large, in omni genere, & etiam extra genus reperiuntur. Ad cuius intelligentiam obserua, quòd hæc tria substantia, siue essentia, qualitas, & quantitas possunt accipi bifariam. Primò stricte, & propriè, & sic constituunt tria prædicamenta: secundo communiter, & impropriè, & sic in omni ente reperiuntur. De substantia patet, quia impropriè, & communiter sumitur pro essentia, quæ in omni ente reperitur: quodlibet enim ens habet necessario suum quid, id est, suā essentiam: qualitas etiam omne ens circuit in ea significatione, in qua Philosophus 5. Metaphysic. cap. de qualitate differentiam essentialē esse qualitatem ait: & Porphyrius eādem differentiam in quale quid prædicari, affirmat: vbi eam quodammodo qualitatem vocat ob similitudinem cum qualitate. Sicut enim per qualitatem quales dicimur, licet accidentaliter, ita per differentiam essentialē quales sumus, & nuncupamur, essentialiter tamen. Similiter quantitas impropriè, & per similitudinem ad quantitatem molis, quæ dicitur quantitas virtutis, & perfectionis in omni genere, & etiam extra genus inuenitur: quodlibet enim ens quantum habet propriam magnitudinem suæ perfectionis. Ex his infertur, quòd omne ens potest tribus modis considerari. Primo per modum habentis quidda-

ditatem & essentiam : secundo per modum entis habentis propriam perfectionem , & virtutis quantitatem : tertio per modum qualitatis , siue qualis . Sicut igitur substantia , qualitas , & quantitas in omni genere , & ente reperiuntur , quæ sunt fundamenta æqualitatis , similitudinis , & identitatis : ita & huiusmodi relationes in quolibet ente in ordine ad aliud reperiiri possunt . Et confirmatur ex Aristotel. primo Metaphysic. text. Commen. 1. ubi ait quod omne ens alteri comparatum est idem vel diuersum : & similiter æquale , vel inæquale : simile , vel dissimile .

Ex his inferitur , quod huiusmodi relationes communes , quarum fundamentum est ens in communibus , sunt transcendentes , sicut & ipsum ens , super quod fundantur . Inferitur etiam relationem fundari posse immediate in substantia contra nonnullos male philosophantes . Quod verum esse , sic demonstro . Distinctio realis est relatio realis : sed substantia remoto omni accidente adhuc est distincta realiter ab alia substantia , puta , homo a lapide : ergo aliqua relatio fundatur immediate in substantia . Probo maiorem : quia sicut distinctio est relatio , ita distinctio realis est relatio realis . Minorem probo : quia distinctio essentialis non est per aliquod accidens rei distincta .

Secundò . Forma substantialis secundum se ipsam dependet a sua causa efficiente : sed dependentia realis , qualis est effectus realis ad causam efficientem , est relatio realis : ergo aliqua relatio realis fundatur immediate in substantia .

Tertiò . Omnis similitudo est rela-

tio (quia nihil est simile sibi ipsi , sed alteri) sed vna substantia est similis alteri : ergo illa similitudo fundatur immediate in substantia , & est realis . Et confirmatur . Quia non minus Socrates , & Plato sunt similes in natura humana , quam duo alba in albedine : ergo illa similitudo , quæ est relatione realis , fundatur immediate in substantia .

Tertio aduerte , quod licet quantitatis nomen propriè magnitudinem molis significet , improprie verò , & per translationem magnitudinem virtutis , ceterum hoc nomen , magnitudo , proprius magnitudinem perfectionis , quam molis significat : ac proinde absolute in diuinis , concedi potest magnitudo sine quantitate . Vnde Aug. 5. de Trin. cap. 1. ait , quod Deus est magnus sine quantitate , bonus siue qualiter . Quocirca magnitudo est fundamentum æ qualitatis transcendentis , sicut quam omne ens alteri comparatum dicitur magnum , vel paruum , æquale , vel inæquale .

ARTICVLVS II.

Quid possit assignari fundamentum æqualitatis in diuinis : & si sunt plura quæ , & quot sint ?

Circa secundum articulum obserua primò , quod fundamentum æqualitatis est quantitas , iuxta illud Aristote. in prædicamentis cap. de quantitate . Proprium est quantitati secundum eam æquale , vel in æquale dici . Et 5. Metaph. cap. de ad aliquid . Aequalia dicuntur , quorum quantitas est vna . Iuxta hoc videndum est , quid in diuinis rationem quantitatis habeat , ut inde quæ , &

2. Nota

1. Nota

quod ſint æqualitatis fundamenta, colligere poſſimus. D. Aug. 1. de fide ad Petrum, loquens de diuinis perſonis in hæc verba prorupit. Nulla alteram præcedit æternitate, aut excedit magnitudine, aut ſuperat poteſtate: quia nec filio pater anterior eſt, aut maior (& addi poteſt) aut etiam potentior. In quibus verbis triplex æqualitatis fundamentum assignat Aug. vt puta, æternitatem, magnitudinem, & poteſtatem. Quod ita eſſe, ex dictis Philoſophi in hunc modum confirmatur: quia quantitas, ſecundum quam eſt æqualitas inter aliqua, primo diuiditur ſecundum Philoſophum in continuam, & discretam: discreta autem quantitas longè eſt a diuinis, cum ibi numerus fraud quaquam reperiatur, vt docent ſchoolaſt. in primo d. 24. Quantitas verò continua diuiditur in permanētem, et ſucceſſiuam, & licet in Deo non ſit quantitas ſucceſſiua, cum omnis ſucceſſio longe ſit a diuinis, eſt tamen ibi aliquid ſibi correfpondens, vt puta, quantitas durationis, quæ propriè dicitur æternitas. Sicut enim in rebus creatis tempus eſt quantitas ſucceſſiua rerum durationes menſurans: ita in Deo eſt quantitas quædam, quæ exiſtentia diuinæ durationem metitur: quæ (vt diximus) eſt æternitas. Quantitas verò permanens in creaturis communiter dicitur magnitudo molis, quæ in diuinis non reperiatur, ſed ſolum in rebus materialibus: & quantitas ſibi in diuinis correfpondens dicitur magnitudo virtutis, & perfectionis. En quomodo ex dicto Philoſophi quodammodo deduci poteſt dictum Aug. vt puta, quod æqualitas in diuinis attendi debet ſumma magnitudinem, & ſumma æternitatem.

Sed iam dubium exurgit cōtra dicta: quia videtur tertium membrum vt puta, ſecundum poteſtatem, ſuperflue additum eſſe ab Auguſtino.

Reſpondeo, quod æqualitas aliorum propriè attenditur ſecundum aliquod abſolutum eis intrinſecum, ex conſequenti verò, & ſecundario per ordinem ad extrinſecum: & ſic attenditur ex parte potentie, quæ extrinſeca reſpicit. Nullus enim dicitur potens, niſi reſpectu alicuius alterius a ſe in quod potentiam habet. Exẽplo res declaratur. Sumo duo calida æqualem calorem habentia. Iſta duo calida ſunt equalia, & quo ad caloris magnitudinem, quia æque perfectum calorem habent, & quoad poteſtatem, quia æquales effectus producere poſſunt. Primo modo ab intrinſeco dicuntur equalia, ſecundo verò modo ab extrinſeco. Ac equalitas tamen ſecundum poteſtatem non eſt ex æquo omnino diſtincta ab æqualitate ſecundum magnitudinem, ſed quaſi explicans eam & ex ea naſcens: nam, quia aliqua habent aliquam formam in æquali gradu, ſequitur, quod ſecundum eam poſſint æqualiter agere.

Iam reſpondeo ad dubitationem, quod loquendo propriè & in rigore duo ſunt tantum, ſecundum quæ attenditur qualitas, ſcilicet, magnitudo, & æternitas. Et forſitan D. Aug. ob id in authoritate præallegata in verborum replicatione ſolum prædicta duo replicat, non tamē potentiā, quia non adiecit. Aut potentior. Cæterum nomen, æqualitatis extendendo poteſt æqualitatis tertium addi fundamentum: vt puta, poteſtas. Sed cum pater, & filius dicantur æquales ſecundum ſapientiam, ſecundum

iustitiam, secundum bonitatem, & similia, quare August. secundum illa tria tantū attendendam esse æqualitatem, fatetur?

Respondeo: quod nomine magnitudinis, intellexit August. quācumque perfectionem essentialē, quācumque ad illud, ratione cuius est æqualitatis fundamentum: quia nulla perfectio essentialis fundat æqualitatem, nisi sub ratione magnitudinis. Ex his colligitur esse æqualitatis fundamenta, quot in diuinis sunt essentialēs perfectiones, propriam magnitudinem habentes. Æqualitas ergo diuinorum personarū fundatur, in magnitudine essentialē, in magnitudine sapientiæ, iustitiæ, bonitatis, & similibus, in æternitate, & potestate.

2. Nota.

Secundō observa, quod magnitudo perfectionis diuinæ, supra quam fundatur æqualitas diuina, est in diuinis ex natura rei omni actu intellectus negotiantis secluso. Quod sic ostendo. Essentia diuina est infinita ex natura rei: sed infinitas essentialē dicitur magnitudo eius propria: ergo habet propriam magnitudinem ex natura rei. Consequentia tenet: probō maiorem ex Damasc. c. 9. vbi vult quod essentia diuina est pelagus quoddā substantiæ infinitum, & interminatū. Minorē probō: quia, si esset aliqua quātitas molis in finitē extensa, extensio, seu infinitas extēsiua esset eius perfectio, & magnitudo: ergo vbi est entitas infinita intensiue in entitate sua, infinitas intensiua erit eius perfectio, & magnitudo.

Secundō. Modus obiecti beatifici, ut beatificum est, est in re ex natura rei: sed infinitas intensiua est talis modus in essentia diuina, prout est obiectum beatificum: ergo est in essentia

diuina ex natura rei: & per consequens est in ea etiam magnitudo ex natura rei, quia propria essentialē diuinæ magnitudo ex prima ratione est infinitas intensiua. Probo maiorem. Quia actus beatificus necessario est inguitius obiecti beatifici: ergo tendit in illud, ut existens in propria existentia: ergo modus perfecti obiecti beatifici est in ipso, prout est in existentia reali, ac per consequens ex natura rei. Probo minorem: quia nulla potentia quietatur perfecte in aliquo obiecto, nisi sit in illo plenitudo primi obiecti tanta, quanta in primo obiecto est possibilis. Quia cū potentia naturaliter inclinatur ad primum obiectum suum, vbi non est plenitudo obiecti primi: sed defectus plenitudinis, ibi non est quies: imō potentia vltcrius inclinatur, vbi vltcrius est ratio primi obiecti: sed talis plenitudo primi obiecti intellectus & voluntatis non est, nisi infinitas, quia cui nō repugnat infinitas, illud non habet totalem plenitudinem si bi possibilem, nisi sit infinitum. Intellectus verō & voluntas obiecto infinitas non repugnat: ergo intellectus & voluntas non possunt perfecte quietari, nisi in obiecto infinito: ergo nec beatificari, quia beatitudo perfecta quietem dicit: ergo infinitas est conditio per se obiecti beatifici.

Ex his colliguntur duo conclusæ. Alterū, quod omne illud, quod in diuinis est formaliter infinitū (siue primario, sicut essentia diuina, quæ primo est formaliter infinita, siue quasi secundario, sicut attributa, quæ proinde quasi secundario sunt infinita, quia ab essentia, quasi a radice, & prima entitate habent suam infinitatē) habet magnitudinem perfectionis ex

natura rei: quia ex natura rei hæc ſunt infinita. Alterum eſt q̄ relationes diuinæ nō habent magnitudinē virtutis, quia nō cōuenit eis infinitas formaliter, vt contr. 27. oſtendimus.

Sed dubiū eſt, an æternitas, & poſſetas, quæ æqualitatis ſunt fundamenta (vt diximus) ſint in Deo ex natura rei. Ad cuius intelligentiā vtriuſque deſcriptio adhibenda eſt. Aeternitas, ſecundum Boetium 3. de conſolatione, proſa 6. eſt interminabilis vitæ tota ſimul, & perfectæ poſſeſſio. In hac deſcriptione vita ponitur, vt ait Scotus quolib. 6. pro exiſtentia actuali perfectæ, de qua loquitur Dominus Ioannis 3. cum ait. Sicut pater habet vitam in ſemetipſo, ſic dedit & filio habere vitam in ſemetipſo. Tres alie particule ponuntur in hac deſcriptione. Prima. Interminabilis, quæ excludit deſitionem. Secunda. Tota ſimul, quæ omnē excludit ſucceſſionem. Tertia. Perfectæ poſſeſſio, quæ excludit dependentiam, & participationem in tali exiſtētia, ita, quillud, cuius eſt talis exiſtentia, exiſtat a ſe ipſo, & nullo modo in exiſtendo ab alio depēdeat. Ex ſiſ quatuor, quæ in deſcriptione æternitatis poſita ſunt, patet, q̄ exiſtentia, quæ ibi tanquam connotatū ponitur, (quia eſt veluti ſubiectū, vel fundamentum æternitatis) eſt ibi ex natura rei: quia exiſtentia diuina, cuius meſura eſt æternitas, eſt in Deo ex natura rei, alias enim nihil ibi eſſet exiſtens ex natura rei: quod eſt pluſquam falſum.

Sed illa alia tria non videntur eſſe in Deo ex natura rei: quia ſolum ultra vitam videntur dicere relationem poſitiuam, vel negatiuam. Negatiuam quidem, quia dicunt nega-

tionem terminationis, ſucceſſionis, & dependentiæ: poſitiuam vero aptitudinalem, quia ſy, interminabilis, importat poſſe per ſe coexiſtere cuiſcunque durationi, vel exiſtentiæ. At vero relatio illa negatiua non eſt aliquid ex natura rei habens eſſe, ſicut nec aliqua alia negatio. Similiter illa relatio aptitudinalis ad coexiſtendum cuiſcunque extrinſeco, non eſt aliquid reale ibi exiſtens, quia relatio Dei ad extrinſeca alia a ſe nō eſt realis, eius tamen fundamentum eſt ibi ex natura rei.

Ex his ergo patet, quod inter ea, quæ in deſinitione æternitatis ponuntur, vnum eſt, quod in Deo reperitur ex natura rei, videlicet, vita. Alia verò tria, quæ rationem æternitatis cōplent, nō ſunt ibi ex natura rei, cum vel negationē alicuius imperfectionis intrinſecæ, vel relationem ad aliquid extrinſecum (vt diximus) importent. Aeternitas ergo vnum connotat, & aliud ſignificat: Connotat quidem vitam, & exiſtentiā: ſignificat vero illam triplicē negationem, & illam relationem aptitudinalem. Vnde quoad connotatū dicit aliquid intrinſecum exiſtēs in Deo ex natura rei, ſed non quoad ſuum primum ſignificatū. Huic ſententiæ ſubſcribit Ferrar. 1. contr. gent. cap. 13. vbi ait æternitatem ſuū cōpletū eſſentiale habere per operationem intellectus. Plures etiam diſcipuli B. Tho. tenent æternitatem eſſe ens rationis pro formali.

Sed contra. Sicut infinitas intensiua dicit modum intrinſecum eſſentiæ, vt eſſentiæ, ita æternitas, vt æternitas, dicit intrinſecum modum exiſtentiæ, vt exiſtentiæ eſt: ergo ſicut modus intrinſecus eſſentiæ eſt in Deo

ex

ex natura rei ex dictis, ita & modus intrinsecus existentie, qui est æternitas. Et confirmatur ex Dionysio de diuinis nominibus, c. 5, ubi sic ait. Deus non quodammodo est existens, sed simpliciter, & incircumscriptiue totum esse accipit in se ipso, & præcipit propter quod dicitur rex seculorum. Et sequitur. Ipse est esse existens, & ipsum esse existentium, & existens ante seculum ipse enim est æuum æuorum, qui est ante secula. Si igitur Deus est essentia incircumscripta, estque æuum æuorum, ergo æternitas, quæ hoc significat, erit in Deo ex natura rei.

Respondeo ad rationem, & nego, quod æternitas pro formali sit modus intrinsecus & ex natura rei existentie diuinæ ab eius infinitate intensiua distinctus. Quia si per impossibile essentia diuina raptim transiret, adhuc haberet tam essentiam, quæ existentia suam modum intrinsecum, scilicet, infinitatem intensiuam, sed non haberet illam existentiam æternitatem, per quam intelligimus infinitatem duratiuam, quæ ultra infinitatem intensiuam non addit, nisi negationem deficiendi, vel relationem rationis apud ordinalem, scilicet, coexistendi cuicumque: quæ relatio non est, nisi rationis, ut diximus. Explicatur amplius. Si angelus annihilaretur cras, non haberet aliū modum intrinsecum in natura sua, quæ si maneat æternum, sicut manebit: ergo a simili in proposito, si per impossibile diuina essentia raptim transiret non haberet alium modum intrinsecum & ex natura rei ab eo, quem nunc habet, &c. Ex hoc sequitur, non esse possibile ultra infinitatem intensiuam essentia, vel existentie, quæ est magnitudo essentia, vel exi-

stentie, nos intelligere in Deo aliquam quantitatem durationis perpetuam in eo ex natura rei existentem, sed quidquid existentia infinita intelligitur superaddi, solum relationem rationis, vel negationem dicit. Propter quod æternitas supra infinitatem intensiuam diuinæ essentia nihil reale addit, nisi solum negationes illas supra enumeratas.

Ad confirmationem ex Dionysio dico, quod Deus ex natura rei est existentia incircumscripta, hoc est, infinita intensiue, itaque magnitudo propriæ existentia est infinitas, quæ etiam essentia diuinæ conueniret, si per impossibile Deus statim definiret esse.

Etcū dicitur, quod Deus est æuum æuorum, id est, æternus, vel æternitas, verum quidem est hoc, quia eius existentia repugnat definere esse. Unde fundamentum huius repugnantia, scilicet, existentia, est ibi ex natura rei, sed formalis ratio repugnantia ad definere esse, siue sit negatio definitionis siue necessitas coexistendi cuicumque non est ibi, aliquid reale ex natura rei, sed rationis, ut diximus. Hinc sententiam defendit Scotus tamquam probabilior in quodammodo. 6. lit. Scilicet oppositam, quæ asserit æternitatem, etiam quoad formale significatum, esse in Deo ex natura rei, probabilem esse fateatur. Æternitas ergo fundamētaliter aliquid est in Deo ex natura rei, sed non quoad suum complementum. Et multi Thomistæ asserunt complementum æternitatis esse relationem atque respectum rationis.

Iam de potestate inquirendū est, an in Deo sit ex natura rei. De quo breuiter dico, quod potestas primò,

& per se in Deo dicit relationem ad possibile extra, vt opponitur enti, necesse esse, vt ait Scotus in 1. dist. 20. ac per consequens illa relatio est rationalis. Quia, vt docet Scotus, & alij Doctores scholastici in 1. dist. 20. ad nihil aliud a se potest Deus realem dicere relationem. Si autem accipitur potestas pro illo, ratione cuius, sibi competit huiusmodi relatio, est quidem in Deo potestas ex natura rei, quia potestas sic sumpta nihil aliud esse videtur, quam diuina voluntas, qua Deus cuncta producere potest, quam in Deo esse ex natura rei, nemo non videt. Attamen voluntas absolute, & secundum se accepta, non est a qualitate secundum potestatem fundamentum, sed vt accipitur in ordine ad extrinseca obiecta. Nam secundum voluntatem absolute acceptam pater, & filius non sunt æquales, nisi secundum magnitudinem intrinsecam voluntatis, quæ necessaria præsupponitur (vt supra diximus) ad æqualitatem secundum potestatem: quia hæc ex illa nascitur, & dimanat. Hæc de secundo articulo.

ARTICVLVS II.

Verum identitas, similitudo, et æqualitas sint relationes reales in diuinis?

Circa tertium articulum est duplex opposita sententia. Altera, scilicet, negatiua, est B. Thom. 1. p. q. 42. art. 1. in solutione ad 4. & Caietanum eodem loco. Idem tenet Capreolus in primo, d. 3 l. q. 1. ad argumenta Scoti contra quartam conclusionem. Opposita sententia est Sco. in 1. d. 31. q. 1. & in quol. q. 6.

EXPLANATIO

opinionis B. Thom.

AD intelligentiam opinionis B. Thom. notat Caiet. vbi supra, ad relationem realem mutua[m] duas requiri conditiones. Altera est distinctio realis fundamentorum, videlicet, quod fundamentum sit reale, & realiter distinctum in vtroque extremo. Exempli causa. Similitudo inter duo alba fundatur in albedine, quæ est realiter distincta in vtroque albo, quia albedo, quæ est in vno albo, alia est secundum rem ab illa, quæ est in alio albo. Requiritur ergo (inquit Caietanus) ad relationem realem, quod fundamentum sit distinctum, & plurificatum in ipsis extremis, quæ referuntur. Hæc conditio sic confirmatur ex mente Caietani & cuiusdam noui expositoris B. Tho. Extrema referuntur realiter ratione fundamenti: ergo ipsa fundamenta debent esse realia distincta in extremis. Et confirmatur: quia fundamenta sunt, quæ primò referuntur, tanquam rationes referendi.

Secundo probatur eadem conditio. Quia, si non requireretur huiusmodi distinctio realis fundamentorum, sequeretur, quod duo extrema opponerentur realiter relative in illa forma, in qua conueniunt, & in qua sunt vnum: sed consequens est intelligibile, ergo, &c. Sequela est euidens. Nam extrema opponuntur relative ratione fundamenti: ergo, si fundamentum est vnum, & idem in vtroque extremo, opponuntur in eo, in quo conueniunt, & in quo sunt vnum.

Secunda conditio ad relationem realem est fundatio non super relatione.

Ad relationem realem mutua[m] duas requiruntur conditiones.

tionem. Itaque ad relationem realem requiritur, quod fundamentum relationis realis non sit alia relatio. Vnde colligitur, quod vna relatio non potest aliam relationem, saltem realem, fundare. His ita constitutis sententia B. Thom. his conclusionibus continetur.

1. *Concl.* Prima conclusio. Aequalitas in diuinis non est relatio realis. Probatur. Ad relationem realem necessario requiritur realis distinctio fundamentorum ex nunc dictis: sed fundamentum æqualitatis inter patrem, & filium in diuinis non diuiditur in ipsis, nec distinguitur, quia tale fundamentum est diuina essentia, quæ vna, & indiuisa est in patre, filio, & Spiritu sancto: ergo, &c.

2. *Concl.* Secunda conclusio. Propterea eandem rationem similitudo, & identitas non sunt relationes reales.

3. *Concl.* Tertia conclusio. Aequalitas, similitudo, & identitas sunt in diuinis relationes rationis. Probatur. Prædicta tria sunt relationes, vt de se patet: & non sunt reales: ergo rationis. Patet consequentia: quia omnis relatio, vel est relatio realis, vel rationis: nam sicut inter ens reale, & rationis non datur medium ens: ita inter relationem realem & rationis non datur media relatio, quæ nec sit realis, nec rationis: sed æqualitas, similitudo & identitas in diuinis non sunt relationes reales ex prima conclusio ne: ergo sunt relationes rationis.

EXPLANATIO opinionis Doct. subtilis.

1. *Nota.* Ad intelligendam opinionem Doct. subtilis aliqua sunt prænotanda. Primum, quod ista tria, simi-

litudo, æqualitas, & identitas, vel potius simile, æquale, & idem, bifariam dicuntur: vno modo secundum substantiam, vel aliquod absolutum, alio modo secundum relationem. Secundum substantiam, vel rem absolutam dicuntur, si ly, secundum, reduplicet rationem fundamentalem ipsorum eo modo, quo dicimus, quod aliquid dicitur alicui simile secundum albedinem: quia albedo est fundamentum similitudinis, quæ inter extrema alba reperitur. Secundum relationem vero dicuntur, si ly, secundum, reduplicat rationem formalem, & quidditativam illorum: quia dicunt per se primo relationes, licet fundentur in aliquo absoluto. Ex his potest colligi, quod aliquid potest dici alteri simile, vel æquale secundum aliquid bifariam. Primo, fundamentaliter, sicut album dicitur simile alteri albo secundum albedinem, quia albedo est similitudinis fundamentum. Secundo formaliter. Et sic similitudine ipsa dicitur aliquid alteri simile, sicut paternitate pater, & filiatione filius. Vnde formaliter loquendo hæc est falsa. Album est simile albo albedine, sed similitudine.

Secundo obserua, quod identitas in diuinis dupliciter accipi potest. 2. *Nota.* Primum pro habitudine eiusdem totaliter indistincti ex natura rei ad se ipsum. Et hoc modo identitas est relatio rationis secundum omnes in rebus creatis. Secundum hanc identitatem dicimus, patrem, vel filium esse idem sibi ipsis: & etiam essentiam, & relationem, essentia enim eadem est sibi ipsi, & similiter relatio. Secundo accipitur pro habitudine alicuius distincti ex natura rei, & realiter ab alio, licet conueniat cum illo in substantia,

stantia, & natura diuina vna numero in ambobus existente. Et hoc modo relatio identitatis nō denominat, nisi suppositum, non in habitudine ad se ipsum, sed ad aliud suppositū: sic pater est idem filio secundum substantiam, & e converso. Ex his patet vnum discrimen identitatis a similitudine, & a qualitate, vt puta, quod vnum suppositum dicitur idem sibi ipsi, & alteri. Caterum idem non dicitur sibi ipsi æquale, vel simile, sed alteri: quod nos etiam statim ostendimus. In hac questione non loquimur de identitate primo modo, sed secundo.

3. Nota. Tertio obserua, quod in diuinis aliquid est, quod se habet, vt substantia, dans esse primum substantiale diuinum, & illud est essentia, & natura diuina: aliquid verò est ibi, quasi ad modū qualitatis, dans esse quale formaliter denominando omni semota imperfectione: in Deo enim nō est qualitas. Huiusmodi sunt sapientia, iustitia, bonitas. A sapientia enim denominatur Deus formaliter sapiens: a iustitia iustus: a bonitate bonus. Etiam est ibi in diuinis aliquid, quod habet rationem magnitudinis, scilicet, infinitas intensiua essentię, & attributorum. Super vnitatem essentię fundatur identitas: super vnitatem attributorum similitudo: super vnitatem verò magnitudinis fundatur æqualitas.

4. Nota. Quarto aduerte, qđ primum, & secundum, ex nunc dictis, vt puta, essentia, & attributa, clarum est, distinguī ex natura rei formaliter, quod nos in controuersia quarta satis latē docuimus. Sed quomodo tertium, scilicet, magnitudo essentię distinguatur ab essentia, & magnitudo sa-

pientię a sapientia, non satis constat inter Scotistas. Nam aliqui nullam ex natura rei inueniētes distinctionem inter ista affirmarunt, identitatem, & æqualitatem, ac similitudinem non esse relationes distinctas ex natura rei, saltem formaliter, sed esse vnam, & eandē relationem identitatis. Et ita asseuerarunt, æqualitatē secundum magnitudinem essentię nō distinguī ab identitate, quæ est secundum essentiam: & æqualitatem secundum sapientiam non distinguī a similitudine secundum sapientiam.

Sed nihilominus Scotus in primo distinctione 3 1. quest. 1. expressē affirmat, æqualitatē distinguī ab identitate, & similitudine, licet non tanta distinctione, quanta identitas distinguatur a similitudine: sed loco nunc citato, & in quolib. q. 6. lit. M, æqualitatem modum vtriusq; relationis, scilicet, similitudinis, & identitatis vocat. Ad cuius intelligentiam obserua, in creaturis optimē esse posse similitudinem sine æqualitate. Nam album remissum est simile in albedine albo intenso: inter quæ tamē non est æqualitas secundum albedinis magnitudinem. Caterum æqualitas nō potest esse sine similitudine, si æqualitas sit secundum illam formam, in qua nata sunt aliqua assimilari: imò, cum secundum illam formam est æqualitas, reperitur ibi perfectæ similitudo. Vnde ipsa æqualitas quasi determinat similitudinem, & fundamentum eius, identitatem, & fundamentum eius ad perfectionem: propter qđ est vtriusque modus ad hoc, vt tam identitas, quàm similitudo sit perfecta. Nam si per impossibile pater æternus haberet diuinitatem maiorem, & filius minorem, esset inter

eos quædam identitas in diuinitate: sed quia fundamentum huiusmodi identitatis non haberet eandem magnitudinem, non esset ibi perfecta identitas, quia non cum æqualitate. Pariter, duo habentes scientiam maiorem, & minorem sunt aliquo modo, similes, licet non perfecte, quia non sunt a quales in scientia, in qua assimilatur: unde magnitudo eadem cuiuscumq; fundamenti, siue identitatis, siue similitudinis dat cuiuscumque identitati, & similitudini, quod ipsa sit perfecta. Sicut igitur eadem magnitudo dicit modum fundamenti identitatis, & similitudinis, ut puta, quod sit perfectum: ita a qualitas supra magnitudinem fundata dicit modum quendam similitudinis, & identitatis, ut puta, quod qualibet sit perfecta. Magis ergo distinguuntur inter se identitas, & similitudo secundum suas rationes formales, & communes, quia ab inuicem separari possunt, & in creaturis separatur, quam distinguatur a qualitas a similitudine, & identitate. Quia æqualitas necessario præsupponit similitudinem, & identitatem, quando est in forma, in qua fundari possunt: sicut modus præsupponit rem, cuius est modus.

Sed contra. Secundum August. 3. de Trinitate, cap. 10. idem est Deo esse, & magnū esse: ergo magnitudo transit in essentiam: ergo non manet ibi magnitudo secundum propriam rationem magnitudinis: & per consequens non fundat æqualitatem: vel si fundat, non distinguitur villo modo a fundamento identitatis, quod est essentia, & ita æqualitas non distinguitur ab identitate. Hanc dubitationem mouet Scotus in quod. questione sexta.

Respondeo, quod magnitudo diuinæ essentiae est eius infinitas intensiua, quæ est gradus intrinsecus eius, sicut finitas est gradus intrinsecus rei finitæ, ita, quod sumendo essentiam diuinam præscindendo eam ab attributis intelligitur infinita. Hæc autem magnitudo transit in essentiam propter identitatem realem summam magnitudinis ad essentiam: manet tamen secundum propriam magnitudinis rationem. Nec implicat transire in perfectam identitatem, & simul manere secundum propriam rationem. Nam, in creaturis magnitudo perfectionis sic transit, quod non est aliud re ipsa ab eo, cuius est, & tamen manet secundum propriam magnitudinis rationem, tanquam proprium æqualitatis, vel inæqualitatis fundamentum. Quod patet. Quia una species entis immaterialis est alteri specie immateriali æqualis, vel inæqualis secundum perfectionem: ergo manet in eo magnitudo perfectionis, ut fundans huiusmodi relationem, & tamen transit ista magnitudo in essentiam, cuius est, per identitatem realem: ergo non sunt opposita in diuinis, nec in creaturis transire per realem identitatem in alterum, & manere secundum propriam quidditatem. Sic ergo manet magnitudo in diuinis secundum propriam rationem, transit tamen in essentiam per realem identitatem. Magnitudo ergo essentiae diuinæ, quæ est eius infinitas intensiua, distinguitur a diuina essentia ex natura rei formaliter. Non quidē proprie loquendo de distinctione formali, sed largo quodam modo: quia infinitas, cum sit modus essentiae, non dicit propriam formalitatem a formalitate essentiae distinctam, quod ad distin-

distinctionem formalem proprie dictam erit necessarium.

5. Nota. Quinto obserua, qd fundamentum remotum æqualitatis in diuinis est ipsa magnitudo vel essentie, vel sapientie, & similitudo: proximum verò est vnitas eiusdem magnitudinis non qualiscumque, sed numeralis: vna enim numero magnitudo est in tribus personis, sicut & vna essentia numero, & vna sapientia numero. Ex quo inferitur, quod vnitas æqualitatis in diuinis est maior, quam vnitas æqualitatis in creaturis, quia vnitas æqualitatis in creaturis est vnitas specifica, quæ etiam si sit realis, est minor vnitate numerica, quæ est maxima vnitas, & verissimè realis inter omnes vnitates. Et patet, quia alia vnitates ab ista sunt diuisibiles, ista verò penitus indiuisibilis: ergo est maior vnitas.

6. Nota. Sexto aduerte ad relationem realem tria sufficere, vt notat Scotus in primo distinctione 3. 1. quæst. 1. Primum, quod fundamentum sit reale, & terminus realis. Secundum, quod extrema sunt realiter distincta. Tertium, quod ex natura extremorum, fundamenti, & termini sequatur ipsa relatio absque opere alicuius potentie comparatis vnum extremum alteri. Quod verò ista sufficiant inde patet, quia nihil aliud videtur exposci, vt aliqua relatio sit realis. Sed an sufficiat vnitas fundamenti numeralis, vel requiratur realis distinctio fundamenti in vtroque extremo, statim patebit.

1. Concl. His ita constitutis sit prima conclusio. Æqualitas, & similitudo requirunt extrema realiter distincta. Probatur primò de similitudine, deinde de æqualitate. Si similitudo non re-

quireret distinctionem extremorum, posset aliquid idem esse sibi simile, sicut est de identitate, idem enim est sibi ipsi idem eo, qd identitas non requirit extremorum distinctionem; sed consequens est falsum, quia (secundum H. Iarium 3. de Trinitate) similitudo sibi ipsi non est: ergo similitudo necessario requirit extrema realiter distincta. Idem argumentum fieri potest de æqualitate. Quia secundum Augustinum 6. de Trinitate cap. 9. in filio est prima æqualitas: si autem æqualitas extremorum distinctione haudquaquam exposceret, posset pater esse sibi æqualis, ac per consequens tum sit prior origine filio, prima æqualitas esset in patre. Nunc autem protanto dictum Augustini est verum, quia non est ibi æqualitas, nisi inter personas distinctas. Et ideo non est ibi, nisi genito filio: quia sicut non exurgit relatio cause ad effectum, nisi producto effectui: ita non est æqualitas patris ad filium, nisi producto filio.

Sed dices. Ergo aliquid recipit pater a filio. Respondeo negando consequentiam: non enim illam æqualitatem habet a filio, licet illam non habeat, nisi supposito filio. Nec inconuenit patrem habere relationem aliam quam post generationem filij: quia relatio nullam perfectionem dicit, esset autem inconueniens, quod pater non haberet a se omnem perfectionem prius origine, quam filius sit genitus.

Secunda conclusio. Æqualitas, & similitudo diuina non qualitercumque requirunt prædictam extremorum distinctionem, puta, concomitanter, sed præexigunt huiusmodi distinctionem. Probatur. Communicatio essentia ipsi

2. Concl.

ipsi filio præsupponitur necessario æqualitati patris ad filium, & è conuerso: ergo æqualitas inter patrem & filium, necessario præexigit realem distinctionem inter patrem & filiū. Consequentia est euidens: antecedēs probatur. Quia, si essentia magnitudo differret realiter ab ipsa essentia, essentia prior esset realiter magnitudine, & per cōsequens communicatio essentia communicatione magnitudinis: ergo qualiscunq; distinctio fit inter essentiam diuinā & eius magnitudinem, tali modo communicatio essentia erit prior communicatione magnitudinis: ergo cum filius sit æqualis patri ratione magnitudinis essentia communicatæ sibi a patre necessario cōmunicatio essentia præsupponitur communicationi magnitudinis, ac per consequens æqualitatis: ergo filius. præsupponitur æqualitati eius ad patrem necessario, ac per consequens æqualitas hæc præexigit horum extremorum realem distinctionem.

Secūdo. Pluralitas eiusdem rationis necessario finita necessario præexigit pluralitatem alterius rationis, secundum quam ipsa determinatur, vt controuersia nona docuimus: sed pluralitas æqualitatis, in personis diuinis est eiusdem rationis, & necessario finita: quia aliter possent esse infinitæ æqualitates in diuinis, & per cōsequens essent actu, quia posse & esse in diuinis sunt idem: ergo ipsa præexigit pluralitatē alterius rationis, per quam ad certam pluralitatē determinetur: ista autem pluralitas alterius rationis nō potest poni nisi in proprietate personali, & in ipsis personis, vt patet: ergo, &c. Minor huius rationis quoad primā partē, s. q

in diuinis personis sit pluralitas æqualitatis, patet: quia reatiue opposita necessario sunt distincta re ipsa, ac per consequens plura: ergo cum relationes sint causa huius oppositionis, illæ æquæ, vel magis erunt oppositæ & distinctæ, ergo si idem non potest esse sibi simile, nec æquale, sed alteri a se distincto: ergo multo magis æqualitas in vno æquali est distincta ab æqualitate in alio æquali. Sed de hoc statim plura dicemus.

Tertia conclusio. Aequalitas diuina in suo conceptu formali nec includit essentiam, nec relationes originis, licet importet essentiā fundamentaliter, relationes vero originis personales præexigituē, vt secunda conclusio diximus. Conclusio est contra S. Tho. 1. par. q. 42. art. 1. in solutione ad 4. In primis patet, q non includat in suo conceptu formali essentiam. Quia, si aliæ relationes, scilicet, personales ex natura rei formaliter distinguuntur ab essentia diuina, nec eam in suis rationibus formalibus includunt, vt cōtrouersia quarta docuimus, ergo nec relatio æqualitatis eam includit in sua ratione formali, quia nō est maior ratio de hac, quā de illis.

Quod verò non includat relationes personales sic ostēdo. Aequalitas est per se vnus rōnis in patre & filio: ergo non includit per se relationes originis istarum personarum: quia illæ relationes sunt alterius rationis. Quod vero fundamentaliter importet essentiam tāquam fundamentū remotū patet, quia essentia est æqualitatis fundamentum remotum vnitas vero essentia propinquum: relationes autem originis præexigituē importat, quia ex secunda conclusio

ne eas præexigit necessario. Cum ergo illas in suo conceptu non includat, si quo modo eas inuoluit, erit e- quidem præexigituè.

4. *Concl.* Quarta conclusio. Aequalitas importat in suo conceptu relationē aliquam alterius rationis a relationibus originis, secundum quam personæ constitutæ per relationes originis referuntur. Probatur. Quia aequalitas relationem importat intrinsecè, imò essentialiter est relatio: sed non importat intrinsecè relationem aliquā originis ex præcedenti conclusione: ergo est alterius rationis ab eis. Sed quo modo distinguatur a relationibus originis infra patebit. Ista conclusiones præfatæ intelliguntur etiā de similitudine, & identitate, si identitas sumatur secundo modo posito notabili secundo.

Sed contra. In diuinis non est considerare, nisi essentiam & relationes reales, quibus fit personarum distinctio: sed essentia secundum aequalitatem non refertur, nec ad se, nec ad personas, vel earū proprietates: nec etiam secundum aequalitatem paternitas refertur ad filiationē, quia vna relatio non refertur ad aliam per aliquam aliam relationem: quia tūc relatio multiplicatur in infinitum: ergo persona refertur secundum aequalitatem: ergo paternitas, per quā refertur pater ad filium, non est alia ab aequalitate, sed eam includit, quia, vt diximus, in diuinis non est considerare, nisi essentiam, & relationes originis: ergo non dicit aequalitas, nisi essentiam vel relationes originis: sed non dicit solam essentiam, nec solas relationes: ergo verūque. Hoc argumentum est B. Thomæ vbi supra.

Respondet Scotus quæst. 6. quod-

lib. litera HH. concedendo quod nec essentia refertur ad se, vel ad aliud secundum aequalitatem, nec paternitas ad filiationem, sed persona ad personam: sed inde non sequitur, ergo paternitas non est alia relatio ab aequalitate: imò secundum aequalitatem persona habens paternitatem & essentia refertur ad filium. Per aequalitatem ergo nec idem refertur ad se, nec relatio ad relationem, sed relatiuum ad correlatiuum: sicut secundum paternitatem, nec Deus refertur ad se, nec relatio ad relationem oppositam, sed relatiuum ad correlatiuum oppositum: relatiua enim sunt, quæ referuntur, vt quæ, relationes vero sunt rationes referendi, vt quibus, scilicet, relatiua referuntur.

Quinta conclusio. In diuinis est 5. *Concl.* perfectissima aequalitas inter diuinas personas in essentia, & attributis, & in omnibus, secundum quā ibi attenditur aequalitas. Idem dicendum est de similitudine, & identitate. Conclusio hæc duas habet partes. Alterā supponit, vt puta, in diuinis esse aequalitatem inter diuinas personas: altera verò est, huiusmodi aequalitatem esse perfectissimam. Prima pars est de fide. Probatur. Quia secundum fidem personæ sunt æquales iuxta illud Athanasij in symbolo, Tres personæ coæternæ sibi sunt, & coæquales, & Ioannis 5. Patrem suum dicebat Deum æqualem se faciēdo Deo, id est, asserendo se æqualem Deo, & Apostolus ad Philipenses 2. Non rapinā arbitratus est esse se æqualem Deo: ergo in diuinis inter personas diuinas est aequalitas. Patet consequentia. Quia sicut nihil dicitur alteri simile formaliter, sine similitudine, ita nec æquale sine aequalitate: ergo

go si personæ diuinæ sunt sibi co-
 quales, necessariò inter eas est æqua-
 litas. Præterea eadē numero magni-
 tudo essentia est in tribus personis
 sic, quod in ea nulla alteram excedit,
 nec ab alia exceditur: ergo necessa-
 riò inter eas est æqualitas. Patet con-
 sequentia: quia ad æqualitatem suf-
 ficit extremorum realis distinctio, &
 communicatio in eadem magnitudi-
 ne. Diuus etiam Augustinus 15. de
 Trinit. cap. 15. in fine, ostendens dis-
 similitudinem inter verbum diuinū,
 & nostrum, sic ait. Quanta hic sit
 dissimilitudo ab illo Dei verbo, quod
 in forma Dei sic est, ut non antea fue-
 rit formabile, priusquam formatum,
 nec aliquando esse possit informe,
 sed sit forma simplex, & simpliciter
 æqualis ei, de quo est, & cui mirabili-
 ter coæterna est.

Secunda pars probatur. Perfectio
 æqualitatis attēditur penes commu-
 nicationem perfectam, in eadē ma-
 gnitudine: sed tres personæ diuinæ
 perfectissime communicant in per-
 fectissima essentia diuinæ magni-
 tudine: ergo æqualitas, quæ est inter eas
 est perfectissima. Maior est nota: pro-
 bo minorem. In primis, tres personæ
 diuinæ conueniunt in perfectissima
 magnitudine, quia magnitudo essen-
 tia, quam habent est magnitudo di-
 uinæ essentia, quæ est infinita, qua
 nihil perfectius excogitari potest.
 Præterea perfectissimè in ea conue-
 niunt: quia eadem numero magni-
 tudo infinita est in tribus: ergo æqua-
 litas, quæ inter eas reperitur est per-
 fectissima, & maxima, & suprema.

6. *Concl.* Sexta conclusio. Relationes istæ
 communes possunt demonstrari de-
 monstratione, propter quid, per re-
 lationes originis in hunc modum.

Quodcumq; producentis communi-
 cat eadē numero naturam, quam
 habet cum eadem numero magni-
 tudine producit sibi æquale: sed pa-
 ter communicat filio eandē numero
 naturam diuinam, quam habet cum
 eadem prorsus magnitudine: ergo
 producit filium sibi æqualem. Idem
 argumentum fieri potest de æquali-
 tate Spiritus sancti, ad patrem & fi-
 lium, & è conuerso.

Septima cōclusio. Æqualitas, quæ
 est in diuinis inter diuinas personas,
 est ibi ex natura rei, sit, & est realis
 relatio inter personas. Probatur pri-
 mo. Perfectissima communicatio
 non est, nisi perfectissimi termini cō-
 municabilis in perfectissima magni-
 tudine, secundum quam productum
 sit omnino æquale producenti: sed
 communicatio naturæ diuinæ per ge-
 nerationem, & spirationē est neces-
 sariò perfectissima: ergo sicut ex na-
 tura rei est data filio perfectissima ma-
 gnitudo essentia per generationem,
 ita est ei data ex natura rei æquali-
 tas ad patrem habentem eadē es-
 sentiam in eadem magnitudine.

• Secundo. Si esset alia magnitudo
 in patre, & alia in filio minor ea, quæ
 esset in patre, filius esset minor patre
 minoritate, quæ esset relatio realis, &
 non tantum rationis: ergo multo ma-
 gis, vel æquè, si eadem magnitudo,
 quæ est in patre, est in filio, erit æqua-
 litas illa realis.

Tertiò. Inæqualitas perfecta est
 in entibus ex natura rei: ergo & æ-
 qualitas perfecta, quæ ei opponitur
 est in entibus ex natura rei. Patet cō-
 sequentia. Quia non videtur proba-
 bile oppositum imperfectum esse in
 natura rei: & quod non sit, nec possit
 esse in eis ex natura rei oppositum per-

7. *Concl.*1. *Ratio.*2. *Ratio.*3. *Ratio.*

perfectum: at æqualitas eſt oppoſitum perfectum, inæqualitas verò im perfectum, iuxta illud Auguſt. ad diſcipulum de quantitate differentis. Æqualitatem in aequalitati iure anteponiſ, nec quicquam eſt, vt a ſtimo, humano ſenſu præditus, cui illud nō videatur. Antecedens probo: quia in entibus eſt maioritas, & minoritas ex natura rei, & realis: ergo eſt inæqualitas perfecta. Idem argumentū fieri poteſt de idēitate, quia ſi in entibus eſt diuerſitas perfecta & realis: ergo & entitas perfecta, & realis, quæ ei opponitur, & eſt oppoſitum perfectius: ſed huiusmodi idēitas perfecta, & realis non poteſt inueniri, niſi inter diuinas perſonas: nam illa, quæ eſt eiſdem ſuppoſiti ad ſe nō eſt relatio realis: illa autem quæ eſt in creaturis alterius ad alterum nō eſt perfecta, quia non eſt ibi, niſi diminuta vnitas: ergo, &c.

4. Ratiō.

Quartō. Ad relationem realē tria ſufficiunt, vt puta, fundamentū reale, & terminus realis, & extrema realiter diſtincta, & quod relatio oriatur ex natura fundamenti, & termini: ſed hæc tria reperiuntur in æqualitate diuina, ibi enim eſt magnitudo & vnitas magnitudinis ex natura rei, & realis, quia eſt vnitas numerica perfectiſſima, extrema etiam ſunt realiter diſtincta, perſonæ, ſ. & ſimiliter ex natura fundamenti, & termini oriatur æqualitas inter perſonas omni actu intellectus ſeclulo: ergo æqualitas ibi reperta eſt realis.

Reſpon-
dēt Tho-
miſta.

Reſpondent Doctores contrariæ opinionis, illa tria nō ſufficere ad relationem realem, niſi fundamentum ſit plurificatum, & re ipſa diſtinctū in extremis. Sed contra hoc, cui præcipuē innititur oppoſita ſententia, ſic

inuehitur Scotus multipliciter. Primò. Relationes, quæ fundantur in aliquo fundamēto, quatenus vnum eſt, non requirunt magis diſtinctionem in fundamēto ad hoc, quòd ſint reales, quàm illæ, quæ fundantur in aliquo, non vt vnum, ſed relationes originis in diuinis fundantur in eſſentia non vt vna, ita, quòd vnitas nō eſt ratio proxima fundandi, relationes verò communes fundantur in eſſentia, vt vna: ergo illæ ad hoc, vt ſint reales non magis, imò minus requirunt diſtinctionem in fundamēto: quam illæ, ſed illæ ſunt reales cum vnitate fundamenti: ergo & illæ. Maior huius rationis meo iudicio eſt euident. Sed ad minorem dicit Caietanus, q̄ relationes originis fundantur ſuper actibus notionalibus, & nō ſuper eſſentia.

Sed contra. Actus notionales ſecundum rem, & ſecundum proprias rationes formales ſunt relationes, a relationibus diuinis formaliter ex natura rei minimè diſtinctæ, generatio enim a parte rei formaliter eſt paternitas, & penitus ab ea indiſtincta, vt controu. 2. 3. ſatis manifèſtè docuimus: ergo relationes non fundantur ſuper actus notionales, quia tunc in ſe ipſis fundarentur. Præterea. Actus ipſi notionales ſunt relationes quarum fundamentum ſola eſſentia poteſt conſtitui, quæ ob ſui finitatem relationes originis oppoſitas fundare poteſt: ergo relationes originis fundantur in ipſa eſſentia. Relationē paternitatis fundat, vt principiū ſecundum, filiationem verò, vt accepta per generationem: & ita nō omnino, vt vna, ſic quòd vnitas ſit proxima ratio fundandi relationes originis, vt omnes fatentur. Vera ergo eſt

Conſuta
tur Tho-
miſta.
reſponſo
multipliciter.

est minor argumenti euidentissimè concludentis.

Secundò. Aequalitas fundatur super unitate quantitatis distinctorum extremorum: ergo quanto maior ac verior, est unitas aliquorum in quantitate, tanto est maior ac verior æqualitas inter ea: ergo æqualitas fundata super unitate quantitatis numerica, quæ est verissima & maxima unitas, erit verissima ac maxima æqualitas: ergo multo magis illa, quæ fundatur super unitate maxima, quæ est numerica, qualis est æqualitas diuina. Res miranda sane, q̄ duo alba eandem albedinem specie habentia sint sibi inuicem similia similitudine reali, & quod nullamet haberent eandem numero albedinem, essent quidē similia nullo considerante intellectu, non tamen similitudine reali, sed rationis. Certè hoc album formaliter esset illi alteri simile, nec posset non oriri similitudo inter illa extrema ex natura termini & fundamenti: ergo esset vera similitudo realis. Quid enim aliud ad relationem realem consideratur, nihil certè.

Tertiò. Sed nota prius, q̄ sicut sū authores contrariæ opinionis ad relationem æqualitatis realē requiritur distinctio realis in fundamēto in utroq; extremo: ita ad æqualitatem, quæ est relatio rōnis, requiritur pluralificatio fundamēti sū rationem: sic quod bis accipiat sū intellectum, simul in vno extremo, & simul in alio. Ita contingit in æqualitate diuina inter diuinas personas, q̄ magnitudo essentiae diuinæ, quæ sū rem vna est, accipitur tamen bis sū rationem, semel in filio & semel in patre: & ita quasi distincta concipitur, propter quod fundat relationem æqualitatis.

Hoc posito sic argumentor: Essentia diuina sū se, & non vt bis accepta per intellectum, fundat distinctas relationes originis: hoc ideo, quia in ratione principij cōmunicatio, & termini comunicabilis est formaliter infinita: sed ipsamet essentia quanta quātitate virtutis, & perfectionis est formaliter infinita: ergo panter ipsa vt quanta secūdum se ex natura rei, quin per intellectum bis accipitur, potest fundare relationes communes reales: ergo nō est ibi necessaria fundamenti pluralificatio ad esse reale relationum communium.

Quartò ad idem Cum unitate fundamenti stat pluralitas relationū in vno extremo ad plures terminos: ergo stante unitate fundamenti in vtroque extremo stare potest vera relatio realis inter ipsa extrema idem numero fundamentum habentia. Antecedens patet: nam idem albū habet plures similitudines ad plura alba, vt in controuersijs tertij ostēdemus. Consequentia probatur. Quia stante unitate in priori stat pluralitas in posteriori: ergo stante unitate in fundamento potest in extremis esse pluralitas relationum realium. Ex his patet fundamentum contrariæ sententiæ supra positum omnino esse falsum. Quod, vt magis eniteat, operæ pretium erit rationes in eius confirmationem adductas diluere.

Ad primum cū dicitur, extrema referri realiter ratione fundamenti, dico id b. f. iam intelligi posse. Prius formaliter: & sic omnino est falsum: ratio enim formalis referendi non est fundamentū, vt Ippis & tō foribus patet. Simile. nam albedine nō refertur formaliter ad aliud simile per albedinē, sed per similitudinē.

Secundo, fundamentaliter: & ſic fa-
teor: ſed ad hoc fundamentum in ip-
ſis extremis plurificari & re ipſa di-
ſtingui haudquaquam neceſſe eſt.
Stante enim vnitare fundamenti po-
teſt pluralitas relationum realiū in
extremis coſiſtere, per quas realiter
ad inuicem referantur. Cum vero di-
cit Caietanus, fundamenta eſſe, quæ
primo referuntur, omnino decipi-
tur, & rem a vera metaphyſica pror-
ſus alienam dicit. Nam ſecūdum ve-
ram metaphyſicā extrema idē fun-
damentum relationis habentia ſunt
quæ primo referuntur: duo enim
ſubiecta habentia duas albedines pri-
mo ratione ſimilitudinis ſe inuicem
reſpiciunt, & ad ſe referuntur & nō
ipſæ albedines. Nō enim vna albedo
alteri dicitur ſimilis, ſed eadem in
naturā & ſpecie. Fundamenta ergo
nō referuntur tanquam relationis
extrema, nec tanquam rationes re-
ferendi formales: quia hæ ſunt rela-
tiones ipſæ, ſecundum omnes me-
taphyſicos. Poſſunt tamen dici ratio-
nes fundamentales referendi: ſed
has nō oportet in ipſis extremis mūl-
tiplicari, ſed illas, quæ oppoſitionis
extremorum ſunt cauſa, & inter ſe
oppoſitæ.

Ad ſecūdum nego ſequelam. Ad
probationem dico, falſum eſſe omni-
nō relatiua ratione fundamenti opo-
nōi inter ſe. Nam cum opponantur
oppoſitione relatiua quatenus rela-
tionis ſunt extrema, neceſſum eſt, q̄
per relationes, vel ratione relationū
opponantur, & non ratione funda-
menti, quod vel eſt abſolutum, vel vt
fundamentū rōnem abſoluti induit.

Sed nouiſſimus expoſitor D. Tho-
prima parte quaſt. 42. articu. primo
quaſtione prima, conſuſione tertia

aſſerit rationem, ob quam æqualitas
in diuinis non eſt relatio realis, eſſe
quia a qualitas per ſe primo reſpicit
extrema vt vnum, & vt ſic reſert il-
la. Et ideo quādo vnitas extre-
morum eſt maxima, vt puta, nume-
rica, huiusmodi extrema referuntur,
vt vnū re & numero, propter quod
relatio a qualitatē inter ea non eſt
realis, ſicut nec relatio eiūdem ad ſe
ipſum. Hac ratione probat hic capi-
tuliſſimus expoſitor ſuam conſuſio-
nem, quā tenet a qualitatē in diui-
nis non eſſe relationem realem. Sed
re vera miror hominem adeo doctū
ſimili conuinci ratione. Decipitur e-
nim in eo, quod ex ſtimat extrema
æqualitatis in diuinis referri ad ſe in-
uicem, vt vnum re & numero, quaſi
idem ad ſe ipſum. Nam vt prima
cōcluſione docuimus, æqualitas ne-
ceſſario præ exigit extremorum rea-
lem diſtinctionem. Nam vt ex Hi-
lario ibidem oſtendimus, idem non
eſt ſibi æquale, nec ſimile, ſed alteri
ergo perſonæ diuinę non referuntur
ad inuicem æqualitatis relatione, vt
extrema, vnum re & numero: ſed ne-
ceſſario ſunt diſtincta extrema ſecū-
dum rem, vt ſic referri poſſint. Ve-
rū eſt tamen, quod, vt ſumma æqua-
litate ſint æquales, vt re vera ſunt ne-
ceſſario vnitatem magnitudinis nu-
mericam habere debent. Caterum
nunquam æquales eſſent, ſi re ipſa
non eſſent diſtinctæ: ac proinde, vt
extrema diſtincta inter ſe cum vnita-
te magnitudinis numerica ad ſe inui-
cem per æqualitatis relationem refe-
runtur. Vel breuius ſic argumentor.
& redit in idem. Idem non poteſt di-
ci ſibi ipſi æquale, vel ſimile ex pri-
ma cōcluſione & ex vera metaphy-
ſica: ergo æqualitas neceſſario requi-
rit

rit realem extremorū distinctionē: ergo extrema æqualitatis non referuntur ad se inuicem, vt vnum re & numero inter se, sed vt distincta iter se, & vnum in magnitudine. Et si vera est ratio huius expositoris, sequitur, quod diuinæ personæ non sunt æquales: quia sicut idem non potest dici sibi ipsi æqualis: ita nec personæ, vt vnū inter se re & numero, æquales esse possunt.

8. Concl.

Octaua conclusio. Æqualitas, quæ pater est æqualis filio re ipsa distinguitur ab æqualitate, quæ filius dicitur æqualis patri. Probatur. Duo æqualia sunt opposita, quia relatiua: ergo relationes quæ sunt causa huius oppositionis sunt oppositæ: ergo sūt plures, sicut & opposita relatiua sunt plura: ergo in duobus æqualibus necessariò sunt duæ æqualitates oppositæ, quarum qualibet sit in suo extremo. Ex cōclusionē sequitur, quod in tribus personis sunt ad minus tres æqualitates. Sed cum ex sententiā Scoti relatio multiplicetur ad multiplicationem termini, sequitur, quod in diuinis sunt sex æqualitates: duæ in patre ad filium, & ad Spiritum sanctum, & duæ in Spiritu sancto: vna ad patrem, & alia ad filium. Idem dicendum est de similitudine, & identitate.

9. Concl.

Nona conclusio. Istæ relationes communes non distinguuntur realiter a relationibus originis, sed solū formaliter, & similiter nec inter se loquendo de illis, quæ sunt in eadem persona. Conclusio hæc est contra nonnullos Scotizantes. Qui cum viderint Scotum dicentem relationes non esse formaliter infinitas, ac per cōsequens ex suis rationibus formalibus non habere vnde vna alteram

sibi identificeet summa identitate reali, vt docet Scotus quolib. 5. affirmarunt, spirationem actiuam re ipsa distinguui a paternitate, & similiter æqualitatem, identitatem, & similitudinem inter se, & a relationibus originis. Sed re vera isti toto aberrant e loco, & periculosè satis loquuntur: tum propter numerum rerum, quem in diuinis collocant, licet afferant solas tres res subsistentes: tum etiam, quia nō longè absunt a positione compositionis in diuinis, siquidē in eadem persona plura re ipsa distincta esse asserunt. Nec Scotus vtrquam huiusmodi distinctionem falsus est: imò in primo dist. 3. l. q. 1. litera F. oppositum docet expressè. Aut enim sic. Ad secū dum potest concedi, quod quæ sunt perfectiones in Deo, tot sunt et magnitudines, & tot æqualitates. Sicut tamen illæ omnes (vt puta perfectiones simpliciter) sunt simpliciter vna res, ita & æqualitates secundum eas sunt simpliciter vna res. Hæc Scotus: vbi saltem fateatur omnes illas æqualitates esse simpliciter vnā rem, ac per consequens idem realiter. Et consequenter idem dicendum videtur secundum Scoti doctrinam de identitate & similitudine inter se, & cum æqualitate, scilicet, quod sunt vnæ res simpliciter, licet formaliter distinguantur. Verum est tamen secundum Scotum æqualitatē nō tantum distinguui ab identitate, & similitudine, quantum similitudo ab identitate distinguuntur, vt supra diximus. Præterea, sicut paternitas, & spiratio actiua sunt idē realiter inter se, quia identificantur diuinæ essentia, nam quæ sunt eadē vni tertio sunt eadem inter se, si relatiua oppositio non obuiat: ita æqualitates istæ sunt idem

realiter cum relationibus personarum, videlicet, æqualitas, quæ est in patre, est idem realiter cum paternitate, & æqualitas filij cum filiatione: quia identificantur cum essentia: aliter. n. diuina simplicitas difficulter saluari posset. Hoc ego secundum Scotum in hac resentiendum arbitror: nec argumentum, quo illi Scotista cōiunguntur nō multum videtur efficax. Nā, licet relationes diuinæ ex suis proprijs rationibus non habeant unde vna transeat in perfectam identitatem realem alterius, quia non sunt formaliter infinitæ, vt controuersia sequenti docebimus, tamen cum transeant in perfectam essentia: identitatem, sequitur idem esse re ipsa inter se, quandoquidem relatiue non opponuntur: quia quæ sunt eadem vni tertio, &c. Ita tenet Tartaretus quæstione sexta quolib. expresse, & insuper asserit, Scotum in eadem sententia fuisse.

Sed contra. Relationes quæ sunt ad terminos distinctos realiter, sunt realiter distinctæ: sed æqualitas, quæ pater dicitur æqualis filio, & ea, quæ dicitur æqualis Spiritui sancto, sunt ad terminos realiter distinctos: ergo illæ duæ æqualitates in patre sunt distinctæ realiter. Respondeo, maiorem veram esse, vbi identitas eorum realis ad tertium in eodem supposito non inuenitur: at in proposito illarum duarum æqualitates identificantur in patre ex identificatione earum ad essentiam.

10. Cōcl.

Decima conclusio. Relatio æqualitatis inter diuinas personas, quæ in æternitate fundatur, vel in potestate, non est realis, sed rationis. Probatur. Fundamentum non est reale: ergo nec relatio. Consequentia tenet: antece-

dens probatur: quia æternitas & potestas formaliter non important, vt supra diximus, nisi vel relationem rationis, vel negationem, &c.

AD ARGUMENTA
in principio controuersie
posita.

AD primum nego antecedens. *Ad 1.* Ad probationem dico, quod materia bifariam accipitur. Primo pro materia receptiua forme: secundo pro quocunque, quod præexigitur ipsi forme, quomodocumq. præexigatur, secundum cuius pluralitatem determinatur pluralitas forme. Primo modo non est in diuinis materia: bene tamen secundo modo: quia pluralitas equalitatis, vt diximus, necessario præexigit pluralitatem alterius rationis, secundum quam ad certam pluralitatem determinatur.

Ad secundum concedo totum. *Nec Ad 2.* est aliquod inconueniens in qualibet persona duas esse æqualitates: quia istæ non distinguuntur realiter a relationibus originis, cum quibus coniunguntur in eadem persona. Ratio autem, ob quam Scot. duas æqualitates admittit in patre, vnam ad filium, aliam ad Spiritum sanctum, est, quia ad multiplicationem terminorum tenet relationem multiplicari, vt patet in tertio, distinctione octaua, et quinto Meta. De qua re in controuersijs tertij erit copiosus sermo.

Ad tertium concedo primam *con Ad 3:* sequentiam, & nego secundam. Et ratio est, quia relationes istæ communes, vt supra ostendimus, præsupponunt necessario personas constitutas in suo esse personali, ac proinde

eas

eas constituere haudquaquam possunt. Dico ergo, quòd relationes originis prius quasi pullulant (vt ita loquar) in essentia diuina, quam communes: ac proinde illæ primo pullulantes distinguunt, & constituunt personas, non autem illæ cõmunes, quia personis iã constitutis superueniunt, sicut spiratio actiua nullam constituit personam, quia personis, scilicet, patri & filio iam constitutis in esse personali aduenit.

Ad 4.

Ad quartum dico, quòd secũdum commune Theologorum axioma solum sunt quatuor relationes reales ad origines spectantes, per quas personæ cognoscuntur. Caterum alias relationes communes ipsis identificatas ponere nõ est a Theologorum placitis discedere, siquidem Scotus, & omnes eius discipuli eas absq; timore & tremore affirmant.

Ad 5.

At quintum nego antecedens. Non enim necessum est magnitudines commensurari, sed vnum extremum alteri: quod bene accidit etiã cum eadem numero quantitas in ipsis reperitur.

Secundò dico, falsam esse maiorem. Imò illa æqualitas, quæ est secũdum plures magnitudines, est æqualitas realis secundum quid, quia fundatur in vnitate magnitudinis secundum quid, quæ est vnitas specifica. Illa vero, quæ est secundum eãdem numero magnitudinem, est simpliciter realis æqualitas: quia fundatur super vnitate reali simpliciter, qualis est vnitas numerica.

Tertiò dico, quòd quamuis æqualitas realis præexigeret plures magnitudines, nõ tamen inde inferitur, quòd præexigat illas, vt commensuratas. Quod sic ostendo. Quia per il-

lam commensurationem, aut intelligis æqualitatem ipsam, vel rationem eius formalem, vel aliã quã rationem præuiam fundamentalem. Si primũ, ergo est petitio principij in maiori, ac si dicas, æqualitas non est realis, nisi sit æqualitas realis. Si vero intelligis secundum, probandum tibi erat huiusmodi commensurationem esse rationem æqualitatis formalem, quod non probas. Si vero intelligis tertium, videtur falsum: quia commensuratio illa non est prior æqualitate, imò posterior: quia videtur importare coextensionem, & applicationem ipsorum æqualium inter se, quæ est posterior æqualitate, quia positis ipsis quantitatibus æqualibus subsequitur.

Ad 6.

Ad sextum dico, quòd hæc præpositio, secundum, quando fit comparatio ad prædicatum respectum non semper notat id, cui additur, esse rationem formalem vltimam inharere ipsius prædicati, sed communiter notat rationem fundamentalem. Dicimus enim, Socratem secundum albedinem esse similem Platoni, cũ tamen albedo non sit ratio formalis proxima essendi similem, sed ipsa similitudo: sicut ipsi albo albedo est proxima, & formalis ratio essendi album. Conceditur tamen illa propositio: quia albedo est ratio fundamentalis ipsius similitudinis. Cum ergo dicit Augustinus, patrem dici æqualem filio secundum substantiam, illa præpositio, secundum, non dicit rationem proximã formalem, sed fundamentalem, quæ non numeratur in patre & filio, sed est vna & eadẽ numero quantitas in eis, quæ est ratio fundandi æqualitatem, licet æqualitas ipsa numeretur.

Sed dices. Quare ergo non conce-

ditur ab Augustino hæc propositio: Pater est pater secundum essentiam, & tamen conceditur ista. Pater est æqualis filio secundum essentiam. Respondco, quod nunquam ali-
*Nota singulari modo
 Arrianum.* quod prædicatum dicitur competere alicui per illud, quod respectu eius est veluti ratio transcendens, & inadæquata, siue sit ratio formalis, siue fundamentalis. Vnde hæc est falsa. Socrates secundum colorem est albus. Et ratio huius differentie est: quia color respectu huius, quod est esse album, est veluti ratio transcendens, & inadæquata, & diminuta: albedo vero respectu eiusdem effectus est ratio formalis propria præcisa, & adæquata: ac proinde illa prior propositio est falsa, postea rior autem vera. Similiter in proposito ista propo-

sitio: Pater vel Deus est pater secundum substantiam est falsa, hæc autem vera, Pater secundum substantiam est æqualis filio: quia substantia, & essentia diuina respectu paternitatis, est veluti ratio fundamentalis transcendens, & non adæquata, nec præcisa, cum sit fundamentum etiam aliarum relationum originis, respectu vero aequalitatis est veluti proxima, & adæquata ratio fundamentalis eius. Similiter hæc est vera. Deus est pater secundum memoriam, sicut & illa. Pater est æqualis filio secundum substantiam. Et ratio est: quia memoria respectu paternitatis est veluti propria, & adæquata ratio fundamentalis relationis paternitatis, sicut substantia respectu aequalitatis.



CONTRVERSIA

VIGESIMASEPTIMA.

An relationes diuinae sint formaliter infinitae?

1. *argum.*



PRIMUM affirmatiuā sic probō. Primo, q̄ non est cōprehensibile, nisi ab intellectu infinito est infinitū formaliter sed generatio diuina, quae est relatio non est comprehensibilis, nisi ab intellectu infinito: ergo est formaliter infinita. Cōsequētia est optima cum maiori manifesta: minor ostenditur vera per illud Esai. 53. Generationē eius quis enarrabit? Quod exponens Dīus Hieronymus Homil. 1. super Matthaeum ait. In Esaiā legimus: Generationem eius quis enarrabit? non ergo putemus Euāgelistam Prophetae esse contrarium, ut, quod ille impossibile dixit effatu, hic narrare incipiat: quia ibi de generatione diuina, hic de incarnatione est dictum. Quibus verbis vult Hieronymus diuinā generationem enarrari non posse: quod autem impossibile est effatu est omnino incomprehensibile. Et confirmatur per illud Ambrosij de fide ad Gratianum. Quēro a te, quomodo puras (inquit) filium Dī esse genitum? Et sequitur. Mihi impossibile est generationis scire secretum, mens deficit, vox silet, non mea tantum sed angelorum, et supra Cherubin & Seraphin, & supra omnem sensum est. Quod probat, quia scriptum est, Pax Christi, quae exuperat omnem sensum, ad Philipp.

quarto. Si ergo pax Christi est supra omnem sensum quomodo non supra omnem sensum est tanta generatio?

Secundō. Omnis actio adaequata principio, & termino infinito est formaliter infinita, generatio n̄ diuinis (& sic relatio) est adaequata principio formali infinito: ergo est formaliter infinita. Consequentia tenet, & maior videtur nota: minorem probō: quia principium quo, est memoria fecunda patris, quae est formaliter infinita: primus autem terminus est filius, qui est infinitus: terminus vero formalis est essentia cōmunicata, quorum vtrumque est infinitum.

Tertio. Ratio subsistendi est ratio perfectissime essendi: sed relatio diuina est ratio subsistendi: ergo est ratio perfectissime essendi, & per consequens infinita, quia esse in diuinis est formaliter infinitum.

Quarto. Intellectus diuinus est formaliter infinitus non ob aliud, nisi quia est idem essentiae diuinae, quae est primo infinita: ergo similiter paternitas in diuinis erit formaliter infinita, quia est idem eidem essentiae diuinae.

Quinto. Omne ens est formaliter finitum, vel infinitum: sed diuina relatio est ens: ergo est formaliter finita vel infinita. Consequentia tenet cum minori: probatur maior: quia

Mm 4 fini-

finitum & infinitum diuidunt immediate ipsum ens ergo omne ens vel est finitum vel in finitum.

E X P L I C A T V R quæstionis titulus.

1. Nota.

Pro intelligentia tituli quæstionis ratio infiniti in entitate a nobis præiacienda est. Quam ut facilius percipiamus non erit abs re fingere infinitum in actu in quantitate factum per additionem partis ad partem, sic, quod omnes partes ad sui infinitatem requisitæ sint acceptæ & sibi additæ & sic sit actu infinitum. Huic quantitati iam infinitæ in actu aliquæ proprietates conuenirent. Prima, quod ipsa esset quoddam totum: nam totum secundum Aristotelem est, cuius nihil est extra ipsum: quantitas vero infinita in actu nihil haberet extra se ipsam, quia omnes partes secum haberet. Secunda proprietas est, quod ipsa esset quid perfectum: quia perfectum est, cui nihil deficit perfectionis sibi possibilis: illa verò quantitas infinita haberet omnem perfectionem possibilem in ratione quantitatis. Tertia proprietas esset, quod non posset excedi ab aliqua quantitate, nam si posset excedi non esset infinita. Sed hoc infinitum haberet necessario aliquid imperfectionis, videlicet, quod qualibet eius pars esset extra aliam, quia una non esset alia, nec aliquid eius: ac ita qualibet ex partibus esset imperfecta, & per consequens totum infinitum ex ipsis compositum esset imperfectum.

1. Nota.

Secundo aduerte, quod infinito in entitate debent conuenire tres prædictæ proprietates infiniti in actu. Nam primo debet habere rationem

totius, quia nihil entitatis sibi possibilis debet esse extra ipsum, sed omnem entitatem possibilem secum habere debet, eo modo, quo in aliquo vno reperiri potest: similiter debet esse quid perfectum taliter, quod nec sibi, nec alicui eius debet deesse aliquid. Vnde infinitum in entitate aliter debet esse perfectum, quam infinitum in quantitate, nam infinitum in actu in quantitate si daretur, ita esset perfectum quod sibi secundum se totum nihil talis quantitatis deesset, tamen cuiuslibet parti eius deesset aliquid quantitatis, illa, scilicet, quæ est in alia parte. At verò infinitum in entitate ita debet esse perfectum, quod nec sibi toti, nec alicui eius aliquid deficit. Vnde quod est infinitum in entitate, est ita perfectum, quod nec sibi toti, nec alicui eius deest aliquid, quia quidquid est in eo saltem idem esse, est ipsummet, & in sua ratione formaliter ita se habet, quod nihil sibi deest ex his quæ ad eius rationem in formalem pertinere possunt, nec habet rationem partis, sed potius totus.

Tertio. Infinitum in entitate a nullo ente debet excedi, sed omnia excedere debet, non secundum aliquam determinatam proportionem, sicut homo excedit bouem, sed ultra omnem determinatam proportionem vel determinabilem vel assignabilem.

Ex his elici potest ratio infiniti in entitate: infinitum est illud, cui nihil entitatis deest eo modo, quo possibile est illud haberi in aliquo vno. Ad idur, eo modo, quo haberi potest in aliquo vno, quia infinitum in entitate non potest in se realiter & formaliter omnem entitatem habere: non enim potest esse formaliter nec realiter lapis, nec equus, sed est hæc omnia

nia virtualiter & eminenter. Debet ergo infinitum in entitate habere in se formaliter, vel eminenter, seu virtualiter omnem entitatem: perfectio nes simpliciter formaliter, perfectio nes vero, quæ necessario habent annexam imperfectionem, scilicet, finitatem, vel lapsum, sequus, virtualiter & eminenter.

Ex his sequitur, quod infinitas in tēsiua, quæ competit enti infinito in entitate, non se habet respectu infiniti, tanquam passio, vel quasi passio eius, sed dicit modum intrinsecum eius, quia circūscribendo ab eo omnem passionē, vel quasi passionem adhuc manet in eo infinitas intensiua. Quod patet, quia diuina essentia præcise accepta ut prior omnibus attributis, quæ videntur esse quasi passionēs eius, est infinita intēsiuē. Hoc docet Scotus in quol. q. 6. lit. E.

His positis sensus tituli quæstionis nō est, an relatio diuina sit idem realiter alicui infinito, quia de hoc, pars affirmatiua est certissima, identitatur enim cum diuina essentia, quæ est formaliter infinita. Nec sensus est, an relatio sit tale infinitū per identitatem: sed sensus est, an relatio formaliter sumpta secundum suam entitatem formalem relatiuam, secundum quam distinguitur a diuina essentia, sit infinita intensiue, ita quod infinitas intensiua sit modus eius intrinsecus, taliter, quod seculo omni alio, cui est idem, adhuc includat infinitatem, sicut diuina sapientia secundum suam propriam rationem formalem est infinita intēsiuē etiam secludendo per intellectum essentia, cui est idem secundum rem.

Circa hanc quæstionē est sententia communis, quod relatio diuina

prout dicit inexistētiā in personis, est perfectio formaliter infinita. Hæc prædicat ubique S. Thom. siquidem ubique fatetur relationes diuinas in suo conceptu formali includere essentiam, quæ absque dubio infinita est perfectio. Ita tenet Caie. 1. par. q. 28. art. 2. licet affirmet relationem secundum propriam suam rationem nullam dicere perfectionem, nec imperfectionem. Idem tenet Torres, & alius quidā nouus expositor eiusdem 1. p. ead. q. & ar.

Sententia verò Scoti est omnino opposita, ut puta, quod relatio diuina secundum propriā entitatē considerata nec est finita, nec infinita, ac per cōsequens, nec perfecta, nec imperfecta. Ita tenet expresse in quol. q. 1. in princ. & in 1. d. 8. q. 4. lit. l.

EXPLANATIO opinionis B. Thom.

PRO intelligentia opinionis beati Thomæ, & discipulorum eius obseruandum ex eodē B. Tho. 1. p. q. 28. art. 2. discrimen esse inter alia accidentium genera, & relationem, quod alia accidentia non solum secundum rationem communem alijs accidentibus respiciunt subiectum, in quo sunt, sed etiam secundum proprias ac peculiare rationes: relatio vero solum secundum communem rationem accidentis dicit respectum ad subiectum, in quo est, quia est accidens, sed secundum propriam rationem dicit respectum ad aliquid extrinsecum, scilicet, ad terminum.

Secundo obserua ex eodē D. Tho. 2. Nota ubi supra, quod sicut relatio creata secundum cōmunem rationem accidentis respicit subiectum, in quo est, secundum

1. Nota

2. Nota

secundum verò rationem propriam respicit terminum, ita relatio diuina respicit duo, & suppositum diuinū, in quo existit, & terminum, in quē tendit. Vnde habuit ortum illa Caietani distinctio, quod relatio potest considerari, vel prout dicit, in, vel prout dicit, ad.

1. *Concl.* His suppositis sit prima conclusio. Relatio qualibet secundum propriā rationem, & communem relationis, prout, scilicet, dicit respectum ad terminum, nec perfectionem, nec imperfectionem importat. Probatur: quia omnis perfectio, vel imperfectio attenditur penes ordinem ad subiectum, vel suppositum, in quo est: sed relatio prout præcisa dicit, ad, nulum ordinem formaliter dicit ad id, in quo est: ergo ut sic non importat perfectionem, nec imperfectionem. Probatur maior: quia omnis perfectio, vel imperfectio est alicuius perfectio, vel imperfectio: hoc autem intelligi non potest, nisi respectu eius, in quo est: ergo vera est maior.

2. *Concl.* Secunda conclusio. Relatio, ut dicit, in, dicit formaliter perfectionem. Probatur: quia omnis relatio secundum hanc considerationem ponitur in aliquo genere entis realis: sed omne genus entis realis dicit simpliciter aliquam perfectionem: ergo, &c.

3. *Concl.* Tertia conclusio. Omnis relatio realis, si loquamur simpliciter, est formaliter perfectio. De relatione creata probatur: quia relatio creata in suo formali conceptu includit ens reale, quod est accidens inhaerens subiecto: ergo est perfectio. Antecedens est notū: consequentia probatur: quia omnis ratio entis, quod est in subiecto, est perfectio illius subie-

cti: relatio verò diuina cum in suo conceptu formali includat essentiā, necessario est perfectio.

Quarta conclusio. Relatio diuina est formaliter infinita. Hæc conclusio probatur supponendo, quod omne ens perfectum est quantum quantitate virtutis, & insuper quod relatio diuina est ens perfectum ex tertia conclusione. Nunc sic. Omne ens quantum quantitate virtutis est formaliter infinitū, vel finitum, quia finitum, vel infinitum est modus intrinsecus entis quanti: sed relatio diuina est ens quantum quantitate virtutis: ergo est formaliter finita, vel infinita: sed non est finita, ergo infinita.

Secundo. Relatio diuina, verbi gratia, paternitas formaliter, & essentialiter est diuina essentia: ergo secundum propriam suam entitatē est formaliter infinita perfectio.

Tertio. Relatio creata, quæcumque illa sit, est formaliter finita: ergo relatio increata est formaliter infinita. Hæc de opinione B. Thom.

EXPLANATIO opinionis Doct. subtilis.

AD intelligentiā opinionis Scoti primò obseruandum, quod quantitas est duplex: alia est quantitas molis: alia verò est quantitas virtutis, & perfectionis. Prima est, secundum quam aliquid extenditur: secunda verò secundum quam aliquid est perfectum: Sed quantitas virtutis est duplex, Quædam enim competit rei secundum esse quidditatum, quæ vitam differentiam specificam constitutiuam rei insequitur, qualis est quantitas, & perfectio specifica hominis, vel equi: quædam

4. *Concl.*1. *Nota.*

verò competit rei secundum esse indiuiduale, ratione, scilicet, proprietatis indiuidualis, penes quæ quantitatem non est ordo essentialis inter indiuidua, sed penes priorem.

2. *Nota.* Secundo obserua, quod sicut duplex est quantitas, virtutis, scilicet, & molis: ita ens quantum est duplex, aliud quantum quantitate molis, aliud vero quantitate virtutis, & perfectionis.

3. *Nota.* Tertio obserua ex Scoto in quolib. q. 5. in solutione ad primum principale, & ex Antonio Trombeta in sua Meta. q. 1. q. ens prius, quam diuidatur per finitum, & infinitum, diuidatur per quantum, & non quatum, sumendo ens quantum, pro quanto quantitate virtutis, cuiusmodi est illud, quod aliquem perfectionis gradum includit: ens verò non quantum per oppositum est illud, quod aliquem perfectionis gradum non includit. Ens autem quatum est, quod diuiditur per finitum, & infinitum perfectum, & imperfectum: ens verò finitum distinguitur in decem genera. Ex quibus inferuntur entia non quanta, nec esse formaliter finita, nec infinita: quæ sicut finitum, & infinitum in quantitate molis solum insunt rebus, quæ huiusmodi quantitatem habent: ita finitum & infinitum quatenus sunt modi intrinseci entis præcisè conueniunt enti quanto quantitate virtutis.

4. *Nota.* Quarto obserua, quod quantitas virtutis, & perfectionis solum nata est conuenire entitati, quæ ad aliam comparata, vel potest excedere illam, vel excedi, esse mensura, vel mensurata, quia omnis res, cui quantitas virtutis competit, vel est finita formaliter in perfectione, vel infinita. Si est finita re ipsa exceditur ab infinita, &

ab ea mensuratur. Si vero est infinita excedit omnem aliam rem in quantitate, estque omnium entium, quantorum metrum ac mensura: quia per accessum ad ipsam, & recessum, omne ens quantum mensuratur. Hoc colligitur ex Scot. quolib. 6. paulò ante litteram F.

Quinto obseruanda est definitio 5. *Nota.* perfectionis simpliciter, quam tradidit Anselmus in suo monologio, c. 14. quæ est huiusmodi: Perfectio simpliciter est, quæ in quolibet habente ipsam melius est ipsam habere, quam non ipsam habere.

Pro intelligètia huius descriptionis obserua, quod illa particula, non ipsa, non sumitur pro negatione contradictionis opposita, vt sit sensus, Perfectio simpliciter est, quæ est melior ipsa, quam sua negatio: quia tunc qualibet entitas positiua esset perfectio simpliciter, quia est melior, quam sua negatio, ens enim est melius non ente: sed sumitur ibi non ipsum, pro quocumque sibi incompossibili, etiam positiue, vt sit sensus, perfectio simpliciter est, quæ in quolibet est melior quocumque incompossibili. Item. Cum dicitur, in quocumque, non accipitur ly, quocumque, pro quacumque natura, nec pro quocumque supposito in quouis natura, sed pro supposito absolute accepto, præscindendo rationem naturæ, in qua subsistit. Hoc probatur: quia supposito considerato, vt subsistens est in natura auri non est melius non aurum, quam aurum, quia impossibile, vt impossibile, non est alicui melius, destruit enim entitatem, & ratione eius: imò melius est auro esse aurum, quam quolibet impossibile naturæ

turæ auri, quia deſtruitur ipſum. Sic equo melius eſt eſſe equum, quam eſſe ſapiētem, vel angelum, quia iſta ſunt incōpoſſibilia eius naturæ. Cæterum ſuppoſito equi in ratione ſuppoſiti abſolutè accepto, melius eſt eſſe ſapiens, quam non ſapiens, eſſe iuſtum quàm non iuſtum, eſſe verum quàm non verum, ſive negatiuè, ſive poſitiuè iſta ſumantur. Eſt ergo intellectus diſinitionis iſte. Perfectione ſimpliciter eſt talis, quæ in quocumque ſuppoſito abſolutè conſiderato ſecundum rationem ſuppoſiti non determinando naturam, in qua, vel cuius ſit ſuppoſitum, melior eſt iſta, quam nō iſta, id eſt, quā quodlibet iſi incōpoſſibile.

6. Nota.

Sexto obſerua, quancumque perfectionem ſimpliciter cuiumque, perfectioni ſimpliciter eſſe compoſibilem in quocumque ſuppoſito abſolutè ſub ratione ſuppoſiti conſiderato. Hoc probat eleganter Scotus ſupra dicta quæſtione quodlibetica in hunc modum. Si perfectiones ſimpliciter eſſent inter ſe incōpoſſibiles, ſequeretur idē eſſe imperfectius ſeipſo: ſed conſequens eſt impoſſibile: ergo & illud, ex quo ſequitur. Probo ſequelam: & ſumo bonitatem, & veritatem, quas perfectiones ſimpliciter eſſe ponamus, uti res ſe habet. Nunc ſic. Si bonitas eſt incōpoſſibilis cum veritate in eodem ſuppoſito ſub ratione ſuppoſiti ſumpto, ergo bonitas eſt perfectior veritate, quia perfectio ſimpliciter illa eſt, quæ in quolibet eſt melior iſta, quàm quodlibet ſibi incōpoſſibile. Et præterea, cum veritas ſit perfectio ſimpliciter, erit perfectior, & melior bonitate, quæ ponitur ei incōpoſſibilis: ac per conſequens bonitas eſt perfectior

veritate, & imperfectior ſimul. Unde inſertur quod idem erit ſe ipſo inferior perfectius. Ex his inſertur quod in ente infinito, ac ſummè perfectio ſunt compoſibiles omnes perfectiones ſimpliciter, nec erit ſummè perfectum, ſi aliqua ex perfectionibus ſimpliciter ſibi deſuerit.

Hoc cōſectarium quoad primam partem probatur: quia ut ait Scotus in libello prope diuino de primo rerum principio, c. 4. conſequentia tertia, perfectio ſimpliciter ad omne incōpoſſibile ſibi in eodem ſuppoſito entis habet ordinem eſſentialem eminentiæ: quia quod eſt ſibi incōpoſſibile neceſſariò eſt alterius rationis ab ea, ac per conſequens nō ſunt eiſdem perfectionis, & ita habent inter ſe ordinem ſecundum nobilitatem: ſed perfectio ſimpliciter nō poteſt habere rationem exceſſi reſpectu ſibi incōpoſſibilis, ut cōſtat ex eius deſcriptione ſupra poſita, eſt enim iſta melior in quolibet, quam quodlibet ſibi incōpoſſibile: ergo habet rationem eminentis: ergo vel naturæ primi entis eſt incōpoſſibilis, & ita excedit eam, quod eſt abſurdum: vel compoſibilis, & ita poteſt ei ineſſe & etiam in ſummo, quia ſic eſt ei compoſibilis: ergo ineſt ei neceſſariò, quia poſſe & eſſe in diuinis ſunt idem.

Septimò obſerua, quod hac eſt vis æſtimationis infiniti formaliter, ut omne ſibi compoſibile in eodem ſuppoſito identificet ſibi ſecundum rem ſumma identitate reali taliter, quod accipiendū utrumque in abſtracto alterum de altero efferatur in recto. Exēpli cauſa. Quia eſſentia diuina eſt formaliter infinita, identificat ſibi ſapientiam, & paternitatem: ita ut iſta

7. Nota.

pro-

propositiones per identitatem sunt vera, essentia est paternitas, essentia est spiratio. Ratio verò huius identificationis est, quia infinitum non solum non est compositum, sed etiam omnino incomponibile alteri, quia omne componibile potest esse pars, ac per cōsequens potest excedi: quia totum est maius sua parte: infinitum verò a nullo excedi, aut superari potest: ergo infinitum est omnino simplex, & incompositum, & incomponibile. At verò si aliquid sibi composibile in eodem supposito non esset perfectè idem sibi, tunc non esset omnino incomponibile, quia ibi esset aliquo modo compositio saltem ex actu & potentia. Vera ergo est propositio assumpta, scilicet, quod infinitum formaliter identificat sibi realiter: omne sibi composibile in eodem supposito. Sed quod sic sit idem illi, quod sit vera prædicatio in abstracto, ostenditur in hunc modum. Prædicatio affirmatiua est vera ratione identitatis extremorum inter se: ergo omnis illa erit vera abstracti de abstracto, ubi per abstractionem nō tollitur ratio identitatis. Exemplum. Hæc est vera prædicatio. Albedo est color, facta abstractione vtriusq; extrema a subiecto: quia licet extrema sint abstracta a subiecto alterius naturæ, & per hoc etiam identitas eorum in subiecto, tamen quia subiectum non erat præcisa ratio identitatis eorum inter se, quia præter illam identitatem in subiecto habebant identitatem naturæ ad naturā, adhuc illa propositio, Albedo est color, est vera.

Ceterū albedo, & musica non habent identitatem, nisi per accidens ratione subiecti. Licet ergo hæc sit

vera. Album est musicum, hoc idè, quia idem subiectum denominatur ab vtroq; accidente, tamen facta abstractione ab illo subiecto, quod fuit ratio identitatis eorum, hæc est falsa, Albedo est musica. Patet ergo, quòd affirmatiua propositio est vera ratione identitatis extremorū: ac per consequens omnis prædicatio abstracti de abstracto erit vera, ubi per abstractionem non tollitur ratio identitatis, ratione cuius erat vera. Nam, vt diximus, hæc est vera, Album est coloratum, quæ est concreti de concreto: & similiter hæc, Albedo est color, quæ est abstracti de abstracto: quia per abstractionem eorum a subiecto nō tollitur identitas eorum inter se. Modo autem quando vnum extremum est infinitum per abstractionem eius a supposito non tollitur ratio identitatis, quam habet ad suppositum, & ad omne sibi composibile in eodem supposito. Nam licet deitas abstrahatur a Deo, & sapientia a Deo sapiente, non per hoc tollitur identitas deitatis, & sapientiæ ad Deum, & ad omne sibi composibile: quia ratio huiusmodi identitatis est infinitas, quæ facta abstractione tali manet in ipsis: deitas enim est formaliter infinita, & similiter sapientia diuina: Quocirca facta abstractione huiusmodi, erit vera prædicatio abstracti de abstracto.

Ex his sequitur, quod quædam prædicationes in diuinis sunt veræ, non solum in concreto, sed etiam in abstracto, vt ista, Deus est sapiens, Deitas est sapientia: quædam verò in concreto, licet non in abstracto: vt hæc est vera, Pater est spirans: hæc verò falsa, Paternitas est spiratio, licet hæc sint vera. Deitas est paternitas, Dei-

tas

Doctri-
na notā-
da.

Cōfessio
vni scitu
dignum.

tas eſt ſpiratio. Et ratio non eſt, niſi quia diuinitas eſt formaliter infinita ſecundam rationem eius formale, ac proinde cum in ipſa etiam abſtracta, maneat ratio infinitatis, ſemper manet ratio identitatis, ſimpliciter ad paternitatem, & ad ſpirationem. Et idcirco manet ratio veritatis affirmatiue prædicationis abſtracti de abſtracto, vt deitatis de paternitate, vel paternitatis de deitate: ſed paternitatē, quæ non eſt formaliter infinita, abſtrahendo a ſuppoſito, nō manet ratio identitatis eius ad ſpirationem actiuam, quæ etiam non eſt infinita formaliter. Et idēd, licet hæc ſit vera, Pater ſpirat, quia eidem ſuppoſito conuenit vtrumque, tamen facta abſtractione ab illo ſuppoſito, quia neutrum eorum eſt infinitum formaliter, nō eſt vera hæc prædicatione in abſtracto, Paternitas eſt ſpiratio. Sed nō ob id earum realem identitatem inter ſe, & cū eſſentia negamus. Quandoquē; ergo aliquod eſſentiale prædicatur de aliquo eſſentiali, vel perſonale de eſſentiali, vel eſſentiale de perſonali, eſt prædicatione affirmatiua vera, etiā in abſtracto, quia facta abſtractione a ſuppoſito, manet adhuc alterū extremum infinitum: & ita manet ratio identitatis extremi ad extremum, ac per conſequens ratio veritatis in prædicatione affirmatiua.

1. *Concl.* Prima conſuſio. Relatio, prout indiſſerēs ad creatam & increatam, nullam dicit perfectionem: Et ratio præciſa eſt: quia vt ſic, non eſt ens quantum quantitate virtutis, ſed abſtrahit ab ente quanto, & non quanto: ſicut animal vt indiſſerens ad hominem, & ad equum, nec eſt rationale, nec irrationale.

2. *Concl.* Secunda conſuſio. Relatio diui-

na, verbi gratia, paternitas, vel filiatio, non eſt formaliter infinita. Probatur primō. Relatio diuina non eſt ens quantum quantitate virtutis: ergo nec eſt finita formaliter, nec infinita. Probatur conſequentia: quia ſicut finitum & infinitum, prout ſpectant ad quantitatem molis non conueniunt, niſi enti quanto quantitate molis, ſic finitum & infinitum prout ſunt modi inſinſeci entis, non conueniunt, niſi enti quanto quantitate virtutis. Antecedens probatur: quia omne ens quantum, ad aliud comparatum eſt excedens vel exceſſum: relatio vero diuina, nec eſt excedens, nec exceſſa: ergo, &c. Probo minorē. In primis non eſt exceſſa, quia tunc eſſet formaliter finita: nec excedens, quia tūc omnia excederet: quod eſt falſum. Quia tunc relatio diuina eſſet metrum & meſura entū, & penes acceſſum ad ipſam, vel reſeſſum entū perfectio meſuraretur, quod non competit, niſi enti abſoluto ac primo, non verō relationi, præſertim cum res a relationibus diuinis per ſe non dependant: nam eſſi Deus non eſſet trinus nihilominus cuncta produceret. Et confirmatur. Quia meſura oīno prima, & extra genus neceſſariō eſt vna, ſicut in quolibet genere eſt aliquod vnum, quod aliorū eſt metrū: at relationes diuinae ſunt plures, & realiter inter ſe diſtinctæ aliq̃ue earum: ergo relatio diuina nō habet rationem metri & meſuræ: alias plures meſuræ extra genus & in genere entis eſſent conſtituendæ, quod rationi, & veræ Philoſophiæ contrariatur. Verum eſt tamen, q̃ relatio diuina per identitatem, quā habet cū diuina eſſentia, quæ eſt infinitum eſſendi pelagus, excedit omnia

1. Rat.

nīa alia in infinitum, sed non secundum suam rōnem formalem, secundum quam a diuina essentia formaliter distinguitur. Nec tamen ab aliqua re exceditur, vt diximus, q̄a esset formaliter infinita. Nam, cum non sit ens quantum quātitate perfectionis, nec excedere, nec excedi potest: quia ista soli enti quanto formaliter insunt. Prater eā. Non habent rationem metri, & mēsurę; quia sunt proprietates hypostatice, & non habent rationem essentia, & quidditatis, ratio mēsurę competit.

2. Ratio. Secundo. Nulla proprietas personalis est communicabilis, cum sit ratio incommunicabiliter existēdi: ergo nulla proprietas personalis est infinita intensiue, formaliter loquendo: ergo relationes diuinæ illæ saltem, quæ sunt proprietates constitutionis personarum, vt paternitas, filiatio, & spiratio p̄sua, non sunt formaliter infinita intensiue. Hac posterior consequentia est nota: probō priorem consequentiam: quia omne formaliter infinitum intensiue est communicabile. Quod sic ostendo. Omnis perfectio simpliciter est cōmunicabilis: sed omne infinitum intensiue est perfectio simpliciter, nihil enim potest esse magis perfectū, quā quod sit infinitum intensiue: ergo omne infinitū intensiue est cōmunicabile. Probo maiorem: quia, vt diximus notabili quinto, perfectio simpliciter est illa, quæ in quolibet supposito entis sub ratione suppositi est melior ipsa, quā quodlibet sibi impossibile: ergo quolibet perfectio simpliciter potest conuenire cuicumque supposito sub ratione entis considerato, est que cōpossibilis cum quibuscumque, quæ

supposito entis, vt sic non repugnat: ergo est communicabilis. Nam si esset incommunicabilis, esset formaliter impossibile cuicumque alteri supposito sub ratione etiā suppositi considerato: sicuti, quia proprietas personalis Petri est incommunicabilis, est impossibile cuicumque alteri supposito sub ratione suppositi considerato, quia duæ proprietates personales sunt omnino impossibiles in eodē, ac per consequens nulla proprietates in diuinis, vel alia quæuis incommunicabilis est perfectio simpliciter, quia ipsa nō est melior, quā non ipsa cuicumque etiam sub ratione suppositi considerato, cū per sui positionem ipsum destruat. Nam si supposito equi addas aliquid sibi incommunicabile statim destruitur. Ex eo ergo, q̄ perfectio simpliciter in quolibet sub ratione suppositi entis considerato est melior, q̄ quodlibet sibi impossibile, optime sequitur, q̄ ipsa sit perfectio cōmunicabilis, & per consequens omne etiam infinitum intensiue, quia omne tale est perfectio simpliciter. Ex eo verō q̄ proprietas personalis est incommunicabilis, deducitur optime, q̄ non sit perfectio simpliciter, ac per consequens nec infinita formaliter intensiue.

3. Ratio. Tertiō. Si relatio originis, verbi gratia, paternitas diuina esset formaliter infinita, esset perfectio simpliciter: quia nihil est perfectius, quā infinitum formaliter: sed paternitas diuina non est perfectio simpliciter: ergo nō est formaliter infinita. Probo minorem: quia tunc paternitas in quolibet supposito sub ratione suppositi considerato esset melior quā quodlibet sibi impossibile ex di-

etis notabili ſexto, ac per conſequens eſſet melior ſiliatione diuina, quæ eſt ſibi incompoſibilis in eodem ſuppoſito. Ex quo inferitur, quod ſiliation non ſit perfectio ſimpliciter, quia vna perfectio ſimpliciter non eſt alteri incopoſibilis, vt ſtatim dicemus. Et ſi fiat argumentum idem de ſiliatione, probabimus paternitatem non eſſe perfectionem ſimpliciter: quia ſiliationi eſt incompoſibilis in eodem ſuppoſito ſub ratione ſuppoſiti conſiderato.

4. Ratio. Quartò. Omne infinitum formaliter eſt idem realiter cuiumq; compoſibili ſibi in eodem ſuppoſito, ſic intelligendo, qd accipiendo vtrumq; in abstracto prædicatur de eo, in recto, dicendo, hoc eſt illud, vt notabili ſexto diximus: ſed relatio originis in diuinis non eſt ſic idem cuiumq; ſibi compoſibili in eodem ſuppoſito: quia licet hæc ſit vera, Pater eſt ſpirans, tamen hæc eſt falſa, Paternitates eſt ſpiratio: quia per abstractionem tollitur identitas iſtorum extremorum in ſuppoſito, ratione cuius illa propoſitio, Pater eſt ſpirans, erat vera: ergo relatio originis in diuinis non eſt formaliter infinita. Ratio autem quare illa minor eſt falſa, eſt, quia facta abstractione extremorum a ſuppoſito tollitur identitas, ratione cuius erat futura vera illa propoſitio. Si autem alterum ex extremis ex ratione ſua eſſet infinitum formaliter maneret facta abstractione a ſuppoſito ſufficiens ratio identitatis ad veritatem affirmatiuè, vt puta, infinitas. Cum igitur ſit falſa ſequitur, qd nullum ex extremis ex ſua ratione eſt formaliter infinitum. Vide quæ diximus notabili ſexto.

5. Ratio. Quintò. Non poſſunt eſſe plura

formaliter infinita realiter diſtincta in quâto infinitas ſed relationes originis ſunt plures realiter diſtinctæ, quatenus relationes ſunt: ergo quatenus relationes ſunt non ſunt formaliter infinitæ. Conſequentia tenet cum minori veriffima: probo maiorem. Primò. Nulla perfectio ſimpliciter poteſt eſſe realiter diſtincta ab ente infinito formaliter: ſed ſi eſſent plura entia infinita realiter diſtincta, aliqua perfectio ſimpliciter eſſet realiter diſtincta ab infinito: ergo non poſſunt eſſe plura infinita realiter diſtincta. Probo maiorem. Quia infinitum formaliter eſt, cui nihil deficit entitatis eo modo, quo poſſibile eſt illud haberi in vno: ſed poſſibile eſt omnem perfectionem ſimpliciter realiter, & per identitatem haberi in vno ſuppoſito ſummè perfectio, quia, vt ſupra, diximus, non ſunt incompoſibiles, & vna ſublata, infinitum non erit ſummè perfectum: ergo, &c. Probo minorè. Quia infinitum formaliter eſt perfectio ſimpliciter: ergo ſi ſunt plura infinita realiter diſtincta, aliqua perfectio ſimpliciter non poterit haberi per identitatem ab infinito, vt puta, illud aliud infinitum ab eore ipſa diſtinctum.

Dices forſitan, quod licet relationes originis in diuinis ſint plures realiter diſtinctæ, & infinitæ, non tamẽ ſunt plura infinita, ſed vnum infinitum: ſicut licet pater, & filius, & Spiritus ſanctus quilibet illorum ſit Deus, non tamen ſunt plures diſſeſed vnus Deus.

Hæc reſponſio non aufert argumento ſuam vim. Suppoſito enim, qd paternitas, & filiaſecundum proprias rationes, quibus re ipſa diſtinguuntur ſint formaliter infinitæ, bene,

bene probat argumentum, & erunt plura infinita formaliter. Et patet simili. Nam sit pater æternus ratione bonitatis suæ esset realiter distinctus a filio, & infinitus, & similiter filius a patre, optimè inde inferretur quod pater & filius essent duo bona infinita, & etiã absolute, quod essent duo infinita: ergo similiter, si pater ratione paternitatis esset infinitus, & re ipsa distinctus a filio ratione eiusdem paternitatis, & filius a patre ratione filiationis infinitæ, sequitur quod sint duo infinita. Præterea. Si paternitas secundum rationem formalem, quam habet, & secundum quod distincta re ipsa a filiatione, est infinita, & similiter filiatio in ordine ad paternitatem, ergo paternitas est aliud infinitum a filiatione, & filiatio aliud infinitum a paternitate, & sic duo infinita. Nam, ut diximus, si pater & filius essent re ipsa distincti in bonitate, & ratione bonitatis infiniti essent equidem duo bona infinita, seu duo infiniti, vel duæ bonitates infinitæ.

Secundo probatur eadē maior. Si essent plura infinita re ipsa distincta, sequeretur nullum illorum esse infinitum: ergo implicat esse duo formaliter infinita re ipsa distincta. Probat sequela: quia quodlibet illorum aliquid esset perfectius: ut puta, aggregatum ex illis duobus sicut aggregatum ex duobus bonis finitis est maius bonum quolibet illorum. Sed obijcies contra hanc probationem, quod si esset bona sequeretur, quod aggregatum ex Deo, & creatura esset perfectius, quàm ipse Deus, ut Deus, & homo essent quid perfectius quam Deus, quod tamen est omnino falsum.

Respondet posita quādā regula,

quæ huiusmodi est. Quando sunt aliqua duo, quæ ita se habent, quod perfectio unius eminenter & virtualiter includitur in alio, aggregatū ex ipsis non est perfectius, quam alterū illorum, in quo alterum eminenter continetur, sicuti accidit in proposito: nam perfectio creaturæ eminenter & virtualiter continetur in Deo, ac proinde Deus & creatura nō sunt quid perfectius: ceterum in casu de duobus infinitis aliter contingit, siquidem neutrum alterum contineret eminenter, & virtualiter.

Ex his sequitur, quod Deus & vniuersum non sunt quid perfectius intensiue, quam Deus solus. Ratio est: quia quæcunque perfectio intelligitur in vniuerso, continetur virtualiter & eminenter in Deo. Verum est tamen, quod vniuersum addit supra Deum perfectionem extensiue, sic intelligendo, quod Deus & creatura dicunt maiorem perfectionem extensiue, quam solus Deus, quia solus Deus est vnicum ens perfectum: se Deus & vniuersum sunt duo entia perfecta quodlibet in sua ratione, & sic plura. Vnde omnino decipiuntur arbitantes Deum, & vniuersum non dicere maiorem perfectionem extensiue, quam solum Deum: quia hoc admissio fateatur necesse est vniuersum nullam in se habere perfectionem, quæ eadem numero non sit in Deo: & rursus quod vniuersum supra Deum nullam addat entitatem extensiue, & tandem quod vniuersum vltra perfectionem diuinam nullam entitatem positivam dicat, nisi defectum & potèntialitatem, quæ omnia absurdissima sunt. Sed de his alias.

Tertia conclusio. Relatio diuina
Non non

non est formaliter perfectio, seu perfecta. Probatur, quia ex supradictis est ens non quantum: ergo nullam dicit perfectionem. Patet consequentia, quia perfectio vel imperfectio solam insunt enti quanto quantitate virtutis. Et confirmatur. Nam si esset perfectio, vel esset finita, vel infinita formaliter: sed neutrum horum: ergo, &c. Probo minorem. Non finita formaliter: quia nihil finitum formaliter potest esse Deo intrinsecum, nec infinita formaliter ex conclusione precedenti: ergo nullam dicit perfectionem.

Secundo arguitur, supponendo quod si relatio diuina esset perfectio esset infinita perfectio. Nunc sic. Si relatio diuina, verbi gratia, paternitas esset perfectio infinita sequeretur, quod pater haberet aliquam perfectionem infinitam, quam non haberet filius: sed consequens videtur absurdum: ergo & illud, ex quo sequitur. Consequentia est nota: minor vero inde probatur, quia cum filius sit infinitum ens intensiue & infinite perfectum, necessario debet habere omnem perfectionem infinitam: tum, quia contra rationem infinite perfecti est esse aliquam perfectionem infinitam, & non esse in eo: tum etiam, quia, ut supra diximus, omnis perfectio infinita est perfectio simpliciter, omnis autem perfectio simpliciter potest esse in ente infinito, ut ex supradictis patet: ergo necessario est in eo, quia in aeternis idem est posse & esse. Sequelam maioris probabo: quia paternitas per se est perfectio infinita: hac autem paternitas non est in filio: ergo aliqua perfectio infinita non est in filio.

Propter hoc argumentum Capreo

lus in 1. d. 7. q. 1. ad 3. Et Caietanus 1. p. questio. 28. art. 2. ad 3. tenent cum Scoto, diuinas relationes secundum proprias rationes formales non importare perfectionem. Sed nouus quidam interpretis eiusdem 1. p. eadem q. & art. dubio primo, hanc sententiam esse falsam arbitratur. Quod sic probat. Quia relatio diuina & ipsum, ad, diuinum intrinsecum est Deus: ergo continet infinitam perfectionem.

Sed respondet nostro argumento in hunc modum. In primis negat maioris sequelam, & ad probationem negat consecutionem, quia committitur (inquit) idem defectus, qui in hac consequentia assignatur a Theologis. Hac paternitas est essentia diuina, & hac paternitas non est in filio: ergo hac essentia non est in filio. Est, inquit, defectus intrinsecus: quia in maiori affirmatiua absolutum predicatur de relatiuo, in minori vero negatiua, negatur relatiuum oppositum de suo relatiuo opposito, & sic sensus magis formalis in negatiua, quam affirmatiua. Procedit ergo argumentum a negatione entitatis relatiue in filio ad negationem entitatis absolute in eodem. Ac si diceret. Paternitas non est in filio: ergo nec essentia. Qui processus nullus est in diuinis, ubi relationes non sunt communes tribus personis, bene tamen omnia absoluta. Et sicut processus a negatione inferioris de aliquo ad negationem superioris de eodem est inualidus, ut si dicas, equus non est homo, ergo non est animal: ita in diuinis ratio, quae procedit a negatione entitatis relatiue de vna persona ad negationem entitatis absolute de eadem est, prorsus nullus, quia

quia in virtute arguitur a negatione inferioris ad negationem superioris.

Sed licet hæc solutio quadret atque satisfaciat huic argumento, Paternitas est essentia, sed paternitas non est in filio, ergo nec essentia: cæterum non satisfacit nostro argumento, siquidem perfectio formalis, quæ dicit paternitas sub propria, & formaliter ratione paternitatis & relationis, non est quid absolutum, sed relatiuum, seu, quod idem est, relatio propria primæ personæ, seu entitas formalis eius non est absoluta, sed relatiua: ergo cum arguimus sic, Paternitas secundum suum proprium conceptum est perfectio infinita, & paternitas non est in filio: ergo aliqua perfectio infinita non est in filio, non argumentamur a negatione entitatis relatiuæ in filio ad negationem entitatis, ac perfectionis absolutæ, sicut in assignata argumentatione, nec, ut ipse ait, in maiori prædicatur absolutum de relatiuo, & in minori negatur relatiuum de relatiuo opposito, & per consequens non commutatur ad aliquid in qua le quid.

Et ut magis hoc elucescat, sic arguuntur. Hæc consequentia est optima, Paternitas est entitas relatiua, & hæc paternitas non est in filio: ergo aliqua entitas relatiua non est in filio: ergo a simili tenebit hæc consequentia, Paternitas est perfectio infinita, relatiua & paternitas non est in filio: ergo aliqua perfectio infinita relatiua non est in filio. Concludit ergo argumentum euidenter meo iudicio aliquam perfectionem infinitam, non esse in filio, supposito quod paternitas diuina sit formaliter perfectio infinita.

Sed dicet forsitan aliquis, perfectionem, quam importat relatio, ut sic, esse eandem secundum rationem, & formaliter in omnibus diuinis relationibus, ac per consequens habere rationem absoluti & essentialis. Quocirca sicut hæc argumentatio est nulla. Hæc paternitas est essentia, & hæc paternitas non est in filio, ergo essentia non est in filio: ita, & hæc non est bona consequentia: Paternitas est aliqua perfectio, & hæc paternitas non est in filio: ergo aliqua perfectio non est in filio: quia a negatione entitatis relatiuæ in filio argumentamur ad negationem entitatis absolutæ, & essentialis in eodem: quæ argumentatio nullatenus valet in diuinis.

Sed contra hoc probo, perfectionem, quam importat relatio, non esse eandem secundum rationem, & formaliter in omnibus relationibus diuinis. Primò, quia illa perfectio provenit a relatione, ut sic, formaliter loquendo: ergo non est communis, sed propria illius relationis, a qua provenit: ergo illa distinguitur a perfectione per aliam relationem importata, sicut & relatio, a qua provenit, distincta est ab alijs relationibus.

Secundo. Vel perfectio relationis diuinæ ut sic, est absoluta, vel relatiua. Non absoluta, quia nullo modo esset a relatione, ut relatio est: quia relatio formaliter sumpta non dat esse absolutum, sed relatiuum, sicut nec entitas absoluta, ut sic, dat esse relatiuum, sed absolutum: ergo non dat perfectionem absolutam: ergo si quam dat, illa est relatiua.

Tertio. Illa perfectio relationis ut sic, vel est essentialis, vel notionalis. Non essentialis, cum sit formaliter a

relatione, quæ in diuinis non est communis: ergo est notionalis: ergo non est communis & absoluta.

Sed nouissimus D. Tho. expositor doctissimus tamen. 1. p. q. 2. 8. art. 2. q. 5. circa hanc difficultatem explicat suam mentem nonnullis propositionibus. Prima. Diuina essentia, & relatio sicut distinguuntur ratione in esse rei, ita etiam in esse perfectionis & sicut intelligimus, quod conceptus relationis addit secundum rationem, supra conceptum essentia: quandam rationem realem, quæ consistit in respectu ad aliud: ita intelligendum est, quod conceptus perfectionis diuina relationis addit nostro modo intelligendi supra perfectionem, quam concipimus in essentia ut sic, aliquid perfectionis realis: & hoc negare est dicere, quod relatio in quantum relatio non dicit perfectionem.

Secunda propositio. Quæuis perfectio essentialis, quam importat essentia diuina, sicut se fit vna, & eadem sicut rem et rationem in omnibus diuinis relationibus, tamē perfectio, quam importat relatio ut sic, non est eadem secundum rationem, seu formaliter in omnibus diuinis relationibus: quia sicut relationes sunt non communes, ita & perfectio ab ipsis proueniens est non communis.

Tertia propositio. Cum hoc tamē non debet concedi, quod aliqua perfectio sit in vna persona, quæ non sit in alia. Quia licet aliqua relatio sit verbi gratia, in patre, quæ non est in filio, non tamen inde sequitur, quod sit in patre aliqua perfectio, quæ non est in filio: quia totum id, quod perfectionis est in paternitate est filiationis in filio, & utraque relatio est eadem

cum diuina essentia: & ob id paternitas & filiationis non sunt duæ perfectiones: sed vna & eadem.

Sed istæ propositiones, quibus hic doctissimus expositor suam aperit mentem inter se coherere minimè videntur. Nam si perfectio in ipsis relationibus secundum proprias rationes consideratis: inclusa non est eadem formaliter in omnibus, et per consequens est alia, & alia formaliter, sicut & alia, & alia relatio, quomodo fieri potest, quod in vna persona non sit aliqua perfectio, quæ non sit in alia, cum in vna persona sit vna relatio, quæ non est in alia? Certè implicatio videtur manifesta. Et confirmatur. Quia, si sapientia, quæ est in patre, non esset eadem cum sapientia filij, sed ab ea distincta, opumē sequeretur, quod aliqua sapientia esset in patre, quæ non esset in filio: ergo similiter in proposito inferitur, si perfectio paternitatis non est eadem formaliter cum perfectione filiationis, quod aliqua perfectio est in patre, quæ non est in filio. Gabriel, & qui eum sequuntur melius hanc consequentiam perceperunt. Ob id namque concedentes relationes diuinas perfectionem secundum proprias ac formales rationes importare, & illas esse distinctas, admitterunt, aliquam perfectionem relatiuam esse in patre, quæ non sit in filio.

Secundò. Ille secunda propositio non videtur posse stare cum doctrina eiusdem expositoris ibidem: quia in eadem questione affirmat eadem omnino esse perfectionem paternitatis, et filiationis. Si igitur est eadem secundum ipsum, quomodo est non eadem ex eius sententia? si autem non eadem, quomodo eadem?

Respon-

Respondet forſitan, quòd cum aſſerit eſſe eandem loquitur de perfectione diuinæ eſſentiæ, quæ ſecundum ipſum intrinſecè, & eſſentialiter in ipſis relationibus includitur ſicut ens in omnibus entibus, & non de ea, quam relatio diuina, vt ab eſſentia diſtincta, importat. Contra, quia ipſe negat, omnino aliquā perfectionem contineri in vna perſona, quæ non ſit in alia: hoc autem affirmare haud poteſt, niſi etiam de perfectione propria relationis loquatur: ergo hanc aſſerit eſſe eandem in diuinis relationibus. Nam, ſi alia, & alia eſt in ipſis relationibus ſecundum ipſum, ergo aliqua perfectio eſt in vna perſona, quæ non eſt in alia. Ad hæc. Ipſe aſſerit, quòd tota perfectio, quæ eſt in paternitate, eſt in filiatione: vel igitur eſt omnino eadem, vel alia, & alia ſecundum rationem. Si eadem omnino, ergo ſibi contrarius exiſtit aſſerenti non eſſe eandem in ſecunda propoſitione. Si vero eſt alia, & alia ſaltem ſecundum rationem, ergo aliqua perfectio eſt in vna perſona, quæ non eſt in alia, quod ipſe negat.

Item. Suppoſita ſecunda propoſitione non bene ſaluatur in tertia non eſſe aliequam perfectionem in vna perſona, quæ non ſit in alia per hoc, quòd paternitas, & filioſitas ſunt idem eſſentiæ, eſſentia verò eſt vna, & eadem in perſonis diuinis: quia ibi loquitur de perfectione, quam diuina relatio, vt ab eſſentia diſtincta, importat. Cum ergo ſermo ſit de perfectione, quam relatio, vt conſtincta ab eſſentia, importat, impertinens eſt ad ſoluenda argumenta ad perfectionem eſſentiæ eadem

in perſonis recurrere, vt prædictus expoſitor multoties in illa quaſtione facit. Præterea. Quia cum loquimur de perfectione relationis, vt conſtinctæ ab eſſentia, ſcludimus eſſentiam, & ſumimus relationem præciſe. Si ergo ponimus diuinas relationes, vt ab eſſentia conſtinctas, perfectionem importare, vix fieri poterit vt ſaluemus, quòd omnis perfectio, quæ eſt in vna perſona, ſit in alijs: imò nullo modo ſaluari poteſt. Quocirca multo melius eſt aſſerere cum Doctore ſubtili, Caietano, & Capreolo, vbi ſupra, relationes diuinas nullam importare perfectionem, nec imperfectionem, quia ex natura ſua ſunt entia non quanta, hoc enim ſemel admiſſo, licet aliquam entitatem relatiuam concedamus eſſe in vna perſona, quæ non ſit in alia, id tamen de perfectione aliqua negamus. Eſt perfectionem importare conceſſerimus, neceſſario concedendum videtur, quòd ſint perfectiones infinitæ, ac per conſequens perfectiones ſimpliciter, quod ſupra oſtendimus eſſe falſum.

Sed ſuper eſt reſpondere ad argumenta in confirmationem tertiæ, & quartæ conſiſtentiæ Diui Thomæ, quæ huic noſtræ conſiſtentiæ contraria videntur.

Ad argumentum pro tertia conſiſtentiæ concedo antecedens, & nego conſequentiā. Ad probationem dico, quòd non omnis ratio entis in alio exiſtentiſ eſt perfectio illius, in quo eſt, niſi ſit ens quantum quantitate virtutis. Conſequentiā ergo argumenti eſt nulla, licet cōſequens ſit verū: quia relatio creatā,

cum sit necessario finita, est necessario quanta. Cum vero dicis relationem diuinam esse perfectiorē, quia includit in suo conceptu essentiam diuinam, dico, quod diuina essentia; vt supra docuimus, non est de coneeptu formali relationis.

Ad primum, pro quarta conclusione nego minorē: quia, vt ex dictis in hac quaestione patet, relatio diuina non est ens quantum.

Ad secundum, nego antecedens: est enim falsum, vt patet ex controuersia de distinctione relationum ab essentia.

Ad tertium concedo antecedens, & nego consequentiam. Et ratio est: quia relatio diuina non est ens quantum, sicut entia creata, finitum autē, & infinitum solum insunt enti quanto, vel quantitate virtutis, vel quantitate molis.

AD ARGUMENTA in principio controuersia posita.

Ad primam solutionē nota, quod obiectū diuini intellectus primum primitate virtutis est diuina essentia: ac per consequens quidquid diuinus intellectus intelligit, intelligit illud virtute essentia; secundum ordinem, quem habet ad essentiam. Nam quae sunt essentia; propinqua prius obijciuntur diuino intellectui: vnde prius diuina cognitio terminatur virtute essentia; ad essentiam, quam ad notionalia, & ad notionalia, quam ad creaturas.

Ex his inferitur, quod relationes diuinae non cognoscuntur, nisi per diuinā essentiam, vel virtute diuinā essentia; quae vt diximus, est obiectum

diuini intellectus primum, primitate virtutis, de cuius ratione est, vt nihil a potentia, cuius est obiectum, intelligatur, nisi per ipsum. Hoc posito dico ad formā argumenti, quod vera est maior si sit incomprehensibile propria, & intrinseca incomprehensibilitate: sed in hoc sensu minor est falsa, scilicet, quod generatio diuina, vt generatio, sit incomprehensibilis propria incomprehensibilitate: quia ad hoc necessum erat, quod esset ens quantum, habens quantitatem virtutis excedentem omne comprehensibile. Verum est tamen, quod potest dici incomprehensibilis secundum illud, quod est ratio intelligendi ipsam, quia ipsa nata est primo intelligi per diuinam essentiam, tanquam per primum obiectum, quae de se est infinita.

Sed contra: quia hac solutio non satisfacit argumento, praesertim auctoritatibus ad eius corroborationē adductis, quae videntur ostendere generationem diuinam secundum suam propriam, & formalem rationem esse incomprehensibilem. Ideo aliter respondeo, videlicet; quod omne comprehensibile ab intellectu finito est necessario finitum, & quod est incomprehensibile ab eo non est finitum. Et in hac significatione concedo, quod generatio diuina non est comprehensibilis ab intellectu finito. Ex quo euidenter sequitur, quod non sit finita. Sed inde non inferitur, quod sit infinita formaliter: quia, vt hoc concluderetur erat necessarium, quod incomprehensibile non numeretur ibi negatiue, sed quasi contrarie, scilicet, pro habente quantitatem virtutalem excedentem omne finitum infinite.

Et si

Est in maiori argumenti sumatur incomprehensibile, hoc modo minor est falsa: quia generatio diuina, cum non sit ens quantum, non habet quantitatem virtualem, qua omne finitum possit excedere prædicto modo.

Ad secundum, distinguo maiorem de adæquatione. Est enim duplex adæquatio. Alia secundum quantitatem, quæ propriè dicit æqualitatem duorum in eadem quantitate, quia æqualem habent quantitatem. Et hoc modo generatio non adæquatur suo principio in diuinis, scilicet, diuinæ essentia, vel memoria fecundæ: quia memoria fecunda est ens quantum quantitate virtutis, & infinitum formaliter, nõ tamè generatio diuina, vt supra diximus.

Alia est adæquatio non secundum quantitatem æqualem, sed secundum proportionem. Et hæc est duplex: alia secundum intensionem: alia verò secundum extensionem. Viraque adæquatio potest esse effectus ad causam. Et prima contingit quando effectus est adeò perfectus, quòd ab illa causâ perfectior esse nequit, licet ei non æquetur in perfectione. Hoc modo illuminatio a sole diceretur ei adæquata, si esset adeò magnæ intensiue, quòd maior ab eo esse nequiret. Secunda adæquatio contingeret, quando causa vltra illum effectum non posset habere alium. Est ergo inter generationem diuinam, & memoriam fecundam adæquatio secundum proportionem, non quidem quantum ad intensionem, siquidem generatio nullam perfectionem dicit, sed quantum ad extensionem, quia eius principium non potest se ad aliam gene-

rationem extendere. Ex hoc tamen non licet inferre, quod ipsa sit infinita: nam hoc solum inferri posset ex adæquatione in æqualitate quantitatis virtutis.

Ad tertium dicit Scotus, quòd subsistere in diuinis potest accipi bifariam. Primò pro per se esse, communicabiliter tamen: & sic accipit subsistere Beatus Augustinus septimo de Trinitate capit. 4. cum dicit: Omnis res ad se subsistit, quanto magis Deus. Alio modo sumitur pro incommunicabiliter per se esse. Primo modo subsistere formaliter dicit perfectissimum esse, & non dicit nisi essentiam secundum Augustinum. Secundo modo subsistere præsupponit perfecte esse, sed non includit illud formaliter, sed addit super illud entitatem actu existentem, ratione cuius persona incommunicabiliter subsistit. Ratio ergo subsistendi incommunicabiliter in diuinis non est ratio perfectissimè essendi, licet præsupponat perfectissimum esse, et excludat omnem imperfectionem in ipso esse.

Ad quartum dico, quod intellectus diuinus quasi a radice, & origine habet a diuina essentia suam infinitatem, quia, vt ait Damascenus, essentia diuina est infinitum pelagus essendi a quo, vt quidam aiunt, quasi pullulant in diuinis attributa, & relationes, attamen intellectus diuinus habet propriam, & formalem infinitatem, tãquam modum intrinsecum suæ propriæ entitatis. Est ergo intellectus diuinus infinitus, & quia est idem diuinæ essentia, & quia habet infinitatem tãquam modum intrinsecum suæ entitatis: relatio verò diuina est infinita solum,

quia identificatur diuinæ essentia, quæ est infinita.

Ad quintum dico, quod maior est vera de ente quanto: sed relationes diuinæ sunt entia non quanta, vt supra docuimus.

Dices. Relatio diuina est ens, ergo bonum: ergo perfectum. Respondet deo concedendo primam consequentiam: sed distinguo consequens secundum consequentiam. Aliquid namque potest dici perfectum bifariam. Primo perfectione transcendentali, quæ solum excludit negationem entis, vel defectum secundum propriam naturam in qua significatione omne ens est perfectum, & appetibile. Secundo aliquid dicitur perfectum perfectione quantitativa, secundum quam aliquid natum est esse mensura, vel mensuratum in ordine ad aliud. Primo modo relationes diuinæ sunt perfectæ, quia sunt entia, quibus esse competit, & omnis imperfectio omnino repugnat: sed non sunt perfectæ secundo modo, quia hæc perfectio soli enti quanto conuenit. Alij dicunt, quod licet omne ens sit bonum bonitate entis, non tamen inde licet inferre, quod sit appetibile, saltem secundum se, & ratione sui: quia relationes sunt entia, & per consequens sunt bona quædam bonitate entis, non tamen sunt appetibiles secundum se, sed ratione fundamenti. Et patet. Nam, si Maria appetit esse similis Francisca in pulchritudine, contenta esset, si tantam pulchritudinem haberet, quantam habet Francisca, etsi inde nulla dīderetur similitudinis relatio: non enim illam similitudinem appetit propter se, sed propter fundamentum, scilicet, propter pulchritudinem. Relationes ergo non

appetuntur propter se, sed propter aliud, vel ratione alterius, scilicet, fundamenti. Nec relationes diuinæ sunt obiecta diuinæ voluntatis secundum se, sed ratione fundamenti, scilicet, essentia: & licet non sint perfectæ, non tamen sunt imperfectæ, sed non perfectæ negatiue.

PRIMA APPENDIX dix dubitatio.

Sed circa hanc materiam, quare, scilicet, aliqua prædicatio in abstracto negetur in diuinis, vt ista paternitas est spiratio diuersæ sunt sententia. Nam Diuus Thomas in primo distinctione quinta, quæst. 1. & Henricus quolib. 5. quæstione prima, dicunt, quod licet paternitas, & spiratio sint idem realiter, tamen differunt ratione. Et hoc (inquiunt) sufficit ad impediendam talem prædicationem. Et si obijcias huiusmodi differentiam non sufficere, quia stante huiusmodi differentia inter sapientiam, & bonitatem est vera hæc propositio, Sapientia est bonitas, respondent isti authores dicentes, quod bonitas, & sapientia distinguuntur ratione: & ideo sub terminis, sub quibus important huiusmodi distinctionem, non prædicantur de se inuicem. Exemplum. Ista non conceditur, Attributum sapientia est attributum bonitatis.

Sed contra arguit subtilis Doctor. Sed obserua prius, quod attributum dicit secundam intentionem, vel relationem aliquam rationis circa illud, de quo prædicatur, sicut species, & genus circa naturas, de quibus efferuntur: & sicut hæc est falsa, Species est genus, ita & ista, Attributum

butum sapientiæ est attributum bonitatis: & sicut genus, & species sunt duo vniuersalia, ita sapientia, & bonitas duo attributa. Sed tamen, sicut non obstante, quod genus non prædicetur de specie in eisdem terminis dicendo, Homo est animal, quia a prædicatione signata in secundis intentionibus est bona consequentia ad exercitiam in primis. Nam si secunda substantia prædicatur de prima, bene valet, ergo Petrus est homo. Similiter, licet attributum non prædicetur de attributo dicendo, Hoc attributum est illud, non propter hoc prædictio attributorum de se inuicem in terminis primæ intentionis illam relationem non significatibus, ut dicendo, Sapientia est bonitas, iustitia est veritas, erit falsa: ergo similiter accipiendo prædicetur illud, quod est in te, si spiratio, & paternitas, seclusa identitate eorum in essentia per abstractionem a supposito sunt formaliter infinitæ, hæc erit vera, Paternitas est spiratio, licet non sit vera hæc. Ista notio paternitatis est notio spirationis, quia infinitas esset causa efficiens identitatis eorum inter se, seclusa etiam per abstractionem a supposito identitate eorum in essentia: nam quæcumque secundum suas rationes formales sunt infinita in Deo, prædicantur in abstracto de se inuicem, si per nomina primæ intentionis significentur.

Alter vicit Varro in 2. d. 2. & multiplicationabilibus ad propositum. Aut enim, quod proprietates in eadem persona differunt ex natura rei præ-

ter considerationem intellectus: quia ad hoc sufficit disparatio, licet non sint oppositæ: & propter hoc prædictio vnius de alia in abstracto non est vera. Sed addit, quod inter paternitatem, & spirationem est distinctio ex natura rei, propterea, quod neutra est formaliter infinita: quia, si ambæ, vel altera esset infinita, non esset talis distinctio inter eas, nec impediretur prædictio vnius de alio in abstracto.

Tria dicit iste author. Alterum, quod paternitas, & spiratio sunt distinctæ formaliter ex natura rei. Alterum vero, quod si altera esset infinita formaliter, non esset inter eas prædicta distinctio. Tertium est, quod non infinitas earum impedit prædicationem de se inuicem in abstracto. Primum dictum istius Doctoris verum est secundum dicta in controuersia de distinctione attributorum, & relationum. Secundum dictum est falsum: quia, ut eadem controuersia docuimus, infinitas attributorum non tollit distinctionem eorum formalem. Tertium vero dictum est verum secundum dicta a nobis in hac controuersia.

SECVNDA APPENDIX, dubitatio.

Sed ad huius questionis exactam intelligentiam disputandum est, an substantia incommunicabilis in diuinis dicat perfectionem? Nam si illam importat, consequenter sequitur relationem diuinam perfectionem dicere, quia huiusmodi substantia a relatione diuina proficiat.

Ad huius difficultatis solutionem breui-

breuiter aduertendum, quòd in diuinis est vnica subsistentia communibilis tribus personis, qua hic Deus est per se subsistens, vt prior aliquo modo ipsis relationibus personalibus, vt docet Scotus in 1. dist. 5. q. 2. lit. O. & dist. 4. q. 2. quæ per se existētia est de conceptu formali Dei. Præter hanc autem subsistentiam cōmunem sunt in diuinis tres alię subsistentiæ relatiuæ, vt in controuersijs tertij sent. dicemus. Sicut enim a natura diuina prouenit illa cōmunis subsistentia, ita & a relationibus diuinis personalibus subsistentiæ proueniūt relatiuæ. Nam sicut relatio diuina, exempli causa, paternitas est entitas formaliter distincta ex natura rei ab essentia diuina, ita existētia paternitatis est alia formaliter ab existētia essentia. Existētia enim sequitur entitatem; & idcirco, vbi est entitatis actualis non identitas, & distinctio, est etiam distinctio existētiæ. Et sicut natura diuina, quia ex sua ratione est cōmunis tribus suppositis, dat subsistentiam communem, ita paternitas, vbi gratia, quia est entitas personalis, & incommunicabilis, dat subsistentiam incommunicabilem, & personalem. Sicut igitur Deus per essentiam suam incommunicabiliter subsistit, ita pater æternus per paternitatem subsistit incommunicabiliter.

Secundo obserua, quòd licet subsistentia essentialis diuinæ naturæ nō includat formaliter subsistentias relatiuas, sicut nec essentia relationes, caterum radicaliter vniūc, & identicè perfectissimè illas continet: quia ipsa natura diuina, quæ est prima entitas in diuinis, vt controuersia duodecima docuimus, est iuxta Damascenum infinitum essendi pelagus, a

qua veluti a radice pullulantes, vt quidam aiunt, diuinæ relationes, vt perfectissimè idem cum ea.

Tertio obserua, q̃ relationes diuinæ non perficiunt, nec actuunt, nec determinant diuinam essentiam: quia ipsa ex se, & de se est singularis, & in vltima actualitate: vnde per paternitatem in patre non determinatur, & actuatur, sicut natura creata per singularitatem. Propter hoc ait optimè Damascenus lib. 1. cap. 5. & libro 2. cap. 6. quòd relatio non est actus naturæ diuinæ, sed hypostasis.

Sed obiecias. Essentia diuina est relationum diuinarum fundamentum: fundamentum autem videtur perfectibile per relationem, vt accidit in humanis: ergo diuina essentia perficitur per relationes, & ab eis accipit esse.

Pro solutione huius argumenti, obserua ex Doctore subtili in 1. dist. 5. q. 2. lit. O. quòd in creaturis ordo generationis, & ordo perfectiōnis sunt omnino contrarij, & oppositi, vt docet Aristot. 9. Metaphys. textu 15. Nā quæ sunt priora generatione sunt posteriora perfectione, & e conuerso, si sermo sit intra idem genus, seu in eodē ordine, vt in ordine formarum substantialium illa, quæ est posterior generatione, est prior perfectione. Non tamen est verā propositio in diuersis generibus, & ordinibus: nam accidens est posterius generatione substantia, non tamen est perfectius. Ratio autem huius propositionis est: quia creaturæ procedunt de potētia ad actum, & idēd de imperfecto ad perfectum: propter quod posteriora generatione sunt priora perfectione in creaturis, quā prius in illo processu peruenitur ad
im

imperfectum, quam ad perfectum. Si autem in creaturis isti prædicti ordines vniiformiter currerent, non quereremus primò materiam, quæ substatet formæ, & secundo formā: sed quæreremus primò formā, quæ nata esset dare actum materiæ: & secundo quæreremus materiam, quæ nata esset recipere esse per illā formam, vel suppositum, quod natū esset per illam formam subsistere, vel in illa forma subsistere, sicut Petrus in humanitate: tuncq; priora generatione essent priora perfectione, & è conuerso. Nec prius reciperet esse a posteriori, sed è conuerso loquendo de priori, & posteriori in genere causæ formalis, & materialis.

Secundo observa, quod licet in creaturis, vt diximus, prædicti ordines sint contrarij, nec in eodem reperiuntur, ita quod idem non est prius generatione, & perfectione, ceterū ascendendo ad primum simpliciter, oportet, quod ipsum sit simpliciter primū originis, & perfectionis, vt etiam ex Philosopho ibidem colligitur, quia totus ordo originis, & perfectionis reducitur ad aliquid primū perfectionis, cuiusmodi est Deus: in quo ordo originis, & perfectionis simul currere debent. In diuinis ergo incipiēdo a primo naturæ signo, primò occurrit natura diuina, quæ est ens per se, & de se actu existens, prius quam in aliquo supposito intelligatur, & ita per se existens, quod est in vltima vnitate, & actualitate, & a nullo mendicat aliquod esse, imò ipsa est secundum August. 7. de Trinit. cap. 6. quæ pater est, & quæ filius est, licet non sit, quæ pater est pater, & quæ filius est filius. Sed hæc per se existentia non cōpetit alicui naturæ creatæ, quia non ha-

bet esse perfectum, accōpletū prius naturaliter, quā sit in supposito. Occurrit autē natura diuina in illo primo natura, vel rationis signo, non vt nata recipere aliquam perfectionē, sed vt perfectio infinita formaliter, & radicaliter nata communicari alicui, non vt forma materiæ, quia hoc imperfectionē sonat, sed ad modū, quo quidditas communicatur supposito tanquam formaliter existenti per eam, sicut humanitas communicatur homini. Et ita pullulant, vt quidam aiunt, relationes diuinæ personales ex ea, & personæ ex ea, & in ea: non quasi quædam formæ dātes esse ei, vel quasi quædā supposita, in quibus recipiat esse, cum sit simpliciter ens per se, & omnino perfectum: sed pullulant, vt supposita, quibus ipsa natura diuina dat esse, & quæ sunt, & sunt Deus. Vnde relatio diuina personalis, cum sit per se subsistens, ipsa pullulat non vt forma essentia, sed vt nata esse Deus ipsa deitate formaliter, sicut Petrus humanitate formaliter est homo. Quocirca diuina essentia dat esse relationibus, non tamen ab illis aliquid accipit. Vnde relatio respectu diuinæ essentia nullō modo habet rationē actus, & formæ, quæ determinetur, vel coarctetur, vel actuetur.

Vnde Scotus in primo dist. 5. q. 2. littera Q. sic ait. Communicatur deitas relationibus diuinis per modum formæ non informantis, sed quæ relatio, vel relatiuū subsistēs est Deus. Nec igitur essentia informat relationem, nec è conuerso: sed est perfecta identitas. Sed essentia habet modum formæ respectu relationis, sicut natura respectu suppositi, in quantum ipsa est, quæ relatio subsistens est Deus.

E con-

E conuerſo autem nullo modo relationis eſt actus eſſentie: quia ſicut dicit Damascenus lib. 1. cap. 5. & libro 2. cap. 6. relatio non determinat naturam, ſed hypotheſim, & ita non eſt actus naturæ, ſed hypotheſis. Hæc Scotus. Ex his colligitur male, & ineptè ſatis loqui illos, q̃ aſſerunt relationes modificare, & determinare eſſentiã, quia iſta, vt ibidem dicit Scotus, entitati infinita repugnant, quia eſt de ſe hæc, & ſingularis, & in vltima determinatione, & actualitate. Ex his etiam collige argumētū ſolutionem. Nam concedo, q̃ eſſentia eſt fundamentum diuinarum relationum, ſiue proximum, ſiue remotum: ſed non fundamentum, quaſi potentiale recipiens eas, ſed fundamentū, quaſi per modum forme in qua natæ ſunt ſubſiſtere ipſæ relationes, ſicut ſuppoſitum in natura. Collige etiam, q̃ cum ordo originis, & generationis in diuinis vniſormiter currant, prius origine, eſt prius perfectione, dans eſſe potius quam recipiens. Nam ſicut ſi in creaturis, vt diximus, ordo generationis, & perfectionis ſimul current, tunc primò quæreremus formam, quæ daret actum materiæ, & deinde materiã, quæ ſubſtaret formæ, ac ita prius nō reciperet eſſe a poſteriori, ſed e conuerſo: ita in diuinis vbi iſti ordines vniſormiter currunt, deitas, quæ eſt prima entitas nō recipit eſſe a relationibus, ſed potius ipſa dat eis eſſe, quæ etiam cum

ipſa perfectiſſimè ſecundum rem identiſicatur. Super eſt iam, vt dubio breuiter ſatisfaciamus. Iuxta ea, quæ in hac controuerſia diximus de diuinis relationibus, videlicet, quod nec ſunt formaliter finitæ, nec infinitæ, nec perfectæ, nec imperfectæ, conſequenter dicendum eſt, ſubſiſtentiã relationum nullam importare ex ratione ſua formali perfectione. Nam ſicut relatio diuina, vt ab eſſentia diſtinguitur, nullam formaliter perfectionem: ita nec exiſtentia, ſeu ſubſiſtentia ab ea proueniens perfectionem aliquam importat: eſt enim exiſtentia entis non quanti ob rationes ſupra aſſignatas. Et ſicut probabiliſſime dicitur, quod paternitas in diuinis nullā dicit formaliter perfectionem, ita & quod ſubſiſtentia ab ea proueniens, nō importet perfectionem probabiliter defendi poteſt. Vnde ſubſiſtentia incommunicabilis, ſicut abſtrahit a finito, & infinito, ita & a perfecto, & imperfecto. Idem dicendum eſt de exiſtentia. Et ſane, ſi ſubſiſtentia relatiua dicit perfectionem in diuinis, ſi ponitur diſtincta a ſubſiſtentia comuni, & abſoluta, ſequitur neceſſariò, q̃ aliqua perfectio ſit in vna perſona, quæ non ſit in alia, ſicut ſupra deduximus, a aliqua perfectionem neceſſariò eſſe in vna perſona, quæ non ſit in alia, ſuppoſito, quod relatio in diuinis ſecundum ſuam propriam rationem formalem perfectionem importet.

CONTROVERSI A

VIGESIMAOCTAVA.

Utrum Deus sit in omnibus rebus?

Ad 1.



PA R S negatiua probatur primò. Omnia sunt in Deo iuxta Aug. lib. 83. quæst. 90. 20. ergo si Deus est in oib. oia sunt

in omnibus: & sic idẽ erit in se ipso.

Ad 2.

Secundo. Si Deus esset in oibus rebus, mutaretur: sed cõsequens est cõtra illud Malachiæ. Ego Deus, & nõ mutor: ergo non est in oibus rebus. Probo sequelã maioris, quia res multæ de nouo producuntur, in quibus erit nunc si est in omnibus, cũ antea tamen non esset; ergo mutatur.

Ad 3.

Tertiò. Quod est in aliquo, cõtinetur ab eo: sed Deus nõ cõtinetur a rebus, sed magis eas cõtinet: ergo Deus nõ est in rebus: sed magis res in ipso.

IN hac controversia sic procedam.

Primo inquirã, an Deus sit in omnibus rebus per essentia, præsentia, & potentiam. Secundo, an bene inferatur in præsentia Dei secundum suã essentiam, & substantiam in omnibus, ex operatione eius circa omnes res. Vltimo ad rationes.

ARTICVLVS PRIMVS.

An Deus sit in omnibus rebus per essentiam, præsentiam, & potentiam.

*Duo. mo
dixi existit
Deus in
rebus.*

CIRCA primum articulum obseruandum est, quòd duo sunt modi, quibus Deus existit in rebus. Vnus generalis, quem

omnes res creatæ sibi vendicant, specialis vero alter: qui in sola creatura rationali cernitur: & de vtroque in præsentiarum verba facturi sumus. Primus modus consistit in existentia Dei in rebus per essentiam, præsentiam, & potentiam. Sed circa horum terminorum intelligentiam controversia est inter Theologos: nõ enim omnes eodem modo eos interpretantur. D. Thom. 1. par. quæstione octaua, articulo tertio, sic eos explicat. Esse in rebus per essentiam, est esse in omnibus immediate dans eis esse, quia omnia sunt a Deo, & omnibus est causa essendi. Esse in omnibus per præsentia, est omnia esse in prospectu eius nuda, & aperta, nihilque ipsum latere. Esse vero per potentiam in omnibus, est omnia eius potestati subijci. Hac explicat D. Thom. exemplo regis: etenim rex alicubi est per potentiam, alicubi per præsentiam, alicubi vero per essentiam. Est quidem per potentiam in toto regno: quia in toto regno imperium exercet, & omnes eius imperio subduntur. Est autem per præsentiam in cubiculo, in quo manet: nam per præsentiam ibi dicitur esse aliquis, vbi quæ sunt, quæq; geruntur, ac denique quæ ibi sunt eius patent conspectui: at omnia quæ fiunt, quæque sunt in cubiculo regis, sunt oculis eius subiecta: igitur est in cubiculo suo per præsentiam. Non sic autẽ est in toto regno. Est autem per essen-

*Imputat
Aureolus
sententiam
D. Tho.*

essentiam in sede sua, quia tota eius substantia sua sede continetur. Non sic autem est in toto cubiculo, in quo manet. Ceterū Aureolus apud Capreolum in 1. distin. 37. quaest. 2. horum modorum expositionem a Diuo Thom. assignatam non recipit, ac proinde eam reprehendit, & in expositionem modi per praesentiam sic inuehitur. De tua sententia Deum esse per praesentiam in rebus nihil aliud est, quam Deum res habere in prospectu, quod est solum Deū esse in rebus per cognitionē: sed hoc est falsum, nam cognitum est in cognoscente, & non vice versa: ergo Deum esse in rebus per praesentiam male exponitur, ut dicatur esse in rebus per cognitionem. Contra expositionem modi per essentiam sic inuehitur. Modus ille iuxta sententiam D. Thomae coincidit cum modo per potentiam: igitur interpretatio nulla est. Antecedēs probō: quia esse in rebus per potētiā ponit immeditationem virtutis, esse verō in rebus per essentiam ponit immeditationem suppositi: at hæc duo coincidunt, quia virtus Dei non distinguitur a supposito: ac proinde esse in rebus immediatē immeditatione virtutis, non distinguitur ab esse immediatē immeditatione suppositi.

Durandus etiam improbat praedictam D. Thomae expositionem. Primò sic. Si Deū esse in rebus per praesentiam esset Deum habere res in suo prospectu, sequeretur Deum esse in rebus, non solum quando sunt, sed etiam quando non sunt, siquidē intellectus diuinus aequē cernit ea, quae non sunt, sicut ea, quae sunt: sed consequens est falsum, quia nihil est in eo, quod non est, & res quando non

erant, potius erant in Deo, quā Deus in ipsis. Eodem modo licet argumentari contra modum per potentiam. Nam quādo res non erant, habebat Deus potentiam ad ipsas producendas: ergo in ipsis erat per potentiam, etiam quando non erant, quod omnino est falsum: igitur, &c.

Contra modū verō essendi in rebus per essentiam sic arguit Durandus. Deus est in rebus non solum secundum effectum suum, qd est esse verum, sed etiam secundum realem exhibitionem, & praesentialitatem essentiae suae: igitur Deum esse in rebus per essentiam plus aliquid dicit, quā Deum adesse rebus, ut dantem esse.

Vnde Durandus aliter putat huiusmodi modos esse interpretandos. Quocirca esse in rebus per praesentiam sic accipit, ut illum esse dicat, Deū esse in omnibus rebus mediante sua actione, per quā Deus res ipsas producit, & conseruat. Quod verum esse sic ostendit. Deus non efficitur rebus praesens, nisi, quia res efficiuntur ei praesentes, efficiuntur autem ei praesentes praesentia reali per suam existentiam, nam quod nō est praesens realiter, non est, res autē nō existunt, nisi per actionē Dei creatis, & conseruantis: igitur Deum esse in rebus per praesentiam est Deū esse in rebus in teuentu actionis, per quam res, & in esse producit, & conseruat: sed quia non egreditur actū, nisi mediante potentia, sequitur, ut Deus sit in rebus etiam per potētiā: esse verō Deum in rebus per essentiam est Deum rebus coexistere, in qua coexistentia includitur realis exhibitio, & praesentialitas substantiae Dei ad res ipsas. Est ergo Deus per praesentiam, & potētiā in omnibus rebus

operando, per essentiam verò eis co-
existendo, & realem suæ substan-
tiæ præsentiam exhibendo.

Caietanus in expositione literæ
D. Thom. ait, quòd Deum esse in om-
nibus per essentiam est esse in ipsis
immediatè immediatione suppositi,
tanquam dantem eis esse, esse verò
per potètiā est Deum esse in om-
nibus immediatè immediatione vir-
tutis, ita q̃ omnia agunt, quidquid
agunt in virtute Dei. Et ita asserit in-
telligendum esse B. Thom. ubi supra.
Vnde ad argumenta contra B. Tho.
respondetur.

*Respondeo
Caiet. ad
arg. Au-
reoli, &
Durandi.*

Ad primum dicit Caietanus, q̃ in
cognitione duo consideranda sunt,
alterum est modus cognitionis, alte-
rum verò vis cognitionis. Modus co-
gnitionis cōsistit in hoc, vt cognitio
fiat per assimilationem cognoscētis
ad rem cognitā, quam efficit simi-
litudinis rei cognitæ existentis in co-
gnoscente, ratione cuius res cognita
dicitur esse in cognoscente. Vnde or-
tum habuit illud vulgare proverbium,
Cognitum est in cognoscente: vis ta-
men cognitionis in penetratione re-
rum vsque ad intima consistit. Cum
igitur vis cognitionis pertingat ad
res penetrando intima quæq; rerū,
hinc fit, vt quoad vim cognitionis
cognoscens sit in rebus, licet quoad
modum cognitionis cognitum sit in
cognoscente. Et sic patet ad primum
argumentum.

Secundo responderi potest, cogni-
tum esse in cognoscente cognitione
abstractiua, quæ perficitur præsen-
tialitate rei in suo præsentatiuo exi-
stente in potentia cognitiua, sed non
in cognitione intuitiua, quæ præsen-
tialitate rei in se ipsa actu existentis
perficitur: hæc enim cognitio intui-

tiva ex sua propria ratione in res ip-
sas tendit.

Ad secundum contra secundum
modum respondeo, quòd, licet vir-
tus Dei, & suppositum diuinum sint
idem secundum rem, distinguuntur
tamen ratione, quæ distinctio suffi-
cit ad hoc, vt aliquid dicatur de vno,
quod non dicatur de alio: ac proin-
de esse in rebus immediatè imme-
diatione virtutis distinguitur ab esse
in eisdem immediatè immediatione
suppositi.

Ad primum Durandi dico, quòd
cū dicitur Deum esse in rebus, verbū
illud, res, supponit pro eo, quod pro-
priè, & verè est, cuiusmodi est illud,
quod est extra suam causam pro ali-
qua temporis differentia: non tamē
pro eo, quod est secundum quid, cu-
iusmodi sunt ea, quæ, licet possint
esse, nunquam tamen erunt, quæ po-
tius sunt in Deo, quàm Deus in ipsis.

Ad secundum Durandi dico, q̃, vt
diximus ex Caietano, esse in rebus
secundum essentiam ex mente Diui
Thome, est Deum in ipsis esse imme-
diatè immediatione suppositi, tan-
quam eis præbens esse.

Breuitè sic huic quæstioni satisfac-
cio. Esse Deum in rebus per essen-
tiam est rebus omnibus coexistere,
realem suæ substantiæ præsentiam
exhibendo: esse verò in ipsis per po-
tentiam est eis tribuere esse, easque
conseruare in esse habito. Ac per hoc
dicitur esse in rebus omnibus secun-
dum potentiā, quia omnibus tribuit
esse, & circa omnes operatur. Et hi
duo modi distincti sunt, atq; diuersi:
nam vnus præindistinctus ab alio. Nam
optimè considerare possum Deū rea-
lem suæ substantiæ præsentia oībus
exhibere, quin illum, vt operantem,

*Sententia
authoris.*

ARTICVLVS II.

An bene inferatur praesentia Dei secundum essentiam in omnibus rebus ex operatione eius circa omnes res?

1. Arg.

Quantum ad secundum articulum videtur, quod ex operatione Dei circa omnes res, & in omnibus rebus recte & formaliter inferatur praesentia Dei secundum suam substantiam, & essentiam in omnibus. Primo, quia omne agens est praesens passio secundum Philosophum septimo Physicorum text. 4. & hoc immediate si immediate potest agere in illud, vel mediate, si agit in illud mediate: sed Deus potest agere in quolibet immediate: ergo est praesens cuilibet immediate.

2. Arg.

Secundo. Impossibile est, quod aliquid agat ubi non est, praesertim, si sua actio est sua substantia, sicut accidit in Deo: sed Deus ex sua omnipotentia agit in quodlibet, & sua operatio est sua substantia: ergo necessario est ubicunque operatur: ergo ex operatione eius in omnia recte inferitur praesentia eius secundum substantiam in omnibus. Confirmatur, quia angelus eo quod operatur alicubi dicitur esse ibi praesens secundum suam substantiam: ergo similiter Deus.

3. Arg.

Tertio. Agens corporale, quod immediate agit in aliquid, est praesens sibi, & coniunguntur ambo in suis ultimis, ita, quod intimitur se illi (vt ita loquar) nisi quantitas obuiaret: ergo cum Deus sit agens non quantum ex quo agit immediate in quodlibet, sequitur, quod intimitur se ipsum omnibus necessario.

1. Opinio

In hac quaestione est duplex opposita opinio. Prima est B. Th. 1. par-

te quaest. 8. artic. primo, asserentis ex operatione Dei circa omnia necessario inferri praesentiam eius secundum suam substantiam & essentiam in omnibus, adeo quod si per impossibile daretur aliquis locus, in quo Deus non esset, non posset ibi operari: & ita ex operatione Dei in omnibus optime inferitur existentia Dei secundum essentiam in omnibus. Hanc sententiam tenet Caiet. ubi supra S. Thom. & Capreo. in primo distinctione trigesima septima, & alij D. Thom. interpretes ubi supra.

2. Opinio

Opposita sententia est Scoti in primo distinctione, etiam trigesima septima, quaestione vnica, ubi affirmat non recte inferri praesentiam Dei secundum essentiam in omnibus ex operatione eius in omnia: quia, si per impossibile Deus esset solum in celo secundum suam substantiam, optime in hac inferiora agere posset. Ita tenent ibidem, Leuchetus, & Bassolis, & multi alij Scoti discipuli.

EXPLANATIO

opinionis B. Thom.

AD intelligentiam opinionis B. Thom. observandum ex Caiet. ubi supra, quod coniunctio Dei cum rebus potest sumi dupliciter: primo pro ipso contactu, quo Deus ipse rem per se ipsum tangit. Secundo pro relatione praesentiae, qua denominatione relatiua dicitur alicui praesens secundum se. Deum coniungi primo modo cum omnibus rebus, nihil aliud est, quam immediate producere, & conseruare res ipsas. Coniunctio vero Dei secundo modo est relatio rationis in Deo consequens primam coniunctionem Dei cum rebus,

O o

rebus, scilicet, ipsum contactum, quo omnia tangit ea immediate producendo ac conseruando: ex eo enim, quod omnia immediate tangit, sequitur, quod sit omnibus præsens.

2. Nota.

Secundo obserua, quod cōtactus diuinus, qui est coniunctio Dei cum rebus, primo modo sumpta non supponit res, quæ a Deo tanguntur, sed eas suo contactu, & operatione producit: contactus vero corporis ad locum supponit necessario ipsum locum: coniunctio vero Dei secundum rebus necessario sequitur existentiam rerum, ac per consequens res ipsas præsupponit. Et patet, quia est relatio, qua si sit actualis, vt re vera est, necessario supponit extrema, vni ea relatione constituyente excepta.

3. Nota.

Tertio obserua ex eodem Caietano, quod præsentia Dei in omnibus secundum essentiam spectans ad immensitatem diuinæ naturæ, & præsentia Dei in omnibus per operationem, habent se sicut superius, & inferius, & sicut includens, & inclusum: quia præsentia Dei secundum essentiam includitur necessario in præsentia Dei per operationem, & ideo ex præsentia Dei secundum operationem, quasi ab inferiori ad suum superius colligitur præsentia Dei secundum essentiam. Vnde bene infertur in hunc modum. Deus operatur in omnibus rebus, ergo est in omnibus præsens secundum essentiam, quia ab inferiori ad superius affirmatiue optima est consequentia: sicut bene sequitur, est homo ergo est animal.

4. Nota.

Quarto obserua, quod quamuis in agentibus naturalibus non semper oporteat agens esse præsens secundum substantiam in omni re, in qua operatur, sed sufficit, quod secundum vir-

tutem sit præsens, verbi gratia, sufficit, quod sol sit præsens virtualiter in omnibus productis in visceribus terræ, tamen in ea re, in qua immediate producit effectum oportet, quod agens sit præsens illi secundum substantiam, sicut sol secundum suam substantiam est præsens immediate orbi, quem immediate illuminat.

5. Nota.

Quinto obserua, quod sicut in rebus corporalibus agens corporeum sit præsens ipsi passio, & effectui per contactum propria quantitate, ita agens spirituale sit præsens passio per contactum virtualem, vel per applicationem propria virtutis. Est tamen differentia inter agentia spiritualia, & corporalia, quod hæc per coniunctionem quantitatis sunt præsentia ei, in quod immediate agunt, non tamen dicuntur esse in illo, quia quantitas vnius corporis non subintrat alterius quantitatem: at agentia spiritualia per virtualem contactum sunt præsentia subiecto, in quod immediate agunt, ita vt sint in illo. Ratio huius est, quia contactus virtualis spiritualis intus est, vbi est effectus: virtus autem ipsa vel est in substantia spirituali, vel vt in subiecto, vel est ipsa essentia, & substantia naturæ spiritualis: ergo vbi fuerit talis virtus erit substantia agentis. Hæc duo vltima notabilia sunt cuiusdam noui expositoris primæ partis B. Thomæ quaestione octaua, articulo primo, quæ ipse animaduertit, vt eiusdem D. Thom. sententiam explicet.

His positis sit prima conclusio B. Thom. Ex præsentia Dei in omnibus per operationem necessario infertur præsentia Dei in omnibus secundum essentiam. Hæc conclusio probatur argumentis in principio huius articuli

1. Conclus.

culi positus, & insuper ex mēte Caetani in hunc modum. Quia praesentia Dei per operationem intrinsecē includit praesentiam secundum essentiam: ergo si est in omnibus secundū operationem rectē sequitur, quod sit in omnibus secundum essentiam, sic, quod per se ipsum res ipsas tangat.

Concl.

Secunda conclusio. Si Deus nō esset secundum essentiam in loco A. non posset ibi operari. Hæc conclusio sequitur manifestē, & necessario ex præcedenti. Nam si Deus posset operari in loco, in quo non esset secundum essentiam, manifeste sequitur, quod praesentia per operationē non includit intrinsecē praesentiam secundum essentiam: & per consequens, quod non sequitur ex ea in bona consequentia formali, quod prima conclusio negat. Hæc de opinione D. Thom.

EXPLANATIO opinionis Doct. subtilis.

Nota

Ad intelligentiā opinionis Doctoris subtilis primò observa ex eodem ubi suprā, quod agētia naturalia sunt in duplici differentia. Alia enim sunt, quæ potentia, & actione eiusdē rationis agunt in propinquum, & in remotum, sicut ignis calefaciens manum aere mediante eadem potentia calefactiva, & calefactione eiusdem rationis calefacit aerem & manum. Alia verò sunt agentia, quæ actione alterius rationis agunt in remotū ab ea, qua agunt in propinquum: sicut piscis mortificans, & arefaciens manum piscatoris nō mortificat rete, nec ipsum arefacit. Hic piscis ab aliquibus vocatur stupor, ab alijs torpedio, ab alijs

tremulus, cuius mentionem facit Auerroes octavo Physicorum text. trigésimo septimo, & secundo celi text. quadragésimo secundo. Alia verò sunt agentia, quæ non agunt in proximum passum eadem potētia, qua in remotum, sed alia & alia, sicut sol produciens aurum in visceribus terræ sua forma substantiali illud producit, ita quod in instanti productionis auri sol agit immediatē per suam substantialem formam actione generatiua auri, & non per virtutem calefactiuam. Quia accidens (vt in controuersijs quarti Dco auxiliante ostendimus) non est principiū productiuum substantię, nec esse potest: quia non substantia non potest producere substantiam etiam in virtute substantię: ergo cum virtus solis calefactiua sit accidens non potest esse principium producendi aurum in terræ visceribus, licet ad eius productionem disponat. Sicut igitur ignis mediante calore disponit lignū vsq. ad instans generationis ignis, non tamen per ipsum ignis in illo instanti generat ignem, sed immediate per suam formam, vt loco nunc citato dicemus: ita sol per virtutem calefactiuam disponit materiam, ex qua aurū est generandum vsque ad instans generationis auri, sed in instanti, in quo aurum gignitur, sol iam non agit per virtutem calefactiuam, sed per suam substantialem formam immediatē. Agit ergo sol immediatē in corpora sibi immediata virtute illuminatiua: sed per formā substantialem actione generatiua agit in terram producendo aurum. Ex his colligitur, quod agens aliqua potentia & actione potest agere in remotū, qua non agit in sibi propinquum.

Sed forsitan dices, qđ licet hoc ita sit ceterum id efficere nequit agens creatum, nisi aliqua potētia & actio-
ne prius egerit in propinquum.

Respondeo, hoc accidere in agen-
te creato, non ex ratione intrinseca
agentis, sed vel ex cōiunctione ista-
rum potētiarum duarum actiuarum
in eodem, quarum vna habet pro
passo sibi proportionato rē propin-
quam, alia verò remotam. Sicut in
potentia generatiua solis, & poten-
tia illuminatiua eiusdem accidit: nā
per illuminatiuam agit in medium
sibi propinquum, per generatiuam
verò agit in remotum vel ex imper-
fectione agentis, in quo est defectus
virtutis actiue: propter quem defe-
ctum prius agit secundum formam
imperfectiorem, quam secundum
perfectiorem, sicut generans corru-
ptibile prius alterat, quam generat,
vt ignis qui prius calefacit lignum,
quam generet ex eo ignem. Si ergo
tollamus ab agente creato concur-
sum istarum duarum potentialium,
& secundum prædictam imperfectio-
nem non oportebit illud agere prius
in propinquum, quam in remotum,
ac ita poterit agere vbi non est.

2.^a Nota.

Secundò obserua, qđ agens imme-
diatum est duplex, aliud immediatū
immediatione virtutis, aliud imme-
diatione suppositi. Primum est, qđ ha-
bet virtutem agendi non emendica-
tam ab alio, sicut sol si cōparetur ad
agentia sibi inferiora. Vnde quanto
agens est superius, rāto est immedia-
tius immediatione virtutis. In qua si
gnificatione Deus benedictus est im-
mediatissimum agens: qui habet vir-
tutem agendi, nō ab alio mendicatā,
sed a se ipso, in cuius virtute cetera
omnia agentia agunt & operantur.

Agens immediatum immediatio-
ne suppositi est illud, inter quod &
effectum, nullum mediat suppositum
coordinatum coagens. In qua
significatione inter agentia creata,
quanto agens est inferius, tanto est
immediatius. Sed de ijs, in prima
controuersia secundæ partis, in qua
etiā differemus, an esse sit proprius
Dei effectus.

Tertio obserua, quod in præsentia
per operationem nō includitur ne-
cessario & intrinsecē præsentia secū-
dum substantiam & essentiam, sicut
superius includitur in inferiori. Et
patet, quia tūc ex operatione media-
ta, vel immediata agentis in passum
inferretur optimē & necessario præ-
sentia agentis ad passum secundum
substantiam, qđ est omnino falsum:
sol enim mediate agit in visceribus
terræ mineram producendo, vbi ta-
men non est præsens secundum sub-
stantiam, sed secundum virtutem.

4. Nota.

Quarto obserua, qđ sicut in præsen-
tia per operationem in comuni nō
includitur præsentia secundum sub-
stantiam propter rationem dictam
ita nec in præsentia rei spiritualis per
operationem includitur præsentia
eiusdem secundum essentiam. Et ita
non sequitur. Natura spiritalis ope-
ratur hic: ergo est præsens hic secun-
dum substantiam. Et probatur, quia
spiritalis substantia potest agere in
vnum corpus mediante alio, potest
enim mouere vnū lapidem median-
te alio lapide a se ipso moto. Præte-
rea. Spiritus in spiritum agere po-
test, non tamen ipsum intimē pene-
trat, & subintrat: sicut enim vnum
corpus non subintrat aliud natura-
liter, ita nec vnus spiritus alium.
Tandem, quia esse intimē præsens
rebus

rebus & substantijs earum solius Dei videtur proprium.

1. Concl. His ita pralibatis sit prima cōclusio. Si daretur aliqua pars nuerſi in qua Deus non eſſet ſecundum eſſentiam, adhuc in ea operari poſſet etiam immediate. Concluſio eſt Scoti in primo diſtinctione 37. q. vnica. Probatur primo. Creatura poteſt agere, vbi non eſt, & hoc immediate: ergo multo melius Deus poſſet agere in aliquo loco, etiam ſi ibi non eſſet. Conſequentia eſt nota: antecedens probatur: quia ſol generat in viſceribus terræ mineram vel aliquid mixtum, & proximum principium elicitium talis generationis eſt ſubſtantia ſolis: ergo ſol agit immediate vbi non eſt ſecundum ſuam ſubſtātiā. Patet conſequentia: quia ſol ſecundum ſuam ſubſtātiā ſolum eſt in quarto cœlo. Sed, quod principium ſolis ſit ſubſtantia generationis ſubſtāntialis illius mixti patet. Quod vero ſit proximum principium probatur: quia quodlibet aliud antecedens, ſue lumen, ſue quodcunque aliud, cum ſit acciſſens, nō poteſt eſſe principium producendi ſubſtātiā, vt primō notabili diximus.

Reſp. Ca. Ad hoc argumentum reſpondet Caietanus, negando antecedens. Ad probationem negat etiam, quod ſol quacūque actione agat in remotum a ſe. Vnde aſſerit falſum eſſe, quod forma ſolis ſit principiū proximum generationis mineræ: quia ſubſtantia (inquit) nullius eſt immediatum principium, ac proximum: nec inconuenit, quod acciſſens ſit principium inſtrumentale generationis ſubſtāntiæ.

Impugnatio Reſp. Caiet. Sed contra hanc reſpoſitionem ſic inſurgo. Et in primis, quod ſubſtātia

poſſit eſſe immediatum principium alicuius actionis patet ex Ariſtot. 7. Metaph. cap. 9. in fine, vbi dicit, quod proprium ſubſtāntiæ ex his accipere eſt: quia neceſſe eſt præexiſtere aliquam alteram ſubſtātiā exiſtentem, quæ facit vt ſit animal, ſi ſit animal: quale verū & quantum non neceſſarium niſi poteſtate ſolum. Quibus in verbis expreſſe vult Ariſtoteles, qd ad hoc, vt ſubſtātia fiat, neceſſe eſt aliam ſubſtātiā præexiſtere, quæ illam producat. Ad hoc vero, vt quantum, & quale producat, non oportet illud quantū, vel quale præexiſtere, niſi poientia tantum: ergo aliquid, quod non eſt actū quantum, nec quale poteſt eſſe principiū productiuium immediatū quanti, & qualis: quod non eſt niſi ſubſtātia. Item 4. Metaph. dicitur. Singulum eſt id, quod eſt dum poteſt in propriā operationem: ergo valde inconueniens eſt, quod ens perfectiſſimum ſecundum ſuum genus inter entia creata careat actione (ita quod forma eius non poſſit eſſe principium immediatum & proximum elicitium alicuius actionis, cum id poſſint entia imperfectiora ſecundum genus, cuiusmodi ſunt acciſſentia:) quia, vt dicit Ariſtot. loco proximè citato, tunc vnum quodque perfectum eſt, cū in propriam poteſt operationem. Quod vero acciſſens non poſſit eſſe principiū & cauſa generationis ſubſtāntiæ, ſic oſtendo. Quia tunc vel eſſet virtute propria, vel virtute ſubſtāntiæ. Non propria virtute: quia imperfectius non poteſt virtute propria producere aliquid perfectius ſe, ſubſtātia vero perfectior eſt quolibet acciſſente: vnde vulgaris, & trita maxima eſt inter Philoſophos: Virtute propria

nihil posse agere ultra suam speciem. Quod vero nec in virtute substantiæ possit accidens producere substantiam sic ostendo. Et sumo accidens a substantia separatum, ut hoc melius elucescat. Tu dicis, quod illud accidens in virtute substantiæ potest producere substantiam, quæro quid intelligas per ly, In virtute substantiæ? Quia, vel intelligis aliquod accidens, & virtutem derelictam a substantia in accidente, vel subordinationem accidentis ad substantiam. Si primum, ergo sicut accidens propria virtute non potest producere substantiam: ita nec in virtute substantiæ: quia illa virtus substantiæ derelicta in accidente a substantia, non est nisi accidens. Si secundum, id esse non potest: quia substantia, quam hoc accidens separatum affecerat, respectu actionis istius accidentis ita se habet, ac si non esset: ergo non subordinatur ei in sua actione.

Dices forsitan argumentum concludere de accidente a substantia separato, non tamen de accidente coniuncto substantiæ. Respondet utriusque eadem fere esse rationem: quod ostendere non est præsentis speculationis, sed usque ad controuersias quæti differatur, ubi quid accidentia in virtute propria, vel substantiæ possint latissime ostendimus.

Secundò. Agens naturale non posse agere in distans, & remotum, nisi præagat in præsens, ac proximū, non prouenit ex ratione intrinseca agentis, sed vel ex concursu duarum potentiarum subordinatarum in eodem agente, aut ex imperfectione potentie actiue non potentis producere perfectius, nisi procedendo de imperfectiori ad perfectius, ut primo

notabili ostendimus: ergo agens, in quo neutra istarum conditionum inueniatur, potest agere in distans a se, quin agat in propinquum: ergo cum in Deo perfectissimo agente neutra ex præfatis conditionibus reperitur, potest agere immediate in remotum ac distans a se, si tale daretur: ergo si per impossibile daretur aliqua vniuersi pars, in qua Deus non esset præsens secundum substantiam, adhuc ibi posset operari. Et confirmatur: quia propter prædictas conditiones verificatur, quod mouens & motum debent esse simul: ergo illis præcisissimè præscinduntur adeo, non erit necessaria illa similtas.

Respondet Caietanus propter nullam illarum causarum cōuenire agentibus naturalibus non posse agere in distans, nisi in propinquum præagant, sed propter imperfectionem negatiue pertinentem ad virtutem actiuam in quantum limitata est: quia, scilicet, est in certo situ agens, cuius est talis virtus. Vnde si Deus esset in certo situ (inquit Caietanus) ex eo, quod est omnipotens, posset in quodcumque ubicunque ex eo vero, quod in certo situ, sequitur, quod nihil posset, nisi mediante proximo, id est, nihil operari posset in distans, nisi prius ageret in propinquum, quia hoc spectat ad rationem agentis limitati situatiter. Ac proinde ex eo, quod ponatur Deus in certo situ, sequuntur duo contradictoria, ut puta, quod possit in quodcumque ubicunque, & quod nihil possit, nisi prius agat in proximum. Et per hoc patet (inquit Caietanus) ad argumentum, & confirmationem.

Sed hæc responsio non soluit argumentum: quoniam maior propositio

Ref. Cai.

Impugnatio Resp. Cai.

finis vera est, quidquid dicat Caietan-
nus. Ratio enim, ob quam sol non
agit in visceribus terræ producendo
aurum, nisi prius agat in media, præ-
cisè provenit ex defectu suæ poten-
tiæ, & non ex eo, quod est in certo
situ. Cuius rei signum est, quia in in-
stanti generationis auri immediatè
operatur per suam formam substanti-
alē, quin eadē actione agat in pro-
pinquū, quia substantia non produ-
citur, nisi a substantia, ut dictum est.

Præterea. Si ad meum velle seque-
retur Petrum esse album, sicut a cau-
sa efficiēti, quamvis ego essem in cer-
to, ac determinato situ, possem opera-
ri in distans, quin agerem in proxi-
mum: ergo non est de ratione intrin-
seca agentis existentis in certo situ,
q̃ prius agat in propinquum, quā in
remotum. Consequētia est evidens:
antecedens probatur: quia voluntas,
quin agat in medium, potest velle
effectum produci in loco remoto: nā
æquē bene potest velle distans, sicut
propinquum. Præterea. Si de ratione
intrinseca agentis existentis in certo
loco esset, non posse agere in distans,
nisi prius agat in propinquum seque-
retur, quod angelus non posset age-
re in aliquod corpus, nisi immediatè
per suam substantiam vniretur ei,
ac per consequens quantumvis pa-
rum ab eo distaret, nō posset in illud
agere actione saltē, cuius medium
inter ipsū & corpus non esset capax.
Præterea. Angelus non posset moue-
re lapidem a se, quantumvis parum
distantem, nisi prius moveret aerem
medium inter se, & lapidem, nec ut
existēs in capite hominis posset age-
re in pedem eius, nisi vel prius age-
ret in medio corpore, vel immediatè
pedi vniretur, quæ sanè sunt incredi-

bilia. Ratio ergo, ob quam agens
non potest agere in remotum, nisi
prius agat in propinquum, non pro-
venit ex determinato situ, sed ex al-
tera duarum causarum, quas nos in
argumento cōmemorauimus, quid-
quid sentiat Caietanus, & qui eum
sequuntur.

Tertiò. Omnipotētia Dei est eius
volūtas, ad cuius velle sequitur rem
esse: ergo cum voluntas possit æquē
velle distans, sicut propinquum, se-
quitur, qđ si omnipotens Deus esset
in aliquo loco determinato, & non
vbique, posset velle aliquid esse in alio
loco, in quo ipse non esset secundum
essentiā: & cum ad eius velle seque-
tur rei productio, sequitur, qđ posset
tunc Deus operari vbi non esset. Cer-
tè, si ad meum velle sequeretur rem
esse & produci, recte possem agere
in distans, quin agerem in propin-
quum; quia possem velle quod res
in loco a me distanti produceretur,
& posse velle productionem rei in
loco remoto, quin vellem operari in
propinquo, ergo similiter Deus, da-
to quod non esset vbique id posset.

Quartò. Quanto agens est virtuo-
sius, tanto potest agere in aliquid ma-
gis distans, sicut pater ad sensum in
agentibus creatis: sed Deus est agens
potentissimum, & infinite virtutis:
ergo, si per impossibile ab aliqua re
distaret adhuc posset in eam agere.
Consequētia cum minori patet. Sed
ad maiorem forsitan, dices, illam ef-
se intelligendā, non quidem imme-
diatè, sed mediatè, sicut ignis quan-
to fortior, agit in magis a se distans,
sed mediante aere. Contra, quia, ut
diximus, illa mediatio non provenit
ex ratione intrinseca agentis, sed ex
illis duabus conditionibus primo

3. ratio.

4. ratio.

notabili positis: ergo eis sublatis, sicut a Deo auferuntur, erit vera illa maior argumenti. Præterea. Sol agit in distans, quin actione eiusdem rationis agit in propinquum, quia actione generatiua agit in hæc inferiora, quin agit in cælos, & calefacit aerem, quin cælos calefaciat: ergo, &c.

responsio
D. Tho. Respondet D. Thom. vbi supra, q. nullius agentis quantumque virtuosæ actio procedit ad aliquod distans, nisi in quantum per media aliqua agit in illud. Vnde secundum S. Thom. virtus agentis maior, vel minor attenditur penes hoc, quod in remotius & propinquius potest agere, per medium tamen: sed Deus, cum sit immensus a nulla re utcumque distare potest, sed omnibus est intime præsens secundum suam substantiã & essentiam.

Confutatio responsionis. Ex hac solutione sequitur saltem, quod, si Deus per impossibile nõ esset in loco. A. posset ibi operari per media supposita. Et ita concludimus intentum, scilicet, ex operatione Dei in omnibus non rectè inferri consequentia formali, Deum esse in omnibus per essentia, Dices, sicut videtur dicere S. Tho. quod Deus non potest distare ab aliqua re, cum sit immensus, & per consequens vbicumq. operatur adest secundum essentiam. Id ipsum ego fateor: sed quomodo ex operatione Dei circa omnia inferatur præsentia eius in omnibus secundum essentia, nec video, nec probas.

Præterea. Ex operatione agentis in aliquod passum non sequitur necessario intima præsentia agentis ad passum secundum propriam substantiam, vt patet in omnibus agentibus naturalibus; ergo ex operatio-

ne Dei in omnia non inferitur formaliter intima præsentia Dei secundum essentiam in omnibus. Dices, discrimen esse inter Deum & alia agentia quia Deus agit in omnibus immediate in immediate suppositi & virtutis, non tamen alia agentia. Sic ita: sed quomodo intrinsece in operatione Dei formaliter sumpta secundum rationem formalem operationis includatur præsentia Dei secundum essentiam, vel, ex ea necessario sequatur, non video. Hoc oportebat Caietanum probare, qui vbi supra ait præsentiam per operationem coincidere cum præsentia per immanitatem.

Ultimò. Deus produxit mūdum, non vt alicubi præsens, quia ante mundi cōstructionem nihil erat, cui posset esse præsens: ergo præsentia secundum essentiam non prærequiritur ad operationem. *Ratio.*

Secunda conclusio. Non sequitur consequentia formali præsentia Dei secundum essentiam in omnibus ex eo, quod in omnibus, & in omnia operatur: hæc ergo consequentia nõ est formalis, sed materialis, Deus operatur vbique: ergo est vbique secundum suam essentiam. Conclusio est contra Sanctū Thom. vbi supra, & alios, quos supra citauimus. Et certè sequitur euidenter ex præcedenti. Nam si dato, quod Deus non esset in loco. A. posset ibi operari ex conclusione præcedenti: ergo non bene sequitur in consequentia formali, Operatur Deus vbique: ergo est vbique. *2. conclus.*

Secundo. Ex positione prioris nõ sequitur consequentia formali positio posterioris: sed præsentia Dei secundum potentiam & operationem est

est prior praesentia eius secundum essentiam: ergo illius positio non infert necessario positionem istius. Consequentia est bona, & maior est manifestata: minorem proba: quia prius natura creatura terminat actum diuinæ potentia, quam Deus sit ei praesens, ut patet in prima rerum creatione, ubi prius Dei potentia habuit terminum suum, scilicet, creaturam, quam Deus esset secundum suam substantiam eidem creaturae praesens, prius, inquam, secundum naturam.

Tertio. Ratio, ob quam D. Thom. tenet oppositum nostrae conclusionis non est bona: ergo nostra conclusio est tenenda. Probo antecedes: quia in ea vel committitur vitium petitionis principij, vel ex ea sequitur aliquid contrarium doctrinae Beati Thomae. Quod sic ostendo. Diuus Thomas prima par. quaestione octaua, articulo primo, sic arguit. Mouens est simul cum moto: ergo cum Deus moueat omnia, erit simul cum omnibus, & in omnibus. Tunc sic. Per hanc rationem vel intendit concludere praesentiam Dei in omnibus per operationem, aut praesentiam secundum essentiam. Si primum, ergo petit principium, quia conclusio est, Deus est in omnibus per operationem, & mediū ad eam probandum est hoc idem, scilicet, Deum in omnibus operari. Et praeterea non probat, quod ibi intendit: quia intentū eius erat probare praesentiam Dei in omnibus secundum essentiam. Si secundum, ergo praesentiam secundum essentiam concludit tanquam a posteriori ex praesentia per operationem: ergo illa praesentia est prior ista: ergo natura spiritalis prius est praesens loco secun-

dum essentiam, quā operetur, quod tamen idem D. Thom. negat in materia de loco angelorum.

In hac ratione aduerte, quod, licet Scotus inferat contra S. Thom. praesentiam Dei secundum essentiam esse priorem praesentia secundum operationem, non tamen illud fatetur tanquam verum de praesentia secundum essentiam in ordine ad operationem Dei, per quam res primo accipit esse. Nam in primo distinctione trigesima septima, expressè vult in prima rerum conditione priorem fuisse praesentiam Dei per operationem in rebus, quam per essentiam. Sed loquendo de operatione Dei circa res iam in esse constitutas, prior est praesentia secundum essentiam, quā secundum operationem, sicut praesentia angelis ad locum est prior, quā operetur in loco. Ratio est, quia praesentia ad creaturam supponit creaturam, sicut praesentia ad Petrum supponit Petrum. Non enim possum ego esse praesens Petro, nisi supponatur Petrus in suo esse: ergo praesentia Dei secundum essentiam ad creaturam supponit creaturam in suo esse: ergo, &c.

Huic rationi respondet Caietanus ubi supra. Ceterum, quia eius solutio satis inanis est impugnatione, non eget.

Ad ea, quae dicuntur in quinto notabili pro opinione Beati Thomae supra posito, quae nostrae sententiae contrariari videntur, respondeo falsum omnino esse discrimen ibi assignatum inter agentia corporalia & spiritalia. Nam licet verum sit, agentia spiritalia posse intus esse praesentia rebus, in quibus agunt, quam corporalia, ceterum falsum

est

Respondetur ad ea quae pro opinione D. Tho. supra sunt posita.

notabilis positis: ergo eis sublati, sicut a Deo auferuntur, erit vera illa maior argumenti. Præterea. Sol agit in distans, quin actione eiusdem rationis agit in propinquum, quia actione generatiua agit in hæc inferiora, quin agit in celos, & calefacit aerem, quin celos calefaciat: ergo, &c.

*responsio
D. Tho.*

Respondet D. Thom. vbi supra, quod nullius agentis quantumque virtuosus actio procedit ad aliquod distans, nisi in quantum per media aliqua agit in illud. Vnde secundum S. Thom. virtus agentis maior, vel minor attenditur penes hoc, quod in remotius & propinquius potest agere, per medium tamen: sed Deus, cum sit immensus a nulla re utcunque distare potest, sed omnibus est intime præsens secundum suam substantiam & essentiam.

*Confutatio
responsionis.*

Ex hac solutione sequitur saltem, quod, si Deus per impossibile non esset in loco. A. posset ibi operari per media supposita. Et ita concludimus intentum, scilicet, ex operatione Dei in omnibus non rectè inferri consequentia formali, Deum esse in omnibus per essentiam, Dices, sicut videtur dicere S. Tho. quod Deus non potest distare ab aliqua re, cum sit immensus, & per consequens vbicunque operatur adest secundum essentiam. Id ipsum ego fateor: sed quomodo ex operatione Dei circa omnia inferatur præsentia eius in omnibus secundum essentiam, nec video, nec probas.

Præterea. Ex operatione agentis in aliquod passum non sequitur necessarium intimam præsentialem agentis ad passum secundum propriam substantiam, ut patet in omnibus agentibus naturalibus; ergo ex operatio-

ne Dei in omnia non inferitur formaliter intima præsentia Dei secundum essentiam in omnibus. Dices, discerni esse inter Deum & alia agentia quia Deus agit in omnibus immediate in meditatione suppositi & virtutis, non tamen alia agentia. Sit ita: sed quomodo intrinsece in operatione Dei formaliter sumpta, secundum rationem formalem operationis includatur præsentia Dei secundum essentiam, vel, ex ea necessario sequatur, non video. Hoc oportebat Caietanum probare, qui vbi supra ait præsentiam per operationem coincidere cum præsentia per immensitatem.

Ultimo. Deus produxit mundum, non ut alicubi præsens, quia ante mundi constitutionem nihil erat, cui posset esse præsens: ergo præsentia secundum essentiam non prærequiritur ad operationem.

ratio.

Secunda conclusio. Non sequitur consequentia formali præsentia Dei secundum essentiam in omnibus ex eo, quod in omnibus, & in omnia operatur: hæc ergo consequentia non est formalis, sed materialis, Deus operatur vbique: ergo est vbique secundum suam essentiam. Conclusio est contra Sanctum Thom. vbi supra, & alios, quos supra citauimus. Et certè sequitur euidenter ex præcedenti. Nam si dato, quod Deus non esset in loco. A. posset ibi operari ex conclusione præcedenti: ergo non bene sequitur in consequentia formali, Operatur Deus vbique: ergo est vbique.

2. conclusio.

Secundo. Ex positione prioris non sequitur consequentia formali positio posterioris: sed præsentia Dei secundum potentiam & operationem

est

est prior presentia eius secundum essentiam: ergo illius positio non infert necessarium positionem istius. Consequentia est bona, & maior est manifesta: minorem probabo: quia prius natura creatura terminat actum divinæ potentia, quam Deus sit ei præsens, ut patet in prima rerum creatione, ubi prius Dei potentia habuit terminum suum, scilicet, creaturam, quam Deus esset secundum suam substantiam eidem creaturæ præsens, prius, inquam, secundum naturam.

Tertio. Ratio, ob quam D. Thom. tenet oppositum nostræ conclusionis non est bona: ergo nostra conclusio est tenenda. Probo antecedens: quia in ea vel committitur vitium petitionis principij, vel ex ea sequitur aliquid contrarium doctrinæ Beati Thomæ. Quod sic ostendo. Divus Thomas prima par. quaestione octava, articulo primo, sic arguit. Mouens est simul cum moto: ergo cum Deus moueat omnia, erit simul cum omnibus, & in omnibus. Tunc sic. Per hanc rationem vel intendit concludere presentiam Dei in omnibus per operationem, aut presentiam secundum essentiam. Si primum, ergo petit principium, quia conclusio est, Deus est in omnibus per operationem, & mediū ad eam probandum est hoc idem, scilicet, Deum in omnibus operari. Et praterea non probat, quod ibi intendit: quia intentū eius erat probare presentiam Dei in omnibus secundum essentiam. Si secundum, ergo presentiam secundum essentiam concludit tanquam a posteriori ex presentia per operationem: ergo illa presentia est prior ista: ergo natura spiritualis prius est præsens loco secundum

essentiam, quā operetur, quod tamen idem D. Thom. negat in materia de loco angelorum.

In hac ratione adverte, quod licet Scotus inferat contra S. Thom. presentiam Dei secundum essentiam esse priorem presentia secundum operationem, nō tamen illud fatetur tāquam verum de presentia secundum essentiam in ordine ad operationem Dei, per quam res primo accipit esse. Nam in primo distinctione trigesima septima, expressè vult in prima rerum, conditione priorem fuisse presentiam Dei per operationem in rebus, quam per essentiam. Sed loquendo de operatione Dei circa res iam in esse constitutas, prior est presentia secundum essentiam, quā secundum operationem, sicut presentia angelī ad locum est prior, quā operetur in loco. Ratio est, quia presentia ad creaturam supponit creaturam, sicut presentia ad Petrum supponit Petrum. Non enim possum ego esse præsens Petro, nisi supponatur Petrus in suo esse: ergo presentia Dei secundum essentiam ad creaturam supponit creaturam in suo esse: ergo, &c.

Huic rationi respondet Caietan. ubi supra. Caterum, quia eius solutio satis inanis est impugnatione, non eget.

Ad ea, quæ dicuntur in quinto notabili pro opinione Beati Thomæ supra posito, quæ nostræ sententiæ contrariari videntur, respondeo falsum omnino esse discrimen ibi assignatum inter agentia corporalia & spiritualia. Nam licet verum sit, agentia spiritualia posse intimius esse presentia rebus, in quibus agunt, quam corporalia, caterum falsum

est

Respondetur ad ea quæ pro opinione D. Tho. supra sunt posita.

est per solam operationem esse passio-
so intime presentia secundum sub-
stantiam, etsi eorum operatio ad in-
tima vsq; ipsius passio pertingat. Stat
enim angelum circa aliquod corpus
operari, quin sit ei intime presens in
omnibus eius partibus, vt supra di-
ximus. Præterea. Etsi angelus sit
in loco per operationem, vt vult S.
Thom. quod tamen falsum esse ego
arbitror, tamen, si operatur in tota
hac aula, eum toti aula, & cuilibet
eius parti presentem esse secundum
suam substantiam haudquaquam ne-
cesse est. Cum autem ibi dicitur vir-
tutem operandi, secundum quam res
spiritualis ipsum passum tangit, esse
in re spirituali, velut in subiecto, vel
esse ipsius rei spiritualis substantiam,
ac per consequens oportere rem ip-
sam spiritualement secundum suam sub-
stantiam esse vbicumque eius adest
virtus, respondeo, q; quando agens
operatur & agit, virtus quæ in ipso
est subiectiue, non egreditur ab ipso
in effectum, sed per ipsam effectum
producit. Nec oportet eandem vir-
tutem secundum rem esse presentem
effectui, qui producit, sed so-
lum, quasi virtualiter, & terminati-
ue: sicut sol producit per suam for-
mam immediate aurum in visceri-
bus terræ non est ibi presens per rea-
lem suæ formæ presentiam, sed tan-
tum secundum operationem, quia,
scilicet, eius operatio terminatur ad
effectum ibi productum.

Sed dices. Si operatio agentis est
idē cum agente, necessarium erit agens
secundum suam substantiam esse vbi-
cumque eius adest operatio. Respon-
deo, quod operationem in casu po-
sito esse presentem effectui potest bi-
sariam intelligi. Primo quod entitas

talis operationis verè & secundum
rem ac substantiam suam sit ibi præ-
sens. Secundò quod sit ibi termina-
tiue, quia scilicet, effectus, qui termi-
nat operationem ibi adest. Si primo
modo intelligatur libenter, seque-
lam & consequens concedo. Si verò
secundo modo accipiat, sequelam
diffiteor.

Tertia conclusio. Ex immensita-
te diuinæ essentiae re et infertur præ-
sentia Dei secundum essentiam in om-
nibus rebus. Ita tenet Scotus in qua-
ro distinctione decima, questione
secunda, littera K. Vbi sic ait. Deus
ex sua immensitate necessariò est v-
bique, quia nullum potest esse vbi,
in quo non sit secundum potentiam
presentiam, & essentiam. Et præte-
reà. Deus est ex natura sua substan-
tia infinita, & immensa: ergo de se
est presens actu omnibus locis. Pro-
bo consequentiam. Nam, si esset
substantia corporea immensæ ma-
gnitudinis replet quidem omnia
ista spacia: ergo diuina substantia re-
plet omnia illa. Hæc tamen existen-
te differentia, q; substantia corporea
replet omnia repletionem quantita-
tiua, Deus autem solum spirituali-
ter per presentiam substantiæ. Hoc
optinè intellexerunt Diuus Augu-
stinus, & Diuus Hilarius locis atti-
culo primo, in prima conclusione
citatis, qui ex immensitate diuinæ
essentiae Deum esse vbique college-
runt. Et Diuus Ambrosius in pri-
mo libro de Spiritu sancto, Spiritum
sanctum probat non esse creaturam,
quia vbique est (quod est proprium
diuinitatis) ita dicens. Cum omnis
creatura certis naturæ suæ sit circū-
scripta limitibus, quomodo quis au-
deat creaturam appellare Spiritum
san-

sanctum, cum non habeat circūscriptam determinatamq; virtutē, quæ & in omnibus & vbique semper est, quod vique diuinitatis & dominationis est proprium? En quo modo Diuus Ambrosius affirmat propriū esse diuinitatis esse vbique, quia diuinitas est incircūscripta & immēsa: ergo ex immensitate essentia colligit illam esse vbique. Et patet: nam si diuinitatis est proprium esse vbique, quia immensa, ergo ex immensitate eius optimē existentia illius in omnibus colligitur.

AD ARGVMENTA in principio articuli posita.

Ad 1.

AD primum dico, quòd dictum Philosophi verum est de agentibus naturalibus, quæ agunt per qualitates, vel formas naturales actiuas, quæ non sunt principia agendi in remotum, nisi sint alia formæ concurrentes, quæ sunt principia agendi in propinquum: vt patet in sole, qui per suam formam non agit in visceribus terræ producendo aurum, nisi prius agat per virtutem illuminatiuam in media. Non sic est dei voluntate, qua omnipotens agit: illa enim est immediatum principium operandi in quodcumque, etiam in remotum a se, si quid tale daretur.

Ad 2.

Ad secundum, quod videtur oppositæ sententiæ Achilles, nego maiorem. Sed dices: actio est idem agenti: ergo vbi cumque est actio, ibi erit agens secundum suam substantiam. Huic obiectioni patet solutio ex paulò ante dictis. Vnde aduerte, quòd Deum esse præsentem aliqui secundum suam virtutem, ex na-

tura rei loquendo, non est virtutem eius, quæ sibi identificatur, ibi esse, sed solum illam ibi ad effectum terminari, eiusque effectum ibi esse, & relucere: sicut solem esse virtualiter in visceribus terræ non est virtutem in sole existentem ibi esse, sed sua virtute ibi attingere effectum, ipsum producendo. Bene hoc nota: quia Doctores oppositæ sententiæ id ipsum non attendentes nullatenus Scoti sententiam veram esse sibi persuadere potuerunt.

Ad confirmationem dico, causalem illam esse falsam: angelus enim operari potest alicubi, quin ibi sit intime præsens, vt supra ostendimus. Intelligentia enim primo mouet totum cælum, ita, q̃ vna pars non mouet aliam, & tamen non est præsens secundum suam substantiam toti cælo, sed alicui eius parti.

Ad tertium dico, q̃ licet agens corporale sit immediate præsens rei, inquam immediate agit, non tamen est intime præsens ipsi passo, nec potest, nec est necessarium hoc, vt in ipsum agat. Et quamuis in agentibus corporalibus illa præsentia immediata ad id, in quod agunt, sit necessaria, non tamen in agente increato: quia hoc imperfectionis maxime est, vt supra diximus.

AD ARGVMENTA in principio controuersia posita.

AD primum dico, quòd aliter sunt omnia in Deo, aliter verò Deus in omnibus rebus existens: omnia enim sunt in Deo, sicut effectus in sua causa, & sicut in re eminentissimè omnia continente, & sicut

Ad 3:

sicut cognitum in cognoscente. Cæterum Deus est in rebus non sicut in loco, sed secundum realem præsentiam dando eis esse, ipsaſque conseruando. Et ita non sequitur idem esse in se ipſo: nam res nō sunt in Deo eo modo, quo Deus in rebus.

Ad 2. Ad secundum dico, q̄ Deus non mutatur, nec aliquem respectū realem habet ad locum, nec ad res, quibus est præſens: sed per mutationem

creaturæ est de nouo præſens ipſi creaturæ, nulla in ipſo Deo mutatione facta, sicut de nouo dicitur creator, & Dominus omni procul mutatione ab eo.

Ad tertium dico, quod in rebus *Ad 3.* corporalibus locatis verum est, q̄ continentur a loco, & locus eas continet: attamen Deus sic est in rebus, quod ab ipſis non continetur, sed potius eas continet.



CONTROVERSIÆ

VIGESIMANONÆ.

Verum Deus intelligat distinctè omnia alia a se.

1. Arg.



ARS negatiua probatur. Primò ratione Commenta. 12. Meta. quæ talis est. Si Deus aliquid aliud a se intelligeret, necessario præexigeret illud ad suam intellectiōem: sed cōsequens est falsum: ergo & antecedens. Sequela probatur: quia obiectum præsupponitur intellectiōi. Probo minorem: quia tunc in intelligendo depēderet Deus ab aliquo extrinseco, & ita vilesceret eius intellectus.

2. Arg.

Secundò. Potentia non excedit suum obiectum adæquatum in cognoscendo: sed obiectum adæquatum diuini intellectus est essentia diuina, ergo nihil aliud a diuina essentia cognoscit. Consequentia tenet: probatur maior: quia obiectum, & potentia inter se necessario commensurantur, & habent se sicut mēsurā & mēsuratum ei adæquatum. Quod patet in auditu, & sono, & in visu, & visibili. Sonū nāque non excedit auditum: nec visus ipsum visibile, nec è cōuerso. Vnde, nec visus aliud a visibili percipit, nec auditus aliud a sono: nec visibile potest percipi nisi a visu, nec sonus nisi ab auditu.

3. Arg.

Tertio. Aristoteles decimo Metaphysic. ait Deum solum seipsum cognoscere, atque, ly, solum, excludit negationem cuiuslibet alterius rei: ergo de mente Aristot. Deus nihil aliud a se intelligit.

IN hac cōtrouerfia sic procedam. Primò inquirā, an Deus propria, & distincta cognitione cognoscat alia a se in sua essentia, vel in se ipsis. Secundo, an creatura prius sit repressentata, vel expressa per diuinam essentiam, quam actu cognita. Tertio, an creatura ab æterno habuerit aliquod esse reale distinctum ab esse diuino. Quarto, an ad hoc, ut Deus perfectè intelligat alia a se, necessario præexigantur in eo distincti respectus ad ipsa obiecta. Quinto, an idea sit creatura in esse cognito. Ultimo ad rationes.

ARTICVLVS PRIMVS.

An Deus propria & distincta cognitione alia a se in sua essentia, vel in se ipsis cognoscat?

CIRCA primum articulum videtur, quod Deus non cognoscat perfectissimè, & propria cognitione alia a se, quia Deus cognoscit creaturas non in se ipsis, sed in sua essentia: ergo non cognoscit illas distincta, & propria cognitione. Antecedens est apud omnes Theologos manifestū cōsequentiā probatur: quia creaturæ in Deo non sunt distinctæ secundū proprias rationes, sed sunt in Deo vnica simplicissima essentia: ergo si cognoscuntur prout sunt in Deo, non cognoscuntur distincte.

2. Arg. Secundo. Si intelligeret alia a se distincta, & propria cognitione, cognosceret in particulari omnia: sed hoc est impossibile, quia sunt infinita: ergo, &c.

1. Opinio. De modo, quo Deus cognoscit alia a se, multiplex est opinio. Prima est eorum, qui asserunt Deum cognoscere creaturas, non in sua essentia, sed in seipsis: de quorum numero ponitur Scotus a nouo quodam expositorē 1. p. D. Tho. q. 14. art. 6. ubi cum adduxisset Caiet. referentem, Scotum in ea fuisse sententia, ut Deum res in sua essentia, & in se ipsis cognoscere fuerit arbitratus, dixit, quasi falsitatis arguendo Caietanum, se nunquam apud Scotum reperisse, quod Deus res in sua essentia cognoscat: sed in seipsis. Libenter id ipsum concedimus ei, scilicet quod illud apud Scotum ipse non reperit. Sed vnde locus: non reperit ipse: ergo non habetur apud Scotum? Sed quæso quoniam pacto id in Scoto inuenire potuit, cum forte nunquam Scotum vel a limine salutauerit? Sed libet ipsum interrogare, quibus in locis apud Scotum legerit. Deum secundum Scoti mentem cognoscere creaturas in se ipsis? Certè nullum locum in medium producere poterit, in quo subtilis Doctor id asseruerit: sed ego plura loca statim adducam, ut ipse, & omnes alij facillimo negotio percipiant, Deum secundum Scoti mentem, creaturas non in seipsis, sed in sua essentia intelligere. Et sic palam sit Scotum sententiam ab hoc nouo expositore sibi impositam, nunquam tenuisse.

2. Opinio. Secunda opinio est Aureoli apud Capreolum in 1. distin. 3. 5. asserentis Deum non cognoscere res in seipsis,

sed in sua essentia: & insuper eas, nec mediata quidem cognoscere secundum esse, quod habent in seipsis, sed solum secundum esse, quod in diuina essentia habere intelliguntur: atque ita secundum Aureoli opinionem creatura nec est obiectum primum, & immediatum diuinæ cognitionis, nec mediatum & secundarium: sed diuina cognitio vnicum tantum obiectum habet, scilicet, diuinam essentiam.

Tertia opinio, & tenenda statim 3. Opinio. nonnullis prænotatis per conclusiones a nobis elucidabitur.

Ad intelligentiam ergo huius dubitationis obseruandum ex Scoto in primo d. 1. quaest. 2. lit. D. duplex esse obiectum diuini intellectus: alterum primum, alterum secundarium. Obiectum primum illud est, virtute cuius cetera intelliguntur: cuiusmodi est diuina essentia, quæ sola est ratio motiua diuini intellectus, ut tenet Scotus, quaest. 3. prologi paulo ante & paulo post litera X. & in 1. d. 3. quaest. 3. lit. D. & d. 3. 9. lit. N. & in quolib. q. 14. & alibi saepe, & D. Tho. primo contra gentes c. 48. & 49. itē de veritate, q. 2. art. 3. Obiectum secundarium est creatura, & res omnes visæ in diuina essentia, ut tenet Scotus in 1. d. 1. q. 2. lit. D. & in 2. d. 1. lit. H. & in quolib. q. 14. & alibi frequentissimè. Sed est differentia inter hæc obiecta, quod obiectum secundarium intelligitur virtute primi, quia diuinus intellectus non tendit in aliquod obiectum, nisi per rationem suæ essentiae & virtute eius. Propter hoc enim vocatur diuina essentia obiectum diuini intellectus primum, non communitate prædicationis, ut patet, sed secundum virtutem: nihil enim Deus

Deus intelligit, nisi per rationem sue essentiae mouentis, ut locis supra citatis tenet Scotus. Vnde cum obiectum duplicem habitudinem habere possit ad potentiam, vnam sub ratione motiui, aliam verò in ratione terminatiui, creatura nullatenus rationem obiecti motiui habet respectu diuini intellectus: quia, ut ait Scotus in 1. d. 39. lit. N. diuinus intellectus vilesceret, si ab alio, quàm ab essentia sua moueretur: rationem vero obiecti terminatiui bene potest habere creatura in ordine ad diuinum intellectum. Sed cum obiectum possit actum aliquem terminare bifariam, vno modo per se primo, alio modo per se non primo, sed secundario, primo modo non potest creatura esse obiectum terminatiuum intellectio- nis diuinæ: quia illud est diuina essentia, sed secundo modo. Illud tamen est tibi animaduertendum, relationes diuinas a Scoto in 1. d. 1. q. 2. lit. D. obiecta quasi secundaria intellectus diuini appellari: hoc ideo præcisè, quia virtute essentiae intelliguntur, sicut & creaturæ, licet illæ ex natura rei sint in Deo, & idem re ipsa cum eo, suntque Deus ipse per identitatem realem perfectissimam, non sic creaturæ. Sed, ut melius propositam distinctionem obiecti percipias, accipe aliquid posse cognosci bifariam. Primò immediatè, ita, scilicet, ut ipsum secundum se a potentia apprehendatur: quod tunc accidit, cum per propriam speciem, vel per se ipsum cognoscitur. Secundo mediatè, quod euenit, quando res per aliud prius cognitum, in quo continetur, concipitur. Sic concipiuntur propriæ passionēs, quæ in subiecto continentur virtualiter. Quod pri-

mo modo cognoscitur, est primò & per se cognitum: illud verò quod secundum modo à potentia percipitur, secundario cognitum dicitur, tanquàm contentum in primo, & principali obiecto cognito. Sic ergo diuina essentia est obiectum primò cognitum a diuino intellectu, & immediatè: creaturæ vero secundario, quia in essentia diuina cognita cognoscuntur, & virtute eius.

Secundò obserua, certum esse res omnes in Deo virtualiter, & eminenter contineri, sicut in sua perfectissima causa, & principio. Sed hanc continentiam aliqui ita explicant, ut afferant, omnem entitatem, & perfectionem eandem numero in creaturis existentem esse in Deo ipso, aliter tamen & aliter: quia illa in creaturis est cum modo finito, sed eadem numero est in Deo cum modo infinito. Et cōsequenter affirmant, Deum, & vniuersum nō dicere maiorem perfectionem intensiue, vel extensiue, quàm solum Deum, nec maiore entitatem, adeo, ut vniuersum nullam entitatem posituam supra deitatem addere, sed solum defectum, & imperfectionem arbitrentur. Tandem affirmant perfectiones simpliciter, prout sunt in creaturis, nullam entitatem posituam vltra diuinam entitatem addere, sed solum defectum. Sed meo iudicio, ni fallor (& sanè nō fallor) hæc sententia multa a veritate aliena continet. In primis eandem numero perfectionē, quæ est in creaturis, esse in Deo, absurdissimum, & prorsus impium esse, sic demonstro. Nam si eadem numero perfectio, quæ est in creatura cum modo finito, est in Deo cum modo infinito, ergo eadem numero perfectio, quæ

2. Nota.

est

est in Deo cum modo infinito, est in creatura cum modo finito: sed consequens est impium, & blasphemum, ut de se patet: ergo illud, ex quo sequitur. Probo priorē consequentiā a simili. Nā bene sequitur eadē numero perfectio, quæ est in filio Dei cum filiatione, est in patre cum paternitate: ergo eadem perfectio numero, quæ est in patre cum paternitate, est in filio cum filiatione. Ergo pari modo in proposito, si eadem numero perfectio, quæ est in creatura cum modo imperfecto, & finito, est in Deo cum modo infinito, sequitur euidenter, quod eadem numero perfectio, quæ est in Deo cum modo infinito, sit in creatura cum modo. Ex quo inferitur primo, quod perfectio Dei sit intrinseca creature perfectio. Sequitur secundò, quod eadem perfectio numero est finita, & infinita simul. Inferitur tertio, quod aliquid est formaliter in creatura, quod non est aliud a Deo. Et, si alia dicta istorum opinantium vera sunt, elicitur quartò Deum, & vniuersum secundum suam entitatem positiuam esse prorsus idem: ac per consequens vniuersum nihil aliud esse, quam Deum productum in vniuerso sub modo quodam imperfecto: quod a fide esse alienum, nemo ambigit.

Deinde secundum istorum opinantium, vel potius errantium dictum omnino falsum esse, satis manifeste patet. Nam, licet Deus, & vniuersum non dicant maiorem perfectionem, & entitatem intensiue, quam solus Deus, quia Deus est entitas infinita intensiue, cui additio secundum intensionem fieri haud potest, nec imaginari, cæterum Deum, & vniuersum non dicere maiorem perfe-

ctionem, & entitatē extensiue, quam Deum solum, quoniam modo verum esse potest, nisi vel Deum, & vniuersum in suam entitatem positiuam esse prorsus idem affirmes, vel vniuersum nihil esse fatearis? Nam quæro, an vniuersum dicat aliquam entitatem positiuam aliam secundum rem a Deo, aut non? Si primò, ergo Deus, & vniuersum dicunt duas entitates positivas, vnamquamque in suo genere perfectam: ergo extensiue loquendo maiorem entitatem & perfectionem dicunt Deus, & vniuersum, quam Deus solus: quia Deus solum dicit vnicam numero entitatem, Deus verò, & vniuersum plures. Si verò secundum concesseris, ergo Deus cum in principio temporis celum, & terram creauit, iuxta scripturam Geneseos primo, nihil prorsus produxit, ac per consequens falsa sunt illa verba. In principio creauit Deus celum, & terram: quia creatio non terminatur ad nihil, sed ad aliquid. Et, si Deus aliquam entitatem produxit, cum per opinantes non sit alia ab entitate diuina (quia vniuersum secundum eos nullam entitatem positiuam addit supra Deum) sequitur, quod Deus sit in vniuerso productus: quod est hæreticum, & blasphemum. Certè mens non capit, quoniam pacto sit vniuersum a Deo productum in vera entitate reali, & quod supra deitatem nullam entitatem positiuam addat, sed quod sit eadem omnino entitas cum ea secluso defectu. Non ergo Deus sic rerum creaturarum entitatem, & perfectionem continet, ut isti arbitrantur, sed virtualiter, & eminenter, multò perfectius, quam principium contineat conclusionem. Nec nego perfectiones,

nes, quæ in creaturis rationem perfectionis simpliciter in communi participant in Deo esse formaliter: non quod istæ eadē numero ibi sint, sed aliæ cū ipsis in ratione cōmuni perfectionis simpliciter vniocē, vel analogicē convenientes: nam nihil idem numero reale in Deo, & creatura esse potest.

Cum igitur Deus omnia perfectissimè quoad eorum entitatem contineat, ea etiam quoad perfectā intelligibilitatem continet. Sicut principium, quia continet conclusionē virtualiter quoad omnem eius entitatem, continet etiam eam quoad eius perfectam intelligibilitatem: & ita cognito principio optime conclusio dignoscitur.

3. Nota.

Tertio observa in hac quaestione, duo esse maxime cavenda. Vnum est, ne admittamus varietatem aliquam, & successionem in diuina cognitione, quam Deus de rebus ipsis habet, sic, quod aliter nunc, quam prius intelligat: vel quod, vt eas intelligat, diuinæ essentia cognitionē deferat, aciem sui intellectus ad res ipsas conuertendo: quia hæc maximam imperfectionem impottere videntur, quæ longè à diuinis abesse debet. Præterea, quia iuxta Iacobum apud Deum non est transmutatio, nec vicissitudinis obumbratio: ergo nullatenus varietas aliqua in cognitione diuina constituenda est, aliter enim iam vicissitudinis obumbratio in Deo reperitur.

Alterum est, ne credamus, Deum rebus ipsis egere, vt eas perfectissima cognitione attingat: nam Deus nullus eget creaturæ iuxta illud psalmodographi Psalmo decimoquinto. Ego dixi Domino: Deus meus es tu,

quoniam bonorum meorum non eges. Præterea, quia si Deus rebus ipsis egeret, ad earum habendam cognitionem, aliquam perfectionem, vel aliquid perfectionis ab ipsis eius intellectus reciperet: & sic vilesceret: quod nullatenus est admittendum.

His ita constitutis sit prima conclusio. Deus cognoscit alia a se. Probat. Deus est causa rerum per intellectum, & voluntatem: sed omne tale agens habet cognitionem rerum a se effectarum: ergo Deus habet cognitionem rerum, quas efficit: ac per consequens cognoscit alia a se. Consequētia tenet: maior probatur: quia præstantissimæ causæ tribuendus est præstantissimus causandi modus: sed Deus est præstantissima causa, & ratio præstantissima agendi, & causandi est per intellectum, & voluntatem: ergo Deo conuenit illa causandi ratio: & sic manet maior argumenti probata. Sed minorem sic ostendo. Quia agens per intellectum & voluntatem agit per modum artificis, qui prius rem cognoscit, quam ipsam producat: quia domus ad extra sit a domo ab intra secundum Aristotelem septimo Metaphysicæ capitulo. Et ratio a priori est, quia voluntas in suis actionibus necessario cognitionem obiecti, circa quod operatur, præsupponit: ergo agēs per voluntatem præ cognitionem rei, quam efficit, præhabet.

Secundò. Prouisor vniuersalis, & sufficiens dirigens vnumquodque in suum finem necessario cognoscit omnia a se directā, & fines, ad quos ea dirigit, quia ea ducit sub sua providētia perfectā: sed Deus est huiusmodi respectu entium, q̄ in aliqua

1. Concl.

temporis differentia re ipsa aternitati coexistunt: ergo necessario ea cognoscit: ergo cognoscit alia a se.

Tertio. Cernimus animatiam rationis expertia, imò & omnes res naturales sensu, & cognitione carentes debito modo fines suos expetere: aut igitur a se propósitos, & præsitos, aut ab alio, a quo ad fines proprios diriguntur: non a se: siquidem præfigere, & proponere sibi finem nature est, non solum cognoscentis, sed etiã intelligentis: ergo expetunt fines sibi ab alio propósitos, scilicet, a natura intelligente, resque ad suos fines dirigente. Vnde illud vulgare dictum ortum habuit. Opus nature opus esse intelligentie. Ex quo fit, ut vniuersa rerum naturalium ad proprios fines ordinatio in artem primi agentis conferatur: quod fieri nequireret, nisi Deus per cognitionem, & intellectum eis ordinem, & fines præsisteret: ergo, &c.

2. *Concl.*

Secunda conclusio. Deus cognoscit omnia perfectissimè. Probatur Deus se ipsum perfectissima cognitione cognoscit: igitur perfectè cognoscit suã virtutem: ergo cognoscit perfectè omnia, ad quæ se extendit eius virtus: ergo cognoscit perfectè omnia alia a se. Antecedens est notum: consequentia: vero prima est euidentissima: quia nõ cognoscitur perfectè causa, nisi eius virtus perfectè per intellectum attingatur. Secundã cõsequentiam sic ostendo: quia tunc virtus cuiuscunque rei cognoscitur perfectè, cum cognoscuntur omnia, ad quæ se extendit. Vltima vero consequentia probatione non eget.

3. *Concl.*

Tertia conclusio. Deus non cognoscit res alias a se per representationem, & motionem, quam ipse de

se faciunt. Conclusio hæc est communis sententia omnium Theologorum, & philosophorum. Nam Aristoteli 2. Metaph. Deum extra se nihil cognoscere affirmat. Cuius rationem assignans ait. Quia si aliquid extra se cognosceret, videret eius intellectus. Non negat Aristoteles (ut recte docet Bassolis in primo dist. 3. q. 1.) quòd alia a se cognoscat (quia ipsemet Aristoteles tertio Metaphysicorum tex. decimo quinto cum contra Empedocle argumentaretur, tanquam magnum inconueniens intulit, Deum nõ cognoscere elementa, & res elementares) sed mens Aristotelis est, quòd non cognoscit alia a se extra suam essentiam, & se ipsum, ita, quod eius intellectus quoquo modo a rebus mēdicet cognitionem, sed eas in se ipso, & per suam essentiam, tãquam per speciem illas perfectissimè representantem cognoscit. Cõclusionem hanc tenet Scotus locis conclusionem septima citandis.

Quarta conclusio. Creatura non est obiectum primum, & immediatum diuinæ cognitionis. Conclusio est Scoti locis supra citatis notabili primo, & passim in suis scriptis, eam defendit: & sequitur eundem ex præcedenti. Nam si creatura esset immediatum obiectum, & primum diuinæ cognitionis: diuinus intellectus moueretur a creatura ad cognoscendum, ac proinde eam cognosceret propter representationem, quam de se faceret, quod tamen negatum est in præcedenti conclusione. Sequela probatur, quia, ut etiam notabili primo diximus, hæc est vis obiecti immediati, ut per se ipsum, vel per propriam speciem ad sui cognitionem moueat intellectum. Præterea.

4. *Concl.*

terea. Cognitio suam speciem, ac perfectionem accipit a suo primario, ac immediato obiecto: ergo, si creatura esset immediatum, ac primum obiectum diuinę cognitionis, ab ea suam perfectionem, & speciem fortiretur: sed hoc esset omnino impium, & absurdum concedere, quia Deus nullam perfectionem a rebus mendicat, sed e converso: ergo, &c.

5. concl.

Quinta conclusio. Obiectum primum, & immediatum diuinę cognitionis est diuina essentia. Conclusio est Scoti in eisdem locis, in quibus præcedens. Et probatur. Quia obiectum immediatum diuini intellectus vel est diuina essentia, vel creatura: sed non est creatura ex conclusione præcedenti: ergo essentia diuina.

Secundo. Illud est obiectum primum, & immediatum diuinę cognitionis, quod primo adequatur ipsi: sed sola essentia diuina est, quę primo adequatur cognitioni diuinę: ergo ipsa est primum, & immediatum obiectum eius. Probo minorem. Quia cognitio diuina est infinita intensiue: ergo obiectum ei primo adequatum debet esse infinitum intensiue: sed hoc est sola diuina essentia: ergo, &c.

Et confirmatur. Quia illud est primum obiectum intellectus diuini, quod primo mouet ipsum, & virtute cuius intelligit, quicquid intelligit: sed diuina essentia est, quę primo mouet intellectum, & virtute cuius intelligit quicquid intelligit secundum omnes: igitur est primum obiectum diuini intellectus.

6. concl.

Sexta conclusio. Deus aliarum rerum a se habet propriam, & distinctam cognitionem. Probatur. Cogno-

scere res propria, & distincta cognitione nihil est aliud, quam res ipsas cognoscere non solum quantum ad ea, in quibus cōueniunt, verum etiā quantum ad ea, quibus inter se distinguuntur, quę sunt singularum rerum propria: sed Deus non tātum cognoscit cōmunia, quibus inter se res cōueniunt, verum etiam quę singularum rerum sunt propria, quibus inter se distinguuntur: igitur Deus aliarum rerum a se propriam, atque distinctam habet cognitionem. Minorem probo. Quia, si Deus alia a se solum intelligeret quoad cōmunia, eius intellectio nō esset perfecta (omnis enim cognitio attingens aliquid solum quoad prædicata cōmunia est imperfecta, & confusa, & potentialis) sed cognitio Dei nō potest esse imperfecta, & confusa: igitur nō intelligit res solum quoad cōmunia, sed etiam quoad propria.

Secundo. Genesis primo dicitur: Vidit Deus cuncta, quę fecerat, & erant valde bona; id est, visa sunt ei valde bona: sed non sic iudicasset, si rerum, quas fecerat, nō haberet propriam, & distinctam cognitionem: ergo eam habet. Probo minorem: quia bonitas cuiusque rei consistit in gradu, & perfectione naturę rei cuiusque. Vnde, si gradus illos naturę Deus distincte non cognouisset, nequaquam res ipsas bonas esse iudicasset. Hęc sententia confirmatur ex illo Pauli ad Hebręos 4. Nec est (inquit) vlla creatura inuisibilis in conspectu eius: omnia autem nuda, & aperta sunt oculis eius.

Sed contra. Deus alia a se cognoscit in causa prima, & vniuersaliter: igitur alia a se nō cognoscit propria, & distincta cognitione. Patet conse-

quentia: quia rem in causa vniuersali cognoscere nihil aliud esse videtur, quam rem in vniuersali attingere. Antecedens probatur. Quia Deus alia a se intelligit in se ipso & prout sunt in se ipso: & res in Deo sunt, tanquam in prima, & vniuersali rerum causa: ergo, &c.

Secundò. Rei cuiusque propria, & distincta cognitio nullatenus haberi potest, nisi per propriam, & adequatam rationem: sed Deus non cognoscit alia a se per propriam, & adequatam ipsorum rationem, igitur non cognoscit alia a se propria, & distincta cognitione. Minorem sic ostendo. Quia Deus cognoscit omnia per suam essentiam, quæ nec propria, nec adequata est cuiusque rei ratio: non propria, quia ipsa multorum, & diuersorum (vt multa, & diuersa sunt) est ratio: quod esse nequiret, si alicuius rei propria esset ratio: non adequata, quia plus aliquid repræsentat, quam in re quaque contineatur: igitur Deus non cognoscit res per propriam ipsarum, & adequatam rationem.

*Causa
dicitur
vniuersa
lis dupli
citer.*

Ad primi solutionem obseruandum, causam aliquam dici vniuersalem dupliciter. Primo in prædicando: & hoc modo artifex est causa vniuersalis rei artificialis, statuarius verò est causa particularis, Polyclethus verò statuarius est causa singularis huius statuæ. Secundo dicitur aliqua causa vniuersalis in causando, seu efficiendo, & est illa, cuius causalitas ad plures se extendi effectus: quod duobus modis contingit. Primo, vt sit causa illorum effectuum quoad aliquid commune illis effectibus, sed non quoad propria cuiusque, nisi per aliquid aliud eius cau-

salitas determinetur. Hoc pacto sol est causa vniuersalis omnium generabilium, & corruptibilium. Secundo ita, vt sit causa illorum effectuum non solum quoad communia, in quibus cōueniunt, verum etiam quoad proprias rationes, quibus inter se differunt, idq. nullius alterius causæ, per quam determinetur, concursu quo pacto Deus est vniuersalis rerum omnium causa. Nam, licet aliæ causæ cum eo concurrant, ceterum ipse solus eisdem effectus producere potest: & cum concurret cum ipsis, ipse etiam cuiusque rei propria per suam attingit actionem.

Hoc ita constituto ad argumentum respondeo, per causam vniuersalem in prædicando non posse cognosci effectum particularem, aut specificum: sicut nec per causam specificam cognoscitur effectus singularis: non enim cognita arte statuarii cognoscitur hæc statua. Nec per causam vniuersalem in causando in priori acceptione attingitur effectus propria, ac distincta cognitione, quæ causalitas eius non attingit propria cuiusque rei, quibus res inter se distinguuntur.

Per causam verò vniuersalem in causando in secunda acceptione res ipsæ propriè, & distinctè cognoscuntur: quia causalitas eius non communia solum, verum etiam propria cuiusque attingit. Talis causa est Deus: ac proinde per ipsam & in ipsa res, non in vniuersali tantum, sed in particulari cognoscuntur. Ex his inferitur, Deum esse causam vniuersalem, quia omnium est effectrix, & creatrix causa, & se sola potest vnum quodq. producere, nec eger alicuius causæ determinatione.

Ad

Ad secundum nego maiorem. Nam quando ratio cognoscendi est illimitata, ipsa potest esse ratio distincte cognoscendi aliqua plura: etsi nullus illorum sit propria, & ad adequata, sed excedens. Sic tenent Thomistae unam speciem in angelis representare plures rerum quidditates ita distincte, ac si cuiuslibet esset propria ratio, & species. Diuina ergo essentia, cum sit ratio cognoscendi infinita, & eminentissima, est ratio cognoscendi perfecte, ac distincte quodlibet, ac si propria, & ad adequata ratio eius esset. Imò perfectius, ac distinctius per eam intelligitur quodlibet, quā per propriam, & ad adequatam rationem intelligeretur, ut articulo tertio huius controuersiae demonstrabimus.

7. Concl.

Septima conclusio. Deus cognoscit creaturas in sua essentia. Hæc conclusio est Scoti in quodam quaestione decimaquarta, articulo secundo, ubi late docet diuinam essentiam mouere ad cognitionem omnium creaturarum post motionem ad cognitionem sui ipsius: ergo cognoscit illas in sua essentia mouente ad earum cognitionem secundum Scotum. Præterea quaestione decima sexta quolibet. X. sic ait. Sed non sic, si cognoscatur præcise in illo, sicut intellectus diuinus præcise cognoscit creaturam in essentia sua, & non per illā creaturam, ut obiectum immediatum: quia tunc intellectus eius vilesceret: Vide, obsecro, an Scotus negauerit, Deum cognoscere res in essentia sua. Quin potius illud affirmat, & negat, quod eas cognoscat in se ipsis, cum ait, illas præcise cognoscere in sua essentia. Item in tertio distinctione decimaquarta, quaestione secunda, inquit Scotus, an anima Christi

Domini videat in verbo omnia, quæ verbum videt. In qua quaestione manifestè supponit, verbum in se ipso alia a se videre: & inquit, an anima Christi illa omnia intueatur.

Præterea. Secundum Scotum omnia obiecta, secundaria, quæ sunt creaturæ, relucet in verbo: ergo verbum in se ipso eas intelligit secundum Scotum: siquidem non negat Scotus, sed concedit, verbum se ipsum, & omnia in se ipso relucetia exactissime cognoscere. Consequenter patet: antecedens probatur: quia loco nunc citato litera M. sic ait. Potest dici, quod conclusio ista potest poni duobus modis. Vno modo, quod anima Christi haberet unam visionem respectu verbi, ut primi obiecti, & omnium obiectorum relucetium in verbo, ut secundariorum obiectorum, &c. Dices forsitan, quod licet reluceant creaturæ in verbo secundum Scotum, ceterum cum ipse ponat eas productas per actum diuini intellectus in esse quodam cognito, & diminuto, adhuc potest tenere, quod cognoscat illas in illo esse, & sic non in verbo, sed in se ipsis.

Respondeo, id haudquaquam dici posse, quia, cum asserat Scotus ibidem, creaturas esse obiecta secundaria relucetia in verbo, & locis superacritatis confiteatur, eas nullatenus mouere diuinum intellectum ad sui cognitionem, fatetur necessario, eas non cognosci in se ipsis, sed in verbo, & in diuina essentia: quia quod cognoscit per alterius speciem, & mediatè, non cognoscitur in se ipso, sed in alio.

Item. Quia in primo dist. 3. 5. fatetur Scotus, quod res per cognitionem

nem ipsam producantur in esse cognito: ergo non cognoscit eas in se ipsis: quia cognitio illa, ut ibidem dicit Scotus, est prior rebus in esse cognito. Et quaestione tertia prologi, litera X. sic ait. Ideo dico aliter, quod diuina Theologia est de omnibus cognoscibilibus: quia obiectum primum Theologiae, quod est Deus, facit omnia alia actu cognita in intellectu diuino. Et multa alia ad hoc propositum ibi dicit subtilis Doctor. Et profecto, si omnia loca, in quibus id dicit Scotus, in medium essent proferenda, non caperet ea papyrus multa. Hinc perspicies benigne lector, quam falso ille nouus D. Thom. expositor dixerit, Scotum asserere, Deum res solum in se ipsis, & non in sua essentia cognoscere. Certe (ut verum fatear) in tota doctrina Scoti haudquaquam id reperiri poterit. Vnde falso etiam Caietanus prima parte quaest. 14. articulo quinto, imponit Scot. quod ipse. Deum creaturas in se ipsis cognoscere existimauerit, imo illud protulit negat. Sed D. Thom. illud fateri videtur prima parte quaest. 14. art. 12. ubi ad certitudinem, & infallibilitatem diuinæ scientiæ respectu contingentium prærequirit existentiam rerum in se ipsis: propter quod posuit, omnia coexistere simul æternitati. Scot. vero in 1. d. 39. negat, & optime huiusmodi rerum coexistentiam cum æternitate ad certitudinem, & infallibilitatem diuinæ scientiæ prærequirit. Et ibidem lit. N. asserit, diuinum intellectum futura contingentia cognoscere in sua essentia: quia posita determinatione diuinæ voluntatis ipsa essentia repræsentat re futuram determinate, & sic eam cognoscit infallibiliter.

Octaua conclusio. Deus cognoscit res in se ipsis, & in proprijs earum naturis, si fiat determinatio cognitionis ex parte rei cognitæ. Probatur conclusio. Quia cognoscere hoc modo res in proprijs naturis nihil aliud est, quam proprias earum naturas distincte, & perfecte cognoscere: sed Deus (ex supra dictis) cognoscit omnia distincta, & propria cognitione: ergo cognoscit ea in proprijs naturis. Ex his inferitur, quod creatura verè est obiectum terminatum, licet secundarium, diuinæ cognitionis. Non enim haberi potest perfecta cognitio rei, atque distincta, nisi ad ipsam in se, vel in alio relucens fuerit terminata. Ut vero cognitio terminetur ad rem, non impedit, quod in alio, & per aliud cognoscatur, dum modo distincte percipiatur: ergo, licet res cognoscatur in diuina essentia, non est negandum, huiusmodi cognitionem ad res ipsas terminari. Consequentia est nota: antecedens probatur: quia videns rem in speculo, vidit rem in alio, & illa visio ad rem ipsam terminatur. Similiter cognitio, qua conclusio in suo principio cognoscitur, verè ad ipsam conclusionem terminatur: ergo similiter in proposito, licet res in essentia diuina cognoscantur, vere tamen cognitio ad ipsas terminatur.

Sed contra. Quando res non sunt, non terminatur ad illas in se diuina cognitio, præsertim intuitiua: ergo nec quando sunt: ergo nullo modo est verum, quod diuina cognitio ad res ipsas terminetur. Antecedens probatur. Quia, si in se non sunt, quomodo cognitio ad eas in se ipsis terminari potest? Prior consequentia sic ostenditur: quia Deus non aliter

8. Concl.

nouit

novit facta, quam fienda. Respon-
deo, optimè posse cognitionem ter-
minari ad res, siue existant, siue non.
Nam Casare non existere cognosco
Casarem, ad quem cognitio mea ter-
minatur. Dices, quod cognitio intuiti-
ua non pòt terminari ad rem nò exis-
tentem. Respondeo, ita se rem habe-
re, cum res per motionem propriam
sui intuitivè cognoscitur. Cæterum
quado cognoscitur intuitivè in alio,
sicut creatura cognoscuntur in divi-
na essentia, quæ ob sui infinitatem,
& eminentiam est ratio cognoscen-
di intuitivè omnem creaturam mul-
tò perfectius, quam ipsa creatura in
propria existentia mouente, non est
necessaria rei existentia.

Sed nunquid terminatur cognitio
diuina, qua Deus intuetur lapidem,
ad ipsum lapidem in se existentem,
sic quod acies diuini intellectus in
rem ipsam feratur, ut eam cognos-
cat? Respondeo negative. Deus n.
non exit extra suam essentiam, ut ali-
quid cognoscat, nec alio diuertit a-
ciem sui intellectus, sed semper in-
tra suam essentiam manet: in qua om-
nia, etiam quoad esse actuale, & eo-
rum condiciones prospicit, & intue-
tur. Ac ita cognoscit, res ut in sua
essentia relucens: sed tamen secun-
dum quodlibet earum esse, siue sub-
stantiale, siue accidentale. Ita tenet
Augustinus libro octoginta trium
quæstionum, quæstione quadrage-
sima sexta. Vbi sic ait. Singula igitur
proprijs sunt creata rationibus.
Has autem rationes, ubi arbitrâdum
est esse, nisi in ipsa mente creatoris?
Non enim extra se quicquam posi-
tum intuebatur, ut secundum id con-
stitueret, quod cõstituebatur: nam hoc
opinari sacrilegum est. Hæc etiam

est sententia Scoti locis supra citatis
& omnium eius discipulorum. Nec
vnquam concessit, Deum res in se ip-
sis cognoscere, sed in sua essentia. Idẽ
tenet B Tho. prima parte, quæstione
decimaquarta, articulo quinto, &
Caietan. ibidem; & quæstione deci-
maquinta, articulo primo.

Ad duo argumenta in principio
articuli posita patet ex dictis.

ARTICVLVS II.

*An creatura prius sit representata
vel expressa per essentiam quam
actu cognita.*

Circa secundum articulum vide-
tur, quod creatura prius sit re-
presentata actu per diuinam essen-
tiam, quam intelligatur. Primò,
quia cognitio supponit necessariò
potentiam, & obiectum in aliquo
esse, ergo intellectio diuina secun-
dum rationem, & modum intelli-
gendi præsupponit creaturam (quæ
est per se obiectum eius) in aliquo
esse actuali: quod esse nequit, nisi ef-
se representatum & expressum per
diuinam essentiam.

Secundò. Ex rebus creatis phi-
losophamur ad increata: sed in re-
bus creatis ita euenit, quod obiectum
prius est in se præsens, vel in sua spe-
cie, quam intelligatur: ergo simili-
ter in Deo creatura prius habebit ef-
se, quam a Deo intelligatur: sed non
habet esse in se ipsa: ergo in diuina
essentia: ergo prius est representa-
ta, quam intellecta.

In hoc articulo est vna opinio af-
ferens, quod diuina essentia est simi-

litudo quadam formalis, & exēplar actuale creaturarum, in qua creaturæ cum quadam distinctione continentur relucētque in ea, sicut res in speculo. Sed (vt bene aduertit Caiet. 1. par. q. 14. artic. 5.) rudiores ita sentiunt, & imaginantur. Sapientes autem docēt, in diuina essentia omnia cōtineri indistinctē, & eleuatē, vt effectus in causis eminentibus: sicut tamē perfectē, ac si distinctē ibi contineretur. Ex quo inferitur, q̄ diuina essentia, quæ est ratio cognoscendi se, & omnis alia a se, non representat alia immediate, vt species intelligibilis eorum: sed ea representat mediante se ipsa, vt obiecto: habet enim se ad alia, sicut species causæ ad effectus, ad quos se potest extendere.

Ex his sequitur, quod diuina essentia, vt prior intellectu præcise scēdum rationem essentia, non est exēplar actuale, & formale creaturarū, nec in ea veluti in speculo, res ipsæ relucēt, vt aiebat rudiorum opinio, sed continentur in ea supereminenter vnitiuē, & quasi virtualiter: quia diuina essentia potēs est perfectam, atque distinctam earum cognitionē efficere: post cognitionem verō eas continet actu, & distinctē. Hoc probari ex eo potest, quod creaturæ continentur in diuina essentia, sicut effectus in sua perfectissima, & eminentissima causa: sed effectus in sua causa solum continentur eminenter, & virtualiter, & in ea nō relucēt actu, & distinctē: ergo nec res in diuina essentia, vt prior intellectu, ita relucere asserendum est.

1. Cens.

His constitutis sit prima conclusio. Res non continentur in diuina essentia, vt prior est cognitione, actu, & formaliter: nec ibi representan-

tur actu, & distinctē. Hæc conclusio ex nunc dictis satis patet.

Secunda conclusio. Creaturæ in diuina essentia non prius habent esse representatum actu, & formaliter, quam intelligantur. Conclusio est Sco. in 2. d. 1. q. 1. lit. H. vbi ait, q̄ creatura non habet esse in memoria patris, sed intelligentia: pertineret autem ad memoriā, si ante intellectiōnem haberet esse representatū actu in essentia diuina. Idē tenet alibi sapē: Probatur conclusio primo. Non continetur creaturæ in diuina essentia, vt sic, nisi indistinctē, & eleuatē: sicut effectus in suis causis eminentibus: ergo non habent esse representatum actu, & distinctē antequā intelligantur. Secundo. Conclusiones in suis principiis non continentur actu, & distinctē ante quam ex ipsis eliciantur: ergo nec creaturæ in diuina essentia, in qua, veluti in suo principio perfectissimo, continentur: ergo non representantur ibi actu, & distinctē ante actum diuini intellectus.

Tertio. Diuina cognitio non præsupponit huiusmodi esse: ergo non est ponendum. Paret consequentia: quia nulla est alia ratio, ob quā huiusmodi esse præsupponi oporteat. Antecedens probatur. Quia omnis operatio præsupponens obiectum extrinsecum in aliquo esse, necessariō pendet ab illo: ergo si diuina intellectio præsupponeret creaturam, vt obiectum, in aliquo proprio esse, penderet ab ea: quod absque dubio maximam in diuina cognitione imperfectionem argueret.

Quarto. Si creatura habet esse representatū, & esse intelligibile proprium in diuina essentia, vt prior est intel-

2. Cens.

intel.

intellectione, ergo necessario creatura secundum tale esse pertinet ad memoriam patris: & sic creatura prius est in memoria patris, quæ est intellectus cum obiecto, quam in intelligentia, quæ est intellectus cum intellectione actuali: sed secundum Diuum Augustinum 15. de Trinitate verbum diuinum de tota memoria patris nascitur: ergo verbum nascitur de creatura, quæ est in memoria patris, & per consequens ex vi suæ productionis est similitudo, & imago creaturæ: quod est falsum: quia tunc creatura, quæ non est ens simpliciter necessarium, esset ratio producendi verbum, quod est absolute necesse esse. Sed de hoc diximus supra.

secundarium in aliquo proprio, ac formali esse: sicut cognitio secundæ intentionis præsupponit primā intentionem, sed non secundam, imo per ipsam producit, vt art. seq. docebitur. Diuina ergo cognitio supponit necessario diuinam essentiā, quæ est eius obiectum primum, sed non creaturam, quæ est eius obiectum secundarium: imò creatura in esse suo primo, proprio ac formali per cognitionem producit, vt articulo sequenti demonstrabimus.

Ad secundum patet per idem: intelligitur enim de obiecto primario sed non secundario. Hæc de secundo articulo.

Ad 2.

ARTICVLVS III.

An creatura ab æterno habuerint aliud quod esse reale distinctum ab esse diuino.

Quantum ad tertium articulum videtur pars affirmatiua vera. Primo. Creatura, antequam creetur, est possibilis (alias impossibile crearetur) sed omne possibile est ens verū reale, quia potētia, & actus diuidūt ens verū reale, quod est ens metaphysicū: ergo habet esse reale creabile, antequam creetur, ac per consequens ab æterno: quia ab æterno creatura est creabilis: & huiusmodi esse creabile non est idem cū diuino esse: ergo ab eo distinctū.

1. Arg.

Secundo. Quod est verè in genere, vel predicamento, antequam creetur, & in actu, habet verū esse quidditatum in actu, antequam creetur: sed res antequam creetur vere, & actu est in genere, vel predicamento, quia genus, & tota coordinatio gene

2. Arg.

3. *Concl.* Tertia conclusio. Creatura (formaliter loquendo, secundum quod aliquid dicitur formaliter intelligibile) non prius habet esse intelligibile, quā intelligatur: sed per intellectionem habet primum esse actuale, & formale, ac proprium, expressum, & representatum. Probatur. Quia, si haberet esse intelligibile proprium, ac formale, ante intellectionem haberet esse representatum actu, & formaliter, quod est contra precedentem conclusionem. Præterea: quia tunc creatura ex natura rei præcisa intellectione diuina haberet in diuina essentia proprium, & actuale esse: quod omnino est absurdum, licet in ea habeat esse intelligibile virtualiter.

AD ARGVMENTA in principio articuli posita.

AD primum dico, quod intellectio præsupponit necessario suum primum obiectum, sed nō

Ad 1.

ris abstrahit ab esse existentia rerum: ergo res, antequam creetur, habet esse quidditatum in actu, ac per consequens esse reale. Probo maiorem: quia vnumquodque per id, quod est per suam quidditatem, reponitur per se in genere, vel predicamento.

3. Arg.

Tertio. Augustinus in libro de natura boni dicit, quod nonnullum bonum est possibilitas ad formam, vel ad esse: sed creatura, antequam creetur, habet possibilitatem ad creari: ergo est bona: ergo habet aliquod esse.

Quarto. Scientia sunt de rebus reabilibus, & aeternis: sed scientia sunt de eternis, & quidditatibus: ergo quidditates sunt aeternae, & reales.

Quinto. Inter productiuum, & producibile est relatio realis, quia fundatur in potentia reali: ergo essentia producibilis, antequam existat, habet aliquod reale esse in rerum natura.

In hac quaestione duo sunt inquirenda, & examinanda. Alterum est, an creatura ab aeterno habuerit aliquod esse reale proprium: alterum vero an habuerit aliquod esse, saltem intelligibile, & cognitum ab esse diuino distinctum.

Primum quaesitum.

Circa primum est opinio Henrici in sum. artic. 2. quaest. 2. 3. & 24. & quolib. 8. quaest. 9. & quolib. 9. quaest. 1. & 2. (vt refert Scotus in 1. distinctio: 36.) asserentis creaturam ab aeterno verum esse reale habuisse: non quidem esse existentiam, sed essentiam. Cuius sententiae fundamenta sunt rationes in principio huius articuli adductae. In eandem sententiam citat Scotum nouus quidam Diui Thomae interpret. 1. parte

quaestione decima, articulo 3. cuius rei testem adducit Soncinam 9. Metaphysicae quaestione quarta, id ipsum referentem. Sed certe nec Scotus ita sensit, imò oppositum, vt statim docebimus: nec Soncinas ita refert, quia in illa quaestione Scoti non meminit.

Ad huius quaesiti intelligentiam *Nota.* obseruandum, quod esse creaturae proprium, & reale est duplex. Esse, scilicet, essentiae, quod per definitionem exprimitur: & esse existentiae, quod est actus, & terminus ultimus essentiae. Sed inter metaphysicos dissensio est, an ista duo esse re ipsa distinguantur: an verò sint idem secundum rem. Thomista, re ipsa distinguunt, affirmant: Scotus verò id negat.

Prima conclusio. Creatura nullum esse reale existentiae habuit ab aeterno. Conclusio est de fide tenenda. Quia iuxta fidem, omnia in principio temporis facta sunt secundum illud Genesios 1. In principio creauit Deus caelum, & terram. Quae verba de esse realis existentiae rerum secundum fidem intelliguntur.

Secunda conclusio. Creatura ab aeterno nullum esse reale essentiae habuit. Conclusio est Scoti in prima distinctio. 36. quam contra Henricum septem probat argumentis, quibus positus, sic ait. Concedo conclusionem istarum rationum, scilicet, partem negatiuiam quaestionis (quaesierat autem, an creatura habuerit esse reale ab aeterno) ad quod videtur specialiter esse hoc, quod non tantum esse essentiae fundat ad Deum relationem talem, sed etiam esse existentiae: quia secundum Augustinum 5. super Genesim, cap. 7, non aliter nouit Deus facta, quam fienda: praecognouit

gnouit igitur esse existentia, sicut esse essentia: & tamen propter istam relationem fundatam non concedit aliquis esse existentia creaturae fuisse verum reale esse ab aeterno: ergo pari ratione non est concedendum de esse essentia. Hæc Scotus. Unde patet, prædictum nouum expositorem falsò, & absque ratione, & fundamento, & absque authoritate Scoti oppositum nostræ conclusionis imposuisse. Sic passim ei falsa impingit crimina. Legant Scotum, & alios Doctores, ut vera de ipsis, & non falsa sentiant. Nam si fidem albeolis manu conscriptis adhibeant, saepe a via veritatis aberrabunt, & grauissimis viris falsa impingent crimina. Probatur ergo nostra conclusio Scoti, & aliorum argumentis. Primò. Lapis, verbi gratia, præhabuit verum esse reale ante sui productionem in esse existentia: igitur, quando producit a Deo, non producit de nihilo, & per consequens non creatur, & ita angeli non sunt creati, nec aliqua creatura, quod est alienum a fide. Vel aliter, & redit in idem. Illud, cuius essentia præsupponitur suæ productioni, per illam productionem non creatur: sed secundum positionem nostræ conclusioni oppositam essentia creaturae suæ productioni præsupponitur: ergo non creatur. Probo maiorem. Primò. Quia, sicut illud, cuius materia intrinseca, & ex qua, præsupponitur suæ productioni, non creatur: sic nec illud, cuius essentia præsupponitur. Secundò. Quia talis res non fit de nihilo, vel non fit de aliquo: oportet enim essentiam illam, quæ præsupponitur, aliquo modo se habere ad creationem: aut igitur se habet sicut subiectum, aut si-

cut terminus. Non sicut subiectum, quia tunc excluditur creatio non minus, quam per materiam. Nec sicut terminus: quia essentia non fit ipsum esse, sed manet in tota creatione, & sub termino creationis.

Secunda ratio. Creatio est productio totalis ipsius rei in esse reali. Hoc patet per differentiam ipsius ab alijs productionibus, puta, mutatione, & motu, quæ aliquid præsupponunt, licet primò terminentur ad totum: sed si res prius haberet esse essentia verum, quam crearetur, productio illa non esset totalis (plus enim præsupponeretur ei, vel non minus, quam motui, vel mutationi, seu generationi, cui non præsupponitur, nisi materia.) ergo illa productio non esset creatio, quæ est productio rei ex nihilo secundum omnem sui partem, ita, quod tota res, & qualibet eius pars fit de nouo ex nihilo.

Tertia ratio. Si creatura ante sui productionem in esse existentia haberet esse essentia reale, sequeretur, quod nulla res posset annihilari: sed consequens est plusquam falsum: ergo, & illud, ex quo sequitur. Probo sequelam maioris. Quia sicut esse reale essentia præsupponitur creationi, pari ratione derelinquitur post annihilationem idem esse essentia: illud autem, cuius essentia post eius corruptionem manet, minus annihilatur, quam illud, cuius materia derelinquitur, quod tamen nullatenus annihilatur.

Quarta ratio. Productio creaturae secundum esse essentia, vel in esse essentiali, quod rebus concedit opposita sententia, antequam in esse existentia producatur, verisimile est creatio, ipsa enim est vere de nihilo, ut deter-

mino,

1. Ratio.

2. Ratio.

3. Ratio.

4. Ratio.

mino, a quo, & ad verum ens, vt ad terminum ad quem, secundū tenentes oppositam sententiam: ergo creatio est aeterna, quod fidei aduersatur asserenti, in principio creasse Deum cælum, & terram: nomine autem cæli, & terræ terrestria omnia, & cælestia intelliguntur.

5. Ratio.

Quinta ratio. August. super Genesim propè finem sic ait. Res, ante quā fierent, erant, & nō erant. Erant quidem in Dei scientia, sed non erant in natura propria. In quibus verbis August. apertè destruit oppositam sententiam, & rationem, cui innititur. Conclusionem destruit, quia dicit, q̄ res non erāt in propria natura, & per cōsequens nec in propria essentia: quia essentia, & natura idem sunt. Rationem destruit, quia dicit, q̄ res tantum erant in diuina scientia, sicut cognitum in cognitione. Modò autem hæc consequentia nulla est: hoc est cognitū, ergo est realiter in propria essentia, & natura. Et patet: quia esse cognitum nihil ponit realiter extra cognoscens, vel ipsam cognitionem. De hac re videndus est Soncinas vbi supra. Hæc de primo quæsito.

Secundum quæsitum.

DE secundo quæsito est communis Theologorum sententia, & consensus, q̄ res ab æterno habuerūt in diuina cognitione esse cognitum: fueruntque in diuino intellectu, sicut cognitum in cognoscente. Ceterum quid sit hoc esse cognitum: an sit purum ens rationis, an medium inter ens reale, & rationis, an ens relatiuum, an absolutum, non satis conuenit inter Theologos.

Scotus in 1. dist. 35. & 36. & in 2.

d. 1. q. 1. & alibi sæpè asserit, Deum in primo signo naturæ, vel rationis intelligere suam essentiam sub ratione merè absoluta: in secūdo verò signo producere res in esse cognito: quæ sententia a Thomistis temeraria, chumærica, ac parum fidei consentanea censetur. Neotericus quidā Thomista minus modestè, quam verum religiosum decebat, 1. parte, q. 1. 4. artic. 6. sic insurgit in Scotum. Fingit (inquit) Scotus duo instantia originis in cognitione diuina. In primo cognoscit Deus suam essentiam absolute ordine ad creaturas: & hæc cognitio (ait) nō est omnino perfecta, quia non extenditur ad creaturas. In secundo instanti producit creaturas ab æterno in quodam esse intelligibili, quod nec est purè ens reale, nec purum ens rationis, sed medium inter vtrumque. Hæc opinio Scoti (inquit ipse Thomista) est chumærica, & parum fidei cōsentanea, & in eadem 1. parte, q. 1. 5. artic. 1. sic ait. Docet Scotus ideas non esse idem realiter, quod diuina essentia, sed esse ipsasmet creaturas secundum quoddam esse intelligibile ab æterno productū a Deo, quod est medium inter esse reale, & esse rationis. Hæc sententia Scoti (inquit) est merum figmentū parum consentaneum fidei Catholice, vt patuit supra, q. 1. 4. artic. 6. Hæc sententia Scoti videtur esse eadem cum illa, quam refert Vvaldenſis lib. 1. de antiquitate fidei, cap. 8. ex Vvicleſſ. lib. de ideis, vbi assererat, ideas nihil aliud esse, quàm creaturas secundum esse reale, quod habet ab æternoreſſe (inquam) non simpliciter, sed secundum quid. Quam sententiam confutat Vvaldenſis ibidem. Hæc ille Thomista.

Et in primo loco nunc citato sic inuehitur contra Scoti opinionem. Et primo (inquit) quod opinio Scoti fidei minimè consentiat sic ostendo. Nam ex illa sequitur, quod creatura fuerint ab aeterno creatae: sed cō sequens est hæreticum: ergo & prædicta sententia. Sequelam (inquit) sic probō. Creatura producta a Deo in esse intelligibili ab Scoto conficta habent esse participatum ab aeterno: ergo habent esse creatum a Deo. Probatur consequentia: nam omne illud, quod est ens participatum extra Deum, est creatum ab ipso. Confirmatur argumentum. Creatura in illo esse intelligibili sunt in se ipsis, sed non sunt creator: ergo sunt creatura.

Secundo. Absurdissimum dictum est, quod diuina scientia ex cognitione creaturarum in se ipsis perficiatur: se hoc inconueniens aperte conceditur a sententia Scoti: ergo, &c.

Tertiò, sic obijcit Caietanus prima parte, quæ sit, trigesima quarta, artic. 3. Productio creaturarum in esse cognito est chimerica, & periculosa: ergo non est admittenda. Probatur antecedens. Quia ex ea sequitur, Deum gloriosum nō posse esse: quin sint creaturae in illo esse cognito, & diminuto: quod in philosophia ridiculum, in fide vero scandalum videtur. His & similibus argumētis innocens Scotus ab his, qui eum ignorāt, impugnatur, & irridetur, cū ipsi potius risu digni sint: qui ob crassum suum ingeniū, & materiæ nimis immersum, Scoticam disciplinam a materialibus conceptibus, & a terreno puluere maxime eleuatū haudquam attingere, & nancisci possunt.

E X P L A N A T I O
opinionis Doct. subtilis.

AD intelligentiam igitur Scoti-^{1. Nota.} cae opinionis, & prædictorum impugnationem obseruandum est primo, neotericum illum tria obijcere Scoto. Primum, quod esse cognitum creaturae, in quo a diuino intellectu producitur creatura, nec est ens rationis, nec reale secundum Scotum, sed medium inter utrumque. Secundum est, quod diuina cognitio ex creaturarum cognitione in se ipsis perficitur. Tertium est, Scotum versari in errore Vvicleff asserentis ideas nihil aliud esse, quam creaturas secundum esse reale: nō quidem secundum esse reale simpliciter, sed secundum quid.

Secundo obserua, quod Thomas^{2. Nota.} Vvaldensis loco supra citato ab illo neoterico in principio capitis sic ait. Supponit fides Ecclesia: cū beato Augustino 5. super Genesim ad litteram cap. 14. triplex esse creatura: esse eius intelligibile in Deo, esse eius potentiale in causis eius secundis, & esse existentiae in genere proprio extra Deum. Hac distinctione abusus Vvicleff ampliavit esse simpliciter per hæc tria. Hac Tho. Vvaldensis. Vbi affirmat Vvicleff illud triplex esse concedere, ceterū errare in hoc, quod quodlibet illorum trium esse appellauit esse creaturæ simpliciter, cū nec esse intelligibile, vel cognitum, nec esse potentiale creaturæ sit esse simpliciter ipsius creaturæ, sed secundū quid. Ex eo autē, quod Vvicleff cōcedebat, esse cognitum creaturæ in Deo appellari esse creaturæ simpliciter, affirmabat consequenter hanc bonam esse consequentiam. Lapis habet

habet esse cognitum in Deo : ergo lapis est. Insuper affirmabat, q̄ cū m res creatae in verbo diuino essent vita, iuxta illud: Quod factum est in ipso, vita erat : optimè concedi poterat absolute, Deum esse lapidem, asinū, & arborem. Nam si (inquit) lapis in verbo est vita : ergo est Deus in verbo : ergo Deus est absolute lapis, arbor, equus, & similia.

3. Nota. Tercio obserua ex Scoto in 1. dist. 36. q̄ negatio potest inesse alicui tribus modis. Primò, non propter repugnantiam alicuius positiui ad affirmationē illius negationis, sed propter negationem causę non ponentis effectum illum in esse. Exempli causa. Si aliqua superficies esset neutra sic, quod nō haberet albedinem, nec nigredinem, tali (superficie) inesset negatio albedinis: non quidem quia habet in se aliquam entitatem positiuam, ratione cuius sibi repugnet albedo, sicut homini conuenit negatio irrationalitatis per rationalitatem, ratione cuius sibi repugnat irrationalitas, & conuenit negatio eius, sed quia causa efficiens non ponit in ea albedinem. Itaque illa superficies est non alba, non quia sibi per aliquam entitatem intrinsecam repugnat esse albam, sed quia causa efficiens nō causat in ea albedinem.

Secundò potest negatio alicuius positiui inesse alicui propter repugnantiam eius affirmationem oppositam illi negationi: quia, scilicet, habet in se aliquam entitatem, ratione cuius sibi intrinsecè repugnat affirmatio illius negationis: sicut homini cōuenit negatio irrationalis, quia habet in se rationalitatem, ratione cuius sibi repugnat irrationalitas: & equo conuenit negatio rationalita-

tis propter repugnantiam irrationalitatis, quam habet ad rationalitatem: habet enim equus irrationalitatem intrinsecā, ratione cuius sibi repugnat rationalitas. Sed hoc potest bifariam contingere. Primò ita, quòd talis repugnantia ad affirmationem oppositam illi negationi insit ratione alicuius vnus entitatis: sicut accidit in vltimis speciebus eiusdē generis proximi, quarum negationes mutuo dicuntur de illis ratione propria, & vltimæ differentie. Nam homo est nō equus propter repugnantiam rationalitatis (quæ est vltima hominis differentia) ad vltimam differentiam equi, & similiter equus est nō homo propter repugnantiam suæ vltimæ differentie ad vltimam differentiam hominis. Itaque huiusmodi negationes insunt eis ratione vnus entitatis tantum in ipsis inclusa.

Secundò potest provenire talis repugnantia propter plura inclusa in intellectu, & ratione formali vtriusque, vel alterius. Sicut si accipiantur species specialissimæ duorum generum generalissimorum. Repugnant quidem sibi inuicem affirmationes propter multa inclusa in ipsis tot, quot sunt prædicata dicta in quid de vtroque in suo genere: nihil enim dicitur in quid de albedine, tanquam genus, quod non sit mediū ad ostendendum hanc. Homo nō est albedo. Nihil etiam dicitur in quid de homine, per quod non possit ostendi ista. Albedo non est homo. Ratio enim hominis secluditur ab albedine per substantiam; corpus animatum, animal, & ratio albedinis ab homine, per qualitatem, colorem, &c. Valēt enim istæ consequentiæ. Homo est substantia: sed albedo non est substantia: ergo albedo

albedo non est homo. Item. Albedo est qualitas: sed homo non est qualitas: ergo non est albedo. Caterum cum qualibet negatio totā affirmationem sibi oppositam neget (siue illa negatio ex vna ratione, siue ex pluribus proueniat) non dicitur aliquid magis, vel minus negatum, quā aliud: sed quodlibet simpliciter non tale. Ita enim sapor est non albedo, etsi conueniat cum ea in genere, sicut homo, qui genere etiam generalissimo ab ea distat.

4. Nota. Quarto nota, q. vt articulo prædicti docuimus, creatura ante actum diuinæ cognitionis nullum esse formale proprium habet in Deo, nec cognitum, nec possibile, nec intelligibile: licet hac, quasi virtualiter, habeat in diuina essentia ante actum diuini intellectus: sed esse rei virtuale non est esse formale, & proprium eius, cuius dicitur esse, sed est esse ipsius causæ potentis producere ipsum effectum. Vnde esse caloris in sole nihil aliud est, quam esse solis, vt potentis producere calorem: & esse lapidis in Deo, vt causa, est esse ipsius Dei potentis producere lapidem. In præsentiarum non loquimur, nisi de esse creaturæ proprio, ac formali, distincto ab esse suæ causæ. Primum ergo esse formale, ac proprium, quod creatura habet distinctū ab esse suæ causæ, scilicet Dei, est esse cognitum, in quo a diuino intellectu creaturæ ipsæ per intellectionem producuntur. Cum enim diuina essentia prius secundum rationem mouerit ad sui perfectam, & infinitam cognitionē absolutam, mouet deinceps ad creaturarum cognitionem, per quam in esse cognito eas producit. Nec mirum, quod diuinus intellectus lapi-

dem in esse cognito producat, cum noster secundas pariat intentiones, & similiter rebus ipsis esse cognitū tribuat: sicut enim lapis visus per visionem habet esse visum: sic lapis cognitus per cognitionem esse cognitum habet. Sed est discrimen, quod esse cognitum a nostro intellectu rebus tributum nō est primum earum esse, sed secundarium: ceterum esse cognitum, quod diuinus intellectus rebus ipsis tribuit, est primum earum esse, ante quod nullum est prius, per quod res formaliter esse dicantur. Propter quod dicitur, eas in esse cognito producere, quia primum esse formale, quod habent, est hoc esse cognitum, & diminutū. Est & aliud discrimen, q. esse cognitum, quod intellectus creatus rebus tribuit, est ipsis intrinsicum, a quo extrinsecè denominantur cognita: ceterum esse cognitum, in quo res a diuino intellectu producuntur, nō est eis extrinsecum, sed est id, quo primo, & formaliter habent esse, licet diminutum: sicut esse, quod noster intellectus secundis tribuit intentionibus, non est eis extrinsecum, sed intrinsicum, proprium, ac formale, licet diminutum, & secundum quid, est tamen extrinsecū primis intentionibus.

In hoc autem esse cognito creaturæ fundatur esse possibile eius, vt puta, quod possit esse in rerum natura. Res enim producta in esse cognito se ipsa formaliter est possibilis, quia se ipsa formaliter non repugnat sibi esse: & se ipsa formaliter repugnat sibi habere esse necessarium ex leuibus quibus duobus tota ratio possibilis constituitur. Non igitur homo prius habuit esse possibile, quam cognitū, sed esse eius possibile in esse eius cognito

gnito fundatur, vt docet Scotus in 1. dist. 43. lit. D. & dist. 36. lit. M. Nisi p-
 else possibile creaturæ intelligas else
 eius in sua prima causa, scilicet, Deo:
 sed hoc else, vt diximus, non est else
 proprium ac formale creaturæ, sed
 est else ipsius causæ potentis produ-
 cere effectum.

5. Nota.

Quintò obserua, qd hoc else cogni-
 tum, quod diuinus intellectus rebus
 ipfis tribuit, secundum Scoti mentē,
 qui author est eius, non est ens rea-
 le, nec medium inter ens reale, & ra-
 tionis, vt falsò ille Neotericus, vbi
 supra, imponit Scoto: sed est ens ra-
 tionis purum, & omnino nihil, con-
 tra ens reale distinctum ita, qd nulla-
 tenus aliquid realitatis habet. Hoc ita
 asserit Scotus in 1. distin. 36. q. vnica
 lit. G. vbi sic ait. Ad secundum dico,
 qd productio ista (qua, scilicet, intelle-
 ctus producit res in else cognito) est
 in else alterius rationis ab omni else
 simpliciter, & non est relationis tan-
 tum, sed etiam fundamenti absoluti:
 nõ quidem secundum else essentia,
 vel existentia, quod est verum else,
 sed secundum else diminutum, quod
 est else secundum quid, etiā entis ab-
 soluti: quod tamē ens absolutum se-
 cundum istud else diminutum con-
 comitur relatio rationis. Exēplum
 huius. Si Cæsar esset annihilatus, &
 tamen esset statua Cæsar, Cæsar es-
 set representatus per statuam. Illud
 else representatum est alterius rōnis
 ab omni else simpliciter, siue essen-
 tiæ, siue existentie. Nec est else dimi-
 nutum Cæsar, quasi aliquid Cæsa-
 ris habeat hoc else, & aliquid non,
 (sicut Æthiops est diminutē albus,
 quia aliquid eius est verè album, &
 aliquid non) sed totius Cæsar: &
 eius else a causa sua est verum else

existentiæ, & essentia, cuius totius
 secundum totale else suum est istud
 else secundum quid, & in ipso secun-
 dum istud else secundum quid potest
 else aliqua relatio ad statuam. Hæc
 Scotus. Vbi, si bene perpēdatur vult,
 else cognitum creaturæ nullatenus
 else ens reale, nec medium inter ens
 reale, & rationis, quia est alterius ra-
 tionis omnino ab omni else reali, vt
 ipse asserit. Item. Cæsar annihilatus
 nihil de eius else manet, & else eius
 per statuam representatum non est
 ens reale Cæsar, nec medium inter
 ens rationis, & reale (loquendo de
 else formali representato Cæsar)
 ergo nec else cognitum creaturæ est
 ens reale, vel medium inter ens rea-
 le, & rationis secundum Scoti men-
 tem: siquidem else cognitum creatu-
 ræ comparat else representato Cæsa-
 ris annihilati. Præterea eadē distin-
 ctione paulò antè lit. M. sic ait loquē-
 do de else cognito creaturæ. Homini
 in æternitate inest non else aliquid,
 & chimæra non else aliquid: sed ho-
 mini non repugnat affirmatio, quæ
 est else aliquid, sed tantum inest ne-
 gatio propter negationem actus, vel
 causæ non ponentis in else hominē:
 chimæra autem repugnat else aliqd,
 quia nulla causa potest in ea causare
 else aliquid. Et paulò inferius. Aliter
 igitur inest ista negatio, nihilitas,
 homini in æternitate, & chimæra, &
 tamen non propter hoc est vnū ma-
 gis nihil, quàm alterum. Et ratio est
 (vt in fine secūdi notabilis diximus)
 quia vtraq; negatio negat totā affir-
 mationem, scilicet, else ens, vel aliquid, ita,
 quod nec homo in else cognito, nec
 chimæra aliquid realitatis habent:
 nec magis homo in else cognito ra-
 tionē entis realis participat, quā chi-
 mæra,

mera, licet conceptui hominis in esse cognito aliquid in re, & in effectu correspondere possit, non tamen chimera: propter quod homo in esse cognito est ens possibile, chimera vero impossibile.

Ex his manifestè colligitur esse cognitum creaturæ in Deum secundum Scotū esse omnino nihil, prout nihil opponitur enti reali, siue essentia, siue existentia: siquidem Scotus asserit, hominem in esse cognito ita esse nihil, sicut chimeram: & nō magis esse nihil chimeram, quam hominem in esse cognito, quia utriq; inest negatio totius entis. Falsò ergo Scoti mastiges Doctōri subtili adscribūt, secundum eius mentem esse creaturæ cognitum inter ens reale, & rationis esse medium. Est ergo illud esse diminutum, & cognitum, esse obiectiū creaturæ sub ente rationis contentum. Nec inde inferas, esse relationem rationis: lapis enim cognitus nō est relatio, nec relatiuum ens, sed absolutum, licet diminutum, quod ad diuinam cognitionem relationem rationis importare potest. Sicut igitur relatiuum in esse cognito est ens rationis relatiuum: sic lapis est absolutum ens rationis diminutū, & secundum quid. Ex quo inferitur, quod nō omne ens rationis est relatio, vel ens relatiuum intrinsecè: sed quod aliquod est relatiuum, aliquod vero absolutum: pater enim productus in esse cognito est ens relatiuum: homo vero in eodem esse cognito, est ens rationis absolutum.

1. *Concl.* His ita constitutis sit prima cōclusio. Omni procul dubio concedendum est esse cognitum creaturæ in Deo. Hæc conclusio est B. August. loco citato in secundo notabili, &

debet esse communis animi conceptio: siquidem omnes fateri tenentur, Deum ab æterno omnia cognouisse: ergo omnia in Deo habuerunt, & habent esse cognitum.

Secunda conclusio. Hoc esse cognitum nō est ens reale essentia, vel existentia ipsius creaturæ. Probatur. Quia, ut articulo præcedenti docuimus, creatura ab æterno nullum esse essentia, nec existentia habuit: ergo esse cognitum creaturæ, quod ab æterno habet in Deo, nullatenus est ens reale essentia, vel existentia.

Tertia conclusio. Huiusmodi esse cognitum nō est medium ens inter 3. *Concl.* ens reale, & rationis sic, quod nec sit purè ens rationis, nec purum ens reale, sed quod utriusque naturam sapiat. Probatur: quia implicat dari aliquod ens, quod partim sit ens reale, & partim sit ens rōnis: ut de se cuiusque consideranti satis patere potest. Præterea: quia ens, diuisione æquiuoci in sua æquiuocata, satis sufficienter per ens in anima, & ens extra animā diuiditur: ergo omne ens, vel est ens extra animam, & sic reale, vel in anima, & sic ens rationis. Nec Scotus vnquā oppositum sensit. Apertè. n. fatetur, ut supra ostēdimus, huiusmodi ens cognitum esse non ens, & nihil non minus, quam chimeram: ita, quod sicut chimera nullatenus rōnē entis realis participat, sed totius entis negationem habet: ita illud esse cognitum nullo modo entitatē aliquam realem, sed totius entitatis negationem in se continet. Cum hoc tamen a chimera, & ab omni ente impossibili differt: quia rei esse cognitum habenti non repugnat esse in re, & in effectu, quod enti impossibili, ut chimera, prorsus repugnat.

Q.9 Possi-

Possibilitas enim ad esse simpliciter concomitatur creaturam in esse cognito: res namq; in esse cognito est in potentia ad esse existentia reale. Hæc autē possibilitas chimæra prorsus repugnat, quia ex sua ratione formalis est impossibile. Nec esse possibile creaturæ est formaliter esse cognitū eius (licet in esse cognito fundetur) quia esse cognitum est esse in actu licet secundum quid, esse vero possibile est esse in potentia ad esse simpliciter, & non in actu. Sic Antichristus habens esse cognitū in mente diuina est potentia ad esse simpliciter, & ex determinatione diuinæ voluntatis illud in tempore futuro habebit.

4. *Concl.*

Quarta conclusio. Esse cognitum creaturæ est ens rationis, solū habens esse in intellectu diuino obiectiue, sicut secundæ intentiones in intellectu creato. Hæc conclusio ex dictis sequitur apertè: quia, cum inter ens rationis, & reale nullatenus medium ens reperiri queat, si huiusmodi ens cognitum sub ente reali haud quam continetur, sub ente rationis esse necesse est. Sed aduerte, quod res in esse cognito non est obiectū motuum diuini intellectus, sed terminatum secundarium. Nec pōt concedi, quod res in esse cognito sit in se ipsa absolutè, quia cum illud esse sit omnino diminutum, & secundum quid nullo modo concedi debet absolutè, rem per ipsum in se ipsa esse. Et sicut Deus cognoscens respectum rationis creaturæ cognitæ ad suū intellectum, ut cognoscentem, non dicitur per hoc illum respectū, & relationem in se ipsa cognoscere, sed in se ipso: ita cognoscendo rem in esse cognito non dicitur cognoscere creatu-

ram in se ipsa, sed in se ipso: quia per suam essentiam, & in sua essentia illam cognoscit, etsi cognitio ad creaturam terminetur.

A D A R G V M E N T A
in principio huius qua-
siti posita.

AD primum nego sequelā. Ad *Ad 1.*
probationem distingo de esse participato a Deo: aliud enim est ens participatū simpliciter, aliud verò sū quid, & diminutum eo modo, quo diximus de esse cognito. Concedo ergo, q; creaturæ in esse cognito habere esse participatū, sed nō esse simpliciter, sed diminutum, & secundū quid: inde tamen non sequitur, q; in illo esse sint creatæ, quia creatio terminatur ad verū ens reale, quo prorsus caret creatura in esse cognito, qd Scotus constituit. Cum vero inquit, omne ens participatum extra Deum esse creatum ab ipso, dico, verum esse si tale ens participatum sit reale, falsum vero de ente diminuto. Et quæro ab ipso, an respectus rationis, quem per actum diuini intellectus produci ipse asserit, sit Deus vel creatura. Si argumentum eius aliquid concludit contra me, cōcludit et contra ipsum, quod talis respectus sit creatura, cum non sit creator. Respondeat aliter, quam ego respondi, si potest. Ad vltimam cōfirmationem patet ex supra dictis, quid dicendum sit. In primis negamus, creaturas in esse cognito esse in seipsis, quasi res reales habentes esse siue essentia, siue existentia: sed sunt obiectiue in diuino intellectu, sicut secundæ intentiones in intellectu creato. Secundo dico negandum esse simpliciter, q; creaturæ in esse

esse cognito sint in se ipsis: quia sunt omnino nihil, prout nihil enti reali opponitur. Et libet huiusmodi Thomistam interrogare, an relationes rationis, quas creaturæ, vt cognitæ dicunt ad diuinam cognitionem, sint Deus, vel creaturæ: an sint in se ipsis, an obiectiue i diuino intellectu? Certe nec concedet esse Deū, nec creaturas: quia hæc soli enti reali in esse possunt, & conuenire. Nec admittere huiusmodi respectus esse in se ipsis, cum nullum esse reale habeant: sed nobiscum respondebit, solummodo in diuino intellectu esse obiectiue.

Ad 2. Ad secundum concedo, absurdissimum esse, diuinam cognitionem ex cognitione creaturarum in se ipsis perfici. Sed Scotus nunquam tale concessit, quia, vt supra ostendimus, Deus secundum Scotum, non cognoscit creaturas in se ipsis, sed in se ipso. Et licet admittat, creaturas produci a Deo per actum intellectus: non tamen concedit, quod ab illis in tali esse ad earum cognitionem moueatur. Illas enim in se ipso per suam essentiam cognoscit eo modo, quo Thomistæ concedere tenentur, Deum relationes rationis, & respectus creaturarum ad diuinum intellectum, cognoscere: quos sanè nec in se ipsis, nec per eorum motionem intelligit, sed in sua essentia, & per motionem eius, vt tenet Caietanus prima parte quest. 15. art. 2. Nego igitur, quod illud inconueniens non possit Scotus vitare: imò nullatenus ex eius positione sequitur. Sed obieci mihi Scotum in prima distinctione 35. & in 2. distinct. 1. quaestione 1. & alibi sæpè asserentem, Deum in primo instanti cognoscere suam essentiam, in secundo vero creaturas: ergo cognitio diuinæ

essentiæ per cognitionem creaturæ augetur. Huic obiectioni articulo sequenti respondebitur, & simul constabit, Scotum ab illo absurdo, quod ille nouus expositor imponit ei, omnino liberum esse.

Sed quid ad errorem, quem simul cum Vvicleff tenuisse Scotum, affirmat ille Thomistæ? Respondeo, huiusmodi Thomistam Scotum non intellexisse: Nec mirum, quia nec Thomam Vvaldensen, nec errorem, in quo verlabatur Vvicleff, quæ refert ipse Vvaldensis, percepit. Non enim Thomas Vvaldensis reprehendit Vvicleffum, eo, quod esse cognitum, & intelligibile creaturæ ab aeterno posuerit: quia ipse Vvaldensis in principio illius capitis affirmat, fidem esse intelligibile, & cognitum creaturæ in Deo cum Augustino 5. super Genesim cap. 14. supponere. Nec reprehendit ipsum, quia creaturam in esse cognito ideam vocauerit: sed quia esse cognitum creaturæ in Deo, esse creaturæ simpliciter dixit: & insuper quia concessit, Deū absolute, & simpliciter posse dici lapidem, equum, asinum, & similia: & conuerso, omnem creaturam esse Deum, vt videre est apud eundem Thomam Vvaldensem eodem lib. 1. fidei antiquæ ca. 1. At Scotus nusquam concessit, Deum simpliciter, & absolute esse lapidem aut lapidem esse Deū. Imò in 4. quaestione 1. littera Q. ait, quod licet res cognita in Deo sit vita creatrix, hoc ideo, quia cognitio eius in Deo est realiter vita creatrix: nihil tamen (inquit) intrinsecum Deo realiter est formaliter, & propriè lapis. Licet enim lapis in Deo verius esse simpliciter habeat, quam in se, quia esse eius in Deo ob rationem dictam est esse diuinum,

uinum, non tamen habet verius esse lapidis in intellectu diuino, quam lapis extra: quia esse diuinum non est esse lapidis formaliter, sicut eius esse extra. Error Vvicleffortū habuit eo, quod (vt ait Thomas Vvaldensis loco citato. 8.) esse simpliciter ad esse cognitum, & intelligibile creaturæ ampliavit. Scotus verò (vt supra vidimus) illud esse cognitum, esse simpliciter, ac diminutum vocat: negatque hanc consequentiā: res cognita semper fuit in esse cognito: ergo semper fuit in aliquo esse reali: quia (inquit) est fallacia secundum quid ad simpliciter. Ita hoc affirmat in 1. d. 36 in solutione ad secundum principale.

Ad 3.

Ad tertium argumentum dico, productionem rerum in esse cognito non esse chimericam, imò possibilem, & rationabilem: quia primum esse rerum est esse cognitum, quod a diuino intellectu accipiunt, ante quod nullum esse proprium habuerunt, vt articulo precedenti, & in illa cōtrouersia, qua quærebamus, an verbum de cognitione creaturarū producere tur, ostēdimus. Nec chimærica huiusmodi productio dicenda est, nec tali censura est digna, sicut multa, quæ Caiet. dixit, vt passim in nostris controuersijs Deo duce demonstrabimus.

Nec est periculosa. Sed cum oppositum probat Caieta. quia tunc Deus gloriosus non posset esse, quin creaturæ in illo esse cognito constitueretur, & consisterent, dico, Scotum huiusmodi obiectionē facillimo negotio diluere quod. 8. lit. S. Sed ante solutionem argumentor contra Caiet. & nouum quendam interpretem 1. par. D. Tho. qui eadem 1. par. q. 15. art. 2. expresse fatetur, respectum rationis idē ad creaturam intrinsecē

includi in ipsa, sicut respectum rationis ad intellectū in ipsa veritate: sed Deus esse nequit sine ideis: ergo nec potest esse sine illis respectibus rationis, quia idē sine huiusmodi respectibus esse nequeunt.

Præterea D. Thom. & ipsi met autiores, quos nunc citauimus, eodem articulo fatentur, prædictos rationis respectus necessario produci per diuinam cognitionem, ergo diuina cognitio sine huiusmodi respectibus esse nequit. Nunc autem non minus inconueniens est affirmare, Deum si ne entibus rationis esse non posse, quā sine creaturis in esse cognito: quod entis rationis limites non transcendit. Et præterea, quomodo isti autiores productionem rerum in esse cognito periculosa dicunt, cum productionem entium rationis per diuinū intellectum concedant? Nunquid illa hac est periculosa? Respondeant, quæso, his argumentis, si possunt. Sed nescio, an solutionem in medio proferre valeāt: nisi cum Scoto loco supra citato dixerint, aliquid non posse esse sine alio bifariam accidere. Primò, quia ad esse eius necessario requiritur, siue præexigitiuè, siue coexigitiuè: secundò, quia ad esse eius necessario sequitur. Primo modo nullatenus ad esse Dei esse cognitū requiritur. Secundò vero modo verum est, Deum sine esse cognito creaturarū esse non posse: quia ex sua maxima, & infinita perfectione est necessario intelligens creaturam, ac per consequens eam in esse cognito produciens. Hæc pacta necessario sunt in Deo respectus rationis ad creaturas cognitās: quod ita esse, nullum est inconueniens.

AD ARGUMENTA
in principio articuli posita.

AD primum concedo maiorem, sed nego minorem. Ad probationem dico, quod potentia obiectiua, & actus sibi oppositus, ut dicit Comment. 1. de anima sunt differentiz oppositæ, & diuidunt ens, sicut viuum, & mortuum diuidunt hominem. Vnde sicut homo mortuus non est homo simpliciter, ita nec homo in potentia obiectiua. Quocirca non sequitur, quod si creatura est possibilis, quod sit verum ens reale: imo sequitur oppositum. Nam sicut homo in potentia non est homo: ita ens in potentia non est simpliciter ens, sed ens in potentia.

Ad secundum dico, quod maior est falsa, si intelligatur de actu in esse realium: ad hoc ut res aliqua sit in genere & prædicamento, sufficit, quod talem habeat obiectiuum conceptum, cui a parte rei ens in actu existentia correspondere non repugnet: quod competit rebus habentibus solum esse cognitum apud diuinum intellectum.

Ad tertium dico primo, quod D. Augustinus per possibilitatem ad formam intelligit capacitatem materiam in actu existentis: quæ aliquid boni est in actu. Secundo dico, quod possibilitas ad esse, licet nihil realitatis supponat, supponit tamen non repugnantiam ad esse, quæ quodammodo potest dici bonum aliquod, quo entia impossibilia omnino carent.

Ad quartam intelligentiam obserua, quod aliquid potest dici æternum bifariam. Primo positivè: & est illud, quod non solum caret principio durationis, sed ultra hoc habet coexi-

stentiam ad omne tempus. Sic Deus dicitur propriè æternus. Secundo dicitur aliquid æternum negatiuè. Et est illud præcise, quod non habet principium durationis, nec incepit esse. Hoc modo rerum quidditates, quæ ab omni existentia abstrahunt, & ab omni duratione, dicuntur æternæ: quia non sunt ex tempore, nec durationis principium habent, ab omni namque duratione abstrahunt. Similiter necessarium potest accipi duobus modis, ut puta, positivè, & negatiuè. Necessarium positivè est illud, quod habet existentiam indefectibilem. Necessarium negatiuè est illud, quod est impossibile aliter se habere. Isto modo rerum essentialia sunt necessaria: quia, licet existentiam nullam habeant, habent tamen tales obiectiuos conceptus formales, quod repugnat eis aliter se habere. Conceptus namque obiectiuus hominis est talis secundum se in diuino intellectu, quod aliter se habere nequit. In hoc esse fundatur propositiones sempiternæ veritatis: quarum extrema solum habent illud esse cognitum, de quo supra diximus. His positis dico ad argumentum, quod scientiæ sunt de rebus æternis, ac necessarijs negatiuè, non tamen positivè. Sed ex hoc non sequitur, quod habeant aliquod esse reale ab æterno.

Ad quintum nego antecedens: nam ad relationem realem actualē de qua loquitur argumentum, non sufficit possibilis extremorum existentia, sed requiritur actualis existentia
vtriusque extremi.

A. R. T. I. C. V. L. V. S. III.

An ad hoc, ut Deus perfecte intelligat alia a ſe, neceſſario præexigatur in eo diſtincti reſpectus ad ipſa obiecta?

1. Arg. Quantum ad quartum articulum, videtur, quod ut Deus intelligat alia a ſe, neceſſario præexigatur in eo diſtincti reſpectus ad obiecta. Primo, quia idem ſunt in mente diuina neceſſariæ ad res intelligendas: ſed iſtæ ſunt formæ reſpectiuæ: ergo reſpectus ſunt in Deo neceſſarii ad alia ab ipſo intelligenda.

2. Arg. Secundo. Avicen 8. Meta. c. 7. concedit, in Deo eſſe relationem Dei, ut intelligētis ad formas intellectas: ergo ponendi ſunt huiusmodi reſpectus.

3. Arg. Tertio. Deus omnia cognoscit per ſuam eſſentiam, tanquam per rationem intelligendi, ſed hoc fieri nequit, niſi aliquo modo determinetur: ergo ponendum eſt in ea aliquid, per quod fiat determinata: ergo ponendi ſunt huiusmodi reſpectus. Maior huius rationis manifeſta eſt: & minorem probō: quia diuina eſſentia eſt rō cognoscendi alia a ſe illimitata, & determinata, ratio vero cognoscendi aliquam rem debet eſſe propria eius: ergo neceſſario per aliquid eſt determinanda. Prima conſequentia eſt euidentis, quia cum ex ſe ſit indeterminata, & neceſſario debeat, ut propria ratio rei cognoscendæ ſit, determinari, neceſſario conſtituendum eſt aliquid, per quod determinetur. Sed ſecunda conſequentia oſtenditur, quia nihil aliud poni poteſt, per quod diuina eſſentia determinetur, niſi reſpectus, & relatio ad obiectum.

In hoc articulo eſt multiplex opi-

nio. Prima aſſerit, neceſſario eſſe ponendas in Deo relationes æternas ad alia a ſe cognita ſimplici intelligentia: & addit huiusmodi relationes eſſe in diuina eſſentia, ut eſt ratio cognoscendi. Et ratio huius poſitionis eſt duplex. Prima, quia nihil eſt ratio cognoscendi plura, niſi quatenus illa ratio appropriatur aliquo modo illis pluribus obiectis: cum ergo diuina eſſentia ſit ratio cognoscendi omnia, neceſſario illis appropriari debet, quod ſine talibus relationibus fieri nequit.

Secunda ratio eſt, quia cognitio ſit per ſimile: ergo oportet rationem cognoscēdi habere aliquam rationem propriā ſimilitudinis ad ipſum obiectum: ſed hanc ſimilitudinis propriā rationem diuina eſſentia, cum ſit illimitata, habere nequit, niſi determinetur: ergo neceſſario eſt determinanda: ſed nō determinatur, niſi per præſatas relationes: ergo.

Secunda opinio, ponit etiā huiusmodi relationes in eſſentia diuina, nō ut eſt ratio cognoscendi, ſed ut eſt obiectum cognitū. Intelligitur enim diuina eſſentia prima intellectiōe, ut penitus indiſtincta: ſed, ut poſtea creatura intelligatur, intellectus diuinus comparat ad creaturæ eſſentiam primò cognitam ſub ratione imitabilis, & tunc intelligendo eſſentiam, ut imitabilem a tali creatura, intelligit per eam ipſam creaturam.

Tertia opinio, quæ eſt Sco. in prima diſtinct. 3. 5. quæſt. vnica, aſſerit, huiusmodi relationes æternas eſſe quidem in obiectis a Deo cognitis ad ipſum, ut cognoscentem, ſed tamen nō eſſe neceſſarias ad ipſorum cognitionem.

Pro huius dubitationis intelligen-

tia obseruandum primò ex Doctore subtili, vbi supra, ad intellectiōem alicuius rei requiri, vt puta, obiectū cognoscibile, intellectū ipsū, & rationem cognoscendi. Obiectum ad intellectiōem simpliciter, & absolute requiritur i ratione termini. Quòd verò actiue ad ipsam concurrat, non conuenit sibi ex eius ratione intrinseca, sed quasi accidit sibi. Aliquid enim rationem obiecti habere potest, & si actiue ad intellectiōem minimè cōcurrat, sicut creaturæ in Deo rationem obiecti habent in ordine ad diuinam cognitionem, quæ tamē ad ipsam actiue haudquaquam concurrunt. Ratio autem cognoscendi dupliciter intelligi potest. Primò ita, quòd sit simpliciter ratio repræsentandi obiectum intelligibile, sicut species intelligibilis in cognitione abstractiua. Secundo, quòd sit ratio repræsentandi in cognitione intuitiua: & sic quidditas actu existens potest esse ratio repræsentandi se in ratione intelligibilis intuitiue. Et hoc dupliciter: quia aut est ratio repræsentandi se sub ratione propria essentiae, & sub propria præsentialitate: aut est ratio non solum repræsentandi se, sed etiam aliud in eo eminenter cōtentum. Primo modo quælibet creatura actu existens in propria existentia (& maxime loquendo de creatura absoluta) poterit esse ratio repræsentandi se cuiuslibet intellectui creato. Secundo modo essentia diuina est ratio repræsentandi se perfectissimè, & quòdlibet aliud ab ea distinctum, vt creaturas. Ita tenet subtilis Doctor in 1. q. penult. prologi, & in eodem 1. dist. 1. o. q. vnicā ad vltimum principale, & dist. 39. prope finem, ante solutionem ad primum pro tertia opi-

nione, & alibi sæpè. Ex quo colligitur, ad notitiā intuitiuā rei nō præsupponi necessariò rei propriam existentiam, sed ad hoc sufficere rationē eminentissimè rem ipsam continentem.

Secundo obserua ex eodem Scoto in 1. d. 28. q. 3. lit. K. quòd indeterminatio est duplex. Altera ad opposita contradictoriè, sicut materia est in determinata ad formam, & priuationem, ex se namq. nec determinat sibi formā, neq. priuationem, sed sub vtraque esse potest. Altera indeterminatio est ad diuersa positiua, quæ tamen stat cum determinatione ad alteram partem vtriusq. contradictionis. Sic sol est indeterminatus ad producendum vermem, & plantam, tãquam ad diuersa positiua, cum tamē ex se sit determinatus ad alterā partem cōtradictionis tam huius, quam illius, ita ac si esset agens particulare natum producere vnicum illorum tantum. Sensus est, quòd sol dicitur indeterminatus ac diuersa positiua, quia plura positiua diuersa producere potest, cum hoc tamen stat, quòd sit determinatus ad alteram partem vtriusque contradictionis. Exempli causa. Potest sol producere plantam, & serpentem. Ceterum non est indeterminatus ad plātam, & negationē eius, ad serpentem, & negationem eius, sicut materia ad formam, & eius priuationem, sed ad plantam, & serpentem. Ex his colligitur duplex determinatio huic duplici indeterminationi opposita, quæ facile ex dictis intelligi potest.

Colligitur etiam, quòd prima indeterminatio necessariò imperfectiōnē inuoluit, quia est indeterminatio materiæ, quæ est in potentia passiva

2. Nota.

contradictionis ad formam: potentia autē paſſiua neceſſariō dicit imperfectionem cum ab actu diſtet. In determinatio verō ſecunda eſt indeterminatio potentiz actiuz, quæ ex ſua ratione nullam imperfectionem dicit, imō perfectionē in eo, in quo eſt, arguit: quod inde cōſtat, quia in Deo formaliter reperitur: eſt enim in eo potentia actiua reſpectu factibilium, & indeterminatio ad diuerſa poſitiua, cum omnia in eius virtute conſiſtant.

3. Nota.

Tertiō obſerua, quod illimitatio, & indeterminatio potentiz actiuz ad plura non aufert ab aliquo perfectionem aliquam, ſed ſtante in eo perfectione ad vnum, quaſi ponit ſimilem perfectionem ad aliud. Per hoc enim, quod ſol eſt indeterminatus ad plura poſitiua producenda, nō aufertur ab eo aliqua perfectio, imō ſtante in eo perfectione ad productionem ranæ, quaſi ponitur in eo alia perfectio ad producendam plantam. Et cum hac illimitatione, & indeterminatione ad plura poſitiua ſtat, vt diximus, qđ ex ſe ſit res determinata ad quodlibet, ac ſi ſolū eſſet cuiuſlibet peculiaris, ac particularis cauſa. Nec ad hanc determinationem oppoſitam indeterminationi ad contradictoria requiritur aliquod determinans, ſed ex ſe eſt ſufficienter res determinata. Quamuis enim ſol ſit productiuus ranæ, & plantæ, non oportet, quod eius cauſalitas per aliquid in ipſo ſole exiſtēs determinetur, quia ex ſe eſt ſufficienter determinata: huiusmodi namq; determinans ad determinationem rei ad contradictoria indeterminata ſolum requiritur.

4. Nota.

Quartō obſerua, quod in relatio-

nibus tertij modi relationum non eſt mutuitas, ſicut in alijs duobus modis, vt videre eſt apud Ariſtot. 5. Metaphyſic. cap. de ad aliquid. Vbi deſcribens relatiua tertij modi ait illa eſſe, quæ aliorū eſſe dicuntur: non quia ipſa ad alia, ſed quia alia ad ipſa ſunt. In quibus verbis manifeſtē inſinuat in huiusmodi relationibus non eſſe mutuitatem. Huius generis ſunt relationes menſurabilis ad menſuram, vt ſcientia ad ſcibile, & creaturæ ad Deum.

Ex quo ſequitur, huiusmodi relationes terminari ad terminum abſolutum ſub ratione abſoluti: & vt deducit Scotus in 1. diſt. 30. non ſolum hæ relationes, verum & quæcunque aliz ad terminum abſolutum ſub ratione abſoluta terminantur.

Quintō obſerua, quod intellectio 5. Nota. creata menſuratur per ſuum obiectum, a quo ſpeciem, & perfectionē ſumit. Ex quo ſequitur primō, quod intellectio creata habet rationē menſurati, vel menſurabilis in ordine ad ſuum obiectum: obiectum verō habet reſpectu eius rationem menſuræ. Inferitur ſecundo, quod intellectio creata reſertur ad ſuum obiectum, ſicut menſurabile ad ſuā menſuram: & quod obiectum, in quantum abſolutum, eius relationem terminat, ſicut accidit in relationibus tertij modi ex ſupra dictis. Intellectio vero diuina reſpectu obiectōrum ſecundariorum non habet rationem menſurabilis, quia vileſceret, ſi eius perfectio per ea mēſuraretur: & prætereā, quia ab ipſis ſuam ſpeciem, & perfectionem non accipit, ſed a ſuo primario obiecto, ſcilicet, a diuina eſſentia: ſed habet reſpectu eorum relationem menſuræ ſecundum omnes

nes Theologos: & ita tenet Doctor subtilis, d. 3. q. vnica, lit. F.

1. *Concl.*

His ita constitutis sit prima conclusio. Vt Deus plura distincte intelligat, non oportet ponere in intellectu, vt potentia est, distinctionem aliquam. Probatur. Quia etiam intellectus potest, vt omnino indistinctus secundum rationem potest, potest plura intelligere: non enim intellectus noster, vt intelligens lapidem, distinguitur a se ipso, vt intelligente plantam, in ratione potentia, quia esset alia, & alia potentia respectu alterius, & alterius intelligibilis, quod dici non potest.

2. *Concl.*

Secunda conclusio. Ad hoc, vt Deus distincte intelligat creaturas, vt obiecta secundaria non sunt aliquae relationes necessariae in diuina essentia, vt ratione cognoscendi distincta, secundum rationem. Probatur primo.

1. *Ratio.*

Ista relationes determinantes essentiam sunt cognoscibiles ab intellectu diuino: quare, an cognoscantur per se ipsas tanquam per rationes ad sui cognitionem mouentes, vel per diuinam essentiam? Si per se ipsas ergo vilesit diuinus intellectus, quia mouetur ab alio, quam a sua essentia: & etiam quia tunc haberet pro obiecto primo, & motiuo sui entia rationis, quod a vera philosophia omnino alienum esse, nullus ambigit. Si vero cognoscuntur per essentia: aut hoc est per essentiam cum relationibus determinantibus ipsam, aut per essentiam secundum se, & absolute omni respectu secluso. Si primum, erit processus in infinitum, quia illae aliae relationes non poterunt intelligi per essentia sine alijs respectibus, nec istae sine alijs: & sic procederetur in infinitum. Si dederis secundum:

ergo, qua ratione istae relationes possunt intelligi per essentiam, vt rationem cognoscendi, siue vt primum obiectum absolute consideratam, pari ratione & ipsa obiecta secundaria: ergo huiusmodi relationes non sunt necessariae in essentia, siue vt ratione cognoscendi, siue vt obiecto primo ad hoc, vt diuinus intellectus creaturas distincte cognoscat.

Secundo. Si essentia diuina esset li 2. *Ratio.*

limitata ratio cognoscendi respectu vnius obiecti, ipsa esset determinata ratio cognoscendi illud absque omni respectu rei, & rationis ipsam determinante, vt satis patet: ergo si ipsa (vti res se habet) sit illimitata ratio cognoscendi respectu plurium obiectorum, potest esse ex se ratio cognoscendi quodcumque illorum, & omnia illa absque villo rei, vel rationis respectu. Probo consequentiam: quia quam vim habet limitatum, & determinatum ad vnum respectum illius vnius, talem habet illimitatum ad plura secundum virtutem respectu cuiuslibet illorum, & respectu omnium, quae respicit. Ratio huius est: quia illimitatio secundum virtutem, & perfectionem, de qua nunc est sermo, non aufert ab eo, in quo est, aliquam perfectionem, sed stante perfectione, quae erat ad aliquid, quasi ponit similem perfectionem ad aliud, vt satis constat ex his, quae in secundo, & tertio notabili diximus, ubi ostendimus, indeterminatum ad plura positum, ita bene esse determinatum ex se ad quodlibet illorum, ac si ad singula determinatum esset: & insuper illimitatum secundum virtutem actiuam, non indigere aliquo determinante se, vt quodlibet eorum, quae respicit, causare possit. Adem dicendum.

de

de ratione illimitata cognoscendi plura: hac namq; illimitatio ad perfectionem, & potētiam actiua spectat.

Confirmatur. Quia sū Doctores, qui oppositum nostrę conclusionis defendunt, vna species intelligibilis in angelis est ratio distincte representandi plura obiecta absque aliquo ipsam determinante: ergo multo melius diuina essentia, omni respectu determinate secluso ob sui infinitam eminentiam, ratio distincte cognoscendi plura esse poterit.

Confirmatur secundo. Quia indeterminatum ad plura positiua in determinatione secundum virtutem & perfectionem in hoc distinguitur ab indeterminato in determinatione ad contradictoria, quia hoc cum materie potentiam respiciat, determinante indiget, vt hanc, vel illam formam recipiat: non tamen illud, quia (vt supra diximus) ad quodlibet eorum quę respicit, est ex se sufficiens determinatum.

3 Ratio

Tertio principaliter arguitur. Vnius per se operationis oportet dare vnū principium, quo per se vnū, & vnum obiectū per se vnum, præsertim in prima operatione: sed diuina intellectio est operatio per se vna, & prima, ergo ei assignandū est vnum principium, quo per se vnū, & obiectum per se vnū: sed diuina essentia, & relatio rationis vnū per se nequeunt efficere, vt satis cōstat: ergo aggregatum ex vtroq; non pōt esse vna per se ratio, seu principium quocūq; vnum per se obiectum intellectiois diuinę: ergo alterum illorum; sed hoc relationi rationis cōuenire nequit (vt bene intelligenti haud difficile est iudicare) ergo conuenit soli essentie: & per consequens

essentia est ratio sufficiens distincte cognoscendi omnia.

Quarto. Si in diuina essentia, vt ratione cognoscendi, huiusmodi relationes essent, sequeretur, q̄ essent relationes reales: sed consequens est plusquam falsum: ergo nullo modo huiusmodi relationes in diuina essentia, vt ratione cognoscendi, sunt constituendę. Consequentia est satis aperta, & minor nota, sequelam veid maioris sic ostendo. Quia ratio intelligendi, vt sic, præcedit naturaliter intellectioem: ergo nec ipsa, nec aliquid eius per intellectioem causatur, prius enim non est a posteriore. Cum igitur, per te, huiusmodi relatio in diuina essentia, vt ratione cognoscendi, includatur, infertur, illam per actum intelligendi non habere esse, quia ipsum præcedit, & per consequens infertur, q̄ non est relatio rationis, sed realis, quia omnis relatio rationis per actum intellectus fit. Hac ratio directe destruit primā opinionem supra positam, ad cuius rationes respondeo.

Ad primam dico, quod (vt ex supra dictis patet) vt illimitata ratio cognoscendi plura sit perfecta ratio cognoscendi quodlibet illorum plurium, non indiget determinatione aliqua, quia ob sui perfectionem, ita bene est ratio distincte cognoscendi quodlibet illorum; ac si cuiuslibet tantum esset propria & determinata ratio. Si dicas, q̄ ad cuiuslibet rei intellectioem requiritur propria ratio, respondeo, requiri quidem propriam rationem, vel aliam eminenter continentem quicquid perfectionis est in propria ratione. Et si inferas, ergo ad aliud, & aliud cognoscendū requiritur alia, & alia ratio determinata.

Ad rationes priores opinionis.

nota.

nata, nego consequentiam, sed sufficit eadem eminenter continens perfectionem plurium rationum representationum. Cum ergo essentia diuina sit ratio cognoscendi omnia eminenti, sive continens omnium similitudinem perfectionem, ac rerum ipsarum, ipsa absque ulla determinatione est sufficiens ratio distincte cognoscendi omnia omni relatione, ac determinatione seclusa.

Ad secundam respondeo, quod ratio intelligendi aliud non est necessario similitudo formalis eius: sed vel formalis, vel continens perfecte similitudinem formalem secundum omne illud, quod est perfectionis in ea, in quantum ipsa est ratio intelligendi. Talis est diuina essentia respectu omnium rerum similitudinum: ac proinde per eam omnia distincte, & in particulari cognosci possunt.

3. *Concl.*

Tertia conclusio. Prius secundum nostrum modum intelligendi diuina intellectio terminatur ad creaturas, quam dicat relationem ad ipsas. Probatur. Omnis relatio presupponit necessario fundamentum, & terminum: sed fundamentum relationis Dei, ut intelligentis creaturam ad ipsam creaturam cognitam, est diuina intellectio, terminus vero est ipsa creatura cognita: ergo diuina intellectio, & creatura per ipsam cognita, etiam in esse cognito, supponuntur relationi Dei, ut intelligentis creaturam ad ipsam creaturam, ut cognitam: ergo illa est prior tali relatione, & per consequens prius terminatur diuina intellectio ad creaturam in esse cognito, quam aliquam relationem dicat ad ipsam.

Secundo Mensura est prior natura mensurato: sed intellectio diuina

est mensura creaturæ, ut obiecti secundarij eius: ergo illa est prior creatura in esse obiecti, & cognito: ergo prius terminatur ad creaturam, ut obiectum, quam ad ipsam refertur. Hæc vltima consequentia probatur primo, quia ex præcedenti ratione extrema relationis præsupponuntur ipsi relationi. Secundo quia mensura, ut sic, non dicit relationem ad mensuratum, sed è conuerso: quia enim mensuratum refertur ad mensuram: ideo mensura dicitur referrì ad mensuratum, non per relationem in ipsa mensura existentem, sed quia terminat relationem mensurati ad se per suum esse absolutum, ut accidit in relationibus tertij modi ex supra dictis. Ergo intellectio creaturæ diuina est prior creatura, vel obiecto, ac per consequens omni respectu, & relatione ad ipsam.

Tertio Creatura intelligitur actu recto: sed relatio rationis Dei, ut intelligentis, ad creaturam, ut cognitā, fit per actum comparatiuum: ergo prius est creatura cognita, quam relatio Dei, ut intelligentis, ad creaturam, ut intellectam. Patet consequentia, quia ille actus rectus est prior hoc comparatiuo: non enim Deus se, ut intelligentem, comparat ad rem intellectam, nisi præsupposito actu, quo rem ipsam intelligit.

Ex his manifestè infertur, nullū respectum, nullāque relationem esse necessario collocandam in diuina essentia, ut ratione intelligendi, aut in ipsa intellectione, ut per eam perfecte ac distincte creaturæ cognoscantur: quandoquidem intellectio diuina prius terminatur ad creaturam, ut obiectum, quam aliquam relationem ad ipsam dicat. Et diuina

essen-

essentia ex prima conclusione sine tali respectu est sufficientissima ratio distincte representandi, & cognoscendi omnia. Et hæc est sententia Scoti in 1. dist. 3. §. q. vnica, quæ in hunc modum explicatur. Deus in primo rationis signo intelligit essentiam sub ratione merè absoluta. In secundo signo producit lapidem in esse cognito, ipsumque intelligit: & tunc est relatio in lapide intellecto ad intellectiōem diuinam: sed nulla in intellectu diuina ad lapidem intellectum, quia referuntur, sicut mensuratum, & mensura: ac proinde relatione existente in lapide intellecto, ut mensurato ad intellectiōem diuinam, tanquam ad mensuram, nulla est relatio in diuina cognitione ad lapidem, sed per se ipsum esse absolutum terminat relationem lapidis cogniti ad se. In tertio signo intellectus diuinus potest comparare suam intellectiōem ad quodcumque intelligibile, vel cognitum per eam, ad quod nos possumus comparare, & tunc comparando se ad lapidem intellectum potest causare in se relationem rationis ad lapidem. Et in quarto signo potest quasi reflecti super istam relationem causatam in tertio signo: & tunc illa relatio rationis erit cognita, non per se, ut per rationem intelligendi, sed per essentiam ad eius cognitionem mouentem.

Sic igitur non est relatio rationis necessaria ad intelligendum lapidem tanquam prior lapide, ut obiecto, imò ipsa, ut causata, est posterior, quia in tertio signo causatur, & lapis intelligitur in secundo: & ipsa relatio, ut cognita, est posterior se ipsa, ut causata, quia cognoscitur in quarto signo, & causatur in tertio.

Hic ordo assignatus est in cognitione diuina, non in ipsa cognitione in se, sed ut transiit super obiecta, quæ suo ordine ei obijciuntur: prius enim secundum rationem terminatur ad diuinam essentiam cognitio diuina: quam ad creaturas, & prius ad creaturas, ut possibiles, quam ad easdem ut futuras. Et prius terminatur ad Petrum, quam ad accidentia Petri: quia is ordo est iter ipsa obiecta quo ad obijci diuino intellectui.

AD ARGUMENTA in principio articuli posita.

AD primum dico, quod maior *Ad 1.*
est falsa, ut articulo sequente demonstrabimus.

Ad secundum concedo in Deo, ut *Ad 2.*
intelligente obiecta secūdaria, quasi actu reflexo, & comparatiuo, esse relationes rationis ad eadem obiecta, ut cognita, sed hæc relationes, cum præsupponant obiecta secūdaria actu recto & simplici cognita, ad eorum cognitionem haudquaquam requiruntur.

Ad tertium concedo maiorem, *Ad 3.*
& nego minorem, ipsa namque diuina essentia se sola absque vlla determinatione est sufficientissima ratio cognoscendi distincte omnia, ut supra in hoc articulo aperte deduximus.

ARTICVLVS V.

An creatura in esse cognito sit idea.

Circa articulum quintum videtur, quod creatura in esse cognito non sit idea. Primo, quia idea est ratio cognoscendi obiectum: at creatura cognita non est huiusmodi, potius enim

enim est obiectum, quàm ratio cognoscendi ipsum: ergo creatura cognita non est idea.

2. Arg. Secundo. August. lib. 83. quæstio. 46. ait, quo tanta vis est in ideis, ut nemo sine ipsis sapiens esse possit, nec beatus, quia harum visione fit anima beatissima: sed sine creatura potest Deus esse sapiens, quia non propter eas est aliquis sapientior, sicut nec beator, quia iuxta August. beatus est ille, qui te, & illa nouit, sed non beator propter illa: igitur creatura non est idea.

3. Arg. Tertiò. Idea est forma realis in Deo: sed creatura secundum illud esse cognitum, & obiectiuum non est quid reale, sed rationis ex supra dictis, ergo creatura cognita non est idea.

4. Arg. Quartò. Idea est realis causa ideati: sed creatura secundum esse cognitum considerata non potest esse realis causa alicuius effectus: ergo non est idea. Consequentia tenet maior vero videtur manifesta: quia idea est exemplar ideati, exemplar vero est causa realis exemplati. Minor ostenditur: tum, quia creatura secundum esse cognitum est ens rationis, & ex consequenti nequit esse causa realis: tum etiam, quia implicatio est manifesta, rem aliquam esse sui ipsius realem causam.

5. Arg. Quinto. Quia si creatura cognita esset idea, sequeretur, quod Deus per se, & necessario penderet a creatura in suis operationibus, tanquam a comprincipio: at consequens reputatur sacrilegum ab August. lib. 83. quæstionum q. 46. ergo, &c. Sequela probatur, quia artifex quicunque per se, & necessario pëdet in sua operatione ab idea rei artificiatæ: ergo

similiter artifex supremus pëdet in suis operationibus a rerum ideis: ergo si ideæ creaturarum sunt creature ipsæ, Deus a creaturis in suis pendet operationibus.

Circa hunc articulum pars affirmatiua est Scoti in 1. dist. 3. §. q. vñica. Gabrielis eadem, d. q. 5. qui in eandem sententiā citat Ocham, & Gersonem in libro de vita spiritali animæ lect. 2. Corollario. 12.

Opposita sententia est B. Tho. 1. p. q. 13. artic. 2. afferentis, ideam esse diuinam essentiam, ut imitabilem a creatura.

EXPLANATIO opinionis B. Thom.

Ad intelligentiā opinionis Beati Thomæ obserua ex Caetera. vbi supra sancti Thomæ, quod diuina essentia, non vtcunq; imitabilis, est idea, sed ut imitabilis exemplariter: imitabile autem exemplariter non est, nisi obiectum intellectus cognitum. Vnde colligit Caietanus, quod licet essentia diuina absolute sit prius imitabilis, quam sit obiecta intellectui, non tamen est prius imitabilis exemplariter, quam sit obiecta: quia de ratione exemplaris est esse obiectiuum, non enim artifex ad imitationem exemplaris operatur, nisi exemplar ipsum sibi obiectum, & cognitum fuerit. Vnde, si Deus non esset intellectuale agens, essentia sua esset quidem imitabilis, sed non exemplariter, quia exemplar propriè ad agens per intellectum pertinet, ac proinde tunc rationem ideæ non haberet: idea enim, ut dicemus postea, exemplar est, ad cuius imitationem aliquid fit.

2. Nota. Secundò obserua, quod, cum imitabilitas bifariam accipi possit, primò fundamentaliter, id est, pro absoluto; secundo formaliter, id est, pro respectu, tripliciter ideæ significatio imaginari potest. Primò, vt significet absolutum tantum, secundo respectuum tantum, tertio vtrumque. His constitutis sententia Diui Tho. & quoad rationem ideæ, & quoad eius pluralitatem, sequentibus explicatur conclusionibus.

1. Concl. Prima conclusio. Idea non significat solum fundamentum imitabilitatis. Probatur, quia hoc fundamentum est diuina essentia, in qua, cum sit simplicissima, non potest distingui absolutum imitabile a lapide ab absoluto imitabili a leone: ergo si idea solum fundamentum imitabilitatis significaret, pluralitas idearum sustineri haud posset: quia plures ideæ intelligere est impossibile, nisi significarū ideæ plurificatum intelligatur.

2. Concl. Secunda conclusio. Idea non significat tantum respectum imitabilitatis. Probatur, quia idea essentiam diuinam significare dicitur.

3. Concl. Tertia conclusio. Idea significat vtrumque. Patet, quia ex vtroque constat, sed tamen non significat ea eo modo, quo, ly, vestis, significaret hominem album, si ad id significandū imponeretur. Ratio est, quia tunc idea nec effet vnum per se, nec vnā per se rationem haberet: sed eo modo, quo nomina significant absolutū relatiuē, vt Saluator, & Creator, &c. Ex quo colligit Caietanus, quòd de ratione ideæ in Deo sunt & essentia, & relatio, non vt partes vnā componētes communem rationem, sed vt res, & modus, vt determinabile, & determinatio.

Quarta conclusio. Essentia diuina cognita, vt imitabilis a creatura per modum exemplaris, est idea. Patet hæc conclusio ex suprà notatis.

Quinta cōclusio. In Deo est idearum multitudo. Probatur. Vniuersarum distinctio est a Deo præfinita: ergo in Deo sunt singularum rerum propriæ rationes. Consequentia probatur, quoniam ideæ authore Dionysio sunt diuinæ prædefinitiones, & præconceptiones: ergo, si vniuersarum multitudo est a Deo prædefinita, & præconcepta, sequitur, vt singularum rerū propriæ rationes sint apud Deum. Antecedens probatur. Diuina mens per se intentata fuit non solum ad creaturā in communi, sed etiam ad ipsam rerum distinctionē: ergo vniuersa rerum multitudo est a Deo prædefinita, & præconcepta.

Sexta conclusio. Multitudo idearum in Deo non est multitudo rerum re ipsa inter se, & ab essentia distinctarum. Hæc conclusio satis constat ex prædictis, idea namque nominat formam exemplarē, est verò vna res in Deo, quæ est exemplar omnium, scilicet diuina essentia, quam omnia imitantur: ergo multitudo idearum in Deo non est multitudo rerum.

Præterea. Authore Diuo Anselmo in libro de processione Spiritus sancti, cap. 3. in diuinis omnia sunt vnū, vbi non obuiat relationis oppositio: sed vna idea non opponitur relatiuē alteri ideæ, vt patet: sequitur ergo, multitudinem idearum in Deo non esse multitudinem rerum re ipsa distinctarum.

Septima cōclusio. Multitudo idearum in Deo non est multitudo rationum formalium, siue rerum formaliter distinctarum. Probatur. Quæcum-

cumq; formaliter distinguuntur, sunt multa obiecta formalia habentia distinctas rationes formales: atqui ideę in Deo non sunt multa obiecta formalia habentia distinctas rationes formales, non igitur ideę in Deo formaliter distinguuntur. Maior patet. Quia quemadmodum se habet distinctio realis ad rem, sic se habet distinctio formalis ad formam, sine ad obiectum formale; at distinctio realis est inter distinctas res: ergo distinctio formalis necessario est inter distinctas formas, siue inter distincta obiecta formalia: ergo quęcumque formaliter distinguuntur sunt multa obiecta formalia. Minor ostenditur. Vbi est vnica formalis ratio omnium, ac simplicissima, ibi non sunt multa obiecta formalia, sed vnum dumtaxat: sed in Deo est vnica, ac simplicissima ratio formalis omnium: ergo in Deo nō sunt multa obiecta formalia, sed vnum dumtaxat, quod est diuina essentia, æquiualens tamen multis obiectis formalibus, siue multis rebus formaliter distinctis.

2. Concl.

Octaua cōclusio. Multitudo idearum in Deo est multitudo rationum intellectarum. Probatur. Nam, cum omnis distinctio sit aut realis, aut formalis, aut rationis, ideę autē in Deo non distinguantur realiter, aut formaliter, sequitur, vt, distinguantur sola ratione: ac proinde multitudo idearum in Deo est multitudo rationum intellectarum.

Sed iam hoc loco existit quęstio, vtrum illa rationum intellectarum multitudo proueniat ex humano, aut diuino intellectu. Quo circa iam nonam subiicimus conclusionem.

9. Concl.

Nona conclusio. Ideę in Deo non

distinguuntur rationē per actum intellectus creati. Probatur. Authore August. lib. 83. quęstionum, q. 46. ideę sunt sempiternę: ergo earum inter se distinctio non prouenit ab intellectu creato. Probatur consequentia. Quia distinguens non est posterius eo, quod per ipsum est distinctū: ergo cum ideę sint æternę, & intellectus creatus sit temporalis, omne autem temporale sit æterno posterius, sequitur, vt idearum diuinarum distinctio non possit ab intellectu creato proficisci.

Secundò. Diuinum verbum antecessit omnia: iuxta illud Ioan. 1. In principio erat verbum, & verbū erat apud Deum, omnia per ipsum facta sunt, & sine ipso factum est nihil: sed ideę rerum continentur in diuino verbo (iuxta eiusdem Ioannis sententiam. Quod factum est, in ipso vita erat, super quę verba August. 6. de Trinit. cap. vltimo inquit, verbum productum in diuinis esse attem omnipotentis, & sapientis Dei plenum rationibus omnium viuentium) igitur idearum distinctio, ac multitudo in Deo per creati intellectus actionē non efficitur.

Decima conclusio. Idearum multitudo est multitudo rationū a Deo intellectarum. Probatur. Ideę multiplicantur penes diuersos respectus ad res ipsas: atqui huiusmodi respectus fuerunt ab intellectu diuino ab æternitate cogniti: ergo ab æternitate fuerunt in diuina mente multę ideę, sicut rationes proprię rerum a diuino intellectu perceptę. Maior ex supra dictis patet, minor verò inde elucescit, quoniā Deus ab æterno sciuit diuersas creaturas diuerso modo esse suam essentiā imitaturas.

Dein;

10. Concl.

Deinde. Idea est quædam forma intellecta ab agente, ad cuius similitudinem rem extra producit, atqui in Deo sunt multæ ideæ: sunt igitur multæ formæ, siue multæ rationes intellectæ a mente diuina, ac proinde idearum multitudo est multitudo rationum a Deo intellectarum.

Postremo. Diuina essentia cognita a Deo, vt imitabilis a creatura, est propria ratio, & idea eius: ergo multitudo idearum est multitudo rationum a Deo intellectarum, siue multitudo rationum imitabilitatis a Deo intellectarum. Hæc de opinione D. Thom.

EXPLANATIO opinionis Doct. subtilis.

1. Nota.

AD intelligentiâ opinionis Doctoris subtilis primò obseruare oportet ex eodem in 4. dist. 1. q. 1. lit. Q. q. res cognita dicitur habere idem esse, quod ipsa cognitio habet: ac proinde August. super illud Ioan. 1. Quod factum est in ipso vita erat, ait, rem cognitam in verbo esse vitæ creatricem, hoc idè, quia cognitio eius est realiter vita creatrix, quod enim de cognito dicitur obiectiue, hoc in ipsa cognitione secundum re inueniri, necesse est. Ob hanc causam res in diuino intellectu verius esse habere dicuntur, quàm in se ipsis: esse namq; earum in diuino intellectu est esse cognitionis diuinæ, q. planè deificum, atque diuinum est ab omni prorsus corruptione, & mutatione alienum. Esse verò earundem in seipsis ortui, & interitui subiicitur hac planè ratione, quia & inceptionem, & de finitionem agnoscere, non eis repugnat. Illud autem

esse diuinum, quod in diuino intellectu habent, absolutè, & simpliciter verius & perfectius est isto, quo in se ipsis fruuntur.

Sed obijcies non abs re. Lapis in se verius esse lapidis habet, quàm in Deo: ergo esse, quod in se ipso habet est verius esse. Concedo, lapidè in se ipso existentem verius esse lapidis habere, q. in Deo: in Deo enim non habet esse lapidis, sed aliud eminentius, ac perfectius esse: sed nō habet in se ipso formaliter esse perfectius & verius absolutè loquendo: nā si esse lapidis extra quod est formaliter esse eius absolutè ad esse eius in diuino intellectu (quod planè diuinum est) comparetur, illud absque dubio est imperfectius isto, diuinum namque esse in infinitum esse creatum vincit, ac superat. Aliud ergo est loqui de esse veriori, & perfectiori simpliciter, & absolutè: aliud verò de esse veriori, ac perfectiori huius. Concedimus enim, lapidem in mente diuina habere esse simpliciter verius, ac perfectius, quàm lapidem extra, quia habet idem esse, quod ipsa cognitio, per quam cognoscitur, vt diximus: negamus tamen ipsum habere verius esse lapidis in Deo, quàm extra, solum enim extra, & in se habet formaliter esse lapidis, & non in Deo.

Secundò obseruanda est ratio ideæ, quam Scotus in primo d. 35. q. vñica lit. Lex mente D. Augustini tradit. Et vt euidentius pateat, eam ex Augustiniana doctrina eliciuissè, libet verba eiusdem Augustini, lib. 83. quaest. 46. in quibus multa de ideis scitu dignissima dicit, in medium proferre. Ait ergo in hunc modum. Ideas Plato primus appel-

2. Nota.

lasse

lasse perhibetur: nō tamen si hoc nomen, antequam ipse institueret, nō erat, ideo vel res ipsa nō erant, quas ideas vocauit, vel a nullo erāt intellectus: sed alio fortasse, atque alio nomine ab alijs, atque alijs nuncupatę sunt. Licet enim cuique rei incognitas, quę nullum habeat vſitatum nomen, quodlibet nomen imponere. Nam non est verisimile, sapiētes aut nullos fuisse ante Platonē, aut istas, quas Plato, vt dictū est, ideas vocat, quęcunque res sint, non intellexisse: siquidem tanta in eis vis constituitur, vt, nisi his intellectis, sapiens esse nemo possit. Credibile est etiam præter Græciam fuisse in alijs gentibus sapientes, quod etiam Plato ipse non solum peregrinando sapientię perficiendę gratia satis testatus est, sed etiam in libris suis commemorat. Hos ergo (si qui fuerunt) non existimandum est, ideas ignorasse: quamuis alio fortasse eas nomine vocauerint. Sed de nomine hætenus dictum sit, rem videamus, quę maxime consideranda, atq; noscenda est, in potestate constitutus vocabulis, vt quod volet quisque, appellet rem quam cognouerit.

Ideas igitur Latine possumus vel formas, vel species dicere, vt verbum ex verbo transferre videamur. Si aut rationes eas vocemus: ab interpretandis quidem proprietate discēdimus. Rationes enim Græcē logi appellantur, non ideas: sed tamē quisque hoc vocabuli vti voluerit, a re ipsa non errabit. Sunt namque ideę principales formę quadam, vel rationes rerum stabiles, atq; incommutabiles, quę ipsę formatae non sunt: ac per hoc æternę, ac semper eodem modo sese habentes, quę in diuina intelli-

gentia continentur. Et cum ipsę nec oriātur, nec intereant, secundum tamē eas formari dicitur omne, quod oriri, & interire pōt, & omne, quod oritur, & interit. Anima vero negatur eas intueri posse, nisi rationalis ea sui parte, qua excellit, id est, ipsa mente, atque ratione, quasi quadam facie, vel oculo suo interiori, atque intelligibili. Et ea quidem ipsa rationalis anima non omnis, & qualibet, sed, quę sancta, & pura fuerit, hæc asseritur illi visioni esse idonea, id est, quę illum ipsum oculum, quo videtur ista, sanum, & sincerum, & serenū, & similem his rebus, quas videre intendit, habuerit. Quis autem religiosus, ac vera religione imbutus, quamuis nondum possit hæc intueri, negare tamen audeat, imō non ē profiteatur, omnia, quę sunt, id est, quęcunque in suo genere propria quadam natura continentur, vt sint, Deo authore esse procreata, eoq; authore omnia, quę viuunt, viuere, atque vniuersalem rerum incolumitatem, ordinemq; ipsum, quo ea, quę mutantur, suos tēporales cursus certo moderamine celebrant, summi Dei legibus contineri, & gubernari. Quo constituto, atq; cōcesso, quis audeat dicere. Deum irrationabiliter omnia condidisse? Quod si rectē dicij, & credi non potest, restat, vt omnia ratione sint condita: nec eadem ratione homo, qua equus, hoc enim absurdum est existimare. Singula igitur proprijs sunt creata rationibus. Has autem rationes, vbi arbitrandū est esse, nisi in ipsa mente creatoris? Non enim extra se quicquam positum intuebatur, vt secundum id constitueret, quod constituebat: nam hoc opinari, sacrilegum est.

Rr Quod

Quod si hæc rerum omnium creaturæ
darum, creaturarumque rationes in di-
uina mente continentur, nec in di-
uina mente quicquam, nisi æternum
atque incommunicabile potest esse: at
que hæc rerum rationes principales
appellat ideas Plato, non solum sunt
ideas, sed ipsæ verè sunt, quia æternæ
sunt, & eiusmodi, atque incommuta-
biles manent, quarum participatio-
ne fit, ut sit, quicquid est, quomodo
est, quarum visione anima rationali
his sit beatissima: quas rationes, siue
ideas, siue formas, siue species, siue
rationes licet vocare, & multis appel-
lare conceditur nominibus, sed pau-
cissimis videre, quod verum est. Hæc
Aenus Augustinus.

*Multa
idearum
attribu-
ta.*

Ex hac Augustini de ideis doctri-
na multa colliguntur idearum, ear-
umque insignia, & præclara attributa. Pri-
mo in hoc quod formæ, & rationes
appellantur, earum actualitas comen-
datur: propriè est enim formæ actua-
litas. Secundo ideis attribuitur rerum
omnium, quæ sunt, non solum esse
ratio, verum etiâ unus ab altero per
propriam differentiam seu ratio, atque
determinatio. Tercio eis attribuitur
esse rationes, siue formas in diuinâ
mente constitutas, ac per hoc esse eter-
nas, atque incommutabiles, ac prorsus
diuinas. Aeternas quidem, quia Deus
ab æternitate cuncta, quæ facienda
erant in tempore, cognouit. Incommu-
tabiles vero, quoniam Deus rem
quamque iuxta exemplar ipsius,
quod apud se habebat, & non iuxta
aliud, efformauit.

Postremo illud idearum attribu-
tum insigne est, & præclarum, nem-
inè, videlicet, nisi his intellectus, sapien-
tiam esse posse. Nam, quauis Deus Opti-
mus Maximus ex cognitione sue es-

sentia sit in finitè sapiens, ac proinde
ex cognitione idearum non efficiat-
ur sapientior intellexit, attamen si
ideas, quarum ratio incommutabilis
est, ignoraret, non esset omniscientior.
Ex his hæc ratio ideas colligitur
Doctore subtili ubi supra: Idea est ra-
tio æterna, & incommutabilis in men-
te diuina, secundum quam aliquid
est formabile extra, tanquam secun-
dum propriam rationem eius. Quam
definitionem ideas adaptari sic demō-
strat. Deus (inquit) omnia creat, vel
causare potest: non irrationabiliter
ergo rationabiliter: ergo habet ratio-
nem, secundum quam format: non
autem eandem omnium: ergo singu-
la proprijs rationibus format: non
autem rationibus extra se existentia-
bus: quia nec in intelligendo, nec in
efficiendo eget aliquo alio se: ergo
rationibus in mente sua existentia-
bus: nihil autem in mente sua est,
nisi incommutabile, & æternum: ergo
omne formabile potest formare secundum
rationem propriam sibi, æternam, &
incommutabilem in mente sua exi-
stentem. Hæc autem ratio æterna, &
incommutabilis, secundum quam
tanquam per propriam rationem, po-
test Deus aliquid formare, non est,
nisi idea: ergo præfata ratio optimè
ideas adaptatur, & in super eam con-
uertitur, quia nulli alij ab ea conue-
nire potest. A Dionysio autem
cap. de diuinis nominibus, in hunc
modum describitur. Idea est exem-
plar sempiternum Deo semper præ-
sens, ad quod Deus cuncta, quæ sunt,
aspiciens, molitur, & fabricatus est.
A Durando vero in hunc modum
describitur in primo sentent. distinc.
3. 6. quæst. 3. Idea est forma, vel ratio,
ad cuius similitudinē agens per æter-
nem

rem rem producit. His ita constitutis, pro quaestione decisione sint sequentes conclusiones.

1. Concl. Prima conclusio. Ideas, hoc est, rationes, in mente divina collocatas, tam Graeci, quam Latini tradiderunt. In primis Plato primus earum assertor fuit, ut loco supra citato D. Augustatus est. Proclus etiam Platonius ipsas in Deo agnouit, quas definitiens sic ait. Ideae sunt vires Dei ineffabiles, immenses, ac formae primariae, & fontes fecundissimi, ex quibus cuncta, quae sunt, emanarunt, Plutarchus, Deum esse ait, mentem mundi procreatricem, cuius ideam in se continet Mercurius etiam Trismegistus Aegyptius Theologus docet, Deum per ideas cuncta procreasse.

Magnus Dionysius Platoniorum, vel Aristotelis confectus, ideas diuinae menti attribuit rerum omnium & effectrices, & discriminatrices, in commentario de diuinis nominibus cap. 3. sic inquit. Futurum est magis in ipsa, & rerum omnium causa eorum, quia sunt omnium exemplaria super substantialia quadam virtute subsistere, quae Theologia rationes, & praedestinationes appellat, & diuinas quasdam, ac bonas voluntates rerum, quae sunt, definitrices, & effectrices, per quas ille super substantialis Deus omnia, quae sunt, & praefinit, & in lucem protulit. Haec nobis a Graecis de ideis sunt tradita, a quibus Latini Philosophi, & Theologi mutuati sunt, se videntur, quae in scriptis de ideis reliquerunt. Inter quos Seneca Epistola. 66. ad Lucium sic ait. Plato praeter has quatuor causas, adiecit exemplaria, quod ipse ideam vocat, hoc est, in ad quod respiciens artifex id, quod destinabat, efficit. Nihil autem ad re-

utrum foris habeat, exēplār, ad quod referat oculos, an intus, quod sibi ipse concepit. Haec exemplaria rerum omnium Deus intra se habet, omnesque viuerforum, & quae agenda sunt, modosque mente complexus est plenius his figuris, quas Plato ideas appellat immortales, incommutabiles, & infatigabiles. Haec Seneca. Diuus etiam Augustinus has ideas posuit, ut in his, quae ex ipso supra adduximus, satis patet, quas in mente diuina, & non extra constituit, idemque Platone in se habuisse sibi idem affirmat.

¶ Nam rationibus probatur, ideas in mente diuina esse collocandas. **1. Ratio.** Primo. Omne agens per intellectum habet apud se rationem rei faciendae, quam cognoscit, ad quam, veluti ad exemplar rem efformat. Vnde Aristotel. 7. Metaphysic. inquit, ab arte fieri, quorum species est in anima, ut domus ad extra a domo ab intra, atque Deus producit res per intellectum, & artem, omnium enim est artifex, ut testatur scriptura: Deus igitur apud se conceptas habet rationes rerum, quas mente, & cognitione complectitur, iuxta quas, siue ad quatum exemplar easdem res efformat, atque constituit. Haec autem rationes uocantur ideas: sunt igitur ideas in diuina mente.

2. Ratio. Secundum. Deus non teinere, sed summa ratione operatur, igitur operatur iuxta ea, quae & praecogitauerat, & praefinierat multo melius, quam ceteri artifices: igitur sunt ideas rerum in diuina mente collocandae. Consequētia firmitas est: de sententia namque Diui Dionysij supra citati ideas praedestinationes quaedam sunt operum faciendorum, & bona Dei vo-

lūates. Alias rationes ad hoc ipsum probandum vide apud Aegydiū 1. 2. sent. d. 36. art. 2. q. 1.

Ex his sequitur, malē eos sensisse, quī ideas substantias quasdam a rebus separatas esse, putauerunt, quod Platoni Aristoteles adscripsit, cum tamen Plato ideas in mēte artificis, & effectoris omnīū statuerit iuxta sententiam Augustin. 1. 2. de ciuitate Dei cap. vltimō ita dicentis. Et si Deus, quod assidue Plato commemorat, sicut vniuersi mundi, ita cūctorum animalium species eterna intelligentia continebat, maximē admirandū est, quosdā Platonicos doctrina Platonis exultos, & eius institutis, ac placitis imbutos tanto errore fuisse captos, vt affirmauerint, ideas, quas Plato in mente artificis voluit esse cōstitutas, esse diuinissimam quandam; primamque deorum gentem, siue supremam angelorum hierarchiam, ad quorum effigiem Deus hęc inferiora componeret, atq. moderaretur. Quod figmentum tam distat a doctrina Platonis, quam ab ipsa veritate.

3. Concl.

Secunda conclusio. Idea non est diuina essentia secundum se, & absolute sumpta. Probatur. Quia idea in diuina mente plurificatur: quia secundum Augustin. supra allegatum non eadem ratione, id est, idea, conditus est homo, quia equus, sed alia, singula namque singulis rationibus format: sed diuina essentia secundum se nullo modo est plurificabilis: ergo diuina essentia secundum se non est idea.

Secundō. Idea est illud, quo cognito, alio quocunque per possibile, vel impossibile circumscripso, artifex rationabiliter operatur, sed huiusmodi

non est diuina essentia; quia si Deus per impossibile cognosceret suam essentiam, & non rem extra producendam, non posset rationabiliter operari, & rem extra producere: ergo diuina essentia secundum se non est idea: nec ipsa, vt cognita, rationem ideę habet, quatenus cognitio ad ipsam præcise terminatur, creaturam excludendo.

Tertia conclusio. Idea nō est quid aggregatum ex essentia, & respectu imitabilitatis. Probatur. Quia idea est vnum per se, & vnicam per se rationem habet: ergo non potest esse aliquid compositum ex absoluto, & respectu: hoc enim non est vnum per se, sed per accidens.

Quarta conclusio. Idea non includit in sua ratione respectū rationis, nec tanquam aliquid sibi essentiale, nec tanquam modum intrinsecum. Probatur. Prius intelligitur perfecta idea ratio in diuina mente, q̄ aliqua relatio rationis in diuina essentia, vel in ipsa intellectione intelligatur: ergo nulla relatio rationis in ratione ideę includitur, nec vt modus intrinsecus, nec vt quid essentiale. Consequentia est euidens: antecedens probatur. Cū primum diuina cognitio ad creaturam terminatur, intelligitur perfecta ratio ideę sū omnes: sed nunc nulla relatio rationis ad creaturam intelligitur in essentia, nec ī intellectione: ergo nulla talis relatio per se ad ideę rationē requiritur. Consequentia est nota. minorem probō: quia, vt articulo præcedenti conclus. 3. docuimus, prius terminatur diuina cognitio ad obiecta secundaria, quam aliqua relatio ad creaturas in diuina essentia, vt ratione cognoscendi, vel in ipsa intellectione concipiatur.

3. Concl.

4. Concl.

Et cōfirmatur. Quia relatio rōnis Dei, vt intelligentis, ad creaturas intellectus causatur per actū cōparatiuū intellectus, quo Deus se vt intelligentē creaturas, ad easdē cōparat, vt art. præced. diximus: sed hic actus cōparatiuus intellectus præsupponit actum rectū eiusdē ad creaturas terminatū, ergo prius diuina cognitio terminatur ad creaturas, q̄ in ea aliqua relatio ad ipsas creaturas cōcipitur: & tunc, vt diximus, iā pōt intelligi perfecta ratio ideæ: ergo in ratione ideæ nullus respectus rōnis quoquo modo intrinsecē includitur.

5. *Concl.* Quinta conclusio. Idea in mēte diuina est ipsamet creatura cognita. Hæc conclusio est Sco. & Doct. quos supra citauimus. Probat Sco. cōclusio uel hūc, ubi supra, in hunc modū. Rō ideæ quoad oēs eius partes conuenit creaturæ habenti esse cognitū in diuino intellectu: ergo creatura cognita est idea. Cōsequētia tenet a definitione ad definitū. Antecedēs sic ostēdit: quia lapis intellectus est ratio propria rei factibilis extra, sicut arca in mente est rō arcē in materia, estq; propria ratio, sūm quam arca in materia formatur: & hæc ratio est æterna existens in mente diuina, vt cognitū in cognoscente, per actū intellectus diuini: quia, quicquid est in Deo sūm quodcunq; est, siue rei, siue rationis per actum intellectus diuini, est eter nū, sicut & ipse actus est æternus. Ergo creatura cognita est ratio æterna in mēte diuina, sūm quam aliquid est formabile extra, vt secundum propriam rationem eius ergo tota ratio, & definitio ideæ ei comperit.

Secundo sic probat Durād. eandē conclusiōem 1. d. 36 q. 3. Idea est ratio rei existens apud intellectū obiecti-

uē, ad cuius imitationem aliquid est producibile, sed creatura intellecta a Deo se habet ad se ipsam, vt est producibilis ī re extra, vt ratio apud intellectum existens obiectiue, ad cuius imitationē res ipsa extra produ citur: ergo creatura hūc esse cognitū, & obiectiū ī Deo est idea sui ipsius, put hēt esse extra & in re productū.

Tertiō. Quemadmodum in mēte artificis insunt ideæ, & exemplaria omnium artificiatorum, sic etiam in diuina mente insunt ideæ, & exempla ria rerum omnīū creaturarum, & creā darum: atqui idea in mente artificis est ipsamet res artificialis, vt præcon cepta, nā, si hæc non est, nulla alia vi detur posse esse: ergo, &c.

Et cōfirmatur. Quia auctore Arist. 7. Meta. sanitas ī materia est a sanitate, q̄ est ī aīa: igitur idea in diuina mēte est ipsa res producta, siue produ cenda, vt præintellecta, siue vt præcō cepta. Accedit ad cōfirmationē: quia Plato, qui primus ideās appellauit, quidditates eas esse rerū dixerit, quas tñ de sententia Aug. Plato nō extra Deum posuit, quasi subsistentes, sed in ipsa diuina mente, quasi rerum rationes intellectas collocauit.

Sexta conclusio. Licet idea in mēte diuina sit ratio, ad cuius imitationem aliquid fit, non tamen est ratio cognoscēdi aliquid ipsi diuino intellectu. Probat. Idea ex præcedente conclusiōe est creatura cognita: ergo nō est ratio cognoscēdi, sed potius obiectum cognitum, seu terminus cognitionis. Et cōfirmatur. Quia sufficiētissima ratio distinctē cognos cēdi oīa est sola diuina essentia sū se considerata omni alio secluso: ergo idea nullo modo est cognoscēdi ratio, sed res ipsa cognita.

6. *Concl.*

7. Concl

Septima conclusio. In diuina mente est idearum multitudo. Probatur. In Deo sunt plures creaturæ præconceptæ, ut de se patet ergo & multitudine idearum. Patet consequentia. Quia ex præcedentibus creatura cognita est ideæ ergo si in Deo est multitudo creaturæ, præconceptarum, est & idearum multitudo.

ARGUMENTA
In principio articuli posita.

Ad primū dico q. maior est falsitas, ut patet ex texta conclusi.

Ad sū concedo maiorem. Ad minorem dico, q. licet Deus primo, & infinite intellē sit sapiēs per cognitionem suæ essentia in finitam, & ad solā essentiam, ut obiectū terminatā, cæterum non est oī modo sapiens, si eius cognitio ad ipsam creaturā non terminetur. Quia cū posset scire creaturam, si ipsam nesciret, non esset oī modo sapiēs, nec cū se ipsis sciret. Attamen esset sapiens infinite intellē per solam sapientiam suæ essentia, ut obiecta essentia. n. cognitio necessario est infinita, quia ipsa, ut sic, est infinite intelligibilis. Verū est ergo, q. nullus pōt esse sapiens quoad omnem sapientia plenitudinem nisi cognitis ideis, quæ sunt ipsæ creaturæ cognita. Et cum dicitur, q. idearum visio anima fit beatissima, respondēdo, hoc sanē debere intelligi: quia certum est, animā beatificari in solius Dei visione, et si nullam creaturā intelligat: siquidē diuina essentia, est obiectum tantummodo beatificum. Propter quod Aug. 5. confessionum dixit. Beatus est, qui te & illa nouit, nec propter illa beator. Est ergo intelligendus Aug. de eā beatitudine, quæ in creaturis, ut obiectis,

esse pōt. Idearū ergo visione anima fit beatissima nō primo, sed concomitanter: quia primo beatificatur in visione essentia: cōcomitanter vero in creaturis eā beatitudine, quæ in creaturis esse potest.

Sed obijciēs. Anima beatificatur in visione idearum, ut rationum videndi, & cognoscendi secundū August. ergo responsio, non satisfacit.

Respondēdo, id haudquaquā esse verum, ut supra docuimus. Et, si Aug. quæ loquitur de ideis, quasi sint rationes cognoscēdī aliquid pōt exponi non q. ly, sū, notet rationē formalem intelligendī (quia hæc est solā essentia, ut supra diximus) sed sū quas, ut sunt obiecta non prima nec mouentia intellectum, sed obiecta secundaria terminantia intellectum, sic, quod ly, secundum, solum rationem obiecti terminantis importet.

Ad tertū nego maiore, si de ideis sū se, & formaliter loquamur: quia sic solum habet esse obiectuum in intellectu, quod limites entis rationis non transcendit. Attamen, quia obiectum cognitū participatiuē dicitur habere idē esse, quod habet sua cognitio, ut in primo notabili pro opinione Doc. subtilis diximus: cōcedi pōt creaturā cognitā esse ens reale participatiuē, ac p. consequens, & ipsam ideā: quod sufficit ad hoc, ut ad ideā imitationē, quā virtute suæ essentia cognoscit, re efficere dicatur.

Sed ad huius rei pleniorē intelligentiam aduerte, q. cū dicimus, Deū intelligere per ideās, ly, per, pōt multipliciter accipi. Primo, ut dicat circumstantiā causā motiuz, sicut dicimus, q. Deus per suam essentia omnia intelligit. Secundo, ut dicat circumstantiam potentia cognitiua, sicut dici-

mus,

mus, qđ homo intelligit per intelle-
ctum. Tertiō, vt dicat circumstantiā
obiecti terminantis cognitionē: & in
hoc tertio sensu propositio hēt verū.
Idem dicendum de ly, secundum, cū
dicimus, Deum omnia, sū ideas pro-
ducere, ipsas respiciendo, vt ly, secū-
dum, solum circumstantiam obiecti
terminantis cognitionem importet.

Appendix dubitatio.

Sed est dubitatio scitu digna, an
Deus pater sit sapiens verbo seu
filio, vel per filium? Et videtur quod
sic, quia vnusquisq; est sapiēs sua sa-
piētia. Sed verbū est sapiētia Dei pa-
tris, vt docet Apostol. 1. ad Corint. 1.
ergo Deus pater est sapiens verbo.

Secundo. Filius est atq; quādā om-
nipotentis Dei, vbi omnia nouit, vt
docet August. 6. de Trinit. Sed vnus-
quisque artifex est sapiens sua arte,
ergo pater est sapiens filio.

Tertiō. August. 15. de Trin. ait, no-
uit Deus pater omnia in se ipso, no-
uit & in filio: sed idem est nosse om-
nia, & esse sapientem: ergo si oīa no-
uit in filio, non tm̄ se ipso est sapiens,
sed et filio. Et cōfirmatur. Quia Deus
pater oīa operatur p̄ filiū iuxta illud
ad Hebr. 1. per quem fecit & secula:
ergo similiter omnia sapit per filiū.

De hac re nō nihil diximus cōtr. 8.
& 17. in fine, vbi rationem assignaui-
mus ex mōte D. Aug. (ob quam hęc
propositio cōceditur a magistro. Fi-
lius est sapiens sapiētia ingenita, sci-
licet, Patre, hac vero negatur, pater
est sapiens sapientia genita, scilicet,
filio.) Quæ ratio sanē elegantissima
est, satisq; a nobis ibidem exposita.
& quāuis ea, quæ in prædictis con-
trouerfijs diximus, ad huius rei intel-

ligentiam sufficeret, ad maiore tamē
eius explicationē hanc dubitationē
in presenti loco inferendā cēsumus.
Circa quā vidēdus est Sc. in 1. d. 321.
q. 2. & quol. 1. in fine, similiter, & a-
lij Doctores Scholastici ead. distinct.
præcipuē tamen D. Bonauent.

Pro intelligentia huius dubitatio-
nis obserua primo, qđ memoria intel-
lectiua in doctrina D. Aug. & Doct:
Subtilis est intellectus cura obiecto,
intelligentia verō est intellectus a ctua
li intellectu in informatus, seu vt a-
ctu intelligēs. Dicitur autē aliquis in-
telligēs, & sū memoriā, & sū intelli-
gentiam. Intelligēs sū memoriā est
intelligens habitualiter, seu in actu
primo. Intell gēs sū intelligentiā est
intelligēs a ctualiter, seu in actu secdo.

Secundo obserua ex B. Bonauent.
vbi supra, qđ hęc propositio. Deus
pater nouit oīa in filio, est distinguē-
da, quia illa propositio, in cū suo cas-
suali pōt determinare hoc verbū, nō
uit, vel in comparatione ad subiectū
vel in comparatione ad obiectū. Pri-
mo modo est falsa illa propositio, nā
sensus eius est, qđ filius est patri ratio
cognoscēdi. Secundo vero modo est
vera, quia sensus est, qđ pater cognos-
cendo filium cognoscit in eo sicut
in obiecto oīa, quæ sunt in illo: Sic
dico cognoscere substantiam, cor-
pus, corpus animatum in homine,
quia cognoscendo hominem, in il-
lo, sicut in obiecto, ea cognosco.

Prima cōclusio. pater eternus non
indiget filio, vt se, vel alia a se intelli-
gat. Probatur. Quia ex August. 15. de
Trinit. c. 7. quælibet persona intelli-
git, & sapit sibi ipsi, & quælibet est
sua sibi ipsi sapientia, & sua intelli-
gentia: abique absurdissimum arbi-
tratur asserere, patrem esse sapientē

1. Concl.

per se sibi; ergo pater nullo modo intelligit filio, ut se vel alia a se intelligat.

Præterea, ut se ipsum intelligat, non indiget filio: ergo nec, ut alia intelligat. Consequentia tenet: quia id quod est sufficiens principium in patre, ut se ipsum cognoscat, esse potest in eo principium sufficiens ad cognoscendum alia. Antecedens probatur: quia pater, ut prior origine filio, cognoscit se ipsum non tantum per memoriam, id est, in actu primo, sed et per intelligentiam, id est, in actu secundo: ergo non eget filio ut se intelligat. Consequentia est euidens: antecedens probatur: quia consimilis est ordo patris ad filium in habendo intelligentiam perfectam, qualis est in habendo memoriam perfectam: quia vniuersaliter eiusdem per se est habere intelligentiam perfectam, cuius est habere memoriam perfectam: ergo sicut pater prius origine habet memoriam perfectam, quam filius, ita & perfectam intelligentiam: ergo, sicut pater ad cognoscendum se habitualiter non indiget filio, ita nec ad cognoscendum se actualiter. Præterea. Pater prius origine habet omnem perfectionem simpliciter, quam filius, quia pater habet illam a se, filius vero a patre: ergo prius origine habet intelligentiam perfectam, quam filius: ergo ad eam habendam non indiget filio.

2. Concl.

Secunda conclusio. Quamuis pater non erat filio ad intelligendum alia a se, non tamen illa intelligit, nisi productio iam filio. Probatur. Quia (ut supra controu. 11. docuimus) creaturæ non intelliguntur, nisi completo toto ordine productionis persona rum diuinarum ad intra: ergo non intelligit eas pater, nisi productio filio.

3. Concl.

Tertia conclusio. Cum hoc tamen in-

telligit eas pater prius origine quam filius. Probatur. Nam licet prout intellectio respicit creaturas, ut obiecta secundaria, non sit ordo in intelligendo inter patrem & filium: quia non prius illa intellectio, prout est a patre terminatur ad creaturas, quam prout a filio (sicut nec actio creandi, ut respicit productum, prius ponitur in esse a patre quam a filio:) Caterum est ordo originis in habendo principium illius intellectio: nam pater illud habet prius origine, quam filius, quia illud habet a se, filius vero a patre. Et in hoc sensu est intelligendus Scot. quod. 1. cum ait, quod pater, ut prior origine verbo, intelligit in se ipso omnia. Cum autem ait, patrem prius nosse omnia in se, quam in filio, id potest intelligi bifariam. Vno modo, quia a se habet principium intelligendi, filius vero a patre. Altero modo, quia per motionem essentie æqualiter mouentis, & æque primò in tribus ad cognitionem creaturarum eas intelligit, & ita prius intelligit eas in se ipso, quam ut in filio, tanquam in obiecto intelligibiliter actu eas contingente. Et in hac significatione non prius eas intelligit pater, quam filius, licet prius intelligat eas pater in se ipso, quam in filio, ut in obiecto eas contingente actu intelligibiliter non enim sunt creaturæ intelligibiliter actu in verbo, nisi habitæ a tribus intelligentiis. Essentia ergo diuina iam in tribus existens mouet ad cognitionem creaturarum in qualibet persona ita bene, ac si in sola una esset: per cuius motionem in se ipsa qualibet ex personis cognoscit creaturas prius, quam in alia.

Ad primum distinguo maiorem. Nam sapientia potest dici alicuius bifariam.

fariam. Primò sicut subiectis: vt albedo dicitur Petri: secundo sicut principij. Nunc dico q̄ maior est vera primo modo: sed nō sic verbū est sapientia patris, sed secundo modo. In qua significatione nullus dī sapiens per sapientiā suā. Nō. n. Petrus est sapiēs per filium sapientem, quem genuit.

Ad sū rñdeo cū Doctore subtili quol. i. in fine, & quol. 8. ē in fine, q̄ q̄libet p̄sona diuina, sicut est creatrix, sic est artifex. Et cū sit simplex ī qua nō differt hñs, & id qd hñs, quālibet est ars, & æque particularis & æque actualis: ceterum ars appropriatur verbo pp̄ suæ processions modū: diciturque ars patris, eo modo, quo dicitur lumen patris: dicitur aut lumen patris sū Aug. ibidem, quia est lumen de lumine. Et ita ars patris dī, quia est ars de arte. Vnde nō est verbum ars patris, vt forma, sed vt ab eo producta: sicut dicitur sapientia patris, quia est sapientia a patre genita. Quō autem dicatur pater omnia nosse in filio, patet ex notabili secundo.

Ad tertiū patet ex notabilē secundo, & ex dictis in explicatione cōclusionū. Ad cōfirmationē dico, disparē esse vtriusq; loquutionis rōnem. Nā in prima significatur authoritas principij ipsius patris ī ordine ad filiū, s. q̄ filius operetur per potentiā a patre acceptā. In secūda vero significatur, vel q̄ filius sit patris sapientia, vt forma, vel vt principij. Et in vtroq; sensus est falsus: illa vero alia est vera, quia filius a patre potentiā operandi hēt.

primarium intellectiōis, a quo per se dependet intellectiō, necessario ipsi intellectiōi præsūponitur, nō tamen obiectum secundarium, præsertim si per ipsam habet esse: sicut accidit in Deo, vbi creaturæ, & alia a Deo, quæ ab ipso cognoscuntur, per ipsum intelligendi actum habent esse cognitum. Diuina ergo intellectiō necessario supponit primarium obiectum, scilicet, diuinam essentiam: nō tamen secundarium, vt puta, alia a diuina essentia.

Ad secundum dico, quod obiectum diuini intellectus est duplex: aliud primarium, quod est essentia: aliud vero secundarium, quod est creatura. Primum est motium, & terminatiuum diuini intellectus: secundum vero est obiectum terminatiuum, & nullo modo motium. Potentia ergo nō potest excedere suū obiectum terminatiuum, sed necessario ei adæquatur: ceterum obiectum motium tantum bene potest excedere, quia virtute eius in aliud obiectum terminatiuum tantum tendere potest. Diuinus ergo intellectus non potest excedere obiectum terminatiuum eius, quia omne intelligibile sub eo cōtinetur: nec potest excedere obiectum motiū sic, quod ab alio, quam ab eo moueatur: quia vilesceret, si ab alio, quam a sua essentia moueretur: quicquid enim intelligit, virtute diuinæ essentia intelligit, ipsa enim est ratio repræsentandi omnia.

Ad tertium dico, sensum Aristotelis esse, quod nihil aliud a se extra se intelligit, sed se, & omnia alia intelligit in se ipso.

AD ARGUMENTA in principio controuersita.

Ad 1. **A**D primum nego maiorem. Ad probationē dico, quod obiectū

CON:

CONTROVERSIA TRIGESIMA.

An Deus cognoscat futura contingentia?

1. Arg.



ARS negativa probatur: quia omne scitum a Deo necessario euenit, sed nullum futurum contingens euenit ex

necessitate, ergo nullum futurum contingens est a Deo scitum. Consequētia est nota cum minori, quæ ex proprijs rationibus terminorum est manifesta, maior verò probatur. Accipio aliquod futurum, vt puta: Petrus curret cras, aut ergo necessario curret, aut possibile erit, eum non currere. Si necessario curret, habetur propositum: si verò non necessario, sed possibile est, eum non currere, ponatur in esse (quia possibili posito in esse, nullum sequitur inconueniens) ergo iam Deus decipitur, vel possibile est, eum decipi: quod prorsus repugnat, ergo dicendum, quod omne scitum a Deo necessario eueniet.

IN hac controuersia sic procedam. Primò inquiram de quæsito, an, scilicet, Deus cognoscat futura contingentia. Secundò, an futura contingentia secundum suam realē existentiam sint Deo præsentia in aternitate. Tertiò, an Deus habeat determinatam, certam, & infallibilem notitiam omnium quoad omnes conditiones existentia eorum. Quartò, an habeat immutabile omnium cognitionem. Quintò, an necessario sciat omnem conditionem existentia. Sextò, vtrum cum certitudine di-

uinæ scientia possit stare rerum contingentia. Vltimò ad rationes.

ARTICVLVS PRIMVS.

An Deus cognoscat futura contingentia.

Quantum ad primum articulum pars affirmatiua est: certissima secundum fidem: etenim regius vates Psal. a 38. futurorum contingentium præsentia, atque præscientiam Deo attribuit in hunc modum. Intellexisti cogitationes meas de longe, & oēs vias meas præuidisti. Ecce tu Domine cognouisti omnia nouissima, & antiqua. Id est: quæ in posterum futura sunt, & quæ retro actis sæculis præterierunt. Item Isaie 48. ita dicitur: Prædixi tibi ex tunc, antequam venirent indicaui tibi. Et sapientia 8. de diuina sapientia sic scriptum legimus: Signa, & monstra scit, antequam fiant. Et Ecclesiastici 39. sic habetur: Non est quicquam absconditū ab oculis eius: a sæculo, & in sæculum respicit. Ratione sic probatur: Deus cognoscit futura, cum in esse sunt, ergo & antequam fiant: alioquin diuinæ cognitioni aliquid accresceret. Probo antecedens, quia Deus omnia operatur ad extra, vt artifex, artifex vero rem, antequam illam efficiat, præcognoscit: aliter enim irrationabiliter operabitur.

A R-

ARTICVLVS II.

An futura contingentia secundum suam realem existentiam sint Deo presentia?

1. *Arg.* Circa secundum articulum videtur, qd futura contingentia sint Deo presentia in aternitate secundum suam realem existentiam. Primo. Aternitas est simplicissima mensura diuini esse, & diuinae operationis, & ambit omne tempus prateritum, & futurum: ergo omnia, quae mensurantur aliqua differentia temporis prateriti, aut futuri, sunt iam in aternitate. Explicatur haec optimo exemplo, ut quidam ait Thomista. Anima rationalis est forma indiuisibilis, & spiritalis, & tamen coexistit tota simul singulis partibus corporis humani proprii excellentiam, & perfectionem. Ita similiter aternitas est mensura simplicissima, & indiuisibilis, quae tamen propter sui eminentiam coexistit tota simul omnibus differentiis nostri temporis. scilicet prateriti, atq; futuri: & ex consequenti omnia, quae fuerunt, vel essunt coexistunt nunc aternitati.

2. *Arg.* Secundum. Si res prateritae non sunt modo in aternitate, sed fuerunt: & similiter, si res futurae non sunt, sed erunt in aternitate: sequitur, qd in aternitate sit successio, sed consequens est omnino falsum, ergo & antecedens, ex quo sequitur.

3. *Arg.* Tercio. Quaelibet res existens in qualibet parte temporis coexistit realiter diuinae intellectiioni, & volitioni, qua Deus vult efficaciter rem esse, vel fieri pro tali, vel tali tempore, sed haec volitio est aeterna, & in aternitate, ergo similiter res illi presentes.

4. *Arg.* Quarto. Si totum tempus esset simul,

nunc eternitatis esset sibi toti praesens, & cuilibet parti eius ratione illimitationis, & infinitatis suae: sed nihil deperit aternitati per hoc, quod tempus non est simul: ergo propter hoc non definit esse simul praesens toti tempori.

Quinto. Sicut diuina immensitas se habet ad omnem locum, sic & diuina aternitas ad omne tempus: sed Deus ratione suae immensitatis est praesens omni loco, & omnis locus sibi, ergo similiter ratione suae aternitatis erit praesens omni tempori: & omne tempus prateritum, & futurum sibi erit praesens.

Sexto probatur auctoritatibus.

6. *Arg.* Prima est Augustini lib. octuaginta trium quaestionum, quaest. 37. vbi dicit, quod apud Deum nihil est praeteritum, & pari ratione nec futurum, ergo omnia sunt realiter praesentia. Et 15. de Trinitate, cap. 7. Ista quae dicuntur praeterita ibi non praeterierunt: nec illa, quae dicuntur futura, quae desint, ut veniant, expectantur, sed omnia praesentia cogitantur. Tertia est Anselmi lib. de concordia praescientiae, & liberi arbitrii, cap. 2. vbi dicit, qd, sicut praesens nostrum claudit omnem locum, sic aeterno praesenti simul clauditur omne tempus: ergo, sicut omnia loca sunt realiter praesentia, & coexistunt nostro praesenti: ita & omnia tempora aternitati. Quarta est Isidori de summo bono lib. 2. cap. 6. vbi dicit. Nihil in Deo praeteritum, nec futurum, sed omnia praesentia Deo dicuntur, quia aternitate sua cuncta complectitur: ergo omnia sunt in eternitate Deo praesentia.

In hac questione est duplex opposita opinio. 1. *Opinio.* Prima est Beati Thomae 1. par. quaest. 1. art. 13. differentis, omnia, quae existunt in aliqua temporis differentia, esse Deo secundum propriam existentiam.

stentiam, & aſualitatem præſentia. Idem tenet Caietan. eodem artic. & Capreolus in primo diſt. 38. quæſt. vna. Ferrara primo contra gentes cap. 67. Contraria ſententia eſt Scoti in primo diſt. 39. littera B. quâ omnes alij Doctores amplectuntur adeo, vt opinionem Beati Thomæ falſam, & omnino impoſſibilem, ac inintel- ligibilem arbitrentur.

EXPLICATIO opinionis B. Thom.

1. *Nota.* **P**ro intelligentia opinionis Beati Thomæ, prout a Caiet. exponitur, obſeruandum primò, qd coexiſtere æternitati, formaliter loquēdo, abſtrahit a præſentia cogniti ad cognoscēte. Quia ſi æternitas eſſet res non cognoscitiua, & lapis quandoq; eſſet: eſſet ibi vera præſentia, ſiue coexiſtentia lapidis cū æternitate abſq; aliqua cognitione, ergo coexiſtentia rei ad æternitatem non includit præſentiam cogniti ad cognoscentem, ſed ab ea abſtrahit.

2. *Nota.* Secūdo notat Caiet. qd Dnus Thomas loco ſupra citato, cū ait, omnia eſſe præſentia in æternitate, vel æternitati: non loquitur de præſentia rerum ſecundum eſſe obiectiuum, vel potentiale, quod habent in Deo, ſed ſecundum eſſe actuale eorum ita, qd omnia futura ſibi ſuum eſſe exiſtētia proprium, & actuale, quod habent extra ſuas cauſas, coexiſtunt actu, & ſunt præſentia æternitati. Exempli cauſa. Antichriſtus, qui nobis futurus eſt, iam actu coexiſtit æternitati: ſimiliter, & omnia præterita reſpectu noſtri, coexiſtunt nunc æternitati.

3. *Nota.* Tercio aduertit Caiet. quod reſtēporales eſſe præſentes æternitati pōt

intelligi dupliciter. Primo ita, qd in quolibet nunc temporis ſint æternitati præſentes adeo, qd coexiſtentia cuiuslibet rei ad æternitatem menſuretur quolibet instanti noſtri tempo- ris ſic, qd in quolibet nunc temporis verum ſit dicere. Nunc Antichriſtus coexiſtit æternitati. Alio modo poteſt intelligi ſic, qd in quolibet nunc æternitatis ſint æternitati præſentes, ita, qd in quolibet nunc æternitati ſaluetur coexiſtentia cuiuslibet rei ad æternitatem.

Nota quarto, qd licet æternitas, & 4. *Nota* tempus in hoc conueniant, qd ambo accipiuntur, tanquam menſura durationis rei: differunt tamen, quia tempus eſt menſura rei ſucceſſiuæ, & diuiſibilis: ſ. motus: æternitas verò eſt menſura eſſe indiuiſibilis, quod eſt eſſe diuinum. Ex hac differentia ſequitur alia: quia enim motus, qui menſuratur tēpore, diuiditur in partes ſucceſſiuas, quarum vna recedēte, alia ſuccedit, & vna exiſtente, alia expectatur: oportet, vt & tempus ipſum diuidatur in cōſimiles partes, in tales, ſ. quod aliqua ſit præterita, & aliqua futura. Oportet. n. propriam menſuram eſſe proportionatā menſurato: æternitas verò, quia menſurat eſſe indiuiſibile totum ſimul exiſtēs, non diuiditur in plures partes, quarum vna ſit præterita, & altera futura, ſed tota ſimul coexiſtit, & ſe habet, ſicut quoddam nunc, & ſicut duratio indiuiſibilis ſemper ſtans, & ſemper præſens, nullamq; variationem ſuſcipiens. His prænotatis ſententia Dni Thomæ duabus clauditur concluſionibus.

Prima cōcluſio. Ea, quæ in aliqua tēporis differentia actu exiſtunt, nō coexiſtunt æternitati pro quolibet nunc

nunc tēporis nostri. Probatur. Quia, si pro quolibet nunc temporis Antichristus, verbi gratia, coexisteret aternitati: coexisteret instantibus temporis tam prateriti, quam futuri, & etiam pro nunc temporis nostri, sed hoc est euidentissime falsum, ut de se patet: ergo res non coexistunt eternitati pro quolibet nunc tēporis nostri. Item verum esset dicere. Nunc Adam exiit, & habet esse: quod est rationi profus contrarium.

Secunda conclusio. Omnia, quæ sunt, fuerunt, & erunt, coexistunt aternitati sic, quod in quolibet nunc aternitatis ei coexistunt. Ratio est, quia nunc aternitatis non potest distinguui in plura, nec in prateritum, & futurum, sed est vnum nunc indiuisibile: ergo omnia, quæ in aliqua temporis differentia sunt, ei coexistunt: quia idem nunc aternitatis manet semper ex notabili vltimo.

Tertia cōclusio. Omnia, quæ sunt, fuerunt, & erunt, coexistunt nunc in aternitate. Hæc conclusio probatur rationibus in principio huius articuli pro parte affirmatiua adductis. Hæc opinio Beati Thomæ illustrari potest nonnullis exemplis. Primum exemplum est de centro & circulo, in quo omnes lineæ a centro vsque ad circumferentiam si comparentur inter se, sunt distantes, & non dicuntur coexistentes, si continuè moueantur & fluant: & tamen relatæ ad centrum omnes dicuntur coexistere respectu illius. Quoniam cētrum vnū cum sit, tangit vniuersa simul, & est præsentiſſimum illis quantumcunq. illæ sint distantes. Ita igitur dicendum est, quod licet vniuersæ res, prateritæ, præsentes & futuræ, inter se colatæ & comparatæ, non coexistent:

quia futurum non coexistit praterito in sua propria mensura: ceterum si futura, & praterita referantur ad nunc aternitatis, quod ambit vniuersas temporis differētiās, & mensuras quantumcunq. distantes, in illo nunc aternitatis Antichristus & omnia alia coexistunt cum Adam.

Secundum exemplum est B. Thomæ primo contra gentes c. 66. fingamus (inquit) puncta, quæ sint in aliqua circumferentia: & esse quidē labentia & fluentia, ut instantia tēporis fluunt: & fingamus punctū quod est in centro, esse permanentē, tūc pūcta illa quæ sunt in circumferentia coexistunt centro, quamuis inter se nō coexistent, quia fluunt & labuntur. Similiter, inquit, quāuis futura contingentia non coexistent inter se, pos sunt tamen coexistere eternitati.

EXPLANATIO opinionis Doct. subtilis.

AD intelligentiā opinionis Doctoris subtilis, quæ, ut diximus, est fere omnium Doctorum, primo obseruare oportet, duobus modis posse esse rem aliquam præsentē potentie cognitrici. Primo in esse intelligibili, & obiectiuo: sic domus est præsens intelligenti, cum eā per suā speciem cognoscit. Secundo in esse reali actuali, quo modo domus, quā oculis cerno, & digito demonstrō, est præsens potentie cognitiuæ.

Secundò obserua, quæ eternitas, quæ controuersia quinta, & vigeſima sexta depinximus, secundum aliquos Thomatizantes comprehendit omne tempus, ita, quod in ipsa omnes differentie temporis continentur. Quod sic ostendunt. Quemadmodum

dum se habet locus communis ad proprium, ita se habet aternitas ad quacumq; differentiam temporis. Quoadmodum enim locus communis se habet, vt excedens ad locum proprium, ita, q; ipsum sub se, & alia loca continet: ita etiam eternitas se habet ad tempus, vt mensura excedens: sed sub loco communi, veluti sub celo, continetur quilibet locus proprius, ergo sub aternitate continetur quodlibet tempus, sicut propria, & particularis mensura sub communi, & excedenti. Ex quo inferunt primo, quicquid sub aliqua temporis differentia continetur, siue praesenti, siue praeterita, siue futura, sub eternitate contineri: quemadmodum, quacumq; continentur sub aere, sub celo continentur. Inferunt secundo, quaecumq; sunt in tempore aliquo, siue praesenti, siue praeterito, siue futuro, esse in aternitate, sicut, quae sunt in aere, sunt in celo, itaquam in loco communi inadaequato, & excedente. Inferunt tertio, omnia contineri, & esse in tota aternitate. Nam, cum aternitas non habeat partes, sed sit tota simul: hinc fit, vt dici non possit, vnam rem esse in vna parte aternitatis, & aliam sub alia: sed q; conuenientissime dicatur, omnia contineri, & esse in tota aternitate. Haec dicunt Thomistae: sed se vera sua eos fallit imaginatio. Nam licet verum sit, tempus omne praeteritum, praesens, & futurum sub aternitate contineri eminenter, & virtualiter: falsum tamen est, actu esse in, vel sub aternitate. Quia, cum tempus praeteritum, & futurum nullam habeat existentiam, nec in rerum natura sit: nullatenus sub aternitate esse possunt. Verum est tamen, q; si tempus praeteritum, & futurum (etiam infinitum actu) essent

actu in rerum natura: sub aternitate continerentur, eisq; coexisteret aternitas. Nam aternitas hanc vim, & naturam habet, vt cuicumq; durationi actu existenti tota simul coexistere possit: ceterum durationi possibili non coexistit, quousque in esse ponatur. Et probatur a simili: immensitas non coexistit, nisi loco actu existenti, & non possibili: ergo similiter eternitas non coexistit, nisi tempori existenti. Ita Scotus dist. 39. primi sent. paulo ante finem. Illud etiam de mensura communi, & propria fallit eos: induco argumentum ad oppositum. Locus communis non continet actu, nisi loca propria actu existentia: ergo nec aternitas continet sub se, nisi durationem actu existentem. Patet consequentia. Quia, sicut se habet locus communis ad proprium, ita eternitas ad tempus, sed locus communis non continet, nisi loca actu existentia, ergo nec aternitas, nisi tempus actu existens. Ex his inferitur, quod illa duo priora conclusaria, quae illi Thomistae inferebant, sunt omnino falsa. Tertium vero conclusarium concedi potest in sensu ibi exposito, quia scilicet, aternitas nullas habet partes, sed est tota simul. Quamuis concedi haud possit, quod aliquid creatum in tota eternitate fuerit: sic q; semper aternitati coexistit: tunc enim concedendum esset, quod aeterno habuisset esse: quod fidei contrariatur.

His ita constitutis prima sit conclusio. 1. Concl.
Omnia sunt Deo praesentia secundum esse intelligibile, & obiectiuum. Haec conclusio est communis animi consensus, quam articulo sequenti demonstrabimus.

Secunda conclusio. 2. Concl.
Quaetura coexistentia, quae in tempore futuro sunt: habi-

habitura esse existētiē extra suas causas, non sunt nōdē actū in aternitate, nec Deo coexistunt. Conclusionē hanc tenet Scotus loco supra citato. & omnes Doctores scholastici in primis, alij distincti. 38. alij vero distincti. 39. cuius veritatem his rationibus ostendit. Primo: Sed suppono, quod locus possit esse et in infinitū, & q̄ Deus continue augeat locū, nunc sic: Immenitas Dei non esset si ratio coexistendi alicui loco in aliquo nūc, nisi talis locus existeret actū: loco enim potentiali, & non existenti nō coexistit Deus, ut de se patet. Nam alias ante mūdi productionē fuisset Deus ipsi modo præsens, qd implicat, similiterg; dici posset, q̄ coexistere tione immensitatis suae locis possibili: quod tamen a nemine conceditur: ergo par ratione aternitas non erit Deo ratio coexistendi, nisi tempore, & durationi iam pro nunc existenti. Nec valet dicere, q̄ tempus futurū iam aternitati coexistit, licet non pro isto nunc tēporis: quia sicut loco potentiali, & pro nunc nō existenti, Deus ratione suae immensitatis non coexistit: ita nec tēpori, aut rei futurae, quae pro isto nunc nō est, potest Deus ratione suae aternitatis coexistere. Patet consequentia, Quia tāta est immensitas Dei respectu loci, quāta est aternitas respectu tēporis.

2. Ratio.

Secundō. Fundamentum relationis realis actualis est aliquid vere, & realiter existens: sed praesentia realis actualis creaturae ad Deum est ratio vere realis, & actualis, ergo si creatura futura, ut sic, veluti Antichristus, est nunc in aternitate praesens secundum proprium suum esse, erit res actu existens nunc in aternitate: quod non est intelligibile, quia si iam

actu existit, iam est vere producta. Consequentia cum minori nota est: Maior verō ostenditur. Quia esse relationis est a fundamento: Ergo si relatio est actualis & realis, similiter & fundamentum: & per consequens si fundamentū nō est reale & actuale, similiter nec relatio erit realis & actualis, quia, ut dixi, esse relationis est a fundamento. Cum ergo creatura futura non sit actu ens reale: nō potest fundare relationem in reale actualem coexistentiae suae ad Deum. Tertiō. Coexistētia realis, & actualis praesupponit existentiam realem actualem, sed creatura futura nō existit actu, ergo nō coexistit Deo. Probō minorem. Quia iam non esset futura, haberet enim esse extra suas causas. Respondent Doctores contrariā sententia minorem concedentes, scilicet, creaturas non existere in tempore nobis praesente: ac per consequens pro tempore nobis praesente nō coexistere aternitati, sed pro tempore, in quo verum est de illis dicere, q̄ sunt. Hae res pondio non evadit difficultatem. Nam, si pro isto instanti coexistenti aternitati res futura nō est, sed pro tempore futuro, in quo erit: ergo nunc non coexistit aternitati, sed tunc, quando erit. Quariō. Si sessio mea futura non solum quoad entitatē, quam habet in esse obiectivo, & intelligibili, sed etiam quantum ad entitatem, quam habet in esse existētiā, est nunc praesens aternitati, ergo nunc est producta a Deo in illo esse existētiā: aliter enim non poterit esse ei praesens secundum suam propriam existentiam, sed istam sessionem Deus producet in esse crastina die, ergo idem bis producitur.

Ratio.

Ratio.

Quintō.

1. Ratio.

Quintò, Respectu primæ causæ habet Antichristus esse in se ipso, & in existētia actuali, ergo simpliciter est in se, & in actu: ergo impossibile est in tempore futuro poni in actu, & produci. Prior consequentia probatur. Quia respectu nullius habet verius esse, quā respectu primæ causæ. Vnde, quod respectu primæ causæ dicitur tale, simpliciter potest dici tale. Posterior vero consequentia patet. Quia, quod habet simpliciter esse, non potest in eodem esse produci, quia tunc idem bis produceretur: & cum esset, de non esse ad esse transiret, quod implicat.

4. Ratio.

Sextò, Opposita sentētia innititur huic fundamento, scilicet æternitatem sub se actu continere omne tempus, siue præteritum, siue futurum: sicut locus communis continet proprium, quod falsum esse supra ostendimus, ergo non est tenenda.

7. Ratio.

Septimò, Huiusmodi sentētia ponit omnia Deo coexistere, & esse præsentia propter diuinæ cognitionis certitudinem: sed ad hoc ista positio nihil iuuat, ut articulo sequenti demonstrabimus; ergo nullatenus debet admitti.

Dicimus ergo, Deum ratione suæ æternitatis non coexistere nunc rebus futuris, sed tunc, quando erunt, & hoc absq; sui mutatione, & si actu essent, iam eis absque dubio coexistere. Vnde Deus per suam æternitatem, sine aliqua successione sui, est rebus omnibus præsens: sed non sine successione rerum. Sicut absque suæ immensitatis detrimento locis, quæ de nouo fierent, adesset, sed non sine locorum variatione, & successione. Falluntur ergo Doctores contrariæ opinionis arbitrantes, Deum ratione suæ

æternitatis iam rebus futuris coexistere, ac si essent actu. Non enim hoc ad æternitatem spectat, sed solū ipsis coexistere, dum sunt: & si duratio infinita extensiuè esset actu, posset eis simul coexistere. Vnde istæ sunt falsæ: Antichristus est actu in æternitate: Adam actu existit in æternitate. Sed istæ veræ sunt: Antichristus erit in æternitate: Adam fuit in æternitate. Idem iudicium est de omnibus, quæ futura sunt, & quæ fuerunt, & iam non existunt.

Sed dices. Æternitas ambit omne tempus, ergo omnia existunt in æternitate.

Respondeo, quòd licet æternitas coexistat omni tempori iam existenti, & possit etiam infinito temporis actu esset, coexistere, propter quod dicitur ambire omne tempus: eorum non sic ambit, ut actu sit in tempore futuro, vel (ut melius loquar) actu coexistat tempori futuro, ita, quòd tempus futurum actu sit sub ea, quod ob defectum existentia temporis futuri accedit. Vnde non valet illa consequentia, ac proinde est neganda.

A D A R G V M E N T A
in principio articuli posita.

AD primum ex dictis satis patet, quoniam pacto æternitas ambiat omne tempus: non quidem, quod simul omni tempori actu coexistat, sed tunc, quando in esse ponitur. Dicitur tamen ambire omne tempus, quia, dum est, ei coexistit, & est talis naturæ, quòd si infinitum tempus esset actu, ei actu coexistere. Dicitur autem simplicissima mensura, quia est tota simul, & independens, om-

nem variationem, ac successionem penitus excludens. Ad confirmationem respondeo, quod animæ illimitatio cernitur in hoc, quod tota simul coexistit toti corpori, & cuilibet eius parti, quæ actu est pars eius. Cæterum, quamvis illimitata sit, non poterit coexistere partibus non existentibus actu, quia implicat. Sic in proposito. Illimitatio æternitatis cernitur in hoc, quod nunc ipsa tota simul coexistit cuicunque tempori existenti actu, & omnibus rebus habentibus veram existentiam. Et præterea, quia ex natura sua nata est coexistere durationi infinitæ, si illa daretur actu: simplicitas vero eiusdem æternitatis cernitur in hoc, quod (vt dixi) sine sui successione omnibus coexistit. Attamen, sicut implicat animam rationalem coexistere parti sui corporis non existenti actu: ita repugnat, æternitatem coexistere nunc rei non habenti esse actu, cuiusmodi sunt omnia futura contingentia.

Ad 2.

Ad secundum nego sequelam, illa enim successio non est in æternitate, sed in rebus, quæ ipsi æternitati semper existenti succedunt. Et patet a simili. Nam ferè omnes concedunt, ævum, quod Angelorum est mensura, esse indivisibile, & invariabile ex sui natura, cui tamen successivè tempus nostrum coexistit: quia successio non in ævo, sed in tempore nostro invenitur. Ita in proposito.

Ad 3.

Ad tertium dico, quod creatura est præsens ab æterno ipsi Deo, non realiter, & in se ipsa, sed in esse cognito, & volito: & est disposita creati in tempore per divinam volitionem. Et licet ab æterno voluerit rem creare: sed non pro æterno, sed pro illo tempore, in quo illam creavit. Et ita non

sequitur: Volitio, qua Deus voluit re hanc creare, est æterna, ergo & res creata: quia non voluit eam creare, nisi pro tempore, quo illam creavit.

Ad quartum concedo maiorem, Ad 4. & minorem, & nego consequentiam. Ratio est, quia illud non provenit ex æternitatis defectu, sed ex eo, quod partes temporis nequeunt esse simul: propter quod nullatenus potest eis simul coexistere.

Ad quintum dico, quod Deus ratio 5. suæ immensitatis non est præsens realiter alicui loco, nisi existenti, nec è conuersa nec æternitas coexistit, nisi temporis existenti.

Ad omnes autoritates unica solutione fit satis. Dico enim, quod non intelligunt sancti, omnia esse Deo secundum rem præsentia, sed secundum esse obiectivum, & cognitum: omnia enim in se ipso videt, & intuitur.

ARTICVLVS III.

An Deus habeat determinatam, certam, & infallibilem notitiam omnium quoad omnes conditiones existentia eorum?

Circa tertium articulum pars negatiua his argumentis verosimilis redditur. Primo, quia secundum Philosophum primo perihermenias capitul. ultimo in futuris contingentibus non est determinata veritas, ergo nec scibilitas determinata: ergo nec intellectus habet de eis notitiam determinatam.

Confirmatur argumentum per rationem Aristotelis ibidem. Quia, si in futuris contingentibus esset determinata veritas: non oporteret consilari,

Si nec

nec negotiari. Ergo similiter, si est aliqua notitia determinata de aliquo futuro contingenti: non oportet negotiari, nec preconsiliari, quia, siue cōsiliemur, siue non, eueniet.

2. Arg.

Secundo. Potentia Dei, si esset limitata ad vnā partem, esset imperfecta: ergo eodem modo, si ita sciat vnā partem, quod non aliam, erit limitatus secundum scientiam. Consequentia tenet. Antecedēs probatur. Quia, si Deus ita posset hoc, quod non posset eius oppositum: esset potentia limitata, & non haberet omnipotentiam.

3. Arg.

Tertiō probō, quod non habet infallibilem notiam futurorum. Deus potest decipi circa futura contingentia, ergo non habet infallibilem notitiam de eis. Consequentia est nota. Antecedens probō. Quia bene sequitur: Deus nouit me sessurū cras, & non sedēbo cras, ergo decipietur. Ergo a simili bene sequitur: Deus nouit me sessurū cras, & possum non sedere cras, ergo Deus potest decipi. Prima illatio satis constat, quia credens, quod non est in re, decipitur: secunda uero illatio sic ostenditur. Quia, sicut ad duas de inesse sequitur conclusio de inesse ex vna de inesse, & altera de possibili sequitur conclusio de possibili.

In hac quæstione pars affirmatiua est concors Doctorū sententia: sed circa modum, quō Deus hanc notitiam determinatam, accertam de rebus futuris habeat, est multiplex dicendi modus. Primus est Beati Thomæ prima parte, quæstione decimaquarta, articulo decimotertio, asserentis, Deum determinate, & infallibiliter cognoscere futura contingentia per hoc, quod sibi in æternitate

sunt in seipsis, & in proprijs naturis præsentia.

Secundus modus est Beati Bonaventuræ in primo, distinctione trigesima quinta, & trigesima nona, affirmantis Deum habere certam futurorum cognitionem quoad omnes eorum conditiones in actuali existentia per ideas, quæ ex sui perfectione representant ea, quorum sunt, non solum secundum se totum, sed etiam secundum omnem rationem, & habitudinem extremorum, non solum necessariam, sed contingentem.

Tertius modus est Scotti in eodem primo, distinctione trigesima nona, & in quodlibetis quæstione decima quarta: in quibus locis affirmat, Deū certo cognoscere futura contingentia: quia determinationem suæ voluntatis circa ea euidenter videt.

2. Modus dicendi.

3. Modus dicendi.

EXPLANATIO opinionis B. Thom.

PRO intelligentia opinionis Beati Thomæ obseruandum, quod contingens aliquod bifariam considerari potest. Primō, in seipso, secundum quod iam est in actu: cuiusmodi est mea sessio in actu posita. Et hoc modo non consideratur, ut futurum, sed ut præsens: nec ad utrumlibet contingens, sed ut determinatum ad vnum. Et futurum contingens sic acceptum cognitionis infallibilis obiectum esse potest. Nam sessio Petri sensui visus obiecta infallibiliter cognoscitur.

Secundo modo potest considerari contingens, prout est in sua causa: & hoc pacto consideratur, ut futurum, & contingens nondum determinatum ad vnum, quia causa contin-

1. Nota.

1. Modus dicendi.

tingens ſe habet ad oppoſita : & hoc pacto conſideratum contingens nō poteſt certo cognoſci propter indeterminatōem ſuæ cauſæ ad ipſum, & ad oppoſitum.

indeterminationē, quæ ſcientiæ certi tudinē impedire poſſet, excludentia.

Tertia conſuſio. Deus nō cognoſcit præciſe futurū contingens, prout eſt in ſuis cauſis indeterminatis. 3. Concl.

2. Nota. Secundo obſerua ex Caietano, q. contingens, vt futurum, non habet eſſe, niſi in ſuis cauſis. Poteſt autem ad ſuas cauſas dupliciter comparari, Primo, vt indeterminatas ad producendum ipſum, vel eius negationē, Secundo, vt determinatas ad illius prædictionem magis, quam oppoſiti, vel cum excluſione oppoſiti. Primo modo (inquit Caietan.) non ſumuntur, vt futura, ſed vt futura contingentia: futura verò ſecundo modo ſumuntur quidem, vt futura, ſed declinant a contingentia, ſecundum quod determinatio cauſarum ad alteram partem magis, vel minus, vel totaliter exigit.

Probat. Diuina cognitio reſpectu cuiuſcunque eſt certa, & infallibilis, ſed futurum contingens ſub illa ratione non poteſt certo, & infallibiliter cognoſci: ergo Deus non cognoſcit futurum contingens præciſe ſub ratione illa. Maior propoſitio nota eſt: nā alioquin diuina cognitio eſſet imperfecta, ſiquidem incertitudo, & coniectura in cognitione imperfectionem inuoluunt. Minor oſtenditur. Futurum contingens, vt ſic, continetur in ſuis cauſis proximis, quæ, cū ſuapte natura ſint impediſſes, & æquæ ad utrāque partem affectat: efficitur, vt effectus in ipſis contenti poſſint euenire, & nō euenire: ac proinde quatenus huiuſmodi nō poſſunt ſub certa cognitione cadere. Ex hoc inferitur primò, futura contingentia quatenus huiuſmodi non poſſe certo ſciri. Secundo inferitur, Deum nullo modo poſſe ſcire futura contingentia, ſi ea cognoſceret, quatenus ſunt futura.

1. Concl. Hiſta conſtitutis ſit pro opinione Beati Thomæ Prima conſuſio. Futura contingentia, prout ſunt in ſuis cauſis indeterminatis, ſolum cōiecturali cognitione cognoſci poſſunt. Probat. Quia cauſa huiuſmodi futura contingentis indifferenter ſe habet ad oppoſita: nec eſſe magis determinata ad vnā partem, quā ad alia: ergo per huiuſmodi cauſam ſolum ſaltem cōiecturaliter cognoſci poteſt. Ex quo inferitur, quod futura contingentia, prout ſunt in ſuis cauſis indeterminatis, nō poſſunt ab aliquo certo, & infallibiliter cognoſci. Ita tenet B. Thom. vbi ſupra in corpore articuli.

Quarta conſuſio. Deus cognoſcit futura contingentia, vt præſentia in ſua reali, & actuali exiſtentia, quæ eis conuenit extra ſuas cauſas. Hanc tenet expreſſe D. Thom. vbi ſupra, & in primo contra gentes ca. 67. quam ſic probat. Diuina cognitio meſuratur æternitate, ſicut & diuinū eſſe: ſed æternitas eſt tota ſimul exiſtens, omnem differentiam temporis amplectens, ipſique coexiſtens, igitur omnes res pro quacūque, & in quacūque differentia temporis peragenda relatæ ad diuinam ſcientiam

2. Concl. Secunda conſuſio. Futura contingentia in ſe ipſis poſſunt certa, & infallibili cognitione cognoſci. Ratio eſt, quia, vt ſic, ſunt entia certa, ac determinata, & actu exiſtētia, omnem

& cognitionem sunt diuino conspectui praesentes, non solum, quia rationes illarum rerum sunt in diuino intellectui: verum etiam quia sunt ei praesentes in sua reali, & actuali praesentia, cui aeternitas coexistit.

5. *Concl.*

Quinta conclusio. Deus certa, & infallibili cognitione praescit futura contingentia. Probatur. Deus cognoscit futura contingentia, ut iam praesentia, & determinata secundum esse, & ut actu existentia in se ipsis, & in proprijs naturis ex conclusione praecedenti: sed, ut praesentia in suis naturis sunt obiecta certa, & infallibilis cognitionis, nam si Sorcatē currentem video, certissime scio, eum currere, tunc enim cognitio mea fertur in necessarium, (siquidem omne, quod est, quando est, necesse est esse) iam vero cognitio, quae fertur supra necessarium omnino certa est & infallibilis: ergo cum cognitio Dei feratur supra futura, ut iam existentia in proprijs naturis, sequitur, quod illa erit certa, & infallibilis. Ex his sequitur, quod Deus secundum Beatum Thomam certo, & infallibiliter nouit futura, quia ea videt in suis naturis sibi in aeternitate praesentia. Hec de opinione B. Thom.

EXPLANATIO opinionis Doct. subtilis.

1. *Nota.*

Ad intelligētiā opinionis Doctoris subtilis primo obserua re oportet, ens esse duplex, aliud necessarium, aliud vero contingens. Ens necessarium illud est, quod ita habet esse, ut repugnet sibi non esse, vel posse desinere esse. In qua significatione solus Deus, & ea, quae sibi intrinsece insunt, sunt en-

tia necessaria, quia a se habent esse, & omnino eis repugnat non esse, vel posse non esse. Ens vero contingens illud est contrarium erit, cui non conuenit ex se esse, nec repugnat absolute non esse. In hac acceptione omnia alia a Deo (quoad existentiam saltem) sunt entia contingentia: quia nec ex se habent esse existentia, nec eis repugnat, postquam sunt, non esse, quia a Deo in nihilum verti possunt. Sic conuertuntur contingens & possibile, ut opponitur necessario, ut docet Scotus in primo priorum, questione trigesima. In alia autem significatione sumitur possibile, ut opponitur impossibili: & sic continet sub se ens necessarium. Aduerte tamen, quod contingentia in entibus non est priuatio, vel defectus entitatis, sicut deformitas in actu secundo, qui est peccatum: sed est modus positius entitatis, sicut necessitas est alius modus positius entis necessarij. Ita docet Scot. in. 1. d. 39. in fine.

Secundo obserua, effectuum futurorum tria esse genera. Primum genus est eorum, qui necessario eueniunt. Sunt autē hi, qui causas habent necessarias, ut dierum, noctiumque vicissitudines, solis, lunaeque defectio- nes, quae secundum naturae cursum, & ordinem non possunt non euenire. Secundum genus est eorum, qui, ut plurimum, sic & non aliter eueniunt, ut sunt ea, quae causas habent naturales, impedibiles tamen, cuiusmodi sunt ea, quae oriuntur, & occidunt. Tertium genus est eorum esse actuum, qui quae ad esse, & non esse sunt affecti. Sunt autem illi, qui pendent ex causa libera, qualis est humana voluntas, cuius actiones quae

2. *Nota.*

que sunt affectæ ad esse, & non esse. Cum igitur in controversiam vertimus: An Deus præsciat futura contingentia: præcipue de his effectibus huius tertij generis est sermo. Sed cū omnia respectu diuinæ voluntatis eque ad non esse, sicut ad esse se habeant (quia eorum existentia ab ea pendent) omnia alia a Deo sub nomine futuri contingentis possunt comprehendī: præsertim cum certitudo diuinæ cognitionis, qua res attingit, ex causis earum naturalibus, & si secundum naturæ cursum necessarijs minimè pensanda sit.

Sed aliqui Thomistæ indigne ferunt, quod effectus causarum necessariarum contingentes appellentur per ordinem, seu ex ordine ad primam causam liberè, & contingentèr producentem illos: quia licet Deus sit prima causa, & prima radix contingentia effectuum: attamen effectus ipsi non dicuntur formaliter, & propriè contingentes, aut intrinsecè, per ordinem & habitudinē ad Deū: sed per ordinem & habitudinem ad causam proximam contingentem. Profecto absque causa, & ratione huius molestè hanc Scoti doctrinā ferunt, nam certè non immerito omnia alia à Deo, quæ quoad existentiam non sunt simpliciter necessaria, sed possunt esse, & non esse, prout Deus ipse disposuerit, contingentia vocantur: imò ita necessario dicendum est, cum ens per necessarium, & contingens diuidatur: necessitas vero entibus creatis repugnet, si de necessitate simpliciter sit sermo, ut in præfata diuisione accipitur. Nec inconuenit rem dici contingentem extrinsecè ex habitudine ad causam primam, etsi perfectissimam, quia hoc in prima

causa nullam imperfectionem inducit, sed libertatem eius ostendit. Induceret quidem imperfectionem in Deo, si Deus diceretur causa contingens secundo modo ex his, quos notabili quarto constituemus.

Tertio nota, primam contingentia^{3. Nota.} radicem diuinam esse voluntatē ratione suæ libertatis, qua res potest velle, & non velle producere. Propter quod maxime necessarium esse videtur, aliqua in præsentiarum de libertate diuinæ voluntatis differere, ut inde, quæ ratione huiusmodi libertatem rerum contingentia comitetur, percipiamus.

In primis, Diuina voluntas non est libera ad oppositos actus nolendi, & volendi, quia huiusmodi libertas potentialitatem, & mutabilitatē habet necessario annexam. Potentia enim, quæ vicissim oppositos actus recipere potest, necessario ab uno in alium est mutabilis: at omnis imperfectio longe est a diuina voluntate, ergo nullatenus ad oppositos actus est libera. Est tamen libera ad opposita obiecta, quia perfectionis est maximè in potētia, quod possit tendere in omne illud, quod natum est esse obiectum eius. Voluntas ergo perfecta potest tendere in omne illud, quod natum est esse volubile, sed multa volubilia sunt opposita, ergo voluntas perfecta potest tendere in opposita obiecta, sed diuina voluntas est perfectissima, ergo in opposita obiecta tendere poterit: sed non diuersis actibus, quia esset mutabilis: ergo eodem actu. Nostra voluntas ob sui limitationem nō potest in diuersa, & opposita obiecta eodem actu tendere. Cæterum diuina voluntas ob sui infinitatem,

& sui actus illimitationem, poterit eodem illimitato atque infinito actu in plura, illaque diuersa, & opposita obiecta tendere. Sicut igitur voluntas nostra diuersis actibus, & uolitionibus potest diuersa uolubilia respicere, in illaque tendere: ita voluntas diuina unica uolitione simplici illimitata, & infinita potest in quacunque uolubilia quantumuis diuersa tendere. Et patet, quia si uoluit diuina & infinita esset tantum unus obiectus, & non posse esse oppositus, quod tamen est uolubile: esset imperfectio nis maximae in ea, & in uoluntate cuius ipsa est actus: ergo, ut omnis a diuinis imperfectio atque imperfectio omnis uimbrā dimouetur, necessario fatendum erit, diuinam uoluntatem unico, & simplici actu in omnia uolubilia, quantumcunque diuersa, tendere. Et confirmatur, quia aliter diuersi actus realiter essent in Deo collocandi, ut diuersa, & opposita uolubilia uelle posset: ac per consequens mutatio absque dubio in eo reperiretur: quod impium est asserere.

Ex his sequitur, quod eodem actu, quo uoluit Deus, Antichristum fore, potuit uelle, quod non foret: & eodem actu, quo uoluit creare mundum, potuit uelle non creare mundum.

Quarto obserua, ut Scotum ab iniuria Thomistarum liberes, quod aliqua causa potest dici contingens bifariam. Primo, quia potest agere, & non agere, siue hoc procedat ex perfectione & libertate causae, quia, scilicet, est libera, siue procedat ex eo, quod impeditur, & non habet maiorem uirtutem, nec perfectionem ad agendum. Secundo aliqua causa potest dici contingens ex imperfectio-
ne praecise sui esse, & debilitate suae

uirtutis ad agendum, propter quod impediri potest ab actione, & per consequens potest agere, & non agere: agere quidem si non impediatur, & alia requisita ad agendum non desint: non agere uero si ab aliquo impeditur. Hoc secundo modo nullatenus Deus, uel diuina uoluntas potest dici causa contingens, alioquin Deus, & quoad suum esse, & quoad suam uirtutem esset imperfectus. Primo autem modo nihil uetat, quominus Deus causa contingens dici possit. Nec prima causa contingens acceptio impropria est, sed propriissima: nam sicut propriissime illa causa dicitur necessaria, quae necessario agit, nec potest non agere, uidecunque hoc proueniat: ita per oppositum illa causa dicitur propriissime contingens, quae potest agere & non agere, uidecunque hoc proueniat. Nec, cum dicimus Deum esse causam contingentem, innuare uolumus Deum in suo esse non esse ens absolute necessarium: sed solum, quod actio in ordine ad creaturam in esse reali consideratam, non sibi necessario, sed contingenter conuenit, potest namque sibi non conuenire, ut satis de se patet: & propter hoc sibi contingenter inest. In hoc sensu multoties Scotus Deum causam contingentem vocat: & insuper eum contingenter agere affirmat. Quod si discipuli Dni Thomae diligenter attenderent, minimè Scotum reprehensione dignum iudicassent. Quae diximus, confirmantur per ea, quae controuersia decimatertia docuimus: ibi namque ostendimus, quod sicut agere libere, & agere naturaliter sunt modi oppositi operandi immediate diuidentes principium actuum in ordine ad quodcunque: ita agere necessario,

faris, & agere cōtingenter sunt modis oppositi agēdi i immediate diuidētes principium actuum i ordine ad idem obiectum, seu respectū eiusdē obiecti. Quod fit, vt omnis causa agat necessario, vel cōtingenter respectu vnius, & eiusdē obiecti. Ex quo sequitur, quod cum Deus sit causa actua respectu creaturæ, agat respectu eius necessario, vel cōtingenter sed non agit necessario, ergo agit cōtingenter, vt opponitur modo agendi necessario: ergo recte dici potest Deus causa cōtingens respectu creaturæ.

5 Nota

Quinto obserua, quod diuina voluntas necessario respicit pro obiecto essentiam suam, & omnia intrinseca Deo, ita quod non potest nō tenere in ea, ipsa volendo, & diligendo. Ratio est, quia cum ipsa sit necessario recta, quia est ipsa rectitudo per essentiam, necessario diligit omne necessario, & ex se diligibile: cuiusmodi sunt omnia Deo intrinseca ex natura rei formaliter in ipso existentia. Omnia verò alia a Deo respiciunt cōtingenter, quoad esse existentia ita, quod posset esse oppositum. Nā, si cōsideretur, quatenus est prior suo actu: sicut voluit modū habere esse existentia, potuit velle oppositum: sicut nostra voluntas, vt prior suo actu, potest velle scribere, & nolle scribere, etiam in eodem instanti. Et non solum id potest diuina voluntas, vt prior suo actu, sed etiam in quantum est sub actu volendi. Quod vt facilius percipias, auerte, diuinam voluntatem prius secundum naturam ordinem redere in suam essentiam, ipsam diligendo, & amando, quam in secundaria obiecta feratur. Ipsa ergo, quatenus volens diuinam essen-

tiam, vt prior tendentia in obiecta secundaria, sicut voluit hoc, vel illud fore, potuit velle oppositum.

Ex quo inferitur cōtingentia rerū, quoad esse existentie: ex eo enim, quod Deus potest velle, mundam esse, & velle oppositum: sequitur manifeste, quod mundus cōtingenter habeat esse, licet eius cōtingentia formaliter ex eius propria ratione desumenda sit.

Infero etiam, quod futura cōtingentia, vt Antichristus erit, sunt ad alteram partē determinata eo, quod diuina voluntas se ad illa in eternitate determinauit. Inferitur etiam, quod cum diuine voluntatis determinatio sit infallibilis: qui certō huiusmodi determinationem agnosceret, certissime etiam euentum rei future intelligeret.

Sexto obserua, vt præfata cōsecutaria facilius percipias, quod, vt docet Scotus in quolibet q. 14. sub lit. S. & T. diuina essentia, postquam mouit diuinum intellectum ad cognitionē sui, & eorū, quæ Deo formaliter insunt: hoc ordine ad aliorū cognitionem mouet. Primo mouet ad intellectionem simplicem omnis intelligibilis, secundum quod ab existentia, vel ordine ad ipsam abstrahit. Secundo mouet ad cognitionē omnium copulationum necessariarum, quæ ex terminorum cognitione deprehenduntur: & ad cognitionem simplicium & copulationum necessariarum mouet naturaliter, & necessario ante diuinæ voluntatis determinationem: non enim illa sunt vera, quia voluntas diuina voluit, sed antea ex se vera erāt formaliter. Nō sic autem mouet ad copulationum cōtingentium cognitionē, quia si ante diuinæ vo-

luntatis actum, & determinationem ad earum cognitionem mouerat, ne cessariò cognosceret diuinus intellectus alteram contradictionis partem esse verã: & ita vel posset errare, vel oppositum nullatenus posset euenire, siquidem eius veritas esset necessaria omnem excludens contingentiam: cum primam contingentie radicem, actum. scilicet diuinæ voluntatis præcederet. Mouet ergo diuina essentia ad copulationem contingentium cognitionem supposita diuinæ voluntatis determinatione. Offert namque diuinus intellectus voluntati diuinæ aut terminos simplices, quorū vnio est contingens in re, aut si eorū compositionem offert, eam offert tanquā neutram ad veritatem non determinatam. Et diuina voluntas eligens alteram partem. scilicet coniunctionem terminorum in re pro aliquo nunc, facit illam esse determinate verã: quo posito diuina essentia repræsentat diuino intellectui illam contradictionis partem determinate veram ex determinatione diuinæ voluntatis, & ita eam, vt veram percipit, & intelligit. Et sic futura intelligit contingentia, non quidem quia illa, vt vera moueant diuinum intellectū, nec termini eorum ad apprehendendam talem veritatem, quia tunc vilesceret diuinus intellectus (moueretur enim ab alio, quam ab essentiā sua (sed sicut diuina essentia est ratio cognoscendi simplicia, ita & contingentia huiusmodi: quia supposita diuinæ voluntatis determinatione, illa, vt determinate vera, repræsentat. His ita constitutis iam quæstio more solito suis conclusionibus est diffinienda.

1. Concl. Prima conclusio. Deus cognoscit omnia futura contingentia quoad oēs

conditiones existentie eorum, sic, quod quacunque eis in tempore contingenter insunt, perfecte ab æterno attingit. Conclusio hæc est veritas catholica. Vnde Paulus ad Hebræos. 4. Omnia sunt nuda: & aperta oculis eius. Et glossa ibidem dicitur id est, ex omni parte plene visa: ergo hæc certam, & determinatam notitiā de omnibus, quantum ad omne cognoscibile in eis, & per consequens determinatam habet cognitionē omnium contingentium quoad omnem conditionem existentie eorum. Et confirmatur. Quia Deus est omnisciens, ergo cognoscit omne cognoscibile secundum omne illud, quod est cognoscibile, & non succelluē, nec ex tēpore, quia mutaretur, ergo simul, & ab æterno.

Secunda conclusio. Deus non cognoscit certò, & determinatè futura contingentia per hoc, quod sunt sibi in æternitate præsentia. Probatur. Ex articulo præcedenti, futura non sunt in æternitate Deo præsentia, ergo nō cognoscit ea certò, & determinatè per eorum præsentiam in æternitate. Secundo. Intellectus diuinus nullam cognitionem, nec certitudinem cognitionis accipit a rebus in se ipsis, ergo licet futura essent præsentia in æternitate, nihil ad cognitionem sui in diuino intellectu efficere. Consequentia tenet. Antedens probatur: quia tunc diuinus intellectus vilesceret, moueretur enim ab alio, quam ab essentiā sua, mendicaretque aliunde cognitionem. Ex quò inferitur, quod de sessione mea, quæ est nūc in actu posita, non habet intellectus diuinus certitudinem causatam in ipso ab illa sessione: non enim quous modo mouet sessio intellectum eius, nec aliqua

1. Concl.

aliqua alia creatura, etiam in esse obiectiuo, & intelligibili considerata. Ac proinde certitudo cognitionis rerum futurarum non ex presentia earum ad aternitatem, sed aliunde sumenda est. Tertio. Ex alia causa, quam ex presentia rerum ad aternitatem sumenda est certitudo, & infallibilitas diuinæ cognitionis: ergo presentia rerum ad aternitatem impertinens est ad certitudinem diuinæ cognitionis. Consequentia est euidentis. Antecedens probō: & sumo sessionem meam crastinam. Hęc sessio, prater hoc, quod est presens aternitati secundum quod est in aliqua parte temporis, ipsa tamen est futura in se, & secundum hoc, quod est futura in se, & a Deo producenda: quæro, an Deus habeat certam notitiam eius, an non? Si primum admiseris: ergo certitudinem illius cognitionis nō habet per hoc, quod ipsa est in se existens, quia cognoscit illa certo, quatenus futura, & ab eo producenda. Si vero secundum de deis, scilicet, quod non nouit illam certo sic futuram: ergo producit ipsam, non præcognoscendo eam. Ex quo rursum infertur, quod ipsam certo cognoscet, cum producta fuerit: ergo aliter nouit facta, quam fienda: quod est contra Aug. 5. super Gen. 2.

*Respons.
Caiet.*

Respondet Caiet. huic argumēto, quod nouit Deus meam sessionem crastinā, vt futuram ex cognitione causarū determinatarum: quia, scilicet, cognoscit eius causas determinatas ad eius productionem. Et cum infertur: ergo aliter nouit Deus facta, quam fienda: respondet, quod si ly, aliter, dicat modum ex parte cognoscētis, neganda est consequentia, quia modus cognoscendi in Deo non varia-

tur. Si vero ly, aliter, se ex parte rei cognita teneat, consequentia est admit-tenda, aliter. n. se habēt res facta, quā fiēde ad diuinā cognitionē: licet Deus non aliter nouerit facta, quā fienda. Vnde res existēs, & facta est scibilis certa cognitione, non aut vt fienda. Rursus res, vt facta, potest certum Dei intuitum terminare, non vt fienda.

Hæc oīa, quæ dicit Caiet. sunt omnino falsa, & prorsus abiicienda. In primis cum ait, Deum cognoscere futura certo, & determinatē ex causarum determinatione, quæro, an hæc determinationē accipiat diuinus intellectus a sua essentia representante: an vero ex causis ipsis in seipsis positis? Si primum, ergo iam præsentia rerum in se ipsis non est necessaria ad rerum certam cognitionē. Sicut enim Deus illas causas determinatas nouit certo in sua essentia: ita & effectus earū cognoscere poterit. Si vero causarum determinationem nouit ex ipsis causis in suis naturis: ergo eius intellectus vilescit, quia ab alio, quā a sua essentia mouetur, rerū que cognitionē accipit, & mendicat.

Præterea. Causæ rei contingentis futuræ non sunt determinatæ, nisi quatenus in re suam iam effectum producant, nā ante sunt omnino indifferentes: ergo, si ex causis determinatis ad agendum cognoscit Deus futura contingentia, non nouit ea prius, saltem tempore, quam in esse ponantur: sed tunc, cum causæ iam iam producant effectum. Aut si determinatē ea nouit ab æterno, quæro, vnde causarum determinationē accipit? Si dixeris, quod ex sua essentia, & ex voluntatis suæ determinatione: ergo certitudo cognitionis futurorum contingētium non ex causis

*Impu-
gnatio re
sponsionis*

sis in se ipsis determinatis, nec ex presentia effectuum ad eternitatem, sed aliunde accipienda est. Item. Cum ait idem Caietanus, quòd facta aliter se habent ad Dei cognitionem, quàm si fida, quæro, an Dei cognitio quoquo modo aliter in ipsas res factas, quàm in fiendas feratur: an eodem prorsus modo? Si primum: ergo aliter nouit facta, quàm fienda. Si secundum: ergo ad certitudinem cognitionis diuinæ nihil cōducunt res, vt factæ, & per consequens non aliter se habent ad cognitionem Dei, vt factæ, quàm vt fiendæ.

Item, Falsum dicit, cum ait, res, vt factas terminare intuitum Dei certum, non autem, vt fiendas. Primò, quia si Deus non nouit certo res, vt futuras, nisi vt factas, & existentes: ergo non cognoscit eas, vt futuras, quia, vt factæ, non sunt futuræ. Secundò, quia tunc de rebus, vt factis, haberet certam cognitionem, non verò de ipsis, vt fiendis: & per consequens aliter cognosceret facta, quàm fienda: & rursus ex rebus ipsis certitudo cognitionis diuinæ oriretur. Decipitur etiam Caietanus, cum ait, rem in se existentem certa cognitione esse scibilem, non verò vt futuram: quia, vt statim docebimus, res futuræ, vt sub determinatione diuinæ voluntatis cadunt, infallibiliter cognoscuntur: ergo sine rei existentia in se ipsa potest de ea esse certa cognitio. Ex his facile perspicere poteris, Scotum longe ab ea fuisse sententiā, vt Deum res in se ipsis cognoscere, arbitraretur: siquidem rerum futurarum cognitionem, quæ magis rei presentia exigere videbatur, non ex ipsis rebus, sed ex sua essentia accipere falsus est, adeò, vt prorsus negauerit,

Deum futura contingentia in se ipsis, sed in sua essentia perfectissima attingere cognitione. Alij verò: vt Thomistæ, qui rerum presentiam in æternitate ad infallibilem earum cognitionem necessario collocandam esse arbitrantur, nescio, an hoc incōueniens sufficienter cauere possint. Certe, si rectè, diligenterq; D. Thomam inspicimus 1. par. q. 14. art. 13, inueniemus, ipsum magnopere insudasse, vt res omnes Deo in æternitate presentes esse, ostenderet: vt inde infallibilitas, & certitudo diuinæ cognitionis pateret. Nec solutiones a nouo quodam eius expositore adhibitæ hoc soluere possunt. Ait enim D. Thomam tantopere, vt id ostenderet, laborasse, quia si semel admissimus res omnes æternitatis coexistere, facillimo negotio infallibilem rerum futurarum cognitionem, quam Deus de ipsis habet, intelligemus. Sed hæc solutio nihil ad rem. Quia, cum Deus certitudinem cognitionis a rebus, ipsis huiusmodi accipiat, hocque nobis sit perspicuum: ita res manet difficilis intellectu, atque si huiusmodi rerum presentiam ad æternitatem negemus.

Nec secunda solutio satisfacit: ait enim, D. Tho. voluisse nobis ostendere, non qd certitudinem cognitionis Deus a rebus accipiat: sed qd eas non solū in cognitione certa, sed etiā intuitiua cognoscit. Non, inquam, satisfacit hæc solutio, vt intuenti textum eius patere poterit. Et præterea quia vt docet Scotus 1. d. 10. in fine, & d. 39. paulò ante finem, vt Deus intuitiuam rerum omnium habeat cognitionem, non indiget rerū presentia, & existentia: diuina namque essentia est ratio cognoscendi intuitiue

tiue quodcumq; intelligibile, etiam si nullum existeret in se. Vnde sic ait Scot. d. 10. supra citata: Trinitas cognouit creaturam etiam intuitiue, antequam producat: quia essentia sua, in quam intuetur, est ratio perfectissima cognoscendi omnia alia, & per consequens est ratio cognoscendi intuitiue quodlibet intelligibile, licet nullum existeret in se. Et secundo loco citato sic ait. Auctoritates omnes sanctorum, quę videntur sonare omnia esse presentia aternitati, intelligende sunt de presentia in ratione cognoscibilis: & non tantum cognoscibilis, quasi cognitione abstractiua, sicut rosa non existens est presens intellectui meo per speciem: sed de cognitione vera intuitiua, quia non aliter cognoscit Deus facta, quam fienda: & ita perfecte sunt presentia lter cognita ab intellectu diuino fienda, sicut facta. Hæc Scotus. Ratio verò huius posterioris dicti est, quia diuina essentia ob sui eminentiam, & perfectionem multo perfectius representat res ipsas diuino intellectui, quam p se in se ipsis existentes seipsas representare possent. Ac proinde perfectiori cognitione intuitiua cognoscuntur a Deo in sua essentia oēs res, quam si in se ipsis eas intueretur.

Ex hoc inferitur, qd de ratione cognitionis intuitiue non est, qd cognitio causetur a rei presentia in propria existentia: sed fat est, qd representatur in aliquo perfectiori, quod ipsam eminentissimè contineat. Sequitur etiam, decipi non parum arbitantes Deum non posse intuitiua cognitione res ipsas attingere, nisi eius intuitus ad res in se ipsis feratur, quia concedunt, Deum alio ab essentia sua aciem sui intellectus diuertere. Ex

his etiam colligitur, qd nec ex determinatione causarum in re & in effecta cognoscit Deus futura, quia vilesceret eius intellectus.

Tertia conclusio. Certitudo diuinae scientiæ respectu omnium, quantum ad omnes conditiones existentia non habetur per ideas. Probat. Rationes cognoscendi terminos alicuius complexionis non causant sufficienter notitiam illius complexionis, nisi illa nata sit cognosci ex terminis: sed copulatio contingens non est nata cognosci ex terminis, ergo rationes cognoscendi terminorum, quantumcumque perfecte representent eos, non sunt sufficientes causæ cognoscendi illam copulationem contingentem: ergo per ideas, quæ solum terminos simplices representant, non potest copulatio contingens cognosci. Maior huius rationis est euident: sed, vt eius euidentia pateat, aduerte propositiones esse in duplici differentia. Alia enim sunt necessar. q. quarum extrema ne cessariam habent connexionem: alia vero contingentes, quarum extrema contingenter vniuntur, vt homo est albus, Petrus ambulat. Sed propositiones necessariae subsistunt. Alia sunt immediatæ, quæ ex sola terminorum cognitione sunt euidentes vt istæ. Omne totum est maius sua parte. Quodlibet est, vel non est: quæ per solum notitiam terminorum sunt euidentes cuiuscumq; intellectui. Alia verò sunt mediata, quæ per alias priores demonstrantur. Sed contingentes sunt talis nature, qd nisi extremorum vniō videatur, earum veritas cognosci haud potest: quantumuis enim perfecte hominē agnoscas, & albedinem, nunquam huius

3. Concl.

copulationis veritatem, homo est albus, intelliges, nisi unionem ipsorum extremorum intuearis. Iam ostenditur maior argumenti. Secundum ea, quæ nunc diximus, ex notitia terminorum, non cognoscitur veritas complexionis, nisi illa sit nata cognosci ex solis terminis, & per consequens, nisi sit immediata: ergo rationes, & ideæ representantes terminos alicuius complexionis non sufficienter eius notitiam causabunt, nisi illa nata sit ex sola terminorum cognitione dignosci: quia illæ ideæ, & rationes solum terminorum naturas representant. Cum verò naturæ extremorum nullam habitudinem, & connexionem necessariam inter se habeant, quantumcunque perfectè per ideas represententur eorum cōiunctio dignosci non poterit. Sic maior rationis probata manet, cuius minor est omni intelligenti manifestissima.

*Responsio
Caiet.*

Huic rationi respondet Caiet. 1. p. quæst. 14. artic. 13. primò negando maiorem. Et ratio est, quia, cū apud S. Thom. ideæ sint ipsa essentia diuina, ut est obiectiua rerum ratio; optimè dicitur, quòd per ideas nouit omnia, etiam futuram copulationē: quia diuina essentia omnia perfectissimè representat, etiam secundum Scotum.

*Consuetudo
responsio
scotus.*

Hac responsio non videtur esse ad inuentum B. Tho. quia ipse 1. p. q. 15. art. 2. expressè tenet plures esse in Deo ideas, ait enim sic. Potest cognosci essentia diuina ab intellectu diuino, non solum secundum quòd in se est, sed secundum quod est participabilis a creaturis secundum aliquem modum similitudinis. Vnaquæque autem creatura habet propriam speciem,

secundum quod aliquomodo participat diuinæ essentiae similitudinem. Sic igitur in quantum Deus cognoscit suam essentiam, ut sic, inimitabilem a tali creatura: cognoscit eam, ut propriam rationem, & ideam huius creaturæ: & similiter de alijs, & sic patet, quod Deus intelligit plures rationes proprias plurium rerum, quæ sunt plures ideæ. Hæc S. Thom. Ex hac litera patet, quod non sic absolute intelligit D. Thom. diuinam essentiam esse rerum idearum, sicut videtur velle Caiet. in sua responsione ad Scoti rationem.

Sed maiorem Scoticæ rationis sic ex doctrina B. Thom. ostendo. Essentia diuina, in quantum cognita, ut imitabilis a creatura, est idea creaturæ: quæro a te, quid representet idea diuina, ut imitabilis ab homine? Aut præcisè rationem hominis intrinsecam, aut etiam copulationes contingentes, quæ ei per inhesionem prædicatorum accidentalium conueniunt. Si primum, ergo per ideam hominis non potest cognosci, quòd sit albus, vel niger, quia solum per eam representantur ea, quæ homini necessario insunt. Si verò das secundum, est omnino falsum. Primo, quia diuina essentia, ut imitabilis ab homine representat hominem ante actum diuinæ voluntatis, etiam in via D. Tho. ergo non representat, quatenus idea est, copulationes contingentes, quæ homini cōueniunt: quia ista necessario actum diuinæ voluntatis supponunt. Et si eas representaret, diuinus intellectus ea cognosceret, ac per consequens non essent contingentes: quia eorum veritas diuinæ voluntatis determinatione præcederet, quæ est prima contingentiae radix.

Secun-

Secundo. Diuina essentia, vt imitabilis a creatura, est propria solius hominis species, & similitudo, vt ait D. Thom. ergo non repræsentat, nisi ea, quæ sunt hominis propria. Et si ipsa copulationes contingentes repræsentat: ergo etiã est ratio cognoscendi illa prædicata contingentia, vt album, nigrum, & similia, ergo non est ratio hominis propria, & adæquata. Præterea diuina essentia, vt imitabilis ab homine, non est imitabilis ab asino, nec ab albo, ergo per eam, vt sic, non possunt ista cognosci.

Sed ait Caiet. secundo ad maiorem argumenti, q̃ idea potest dici perfecta dupliciter. Primo, vt perfectio dicit modum intrinsecum rei: secundo, vt dicit totalitatem omnimodam rei. Primo, inquit, modo ideæ terminorum, vt cunq̃ue perfecta, nō sunt rationes cognoscendi copulationem cōtingentē, sed bene secūdo modo.

Sed hoc est manifestè falsum, nā idea hominis, vt sic, nō potest repræsentare hominem nisi secundum sibi intrinseca ex modo dictis, præsertim cum ideæ, vt sic merè naturaliter repræsentet, quia diuina essentia, in quātum cognita, vt imitabilis a creatura, supponitur cuicunq̃ue actui diuinæ voluntatis: vt sic autem est idea. Nec S. Tho. id diceret, quia secundū eum diuina essentia cognita, vt participabilis ab homine sub ratione hominis est idea eius, ergo, vt sic, solum repræsentat hominem secundū perfectionem eius intrinsecam.

Secunda ratio. Ideæ merè naturaliter repræsentant, quicquid repræsentant, quia sunt in intellectu diuino ante omnem actum diuinæ voluntatis: & per consequens nihil libertatis participant. Sumo ergo ideā

hominis, & albi, & quato, an ista ideæ repræsentent copulationem, & coniunctionem extremorum, aut diuisionem, aut vtrumque simul. Si tantum compositionem: ergo diuinus intellectus naturaliter, & necessario illam cognoscit, & per consequens necessario est vera ante determinationem diuinæ voluntatis.

Ex quo inferitur, quod nullo modo potest cognoscere diuisionē horum extremorum, tanquam veram, quia coniunctio eorum est necessario vera. Similiter argumentabor, si dederis, quod diuisionem tantum repræsentant: si vero vtrumque repræsentant: ergo Deus per eas nihil nouit, quia scire contradictoria esse, vel esse vera, est nihil scire.

Huic rationi respondet Caiet. negando antecedens, scilicet, quod ideæ merè naturaliter repræsentent, quicquid repræsentant: ait enim, quod aliquid repræsentant merè naturaliter, puta, quidditates rerum: & aliquid non merè naturaliter, sed naturaliter ex suppositione libera, vt puta, existentias rerum, & copulationes contingentes: illa enim repræsentant ante actum diuinæ voluntatis: ista autem supposita libera determinatione voluntatis diuinæ ad alterā contradictionis partem, vt ipsemet Scotus acceptat de representatione horum in essentia, vt ratione intelligendi. Et sic, ait Caietanus, patet, cetera ruere, quoniam non eodem modo se habent ideæ ad futura, & non futura, & ab hoc tempus, & ad aliud: sed sunt determinatæ ex supposita voluntate diuina.

Hæc Caietanica responsio non satisfacit argumēto. Nam falsò negat ideas non repræsentare naturaliter,

*Respons.
Caiet.*

*Confutatio
responsionis.*

cum,

cum, vt ideæ præcedant diuinæ voluntatis determinationem, etiam secundum S. Thomam, siquidem diuina essentia cognita, vt imitabilis a creaturis, in quo ratio ideæ consistit, præexistit, & supponitur actui diuinæ voluntatis. Cum verò aliquæ quædam representant supposito actu diuinæ voluntatis, hoc non videtur verum. Primò, quia tota ratio ideæ secundum S. Thomam præintelligitur ante omnem actum diuinæ voluntatis: quia diuina essentia cognita, vt imitabilis a creatura, habet perfectam ideam rationis, quæ tamen, vt sic, supponitur libertati diuinæ voluntatis: ergo, si ante determinationem diuinam non representat copulationem contingentem, nec post.

Secundò. Quia libertas, & determinatio diuinæ voluntatis non respicit terminos, sed copulationem eorum contingentem, quæ solum imperio voluntatis diuinæ subest: ergo ideæ terminorum non sunt rationes cognoscendi huiusmodi copulationem. Patet consequentia. Quia non sunt rationes representandi determinationem voluntatis diuinæ, nec facta determinatione, & supposita, eis aliquid additur, per quod aliquid representent nunc, quod non prius: ergo, si ante determinationem diuinæ voluntatis non representant copulationem contingentem, nec post. Ratio ergo optima, ob quam ideæ terminorum non possunt representare copulationes contingentes est, quia præcedunt actum diuinæ voluntatis: & per consequens merè naturaliter representant: & ita, si representarent copulationem contingentem, illa esset necessariò cognita, & per consequens necessaria, quod im-

plicat. Et cum obiicit Caietan. quòd etiam secundum Scotum diuina essentia est ratio representandi copulationes contingentes, & per consequens, quòd etiam secundum eius doctrinam stare potest, quòd ideæ representent easdem copulationes supposita diuina determinatione: dico dictum Scoti verum esse, sed modum positionis eius non intelligit: & ita non bene inferit. Non enim ponit essentiam diuinam esse ideam creaturæ, vt supra vidimus, ac proinde bene potest stare, quod diuina essentia representet copulationes contingentes, & non ideæ, quas D. Thom. ponit. Modus autem positionis Scoti statim elucidabitur.

Tertiò. Eodem modo sunt in Deo ideæ possibilem non futurorum, sicut futurorum, quia differentia ista possibilem non futurorum a futuris non est, nisi per actum diuinæ voluntatis: ergo ideæ futuri possibilem non magis representat ipsum futurum esse, quam ideæ possibilem non futuri. Patet consequentia. Quia ista differentia rerum representatarum per ideæ.

Quartò. Quia ideæ futuri non magis representabit ipsum ponendum in hoc nunc, quam in alio, ergo non potest esse ratio cognoscendi copulationem contingentem, quæ pro vno tempore est vera, & pro alio falsa.

Quarta conclusio. Qui nosset causas naturales futurorum, etiam eorum, qui necessarias causas habent, vt Solis, Lunæque defectiones: non proinde infallibilem eorum notitiā assequeretur, nisi determinationem diuinæ voluntatis circa huiusmodi euentus agnosceret. Probat. Quia omnes

4. Concl.

omnes causæ huiusmodi effectuum naturales sunt per diuinam voluntatem impediibiles : ergo illius determinatione ignorata, certa, & infallibilis futuri cognitio haberi haud poterit.

Ex quo inferitur, quòd ex determinata causarum naturalium cognitione Deus non potest certò futura prænoscere, nisi diuinæ voluntatis determinationem agnouerit. Quæ cognita, etiam vt secundæ causæ determinationem præcedit, certo, & infallibiliter futura cognoscit Deus : quia eius voluntas est efficacissima, & infallibilis causa, quæ nullatenus impediri potest.

5. Concl.

Quinta conclusio. Deus cognoscit futura contingentia certò, & infallibiliter : quia diuina essentia, vt ratio cognoscendi repræsentat diuino intellectui rem determinatè futuram ex determinatione diuinæ voluntatis. Itaque postquam voluntas diuina se determinauit ad alteram partem contradictionis, diuina essentia ob sui eminentiam repræsentat illam, tanquam determinatè veram : & sic illam perfectissimè, certò, & infallibiliter futuram esse nouit. Hic modus dicendi expressus manet notabili quinto. Non ergo rerum præsentia eget diuinus intellectus ad certam, & determinatam, atque infallibilem earum cognitionem : sed per suæ essentię motionem, & exactam repræsentationē ea sufficienter cognoscit. Hæc conclusio satis patet ex impugnatione præcedentium opinionum.

Præterea. Deus non exit extra se, & suam essentiam ad habendam rerum, etiam futurarum cognitionem : ergo assignandus est modus, quo il-

la intra se intelligat, at nullus conuenientior eo, quem nos tradidimus, excogitabitur, ergo ille est cōuenientissimus. Præterea. Diuina essentia supposita diuinæ voluntatis determinatione circa contingentia, est sufficientissima ratio cognoscendi ea, etiam intuitiue : ergo per eam illa cognitione exactissima, & intuitiua cognoscit. Consequentia est nota. Antecedens patet ex supradictis contra illum neotericum Thomistam.

Tandem. Determinatio diuinæ voluntatis circa existēciam Antichristi est infallibilis, ergo, qui illam euidenter nouit, nouit etiam euidenter & infallibiliter Antichristum futurum, sed diuinus intellectus eam intelligit, ergo nullius alterius rei ad rei futuræ cognitionem eget. Sed quamuis per ea, quæ diximus, facile intelligatur, quomodo Deus futura, quæ rationē peccati non habēt, agnoscat : non tamen intelligitur, quo modo peccata prænoscat, cum ea minime prædiffiniat, quia peccatum vel le nequit. Quocirca dico, quòd licet peccata secundum se non prædiffiniat, prædiffinit tamen peccati permissionem : in qua futuras culpas cognoscit. Quæ permissio non accipitur in cōmuni, sed pro eo, quod est permittere de facto deficere, & in peccatum ruere subtrahendo efficacia auxilia, quibus positus non foret peccatum. Quare hæc est bona consequentia quantum ad illationem præcisè, Deus permittit aliquem peccare hic, & nunc de facto : ergo peccat. Ergo valet consequentia : Deus voluit ab æterno permittere, vt Petrus peccaret de facto tali tempore, & tali occasione oblata : ergo peccabit.

bit. Dixi quantum ad illationem præciſe, quia quantum ad cauſalitate non eſt bona illa conſequentia. Quoniam permiſſio Dei, quæ bona eſt, non eſt peccati cauſa.

AD ARGUMENTA in principio articuli poſita.

Ad 1.

Ad primi ſolutionem prænotandum, quod in propoſitionibus de futuro contingenti, de præſenti, & de præterito non eſt ſimilis veritas. Nam in propoſitionibus de præſenti, & de præterito eſt veritas determinata ita, quod alterum extremum eſt poſitum in eſſe: & vt ſic intelligitur, poſitum in eſſe non eſt in poteſtate cauſæ, quod ponatur, vel non ponatur in eſſe. Quia, licet in poteſtate cauſæ, vt eſt prior naturaliter effectus, ſit ponere effectum, vel non ponere: nõ tamen vt effectus intelligitur iam poſitus in eſſe: in propoſitionibus verò de futuro nõ eſt talis determinatio ex parte futuri. Nam, licet alicui intellectui ſit vna pars vera determinatè: non tamen ita, quin in poteſtate cauſæ ſit pro illo inſtanti velle oppoſitum, ſi vt prior ſuo actu & determinatione conſideretur. Eſt ergo in futuris contingentibus determinatio de ineſſe cum indeterminatione de poſſibili: quia licet altera pars ſit determinata, oppoſita tamen poteſt euenire, vt in articulo quinto docebimus.

Secundò dicunt alij, quod in futuris contingentibus non eſt determinata veritas, quantum ad realem exiſtentiam alterius partis (& ſic intelligendus eſt Philoſophus) eſt tamen determinata veritas in eis reſpectu voluntatis diuinæ alteram partem

determinantis. Et cum inferitur: ergo non oportet conſiliari, negatur conſequentia, quia cum determinatione de ineſſe ſtat indeterminatione de poſſibili: ac proinde negotiatio, & conſiliatio eſt neceſſaria. Præterea, quia Deus non ſolum alteram partem determinauit, ſed etiam media, per quæ euentura eſt, ac proinde de medijs ad eius obtentum conſiliari oportet. Tandem quia Deus futura ſecundum eorum naturas diſpoſuit, & præſciuit, vnde alia voluit eſſe futura neceſſariò, alia liberè, alia verò contingenter. Quocirca negotiatio & conſiliatio neceſſaria eſt.

Ad ſecundum dico, quod aliud Ad 2. eſt loqui de poſſibili, aliud verò de facto. Quod potentia ſic ſit determinata ad vnā partem, & effectum, quod non poſſit eſſe oppoſiti, imperfectionem inuoluit: cæterum, quod ſit nunc vnus partis, & non oppoſiti, nullam importat imperfectionem. Exempli cauſa. Quod Deus producat nunc frigus, & non calorem, non eſt alicuius imperfectionis. eſſet tamen, ſi calorem non poſſet producere. Similiter. Si ſcientia Dei ita eſſet vnus partis, quod non poſſet eſſe alterius, & volūtas Dei ita eſſet vnus obiecti, q̃ non poſſet eſſe alterius, diceret abſq; dubio imperfectionem: cæterum, q̃ de facto ita ſit ſcientia Dei, & voluntas vnus partis, quod non alterius, nullam arguit imperfectionem.

Ad tertium nego antecedens. Ad Ad 3. probationem concedo antecedens, ſed nego conſequentiam, nec eſt eadem vtriuſque ratio: quia in primo ſyllogiſmo, quod maior affirmat, ſcilicet, me ſedere cras, hoc ipſum minor negat: & ideo bene ſequitur deceptio

ceptio concessa minore. Caterum in secundo syllogismo aliter accidit: quia in prima propositione affirmatur, quod Deus sciat, me sedere pro certo tempore, & in minori asseritur potentia ad oppositum, scilicet, quod possim non sedere: ex quo non sequitur, quod possit Deus decipi, sed solum, quod non scit necessario me sessurum: & quod, sicut sciuit me sessurum, potuit scire, me non sessurum, si voluntas diuina hoc elegisset. Hoc potest exemplo declarari. Si intellectus meus semper sequeretur mutationem in re ita, quod te sedente opinarer te sedere, & te surgente opinarer te surgere: non possem decipi, & tamen ex his, opinor te sedere pro a, & tu potes non sedere pro a, non sequitur: ergo possum decipi, sed sequitur: ergo non scio necessario te sedere pro a. Ita in proposito. Licet intellectus diuinus non sequatur res sicut effectus causam: est tamen ibi talis concomitantia, quod sicut res potest non esse, ita intellectus diuinus potest non scire: & ita nunquam sequitur, quod cognoscat, vel quod possit cognoscere rem aliter, quam est, sed solum, quod non necessario cognoscat rem ita esse, quia potest res aliter se habere. Ac proinde ea, quae requiruntur ad deceptionem, non possunt stare simul in ordine ad diuinum intellectum: sed, sicut res scita potest esse, ita diuinus intellectus potest eam scire. Et sicut res scita potest non esse, ita potest Deus eam non scire, & si non erit, non sciet. Sed ad probationem consequentiae, scilicet, quod sicut ad duas de inesse sequitur conclusio de inesse: ita ex vna de inesse, & altera de possibili sequitur conclusio de possibili, dico, quod in secunda figura ex

vna de inesse, & alia de possibili non inferitur conclusio de possibili, nisi illa de inesse sit simpliciter de inesse; at illa propositio: Deus scit me sessurum cras, est de inesse secundum quid. Illa vero propositio est de inesse simpliciter, quia sic est vera, quod implicat, eius oppositam esse veram: illa vero est de inesse secundum quid, quia absque repugnantia falsa esse potest. Praedicta vero propositio absque contradictione potuit esse falsa: quia voluntas diuina potuit determinare oppositum.

ARTICVLVS IV.

An Deus habeat immutabilem omnium cognitionem.

Circa quartum articulum pars negativa probatur. Primo. A contrario in contradictoriis non potest esse transitus sine aliqua mutatione: sed Deus sciens a, potest nescire, a, ergo potest ibi aliqua interuenire mutatio, non, nisi in Deo, ut sciente, ergo Deus, ut sciens mutari potest, & per consequens eius scientia. Maior huius syllogismi sic ostenditur: quia si nulla sit mutatio, non videtur, quomodo fieri possit, quod illud, quod prius fuit verum, sit modo falsum.

Secundo. Quicquid non est, a, potest esse, a, potest incipere esse, a. Exempli causa. Quod non est album, & potest esse album, potest incipere esse album, sed Deus nesciens Petrum sessurum cras, potest scire, quod Petrus sit sessurus cras, ergo potest incipere scire, quod Petrus sic crastina die sessurus: & per consequens potest ad hoc mutari. Probo maiorem. Quia non videtur intelligibile

quod affirmatio negationis, quæ nõ inest, possit inesse, nisi incipiat esse, ut patere potest in exemplo de albo ibi adducto. Minorem sic ostendo. Quia prius quam divina voluntas determinet Petrum crastina die futurum, nescit diuinus intellectus Petrum futurum: quod tamen scit post eiusdem voluntatis determinationem.

3. Arg. Tercio. Intellectus diuinus ante determinationem diuinæ voluntatis non scit, a, ut puta, Petrum futurum, potest tamen illud scire: quæro, quæ sit illa potentia: aut enim est passiva, aut actiua. Si passiva, erit ad formam, & sic sequitur mutatio: si vero actiua, patet, quod est naturalis, quia intellectus potentia naturalis est. Potentia vero naturalis non potest agere, postquam non egit, nisi mutetur: ergo, ut prius, sequitur mutatio.

Nota.

Ad huius dubitationis intelligentiam primò est obseruandum, quod nostra voluntas est libera ad opposita obiecta: potest enim velle amicum, & nolle inimicum: licet diuersis actibus. Hanc autem libertatem concomitatur duplex potètia ad opposita, vna manifesta, altera vero nõ ita manifesta. Prima est ad oppositos actus, scilicet, ad velle, & nolle, vel ad velle, & non velle. Nam, licet voluntas non habeat potentiam ad simul velle, & non velle idem pro eodem instanti: habet tamen potètiã ad velle post non velle, vel ad non velle post velle: siue (quod idem est) habet potètiã ad oppositos actus successiue, ut de se satis patet. Alia vero potentia non ita manifesta, absque omni successione est ad opposita sic, quod pro instanti, in quo vult

voluntas vnum obiectum, potest, vel potuit velle oppositum.

Hoc sic declarat Scotus. Ponamus, voluntatem creatam tantum habere esse in vno instanti, & quod in illo instanti habeat volitionem circa, a, huiusmodi volitionem non habet necessario, sed contingenter: quia voluntas creata non est causa necessaria sui actus: non est autem causa, nisi quando causat, ergo quando causat, contingenter causat. Sicut enim hoc ens, quando est, vel est necessarium, vel contingens: ita causa, quando causat, vel necessario, vel contingenter causat. In eodem ergo instanti, in quo elicit voluntas actum circa, a, potest velle elicere oppositum actum, quia pro illo instanti, quo elicit actum volendi, a, libere, & contingenter elicit: ergo in eodem instanti potuit elicere oppositum sine successione actus ad actum: non quidem, quod postquam vnus actus inest, possit inesse alius sine tali successione, quia hoc implicat, sed sic, quod sicut pro illo instanti elicit illum actum, ipsa, ut prior naturaliter suo actu, potuit elicere oppositum. Hæc ergo potètia ad opposita sine actuũ successione est potètia alicuius prioris naturaliter, ut actus primi ad opposita, quæ sunt posteriora naturaliter, quasi actus secundi. Actus enim primus consideratus in illo instanti, in quo est prior suo actu secundo: ita ponit illũ in esse contingenter, tanquã effectum suum, q, ut prior naturaliter, posset æque bene ponere aliud oppositũ in esse. Voluntas enim mea, ut prior natura actu, quo volo Petro episcopatum, sic contingenter habet illum actũ in re, quod posset ponere oppositum actum: nõ quod

post.

postquam inest actus volendi, simul in eodem instanti habeat actum nolendi, sed sic, quod sicut posuit in actu actum volendi, ipsa, ut prior naturaliter suo actu, potuit ponere in esse actum nolendi.

Hæc potentia ad opposita sine actuum successione in divina voluntate reperitur: sic enim divina voluntas in instanti eternitatis vult Petrum futurum, quod ipsa, ut prior naturaliter tendentia in tale obiectum, potuit velle oppositum sine actuum successione. Nam cum non necessario, sed libere, & contingenter velit Petrum esse, pro eodem instanti potuit velle oppositum modo exposito in nostra voluntate.

Sed obijcies: voluntas potest velle, & pro hoc instanti, & potest nolle, & pro eodem instanti, ergo simul potest velle opposita.

Respondeo supponendo dictum Arist. Meta. text. Com. 10. quod habens potentiam ad opposita sic faciet, sicut faciendi habet potentiam, non autem, ut potentiam habet facienti, ita quod modus faciendi referatur non ad potentiam, sed ad terminum potentie. Exempli causa. Superficies habet simul potentiam ad albedinem, & nigredinem: sed non recipiet albedinem, & nigredinem simul. Lapis simul habet potentiam. licet non naturalem, ad sursum, & deorsum: sed non simul erit sursum, & deorsum. Simul ergo potest aliquid habere potentiam ad opposita, sed non ad opposita simul: simul enim habeo potentiam ad portandum hoc pondus meis viribus adæquatum & ad aliud eiusdem gravitatis, sed non habeo potentiam ad simul portandum utrumque. Hoc est, quod alij

dicunt: habeo simultatem potentie ad opposita, quia simul mea potentia illa respicit, sed non habeo potentiam simultatis ad opposita: quia simul non possunt opposita inesse. Est ergo simul in eodem potentia ad opposita disiunctim: sed non ad opposita coniunctim & simul. Ex eo ergo, quod voluntas habeat simul potentiam ad opposita, non sequitur, & possit velle simul opposita.

Sed obijcies secundo. Si pro aliquo instanti est potentia ad aliquid, cuius oppositum inest, aut est potentia cum actu, aut ante actum. Non primum, quia implicat, hoc actu existente inesse oppositum: nec secundum, quia tunc esset ad actum pro alio, & alio instanti.

Respondeo, quod est potentia ante actum: sed ly, ante, potest accipi dupliciter. Primo, ut dicat ordinem durationis inter potentiam & actum: secundum, ut notet solum ordinem nature. Est quidem potentia ante actum, ut ly ante dicit ordinem nature: quia actus primus, qui naturaliter est prior isto actu secundo, ut prior naturaliter, potest esse cum opposito actu. Nam sicut elicitur istum actum potuit elicere oppositum in eodem instanti temporis. Sed obijcio tertio. Quicquid est, dum est, necesse est esse: ergo in instanti, in quo elicitur iste actus, necessario elicitur, & est, ergo pro eodem instanti non potest inesse actus oppositus.

Respondeo, quod ly, necesse, vel dicit necessitatem consequentia, vel consequentis, vel aliquem modum necessitatis secundum quid. Si dicat necessitatem consequentia, vera est propositio Aristotel. sicut ista est vera in eodem sensu. Animal cur-

rere, si homo currit, est necessarium. Si verò dicat necessitatem consequētis, est falsa, sicut & hac in eodem sensu. Animal currere, si homo currit, est necessarium: facit enim hūc sensum. Animal currere est ens necessarium. Si verò dicat modum quandam necessitatis, similiter est vera, sed tunc non licet inferre: ergo necessariò est, quia est fallacia secundum quid ad simpliciter. Nullus ergo sensus verus præfata propositionis denotat, q̄ esse aliquid in instanti, in quo est, sit simpliciter necessariū, sed secundum quid, cum quo tamen stat, q̄ in illo instanti, in quo est, sit simpliciter contingens: & per consequens, q̄ in illo instanti posset oppositum illius inesse.

1. *Concl.*

His ita constitutis sit prima conclusio. Voluntas diuina in eodem instanti aternitatis, in quo vult Petrum futurum, potuit velle oppositum sine actuum successione. Hac conclusio satis patet ex his, quæ supra notauimus; & probatur. Quia, sicut determinauit Petrum futurum, cum non necessariò illud determinauerit potuit oppositum determinare: causa enim, quæ est libera ad opposita, vt prior suo actu potest quodlibet illorum ponere in esse. Quod vero illud possit sine actuum successione, et patet, quia ad determinandum, et volendum oppositum eius, quod inest, non oportet, quod prius velit istud, & deinde oppositū: sed solum, quod pro illo instanti, pro quo voluit istud, voluerit non hoc, sed oppositum.

Præterea, quia, vt supra docuimus, voluntas diuina non est libera ad oppositos actus, quia hoc mutabilitatem poneret, & imperfectionē in Deo: sed ad opposita obiecta per

vnū, & eundem actum infinitum, & illimitatum.

Secunda conclusio. Voluntas diuina determinans fore aliquid ostensum ab intellectu facit complexiōnem talem esse veram, & ideo intelligibilem: & ex hoc huiusmodi complexio est præsens intellectui diuino in ratione obiecti non mouentis, sed terminantis cognitionem. Et sicut voluntas potest facere istud volitum, & nō facere: ita potest esse verum, & non verum: & ita potest cognosci, & non cognosci ab intellectu diuino, secundum quod determinatur fore a diuina voluntate vel nō determinatur fore. Hac conclusio ex articulo præcedenti est manifesta & ipsa in se est satis nota cuicumque catholico.

2. *Concl.*

Tertia conclusio. Licet diuinus intellectus, vt prior determinatione diuinæ voluntatis, non intelligatur, vt sciens futura contingētia: non tamen est verū dicere, quod in aliquo instanti sit nesciens futura, vel ignorans futura. Prima pars huius conclusionis satis est nota: quia ante determinationem diuinæ voluntatis futura contingētia non sunt vera, vt in secunda conclusione diximus. Secunda vero pars necessario est concedenda, quia oppositū ponit imperfectionem: nescientia enim, & ignorantia imperfectionē sonant. Sed obieciēs. Prius natura est non sciens futura, q̄ sciens: ergo prius est nesciens, quam sciens. Vel aliter: in illo priori ante determinationem diuinæ voluntatis vere intelligitur Deus non sciens futura: ergo prius est non sciens futura, quam sciens.

3. *Concl.*

Respondeo, q̄ prioritas nature nō exponitur cū verbo est, per in quo, sed

sed bene cum verbo intelligi. Unde dico, quod in illo priori non intelligitur Deus sciens futura: sed non potest concedi, quod in aliquo priori sit nesciens futura, quia verbum est, dicit rei existentiam, quæ non mesuratur per instantia naturæ: sed temporis, vel æternitatis secundum rei cuiusque naturam. Nunc autem falsum est, quod Deus in aliquo instanti temporis, vel æternitatis nesciat futura. Et cum eis, quod in illo priori verè intelligitur Deus nesciens futura: nego illud, sed verè non intelligitur sciens futura. In primo loquendi modo est vera compositio illius prædicati nesciens futura cum Deo: & ideo pertinet intellectio illa ad compositionem, & diuisionem, ubi falsitas, vel veritas reperitur. In secundo vero modo loquendi est sola abstractio præcisiua, sicut cum dico: homo, ut concipitur vel prior risibilitate, verè in illo priori non intelligitur risibilis, cognoscitur enim non cognita risibilitate: & esset falsum dicere, quod tunc concipitur risibilis, vel non risibilis. Nam in illo priori solum concipitur secundum prædicata sibi essentialia, extra quorum numerum sunt risibile, & non risibile: & si intelligeretur risibilis, vel non risibilis, esset ibi falsitas, saltem virtualiter. Cum ergo sic arguitur: Homo non intelligitur risibilis in illo priori, ergo intelligitur non risibilis: commutatur abstractio simplex, & præcisiua in abstractionem diuisionem, & mendacem. Similiter accidit, cum dicitur: Deus in illo priori ante voluntatis diuinæ determinationem non intelligitur sciens futura, ergo intelligitur nesciens futura, vel est nesciens futura. Nunquam ergo concedas

Deum in aliquo instanti intelligi, vel nescientem futura, vel in aliquo instanti nescire futura: sed solum, quod in aliquo instanti naturæ non intelligitur sciens futura.

Ex his sequitur, quod quæuis ad futurorum cognitionem diuinæ voluntatis determinationi supponatur, nulla ibi interuenit mutatio: quia non prius est diuinus intellectus sub negatione scientiæ futurorum, quam sub scientiæ: non enim illa negatio in aliquo priori inest, in quo non sit, & insit affirmatio, ut ex modo dictis constare potest, nisi forte prius natura negatiue, de quo in tertio: sed hoc dato nihil contra dicta sequitur.

Quarta conclusio. Licet diuinus intellectus potuerit scire oppositum eius, quod scit, & non scire illud, quod scit: hoc tamè absque eius mutatione fieri poterat. Prima pars satis constat ex dictis. Nam si diuina voluntas oppositum determinasset, sicut potuit: oppositum sciisset diuinus intellectus. Eo ergo modo, quo diuina voluntas potuit determinare in instanti æternitatis oppositum eius, quod determinauit: potuit diuinus intellectus scire oppositum eius, quod scit, vel non scire id, quod scit. Secunda pars satis etiam constat per ea, quæ diximus de voluntate: quod, scilicet, sine actuum successione potuit oppositum eius, quod determinauit, in eodem instanti determinare, & per consequens absque sui mutatione. Ita in proposito.

Quinta conclusio. Scientia Dei, etiam circa futura contingentia, est immutabilis omnino. Probatur. Voluntas Dei, quæ vult futura contingentia, & ex cuius determinatio-

4. Concl.

5. Concl.

ne ipſa ſunt vera, eſt omnino immu-
tabilis, ergo & diuinus intellectus
cognoſcens ea eſſe vera ex determi-
natione diuinæ volūtatis, eſt immu-
tabilis. Antecedens patet, quia, ſi
poſſet mutari, maxime, quia in ea po-
teſt eſſe actuum ſucceſſio, ſed hoc eſt
impoſſibile, ergo impoſſibile eſt, qđ
mutetur. Conſequentia tenet cum
maiori. Minor probatur. Quia ſucceſ-
ſio actuum arguit in potentia poten-
tialitatem paſſiuam, & per conſe-
quēs imperfectionem: at diuina vo-
luntas eſt perfectiſſima, & purus ac-
tus omnem potentialitatem exclu-
dens: ergo in ea non poteſt eſſe ac-
tuum ſucceſſio.

Præterea Deus eſt omnino immu-
tabilis iuxta illud Iacobi. Apud quē
non eſt tranſmutatio, nec vicifſitudi-
nis obumbratio: ſed talis immutabi-
litas in Deo ſaluari non poſſet cum
mutabilitate diuinæ volūtatis, vel
ſcientiæ eius, ergo ſcientia Dei, etiam
reſpectu futurorum, eſt proſus im-
mutabilis.

AD ARGVMENTA in principio articuli poſita.

Ad primum concedo maiorem,
ſed quia ſæpe iſta propoſitio
reperitur apud Doctorem libet eam
explicare: & dico, qđ ad hoc, quod
huiusmodi tranſitus mutationem in
ducat, nec eſſe eſt, quod tranſiens ali-
ter ſe habeat nunc, quā prius ſecū-
dum aliquid reale in ipſo receptum:
quia mutari eſt aliter ſe habere reali-
ter nunc, quā prius. Ex quo ſequi-
tur, quòd Deus, cum de non creante
ſit creans, non mutatur, quia non re-
cipit in ſe aliquid reale nouum, ſecū-
dum quod aliter ſe habeat nūc, quā

prius. Sequitur etiā, quod per reſpe-
ctus rationis, quos noſter intellectus
in Deo cauſat, non mutatur. Requi-
ritur etiam ad hoc, vt in tali caſu mu-
tatio interueniat, quod pro aliquo
tempore, vel inſtanti temporis ſub
vno contradictoriorum extiterit, &
deinde ſub alio. Maior ergo rationis
eſt vera in ſenſu expoſito ſed nego
minorem: non enim ibi eſt verus trā-
ſitus talis, nec eſſe poteſt, quia huius-
modi tranſitus non pōt eſſe ſine ſuc-
ceſſione, ita, quod oppoſitū ſuccedat
oppoſito, quod in Deo eſſe nequit.
Nam ſicut, nō poſſunt ſimul ſtare ſci-
re, & non ſcire, ita nō poſſunt ſimul
ſtare in Deo quod aliquando ſciat, &
aliquando non ſciat, ſine quo muta-
tio eſſe nequit. Non ergo aliquan-
do eſt Deus ſub negatione ſcientiæ,
& poſtea ſub affirmatione, vt a con-
tradictorio in contradictorium tran-
ſire dicatur, & ſic mutetur, nam, vt cō-
cluſione tertia docuimus, ad muta-
tionem requiritur, quod ſubiectum
prius ſit ſub negatione, & priuatione
formæ, quā ſub forma ſic, qđ
prō aliquo inſtanti temporis verum
ſit dicere. Nunc hoc ſubiectum non
eſt ſub forma. Ita docet Scotus in 3.
diſt. 2. q. 3. in ſolutione ad vltimum,
vbi ait, qđ quando materia ſimul pro-
ducitur cū forma, nulla ibi interue-
nit mutatio, quia materia non prius
in aliquo inſtanti fuit ſub priuatione,
quā ſub forma.

Ad ſecundum reſpondeo biſariā. Ad 2.
Primo concedendo maiorem, ſed ne-
go minorem, ſcilicet, quòd Deus ſit
non ſciens, a pro aliquo inſtanti. Cū
probatur, quia ante determinationē
diuinæ volūtatis non ſcit futurum,
dico, quòd vt ſupra diximus, in nul-
lo priori poteſt eſſe Deus non intel-
ligens

ligens rem futuram. Quia & si prius naturaliter determinet diuina voluntas rem futuram esse, quam Deus illam intelligat: tñ in nullo instanti est Deus non intelligens creaturā: quia instans naturę non exponitur per in quo cum verbo est, sed cum verbo intelligi. Et ita verum est, quod in aliquo instanti natura non intelligitur intelligens, & sciens futurum, sed in nullo instanti est non sciens futurū: quia verbum esse dicit existentiam, quę non per instantia natura, sed temporis mensuratur.

Secundo dico, qđ maior est verā, quando ibi est successio, oppositi ad oppositum, vel pōt esse, quā ly, incipere necessario successionem importat, nō tamen quādo est potētia pręcisē alicuius prioris naturaliter ad oppositum posterioris pro eodem instanti, pro quo ipsum posterius habet esse contingenter: quia tunc non est successio, solum. n. ibi attenditur potentia ad oppositum penes hoc, qđ sicut hoc inest, potuit oppositū inesse pro eodem instanti, sed nō successiue, quod ad mutationē, & inceptiōnem erat necessarium.

Ad tertium dico, qđ illa potētia est naturalis, qđ est intellectus diuinus, vt est actu sub intellectione diuinę essentię, qui vt sic, est potentia actiua respectu quorumcunq; obiectorum, quę producit in esse cognito. Et cum infertur: ergo non poterit agere circa aliquid, circa quod prius non egit, nisi mutetur: dico, quod consequentia est nulla, qñ agens requirit tantū pręsentia obiecti, vt operetur. Et patet in naturalibus: vt. n. sol calefaciat cerā, & induret lutū, non oportet, qđ mutetur ipse Sol, sed qđ lutum, & cera ei approximētur. Ita in proposito.

Vt diuinus intellectus intelligat futura, sufficit, qđ ea determinet ad alteram partem diuina voluntas, & per essentiam sibi fiant pręsentia in ratione obiecti: per hoc enim solum intelliguntur a diuino intellectu, non per nouam intellectionem aliam ab ea, quā actu diuinam essentiam intelligit, sed per eandem omnino: ac proinde non est ibi aliquid, ratione cuius diuinus intellectus mensurari possit. Quod ex duplici capite prouenit. Primo ex eo, quod ibi nō est successio actus ad actum. Secundo, quia ibi non incipit noua operatio sic, qđ per aliquod instans tēporis, vel per aliquā durationē fuerit Deus non intelligens, & postea intelligens: quod ad mutationem, vt supra diximus, necessario requiritur. Sed obijcies contra dicta, qđ adhuc non potest esse illa rei futura cognitio sine mutatione, saltem in obiecto intellectos: sicut nec approximatio passi naturalis ad agens naturale potest esse sine mutatione passi. Respondeo, quod obiectum cognitum non mutatur in suo esse, quia non est successiue sub oppositis, scilicet, sub esse, & non esse, licet contingenter sit in esse intellecto. Quia, sicut voluntas diuinā determinauit futuram hanc contradictionis partem, potuit pro eodem instanti oppositam determinare, vt supra docuimus.

ARTICVLVS V.

An Deus necessario sciāt omnem conditionem existentia.

Circa quintum articulum, vide. 1. Arg. tur pars affirmatiua vera. Primo. Deus immutabiliter scit Anti-

christum futurum, ergo necessario. Probo consequentiam, quia quicquid immutabiliter inest, necessario inest.

2. Arg. **Secundò.** Omnis perfectio simpliciter necessario est in Deo, sed scire futura contingentia est perfectio simpliciter, ergo necessario est in Deo; ergo necessario scit futura. Istæ consequentiæ sunt notæ. Maior probatur, quia eius infinitum necessario habet omnem entitatem, & perfectionem eo modo, quo possibile est, in aliquo vno reperiri, sed omnis perfectio simpliciter potest esse formaliter in ente infinito, ut conuenientia vigesima septima, docuimus, ergo est ibi necessario, quia posse, & esse in diuinis sunt idem. Minor argumenti sic probatur, quia, aliter non esset imperfectus, si nesciret futura, quia non esset imperfectus, nisi per carentiam perfectionis simpliciter.

3. Arg. **Tertiò.** Quicquid potest esse in Deo, necessario est in Deo, sed cognitio rei futuræ potest esse in Deo, quia est ibi de se, ergo necessario est in Deo; ergo Deus necessario scit futura.

1. Opinio. In hac dubitatione est duplex opposita opinio. Prima B. Thom. 1. p. quæst. 14. artic. 1. 3. in solutione ad secundum asserentis, futura contingentia, ut scita a Deo, esse absolute necessaria, ac per consequens scientiam Dei de futuris contingentibus esse simpliciter necessariam.

2. Opinio. Secunda opinio est Scoti in 1. distinct. 39. q. 4. asserentis scientiam Dei respectu futurorum esse simpliciter contingentem, & secundum quid necessariam.

E. X. P. L. A. N. A. T. I. O.
opinionis B. Thom.

Pro intelligentia opinionis Beat. Thom. obserua, quod futurum contingens potest, huiusariam considerari. Primò in se, & secundum suam propriam naturam. Secundo prout subest diuinæ scientiæ.

Secundò obserua, quod licet futurum contingens, antequàm in re & in effectu ponatur, non sit necessarium; ceterum postquàm in re est, & in effectu, est ens necessarium, quia iuxta Aristot. sent. in 1. per her. Quicquid est, quando est, necesse est esse. His positis sententia D. Th. his conclusionibus continetur.

Prima conclusio. Si futurum contingens in se, & suam propriam naturam consideretur, necessitas nullatenus ei conuenire potest, sed sola contingentia. Hæc conclusio ex propria futuri contingentis natura constat: est in futurum contingens, quod non magis ad esse, quam ad non esse est secundum suam naturam determinatum.

Secunda conclusio. Si futurum contingens consideretur, secundum quod subest diuinæ scientiæ, & cognitioni, est necessarium absolute. Probat. Quia, ut subest diuinæ scientiæ, est in sua præsentia: quicquid autem est, quando est, necesse est esse, ut dicitur in 1. per herm.

Tertia conclusio. Hæc propositio: Deus scit Antichristum futurum, est simpliciter, & absolute necessaria: sed hoc consequens, ergo Antichristus erit, non est absolute necessarium, sed contingens, si secundum se consideretur. Si tamen attendatur, ut diuinæ scientiæ subest, est absolute necessarium, ut conclusione secunda diximus.

Quar.

4. *Concl.* Quarta conclusio. Scientia Dei respectu futurorum contingentium protul iam ad ipsa est terminata, est absolute, & simpliciter necessaria. Hæc conclusio ex præcedentibus satis constat. Hæc de opinione B. Thom.

E X P L A N A T I O opinionis Doct. subtilis.

4. *Nota.* **A**d intelligentiam opinionis Doctoris subtilis examinanda, & & discutienda est veritas, & sensus huius trita, & vulgaris propositionis. Quicquid est, quando est, necesse est esse (quam Aristor. ponit. 1. periherm.) quia illi maxime D. Thom. sententia inniti videtur.

Scotus distinguo. 39. litt. I. in hunc modum eam explicat. Præfata (inquit) propositio potest esse vel vna hypothetica temporalis, vel vna categorica de extremo temporali. Et, ut hoc melius explicet, assumit pro exemplo hanc. Animal currere, si homo currit, est necesse. Quæ potest dupliciter accipi. Primo ita, quod sit hypothetica conditionalis: secundo ita, quod sit categorica de extremo conditionato. Si primo modo accipiat, potest dicere; vel necessitatem consequentia, & tunc eius sensus est. Hæc consequentia est necessaria: Homo currit, ergo animal currit, quia consequens necessario ex illo antecedente inferitur: vel potest dicere necessitatem consequentis, id est, quod illud consequens: ergo animal currit, est necessarium, & sic est falsa. Si autem illa propositio accipiat pro categorica de prædicato conditionato, tunc totum illud est prædicatum, ut puta, currere si homo currit subiectum vero, animal. Mo-

dos vero, secundum quem illud prædicatum inest subiecto, est ly necesse: estque tunc vera illa propositio, scilicet. Animal currere, si homo currit, est necesse: quia ly necesse solum importat modum necessitatis secundum quid. Et tunc, si arguatur. Necessario animal currit, si homo currit, ergo necessario animal currit, est falsitas a fin quid ad simpliciter (ac si argueretur. Aethiops est albus (in dentes, ergo est albus) quia in antecedente est necessitas conditionata, & in consequente necessitas simpliciter.

Ad propositum applicando dico, quod illa propositio. Omne, quod est, quando est, necesse est esse, potest capi dupliciter. Primo, ut est vna hypothetica temporalis, & tunc ly, necesse, vel notat necessitatem consequentia, vel consequentis. Si primum, est vera, quia sensus est, quod necessarium est esse ens quando est. Id est, bene sequitur. Hæc res est nunc, ergo necessario sequitur, quod pronunciat; alias, non esset contradictio manifesta. Si vero notet necessitatem consequentis, est omnino falsa, quia sensus est: Omne, quod est, quando est, est ens necessarium, vel necesse esse, quod est falsum.

Secundo potest esse illa propositio categorica de extremo temporali, & hoc dupliciter. Primo ita, quod sit de subiecto temporali, & tunc totum hoc: Omne, quod est, quando est, est subiectum, & ly est, est copula, prædicatum vero ly necesse esse. Secundo ita, quod sit de prædicato temporali, & tunc prædicatum eius est totum hoc. Quando est, necesse est esse. Si sit categorica de subiecto temporali, est falsa, quod in hac argumentatione apparet. Oñ, quod

est, quando est, necesse est esse, Socrates est, quando est, ergo, necesse est esse Socratem. Consequens huius rationis est falsum, ergo maior, quia minor est vera. Si vero huiusmodi propositio sit de predicato temporali, ipsa est vera, cuius veritas, & sensus in hoc syllogismo apparet. Omne, quod est, quado est, necesse est esse: sed Socrates est, igitur Socrates, quando est, necesse est esse. Sed talis necessitas est necessitas secundum quid, per quam rei contingentia non tollitur. Unde Socrates, quando est, est simpliciter contingenter, & necessario secundum quid: ex qua necessitate inferre necessitatem simpliciter est committere fallaciam a secundum quid ad simpliciter. Ex his, sequitur, quod illa propositio Aristotelica nunquam est vera de necessitate simpliciter, & consequentis, sed de necessitate consequentis, & secundum quid, ex qua non licet necessitatem simpliciter inferre.

Nota

Secundo obserua, quod necessitas, ut ad praesens attinet, est duplex. Alia est necessitas immutabilitatis: alia vero est necessitas omnimodae ineuitabilitatis, quae est necessitas simpliciter. Prima necessitas excludit, posse oppositum succedere ei, quod inest. Exempli causa. Deus vult Petrum crastina die sedere: vult qui dem illud necessario necessitate immutabilitatis, quia licet potuerit oppositus actus simpliciter inesse (quia sicut voluit Deus, Petrum crastina die sedere, potuit oppositum velle) attamen, postquam semel voluit huic volitioni non potest succedere actus oppositus, quo velit Petrum non sedere cras. Necessitas vero ineuitabilitatis, seu simpliciter, non so-

lum excludit oppositum non posse succedere ei, quod inest: sed etiam, quod nullo modo possit inesse. Exempli causa. Deus ita diligit suam essentiam, ut pro nullo instanti poterit inesse oppositus actus. Hac necessitate producit Deus Sanctum spiritum, et si liberè, quia oppositum nullo modo inesse potest, ut contra 3. diximus.

Tertio notandum, de sensione esse, & controversiam inter Thomistas, an tertia D. Th. conclusio sit vera, ut puta, an haec propositio: Deus sciuit Antichristum futurum, sit absolute necessaria. Caretanus vbi supra S. Th. partem tenet affirmatiuam: cuius ratio est. Quia est propositio de praeterito, & regulanda per leges aliarum propositionum de praeterito, quae videntur absolute necessariae. Nam licet in aeternitate non sit praeteritum aliqua formaliter, bene tamen eminenter: quia aeternitas eminenter continet omne tempus. Abj vero, (ut neoterici quidam D. Th. Thomae interpretes) eodem loco tenent oppositam sententiam, ut puta, praefatam propositionem esse simpliciter contingentem, & secundum quid necessariam. Sed ne videatur praedictus interpretes a D. Thomae vestigijs recedere, qui oppositum tenere videntur in tertia conclusione, responderi. Sanctum Thomam non intellexisse illam propositionem esse necessariam, nisi necessitate immutabilitatis.

Hsic ita constitutis sit prima conclusio. Futuro contingenti secundum suam propriam naturam considerato nulla necessitas conuenire potest, quia ex sua natura est aequae indifferens ad non esse, sicut ad esse.

Secunda conclusio. Futura contingentia (etiam ut subsunt diuinae

Nota 3.

Concl. 1.

2. Concl.

scien-

scientia) non sunt simpliciter necessaria. Conclusio hæc, est contra secundam D. Th. conclusionem: sed certè est omnino vera, & indubitata debet esse apud omnes. Primò, quia ens simpliciter, & absolute necessarium illud est, cui omnino repugnat non esse, ita, q. oppositum eius, si non esse, nullo modo. potuit rei cõuenire iuxta rationem necessitatis simpliciter supra depictæ: sed omnia futura contingentia, simpliciter, & absolute loquendo, potuerunt non esse, & non esse futura: quia, sicut divina voluntas determinauit, ea fore, potuit determinare oppositum: ergo futura cõtingentia, etiam, ut subsunt diuinæ sciẽtiæ, non sunt simpliciter necessaria, quia ipsa potuerunt non esse futura. Secundo. Futura contingentia non sunt necessario scita, sed contingenter, ergo, ut subsunt diuinæ sciẽtiæ, nõ sunt simpliciter necessaria. Antecedens satis ex superioribus constat: consequentia vero est euidens.

3 *Concl.*

Tertia conclusio. Futurum cõtingens, etiam ut subest diuinæ sciẽtiæ, est quoad esse simpliciter cõtingens, & secundum quid necessarium. Hæc conclusio est directè contra secundam conclusionem B. Thomæ supra positam: cuius prima pars sic ostenditur. Deus, simpliciter, & absolute loquendo, potuit velle oppositum illius futuri ad esse per diuinam voluntatem determinati: sicut enim voluit Petrũ futurum: potuit velle oppositum in eodem æternitatis instanti, ut supra docuimus: ergo futurum cõtingens, etiam ut subest diuinæ sciẽtiæ, est simpliciter contingens. Præterea. Futurum contingens, etiam dum actu est in re, & in effectu, est simpliciter contingens, ergo etiam ut subest di-

uinæ sciẽtiæ. Consequentia tenet. Primò, quia Dei sciẽtia nõ destruit rei naturam. Secundo, quia per hoc, quod scitur a Deo, nihil necessitatis ei accrescit, saltem per hoc, non est magis nunc necessarium simpliciter, quam antea. Antecedens probò. Primò, quia cum ens diuidatur per necessarium, & contingens: alterũ horum esse debet, sed nõ est ens necessarium (alioquin in re, & in effectu nullum eos contingens dari posset, quod est absurdum) ergo est ens contingens simpliciter. Secundo. Si esset ens necessarium, maximè, quia iuxta Aristotelicam sententiam quidquid est, quãdo est, necesse est esse, sed ex hoc deduci nõ potest, nisi necessitas consequentia, & secundum quid, ut supra deduximus, ergo nullatenus futurum contingens, etã dum actu est, est simpliciter ens necessarium, sed contingens, & contingenter habens esse. Item. Ens diuiditur in necessarium, & cõtingens, ergo intellectus diuinus intelligens, ista secundum proprias suas naturas, intelliget hoc, ut necessarium, & illud ut contingens, alioquin nõ intelliget ista, ut sunt talia entia: ergo sciẽtia Dei non tollit contingentiam ab eo, quod est scitum, ergo, si secundum se est ens contingens, etiam, ut subest diuinæ sciẽtiæ, erit contingens. Secunda pars huius tertiæ conclusionis patet, quia, ex quo Deus illa scipit, necessariò necessitate consequentia erunt: sequitur enim necessariò: Deus sciuit hoc futurum, ergo erit: quia sciẽtia Dei est certa, & infallibilis atque immutabilis.

4 *Concl.*
Quarta conclusio. Siue hæc propositio: Deus sciuit Petrum futurum, sit de præsentī, siue de præterito, non est

est simpliciter necessaria, sed ex suppositione. Probatur a definitione necessitatis simpliciter supra posita. Quia illud est simpliciter necessarium, cuius oppositum nullatenus potest, vel potuit esse, sed oppositum illius propositionis simpliciter potuit esse, quia diuina voluntas potuit oppositum determinare, & per consequens diuinus intellectus oppositum scire, ergo illa propositio non est simpliciter necessaria. Et confirmatur. Extrema illius propositionis contingenter vniuntur, vt patet, ergo illa non potest esse simpliciter necessaria. Secunda pars huius conclusionis ostenditur, quia, ex quo est scita, sequitur necessarium, quod erit. Necessitas autem consequentie est necessitas secundum quid, & ex suppositione. Sed contra. Propositio de preterito non potest non esse vera: nam ex quo Adam fuit, nulla potentia fieri potest, quod non fuerit, ergo est necessaria simpliciter. Respondeo, quod propositio de preterito, sicut fuit vera, potuit esse falsa. Nam sicut Adam fuit, potuit non esse, ac proinde non est absolute, & simpliciter necessaria propositio de preterito in rebus, que contingenter habuerunt esse, sed ex suppositione, qua facta, illa propositio non potest non esse vera: inde tamen non licet inferre, quod sit necessaria simpliciter, quia committitur fallacia a secundum quid ad simpliciter.

3. *Concl.*

Quinta conclusio. Prefata propositio, & omnia futura contingentia, vt subsunt diuinæ cognitioni, sunt necessaria necessitate immutabilitatis. Probatur: quia ei, quod inest, non potest oppositum succedere. Nam, si scit Deus Petrum futurum, huic cognitioni iam existenti non potest op-

posita cognitio succedere, qua cognoscatur Petrum non futurum, quia iam mutaretur diuinus intellectus, quod implicat. Et si diuina voluntas determinauit, Petrum futurum, non potest huic determinationi opposita determinatio succedere ob eandem rationem. Et ex quo diuina determinatio frustrari, & impediri non potest, sequitur quod huiusmodi futurum infallibiliter erit: & per consequens diuina cognitio respectu eius erit omnino infallibilis.

6. *Concl.*

Sexta conclusio. Scientia Dei respectu omnium creaturarum quoad esse existentiae earum est contingens, & ex suppositione necessaria. Non asserimus scientiam Dei secundum se esse contingentem, sed solum prout transit in creaturas secundum esse existentiae consideratas. Hac conclusio satis ex precedentibus sequitur: & hac ratio saepe repetita sufficit, vt puta, quia potuit Deus oppositum scire, sicut, & diuina voluntas oppositum determinare. Ceterum, ex quo determinauit illud fore necessarium diuinus intellectus scit illud futurum. Vnde decipitur, vel improprie satis loquitur nouus quidam Thomista prima parte questionis 14. articulo decimotertio, pagina 666. columna prima in fine, cum ait, in hac propositione, Deus sciuit Petrum futurum, importari actum diuinæ cognitionis, prout egreditur de presenti ab intellectu diuino libere operante. Quia intellectus, etiam diuinus, quemcumque actum elicit, naturaliter, & non libere elicit: & ita necessario necessitate naturali fertur in quodcumque obiectum sibi presentatum a diuina essentia, siue illud sit necessarium, siue contingens; verum

verum est tamen quod ad hoc, ut in
futura contingentia feratur, suppo-
nitur actus diuine voluntatis deter-
minantis illa fore: ceterum, ex quo
determinatur illa, intellectus natura-
liter in ea feritur.

AD ARGUMENTA

in principio articuli posita.

Ad 1. **A**d primum nego consequen-
tiam: ad probationem dico, quod
necessitas immutabilitatis ex se non
probat, nisi possibilem successionem
oppositi ad oppositum: ita, quod pos-
sumus vnum inesse, oppositum non
potest succedere. Et hæc necessitas
reperiatur in Deo necessario, quia nec
intellectus, nec voluntas eius potest
ab opposito in oppositum mutari.
Hæc tamen necessitas non est neces-
sitas simpliciter, quia non solum ex
se prius successionem oppositi ad
oppositum: sed etiam prius posi-
bilitatem huius oppositi, ut supra di-
ximus: & hæc etiam reperitur in di-
uinis, sed non respectu futurorum,
vel quarumcumque creaturarum se-
cundum esse existentia. Sed ex ne-
cessitate immutabilitatis, qua Deus
necessario scit futura post diuine vo-
luntatis determinationem, non licet
inferre necessitatem simpliciter, quia
est fallacia a secundum quid ad sim-
pliciter.

Ad 2. **A**d secundum concedo maiorem
& distinguo minorem: nam si scire
potest accipi bifariam, primo abso-
lute, secundo ut transit super rem fu-
turam. Primo modo vera est minor,
quia scientia Dei perfectio est sim-
pliciter: sed secundo modo non est
perfectio simpliciter, sed sequitur
perfectiorem simpliciter. Nam ad

infinitam Dei scientiam sequitur,
quod ad omnia scibilia se extendat.
Et ideo, cum futura contingentia ex
determinatione diuine voluntatis
sint vera, necessario in ea tendit diu-
ina scientia, si tamen Scotus alicubi
intelligere lapidem perfectionem
simpliciter appelleret, vel tunc loqui-
tore ex aliorum sententia, vel debet
intelligi quoad absolutum, & non
quoad connotatum: vel præexigiti-
uè, & non formaliter, vel complexi-
uè, quia scilicet, perfectionem sim-
pliciter amplectitur.

Ad tertium dico: quod aliquid
potest esse in Deo bifariam. Primo
formaliter, & intrinsecè: secundo
subiectiue ad modum, quo logicè præ-
dicatum quodcumque dicitur, in-
se subiecto. Nunc dico, quod id,
quod potest esse in Deo primo mo-
do, necessario est in Deo, & est idem
Deo: sed non quod secundo modo
est, vel potest esse in Deo. Nam ap-
pellatio relatiua potest esse in Deo
(dicitur enim Dominus ex tempo-
re) ista tamen appellatio non signi-
ficat aliquid formaliter in Deo, nec
aliquid idem Deo: quia tunc non
esset Dominus ex tempore, quia mu-
taretur. Sic dico, quod Deum sci-
re a ratione huius, quod est scire for-
maliter, & est in Deo formaliter,
& necessario: sed scire ut talis ter-
mini, non inest Deo, nisi secundo
modo, nam scire Dei est huius ter-
mini, & obiecti, quia hoc scitum
habet respectum ad diuinam scien-
tiam, & per hoc aliqua appel-
latio relatiua inest Deo,
sicut prædicatum
subiecto.

ARTICVLVS VI.

*An cum certitudine diuina scientia
possit stare rerum contingencia?*

Circa sextum articulum, pars negatiua his argumentis vero similis redditur.

1. Arg.

Primo. Omne scitum a Deo fore, necessarium erit, sed me crastina die sessurum est a Deo scitum, ergo ego necessarium sedebam cras, & per consequens mea sessio crastina non est contingens, sed necessaria, supposita diuina scientia. Maior est vera, quia prædicatum necessarium inest subiecto: & minor est de inesse simpliciter, ergo conclusio est necessaria.

2. Arg.

Secundo. Futura contingencia sunt iam determinata a diuina voluntate ad alteram contradictionis partem, ergo necessarii erunt. Patet consequentia: quia diuina voluntas frustrari, aut impediri non potest.

Nota.

Ad huius questionis intelligentiam obseruandum, quod indeterminatio (vt ait Antonius Trombeta in sua Metaphy. q. de præscientia futurorum contingentium) est duplex opposita duplici determinationi: quædam est de inesse, & quædam de possibili, & utraq; reperitur tam ex parte causæ, quam ex parte effectus. Indeterminatio de inesse ex parte causæ est, quando causa est indeterminata, & indifferens ad agere, & non agere, & dicitur indeterminatio de inesse, quia significatur per inesse, scilicet, per agere, & non agere. Indeterminatio vero causæ de possibili est, quia causa est indeterminata ad posse agere, & ad posse non agere: id est, secundum quam sic se habet, quod potest agere, & potest non agere. In-

determinatio effectus de inesse est, quando effectus est indifferens ad fieri, & non fieri. Indeterminatio vero de possibili, quædo effectus est indifferens ad posse fieri, & posse non fieri sic, quod potest fieri, & potest non fieri. Voluntas, ante quam producat actus suos, prius natura est indeterminata ad diligere Socratem, & non diligere Socratem: similiter ad posse diligere Socratem, & posse non diligere Socratem. Et quando producit actum dilectionis circa Socratem, est determinata determinatione de inesse: sed est indeterminata determinatione de possibili, quia potest non diligere.

His positus sit prima conclusio. Effectus futurus contingens, antequam ponatur inesse, est determinatus ad alteram contradictionis partem determinatione de inesse, ita, quod ista est vera: Crastina die legam, & opposita falsa. Probatur. Quia diuinus intellectus in rebus futuris alteram contradictionis partem scit determinatè esse veram: alia enim Deus non haberet magis certam, & determinatam cognitionem futurorum, quam ego, qui alteram contradictionis partem veram esse futuram, euidenter agnosco: scio enim euidenter, alteram huius contradictionis partem: Petrus sedebit cras, vel non sedebit, futuram esse veram. Sed quæ pars futura sit, ignoro. Si ergo, vt res se habet, Deus omnia futura contingencia nouit certa, & determinata cognitione: sequitur necessarium, quod libet futurum contingens, antequam ponatur in esse, esse determinatè determinatione de inesse ad alteram contradictionis partem, aliter enim Deus illa certo, & determinatè non agnosceret.

Secunda conclusio. Futurum contingens,

1. Concl.

2. Concl.

tingens, ut sit determinatum determinatione de in se ad alteram contradictionis partem: oportet, q̄ habeat causam extrinsecā determinantem ipsum ad alteram partem. Probatur. Quod est ex se indeterminatū ad utramq; partem contradictionis, ad hoc ut sit determinatum ad alteram, oportet, quod determinetur ab aliqua causa extrinseca, quia ex se, & sua ratione formali, & ex causis suis intrinsicis est indeterminatum: sed futurum cōtingens est ex sua ratione formali indeterminatū ad utramque cōtradictionis partem, ergo eget aliqua causa extrinseca, ut determinetur ad alteram partem, quia se ipsum determinare non potest.

3. *Concl.*

Tertia conclusio. Quamvis futurum cōtingens sit determinatum ad veritatem determinatione de in se ab aliqua causa extrinseca: ex se tamen formaliter nō est determinatum ad alteram partem. Probatur. Quia, quod ex sua ratione formali nō plus respicit esse, quam non esse, non est determinatum ex se ad alteram partē contradictionis: sed futurum cōtingens a causa extrinseca determinatum ad alterā partem, ante quam in esse ponatur, ex sua ratione non plus respicit esse, quam nō esse, ergo ex se non est determinatum, ēt supposita determinatione a causa extrinseca. Itaq; hoc futurum cōtingens: Antichristus erit, licet sit determinatum a divina voluntate ad alterā cōtradictionis partem: ex sua tamen ratione formali manet omnino indeterminatum. Ex quo infertur, q̄, licet futurum cōtingens sit determinatū determinatione de in se a causa extrinseca: est tamen indeterminatū determinatione de possibili, quia

cum ista: Antichristus erit, stat hæc: Antichristus potest non fore.

Quarta conclusio. Determinatio 4. *Concl.*

futuri cōtingentis per causam extrinsecam contingenter determinatam alteram partem contradictionis non tollit indeterminatōnem, quæ competit futuro cōtingenti ex sua ratione formali. Probatur. Illa causa non tollit ab aliquo, quod competit sibi ex sua ratione formali, quæ non dat illi conditionem oppositam suæ rationi formali: sed sic est, quod causa extrinseca determinans futurum cōtingens ad alteram partem contradictionis non dat ei conditionem oppositam rationi formali illius, ergo non tollit a futuro cōtingente in determinationem, quæ sibi competit ex sua ratione formali, quæ est indeterminatio de possibili. Probo maiorem exemplo. Quia si aliqua causa determinaret hominē ad esse albū, vel aliam formam, per quam nō tolleretur rationalitas: nunquam causa illa tollerēt ab homine ea, quæ sibi ex sua ratione intrinseca conveniūt (sed si daret ei esse equum, tollerēt tunc ea, quæ sibi conveniunt ex sua ratione formali, ut patet.) Et rō huius est, quia ratio, & essentia rei non destruitur, nisi per aliquid sibi repugnans. Minor probatur. Quia, cum hoc, q̄ futurum cōtingens sit determinatum a causa extrinseca ad alteram partem cōtradictionis: manet indeterminatum ex sua ratione formali determinatione de possibili, quæ consistit in hoc, quod possit esse, & non esse, quæ est propria futuri cōtingentis ratio.

Quinta conclusio. Causa extrinseca 5. *Concl.*

ca determinans futurum cōtingens ad alteram contradictionis partē est divina

diuina voluntas, quæ est primâ contingentiæ radix adeo, q̃ si Deus, per eam non libere, sed naturaliter, vel necessario ageret nihil contingenter euenire posset. Quod diuina voluntas sit hæc causa extrinseca, satis ex superioribus patere potest: siquidē supra docuimus, diuinum intellectum scire futura determinatē ex eo, quod a diuina voluntate determinatur, & ut determinata, sibi per essentiam diuinam representantur. Quod vero ipsa operante necessario, nihil contingenter posse euenire, in contrariis secundi sententiarum, disputabitur.

6. *Concl.* Sexta conclusio. Diuina voluntas ita libere, & contingenter determinat futurum contingens ad alteram contradictionis partem, q̃ in eodem instanti posset oppositum determinare. Hæc conclusio etiam ex superioribus articulis liquet.

7. *Concl.* Septima conclusio. Cum determinatione voluntatis diuinæ stat contingentia in rebus futuris. Primò, q̃a cū determinatione de inesse stat, determinatio de possibili manet quæ tota ratio formalis futuri contingentis, ut conclusione quarta docuimus: ergo cum determinatione futuri ad alteram partem contradictionis a diuina voluntate facta, stat, q̃ futurum contingens possit esse, & non esse: & per consequens cum determinatione diuinæ voluntatis stat contingentia in re futura. Secundò. Futurum contingens eueniet per causas contingentes, & non necessario operantes, ergo contingenter eueniet, etiam diuinæ voluntatis determinatione supposita. Consequentia est nota: antecedens verò neminem latere debet. Tertiò. Quia determinatio futuri cō-

tingentis est omnino libera, & contingens: in eodem enim æternitatis instanti, in quo illud diuina voluntas ad hanc partem determinauit, potuit ad oppositam ipsum determinare: ergo non necessario eueniet, sed contingenter, & libere: a voluntate quidem libere, & contingenter, ab alijs verò causis contingenter præterea, quia futurum contingens sic eueniet, sicut Deus determinauit: sed Deus determinauit, q̃ eueniat per causas contingentes: ergo contingenter eueniet.

Octaua conclusio. Cum infallibilitate diuinæ scientiæ stat rerum futurarum contingentia. Probatur. Stat rerum contingentia cum determinatione earum ad alteram contradictionis partem a diuina voluntate facta, ergo multo melius cum infallibilitate scientiæ diuinæ, quæ ex illa determinatione deprobitur. Antecedens ex præcedenti conclusione constat, consequentia verò est satis aperta: quia, si quod magis videtur inesse, non inest, ergo minus inest, quod minus videtur inesse, sed determinatio diuinæ voluntatis magis videtur rerum contingentiam in medio tollere, quàm diuina scientia, & tamen eā non aufert, ergo multo minus eam auferet diuinæ scientiæ certitudo, & infallibilitas. Et confirmatur, quia facta determinatione diuinæ voluntatis circa aliquod futurum, illud eueniret, etiam si per impossibile Deus illud nesciret: ergo minus in medio rerum contingentiam tollit diuina scientia, quàm diuina determinatio. Secundò. Quemadmodum se habet noster intuitus ad ea, quæ intuemur, eodem modo se habet diuinus intuitus ad ea, quæ intuetur: atqui noster intuitus nullam addit rebus conspe-

Etis necessitatem: non enim, quia cer-
no Petrum ambulante, iam fit, vt
necessario ambulet: ita nec diuinus
intuitus cuncta prospiciens efficit,
vt, quæ contingenter fiunt, fiant ne-
cessaria. Hanc rationem ponit Boe-
tius 3. de consolatione prola. 6. sic in-
quiens: Quid ergo postulas, vt ne-
cessaria fiant, quæ diuino lumine lu-
strantur, cum nec homines quidem
necessaria esse faciant, quæ vident.
Num, quæ præsentia cernis, aliquam
eis necessitatem tuus addit intuitus?
Et confirmatur. Quia, si per impossi-
bile Deus ignoraret, Petrum esse pec-
caturum in instanti, a nihilominus
Petrus contingenter peccaret in, a,
ergo non proinde peccat necessario
in instanti a, quia Deus scit peccatu-
rum in, a, alias scientia accedens mu-
taret qualitates rerum, & efficeret
propositiones suapte natura prius cō-
tingentes, necessarias, quod est fal-
sum. Non pugnat igitur, quod Deus
sciat, Petrum esse peccaturum, & ta-
men quod ipse possit non peccare,
vel possit non esse peccaturus. Ter-
tiò. Dei præscientia non aliter præ-
uidet res fore, quam illæ sint futurae
atque futura cōtingentia futura sunt
contingenter, & libera liberè: ergo
Deus præuidet, contingētia quidem
futura esse contingenter, libera verò
liberè. Exempli causa. Deus præsci-
uit Petrum peccaturum, cumq; nul-
lus peccet, nisi voluntariè, & liberè:
sequitur, vt Deus sciat, Petrum libe-
rè peccaturum. Consequentia fir-
ma est, siquidem Deo non sunt res
aliter notæ, quam sint: alioquin aut
diuina scientia esset falsa, aut dimi-
nuta. Hoc ipsum confirmatur ex
Augustin. 3. de libero arbitrio cap. 3.
quo loco communem hanc difficul-

tatem, de compossibilitate rerū cum
diuina præscientia proponit, & di-
luit, vbi sic ait: Attende enim quæso,
quanta cecitate dicatur. Si præsciuit
Deus futuram voluntatem meam,
quoniam nihil potest aliter fieri, quā
præsciuit: necesse est, vt velim, quod
ipse præsciuit. Si autem necesse est,
iam non voluntate, sed necessitate
id me velle, fatendum est. Et re-
spondet Augustinus, O stultitiam
singularem: Quomodo ergo non po-
test aliud fieri, quā Deus præsci-
uit, si voluntas non erit, quam vo-
luntatem futuram ille præsciuerit?
Negat Augustinus consequentiam
illam, nempe, quod, si Deus præsci-
uit voluntatem meam futuram, qd
necessario velim: imò vero (inquit
Augustin.) oppositum concluditur,
vt puta, quod libere velim: nam
Deus præsciuit voluntatem meam,
hoc est, me velle voluntate, & liber-
tate, non ergo necessitate volo, alias
aliquid aliud fieret, quam Deus præ-
sciuit. Vnde subdit Augustin. Cum
Deus si præscius voluntatis nostræ,
voluntas ergo erit, siquidem volun-
tatis est præscius: at voluntas esse
non poterit, si in potestate non erit,
ergo potestatis est, etiam præscius.
Non ergo per eius præscientiam po-
testas mihi adimitur, quæ propterea
mihi certior aderit, quia illæ, cuius
præsentia non fallitur, affuturam
mihi esse præsciuit. Ex infallibilita-
te ergo diuinæ providentiæ, & præ-
scientiæ non excluditur, sed necessa-
rio potius concluditur, rerum cōtin-
gentia, & humanarum actionum
libertas. Vide ad hoc propositum
plura alia apud August.

Sed hoc loco occurrit magna du-
bitatio. Nā si supposito, qd Deus præ-
sciue-



Sciuerit Petrum peccaturum, Petrus peccauit, alias diuina præscientia falleretur, sequitur, quod si possit (illo etiam supposito) non peccare, q̄ diuina præscientia possit falli. Consequentia firma est, quia quemadmodum se habet esse ad esse: ita posse ad posse. Vnde si ad hoc, q̄ euentus præscitus non sit, illud est consequens, vt diuina præscientia fallatur, relinquitur, vt ad hoc, quod euentus præscitus possit non esse, illud sit consequens, vt diuina præscientia possit falli, at diuinam præscientiam posse falli, est impium dicere, igitur euentus præscitus sic erit, vt non possit non fore. Hæc obiectio auget difficultatem, & rem totam efficit non solum explicatu, verum etiā intellectu difficiliorem: nos tamen negādam existimamus cōsequutionem. Nam ad hoc, quod possit non esse, non est illud consequens, quod diuina præscientia possit falli, sed q̄ talis euentus potuerit non præsciri, vt patet ex supradictis. Tādem cum d̄q̄tissimo Ferrar. 3. contra gentes cap. 94. ad finem annotationis concludamus, q̄ cum euidente ratione ostendi possit, diuinam prouidentiam esse certam, & sensu, & experiētiā percipiamus: nos esse liberos, vt qui multa pro arbitrio nostro operemur, fatuum est negare, aut nos libero non esse præditos arbitrio, aut diuinam prouidentiam non esse certam (quorum alioquin notitiam euidentem habemus) propter ineuidentiam eius, quod nostrum ingenium superat, quodque ingenij nostri viribus assequi non possumus.

A D A R G V M E N T A
in principio controuersia
posita.

AD primum dico, q̄ circa bonitatem huius consequentia: Deus scit, Antichristum fore, ergo erit, multi multa dicunt. D. Tho. 1. p. q. 14. art. 3. in solutione ad secundum dicit, quod illud consequens in se est contingens: sed, si suatur, vt diuinæ scientiæ subest, est necessarium, sicut & antecedens. Et cum antecedens ex D. Thom. sit necessarium simpliciter: similiter & consequens. Quidā modernus D. Thomæ interpret eodem loco, vt dubitationem absoluat, prænotat, Dei scientiam duplici ex capite dici necessariam: primò quia est immutabilis, secundo quia est omnino certa, & infallibilis. Prior (inquit) necessitas est secundum quid, & ex suppositione, & sermo est de scientia visionis, & specialiter de futurorū cognitione: secunda verò necessitas appellari (inquit) potest necessitas simpliciter, & absolute, quia infallibilitas, & certitudo est diuinæ scientiæ intrinseca perfectio. Hæc posito respondet, præfatam consequentiam esse bonam: sed docet (& optimè): o sequens illud esse simpliciter contingens, & secundum quid necessarium. Breuiter dico, sicut in præcedentibus ostendi, quod antecedens illius argumentationis, quicquid dicat S. Tho. non est simpliciter, & absolute necessarium, sed contingens, quia, sicut Deus sciuit, Antichristum futurum, potuit oppositum scire, quod & sciuisset, si diuina voluntas ad illud, sicut potuit, se determinasset: est tamē necessarium secundum quid, & ex suppositione. Ex quo interitur, consequens

sequens eiusdem argumenti non esse absolute necessarium, sed secundum quid, quia consequens non potest esse magis necessarium, quam suum antecedens: sed antecedens est necessarium secundum quid, ergo consequens non est absolute necessarium, sed secundum quid, & simpliciter contingens, sicut & antecedens. Et confirmatur. Consequens secundum se sine ordine ad diuinam scientiam est absolute contingens, ergo, ut subest diuinæ scientiæ, non potest esse necessarium simpliciter. Patet consequentia: quia, ut supra ostendimus, diuina scientia non imponit necessitatē rebus, sed eas in sua intrinseca contingentia relinquit. Quando ergo arguitur: Deus scit Antichristum fore, ergo necessario erit: distinguendum est de necessario. Quia si intelligatur de necessitate consequentis, omnino

est falsum: verum tamen de necessitate consequentiæ. Sicut si animal currit, ergo mouetur, hoc consequens est necessarium necessitate consequentiæ, & non consequentis. Caterum sicut antecedens est simpliciter contingens, ita & consequens. Similiter dicendum est in proposito. Nec infallibilitas diuinæ cognitionis illud efficit simpliciter necessariū, quia huiusmodi infallibilitas cum rerum contingentia optime consistit.

Ad secundum dico, quod, ut supra ostendimus, determinatio futuri ad alteram contradictionis partem per diuinam voluntatem non tollit intrinsecam futuri contingentis rationem, quæ in indifferentia ad utrumlibet consistit. Vnde ad argumentum dico, quod consequens necessario erit necessitate consequentiæ, sed non sequentis.

Omnia subijcio ex animo correctioni Sacros. Rom. Eccl.

F I N I S.

Correctore Iohanne Thuilio Marlamontano Tirolensi.



VENETIIS, MDCXVII.

Apud Ioannem Guerilium.

the first of these is the fact that the
 the second is the fact that the
 the third is the fact that the

the fourth is the fact that the
 the fifth is the fact that the
 the sixth is the fact that the
 the seventh is the fact that the
 the eighth is the fact that the
 the ninth is the fact that the
 the tenth is the fact that the
 the eleventh is the fact that the
 the twelfth is the fact that the
 the thirteenth is the fact that the
 the fourteenth is the fact that the
 the fifteenth is the fact that the
 the sixteenth is the fact that the
 the seventeenth is the fact that the
 the eighteenth is the fact that the
 the nineteenth is the fact that the
 the twentieth is the fact that the

the twenty-first is the fact that the

the twenty-second is the fact that the

the twenty-third is the fact that the

the twenty-fourth is the fact that the

the twenty-fifth is the fact that the

the twenty-sixth is the fact that the

52





